

MINISTERIVM
CARDINALIS
RICHELII,
ET
MAZARINII

Cum
OBSERVATIONIBVS PO-
LITICIS.

Ab Anno 1624. Vsque 1652.

Ex libris PP. Erta. Camald.
ppe Vayfauitem.

1840
J. B. L. & Co. (London)
The Librarian

Illustres Cardinales
ARMANDUS. D.

DE RICHELIEU

ET

MAZARINVS,
REGUM FRANCIAE

Ludd. XIII. & XIV. Consilarii

intimi.

SIVE

SECRETISSIMA INSTRU-

CTIO, ET HISTORIA VNIVER-

salis, ab Anno 1624. usque adhuc

tempora,

De

MINISTERIIS, CONSULTA-

TIONIBUS, NEGOTIATIONIBUS, LI-

teris, scriptis, confederationibus, ac demum ma-
chinationibus

IN MATERIA STATUS,

CONTRA VNIVERSAM DOMVM AVSTRIA-

cam, per Italiam, Sabaudiam, Rhetiam, Lotharingiam,

Flandriam, & alias dynastias pera-

ctis.

Cum

OBSERVATIONIBUS POLITICIS AD

quælibet capita.

Opus Gallicum, latinitate dona-

tum.

50) o (50

Francfurti ad Moenum

Impensis JOH. GODOFREDI SCHÖNWETTERI

Typis Joh. Friderici Weisii

ANNO MDCLII.

By Priem. J. I. 12.



GENERO SO ET EXCELLENTISSIMO DOMI-

NO ISAACO VOLMARO, SACRÆ CÆSA-
reæ Majestatis Ferdinandi III. nec non Serenissimi Prin-
cipis Ferdinandi Caroli, Archiducis Austriae consi-
liario intimo : & ad evacuationem Franco-
dalii Legato amplissi-
mo.

VIR EXCELLENTISSIME ET GENEROSE,



Cum libellus iste pri-
mum in Germano-
rum, Vir Excellētis-
sime, & Generose, in-
cidit manus, mira-
tio subiit mentem,
cur sacra propalari paterentur Galli
taciturnitatis. An ut prudentiam ja-
ctarent, erroresue emacularēt, aut
qui hactenus apud ipsos rarissimi
fuere genii rerum gerendam ca-

D E D I C A T I O.

paces, palmam Richelio relinquerent. Germanis arident exotica per morbum fonticum, ubi patriæ fines peregrinando exivêre; inter cætera & hic libellus, cujus drama non nulli spectaverant præsentis. Religio erat, cum alieno idiomate, eoq; communi legi, quòd sæpiculè Austriacam familiam, nunquam satis laudatam suggillet; aliquando & in Cæsarem iniquior, quem hæreditariæ boni publici curæ ætatem impendere novimus utriusq; meritum supremus iudex arbitrabitur. Dandum id tamen censui partium studio, & natalis soli amor, cum vix ab omni fuligine inveniatur defæcatus animus, gnarus utiq; panegyricos semper fortiri æquos censores.

Reminiscentiæ politicæ, ubi historiæ aliquod pensum probetur minùs, ex penu superiorum temporum

DEDICATIO.

rum de promte, demulcebant, ni fal-
lor, mentem, quæ in fervorem abi-
turiat. Ille sua memorat, sua laudat,
sua comprobat Suffenus; eandem a-
liis vel invitus largietur veniam. Fu-
cum, si fecerit, ipsa veritas deterge-
bit, opprobrium, si dixerit, resorbe-
bit. Fax maledicentiæ in flumine in-
nocentiæ extinguitur. Lubuit alte-
ram dramatis partem, quantum li-
cuit, ad nectere, propter conformi-
tatem, & rerum seriẽm continuam.

Cum autem huic operi, præ cæte-
ris, ob salebrosam materiam esset
quærend^o patronus, incidit illud phi-
losophi; sicut animam non nisi ani-
ma intelligit, ita sapientem non nisi
sapientem. Unde pronum fuit arguere,
sacrarum negotia deberi summo Mi-
nistro. Eum sane Te, Vir Excel-
lentissime & Generose, universa
Europa, nedum Germania agnos-
cit, qui non ex penuriâ, quam

D E D I C A T I O

Gallia sponte fatetur, sed ex copiâ
 egregiorum virorum, quos Principum
 Curia, & Aula Cæsaris præ
 omnibus, ad invidiam Italiae ipsius
 ubertim fert, adscitus es ad clauum
 Reipublicæ; eò major hoc regio,
 quantò Cæsar præstat rege. Virum re-
 quirat Germania Cæsarem, qui intersit
 reb⁹, suis videat oculis, optima do-
 mi hauriat consilia, & ingenio æ-
 què ac imperio antestetur: Viros ille
 sibi legit, quos in partem curarum
 vocet, quibuscum gravissima Orbis
 Christiani, quem humeris fulcit, ne-
 gotia partiatur. Virum Te, Vir Ex-
 cellentissime, & Generose ex pluri-
 mis sagacissimus legit, qui ultimam
 paci universali admoveas manum.

Vicennalia ferè regii istius ex bel-
 lo bellum ferere gaudebant, quod
 turbatoribus proclive: Tu bellum
 cum pace commutasti, instrumen-
 tum

DEDICATIO.

tum utique optatum ejus firman-
dæ. Tricennalia Tibi comprecamur, & amplius, ut consiliorum pacificorum proventu fruamur ætatem. Non enim viribus, aut velocitate corporum res magnæ geruntur, sed consilio, authoritate, & sententiâ.

Suscipe igitur, Vir Excellentissime, & Generose hunc libellum ferennâ fronte, quâ soles etiam adversarios contueri, præsta patrocinium hosti ad Tuam mansuetudinem confugienti, postquam facultatem nocendi veneno, quod habet, ademit mors: non ut hinc ullum mutueris prudentiæ adminiculum, qui præceptis aut magistris nihil eges, cum rebus ipsis, unde magistri præcepta eliciunt, abundes, sed ut Orbis tantilla hæc mirari desinat, postquam Tua suspicere inceperit,


DEDICATIO.


quæ si per modestiam Tuam liceat,
aliquando volumen justum confi-
cient ad pacem solidam Germaniæ,
& Europæ tranquillitatem diutur-
nam. Hanc secundum incolumita-
tem Tuam & prosperos rerum suc-
cessus animitus optat.


VIR EXCELLEN-
TISSIME
ET
GENEROSE


CLIENS TUUS
devotissimus.

IOHAN: GODOFREDVS
SCHONWETTERVS











HISTORIA

DE MINISTERIO CARDINALIS

Richelij.

ANNO M. DCXXIV.

*Lans regis Gallia: quis ad ministerium
reipublicæ adsciscendus.*



Qum Numen gubernandis rebus humanis sponte sufficeret, partes supremarum Dynastiarum, Vicarijs ex propenso in genus mortalium animo, communicavit: motibus celestibus præfecit, Monarchijs viros illustres adjunxit. Reges quidem auctoritate supremâ ornavit, eodem non donavit genio. Pondere, mensura & numero Deus omnia fecit, sed veluti Raphaellem & Titianum inter paucos omnibus pingendi studiosis perfecti magistros dedit, ita Reges à Cæsare, Constantino & Carolo Magno, gubernandi modum accipere voluit. Quicquid enim in quovis gēere excellit, Philosopho monēte, mensurâ præbet inferioribus. Hoc encomio fraudare nemo ausit regem Galliæ, populis venerandum. Certum enim, regnum, ipsius ductu, complurium retro seculorum gloriam extendere, ubi dubites, an prudentiæ, fortitudini Justitiæve primas tribuas, aut regibus imitandas propines. Justitiam cognomen nunquam non expetivit, dūm justitiæ normam rebus gerendis sumsit, summam regum gloriam, Majestatis incrementum, consiliorum prosperitatem, pacis firmum fulcimentum. Neque hinc Magni nomine caruerit, cum id maximè ipsius sceptro debeat; Inviētum dixeris ob fortitudinem, Augustum, ob virtutem, Conquestorem ob fortunæ indulgentiam. Nam per dignitatem excellit inter reges, potentiâ evadit fortissimus, consilio sapienti-

pientiam præfert, opulentia divitē facit, & pietas iustum prædicat præ cōsortibus. Quotiescūq; enim nubecula splendorē ejus obfuscare visa, mirandæ prudentiæ materiā præbuit, ut à solo Gallicano tempestates ingruentes dissineret.

Patre gaudet, quē Orbis terrarum à rebus gestis Magnū celebrat: dicam tamen, fortunā olim Philippi Macedonis rebus modū fecisse, ut Alexandro filio campus ad exerendū animū pateret; ita Magno civilium bellorum finem indultū, ut hic noster Ludovicus iustus de Hæresi triumpharet, & ambitioni Austriacæ pedē strueret. Hæc enim exorsus est, quā primū per ætatē equo hædere potuit, victor, qui Crucis labarū Bearnæ inferret, Hæresin per universū regnū exarmaret, Hispāo Regi q; Hungariæ sæpissimē prædā extorqueret, ut illi imaginē Mōarchiæ universalis, domi expolitā, amitteret. Cælū in ipsius mētē jurasse videas, cū obstantia diruat, penē singulis ætibus miracula concedat, regnū beet obediētiā benevolā populorū & victorijs cūulet. Quis igitur tantā sapientiā fortitudinēve in occulto relinquat: nefas enim, laude virtutē, posteris exēplo, quibusvis Politicorū libris potiore privari. Secreta principū silentio quidē tegenda, sed virtutē literis mādari, æquum: ut ut lex illic exigit taciturnitas, gratitudo tamen erga merita, & studiū boni publici istud suadent. Hinc in primis calamus mihi gessit, ut publicitus innotescat istius regni gloria, quē æterno otio addicerē, nisi silentiū rūperet. adeo cōmodā præstabit operā seculis futuris, ubi tramites gubernandi depinxerit. Prosteor sanē, mearū non esse viriū, ut res verbis ex æquē; malo tamē verbis deficere, quā animo erga regē, & studio in patriā, spe plenus, de meliore successū, quod Heroum res gestæ non rarō eloquentiæ vim affuderint cōmentarijs.

Princeps non tritā viā ad gloriā contendens habeat oportet Ministros, suggerendis consilijs, & in rē deducēdis aptos: quos ut rectius legat, consultū puto, Titi Livij sententiā animadvertere, qui tres hōmū facit classes, ubi primarij spōte perspicuunt momenta rerū, domi consilia capiunt, nihil mutuum tenent, omnia penetrant & dijudicant, genio ad quodvis onus apprime forti. Proximor ab his dixeris mediocres, quibus non satis est firmum judiciū & dexteritas; capaces tamē judicij suggesti, & secundum cōsulta gubernādi, ut res maximas cōsequantur. Postremi ordinis fuerint, sui

sui impotētes, alieni incapaces, iudicij inopes; unde plerūq;
deplorandos in errores prolabūtur & passim intrlicantur. Ex
prima igitur classe legat rex Ministros reipublicæ, ad grādia
consilia cōcipienda, & successum felicē expectandū. Sit ipse
ex eo numero, & succenturiata opera ad miraculū procedet
sed inter mediocres subsistēs, tantō magis egebit genio, qui
per beneficiū cæli, suā auctoritate queat, aut alienā debeat
populos regere. Periculo sanē grandi non vacat, Ministrorū
summorū temeraria lectio: Hinc Aristoteles grandē impin-
git culpam Atheniensibus, quōd Magistratū fortibus permit-
terent, cū in eo momento rerū maximē sit spectanda pru-
dentia, ut inepti posthabeantur. Ex quo vis ligno, inquit ille,
non fit Mercurius; neque omnia omnibus conveniunt. Ita-
que viri accommodentur negotijs, ne ex vitio virium aut
consilia heroica evanescant, aut ad perniciem vergant. Ni-
hil utique majus à Mortalibus unquam effectum, quā im-
peria: nihil etiam illustrius præstabunt, quā ut ea rectē gu-
bernentur. Si causæ ad mensuram rerum extenduntur, & vi-
ri ad summa negotia summi postulentur. Oculis objectū re-
motissimū petens, radio polleat acutissimo oportet. Robu-
stior dextra longius percutit: lumen latē diffundendū, vividā
valeat luce; sic omnis causa in operando ampla, requirit ma-
jorem vigorem. Quæ cum ita sint, Ministri summi genius
longē sit perspicacior oportet cæteris, quōd ad plurima di-
strahatur, memoria vegetior, quōd imagines plurimas repo-
nat; animus capacissimus, quod universa complectatur; sa-
pientia præclarior, quod causas latissimas penetret; pruden-
tia exactior, quōd summam rerum procuret. Vitæ privatæ,
sufficit genius vulgaris, sed gubernaculo debetur excellens
animus. Is in Deum, primam causam & motorem omnium
rerum, respicit: qui ad fiduciariam administrationem regni
sapientiam adhibet præcellentem, ut ea societatem civilem
instar animæ rationalis cæteros motus bono consilio diri-
gat. Hoc ordine neglecto, omnia confunduntur: cū nihil
minus rationi consentaneum sol aspiciat, attestante Spiritu
sancto in Scripturis, quā stultum in tribunalī, & sapientem
despectum. Id verō foret remigi clavum, & gubernatori re-
mum, infimæ sphæræ ductum primi mobilis transcribere.

Cardinalis in partem curarum assumitur.

Virtutes istæ eminentiores Cardinalē exemerant censu

vulgi, ut Regina mater eum Regi filio ad promovenda destinata daret. Nequē tamen in eo vertebatur rerum cardo, nisi & fides accessisset. Ea quidem minus splendet inter ceteras, tantò magis verò hic requiritur, cum summa ingenia ambitioni, avaritiæ, & affectibus mancipata, frustra hic sint. Apparuit autem fides clarissimè in Cardinale, qui nec gloriam, nec opes alibi, quàm in regis commodis quasi vixit. Testimonia ejus rei amplissima viderat rex in summis negotijs, quæ Actuarius intimi senatus tractaverat: opinionem confirmavit, ubi ab Aulâ remotus, nihil quicquam sefetricis Reginæ Matris admiscuit, aut Magnatum studijs ad imminuendam Regis auctoritatem unquam patuit, gnarus utique omnium ad turbandum.

Satis habuit primò, per Diæcesim munus Pastoris boni obire, & de publico cum bonis sentire: sepositus deinde Avenionem, totum se dedit literis, & professioni, ut solitarius ostenderet, se negotijs prioribus consueque parem, quod Politici & modestiam & fidem in summis viris requirunt: ij enim formantur per obedientiam, ut ceteri privatim modestis libentius pareant. Neque etiam rex de fide ipsius ullatenus dubitare potuit, postquam universa Gallia comperit, eum A vinione evocatum, ut Reginam matrem, quorundam sinistris suggestionibus digressam Blæsis, & Inculismi morantem, à consilij perversis revocaret. Ubi honoris apicem attigit, ab invidis unus ad negotium summae fidei adhibitus, quam exeruit in propero itinere, ut manifestum faceret, castigatione ipsorum neglectâ, oneri ferendo parem inventum. Incolebat regina mater urbem munitam, principibus & magnatibus stipata, ad obsequia paratis; quorum potentiæ si tantus genius accessisset, actum videri poterat de malevolis. Et invitabatur ad vindictæ signa prodenda vel Reginæ matris, Dominae suæ studio, quæ præstitam operam amplissimè remunerata etiam tum sola putabatur fortunam malignam placatura: tantum nocuerat undiquaque malevolentia! sed nec memoria præteritæ offensæ, nec pars obsequij, nec spes ampliandæ sortis, nec affectuum morus unquam potuere fidem ipsius labefactare.

Quamprimùm Iaculismum appulit, & virtute nuperam fiduciam reparasset apud Reginam, nihil prius habuit, quàm ut eam cum rege filio reconciliaret. Testabatur à primò li-

mine, quantum afficeretur ejus sorte. in quam operâ inimi-
corum redigeretur: deinde progressus, ut potentius insinu-
aret, & voluntati paulatim vim adferret, insitit molliter,
adhibitis etiam obsequij illecebris, ad oculum ostendens,
videri quidem illam sibi infaustam, quod nec regis perso-
nam, nec consilia moderaretur, fore autem longè deterio-
ris conditionis, ubi famulandum sit turbatorum volunta-
ti: omnium iniquissimo consilio, fortunam suam istis com-
mitti. Gravissimè imprimebat menti, arma, quæ regi sem-
per potiora, viam ad gubernaculum non aperire, ruinâ in-
gruente; Cujus rei plurima adducebat exempla per tumultus
omnium temporum, ut tandem persuaderet fiduciam a-
missæ authoritatis, modò regi uniretur: nec dubitandum,
etsi primâ facies quædam negaret, cum regis filij animus
causam illius agat, licet hinc prudentia, & ministrorum
consilij nullus urgeatur. Nihil pensi, præter contemptum
imbellem in sequestratione istâ fore; cum regi assensu, ad
Aulam sit invitanda, & quo vis obedientiæ honore, pro mo-
re excipienda. Rationibus istiusmodi pugnabat; unde
prudentia fide roborata pervicit, ut dissidio sublato redin-
tegraretur unio, ad Galliæ tranquillitatem. Rex verò qui o-
mnium rectissimè teneret momenta negotij, tanti cepit fa-
cere fidem Cardinalis, ut inconcussam ad omnia arbitrare-
tur: ipsa virtutibus cæteris illustrior, tantum valuit, ut re-
bus gerendis omnium aptissimus haberetur. Nemo facile
dixerit, quàm subito facies rerum fuerit tum immutata, &
ex imbecillitate ad robur emerferit. Genium regis profe-
quebatur obsequio, & ad grandia quævis propensum im-
pellebat, tum modum rei, tum seriem facti disponebat. Quæ
nuper palam agitabantur, et Exteri præcipiebant, ut prius
subverterentur, quàm in actum abirent consilia; modò te-
guntur, cum taciturnitas sit anima consiliorum, quorum
optimam celebratur, cujus momenta non nisi perpetrati
patescunt. Hinc quotidie miranda prudentiæ monumenta
surgebant, quæ Magnates ne mente quidem attigerant.
Fatendum etiam, omnia proniora rege taciturnitatis tena-
citate, evasisse. Marchionis Veterivillani austeritas & fastus
omnium patientiam irritaverat: unde miratio subibat, si
quis nunc, mutatâ rerum facie, pro demerendo rege ad Au-
lam excubabat, ubi Ministri frons benignitatis thronus, &
affabi-

Historia de Ministerio

affabilitas violenta, etiam in difficillimis satisfaciebat, ut vel invitos devinciret. Gravitationem etiam Gratia eò formarunt, ut reverentia intus excitata, amoris nunquam evertat meritum, idemque amor nullo metu displicendi impediatur.

Antiquitus fæderati, ante hostium prædæ expositi, fiduciam in eo ex famâ ponebant; cumque perentisfcerent, tantum genium de propulsandis injuriis non solummodo cogitaturum, arma paulatim capeſſebant, tum ut iniustas usurpationes procul haberent, tum ut authores iniuriarum aggredierentur. Compendio dicam, uti nullis sese partibus unquam addixerat, ita animum à perduellione alienissimum gessit. Hinc Magnates & Religionarii maturè intelligere, sibi ab officio obedientiæ nullatenus recedendum. Itaque turbarum impatiens, ante omnia aliam vitationem eos docuit, ut summam rerum fundamento immoto imponeret: sic omnes boni gaudere, Gallia domi forisq; florere, & antiquum splendorem induere, ob quem nunquam non primum Europæ regnum audivit.

Matrimonium inter regem Angliæ, & Henriettâ Mariam Virginem Gallia principem sancitur.

Matrimonium principis Henriettæ Mariæ, sororis regiæ, cū Carolo Principe Walliæ, postmodum rege M. Britanniæ, inter prima alicuius momenti negotia exoritur, Cardinale Ministerium regni subeunte. Id Hispanus diu metuebat, gnarus utiq; Galliam Angliæ junctam, tantum pondus acquirere, ut cōsilia sibi nō magno molimine sit dissipatura. Hinc eousq; simulaverat, id sibi cordi, adeo ut Pālatinatum doti adiceret cum ab ea mente tantundē abesset, ac rex Magnæ Britanniaæ à vi inferenda: quam telam ad duodecimum annum deduxit, Indies remoris subnascentibus.

Verū ubi rex M. Brit. imposturā sub tegmine tāto animadvertit, tēp⁹ q; in lūcro poni, donec Regias Gallia Virg. alicubi collocasset, quodāplissimis cōiecturis erat assecutus; statuit periculi ergo P. Walliæ in Hisp. ablegare. Is exigua mora cum consiliariis didicit, se varia spe læctatum, iudiciū tamen in regno alieno, metu ludibrii, pressit, quod reversus regi, Iacobo parenti, tam calidè fecit, ut statuerint, maturimè

nego-

negotium abruptere, ne apud ceteros Principes imprudentiæ culpam ferrent, summo regni Senatu etiam intercedente. Id consilium quantocyus in rem deductum, adeò ut rex Iacobus à summo regni Senatu exquisierit rationes recuperandi Palatinatus in medium prolatis diversis causis, quæ sibi persuaderent, leges matrimonii à tanto tempore reformatas, eventum nunquam habituras, cum Hispanorum scopus in Palatinatu tam altè adolescat defixus, ut veli postmodum nequeat: existimare sese, nullas alterius ipsius præbendas aures.

Senatus regni summus facillimè detulit istis rationibus, iam sæpius suspiciones de Hispanorum technis prodens, scivitque mentem ab eo matrimonio abstinendam. Verùm rex Magnæ Britanniæ non hîc fletit, ubi Princeps Walliæ, filius, ex Galliâ redierat, tam animi lætus, quàm amore captus, erga sororem regis, Virginem principem, quam in Aulâ, nulli licet notus, peregrinè veniens, erat contemplatus, patrisque consensum, id matrimonio conficiendo impetrârat. Itaque Senatui id proponitur, & ex plurimis causis haud difficulter comprobatur: maximè verò, quòd Galliæ suæ Religioni assueta, æquè enormes ut Hispania leges pro Catholicorum incremento, non sit postulatura. Consultum, ut Legati in Galliam irent, fundamenta negotij iacturi visum regi, hanc provinciam tradere comitibus Cariliæ & Hollandiæ. Vela fecit igitur Hollandius ad medium Maium, in mandatis habens, ut regē solum, de Palatinatu, quod ferebatur acturus cōveniret; sed reverà ut pertentaret, quo animo exciperetur petitio, & repulsæ vicinus, desineret. Regem ubi salutavit Compendij, primò de medijs recuperandi Palatinatus agere cæpit; suggessit deinde per industriam, quæ mens esset Domini & regis sui, de matrimonio inter Principem Walliæ, filium suum, & principem Virginem, sororem ipsius incundo.

Rex gnarus istiusmodi petitiones, quantumcunq; remotas, cum honore excipiendas, testari magnâ benevolentiam, & cum intimis deliberare. Pensiculabant illi, nihil rectius cōvenire forori regiæ, nullibi ex Imperio tantundem commodi expectari, ultra vicena matrimonia Galliæ cum Angliâ & Scotiâ extare in monumentis historiarû, de libero religionis suæ exercitio facillimè Principi Virgini prospectû iri, postquâ Hispaniæ tanta fuerint concessa, Principes summas

eatenus inferioris esse conditionis, ad Virgines mediocris fortunæ, quodd vix dimidiato seculo fors æqua matrimonij contingat, adeo ut post occasionem neglectam sapiculè cogantur formam annis depascendam innuptæ permittere. Operæ igitur pretium fieri, si faciles adhibeantur aures. Renunciaturum id Hollandius regi suo pergratum fore asseuerabat, negotii progressu ad ampliora mandata reiecto. Rex Magnæ Britanniæ de istis certior, Comitem Carliliæ amplissimè instructum submittit; Ei Hollandius Ambianum usque occurrit, ut de summa rei deliberarent: sic compendio propinqui, à Duce Sevreusiæ duodecim carpentis excipiuntur, & magnificè habentur, iussu & sumptu regio. Ingressis postridie facta copia dicendi: ubi petitio plausibilis visa, rex fiduciarios legit, qui eam perpendere exactius.

Novus erat Cardinalis in Senatu, sed non in rebus agendis, quod regi patuit, ubi liberè iussus dicere sententiam, & rationes plures explicuit, & modum rei benè gerendæ demonstravit, ut prudentiæ primas ferret. Rationes verò istius matrimonij tam commodi hæc ferè sunt, Angliam sic Galliæ unitam, fæderatis Germanis spem facere suppetiarum, cum plurimum ejus intersit Angliæ; conjunctione istâ Austriacorum potentiam & exæquari, & illis Principibus tantillum annitentibus superari; eventu secundo gloriam regno acquiri, inimicis minui. Cumque res præsentis efflagitent, ut Religionariorum temeritas coerceretur, miram hinc rei apparere opportunitatem. ubi Rex Magnæ Britanniæ veretur auxilia illis submittere, & à se impetrari sinat naves bellicas, Rupellæ domandæ. Insuper affulgere spem magnam, Catholicorum per Angliam res in tolerabiliorem locum collocandi, ubi nova nupta & regis gratiam demeruerit, & maritum amore devinxerit. Undiquaque igitur summam felicitatem emicare; dexterrimè negotium, adeoque propere conficiendum.

Admisit Rex omnia; voluitque ut ipse summam rei dirigeret. genius igitur ejus quæcunque penetrare suetus, exiguo tempore per summam industriam omnia expedit, ut ad finem deduceret. Mirum verò eventum consilij exactè respondisse: nam Anglia Galliæ juncta Mansfeldio destinabat exercitum, qui Germaniam irrumperet, & Palatinum in avita restitueret: altero anno rex Magnæ Britanniæ naves misit, quarum ope Rupellani prælio mariti.

maritimo; inferiores fuere. Etiam potiora tulisset Gallia, nisi Sevrensis turbas dedisset, domestici novæ nuptæ imprudentius egissent, & rex Iacobus lucis usuram amisisset. Ad eum enim is Galliæ studebat, ut aliquando purpuratis fateretur, Regem præ omnibus Antecessoribus multum obtinuisse, paratum se, & populorum & suam ipsius vitam regis commodis impendere: occursum se perduellionem in Galliâ meditantibus. Nihil minus Catholici à novâ nuptâ sibi promittere poterant, modò mors indulisset Monarchæ vitam ad consummationem matrimonij. Flagrabat enim tanto nunquam visæ desiderio, ut aliquando nuntiaret ex animo ad modum tenero, non inapune laturam, quod neque suas, neque filij, Principis Walliæ literas, nisi permissu reginæ matris legere sustinuerit: gratum tamen quod lætas seposuerit, suas quidem sub cervical, filij verò in sinum, ut argui posset, cui repositorio securè innixura, quem in penetralia cordis admissura esset.

Politica reminiscencia.

Inter media tranquillitatis stabilindæ, & potentiæ augendæ ab omni ævo fœdera cum exteris per matrimonia, potissimum valere: sic incendia bellorum, sæpius extincta, & pax languentibus reddita. Exemplo sit Hugo, qui Comes Catalaunensis filius, Alisâ hærede Burgundiæ, in matrimonium ductâ, diuturnis calamitatibus finem fecit. Inimicitia internecina inter familias Burgundiacam & Aurelianensem occasione matrimonij, quo Philippus Comes, Vertusij, secundo genitus Aurelianensis, a Duce Burgundiæ confossi, Catharinam Burgundiacam sibi junxit, aliquamdiu quievere. Idem docet antiquitas; nam Argas Cyrenarum rex, Berenicen filiam unicam Ptolomæo ex fratre nepoti despondit, ut aboleretur memoria injuriarum.

Neque ad pacem duntaxat conducunt matrimonia, cum Principes sic fines suos sæpe numero proferant. Austriaci hæc viâ ad potentiam pervasere, Alsatiam, Austriam, Carinthiam, Tiroleum & Goriciam per Hetringis: per Iohannæ Castellam, & Arragoniam, Siciliam & Neapolin; per Elisabethæ Austriam; per Annæ matrimonium Hungariam Bohemiam obtinere, cum despectui fere essent ab origine Comitum

mitum Habsburgicorū in Heluetiā. Possunt etiam Principes hoc vinculo cōiuncti vires unire, mutua auxilia præstare, & poriora consilia promovere: id quod Ludo vicus XI. callebat, qui, ut Caroli Burgundiaci matrimonium cum Margarethā, Richardi Eboracensis filiā, eādemque sorore Eduardi Angliæ regis disturbaret, ne vires Angliæ Burgundiacis accederent, eandem fratri Carolo expetivit, nullo penitus destinato nuptiarum, providus utique fratris turbarum avidi fœdus cum hoste pari suis rebus obfuturum.

Quemadmodum verò illi à fœdus Galliæ cum Angliæ regno Galliæ periculosum creditum; sic istud commodissimum accedit, ubi Austriacis obnitendum, nec aliunde maior opportunitas affulget, quòd Europæ regnum potentius alterutri Coronæ pondus & summum momentum sit allaturum. Non tamen est cur Gallia sibi promittat, Angliam ratione istius matrimonij, sua neglecturam, quorum Principes sunt tenacissimi; sed id sibi persuadere ausit, ab eādem non nisi ob gloriæ stimulos, aut res maximi momenti hostilia metuenda, imò promta auxilia in grandibus consilijs speranda. Id denique commodi Galliā adipiscitur, ut Angliā hostibus non accedat, tempestatem cum illis non excitet: quod in postremis non habendum, ubi calamitas ingruens, & hostium incrementum distinentur.

Noverat Cardinalis, Ministrum regni ob curam Ecclesiæ omnimodam cæli gratiam regno conciliare, inde omnem impendit industriam, ut ea per Angliam liberius degeret. Ubi innotuit, Carlij & Hollandij potestatem in istis apicibus non multum hæsuram, cum secundum Domini sui opinionem existimarent, ob Religionum per Galliam dissidium, satis fore, si nova nupta cum domesticis omni libertate suam religionem exercendi gauderet: Verum Cardinalis mentem regis rotundè exposuit, complures urgere causas, cur rex ampliora, quàm Hispani, nihilque minus in commodum Ecclesiæ, exigeret. Edocebat simul, regem primogenitum Ecclesiæ, adeoque Christianissimum, opprobrio nunquam cariturum, si quicquam remittat: neque fœdus absque consensu summi Pontificis coire, qui pessimè esset laturus, si leges Hispanicis indultis inferiores proponerentur. Repositum,

propte-

propterea maximas in Angliâ difficultates oborituras , cum rex suus eâ ratione Senatui summo istud fœdus cum Galliâ exposuerit quòd ea minus libertatis Catholicis foret postulatura, Hispaniæ vel inde nuncio remisso; legis etiam fundamentalis vim obtinere apud suos, ne qua libertas, regno damnosa, illi s permitteretur. Nonde-

fuit pietati industria; constare sibi, regerebat Cardinalis, nec regem, nec regni Senatum à fœdere Hispanico discessisse, nisi post technas compertas, & animum à Principe Walliæ diversum. Libertatem Catholicorum nihil in regno turbaturam, cum experientiâ plus millies fidē fecerit, nihil æque perduellionem excitare, quàm vim religionis exercitio illatam: nihil æquè ad executiendum obedientiæ jugum stimulare, nec unquam feliciter cessisse, ubi Princeps professionem inveteratam opprimere sit conatus: Posse igni & ense obviari, antequam radices agat; adeò ut postea frustra fueris, rebus charissimis tantò pertinacius servatis: quod axioma Gallia, ratum fecerit, ubi Edicta pacifica Religionariorum plures converterint, quàm suppliciorum rigor, aut belli calamitates. Tanta autē vis sermōni inerat, ut Legati Angliæ non haberent quod opponerent.

Reliquum erat, ut idem regi M. Britannia per suaderetur; quod ab ipsius gentio impetratu facile putabatur, cū ad conversionem ipse propenderet, etiam de quibusdā Catholicæ fidei articulis amplius imbutus, adeò ut Eburodunensem Archiepiscopum, expetitum legatum ad discutendos quosdā articulos fidei, passus sit, Confirmationis sacramento intra Londini pomeria ultra vicies mille Catholicos signare. Obstabat verò summi Senatus auctoritas in rebus maximi mōenti, quæ regis animū avertere posset: Suggestit ergò Cardinalis, hos se opulos declinari, si Marchio Effiatius mitteretur, qui intra privatos parietes transigeret quæcūq; matrimoniū spectaret. Is in mādatis arctiorib⁹ habebat, omnē operā adhiberet, quo regi M. Brit. rationes à Cardinale allatas probè inculcaret; privatimq; adderet, negotio Senatū summū ex Protestatibus & Puritanis cōflatū, in hoc suspitione involui, nec Catholicorum res ei permittendas, hosti utiq; summūq; periculū Principi ex supergressa religiōe creari, cū vitā eaprojicere doceat, & cōtērix suæ, quorūvis vitæ imminuat; vim illā securitati regis invidiosā, cujus cōpluria ex-

qua in Chronicis etiam postremorum seculorum extent. Prægnantissimis istis rationibus Marchio per industriam pondus addat, ut in regis animo valerent, quod apud legatos potuerant, literis eorum non parum adurgentibus.

Articuli matrimoniales inter regem Magnæ Britanniae & Henriettam Mariam Principem Virginem Galliae.

NEgotiatio illa eventum adeo prosperum est sortita, ut Rex ad omnes, in Catholicorum commodum propositos articulos descenderet, legatisque scribendos mandavit. Signantur igitur ab ipsâ & Cardinale Lutetiae Parisiorum, decimo die Novembris, istis legibus: 1. soror regi omni libertate ad exercendam religionem Catholicam, Apost. Rom. unâ cum ministris, eorumque liberis gaudet: ei in eum usum per singula domicilia regia facellum, cum Episcopo & viginti octo sacerdotibus, ad sacramenta & verbum Dei administranda, omniaque Officia cultus peragenda, paratur. 2. Liberi ex istoc matrimonio orti, à matre in religionem Catholicam usque ad annum ætatis 13. aluntur, instituuntur. 3. Omnes ipsius domestici in Angliam deducendi, Catholici, & Galli, à rege Christianissimi molesti sunt; quibus mortem oppetentibus ipsa alios, Gallos & Catholicos cum regis M. Britanniae consensu substituit. 4. Rex M. Britanniae una cum filio, Principe Walliae jurejurando caveto, nullam ratione animum novae nuptiae demutandae religio ne sollicitandum, aut ad ullam rem contrariam, deducendum: scripto etiam fide verbisque Regis ac Principis obligantur, se curaturos, ut Catholici, tam Ecclesiastici, quam seculares, ab ultimo edicto captivi in libertatem asserantur. 5. In Catholicos Angliae propter religionem omnis inquisitio inhibitor; ipsa jurejurando Catholicæ religioni adversante immunes sunt: facultates, quæ extant, ab Edicto ultimo, ipsis restituantur. 6. In summam, Catholici in honorem istius matrimonii ampliora, quam Hispaniae fuerat ob eandem causam promissum, obtineant.

Nec id temporis plura religioni erant optanda, donec nova nupta, omnibus & animi & corporis dotibus, quis insinuat, ornata præpolleret apud regem Iacobum, Principemque Walliae maritum, & colophonem imponeret, quod rex ab ipsius industria & pietate eo vehementius expectabat, cum mulieres in maritos, socerosque amore præpeditos summum dipiscantur imperium.

Politica reminiscencia.

A Principe foeminâ de mariti conversione quidvis jure expectes. Callet enim sexus iste per naturâ suâ delæ artes & maritos pro lubitu, etiâ ad inaccessâ pertrahit. Sola forma ad eò violenter ferit, ut quosvis motus per oculorû fenestras cordi insinuet. Amoris æstus tantû potentia ipsi indulget, ut accedente tâtillo industriæ, persuasiones nemo evadat. Hoc autê præter cætera in conversione maritorum, & populorû subditorum licet animadvertere ejus rei tot extant exêpla, ut historiæ ignarus sit, qui providentiæ divinæ modum istum ab beatitudinem non videat.

Clotildis, Ducis Burgundiaci filia, induxit Clodovæû maritum, inter primos Galliæ reges laudatum, ad fidem Christianam, idololatriâ, per omnem ditionem proscriptâ Chiesuantis, filia Meræi, Angliæ regis, nuptia Ossæ, regis Saxonum Occidentalium, maritum ad Christum convertit, Diunarum numero adscripta. Theodolinda, Agilulphi Lōbardia regis uxor, marito, & potiori parti populi contentum falsorum Deorû persuasit, Evangelij lege suggestâ. Gisella, Henrici Bavari filia, soror eadem Henrici I. Imperatoris, nupta Stephano I. regi Hungariæ, tantum perfecit, ut rex cum universo regno fidem Christianam amplexaretur. Compluria istius generis exempla comprobant, reginas quovis tempore hic plurimum potuisse: unde Spiritus Dei earum ministerio usus, asserit, maritum infidelem per mulierem fidelem sanctificari. Ubi gloria Dei intervenit, calos sentiunt propugnatores. Post eloquentiam fortissimam videmus & gestus corporis invictam rationem præstare, si verbis occulta vis subigendi inest, industria certè omnia mentis robur superat.

Aliæ leges matrimoniales, familiam novæ nuptiæ specialius spectantes.

Prudencia Cardinalis, secundum exactissimam curam de religionis commodo, & regni bono, nihil prætermisit, quod Principis Gallicanæ conditionem illustrare posset. Convenit etiam, ut ipsa octingenta millia aureorum dotis loco auferret, & inde hæreditati, paternæ, maternæ, ac colate-

laterali, si quæcunque obtingeret, renunciaret, idque ex
 au horitate reginæ matris, cui liberorum tutela per na-
 turam convenit. Legati etiam advigilarunt, ut rex Magnæ
 Britannæ ratam haberet, ne quid periculi regno, uti olim,
 enasceretur. Aded scrupulose verò Cardinalis in commodis
 Principis prævertit, ut ad quosvis casus immota perstaret.
 Etiam ipsius vigilantia cautum est, ut Principe Walliæ absq;
 liberis decedente, dos integra, siue Angliam incoleret, seu ad
 Gallos reverteretur: Liberis verò extantibus bes redderetur,
 triente in mobilia verso: cuius usurâ ad dies vitæ frueretur
 octingenta millia librarû Anglicarû, quæ sexagies mille au-
 reos, monetæ Gallicanæ exæquant, in annuo censu haberet,
 latifundijs & domicilijs attributa, quorû esset aliquod supel-
 lectile ita instructû, ut habitatione commodâ præberet.
 Teneretur rex M. Britanniæ ipsam cû familiâ ad splendorē re-
 giû alere; gemimas quinquagies mille aureorû pretio cõpara-
 tas, in favorem matrimonij offerre, quæ nihil minus, quâ quas
 possideat, aut acquirere possit, sibi suisq; propriæ maneat.
 Latifundiorum, quo nomine Ducatus vel Comitatus unus
 intelligatur, administratione quoad beneficia & munera
 quævis, liberâ fruatur. Integrum ipsi fuerit viduæ in Gal-
 liam redire tametsi liberis careat, aut abundet: eo casu te-
 neretur rex Magnæ Britannæ suis sumtibus, & decenti
 pompâ, Caletum usque illam deducere. Familia ad eam
 dignitatem, & ministrorum numerum componeretur excel-
 lenti, quem Virgini Hispanæ nuper negotiatio delineaverit.
 Et ut facta tecta hæc omnia custodirentur, conventum est in
 mulctam quadringenta millia aureorum, si alteruter rex sui
 officij partes adimplere negligeret. Neque enim ulla firmi-
 or sanctio tum apparebat,

Politica reminiscencia.

Omninò hic perpendendum, universum negotium,
 quodcunque verbum ultro citroque relatum, omnes-
 que actus nomine regis processisse, in ejus potestate matri-
 monia sunt Virginum ex regiâ stirpe, legesque nuptiarum,
 aded ut ipsæ nihil contribuant, præter assensum, ad perso-
 nas lectas & leges scriptas. Potest quidem consuetudo im-
 pedimenta obijcere matrimonijs, nisi ordo illius observetur.
 Hinc Papæ in Canone Juris eam potestatem agnoscunt, & in-
 primis

primis Alexander III. qui Episcopo quarenti, an matrimonio inter compatrium liberos valeret, respondit, facile se id tolerare, modo consuetudo patriæ id permetteret. Dicam amplius, eundem Papam professum, posse per Galliam id consuetudinis vigere, ut matrimonium solvatur, quod Romanæ comprobetur. In responso ad Episcopum Ambianum, an matrimonium cum castrato posset constare, ait, se, si Ecclesiæ Gallicanæ consuetudo generalis dissolutionem permittat, patienter laturum, tametsi Ecclesia Romana contrarium observet. Consuetudo autem Galliæ

fert, ut nec Principes, nec mulieres conditionis illustres, quorum matrimonia Rempubicam contingunt, ea non nisi ex mandato & consensu regis contrahant. Secunda stirps regum illustre præbet exemplum, ubi Juditha vidua Edmulphe, regis Angliæ, sine consensu Caroli Calvi nupserat Balduino, qui ex magno Saltuario postmodum evasit primus Flandriæ Comes: quod matrimonium per Episcopos & Clerum Galliæ Sylvanecti congregatos irritum pronunciatum, quamvis ipsa & primis nuptijs, & regiâ dignitate sui juris evasisset, sed eam sententiam nec Papa Nicolaus carpsit, nec tangere voluit. Posset animus sinistrè edoctus suspicioni indulgere, ac si Papa formidolosior obmutuerit. Diversum autem monet fulmen censuræ in Lotharium consecutum, qui vivâ primâ induxerat alteram conjugem, Clero apud Mediomatrices & Colonienses frustra consentiente, donec divortium faceret coactus cū postremâ, in thorum revertente primâ, excussis etiâ duobus illis Episcopis. Rectissimè itaq; noverat, consuetudine Gallorum, Judithæ non permitti quodvis matrimonium.

Tertia stirps aliud exemplum apud authorem majori fide dignum adfert, quod Galliæ professus adversarius, matrimonium per nuncios contractum inter Maximilianum & Annam Britannicam Armoricæ, non quidem ut illud Judithæ consummatum refert, ideo tamen irritum habitum, ex jure regio, quod Carolo VIII. insalutato coisset. In foro Ecclesiastico declarantur partes nexu solutæ, Maximilianus ducit Margaretham Mediolanensem, & Carolus VIII. Annam illam Britannicam Armoricæ, nemine quicquam de alterutrius matrimonij robore disputante.

Cum istæ exempla consuetudinis antiquitatem arguant,
Eccle-

Ecclesiæq; reverentiam erga eam demonstrent, nemo prorsus de causis æquissimis dubitabit, cum Republicæ plurimum intersit, unde vel pacis vel belli principia duci solent; & annotante Tacito, gradus sit ad altiora, in perniciem etiam majestatis. Itaque statuendum, Virgines regias absque consensu Regis non posse válido matrimonio jungi: unde nec ipsæ nec ipsarum tutores unquam recusarunt vel jure jurando, vel quovis modo id regibus spondere.

Philippus Augustus stipularâ fide Mahaute Flandriæ Comite obtinuit, ut ne ipsa, ab Eudone III. Duce Burgundiæ separata, se inscio denuð nuberet. Philippus Namurei Comes eidem Regi fidem obstrinxit, neptes Iohannam & Margaretham, Flandriæ comites, tutorio nomine non elocandas, nisi regis permissu. Iohanna Comes Flandriæ tabulis particularibus Ludovico sancto promissit, se bono regis applausu Simoni Comiti Monfortio nupturam. Johannâ filiâ Philippi Burgundi, redditâ Johanni regi, uti cum Comite Sabaudie transactum convenit ut nuberet ex voluntate regis, solo Delphino præterito. Franciscus dux Britanniae Armoriacæ, inter alias leges Carolo VIII. stipulatus est, filias præter regis benevolentiam nuptum non dandas, adjectâ mulctâ bis centies mille aureorum, oppidis insuper primarijs in fidem regis adaectis, ni promissa servaret.

Pater Berulus legatur ad Pontificem, ad impetrandam dispensationem matrimonialem.

QUam rex Pontifici summo testatus reverentiam, inter primas leges matrimonij per legatos Angliæ contracti sanxerat, ut propter diversa sacra nubentium dispensatio à sede Apostolicâ ante nuptias, impetraretur. Ad eam rem ex mente Cardinalis selegit Patrem Berulum, quem Patres Oratorij agnoscunt supremum, tum ob spectatam prudentiam tum ob pietatis laudem in vulgus, ne inveniret Hispanorum perversitas, quod carperet. Sic prævertit eorum rabiem, matrimonium hoc mirè suggillantium, quodd impedienti tempus perdidissent, prodito imprudenter eodè tegmine, quod ultra undecimum annum produxerant.

Animus sanè non fert opprobria rabularum examinare,

quæ

quæ ambitio evomuit, ubi intellexit, datum Gallia Ministram summum, qui cuniculos educeret, injusta consilia retunderet: dicam quod res est, Berulum in mandatis accepisse, ut propter Romam se conferret, ad impetrandam dispensationem: exponeret Pontifici, regem Magnæ Britannia, filio Carolo, Principi Wallia expetere solum Regis, Henriettam Mariam in matrimonium; non molestè auditum, vel ob conversionem Anglorum: siquidem olim Virgo Gallici sanguinis Christianam fidem occasione matrimonij illi seminavit. Noluisse tamen ob reverentiam in sedem Apostolicam, ipsiusque sanctitatem singulatim, & recordatione suscepti baptismi, ubi Clementis VIII. sponsoris vices peregerit, sine dispensatione negotium perficere. Matrimonium id non tantum ex commodis Catholicorum expendendum per Angliam, sed Orbis Christiani utilitate metiendum: nihil periculi esse de sponsa, quæ ad votum in fide & pietate profecerit, quibus tamen statuminandis addantur viginti octo sacerdotes cum Episcopo: familiam sincerè Catholicam fore.

Regem Magnæ Britannia cum Principe Wallia filio Tabulis & iure jurando obstringi, ne ullo modo, à quovis mens tentetur ad mutandam religionem. Ubi omnia à partibus Virginis sint in tuto, fore, uti à rege, satis prono ad Catholicam fidem, adeoque principe Wallia tenerè adamata, ad utriusque conversionem non parum momenti sit allatura, prout faminis plurimum adcreseat imperij in maritos ac soceros, ubi amor mentes subegit. Ex Zelo Virginis indubitaram sperari industriæ operam, quæ apud socerum & maritum fortè inanis, per liberos pristinam fidem postliminio reduceret, cum ipsi liceat eosdem ad tertium decimum ætatis annum in fide & exercitijs Catholicæ religionis educare; primis pietatis seminibus susceptis & diligenter cultis, ubi tenella mens maximè rapit institutionem, fructus perennes præter dubium productibis, ut ea fides firmata, neque adultæ ætate per Hæresin dispareat. Neque etiam Catholicis per Angliam exigua inde surgere utilitatem, cum præter regem & filium fidem tabulis consignatam sint interposituri, de tollendâ inquisitione & præstandâ impunitate; de captivis relaxandis, & reddendis

facultatibus, à tempore postremi Edicti surreptis, quæ extent: denique de longè majori favore, quam ex fædere Hispanico sperare licuisset. Jussus addebatur, ad majorem Ecclesiæ reverentiam Sponsalia & nuptias modo Catholicorum, ad exemplar matrimonij, quod Carolus IX. inter Margaretham Galliæ principem, & Henricum IV. id temporis regem Navarra conciliârit

Singula ista ipote loquebantur, in oculos vividè incurrentia, ut dubio nullus locus. Berulus enim, & animo & Zelo insignis, dexterrimè rem explicabat, ut Pontifex de brevi coque optato responso spem faceret. Distinuit tamen Dispensationem ad Cardinalium consulta, ne Hispaniam æmulatione provocaret, si alio pede, quam erga ipsam in eodem postualto procederet: Lecti tamen rei tutinandæ, quibus justitia præ benevolentia cordi. Convenère illi sapiusculè, interstitijs Curia solitis, ut pro prudentia & majestate omnia expendisse viderentur; censuere tandem, ita volente Pontifice, Dispensationem indulgendam.

Nihil molestius in hoc negotio, quàm Beruli superstitiosa cura: quasi Angli non satis cavissent, de ministerio liberorum, Protestantibus non deferendo; de non tentandis ministris; de non exigendo jurejurando Catholicis, Sedique Apostolicæ adverso: tamen si discretis verbis tabulæ loquerentur, Regem Magnæ Britannia, Principemque Walliæ scripto cauturos, fide interpositâ, ne id ulterius exigeretur. Permeruit igitur Cardinales cum Pontifice, Bethunio inconsulto, licet Cardinalis prudentia inseruisset mandatis, omnia collatâ operâ agenda, ut rex vigore Dispensationis teneretur regem Magnæ Britannia ad amplius cavendum adigere: ita suæ mentis, ex causis plausibilibus Pontifici suggestit, ut istæ leges Dispensationi arrogarentur, citissimè transmittendæ.

Politica reminiscentia.

VT maximè pietas Ministros ab actibus, qui in religionem

gionem impiangant, arceat; prudentia jubet, eximia prohibita viros adhiberi, ubi iustitia animos ulceratos offenderet. Aequissimi quique iudicium ad axiomata Politicæ exigunt, sed major numerus sensu & specie externâ ductus, sapius negotia ex fiduciario aestimat. Sic opinio Orbem terrarum regit, pretio virtuti constituto, adeo ut autoritas actoris consilia comprobet. Nisi fidem habet Vulpeculæ optima consulenti, virum integritate præclarum à rebus iniquis abstinere dices, cum fama & actioni & sermoni pondus conferat, opinione in vulgus conceptâ, consulta ejus oraculis adæquari.

Priscorum quidam aiebat, Vero nihil fortius: sed ubi opinio in animis mortalium prævaluit, vix ac ne vix quidem demigrat. Ut Medici famosi remedia semper laudantur, sic virtutis fama arcet quodvis opprobrium, Quod Ethnicorum prudentissimi in suum commodum convertere. Ut pietatis plusquam humanæ laudem ferret Scipio Africanus, aliquoties solus in Capitolio versabatur, simulatis cum Jove de Reipublicæ incremento colloquijs: Eodem modo Minos, qui Cretensibus leges præscripsit, in specum descendebat, ut ex Jovis antro, quod vocabat, scriptas, & à numine dictatas proferret: unde quidvis plebi persuasere. Ipse Deus eam videtur rationem ad res maximas tenuisse, lectis utique summorum negotiorum ministris, quorum eximia virtus sermones verò maximè congruas propinaret. Sic Prophetæ

& Apostolis imposuit res sensui plerumque mortalium non obvias, sed ea

dona addidit, ut nemo ferè eo-

rum authoritati de-

rogaret.

Villo Clericus ad regem Angliæ extra ordinem legatur.

REX Pontifice culto, Villoclericum, à consilijs & secretis, cum matrimonij tabulis vicesimo Novembris scriptis, in Angliam mittit, qui ante omnia regi, principique Walliæ testaretur propensissimum animum, unde potissimum coerit matrimonium: ratas haberent leges, & Legatorum fidem de jure jurando, promissisque scriptis exoluerent. Utrumque is præstitit optimè, diversis de regis sui benevolentia sermonibus, ut Galliæ benè capere eum, inprimis regi demonstraret. Consummationem urgebat, ne qui casus qui perventeret: initio facto à tabulis & jure jurando, secundum acta transacta. Uterque igitur nihil moratus, in sancta Evangelia jurârunt, nihil unquam tentaturos, adversus novæ nuptæ fidem Catholicam, Apostolicam, Romanam, aut ad ingrata compulsuros. Promittebant etiam uterque, interpositâ fide & verbo principis; sese Catholicis in omnibus quæ sacra spectant, majorem libertatem, quàm ex favore Hispaniæ adepti forent, concessuros; sacramentum legibus Ecclesiæ Romanæ contrarium non exacturos; procuraturos, ne ulterius obsæra vel ipsi, vel facultates turbentur modò exercitia sinerum obirent, obedientiam honorum civium colerent. Sic geminæ tabulæ & sigillis & juramenti robur utrinque acquisivêre.

Præterea meminerat, sibi à verbis ad res progrediendum, ut Catholicis libertas, promissa obtingeret: instat igitur, & promissa aufert, consummato matrimonio Edictum de relaxandis captivis, & non amplius turbandis Catholicis, promulgandum: cæterorum causâ mandatur sub suo sigillo & signo regio Actuaria Angliæ Conveyo, omnibus notum faceret, quorum intererat, Velle regem, ne ulterius inquirerentur: Conveyus inde regis mentem primicerio, Quæstori, Archiepiscopis, Cantuariæ & Eboracæ, omnibusque primarijs ministris aperuit; singulari ad Quæstorem jussu, ut omnis pecunia extorta, fiscoque illata redderetur, nec ejus rei causâ quicquam in posterum ex-

igere

igeretur. Sic verbis, fide & tabulis Catholici optatam libertatem, modò exercitia sacrorum privatim, & sine rumore peragerent, obtinuere.

Politica reminiscencia.

Regum verba ab omni ævo sancta, Gallos à jurejurando ad donationes firmandas ferè abstinuere. Sic Ludovicus Sanctus tenuit pacem cum Henrico III. Angliæ rege in castris ad Albani fanum, anno tricesimo primo supra millesimū ducentessimum, initam ipse firmare, petēs, ut suo nomine, seque presente, id à Præposito sancti Martiniani Campestris fieret. Cum enim Principis verbum nullatenus violari queat, offendetur utique, si fidem in dubium vocari, adeoque jurejurando firmandam videat. Iam ipso genio principis olim venerabili. ut per ipsum dejerarent, derogatur, ubi jaramentum ab eodem postules.

Multorum tamen sublesta fides consuetudinem jurandi in rebus magni momenti iaduxit, vinculum quippe ætissimum, quod legibus sanctum adeò est, ut nullo unquam commodo dissolvatur. Perjurium geminato urgeatur peccato, cum & cultum Deo debitum violet, teste eo laudato, & fidem, sanctissimum societatis humanæ vinculum, rumpat. Unde Principes præ cæteris fidem colunt, quòd de perfidiâ diffamatis nihil pensi restet.

Christiani verò ante omnia ad amissim colant fidem, ne ad exempla tot Ethnicorum ruborem ducant. Deplorandum verò, plurimos quid differat fraus à dissimulatione, ignorare, nullo morsu conscientie jusjurandum præ utili violantes: Marij sententiæ (in omni antiquitate suggillati quòd seientiam dextrè mentiendi faceret partem virtutis, ingenij gloriâ inde quæsitâ) magis affines, quàm Romanæ Reipublicæ, cui Ptolomæus, Ægypti rex, filiolitute lam commendârat. Neque falsus fuit, cum sincerè administratum regnum ætati adultæ resignaretur.

*Fœdus inter regem & Hollandos
renouatur.*

QVando legati Angliæ Compenchium appulere, Nortuicus, Plavius & Eltenus, legati Hollandiæ extra ordinem, itidem adfuere, petunt suppetias, & fœderis redintegrationem, postquam inducijs elapsis hostes libertatis consilia in exitium sue reipublicæ paulatim exerent. Rex æquè pronus ad fœderatos juvandos, ac suos in officio continendos, benevolè exceptis spem amplam facit desiderij obtinendi; gnarus utique eorum patrociniū honoris fore incrementum, cum ad Principis gloriam pertineat, opprimendos asserere, certo testimonio fortitudinis in suppetijs statuto in Justitiam intelligebat ex historiā Belgij, quæ Austriacis ob everfas leges, & oppressam libertatem, priorem authoritatem abrogavit; Hollandis apprimè stabilitis, postquam jugum obedientiæ, iisdem legibus, quæ vel primum Hollandiæ Comitum attingunt, excutere. Vis enim æquitate pollet, inquit ille, quæ in tutandis imbellibus occupatur; iustissimum utique, libertatem, extra hominum memoriam legibus fundamentalibus sancitam, fœderatis sartam tenetam servare.

Id quod eò certius, ubi principes mutuo contractu, & secundum leges patriæ imperantes, sine detrimento authoritatis eas conculcare nequeunt, maxime circa populos sic potestate exeuntes. Ex quo respectu Hollandi à regibus Hispaniæ, & Archiducibus Flandriæ, cum de inducijs anno 1609 ageretur, liberi & sui juris pronunciati sunt: deinceps à regibus Angliæ, Daniæ, Sueciæ, Anseaticis plerisque, Venetorum Republicâ, compluribusque Germaniæ principibus, per negotia belli pacisque habiti. Hinc justitiæ opus præstat, quicunque adminiculatur ipsorum libertati: eoque iustius, quod libertas semper iustissimam bellis ansam præbuit, invete-

ratâ mortalium opinione, mortem perpetuâ servitute potiorẽ, ubi jus nascendi, & patriæ statuta libertatem dedissent.

Secundum istas considerationes edocebatur Rex quid commodi inde ad Galliam rediret: cum ipsi per sexaginta annos à regno, & maximâ Europæ parte commeruerint auxilia, qui Hispani ad æquilibrium redacti arma occuparint, ne alibi consilia procuderet: sic potissimum valebat ratio divertendi arma, dum Rhætis dominium Vallis Telinæ redderetur. Videbat etiam, Hollandis in omnem eventum auxilia reciprocari, si nunc protegerentur: quorum necessitatem Henricus IV. adversus Ligæ injustam vim apprimè intellexerit: cum Gallia malaciæ similis, ex fato regnorum in easdem angustias incidere possit, bellis civilibus & externis obnoxia, quemadmodum Oceanus quibusvis tempestatibus.

Pervicerunt istæ prægnantissimæ rationes, ne repulsam ferrent Hollandi: rex igitur, rebus æquè justitiam ac fortitudinem spectantibus intentus, legatis amplissima condixit, de suppetijs magnificis, novis etiam iterati fœderis confectis tabulis. Jussus Cardinalis regi summus author, momenta rerum expensâ mense Maio Compendij conclusit; numeraret rex ipsis tres Milliones, ducenties mille libras mutuo, triennij spatio, reddendos primo triennio à bollo finito: ipsinec pacem, nec bellum uspiam sine regis sententiâ aut intercessione tractarent: præberent, si opus esset, naves bellicas, aut emtas, aut conductas æquo pretio: mediatam partem superioris pecuniæ redhiberent, si rex bellum sumeret, aut navale sufficerent auxilium, ad mutui exæquationem, legiones etiam Gallicas, regis sumtu apud ipsius militantes, Caletum vel Diepam deducereut, sic eodem tempore ingressum ad res gerendas Cardinalis matrimo-
nio, quo Rex Magnæ Britanniæ ad favendum Galliæ

obligabatur; & divertendis in Belgium armis Hispanicis, ne Valli Telinæ majorem potentiam præstarent, celebrem fecit.

Politica reminiscencia.

Matrimonium conducunt ad incrementum potentiae sed fœdera cum vicinis contracta ad mutuam defensionem, modò ritè firmentur, maximè geminatis viribus. Sic enim sapiens, tametsi hostis adversus unum prævaleat, duo ipsi resistent. Societas mercatori opulentiam, principi potentiam ad eximia quæque confert. Utilitatem comitatur necessitas: ubi Numinis miteris dispositionem, ut Respublicæ invicem mutuâ indigeant ope. Cum Nulla, teste Aristotele, suis viribus nitatur. In Microcosmo partes mutuam inserviunt, ne nobilissimis quidem exceptis; & Deus ad mensus est potentiam imperijs, ut reciprocis superijs crescant, unde id fundamenti omnibus fœderibus subternitur. Fallitur, quicumque credit, amicitia principis ea necti, cum proprio cuiusque commodo consent, eo non consecuto, continuo dissoluenda. Sed enim potissimam rationem coeunt in dat hostis communis, cui occurrendum, ne post vicinos pessundatos & ipsos conculcet.

Hinc Italorum Legati Antiochum regem in fœdus contra Romanos pertraxerunt, cum demonstrarent, nisi eos perpetuis armis exerceret, amicos quidem jugum subituros, sed ipsius regnum propugnaculis destitutum, eidem hosti passurum. Ob eam causam Principes Aurelianienses Burgundis inferiores, cum Anglis sociabantur, quantumvis invisis; & Ferdinandus Neapolitanus cum Ludovico Sforciâ, nepotis sui tutore, & Laurentio Mediceo amicitiam contraxit, ut ingruentibus Galliarum armis haberet quod opponeret.

Ornanus tribunus militaris in Bastilia carcerem, & inde in Castellum Caen conijcitur.

Dum rex superioribus negotijs vacat, Cardinalis industriâ

dustria optatum successum conciliante, Marchilio Veteri-
villanus, à biennio summarum rerum particeps, regem
monet de Ornano tribuno, qui Ducem Aurelianensem
fratrem scilicet regis gubernabat, rebus novis studentis; is
omnem operam impenderet, ut Ducis gratiam, animum-
que possideret, quod gubernatori in prono erat: inde cri-
stas rollere, palam altiora præ se ferre, & diffidentia se-
mina in animum Ducis spargere, suffocatis reverentia,
amoris ac obedientia genuinae fureulis; Ducis authori-
tatem in metum sui convertere, vanè etiam de officii
q. diversim neglecto gloriari, adeoque primorum auli-
corum diligens conciliator.

Quæ res eo ma-
jorem incuriebat fortitudinem, quod maximorum malo-
rum, civiliumque bellorum scaturigo ex discordia Prin-
cipum plerumque consurgat. Rex igitur, Cardinale li-
bertimè dicere jussu, citra fucum intelligit periculum,
si tribunus id ferret impune. Modestia pertinax genius
Cardinalis ad remedia violenta, quæ ab alijs suggeraban-
tur, regem non impulit, sed perpendendum dedit, re-
gibus per leges Clementia convenire, ut magnatum er-
rores, maxime verò agnitos, & præventos levi brachio
perstringant, cum & sapientissimi quique impingant,
sed penitentia ducti, potiorem referant operam: mo-
deratione sapius ad majorem fidelitatem, & benivo-
lentiam deducente, præ nunquam lapsis, Eam pœni-
tentiam à tribuno Ornano rectissime sperari, quod ha-
ctenus ab officio non recesserit, parente ad finem usque
vitæ exemplar fidelis operæ præstante. Oblitum quidem
fortis suæ, sed facile in viam revocandum, majoriq. venia
dignum, quod maximæ parti mortalium in culmine for-
tunæ vertigo subeat: aciem verò oculorum ad errorè agno-
scendum, per absentiam à Duce firmari, ut præcipitia po-
tius, quam gradus altioris sit animadversurus.

Entibi sapientiam moderatione temperatam cu-
jus ductum rex, ad optima consilia pronissimus, secu-
tus, tribunum jubet ad Pontem sancti Spiritus sece-
dere, provinciae obeundæ. Ille verò præter conjectu-
ras nihil rescitum putans, audacter renuit, Duci patro-
cinium sui persuadet, ut à rege omnibus modis contem-

deret, ne aulâ excedere cogeretur. sed rēx ad omnia immotus, asseverabat, absentiam tribuno mali vitandi occasionem, ipsis amicitia solita fulcimentum præstare. Ubi non erat, quod reponeretur, rex tribunal in carcerem Bastiliæ, & paulo post in Castellum Caën duci jubet.

Molestia carceris errorem tanto animi motu agnoscendum dedit, ut per amicos regi omnem fidelitatem sanctè offerret; deinde intercessione Cardinalis fretus, qui rigorem non nisi adurgente justitiâ sequeretur, libertatem sperare audebat. Marchione Veterivillano, qui obstabat, gratiâ regis lapso, educitur, carcere, & post amplissima promissa redditur Duci, solatio grandis pecuniæ etiam delinitus. Sed nihilo melior factus aut poenâ aut gratiâ, faminarum, adeoque juvenum quorundam tricus immisceri voluit, qui vastum inflabant animum, ob Ducem omnibus metuendum, tanta temeritate, ut hinc inde sese efferret, per se stare Magnatum aliquot desideria, Ducem ab Aulâ subducendi, nisi Mareschalci munere ornaretur,

Ornanus ex tribuno evadit Mareschalcus Gallie.

REx ijs auditis instigatur à viris autoritate præditis, aut carcerem, aut Mareschalci munus ei conferre, alioqui grande malum inde pullulaturum: inclinabat etiam animus irritior ad castigationem, cum alienissimum videretur, metu aut præventionem mali, id honoris extorqueri. Justa tamen iracundia moderamen admisit, persuasitq; Clementiæ, Mareschalci signum officij leges expositurum defuturis bonâ spe conceptâ; adeo ut rex ab exitio procul discederet. Cardinalis eum motum animi fovet, veniam expetit, demonstrat, nihil periculi emergere ex signo dignitatis, cum æquè duci possit, supplicio vel ex ob gratiam amplam illustriore. Sic recipitur in gratiam, dignitate adjecta; adeo ut omnia non minus

nus clementer, quàm superiora sapienter rex peregrisse laudetur.

Politica reminiscentiâ.

Imprudentiæ apex fuerit, principem colere, ut eiusdem favore adversus regem abutere. Is enim quamprimum æmulatione tangitur, nbi officia summa in diversum abeunt; suetum bellis civilibus exordium. Sic ægerrimè tulit Tiberius, Pontifices precibus pro incolumitate suâ nomina Neronis & Drusi temerè adjecisse, licet sanguine eodè orti imperio destinarentur, quod Senatui Pontificique acerbè exprobravit. Idem ubi summi honores matri decernerentur, meditatâ oratione monuit, ut moderati fœminis tribuerentur honores, cum ipse statuerit, & sibi decretos coercere. In Macram satellitum Ducem palam invehebatur. Solem occiduum deserui, orientem adorari, quod Caligulam coleret. Regum animi in his terribili, vix ferunt, liberos coli. Tenerè quidem amabat Demetrium filium Philippus Macedo; offendebar tamen frequentia populi sequacis, quem sibi operosè demerendum inde sumpsit.

Etiam æmulatione nullâ, coercenda istæ insolentia, ne factiones emergant: fatendum tamen, cum mortalibus mala consilia æquè deponere ac concipere liceat, periculo non vacare, si ad extrema progrediare, & ad primam suspitionis umbram exitium inferas. Neque prudentiam Medici, violenta quævis exorienti morbo obijcientis valde laudâro, nisi præstoletur, quid virium natura exerat: sic severè nimis egerit summus Minister, ubi triceis in detrimentum principis patescantibus, authores, pænientiâ præclusâ extirpet. Hinc magno vituperio apud Tacitum vapulat Cecinna, quod obturbas nescio quas acrem vindictam exercuisset, nullo resipiscendi tempore reis permisso: Julius verò Agricola omni laude celebratur, quod plerumque satis haberet, errores agnos-

agnosci, nullo unquam supplicio extremo, ubi spes emendationis appareret.

Summus etiam Minister moderationi idèd maxime debet studere, quando novo homini, vel in commodum principis, benevolentia est captanda. Sic exorìens Sol nunquam æstu lædit, sed calore benigno & suavi orbem terrarum rosas & rore spargit. Quod exemplum summum Minister in oculis feret, semper memor, initia summi Ministerij favoris plena, populi gratiam conciliare, prosperis successibus adeoque gloriâ coronandum.

Marchio Veteri Villanus ad fanum Germanii custodiae mancipatur, in Castellum Ambrosianum seponendus.

DIversissimini motus sortem Ornani exagitârunt, ut modo in præceps ferretur, modò ad summos honores evolveret, ut fortunam cæcam facile agnosceres: sed eandem proterviam & Veterivillano exhibuit, quem ad summum Ministerium summum evexerat, additâ etiam primâ curâ fisci, quem tamen ineunte Augusto regis gratiâ excussum custodiæ tradidit ad fanum Germani, Castellum Ambrosiano propediem inferendum.

Peritirerum non valdè mirabantur Aulæ inconstantiam, ubi fortunæ ludibrio singulari à paucis annis plurimi ad summos honores conscenderant, ut graviore lapsu ruerent præcipites: sic constitutis rebus mortalium, ut supremo puncto elevationis adhæreant casus, plerumque eâ violentiâ, ut calamitas felicitatem æquet. Nemo istæc ignorat, sed uti invidiæ solitum, dispendia Ministris Principum imputare, ita Hispani cujusdam toxico infecit calamum, qui Cardinalis hanc faceret culpam, ob formidinem concedendi Ministerij summi.

Miror verò, quomodo inimicos & regis & regiorum Ministrorum ausus sit veritati tot infligere vulnera,

nera, postquam authores calumniæ. stius Marchionem nihil faciunt, ubi non longo usu didicerunt, id instrumenti rebus suis promovendis minus aptum, sibi met proteruè ruinofum. Digressus enim ejus a sano Germani cum ridiculo non poterat regem inducere, aut cum animi arbitrum fumeret. Id etiam est ignorare eminentem genium Cardinalis, quasi metuisset à Veterivillano fortunæ suæ. Nec Sol timet ab astris obscurari, nec rex Ministerium summum projicit grandi imprudentiâ; gnarus utique istorum rebus agendis sit aptior. Quod Sol exoriens, vitia faciei, per noctis tenebras occulta, ostendit & astrorum coruscationem delet lumine copiosissimo; Cardinalis consiliorum sapientiam ad primum introitum depromsit, quo Marchionis imbecillitas palam facta, & velo obscuro loquacitas prius æstimata regis judicio exempta est; jam Sol nimij splendoris, & viri admirandæ prudentiæ rei peragentur.

In vulgus causæ æstimij evanidi percrebuerant, rege ad Senatum summum postridiè custodiæ perscribente, in culpâ esse ipsius negligentiam, quam viri cordati facile huc erupturam augurabantur. Immutaverat enim, quæ præsentē rege decernebantur; cum Oratoribus contra mandata regis negotiatis; odio publico, ex vindictâ privatâ in quosdam exercito regem oneraverat, monita ad exauctorandos, quis rex integrè fidere poterat, diversa supposuerat: quæ omnia ad eò vera sunt, ut rex, ne incautus rueret, mutaret rationem vivendi, accuratius mandatis inhæreret, cautius loqueretur & ageret, sæpius admonuerit, quod ipsædem literis explanatur.

Sed vitia ejus maximè aperiebantur regi postquam primores aulæ fastu contumelioso offendisset, quoties donaria regia exigent; tum etiam nimio rigore, in amputandis salarijs, & quæ quovis nomine rex antè solitus erat erogare. Istis stimulis acti, regem de omnibus edocuère, accusatoribus constitutis, qui comprobaturi erant, intervertisse, pecunias Hispanicis rebus destinatas, sibi que ac Bellomarchæsi sœcero applicuisse: unde

de rex permotus eum duci iusserit.

Politica reminiscencia.

Nemo dubitat, Ministrum primum omnia confusa reperientem, remedia necessaria circumspicere, sed secundum leges prudentiæ cum moderatione atque affabilitate, ne Medicum imprudentem referat, qui præcipiti usu remediorum, constitutionem decumbentis ad incrementum morbi incendat. Periculosissimum enim, homines ab uno ad alterum extremum brevi traducere, cum id ausus, tela invidiæ atq; odij, ad operam inanem, & præsentius periculum declinare nequeat.

Primi conatus summi Ministri amoris aut odij fundamenta ponunt in animis populorum: unde rigidus processus præter malevolentiam nihil lucratur apud regem etiam sinistrè producendus. Usus, reipublicæ perniciosos si amputet, nemo facile laudârit, ob auctoritatem lapsu temporis firmatam: spatium igitur indulgeat, rem expendendi, paulatimque desuescendi. Prudentiæ magister Tacitus innuit, optimè in republicâ turbulentâ primum obliquari ad vim inveterati moris, ut postmodum dextrè remedium adhibeas, ne omnia primo impetu præceps evertas. Cuius rei gemina adducit exempla, ob contrariam naturam illustria: alterum est Tiberii, qui populo grandi licentiæ ex longo usu pacis sub Augusti dulci imperio assueto indulgit, suggerente prudentiâ, nondum locum factum severitati; consultius fore, aliquamdiu dissimulatione uti: quod ex voto successit. Alterum est Galbæ, optimi præ Tiberio imperatoris, infaustum æquè ac imprudens. qui adepti imperij vitia reseccare instituebat, reorum sanguine severissimè profuso, sed non sine notâ avaritiæ, unde tanto odio flagravisset, ut post pauculos menses Romæ à militibus trucidaretur. Eadem ratio populi gubernandi, quæ agroti, qui ad periculosa extrema

pro-

prolabitur, nisi hydropicus perniciosas adipiscatur aquas: sic enim præcisè negatis immunitatibus, quis longo usu gaudebat, rabiem concipit, auctore mutationum in scopum exposito. Maximè verò convenit summo Ministro, faciem paulatim reipublicæ immutaturæ summa mansuetudo & affabilitas: vix enim ullum vitium detestabilius fastu & impetu, quibus nihil promoveas, nisi ut odium ex negotiis reportes: hinc iustissima ratio medendi fit intolerabilis, dum civilis animus amara gustui efficiat grata, cæteris iniquitatis notâ damnatis. Imo facilius fert populus aliquid vitij in Ministro summo, modo civilem sese præbeat, quàm virtutem difficilem & fastuosam. Omniò mandatis mansuetudine inductis majorem vim inesse experietur, quàm quæ fastu turgent. Mentem itaque Aristidis ipsi voveam, cujus virtutum affabilitas agmen ducebat, ad conciliandos populi animos in quamvis obedientiam efficax: aut Pompeij humanitatem, à cujus oculis nemò unquam tristis recessit: Aut Augusti civilitatem, cujus portæ salutantibus semper patulæ, benignitas petentibus nunquam non obvia. Istis enim exemplis formetur, nec mollitie aut nimia facilitate, turbarum fomite, corrumpatur. Accedat generosa Bruti mansuetudo, qui referente Plutarcho ab omnibus ob naturæ benignitatem amabatur, licet à proposito, menteque rectâ dimoveri nequiret ad ullam tolerantiam.

*Champinnius & Mariliacus fisco
præficiuntur.*

Collapso Veterivillano Rex quærebat successorem prudentem fidumque, cui securè fideret. Consultitur Cardinalis, cum rex sciret, frustra curam rerum gerendarum suscipi, nisi Ministri idonei executioni legantur, qui tanquam anima motum, felicem successum producant.

Hac igitur dere sermo instituitur, aperit Cardinalis, post Veterivillani ineptias à plurimis suggillatus, eisdem muneriduos Ministros præfici commodissimè: cum
longè

longè diversissima sit ratio administrandi fiscum, ad summum Ministerium, nam discordiam & invidiam plerumque turbas gignere in summo Ministerio, infisci verò negotijs gravissimam constituere adversariam, cum fieri non possit, ut æmuli bello Hispanico tributas pecunias intervertant, reciproco indicij metu.

Censuit ergò, utrumque integerrimum legi, ut saltem alteruter officium faceret: qui etiam per ætatem usumque rerum maturuissent, isti muneri inprimis congrui, cum senes sponte ad parsimoniam inclinent, autoritate præpolleant, ad onera populo persuadenda: experientiam verò rerum apprimè necessariam, ne senes despectui sint, sed solidissimo sapientiæ fundamento innitantur, fallacijs fortunæ multoties delusi suo damno in paucis fidem, media sublesta semper habere. Essent præterea mediocres inter inopiam & nimiam potentiam, inops enim tentationibus iurursari de intervertendâ pecuniâ, ad consulendum rebus angustijs; potentes verò quidvis audacter rapturos. Ingenij autem acumen ante omnia requiri, quibus ordo domi esset curæ, cum non facile summis proxima mediocri fortunæ fuit credenda; & ab inordinatis frustra ordinem expectes. Sunt enim istæ dotes fisci administratori propriæ.

Nihil horum latebat regem, isto sermone jam penitus in opinione firmatum. Cardinalis iussus proferre, quos maximè idoneos muneri arbitraretur, Champinnium dixit & Mariliacum, dotibus illis instructos: ætas quippe cum experienciâ effecerat quibusvis negotijs pares; natales & fortuna satis benignè prospexerant de animi & vitæ facultatibus, accedente etiâ integritatis famâ. Unde fisci munus obire iussi. Certum tamen, complures Cardinalis clientes fidelissimos, ob exiguam Mariliaci operam regno præstitam, arguisse rei indignitatem, maximè ob violentiam tempore ligæ. Sed meminert, de consilijs per eventum non judicandum: fortunam non minus prudenter cogitata, quàm temerè suscepta insectari. Dicam amplius Cardinalem unicè optasse, ut Mariliaco aliquid genij irrequieti ex nuperis tumultibus superesset, ob magnam moderationem, quam supplicationum magister, &

Scena-

Senator exercebat; unde colligebatur, per aetatem & u-
sum rerum deferuisse juveniles ignes, seditionibus af-
fines.

Politica reminiscencia.

Cum omnino deceat diffidentiae modum fieri, ubi re-
bus agendis legumur viri, ne cuius temere quidvis
credamus; æquè dedecet nemini prorsus fidem habere,
& à negotiis remove, quos fama & vitæ anteaetæ ratio
præbet. Vicissim in testimonium non leve probitatis ca-
pias, si Minister summus confidat eximiae virtuti, tamen-
si nuper aliquid humani passæ. Malus animus nemini, vix
sibi ipsi fidei; vir bonus verò integritatem adeò veneratur,
ut facile credat.

Diffidentiam optimè veneno, quod Medici remedijs
admiscent, comparavero, si prudenti doli exhibeatur, in de-
ploratis morbis salutari, sin minus, exitiali. Sic diffiden-
tia moderata inter præcipua gubernandi fundamenta
habetur; sed nimia & reipublicæ, & ministro fuerit exitia-
lis. Nullam enim quietem admittit, quocunque modo
tranquillitate turbatâ; suspicio mali consilij quosvis ap-
propinquantes corripit. Nisi cultum insolitum exeras, im-
posturæ metum facis, ipsâ virtute simulationis notam fe-
rente. Sic sibi ipsi gravis, proximos chimæris offendit. Ni-
hil dicam de tenuibus qui reipublicæ sæpius utiles, liberta-
tate destituuntur sese præbendi, unde summum Ministrum
aversantur, cum se despectui esse putent: Fiducia igitur a-
nimo tranquillitatem adfert, amorem mortalium concili-
at, quoscunque commodos adhibet, inimicorum etiam
technis non raro in favorem versis.

Hinc Romani sapienter diffidentiam posthabuere, ut à
muneribus remotos revocarint. Sic Camillus ab exilio
Dictaturam suscipit, Consulatum gerit, & excusso Marco
Livio exercitibus imperat Neque Augustus Lucium Cin-
nam puniit, vitæ insidias struenti, sed majoris fiduciæ ex-
gò consulem fecit, unde neminem majoris fidei in priva-
tis habuit: nam motus animi non sunt remedijs exempti,
adeò ut seditione diffuentes, principi fidem servare di-
cant.

scant. Unde regula de moderandâ diffidentia non quovis exorbitantes comprehendit, sed examen errorum, an proprio genio, an occasione lapsi sint; an occasio etiamnum teneat, an immutatio animi, virtute duce, credi possit, instituit, ut tanto æquius de virtutis notæ cultoribus iudicium fiat, quod Principis, ejusque Ministri laus ex opinione negotiantium fluat: modo habenas per versitati ex fiducia abusu ortæ injiciant.

*Haligrinus, sigilli custos, ab obitu Silierij
fit primicerius.*

DUobus istis Senatoribus aulicis fortuna per Veterivillani casum viam ad honores summos stravit: Mors idem juris sibi Silerio mortalitatem exuente sumsit in promovendo Haligrino, à Custodiâ Sigilli ad primicerij muus. Sepulchro illatus est vir amplissimus, ex censu geniorum illustrium in Senatu, ad Sigillum, & propter vitæ rationem privatæ: unde nuperrimè regis gratiâ lapsus, annitente Veterivillano, potioris virtutis impatiente, triumphavit non genuit ex malevolentia.

Sepositus technis illius Silierium, turbis caruit; intimis & coram & per literas testatus, mutationi nullum jus in constantiam, indignationi, in animum recti conscium. Ajebat, sibi semper curâ fuisse, ad ultimum casum causam penetrare, & in providentiæ divinæ statutis acquiescere; cumq; nemini fas sit refragari, æquum esse, ut ejusdem ordini voluntatem submittat. Nunquam ignorâsse, turbam primariorum munerum comitem, non viros, sed fortunam consequi quod solitudo per experientiâ demonstraret: rarioribus salutationibus, amicorum numero nihil decedere: frui cæterum libertate amplissimâ, quam in summis negotijs non licuisset gustare: ex eâ voluptate dolere se animus sortem per blanditias fortunæ servientium, cum fastidium hoc summis honoribus potius ducat.

Istis meditationibus prudenter solitariæ vitæ procul ab aulâ per annum ferè consuluit, donec ultima dies eum vivis eximiret, gloriâ in animis familiarium nunquam in-

termo-

terroriturâ. Sic igitur Haligrius, autore Cardinale, fit primicerius, ne intercessione rex à more, Sigilli custodiam hoc apice decorandi, recederet. Cardinali innotuerat viri ingenium, non prorsus oneri par, ubi eximia probitatis ornamenta, quibus pollebat, non omnes partes implent; noluit tamen eum ipse novus traducere, quin potius inopiæ genium fortissimum supposuit, ne res publica detrimentum pateretur; non dubiâ spe, de animo per frequentes admissiones ad gravissima negotia formando, licet dispendium alicujus temporis fieret, modò vir tantus loco staret.

Politica reminiscencia.

Difficillimè judicatur de dotibus viri ad summa negotia adhibendi. Certum enim genios excellentissimos sapissimè in minimis deficere, & plurimos admirationem in mediocribus mereri, nullo operæ pretio in summis. Sic Vespasianus ante imperium mūdandæ urbi præfectus, tantam reprehensionem incurrit, ut iussu imperatoris luto conspurcaretur: idem ad summam rerum eventus ostendit, in curiam illam animi ad excelsa nati indicium fecisse, cum summa ingenia quisquillas despiciant.

Videas tamen etiam inferiori muneri aliquando summum studium impendi, & in graviore confundi. Galba rem comprobârit, qui ante imperium eximiam exerebat prudentiam ad summum sui æstimum, quod in ipso principio imperij perdidit. Rationem vix aliam inveniæro, quàm causæ ad effectum, pro naturâ rei, modum justum & ingeniorum ad negotia conformitatem, si maximè interiora inspicere velis. Nacta enim sunt ingenia suos limites, intra quos sæper rectè agere possunt, ubi ulterius urgeas, aut ad ima deprimas, impotentiam prodent. Quo sensu Tacitus Poppeum Sabinum refert, mandatis parem, sed non superiorem: sic T. Livio, Dictatore L. Quinctio Cinninnato animum muneri æqualem arguente, sed exercitus curam derogante.

Verum enim verò in justitiam, & sæpè in prudentiæ leges impinger summus Minister rerum dubius, si virū negotijs

gotijs occupatum, integritatis famâ nobilem, ab honoribus abstineat. Injustitiâ, inquam, maculam vix evasurum fuisse, nisi per integritatem laudatissimam dignum censuisset. Imprudentiâ etiam nonnihil suberit, cum viitus odio intricet obstantes. Addam etiam, eam demum summam potentiâ gloriam, ut omnibus, virtuti potissimum, beneficiat, cum nocere possit. Summus Minister nullo negotio virtutis opinionem adipiscitur, si virtute præditis favet, de pessimis consilijs suspectus, si noceat: Id quod ab exordio primum, ut populum suum faciat. Rectissime intellexit Alexander Magnus quanti id referret, cum querulo purpurato, quod eximijs tantum pateret, respondit, eolere securitatem, ut per illam imperium orbis acquireret.

Fisci administratio excutitur.

MAriliacus fisco præfectus, quietis impatiens, non diu cohibet violentiâ, quin Quæstoribus negotium faccesseret, eo fervore, ut innocentia viciniores vertigine laborarent. Requirebat sanè bonum publicum, modum in plurimis, ne pecuniæ regæ palam dilapidarentur. Hoc enim & regni & bellipervo successu, plebs necessariò novis oneribus premebatur, erogationes regæ, vel gratuite, vel debitæ expirabant: ipsorum verò plurimi luxu diffuebant, pernicioso in publicum exemplo. Abstenuisset tamen rem exaggerare, ne rex accerrimè commotus, omnes crimini affines statueret apud se.

Accersuntur igitur ex quovis summo Senatu integerrimi singuli, sit Curia justitiæ, ad junguntur supplicationum magistri aliquot, & duo Præsides rationum. Liberum fit plurimis accusatoribus, Procuratori summo capita quævis adversus mandatarium ejusve vicarium exhibere: inquiritur in actiones adeò severe, ut ad unum ferè tempestati sese fugâ subducerent. Curia ab Octobre ad Majum sequentis anni justitiam exercuit majoribus minis, quam supplicijs, cum unum pro multis datum sit caput, nonnulli per effigiem in furcâ hæserint.

Cardinalis procellosum hoc aliquamdiu spectabat mature, repressâ per prudentiam lenitate, quin regis justam iram

sedâ.

sedaret; ne in ipso exordio crederetur favere peculatui, ut rei trepidarent, ad integritatem justitiamque revocandi. Primarij verò eorum, ubi de fortunis & vitâ periclitari se vident, ad quodvis officium descendunt regi proponunt communi nomine eam arari rationem, ut nullæ pecuniæ interverti, aut beneficiarij fraudari possent; ibi Cardinalis causam apud regem suscepit. Supplicium tamen crumenæ non subterfugere, novo in futurum instituto, numeratisque septem Mill. onibus librarum. Statuto sancitum, ut quovis decennio istiusmodi Curia in actiones Quæstorû inquireret, remedio ex metu quæsito; secundum novas leges, quæ vix eundem errorem admitterent. Ægrè etiam exacerbatu rex veniam indulgit, postquam Cardinalis rationibus animum ad moderationem reduxit. Is innuebat, Clementiâ principes ad Deitatis laudem proximè accedere, gloriam ex veniâ delictorum exurgere, quam pari vitio perduellionis indulserit rex per tumultus præteritos: nihil hinc pænitiæ metuendum, si revocet in memoriam, Parentem laudati nominis inde maximè celebrem, quod Meduanto, ad officium reverso, aliquando asseverârit, summam sese voluptatem in negotio pacis hausisse, ubi perduelles in gratiam recepisset. Leges Romanorum ad veniam quasi invitare, peculatui exilium irrogantes: Iustitiam principis potius emendationem, quàm ministrorum castigationem querere: consultum videri, ut crumenæ emungerentur ad inopiæ sensum sic tamen, ut aliquando regi subsidia præstare quirent. Vespasianum memorabile dedisse exemplum, cum fiscum maluerit servare, quàm pendere; quod Quæstores Prædio quovis imperio crederet commodiores; prato, cui falcem aliquando immittas; spongiæ, quàm exigente necessitate comprimas, non ab similes.

Tantum robur istis rationibus inerat, apud regis animum, ut valido Instinctu veniam indulgentiam statueret. Solvit igitur Curiam Iustitiæ, gratiam præteritarum facit, & leges sancit, quibus avidissimi quique coercerentur.

Politica reminiscencia.

Nihil novi dixeris, ærarium privatim exhauriri, peculatum Græcis familiarem faciunt Polybius, & apud Xenophontem Chirifophus, qui vix ullum virum alicujus notæ hoc crimine eximit. Aristides ærarij summus præfectus apud Athenienses, demonstrabat publicè, neminè non eorū Quæstorū & sui & præteriti temporis, ipsūq; Themistoclē, pecunias publicas subtraxisse. Gylippus grandē summam à Lylandri servo subtegulas tecti occultatā intervertit, servo innuente, illic plurimas dormire noctuas, quod signum monetæ Atticæ præferebant Ephori tamen, productis testibus, multam irrogarunt. Syllam apud Romanos ejus criminis reum Censorius peregit, hoc maxime argumento, quod natalibus tantillis ortus, ut conductitiā ædiculā uteretur, repentè opulentus evanisset. Nihil verò scilicet, quā exemplorū feriem hic necesse. Non tamen istud munus viris integerrimis unquam caruit, ut ad laudem Periclis contēderint, quē Thucydides asserit, ne drachmā quidem auxisse patrimonium ex quæsturā: id dicam, fuisse olim in divertendis pecunijs publicis quosdam adeò occupatos, ut gloriæ reputarint divitiarū inde partas. Ut ut antiquitatis famam oleat hoc crimen, multas nunquam evasit probatum, vel legibus Græcorum & Romanorum, adeoque Gylippi & Lylandri exemplis. Summam enim arguit imprudentiam impunitas cum peculatus reipublicæ musculos & nervos instar veneni corripit, vigore ad res gerendas evanido. Sic Vespasianus, referente Suetonio, sæpiculè Quæstorum patrimonialia de facultatibus subducebat, furtum abundans fisco reddebat.

Galliæ statuta majorem ferunt severitatem, non rarò in usum deducta, judicijs adversus summos viros exercitis, è quorum numero Petrus Berchæus, Engerrandus Marinnus, Græcus & Camus Bellocius, ejus criminis regnantibus Philippo, Ludovico filio, & Carolo VII. convicti & damnati.

Philippus
Vale-

Valesius Senatu ex tribus Ordinibus regni lecto, statuit, Quæstorum rationes exigendas, curâ pecuniæ publicæ Ecclesiasticis & Equestribus demandatâ, quibus integritas magis cordi foret. Sic Abbates Marmonsterij & Corbiæ, adjunctis quatuor Episcopis, totidemque Equitibus eam provinciam subiere. Petrus tamen Essarsius in carcerem abiit, plurimis Quæstoribus grandi pecuniâ emunctis

Turbæ per Vallem Telinam.

Exactis & mortis & fortunæ imperijs, proximum est, ut res Vallis Telinæ inspiciamus, ubi majoris explanationis gratiâ altius penetramus, exordio à loci facie ducto. Sita est Vallis Telina ad radices Alpium, ad formam latæ fossæ montibus altissimis versus Rhætos, Italiamque separatur: non admodum ampli spatij, una leucâ latitudinem, decem longitudinem absolventibus, fertilissima tamen & maximi momenti apud Hispanos & Venetos ad excipendum militem Germanum, & tutandis & augendis rebus.

Veneti enim, cum negotium illis Paulus V. anno 1603. facefferet, cum Rhætis, quibus Vallis Telina paret, convenerant ut angustię illæ sibi paterent ad necessitatem, tamen si Galliæ deberetur id potestatis secundum leges cum Ludovico XII. sancitas, ab Henrico IV. anno 1602. ad vitæ suæ, regisque istius terminos renovatas, indeque decennio exacto denuò confirmatas. Fædus hoc Hispanorum suscitavit invidiam, qui diversum cum Rhætis in defensionem Mediolani pepigere. Utrumque tamen post diuturnas negotiationes anno 1613. tollitur, Gallicano tantum redintegrato, quod tamen parum tenuit, quod Veneti, cum Ferdinando & Austriacis disceptantes, Actuario Patavino ad Rhætos misso, aliud contrahere, unde & Hispani veteres clientes requisivere, duabus factionibus inde ortis, Plantanâ in Hispanorum, & Delianâ in Venetorum commodum, quæ incendium belli dedere hastenus inextinctum.

Sic ab anno 1617. ad annum 1627. novem seditionibus laboratum, armorum sorte reciprocante, donec Vallis Telinæ

incolæ, pertæsi Rhætorum qui præter aliena sua sacra, in iustitiæ & extorsionibus studebant, ex suspitione abolendæ Catholicæ religionis, instigante Mediolanigubernatore, omnes obedientiam projecere, omnibus Protestationibus anno 1620. trucidatis. Vindictam igitur metuentes, cum Rhæti non magno ausu crudelitatem istam castigare potuissent, ad Mediolanensem confugiunt. Is læto animo occasionem arripit, militem mittit, & Vallem munimentis coercet actutatur. Gallus id temporis subigendis Religionariorum oppidis occupatus, Rhætis adesse non potuit: misit tamen Mareschalcum Bassumpetram extra ordinem in Hispaniam, qui restitutionem Vallis Telinæ, cæterarumque rerum postularet. Id ægerrimè impetratum, Madriti tamè mense Mayo A. 1621. signatum, ampliore Catholicis per Vallem libertate, modo Helvetiorum pagi & Vallis Telinæ incolæ caverent, de Rhætorum fide: Hispani autem ad subruenda pacta, Pagos Catholicos corrumpere, ne promissa firmarent, quâ ratione pactorum vis elusa; aliud fædus cum Rhætis, & alterum tertiumque cum Rhætis & Archiduce Leopoldo dedit, quibus res suas egregiè constituebant, libertate ad militem necessarium ducendum impetratâ. Ringe batur Sabaudus, cum principibus Italiæ & Germaniæ, quorumcunque fortunæ penes Austriacos non erant. Sic res defertur ad regem, qui & istorum & Rhætorum studiosus fædus cum Sabaudis & Venetis pangit mense Februario anni 1623. ad exequenda pacta Madritiana Rhætorumque imperium in Vallem Telinam asserendû. Discebat hinc Hispanus, quantas æmulationes suscitaret usurpatio, sed sibi ipsi difficilem statuit illa munita in potestatem Gregorij XV. Sedisque Apostolicæ ad finem negotiationû omniû resignare.

Ægrè assentitur rex, cum præter Madritiana nova non desideraret pacta, & Hispanis interea angustia paterent Potifici tamen id datum eâ lege, ut munimenta intra tremestre solo æquarentur, quod tēpus tranquillitati reducendæ Roma cepërat. Ibi Oratorem Galliæ agebat Silierius, Pastoranæ duce idem munus ab Hispaniâ gerente. Cumque uterque potestatem accepisset rei agendæ, varia reciprocabant, Galliâ nihil unquam in commodum religionis Catholicæ, liberrimè exercendæ per Vallem Telinam recusante,

te, sed Hispano angustiarum libertatem mordicus retrahente.

Diem suum obit Gregorius XV. succedit Urbanus VIII, iscontinuo alias leges præponit, Ecclesiæ & Catholicis perquam utiles quas Gallia lubentissimè accepit, Hispania ob angustiarum usum negatum audacter respuit. Pontifici id præter mentem accidit, sed à Ministris persuasus; exiguum verò id fore hostimentū pro tot millionibus religioni Catholice per Vallem impensis: unde Pontifex censuit, angustias copijs ad bellum Flandricum & Germanicum adversus Hæreticos tantummodò aperiendas: quod regi nunquam placere poterat, cum angustijs quocumque modo permittis, optata Hispanus obtineret, provincias nempe Austriacas per Germ. annecteret Italiae, quod alibi sumus dicturi principes Italiae, & præceteris Venetos magno Gallie opprobrio, ambitioni suæ immolaret. Cum pacta Madritiana, quibus exequendis conventus ageretur, sic infringentur, regi q; cum Sabaudò & Venetis iam fæderato integrum non esset ante restitutionem omnium recedere. Commendator quidem Silius ab Hispanis circumventus, jam consenserat in legem de angustijs permittendis, sed salvo sigillo, id rex repudiavit, utpote contra mandata factum, maxime post fratris primicerij, & nepotis Pisæi casum, habuitque irritum,

Politica reminiscencia.

Summum periculum intentatur regi, ubi vicinus aliquis princeps provinciam aut angustias, in primis verò: ad auxilia fæderatis submittenda commodas, quibus res publica continetur, invadat. Sic enim illi datur imbecillitatem firmare, junctis provinciarum viribus. Ut Flumina in rivulos deducta, vadum ubi vis locorum præbent: in alveo perpetuo metiunda; sic imperia iam partes divisa facile corripuntur, quæ unita formidinem vicinis incuterent, alijs inhiarent, Hinc Philosophiæ ortum axioma, Virtus unita fortior.

Sertorius exercitum id docuit lepido artificio, cum legeret duos milites, qui caudam equinam convellerent tractim: eosque indolis & roboris diversi, al-

terum robustum sed præcipitis iudicii; hic in pugillum collectis criminibus, omnem operam trahendo perdidit; ille singulis criminibus evulsis rem confecit: quo symbolo Sertorius suadebat unionem & pugnando & ducendo servandâ; cum potentia unitæ æque difficulter vincantur, ac facilius disjunctæ subjungentur. Quod si istæ ratio non permittit ullum in vasioni locum, necesse itidem fuerit cavere, de angustijs ad mutua fæderatorû auxilia: cum illæ non minoris sint æstimandæ, quàm ipsi fæderati; ijsq; amissis nihil reciprocû eum istis restet. nam qui earum usurpationem fert princeps, præciosos amicos exponit prædæ, altero brachio ad defensionem sui amputato.

Hinc reges Galliæ, cum aliquoties animadvertissent, Hispanum Sabaudia imminere, continuò arma tutelaria expedivère, ne Galliâ ab Italiâ avelleretur, longè certissimè, post ea principes Italiæ Hispanorum arbitrio permitti, tunc omni auxilio ex Galliâ, perpetuâ patronâ, seclusos; & Galliæ omni inde auxilio negato,

Bethunius mittitur Romam Orator, revocato Silerio.

Commendator Silerius imposturâ passus, necessario per regem revocatur, substituto, viro summi iudicii & amplæ famæ Bethunio, qui in singularibus habebat mādatis, Pontifici solidè remonstraret, regem Hispanis Vallis Teline angustias nunquā permissurum, rogaretq; supplex, ipsius auctoritatem suâ interponeret, ad pacta Madritiana exequenda, quò juxta justitiæ normam Rhætis & per Val. Telineam, & per Cadacæ tractum, jura sua redderentur. Intellexerat quidem Rex paulò ante susceptum illius iter, repulsam de angustijs Romæ comprobari: unde in viâ mandavit, indices obstinatiores evaderet, sparsâ etiam famâ, ad Hispanorum linguas refræandas, remissionem hic spondentes.

Bethunius Romam perveniens, mandatis ad eò pertinaciter inhærebat, ut Pontifex de regis voluntate nihil amplius dubitaret, & munimenta quamprimum dimittenda sibi statueret. Acquievit quidem

Bethu-

Bethunius tum, sed à rege iussus, Pontifici absque ambagibus ostendit, non convenire, ut ea Hispanis cederent, dissidio in apertum bellum prorsus evâsuro; & Rhætis reddita, Religioni detrimentum asserre. Optimum fore, privatâ suâ sententiâ, ea dirui, juxta pactorum Madritianorum tenorem; aut Vallis Telinæ incolis relinqui, cum quibus facillimè transigi possit. Impeditus Pontifex, quò severteret non habebat, at meditabatur dilationum seriem, nisi protestatione sæpius iteratâ, regem post inanes negotiationes ab armis remedium propediem petiturum, ut per vim obtineret, quod justitia causâ negaret; pressus, Vallis Telinæ incolis munimenta tradere cogitabat, nisi sumtibus sequestrationis metuisset. Eos Hispani erant reddituri sed & Bethunius; metu major difficultas, ne alterutri regi reddita offensam, adèoque bellum suscitarent.

Diversi modi proponuntur, qui à rege nova mandata elicière, ne illorum ullam haberet rationem, orator, sed Pontificem perurgeret, linqueret potius munimenta Hispanis, quàm dilatione importunâ annum traheret rebus gerendis inutilem: sententiâ dubia, Marchioni Cæurio mandaret, arma in Vallem Telinam inferret.

Politica reminiscencia.

FAMILIARE principibus, qui arbitrium pacis inter diffidentes sumunt, Oratores rationibus sponte absonis disferre, cum tempus sperent casum ponendis armis inventurum; nisi & imparato modum lucentur, vires colligendi, ad resistendum. Ibi decet Oratorem & prudentiam & fortitudinem exerere, tum ut propositio-
num monumentis expensis, rationes deteriores rejiciat, causasque justas, cur acceptas habere nequeat, continuò demonstret; tum ut rationibus validis, animo q̄lato regis commoda sustineat, vano importunitatis metu, certo audacter loquendi animo, si res ferat. In abjecto enim animo vituperium, nisi remedij aliquid producat, à propositis dextrè se explicat. Summum vicissim honorem merebitur, si industriam & robur animi exerat, ut negotia difficillima sæpius

sepius isto modo facile terminet, patriam salvo bello eximat, inimicorum fervorem restinguat, cerebrofos ad rationis viam reducat. Sapientiae primas auferet, si metui belli suscipiendi procul habeat, cum inimici in suum id vertere commodum queant. Imitetur igitur Quintum Fabium, qui à populo Romano missus Carthaginem, cepit æquo ferre animo, si quis modus, utrisque commodus ad concordiam pateretur, sui minus, duo pignora, alterum pacis, alterum belli offerre, ut alterutrum sumeret, Romanis utrinque & ad pacem & ad bellum propensis, Magnum incurrent opprobrium, si frivolis propositio-
 bus sese circumagi sinat, ad temporis lucrum, quod legatis Dionysij tyranni usu venit. Missi enim Syracusas pacis conciliandæ causâ, à Dione summo exercitus duce, distinebantur diversis medijs, nullâ certitudine, donec collapsum murum, ubi aditus patebat, sancirent: tandem hoc responso Syracusanis nunquam cum Dionysio conventum iri, nisi imperium deponeret, mediocribus contentus honoribus.

Legatum itidem dixerim decere, ut urgeat, aliquando etiam principem pungat, ubi æquo nullus locus: quamprimum enim hic importunus audiet, domi fortis atque fidelis habebitur: consistat tamen semper intra terminos reverentiæ, summis viris debitæ, ne compuncti resistunt, & offensi ad extrema ferantur. Genuensis id legatus aliquando Galeatium, Mediolani Ducem lepidâ technâ docuit, cum nunquam admitteretur ab obstinato animo, donec Vasculum cum plantâ Basilici obtulit: quo viso obstupescit, & quid sibi vellet, ignarus, legatum accessit, qui ænigma explicaret. Præsto ille agebat, Genuenses pro more plerorumq; principum, plantæ illi non multum ab similes, quæ trita leniter, odorem spargeret gratum; ad succum confusa, scorpiones produceret: magnamque peutorum partem impetravit.

Eò enim sunt animo principes, ut, legato per imprudentiam molesto, & contumelioso, producant scorpiones, bella scilicet internecina per exandescentiam; ubi verò satis prudentiæ & animi ad dexterè & moderatè urgendum adest, rationi parent, & petitis annuunt.

*Marchio Caurius ad pagos Helvetiorum
legatur, ob Rhetia turbas.*

Mandati articulos cum omni prudentiâ & fortitudine Mexequabatur Bethunius, neque tamen ab Hispano quicquam æqui impetrabat, commodo ex dilationibus vafre quaſito. Cardinalis igitur, cui à longo tempore innotuiſſet technæ, regi perſuaſit, ne porro negotiationi inhaereret, ſed armis juſtitiam extorqueret. Conſilium iſtud longiſſimè abibat à more nupero, in eum finem, ut Gallicæ fama & authoritas apud exteros denuò clareſceret, arma ſine hæſitatione Auſtriacorum conſilijs opponeret potius, quàm fæderatorum fortunas conculcari pateretur, quorû ruina Monarchiæ Gallicanæ fundamenta concuteret. Generoſa iſtæ conſilia conveniebant cum regis animo: mittitur igitur Marchio Caurius in Helvetiam, Bethunio Romanam contendente.

Duæ erant partes mandatorum: prior jubebat pagos Helvetiorum reconciliari regi. Catholicis perſuaderi, ut paſtorum Madritianorum fidem ſponderent, ſi qua occaſio, Rhetis imperium in Vallem Telinam reddendi ſubnaſceretur: poſterior ſub fide ſilentij premenda erat, ubi illa ſucceſſiſſet: ſin minus, articulatè jubebatur animare Rhetos, atque armare, auxilia ex copijs ſubmittendis, juxta mandata proxima præſtare. Sociantur itaque ex regis voluntate Rhetorum Centuriones, in legione Helveticâ, qui aliquam operam in Valle Telina præſtarent, neceſſaria expiſcarentur, Marchioni clientes pararent. Optimè tamen ſalvum conductum centies ſexagies mille librarum firmabat, parte ad Helvetiorum animos, hæc potentiffimâ ratione demerendos, parte inſumtus bellicos, ſi uſus ferret, deſtinatâ.

Quamprimum pedem Helvetiæ intulit, Hiſpanorum artes præveniſſe ſenſit, ut operam videretur perdere in aperiendis, ad præcipitem patriæ perniciem, populi oculis. Utebatur Meſminij & Meſnilij induſtriâ per circulos & conventicula, Badenam ad ſummum Senatum contendenſ;

dens; ubi tamen exiguo fructu procedebat, dōcēs Salodori de summa rerū deliberaretur. Suos intereā faciebat Centuriones & argento & rationibus prolatis: edocebat Catholicos, regem de imperio Rhætorum in Vallem Telinam sollicitū quidem sed exereitio Catholicæ religionis cautum velle, ut suspiciones ab Hispanis seminatās dissiparet. Universis verò, sacrorum & reipublicæ bono demonstrabat, Valle Telinā amissā, tria Rhætorum fœdera trahi, quorum Archidux Leopoldus jam partem occupet, his fœderibus sublatis, Hispano omnes angustias sponte patere, in contemptum exiguorum pagorum, unde illis & utilitas cum authoritate magnā adcreseat. Facile exinde patriam invasurum, jure quocunque.

Rationes istæ gravissimæ, connumerato stipendio annuo tantum potuere, ut Berna & Tigurum permiserint primi militem regi scribendum, apparatus quemcumque alicubi deponendum. Patuit autem Marchionis summa prudentia in Conventu Salodorensi, cum famam & suppetias regis palam efferret, argenti prodigus, unde omnia pro voto ferè peracta. Nam Catholici fidedem pactorum Madritianorum erant sponsuri, de recuperandis per vim Vallis Telinæ monumentis nihil solliciti: Bernam & Tigurum sequebantur cæteri pagi, Salodoro per factionem Ladinoieri Roollij dubio.

Catholici tamen eā lege consensiebant, ut Galliæ bono miles scriberetur, Marchio verò Regis commodum & fœderatorum proferebat, nullā palam mentione Rhætorum. Nulla igitur spe majoris pretij, parabat arma in Vallem Telinam, rege de Rhætorum rebus, ubi Landanus & Devausius præmissi ad nutum omnia disposerant, certiore, novorum mandatorum avidus.

Politica reminiscencia.

Respublicæ, exque Democratiæ difficulter magna audent tanto pacis amore, ut quamcumq; belli gloriam, utilitatemve posthabeant. Diverſa ratio Principū, ob fœde-

fæderatorum amicitiam, gloriæ titulos, futuritor-
midinem, vicinæ potentia incrementum, necessitudi-
nes, sensum calamitatis alienæ, & desiderium firman-
di imperij: quæ omnia Rempubicam non tangunt;
dum singuli Senatores privatum spectant commodum,
id sibi persuadentes, nihil damnosius bello, ob fru-
ctus interceptos, commercij & opificiorum detrimen-
tum, quodcumq; malum gravissimum trutinæ opponas,
nisi extrema tandem compellant.

Reperias quidem ingenium unum atque alterum
summis conatibus par; sed ubi suffragia numeratò, non
ex merito valent, idem illis accidit, quod rectæ rationi
à perniciosis desiderijs voluntatem ruentem frustra re-
vocanti. In cassum plebes metu futurorum terretur, cum
genius debilis ultra præsentia non feratur; sensu enim
feritur, mavult fortunæ, rerum humanarum utique præ-
sidi, prudentiæ dissila, summam rerum permittere,
quàm armis tutari: cæterum tenacissima partorum, bel-
li sumtibus avertitur, ad tympani sonum, tormentorum
fragorem, si quando obsidionis aut prælij saltem mentio
fiat, abjectissima. Optes ei & plus fortitudinis & providen-
tiæ ad eos casus, cum procrastinationes magnis rebus ad-
versentur, fluida utique occasione exequendis.

Florentini Ludovico XII. in Italiam contra Ludovi-
cum Sfortiam moventi, documentum præbuere. Fædus
expetebat rex, ut angustijs ipsorum ad necessitatem utere-
tur, Oratores, ut quierè agerent, & protectionem regis
optarent, induci potuere, donec victoriæ compotem vi-
derent, qui fædus jam ex necessitate requiri sentiens, sus-
que habuit.

*Fædus inter regem, Sabaudum & Venetos coit,
de Valle Telinâ restituendâ.*

VBi Cæurius de Helvetiorum & Rhætorum animis
regem fecisset certiozem, jubetur Cardinalis cū Mar-
co Antonio Morefino, Vēetorū Orat. & Abbate Scagliano,
Sabaudia legato de fædere, ad Vallem Telinam restituendâ
proposito prorsus agere. Is igitur, impellente genio, cui
religio

religio est, Exteris fortitudinem regis in quovis negotio suppressere, juxta omnes prudentiæ partes hæc pepigit: Copiæ Galli, Sabaudi & Venetorum ad quintum decimū Septembris coirent, Gallicæ quidem in agrum Bressanensem; Venetæ ad partes Mediolani, Vallis Telinæ & Rheticiæ; Sabaudæ ad alteras partes Mediolani & Genuæ: legio nulle vel plurium gregariorum, cum quadringentis equitibus ex Brixienſi exercitu Cæurio submitteretur in Helvetiam eunti; Conneſtabilis reliquum exercitum Sabaudæ adjungeret, ut Hispanum in agrum Genuensem distraherent, à Valle Telinā tutandā averſum: Cæurius quamprimum juberetur, ter mille Rhetos, & totidem Helvetios scribere, uti permiſſum: conſilia & res communi auctoritate gererentur: ſuntus faceret rex ad ſemiſſem, Veneti ad ſextantem, Sabaudus ad unciam: Veneti tormenta, cū apparatu, & annonam præberent, impensā ad leges fœderis exactā.

Obtulerat præterea Comes Mansfeldiæ regi suam operam, ad cōscribendos vicies quinquies mille peditem, septies mille equitum, auspicijs Palatini, si trecenta, sexaginta millia librarum menstrua numerantur, ad corripendas Austriacorum terras per Germaniā, in Palatinatus viceem. Iſtas rationes Cardinalis legatis Venetorum & Sabaudi proponebat, quæ fœderatorum bono gloriam traherēt, & suo maximo commodo ad recuperandam Vallem Telinam Austriacorum arma diſſinerent. Conventum igitur, ut rex centies octuagies, Veneti centies vicies, Sabaudus sexagies mille libras in ſingulos meſes conferrent. Veneti tamen, uti Rebus publicis familiare diſſiculter ad res ſummas, maxime ubi vagrandi opus ſuntu deſcendere, ſuam ſortem non contribuere, etiam ab agro Genuenſi abſtinentes, in regem Sabaudumq; eo onere devolutu, tui proximo anno dicemus.

Rebus ad hunc modum compositis, rex Cæurio mādāt, grauiſſimam ſibi negotiationem de imperio Rhetorum reſtituendo; contractas copias oſtendaret, ad primum nuntium Bethunij, de tranſigendo deſperantis: additis ijs, quæ cum Venetis & Sabaudæ convenerant, ut rectius procederet, rerum neceſſariarum certus.

Politica reminiscencia.

Tamet si fœdera principum de rebus magnis apud multos male audiant, cum nulla ratione diuturnitatem adipiscantur, exiguo hæctenus successu: magni utique momenti fuerint, quæ tutandis rebus fiunt, cum Aristotele in Politicis annotante, nulla provincia suis viribus consistat: neque etiam nihili fuerint, quæ invadendo hosti parantur, cum principibus possessiones cogitatu etiam intactas spondeant. Illi fidem fecerint Samnites, Romanis aliquamdiu pares, quod Hannibali referebant, sed quod inferiores, Pyrrho fœderati. Istam stabilierit Christianorum Liga, ubi insignem victoriam in Propontide de Turcâ reportârunt, quam singuli nulla ratione sperâssent. Consequentia quidem Ligæ non semper prospera, quod Principes diversis commodis ducantur, & iis, qua armis, qua compositione obtentis, discedant: malû igitur illud imprudentiæ, non fœderi imputetur. In contrahendo fœdere nihil præcipitandum, sed leges commodæ, partesque dispiciendæ, ne illis fallêntibus infortunio vapules. Necessariò sane cum ijs principibus ineûtur, qui nostram expeditionem contingunt, tum ob angustiarum claustra, tum annonæ commodum, & militiæ necessaria. Iffius rei prudens Hannibal, Gallos & Hispanos sibi fœdere junxit in Italiam moturus, obsidibus acceptis, & præsidis hinc inde dispositis. Idem Romani perpendebant, cum ob bellum Macedonicum Ptolomæum Ægypti regem, cuius subsidij difficillime caruissent, fœdere sibi adstringerent.

Quod si habeas, cur de fide ipsorum ambigas, aut locum aliquem munitiorem occupes, aut primores ducas obsides, ut propter salutem ipsorum in fide maneant. Id pluribus Regum, arma Italiæ inferêtium neglectum, summa per angustias pericula & damna peperit. Super sedere licebit ijs pignoribus, ubi fide mutata nihil movere queant: supplemento tamen, quando ab hoste demulsi discesserint parato. Turbat quidem fides fluxa, id tamen commodi ex fœdere traxeris, quod destinata auxiliariis copijs. sumtu communi procedant cætenus. Diffidentia cave

signa extent, ne eandem doceas; sed premantur, ad incommoda quævis prævertenda.

Fœdera denique & cum Rebuspublicis, & cum principibus, eorumque successoribus, ad maiorem securitatem pangantur, quam Eduardus IV. Angliæ rex: qui regno exutus, à quodam Galliæ rege auxilia petijt frustra, quod fœdus cum rege regnoque inustum, violaretur, si Galliæ regnum, regemq; possessorem oppugnaret. Compendio dicam, leges fœderis ad eò dilucidis scribendas verbis, ne ullus commentarius discedendi ansam præbeat, aut frustrandi; erga eos maximè, qui famam cum fide jungunt, & absque eo non facillè mutarent.

*Cæurius ducit exercitum, ad munimenta
Vallis Telina occupanda.*

Eodem ferè momento & mandata regis, & Bethunij literæ, de spe inani transigendi, perferuntur. Cæurius igitur moræ impatiens, statuit inopinatâ irruptione progredi. Tres tribuni Helvetij, totidem Rhæti jam ipsi receperant totidem legiones adducere, ad nutum intenti: cum Oratoribus Venetis & Sabaudis de necessarijs disposuerat; Mœnilius annonam Tigurum alendis Helveticis & Rhæticis copijs comportârat: Venetus eundem apparatus Bergami parari asseverabat.

Valde incommodum accedebat, rem silentio premendam nimis multis communicare, quam & Nuntius Pontificis Scapyus, & Oglianus Hispaniæ legatus odorati, omnem moverunt lapidem, ne Helvetia militiam permitteret, aut angustias. Ob illam frustra fuere, quod Berna & Tigurum, numerato pretio, fidem amplissimè dedissent, certi de validis auxilijs ad res dubias. Angustiam tamen ut apud Catholicos clauderentur, obtinuere; hinc Cæurius ad mandata regis exequenda, à prudentiâ consilium mutuatur.

Vsum itaque quaternos equites ex Bressanensibus suppetijs accipere. & Bernæ transitû legionis Vaubecurtiæ procurare, ut sic ad Rhætos placidè vel impetu penetraret. Satis habebat, eos pagos ex fœdere copijs regijs in
causa

causa iustā transitum debere, adeo ut pertrumpens in æquitate nihil peccare potuisset. Certior etiam de eorum consiliis à Nuntio & Hispano suggestis, colloquium usque ad prociñctum distulit, ut parcius recusarent impetum, & tēpore ad resistendum excluderentur. Omnia ad executionē consilij ubi in promptu habet. Landium ad exules Rhætorū mittit Tigurum, qui arma capefferent. Harcurtio, Landioque imperat, Salisio juncti Rhætiā irruerent, angustias Steigæ pontemque Rheni occuparent, firmarent: quod illi ex templo, sine magna vi effectum dedere. Eodem momento Marchio Randanus copias ex vicinia Tiguri ducit, & nulla opposita vi, Meyenfeldiam descendit, ex patriæ aspectu lætior. Gnarus etiam, quantum momentum ad sumā rerum allatū esset populorum concordia, quos discordia hosti exposuisset, ut ex benevolentia eorū fructū perciperet, ei rei incubuit, paucisq; dieb. magna præstitit. Facile excitavit fastidiū iugi Leopoldici, ob jurisdictionē usurpatā, ut obedientiā, præter jus exactā, projiceret, tribus Rhætorū fæderibus in priscū corpus posthūmū redactis, restituta libertate & imperio, quib. ante bella postrema fruebatur, priscis sigillis fæderum redditis, indulta venia amplissima, quæ omnes provinciales Vallis Telnæ, Clavannæ, & Wormatiæ comprehenderet, abolita perduellionis memoriā, firmatū fædere cum regno Galliar, exceptis Austriacorum terris hæreditariis, & Helvetiorum fæderibus.

Ubi omnes Copiæ convenissent, bis mille pedites, cum ducentis equitibus, sub imperio Harcurtii, servandis Curia, & munimentis Pontis Rhenani, Steigæque relinquuntur, progrediuntur quinto & vicesimo Novembris in Vallē Telnam sex millia peditum, cum tecentis equitibus. In consultatione aliud alijs vitum, Cæurij sententiæ prævaluit, ut Tiraniā versus ducerent, media via ad Venetorum necessaria subsidia excipienda. Prorunt copiæ in Vallem Monasterii. & vident munimentum desertum conflagrare. transeunt in Vallem Poschianam, hostem ex turri Casaccia, dejiciunt, angustias occupant. Sic sese dabant principia.

Sed Wormatienses, metu armorū consternati, deprecatur

mittunt, impetrato etiam regis patrocinio, secundum usum immunitatum, & sacrorum: præsidium tamen aliquid, ob angustias impositum. Aegerime ferebat Cæurius sibi in tam prospero cursu rerum quater mille tantum restare; nec deseruit fortitudo fortunam, licet tormentorum inopia à munimentis expugnandis abstinere iuberet, militis fervor prosperiora sponderet. Plautarum mala in proximo obstabat, adeo munita, ut vim retudissent præsidarii feroces: productis autem fossis, frustra sparso glandium plumbearum grandine, tantam trepidationem concepere, ut sese subducerent, locumque vacuum victori permiserint, qui postmodum fere omnes per Vallem Telinam copias eo contraxit.

Bagnys, Pontificij exercitus imperator, universam Vallem armari miratur, impar etiam sociatis armis, transactionem petit institui. Cæurius ratus, Serbelani Hispanorum duci ad promovendas copias tempus quæri, Salisium jubet fossas ad mania producere: velitationibus certatur per biduum, eo successu, ut Bagnys in Castellum sese colligeret. Instat Cæurius, deditionem maturat, legibus ex reverentiâ in Pontificem, prout rex illius signis omnimodum honorem exhiberi jussit, amplissimis. Suasit tam facilis fortuna, Sondrium petere, cujus incolæ impetrata fecissent, nisi Gubernator obstitisset; deditionem tamen fecere, ubi Cæurius tormenta à Venetis accepta in suggestu collocasset, Castellum quinquagenâ fere disputatione tormentorum usu exuisset, præsidio ad exiguum numerum reducto, ut Gubernator reculis salvis discederet. Hæc est summa armorum, per brevi tempore elabentis anni, niviumque tempestate solita: quam rex pignori cepit, de subjugandâ universâ valle, quod trimestri proximo debetur.

Politica reminiscencia.

Summi ducis est, expeditionem adversus provinciam Saliquam instituendi; prudentiæ non vulgaris signum, fortitudinis eximia corona. Prima instituti ratio, ut prudentia quæcumque speciem consilij occultis circumdet.

Mag.

Magnæ id difficultatis, cum executio numerum postulet, potest tamen & tempus & locus principij recondi, ut omnibus paratis agas, quæ remota videbantur, locoque inopinato. Sic munimenta corripuntur, custodibus imparatis, & facili vim patientibus. Hinc Romani silentium tantifecere, ut ei omnia consilia referrent.

Vix invenias, qui de rupto silentio doleat, compluribus inde gravissimè mulctatis. Dóceat Persens, rex Macedoniæ, cur Romanis bellum illaturus, consilia non satis clam habuerit; Senatumque rei certiores permoverit, ut eas vires opponeret, quæ victoriam retulerint, antequam bellum ceptum Romæ innotuisset. Istius imprudentiæ sequaces, eundem successum à fortunâ expectabunt.

Exinde successus ratio est habenda, ut occasione sese præbentine desis, cum ex eo momento negotiorum summa plerumque pendeat. Ipsum Numen destinato tempore & occasione agit, unde prudens rerum capillos à fronte fluidos ad suum commodum corripiet, ne frustra occipitium calvum prensat. Arboris præmaturis aut serotinis gemmis fructum ut plurimum negant. Prospera agendi ratio tempori adeò inhæret, ut paucorum dierum interstitium spe negotium destituat, aut facilitate juvet. Julius Cæsar, ob eam causam, Suetonio annotante, consilia non exequabatur statuto tempore, sed secundum fortunæ arbitriû, lecto plerûq; cælo ingratisimo, quo nemo quicquã têtaturû credebat. Nō minoris mōenti fuerit loci consideratio, quod experiētia, siue ducas, siue castrametiaris, siue pugnes, quibus actionibus militia ferè absolvitur, cōprobat. Locus sanè Anglis Johannem regem capiendû præbuit, cum ad eam gloriam vineas occupassent, colliculis quibusdam ad prælij campum infessis. Quando autem occasio locum & tempus benignè offert, promptè occupanda sunt, cum nimia mora magnificis consilijs obstat, diligentia infinito numero palmarum exultante. Si Chaumontius exercitum Bononiam versus rapuisset, Pontificem ad pacem, oppido tenuiter custodito, compulisset; sed lento gradu obsidionem exorsus, commodissimâ occasione frustratus est se ipsum.

Promptitudinem & fortitudo fervorque comitentur oportet, ut hostis ad impetum primum trepi-

det. Fortuna enim fortitudinis faulrix, omnia audacia, indulget, famoso ad victoriam principio. Tandem & subacto munitiori loco non acquiescendum, sed victoriæ seivide instandum, ut fructus consequentes colligas. Sic Christianorum copie à prælio in Propontide quievêre, cum Turcam in summas angustias compingere potuissent, qui respiciens, vires recollegit per otium, ut nunquam victus, nedum pugnasse videretur.

*Religionarij Duce Subisio classẽ adornant,
& Blabie portum occupant.*

ARmis Gallia per Vallem Telinam occupatis, Religionarij, externa bella in suum commodum aucupari soliti, & hic aliquid audebant: agerrimè ferebant munimentũ Ludovici, paucis ante annis Rupellæ, instar capistri, ad non dubiã obedientiam, objectũ. Nihil reliqui fecerant, ut de eo per fiduciarios conquererentur, quasi Magoloniensi transactione demolendum esset. Responsum tulere, promissum id quidẽ, sed cã lege, ut religionem Catholicã intra pomeria Rupellæ restituerent, Ecclesiæ quæ usurpasset redditus: sibi ipsis igitur cum defuerint, frustra quærere munimenti demolitionem, quam nec paris conditionis si essent ex æquo flagitare possent. Aequissimum hoc responsum, seditiones animos quibus omnia ingrata sordent, incitavit, ad aliud munimentum occupandum, ut rex disturbance hujus, præ illius recuperatione faceret. Instruunt ergo complures naves ad bellum duce Subisio, non ad simulatum prolixius iter, sed ad occupandum, si queant, Blabiam, Britannia Armoriaquæ portum, Ludovici nomine notum. Res tanto silentio agebatur, ut nec Rupella ipsa, nec alij factiosi interessent, conscientia ad diffidendum libera, ubi eventus decollasset: sin operatus, Languedociam, Xantones, & Pictaviã inundarent, rege ad bellum in Vallem Telinam compactũ, simulq; istud diffusum, impare, qui munimenti demolitione pacem domi foret redempturus.

Subisius, cũ intellexisset, Caurium cum Bagnyo colluctari,

etari, naves in mare devoluit, duas Blabiam præmittit, speculandi gratiâ, quibus ex simulatione cursus prælongi omnia erant libera: accurrit ipse postridiæ ad horam nonam vespertinam, nuncio de negligenti custodiâ accitus, portum subit cum mille militibus præter remiges, omnibus ad facinus egregium necessarijs apprimè instructus. Occupat sex ingentia navigia, partim regis, partim Niversij; exponit militem, & potitur oppido. Munimentum felici errore non rapuit, quod impetu capere poterat, nullis ferè propugnatoribus defensum. Gubernator enim tumultu per oppidum excitato, defensione in parat, portas claudit.

Non diuturna tamen gavissus est possessione oppidi, dum Vindonicensis, Britannæ Armoriacæ rector equestrem ordinem cum quantiscumq; turmis tumultuariè evocat. Undiquaq; concurritur, ipse Vindonicensis celeribus adest Querollinum in munimentum cum subsidio, & annonâ penetrâsse intelligit, excipit Duces Retium & Brissacenum, præter Dynastas viciniore. In medium consulitur, excitandum è regione veteris novum munimentum, ut naves Subisianæ utrinq; tormentis peterentur, & egressuræ portum mergerentur, dum oppidū sex locis diversis oppugnaretur. Munimentum illud mirâ promptitudine surgebat, suggestu quantocyus erecto.

Oppidum sponte deseruerat Subisus, & tormentis continuò pulsatus, vela fecit, beneficio noctis obscuræ, & venti vehementissimi, qui trans rudentes eum rapuere, dimersâ Nivernij pulcherrimâ navj, quam trahebat, quatuor alijs in orificio portus fractis. Sic Rupellam revolat, quæ tamen cum universitate Religionariorum per fiduciarios apud regem, & publico scripto, facinus à sese amoliri studuit.

Politica reminiscencia.

Periculoso errore peccat gubernator, qui custodiâ pace constante, loci muniti, maximè verò maritimi, & in rebus bellis civilibus obnoxia, negligit: sic enim turbis favet penitissimè, mari ad subditos casus semper aperto. Docet

historia sacra, Danicos tribules, ob nimiam securitatem in Lachidos incolas diffidentia vacuos, irruisse, interneccione concidisse, oppido in cineres redacto.

Franciscus, in Italiam movens, oppressa Villâ francâ omnes munimentorum custodes docuit, nullâ unquam consideratione vigilantiam poni, cum aggeribus aut hosti longinquo pessime confidas. Nam Prosper Columna, ei oppido præfectus, suspicione vacuus, indulgebat genio, rege, quod credebat, remotissimo; sed Palissio, quem longissimè adventantem inaudierat, palatium ingresso, obrutum se sensit.

Colorem inducebat quidem error, quod vigilum extremis correptis, Palissius clientelis niteretur oppidanorum. Quicquid sit, ipse Columna magnè licet alioqui famæ, exinde malè audiit, cum nemini minus, quàm istiusmodi viris dicere liceat, Non putâram. Hinc Iphicrates, Atheniensium imperator celeberrimus, exercitui vigilias imperavit, tam pacis, quàm belli tempore, detrectatori respondens, perpetuum timorem obviare subitis casibus.

Vigilantia utique gubernatori inter summa necessaria esto: sicut, imperij honorem gloriâ servitutis absorbere, cum inde excubias cæteris somno indulgentibus, agat. Onera dicuntur provinciarum administrationes, quemadmodum & castellorum custodia. Discat igitur, id oneris prudentiæ suæ impositum; munimentumque non tam gubernatoris, quàm gubernatorem munimenti esse, ut videlicet curam ejus gerat.

Finis primi anni, qui est, 1624.

ANNO MDCXXV.

Nemo non saliente oculo vernalem orbis faciem aspicit, ubi Sol benignâ Numinis manu extollitur, aëre pacato, tempestatibus semotis, terrâ pulchritudinis formas variegante, languoribus hybernis evanescentibus, rigore remittente, abundantia locum sterilitatis occupante,

se, gelu glacieque inteporem concedente, Lætior sanè facies Galliæ, Cardinale ad partem curarum admissò, qui instar Solis illuxit, ut gloriæ dignissimum instrumentum priscū inferret splendorem, bella civilia, singulis fere annis per regnum exorta, finiret, Exterorum ambitioni limites fingeret, auspicia regis Serenissimi firmaret.

Cum rex summi Ministri auctoritatem indies pluries faceret, animum addebat, ut novo lumine genius coruscarer, ad prudentiæ acumen, occasionibus subinde nascentibus, quæ compertum facerent, eum inter Ministros summos, ex omni historiâ laudatos, emicare, quemadmodum Cedrus inter frutices hyssopi. Admirationi omnibus erat vita functionibus publicis mancipata, quæ voluptatibus nuncio remisso, quo cæteri Ministri fortunæ munere marcebant, semper egregiū quid ad gloriâ regis meditabatur.

Neque enim ignorabat, delictiarum immoderato usu perire Ministris summis mille occasiones rerum gerendarum, ministerio pnblico à voluptatibus maximè remoto; inde palam sibi præter honestam recreationem, earum usu interdixit; etiam tyrannidem proprii commodi ex voluntate proscripsit, cum sola gloria regis actiones omnes honoris normâ dirigeret, unde & utilitatem quamcunque ejus sterilem despiciebat.

Exordio sanè maximam admirationem peperit, quod à Numine, peressentiam & operandi modum occulto, mutatus prudentiam, effecta dabat, quorum consilia & processus latuerant, cum antè pleraque majori rumore decernerentur, quàm fierent Seriem historiæ pertexentes, rei documenta notabimus, Fundamento istoc substrato, regem, ubi perspexisset eminentiam genij, consiliorum sapientiam, fortitudinem animi, fidem inconcussam, & dexteritatem agendi, sine exemplo, arbitrum curarum eum sumsisse, uti ipsæ regiæ dignitati sese totum devovit,

Politica reminiscencia.

Summo Ministro Principis gloria, rei publicæ salus acti-
onum omnium scopus esto, Meminerit, reges Numi-
nis imagines vivas, Ministros Soles, à regibus gloriæ pro-

priæ, bonique publici causâ factos, quemadmodum Deus solem dici præfecit, ut splendoris sui infiniti radium exeret, constituto eo principio omnium quæ in oculos incurunt gratiarum per mundum inferiorem. Didicerit itaque, antequam rebus gerendis admoveatur, commodum privatum, familiarum incrementum, in animo summi Ministri quovis hoste perniciosius grassari, reipublicæ administratione à tutelâ orphanorum nihil differente, ubi non tutoris, sed pupillorum spectatur utilitas.

Præter gloriam nullus ipsi scopus permittitur; quam ne per somnium quidem ceperit, nisi egregium quid, in laudem Principis, suiq; ministerij audeat. Sic Cardinalis Ambrosianus partem gloriæ sensit marcescere, cum Principis commodo per Italiam susque habito, suum quæsit: neq; etiam fama ministri excelleret, nisi sese totum Principi devoteat. Verè generosus animus nullum præmium actionum optat, præter gloriam, facinorisq; conscientiam egregij: gnarus tamen, virtutem radios spargere, qui venerandam universo generi mortalium proponant, in quo apice vera demum consistit gloria.

*Deliberat Rex cum Cardinale de bono
publico.*

CARDINALIS genio sedebat, regnis perniciosissimū accidere summorum Ministrorum animos imbelles, qui otiosâ pace gaudeant, dū Exteri potentiae incrementa, nullo obstaculo, inveniunt; in vulneribus domesticis per superficiem sanandis seduli, fonte malorum nunquam quæsito. Certus igitur, ultra mediocritatem solitam exurgere, regi amplissima suggerebat consilia, ut Galliæ splendorem primum Monarchiæ illustrissimè redderet.

Ita comparatum est jure nascendi, ut mortales ad propinquiora magis trepident, quàm ad remota, licet periculosiora: quæ hætenus fuerat consiliorum ratio. Ministri autem istius genius perspicax, præcepta futurorum seculorum serie, regi pericula computat, ostensa aliâ viâ, quæque faciliori, sed per Ministrorum impotentiam à
rege

rege neglectâ. Exiguo negotio demonstrat pacis nimium studiosos, enervare paulatim rempublicam, ubi animi populorum otio torpescant, Exteri vim parent, armorum usu, & incremento potentiae omnibus vicinis superiores. Prudentiam Medici imitatus, qui causas concussae valetudinis edoct, ut ægrotus remedia ingrata hauriat, iudicio de usu illorum permisso.

Serenissimè Rex, inquit, aliquando in Senatu intimo, fametis Princeps, tranquillitatis cupidus, non præter rationem doleat, ubi Ministri rempublicam turbârunt, cum quotidie diversae suboriantur calamitates; gloriae utiq; studiosus nihilterrebitur, cū turbæ materiâ trophæis prudentiae & fortitudini præbeant. Quietè igitur animi noli ægrè ferre, ob errores in administrandâ republicâ commissos, postquam ij. quibus eâ cura incumbibat, fide apprimè integrâ, ingenio ad consilia fortitudinis persequenda non satis robusto, defecerunt, remedio in posterum facili, quod meditaris: siquidem causis perspectis, remedijsq; commodis adhibitis, reipublicae salus stabilietur.

Tuum fuerit quascunque mihi partes delegare; meum ex voto omnem curam, industriam, vitamque ipsam gloriae tuae immolare. Dicam liberè, postquam copiam fecisti de summa rerum deliberandi, me quatuor animadvertere reipublicae enervatae causas: Primam, eamq; externam invenio in Hispanorum ambitione, quæ Europæ imperio delibuta, vicinos nostros, regni propugnacula, ultra fines prætensa premit ut ad limites firmato pede, & irrumpat, ubi visû fuerit, & auxilia amicorû arceat. Cæteræ sunt internæ, adeoque domesticæ, omnium tumultuum fomites, & Leonis instar, regnum depascētes. Altero igitur loco censetur nimia magnatum licentia, quâ authoritati regiae tantum deccedit, quantum ipsi rapiunt. Tertium ordinem ducit militiae inopia, ad subitos casus, fæderatorumq; defensionem. Agmen claudat fiscus inanis, ad bellum quavis occasione sumendum, & ex necessitate ducendum.

Hinc arbitror quodcunq; malû Galliae scaturire, & fœtibus exiccatis evanescere, quavis prosperitate, regni que gloriam successurâ. Subisij ausum de intercipiendâ Blabiâ, dum Rhætis auxilia præbentur, satis docet, factionem illam,

rege

rege foris occupato, sibi nunquam defuturam. Civiles tumultus, annuere, regiae potentiae ad externa tentanda derogant, populis inobedientiae adfuescentibus, unde Magnates auctoritatem, solide sceptro convenientem carptim auferunt. Austriacorum usurpationes, magnum Galliae malum minantur, nisi cohibeas. Et ut omnia compendio dicantur, exiguae copiae, caeque exercitio armorum parum assuetae, nullam avaritiae parsimoniam, regiam potentiam & Exteris, & tumultibus imparem reddunt. Medendum igitur maxime istis vitis, ut Gallia, facie quamprimum mutata, Exteris tenori potius, quam ludibrio fiat. Id consilij raram, adeoque mirandam Cardinalis arguebat prudentiam, ostenso omnis mali germine: & facile regis assensum tulit, ut post ultiores sermones effectui dandum, quod porro annus iste evidens faciet, constituerit.

Politica reminiscencia.

ID demum imminuta reipublicae testimonium, ubi summus Minister, paci otiosae tantum vacat: verum utique Respublicas bellis temerarie susceptis interire, otio enervant. Ipsae Monarchiae sine magnis ausis, infortunio diu carere nequeunt, tranquillitatis periculoso omine: cuius aversissimi etiam imprudentes detrimentum ferunt, juventutem otio imbuunt, animorum vigore marcescente, dum Exteri, armorum pertinaces, praedae inhiant. Sic Romani bella non raro traxere, ut miles haberet quod ageret, perniciosissimo otio careret; juvenili ardore illic erumpente, alioqui ad motus pronus.

Ajunt sane, Eduardum III. à pace Brettiniâ ob eam causam excepisse Britanniam Armoriacam, Philippum Pulchrum itidem filio Johanni exercitia armorum transmare imposuisse. Neque ulli dubium, Henricum II. si pace anno 1159 factâ, subditos externis bellis exercuisset, Austriacisque arma foris opposuisset, bellis civilibus, adeoque extremæ ruinae metu cariturum fuisse. Si quidem rebus humanis negatum, eodem diu stare talo, adeo ut naturæ vim inferat, is coactus. Respublicae navigantium more, continuo feruntur motu; & summus Minister, deficiente ani-

mo ad altiora contendendi, collabentia propediem cernent omnia. Quicquid est rerum inferiorum, à naturâ in motum propendit; ubi clavum pangere tentes, resilit.

Quomodo verò regnum in eodem conserves statum, vicinis per continuum armorum usum ad potentiae incrementum grassantibus, quorum praeda brevi sis accessurus. Insigniter fallitur Minister summus, qui domestica duntaxat expendit, cum Principis gloria non minus in hostium exitio, quam proprijs viribus consistat, potentia ex illorum detrimento procedente. Intendat igitur curas in Exteros, ut usurpationibus obftet, æquè ac in subditos, obedientia continendos. Utrumque neglectum, in principem sæpè tempestates exitiales concitavit, auctoritatem calcavit, vires alieno incremento attrivit, & Rem publicam hosti prostituit.

*Cæurius de novo jubetur exorsam telam in
Valle Telinâ armis persequi*

VIdimus anno expirante, regis animum, de Rhætis adversus Austriacos asserendis, missio exercitu, qui sub imperio Cæurij Vallem Telinam recuperaret. Rationibus à Cardinale rex persuasus justis, iterata mandata Cæurio dederat, ut fortem armorum prosperam sequeretur. Is igitur occasione arreptâ, rerumque cursu considerato, juxta regis mandata, quicquid momenti alicujus esset per Vallem, aut ad angustias usurpatione occupatum, primo anni labentis trimestri, solo munimento Rivæ excepto, sui juris fecit, reverentiâ erga Pontificem adeò sollicitè custoditâ, ut ne tactio quidem fieret.

Exordium victoriarum dederant mense superiore Decembris Planta, Mala, Tirania; quâ operâ defunctus Cæurius, Fondrium ducit, oppido manus dante, castellum tormentis lacerat, vi capit, sex tantum gregarijs ex regio exercitu desideratis. Hinc tanta trepidatio Morbeniam, Travonam & Orbium invasit, ut per legatos res suas dederent: Wormatia tamen in limite Tirolis omnium maximam vim opposuit, vel munimentis confisa, vel animis obstinatoribus.

Tor-

Tormenta igitur promoventur in suggestum, aperiuntur muri, & exiguo propugnatorum numero, rebus ad obsidionem ferendam necessarijs alioqui destituto, fit deductio.

Harcurtius, Campiductor, dum Travonæ hæreret Cæurius, jubetur Clavennam subigere, quod longâ obsidione confecit: Riva inde petitur. Sed obstabat Campona, ab Hispanis infesta: de ijs oppugnandis ubi convenisset, explicatur omnes copiæ; quo cognito, Hispani subsidium immittunt, nostris appropinquantibus ad ducentos passus obviam procedunt, cordatissimè congregiuntur, sine tamen emolumento; eò quòd nostrates tanto robore configerent, ut pugna non acerrimâ eos turbatos ad regressum compellerent. Ubi prævertere non licuit, ob suppetias occurrentes, repulsi ad radices montis, auxiliarijs itidem firmanent, ut multos mactarent, cæteros in fugam effugos, ultra quingentos passus trans Caponâ persequerentur.

Cæurius suos prædæ intentos ubi videt, prudens etiam victoriæ servandæ, si exercitum per ordines contineret, Vausium, Vigiliarum vicarium mittit, qui palantes Gallos colligeret: quod eâ promptitudine fieri non potuit, quin Hispani verecundiâ fugæ moti, irruerent, cæde fugaque mutuâ grassati; Non diuturna lætitia, cum nostrates ad signa reversi tanto fervore pugnarint postmodum, ut Hispanorum plures caderent, reliqui consilio postridie capto, de Campona deferenda, Rivaque fortius tutanda, excederent.

Admiraculum usque succedebant ista: unde causarum scrutatores censebant, partem gloriæ Cæurij quidem deberi prudenti industriæ, partem sibi vendicare militem ferociam, summam tamen prudentiæ Cardinalis attribuendam, qui consilium expeditioni inveniret, media dispexerit semovendis obstaculis, tempusque opportunum sumserit, dum Cæsaris Hispanique vires circa Bredam hærerent, nullo metu Gallorum, quamdiu in Pontificis fide manuque starent munimenta, quæ Hispanorum technis subornatus ipse nunquam redderet, sive formidinem pingerent Rhatorum, adeoque hærescos resurgentis, sive spem fingerent cujuscunque transactionis, qua munimenta illa ex Pontificis potestate nunquam exirent.

Politica reminiscencia.

Consilia magnorum negotiorum præ executione laudem ferunt. Prudentia enim hostes prævenit, inopinato opprimat, vires eorum distrahit, occasionem commodæ pugnae facilisq; victoriæ sumit. Hinc Guicciardiûs in historia inquit, prudentiâ viri egregij potentius agere, quâ exercitus. Philosopho sanè consiliû divinû quid videtur, ut intelligas, ad deitatē sic mortales proximè accedere, cui propriû, asserente Apostolo, omnia ex consilio voluntatis agere. Suffragatur & T. Livius, sibi sæpissimè inter viros milites auditû, primum locum deberi, si quis norit imperare; alterû, si quis norit obedire. Certum quidem, executionē consiliorû æquè necessariam, ac inventionem, quod in vanum consulatur, nisi essent qui manû admoverent operi; fatendû tamē consilium tantò excellentius haberi, cum ex prima virtute, quæ est prudentia fluat; effectus vero robur agnoscat, illi minimè comparandum. Si eremigæ perpetuo labore occupantur, pro diversis operis nauticis, modò vela vertunt, funes colligunt, modò inalum scandunt, prædones speculantur, modò fissuras ne aqua penetraret, obstruunt, adeoq; longè vehementius exercentur, quàm Naucerus, qui in præora desidet, clavum tener aliquando commovendum, à cuius nutu cæteripendent. Nemo ramen illis honorem directi navigij tribuit, Naucero eripit, cuius animus plus agit, quàm membra remigum, eò quòd mentem intendat, & judiciû exerceat ut perferat tēpestatē, scopulos vitet, viam rectam teneat; tantò nobiliori actui inserviēs, quantum mens præstat corpore. Nemo etiam sine iniustitiæ vitio maiorem gloriam executioni facinoris egregij tribuet, quàm ei, cuius mens facunda rem primitus dispexit, prudentia excoxit, medijs agendi instruxit, per judicij robur obstacula excussit ingruentia per industriam, per providam mentem difficultates præcurrunt, omnemque agendi seriem ad optatum successum disposuit. Hoc igitur jure suo postulare potest Cardinalis, quod sapientissimus regum, juxta supernam veritatem scriptum reliquit, sapientia magis æstimatur, quàm

quam robur; & ^{vii} rudens plus gloriæ meretur, quam qui
fortitudinis laude claret.

*Pontifex Cardinali Valettano, adeoque Bethunio
testatur, quàm agrè ferat, munimenta suæ
fidei commissa, per Vallem Te-
linam tentari.*

Primum de fœderatorum suppetijs, ad Vallem Telinam
Rhætis restituendam nuncium adeo turbavit Pontifi-
cem, ut Dominicâ sequente in Sacello sacris interfuerit
vultu demisso, ac meditabundo: postea graviter conque-
stus est Cardinali Valettano, de injuriâ, quam ferret in mu-
nimentis fidei suæ concredit, quæ suis copijs signisque
assererentur, aperto desiderio, cū Bethunio expostulandi.
Is igitur monitus, colloquium petit, non ut querelis satis-
faceret, sed ut interiora rimaretur, per iram maxime pa-
tescentia, inprimis verò ut Hispanicæ factionis acrimoni-
am averteret.

Exorditur Pontifex ad primum
aspectum, Nunquam sese cogitasse, Gallos arma Ecclesiæ
illaturos. In promptu erat responsum, Regem ab istoc op-
probrio alienissimum, cū ab armis Ecclesiæ, & particu-
latim Pontifici ipsi intentandis adeo abhorreat, ut eximi-
am potius reverentiam præstet, ad incrementum ipsius
gloriæ authoritatisque arma & omnem potentiam colla-
turus. Non esse, quod Pontifex se obrutum queratur, regi
multoties contestante, nisi Hispani æquitatem colerent,
Galliam non ulterius laturam; Rhætos munimentis pri-
vari: illa non ut Pontifici concredita haberi, cum seque-
strationis ratio ob causas sæpius productas expirârit, unde
Pontifex æqui intelligens, Vallis Telinæ incolis muni-
menta aliquoties obtulerit. Terminum igitur sequestrati-
onis neque continuari, neque produci potuisse, quòd Hi-
spani redhibitioni obstiterint. Hanc exinde viam, ea extor-
quendi Hispanis, Pontificis fide jam exoleta, in suum com-
modum abutentibus, inventam. Tantò minus itaque Re-
gis actiones suggillandas, quòd Pontifex, pater commu-
nis, æqui studiosissimus, exacto sequestrationis tempore,
Hispa-

Hispanis in detrimentum & opprobrium Gallorum favore possit.

Æquissimis istis rationibus Pontifex nihil opposuisset, nisi ab Hispanis circumventus itentidem graviter de armis Gallorum quereretur. Invenit tamen eum Bethunius aliàs admissus longè moderatiorem, præter solitæ benevolentiae testimonia, addito etiam, Cardinalem Borgia accessisse, ut ex calcato respectu irritatum, ad censuras Ecclesiasticas in regem, nisi contineret arma, impelleret; solito Hispanorum fastu, si Gallis ista permitterentur, Hispanos ultra processuros, consilio ex utilitate sumto, obstaculo quovis petrupto. Ad quæ indignationem non tenuerit, protestatus etiam, sese ad omnia irritamenta, neutras futurum partes. Assuetus tamen Theologorum Romanensium opinionibus, ut bonum publicum ex suâ voluntate metiretur, clarè dicebat, sibi minime ferendum, ut illa munimenta per vim sibi extorquerentur.

Bethunius prudentiâ conabatur derogare illi sententiæ, armorum regionum iustitiâ juxta verum productâ, oblato etiam exercitu auspicijsque regis ad Urbini Ducatum nepoti cuidam ex familiâ Pontificis conferendum. Quos jam fecerat Barberinum & Magalotum Cardinales, compotes arcanorum, & promissis amplissimis de regis favore erga ipsorum necessitates, & munibus regijs, quæ tamen, ne in partes transiisse viderentur, recusabant: factâ etiam mentione matrimonij inter Rieusiam, amplissimæ per Galliam dotis, & Thadæum Pontificis nepotem, quo ille haud parum tumebat, averso licet animo ad hæredem Sulaniæ.

Politica reminiscencia.

Principes bello distenti, ex orto dissidio ob locum unū atque alterum, sapius in sequestrationem consensere: ubi sequester meminerit, nihil sibi autoritatis, nisi onus custodiæ accrescere, ad tempus, & secundum leges litigantium. Antiquitas depositum habuit sacrum, & eius usurpatores sacrilegij damnavit. Ex Codice etiam lex quædam injustitiæ summæ reum declarat, si quis id reddere nolit, cum contra æquitatem naturæ sibi rapiat alienam.

Pissianorum sanctione mortis tenebatur reus depositi negati. Et Glaucus Spartiata, Herodoto referente, pecuniae grandem summam à Milesio acceptam, reddere nolens, Apollinem adiit, quid facto opus esset sciscitatum: Oraculum respondit, terram nec ipsum, nec familiam ulterius laturam: cui eventus convénit. Unde optimum putat, de restituendo deposito semper cogitare.

Aristoteles autem acutè enormitatem istius criminis exprimit, cum reum majori injustitiâ notat, quàm qui mutuum reddere non vult, cum & leges æquitatis violet, ut ille; sed & amicitiam fidemque, prout depositum accepit, conculcet. Adde, sequestrum contra voluntatem proprietariorum nullatenus posse depositum retinere, adeo ut & in arbitriû litis nullum jus habeat, nisi ex pacto, cum teneatur, illud purè & simpliciter, conditionibus scriptis adimpletis, restituere.

Periculo tamen non vacat, sequestrum sumere, qui ali-quomodo superiore se ferat, aut reverentiam possideat: ita constitutis mortalium animis, ut dignitatis eminentioris compotes cæteris ex mente suâ leges dare satagant, cum non sine periculo & arbitrium ejus admittatur. Prudenter itaque tabulis depositi inferendum, ne ipse arbitrium dissidij sumere queat: maximè ubi Pontifex sit sequester. Quod observatum in obsidibus pace Quierascanâ ipsis commissis. Arrogat enim sibi aliquam in reges auctoritatem, & instar patris communis in judicium de litibus ipsorum sese ingerit; alioqui etiam partium studiosus.

Hinc principes eo sequestro sæpè anguntur, cum difficulter citra magnas turbas æquum vi armorum obtineant. Pauci sanè principum Henrici IV. fidem æquant, qui liberè Genevam introductis triginta quinque millibus Gallorum, in obsidione munimenti Cathariniani, instigatus à quibusdam Centurionibus, in tanta facilitate oppidum occuparet, respondit, rem fore injustissimam,

si oppidanorum fiduciam
perfidia compen-
saret.

*Pontifex ad regem legat Bernardinum Naryum, qui
ægritudinem testaretur de Cæurij progressu
per Vallem Telinam,*

ARmis per Vallem Telinam micantibus, Cardinalis Spada, Pontificis Nuncius in Galliam, grandi querela fatigabat regem, ob Cæurij ausu: cui Pontifex Bernh. Naryū etiā extra ordinē submisit, ut ægritudinē illam testaretur. Responsū per rationes prægnantissimas, ut armorū regionū cursus cōprobaretur, quibusvis querelis majorē æquitati lucē affundentibus. Libere dictum, regē Rhætorū arma auxiliantibus fæderatis non nisi ad extrema permisisse, postquā æquissimæ rationes ad finiendā litem nihil potuerunt. Cæurij res gestas, si rectē inspiciantur, plus laudis, quā vitij mereri, qui ex ordiū sumserit à tribus Rhætorum fæderibus in prisca corpora redigendis, ut Valli Telinæ gratiam obtineret præteritorum: Sacra Ecclesiæ Romanæ apud Rhætos, & ubicunq; fuissent sublata, restituerit, per Vallem Telinam præter Religionem Cathol. cam nihil reliquū fecerit: gladiatus cum Pontificijs, sed provocatus, vim vi retulerit, à fæderatis averterit, cū palam fieret, sub signis Pontificijs Hispanorum res agi.

Istam tamen omnibus neglectis, Cæurium Bagno eiusq; copiis & benevolē, & reverenter, quantum dignitas Pontificia legatis quærere posset, occurrisse. Iam autem Pontificem, cū sequestratio munimentorum per Vallem Telinam constituti fuerit temporis, quo via transigendi inveniretur, de offensione non rectē queri, postquam terminus effluerit, nullā transactione apparente, omnibus rationibus reiectis, aut in commodum Hispanorum quæsita morā.

Rex, quantumvis hinc eluceret iustitia regionum armorum, ex solitā erga Sedem Apostolicam reverentiā, cū & Pontifex id temporis rogaretur dispensare de matrimonio Anglicano, Spadæ & Naryo auscultabat, quorum potissimum erat petiitum, ut bimestre in Comitatu Clavennæ placeret armistitiū, quo currente Pont. speraret transactionē.

Adeo non repugnabat rex. ut continuo mitteret, qui arma Cæurij cohiberet. Cursor quidem jam dedita Clavena advenit, inutili armistitio istis locorum, sed valido quoad Rivam, ne Pontifex quicquam desiderare posset.

Politica reminiscencia.

SUSCEPTO aliquo facinore, viciniæ ingrato, rex adversus omnes rationes querelasque constantia inconcussa armetur: cum facile intelligat, neminem non, quorum interest, patescere negotio, legatos missurum, qui sua commoda urgeant. Natatores strenuos imitetur, qui in traiciendo freta nec murmura tempestatis, nec maris procellas, sed litus oppositum spectant; iisdem argumentis ad suscipiendum, & ad respondendum validis. Prudens sanè, suspecta habebit omnia quæ proponuntur, cum ad imponendum venerint, ipsi a Dominis non raro circumventi. Pessimè cessit Lacedæmonijs, quod Themistoclem Atheniensium legatum audivèrè, qui tempus muniendæ urbi trahebat, dum moras nescit, tanquam socios muneris expectans; quod serò nimis patuit.

Hoc igitur ordine rex in istis occasionibus utatur, ut ante omnia introspiciat legatorum animos, an speculatum venerint. Eo casu, bellis familiari, ubi pax prætexitur, consultum putem, ut promtè remittantur, quod Romanis erga Perseum usu venit, adeoque observentur oculo in omnes eorum actiones intento: quemadmodum Athenienses industriè caverunt, ne Xerxis emissarii cæterorum Græcorum fœderibus accederent, aut cum quovis, dum apud ipsos commorarentur, sermones caderent. Ubi constet, consiliorum cursui interrompendo advenisse, magnificè excipiendos putem, & benevolè audiendos, ne de iure hospitalitatis conqueri possunt. Quod si de summâ rerum agant, rationibus rationes opponat, & valide & prudenter, animo ex causis suscepti negotij obfirmato, propugnaculorum more, nec ullis artibus mutetur, sed ad scopum contendat, quantumcunque fieri potest, nunquā non recordatus, nec victoriam sine pugna, nec palmam sine victoriâ dari.

Hispanus faderi superiori fædus opponit cum principibus Italiae initum.

Inopinatum accidit Hispano, angustiis, quib⁹ provincie ipsius per Italiam firmantur, privari, cum sponte intelligeret, quid incommodi sibi inde exurgeret. Itaque susque habito Pontificis patrocinio, Ministris mandat properè, fædus cum principibus Italiae contrahant, obviam iturus illi Gallicano, quæsito ab omnibus provinciis, primoribusque annexis in belli sumtus quantocunque tributo. Commovetur universa Italia, fama sparsa, regem, Sabaudum & Venetos Italiam subactam divisuros: unde principes minorum gentium tutandis rebus fæderi connectendos fore.

Hispanicæ factionis fautores ferebant, regem, Duces Hetruriae, Medenæ & Parmæ, respublicas Genuæ & Lucæ exercitum terrestrem vicies quater mille peditum, sexies mille equitum, duce Fria, gubernatore Mediolanensi, auspiciis Imperatoris; alium navalem nonaginta triremium in portum Genuæ, talassiarcha Sancta Crocio conflatuos. Addebant, omnia Hispaniæ regna, Magnatesque provinciarum, pecuniam alendis centies mille bellatoribus sponte promississe. Evanueretamen nubes istæ densissimæ citra fulminis ictum, ad regionum armorum splendorem, majori tumultu, quàm victoriâ, quod inferius patebit.

Politica reminiscencia.

Ita comparatus nunc est orbis Christianus, ut rerum summa, principumque fortunæ penes Hispanum sint vel Gallum, hinc alteruter aggressor provocat æmulum, quo cunque consilio. Causam rectè attribueris æmulationi, quæ a seculo ita adolevit, ut alter alterius incremento doleat. Puto tamen utrique diversam. Nam Hispanis, uti olim Lacedæmonij, Monarchia quærebat non in æquo, sed in utili, unde iustitiam violare nulla religio, sed ruinoso

fundamento, certoq; exemplo. Alia Gallis mens, qui iustitiâ nixi, ad arma nunquâ convolant. nisi pro defensione & propriâ, & fœderatorum. Gallia conservationem sui spectat, Hispania incrementum.

Galliæ certum, securitatem in æquilibrio potentia, viriumq; utrinq; consistere: hinc obstaculû debere se putat Hispanicæ potentia, ne præpollat, Hispania autem à longo tēpore consilia coxit produxitq; universæ Europæ subjugandæ, unde injuriam interpretatur, quotiescunq; Gallia fœderatos in possessione iusta armis tutatur. In hoc dissidio feruntur socij utrinq; diversis rationibus. Sic Gallia fœdere complectitur, quicumque Hispani potentiam formidant; Hispania cæteros fovet, Austriacorum clientes, aut sobolem; etiam à Galliâ remotissimi, adeoque auxiliis destituti, coguntur eius favorem ambire, aut institutum adjuvare, spe beati, desortellÿsis ultimâ in antro cyclopi.

Inter postremos hosce colloco Italos. qui sæpius Gallorû experti protectionem, cùm locorum distantia, tum difficultate copias traducendi, inanem, arctius Hispano adhærent, Neapolitano regno & Ducatu Mediolanensi imminetibus. Hinc experientia evidens fecit, nullam ipsi erga Gallos fidem: cùm reges nostros aliquando fœderibus suis ad summa negotia traxerint, sed sumtu immenso, utilitate nullâ, plerisque fidem proijcientibus, exemplo Ludovici Mauri, duce Mediolanensi, & Parmensi, qui Henrici II. fortunam deseruit labantem, ab eodem licet Casari creptus.

Unicum igitur medium, eos Galliæ adiungendi, & ab Hispanorum partibus avellendi, quos nullâ propensione animorum amant, fuerit, ut angustia occupentur, copiis ex Languedociâ, Provinciaque promptè, submittendis, quo bono Cardinalis fortitudo Galliam beavit, acquisitâ videlicet Pignevola.

Hispanus diffamat fœdus Gallia cum Sabando & Veneris.

Hispani quod libelli diffamatorij subtilissimis artibus populorum animos captivent, adeoque faces ab
omni

omni ævo excitandis bellis aptissimæ judicentur, hic non
desuere sibi, quin plures in fœdus Galliæ cum Sabaudis, Ve-
netisque contractum spargerent; quemadmodum solent pi-
etatem atque religionem ad justitiæ famam causæ suæ præ-
texere. Satis felici pollent memoriâ, eum prætextum suo
regi invadendis Indiis profuisse; Philippo II. ferè Galliæ
regnum peperisse, & nuperrimè Palatinatum aperuisse,
unde & Valli Telinæ inhiabant.

Hinc Scriptoribus illorum prona calumnia regem
Magnæ Britanniæ & Helvetios Protestantes fœderi access-
sisse, cum eo præter Sabaudum & Venetos nemo contineretur:
Protestantium fœdus vocitare contra omnem veritatem,
suum Catholici nomine præter rationem laudantes,
cum Elector & principes Saxonie superiores, Duces
Lunæburgici, Ludovicus Hassio Darmstadianus, & ple-
rique Lutherani per Germaniam eo comprehenderentur:
hærescos utique maculâ conspurcantur, quicun-
que ambitioni ipsorum minus favent: prono persua-
su, Deum eodem perinde fore numero, quod aliquan-
do adversetur.

Ubique prædicabant, sibi sacra Romana per Vallem Te-
linam cordi esse, & hæresin extirpandam, tametsi factio ip-
sorum, maxime commoda, hæreticorum esset, Rudolpho
Plantâ antesignano, cum plurimis hæreticorum primoribus.
Creditum etiam volebant, Catholicos à Rhætis per Vallem
Telinam opprimi. Patuit tamen ex diversis responsis, quæ
Manifestis ipsorum opponerentur, neminem unquam
Catholicum, sive secularem, sive Ecclesiasticum vexatum,
nisi post turbatam rem publicam, hæreticis æquè ac Catho-
licis propter ausa perniciofa, nullo ad religionem respec-
tu, castigatis. Conati denique animos ad misericordiam
erga Vallis incolas flectere, ob magistratus plerum-
que hæreticos à Rhætis impositos, haud dubio argumen-
to turbatorum sacrorum.

Cum autem istæ fama
in veritatem impingeret, quibusvis incolis scientibus, Ma-
gistratus indifferenter sacrorum legi, liberissimo religionis
exercitio, facillè responsum fuit, Magistratus, à supre-
mâ potentiâ datos, ex quavis religione venerandos,
tanquam Dei legatos, id Apostolis & scriptis & vitæ insti-
tuto

tuto asserentibus, nullis querelis relinquebatur locus, ita ut omnes ipsorum rationes animos infirmiores tantum tentarent, quibusvis vel mediocriter sapientibus, artes ex ambitionis fabricâ agnoscentibus.

Tincturam tamen ipsi prodidère, postquam rex media firmissima servandæ religioni, & libertati Catholicorum invenisset, ipsi incolis ea negârunt, armis non positis. Perinde ac olim enixè laborârunt, ne Henricus IV. Romæ in gremium Ecclesiæ reciperetur, ad sacra Romanensia reversus, licet passim gloriarentur, sibi nullam aliam causam esse Galliæ impetendæ, quam ut eum ad sacra Catholicorum adigerent.

Politica reminiscencia.

NUnquam non Ambitioni quæsitum religionis palium. Sic principes Romæ pagana omnibus technis inaniter plebem arcuerant ab honoribus, inde ad religionem descendere, quasi Dij consulti de bono publico respondissent, honores cum plebe communicatos prophanari: hinc supplices rogabant, ab instituto, abirent, verecundiâ in Deos simulata, commodi privati nullâ suspicione.

Norant utique, plebem ad quævis religionis sacra propendere, adeoque faciliè circumveniri, accedente insuper ignorantiâ, quantum interfit Principis, reipublicæ & religionis. Sic Otho imperium invasurus, non satis habuit insigni perfidiâ propensum in Imperatorem Galbam fingere animum, nisi ad incendendos militum animos asseveraret, Deos tempestate nobili testatos esse, sibi adoptionem Pisonis à Galbâ factam displicere.

Quicquid sit, vulgus infirmius istis artibus tantum capitur; cæteris, qui paulisper ex facie emerferint, probè gnaris, actiones potius quam verba per simulationes aulicorum spectanda: experienciâ edocente, id genus mortalium rectissimè falsis Monetarijs comparari, qui impurum æs auro inducunt, ut fallant. Principes tamen istis larvis ita assuevere, ut frustra ulterius tententur; adeoque plebis murmure neglecto, arma ad protegendos fæderatos corripiant,

Collus

Collusio Hispanorum cum Religionarijs.

Ampliore argumento, ad probandas Hispanorum simulationes, ubi sacra injustis consilijs obtendunt, nihil opus, si collusionem cum hæreticis Galliæ intelligas. Quandoquidem norant, tantas esse Galliæ vires, ut cursum instituti non divisæ quovis tempore sistant; operam dedere vigilem, ut per Vallem Telinam ingruentibus armis, in partes distraherentur. Gravissima perpessi tunc hæretici ab aliquot annis per Bearnam & Languedociam, metuebant, à pace potissimum Magonensi, tot damnis ultimam perniciem minitantibus.

Hoc igitur motus animorum fovent Hispani, omni operâ in Rohanium & Subissum pervertendos intensâ, nullo armorum duce reliquo. Succedit res, ubi fratres isti convenissent Castra, ad deliberandum, quid ex usu foret. Constituunt ergo, sub Autumnum anni elapsi concitare factionem suam per maritima Aquitaniæ, & Languedociam. Impetus in Blabiam, de quo superius, inde erupit, ubi & Ducis Rohanij ejusque conjugis conatus per Languedociam. Ea sæmina maturandis rebus plerumque ad cereos vehiculo ferebatur, & lugubri cultu equorumque crine provinciales nocturnis itineribus ad insolentiam stupentes, territabat potius, quam ut principes oppidorum lucri faceret.

Vigilantia tamen Cardinalis maximè obstitit, factionibus dissipatis. Regi enim suaserat, mitteret ocyus, idque incunte anno Ragnyum in Languedociam cum aliquot legionibus, ut ille turbas nascentes reprimeret; per viros cordatos Senatum oppidorum principalium occuparet, quò potior pars in officio perstaret. Manifesto enim publicato Subissus omnem Religionarium commoverat factionem, quasi regius Senatus extrema in eos statuisset, religionem absque armis servari non posse, quò munimentum Ludovici ad Rupellam, cæteraque illata damna clarissimè probent. Negabat Edictis fidem habendam, regisve promissis, argumento ducto ex plurimorum Catholicorum opinione, scriptis il-

lustratâ, Hæreticis fidem non esse servandam. Quæ omnia tanto producebantur artificio, ut complures moverentur, maximè ob quosdam ex Equestri aut militari ordine à duce Rohanio per oppida distributos, ut auctoritatem sumerent, Concionatoribusq; stimulos subderent ad plebem concitandam; nullo penso, id motus ab Hispanis inspirari, hostibus utpote professis, qui eorum nullam curam gerant, nisi ut vires regis ex Italiâ huc converterent.

Politica reminiscencia.

PRincipis est, arma expedire: uti olim apud Romanos Consuli tantum, custodi videlicet reipublicæ, licebat portas ferreis vectibus centumque cardinibus occlusas, in belli signum referare. Hinc Cæsar in Gallias nullis populi, aut Senatus auspicijs, sed sponte moturus Catonem habuit adversarium, qui exercitum in Italiam reducendum, & tantum imperatorem constituendum censebat.

Regibus dextrâ Dei constitutis nemo refragabitur ex quacunque causâ, sine culpâ perduellionis. Neque enim religio satis causæ ad bellum confert, hæresi omnem prætextum alioqui pendente: qui verò ductum Scripturæ sacræ profitentur, in eâ pessimè versantur, nisi didicerint, principibus quantumvis infidelibus, dextrâ Dei coronatis, æquè ac cæteris parendum esse. Apud Esaiam vatem Deus Cyro Persarum Medorumque Monarchâ rerum divinarum penitus ignaro ait, Vocavi te, quamvis me non cognosceres: Nomine tuo te appellavi, & in honorem potentiamque exaltavi, licet nulla tibi esset mei notitia. Hinc volo, ut Oriens atque Occidens sciant, quod Ego is sum, qui te constitui, adeoque nemo gubernatorum in terrâ inveniatur, qui suam potentiam à me, & ex manu meâ non acceperit. Idem Dominus paululo intervallo addit, Unctum illum eundem sibi, dextrâ suâ deduci, ut nationes subjugum illius mittat; sese in præsentia illius cæterorum regum renes contundere; portas æneas con-

frin-

fringere; vectes ferreos rumpere; ut omnia ipsi pateant, nihilq; occultetur. Eâdem ratione de Nabuchodonosore, qui omnium pessimus tyrannus, cæterisq; principibus à conditu mundi nequior, post patriam dei dilectissimam conculcatam, urbem Hierosolymorum obsessam, captam & expilatam, ædificia prostrata, muros dejectos, templum laceratum, Sanctuarium profanatum, vasa cultui divino destinata rapta & ablata, liberos regis cum maximâ parte sacerdotum ad sacra excubantium trucidatos, reliquijs in servitutem Babyloniam abductis; deniq; post statuum suam in cultum divinum erectam; nihilominus apud Jeremiam & Barucum prophetas, ut honor ipsi à Deo collatus ad regendas nationes agnosceretur, legitur: Deus, qui fecit homines & bestias terræ, eximiâ vi & brachio exerto dedit cui voluit, in manus servi sui Nabuchodonosoris commisit. Vult, ut omnes nationes serviant ipsi, & filio ipsius. Submittite ergo colla vestra sub jugum regis Babylonici, & servite ei. Quicumque enim collum ipsius jugo non submiserit, eum visitabit Deus gladio, fame & peste! Orate pro vitâ Nabuchodonosoris, & Balthasaris filij ipsius, ut in terris, quantum cælum, duret.

Quæ cum ita sint, in potestate mortalium non fuerit, contra reges ex quâcunque ratione insurgere; neque subditorum fuerit, authoritatem, contra Dei institutum eripere; & ipsis leges præscribere. Tempore Divi Pauli, cæterorumque Apostolorum nemo regum fidem amplectebatur Christi; jussu tamen illorum preces pro regum incolumitate fiebant, omni cultu & subjectionis & obedientiæ, idque ex amore in Deum, conscientiaque, ipsis exhibito. Hinc apud æquiores Politicos minimè ferendum censetur, si subditi jugum, à Deo impositum excutiant, authoritatemque in eos sumant, quibus actionum omnium rationes erant reddendæ: Cum subditis ex lege Dei præter fugam nulla concedatur defensio: eam Apostoli primis Christianis permisere. Quod si eain militiâ vituperium ferat, ubi Principes invicem digladiantur, aut res publicæ, eodem carebit, ubi summa authoritas intervenit.

Rex

*Rex aggreditur Genuensium rempublicam, ob
graviore causas.*

Fervor Hispanorum in excitandis Religionarijs, quò rex cogeretur Vallē Telinam deferere, eundem adidem per Italiam audendum compulit, republica Genuensium invasa. Non quidem hæc unica fuit ratio illius expeditionis susceptæ, cum loca per vallem Telinam ob imbecillitatem potissimum, ubi munitissimus quique locus obsidionem diuturnam sustinere nequeat, urgerent. Vnde frustra fere occupantur, nisi vindictiarum arma à recuperatione distineas valide. Usurpatio etiam Hispani, antequam ea munimenta Pontifici traderet, satis arguebat longissimè meditatum consilium de universa Italia invadendâ: nullo dubio, portæ dominum sibi domicilij dominium quærere. Requiebat igitur necessitas, ut ambitioni obviam iretur, quod nunquam majori impetu fieri poterat, quàm invasione Genuæ, quâ solâ portâ Apennium transcendit. Eâ itaque oclusâ, & excensu prohibito, nullas copias effundere poterit, angustijs maximè per Vallem Telinam altera utpote portâ creptis. Genuensium etiam respublica non tantum Italiâ amperiebat, sed & copias militares in Germaniam atq; Belgium effundebat, argenti fodinis itidem scaturientibus. Viribus igitur illius non parum decedebat, illinc exturbati. Verissimæ istæ audendi causæ apud regem, justissimis rationibus minimè carebant, quòd flosculus ille per negligentiam quorundam regum decerptus, alioquin patrocínio regio gauderet, unde Hispanis minor querulandi occasio, quâ regi de usurpatâ Valle Telinâ, à plurimis annis in clientelâ susceptâ. Indigebat autem rex Sabaudoadhanc expeditionem, tum ut angustias is permitteret, tum ut provincia tormenta annonamque subministraret. Cardinalis igitur consultit, eum expeditioni cum summo imperio præficeret, tanto penitus intricandum. Id negotii Connestabili Lesdiguierio, ex mandato regis,

regis, in colloquio Sufano, expeditum.

Crequyus mense Octobri superioris anni ad aulam venerat, ut regē de spe negotij edoceret: inde reversus SanGerryus ad Ducem & Connestabilem minuta secundum mentem regis illorumque consilium referebat, cū mandato arctiore de scribendo milite. Sabaudus pronior ob injurias, justī alioquin belli causas, propalabat, Genuenses evulsiſſe & in suum agrum protulsiſſe terminos Pedemontij, feudum Zuccarelia invasiſſe; effigiem contumeliā affeciſſe, odio satis profeſſo.

Injurijs istis permoveri poterat, niſi inferior videtur etiam Hispano in campum simul progrediente: lubentissimo igitur animo regijs suppetijs ferociebat, adjecto etiam summo imperio in copias regias, subsidij nomine venientes. Duci id famosum, regi utile, qui eā ratione distrahebat Austriacorum quantamcunque potentiam, pace integrā. Sic armistitium munimenta Vallis Telinae servabat, Sabaudis ob privatum commodum in bellum ruente, ut niſi salutis prodigus, fidem colere neceſſum haberet: eo consilio Cardinalis effectum singularis prudentiæ merente.

Hac igitur expeditione constitutā, jubetur Crequyus ad Connestabilem reverti, ut mandata à SanGerryo perlata, ceteraque proposita confirmaret. Optabat Cardinalis, & Venetos implicare; sed illi pro solitā rebus publicis mora & difficultate rerum arduarum, abstinuere. Connestabilis itaque decies mille pedites, cum bis mille equitibus, incunte anno ducit trans montes, Taurinorum Augustam cum Crequyo ingressus. Alter dies februarii in exercitu viciis quinquies mille peditum, & quater mille equitum numerabat, ut exeunte mense omnia in proſpectu versarentur. Hinc tanta Romæ trepidatio, ut Pontifex, ac plerique alij fluctuarent consilijs, metu incendij per univerſam Italiam, cujus ſcintillæ flammulaeque tranquillitatem depaſcerentur.

Politica reminiscencia.

Idemum prudentis est regis, ad bellum externum inten-

intenti, ut principem provinciæ invadendæ viciniorum faciat suum. Hinc Scipio bellum in Africam contra Carthaginenses translaturus, fœdus inter Romanos & Syphacem pepigit. Quemadmodum autem difficulter ad promovendum bellum promoveas principem exiguâ sorte fœderis obligatum; ita majoris fuerit prudentiæ, ubi nihil sine illius ope fiat, ob angustias, supplementa & annonam, ut eidem summo imperio concessio, exercitus subsistat. Quod si fœderum solita mala evitare velis, Principes suos alijs vinculis, astringas oportet, quàm fide conductâ. Id quod alibi, potissimum hic fuerit maximi momenti. Si cura hæc Ludovicum Maurum Mediolani Ducem tetigisset, de perdendo imperio, nisi Galliæ adhæreret, certior fidē nō sefellisset regibus nostris, qui illius fide freti in Italiam moverant. Hoc etiā modo rex adversariū potest aggredi, illæ sâ pace; exurgit tamen aliud, idq; maximū commodū, nempe securitas reip. principē summam rerū moderante ad servandā fidem arctissimè constricto, quem liberè deferat dubiæ fidei, hostilibus armis conficiendum, nulla necessitate paciscendæ pacis, aut fœderis violandi, cum fides semel prostituta suppetias malè postulet.

Pontifex mittit Cardinalem Barberinum cum auctoritate legati, pacem conciliatum inter reges Galliæ & Hispaniæ.

Pontifex præter summam curam sacrorum, etiam patris communis inter principes Christianos reverentiâ adeptus, ægerrimè ferebat, bellum in Galliâ & Italia jamq; erupturum. Erga Galliâ movebatur misericordiâ, quod Ecclesiæ & regis auctoritas æquè peterentur. Præterquam autem quod de Italia dolebat, metuendum erat de provincijs Ecclesiasticis, ne juxta Genuensem agrum tragiæ theatrum illæ aperirent. Hinc de mittendo in Galliâ & Hispaniam, aut locum neutri parentem, quo partium legati ad pacem resarciendam convenirent, legato cogitat; prout olim Cardinalis Florentiæ ad pa-

cem Veruinenfem, & Aldobrandinus ad Sabaudiacam abierint.

Pontifex de instituto jam certo cum Bethunio confert, mentemq; de familiari aliquo mittendo aperit, ut illius sensum, maximè ob pacis præ cæteris studiū sequeretur. Principio facit mentionem Cardinalis ad S. Onusrium, fratris sui: de quo Bethunius tantummodo hoc monuit, Legationi quidem perparem, sed monasticæ vitæ, pietatiq; eximiæ assuetos, sæpius negotia ad devotionis regulas exigere; unde iste Vallis Telinæ usurpationem ex specioso prætextu Hispanorū foret expensurus: ubi omnia ad rerum spiritualium usum referantur, publicū negligatur, non omnes ad pacem necessarias inclinationes utrobique inventurū. Ut ista paucis agebātur, ita reciprocatione carebant. Sermonem tū quidem Pontifex alio convertit, sed post aliquot dies etiā mentem; ut Cardinalē Barberinū, nepotem suū, summō desiderio ad istæc negotia, iterq; per Galliā & Hisp. suscipiendū, flagrantē mitteret. Eum Bethunius quidem colebat inter probatissimos Consistorij Cardinales; faciē coniciens, sine rerū usu, negotio imparē; iter etiam, ob Hispanorū pertinaciam in retentandis angustiis, inane futurū: sed aliunde edoctus de Card. desiderio, Pontifici dissensum testari noluit: satis tamen habuit, principio indicāsse dolorem suum, si Pontifex viro adeo propinquo, summēq; charo eam provinciam imponeret, cujus aspectu aliquamdiu carendum foret; hanc rationem præ cæteris penetraturam autumans. Addebat postmodum, videri sibi, ad iter citius conficiendum, ut summa capita controversiarum cum Hispaniæ legato disquireret, ne in Galliā & Hispaniā negotio crudo, ac nondum exasciato diutius à Pontifice abesse cogeretur.

Pontifex tamen, à Cardinale nepote præventus nimio studio ejus, nihil animadvertit; paulòq; post, coacto extra ordinem Consistorio legationis Crucem decerni, & Pontificalibus indutū ab omnibus Cardinalibus, de more, extra portas Romæ deduci curat. Alij eodē munere defuncti, regrediebantur in urbē per aliquot dies rebus disponendis occupati, publicorum tamen actuum exper-

expertes: sed desiderium itineris ulteriorem non ferebat moram, ut eodem die discederet, mandatis Pontificis singulatim observatis, maturaret impensius, ne bellum per Italiam progrediretur, & patris communis officium utrique regi, suo nomine, pace restauratâ, præstaret.

Politica reminiscencia.

Æ Què gloriosum ac utile Pontifici accidit arbitrium pacis inter Principes: sic solis potior vis in elementorum adversitatibus temperandis, ut & ipsa subsistant, & conservationem Universi juvent, cum ex mente Physicorum mundus elementaris propter perpetuum illud dissidium in primum chaos, nihilumque sine eo rediret. Eodem modo Pontificum moderatio, si Ecclesiam cum cælo, Papam cum Sole conferas, inter Principum Christianorum dissidia ac bella, nobilissimo actu & splendorem exerit, & gloriam acquirit. Accedit enim juxta honorem & id commodi ut eorum potentia pace obtinente maximè vigeat, oraculis per bellorum tumultus, uti magistratu per turbas civiles, neglectis.

Deinde nihil eis rectius convenit, Vicarijs nempe Christi, qui pacem ingressus mundum reduxit, pacem Apostolis egressus, uti rem sibi gratissimam reliquit, ut vestigia ejus sequantur, mentem teneant, viam præscriptam terant: tenentur tamen in moderandis Principum animis ipsi affectus & commoda ponere. Quemadmodum enim soli qualitates elementares ad temperamentum reducere non liceret, si quancunq; illarum indueret, ita Pontifices fidem apud Principes perdunt quotiescunque particulari commodo ducuntur; nam ad partes discedens, sponte fidem destituit, proponendi ob suspensionem meritam impos.

*Berulus Pontificem adit, ob dispensationem ma-
trimonij, inter Henriettam Mariam
Gallia Virginem, & principem
Vallia contracti.*

Dum Barberinus ad aulam Gallia: properat, nos alia
graviora apud Curiam Romanam de sorore regis
considerabimus, ut ijs confectis Cardinalem illic assequa-
mur. Et jam antè monuimus, matrimonio hoc pacto, Be-
rulum ad impetrandam dispensationem Romam missum.
Ubi appulit, à Bethunio Pontifici suscitatur, rogat nomine
regis, quod erat iussus, dispensationem. Pontifex
pro dignitate regis inter Christianos eminentissimi, eum
excipit, de dispensatione respondet, cum Hispanis, idem
matrimonium cum Principe eodem quærentibus, non ni-
si ex Cardinalium consulto eam indulserit, nunc iisdem in-
consultis superfedere: datâ fide, rebus Gallicis suspectos
à consilio arcendos, faventibus admissis. Sese ex animi in
regem propensi testimonio quod Hispanis negârit, Car-
dinales coram habiturum, ad promovendum negotium.

Paucis intercurrentibus diebus nomina Cardinalium
prodit, oblitus promissi, de præsentia, ne aut gratia ista
eximia Hispanos offenderet, quod cavendum putabat, aut
difficultatem, quam Cardinales ingerebant, sua præsentia
tollendam crederet. Magnæ tamen evenere concertatio-
nes, aut solito Curia: studio in quodvis religionis emolu-
mentum, difficultatibus, ut decisiones majoris fiant, au-
ctis, aut Berulo privatim cum Cardinalibus agente, ut
dispensationi præter pacta conditiones quædam adderen-
tur.

Hinc Bethunius, tricarum ignarus, Berulo junctus ali-
quoties Pontifici ostendit, regem Zelo ad omnia Ecclesia:
commoda testato, non sine magno molimine, conditio-
nes omninò optatissimas, Catholicorum Anglorum bo-
no, pactis matrimonialibus inseruisse: Hispanos in educa-
tionem liberorum ad annum duntaxat duo decimum co-
sensisse; regem verò tertium decimum obtinuisse, non ex-
F igno

iguo ad religionem momento, cum ea ætas sacrorum femina avidius rapiat, quàm ut postea suffocari queant. Nihil oblitus, gloriam Pontificatus extollere, si primogenitus maternis institutionibus roboratus, Ecclesiam liberati & splendori pristino per Angliam redderet: fructus istius matrimonij per futurum metiendos commodum, cū & rex Magnæ Britanniae lege ultimâ pactorum promiserit maiorem benevolentiam libertatemque Catholicis in favorem Galliae, præ Hispania, addito etiam iurejurando: Hispanos quidem ampliora contendisse, Basilicam videlicet, nihil tamen obtinuisse, nec plura sperari posse, cū eventus optatis non semper respondeat. Pacta denique matrimonialia tribus summis articulis, de conscientia novæ nuptiae nunquam turbanda, de educatione liberorum, & ampliore libertate Catholicorum, abunde cavisse.

Eadem hæc Deputatis amplissimè explicabat, qui tamè post tertium confessum, à Berulo, spe largâ singulatim præventi, censuere, nec sibi, nec Pontifici integrum esse, dispensationem secundum terminos puros & simplices pacti inter duas Coronas matrimonij permittere. Addebant enim, ut liberorum ministri legerentur Catholicis à matre, nec Angli tentarent quenquam ex familia ejus liberorumve à religione Catholica avertere ad annos ætati constitutos: licet rex Angliæ iurejurando sese ad duæ istæ puncta obstringeret: Christianissimus rex fore, Pontifici promitteret, se curaturum, ut rex Angliæ pactis stet.

Bethunius mirabatur, tam obstinatè additas novas conditiones, quæ consummationem matrimonij multum morarentur, casu quovis ad dissolvendum emergente, in Catholicorum per Angliam rigidiorum persecutionem. Id nempe præfervidus Beruli Zelus effecerat, Pontifici pfo & Cardinalibus adèdè importunè præventis, ut paulatim assensum præberent: unde patuit, devotissimos quosvis ad negotia publica, ob nimiam mentis sagacitatem, non semper aptissimos, maximè verò ubi obstinatè, ut plerique cæteri, necessitatis legibus cedere nolunt.

Politica reminiscencia.

Summæ est imprudentiæ, si legatus præter mandata agat, & difficultates negotijs ex proprio sensu ingerat. Id enim legato mandatum, quod Nauclero magneticus indexis verò naufragium quærit, ductum mentis obstinæ secutus, & legatus negotiorum eventum proijcit, mandatis neglectis. Tenetur enim expendere, mittentem amplioripollere notitiâ rerum, & plenâ agendi libertate negatâ, sibi peremitam præscriptam ad scopum contendendû, ne secus agens seipsum exitio, & principem angustijs vix explicandis involvat. Tanti id olim apud Athenienses erat, ut extremum supplicium legatis in Arcadiam missis interrogarent, quod aliâ, quàm iustum erat, viâ reversi essent, legatione licet optimè defuncti, referente Aliano. Invertuntur quidem negotiorum momenta sæpius legato jam profecto, unde pro re natâ ipsi agendum, ut media præscripta ad expeditionem faciliorem immutare queat; sed rebus integris mandato inhæreat, ne gravissimam contrahat culpam,

Manlius filio non pepercit, præter mandata pugnanti, victori licet: cùm nefas sit, præter ducis mandata abhoste etiam certam reportare victoriam: sic legatus gravissimam subit castigationem, si proponat quæ mandatis adversentur, negotijs æquè ac bellis summam boni publici aliquando contingentibus. Acutis tamen ingenijs casus iste familiarior, quod proprio sensui nimium inhærentes, plus nimio rerum momenta excoquunt, mente ultra quævis mandata excedente: unde Thucydides ait, ingenia tardiuscula in negotijs aliquando acutissimis præferenda.

Quæ dispensationem matrimonij cum Angliâ contracti impedierint.

Dispensatio tandem Nuncio mittitur, quàm regi non exhiberet, nisi rex Angliæ etiam jure jurando obligaretur ad conditiones additas; rexq; Christianissimus tabulas

blas conficeret, de rege Angliæ ad promissa præstanda adi-
gendo. Rex re iactatâ non parum movebatur, sibi ne-
cessitatem novorum pactorum, & iteratæ dispensationis,
dispendio tot mensium imponi; id quod tantò molestius
accidebat, cum casus aliquis matrimonium solvere, ad-
edque utrumque regnum summo cum detrimento Ca-
tholicorum per Angliam, collidere potuisset.

Aditur Nuntius, edocetur, quantillum mutati articu-
li ad periculum imminenti divortii referrent, cum jam
convenerit de educatione liberorum in domicilio matris,
cujus domestici essent Catholici, unde sponte eluceret, li-
beros à Catholicis educandos. Quam vis autem id evidēs
esset, ille tamen ingenio in rebus agendis difficiliore, cæte-
rum ad commoda Pontificis obstrictus, rogabat viam ex-
pediendi negotio, ut & Pontifici satisfaceret, fide interpo-
sita, de edocendo Pontifice, quid periculi mora traheret,
nisi difficultates tollerentur.

Hinc ad Carlilium & Hollandium itum, rege etiam ab
Anglo petente assensum integrum, cum auctarium per-
quam exigui esset momenti. Is stupere, pacta tamen de e-
ducatione liberorum ad tertium decimum ætatis annum,
eorumque ministris Catholicis, integroq; sacrorum suo-
rum usu firmare, etiam petitis annuere, ut liberorum mi-
nistri essent Catholici, nec in usu religionis unquam tur-
barentur: ad regem omnimoda fide remissâ nullâ jurisju-
randi mentione. Sic igitur Nuncius, quicquid promissorū
Pontifex à rege exegerat, accipit; Sponsa ad Pontificē scri-
bit, fidem dat, de ministris liberorum, quos Deus esset da-
turus, non nisi Catholicis legendis. Omnibus deniq; expe-
ditis, quæ Romæ scrupulos movere possent, mittuntur &
mari & terrâ, qui hæc ad Bethunium perferrent, ut dispen-
satio quam primum corrigeretur, Pontifice, nomine regis
exorato, ad maturandum, juxta novas condiciones, non at-
tento novo jurejurando. Bethunius ad primum nuncium
partes mandati cum summa prudentiâ implet, nullâ urgēdi
occasione omissa, quo regi satisfaceret. Itaque cum Pon-
tifice agit vehementius, intelligeret grande emolumentū,
quod Ecclesiæ rex contulerit, quanto fervore arma Hære-
ticis intulerit, unde Sedi Apostolicæ, gratior, & in æquil-
simâ

simâ causâ non illâsâ justitiâ audiendus esset, tùm gratitudinis ergò, tùm fiducia causâ defuturis Ecclesiæ commodis procurandis. Nec prætermittebat periculum dissidij in nervum erupturi ex tantâ morâ, unde Catholici per Angliam persecutioni exponerentur. Austarium aliquatenus in tabulis contineri, ejus executio novæ nuptiæ domesticis relinqueretur: regem tamen ex reverentia in Pontificem non ægrè assensum, etiam ad regem Magnæ Britanniae perscripsisse, qui ad omnia condescenderit, præter novum jus jurandum, cui rex insistere noluerit, ob illa priora de novæ nuptiæ religione, domesticorum adeoque Catholicorum per Angliam libertate; novo isto jurejurando quodammodo in primo comprehenso. Abundè igitur de religione & libertate conscientiae domesticorum, & liberorum cautum, quamdiu maternæ institutioni permitterentur; unde ob religionem turbari nequeant.

Addebat etiam, regis fidem de observandis pactis datam, ad minimum Hæretici regis juri jurando æquipollere: habere sese in mandatis, omni modo supplicandi instaret, ut illo scrupulo neglecto pergeret Pontifex, precesque tantò æquius audiret, quòd confirmatio magis per reverentiam, quàm necessitatem quæreretur, cum famosissimi Doctores censeant, in provincia hæresi infecta, licere Catholicis citra dispensationem contrahere matrimonia cum hæreticis.

Hæc summa rationum, quas Bethunius & Pontifici & Cardinalibus ad disquisitionem lectis proposuit: ijs pondere & æquitate earum expensa, satis testabantur assensum subsequendum. Pontifex tandem ad sententiam ferendam confessum mandat, addito desiderio gratificandi ad votum, tùm ut emolumenta Ecclesiæ à rege accepta collaudaret, tum quòd plura ab Anglia exigì non posse perspiceret. In confesso denique dispensatio ad voluntatem regis perscribitur, quæ Nuntio per summam diligentiam adfertur, ut regi, & inde Anglo exhiberetur.

Politica reminiscencia.

Non semper expedit summum commodum in rebus agen-

agendis, cum sapius ad temporis rationem, quã ad alia quævis necessitas spem compingat. Nullum quidem negotium ad consilia inhonesta aut injusta potest cogere; est tamen, ubi non integrum sit ad potius bonum aspirare. Quicumq; istam regulam agendi negligit, graviter impinget, identidem testatus ignorantiam & humanã & divinã voluntatis; istã omnia pro lubitu constituent, illã sub necessitatis legem sapius redactã, ut consilia ad modulum rerum accommodet.

Liceat rerum arbitris scrupulos iniicere, ad majus opera pretium, cum familiare sit mortalibus, proclivia non magni astimare; cedant tamen, ubi intelligunt, nec tempus, nec rerum cursum potiora permittere optatis: repulsã majorem contradictionem, quã prudentiam arguente.

*Moritur rex Magnæ Britanniæ, persequitur matrimonium inter Principem Valliæ filium,
& Henriettam Mariam Galliæ Virginem.*

Fervente dispositionis negotio Jacobus rex Magnæ Britanniæ in gravissimum incidit morbum in Palatio Theobaldi, decem millibus passuum à Londino. Tertiana febris ad quartum septimanam procedente, extremis quæ instantibus, filium, Walliæ principem accersitum gravissimè alloquitur, haberet fideissimos ministros sibi commendatos: & ante omnia nepotes, ex Eleatrice filia natos; potentiam relictam ad recuperandum patrimonium eorum conferret: agoni vicinior fausta quæque comprecatur in administrandis regnis. Obitus in finem Martij incidit, ubi continuo Præcones ex more Angliæ Principem Walliæ proclamabant regem Magnæ Britanniæ, qui exinde habenas rerum gerendarum arripuit.

Extremum Amasiæ desiderium cum extemplo compulit, ut Duci Cheureusiæ potestatem daret, suo nomine & sponsalia & nuptias peragendi. Rem confectam

festam optabat rex, & de potestate transmissa certior, Sponsalia ad octavum Maij in Palatio Lupariæ, coram Rege, reginis, & omnibus Principibus, proceribusque Aulæ, Cardinale Rupis falconariæ sacris operato celebrantur, qui idem Dominica secuta, quæ in undecimum Maij incidebat, in Basilica beatæ Virginis, summi Eleëmosinarij munere functus, solennia nuptiarum peregit.

Unum dicam de pompa, nihil addi potuisse: Sponsalia in pegmate ad introitum Basilicæ fiunt, Missæ sacrum ceremoniarum fastu peragitur, rege, tribusque reginis præsentibus, Duce Cheureusiæ & legatis novis Angliæ, postquam regem ad introitum Chori deduxissent, in ædes Archiepiscopi secedentibus, quod rex nempe Magnæ Britannia, cujus personam ferebant, diversis sacris vacaret: ij tamen receptum regem ad eundem introitum Chori, finita Missa, in Archiepiscopi aulam deducunt.

Hic epulatur Rex cum reginarum triade, matre videlicet, conjuge & sorore, duce Cheureusiæ, Comitibus Carliliæ & Hollandæ, Matronis Guisïa, Elbayia, & Chereusiæ, ubi magnificentia acutissima ceremoniarum pompæque regiæ ingenia vim omnem intenderant. Festalibus ignibus collucet Lutetia, tormenta cælum terramque tonando terriant.

Dux Bukinkamia à rege Magna Britannia in Galliam legatur, ut reginam conjugem deduceret.

Secundum hæc dux Bukinkamiæ, intimus regis Magnæ Britannia jubetur transfretare, regique supplicare, reginam conjugem quam primum ex Aula dimitteret, regi marito adducendam Lutetiam is appulit Maio expirante, exiguaq; moræ tēpore regie habitus, votorum compos, ineunte Iulio cum regina Magnæ Britannia in viam se dat. Occurrere regina mater, regina nupta, frater regis cum universo ferè aulæ splendore. Ambiani regijs honoribus, ita mandate rege excipitur:

regina mater hîc extremum ipsi vale dicit, reginâ nuptâ ad duas leucas progressâ: frater regis, cum aulæ maximâ parte Boloniam usque procedit, ubi illa navem Oceani maximam, sumtuosè ornatam conscendit. Ventis secundis classis sine incommodo Dobriam appellit, inter æmulationes tormentorum, tympanorum & lituorum, lætitiâ contestantium. In littore stabat domus lignea, odoribus ad expellendam nauseam, floribusque pretiosissimis distincta. Rex rogatus ut unam dieculam marino aëri concoquendo indulgeret, postridie cum aulæ pompâ adest, testatus per omnia generosum amorem, qui nihil reliquum fecerit ad congratulandum adventum. Unâ pransi, concedunt Cantabrigiam, ad matrimonium Galliæ Angliæque bono consummandum.

Politica reminiscencia.

Magnificentiâ præ cæteris ornamentis Majestati regiæ splendorem affundit, cum ex eo maximè æstimentur, si vè grandia præstent. Hinc apud Exteros celebrantur, à suis coluntur. Philosophi docent, actiones ad qualitatem subjecti producentis exigendas: unde regum qualitas eminentissima omnia præstat magnifica; quod Diocletianus Imperator palam ferebat. Hanc igitur decori virtutem potissimum in solemnibus matrimoniis, etiam propinquorum exerent, cum eâ occasione & Exteri & subditi aulam frequentes adeant; & ipsi rarissimè alioqui conspectui expositi authoritatis radios splendore eximie pompæ tum animis insinuent.

Quod si expensæ occasionibus sint metiendæ, matrimoniorum ratio sanè maximas postulabit. Si Cælitus etiam bona dantur, ut honori inserviant, tenacitatis vitio notabitur animus abjectus. Privatorum opes videntur propriæ, adliberrimum usum; diversâ naturâ regiarum fortunarum, cum splendori necessario, ad cultum à populis obtinendum debeantur. Fiunt quidem aliquando immodici sumtus in vana, cum vento evanescentia, unde nec nomen magnificentie, nec regno splendoris

doris quicquam accedit: sed verus earum usus, per occasiones prægnantes, immane quantum illustrat. Id demum est Deum imitari, qui miraculis quidem potenti- am immensam ostendit, sapientiâ tamen pondus, nu- merum & mensuram eorundem expendente. Hinc cer- tum, reges nunquam rectius divinam imitari majesta- tem, quam magnificis actibus rectè dispositis, quis sum- tus eximium splendorem mutuât.

*Collusio legatorum Angliæ cum Matronis quibus-
dam aula Cardinalis innotescit.*

Nimix procrastinationes Curia Romanæ in expe- diendâ dispensatione matrimonij sæpius nomina- ti, legatos Angliæ diutius in Galliâ retinebant. Illi aut- tædij pellendi gratia aut commodi ex mora quæsi- stu- dio, allquibus Matronis aulae adsuescebant, recreatio- nis ergo, quod prætendebatur; sed ut Galliæ intima scrutarentur, & idonea instrumenta rebus turbandis, u- bi Angliæ commodum foret, acquirerent.

Conversationes adeo frequentes suspitione vacare non poterant, apud eos maximè, quibus fæminarum artes, æstusque factionibus excitandis & inflammandis com- perti. Sic in Aula compluries conventum, visitationi- bus regendis relatum tamen, diversis modis Matrona- rum illarum familiares, & fiduciariorum tentatos, ut tur- barum initia gliscerent.

Rex certior factus remedium sumit à dispensatione, aliquot Matronis, ipsaque Ververia secedere iussa, ne nimia frequentatio præter recreationem aliquid mon- stri produceret. Creditum utique ipsis, Cardinali regis institutum deberi, hinc odium in eum concepto post- modum vix liberari potuere, illo susque deque rem fe- rente, regis fortunæ, bonique publici pertinace.

Politica reminiscencia.

Sapientes manifestè fæminas à rebus agendis submo-
F 5 vent;

vent; illæ tamen nec tendis & fovendis turbis, secretisq; rimandis student. Per legem nascendi ingenio pollent artium capacissimo ad captivandos viros, amore, quibus potenter irretiunt, magnum imperium ipsis conciliatè, ut ferè omnia penetrabilia excutiant, quidvis obstinatè persuadeant. Infirmis plurimum potentia in viros confert; nam fortiores ad technas insidiantium, minus Suadela habent ad optata. Possem hic demonstrare, hostem salutis nostræ ad suggerendum peccatum potius Evam, quàm Adamum fuisse aggressum, quod ipsam instituto rectius inservituram putaret, modo semel voluntatem subegisset. Sed missis spirituum exemplis, meminerimus, Augustum Cæsarem inimicorum uxores ambisse, non tam voluptatis ergo, sed ut conjurationes in suum caput perdisceret, Tacito referente.

Bellum per agrum Genuensem.

Dum Venus Angliam lætitiâ perfundit, Mars incendium belli per Italiam suscitât. Exercitus Sabaudi, copiis Gallicanis auctus, desinente Februario accingitur, in agrum Genuensem expeditione directâ: dum Hispani alibi occuparentur, Genuâ ad defensionem ferè inermi. Pedemontij princeps patri, Crequyus Connestabili socero aderat. Consenserat rex ex ratione fæderis cum Sabaudis, ut Dux tesseram daret, eadem reverentia erga principem Crequyo injuncta.

Ducendi ratio stabat, ut Connestabilis primi agminis ductor Lopiata versùs iret, dux Cremolinum peteret. Lopiata vim opponere satagebat, sed capta in exemplum prædæ exponitur. Sic Gva Genuensis territorij claves offert, sed Reyrano ingressu negat, ob Nicolai Doriæ copias, defensionis paratas. Jubetur igitur Veruræ Comes vim moliri, unde trepidatum, Doriæ copias abducente, Martino Corsecâ Centurione continuo deditiorem faciente. Novyum, satis spatiosum oppidum, Genuæ annexum, nihil distulit Connestabili portarum claustra permittere. Hinc Gauyum petens, quin-

quinque turmas Neapolitanorum equitum, ab Hispano submissas, in viâ fundit, junctusque Sabaudus, ad excipiendos sex millia, ex tribuni Gasei & Modenæ & Parmæ militibus, suppetiarum causâ advolantibus: pars eorum ad Ortagam, bihorij spacio ceciderat, non longè inde oratur turmis itidem concisis; ut oppidum cum castello Ortagæ imperata faceret: viginti tria signa capta, milleducenti Neapolitani & Genuenses trucidati, mille capti cum primarijs ducibus.

Post hanc victoriam Gavyumpetitur; quod viâ Genuensem clauderat: castellum rupi impositum, oppido sic satis munito, ut plurimis res ardui negotij videretur, cum & Barbarossa temporibus Francisci I. in Genuensium fluvium terramque excendens, hic operâ luserit. Connestabilis autem, cui animus timori cedere nescius ab instituto, fossas versus oppidum ducendi non abstinuit. Propugnator cum trecentis viris eruperat, sed vix tertia parte redeunte, incolæ ex magnâ formidine mittebant, qui obedientiam, si prædæ eximerentur, salvis immunitatibus, sponderent: ijs conditionibus Connestabilis ingreditur oppidum, jam subigendo castello occupatus.

Gubernator primitus audaciam jactare, tormentis oppidum infestare, inani fiduciâ castelli, & inaccessibleis rupi sed Connestabilis ostendit, Gallicis ausibus omnia cedere, post pauculos dies tormenta in apicibus rupium ostentans, quorum violentia deditionem ultimo Aprilis extorsit. Hispani quidem in vulgus retulere, gubernatorem aureis tormentis expugnatum: quicquid sit, Connestabilis Castellum obtinuit. Princeps Pedemontij secundum hæc tam prospera, decem milibus militum assumtis, angustias Ghegi montis à Genuensibus occupatas munitasque ibat apertum, ut viâ ad obsidendam Sabionam sterneretur. Lineas igitur inopinato impetu superat, ad Plevâ usque liberè grassatus, quæ intra montes sita, valido Castello, plurimisque parvis tegebatur munimentis, ut diuturnam obsidionem præferret: sed princeps munimentis superatis, vi parat, idque adeo cordate & feliciter, ut obsessi sub versis porris, murisque

murisque captis, deditionē peterent, inermibus vitam pacti. Tanta autem acerbitate pugnatum, ut occisorum & captorum numerus ducentos excederet, quibus accessere septem signa, à principe conjugī ostentata, & cum cæteris ad Ottagam captis ad regem missa: adiecit Sabaudus Caraccioli & Cataneæ Campiductorum bacillos, victoriæ Gallicanæ fructus, uti aiebat in literis, Marchione Salussio latore.

Princeps Plaviam militi expilandam dederat per spatium triginta sex horarum, inde Albengam ducit, fideque accepta ingressus, Orviettam à Genuensibus correptā tendit, paucorum dierum opus. Exinde Vintimelliam tentat, admotisque copijs ad deditionem territat, castello hæsitante, cuius gubernator visis tormentis per apices rupium, quo sexcentorum Nisseorum lacerti ea subvexerant, oppidi exemplum sequi statuit. Sic Sabaudi arma per menses Martium, Aprilem & Mayum conculcavere omnia obstacula per agrum Genuensem, occupatis non tantum locis istis quæ diximus, sed & plurimis alijs, ad centum septuaginta quatuor, bene aut malè munitis: Ad eo propitiam experiuntur fortunam generosi animi.

Politica reminiscencia.

Fortuna, quin potius Providentia divina, plerumque generosis animis ad res arduas favet. Non quidem miracula ad eventum optatum confert, sed audaciam subdit, prudentiæ junctam, ut Providentia divina ad causas secundas descendens, auxilium præstet. Suscitatur spes, quæ ad summa quæque extimulet, formidine illis intactis abstinente. Hæc spes sola hostiles copias metu percellit, quæ non ex animo sed necessitate dimicantes, plerumque pedem retrahunt ad impetum eximie audaciæ. Ipsa etiam ad Exteros invadendos compellit.

Docuit autem experientia, per plurimos casus, Principem aggressorem multum præpollere propugnatore, idque inprimis prudentiâ duce, quæ tempus speculatur opportunum, copijs nempe aut distractis, aut fractis, aut inermibus. Qui Cæsaris victorias diligentius sunt con-

con-

contemplati, generoso animo res gestas tribuunt, quem naturâ adeò excelsum finxerat, ut nihil metueret, ventorum & procellarum etiam violentiâ contempta, quem admodum aliquando Naucelerum monuit, nihil metueret, quòd Cæsaris fortunam veheret.

Miles nunquam pedem retraxit, quin ad primos ordines evolaret, fugam sisteret, vultum converteret: nullum unquam periculum formidinem incussit: mortem credidit vitæ finem, non malum quid: sic in gloriâ quæsitit fortunam, rebus arduis animo novum robur addentibus. Hinc fortunam laudavit perpetuam comitem, comprobavitque, fortitudini omnia succumbere.

Quæ Galli porro per Italiam egerint,

Attendum, fortunam Gallorum Sabaudique armis fortiter agentibus, exiguò tempore ad patranda summa plurimum indulgisse: partem tamen illius gloriæ Cardinalis sibi vindicat, ex cuius generoso animo consilium primum pullulavit, ubi & ipsæ regis auspicijs institutum delineavit, eoque tempore in actum deduxit, ut nec Hispani, nec Genuenses paratas copias haberent, quæ tutandis locis suppeterent: ut nihil dicam de clientelis per agrum Genuensem, quæ ad felicem successum non nihil contulere.

Fortuna tamen, aut potius Providentia divina, armorum præses, sæpissimè ludibrium facit mortalibus, quorum instituta vel successu beat, vel infortunio mulctat, ut intelligant, quid sibi debeant. Sic victorijs modo factò, dorsum obvertit & Gallis & Sabaudis. Nam cursus adeò prosperi armorum Austriacos excitabat, ut extremis per Germaniam tentatis, validum exercitum sub imperio Feriani, gubernatoris Mediolanensis, Genuensibus submitterent. Etiam Santo Crocius classem viginti quinque triremium, quinque Gallionum Sicularum, impositis quater mille bellatoribus, contrahabat.

Hostiles istæ copiæ ob morbos, quibus Galli vix tertiam sui partem videbant, opportunè procedebant, ipso Crequyo, secundumque ipsum Con-

nesta-

nestabile decumbente. Oppida etiam pleraque Genuensium, quæ videbantur jugum obedientiæ lubent animo excussisse, pleraque sub finem lunij mente immutata, gubernatores præsidiaque magno conatu expellunt, fortunâ nullam unquam calamitatem immittente solam. Sed vitiosi tormetorum apparatus, inopia clitelaniorum ad subvehendam annonam, cæteraque exercitus necessaria, omnium maximè nocuere, Sabaudum rem destituyente, & in Connestabilem æmulo.

Hæc rerum dispositio Hispanis addebat animos, ut Ferianus, ne quid temporis periret, exorso Iulio in Monteferratensem moveret agrum, ubi Gallis extorquet Spionam, & post paulo Acquyum, quo Connestabilis armorum & annonæ summam deposuerat, imposuit tribus legionibus. Hinc princeps Pedemontij cum Connestabile copias ad occupandam Sabionam revocat, ut Ferianum aggrediretur: is autem commodissimè sedebat Terzij, inter Bistagam & Acquyum, ut nemo pervadere posset, angustij sive binos armatos simul admittentibus.

Eodem tempore Albergæ, Navyj & Acquij incolæ insurgunt in præsidarios; eos sequuntur cætera minora: sexies mille Genuenses Gavyum petunt, gubernatorem cum filio Galliæ saluum reddunt, loco occupato: Parlamentum tamen Provincie Gaiuvernensem filium laqueo damnavit, Patris cadaver, quod justitiam mors præoccupasset, Tulonij refossus, exurit, cineribus in ventos sparsis.

Animus celsus aliquando constantiæ bono fortunam ad mitiora stetit, ut coacta aliquantulum foveat; sic Galliæ & Sabaudi exercitus sese Feriano quidem opponebat, ne ulterius progrediretur, sed in Pedemontium concederet, Astæ obsidionem meditatus. Connestabilis à morbo infirmus excesserat, Crequyus tamen penultimo Augusti quater mille Gallos introduxit.

Eodem die erumpit cum principe Cariniano, hostem de ponte, quem per sex dies tenuerat, deiecit, in tur-

per

pem conjectis abutum octodecim millibus gregari-
rum, & septingentis equitibus. Id verò egregium
Gallorum facinus satis testabatur, si Gallia vicini-
or & subsidia & annonam submitteret, aut Sabau-
dus tempestivè exercitum refecisset, quod ex legibus
fæderis debebat, occupata non tam facile fuisse amit-
tenda. Inviti tamen didicere calamitatem eorum, qui
alicujus fæderis fiduciâ in remotas provincias contem-
dunt.

Politica reminiscentia.

ET si expeditiones principum fæderatorum prospera
aliquando fortiantur principia, rarò tamen exitu
optato terminantur: neque aliud argumentum addu-
cam, quàm nostratum expeditiones in Italiam per
annos viginti supracentum. Sed missa faciamus ex-
empla, ut intelligamus, principem fæderatorum pro-
missis confisum, non absimilem mercatori, fortunas
navigio lacero committenti: cum experientia mil-
lies testatum fecerit, Principibus tot esse fenestras a-
nimorum, per quas insinuare liceat, funesque pau-
latim fæderum solvere, ut securitati locus ferè nul-
lus dari possit.

Vinculum arctissi-
mum fuerit, locus manitior in pignus fidelitatis: pau-
ci tamen ea tradunt, ex metu pignoris male reddendi,
quocunque figmento fractæ fidei: quod Carolus VIII.
ausus est in oppidis Florentinorum. Difficillimè etiam
duces, copięque diversæ in eodem exercitu æmulatio-
nem calcant, quin ex minimo dissidio offensus disce-
dat. Sed nihil pronius ad fæderatos separandos, quàm
commodum oblatum, cum id solum principum
fæderibus substernatur, & subtractum adferat
finem.

Grandia tamen hinc non rarò mala
exurgunt, maximè ubi expeditio in longinquas in-
stituitur provincias, vicinioribus onus subsidio-
rum quorumcunque declinantibus; remotiori-
bus ad prompta auxilia seclusis, unde sponte pereunt,
aut per hostem nullo penè negotio dissipantur. Plus

res enim principes fœdere juncti, nunquam ad unum comparantur, nunquam præstabunt, quæ ille domesticis copijs, tametsi longè inferioribus numero.

Religionarij, instigatore Hispano, potenter in regem insurgunt.

DUm Italia theatrum præbet diversis armorum exercitijs, religionarij ad seditiones ferè nati, tum Hispanorum artibus seducti, enixè occupare studebant arma regia, per Languedociam, & Pictaviam incremento sumto. Dux Rohanius cum fratre Subisio præbebant se duces rebellibus, ille per Languedociam, hic per Pictaviam.

Et si verò Subisius Blabiæ portu excidisset, auctum tamen se sensit sex grandioribus navigijs tum regis, tum Nivernij. ad majora audenda. Iam ante undecim naves satis firmas militiæ adaptarat, præter magnum numerum Cymbarum, & celocium, unde vel Oceani imperium somniabat. Ita littora Pictaviæ & Aquitaniæ incurfabat crudelis, ut à Turcâ graviora nemo metueret: refugio ad insulas Reæ & Oleronis constituto, ubi munimenta à factione illâ nuper incepta properè absolvebat.

Videns etiam Espernonium ad Montalbanos conterèdæ messis ergò, quod proximè dicemus, digressum, classem septuaginta quatuor navium cujuscunque molis contrahit, Garunnam subit, Burdegalam versus, medio Junio in Medocum exponit ter mille viros, Castilium occupat, exigui spatij in eâ ripâ, munitque: campos ubique pervadit grassando, Burdigalensium domus campestris, recreationibus ut plurimum destinatas spoliât, nullo militari proterviæ facto modo.

Thorasium tamen vidit obviam euntem, an Cardinalis annuente rege eam provinciam imposuerat, ut excendere ausum profligaret. Trahens igitur turmam volonum, tredecim turmas ex legionibus Champaniæ, centuriam ex Bergeracensi præsidio ab Espernonio submissam, aliasque nuperrimè conscriptas, tanto impetu in eum fertur, ut ad naves compelleret, sublatisque anchoris Rupellam versus, re-

lictis

lētis armis, tormentis, annonā & impedimentis intra
fortalitia, fugā traderet. Impatien-
tissimē ferebat Subisus hanc contumeliam, uni dictæ
intentus: Thorasius discedit, submittitur continuò
Vergerius Malaguettus, ut alterā vice in Medocum
descenderet: id autem commodius ad Becadambium
factum, campis miserè afflictis. Ubi autem Cardinalis
Universitates ad defensionem fortunarum in arma con-
citavit, cogitur ille redire ad naves, & Subisum quæ-
rere. Unde patuit, nullum non casum à Cardinale præ-
videri, cui remedium ferè ante ortum non præparavit.

Politica reminiscētia.

Summus utique Minister pro republicā excubat, ut
S quoscunque casus avertat. Vix fieri potest, quin cu-
rā exactissimā provincias amplexus, factiones gliscen-
tes, & seditionum adornamenta, perdiscat, cum artes,
quibus complures capiuntur, & secreti bellorū appa-
rus diu latere non possint. Sed de istis certior, copias mi-
litares eò locorum destinabit, ubi tumultuum suspicio,
cum solus aspectus consilia perniciose dissipet, aut sal-
tem congregationes impediat, eade promptā ante faci-
nus dispositum: absque hoc, & rempublicam, prædæ
& auctoritatem propriam opprobrio exponi brevi do-
lebit.

Oculus in apicesceptri pervigil, & Leo quadrupedum
rex, qui oculis patentibus somnum capit, apud Ægyp-
tios providentiæ sacra erant signa, ut principes disce-
rent, ab illorum auctoritate minimè separandam, nisi
populos bellorum civilium exterorumque calamitati-
bus perire malint. Sol in summo cælo præses mundi e-
lementaris quotidie ab extremo ad extremum vadit, ut
omnibus rebus inferioribus influentias communicet:
sic summus Minister curam in omnes provincias exten-
dat, omnes urbes pervadat, omnes Magnatū famili-
as scrutetur, ut quid agatur sciat, remedio cuicunque
factioni parato.

Egregium videntur Syracusani istius doctrinæ dedif-
se spe-

Se specimen, qui de Atheniensium instituto certiores, elasse jam hostili Siciliam versus navigante, Hermocrate insignipolitico auctore, defensionem necessaria parabant, Senatu ad eam curam compulso; tametsi Athenagoras multa in contrarium proferret, quare Athenienses frustra essent futuri, rem utique; ultra rationem aggressi, ne cives apparatus bellicum facerent. Senatores tamen prudentiores Hermocratis sententiam comprobata, res bello necessarias procurabant, ne idem cogere tur praeter opinionem deproperare, aut periculo succumbere. Reputabant enim, nuncio de Atheniensium classe verò, defensionem omnino instituendam; sed falso eodem, civitatem nihil incommodi ex apparatu sensuram: Praestat denique; periculum metuere, quam contemnere, suppresso tamē nimio metu, ne fortitudine indignum quid committatur.

Rohanij ausa per Languedociam: sententia Parliamenti Tholosani adversus ipsum & socios.

ID temporis, adulto Aprili Rohanius diversis excitatis factionibus in Religionariorum oppidis per Languedociam, bellum sumit, bismille ad Castra congregatis, quod locum refugio delegerat, cum per Consules suam auctoritate lectos plurimum ibi valeret: sparsa ruore, & Rupellanos arma induisse, de novo fidem cum Ecclesijs illarum partium firmasse, ut in eundem errorem pertraheret credulos. Sic adit Puilaurentum Ruellam, Soresium, fanum Pauli, Laviatam & Britestam, Consulibusque factionem juratis persuadet. Lavauri idem tentans, frustra est.

Cardinalis ex auctoritate regis Gubernatoribus eorumque legatis per provinciam injunxerat, ut aliquid ausum affligerent: unde Carmania Comes, Foxij gubernator, primus rebellionem restitit, Consules Ruellae & Soresij, ipso digresso, ad agnoscendum errorem, missumque eum faciendum deduxit.

A Parliamentorum auctoritate per istiusmodi casus armorum regionum moderatores omni solebant tempore fidem & animum fulcire; unde illud Tholosanum

nam militiæ Rohanianæ edixit exauktionem ;
eam sponte sumerent , aut ab equestri ordine Uni-
versitatibusque internecionem expectarent : sic com-
mercium cum Castrensibus interdicuntur, tribunalibus
& regijs & Ecclesiasticis, etiam fisco Lautrecum trans-
latis : singulari jussu ad omnes judices & ministros,
domicilia itidem transferendi : darent operam, ne
regiæ pecuniæ corriperebuntur, libero earum usu ad con-
servandam justitiæ integritatem, aut oppidum refrac-
tarium coercendum. Sententiam etiam tulit de rebel-
lium facultatibus in fiscum referendis, tum ut castigaret
factiosos, tum ut sequaces abstereret. Curia dimidiata
Besenæ idem præstitit, pronuncians iuxta regis decla-
rationem, 25. Januarij ejusdem anni publicatam, Du-
cem Rohanium reum læsæ majestatis, perturbatorem
tranquillitatis publicæ, cum omnibus complicibus :
oppidis & privatis communione illorum interdicens,
omnibus regis subditis mandans, copias eorum perse-
querentur, conciderent, castella & domicilia nobilium
illius factionis everterent.

Quem tamen suggerente Cardinale rex adhibuit, or-
domaturandi, potentissime inhibuit rebellionem. Iussus
enim Theminius curatingerere provinciâ, copias con-
trahere, novas scribere, & nascenti malo occurrere. Cam-
pi ductorib⁹ Ragno & Carmanio. Istemporis parvus, ad
exercitum confluentem properat, Blancum & Donacû,
nidulos rebellium, per viam corripit : exercitum lustra-
tum Castra versus ducit, populationi intentus. Ferreri-
us equitum magister apud factiosos eruptionem facit in-
anem, temeritate lethali. Gastadurij, calorum genus,
populationi addictum, neglectis tormentorum ictibus
& creberrimis pugnis, reciproca utrinq; nece, tantam
calamitatem favore regiæ militiæ intulere, ut nec seges,
nec arbor, nec vitis emineret.

Rohanus
interea exercitum Sommeriæ admovet, primâ luce
portam evertit, sed ingressus, Castellum Marsiliaco
propugnatore acerrimo non cepit, Valensæo supperias
decem millium adducente à Mantosone; adeo ut An-
dusam ille sese reciperet. Theminius fanum Pauli &

Miattam, ni ripâ Langausti, inter Castra & Lavaurum petit; fanum Pauli à paucis diebus capit, expilat, incolis Miattam confugientibus; sed ij loco diffisi, imperata sponte faciunt.

Parum istæ videri poterant, nisi Rohanij copiae profligarentur: eum igitur Vianæ in agro Albigeni assequitur, quem locum dux infecerat, bis mille peditum in Peyresequadam, ad radices montis, cui Viana inhærebat, collocatis. Carmanius speculatu reversus, edocet constitutionem omnium: decernitur impetus, procedit Theminius evaginato ense, Ragnyo & Carmenio utrinque stipatus, sequitur exercitus cordate, ut panituerit non acerrimæ pugnae, quam nemo salvus evasisset: nam primis impetum sustinentibus, cæteri Vianam elabebantur, quos Normaniæ legio ad portas infecuta, ferè ingrediebatur. Sic Peyresequada capta, centum quinquaginta rebellium aut cæsi aut vulnerati inventi, quorum sortem Rohanius ex propugnaculo Vianæ despiciebat. Ex eo casu res arduas meditari is desiit, Theminio semper instante, & omnia consilia turbante: idque ex Cardinalis maximè diligentia, majori numero, viginti quatuor horarum spatio ad nutum parato, quàm Rohanius per mensem vix coegisset.

Politica reminiscencia.

Quicumque in regem arma sumit, perniciem quaerit: nulla consilijs gloria, & prudentia & justitia destitutis, nulla utilitas impotentiae, cum subditis conditio abhorreat, principe ad vindictam irritato, in vita fortunarumque exitium. Mahometus, Turcarum dominus, rebelliones adeò execrabatur, ut duobus falconibus capita amputaret, aquilam oppugnantibus, regnam utique avium: ut subditis in culcasset, temerarium istud exemplum eandem semper mulctam trahere, cum princeps ex lege prudentiae & justitiae teneatur auctoritatis supremæ detrectatores punire.

Magnates quidam Alexandri Magni exemplo qui exiguus Macedonum copijs Persarum potentiam prostraverit;

verit; Romanorum itidem, qui unius Civitatis domini-
orbem terrarum subegerint, abutuntur: discant autem
neque hos, neque illum primitus magnos invasisse prin-
cipes, sed limites paulatim protulisse, desiderijs ad vi-
res exactis. Verum & hoc, fortunam atque fortitudinem
non parum adjumenti attulisse; sed cum fides Christiana
nos doceat, nullam fortunam nisi providentiam divi-
nam esse, nemo regi inobediens successum sperabit, le-
gum utique everfor, ordinisque divinitus in regno in-
stituti contemtor.

*Calamitas circa Montalbanum ab Esper-
nonio inferitur.*

ESpernonius & fortitudinem & industriam adhibuit
calamitati circa Montalbanum inferendæ, quo in-
eunte Junio ex mandato grassabatur. Oppidum varijs
copijs tumebat, alterum scilicet à Rupellâ factionis re-
fugium. Unde populatio post acres pugnas, & eruptio-
nes repulsas cepit. Quintodecimo Junij perdidit de-
cem milites, cum totidem captis, in quorum numero
Mirandæus & Santómerius; talionem tamen reddidit,
ducentis concisis, & quadraginta captis, præter fauci-
tos, die vicesimo septimo: Unde nemo fanisecas turba-
re ausus.

Ducem frumenta ad leucam unam
inde comportasse obsessis innotuerat, favorem noctis
aucupati, per cursores indicantur. Fit acre prælium; Ro-
chius ductor tribus pilis faucius capitur, dilabuntur cæ-
teri, centum vel trucidatis, vel vulneratis gravissimè.
Frumento igitur & feno destituti, ad egestatem quam-
primum compelluntur.

Politica reminiscencia.

EX plurimis medijs coercendæ rebellionis, summum
creditor depopulatio: nam calamitas divitum ple-
bem subigit, ut à factionibus ad obedientiam redeat.
Pauci enim animum inducunt, fortunas plebi tumultu

anti immolare: nemo turbas, nisi lucri causâ sequuntur, ita constitutâ mortalium naturâ, ut commodum proprio nihil præferant. Ubi verò depopulatio non sufficit sine armorum vi, nemo dubitabit, obsessos annonæ inopes obsidionem diuturnam minimè laturos: sic igitur aut vis, aut ratio commodi ad obedientiam valebit. Leges autem depopulandi nullæ sunt, nisi ut omnia corrumpantur, fruges conculcentur, segete aut collectâ, aut incendioprostratâ, vindemiâ aut creptâ, aut cum vitibus excisâ, nec arbore utiliqualicunq; relicta. Sic calamitas ad muros admoveatur proximè, ne ulli obsessis commodum restet: propinquus exercitus populatores protegat, extra tamen ictum tormentorum.

Momorantius vincit Religionarios.

DAnna istæ rebelles plurimum affligebant, sed Momorantij victoria, quâ adiutantibus Sanlucio Rupefalconario & Thorasio obtinuit, rem confecit. Pralinus annum integrum in territorio Aunisij cum numerosis copiis versabatur, Thorasius in munimento Ludovici ad portas Rupellæ excubabat, ut vel calamitatem agris inferrent, & flagellatam ad obsidionem enervarent, vel à vicinia affligendâ cohiberent. Subisus nihil securitatis in terrâ firma dispiciens, insulas Ream & Oleronem occupaverat, munierat: unde ante erat deiiciendus, quàm Rupella, ex insulis fertilissimis annonæ compos, invadi posset. Navibus res erat incipiendâ; Hollandi suppeditant viginti mutuo, ex fœdere superioris anni: alias rex sufficit, Momorantio thalassiarchâ, qui Subisium aggrediretur, Sanlucium, Rupefalconarium & Thorasium cum parte copiarum in Insulam Ream exponeret, præsidia munimentis ejiceret rebellium, sua firmaret. Subisus verò, cum triginta novem duntaxat numeraret navigia, cuiuscunque molis, Momorantij adventum minimè præstolandum ad regias naves, licet Houthuino Hollandorum thalassiarchæ fidem dedisset, acceperissetq; ob communia sacra reciprocâ, de quiete colendâ, donec

de negotio pacis ex aulâ in alterutram partem constitisset. Eâ fide igitur in suum commodum versâ prorûp-
 pit decimo nono Iulij, & vento & æstu secundo, ut spatio dimidiæ horæ Hollandicas naves contingeret: ibi
 coligatas duas cymbas igniuomis technis refertas, ad
 prætoriam impellit, quæ citò conflagravit, ut pauci na-
 tati evaderent, ultra centum mergerentur.

Obistam temeritatem perfidiamque classis regia in e-
 um invehitur, per quatuor horas in tonat, naves aliquot
 abyssò, mortales orco demittit: elabitur tamen
 Subisius ad Sanmartinum Reæ, & Caput Bayæ. Nun-
 cium ex aula refert Momorantio, instandum, confligen-
 dum: a Classe vindictæ cupida festiuè excipitur: pandit
 vela quarto die Septembris, & Subisium offendit an-
 choris hærentem in alveo Loyæ ad insulam Ream: tor-
 mentorum iteratis ictibus in arctum eum cogit, ut re-
 ciprocante æstu marino naves in sicco hærent. Eo-
 rerum statu Momorantius sex naves propellit, quæ se-
 cundariorum ducum excensionem fumo tormentorum
 tegerent: aliæ decem littus legerent ad Caput Bayæ,
 ne quid suppetiarum à Rupellanis submitteretur; quæ
 Lavalum in eum finem egressum in portum repu-
 lère.

Copias regias in insulam excendisse, hostibus ani-
 mos addebat, ad extrema audenda, ne pedem figerent:
 triduo prælio acerrimè utrinque dimicatum, cum re-
 belles ex quantulocunque loco repugnarent: prævalu-
 it tamen fors armorum regionum, virtute ductorum, ut
 insula regij potirentur, rebellium alijs mactatis, a-
 lijs captis, diligentioribus ad naves elapsis. Subisius
 ad Oleronem præibat, captivitatis experts, pugnae nun-
 quam affinis.

Qui ad naves evase-
 rant, ob ventum secundum meditabantur vindictam;
 sed classis regia ad signum thalassiarchæ, velorum
 remigumque beneficio superabat ventum, unde
 spatio duarum horarum tormentorum boatus re-
 ciprocabant, ut ne nox quidem finem imponeret,
 novem maioribus navigijs Rupellam tendentibus
 quæ Momorantius adeo ferve insequabatur,

ut albescente die victa traheret: alia duo tardiora ad æstum maris in latus decubuerant, continuo superanda.

Huc confluebat exercitus regius: tabulata scanduntur, obuij trucidantur, sed milites in carinâ latitantes, succenso pulvere nitrato superiores partes tantâ violentiâ exculsere, ut fragmenta per leucæ quartam partem feminarentur, tribus regijs navibus, quod harpagonibus adhærerent, incendio absumentis, ultra trecentorum militum corpora disrupta, quibus annumerabantur Comes Vauverti, Villanæva, & Velion Centurio Olonefius.

Casus hic tantæ victoriæ lætitiâ nimis imminuit: inde tamen & gloria, & prosperitas Galliæ affulsit, ut rebelles per mare nihil prorsus auderent. Sic enim reliquæ naves non magni momenti aut Rupellam, aut quocunque ventus perpelleret, disparuere. Inde Momorantius in Oleronem excendit, nemine vim opponente, quod Subisius Angliam petiisset; tranquillitate terrâ mariq; ad Provinciæ salutem partâ: quæ omnia rex cum gaudio relata intellexit.

Politica reminiscencia.

Quicquid fortuna rebellibus blandiatur, nullo tamen nisi sinistro successu fruuntur. Docuit experientia, id criminis ferè nunquam effugere pœnam, quod cælum eos in exemplum statuere soleat. Rectissime cōpares eos excelsis montibus, qui cælo minitari videntur exerto cacumine, & magnâ nubium copîâ, solem obfuscare: quos tamen dici oculus, fulminibus inde compactis, in pœnam temeritatis, confringit.

Videas sanè Magnates perduellionis reos auctoritatem summam atterere, sed ab eâdem oppressos, exitij occasione ex temerario usu gloriæ intactæ sumtâ. Tot nobis historiarum series hujus rei exempla ministrat, ut multitudo aliqua adducendi consilium turbet. Dicam tamen ad illustrandum hoc axioma, injustitiâ rei tam arduæ certissimum fore signum infeliceis successus, cum justitia divina pensi habeat, iniquitatem mortali-

talium evertere. Habeant licet satis potentia ad dimi-
candum, à cælo tamen impunitatem nunquam extor-
quebunt.

Quicumque per potentiam injustam vult crescere, in
majori exitium reperit : nam permissu dei aliquando
castigant rempublicam, ad constitutum tempus lascivi-
entes, ut malitia utrinque plectatur; violentia tamen
in eos recidit, cum vindictæ justæ authoritati supremæ
materiam præbent.

*Barberinus, Sedis Apostolica legatus, ob Val-
lis Teline incommoda, in Gal-
liam venit.*

Dum bellorum civilium incendio corripitur Lan-
guedocia, in Calliam tendens Masoloni & Lugdu-
ni rege sic jubente, magnis honoribus excipitur : Lute-
tiam 21. Maji ingreditur, pompâ quam nulli unquam
istius sortis rex exhibuerat eximiâ;

Non dicam, juxta leges regni, ante ullam functionem
muneris, Pontificium mandatum, quod Breve vocant,
fuisse Parlamento proponendum, cum ea ratio anti-
quissimâ consuetudine nitatur, nimisque vulgari ad cir-
cumspectionem; monebo tamen, à Pontifice titulum
Navarra omissum, quem cum sine injustitiâ denegare
non posset, Parlamentum Breve illud ratum habere no-
luit, donec corrigeretur.

Legatus is Lutetiam ingressus, descendit ad Divum
Jacobum altigradus, ubi Clerus urbis, Curiaæ supremæ
& alij ministri, ad duodecies mille salute dictâ, benedi-
ctionem obtinuere : sacerdotum principes, quos Præla-
tos vocant, secundum istos, officio funguntur, ubi ali-
quid litigij exortum, quâ veste eum adirent, legato
Rochettam & Camalium, sub mantello, in signum evan-
gelicæ ad ipsius præsentiam authoritatis, desiderante : u-
bi verò Prælati legibus Ecclesiæ Gallicanæ, id refragari
inuunt, consensum in gratiam legati qualemcunque,
ut desiderato modo salutatam, venirent, & ad Basilicam

Beata Virginis equitantes deducerent; ubi locorum mantellum ponerent, salvis legibus. Rex ad primum ingressum salutaverat per Nemursiū, Bonneuillegatorum exceptorē, & alios quosdā magni nominis. Advesperā frater regis magnocomitatu eximi honoribus eū excipit, in deducēdo sinistrā claudens. Eodē die regem legatus adit, & benevolentia ceremonijs defungitur, postridie expositis Pontificijs mandatis Pacem verbis communiibus suadet, allaborat, ut Vallis Telina restitueretur, ad rationē temporis ante fædus; adjectis precibus de armistitio per Italiam. Rex ad singula respondet, se pacis studium nunquam deposuisse, modō publico, suoq; & fæderatorum honori consuletur: Valli Telina per nupera pacta Madritiana abundē prospectum, modō series illorum adimpletur: armistitium, sibi & fæderatis incommodum, adversæ parti per quam commodum, non expectandum: cum hac appendice, lectum iri à regē, qui cum ipso transactionem tentarent.

Paucis abhinc diebus Richelius, cum Marechalco Schombergio & Herbauto secretario intimo eum adit jussu regis, ubi is sermonibus diversis ad duo capita descendit, armistitij videlicet, & sumtuum, quos Pontifex fecisset, repetitis identidem munimentis, quæ rex redderet, Cæurij actus excusaret.

Respondet Richelius, regē iam satis clarē mentē aperuisse de armistitio, quo vigente hostis vires cōtraheret, brevi fæderatis par: pacem eodem negotio, quo bellum sumi, per æquitatem utriusq; partis, postquā summa diffidij publicipactis Madritianis fuerit sublata, ubi tantummodo sacrorum fuerit habenda ratio, ad quæ rex pronos sit animo. Desumptibus repræsentandis aiebat, regē, cum in sequestrationē munimentorum nunquā consenserit, nisi ad constitutū tempus, intra quod Pontifex pacta Madritiana ad executionē perduceret, querendi locum relinquere nullum, Bethunio maximē declarante, regi ulterius non ferendum, ut Rhætorum munimenta detinerentur, quod Pontifex ipse æquum duxerit, cum eadem Hispanis redhiberet: Cæurio interea armis & signis Pontificijs in oculis omniū omnem reverentiam deferente,

ex quo in authoritatem Apostolicæ Sedis impegnisse præ-
meritum arguatur. Tantam tamen in animo regis
verecundiam, ut ad honorem Pontificis Oratoris ita manda-
tur, verba reverentiæ & civilitatis maxime convenientia:
consentire etiam, ut in ita pace Clavennæ munimentum in
Pontificis potestatem redeat, modò Hispani eodē momē-
to & Rivam dedant utrumq; demoliendum: eodem ordine
per cætera servato usq; ad finem. Ulteriora frustra sperari.

Legatus pluries auditur, ab ijsdem ministris sæpi-
us aditur, ferrâ eadem reciprocante: rege tamen ad Fon-
tem deliciarum digressio, tertium a legato proponitur ca-
put, ut in securitatem factorum per Vallem Telinam Ræ-
torum potentia in eandem imminueretur, cum alioqui
nihil actum videatur. Ad quæ rex rotundè reponit, rei pub-
licæ commoda cum sacris non miscenda, nihil sese un-
quam pacturum in detrimentum illius supremæ authori-
tatis.

Ubi hæc eadem inter legatos agitabantur,
Richelius responsum regis explicuit pluribus, Regi ob pa-
trocinium Rhætorum id non integrum esse, cum & pacta
Madrîtiana consentiant, à quorum tempore nihil sit im-
mutatum: nisi ea pacta in effectum deducerentur, gloriam
authoritatemque suam calcari: oblata nihil ominis omni
opera ad sacra firmanda.

Deprædicabat tum legatus, ad Pontificè caput Ecclesiæ,
non toleraturum, ut Vallis Telina redderetur Rætjs, con-
sultos etiam quosdam Theologos Romæ censuisse, neq; id
salva conscientia fieri posse. Richelius hic sibi non defuit,
quin promptè regeret, leges divinas supremæ autho-
ritati suæ, cujuscunque denique censeatur religionis, tri-
buere, unde conscientia nihil intersit, si summum
imperium in Vallem Telinam ad Rhætos redeat,
dominos legitimos. Pacta etiam Madrîtiana, quæ il-
lud assererent, Romæ cum Pontifice non inconsultis
Theologis, restitutionemque nihil impredientibus, fuisse
disputata: Verò autem non immutato, Pontificem & nunc
inhærerere posse. Ista cum tanto pondere dicebantur ut le-
gatus satis intelligeret, frustra petitū urgeri; itaq; alia media
ad securitatē factorū inde quæsitā, nō dimissis primis pro-
positionib⁹, nisi sub censura Pontif. & Apost. sedis. Cū plu-
rima

rima in medium venirent, consensit rex, ut summo imperio Rætis manente, legitimo quippe, sacra Catholicis per Vallem Telinam, secundum omnia exercitia permitterent liberrima: non nisi Catholicos magistratus imponerent: quosvis Ecclesiasticos, sive seculares, sive regulares in omni securitate tolerarent: nullus hæreticus, sociusve domicilium acquireret: si qui nunc essent, familiam catholicam fructibus percipiendis constituerent: rex denique ad firmandum hoc statutum, nomine Ratorum caveret, nisi starent pactis, summo imperio multarentur, Pontifice & rege iudicibus.

Tametsi verò nihil desiderari posset, legatus aut timidiusculus, aut secretior, aut rerum usu nondum firmus, aut mandatis Pontificijs circumscriptus, super se debat re ullâ Romæ invertendâ impediri: maxime ubi Gaudemanus, Hispaniæ Orator ad aulam apertè proderet, se ab istâ negotiatione abstinere iussu, rege Catholico, nisi munimenta Pontifici redderentur, ab ullâ transactione alieno. Regi legati ratio agendi placere non poterat, quod singulis diebus novos produceret scrupulos. Innotuit tamen, mandata Pontificalia idferè tulisse, ex metu, si Vallis Telinarestitueretur Rætis, Concilij per Hispaniam, cum plurimi Theologi Romæ affirmarent, conscientia salva consensum illum nō admittere; Hispanorum suggestionibus, quibus obsidebatur, mentem distrahentibus mirum in modum.

Barberinus subito ex aulâ Gallia discedit.

Rex legatum admodū honorificè habet, prandio admonet, missis qui ad Fontem delitiarū salutarerent, suntus facit splendidissimos: instabat tamen negotio finiēdo. Ille pro facilitate redhibere primas propositiones, nullum responsum, præter illud, à rege ad omnem æquitatē condescendēte, nihil ulterius petendū, auferre, itaque reditum meditari. Vicesimo secundo Septembris publicè auditur, à rege dimittitur, grandem benevolentiam in regni commoda contestatus; cui rex reciprocam spondebat, collaudato studio in Pontificem, & devotione erga sedem Apostolicam.

Adde-

Addebat rex, cum negotium, cuius causâ venisset, rem publ. cōtingeret, oprâsse sese, procures regni ante extremū responsum, Curiasq; sup̄remas consulere; licere ergo sententiam Ordinum postea intelligere. Credebatur cōventus finem expectaturus, discessit tamen præter opinionem, ministris relictis nullam rationem stam ubi itineris adferentibus, nisi subterfugium pompæ,

Politica reminiscencia.

ORbem terrarū destinato Deus geminâ potentia gubernat, ob vanitatem mortaliū inquit Hinc manus ad Carolomannum & Galliæ Episcopos, functionibus ad præstandam humilitatem penitus diversis. Potentes subiiciuntur sibi invicem; reges Ecclesiasticis, & Ecclesiastici regibus, nullâ per istum ordinem recipiuntur potentiarum. Certum, potestatem spirituales præ temporali esse, secundum ordinem dignitatis, non subjectionis & autoritatis: ut illa præfulgens principes temporali exuere nequeat, nec ad modum redigere. Necessario enim distinguuntur personæ à potestate: Christus quidem statuit, ut omnes omnino mortales suis ministris subiicerentur, iisdemque regibus parerent; non tamen utramque potestatem eodem subiecit modo, utrique ad mensâ æquali autoritate ad functiones obcundas, neutri alterius interitu permissio.

Quæ cum ita sint, Caput Ecclesiæ nullo alio numero, quàm mediatoris fuerit apud principes, cōponendis dissidijs: moderatur quidem conscientias, non rem publ. & autoritatem à deo ad gubernandum acceptam: frustra sceptrâ dextris excutere tentârit, mādatis ejus quibusvis vicem consiliorum reportantibus. Gloriæ ducat, uti monuimus, transactiones dissidiarū, neq; tamen ex autoritate intercedat; cum secundum curam ex Zelo prævidere debeat scrupulos utrinq; nascentes, ut partibus placeant: certocertior, inter hostiles animos remediorum ibi rationem tenendam, ubi jecur ardet, stomacho frigidus, ut medicus alterutri visceri salutaria juxta & noxia propinet, sic arbiter rarissimè utrique parti satisfacit.

Sum-

Summum prudentiæ caput medicum imitari, ægrotum non restituentis nisi nobilioribus fatis, cæteris non offensis: ubi ad propositiones non paræ justitiæ mediator aliquorsum propensior accedit, animi non ad pacem, sed ad rancorem dilabuntur.

Rex proceres regni convocat, super legatione Barberini.

Quamvis vix opus esset deliberatione ad propositiones legati Pontificij, ob evidens detrimentum Galliæ fæderatorumq; consultum tamen videbatur, extra ordinem cogere proceres aulæ & regni, ut ipsi saltè verum intelligerent, Hispaniq; divulgare per Europam desinerent, Barberinum æquissimas pacis rationes proposuisse, sibi non ingratas: regi ad bellum prorumpenti rejectas.

Sic scilicet vim pateretur & rerum, & regis justitia pacem vicinis sæper indulgentis, ubi sine detrimento auctoritatis, & fæderatorum incommodo bellum conficere licuit: nullo genere obsequij in sedem Apostolicam hæc occasione omisso, nec unquam aliàs neglectam; unde iniquum foret, gloriam illo opprobrio flaccescere.

Cum igitur nullum supererat expeditius medium, quam negotia procerum oculis exponere, indicitur conventus, is adeest frequens, exorditur rex, Boni publici causam evocati à primicerio summam rei intelligerent. Is recitatâ seriepactorum Ræticorum, toties iteratorum, quibus regi paterent angustias in Italiam descensuro, quibusvis nisi eo consentiente clauderentur, demonstrabat; Hispanum pactis susq; habitis nunquam non conatum vi & artibus, ad reliquam Italiam primam quavis occasione subjugandam, istas angustias in potestatem redigere: eo sine invasisse Vallem Tulinam, cujus munimentis recuperandis missus sit Cæurius cum exercitu:

Regem ante vim consensisse in sequestrum Pontificem, ad certum tempus legesq; Legibus illis impletis, tempore etiam sequestrationis elapso, eventum Hispanis modum persuadendi Pontificis, ut munimenta illa retineret, nullo sane

sanè jure, depositarius utiq; Pontificem sæpius rogatū, eadem Hispanis redderet, quos primitus ad recipienda invitari frustra, cum in ipsius potestate tutissima crederent: ubi post negationem illam Pontifex dimittere nonlisset, Cæurium ea jussum per vim subigere. Impulsi autem Hispanos Pontificem ad mittendum legatum, an ex reverentia in sedem Apostolicam munimenta Pontifici redderentur, Ræti summo imperio in Vallem Tclinam exuerentur; rationibus absurdis ad desertionem fæderatorum, legitimo imperio exutorum institutis, cum rex nunquam non eidem conservando arma expedierit; ubi Pontifici traderetur, quod non convenit, neque possit denuò rationem depositi ferre, nisi cum Rætorum damno, Hispanorum commodo, regiæ auctoritatis detrimento.

Rogare regem ipsoꝝ sententias, expediret ne petitis annuere, aut bellum continuare: liberè loquerentur, ut Senatus consultum legatos submitteretur, quod ab hoc conventu expectare noluerit in negotio summæ difficultatis, Avenione utiq; secundum promissa tantisper hæsurus. Sermonem excepit Marechalculus Schombergius, recordatus, sese compluries cum legato egisse jussu regis, cujus consilia ad Hispani partes enixè propensa animadverterit: Rætis in Vallem Tclinam abrogando, & de munimentis Pontifici denuò permittendis, donec Hispanus vires ad vim inferendam collegisset, nulla argumenta requiri.

Quibus addiderit discessum subitum, consensu negato, cum regi tantundem vituperij, ac Rætis damni ex eâ tolerantia accessisset. Videri sibi bellum potius, rationib; diversis, quæ non minus fortitudinis, quam prudentiæ præ se ferebant, quam pacem tuipem, præ conditionibus justitiæ & honori regio adversantibus.

Summus præses Parlamenti Parisiensis, nomine Curiarū supremarū respondet, regē rebus gerendis legisse ministros dignissimos, quorū sententijs acquiescere sēper liceret prudentibus; sibi Schöbergij sententiā videri justissimā. Card. Sourdisi secessionē facit, armistitio proposito,
incom-

commoda anni causatus: ubi verò Hispani id enixè desiderabant, quò copias in Italiam, Vallemque Telinam contraherent, à paucis auditur, neque Cardinale Valetano, aut Bassompetrâ suffragantibus, qui rerum Hispanicarum scientes, ille Romæ, iste Madriti periculo factò, bellum sumendum censent.

Richelius ne libertatem suffragiorum frangere videre tur, exsecessu ad regem accedit, quanti pacem faceret, testatur, quàm bello semper præferendam arbitraretur, ubi regis honor authoritasque constaret, bono regni publico, quod non solvendo nexu fœderatos cõplecteretur, sãtò rectoque: cum verò perspiciat, legati propositiones utriusque incurfare, gloriam & emolumentum Hispanis conciliare, in opprobrium regis & Galliæ, atque adeò fœderatorum detrimentum, perire sibi mentem, & consilia pacis, à quâ longius recedat, quòd rerum Hispanicarum per Satyram gnari intelligerent, nullam ipsis suppetere rationem, cur Vallis Telina Rætorum potestati eriperetur, quàm ut quasvis in Italiam subigendam effundant copias: id instituti non parvum momentum trahere, Galliamque non leviter contingere, quæ ad modum munimenti, externis fortalijs destituti, adeoque iisdem ab hoste in perniciem versis, non impar, vim illatam vix sit rejectura.

Neque tacebat diversa argumenta, sibi notissima, quibus in speciem continuandi belli difficultas crescebat, partem armorum Religionarijs occupantibus, ut copiarum paucius trans montes irent. Addebat autem, regiam authoritatem præponderare, cum nec potentiam, nec opibus, nec armis pollere queat, quibus conservandis in splendore, bellum paci ignominiosæ, qualè legatus expeteret, præferere: supplementa regis exercitus facere terribiles; Quæstores quaterna stipendia solida, intactis redditibus referre; Clerum sexcentena millia aureorum annua offerre; Religionarios adeò prostratos tot victorijs, ut vires resumere nequirent. Omnibus igitur hanc expeditionem adjuvantibus, cuius consilio antehabebat. Secundum eum nemo dicebat, nihil ibi desiderato: addebat rex, sese de Senatus consulto legatum facere certiores, & nihil recedere.

Politica reminiscencia.

Quantiscunque dotibus rex, Ministrine à naturâ orientur, aut àb experientiâ illustrentur, nulla tamen ardua negotia inprimis periculo involuta, sine procerum consilio suscipient: quod reipublicæ utile apprimè duco, nemine dubitante, cum ab omni ævo consilium à Sapientibus regnorum firmissimum fulcrum, nec minus familiarum singularum æstimetur. Sallustius ad Cæsarem scribebat, non modò regna, sed & oppida consueque prospere agere, dum sana consilia urgerent, ex corruptione blanditiarum, metu aut voluptate omnis sequeretur calamitas.

Non tamen Princeps in frequentia consiliatorum decernet, quod ex usu fuerit: cum illis saltè deliberer, ut Ministri optima quæque eligant: nullus ibi metus prodæ impotentia, cum leges prudentia id exigant, & summam potentiam sui arguat, ex diversis sententiis convenientissimam agere. Sol, licet mirabili claritate ad stuporem fulgeat, astra tamen ex ordine divino admittit, regimine mundi communicato: sic Consiliarii deliberationibus adhibiti; nihil pollent ad genium regis summi que Ministri; similes tamen territoriis, singulares plantas producētib; aliquando suggerunt aliis intacta, nihilque minus utile. Sed & consilio opus est, præter ista omnia, summo Ministro, ad exonerandū quosvis casus sinistros: maximā parte mortalium de consilijs per eventum judicia ferente juxta regulam profectò falsissimam. Vituperium igitur nunquam effugiet, si solus consilia suggerat, & res arduæ non expectatum sortiantur finem.

Etiam extra difficultates summorum negotiorum ar-biter consilium adhibendum, ut regni proceribus satisfiat, cum plerique illorum, quātumvis rebus agendis & militiā clari, eo apparent ingenio, ut nigrata sint omnia, nisi admissis; intenti in Ministri summi detrimentum, ubi res ipsius suasu solius cepta exorbitet: Cornelij Laconis, qui custodiam Galbæ Cæsaris agebat, discipuli. Is enim omne consilium averfabatur, quantumlibet optimum,

H

nisi

nisi ex se ortum, teste Tacito. Ut hoc se vituperio liberet satis aliquando molesto, & fortunarum tenace, expeditissimum fuerit, Senatui extra ordinem cogere, ante decretū. Sic legati Spartæ ubi Romam adeunt, comite Centurione ex Pori regis militia, qui constitutionem Armeniæ explicaret; nihil quidē opus erat Senatu extra ordinem, ad bellum decernendum, cum dispositio rerū id postularet; Nero tamen, referente Tacito, principes Urbis convocat, ut deliberaret cum ipsis, consultum ne foret, bellum anceps sumere, aut pacem cum hoste pangere: ubi tamen nulla diversitas suffragiorum, omnibus bellum suadentibus.

Vallis Telina incolæ volunt Pontifici subijci.

Vbi legati Pontificij propositiones in gloriam Galliæ impingebāt, ita illæ Vallensium ad Pontificē & Bethuniū. Romæ iniustitiā spirabant, Hispano irritamentis præveniente Catholicos illius regionis, ob religionis summā ut Pontifici lummum deferrent imperium, Bethunioque referrent, sub imperium Rætorum nunquam sese, obnitente conscientia, reversuros; Vulgato etiam satis amplo sermone, quo per complures rationes demonstrabant, cū regna de suis cōmodis ex regione suā convenire non possint, nullum sibi plausibilis iustiusve mediū expediendi occurrere, quàm Pontificis potestatem subire, quoniam is cum regibus pro iure cōmunis paternitatis agēs, angustias in bonum Christiani Orbis, pro arbitrio alterutri esset concessurus. Sententia autem istæ Pontifici admodum opportuna, titillabat animum, ut nullo negotio assensum præbuisset, nisi Bethunius hinc inderationē omni exceptione maiorem adduxisset, populis videlicet nefas esse jugum obedientiæ proficere, & Vallensibus, integrum minimè esse, salva iustitia, cujuscūque imperium subire, cum per naturam Rætis pareant, nec rex diversum ferat.

Sciebat enim, Pontifices plerunque magis in Hispanos propendere, quàm in Gallos, ingenio an metu; & illis Vallem Telinam permittere, nihil ferè minus esse, quàm Hispanis eandē tradere. Ristū etiā fecere Vallenses artificio ad Bethuniū pervertendum adhibito, quasi res cōmodo Galliæ fieret, iterato protestati, universos incolas iudicio regis tantum

tantum delatutos, ut id unicè in votis habeant, à Rætis rex fidem acciperet detransigendo, tunc sese nutum ipsius secuturos; addebant tamen, ne ægrè ferret si animū à Rætis penitus abstraherent, & ab Hispanis abhorrerent, cū intelligerent evidenter, ex utraq̃ parte nihil plus fiduciæ Galliam capturam. Quod si Rætis denuð subderentur, necessitatem imponi ad partes Hispanorum transcundi, nullo relicto dubio, eâ ratione clientelas cum ipsis continuari, ad extrema subsidia, cū Rætis fidere mēs abhorreat: nullo propinquiore vicino, aut principe ad suppetias promptissimas. Lubentissimè regi parituros, nisi æternam bellorū seriem patriæ contra Hispanos, patrociniij impatientes istius, formidarent. Expensis igitur omnibus, nullas sibi partes commodiores videri, quam Pontificis, cum Gallia quæ vel inde hic sese faciliorem debeat præstare, quod Pontifex illius commodis admodum faveat. In promptu Bethunio responsum, verbis humanitatis nihilo inferioribus; cū testificatione benevoli animi ex parte regis, cui commoda ipsorum semper fuerint cordi, ut protectionem nunquam sit intermissurus; nulla penitissimè pace futura, nisi sacrorum usu apud eos liberrimo. De summâ rei nihil celabat, expeditis mediis eidem libertati asserendâ, imperium non mutandum, cum ex jure nascendi de semet ipsis statuere possent Fatebaur libere regē non quærere Imperium in ipsos, constituisse autem, Rætis illud asserere secundum liberrimum sacrorum usum; neque alium rei terminum sibi unquam ferendum. Responsum hoc fortissimum, an æquissimum, apud præpeditos minus justitiæ videbatur continere; visumque & alterum sermonem, à Prælato Mediolanensi divulgari, quo conabantur diversis rationibus planum facere, Pontifice satis benevolè annuente, nullum regi jus in Vallenses, quo illos à subjectione Sedis Apostolicæ distingere queat. Aded graviter sæpè Zelus temerarius, quem populi ratione sacrorum induunt, injustitiam, rectamque rationem impingit.

Politica reminiscencia.

Zelus est animi motus laudabilis, sed limitibus scientiæ

tia & charitatis definit⁹, alioqui irrationali furori propior quam virtuti: geminas istas virtutes ipsi adjungit Apostolus, vituperio notans iisdem destitutum. Oleum dixeris igni injectum, cum tantum ardorem animis infundat, ut ultra justitiam & rationem ferantur.

Quæ nationes ignorant Salvatoris doctrinam de honorando magistratu, quorumcunque sacrorum, ab ipsius manu introducto, quod secundum ipsum & Apostoli suo exemplo ratum fecere, Zelo imprudenti ob religionem, suæ adversantem, ad calcaandam obediëntiam, arma infesta corripienda, conjurationes incundas incendia cædesque spargendas, rem publicam omni calamitatum genere per bella civilia flagellandam concitantur.

Hinc Origines doctissimus ait, Zelum Dei inutilem, nisi scientiâ Dei regatur, Judæos exempli gratiâ adducens, qui temerario Zelo in gloriam Dei, omni execratione majus sacrilegiû admiserint in occidendo filio Dei: hanc etiam speciem Zeli ad cultum divinum non modò inutilem, sed & Ecclesijs, rebusque publicis apprimè noxium, ad extrema semper tendentem, veram utique bellorum civilium faciem, subruendis reipublicæ & Ecclesiæ fundamētis, sub quo vis pallio ad furoris rabiem perpetrandam.

C A P U T XXVI.

*Hollandi mittunt, qui regem ad fœdus mutu-
uum inducant.*

Dum legatus Pontificis etiam ad fontem delictiarum hæreret, accessit Hollædorum legatus animo penitus contrario: illo ad pacis scopum collineante, isto bellum reciprocum, sive tutâdis rebus sive invadendo Hispano, suadente.

Anno superiore pangebatur fœdus in mutuam defensionem, quod potiore partem armorum Hispanicorum in istis regionibus exercere posset, Hollandis ad ampliandos fines commodum: Quemadmodum verò & agre bellum procedit insignium palmarum inopiâ, illi nuperrimè

Bredâ.

Bredâ, oppido munitissimo exciderant, optabant, ut rex indicto bello illorum vindictâ talionique serviret.

Legatus nihil cessabat regi & Cardinali demonstrare, Hollandos non solos ambitioni Hispanicâ immolandos, Gallia eodem circuitu comprehensâ, cujus exteriora per Germaniam, Italiam & Vallem Telinam occupentur ad faciliorem irruptionem. Superfedere volebat ulteriore delineatione negotii ipsis non ignoti; rogabat tamen, animadverteretur, rectissimè Hispanum quærî, non excipi. Processisse eum, invasionis securum, singulis defensionē parantibus; facili negotio per irruptionem palmas extorqueri, nullâ poriore potentiâ, quàm aggressoris, animis, cum nemo invadit, ad invadendum audentioribus. Nimis hæc manifesta ignorari non posse; sed nota non posse victorias illius non impedire, quin ipsius petatur, & nostra trophæa domi videat.

Gloriæ stimulos conabatur regi adhibere, enumerans cursus Cyri, Hannibalis, Alexandri & Cæsaris, summorumque apud Romanos ducum, qui hostibus invasis fortunâ fecerint suam; idque unum gloriæ regiæ deesse, quâ sors bono Europæ nasci voluerit, libertatique vicinorum servandæ. Succenturiabat tanto artificio verâ & consilia aliunde, Angliam non defuturam, Flandriam subjugo gementem, libertatis avidam, quidvis præstituram.

Sumtus denique eousque non considerandos, cum militia Galliæ æquè ac Hannibalis exercitus sit a lédus, quod ille respondebat ex Africâ trajiciens, exercitu ipso, cui pedem in Europâ figenti, ær, ignis, terra, fortunæ incolarum forent cum ipsis communia; quod eventus comprobaret, bello octodecim annos in Italiâ & Hispaniâ, nullis Africæ sumtibus, ducto.

Major pars istarum rationum ad eò verè congruebant, cæteris perquam speciosis, ut regi necessariò defuisset fortitudo, nisi moyeretur, cum etiam de iisdem rebus cum Cardinale jam sponte egisset: unde sedebat animo, Principibus Europæ extremam necessitatem invadendi Hispani impositam, ad modum victoriis statuendum; initio jam per Vallem Telinam facto.

Expendebat tamen, negotia sumta satis trahere momē-

ti secundum constitutionem præsentem Gallia; ; difficulter ulteriora proponi, nisi religionariorum factio, ex bellis animosior, præcavendis tumultibus bonam partem armorum distinens, penitissimè excinderetur. Necessè etiam esse, ut antequam Flandria tentaretur, Austriacorum arma per Germaniam occupentur, locis ad submittenda auxilia prius correctis, ne ea subigi possit. Rex istoc consilio institutus, Cardinali fædus ad offendendum interdicit: is legato summam negotij exponit, ad respondendum hæsitanti, prout res ferebat: rogabat exinde, referret Hollandis, regem & copijs & pecunijs submissurum, ubi usus foret, juxta fædus; temporum cursui etiam invitanti non defuturum, vel ad sui ipsius gloriam.

Politica reminiscencia.

PArum confert Principi generosus animus ad suscipiendum bellum, nisi sapientia occasionem commodè agendi doceat. Tempus non semper idoneum sumèdis armis, fæderibus ne èdis, paci frangendæ; cùm ante omnia consiliorum spectanda sit securitas, utilitas, honestas, & executionis superanda difficultas, nemo enim consilium facile suggerit, parte periculi sibi sumtâ. In postremis non reputatur, hostium vires nosse ante invasionem, auxilia quæ sperent, cõmoda quæ ex prælijs referât, occupationes quibus distraherentur, loca quæ tutandis rebus suppetias transmittant, provincias quæ militiæ necessaria suppedient, omnemque ad eò ipsius dispositionem. Quicunque bellum utiliter cupit finire, incipiat per prudentiam, consilijs è repræsentanti captis, ratione ad spei æqui librium appensa, præsentibus ad futura exactis, quæque ex parte tantum extant nunquam spretis, ne eventus doceat, exortio nimis fervido defuisse prudentiam.

Gallis pessimè cecidit interrupta pax cum Carolo V. anno 1555. cùm frustra niterentur Pauli IV. ex Caraffarum familiâ, promissis. Nam negotio præter fundamentum & rationem expenso, nullâ habita consideratione virium quas ibant lacescitum, aut temporum constitutione, exitum damnosiores sentire. Laudat in Hannibale T. Livius, quòd hostilia æquè ac sua nosset.

Hæc

Hâcigitur destitutus notitia princeps in bello suscepto exitium quærit: quod si occasio sit attendenda, videat an consilia nitantur aliquo fâdere, cum vix ullum offensio- ni factum ad spem fæderatorum desinat; diuturnis etiam bellis plerumque ob diversa principum commoda evanidis: accedit temporum & rerum mutatio, artesque pluri- mæ disturbando fâdêri. Suboritur etiam ex diversitate quacunque æmulatio, singulis ad sua dilabentibus, ut ma- gnum molimen sequatur parum felix successus.

C A P U T XXVII.

*Religionarij afflicti, clementiam regis
inclamant.*

Illuſtris illa victoria, quam rex in mari Rupellano & inſulâ Reâ obtinuerat, Rohanio per Languedociam ni- hil promovente, quod Therninius undique præverte- ret, Religionarios ad inclamandam regis clementiam perpulit. Petunt gratiam mittendi, qui errorem deprecarentur, fide & obedientia delata. Gratum id regi, ad Fontem delictiarum, nondum profecto legato Pontificio, sub finem Auguſti, ſubmiſſionis & pænitiæ quantaquanta teſtimonia excipienti, tum univerſæ factionis, tum Rohanij ac Subiſij nominibus, qui tamen per ſuos privatim quærebant militiæ Italiæ adhiberi, teſtandi erga regis gloriam fervoris ergo, cum quodcunque terra marique periculum promiſſimè ſic eſſent ſubituri.

Sermone deſuncti, querimoniam per capita diſtinctam ſumma exhibent, remediû rogitant, ex edicto Nannetenſi, cæterisque indultis. Rex eam examini deſtinat. Quamvis autem ſuaviſſima pax animos delinire ſolita, populorum pauperies, & Hiſpanorum auſa in fæderatos Galliæ, omni- um Gallorum vota fleſtere, potuiſſent, ut rex ſeſe ipſorum ſupplicationibus facilem præberet; diverſum tamen u- ſum rerum plerique ſpectabant.

Exi- ſtimabant alij, Rupellâ ad incitas redactâ, poſtquam inſulis, mari, milite & navibus deſtituatur, nec nego- tium

militer, & navibus destituatur, nec negotium destituendū: occasionem admodum opportunam non dimittendam, cum obsidio semestri minor propugnacula complanare & regi obedientiam conciliare possit, factione Religionariorum destructā: neq; enim cæteris oppidis vires adesse, ad eam cum vigore fovendam; sic autoritatem regiam crescere, Ecclesiam in comparabili bono cumulari.

Plebeia hæc erant ingenia, quibus tantummodò oculos ferientia considerantur, prudentiā in futura languescere. Obviam illis non erat, quovis tempore regi integrum in Hæreticos ducere, militiā maximè longè aliter, quàm olim ordinatā, quod cursus rerum docuit: nihil facilius, quàm Rupellanos ex Reā & Olerone, munimento Ludovici, alijsque fortalijs coercere; nec tamen semper tempestivè ambitioni Hispanicæ per Italiam, Ratos & Vallem Telinam obviam iri. Cum dedecore illa incepta deferri, sic Vallem Telinam, universamque Italiam, jam armis fatigatam, Hispano crescenti permitti: ista præ Hæreticis urgere, quod nunquam opportunius præbeat sese secundus successus.

Præterea, non satis esse, Zelo temerario obsæra duci, regni commodis neglectis, cum maximè Religio partem constituat reipublicæ, eoque minus interit religionis, si Religionariorum everso aliquamdiu differatur: nec bellum, nec vim quicquam ad conversionem illorum unquam contulisse, hæresi croci naturam inducente, qui calcatus inflatur: sic eos instar Salamandræ in medijs ignibus substitisse; demersos, genimina piscium æquasse; capite truncatos, plurimis ramis pullulasse, unde non de exitio hæresios, sed de factione agi, quam rex pro lubitu aggredi possit, nullā non occasione propter genium illorū refractarium enascente. Eandem verò rationem rerum Italicarum minimè esse, quæ cum summā ignominia destituerentur, abjectā potentiā de Hispanis, qui radices agant, unquam ejiciendis.

Gravissimis istis rationibus à Cardinale explicatis per-motus rex Religionarijs pacem indulget, ut ad res Italiæ, Vallisque Telinæ expeditior esset; additā fide, Edicti Nemetensis promissa, post expensam ipsorum querimoniam, pps salva fore: permisso libero exercitio religionis per ea oppida,

oppida, ubi templa & sepulcrera prius habuissent, præteritorum oblivione inductâ: demolitione tamen munimentis Ludovici; quod Rupellanos maximè in officio contineret, supersedebant.

Gratiam hanc Deputati communes nomine oppidorum omnium suscipere, præter Rupellanos, Montalbános, Castrenses & Milhaudanos, qui à Rohanio & Subisio circumventi, ægrè ferebant, duces præter gratiam nihil commodi referre, nec militiæ Italicæ adhiberi, quod desiderabant; inde supplicabant regi, quæsito alio colore, ne ægrè ferret moram, donec bini duces, oppidaque quaterina assentirentur. Et moram hanc indulget rex, modò rem quanto cius expedirent.

Politica reminiscencia.

Optare licet, ut factio in regno adulta prematur cavendis tumultibus; non tamen quovis licet tempore manum operi admovere. Sapiens igitur Minister occasioni intentus, imbecillitatem aut commodum reipublicæ suæ spectabit. Suetonius Paulinus, inter peritissimos prudentissimosque sui temporis duces facile princeps, sermone doctissimo, ad gliscientia bella civilia inter Othoniem & Vitellium docuit, quod Tacitus refert, Vitellius rebus suis consulere per diligentiam; Othoni dilationem plus commodi allaturam, ubi cæteris fuerit defunctus. Cneus Sulpitius Dictator magna prudentiâ censebat, bellum Gallicum non præcipitandum; ex eâ ratione, quod adversus hostem, indies in hostico, extra patriam sponte deterendum, nihil esset opus dubiâ aleâ. Incidisset enim in grande periculum, si tum prælium poscentibus obtemperasset, facillimâ postmodum victoriâ.

Consilia iusta & reipublicæ utilia minimè videntur vituperanda: Minister vero sapiens maiorem aufert laudem, qui in rebus gerendis non tantum æquitatem mente concipit, sed & temporis habitâ ratione, occasione sese accomodat, necessitati præ-

bet.

CAPUT XXVIII.

*Viniolius supplementum sex millium deducit
in Italiam.*

Quamvis pax cum Religionarijs non undiquaque firmaretur, tamen necessitas supplementorum Cardinali nota, regem ad mittendum Viniolium cum sex setemue millibus gregariorum iaduxit. In Pedemontium descendens is obsessam Verruam invenit in ripâ Eridani, non quidem magno incolarum numero, sed castello in rupe collis sito defensam: Ferianus copias Asta exemerat, hic operâ pretium facturus. Sabaudus autem re intellecta, sub oculis Hispanorum San Reyranum, nobilitatis Bressanae, cum mille peditibus submiterat, exercitu ex Grequij opinione ad radices collis admoto, fossis præ oppido validis munito.

Impetus & eruptiones ultra tres menses continuantur. Ferianus fossas ducit suggestus erigit pro summâ industria: tormentis tonâs immane, quinque aut sex locis muros aperit diverso tempore, toties impetu facto, aggressoribus fatis damnofo. Cuniculos complures fodit, hydram septem orificiorum adornat, majori suo, quam obsessorum damno; nullo pede terræ capto quem teneret. Interea ingruit hyemis tædium, exundat Eridan⁹ infestior, fossas desertas implet, suggestus eruit, ut tormenta palustribus mergerentur, summo labore educenda. Hinc Gallis animus cresceret, donec decimo septimo Novembris Connestabilis, Crequius, & Viniolius nuperrimè ad volans, momentis rerum expensis decernerent impetum facere in munimenta Hispanorum per planitiem. Summam rem gerit Connestabilis, proditur in aciem, fit prælium acerrimum ultra tres horas, summâ Gallorum gloriâ, quod munimenta omnia occuparent.

Intervenit Sabaudus, incedit hostis, pedestri agmine tripartito, equitibus in duas alas dispersis, ad recuperandâ amissa. Monumentum, quod deferendum Galli statuerant,

obti-

obtener, nocte pugnam dirimente, amissis bis mille, cen-
tum gregarijs apud Gallos desideratis. Per summam igitur
penuriam abiecta spe munimentorum, Gonzales Cordoua
silente nocte obsidionem soluit, silicem collisione, quid
rei esset, indicante. Sic nidulo isti exercitum quadraginta
millium impedere, evanida armorum Hispani corum au-
thoritare, cum videretur Deus vanitatem illorum ludi-
brio exponere, ob iniquissima consilia per extremam ana-
bitionem suscepta.

Politica reminiscencia.

Quaantumvis ambitioni Principes consilia tollant, De-
tamen superbis adversus, potentiam deprimit, justiti-
ae summæ subicit, ignominia in præsumptionem paratâ,
Providentia ipsius potentiae facit modum, commoda ad
vicinos expendit, tranquillitatis publicæ studio.

Ingenia placida sese intra limites justorum desiderio-
rum continent, fœderatorum protectioni favent, unde il-
lis casibus exempta, honorem gloriamque perpetuos ha-
bent comites: Quicumque nullos potentiae limites fert, au-
det omnia ampliandum, eò frequentius ignominiae expo-
situs, quod omnibus exosus impedimenta undique senti-
at, Numine etiam in ejus casum propenso. Divi-
nam sapientiam hic nunquam satis mirere, quod constitu-
tis duobus imperiis per viciniam, alteram ad alterius mo-
derationem constituat, ut consilia ad servandam viciniae
libertatem disturbet. Sic frustra plerumque alter alterius
exuvijs ditescere cupit, cum Sapientia illa infinita ambi-
tionem moderetur, conatus inutiles reddat.

Deus quidem aliquando in Principem pœnâ consti-
tuta, alteri laxat habenas, quod rarum tamen; sed ple-
runque gravi casui exponit cæterorum ruinis surgentem,
Darius eò proterviæ processit, ut sese regem regum dice-
ret, hinc Alexander, contemptim habitus ipsi vitam
cum Imperio adimere potuit. Sic Arphaxates, Medorum
rex, subactis plurimis Nationibus, Ecbatanam populosis-
simam urbem struit, & propria, um ad eò virum poten-
tia

tiâ inflatur, quasi nihil ei obistere posset: Deus tamen præ-
tissimè contrariorum fecit periculum, eo per regem Ni-
nives castigato & victo, ut specimen illud moneret, mo-
derata consilia ad gloriam subsistere, ambitionem qui-
busvis exponi fortunæ ludibrijs.

CAPUT XXIX.

*Supplementum submittitur Cæurio in Val-
lem Telinam.*

Cardinali res Vallis Telinæ, æquæ ac Italiæ erant curæ.
Hinc diversæ copiæ ex Gallijs, etiam per Rætiam cō-
scriptæ aliæ & à Veneris tandem impetratæ cōtendunt. A-
pud Urios & Undervaldos duæ legiones colligebantur,
ut jam appareret, omnia ipsius prudentiæ cedere, cum & i-
sti duo pagi Hispano arctissimè adhærent, frustra Do-
glianyo oratore & Scapyo Nuntio id impedire conanti-
bus.

Admodum opportunè supplementa accedebant, cum
Hispani plurimum essent aucti paulò antè. ut duce Pape-
heimio Terzium Sottonæ in Valle Telinâ tentarint, & Al-
banos & Capletios panico terrore ob exercitum remo-
tum correptos, ex lineis eiecerint. Cæurius igitur insolenti-
arum impatiens, exactis advindictam viribus, ex senten-
tia ducum, decimo septimo Octobris copias ad Pontem
Gaudium contrahit, impetum disponit, pugnam feliciter
orditur, & ultra duas horas extrahit, militum receptacula
recuperat eodem quo erant perdita fortunæ favore, ma-
jori tamen ob inæquales vires, gloriâ.

Posthæc Candalius didicit, octingentos pedites, qua-
dringentos equites Chaumontium Rhætorum munimen-
tum corripuisse; à Cæurio igitur bis mille suppetiarum
accipit, lustratum exercitum admovent, Hispanis defensionem
acrem ostendantibus: sex è suggestu tormenta muros
aperiunt ad impetum, grandinem plumbeam in fenestras
defensores evomitura, dum duobus crepitaculis porta
rumpitur, ut irruentes Galli incolas ad deditiorem age-
rent.

rent, armis tantum concessis, servatâ quam secum illi ad-
vexerant annonâ. Sic illis digressis Candalius gubernat.

Per Vallem Telinam jam nihil restabat recuperandum,
præter Morbeniam, ejus subiugandæ gratiâ Cæurius
Senatum iterum coegerat: cum autem prudentiores lo-
cum natura munitissimum, & assultui difficillimum, imò
à presidio numeroso defensum ostenderent nullis etiam
ad interceptum comitatum paratis in lacu Comace-
no navibus; censitum, cum nulla claustra Hispanorum u-
sui faciat, negligendum.

Submisit ferociam prudentiæ audacia, ut scires, quæ-
dam etiam intacta manere: Iam nuper visum fuerat plu-
rimis recuperandæ Vallis Telinæ hinc exordium sumi,
quod postea factum, cum ratione viarum non sit maximi
momenti, nisi ad conservandam in officio viciniam: sic ad
quemvis tumultum per Vallem, huc concurritur ad asy-
lum tutandum, ut nisi primitus obruatur, postea operam
ludas.

Politica reminiscencia.

Summa sane virtus in expeditionibus bellicis pruden-
tiæ primas deferat oportet, cum gloria successu victo-
riarum, oppidorumque oppugnatione non mensuretur,
non sui utique plerumque arbitrij. **O**mnî tamen
vituperio liberantur, ubi ad victoriam omnem constan-
tiam, timore excusso, adferunt. **A**d extrema ausis
nemo quicquam exigit, cum ultra vires procedere sit ne-
gatum.

Ardua nihilominus in provinciis remotis per occupa-
tionem fortissimi loci, cui vim frustra admoveas, fue-
rint incipienda. Nam primus impetus necum spargit,
princeps summam rerum maximè asserente, cum copiis
tum alijs necessarijs comportandis, ut vim sustinere que-
at. Romam ante omnia petamus, inquiunt Romani
nominis hostes apud Herodotum, imperij caput, cæteris
sponte secuturis. Sic Cæsar agebat, Romanis nihil firmi per
Gallias sperandum, nisi Augustoduno Heduarum poti-
rentur, loco id temporis princeps, cætera in utramque
partem trahente.

Verum utique, expeditionis
ducem

ducem portis oppidi captis, reliquas partes facile superasse sic primo provinciae munimento potitus, cetera frano pro lubitu coercet, conservatione potissimum certa.

CAPUT XXX.

Rohanius excusat, quod leges factioni suae praescriptas accipere nequeat.

Postquam igitur summam negotiorum, quae hoc anno per Italiam & Vallem Telinam gesta sunt, vidimus, regni viscera inspiciemus. Rohanius pacē, nisi suo commodum inire nolens, excusationes nequit, cur ultimam suam mentem de articulis suae factioni à rege indultis, non nisi ex Utriusque Languedociae conventu, quem meditabatur, proderet: unde commodum unius & ambitio privata pacem distulit.

Interea omnem movebat lapidem, ut fortissima quaeque per Languedociam corripere, & alicubi superior auctoritate parva militiae partem Italicae aut quamcunque utilitatem regi extorqueret. Sic Tilietum in agro Albigenensi tentat quingentis ex Reah monte per noctem immissis, & fortiter repulsis. Iam dudum Pameriam, Masdazilum, & alia Foxensis territorij seduxerat, unde in planitiem excurrentes, praedas agebat. Damna illa frequentiora adigebant, vociferante rusticola, Consules, plurimum oppidorum ut arma regia, duce Themino, arcesserent. Non pauci in exercitu repulsam suadebant, ne sic Rohanius pro lubitu vagari posset, cum jam imminente exercitu nihil auderet. Consulibus autem sumtus bellicos offerentibus, tempus quo refocillandis copiis, ad Castra valde fatigatis, Carmanius subveniendum putavit.

Is assumtis, quae videbantur copiis, Calmontem, exiguum ad Mazeram oppidum aggreditur, ut eruptiones frequentes, vicinisque graves rebellium coerceret. Obsidio interitum diem extenditur, obsessi ob tormentorum violentiam, de nocte elabuntur, quos Marchio Ambrius cum turba volentium ex

etumultu affecutus, maximam partem concidit: idem quinque aut sex alios nidos exinde vel vi, vel transactione subigit.

Masdazilani re intellecta trepidant, veniam coram agendi ab exercitu petunt: sed Rohanius auxiliâ submittit, & qui mentem perverterent, hinc Theminium præter Carmanium ad obsidionem tentandam, armis in defensionem versis, paulatim attrahunt. Quintodecimo septembris hostilia tentantur, diruuntur muri, quos aggressiores resecuti inveniebant: ad alias ruinas repulsantur armaregia non sine damno obstinatissimè: supervenit pluvii molestissima, qua inflatur flumen, replentur fossæ, solvitur obsidio.

Casus iste satis amarus leniebatur victoriâ, quam post paulo Ambrius contra turmam volonam obtinebat, alijs caesis, alijs captis, cæteris dissipatis: quod Rohani o ægrè faciebat. Is igitur Masdazili defensionem, quod alias non magno negotio capi posset, sibi inutilem animadvertens, nullum etiam alicubi operæ pretium cernens, Milhaudam ad Conventum abit; ubi tantum valuit autoritare, ut ad regem mitterentur, qui pacem indultam acceptarent. Rex gratiam confirmat, quamvis novâ rebellionem cassam. Conveniebant tamen ea ratio instituto alteri, adversus Hispanum; excipitur Rupella quod colendi obsequii exiguam testaretur voluntatem.

Politica reminiscencia.

Ambitio Magnatum multa sæpè incommoda infert reipublicæ; notum belli aut summi aut ducti principum. Hæc ad quævis extrema propellit. ut scopum obtineat: Hæc neminem, vix semet amat, ut præ libidine omnia jura obedientiæ violat: hæc de æquitare nunquam ambigit, emolumento consiliorum intentâ; hinc ante omnia oculos velat justitiæ, ut tanto audentius incipiat, progrediaturque.

Semel infectus, falsum intuetur speculum, cuius vitrum objecta elegantiori aut grandiori forma reddat. quo artificio mens fascinum concipit fortunæ perpetuæ, ubi uno momento favit.

Confidentia virum pacem oblatam respuit; cum meminisse possent, fortunam, utpote vitreæ natura, fragilem esse, ubi maximè for-

formam putes teneri ; pacisque authorem Deum ex misericordia erga populum suum non raro eandem contemptoribus immittere calamitatem, quam aliis inferebant.

Venatores, ut Pantheram capiant, aconiti manipulum, quo fera mirè delectatur, ex alto suspendunt, ut assultu assequi nequeat. Sed illa ex aspectu tanto inflammatur desiderio potiundi, ut subsultibus continuis tandem expiret. Eodem certè modo fortuna, de ambitioso, ejusque vanitate triumphatura, victorias, opesque viribus nostris superiores proponit, nullo potentiori tractu animorum. Hinc conatus summi, tricæ temerariæ, quibus statim succumbat, ignominiâ in pictura gloriæ repertâ. Stupendum utique erat, Religionariorum factionem ad eñervari, postquam arma per pauculos annos regi opposuit, & potentes exercitus per Languedociam, donec ad officium redigeretur, fatigavit: sed qui conversionem reipublicæ, Cardinale manum admovente, sciebant, parum mirabantur.

Politica reminiscencia.

Dicam exercitum ad Rupellam excubias agentem ipsius consilio, inter causas summas numerari, quòd Aunisi territorium & Pictaviam sine motu ullo contineret. Alteram causam dixero, copias in Languedociam missas, ineunte anno, quæ inquietis ad eò providè imminebāt, ut nihil audere potuerint: rebellionibus potentissimo remedio. Accedit alia ratio secretior, tātò gravior, quòd paulatim & sine sēsu fortissimum fulcrum in regno subrueret, exigua illa scilicet regis autoritas, quam cæteri Ministri summi ante Cardinalem regi circumdabant libertasque Principibus & Magnatibus permessa ut aut Religionariorum partibus accederent, aut faverent, quotiescunque aliquaspe excidissent, unde illa tātum virium acquisivit. Magnates enim palam scribebant militem ad rebellionem suffulciendam, aut in eum finem pecunias suppeditabant, donec injusta hæc consuetudo tolleretur, rege consilium Cardinalis, summam rerum capeffente.

Id verò rex discebat ex occasionibus, Principibus & Magna-

Magnatibus ad eam obedientiam reducis, ut quilibet regis beneficijs lætior, agrè mentem factiosis cogitationibus turbari pateretur: cum prius plerique eam rerum gerendarum auctoritatem raperent, ut desiderijs frustrati, continuò ad sua secederent, ab obsequio assiduo liberati. Itaque alia vivendi ratio ipsis præscribi cœpta, ut nempe officium regis colendi intelligerent, & fastu posito, gratias caperent, quæ aliter impetrari non possent.

Sic omnes factiones claudicabant, ab aulâ semotis turbulentis quibudam, qui vesparum instar, fiscum exhauriebant, vitiolis seminibus apud Magnates sparsis, cum nihil pens haberent præter censuras administrationis, & dissidia, ut regio sumtu laurè agerent. Ea demum vera fuerit causa enervatæ factionis Religionariorum, quæ nunquam nisi alienis fulcris valuit. Hinc facillè patuit, rege ex prudentissimo Cardinalis consilio, clavum tenente, omnes subditorum vitam cepisse, & obedientiam conditioni parem induisse.

Auctoritas Monarchiam animat: beatam sanè rempublicam, cujus Princeps gubernandi rationem, sive convenientiam jubendo, sive subditos ad obedientiam ducendo rener. Is prudentis Medici æmulus, ante omnia robur cordi affundit, auctoritate Principis firmata. Si quis verò eâ exutus, clavum gubernaculi ad regendam navem, jugum populos in obsequio continendi, & splendorem venerationis perdidit, nunquam subditos habuerit obsequentes, contemptâ auctoritate. Venerationem frustra expectabit, cum principis characterem deposuerit, quo in animis populorum vigeat.

Auctoritas Principi præstat, quod splendor Soli: ille tanta devotione à mortalibus sanè nunquam suspiceretur, nisi coruscaret in oculis nostris. Ubi Princeps splendoris expers, partem sibi quisque agnatorum sumit, illius imbecillitate contemtuve, in quem corruit, in basin suæ potentie verso. Partem etiam provinciarum rectores servant, ut omnibus omnia liceant. Impunè quidvis patrat, nulla verecundia sumendorum armorum, ut vis extorqueat, quod nulla ratio assequeretur: pecuniæ publicæ intervertuntur, populi gemunt, turbantur omnia.

Theopompus, rex Lacedæmoniorum aliquando respondit, cum Sparta ob regum egregium imperium beata audiret, id civium obsequio deberi. Putem ego tamen, Monarchiæ prosperiora ab uno fonte fluere, authoritatis summæ, unde libertas rite gubernandi, & propensio animorum ad obediendum dependeat. Quod alioqui verum, in Galliâ fuerit verissimum, cujus gubernatio cum authoritate supremâ Principis stabilitur, nullo unquam majori emolumento ad rem publicam rectè ordinandam, quàm principiis quibus nata est, assumtis.

CAPUT XXXI.

Cardinalis laborat, ut regi matrem, fratrem & agnatos reconciliet.

QUEMADMODUM naturæ vincula parum durant, nisi benevolentiae nodis constringantur, ita non satis habuit Cardinalis, regem in possessionem illius authoritatis in Principes immissum, nisi summâ curâ conniteretur, ut arctissimâ benevolentia omnes compingeret. Regina mater inter domesticos regis primum occupat locum: hinc omnem cælitus concessam prudentiam impendit Cardinalis, ut voluntati regiae eam conjungeret: idq; eò libentius, quòd ab aliquot annis testimonia ab eadem benevolentiae, quæ obsequioprædicabat, ferret. Tanta autem felicitate succedebat opus, ut centuplum reddidisse videretur.

Neq; tamen in proclivi erat negotium, cum regina mater averſa esset, & rex iustis de causis turbaretur ejus actionibus. Ipsa enim nuper gubernatrix regni, clavum deponere non poterat, nullâ habitâ ratione, quantum spinarum diligens populorum cura ferat: splendore tantum fascini suffundente, ut genij sapientissimi, minusq; ambiciosi sese ei vix subducant. Sic ea non multum laborabat tegendo eo desiderio; unde rex, cujus solius dexterâ summa authoritas clauditur, eò plus suspicio.

nis concepit, quod principibus familiare est de potentia æmulari; idque cò rectius, quod iustitia nulli mortaliū imperium dispartitur.

Cardinalis porro hoc rerum statu omnem exerebat industriam, ut reginæ matris inclinationes superaret, securus æmulationis delendæ ex regis animo. Paulatim igitur & dextrè in animum fervidum instillabat, istam veritatis rationem, quam reconciliationis fundamentū ponebat. Nequid offēderetur, si rex imperio potiri satageret, rebus secundum ejus mandata fluentibus, cum ipsa vitam, leges regni auctoritatem contulerim, quæ cum nemo jure privare posset. Multa sanè circumspēctione utebatur, ut ipsa in partem curarum venire ne peteret, rex verò omni æmulatione deposita, plus auctoritatis, præter votum, communicaret, cum ingenio ad omnem reverentiam ei exhibendam prorsus natus esset.

Regina mater, quod tum temporis consilia ejus æstimaret, fidem adhibet, tanto inde commodo aucta, ut à negotijs publicis abstinens, apud regem summa auctoritate polleteret, etiam in rebus arduis. Id verò cōmodum admirandum à summi Ministri profectum industria longè pluris erat, quam ulla laudatæ benevolentia testimonia. Respublica etiam nihil minus utilitatis inde capiebat, quod arcta istæ benevolentia inter regem, & reginam matrem fenestram claudebat omnibus factionibus, quibus eatenus Gallia diffuebat: vires nemo partiebatur, integræ stabant, Exterorum ambitioni oppositæ: Ad soliditatem Cardinalis regi suadebat, Patrem Suffrenum conscientia expiandæ legeret, quo officio apud reginam matrem dudumungebatur: confusus, virum pacis perquam studiosum, pietatis columen, ambicionis expertem, utriusque conscientia condum, parvulis stolonibus identidem adnascentibus animam intertracturum; ea potissimum potestate, qua fæminæ per naturam ad colendos Confessores feruntur.

Frater regis, secundum reginam matrem majoris erat momenti in rebus agendis, ad partes formadas ap-

aptissimus, quod plerisque principibus ejus conditionis usu venit, qui impatientes moræ, calcatis & naturæ & regni legibus, ex suggestione familiarium, gubernaculum intempestive captant. Hinc Cardinali altera cura, ut cum ad voluntatem regis arctissime adhæreret. Neque enim nimia hic opus erat industria adhuc animi dispositionem, cum à naturâ justitiæ impressisset reverentiam in regem, quod Cardinali innotuerat, præterquam quod Principes illius ordinis ab officio per familiares plerumque distinentur; unde enixe Ornanum tribunum, in anima principis potentem lucrabatur. Id vero ingenium nullis vinculis, ambitione per naturam dominante, adstringi etiam sciebat, nisi eminentiæ; regem igitur inducit, ut bacillum Marschalci Gallæ donaret, si forte is gradus honorum mentem ad colendum regem flecteret. Princeps sanè agnatorum primus erat lucrandus, animo ad saniora traducto, communicatis negotiis, & desiderio ut plurimum expleto. Insigni itaque dexteritate expugnabatur reginæ matris animus, ut mente conciperet, nullam reipublicæ firmam fore tranquillitatem, nisi rex & ipsa unanimes degeret: id demum augere gloriam ipsius, si princeps ægritudine animi inquam præcipitem dederint, liberetur, cum inde factiones, & novæ turbæ nasci queant. Quascunque verò adferret rationes, ut ille ad aulam tum rediret, impetrari non potuit: perfecit tamen Cardinalis, ut rex literis eximiam ipsi contestatus fuerit benevolentiam, cōsuleret pro re natâ, sibi negotia ipsius summe cordi esse; quæ sita etiam sententiâ de rebus Vallem Telinam, Religionarios, & Italiam concernentibus, & sic animum delinivit, ut aliquantò propius ad voluntatem regis accederet. Hinc certa reipublicæ pax, huic concordie innixa, omni spe turbandi præcisâ.

Politica reminiscencia.

Quicumque Minister ardua est foris suscepturus, domum regiam prius firmet per concordiam oportet. Sic unitis humoribus constat corporis valetudo; justitia

naturæ prædominante aliquo, violatur, ut concordia soluta, compositum dispareat. Magnatum quod notissimum, principaliter verò regionum concordia firmissimum est reipublicæ fundamentum, adeoque augurium. Neque enim à summâ autoritate discedere possunt, aut eandem atterere, salvâ Justitiâ, constante concordia, quâ sublatâ quævis mala in Rempublicam ingruunt.

Ea erat mens Micipsæ apud Sallustium: & Cyrus inter alia documenta Cambysi filio etiam hoc consiliū suggestit, propinquos amice complecteretur, eorum commodis ad desideria moderata auctis: ea ratione benevolentiam apud populos acquiri, qui Principem omniamore vacuum credant, nisi propinquos diligit: sic enim imperium firmari, præventis tumultibus.

Id verò tantò magis considerandum, quòd Tacitus refert, populis familiarem esse, amorem erga Principis propinquos, præter rationem ipsi exosos: adducto exemplo Germanici, quem populus intensius amabat ex Tiberij odio. Manifestum enim, hanc popolorum exortem benevolentiam maximè inservire turbis concitandis, & rebellionis firmandæ.

Quemadmodum verò minimè convenit, propinquos regis à provinciarum gubernatione abstineri, ubi partem reipublicæ quadantenus sortiuntur, ita illi ordinem, nisi per concordiam, nunquam sequentur. Sic nihil procedit navigium, alijs ad proram, alijs ad puppem urgentibus, naucleri nutu contempto, naufragio præsentis: ita quidvis mali ominere; ubi principes regij ad gubernacula provinciarum, consilia & voluntatem regis negligunt, diversis partibus impliciti. Certa hinc bella civilia, Exterorum violentia, suum

commodum ex discordia
quærentium.

CAPUT XXXII.

*Blainvillanus extra ordinem legatur in
Angliam.*

Videbatur quidem amicitia inter Galliam & Angliam contracta, matrimonio etiam firmata, nudo Gordio constringi; exiguo tamen temporis tractu nescio quæ suboriebantur suggillatoria. Quod Regina Angliæ dudum apud Matronas familiares collocasset confidentiam summam, etiam apud sacrorum antistites aliquot non per omnia prudenter Zelo raptos, aliquam fecerat causam, ut suggestis non prudentissimis consilijs animum Regis mariti offenderet, dissidio gliscente.

Res non adeo nova regi, quod dudum nosset fæminarum consilia plerumque parum matura, quæ in turbas desinerent, nisi superiorem animi arbitrum, ad remedium præsens agnoscant. Mittitur nihilominus Blainvillanus extra ordinem, antequam maleferiatorum imprudentia circa reginam grande pareret malum. Remedium inde facile admissum, quod regina Angliæ nec reverentiâ, nec amore erga regem maritum careret, nullius rei rea, nisi facilioris fidei erga domesticos.

Etiam alia intercedebat inter duas Coronas dissidij causa, Subitus nempe in Angliam elapsus, quod pace constante, & Rupellanis insciis, ex portu Blabiæ navigium, signum S. Ioh. exigui ferēs rapuisset, Pleimuthumque traxisset. Angli etiam in portu Dobriæ aliud navigium, Mercatorem regium, attinuerant, mercesque duodecies mille librarum pretium excedentes sibi sumserant. Quæ usurpatio æquè insignis, ac injusta, validis sermonibus differebatur. Negotiatores igitur Galli, rebus non statim receptis, quod Blainvillani petita ad Senatum regium Magnæ Britanniae essent rejecta, alia Anglorum navigia atti-

neant,

ment, unde nova animorum commotio, ut nisi anno sequenti lis decidi non potuerit.

Politica reminiscencia.

ET si plerumque privatorum matrimonijs pax familiarijs nascatur & conservetur, diversum tamen Principibus accidit, quibus plerumq; commodum spectatur: unde lite orta, nulla habetur ratio amicitiae. Docuit etiam experientia, nullum gravius odium, crudeliusve bellum, quam inter amicos. Olim existimabatur, matrimonijs Aurelianensium & Burgundionum familias reconciliatum iri; quod eventus negavit.

Ludovicus Maurus, dux Mediolani, Arragonius Neapolitanus propinquitate sanguinis attingens, exitium ipsi conciliare non superstit. Nemini ignotum, Galliam cum Hispania, atque Angliam nunquam vehementius intricatam, quam per matrimonia. Neq; tamen id adeo mirum, cum Princeps neminem propinquiorem habeat republicam. Privatis licet colere leges amicitiae, Princeps jura Coronae asserit, autoritate ad negotiorum summam adeo sublimi, ut quamcunque injuriam via decenti repulsare debeat.

CAPUT XXXIII.*Cura Cardinalis circa fiscum.*

Quicumque à decennio animum administrandae Galliae advertisset, satis mirari nequibat, sumtus enormes ad exercitus per Languedociam, Pictaviam, Vallem Telinam & Italiam alendos, ad pompam matrimonij Anglicani, ad legati Pontificij aulam, ad fœdus Hollandium profusos, cum Cardinalis ærarium & exhaustum, & multis nominibus oneratum offendisset, futuris redditibus in quotidianos usus versis.

Hic igitur summi Ministri prudentia emicuit, qui sciret, quanti interesset reipublicæ, ærarium bene instructum, ideoque primitus auspicijs regis fisci rationes disposuerat, ut abundantia egestati succederet. Actuarius intimi senatus jubebantur sigillum non nisi ad expressa regis, aut summorum ministrorum mandata apponere: Inspectores quaestorum, ne Actuariorum sigilla, nisi ex justis causis roborarent. Ab aula removebantur, quibus summum negotium, in regis versari oculis. Beneficia reponebantur meritis. Prodibant novæ regulæ fisci, quibus exactissimè servatis, pecuniarum regularum abusus prior penitus tollebatur: ita ut ærarium non tantum liberaretur prænumerationibus, sed etiam abundaret, modo nunquam per Galliam audit.

Politica reminiscencia.

FRustra rex meditabitur ardua, nisi ærarium construat, ad ea assequenda. Politicorum principes divitias faciunt belli nervum, ex similitudine corporis humani, quod nervorum usu movetur & sustentatur, nullo exercitu valido, aut milite obsequente, nisi stipendium numeretur. necessaria præstentur. Unus Machiavellus Dioni, Q. Curtio, Vegetio, Ciceroni, Plutarcho obloquitur, pecunijs vicem nervorum derogans. Cum verò laudatæ antiquitatis genius bonâ cum pace ipsi conferatur, non video, quibus rationibus fidem communem evertat.

Facile ipsi dedero, bellum aliquando feliciter geri, arcto militum stipendio, cum Ducis autoritas, virtusque propria fortissimè agant; ex rarioribus regulam non extruet. Unum legas exemplum in prælio Patavino, ubi Cæsareani militi ob non solum stipendium diffidebant, Pescarius autem fortissimâ oratione tantum ardorem subiecit, ut arma promptè expedirent, Gallis cum insigni ignominia victis. Sed Princeps istoc, aut quovis simili exemplo seductus, ad subeundam ignominiam accingitur; experientia plus millies attestante,

præter rationem prosperitati in bello vota fieri, nisi usus rerum accedat.

Equidem scio, pecunias ad ardua non omnia conferre, cum & miles cordatus, & dux provectæ ætatis, laudatæ industriæ, famosæ fortitudinis, firmi consilij, promptæ executionis, magnæ ad exercitum authoritatis, cæterarumque imperatoriarum virtutum dives requiratur. Neque tamen Princeps istis instructus sine æranij nervis operæ fecerit pretium, cum nec ducem, nec militem habeat obsequentes. Nulla alia ratio apparatusum & annonæ, tormentorum & impedimentorum, nisi impensarum: nec aliter attrito exercitui supplementa dantur.

Carolus VIII, non satis numeroso erat instructus exercitu, ad Novaram obsidione liberandam: mittit igitur Dinioduni præfectum ad scribendum militem, quem sine præsentī pecuniā non inveniebat. Consultius ergo visum, cum Florentinis transigere, & redditā Pisā, alijsque fide datis oppidis, aurum accipere, quod Præfecto transmissum, non decem, sed viginti millia Helvetiorum adduxit.

CAPUT XXXIV.

Libelli quidam infames, ab Hispanorum ambitione orti, in Conveniū Cleri damnantur.

A mense Majo Episcopi & Cleri deputati conveniunt, agitant Parisiis: tum ut decennialia cum rege firmarent, de pensione corporali: tum ut Zelum erga regem testarentur, ad libellos infames quos ambitio Hispanorum in Galliam evomuerat, censendos. Apparebat statim legenti doctrina seditiosa, in eum finem promulgata, ut authoritas regia imminueretur, gloria Majestatis marcesceret, populi concitarentur, & bellorum civilium incendium Galliam corripere, summo verborum lenocinio, in pietatis speciem verso.

Cordati vero isti sacrorum Antistites è primo limine notabant artificium, Pharmacopæis solitum & circumforaneis, qui pyxides specioso salutaris medicamenti nomine insigniunt, intus periculum occultant. Prescribuntur igitur authores, ut qui tranquillitatem publicam turbarent, erecto ad seditionem signo: invitantur vicissim populi, recordentur mandati divini de honorandis regibus, quos sibi legatos fecerit Deus, jubentur exactam obedientiam præstare, justitiam colere, eaque consilia promovere, quæ Deus ad prosperitatem gloriamque Galliæ suggesserit.

A verbis omne obsequium arguentibus transeunt ad opus Zeli & pietatis plenissimum, concessis sexcentis mille aureis nomine omnium Ecclesiarum per Calliam, in subsidium belli, quod respublica, ad Ecclesiæ splendorem conservandum, gloriamque Coronæ asserendam, tum gereret. Obmurmurabant quidem infirmioris iudicii nonnulli, altero tantum fine bonorum Ecclesiasticorum considerato, quasi verò Ecclesia, Republicæ pars non teneretur ad conservationem corporis, contribuere, aut necessitas publica privatorum commodis, perverso nonnunquam usu, posthabenda foret.

Politica reminiscencia.

IN potestate regum est, Ecclesiasticos necessitate urgente, ad partem reddituum erogandam adigere, ut subveniant Republicæ, cum bona Ecclesiastica ejusdem sint conditionis cum cæteris, per eum cursum rerum. Neque enim per filium Dei, aut Apostolos à tributo communi eximebantur, Ecclesiâ id temporis bonorum immobilium vacuâ. A pietate igitur Imperatorum & regum hanc obtinent gratiam, eâ tamen lege, ut summis reipublicæ necessitatibus ne desint, cum successoribus principum sine scrupulo liceat receptare necessaria.

Pietatis est, petere, quod pro summâ auctoritate capere licet, frustraneo alioqui patrocínio in Ecclesias, nisi usus in necessitate concederetur: modestia

igi-

igitur principum Ecclesiasticos reddat promtiores ad subsidia, cum imperantis preces arctius vinciant, quam mandata. Sicuti verò omnes corporis partes, nec ullâ nobilissimarum exceptâ, conservationi ejusdem inserviunt, ita æquum fuerit, ut omnes Reipublicæ partes connitantur ad ejusdem conservationem, aut gloriam restaurandam.

Gratianus Imperator sanxit, ut singuli bono publico obedirent, ex officio subveniendi, sine ullis immunitatibus pro dignitate concessis. Sic ferè Platon, omnes omnium mortalium debere necessitati obsequium, ipsis Dijs eidem submissis. Si verò Ecclesiastici tergiversarentur regibus eo statu rerum subvenire, meritissime illis obijceretur, quod Dioeletianus olim Philosopho cuidam, immunitatem mutui à populo exacti petenti exprobravit: Ista petitio tuo vitæ instituto per diametrum occurrit, quod imperium in animi motus præfert, & summis in mundo desiderijs calcaneum minatur, cum ab avaritiâ subigaris. Ita Ecclesiastici, discipulorum & imitatorum Christi professi æmuli, quibus paupertas summè erat cordi, usu etiam auri atque argenti interdicto, ad contraria transirent, si immunitatem eorum onerum, quæ reges reliquis subditis, urgente necessitate publicâ imponunt, prætenderent.

CAPUT XXXV.

*Lotharingia ex testamento Ducis Henrici
turbatur.*

Reliquum est, ut de negotio ad finem istius anni per Lotharingiam exorto, ob Galliæ summum intermentum, porro agamus. Henricus Lotharingæ dux, anno ante obitum quod hæredibus masculis careret, tabulis supremæ voluntatis Nicolam filiam primogenitam hæredem ex asse scripserat, nup-

nuptam Carolo Lotharingo, Comitis Validimontij filio primogenito, itaque ex fratre secundo genito nepotij, insertâ tabulis admonitione, Lotharingiam cum omni appendice filia fore, Carolo marito nihil juris, nisi ex matrimonij consideratione, ibi relicto. Sed Validimontij Comes, ut imperium filio stabiliret, si fortea conjux usuram lucis redderet, se ipsum ferebat hæredem, ex testamento Renati II. regis Siciliae, ducis Lotharingiae, atavi paterni scripto, 25. Maij anno 1506, cujus notitiam eousque nunquam fuisset adeptus.

Eodem testamento prudentissimum regem, consideratis summarum familiarum casibus, per provinciarum dissipationes inter plures hæredes, in massam eandem compegisse Ducatus Lotharingiae & Barry, Marchionatum Pontis Muffonij, & Comitatum Validimontij, dicto uno & solo hærede eorum dominiorum Anthonio Lotharingo, filio primogenito; addito statuto, ut posteri ipsius mares maribus gradatim & ex ordine succederent, sæminis donec illi deficerent, exclusis Claudio, secundogenito constituebat Guisiam, Elbaviam, Meduaniam, Jonvillam & alia per Galliam, substitutis per infinitum successivè maribus, sæminis semper exclusis. Autographum Testamenti omnem fidem merebatur, exemplaribus sine numero undiquaq; sparsis. Producebatur etiam instrumentum approbatorium, ab ordinibus omnium dominiorum 13. Febr. 1508. post obitum illius regis, præsentibus Philippinâ Geldria, reginâ Siciliae, duce Lotharingiae & Barri, scriptum, ubi ordines declarant, sese institutum domini regis secuturos.

Validimontius hinc contestabatur, et lege substitutionis, & secundum ordinem testamento comprehensum, per Ordines firmatum, sibi verò, soli & uni hæredi Lotharingiam deberi, filiabus Ducis Henrici, fratris sui defuncti nihil in eam juris competere, nisi quantum ad matrimonium prodignitate requireretur. Publicis tamen tabulis testabatur, in favorem matrimonij, quod suus primo genitus cum Nicolaa fratris primogenita contraxisset, sese imperium eidem filio eradere, adeoque investituram conferre; velle etiam,

ut eidem honos & obsequium per omnia sua dominia exhiberetur, quorum fura in ipsius commodum dimittat, ut post illius etiam obitum ad mares proximiores descenderent, sæminis exclusis; jure primogenituræ summo, ad eò ut ulterius geniti redditus, filiæ dotem pro splendore natalium auferrent. Rex, licet transactioni huic immixtus, nihil opposuit per contentum rei vanæ, cum posset causam ignorantia prætere, donec ad ratificationem postularetur. Genij verò firmendis Reipublicæ commodis facti, nullo alio, nisi fidelitatis instinctu, materiam disceptandi nanciscuntur; alijs asserentibus, Testamentum Renati II. ex quo Validimontius jus duceret, simpliciter nullum esse, transactionem inde cessionis itidem fieri nullam: hæc potissimum ratione, cum legibus & consuetudini tum Barri, tum Lotharingæ repugnet, quæ in successione istorum imperiorum observata sint, ubi filiæ maribus remotioribus præferantur.

Deinde etiam refragari Leges & statuta regni Gallia, per sanctiones Aureliæ anno 1560. & Maulinij anno 1566. factas, quibus substitutiones in infinitum tolluntur, ad secundum gradum restringuntur, præter institutionem præteritam. Nam exinde necessario consequi, hanc substitutionem per infinitum in favorem marium, non valituram, vel saltem quoad Barrum, & Gallia feuda, ubi regis autoritas non tantum ut Domini, sed etiam ut patroni feudalis consideranda sit, ad quem causæ appellationum pertineant, cui fides & homagium ligium debeat, æque ac servitium erga quosvis & contra quosvis; cum clienti non liceat sine autoritate regis, principalis utique domini, naturam feudi, repugnante ordine per consuetudinem introducto mutare.

Addebant, ad firmandam sententiam, exemplum valde illustre, ductum ex pactis Guerrandæis, anno 1364. inter Johannem animosum, Comitem Monfortij, qui postea Britannia Armorica dux, ejus nominis quintus ferebatur, filium Johannis, Comitis Monfortij, ex una parte; & inter Johannam, Ducem Britannia

Armo.

Armorica, filiam Guy, Comitis Ponthevij, fratrem majorem Monfortij, ex altera parte: fœminas quādiu mares in familiā Britanniae Armoricae superserent, in eodem Ducatu non successuras. Neq; enim credidisse ea pacta firma & stabilia fore, nisi Carolus V. rex dominus Ducatus illius supremus, auctoritatem addidisset, firmassetq; cum consuetudini repugnarent: ex qua eadem Johanna ad summum tribunal obtinuerat Ducatum Britanniae Armoricae, praelata eidem Comiti Monfortio, patruo suo, propinquior utiq;, & primogeniti filia. Rogabant inde fiduciarios, Archiepiscopum Remorum & Mareſchalcum Bucicaudum, ut illius nomine pacta firmarent: quo facto mares ex familiā Monfortia in Ducatu Britanniae Armoricae fœminis praelati successerint. Inferebant inde, cū Renatus II. istunc ordinem non servârit, quoad Ducatum Barri, & terras feudales, exinde tabulas illas supremas simpliciter esse nullas.

Historiarum peritissimi insuper allegabant, testamentum illud Renati per familiam Lotharingicam omni valore exutum, cum nullo non tempore ei fuerit derogatum, Eundem Renatum quoad feuda Gallica decimo post mense solenniter peccasse, rogato Ludovico XII. ut consentiret, quod Claudius filius, cum posteris utriusq; sexus succederet in dominijs per Galliam sitis, etsi Claudius ille extra Galliae solum esset natus; quod patet ex literis naturalitatis, quas rex Lugduni anno 1507. mense Maio indulserat, praelatis fœminis à Claudio descendētib; posthabito Anthonio primogenito, quem ducem Lotharingiae fecerat, Renatus ejusq; posteris maribus. Ex eadem derogatione idem privilegium filiabus ijsdem Claudij indultum, cum Guisſia & Aumalia in Ducatus, Janvilla in principatum erigerentur, claris verbis, easdem ad successionem eorundem Ducatuum & principatus vocari, exclusis filiabus ducis defuncti vel saltem quantum ad Galliam spectaret.

Cum verò Lotharingia quādam ab Imperio Germaniae trahat, ob ea ipsa testamentum stare posse negabant, cum in consuetudinem omnium cæterorum citra Rhenum dominiorum per Imperium impingat, ipsum-

ipsumque Nanceij usitatum morem, cuius vigore filie exclusis maribus, proximiores utique, succedebant: neque Renato fuisse integrum, sine Imperatoris utique supremi domini consensu derogare.

Alij tamen sustinebant, Testamentum Renati esse validum, nullâ occurrente dispositione, quæ potestatem privilegiij excedat. Substitutionem quidem in Testamento consuetudini adversari; supremum tamen ligium saltem assentientibus Ordinibus leges condere in emolumentum Supremitatis, modò id fiat sine detrimento Supremi principalis, unde alter dependet: sic ipsi fuisse integrum à consuetudine recedere, cum nemini, ne supremo principali quidem tunc concedatur oppositio, nullo quippe suo damno, salvis juribus: consulto etiam Ordinum, ad consuetudinis emendationem, pro consuetudine valido, ex mente Jurisconsultorum.

Potissimæ istorum rationes erant, ut discernerentur jura supremi principalis, à Supremo ligio: sic non licere ligio in detrimentum principalis jurium statuta condere; non tamen idem de juribus propriis censendum, quorum dispositio, saltem adhibitis Ordinibus ipsi maneat libera non ad alienationem, sed ad substitutionem. Nihil attinere ad principalem, maribus an faminis succedentibus, cum jura sibi sua integra quærat, ex homagio, servitute, & obedientiâ.

Quod si etiam sese opponat dispositionibus, per Supremum ligium & Ordines sancitis in favorem marium, oppositionem nullius fore valoris, cum nemo, nisi ob detrimentum sese opponere queat. Ista rationem eò magis ob Lotharingiæ provincias considerandam, ab Imperio dependentes, cum longè minori subjectione, quàm illæ à Coronâ Galliæ teneantur, ducem ad nullum homagium Imperatori præstandum obligato: tantummodò ad serviendum, & pro necessitate rei publicæ contribuendum.

Adducebant etiam rationem gravissimam regis commoda spectantem, & terras à Coronâ Galliæ dependentes, ut ostenderent, ipsum minimè lædi substitutione in favorem marium, imò augeri commo-

modo,

modo, cum certus esse possit, Ordines Lotharingæ semper sub imperio imbellis principis futuros, ejus sola impotentia, ut maximè fidem frangat, cum in officio retineat; filia autem, exclusis maribus remotioribus, potentioribus nuptæ plus incommodi, quàm servitij afferrent: quod usu venerit, Elisabetha, Lotharingæ hærede, Renato nubente: cum omnibus sit notum, exemplis superfluis, quantum regi conducit, impotentiores habere vicinos.

Statuta Aurelianensia & Mouliniana, quæ substitutiones factas ad quartum restringunt gradum, præter institutionem, id est instituentem & institutum, qui succedit ab intestato, ajunt, non excludere Franciscum Comitem Validimontij à substitutione, cum quartus esset ab Anthonio, primo institutore. Is enim Anthonius imperium Lotharingæ reliquit Francisco filio, quod Franciscus idem filio Carolo transmisit, idemque Carolus filio Henrico tradidit, quem secutus postremum ducem, eundemque patrem Nicolæ. Cum autem mascula sobole careret, Franciscus frater, Comes Validimontij debuit successione addire, quarto utiq; gradu substitutionis consistens. Nam si principes ligios ad conditionem vasallorum cæterorum redigas, dari saltem quod vasallis permittitur.

Eodem modo dicunt, pacta Guerrandæa de Britannia Armorica nihil posse præjudicare Francisco Comiti Validimontij in adeunda hæreditate, cum exemplum singulare legem non faciat, ex Jurisconsultorum sententiâ; quoniam particulares malè instructi suo jure secundum extensionem quamcunque potestatis debita non uti possunt.

Tum etiam faciliè responderi posse, ad Testamenti transgressionis, ut pateat, per eas nihil id invalidari, cum illa Renati non posset valorem infringere: quod testator qualiscunque alicui articulo testamenti in vivis deroget, testamento tamen in cæteris subsistente. Ordinibus etiam post biennium assensum præbentibus, evidens fieri, de terris Anthonio relictis nihil derogatum voluisse: potuerit etiam à Ludovico XII. literas naturalitatis petijisse, ut filias Claudij filij & posteros, habiles faceret ad succedendum in ter-

his datis, non ut eas maribus præferret remotioribus: quoniam autem tempora tulerint, ut illæ solæ successionem Patris sui sortirentur, tum utilem fore naturalitatem Patri quæsitam, ad possessionem adeundam.

Idem ad erectionem Ducatum Guisæ & Aumaliæ, principatusque Ionuillæ responderi posse, quod ad pacta inter Carolum IX. & Carolum II. ducem Lotharingæ, cū nulla sit causa credendi, Guisios, pactorum procuratores, Testamento huic derogatum voluisse, quo ad successionem Lotharingæ, præteritis filiabus vocabantur, cū nemo hæcenus contravenisset, nullis extantibus filiabus, quæ Ducatus Lotharingæ & Barri, exclusis maribus, ambirent, præter Nicolaam & Claudiam Lotharingæ duces de quibus ageretur.

Quod formam renunciationis, quam Anna filia Anthonij, & Christina filia Caroli fecerint, spectat, nihil præjudicii ad Testamentum adferre cū omnes protestationem faciant, ut maneat in iuribus prætensis, quacunque formâ, nullo inde tamē quæsito jure Uti Responsiones istæ satis videbantur plausibiles ita rationes contra Testamentum productæ ipsis æstimabantur nullius ponderis, illata conclusione, Testamentum in suo valore subsistere, & pro legitimo executioni mandandum esse.

Istæ quidem rationes hinc inde militabant, solius autem regis est, de iisdem judicium, sed tantum quoad terras de sua Corona dependentes, cum iudex sit supremus suorum commodorum, nullamque aliam, præter divinam, superiorem ad arbitrium ferendum agnoscat.

Politica reminiscencia.

Substitutio suprematum facta in favorem marium, Si de magis legitima videtur, quod ad providentiam divinam, feminis quippeni ad obediendum creatis, & ad sapientissimorum ex antiquitate ordinem in rebus publicis institutum conformetur. Scimus Moysen, qui populo Dei leges præscripsit, oraculis Spiritus Sancti clarus, filiabus successionem, donec mares deficerent, interdixisse. Sic Plato secundo libro de Legibus ait, Rationi consentaneum esse, ut proximiores successionem adeant, hoc tamen ordine

K

serva-

servato, ut in eodem gradu mares præferantur fæminis; Testatore saltem aliquem ex maribus principalem heredem dicente.

Solon Legislatorum per omnia secula celeberrimus, legem sanxit ut idem in republica constitueret, Demosthene ex oratione adversus Leocratem referente. Atheniensium lex nihil juris in successione dabat filiabus, ubi fratres sese offerrent: uti in Codice Theodosiano patet. Euripides in Iphigeniâ causam addert, quod mares sint sulcra familiarum; quorum sit, arma pro salute populi ferre, quorum nomine sacra fiant; ad quos rerum publicarum cura denique spectet. Filias autem non conservare familias, in quibus nascantur, sed parte bonorum aliò translata affigere.

Quod si hoc privilegium marium olim videbatur æquum inter privatos, potissimum id fuerit bono suprematum, quarum fæminæ capaces nunquam æstimantur, saniorum calculo. Sunt quidem supremi ligi tantum usufructuarij dominij, ideoque ad consensum. Ordinum, ut substitutio valeat, obligantur: sed & Supremus principalis numquam recusabit ratihabitionem, cum non sine emolumento ejus fiat, in eorum maximè favorem, quorum potentia nullum metum parit. Eo modo conservabit terram à se dependentem, si eam tradat abjecto principi nam si in manus filiarum perveniat, maritipotentiores, quibus nubere datur, nō solum officium, quod ligius debet, non facient, sed e contra molestias creabunt, ut excubiæ perpetuæ ipsi sint constituendæ, tanquam inimicis ad bellum pronis.

Videtur etiam sine fundamento potestatem eos impedendi sibi arrogare, cum jura ipsius ad summum investituram, homagium, tributum, servitium belli & fidelitatem spectent, quibus salvis, lædi non potest. Nihil ipsum attinet, filius ne an filia homagium præstet, tributum numeret, & cætera officia ad testandam submissionem exhibeat. Id enim apud ipsum perinde debet esse, cum principem ligium spectet: unde singuli de juribus suis liberè disponunt, nullius maximè præjudicio, nihilque impedit substitutionem in favorem marium, modo obliget ad præstadium

Cum, quæ Supremo principali debentur. Denique præter graves causas nihil facile immutandum in consuetudinibus patriæ fundamentalibus, quemadmodum videas, in Gallia legem Salicā nō violari, qua faminæ à Coronâ arcentur. Valde etiam dubitem, an in potestate fuerit Ordinum cujuscunque territorij, usum à longo tempore receptum, de successione Suprematatum immutare.

HISTORIA DE MINISTERIO CARDINALIS RICHELII.

LIBER III.

M. DC. XXVI.

CAPUT I.

Sabaudus continuat bellum contra Hispanos.

UT Sol nubes penetrat, tenebras dispergit, ad tonitrua trepidis metum adimit, orbem radijs illustrat, ita pax ineunte hoc anno Italiam & Vallem Tulinam exhilarabat. Regrediar tamen ad obsidionem Verruæ, ut ab ejus solutione ad pacem firmatam procedere liceat. Arma igitur Gallorum prospera Sabaudum in æmulationem conjiciunt, nondum concoctâ injuriâ, quam Hispani populationibus intulerant. Ardet desiderio confligendi, tametsi Hispani ad Pantesturam recessissent: imminet agro Mediolanensi, ut duabus Coronis prorsus collisvis vindictæ commodoque locum inveniret.

Eo enim erat animo; qui non ferret quietem: sed Connestabilis & Crequius, regis gloriam meditati, rem dissuadent, quod Hispani contraxissent quater decies mille militum in castra tormentis, fossisque munitionissima, Cælo, viriumque constitutione, nisi auctoritas militiaque regis periculo exponerentur, obsidionem

quamvis negante. Connestabilis secundum istas rationes, cum hyberna per Pedemontium ipsius præsentiam non requirerent, Gratianopolim redit mense Decembri, copijs per oppida sparsis, Viniolio & Ussellio ducibus.

Necessum ducit, regem de omnibus certiores fieri, hinc ad ulteriora mandata Crequium mittit, quod Sabaudus agerrimè ferebat, ne rex ad pacem flecteretur, maxime ob justas querendi causas, de non impletis legibus fæderis, omni errore in se translato. Principem igitur Pedemontij submittit, qui causam agat, & regi bellum per Italiam prorsus suadeat. Uterque igitur ineunte Febuario ad Aulam conveniunt, regem amplis sermonibus distinent, & ad dilucidanda rerum momenta, jussi scribunt. Rex cum Ministris intimis accuratè lance rationes & quæ sequi possent expendit, adeoque in Principis sententiam transit, summo imperio etiam, ut tanto fortius agat, promisso. Id quod Fargilius negotiatione inopinatè in Hispania, quam transactio Monsomana exceperat in Arragoniâ, disturbavit.

Politica reminiscencia.

BEatum Principem, cujus consilia bellica pace commoda evanescent. Bellum nemo non dicit scaturiginem omnium calamitatum, trahit enim penuriam annoræ, calcet libertatem populorum, sterilitatem inducit agris, superba evertit palatia, justitiam constringit, agrestes barbaræ militum insolentiæ exponit: pax verò mater abundantia audit, quæ imperijs felicitatis principium, populis gaudiorum conferat cum omni libertate & commerciorum & agriculturæ, liberaque potestate utendi fruendi, quæ possideas: illa vigente, florent artes, regnat justitia, exulat formido, animi tormentum, mentis perpetua inquires.

Nihil jucundius segetis aspectu, florum diversitate, arborum comis, natura luxuriante, aut agricolâ manum admovente: tot species fructuum, ut terra melle & lacte diffuere videatur, longè aliter tentant oculos animosque quàm languores rigidæ hyemis, ubi gelu & nives gratiam metunt, horrore inducto, sinu sterili, eluvione frequenti.

Eo majorem igitur Princeps capiat voluptatem, si pax

sub-

subditos ex miseris, quas bellum cumulat, ereptura, liberum honorum usum concedat, ut suam quisque agat rem, necessitate exeat, libera viarum liberarum beneficia negotiis accommodet: ne otio torpescant & inopiâ rerum necessarium, in oppida compacti adeoque circumfessi, domicum morbo fameque colluctantes.

CAPUT II.

Pactorum Monsoniorum finis.

UT referamus seriem illorum pactorum, alius recedendum ad comitem Olivariæ summum Hispaniæ Ministrum, qui intellecto vano conatu legati Pontificii, pacem connixæ quærendam statuit, mentione ad Fargisium, Oratorem Galliæ apud regem Catholicum, factâ; qui continuo rem perferibit, cum eodem tempore Mirabellius, Hispaniæ Orator, Schombergio Regis sui propensum ad pacem animum aperiret. Jubetur inde Fargisius respondere ad mentioem pacis, regem, modò legibus honestis & firmis coiret, nihil repugnaturum, additis etiam summatim istis tribus articulis: Hispani omnia jura in angustias Vallis Telinæ amitterent. Summum ejus imperium apud Ræros maneret; sacra religionis Catholiciæ firmarentur. Ea mandata ille diligentissimè curabat, tanto fervore, ut post aliquot disceptationes cum Comite Olivariæ, propositiones utrinque scripto comprehenderint, adeoque transegerint, sigillis firmarint, Fargisio præter mandata progresso.

Re benè gesta, quod sibi persuadebat, Fargisius exultabat, rege ministrisque non parum attonitis de pace per Oratorem signata, præter potestatem, communicatumq; negotium; ut merito revocandus videretur, ad temeritatem luendam. Prudenter igitur cum Ministris deliberat, ne præceps rueret; ubi plurimis videbantur pacta prorsus rejicienda, cum & modus peccaret, & fædus offenderet, e-

videnti testimonio attritarum virium apud Hispanos nimium hic servidos, quod in usum esset vertendum.

Cardinalis autem regi perpendendum proponit, non tam formam, quam substantiam rerum spectari, potiusque leges pactorum, quam Fargisij processum, laudandas. Notabat tamen, desideria regis non satis prolixè explanari per circumstantias: magnum reputans, ab Hispanis summa capita obtineri, cum summum imperium Vallis Telinæ, Rætis cedant, & angustias faciant missas. Addebat etiam liberè, non temerè istæ pacta rejicienda, postquam Orator Hispaniæ Schombergium fecerit certiolem, omnes de modo transactionis scrupulos, aut si qui articuli rudiores viderentur, potius leniendos, quam duarum Coronarum concordiam negligendam.

Regi etiam exponebat, cum arma ad Rætorum summum imperium, Galliæque Vallis Telinæ angustias asserendas induerit, Hispanis exclusis, pacem omnino, stabilita autoritate, & quæsito emolumento fieri posse. Fæderatos quidem nihil causæ ad querulandum habituros, nullo tamen magno momento, posteaquam finem fæderis obtinuerit, exiguo cæterum armorum per Italiam lucro. Supplicabat tandem regi, rem gravissimam trutinaret, Rupellam ad officium nondum reversam, ope Hispanorum novas Religionariorum turbas concitaturam; qui factionibus aulicis firmati, potiolem armorum partem occuparent, ut necessariæ copiæ trans Alpes submitti minus possent, unde pro successu felici sibi extremum ex Italia periculum videatur defluere.

Tanti viri prudentia potentissimas producit rationes, ut resistere non liceat; quibus expensis rex pacta, si emendarentur, rata habere voluit. Eorum summam Fargisius jubetur Comiti Olivariæ proponere, & nisi placerent, continuo veniam discedendi sumere, ad reddendas actorum rationes. Ille igitur quintodecimo Februarii acceptis mandatis enixè corripiebat errorem, datis etiam ad regem literis deprecatorijs, ad alterum paucos post dies denuo pro lapsus. Altera enim pacta cum Comite Olivariæ signata, prius quidem potiora, non tamen articulatim mandatis conformia: unde regi ingrata fuere, nisi denuo perpolirentur.

Sic Mirabellio, ut suspicionem de grato Oratoris officio repelleret, eum is admissionem petisset, dixit, Otrasse sese, ut Fargisius eadem, qua ipse Orator prudentia polleret, qui prima vice ex sensu proprio, præter potestatem egerit; alterâ, mandata neglexerit, parato in exemplum supplicio. Sibi tamen æque ac regi Hispano id commodi ex ipsius errore adcrefcere, ut animos utrinque rancore vacuos, mutuæque pacis studiosos intelligant. In rei testimonium sese Oratori pacta missurum, quàm fieri possit minimum mutanda, quæ rex Hispaniæ, quem fraterno amplexaretur amore sine scrupulo iniret.

Per scripta ea rex Principi Pedemontij legatoque Veneto exhibebat, qui suis moti rationibus à fædere alienis, palam & formam & substantiam eorum criminabantur, Principe cum regis venia in Pedemontium revertente. Mirabellius, ubi innotuit, rupturæ metuens, urgebat missionem accelerari in Hispaniam, ut ad mentem Galliæ emendata, in optatam transactionem desinerent. Barcilonæ ea accipit Fargisius; itaque honori consulit suo, Galliæque commodis, apud Comitem Olivariæ instat, ut paulo post concluderentur, sigillis firmarentur, quinto Martij præcepto die Monsonij, ad Barberini querelas vitandas, quod ante confirmationem Barcilonæ non fuisset adhibitus, ne procrastinationibus distinerentur, nullo alio responso, ad studium conciliandæ pacis probatum, nisi actis gratis, post transactionem omnino facta.

Summa hæc erant capita, Res Ratorum & Vallis Teline in eum restituerentur statum, quo ante bellum, anno 1617. fuissent: sic salvo Ratorum imperio, & angustiarum libera potestate, quâ Gallium soli obtinebāt; Nulla nisi Catholica, Apostolica, Romana sacra unquam per Vallē vigerent; Vallenfibus liberum esset, magistratus Catholicos ex Ratis & civibus legere; Eam electionē Rati confirmarent, nec irritam haberent; omnia per Vallē munimenta Pontifici redderentur, continuo demolienda; uterque rex sincere pacem procuraret inter fæderatos utriusque partis, nullo auxilio, neque publico, neque occulto ad belli seriem, nisi omnes rationes dissidij, componendi eva-

nescerent. Itaque magno Christiani Orbis bono omnes exempti scrupuli, via licet extravagante, formaque insolita.

Politica reminiscencia.

INarduis non tam forma, quàm substantia conditio-
num spectanda; forma utique ad finem obtinendum
tantum necessaria, quo obtento acquiescere licet. Im-
prudenter enim supersedeas, ubi occasio sepræbet, nego-
tiis in temporis & fortunæ arbitrium reiectis, obnescio
quas ceremonias, quæ tandem exactissimè servatæ, ob-
latis nihil addere possunt. Finis, ex Philosophorum sen-
tentia, terminat motum: sic lapis in centro terræ, scopo
per conditorem fixo, quiescit. Artifex perfectio operis,
quod ars quærit, manum abstinet. Omnes enim causas,
per naturam aut artem agentes, quietem motui præfer-
rent, nisi necessario ad finem impellerentur suum.

Est itaque tranquillitas publica sapientis Principis
finis, propter quem & bella sumit, nunquam id periculi
subiturus, nisi firmandam sciret. Sic ægrotus Medicum
nunquam quæreret, nisi ad valetudinem prosperam eo
haberet opus. Nulla sanè superat ratio belli ducendi, ubi
pax honesta & commoda offertur, nisi ordinem iustitiæ,
Naturæ artisque ductum respuamus.

Ut maxime desint pactis formalia quædam, ex ordine
tamen agendi considerentur, uti motus in operatione na-
turæ. Sicuti motus nulla habetur ratio, ubi ad finem opta-
tum perveneris, ita prudentiores Politici formalia
habent susque, ubi satisfit.



CAPUT III.

Pontifex summè lætatur ob pacem inter reges.

Pacem cum Hispano initam laborabat rex fæderatis persuadere. Pontifex ad primum nuntium valdè lætatur, testatus Bethunio Oratori, sese modum perversum clausis oculis transire, adeoque non adhibitum liberius gaudere, ob utriusque Coronæ pacem. Addebat excusationum copiam, quod constituisset Papenheimio sex milia militum submittere, ad tutandam Rivam, injuriæ, quæ Hispani intulissent, vindicandæ gravâ, quod asseverabat; cum eo proterviæ processerint, ut palam dicerent, sese Ratorum causam adversus Vallenses suscepturos, ut contumeliam Sedi Apostolicæ illatam, cum munimenta suis signis defensa caperentur, quodam modo repulsarent. Cogitat etiam eo modo majorem apud Hispanos potentiam, ad transactionem faciliorem. Cumulavit gaudium de alteris pactis nuntium, Bethunio referente, cum illa regi placeant, pacem cæto firmari.

Politica reminiscencia.

Inter cæteras leges, quas Solon Atheniensibus præscripsit valdè celebratur illa, de factionibus, ut proditor reipublicæ haberetur, quicunque nullis partibus accederet: prudenter existimans, boni civis esse rempublicam non deferere, quacunque occasione, etiamsi ad deteriores, errore inductus sese applicet, ut studium in rempublicam faciat testatum, cum nullas partes secutus videatur non causam eligere, sed evetum expectare. Cum bellum civile inter Pompejum & Cæsarem exarsisset, optimates à Pompejo stabant, quibus res afflictæ domi aut spes amplissimæ in novis rebus, Cæsarem sequebantur. Cicero, legum pertinacissimus, videbat Cætariis vigilantiam & impetum, quæ ideo belluam vocat; dolebat optimatum vicem ex socor-

dâ inferiorem. Ipse senator, adeoque Consularis, quem fugeret, facile inveniebat, ne mpe utrumque partium ducem quem sequeretur, non reperiebat. Tandē victoris clementiam amplexus, altero demum triumviratu, longe post Pompeij, etiam Cæsaris facta, in manus inimicorum incidit, ut ferè rectius facturus fuisset, si sese totum partibus dedisset: postquam vidit togam in sagum mutari, & rostra oratoribus clau, dimisi qui ad libidinem victoris loquerentur. Ipsi solitum erat nuper dicere, cedant arma togæ, concedat laurea linguæ; cui & Pompejus palpum obtrusit, cum diceret, Non habiturum fuisse sese ubi triumpharet, nisi Cicero conjurationem Catilinariam extinxisset. Iam autem per vicissitudinem rerum arma grassabantur, exiguo ad eloquentiæ usum penso: adeo ut Augusto adolescenti favendum censeret per omnia, quò res publica constitueretur.

Pontifici summo omnes parent Christiani antiquorum sacrorum, quamdiu ratio ipsis constat, & religionis veneratio animos coërcet. Ubi verò per æmulationis æstri dissolvitur vinculum charitatis, non audit currus habenas, nam fertur equis auriga, cuius erat regere & coërcere. Quo rerum statu non raro evenit, ut quibus partibus Pontifex assentiatur, non inveniatur, cum plerumque prematur, quibus causa potior, donec eluctati divinæ vindictæ litare queant.

Meminimus, temporibus Caroli V. Gallos priscum ius in aliquot Italiæ provincias repetiisse, qui ex memoriâ superiorum temporum potentissimi juxta & gravissimi, antequam Hispaniarum regna in unum imperium coalescerent, aliquid sinistrae formidinis Pontifici injecerant: hinc primam ei curam fuisse, de posthabendis hospitibus nimis protervis, ne illi patrimonium Petri affligeret, & Romanos subjugum cum Cardinalium collegio mitterent. Quid faceret Pontifex? parcius Gallis, & quantum necessitas ferebat, indulget, Hispanos excitat, & insolentiam Gallorum castigat sed non satis provide; cum Hispania remedium adferret pejus malo, & hæreticorum etiam armis usa, Ecclesiam opprimeret, Pontificem in munimentum compactum tam ad leges pacis & libertatis parum honestas cogeret.

Muran-

Mutanda igitur velificatio, ut Franciscus I. ex captivitate liberatus, vel vim denuo interret, vel saltem intentaret. Pacem igitur Pontifex suadet utrinque, ne ipsius collidatur, id quod usu solet venire vel arbitris dissidiorum, vel vicinis ex impotentia declinandi vim majorem miseris. Neque fefellit opinio: nam tantus heros per fortunæ injuriam, quæ virtutem destituisset, sævior, vindictam meditabatur, & sumebat ex occasionibus. Sed veluti Zacharias Pontifex Gallorum institutum, de corona in aliam familiam transferenda, non collaudavit quidem, mutare tamen non valuit, aut cælo illud comprobanti adversari debuit; ita non raro exclamare potest Pontifex, ô Deus, in quæ nos tempora reservasti! Qui Mauritium imperatorem subegerat Phocas, Pontificem calcasset reluctantem, qui satis habet, rebus Ecclesiasticis consuluisse, ut cunque cadant secularia.

C A P U T IV.

*Bulionius ad Sabaudum legatur ad pacta
persuadenda.*

Cum itaque à Pontifice hoc unum peteretur, ut grata haberet pacta, nihil addidit Berhuni, præter demonstrationem propensissimi animi, quem rex in munimentis ad demolitionem traditis ipsi exhibuisset. Omnes Italiæ principes, sæderis expertes, testabantur eandem lætitiā, ubi rex pacem annunciasset: non tamen Sabaudus, & Veneti, qui primitus grandem indignationem spirabāt, quod illis in scitis esset pactum, cum res ipsa offendere non posset, rege finem conjugendorum armorum obtinente.

Rex tamen, quod forma pactorum esset præter communem usum legatos extra ordinem censebat mittēdos, errori, si qui obtigisset, corrigendo. Bulionius ad Sabaudum abiit, ob fidem & familiaritatem olim contractam, tria in mandatis auferens, Persuaderet Duci pacta Monsoniana, post ægritudinem, quod adhibitus non fuisset, exem-

exemtam Armistitium cum Genuensibus disponeret, ut
lis per arbitros dirimeretur: De familiæ fortunis ageret,
oblatâ regis operâ, quæ ad summum gloriæ apicem eum
esset latura.

Ad primum articulum jubebatur
explicare, Fargisij processum otium communicandi non
reliquisse; regi pacem fuisse ex consilio sumendam, ob ne-
gotia domestica & extranea, exiguos à biennio fæderis
processus, pouissimum verò ob finem fæderis obtentum,
qui piâ omni formâ valeat. Ad alterum, regem eo liben-
tius consentisse in arbitrium terminandis ipsius litibus
cum Genuensibus, quod armis parum esset effectum.
Quod si denique Dux familiæ onera retegeret, regem tã-
quam sua laturum, satisfactione æquâ, sive litibus termi-
nandis, sive armis ubi opus fuerit, ad votum expediendis.

Postremum hoc caput fædus non contingebat, non ta-
men exigui momenti, ad ægriudinem apertam Ducis le-
niendam: cùm rex sciret, excelsum animum fortemque
gloriæ posthabere omnia; quantumque excellentes tituli
apud princeps ambiciosos possent, ut deferbeant, & du-
centem sequantur, debebat Bulionius etiam addere, re-
gem cum Pontifice egisse per Bethunium, de titulo regis
Cypri ipsi conciliando, tum ob jura quædam familiæ Sa-
baudicæ, tum virtutis ergò, quæ tantum famæ & authori-
tatis attigerit gradum per Orbem terrarum, ut titulus ille
omni justitia ipsi deberetur; neminem etiam regū Chri-
stianorum fore, quin libenter eum honorem principi isto-
rum natalium, & meritorum sit habiturus.

Politica reminiscencia.

Qui Principes potentia pollent, infirmiores omni-
bus modis premunt. Ubi bellum placuit, vasalli co-
guntur, vicini trahuntur, tanquam omnes in eâdem navē
collecti: ubi tempestas ingruit, sit jactura, servantur pre-
tiosissima quæque, adeo ut imprudentiam principis luant
cum subditis vicini. Sensit id rex Navarræ Arragonio &
Gallo medius, atque impar: qui necessitudine Gallo con-
junct⁹ opimiorem regni partem amisit, per summam re-
rum afflictam.

Ipsa solent potentiores exiguam habere rationem inferiorum, modo suis ipsis computus confert. Deinde etiam damno lucri speciem circumdant, ut afflictis socijs persuadeant, non quod illis lubet, sed quod sibi placet, ut bene etiam secum actum credant, si gratia tantum perftet & aliqua umbra honoris, quo phantasmate universus penè terrarum Orbis seducitur, consequatur.

Novimus magnum aliquem heroem ex superiori seculo tribunis stipendia urgentibus aliquando sermone longiusculo, aliquando exili munusculo satisfecisse, ut morà patientius ferrent: etiam illorum pueros mensæ adhibuisse admodum blandum, quò demulceret parentum animos. Mirum sanè, cum venter careat auribus, & sacculi non sentiat verba inania ut turgidulus reddatur, viros fortes vèro pasci. Regios titulos, & cæterarum dignitatum apices conferre solebant Imperatores, sed Pontifices, cum sine sacro nefas sit apud Christianos rem magni momenti suscipere, initia ad Deum, cujus vicem in terris gerunt, referunt. Hinc Maximilianus de Magni Ducis per Hetruriam titulo ringebatur, quem tamen a Pontifice collatum non evertit. Sed si quæras, cui bono sumatur regis dignitatis titulus, vix ullum invenias; nisi ut miser, auctus honoribus, majores faciat sumtus, & iniuriam impunius circumferat.

Post mortem Alexandri Magni abstinuere Duces satis diu diademate, donec in consuetudinem illius temporis erumperet ea dignitas, quæ in imperium Romanum, tanquam fluvij à mari absorpti, paulatim effunderetur. Quæ admodum enim ex domicilijs fit villa & pagus; ex pagis provincia; ex provincijs Baronatus, Comitatus Ducatus, Principatus, uti appellare amant, regnum denique imperium & Monarchia; ita etiam ex iisdem partibus dissolutis eadem nomina, vel saltè eadem dignitates redeunt. Sic

Imperium Romanum plurima regna devoravit, & eadem reddidit Gothis, Vandalis, Longobardis, Hungaris, Alanis.

CAPUT V.

*Castelnovanus ineundem finem legatur
Venetias.*

Bullionius tanta industria rationes producebat, ut quidvis obtineret. Consensit ergo Dux in pacta & armistitium, quod perinde Mediolani, Genuæ & Pedemontij proclamatum Neque repugnabat de arbitrio, iuribus suis in regnum Cypri cōscriptis, quæ regi recommendarentur, eâ spe imbutus, regi futuram rem cordi. Sed Castelnovanus eodem tempore sineque Venetias missus, ut Respublica pacis transactionem haberet gratam, inde tendebat ad Rætos, Vallēses & Helvetios, primas Bulionij rationes ubique ut produceret; adderet tamē apud Venetos, pacem vel eo lubenter amplexādam, quod oneroso bello, multisque casibus subiecto, ubi plurima damna, exiguum commodum obversaretur, liberarentur. Cumque eorum Orator arguisset, pactorum firmitatem in munimentis Vallis Telinæ tantum consistere; jubebatur Castelnovanus exponere, quomodo ea ratio transactionem suffocasset; neque enim potestatem desiderijs semper respondere. Munimentorum etiam conservationem grandes sumtus requirere, sive expensas necessarias ad plenam satisfactionem, sive ad præsidia ampla respicerent, quibus tamen tandem Hispanorum exercitus à transitu non abstinuissent.

Adderet etiam, Vallenses peregrini imperij impatientes per naturam, non diu munimenta in aliena potestate fuisse relicturos, Hispanos etiam eorum ingenijs indulentiores, ad ea recuperanda non defuturos: ita ut illa, pro securitate firmanda, materiam tumultuandi præbuisent, unde Respublicæ, utpote vicinæ, perpetua æmulatio & iniquies, ad excubias necessarias adcoque sumtuosas, ne Hispanus ea invaderet, donec tandem aliquod temperamentum succedat.

Dice-

Diceret etiam blandiusculus ad reipublicæ commodum, regem angustias Rætorum & Vallis Telinæ ipsis facile per decennium aperturum, quod summum huius rei desiderium nosset, pronus etiam ad fædus defensivum, si peteretur.

Mandata hæc Castelnovanus adeo feliciter exequebatur, ut Respublica honorem sibi à rege per legatum extra ordinem habitum agnosceret, remissa mole rerum præsentium ad prudentiam regis, ut ipse dispiceret, an omnia commoda quæsita pactis comprehenderentur; cum devinctam se sentiret oblato fædere defensivo.

Crederet Castelnovanus, Rempublicam semper testimonijs benevolentiae responsuram cum omni observantiâ, quam erga Coronam Gallia ab omni tempore tenuisset.

His ex voto defunctus Castelnovanus, pergit ad Rætos & Vallem Telinam. Ferebant autem mandata regis, ut adjuncto sibi Cæurio, populis iuramentum solenne imponeret, ad observanda conventa. Vallenses nullo negotio assentiebantur, quod pacta grata haberent, etiam si annuos tribuerent Rætis aureos vices quiaquies mille: cum Rætis in pluribus conventibus actum, nullo alio assensu, nisi gratiis actis de præstito auxilio; de pactis missuros ad regem, qui exponerent difficultatem assensus, ob mutatam Iustitiam, cui⁹ magistratus & authoritas Vallensibus cessisset.

Qui missi erant, querimoniam ordiuntur; sed de iustis rationibus quæ ad eum scopum deduxerint certiores, cum extra hoc caput imperium in Vallem Telinam neque servari, neq; Rætia ipsa à continuo bello cum Vallensibus, quos Hispani fulcirent, alieni imperij impatientibus, liberari potuisset. Summam autem Iustitiæ administrationem insigni pecuniarum summa compensari, aditu ad magistratus non percluso: satisfactum erat, ut illi rationi parent, & pacta populis persuaderent.

Continuato itinere Castelnovanus ad Helvetios pervenit, secundum mandata regis: ut Catholicorum æquæ ac Protestantium pagis, qui non parum contribuerant copiarum ad Vallem Telinam recuperandam, comprobarentur pacta; alterâ cura ut ad executionem

pacto

pactorum, Vallis Telinae in eâ dispositione conservanda se se adstringerent. Catholicis depingebat commodum, stabilitis sacris per Vallem Telinam, Protestantibus vero, summo imperio apud Rætos manente fœderatōs, nihil relinqui molestiæ: adeo ut Catholici acceptanda censerent, idem Rætis persuasuri pacta. Protestantes vero ab initio difficiliōres, conventu paulō post Araviae actō, comprobanda itidem duxerunt, præter sacra, Castelnovano declarationem plebisciti exhibentes. Cū igitur pacta ab omnibus, quorum intererat, rata haberentur, executio sola restabat.

Politica reminiscētia.

Legatus ad persuadenda missus pacta pacis ante omnia allaborare debet, ut in rebus agendis dilucide doceat in commoda belli continuati. Quemadmodum enim commodum est primum mobile, ex quo omnes Principum motus pendent, nullus dubitat, quin eos pro lubitu ducat, modo rationem inveniat persuadendi, quam damnosum sit bellum. Non desinet inculcare bellum nec per Justitiam, nec per prudentiam sumi, nisi ad firmiorem & potiore pacem obtinendam: Cū Princeps harum conditionum contemptor belli ducendi cupidus, opificē referat imprudentem, qui excellentissimā formā operi inducā, laborem continuaret formandi, nullo alio opere pretio.

Necesse etiam, ut verbis æque prudentibus ac magnanimis in constantiam armorum oculis subjiciat; quam plurimis generosis ac prudentiā claris Principibus sæpè ad extrema redactis, cum maximā spe victoriæ tumerent: providentiā etiam divīnā, quæ sortem armorum regit, plerumque turpi casu in bellum obstinatos muletante.

Sacrum Codicem insigne exemplum in Tribu Benjamin suggerere, quæ pace rejecta, quam reliquæ Tribus offerebant, modo Gabaonitas injuriosos traderēt, turpiter succubuerint, oppidis everfis: plures etiam ex ambitione vicinorū imperia quidē invalisse, suum prædæ exposuisse: Multa in mente facilitatis inducere speciem, quorum executio magnis scateat periculis: generosis;

Possumos audire Principes, non qui ad ampliandos fines ferantur, sed qui potentiam prudentiâ & æquitate temperent: principem satis ubique gloriæ acquirere, si subditis fructum felicitatis præbeat, scopum administrationis politicæ; eâ autem felicitatē pace colligatā, nunquam recusabit, ubi maximè conditionibus commodis aucta offeratur.

Nec parum ponderis addiderit ad assensum, si doceat, Principes vicini imperij avidos, famelico stomacho comparari, qui omnibus cibis inhians, nunquam satiatur, calore nativo per congestos cibos debilitato & suffocato: sic imperio mediocri non contentos, quod natura aut fortuna dedit, insatiabili odio torqueri ad aliena usurpanda; qui non rarò seipsos enervant, subditis per bella continua exhaustis, dum hostium crudelitati obijciuntur, ad inopiam agros colendi rediguntur, omni succo emunguntur, ut onera militiæ ferant, inseditionem etiam aliquando conjecti per militarem proterviam. Hisce belli calamitatibus adjungat fortunarum iacturam, quibus pace constante fruebatur, ut vel eo efficacissimo medio arma ponant, pacta verò oblata acceperint.

CAPUT VI.

Quomodo de munimentis solo æquandis conveniret.

Magnâ quidem difficultate fæderati ad pacta ducebantur, major ad exequenda patebat, maximè circa demolitionem munimētorum per Vallem Telinā: neuter exercitus, nisi illis everfis, discedebat, magno utriusque regis sumtu, & Pontificis, qui sex millia pedum in agrum Mediolanensem miserat, unde tempestivius in Galliā, Hispaniā, Romæ, per Vallem Telinam & Mediolani agitabatur de modo executionis, tantâ tamen cum difficultate, ut negotiatio in Novembrem usque

que extraheretur, executione in Februarium anni sequentis rejecta.

Placuerat autem, ut munimenta Pontifici redderentur, continuo demolienda: sed is difficulter id oneris subibat, eorundem custodia simpliciter petita, ut injuriam quam sibi à Cæurio factam credebat, sarciret, proque lubitu per Hispanos postmodum demolitionem curaret. Ibi Gallia nihil penitus neccere difficultatis, ut Pontifici redderentur, fidem tamen exigere, ne in Hispanorum potestatem transirent, rogato insuper Pontifice, ut pauculos suos immitteret in speciem milites. Differre Pontifex, ab Hispanis circumscriptus, qui illius potestatem aliquâ ratione suam essent facturi, tametsi complures eorum id regiæ authoritati parum conducere crederent, munimentis utique per Hispanos excitatis.

Post contestationes plurimas rex, ut scrupulos tandem tolleret, Bethunio mandat, cum Pontifice, Hispaniæque Oratore quovis modo transigeret: conventum igitur, Ut munimenta Torquato Contio, militiæ Pontificiæ magistro, traderentur, copiis Gallicis interea per cætera extra sequestrationem loca dispositis: munimenta tradita quamprimum diruerentur: arma, tormenta, apparatusque bellicus Hispanis redderetur, quo facto, copiæ & Pontificis, & utriusque regis Vållem defererent, in Comitatus Wormatiæ & Clavennæ, utpote liberos, deducerentur.

Istis legibus absolvebantur pacta, annuente rege, ut Cæurius continuo de modo tradendi, diruendiq; cum Torquato Contio & Gonsalâ Corduâ ageret, quos Hispanus Feriano, in pacem proniores submiserat. Dicuntur fiduciarij de tormentis, apparatu bellico, annona, & deposito in tabulas referendis, Pontificeque summatim liberando. Demolitio quintodecimotanto molimine popularium cepit, ut intra sex dies absolveretur. Cæurius duce Frequierio militem in Galliam remittit, à rege honorem Campiductoris meritis. Itaque reverentia ab utraque Corona Pontifici habita, pacem stabilivit.

Politica reminiscencia.

Diversis rationibus principes potentissimi ad eximios Pontifici exhibendos honores inducuntur. Est enim, teste Bernhardo summus sacerdos, supremus Pontifex, princeps Episcoporum, Apostolorum hæres, Vicarius Iesu Christi: Abel in prioritate, Noam gubernatione, Abrahamum patriarchatu, Melchisedecum ordinatione, Aaronem dignitate, Samuelem iudiciorum acumine, petrum potestate à filio Deicollatam referens, caput utique Christianorum, Pastor populorum, virga potentium, malleus tyrannorum, pater regum, lux mundi, vicarius Dei in terris.

Intelligunt sane omnes, ipsum per hæc virtutes eminentissimas inter terrenas potestates comparari soli inter astra: quem, intuitu ultra personam in obiectum repræsentatum, Deum scilicet sublato, omnimodam reverentiam colant, ob amorem Supremi Domini, qui imperia providentia sua gubernat, plurimumque ad dimensum reverentiæ, quam principes ex ea ratione præstant, respublicas beat. Ut verum dicam, honos ille adamantis instar, omne bonum è cælo in regna derivat.

Quod si iste geminæ rationes apud animos principum non satis valerent, ad quamvis reverentiam Pontifici præstandam, etiam ex causâ politicâ, pace scilicet, obligantur: cum ab omni ævo visum sit, caput respectare partium expers, tanquam patrem universalem omnis familiæ Christi, qui dissidia componat, temeraria consilia sua prudentia moderetur, viresque colligat fidei adversus hostium proterviam tuendæ.

Pontifex enim apud principes contemptus, nihil horum egerit, nulla dissidia composuerit: siquidem vim pateretur, ad spiritualia munia redactus, temporalium expers; unde sæpe immania bellorum incendia inter ipsos, ad combustionem exitumque proprium, cum quilibet illorum, paterni consilij capax, & exhortationum amans, venerabiliorem reddere debeat, ut lites facilius dispungat, suum cuique tribuat, pacem populis conciliet, torrentesque violentiæ illatæ interrompat.

CAPUT VII.

Leges pacis, Rupellanis datae.

Cardinalis, qui sciret, pacem reipublicæ solidissimum esse fundamentum, eam & cum Exteris stabilit, & Rupellæ conciliat, ut populi Galliæ exultarent, regis gloria quantum posset cresceret. Complures ex illâ civitate refractariâ, quos suos fecerat, an demonstrationibus convicerat, emittit, qui apud cæteros magnæ autoritatis, partium ductum persuaderent saniorum. Sic Religionariorum Deputati ad aulam, ut pacis leges nuper indultas haberent ratas, etiam Rupellanos trahebant, qui submissi eandem gratiam sibi expeterent: Non quidem ex sensu penitentia, sed calamitatis, ob regium exercitum, nuper Plessio, jam Theminio duce, ut non nisi certo captivitatis periculo portis egredi auderent, nullo usu prædiorum, commerciorumve. Intelligunt igitur tandem rebelles, à temeritate & ambitione cæci, summè testati, quantum esset crimen rebellionis.

Eadem autem rationes, apud regis animum ad Clementiam nuper validæ, & hic militabant, quibus unam addebat Cardinalis potentissimam. Nam olfecerat tricas quorundam principum & Magnatum ad Aulam, de quibus inferius, ut frater regis Religionariorum factionem sibi adjungeret; adeo ut pace istac negata, fenestra ad bellum semper pateret, factione illa magno ausu ad vim prorumpente. Pronum utique vel ex hoc oppido concitare bellum, ut Angli adsciti, cum quibus Galliæ non per omnia conveniret, per hanc portam irrumperent. Magni sanè hæc momenti, regem ad pacem indulgendam permovere; cura autem Cardinalis erat, ne leges contumeliam, aut animum abjectum, quod olim solebat, testarentur. Assentitur rex, ut urbis gubernaculum civibus relinqueretur, nullis ab bellum maritimum navigijs; in commercijs statuta regni tenerent; Ecclesiasticis sua redderent;

Catho.

Catholicis liberum exercitium sacrorum, usumque bonorum permitterent; munimentum Tadoni novum demolirentur; Rex autem praesidia prolubitu munimento Ludovici, insulisque Rea & Oleronis imponeret, hoc addito benevolentiae promissio, curaturum, ne quid Rupellani in commerciis, usumque praediorum inde turbarentur.

Leges istas ineunte Februario subibant, quas postridie summi Deputati particularesque uti convenerat, obstringant, ob gratiam regis laeti. Dum igitur Religionarij hunc annum quiete agunt, rex per otium factiosos domat, federatis per Germaniam consulit, populis tranquillitate parati, ad gloriam emolumentumque regni, optatissimum. Dicam etiam, regem ad perficiendam pacem mense Majo Rupellam misisse fiduciarios, quibus Rupellani Surgeam usque occurrebant, unde sacra Romanensia restituta, & Administrationis ratio stabilita, ut verum obsequium diuturnamque pacem, nisi ab obstinatis in rebellionem animis sperares.

Politica reminiscencia.

Cogit quidem populorum rebellio principem ad severam vindictam exempla statuenda; prudentia tamen dissimulare docet ad pacem indulgendam, ne gravius malum ex alia rebellione consurgat, & res publica gemino incendio conflagret. Nihil hic abieci, ubi necessitas, (cui & Diobediunt, inquit ille) modum facere jubet. Metus victio vacat justus, adeo ut prudenti fuerit summæ, optatum armorum successum extendisse.

Marcellus olim experimentum fecit, Badio gratitudinis ergo, quod Hannibal in clade Cannensi eum servasset, soluto etiam captivitatis pretio, plurimam partem Nolanorum adversus Romanos concitante. Intelligebat tum imperator, eum rerum statum præ acrimonia lenitatem requirere; sic quomodo incendium restingeret, Badium reduceret, cogitabat, promissis amplis honoribus, si Romanam rediret, cicatricesque fortissimè pro republica susceptas ostentaret.

Hac spe illectus, equo etiam militari à benevolo Mar-

cello instruitur, additis quingentis drachmis argenteis, & sic ad fidelem operam obligatur, rebellionē etiam impunita. Romani sanē per prudentiam potius, quā per arma, imperium Orbis accepti, docent summum Ministrum, ut Principis animum negotiorum naturā accommodet, ne respublica in præsentiſſimum præcipitetur periculum, obstinato in vindictam animo, ubi rebelles amplissima auxilia, ad balancem belli, sperent,

C A P U T VIII.

Edictum duellis coercendis

PACE cum Exteris & Religionarijs constabilita, Gallia jãgaudebat: eadē Cardinalis equestri ordinique, quotidie in multos enses necq; ruebat, conciliaturus, intelligebat, frustra doceri, de summa viri sapientis, adeoque Christiani gloriā, per imperium in motus animi, ut & inimicos benevolentia amplectatur, acquirenda: itaque regi, ad justitiā fervorem propensissimo, ostendit, nihil a deo legibus divinis, & reipublicæ adversum, quam duella, quibus nobilitatis flos, summum Galliæ fulcrum, periret: sic facile persuadetur frenum ex terrore pœnarū in reos, Edicto irrogante in quoscunque criminis affines, provocantes, provocatosve, nihil obstante quacunque gratia, quæ ullo modo impetrari posset, munerum privationem, stipendiorum, & quorumcunque beneficiorum; quod si & in munerum successores commoverentur, equestri ordine expungerentur, infamia, adeoque supplicio extremo sequentibus: quadrans fortunarum fisco cederet; provocantes triennali exilio, aggressores, tanquam crimine præmeditato plecterentur: extra Galliæ solum idem ausi, mulctam absentes fortunarum, & reversi, corporis ferrent, nihil minus quā alij; mortis supplicio etiam statuto in amicos secundarum aut tertiarum partium, æquē ac in eos, qui duellum iteratō provocarent.

Summa istæ supplicia in edicto, rex per iussurandum sanxit, omni gratia præcisâ; Ministris iussis, ne gratiam fortè importunius extortam animadverterent, etiam Mareschaleis Galliæ, ut dissidia nobilium terminarent, ea autoritate, quò sententiæ negligentes, & carcere, & alijs multis coercerentur, insignibus nobilitatis exuti. Cumque metui posset ne provocati, nisi comparerent, imbelles audirent, undeominis maliorigo, rexeodem edicto asseruit, sese illam repulsam pro fortitudine ducturum, & generosum animi prudentiæ capacem, muniaq; militaria meritum, juratum benevole amplexurum.

Politica reminiscencia.

Principes duella non possunt impunita transmittere, nisi criminis participes, cum autoritatis compo-
pos, legumq; irritamenta negligens, eadem cum vitio-
lo involvatur culpâ. Nam populi non tantum jus commune in persona principis violant, sed & principes, crimine manifesto non castigato, idè peccant. Nihil autè in
justius, quàm duella impune ferri, cù Deus iam sententiam
mortis tulerit, ut sanguinè profundens, suū sit profusum
spectaturus: cui lex nova suffragatur, ut qui gladium
rapuerit, gladio pereat,

Dicam, nullum gravius crimen, cùm autoritas summa, quam Deus sibi reservavit, violetur. Sic enim ipse
per D. Paulum, Mea est vindicta, ego reddam cuique
meritum supplicium. Accedit etiam ratio reipublicæ,
quæ gravius affligi nequit: quemadmodum enim ampla sanguinis profusio corpus debilitat, pallore & languore inducto, ita duellagenerosissimū, Nobilitatis sanguinem, quo respublica maximè nititur, exhauriunt, ad
diminutionem virium, extincto vivido colore adeoq;
splendore, cui imbecillitas succedat.

Summo tamen malo, qui succubunt, involvuntur, salute animæ projecta, unde vindictæ divinæ semet constituunt scopum, victoribus etiam plerumque evidentissimè punitis, nisi veram pœnitentiam occupent.

Agerimè enim fert, suum opus destrui, tanto redemptum, Adversario animas, quarum bono omnem potentiam, adeoque miracula amoris exeruit, raptante. Causa tanti mali in errore damnato, qui mentes mortaliū subivit, gloriam in vindictâ, honoris detrimentum in lata injuria, nisi armis satisfiat, constituens. Nihil autem gloriam merebitur, quod cum rationis lege, Deique voluntate pugnat. Equites quidem fortitudinis laudem hinc maximam aucupantur; extremum tamen differunt istæc virtus, & raptus animi, cum illic absit furor legibus divinis & humanis invisus; adsit verò fortitudo ex emulatione laudata, quæ omnis periculi contemtrix, auspicijs Principis it in hostem reipublica.

Suis enim finibus describitur, ad modum cæterarum virtutum, quos qui excedit, ad extrema vitij prolabitur: unde olim Agesilaus apud Plutarchum dicebat, fortitudinem, nisi justitiæ jungeretur, non æstimandam. Vindicta igitur privatæ authoritatis ipsi, etiam sanæ rationi adversatur, cum viri cordati sit, seipsum in litibus privatis subigere, hostem conculcare. Vindicta sanè in republicâ beluinum quid est; unde Socrates percussus dicebat, Asinus ego si forem, recalcitrarem; sed homo, patientiam colo. Malè collocatur honor, quod nec apud Deum, nec legem locum invenit. Ruinoso staret honor fundamento, si motui inordinato niteretur, cum non nisi virtuti adhæreat, mentesque perversæ eum aliunde quærant.

CAPUT IX.

Damnatæ libellus Sanctarelli Iesuite.

REge in constituendâ republicâ justè prudenterque occupato, Academia Parisiensis gravissimam litem concipit, Theologiæ Doctoribus de Sanctarelli Iesuitæ libello acriter concertantibus. Is agebat de potestate Pontificis in reges, approbatus ab Ordinis summo Anti-

Antistite, à Pontificis vices gerente, & sacri Palatii magistro. Exotica ea doctrina ferebat, Pontificem habere potestatem directionis aut correctionis in Principes, quibus interdicare sacra, & imperia adimere queat, subditis obsequio jurato liberandis; idque vel propter hæresin, apostasiam, vel enorme aliquod crimen publicum, adeoque personæ vitium, aut Ecclesiæ prostitutionem: quæ imperia tandem Pontifex cuicunque videretur, conferret.

Prudentiores libellum istum ambitioni Hispanicæ acceptum ferebant, quæ nullo non uteretur artificio, ad turbanda viciniora, consilij facilius promovendis; cum id temporis visum esset, odium Orbis Christiani in regem corrivare, ob auxilia & Rætis & Hollandis submissa, susceptamque quorundam per Germaniam fæderatorum Principum causam oppressam. Id artificij Hispanis adeo familiare, ut ubi usus sit, non temere illis imputentur, ambitione fabricam perpetuam exercente.

Ne tamen in autore peregrinæ opinionis tempus teramus, dicam, magnum inde tumultum inter doctos excitatum, diversis libris in palæstram emissis: Facultas tamen Theologica, solenniter conventu acto, eam damnavit, quamvis quædam reliquiæ ex antiquatâ Ligâ ei faverent. Parlamentum vero, ne autoritas regia ad rem tanti momenti torperet, accessit vindictiarum ergo principes Societatis, ad signandam Declarationē inducit damnationis, qualem omnes Provinciales, Rectoresque etiam seni presbyteri cujuscunque Collegij per Galliam, itidem signarent: promulgato Senatus-consulto, ut liber ille ab executore supremæ justitiæ publicæ combureretur, Librarijs à negotio istiusmodi librorum abstinere jussis.

Politica reminiscencia.

NON minus sæpe numero refert, autoritatem regiam à promulgatione perniciosæ doctrinæ vindicari, quam contra violentiam armorum protegi. Quicunq;

cunque dixit, eam auctoritatem cum pupilla oculi conferri, cuius minima tactio extrema trahat, vidit quantis calamitatibus exponatur respublica, quocunque modo istæ auctoritas convellatur. Magistratus sane extremæ impotentiae arguatur, si auctoritatem regiam submittat exuendam. Id demum foret Magnates ad rebellionem invitare, occasione turbandi semper prompta, si populis persuadeatur, regem culpa scandali inquinari, gubernaculo indignum reddi, hæresios suspicionem incurrere, ex favore hæreticorum. Sic ambitioni Exterorum præbeatur ansa ad invadendum regnum, pro lubitu.

Nihil vero absurdius, quam tolerati doctrinam, quæ totius antiquitatis calculis erronea censeatur, postremis seculis tempore Gregorij VII. inventa, qui primus eam in suum vertebat commodum. Rex non desinit esse rex, nisi ab autore regni destituatur, aut in eas institutoris leges peccet, quæ auctoritatem amittendam declarant. Reges autem nostrates à manu Dei instituuntur, qui gladij ministerio ipsis coronam largitur; neque Apostasie aut hæresios, aliusve criminis conditione ad amittendam auctoritatem addita, cum utrinque famosis, uti dicebamus, imperiū concedat: à solo igitur Deo exauctorari possunt, aut propter ullum crimen auctoritate excidere. Quod si à Pontifice possent deponi, sequeretur & Pontificem in tēporalibus fore superiorem, cum exauctoratio supremæ jurisdictioni conveniat.

Tantum autem abest Pontifex ab illa potestate, ut celeberrimi priscorum ingenuè fassi sint, eum etiam inferiorem. Gelasius ad Imperatorem Anastasium, Pelagius ad Childebertum regem Galliarum, S. Gregorius ad Imperatorem Mauritium id adeo claris verbis docent, ut de illorum sententia dubitari non possit. Cumq; modestissimi huius doctrinæ propugnatores nequeat invitâ ratione potestatem hanc exauctorandi reges statuminare, directam quidem negant, quæ non tam imperio eos exuat, quam subditos obsequio promisso liberet; frivolo sanè subterfugio, cum Pontificis non sit, de iure divino dispensare, obsequium autem regibus debitum, iure divino per mille loca Scripturæ sacræ imperetur.

Dicam

Dicam amplius, neq; in regis fore potestate, hanc conditionē subire, ut subditi obsequiū exuant, quacumq; de causā, quod integrum & non mutilatum ad posteros transmitti debet. Unde Philippus Longus cum subditis Flandriæ pacturus, eā lege securitātis ergo, ut arma ipsis permitterentur, obsequia calcato, nisi pactis ipse stare; a Senatu cohibebatur, ubi demonstrassent, id regiæ Majestati non licere.

CAPUT X.

*Subtilis modus Saxones inferiores adversus
Austriacos fœderandi.*

ET si pace nihil magis necessarium esset Galliæ, æquē tamen erat advigilandum, ne Austriaci per Germaniam nimium crescerent, postquam aliquot principum patrimonia avita usurpassent, oppressa libertate Germaniæ ab Ulmensi maximè transactione. Ob eam potissimum causam & rex Magnæ Britanniæ Comitem Mansfeldiæ cum exercitu miserat, ut sororius Palatinus restitueretur in sua, cui rex duo millia equitum, præter grandem pecuniæ summam suppeditarat: neq; tamen eæ vires Imperatori satis negotij facessabant, nisi ampliores sufficerentur. Anglia quidem regem ad fœdus offensivum, bellumque professum invitabat, sed frustra, cum res per Galliam tam ardua non ferrent: Prudentia tamen Cardinalis, commodorum regionum diligens, Principes Germaniæ stimulabat, ut consilia procuderent, quæ ad defendendam patriæ libertatem, restituendosque exules conceperant.

Rex autē, quo mirando pollet genio ad perpendenda proposita, extemplo hæc momenta capiebat: unde sub finem anni elapsi Picarderiū in Daniam, ad Principes Saxonie inferioris, urbesque Anseaticas mittit, cū istis mandatis, regi & principibus testaretur, regem Galliæ non sine magna lætitia audivisse voluntatem eorum de Palatino fratribusq; armatā manu in avita restituendis,

adeo-

adeoque oppressione intentatâ fortiter repulsandâ. Antiquam amicitiam, quâ eos amplecteretur, commodorum studium suscitare, ut quævis ipsis offerat.

Rogaverant prius regem, ne sese inscijs, rebus Germaniæ immiscere vellet, quod legatus securè promissit, oblato etiam millione uno librarum in biennium, cum copijs Gallicis. Quod autem experientia mille modis docuit, successum ex promptâ executione pendere, optimis occasionebus nimium deliberando amissis, id hic urgebatur, a mis jam expeditis, postquam Danus exercitum exposuisset, principibus adfuturus: unde Imperator vim metuens, Tillium in eos ducere iussit.

Stimulorum acerrimi erant, gloria ex restitutione fœderatorum, facilitas rei benè gerendæ, ob Imperatoris copias valde fatigatas, & ob bella Vallis Telinæ atque Italia distractas, cum ipsi recentem exercitum, viris bellicosissimum, cogerent. Singularia erant, ne quid in detrimentum Catholicorum peteret, nullo alio scopo, præter Germaniæ libertatem, principesque restituendos, regi proposito. Sed cum Circulus Saxonie inferioris etiam urbes Anseaticas complectatur, quibus bellum, ob commercia per Hispaniam, ubi bello Austriaco impliciti naves perderent, commercijs sublati, minimè erat cordi, uti Principibus; iussus erat, eosdem nomine regis adire, ut fœdus cum Principibus persuaderet, sumtusque bellicos; quâ occasione neglectâ, Danicæ paterent violentiæ, quæ ex inveteratâ invidiâ, armis promptis, quamvis arriperet ansam; Danus, licet subigendis impar, commercia turbaret, maximè Lubecensium & Gedanensium, aliorumque, freto ad cursum navigiorum clauso; Hamburgum, Bremamque munimentis, quæ in ripis Albis & Visurgis extrueret, vexaturus; quo casu ob omnibus fœderatis neglectum iri, cum ex Hispaniâ auxilia ab longinquitatem locorum, & inopiam Classis in istoc mari, frustra sperentur. Sic neq; regem & Anglum, ob reverentiam in Danum, Hollandis impedimento futurum, si navigia ipsorum in Hispaniam tendentia, inter Calesium, & Doberam invaderent, ad commerciorum eversionem: rectius igitur

factu-

facturos, si cum Principibus facerent, quo casu rex protectionem adversus quosvis hostes promitteret, eadem ope ab Anglis & Hollandis certâ.

Ista mandata Picardierius adeo industriè exequabatur, ut exercitu in castra collecto demum discederet, urbibus Anfiaticis, quantumvis reluctantibus ad fœdus additis. Res erat tanti momenti, ut hinc maximè coierint pacta Mansoniana, ut Hispani Vallem Telinam amitterent, & consilia Italiæ invadendæ ponerent, cæteris Galliæ fœderatis omissis. Gratum id sibi rex testatus negotium confectum, copias, pecuniamq; submittit, exercitu duodecim, vel quindecim millium per Champaniam excubante, ut aliquæ Imperatoris copię per Alsariam hæerent necessario, fœderatique eo anno progressus facerent.

Politica reminiscencia.

SI utilitatis ratio regi pacem domi firmandam suadet, nihil minus bellum apud Principes vicinos sustinebit, ut tutandis rebus occupati, Galliam faciant missam. Eæ artes Ludovici XI. per historiam laudantur, qui consiliorum, quæ Anglus cum Burgundo inerat, gnarus, tantas excitabat turbas, ut illi exequendis consilijs non sufficerent. Summè vetò necessarium, ut ad istas artes recurratur, ubi Princeps usu victoriarum terribilem colligit potentiam, cum reipublicæ securitas in æquilibrio armorum consistat apud principes vicinos; magno sanè metu per nimiam alicujus potentiam concepto, ne ambitionis morbus, Principibus familiaris, sublati finibus, potentiam extendat.

Prudentiæ columen, hostem per alium quemvis laessere, & fœdere fatigare, ubi pecuniam & copias saltem submittas, ut ad scopum sine summis expensis, periculi vacuus, pertingas. Hinc, aliquando hostis cum tanto emolumento vincitur, ac si vires universæ reipublicæ pugnassent: eâ saltem conditione, ut vires tutandis rebus occupet, ne aliena concupiscat, nullo professo dissidio, pace domi certâ: sic ærario consulitur, & miles

niles omnis calamitatis in regione aliena expers, servatur. Qui verò legatus istæ negotia curat, felici jacto fundamentodoceat, Principibus præter commoda nihil cordi; unde consilia quantum potest, juvet: pacem, quæ principi ob potentiam metuendi, post usurpationē unam atque alteram, indulgeatur, vires augere, ad addendum: multos Principes ob nimium pacis amorem, everfos: tutius hostē præveniri, quā expectari, si imparatus petatur, ad victoriā minus operosam; cum idē expectatus gravius premat, cōmodo quocūq; sumto: Nimios pacis amatores, diu non subsistere, manifesto fortitudinis languentis indicio, exiguaq; ad resistendū constātia: nihil turpius pace, quæ hostilia firmat ad bellū suscipiendū, ut ex impetu præter rationē dilato illinc protervia & fortitudo consurgant: falsā pacis umbrā, veræ tandē & indignæ servitutis facere initiū: facile deniq; hostes vinci, si arma jungant, cum sumtibus ex æquo collatis superiores evadant: longē etiā plus gloriæ trahere, si limites ponant ambitioni per omnia terribili. Sic gloriæ & utilitatis stimuli ad facilitatem negotijurgentes, haud difficulter persuadebunt.

CAPUT XI.

Conspiratio quorundam Aulicorum, adversus regem & rempublicam.

Æ Qua difficultas, Galliam in diuturnā pace & mare ventis tranquillū servare. Ingenia hic irrequietissima, quæ vix uno extricantur bello aut tumultu, quin alterū ceptent. Ad pacē securā Cardinalis prudentiæ summā adhibuerat; sed Principes quidā non integræ ætatis, cū diversis Magnatibus ex malaciæ dulcissimæ fastidio, novas tricas ordiuntur. Non æquē tamen pax, uti causa illius offendeat, postquam rex auctoritatem rebus agendis præstaret, ut eos in officio contineret.

Affueri igitur à multis annis libertati immensæ, submissio-

missionem ægre ferebant, unde jurgi quocunq; nifu ex-
cutiendi libidine ducti, à sagacioribus docentur, Car-
dinalis instinctu regem rebus moderari: unde allabo-
ratum, ut eum apud regē traducerent, aut aliqua ratione
à clavo reipublicæ removerent. Ardua hæc erant, quæ
medijs ad felicem successum ponderatis etiam difficilli-
ma apparebant. De regis animo circumveniendū nihil
spei, nimium perspicaci ad commoda ex tanti Ministri
prudentiâ, qui reipublicæ nimius amator, regem nun-
quam destitueret: adeo ut diversæ restarent viæ ad eun-
dem scopum. Altera rem in præcipitia deducebat, ut
regi sceptrum extorqueretur, ad functiones monasticas
detrudendo. Altera factionē potentissimam inter prin-
cipes meditabatur, quæ regi leges scriberet, Cardinalē
aulâ exigeret, sua consilia stabiliret. Numerus conspi-
rantium nimis amplius indicium sermonibus non semper
cautissimis fecit, adeo ut consilia in aures hinc inde dif-
ferrentur, proterviâ mirum crescente. Relatum etiã
Buknikamij familiarem in Angliã effutisse, eam factio-
nē adversus regem coire, cujus authores essent Aurelia-
nensis consiliarii, ut nullo metu, reginæ familia dissi-
pari, hæreticisq; expleri, cōtra matrimonij tabulas posset.

Erant etiam in agro Bourbonensis factionis fautores, ser-
monibus stupendis adeo protervi, ut & regi & Ministris
summis innotescerent; unde cōsistum, cū res ad extrema
vergeret, Bourbonensis agri Præfectum secundariū ad in-
quisitionē veri urgendū; qui sanè non parum lucis attu-
lit. Aliã semitâ relatum, Cheureusiam, quod Anglicanæ
tricæ offensionem peperissent, subiratam, non parū fri-
gidæ suffundere, instigatis summo Priore & Chalæsio, a-
morū delictijs captis, ad executionē, dū Ornâus tribunus,
apud Aurelianensis animū potens, vel ex ratione mune-
ris, à matrimonio, quod rex meditabatur, diverteret.

Acceperat etiam Cardinalis, Luvigniū, factionis parti-
cipem, quod deperiret Matronâ malicijus nominis, sum-
mâ negotij deposuisse nominato etiã Chalæsio interpre-
mos: Statuit igitur Chaliottæ ubi focer Chalæsij habira-
bat, successū, ad âpliora indaganda, sumere. Cūq; vix quic-
quâ veller, quod prudentiæ acumen nō perficeret, dicitur

ex Chalæsijore didicisse abstrusissima, post amplissima fidem regiae gratiae, benevolentiaeque, si commodis regis per hanc occasionem nollet deesse: Ornatum videlicet tribunum rei caput, ne Aurelianensis conjugium permitteret, ipsum posthaberet; Scopum primum esse fœdus arctissimum inter Principes, ne rex eos disjungere posset, sed ut priorem aulae licentiam vel invitus permitteret. Eo consilio Aurelianensem à matrimonio Monpensierae distrahi, ut Bourboniam ducat, suarum rerum studiosissimam; aliamve ab Exteris, ad consilia viribus familiae illius firmanda. Suëssonius vero Monpensieram duceret, ut Guisiorum familia Bourboniae infereretur, omnibus ferè aulae potestatibus in massam compactis. Summum erat, finem factionis percepisse: sic & Cardinalis Chalæsio officium abudè rependebat, qui, nisi ad vomitum reuertisset, amplissima quaeque sperare poterat.

Politica reminiscencia.

EXtremæ fuerit imprudentiae, factione impediri adversus Principem aut rempublicam, spe silentij perpetui inani. Sic facinorosis familiare, latebras quærere: nemo enim accederet, qui se proditum sciret. Occaecatio verò istae peccatum comitatur, pelliculâ crassâ mentis oculum hebitante, ne evidentia animadvertantur, per temeritatem pronam.

Oportet sanè hoc malo correptum ignorare, quæ filius Dei in Evangelio refert, Nihil adeò occultum, quin reveletur; nihil adeò secretum, quin cum tempore sciatur. Deus sanè, imperiorum præses, conservationem curans, non permittit, ut calamitates intentatae ignorentur: unde sæpè iustitia, ipsius dexterâ operante, facinorosum ad sceleris patrati confessionem compellit temerariam. Multum secreti moles premit, quod homo, experiëntiâ teste non diu bajulat, tandem excutit. Præpeditâ linguâ, non tamen indicium, sagacioribus æquè intellectum, usque comprimitur. Quod Deus ad innocentiae testimonium videtur velle, cum se-

cun-

cundem illius leges paucissimi vitam instituerent, si malitia prudentiam omnia celandi esset nacta.

Aristoteles aliquando quærenti, quidnam rerum humanarum esset difficilimum, respondit, secreta tacere; quod nemo mortalium posset, nisi prunam in linguâ sustinere didicisset. Quicquid enim tres personæ norant, continuo patet, quod quilibet eorum pruritu istoc laborans, amico id aperiat, donec progressu ulteriore fiat publicum. Hinc per historiam plurima scelera occultata, tandem patuere.

Plutarchus refert, in bello Cyprio, Aristocratem Messeniorum ducem, infami proditione, ex desiderio regnandi, illis internecionem conciliâsse; scelere post viginti annos reposito, & rigide punito. Operam lusero, si tot millia exemplorum hujusmodi ex Historijs producarn.

CAPUT XII.

Ornanus Mareschalcus attinetur ad Fontem deliciarum, deducendus in Sylvam Vincenarum.

Cum damnosissimè imprudentia conspirationi tempus executionis permittat, rex, juxta intimorum consilia, conspirationis principes apprehendit, altissimo silentio notitiam eorum, adeoque instituti involvens. Incunte Vere ad Fontem deliciarum non tam animi causâ, quàm quod in arcto momenta rectius observari possent, Lutetiâ Parisiorum, ob vastitatem & turbam ad quævis scelera contegenda admodum idoneâ.

Consequitur omnis aula, principes conspirationis nihil remanent: ubi alienis oculis non egebat rex, spectator frequentissimorum conventiculorum; ita etiam suis credebatur auribus, ut Ornanum authorem sceleris meditati convinceret, qui fervidè matrimonium Aurelianensis dissuadebat, ad regias aures non unâ horâ aut

semel tantum id ogganniens.

Sciebat, nihil Principibus præ autoritate intactum queri: eo igitur stimulo fodicabat regis animum, ut persuaderet, quicunq; matrimonium fratris urgerent, regiae auctoritati non velle consultum: Ex eo matrimonio propediem orituram sobolem, vel unicum marem, instar Solis orientis, universorum benevolentiam attracturum; Magnates rege deserto, ipsum secuturos, unde factio confurgat par, ad disceptationem dubiam.

Delicatè istud artificium repebat, ad obfuscandos regis oculos, nisi Ornani mentem alicunde rescivisset; & rationem maturè discussam dissipandis consilijs non posthabuisset. Importunus autem incursus, testis fervidi animi, regi suadebat, nihil ulterius differendum, quia hominem constringeret; quod tantò magis è re sua credebatur, ex Taciti admonitione gnarus in consilijs contra rempublicam caput petendum, cum cæteri eo demoto plerumque sine motu jaceant, instar trunci. Accedebat etiam, eo attento, Aurelianensem quasi teneri.

A venatione igitur quarto Maij rex cataphractos, Velites, & pedites in viam Parisiensem disponit, ut conspirationis affines, ubi fugam meditarentur, comprehenderent: ipsius autem, jussu regis, ab Halerio, satellitum centurione attinetur; in conclave Castelli compingitur, & ad Sylvam Vincennarum deducitur, ubi hujus lucis usuram, ex urinæ obstructione, post paucos menses, deponit.

Rex verò silentij in arduis pertinacissimus, tegebat causam captivitatis, nullo sinistro signo ad complices, ne extrema auderent, & ut sponte à consilijs pessimis recederent, Vindonicensem etiam, suspicione culpæ involutum, facilius irretiret: Satis etiam habuit, Matri reginæ mandare, captivum ob turbas cum fratre initas. Aurelianensis verò re intellectâ, adit regem, eadem disertius audit, respondetque, si vera hæc sciret, omnium primum ad tribunal eum sese pertracturum: omninò igitur dispiciendum, ne inimicorum fiat lusus: non tamen animo per omnia imperabat, quia signa offensæ & hic & alibi ederet.

Politica reminiscencia.

PRudenter post reiectam conspirationem dissimulatio ad confcios aliquamdiu instituitur, ad momenta prævertendi rectissime aucupanda, principesq; sceleris attinendos, cū ad primam indicij suspicionem dilabantur, easq; vires contrahant, ut vix ac ne vix quidē mala consilia evadere, aut ipsos apprehendere liceat. Id Ludovico XI. in promptu ad miraculum usq;, quod Philippus Cominæus non uno historia loco commemorat; in primis vero ubi excipiendus erat Connestabilis San Paulinus, ad Noviodunū, anno 1473. tot blanditijs, verbisq; benevolentia prolatis, ut Connestabilis confidere cogeretur. Nihilominus Rex tamen per bienniū dissimulari odio, eum ob cætera instituta castigationem differret, capitis supplicium sumsit. Ajunt sanè, eundē Carolo VIII. filio, præter ista paucula, qui nescit dissimulare, nescit regnare, nihil penitus latinitatis instillatū voluisse, quod dissimulationem Principi adeo necessariam duceret, quæ tamen sæpissimè privatis vertitur vitio. Sic avidus aucups retia propter unam atque alteram aviculam non concutit, sed præstolatur gregem, aut maximam partem, donec considant, & uno ictu capiantur; ita Princeps cordatus, conspirationis antesignanos petens, dissimulat, donec occasio omnes simul, aut saltem sagaciores, sine quorum ductu nihil fiat, præbeat: ut Seneca Tragedi doctrinam in usum deducat, cui conspiratio priusquam complices attineantur detecta, occasionem puniendi perdit.

CAPUT XIII.

Cardinalis à rege petit dimissionem.

Genius Cardinalis, palmæ similis ponderi in ius obicitur, parū motus perniciosus istis cōsilijs, tametsi

sciret, suum caput peti. Certus etiam apud semet, omnem inimicis præcidere prætextum, quasi ipsius fortuna multorum exitium traxisset, qui in pænas sponte incurrerent, aut vægrandes turbas, ubi vota succederent, in rempublicam invexisset, statuit regi supplicare, ut successum concederet.

Opprobrio carebat, nisi apud factiosos, quibus potentia, autoritas & gloria regis, bonaque dispositio reipublicæ displicebat: magnis tamen genijs sedet, nec invidia suspitionibus suam prostituere gloriam; unde hic universæ Galliæ faciebat evidens, suarum fortunarum sibi minimam curam. Ut verò dimissionem impetraret, regi in maiorem gratiæ libertatem ad Fontemdelitiarum hærenti valetudinis vitium exponebat, quò in secessu Limurij remedium inveniret. Eò invisit Aurelianensis, quocunque animo, ob Ornani captivitatem; etiam Princeps Condæus, cui persuaserat obsequium ei reginam matrem, alioqui adversam, quòd ipsum regi conciliare & ex conspiratione eximere vellet.

Hinc Cardinalis à rege dimissionem flagitare; studiū suum de ipsius gloria, & reipublicæ incremento exponere; fortunam deplorare suam, quòd Aulam argueretur dirimere, regnum incendio vastare; cum vitam pro Coronæ bono facile proijceret; sed trucidari intra parietes aulae nolle, quòd vix vitari possit, magna turba, eaque plurimum ignota, circumfluente, nemine ad vim arcendam prompto. Jubente rege, ut in eodem periculo obsequium pergeret, nihil repugnabat, ex voto in voluntatem regiam: confidebat tamen, ab istoc mortis genere abhorre regis animum, cum ipsius etiam interfit, & dimissionem permissurum. Addere insuper, valetudinis imbecillitatem, à frequentia confluentium magis ac magis fractam, non diuturnos reipublicæ labores spondere; regem eò æquius desiderio satisfacturum, quòd ingruentes morborum imperus brevi essent omnem operam sublaturi.

Eadem ad reginam matrem perscribebat, submissè rogans, ut eam sibi à rege gratiam impetraret. Tantum autem aberat, ut obtineret, quin rex, ex reminiscencia,

que

quo in æstimo Galliæ arma apud Exteros florent , quod obsequium hæretici præstarent , quo ordine fiscus procederet , quo gradu sceptrum staret , palam dissensum aperuerit. Etiam regina mater ; secundum ista omnia , sibi æquè nota , cogitans , quanta jactura tantus Minister dimitteretur , suis rebus tam utilis , intercedebat. Ex eodem igitur voto respondent , ne cogitaret quidem dimissionem , rationes meritorum non permittere secessum , securus esset intentatæ necis , adeoque valetudinis , expedito utrinque remedio.

Ipsus regiarum voluntatum obsequentiissimus cultor , paret : rex curam & incolumitatis & valetudinis suscipit , addito satellitio , adversus inimicorum impetus ; Folænio advigilante , ne frequens concursus valetudini incommodaret ; admissis tantum gravioribus negotijs. Sic testabatur rex eximiam benevolentiam : majoritatem fecere gloriam , ad universam Galliam , quæ valebat , cum Aulæ neque mancipium , neque privati commodi aucupem.

Politica reminiscencia.

Quoscunque aliquis pungit ambitionis stimulus , ad virtutis eximiæ splendorem , Principi dilectum , invidiam patiuntur. Sic Sol vaporibus attractis , inque nubem coactis , obfuscatur : itaque summo Ministro usu venit , ut operæ pretium , ingenijque excellentia apud plerosq; Magnates odium , adeoque in exitium ipsius machinas expediat.

Alibi dictum meminimus , neminem eorum unquam perpetuo fortunæ favore , malorum expertem claruisse ; addam nunc , summum vitandi opprobrij remedium , per turbas ab invidia excitatas , fore testimonium , partem curarum publicarum privato carere commodo , ubi secessus privatæ vitæ quæritur : Hæc enim modesta silentium imponit maledicentiæ viperinæ , nullo penso ad suggillationem honorum , odio aliquando in admirationem verso.

Lucullus , triumphij gloria principes Reipublicæ ad in-

vidiam prolapsos videns, à republica sponte abstinuit, in literarum studia totus additus, tamen à sapientioribus plurimum rogaretur, ne animo obsequi vellet, unus ambitioni Pompeij limitandæ par. Sic Augustus, Suetonio auctore, sapius testabatur, voluntatē reddendæ reipub. postquam summam curam populi regendi animadvertisset.

Divus etiam Gregorius, Pontifex verè magnus, quod vitæ institutū compluribus displiceret exempli regularis impatientibus, alio etiam Pontificiæ dignitatis destinato, palam declarabat, ægerrimè sese laturum, si sua causa ullæ turbæ in Ecclesia excitarentur, promptus gubernaculi ponendi, ad schisma vitandum. Unde tantam meruit venerationem, ut regiminis pertæfissimi eminentissimum genus recognoscerent stupentes.

Verum enim verò ut ut summo Ministro laudi vertatur istæ moderatio, ad extinguendum invidiæ incendium, Princeps tamen dimissionem ejus nullus approbabit, nullo prudentiori consilio usus, quàm illius Oraculi: Quicumque ministrum invenit fidelem, eum diligat ut animam propriam, habeat ut fratrem. Solem enim sustulerit, horrore barbarum succedente, qui rempublicam eximio genio privat.

CAPUT XIV.

Vindonicenses, cum summo Priore, fratre Blasie attinetur.

PArvum faciebat ad summam rei Ornani captivitas, nisi & potentiorum quidam in potestatem redigerentur, & in primis Summus Prior, ingenio ob summam vafri-

tiem

tiem factionis ducendæ, præ cæteris metuendæ. Æque necessarium etiam visum, fratrem ipsius, Vindonicensem recondere, qui magnis suspicionibus locum fecerat quod certis indicijs regi relatum, populis ab obsequio Coronæ divertendis. Per Britanniam Armoriacam dici auebat Dux sine appendice: precibus publicis inseri iusserat hæc verba; Pro famulo tuo, Duce Domino nostro: aliquoties fidem Cangæi oblata pecunia tentarat, dum vices gubernatoris in Castello Nannetensis gereret: Equestrem ordinem, Parlamentum, & ærarium sollicitabat, ut provinciam extra ordinem autoritate vinciret.

Vt istæ attentis auribus exciperentur, faciebat fratrum summus consensus in arduis, accedente etiam nescio quo jure in Britanniam, ambitione ad turbas aulicas semper excubante. Expndiebat quidem, ut attineretur, quod per Britanniam, ubi omnia posset summæ erat difficultatis: visum igitur, eum excire, ad obsequium regis, nullo potentiori instrumento quàm ipso summo Priore, cui thalassarchæ munus saluam concitabat, vel ipsi conferretur, Momorantio alioqui delinito, vel sublatum quod agi videbatur, ipse functiones obiret.

Tanta istæ proponebantur dexteritate, ut animo firmato sibi ipsi persuaderet institutum suspicione vacuum. Rex igitur Blæsiam tendit, nullo indicio ulterioris profectionis, nisi petito Vindonicensis adventu. Vadit igitur, fratri obsequium petitem persuasurus. Ferunt, dubium de regis animo saluum conductum fratri petisse, si ad regem Blæsiam veniret; prudentissimo tamen responso, quod fidem neutiquam obstringeret, ad parendum fuisse inductum: fidem do, dixerit rex, (quod quidam scribunt) venturum libere non sequi ore, quam tu, sorte: de quibus multum dubito.

Abit summus Galliæ Prior, post aliquot dies fratrem adducit Blæsiam, excipiuntur a rege tanto cumulo benevolentia, ut suspicio consiliorum, de attinendis illis prorsus evanesceret. Sed antequam modum captivitatis rescram, non possum præterire rem gravissimam, ad cõ-

jurandas videlicet tempestates in rempublicam incumbentes, summum Ministerium & cordatis & probatis viris esse committendum. Sic rex ab Haligrio primicerio repetit sigilla eodem, quo abierat die Summus Prior ad fratrem Vindonicensem Ducem, adducendum. Ministri alioquin integritas Orbi nota, comitem habebat formidinem mollem, quam ducto Ornano prodiderat, Aurelianensi non ausus iustitiam consiliorum regiorum in faciem probare, tametsi negotium id universam Rempublicam tangeret, à longo tempore novum.

Is animus à sacerdote Iustitiæ abhorret, cum debeat iniquitati obstare, corde viribusque ad resistendum paratis, imò ad impetum sustinendum, victoriamque obtinendam obfirmatis. Sigilla inde Mariliaco, Quæstorum summo tradita, ob pietatem apud devotissimos summam, animumque in præteritis impavidum; Quæsturæ inspectione ad Essiatum devoluta, ob iudicium, prudentiamque per occasiones, maximè in causâ matrimoniali Angliæ, comprobata.

Reversi ad fratres, audimus eos Blasiam pervenisse; rex ad quietem compositus, ante diluculum accersit Hallerium, & Mouyum, satellitij centuriones, mandataque, cubilia ingressi, utrumque apprehenderent. Scripserunt, Vindonicensem exorsum, oculis in fratrem coniectis, Papæ, mi frater, nunquid in Britannia dicebam, nos attentum iri? Summum Priorem respondisse, Mortem mihi imprecor, ut tu illic esses. Duce reponente, Monebam te, Castellum Blasie principibus esse fatale. Excusationibus certatum, captivitatis culpâ reciprocata, præter testimonium indicij, pridie perscripti, de attentione, quam credere nequivissent.

Promeridianæ horæ exonerandis querimonijs de pessimo rerum suarum statu permittæ, ut inde ducerentur in Castellum Ambosiæ, inde in sylvam Vincennarum. Percussa universa conspiratio hoc ictu turbatur, rege post quorundam supplicium ignorantiam cæterorum simulante, adeo ut Sueffionensi Lutetiam cum vicinia per absentiam tabulis scriptis regendam traderet, ne quid ille hæsitaret: sed ea fiducia non sedente, abibat

In Sabaudiam atque Italiam, Principis cuiusdam con-
jux dicebat invisentibus, regem interposuisse fidem ap-
ud Summum Priorem, in securitatem Vindonicensis;
attentos eos nihilominus: unde appareat, intimos re-
gem ad fidem frangendam inducere. Quæ regi relata,
id tulere responsi, illam notitiâ rei carere, cui isti ser-
mones non convenirent, cum illi innocentia freti, secu-
ritatem, ne cogitarint quidem pangendam. Quicunque
sanè a Principe securitatem contendit, culpæ indicium
facit; neque etiâ fides data, nisi clarè & penitissimè sit
scripta, a supplicio merito salvum præstare potest.

Politica reminiscencia,

Etsi verba simplicia securitatis à rege prolata, etiâ
erga factiosos valere debeant; diversa tamen ratio
incipitis sensus, aut benevolentiae speciosæ, ut attra-
hantur apprehendendi. Nemo infitias ibit, supplicium
eorum iustitiæ deberi, ne turberet respublica. Quod si
nulla alia via, nisi promissorum speciosorum, restet, re-
iecta omni difficultate fuerit procedendum, modò se-
curitas expressa non sit. Sic Antigonus rex, post-
quam intellexit Pithonem Mediæ præfectum militem
scribere, pecunias corradere ad rebellionem, dissimula-
bat indiciorum fidem, palam testatus, sese & copias mis-
surum, ad ardua quædam patranda: Pithonem istis be-
nevolentiae amplissimæ testimonijs alliciendum, arbi-
tratus. Ad aulam igitur ille sponte advolat, eximium
honorem sibi summè gratulatus, donec in potestatem
regis redactus, supplicium meritum ferret.

Leo Pontifex eodem artificio usus, ut Johannem
Paulum Balionyum apprehensum de commissis crimi-
nibus plecteret, respondit fidem temeratam arguenti-
bus, Facinorosos nunquam falli supplicio irrogato; fal-
li autem, si impunè dimittantur, libertate utique & vi-
tâ indigni. Artaxerxis Persæ adversus Artabanum insti-
tutum non minoris hîc fuerit momenti: nam ubi certi-
or esset, Artabanum in necem suam jurasse, ut reipu-
blicam invadere posset, putavit occupandum. Robu-
stum

stum verò, & valide stipatum prudenter aggreditur, dissimulato tam dextere odio, ut Artabanus sibi summam ab ipso benevolentiam promitteret. Fingitur bellum externum, ipse jubetur contrahere copias, & rege præsente lustrare. Ibi Rex propius accedit, armorum excellentiam miratur, commutationem rogat, Artabanus ex lege obsequij nudatus, ab Artaxerxe occasionem arripiente, confoditur.

Novimus, Politicorum multos circumspeditionem à fide servandâ remove, etiam articulatissimâ, quam Princeps securitatis ergò interposuerit, cum satis habeant, querulis respondere, quod Agesilaus amico, promissorum fidem reposcenti, quam tamen malè expetitam postea intellexisset: si æquum petis, promisi; sin minus, ad nihil obstringor. Illo verò conrestante, Principis esse, quodvis promissum exolvere; exceptit alter, quemadmodum nempè nefas est, subditum iniqua contendere. Putem tamen, verba principis articulata nunquam violanda, Ministris iustitiæ tantum ad negandum fidem obligatis. Vim hic princeps imposturæ præferat, cùm illa à virtute & auctoritate profecta opprobrio vacet, hæc verò malitiam quandam, majestate indignam testetur.

CAPUT XV.

Rex Ordines cogit Nannetum.

Duce Viadonicense in custodiam dato, metuendum erat, ne partes ipsius per Britanniam Armoriacam tumultuarentur, ad libertatem ei à rege vel per vim obtinendam. Visum igitur, solius regis præsentia facultatem libertatemque ipsis adimendam tumultuandi. Sic transit rex Nannetum, Ordines continuò cogit, suspensis quibuscunque præteritis; Ipsus adest ad principia, custos sigillorum Conventui demonstrat, regis consilia eò ferri, ut fulcra paci firmandæ, tranquillitatieque publi-

publicæ quærat in Provinciâ. Id ante omnia quæsitum eo ordine per auspicia regis, Theminiique (cui administratio post Ducem Vindonicensem cesserat, prudentiam constituto, ut nihil penitus moveretur.

Dubia fides ubique exuebatur potestate, quam firmissima accipiebat, solo æquatis aliquot munimentis, quæ Vindonicensi propria, rebellionem illius constabillissent. Secundum ista matrimonium Aurelianensis, aliquis turbandi prætextus, in Senatu, cum reginâ matre, Ministrisq; excutitur, an id consultum foret? Nam conspirationis focij Aurelianensi suggererant, nihil matrimonio liberius esse, legeret conjugem, animi propensionem secutus. Facile tamen ipsi patuit abusus, posteaquam animadvertit, libertatem matrimonij esse civilem, statutis utiq; regni conformandam, quæ Principi nullum sine consensu regis matrimonium permittant; rectissimè regi obsecuturum, qui pro tenerimâ dilectione, sponsam esset lecturus commodissimam.

Rationes sanè quamplurimæ in utramque partem producebantur, quibusvis commodis expensis, etiam futuris, si matrimonio vacaret, aut abstineret, donec rex nullius impulsu diceret, Judicare sese facile, multas rationes matrimonium dissuadere, sed tranquillitatem reipublicæ conspicuam urgere, ut consensum simpliciter addat: bonæ suæ sententiæ cælum suffragaturum optimo successu; hostes tranquillitatis publicæ nihil non ausuros, quos expeditis viribus, promptoque remedio esset repressurus.

Relatum est, Cardinalem satis habuisse per hanc occasionem, regi proponere rationes in utramque partem, sine ullo partium studio, cum & abundantem regis nosset prudentiam, nullâ suggestione egentem, & res maximi momenti ageretur: unde omnino rex sibi ipsi satisfaceret, negotio determinato. Mirè enim periculosum, consilia validè fuleire, quorum eventus à fortunæ imperio pendeat: unde species quædam imprudenter emicat, si quis præstare velit, quod alij sæpè pervertant, quæsitis è reipublicæ damno privatis commodis.

Per istanc consiliorum summam

nam regina mater ex summo desiderio matrimonij inter Aurelianensem & Monpenseriā contrahendi, expeditis etiam ad Guisiam mandatis, ut Nametum advolans virginem adduceret, articulos olim conscriptos executioni petebat. Ea Virgo, omnium opulentissima per Galliam, sponsalia contraxerat rege etiam vivente, anno 1608. cum nupero Duce Aurelianensi, secundo genito, quo tamen per annum 1611. defuncto, rex cum reginā matre voluit promittere matrimonium, cum futuro hocce Duce Aurelianensi.

Cum igitur uterque ætatem nubendi attingisset, urgebat Guisia promissorum fidem: Aurelianensis etiam, reginæ voluntati ad amissum submissus, facile assensum addebat, accedente virtutum cumulo, quibus corpusque & animum expolierat Virginis Cælum: Libertas tamen, principum ætati ista sueta, executionem non ferebat præcipitem. Neque etiam rex urgebat, donec exitialis istæ conspiratio resecta, necessitatem matrimonij, ad eludendam factionem imponeret.

Rex non quærebat matrimonium exterum, ne id rempublicam scinderet, fenestrā reclusā ad exteriorum libidinem. Unde potissimum ardebat matrimonium Monpenseriæ, quam natales & virtutes reginæ familiæ dignè inferebant. Cumque regina mater animum nullatenus inducere posset, ut Principem amaret Condæum, cujus filiam, Burboniam Aurelianensis duceret, quod factiosi optabant: Monpenseria etiam hæres ex asse, adeoque opulentissima, Aurelianensis rebus optimè conveniret, arario sic grandibus pensionibus insuper liberato. Id verò factiosi ægerrimè ferre, sed patientiam silentij coacti colere.

Rex Aurelianensi institutum aperit, eo responso reddito, cum rex id matrimonium desideret, sese ipsius voluntati penitus parere. Sic enim Aurelianensis in quibuscunque occasionibus testabatur, cælitus sibi immissam curam colendi regis, adeo ut immotam nexuissent concordiam, nisi perversæ domesticorum artes obstitissent. Miserat Aurelianensis primicerium suum Coniæum ad Guisiam, qui benevolentiam, desideriumque deferret matrimonij cum ipsius filia contrahendi: idemque Monpenseriæ sponde-

ret

ret fidiorem maritum, quàm amatum. Is utrinque magnificè excipitur, omnibusque signis lætitiæ. quæ per eas occasiones sexus modestia per mittebat. Eodem die Monpenseriam reginam matrem invisit, filiæ nomen audit, & confidet, matrimonio post pauculos dies, ad tranquillitatem Galliæ, confecto.

Itaque rex, Cardinale consulente, omnia studia in contrarium dissipat, tricis multorum Principum Magnatumque aulæ, quæ Angliam, Hispaniam, Hollandiam, partem, Italiæ, & Religionarios attingebant, domesticos etiam regis intimos inficerent, sic evanidis.

Politica reminiscencia.

Matrimonia principum regionum debent esse libera, per ipsam rei essentiam: neque tamen eam libertatem ponere licet in lubitu voluntatis, natalium & temporum, cum libertas, auctore Ulpiano, summam in potestate consistat secundum leges agendi: de matrimonio etiam, nullam ibi libertatem constituat, quàm à Jurisconsultis quæsitam, ut nempe ex præscito jure nullum, nisi secundum leges reipublicæ legitimum agnoscat.

Civilis libertas medium inter duo extrema obtinet, servitutem utique, & licentiam quidvis agendi: neutrum horum ei convenit, cum servitutis jugum non extendat, & legibus circumferibatur, sed ex licentia secundum leges agat. Hinc Principibus regijs Galliæ, secundum legem Reipublicæ fundamentalem, nunquam licuit sine regis consensu, ex potestate propriâ, matrimonia inire. Basilii Magnus, inter Divos relatus, in primâ ad Amphilochem epistolâ ait, Contractus eorum, qui sui juris non sunt, nullius valoris censeri, nisi accedat eorum auctoritas, in quorum potestate sunt.

Quæ verò statuti istius ratio, cum contractus dici nequeat, nisi voluntas accedat: nemine id infitiente; sed ubi non sunt ex libertate civili, id est, secundum leges, non valent, contractus valore inde derivato. Nititur autem fundamentum istius consuetudinis hæc regulâ Ju-

ris: nostra, nobis invitis non posse auferri; unde illi qui sunt alieni juris, quorum omnia sunt in potestate alienâ, nullâ libertate civili ad usum fruuntur, evanidâ dispositione, nisi ad potestatem absolutam.

Basiliius etiam in alterâ epistola particulariter rem explanat, ubi ait, matrimonia sine consensu superiorum inita, censerî fornicationem; cuius rei nulla dabitur ratio, nisi quòd partes ex libertate civili non consentiant, cum sui juris non sint, ob potestatem superiorem, cui parendum: neque enim sese fœminæ manciparit, qui nondum sit emancipatus. Non tamen inde necessario consequitur, matrimonia principum regionum validâ non censenda, ubi regis assensu carent, cum simpliciter à Majestate pendcant.

CAPUT XVI.

Chalæsius incarceratur.

SUPERSEDERAM, ad Marechalci Ornani captivitatem additos fratres, cum Mœdono & Deageno secretorum consocijs, Tronsone & Sauveterrano ab aulâ remotis, referre, ob diversa monopolia adversus matrimonium Aurelianensis, postquam Marsiliacus, Sommeriæ præfectus in Castellum Ancenisæ, omnium liberorum sermones esset compactus. Ubi verò conspirationis summa in iudicio contra Chalæsium instituto, post perfectum matrimonium patuit, omnem seriem recensere lubet.

Chalæsius regiarum vestium gerebat curam, à puero cum rege adultus: ambitionis tamen æstus percitus, ubique fortunam acriter insectabatur, profectus palam, sibi alium Principem quærendum ex emolumento. Hinc creditur partem conspirationis sumfisse: plurimum tamen apud eum valere Cheureusiæ amores. Rex tricas istas Lutetiâ didicerat, indultâ veniâ ad pactum fidei inconcussæ, quod Cardinalis testaretur, non abstinuit tamen Chalæsius: tantum possunt isti motus animorum apud imperitos rerum juvenes.

Compertum erat, Vindonicensi attentio, missum Blæssiam cursorem, qui Aurelianensi & Sueffionio regi incommoda nunciaret: rex justâ compressâ ira, clementer monitum vult de fide non integrè servatâ, per Cardinalem, cum præter illius mentem multa patescerent, ut prudentius ageret. Etiam alij regis indignationem suggererant; unde conscientia urgente, Cardinalis petebat colloquium, ut fucum faceret.

Valensæus eum Beauregardiam ad Cardinalem deducit, ubi diversis machinis tanti Ministri prudentiam ibat tentatum. Cardinalis tamen, de omnibus edoctus, monebat, sibi consuleret, fidem coleret, ad quam tantò arctius cōstringeretur, quod rex tricarum gnarus, tēpus resipiscendi indulgeret, ab ejus exitio alienus. Testatus igitur quidvis de mutatâ mente, captatâ etiam occasione, dum vestiretur rex, de novo fidem promittit.

Imprudens tamen & irrequietus animus, saniora nihil secutus, etiam internuncium à consorte, Lutetiâ missum Turoniam, testō receperat occultè, dum rex ibi moraretur; Luvierio intimo etiam iter quoddam secretius emenso. Unde censitum, prima consilia ipsi usque cordi: quare rex, ut ferociam quidvis ausuram domaret, consulo eum Nanneti attinuit.

Politica reminiscencia.

Ubi de reipublicæ bono agitur, per amores & ambitionem in transversum raptis non benè fiditur, cum gemini isti motus fascino polleant, impetu adeò violento, in cæca præcipitia, ut quamvis calamitatem incurrant. Alibi annotavimus, quantum ambitio possit, ut evidens fieret, quidvis sceleris persuaderi, ad consiliorum copiam. Eadem de amoribus asseverare æquè pronum; illi enim mentem pervertunt, cordi æstru subdunt, ingenijs etiâ moderatis ultra quosvis limites exactis. Hinc fatalis scaturigo quæcunq; horrèda, sacrilegia, bella, perjuria, cædes, parricidia, & crudelitatis summâ eructat, ut cælû horreat, terra contriscat. Italiæ historia illustri exëplo docet, nihil abominationû istis animi moti-

motibus intactum, ubi Cæsarem Borgiam, Valentia-
Cardinalem exhibet, cui ambitio suggererat, fratrem
majorem, Ducem Candiaë, imperio armorum Ecclesi-
asticorum, ad quod adspirabat, illius conjuge etiam
perditè adamatâ, deisceret, trucidaretque per tenebras
Romæ absque custodiâ equo vêtum, cadavere in Ti-
berim coniecto. Sed ut amorum perniciem alti-
us repetamus, Antiquitas turbarum compendio facta,
monet, ne Jovem quidem (summum creditum nu-
men) & amare & sapere eodem tempore. Summum igitur
consilium aulæ studiosi capiant, ne unquam ament
turbulentas, aut factiosas, ob facultatem quidvis per-
suadendi, etiam repugnantibus. Accedit motuum ve-
hementia, ut ad vindictam, animique institutum cæcos
raptent in præcipitia, quæ vix cavere liceat.

CAPUT XVII.

*Conspiratio Chalæsij à judicio Nanpe-
tensi puniuntur.*

Chalæsius constrictus, damnat seipsum, expetit, ta-
men, ad tentandam veniam colloquium Cardina-
lis, Bellegardij (quem rex Aurelianensi adjunxerat,)
& Effiati. Rex indulgentissimus, mandat colloquium;
adeft Cardinalis Bellegardio nunquam non præsentem;
conatur Chalæsius initio innocentiam suam comproba-
re, sed ex Cardinalis sermone certus, fucum fore in-
nem, fatetur altera vice, quæ negare non poterat: re-
cordatur, quid consilij Aurelianensis post Vindonicen-
sis & Summi Prioris captivitatem suggererit; aula ex-
cederet. Cumque plura summi momenti pro-
palaret, regia bis gratia abusus, frustra veniam petit:
nam rex Custodi sigillorum Mariliaco, & Beaclero
Actuario mandatorum, curam injungit conspirationis
penitissimè excutiendæ, eo desiderio, ut Aurelianensis
coram ipsis exponeret, quæ clam ipsi aperuisset, errore
ini-

iniquissimarum tricarum agnito. Durum id quidem primitus, sed expenso obsequio in regem, officioque in ple-
tendis sponte sua, qui conspirationem adversus repu-
blicam perniciosi cōsilijs, ad privata commoda fastidiū-
que rerum presentium, suscitent, assensum est. Exponit i-
gitur, Sueffionium sibi in aula fidelem, ad omnia indaganda;
Chalassium reciprocare nuntia; suasisse, ut Villarsiam,
operā Summi Prioris, conciliaret, ad portum Gratiae
occupandum, ubi usus sit; impetraret praefecturam Pon-
tis arcualis Cæurio, quem ex gratia Summi Prioris suum
speraret, ut quocunque rerum eventu refugium caperet;
Chalassium etiam Religionariorum partes fovendas suasis-
se, ut tumultu in republica excitato, res suas promove-
rent; Luuerium concessisse, qui ad ducem Valettamum
pergeret, Meti Mediomatricum asserendae; terrorem in-
cussisse, quasi rex decem millia militum ad Nannetum
disposuisset, ne aula excedere posset. Istæ
declaratio à rege, regina matre, Custode sigillorum Mari-
liaco, Beauclero, Cardinale & Esfiato consignatur; rex au-
tem, ut conspirationem adeo temerariam puniret, Sena-
tum justitiæ Nannetum cogere constituit.

Politica reminiscencia.

EST quidem clementia summum principis ornamen-
tum, illam tamen exerere in detrimentum reipublicæ
non debet, lenitate erga factionis duces periculosam ad-
versus rempublicam induente crudelitatem. Hinc Cato
censuit, puniendos, qui facinorosis coercendis penas non
opponerent, cum impunitas ad paria invitaret. Docet qui-
dem Aristoteles, subditorum amorem autoritatis regiae
esse fundamentum, quem ex omni commodo foverent.
Magnam igitur utilitatem ipsis confert factorum casti-
gatio, ne semper bellis Civilibus, calamitatum compen-
dio, exponantur.

Idem Philisophus existimat in Mōralibus gubernaculi
inhabilem, si quis ira vacet, clementia ad omnem occasi-
onem expedita. Sic sanè regis fuerit, æquè severitatem
exerere in facinorosos reipublicæ bono castigandos, quā

commodare. Unica hæc via, teste Tacito in Annalibus, a terrore facinorosis incutiendum, & apud bonos existimationem aucupandam, quibus æqua fors ex castigatione improborum, ac virtutis merito.

CAPUT XVIII.

Sententia mortis fertur in Chalæsum.

REx causam Chalæsi Senatui iustitiæ committit potius, quam foro perpetuo, ut & expedirentur, male procrastinata, & complicitum consilia, non sine periculo propalanda, tegerentur, Dicitur Princeps Senatus Mariliacus, custos sigillorum, adduntur iudices Cusæus & Brieus præsides Parlamenti Britannici, Fauquetus, Mauchautus, Criqueuillanus supplicationum magistri, cum sex consiliarijs illius Parlamenti. Conveniunt frequentes ad examen causæ.

Chalæsius sæpius interrogatus, intelligit ex sermonibus aliorum, testimonijsque prolatis, emanasse omnia; pronâ confessione omnium, quæ Aurelianensis exposuisset, præter plura alia, quæ Louuinius impingebat, a Bellegardio, Effiatio, Mausto immuni, qui ejus custodiam gerebat, & satellite comprobata, nullo in faciem opprobrio. Non negabat, conatum sese, Aurelianensem ab Aula submovere, ut arma raperet, gubernatores, adeoque Religiosarios suos faceret, Portum Gratia, Metim, & alia munimenta regni corripere: in conciliabulo, præsentem Summo Prore cæterisque factiosis, proposuisse Ornanum carceri capiendum, Cardinalem trucidandum, facili in Flandriam secessu, ut regi quidvis extorqueretur.

Alia etiam compluria adversus ipsum producebantur, inter diversa, etiam Mafonij, oratoris apud Comitem Hannoveriæ in Germania, etiam Batemburgij oratoris apud Imperatorem literæ, quibus conspiratio Ornani notabatur; palimpsestus etiam, & literæ, charactere fictitio ad Cheu-

reusi-

Peussiam; sermones quidam in contemptū regis; declaratio Aurelianensis, & quæ secundari^o profectus Moulini erat expilatus.

Enormia hæc crimini addebant pondus, supplicioque, quod familiæ regię insertus, munere summo fungeretur liberrimo ad regis personam accessu. Iustitia igitur salutem negat, diversi relapsus, felonix & ambitionis soboles, regiam constringunt clementiam, unde Curia istæ eum damnat, reū & convictum criminis læsæ majestatis, ad gladii supplicium in planitie Beffioiæ Nametanæ: caput ex sarissæ acumine, portæ Sauveturiæ exponeretur, trunco quadripartito, partibus ad quatuor plagas oppidi, furcæ impositis: posteri equestri ordine expungerentur, domilijs complanatis: antè tamen, ad complices prodendos, eculeo adhiberetur. Clementia nihilominus regis ex superioris favore sententiæ derogat, capitis supplicio tantum comprobato, quæstionis etiam horrore tantum permisso.

Quibus non constabat de conspirationis momentis, testimonijsque nimijs, mirabantur liberiorem criminum confessionem: Alijs eo insolentiæ prolapsis, ut spargerent, confessionem ex Cardinalis suggestione per spem certissimam regię gratiæ fuisse præcipitatum. Nullo autem alio documento ad convincendum istud mendacium opus, quàm Chalæsijs responso, ad Cartesium & Lourmæum, Parlamenti consiliarios, quorum erat à sententia promulgata cū ipso agere. Isti enim prolato rumore quasi crimina per inductionem, metum, & spem gratiæ esset fassus, adjurabant animum, exemplo ad tribunal Dei concessurum, ut verum proferret, an quempiam refragante veritate & conscientia onerasset: quibus respondit, se nihil adversus veritatem elocutum, præter vituperia quædam in Cheureussiam nimia: non se improborum aut furiosorum ultimum, ut tam horrenda crimina sibi imponat, aut ex aliena invidia innocentes premat.

Istud documentum maximam meretur fidem, quod in articulo vitæ extremo, ubi per veram penitentiam errorum veniam à Deo expetebat, proferretur.

Inde sane clementia regis admirationi fuit, quod secundum iustitiam carceri & supplicio complures Magnates aulae, culpae affines, non exiguo numero, pessimis etiam consilijs occultatis, exemit, uno hoc capite piaculari: carcerem tamen nonnulli servabant, Cheureusia in Lotharingiam ablegata, cum aulae conversationem absque turcis ab animo turbulentissimo nemo sperare posset.

Politica reminiscencia.

Necessarium quidem, principes factionis differri, ubi turbæ in rempublicam & impetus in regis personam ingruunt; sapientissimi tamen Politici minimè consultum putant, ut diligens complicitum instituat perquisitio, aut institutum promulgetur, ad viros gravissimos magno numero prodendos. Periculum enim ne ob dignitatem & copiam alij accedant, specie consiliorum vel imprudenter decepti.

Hinc Senatus Romæ L. Vestium, & Tarquinium damnavit, quod Cæsarem & Crassum Catilinariae conjurationis affines arguissent, ex iusto metu, tantos viros per conscientiam ad partes illas compellendi. Dissimulatio ibi rigida inquisitione potior; quod Pompejus, occiso Sertorio, comprobavit, cum Perpenna capsulam literarum Romanis Sartorij causam foventibus, mitteret; ille vero averfatus foco inferret, ne ex uno Sertorio vicini Romæ pullularent, extremorum metu vim majorem paraturi.

Sic Alexander interceptis Darij literis, ad Græcos quoddam in exercitu, qui ad necem illius, aut prodicionem instigabantur, anceps, hærebat, an eas cum silentio suppresseretur, aut propalaret, ijs maximè quibus inscribebatur. Parmenio tamen consuluit, nemini mentionem earum faciendam, cum sapientissime turbarum quidam fulcra quantant rebus turbandis, ex animo quietis ad eo impatiēte, ut ad primam factionis mentionem intricari possint.

CAPUT XIX.

*Turba à domesticis reginæ excutantur in aulâ
Angliæ.*

Regia Galliæ non sola theatrum turbis præbuit, illâ Angliæ per dissidium inter regem & reginam ortum, non minus turbatâ, ut in Galliam ministri reginæ, quamvis convenisset de ministerio illius Gallicano, adeoque Catholico, remitterentur. Certum tamen, Anglos eorum in-
equilinatam non diu laturos fuisse, si primum accessum spectes, cum Dobriæ vix victum pretio numerato invenirent. Succedere exinde plurima, quorum occasione consilia exquerentur, rebus ad extrema propulsis. Dissidium matrimonij confertur in aliquot Ecclesiasticorum & Matronarum apud reginam sinistra consilia, magna regis Britannici offensione. Bukinkamus inde quærebat conjugii, forori, & nepti curam thalami apud reginam, pactis matrimonij refragantibus: cumque acatholicis quibus-
cunque accessus ad reginæ domestica munera clauderetur, illerepulsam eò gravius ferebat, quòd ex usu de reb⁹ Britannæ magna autoritate disponderet. Postea tamen id honoris matri oblatum, ob communia sacra, adeoque conjugii, ob ingenium ad saniora flexile. Sed nihilo placatio, occasionem vindictæ quærebat.

Ajūt etiam, Cheureusiam; aulæ Gallicæ pertæsam, Anglicanæ immixtam, provindictâ frigidam suffudisse. Hinc summæ cum Parlamento contestationes, ob pacta quædâ matrimonij illius in detrimentum sacrorum patriorum, exactis etiam rationibus pecuniarum in privatos usus interversarum. Ut autē Senatus, cujus summa apud Anglos autoritas, satisfaceret, in Catholicos lubens invchebatur, in primisque reginæ Ministros, omni obsequio sic promisso. Agerrimè autem ferebat, quòd in Hollandiâ quæ-
sito itinere ad aulam Galliæ penetraturus, à rege, ad nostratis petitionem, abstineretur; ubi Comes Hollandiæ nō

parum ad illius ægritudinem contulit, postquam Galli ex familiâ reginæ, jurisdictionem matrimonialium ipsi negassent, Episcopo Mandæ id muneris suscipiente. Itaque irritatio, omnem authoritatem, qua apud regem & Buknikamium valebat, eò convertit, ut illi Ministri in Galliam reportarentur, qui ineunte Augusto Londino discessere.

Politica reminiscencia.

Convietum est, summis Virginitatibus, cum in thorum exterorum regum transeunt, ministros patrios adducere tamen longam ibi moram trahunt. Emulationes enim inter ipsos & ab origine vitari non posse autumo, ob munia, quæ isti sibi vendicant; tempestate inde in proprium damnum excitatâ. Cessante etiam illo studio, diversitas linguæ consuetudinisque offendit. Nam peregrini suâ invicem utuntur linguâ, unde suspicionum seges; consuetudinis diversitate & ludibria, & inde concertationes excitante.

Ut ut sint concordia studiosi, metuuntur, quasi in rempublicam aliquid ausuri, ob frequentia exempla etiam Francisci I. quod Bellæus refert, quo regnante valde tumultuatum fuit per Episcopum Leodiensem, Principem Orangium, Marchionem Mantuæ, & Andream Doriæ. Hinc Bodinus de Republicâ, vituperat Venetos, quod omnia genera Exterorum admittant. Lipsius etiam arguit, veluti domicilij parietes crepantes ruinam instare docuerant, sic frequentiam exterorum in republicâ, certum mutationis indicium ferre.

Est etiam ipsis familiare, provinciam domicilij non multum amare, adeoque ejus commoda negligere: ut bello exorto, hosti faveant, & cursum rerum suggerant. Facillimè etiam adversus provinciales stimulantur quocunque scrupulo contemptus; unde factionis exordium etiam contra rempublicam. Nemo ex illorum ordine etiam justè offenditur, quin omnes commoti, dent turbas. Hinc vix fieri potest, ut Ministri alieni in aulâ reginæ diu subsistant, illustri apud Spartanos documento, referente Xenophonte, qui nemini aditum ad suam rempublicam permittebant, quod imitati Athenienses, auctore Plutarcho in

Vitâ Periclis, & Augustus apud Suetonium laudatus; quod rarissimè jus civitatis indulgerent.

Unde & Polydorus Virgilius in historiâ Angliæ memorat, id Nationi statutum, paucos ferre externos, quod diver-
sas vitæ concordiam cum provincialibus faciliè solvat.

CAPUT XX.

Bassompetrus in Angliam legatur.

REGINA mater, auditis familiæ regiæ in Angliâ turbis, mittit ad reginam filiam Barrium, ut dolorem animi testaretur. Cum autem istud opprobrium ferri requireret, suadet Cardinalis, ut rex Bassompetrum, legatione extraordinariâ in Angliam mitteret, turbis componendis. Is præ alijs muneri paribus lectus, quod ex propinquis non pauci essent remissi, & ipsius ad familiæ propriæ commodû fervidius esset acturus.

A regè Angliæ satis obiter excipitur, Montacutio in Gallianon audito, de ministrorum turbis. Nihil territus, memorque, legati esse, ad minutias cæcutire modò negotium promoveat. Dantur tamen, quibus cum agat: ibi ille juxta mandata exponere, Pacta matrimonij permittere regi-
næ Angliæ omnem sacrorum usum, quæ Episcopus cum sacerdotibus cõficeret; omnes domestici essent Catholici, ij Galli, ad Catholicorum Anglorum majorem libertatem quam idem matrimonium cum Hispaniâ contrahendum contrulisset. Id regem Jacobum nuper defunctum, Carolûque filium, Walliæ principem juratos promississe, à Jacobo & Ministris injunctum, ne isti ullo modo in sacris turbarentur. Hinc regi Galliæ spem conceptam de reginæ sororis felicitate, etiam credere nescio, regem Angliæ sororium inter cæteras virtutes fidem violaturum, matrimonio regio annexam: cum istoc vinculo nec animi, nec commoda unirentur, divisione istac in fæderatos, suamque ipsorum perniciem redundante.

Regem tamen Angliæ, in opprobrium pactorum, quæ jurcjurando firmârint, ministros reginæ Gallos re-

misisse, substitutis Anglis, alienæ religionis: permisisse insuper, ut cæteri Catholici in exercitio sacrorum turbeantur, adeoque male habeantur. Regem denique reginæ sororis causa suscipere, fidem datam urgere, petereque ut remissi revocentur Ministri. Cæteris Catholicis etiam humanius benigniusque habitis.

Angliæ Senatores pacta matrimonij comprobata negare non ausi, Gallorum proterviam incusabant, quod rempublicam turbarent, domumque regiam, sed nullis validis documentis.

Uteriores Catholicorum libertatem aiebant, in gratiam Pontificis duntaxat, fuisse datam. Sed Bassompetra exhibet iusjurandum à Jacobo rege nuper defuncto factum, cui alterum regis Caroli, tunc principis Walliæ, accessisset; nullo Anglorum responso, sed expeditis alijs querelis præter rem & rationem.

Unde ille addidit, non satis sese mirari posse, cur pacta matrimonij iurata non ferventur; remissis reginæ ministris, quasi rempublicam turbarent, nullo ad regem facto indicio, querimoniâ, aut errorum commissorum demonstratione: quibus exinde substituti essent Angli ijque Protestantes. Hinc accusationes istas evanescere, quæ licet comprobata, alium ordinem secundum pacta requirerent, castigationem nempe, & Gallorum Catholicorum substitutionem.


Prætextum verò illum frustra obtendebant, cum Montacuti⁹ Nannerum appulsus paulò antè, quàm illi remitterentur, bono regis Anglici congratulabatur regi reginæque matri, ob summam concordiam regij matrimonij regisque ex reginæ conjugis instituto voluptatem. Remissos verò post tantam congratulationem tam subito & inopinatò, plurimum admirationis parere; sic regis Anglici famam, Gallici fortitudinem vulnerari, injuriarum impotentem, ut post remedium benevolè quæsitum, alia quævis non possit supersedere.

Tam æqua & generosa optatum eventum produxisset, nisi diversæ rationes, uti memoravimus, Bukinkamij animum rapuissent transversum, ut Galliæ, quod sperari poterat, minus fuerit satisfactum.

Politica reminiscencia.

Absurdum, Ministros reipublicæ, Principis fidem suæ immolare vindictæ: sic gloria principis submittitur famulo, quasi Solis splendor ab astris, illius beneficio lucidis, obscuraretur. Privata commoda, inquit T. Livius, nunquam non obfuere publicis consilijs. Unde sapienter iudicavit alter, mentem nubibus obduci, ut instar oculi viati, objecta in alienâ specie apprehendat. Dictum Principis sacrû, gloriæ penu; quod minister executionis inviolatum habebit, nulla prorsus ratione privati cõmodi. Nul-lareus enim illi abusus prophanus permittitur, cùm id neque Principi ad emolumentum reipublicæ liceat.

Boni principis est, quod Trajanus agebat, fidem prædesiderio habere; unde nullus relinquitur prætextus commodi publici ad fidem pactorum frangendam: vanâ excusatione in Senatus cõsulta, reique publicæ usum. Sic enim fidem projecisse ferentur, extremo suo malo, cùm Mîmo Publicano teste, post amissam nihil possit perdere amplius, summo hominis bono in eam compacto. Tēpestivè sunt pensiculanda pacta; quæ Principis fide roborata, infringenda non sunt. Turpe est dicere, Non putaram. Hinc Bias omnem legitimam excusationem tollit, quodd fides præ rebus stipulatis longe damnosius pereat. Cinna accersiverat Marium, & anceps, an reciperet, à Sertorio reprehenditur, cùm fides data locum deliberationi non det. Pessimè denique Principis autoritas prostituitur, ad jurisjurandi religionem violandam inducti, cùm sic Deus, utique testis promissorum laudatus, contemnatur. Unde Cicero in officijs ait, iusjurandum nunquam esse violandum: promtâ apud Ægyptios perijuri morte, qui & cultum Dei temeraret, & societatis humanæ summum solveret vinculum.



CAPUT XXI.

Commercia maritima constituuntur.

PER turbas istas domesticas & exoticas Cardinalis non desinebat damna bellis præteritis suscepta sarcire, per tres ordines constituto modo, ut prosperitas miseriam exciperet, abundantiā summam egestatem rependeret: prudentem Medicum imitatus, qui post excussum morbum vires ægroti restaurat; adeo excutorum tantummodo expectaret manum adiutricem.

Notum est, commercia maritima populis principem scaturiginem esse opulentia, unde constitutione meorundem regi persuadet, apud invitatas societates fide interposita de suo studio, quod Hollandorum commoda brevi posset æquare, quibus commercia aurum copiosius, quā Peruvia fodina Hispano, adferrent. Rationes illius à multis attendebantur, qui centeni perorante Montmorio expectebant pacta Societatis ad commercia per Orientem, & Occidentem, adeoque quosvis cursus longinquos. Offerebatur fors sedecies cēties mille librarum, cui dimidiata pars lucri ad incrementum apponeretur, sorte intacta, nisi ad navigiorum constructionem, & commerciorum emolumentum.

Rex collaudato instituto, Cardinali Societatis leges committit, indultis magnis immunitatibus, cum in merces exoticas, opulentiamque optatam, tum ob potentiam tanto numero navium in mari stabilendam: quæ tanto majoris fuerit momenti, cum Hispani, Angli & Hollandi ad miraculum usque creuerint ex hoc elemento, à non multis armis, assueti etiam, litora Gallicana pro lubitu populari: Quæ ratio priori nihil cedebat.


Persuadebat etiam Cardinalis regi, ut summam pecuniarum egregiam conferret in navigia, quæ Amstelodami, per Daniam, Gallia portus, & alibi, ad invasiones prædonum arcendas, fabricarentur.

Politica reminiscentia.

Istud æque ac illud ad incrementum rei publicæ requiritur, gubernatio & commercium: sine illa non diu steterit, sine hoc inopiam annonæ patietur, nullâ opulentia spe. Errârunt Politici, felicitatem soli virtuti attribuentes, spretis commerciorum & periculis & commodis. Evanescere tempora inertia, ubi glande vesciebantur mortales, aut fruges sine artificio natas pro delitio habebant, cum nunc longe plura ad vitam exigendam videantur necessaria, quibus commerciorum neglectus temerè privat.

Absque hoc etiam fuerit, complures tamen Philosophi perhibentur commerciorum studio celebres, ob usum experientiamque rerum egregiarum. Solon eò sapientia processit, ut Atheniensibus leges præscriberet. Thales, inter Græciæ sapientes famosus, partem vitæ commercijs dedit; Plato ipse sumtus peregrinationum hinc petebat, oleo in sapientiæ commercium verso. Neque enim adeo elementorum, quàm auri argentiue commutatione nunc vivitur; inde omnis motus & actio, rebus publicis vel ad bellum potentibus, vel per pacem florentibus.

Hic nervus belli à Politicis fertur, cum nulla respublica per egestatem celebretur, aut ad magna emergat. Commercium sanè omnem opulentiam confert. Gallia frumento abundat, auri & argenti carens fodinis: eo ut potiatur, vicinis plurimarum rerum, egenis, abundantia rivos per commercia permittit, ratione potentissima, ad vicinorum opulentiam sibi accommodandam.



CAPUT XXII.

*Cardinalis constituitur summus Magister
commerciorum.*

OMnino requirebatur ad societatem commerciorum Caput summæ autoritatis, genio & famâ ad consiliorum vim validis: cum plerumque ardua, nisi prudentiâ eximiâ fulciantur, corruant. Neque enim societas thalassiararchæ erat subjiçienda, qui eam authoritatem in negotiatores sibi arrogarat, ut summa incommoda, favorem nullum præstaret. Occurrebat ea difficultas, Caput illud summum perpetuis cum thalassiararchâ impediendum litigijs: rex igitur id muneris, commerciorû studio, abrogat, & thalassiararchæ, æque rempublicam, ac negotiatores premerent, plus centies mille librarum annuarum ex ærario, præter ullam utilitatem dispendio.

Constituit igitur ab exordio anni id munus à Momorentio repetere, quod is non magno negotio ad grandem pecuniarum summam deposuit. Consilium istoc & commercia Galliæ ab exitio vindicabat, & maritimos adversus piratarum impetus præstabat salvos, postquam ab aliquot annis quatuor millia incolarum in servitutem ab infidelibus essent rapta, centû & amplius navigijs captis aut demersis, denique combustis, unde complures familiæ ad mendicitatem redigerentur.

Regis humanitas, justitiâ fortitudineque instigante, injuriarum incrementum, popularium numero imminuto, potentiâ autoritateque regiâ calcata, non ferens, remedium sumit, à munere thalassiararcharum suppresso, surrogato Capite, siue summo Magistro. Inspectoreque commerciorum per Galliâ, qui thalassiararchæ functiones, ad commerciorum & reipublicæ emolumentum converteret, cæteris ne obstarent, resectis. Istæ autem provincia quærebat authoritatem cum fortitudine, quæ privata publicis posthaberet: Quæ dotes in occasionibus sapius
anim

Animadversa, Cardinali istud onus à rege conciliarunt. Ille subit onus sed stipendium thalassiararchæ renuit, cum parsimonia ratio istanc mutationem induxisset, adeò ut ad innovationem hanc, quod solet, nullæ fierent expensæ, ærario centies mille libras annuas retinente; rege etiam potestatem classis gubernandæ sibi reservante, cum prius eam thalassiararcha usurparet, viris non semper per omnia idoneis usus. Meretur etiam summam admirationem Cardinalis, cum æque thalassiararchæ munus, eadem parsimonia in commodum regis, rei que publicæ atque adeo commerciorum, adipisceretur, ac Inspectoris per utrumque mare; splendorem vitasse, eodem in illos studio, sed nomine minus illustri, invidiæque minus exposito.

Politica reminiscencia.

Summæ fuerit prudentiæ, si Minister nomina ob splendorem invidiæ exposita cõtemnat. Abiectum ea quæ titingenium, nullo penso ambitionis ad fortunæ irritamenta, donec auctoritas sapientioribus ridiculo fiat. Modestia summis conciliat honorem, jactantia animis oculisque ingrata, orbis odium execrationemque. Quicumque igitur ad summos honores gradus conscendit, fluvios grandiores imitetur, exiguo murmure summo ripuariorum commodo fluentes, dum torrentes agris inutiles, nihil vehant, nisi ingratißimum murmur.

Ante omnia verò honorum nomina cõtemnant, plerunque odiosa. Id Scipio Africanus, & fortitudine & prudentia clarus, apud T. Livium illustri exemplo docet, rejecto regio titulo, quem Hispani offerebant, reipublica perquam ingrato, cum Imperatoris nomen duceret honestissimum ex quo animo verè regiũ titulũ averfaretur, ne æmulationes suscitaret. Sic Augustus imperij habenas capellēs, prudenter Imperatoris titulo abstinuit, Principis nomine adscito, quod Romanorum animos offendere non poterat, cum ex more Princeps Senat⁹ legeretur. Intelligebat, Romanos difficilius nomen servitutis, quàm servitutem laturos; Industrie ergo nomen modestissimum acerbo dominatui circumdedit. Desiderabat etiam Consul, Pater patriæ Tribunus

bunus plebis, & summus Pontifex appellari, quibus titulis populus gaudebat; adjecta potius nova auctoritate ad priscum nomen, quàm arreptis odiosis titulis, ad terrorem potentiae.

CAPUT XXIII.

*Proceres coguntur Lutetiam, ad regni turbas
coercendas.*

Commercia constituta Galliam magnis utilitatibus habebant cumulare: potiora tamen desiderabantur ad magnificentiam reducendam. Rex diu multumque rem meditatus ministrum quærebat operæ præstandæ, rebus in eodem deliquito hæsitantibus, donec Cardinalis genius fortissimus accederet. Coguntur Ministrorum principes, usu rerum famam prudentiæ adepti, Lutetiam Parisiorum, Rex postridie Cal. Dec. in Curia regularia ad consessum infit, Convocatos esse, ad turbas regni componendas, custodem sigillorum instituti rationem explanaturum.

Is docebat quanta confusio Galliam inundasset, regi in repulsandis hostibus occupato, quantis ad sustentandos exercitus opus fuerit sumtibus: constituisse regem, ad antiquum regni splendorem contendere, per remedia valida, aerario ad sustinendam quamvis reipublicæ necessitatem composito, ne populis solito more onera imponerentur nimia. Addebat, regi moderationem sumtuum in propriam familiam placere, etiam præsidiorum, post de molitionem inutilium munimentorum; commercij reformationem, ad opulentiam populorum; militiæ reformationem, & per præsidia, & per exercitus, ad populorum recreationem. Hanc summam regiæ voluntatis, de hac maxime in medium consulerent.

Cardinalis sermonem excipit, non minori eloquentia, quàm consiliorum prudentia. Explicabat illustrissimo Conventui, Deum oculis subicere prudentiam & fortitudinem regis, ut regno conferat intra exiguum temporis spatium, quod

Quod multi per secula vix futurum existimarent. Magnos quidem factos sumtus, sed in regis reginæque commoda, gloriâ autoritateque imprimis assertâ. Secundos illos successus gradum struere ad ampliora, in populi recreationem, regni que primum decus. Deo primum, ex nihilo aliquid producere, sed hîc intactam ærarij sortem requiri, vel rescandis superfluis, vel augendis redditibus, utroque etiam.

Contestabatur palam, singulis ad privata attentis sectiones fore ingratas, ægre tamen non ferendas, ob bonum publicum omnibus rebus præferendû; rege reginâque chorum ducentibus, in rescandis familiæ expensis. Per gravissimas tempestates fortunarum partem, ad exonerandû navigium, naufragiumque vitandum, mari concedi; idem suadere prudentiam, ne res publica pereat, privatorum facultatibus saluis. Ipsi cõ facilius in hanc sententiam irent, cum abundantia opesque privatorum per reipublicæ egestatem non diu servari possint. Interpositâ fide, regem regnumque post rectè constituta negotia ærariumque, intra paucos annos ad majorem gloriam, præ tempore claspso perventurum. Ad eum finem, non tam opus esse innumeris legibus, quàm promptâ operâ. Aiebat denique, cum gloria restaurandi regni virtuti regis relinquatur, ad ipsorum eximium pertinere honorem, quodd in partem vocentur: sibi in votis extremis esse, vitam exequendis rebus gloriosissimis profundere.

Rex secundum istæ per Procuratorem summum diversa proponebat Conventui, quæ ad restaurationem regni maxime faciebant: primum erat, de ratione scribendi militis, ducendique, minimo agricolæ incommodo. Visum geminos alere exercitus perpetuos, ad octodecim aut viginti millia peditum, duo millia equitum, quod tranquillitas reipublicæ, autoritasque regia cõstarent; exteris in officio retetis. Ratio etiam populi à vexatione liberâ: di adeo commoda inita, ut non sine causa conquerare, militem minus docilem, quàm regem sollicitum videri. Exinde mentio incidit, de sumtibus rescandis, ut fiscus quinquaginta duobus millionibus librarum, exoneraretur, & onera regni,
hinc

sine tributis sustineret. Visum, regis, reginarumq; familia, accidere, ad modulum paulo ante regis superioris obitum, conscriptum; pensiones supra duos milliones librarum nō extendere, ex instituto Henrici IV. A rege petittum, ut magnum fortalitiōrum numerum, quæ in visceribus regni, aut à finibus remota, rebellibus saltem refugium præstarent, grandi pecunia in præsidia molesque struendas impensa, demoliretur.

Neque prætermittenda cum bona regis venia, dispositio ad suppetias tot nobilium Centurionum atque gregariorum, qui reipublicæ fortunæ & sanguinem impendissent. Conventus apud regem vehementer instabat, ut Magnatū turbas in posterum præveniret, quibus respublica annuatim affligeretur, constituta punitione ad exemplum, si quis contra regiam auctoritatem arma indueret, aut factionibus regnum laceraret. Suadebat etiam regi ut magnum numerum Nobilium Consilijs admisceret, ad animū rebus gerendis formandum. Suggestit etiam sapientissima consilia, de tributis exigendis & diminuendis, muneribus superfluis tollendis, latifundiis reducendis, si pecunia repræsentaretur, aut sanus ex reddituum ratione constitueretur: de fisco contra peculatum servando; de commercio terra marique stabiliendo; de munijs militaribus cæterisque subalternis, quæ à summis Coronæ Ministris penderent, cum regi ea dispositio unice debeat. Hanc summam Conventus disceptabat, quidque sibi de singulis videretur, scripto exhibebat. Pleraque eā iustitia, prudentiâque lucebant, ut postmodum regulam restaurandi regni dederint, Cardinale executionem procurante, quantum bella Civilia, factiones domesticæ, & Austriacorum temeritas adversus fœderatos Coronæ permittere potu-
ere.

Politica reminiscencia.

Quicumque regnum turbatum restaurare conatur, per leges prudentiæ tenetur, cum Ordinibus consultare de modo, eorum saltem consilio uti, qui ab experientiâ authoritatem eximiam, à natalibus & prudentiâ obtinent. Plurimi Conventum Ordinum petunt, qui tamen plerumque turbulentus, ob frequentiam, magnosque sumtus, Procerum Senatui rectius locum fecerit, cum eorum tantum sententia in summis Conventibus valeat, instar regulæ communis. Consilia igitur ipsorum hâc occasione exquiri, nemo ambigit, cum admodum astrorum fulgeant, summâ rerum expensâ.

Supra sortem mortalium est, consilio non egere, ad res arduas; cum Deus ad gubernationem mundi elementaris, seminaque fecundanda, per influentias & lumen Solis partem splendoris communicet astris, ut ex parte operationis omnium inferiorum censeantur causæ universales. Perinde dixeris, Deum, ubi reipublicæ Ministrum largitur, cujus genium splendore & sapientiâ eximiâ ad momenta gubernandi induit, etiam cæteris aliquid luminis dispertitus, licet viribus & virtutibus secundum notitiam particularem infusam, & consilia inspirata ipso ad reipublicæ commodum procurandum longè sint inferiores. Quod si regno conducant ipsorum consilia, Ministro non fuerint importuna, qui sæpè necessum habeat complures offendere. Nullus unquam in regno firmatur ordo, quin pluribus privatis displiceat, ex mensurâ proprii commodi, pronâ in summum Ministrum malevolentia, nisi communi suffragiorum censu valeret; quodd consilia quæ sapientiam & integritatem redolent, ex verecundiâ silentium cæteris imponunt, ut onus gravius cum voluptate ferant. Sic periculi summi fuerit, Ministrum rerum arduarum fieri authorem, cum successum felicem præstare nequeat, erroribus & inconstantia cum reliquis subditus.

Neque tamen dubium, maximam mortalium tur-

O

bam

bam, ad eventum consilia exigentem, vadimonium querere, prompto vituperio ad quemvis sinistram casum. Nemo non præclarorum virorum multa sibi in rebus gerendis promittit, quæ à scopo denia & Principis & populi favorem, inde distraxere; quem conservare potuissent, ex Procerum reipublicæ consilio re susceptâ. Ad quosvis igitur casus sinistros sibi cavet, qui omnia ex consilio sapientum agit. Nec Tiberius auctoritati derogatum putabat, si cum Senatu res alicujus momenti communicaret: unde Antonio Pio statutum, nihil belli togæque agere, quod cum diversis alicujus notæ non reciprocasset, profectus etiam, rectius sese ad illos accedere, quam ut suam illi amplecterentur opinionem.

CAPUT XXIV.

Baradas ab aulâ removetur.

Circa ista tempora Baradas, apud regis animum non parum potens, removetur ab Aula. Cubiculariorum nobilium is princeps, magisterque equilis minoris, nimio favore cæcus, neque cæterum mente firmissima, conditionis immemor, sæpius regis animo imperitabat, arduis quæ sponte sumebat, neque per ingenium, neque per auctoritatem par. Id regi ingratum, ob benevolentia ab usum, reverentia detrimentum: Unde aliquando importunius aliquod munus propinquo petens, querulabatur, sese regis majestati admotum, personam tamen averfari. Visum igitur regi, eum privare non munitibus & rerum usu, sed nimia familiaritate. Jubetur in Palatium minus Burboniorum secedere, & equilis curam gerere, non sine magno emolumento. Verumenimvero, nihil intolerabilius apud animum favore regio imbutum, quam diminutio possessæ benevolentia; hinc ex sensu tanti casus desperationi reliquum prudentia permittit, cum in regis conclavi, Souvraum ingressum, quem inter malevolos numerabat. ad-

oritur,

Atque utriusque dexteram ferro armari optans. Rex sermonis insolentissimi pertæsus, dicebat, nullâ ipsum reverentiâ loci duci, meritum qui Bastiliæ carcerem incoheret, ad subeundum supplicium ex Edicto de Duellis. Exigitur, nunquam ad aulam revocandus.

Politica reminiscencia.

PAuci intimorum modum injungunt sibi, ad mediocritatem suam, principis benevolentiam. Excessu natus sit ingenio oportet, qui favorem eximium concoquat. Quem ad modum enim alimentorum copia stomachum onerat, calore naturali suffocato; ita nimia benevolentia plurimis mortalium adimit mentem, ut ebrii aliquomodo usum prudentiæ amittant: hinc fortunæ beneficio ad ultimam rerum lineam perfruuntur: cum vicissim per omnia secula occurrant, qui à fortunâ ovariantes ad summum gloriæ gradum producebantur, in profunda miseriæ semet præcipitarint, ad favorem, tanquam rupem exitiosam, collisi.

Sapientissimus considerat, favorem mediocre longè securiorem nimio, satis habet, quamcunque Principis benevolentiam colligere, cum ad fortunæ prima blandimenta, prudenter expendat illius inconstantiam, nullo certiore ad eam firmandam experimento, quam moderatione. Sæpius Solistratus rex in mentem recurrit, qui eurrus vectus triumphali, quatuor regibus captivis vicē eorum subeuntibus, rotas contemplabatur volubiles, ubi summa ad ima descenderent, ima ad summa resurgerent, respondebat. Voluptatem sibi ex ea consideratione accedere, ut inconstantiam rerum humanarum recordaretur, qui nunc quidem triumphum ageret de regibus, eurrum trahentibus, sed ejusdem fortunæ, quæ exerit, invidia, in illorum locum succedere posset.

Idem igitur sapiens intimus, animum adhanc fortunæ inconstantiam obfirmabit, solido nixu fundamento, ne mens à vanitate tenebras concipiat: moderationem unice colet, rerum abstinens, nisi à

Principe accersitus, reverentiæ semper maximæ studiosus, ex beneficiorum cumulo: cavebit abusum benevolentiae ad usurpationem nimiae autoritatis; recordatus, Callisthenem Alexandri gratiâ excidisse, ob libertatem nimiam, vanitatemque sub oculis ejus propudiosam. Nihil æquè intimis nocet, quam, nimiae potentiae desiderium, ususque licentiæ apud Principem. Novit igitur intimorum sortem Lunæ comparari, quæ noctis astrum, omnem splendorem ad viciniam Solis, quo multum habet, recondit; sic intimi omni potentia abstineant, Principi propinqui, ad extremam reverentiam etiam in supplicationibus obstricti.

Hinc ille noster nunquam Principem agit, nunquam administrationem reipublicæ cum possessione benevolentiae jungere conatur; imò tantò minus autoritatis sumit, quantò plus testimonia benevolentiae largiri videntur: semper trepidus nimiae excellentiæ, quæ gravem casum exitiumve minetur.

CAPUT XXV.

Dissidium Veroduni, inter Episcopum & præfectos oppidi.

SUB finem istius anni gravissimæ suboriuntur turbæ Veroduni, inter Episcopum & præfectos. Oppidum id limitaneum, eò majoris fiebat momenti, quod ingenium Lotharingi videbatur turbulentius, regno fortè non opportunum. Itaque permovetur rex, ut diutissime cogitata perficeret, munimento imposito. Abbatia sancti Vannis censebatur maximè opportuna, nullo alio loco, quotiescunque id consilij recurreret, lecto; unde in Grammateo ejusdem Abbatiae compluria pacta inter Episcopos Verodunenses, in quorum potestate fere semper fuerat, & Religiosos inveniuntur, quibus tenentur templum alibi erigere, si vel pars ac munimentum necessario concederet. Is tamen fuit ductus linearum,

ut templum restaret intactum, Franciscanorum cœnobio quod adiacebat, per necessitatem translato, & simul excitato.

Episcopus autem Verodunensis, propinquus Lotharingi, ad illius nutum movebatur, non animadvertens regis auctoritatem supremam. A Duce persuasus, munimenti constitutionem impedit; sed viribus temporalibus nimium infirmis, adeo ut ad spirituales recurreret; extremo Decembri promulgato, & platearum bivis affixo Monitorio contra operarios. Quoniam verò spirituali potentia nullum imperium est in temporalem, ut eam junibus suis privet; ita præfectis regis id mirum videri, cum neque audacia, neque fidelitas huic occasione deesse posset.

Gilietus, tribunalis regij in hoc oppido Vicarius Ministros regios convocat, ut in medium consuleretur. Visum, monitorium ubique lacerare aliud nomine regis, adversum, affigere. Id quod Episcopum summè irritabat, adeo ut ex vindictæ fervore postredie fulmen in Gilietum jaceret, ubique affigere, sed rebus ex necessitate dispositis; ne Vicarij summi quicquam in detrimentum quæsitæ auctoritatis permitterent, Veroduno exiret, Celeribus Coloniam Agrippinæ per latus. Carpentarius autem, Præses regius per provincias Metensem, Tullensem & Verodunensem, de Monitorio certior, expendebat, quantum id referret regis, cui suprema potestas in oppidum competeret, adeoque ordo legesque muniendi, cum securitate Ministrorum regionum ad mandata exequenda, qui à nullo Episcopo excommunicari, ob muneris functiones possent; Monitorium illud falsum & scandalosum dixit, jussitque ut ab execute summa justitiæ laceraretur, combureretur: Episcopus ad sarcendam temeritatem Lutetiam armata manu deduceretur; redditibus temporalibus ipsius in potestatem regis redactis: addita etiam multa decies mille librarum.

Hæc sententia secundum formam & tenorem executioni mandatur, præterquam quod Episcopus evasisset. Sic redditus ipsius intercipiuntur, regis ministris in locum eorum, quos constituerat, succedentibus: ut ipse tandem omnium facultatum jacturam non ferens, in fortunæ

beneficijs computaret, quòd liceret Lutetiam mittere, qui regi de temeritate istâ satisfacerent: missâ etiam potestate ad Vicariorum aliquem, ut Giletius anathemate solveretur, nullo in posterum ad munimenta opidi impedimento.

Politica reminiscencia.

INter diversa privilegia, quæ regis Gallia Ministris conferunt, æquissimum juxta & antiquissimum fuerit, ut anathemate careant in functione exercenda. Quod ipsa ratio, ne longinquius documenta queramus, ordoque divinus inter potestatem spiritualem & temporalem evincit, ubi utraque suis limitibus circumscripta, in alterius auctoritatem nihil habet. Historia etiam satis exemplorum suppeditat, juris incuncti.

Vidi actum ex Conventu Procerum Normanniæ de anno 1205, quo continetur, Archiepiscopum aut Episcopum non posse à communione sacrorum abstinere Barones, Balivos aut justitios regis, absq; majestatis permissu. Unde Archiepiscopus Rotomagensis regi promissit A. 1217. se Balivos nunquam anathemate percussurum, sine illius consensu. Etiam Episcopus Carnutensis anno 1369. conatus regios excommunicare ministros Mantæ, damnatus fuit temeritatis, & arresto temporarium reddituum coactus, excommunicationem in eos promulgatam revocare.

Sic Officialis Protomagensis conjecto fulmine in Balivum regium, anno 1370. quod Clericum aliquem reddere nollet in aliena veste apprehensum, damnatus fuit parî sententiâ, ad fulmen restinguendum. Verum & Cardinalis Episcopus Mansensis, eadem ausus in Ministros regis, ad absolutionem itidem damnatus legitur solenniter, anno 1495. cum inhibitione, de ulterius non turbando. Parlamentum Gratianopolitanum comprobât potestate Cardinalis Clermontani, qui legatum agebat Avenionensis Pontificis A. 1516. sententiâ tulit, regios Ministros sub illius Iurisdictione

ditione neutiquam illius subesse censuris, & interdictis Ecclesiasticis.

Cum Episcopus Castrensis duobus Consiliarijs Tolossanis anno 1599. sacris interdiceret, damnatus est ad decem millia librarum, multæ loco solvendarum, atque ad absolutionem. Sic ubi tempore superioris regis Cardinalis Sourdisius auderet anno 1606. aliquot Consiliarios Parlamenti excommunicare, coactus per sententiam ejusdem Parlamenti, ad absolutionem dandam, temporalibus redditibus jam interceptis. Nihil enim facilius, quàm copiam istiusmodi exemplorum producere.

Quoniam vero istæ abunde præbant regionum Ministrorum immunitatem, articulatis insuper verbis sententiæ anno 1369. contra Episcopum Carnutensem prolatæ, & propositionibus in Conventu ad sanum Germaniæ anno 1583. insertum, gaudere eâ per possessionem immemoriam: Verum etiam, eandem immunitatem ipsis non singularem, cum Matthæus Parisiensis in vitâ Henrici II. regis Anglici, referat, Ministros regios Angliæ nihil minus posse excommunicari, nisi Prælati prius facultatem à Majestate obtinuerint.

HISTORIA DE MINISTERIO CARDINALIS RICHELII.

LIBER IV.

M. DC. XXVII.

CAPUT I.

Rupellanorum tumultus insolentes.

Credebant omnes, postquam superior annus pacem cū Hispano & Religionarijs tulisset, Galliâ, à longo tempore instar navigij à procellis agitatum, portū tranquillum.

quillitatis securæ invehi. Spes erat fructuum ex tantæ labore colligendorum, adeoque tempestate discussa, locum futurum quieti blandissimæ. Verumenimverò, nobis ad angustias portus contendentibus, Religioniarij, & major vicinorum Principum pars in littore præstolantur, ne portum subeamus, aut excensionem faciamus. Novos illi objeiciunt scopulos, syrtes & breviamoliuntur, eo procellarum æstu, ut tempestas tempestatem exciperet.

Rupellanis à longo tempore libertati petulcæ assuetis, executio pacis à rege indultæ non videbatur ferenda: rebellio etiam tam altas in animis egerat radices, ut jugum obedientiæ intolerandum æstimarent: leges commerciorum Galliæ communes, aquæ ipsos vigere, dolebant: injuriam reputabant authoritatis ferè summæ, quam in insulas Reæ atque Oleronis, adeoque omnem viciniam exercebant, imminutionem: exercituum religionis Catholicæ restauratum in Conventibus ipsorum, servitutis extremæ, rigidæque coactionis, adversus suorum sacrorum usum, ferebat nomen.

Querebantur de milite in monumentum Luissanum, insulasque Reæ & Oleronis sparso, qui priores insolentias coerceret, tanquam de tyrannide contumeliosâ: Functiones Fiduciariorum apud ipsos, ad exequenda pacta pacis, expendebantur, ut injustissimæ machinationes contra libertatem: Id dabant operam, ut persuaderent, Ludovici munimentum violentissimè impingere in promissâ. Hæ causæ potiores conquerendæ, onera Manifestis inserta, rationes ad præfectos oppidorum, quæ Religionarij per Galliam incolebant, præscriptæ, cum ad arma invitarent, ut rempublicam stabilirent, libertatem, quam justitia negabat, regi extorquerent.

Sed querelæ istæ eatenus carebant fundamento, quòd subditis non licet authoritatem Principis tentare: neque aliud responsum, cum eas regi, ministrisque protervè auderent exhibere, retulere, quam hoc, subditos regis ex jure nascendi, nec posse, nec potuisse immunitatem legum, ad calcandam obedientiam flagitare: præter verisimile de coactione exercitij

ercitij sui conqueri, cum integrâ Conscientiâ libertate, sub regis tutelâ fruerentur, quibuscunque etiâ turbare ausis, ut perturbatores tranquillitatis publicæ solent, castigatis. De Munimento Ludovici demoliendo Magoloni quidem datam fidem, sed eandem receptam, cum ipsi promissis indigni, principales pactorum articulos implere noluisent; eumque inprimis, de exercitio religionis Catholicæ intra pomæria restaurando, quod regi promiserant. Præterea sanio rem partem civium, adeoque opulentissimos, regi demonstrâsse, munimento illo complanato, faciem populi pessima quæque ausuram, ut religio sit, tam æquas preces reijcere. Sextum etiam articulum, pacis à rege per Februarium anni proximè elapsi, indultum, expressè ferre, non posse regem munimenti demolitionem probare.

Cum itaque semet justitiæ regiæ submiserint, præter rationem fiduciarios regios traduci, in quorum numero civem, suorumque sacrorum scirent; neque ob aliam causam in oppido herere, quàm quod illi in exequendis pactis moras necerent. Copias verò militares per viciniam insulasque distineri, ob seditionem illorum indies gliscentem, qui ad demolitionem Tadonis procederent pedibus plumbeis, ruinâ ad molem pristinam facillimâ. Eandem autem copiarum modestiam, quæ præsidiorum per regni oppida eandem permittere libertatem, cum ista vigilantia regis erga toties relapsos, mira videri nequeat, protestationibus de obsequio, ad veniam præteritorum nunquam non vanis.

Non tamen hic steterè, sed a verbis invalidis ad optata, constituere vim armorum expedire, reipublicæ in visceribus regni formandæ.

Politica reminiscencia.

NEQUE justum, neque com modum oppido, sub auctoritate regiâ nato, jugo obsequij excusso, rem publicam meditari. Injustum id institutum nemo negarit, qui reges divinitatis imagines vivas, potentiæque divinæ dispensatores nôrit, quibus populoseâ lege sub-

misit, ut sola id munus, revocare possit, nemine in partem potestatis admissio. Monco te, inquit Sapiens, ut os regis observes, & verba juramenti, quod ipsi præstitisti: cave, te illius potentiae subtrahas, aut mandatum contemnas: nam si feceris, ille in te pro lubitu statuet, ut nemo impediatur, aut ei dicat, Quid facis.

Æquè tamen incommodum fuerit factiosus, cum populari imperio nihil sit peius. Species quidem libertatis fascinat, animis imperitorum præpediendis: ipsa tamen libertas scaturigo est omnium, quæcunq; oppidū involvere possunt, malorum. Regibus gloria juxta bonum publicum scopus summus; populari imperio, privatum cuiusq; commodum, ad cuius mensurā exigat publicū, honore postremū locum occupante. Ibi nullū ferè remediū casibus sinistris, cum prudentia nihili fiat, suffragijs ad numerum, non ad leges sapientiæ valentibus, & singuli suam ipsorum sententiam admirentur.

Hinc Senatui Romano Tribunis plebis, oratores utique populares, præ ipsa plebe ferociente nisi potiores ad suffragia; cum potentia Tribunorum, quantumvis nimia, rectius toleraretur, quam belua multorum capitū, ignorantiae mancipium ad quemvis ordinem obstinata, impetu, non ratione duce. Spebus infinitis pascitur, furore concitatur ad pericula longinqua, trepidat ad ingruentia. Ufu rerum destituitur, neglecta inde prudentia adeoque etiam fideli opera. Hinc solet beneficiis mala, & male meritis bona rependere.

Athenienses olim Miltiadi gravissimam mulctam pecuniarum imposuere; quam cum ex facultatibus conficere non posset, in carcerem detrusus ab amicis emendicabat, etiam in exilium compulsus: ut istud præmium ferret solutæ obsidionis, insignisque victoriæ, quam eximia rei militaris scientiâ obtinuerat, decem millia Græcorum centies decies millibus Persarum obijciens. Eandem sortem experti Themistocles, Aristides, Alcibiades, & alij summi Duces, qui fortissimam præstiterant operam, victorijs nullatenus consideratis.

Ignarus sit oportet popularis proterviæ, qui auctoritatem ejus suspiciat : rectissime igitur Agesilaus ad quendam, de instituto regiæ potentia in Democratiam apud Parthos commutandæ; prius Democratiam in potestatem redigeret, ut popularis gubernationis imprudentiam juxta & confusionem addisceret.

CAPUT II.

Ambitus Rohanij per Languedociam.

Rohanius, quod nullum ex pace commodum, auctoritatisque incrementum sumeret, æger animi, non parum ad Rupellanorum seditionem conferebat: hinc consulatus per majora Religionariorum oppida clanculè ambibat, ut partium studiosos admoveret per Languedociam, bello ex occasione inchoando. Cum autem nihil promoveret, statuit, quæ rex M. Britannia fratris Subisio, factionisque fiduciarijs, ad primum de pace Rupellanis indultâ nuntium, anno superiori obtulerat, acceptare.

Nam cum executionem pactorum nullo modo ferendam putarent, ad quæ à saniore parte deducti fuerant, ad regem Magnæ Britannia mittunt, ut is & auctoritatem & arma apud affinem interponeret ad demolitionem munimenti Luisiani, quod mirum in modum eos coercebat. Fiduciarij à Soubisio producuntur, per biennium in Angliâ hærente, & benevolè excepti, præmissa validi subsidij ad necessitatē auferunt. Ne vero istæ spes in herbâ suffocaretur Rohani⁹ incunte anno, SanBlanca, dum mittit, nobilem egregium cū cæteris, ad maturandum subsidium: ij verbis suavisissimis aluntur, omnibus promissis superioribus firmatis, ut rebellio penitus complaceret.

Vota exinde felicius succedebant, quod Angli ab annuo tempore aliquid sinistri eudebant in Galliam. Dolebant plurimum, factionem Religionariorum & Rupellam longè debilius agere, quam unquam; idque

que adeò cordatè, ut Ministrorum summorum quidam in Senatu frequentissimo regis dixerit, consultius fore, ut Irlandia periret, quam ut Rupellani ad obsequium subigerentur à Gallis. Accedebat odium Bukinkami in Galliam, quod primoribus desiderium cum Gallis dimicandi infundebat: adeò pròptum est obsequium in favorem summum.

Cùm autem potiores causas anno superiore recensuerimus, addemus, offensam ex negato in Galliam itinere alius penetrasse, ad odij robur: quod Cardinalis auguratus, permissionem suaserat, certus, extanto fervore aliquid commodi elici, successu tandem leatio de nimis arduis: Regina tamen mater, Consiliorum moderatrix, aversum regis animum fulciebat: Unde Bukinkamus irritator palam ferebat, sese satis copiarum vestibulo adhibiturum. Cheureusia in Lotharingiâ ægritudinem animi concoquens, familiaritatem cum ipso servabat, ad instigandum animum: quæ tamen plus contentus, quàm gloriæ trahens, alios consilij colores flagitabat.

Ferebat, regem Magnæ Britanniæ sponsionem interposuisse de pace Religionarijs servandâ. Dixerat autem primicerius eorum Deputatis coram Angliæ legatis, regem addemolitionem munimenti Lovisiani nunc quidem non consentire, sperandum tamen id cum tempore ab ipsius Clementiâ, si ipsi obsequium plenè colerent. Hanc spem ille in verba securitatis trahebat, pactumque cum legatis initum; ut persuaderet: Angliæ regem de demolitione munimenti cavisse: idque cum summa audacia, per legatum Angliæ, nomine regis sui nunciaret, cui surrogabat Declarationem, Religionariorum Deputatis à Comite Hollando, & Carletone, legatis extra ordinem, datam inter paciscendum, cui interfuissent ista primicerij Haligij verba, ad mentem Religionariorum, ut commodorum suorum ratione potissimum habitâ, turbas quandocumque capefferent.

Pernegatum verò, regem Magnæ Britanniæ de verbis, quæ Religionarios spectabant, cavisse, aut quicquam de ipsorum commodis cum legatis fuisse pactum: quin inò edocebatur, nondum in oblivionem abiisse verba à Cheu-

Cheureusio, & Episcopo Mandensi ad Hollandum & Carletonem prolata; si pacis sese arbitros ferrent, regem nunquam assensurum; si verò accederent, Rupellaris demonstraturi, nisi regi obsequerentur, classem validā regi submissurum, quæ eos cogeret, tunc verò confer-
surum. Nam istæc verba clarè & sæpius prolata, etiam à Cardinale confirmata, fundamentum Anglicanæ cautionis æquè frivolâ, quòd domi, ex libitu esset fabricata.

Hinc tamen princeps prætextus ad arma arripienda promulgatur, ubi Ream occupant, & Bukinkamus Rupellanorum, Ecclesiarumque reformatarum patrocinium jactat, causam communem vindicans; tamen notum esset, ex odio privato consilia fluere, regi Angliæ per industriam fūco factò de Rupellanis succurrendis, deque rebellione universali Religionariorum, quorum vires ad classem illius expeditæ, munitiora quædam loca continuò corripere, ut Angliæ jus antiquum in Galliam repeteret opportunè. Hinc tantum classis apparandæ studium, per Aprilem, Majum & Junium, nullo consiliorum iudicio. Rex tamen & Cardinalis certiores erant, de Galliâ invadendâ agi.

Politica reminiscencia.

Pincipibus semper in promptu prætextus, ubi bellum complacuit, ad injustitiam colore aliquo conregendam: summa tamen imprudentia, extra necessitatem summam semet impedire. Hinc T. Livij sententia perplacet, qui belli justitiam ex necessitate ducit; nullâ ad arma reliquâ religione, nisi ubi à viribus omnis spes petitur. Nemo sanè aliter sentiat, tot calamitatibus bellum consequentibus. Nihil enim ibi sacrum, omnia violenta, extorsionibus & crudelitate nefandâ.

Hinc confusio rerum, pessimi mores, innocentissimorum interitus, opulentissimorum egestas; ubi vitæ dulcedo evanescit, tumultu & ægritudine succedentibus; adeò ut nihil deploratius fingere liceat. Sic sanè extra necessitatem bellum sumpturus, rectè confertur Chymistis, qui ægrotis sæpissimè proponant remedia,

dia, ad tormenta ipso morbo graviora. Xenophon monet, virum prudentem à bello abstinere, etiam provocatum: quemadmodum Cræsus pacem semper bello potiorē ducebat, idq; eā potissimū ratione, quod plerumq; parentes, inverso naturæ ordine, liberis exequias faciant. Plinius memorat, Lyncem adeo avidam, ut partam prædā deferat, novam eamq; incertam insectetur. Quicumq; igitur bellum non necessarium suscipit, idem agit, certa pacis tranquillitate relicta, ut armis victorias, ex mente Sapientum non tam virtutis quam fortunæ præmia adipiscatur.

Alium ruinis oppressurus, non raro imprudens sub onere genuit: princeps in vicini ignominiam intentus, honori sapissimè aspergit maculam reciprocantem. Sic thesauri cum pulvisculo dissipantur, odio popularium ob belli necessaria exacta suscitato, quos etiam mactandos producit, cum summo authoritatis periculo: dum providentia divina arrogantiam, publicasque injurias castigare gaudeat: excitantur incendia, non facile restinguenda, quibus patria consumi posset: ut memineris ex historijs, Principes sapiculæ arma in exitium vicini versa, ad rogam propriæ gloriæ componere. Equè injustum, & bellum citra necessitatem suscitare, & timore domi torpere, ubi publica arma postulat.

CAPUT III.

Rex Cardinalis consilio instigatus, Rupellam obsidendam censer.

AD Rupellanorum insolitos tumultus impunè transmittendos, minus fortitudinis, studijque in gloriam regis, publicæque rei commoda, quàm Cardinalis eatenus exuerat, requirebatur. Hinc istarum virtutum possessor, regi author fuit, tantam insolentiam ulterius non ferendam, quam rei publicæ gravem armis
intra

intra limites compingeret. Compendio referebat bella Religionariorum a factionis exortu; partibus semper accessisse, Rupellam ex omnibus oppidis rebellionem maximè fovere, faciem etiam exteris opportunitatem ad incendium; hoc obstaculo res arduas sisti; ignominiam trahere, quòd Edicta, sive iustitiæ, sive necessitati accommoda, intra illius propugnacula nihili fiant; hinc stabulari rerum præsentium pertæsos, novarum studiosos; pacem nec domi, nec foris securam, quamdiu factionibus istud pateat asyllum; Galliam à metu Exterorum nunquam tutam, hanc fenestrâ patente. Vicissim autem, rectè sperari omnem prosperitatem, Rupella exarmata, propugnaculis dirutis, obsequio iusto redeunte.

Secundum quos sermones rex, cuius animus obstacula potentiæ ignorat, obsidionem cogitatu anticipat, ut leges obedientiæ constarent; aequè tamen occurrebant & rebellionis intoleranda licentia, & ejus reprimendæ summa difficultas. Cur oppidum castigaret, evidentes urgebant rationes, quomodo rempericeret, non in aperto. Difficultates plerumquè generosis animis fervorem addunt, eximia gloriæ materia instar stimuli urgente; id regi, ex Cardinalis consilij usu veniebat, ut tantò audentius ad obsidionem accingeretur.

Dicam amplius, Cardinalem, quod sciret in arduis oculis minimè addifficultatum monimenta claudendos, cum ad exactam earum considerationem remedia sint faciliora; nihil penitus prætermisisse, quod ad eam obsidionem accidere posset. Explicabat potentiæ Religionariorum, multis munimentis innixam, Exterorum benivolentijs fotam, Magnatum complurium commodis compactam, & proprijs viribus adeò inflatam, ut quicquid superiores reges tot prælijs & longa serie diversorum bellorum effecerint, in Edicta pacis, impunitæ inobedientiæ indubitata signa, deserit.

Repetebat ex memoria ambitionem Ducum, Ministrorum æmulationes, insolentiam factionis; machinationes, tricas & fervorem: Nihil dissimulans, universas

versas reipublicæ vires eo magis necessarias ad superanda obstacula, quod negligentia esset malum irritatura, profuturo remedio, ad contentum armorum regionum. Vicissim etiam demonstrabat, rege potentiam extremam ad mulctandam superbi oppidi rebellionem, vertente, felicem successum sperari, quod pax cum Germaniâ constet, & præter Anglum, jam non valde metuendum, nemo vires distrahere posset Exterorum: Quocunque autem forsitan Galliam tentante, ad manum fore aut satisfactionem, aut moram interjectam; sic omnibus difficultatibus sub ipsius potentiam missis.

Sic sumtus ad claudendum portum faciendos, vallum circumponendum, fortalitijs & propugnaculis distinctum, ad arcendam annonam, atque sublidia factionis: Navigia ex portubus Galliæ contracta, impetum Classis Anglicanæ facile fractura, & suggestibus defensa, munimentisque ad angustias Canalis collocandis. Opus id aliquot mensium; oppido ad imbellem obedientiam redacto. Quæ rationes tantam sapientiam redolebant, tantam demonstrationis evidentiam ferebant, ut rex justissimas boni successus causas ad oppidum subigendum ignorare non posset: inde ex principio anni consilia adolevere.

Apparatus ad obsidionem fiebant in occulto, ne ante imperum tumultuaretur. Cardinalis delineationem oppidi cum confinijs accuratam nactus, contemplabatur propugnaculorum formam, & mensuram, altitudo molesque valli constabat, æquæ ac fossarum latitudo cum profunditate: in notis habebat roboris ac imbecillitatis loca. lacebant angustiae viarum, tramites regionis, Canalis omne æquor, colliculi excitandis munimentis suggestibusq; ad ingressum coercendum. Adjungebat sibi Schombergium, & architectos militares, conceptâ, adeoque designatâ ideâ obsidionis, dum effecta ex causis eliceret, ut de victoriâ vix quicquam dubitaret.

Ubi istanc seriem ad regem detulit, ausus est ex prudentia incomparabili, quæ è longinquo accidentia cuiusvis instituti præcipit, sponforem sese felicis successus

His inferre, modo cælum aspiraret cæptis, quod ob Ecclesia commodum, causæ tuitionem, & gloriam nominis sperare liceret. Stupere rex & latari, per p̄vincias vicinas bello necessaria colligere, tormenta diversis vijs huc destinare, de claudendo Canali deliberare, minus sumtuosis quibuscunq; prius tentatis, ad vā grandes sumtus vitandos, si fieri posset: calculum secreto inire de copijs equestribus & pedestribus, quæ invadendo oppido, insulisque occupandis sufficerent: nihil omittere, quod optatum obsidionis finem contingere posset.

Politica reminiscencia.

Sponte fallitur, qui aciem ad futuri belli difficultates claudit, unde impotentia consiliorum perficiendorum continuò manifestatur. Si quicquam rerum humanarum maturè & secundum leges prudentiæ in exordio, progressu & fine est considerandum, bellum occupavit primum locum, cum maximi inter sit, ex Scipionis sententiā, ut cum fortunā sese præbente suscipiatur, rationes ducendi pateant, acie mentis semper in aliquam fenestram sine dedecore exeundi intenta. Fortuna etiam adversante, vix malè succedet, secundum istas rationes susceptum. Quicunque verò oculis clausis, & nullo penso desuperandis obstaculis quibuscunque habito, ruit, confusionem nunquam vitabit.

Tiberio summam apud Tacitum conciliat laudem, quod hostium consilia, machinationes, instituta ad eò exadè nosset, ut easdem artes, quibus petebatur, in eorum damnum converteret. De Hannibale T. Livius refert, inter cætera maximum ipsi belli decus conciliasse, quod hostilia eque ac sua nosset. Sic prudens Naucerus tempestatem prævisam declinat, & summus Minister nihil arduum molitur, nisi expensis omnibus difficultatibus: Gladiatori enim, non Principi, in arena consilium. Sapiens nunquā subit periculum pænitentia: gnarus etiam, consilia sua vim passura, & necessaria ex se separat ad successum, & remedia in promptu habet, ad quævis obstacula removenda.

Non tamen difficultatibus animum permittit frangendum, sed hic eludit omnem vim, cum eventa ante viderit, fortunæ etiam extorto favore.

CAPUT IV.

*Lotharingus regem adit Lutetiæ, ut conquatur
de præfectis Verodunensibus; etiam ho-
magium de Ducatu Barrensi
præster.*

Res arduæ successu temporis fiunt; sic Angli post aliquot menses Rupellanis promissa præstant, dum alia memoratu digna intercurrent. Lotharingus ab exordio anni causa Episcopi Verodunensis propinqui suscepta, regem adit Lutetiæ, magna querimonie structura, adversus regios ministros, omnes facultates Episcopi corripientes, muneribus in alios translatis, patentibus contra ipsum affixis, temerario etiam ausu ejus capiendi, si potuissent.

Is, quod tandem videret, non sibi negotium cum Ministris timidiusculis aut clumbibus, qui principis causam ex fide minus benè agerent, promptum tulit responsum, Episcopos quoscunque, subditos nempe regis, idem obsequium cum cæteris civibus debere; ab officio recedentes, eò magis castigandos, quod exempla eorum apud plerosque populos sunt sancta; temporalibus non frui, nisi ex jurisjurandi, quo infracto, meritò privari iisdem; regi suum jus Veroduni eò sollicitius servandum, quod oppidum esset limitaneum, & Episcopus auctoritatem regiam læsisset, impedito munimento, quod summum jus, ipsi intactum, concernat.

Hæc justissima juxta & æquissima responsum non ferebant, ut Lotharingus ad preces delaberetur,
roga-

Rogato rege, præterita clausis oculis transiret, quod beneficii loco esset habiturus, temporalium usum fructum redderet, ministris etiam Episcopi restitutus. Vehementer urgebat, sed opportunè, quod Imperator in favorem ejusdem Episcopi ad regem scripsisset, cui responsum, in ipsius gratiam propensè aqua indultum iri. Assensum igitur precibus, ea tamen lege, ut Episcopus prius mitteret ad aliquem Vicarium, qui censuras Ecclesiasticas in regios ministros, operasque munimenti conjectas tolleret, stipulata in posterum omni modestiâ.

Lotharingus libenter fidem interponit, negotioque utrinque confecto, omnia in priorem statum reducit. Quicquid verò studij testaretur, veram tamen itineris causam tegebat: nam apprehenderat de novo possessionem Lotharingiæ & Barri, cum ex beneficio testamenti, quod Renatus II. rex Sicilia scripserat, tum ex cessione, quam Comes Validimontij pater ipsi dederat, adeo ut possessionem ex suo capite, & privato nomine adijisse vellet; tametsi postremus Lotharingiæ dux, antecessor, ritè declarasset, locatam ipsi in matrimonium primogenitam, provinciarum veram esse hæredem, quas per ipsam possideret. Nancejum in vectus erat pomposè, ludicris, festivalibusque celebratis, ut Lotharingiæ Coronam tantò magnificentius adiret. Secundum ea cupiebat homagium regi de Ducatu Barrensi, nomine proprio, & de suo, non conjugis gratiâ, præstare: ubi plus obstaculi, quàm in causâ Episcopi Verodunensis incurrit:

Initio ipsi demonstratum, non parum offendisse regem, quod proprio motu, neglectâ investiturâ necessaria, adijisset possessionem Barrensem, cum regi summum jus competeret: omnes etiam patentes suo nomine, conjugis mentione suppressâ, expedivisse, cum Vasallus nihil possideat in fundo devoluto per successionem, donec à supremo, à quo pendet, investiat; promptâ causâ ad receptionem, ubi prius possessionem invadat; neque minus culpâ vacare, diu conaretur naturam, feudi Barrensis

mutare, ut masculum fieret, rege inconsulto, cui solus
jus innaturam feudorum & consuetudines.

Ingenium præceps & satis elatum istius principis,
optabat nemini subijci, unde istas rationes nihil ani-
madvertit, æquitate earundem etiam tunc non intelle-
ctâ; ut responderet Ministris, quibuscum ipsi erat agen-
dum, Regis nihil interesse, an feudum Barense foret
masculinum, aut fæmininum; existimare sese, in pote-
state Renati, regis Siciliae, avi sui, fuisse substitutio-
nem, in commodum masculorum, ad exclusionem fæ-
minarum, unde sibi jus fluat, successionem ex suo capi-
te, nomineque proprio colligendi; paratum se, ad ho-
magium regi debitum præstandum: neque credere, se-
cundum istæ omnia, regi ullam potestatem, esse ad ius
suum acquisitum annullandum.

Utebatur operâ Cheureusij, qui sæpius inculcabat
Ministris istas rationes, additis etiam nonnullis alijs,
quas ob tenuitatem referre supersedeo. Responsum i-
dentidem, satis, multumque interesse regis, ut impedi-
at, ne feuda à Coronâ suâ dependentia naturam mutant,
& ne consuetudines provinciarum & successiones in ali-
am transeant formam, cum istæ mutationes authorita-
ti ipsius soli competant; didicisset, consuetudines Bar-
renses nunquam, nisi rege permittente, etiam sub fide,
de Parlamenti Parisiensis autoritate acquirendâ, mu-
tatas fuisse; ignorari non posse, consuetudinem Barren-
sem omniumque inde imperiorum usque ad Rhenum
filiabus primogeniti permittere successionem, ad exclu-
sionem masculorum, qui ex secundogenito descendis-
sent; quam consuetudinem maximi momenti, adeoque
mutationem in leges fundamentales Lotharingæ pec-
cantem inde mutaverat, ut conjugem jure hæreditario
frustraretur. Nullo igitur responso ad istas ratio-
nes valido, rediit ad sua, cum præter tem-
pus exquirendis juribus ni-
hil obtinuisset.

Politica reminiscencia.

Politicorum sapientissimi à legum mutatione non valde necessariâ manifestum augurantur damnum. Aristoteles ait, subditos hinc facile in contemptum statutorum ferri, ad magistratus auctoritatem calcandam. Thucydides addit, satius esse, leges inviolatas provinciae, licet non optimas servare, quàm novas condere. D. Augustinus scribit, prudentiae esse, remediorum salutarium usum continuare, & provinciae leges, ad præteritos casus utiles observare porro. Id verò de omnibus legibus rectè dictum, in fundamentalibus, quæ rempublicam constituere, maximè locum habuerit, cum ad conservationem conferant, quod fundamentum ad ædificij consistentiam.

Ut verum dicam, leges summæ auctoritatis sunt fundamenta: quæ in edificio concussa, ruinam trahunt, in republicâ exitium minantur. Hinc Adriano statutum, ne Romæ ulla consuetudo peregrina introduceretur; & Plato ab immutatione adeò abhorruit, ut & puerorum lusus & recreationes intactas vellet, quod mores nemine advertente, rebus antiquis contentis, ad periculosum eventum paulatim mutarentur. Permitterent aliquando justitiæ directionem mutari, cum mores mortalium mutationi subiaceant, supplicij ad temporis rationem, hominumque dispositionem conversis; sed diversa ratio legum fundamentalium, quæ cum provincia nata, administrationem dirigunt, firmatâ electione, quàm Deus familiæ cuicunque constituit, ut ordinem gubernandis populis Principi servent, ad perpetuam reipublicæ salutem. Hinc earum æqua religio, cum naturalibus, quod in æternâ dei lege fundentur, qui Orbem terrarum gentibus distribuit, cuique Nationi principem imposuit, à cujus nutu familia regia & hæreditaria pendet; adeò ut omnis immutatio ordinis constituti in illius voluntatem impingat.

CAPUT V.

Moritur Aurelianensis, enixa filiam.

NON longè post discessum Lotharingi ingens regem inceffit dolor ex obitu Aurelianensis, cujus matrimonium aulam satis exercuerat, omnibus ferè Orbis Christiani principibus adversis. Hinc igitur Magnatum discamus imprudentiam summam, qui sæpissimè torquentur, cælum terra miscentes, ob res morti inconstantiaque rerum humanarum subiectas. Ad istud matrimonium plus prudentiæ, quàm amoris attulerat frater regis, favorem Dei nihilominus expertus in summa concordia, quantumvis intimi repugnarent, dum dotes eximias coniugi, quas maritus agnosceret, & amorem, & potentiam apud animum illius acquirerent.

Intimi ergo animadvertentes, fidem suam apud Principem evanescere, autoritate etiam per illius familiam imminuta, nihil omittebant ad amorem divertendum, adeoque opinionem virtutis extenuendam. Optimus tamen animus principis, dotibus conjugis captus, intimorum artibus nihil cessit, cum amor mutuus voluntates verà concordia constringeret, ut mors in separatione ingentem incusserit dolorem.

Ipsa aliquot menses à nuptiis ceperat utero ferre, enixa filiam exeunte Majo, jam dubiæ salutis. Maritum id clam haberi non potuit, qui ferè assiduus dolorem premere non valens, ab ipsâ constitutionem valetudinis intelligit, cum exhortatione, ad Dei voluntatem omnia referendi. Medicorum summa cura artem exerebat sine emolumento, ut ip-

sa ex vitâ præsentî abitura , omnibus sacris operata , Magnates moriens doceret , nihil in honoribus firmum præter inconstantiam , quos ludibria fortunæ censeas , pompâ per momentum concidente.

Rex earundem virtutum præter fratrem cultor , extremè affligebatur , sed Guisiana familia præ cæteris , quodd omnem spem , consiliaque amplissima huc congesta per fortunam elusâ sine modo aliquamdiu lugeret.

Politica reminiscentia.

Sapientissimè de honoribus huius mundi iudicabat , qui in adipiscendis summos labores , in possidendis summam curam inconstantiamque , in amittendis summos dolores notavit. Sol illustrissimus quotidie occidit , mortales quoscunque honorum gradus exuperent , omnem honorum pompam tandem inviti contumulant. Eadem causâ nobis lucem vitalem aspiciendi , & tenebras mortales subeundi , quemadmodum idem Sol manè diem inducit , vespèri noctem trahit. Ex primo gradu Arietis digressus , sine ulla cessatione ad eundem redit , uti mortales ad mortem properant.

Sublunaribus sola inconstantia constans , instabilitas sola figitur : gaudeamus aliquamdiu per fortunæ indulgentiam honoribus ; eos venit ereptum mors , exacto obsequio : obnitamur ipsius ictibus , legibus subijcimur mortalitatis , nemo ictum vitabit : unde summa sapientia , manus dare , omnibus fortunæ donis libero animo indultis , donec privet eadem. Expectemus ejus impetum , secundum limites vitæ humanæ constitutos , ex ipsius arbitrio incertissimos. Ne unquam dixerimus , eam præcipitare cursum , cum nunquam mors occupet , ob incertitudinem temporis adventusque ipsi essentialem , nostræque vitæ finiendæ certissimam incertitudinem.

Blandiatur usque mundus sensibus, omnem metere gloriam mors. Terra floribus modò variegata, mille odorum differentiis jucunda, plantarum diversitate superba, gravi messe dives, post pauculos menses omni gratiâ evanescente tristis, nivibus, grandine, aquarum diluvio, gelu obducitur, horret, mergitur: sic Principum maximi tandem in morte serenissimum splendorem deponunt, qui instar floris maridi perit, beatitudine instar nivis liquecente, instar torrentis ad stuporem ruentis diffluit, instar fulguris transit.

CAPUT VI.

*Duellum Pralini & Butevillani severe
punitur.*

REx quidem severissimo Edicto coercuerat duella, furor tamen, equestribus familiaris, nonnullos exagitabat. Iste error, gloriâ per vindictam quæstâ, duella virtuti adscribens, adeo profundas in animis egerat radices, ut penitus evelli nequiret. Apud Macedones olim infamiâ notam ferebat, qui hostem patriæ nullum occidisset: & apud Gallos generosi nomine carebat, quicumque a cæde socij abstinuisset. Id rex satis cavebat Edictis, ne flos fortissimorum virorum, quod à temporibus Henrici II. frequens erat, porro periret.

Quemadmodum verò frustra feruntur leges, nisi supplicij constitutis sanciantur; rex nihil parcebat transgressoribus. Marchio Pralinus, filius Mareschalci defuncti, ausus erat cum Barone Becio congregi; unde præfecturâ secundariâ Champaniæ caruit, per aliquot annos ab aulâ remotus. Sic ex suspitione gravi Liancurtius, quod in gratiam Ducis Halvini Gressianum provocasset, conjectura valente, ab Aulâ arcetur; rege ad munus primi Cubicularij transferendum, quod Liancurtio debebatur, propenso, nisi à fide dignis, negotiorumque immixtis, comprobatum fuisset, rem provocatione caruisse.

Ista

Ista ratio coercendi, ad exemplum instituta, spem faciebat nobilitatis erudiendæ, quomodo sinistrè leges honoris virtuti, Christianoque characteri opponantur. Temeritati tamen nulli limites: itaque Butevillanus & Chapellanus eò provehuntur, ut rex nolens volens iustitiam, majore quàm unquam rigore, in eos exerceret, ne venia Coronam læderet, rabie cælum & iudicium quodvis irritante. Butevillanus quidem fortitudine eximia pollebat, etiam inimicorum testimonio; quæ prudentia inops in eum furorem, proruperat, ut aula fortissimum quemque provocaret, nullâ ratione solenni-um sacrorum, locive reverentiæ publici; adeò nihil apud ipsum valebat regium Edictum.

Post promulgatum illud anno superiore comitem Thorinnium duello sustulerat; hoc incunte, cum Fre-
tuo congressus, socio cadente, in frequens Magnatum dissidium. Hinc à rege supplicium constitutum: quod ille præstiens, in Flandriam abit, ubi ab Archiducis conjugè, in gratiam Momorantiæ, intercessionem impetrat abolendæ pænæ. Id rex à Confessionario monitus, ne tantum crimen per læsam conscientiam transmitteret, Archiducis petiitum eousque ratum habuit, ut præteritorum gratiâ facta, reditum in Galliam permitteret, modo aulam & Lutetiam vitaret: neque amplius à iusta clementiâ postulares.

Eadem tamen rabies, Butevillano ad duella familiaris, adeò irritabatur abolitionis indulto, ut palam ferret, quod fama retulit, sese propediem Lutetiæ, in campo regio duellum initurum. Non distulit sanè Lutetiam petere, ubi Marchioni Beuvroni inimico nunciata adventum, satisfacturus de lite, quam in Flandria; ob fidem Archiduci datam, quo Beuvron excurerat, decidere nequiverant. Ex utriusque voluntate descenditur in campum regium: terni congregiuntur, Butevillanus, Orapellanus & Bertius, cum Beuvrone, Bussio Ambosiano, & Buqueto. Sternitur Bussius à Chapellano lethali-ter vulneratus: Bertius à Buqueto graviter sauciatur: Butevillanus & Beuvron in amplexus prolapsi, post ab-
jectos enses, pugiones expediebant, sed æqua sorte vi-

tam reciprocabant, ad amicos separandos uti ferunt. Tum audet contemptus regis per furorem.

Rex certior, matrem Bussij Butevilanum misso nobile quodam attinuisse; Chapellanium Virriaci hære; eos Luteriam benè custoditos reduci jubet, Parlamento judicandos tradit, gratiâ propinquis omnia tentantibus negatâ; quàm salvâ justitiâ indulgere non posset. Ex sententiâ igitur Parlamenti capitis supplicium subeunt in campo Grevæ.

Politica reminiscencia.

Qui justificat improbum, & qui justum condemnat, eandem apud Deum incurrunt abominationem, teste Salomone in Proverbijs. Lubentissimè hinc in Chrysostomi transeo sententiam, cui justitia sine misericordia, non est justitia, sed crudelitas; & misericordia sine justitia, non misericordia, sed extrema imprudentia. Non minus errorum committitur in condonandis criminibus, quàm in frequentissimo justitiæ rigore, cum utrinque prudentiæ regula requiratur, ne idem incommodum ex lenitate & severitate fluat.

Philippus filium Alexandrum monebat, subditis sese humanissimum autè regiam dignitatem exhibere, cum postmodum ealenitas non foret opportuna; sapientissimè reputans, non facillè Principem erga omnes clementiam exercere, cum subditorum salus sapè rigorem suadeat, & autoritas sine suppliciis improborum constare non possit. Gentilium est proverbium, Nè loyem quidem absque justitiâ gubernaturum: unde Plutarchus in vitâ Demetrii, nihil Principi magis convenire, præ ista virtute. Et Salomon, cujus testimonium omni exceptione est majus, docet, thronum regium per justitiam constabili. Suffragatur D. Cyprianus in libello de duodecim erroribus, cum justitiam, dicit populorum pacem, puerorum custodiam, provinciæ tutelam, pauperum consolationem, sibi ipsi spem beatitudinis futuræ. Ea profecto principi admodum fuerit necessaria, ad
aulam

aulam repurgandam à litigiosis, qui nobilium sanguinem hauriunt.

Duellum mortales infra belluas dejicit, quæ per naturam à suo genere abstinere. Neuri feruntur per sex menses quotannis induere naturam luporum, ceterum homines: verius dixerim, gladiatores istos omni humanitate positâ semper lupos tigresque, humani sanguinis sitientes: pro corde ipsis furor adeoque cupido manus in sanguine fratrum colluendi: non fortitudo, sed rabies deliberato corpus neci, animam damnationi æternæ exponit: non lex armorum justa ad hanc barbariem obligat, sed fascinum Diaboli, rationis usum tolles.

Stulta cupido honoris fictitij, quo agitantur, monstrum est vanitatis genimen, furoris soboles, sanguinis alumnus, de quo Habacuc refert, cum summos nobilissimos, adeoque fortissimos prædam faciat. Nulla ratio suaserit, ut priscorum sacra impunè reducantur, ubi homines ad Simulacrum, quasi Molochi aut Saturni, fictitij honoris immolentur: ut impunitas adversus sententiam Dei clarissimam valeat, à quâ cælum abhorreat, Edictis mortem, lege inferni ignes irrogante. Extremæ vel inde fuerit imprudentiæ, cum contemptus regiæ autoritatis accedit, quâ conculturâ populi obsequium facile exiunt, ad diluvium confusionum.

CAPUT VII.

*Artes Angli & principum vicinorum
ad regem à Rupellanis diver-
tendum.*

TAmetsi consilia obsidendæ Rupellæ valdè preme-
rentur, minima tamen indicia Principes vici-
nos commovere. Anglus ad invadendam Galliam para-

parato animo, vires maritimas geminat, cæteris nominus expeditis: Sciebant, quanti suâ interesset, Religionariorum factionem in Galliâ vigere, ad vires regni dirimendas, regemq; occupandum, ut intra limites invitus redactus, consilij obstare non posset, aut invasionem meditari. Norant Galliâ non parum terribilem, servata libertate agendi, viribus domi otiosis, jure antiquo in omnem ferè viciniam valido, quod Religionarijs semel exarmatis, Rupella fortissimo utique asylo, amissa, persequi liceret.

Hinc privato commodo præ justitia sacrisque actis prætextus quaritur ad arma regis divertenda, invasione in defensionem versâ. Per legatos agitur, Liga coit, ad Galliâ eodem tempore per diversa invadendam, rege Magnæ Britanniæ antesignano monimenta missis nuncijs exposcente.

Politica reminiscencia.

Prudencia gubernandi Principes adigit ad factionum apud vicinos principia fovenda: requirit tamen commitem justitiam, sine qua & virtutis nomine caruerit, unde ei tantum apud vicinos inimicos locus. Et Christi, & naturæ lex vetat alij facere, quod tibi factum nolles, societate humanâ per usum contrarium everfa.

Bajazetes Turcarum tyrannus, veniam meretur, quod Sigismundi legatis respondit, cum in Bulgariâ ipsi nullum esse jus docerent, ut exercitum inde retraheret; Satis sibi documentorum in armentario ad occupandum, post Bulgariâ, universum. Venia sit tyranno, cui primum & ultimum, aequitatem calcare, quæ Christianis Principibus negatur, quorum victoriæ justitia terminantur. Illud Antigoni Magni ad blandum quendam de infinita regum licentia, longè præstat, ad reges barbaros, non justitiam professos, quibus omne injustum malum, illa pertinere.

Legimus quidem in sacro Codice, alias principi, alias civi dari leges; sed patet, privato nullum malum pro bono publico permitti, neque principi id citra inju-

stiti-

Artiam licere. Hinc Plutarchus Marium vituperat, quod justitiæ nullam haberet rationem, nisi ad utilitatem, eodem numero & utile & honestum reputans, vero falsoque promiscuo, nisi pretium utriusque utilitatem conciliaret, egregio apologo, de pelle vulpina leoninæ asfuerunda. Deus certè consilia, legi contraria, teste Haia, averfatur; unde vana principibus spes de felici successu, consilio devino destitutis.

CAPUT VIII.

Emulorum conatus, ob Rupellam.

ABbas Scaglianus, caput collusionis, autore Sabbaudo, in vindictam pactorum Mansioniorum, quæ fæderatis inconsultis coierant, turbis natus, jam Cardinali iniquior, ob interdictam Galliam ex eodem studio, fervidè agebat, principio apud Hollandos, si eos concitaret, sed frustra, ob regionum ibi diligentiam, rationibus validis suffultam. Deinde in Anglia, animos ad vota propensos invenit, conspirationi formandæ. Hinc Anglus ad Sabaudum, Lotharingum, & Rohanum, mente Majo, ad minuta rerum capeffenda, Montacutum mittit, post prætextum istum aptissimum itinere anxie tegendo quæsitum, amores nempe vehementissimos in Cheureusiam, Lotharingiæ incolam, quod ipsius manu ductione ob tricas aulæ Gallicanæ quarum authores ipsi faverent, opus haberet.

Offendit sanè ducem commotissimum, qui quamvis occasionem odij in regem testandi captaret, & irruptionem in Galliam, ad classis Anglicanæ appulsum promitteret, certo ex Imperatoris benevolentia suppetijsque successu. Edoctus igitur de necessarijs, & Lotharingo ad optata descendente, transit in Languedociam, & Rohanij colloquio impetrato, consiliorum summam explicat, ipsumque per Angliæ, Sabaudæ & Lotharingiæ validas suppetias ad arma eodem momento compellit.

pellit. Vicinum Sabaudum, Gallia iniquiorem, adeoque Cardinali infestum adit, & ruentem animum ad fidem, de invadendo Delphinatu, Anglis classem promouentibus, dandam produceret.

Erant hic quaedam copiae in parato: nunciatur Rohanio, sexies mille peditum, & quingentos equites ex promisso ipsi prope diem submittendos, cum exhortatione ad sedulam operam, ubi principia sese haberent optime. Sic fulmen Galliae comminuendae sibi videbantur jaceret. Montacutius per Galliam in Lotharingiam reverso, Rex, cui nihil occultum, per quatuor menses speculabatur, ad eum in reditu attinendum, quod pleniorum consiliorum notitiam adipisceretur; itaque in finibus regni à Marchione Barbonio, cuius ea erat cura, feliciter apprehenditur, capfulam diversorum scriptorum negotiationis summam aperiente, ad magnum Galliae commodum, exigua ejus prudentia.

Ad finem Septembris attinetur, Costium deductus: Id Lotharingus dolere, tumultuari, fortunae beneficium credere Anglorum in Rex insulam excensionem, quibus Thorafius satis negotij faceflebat, Villanum, continuò Leoneurtium ad reginam matrem, per absentiam regis Lutetiae herentem mittere, Montacutium repetere; aut intra viginti quatuor horas repulsam efflagitare, protestari de injuria vindicanda, quod in suo territorio, uti ferebat, ei esset illata vis.

Armatus tum erat ad Angliae & Sabaudiae confilia promovenda, eodem tempore ad reginam matrem mittens, & Costium, ubi Montacutius captivus tenebatur, obsidens, ceteris Galliae munimentis, dum rex Anglos propellit, inhians. Summa verò diligentia Montacutium Parisios in Bastiliae hospitium pertraxerat, ut Anglis in Rea casis, quod proximè dicemus, ipse aequè ac Sabaudus mutarent, cum regem ad repulsandam vim paratum cernerent.

Is nunciarat, arma regia alterutrius sumtu ex Pictaviensi agro cessura. Unde Sabaudus vim in Genuenses vertit, per clientelas urbi imminens; & Lotharingus acquievit promissis, de Montacutio ad reditum regis pronatalitijs solennibus libertati restituendo. Ira ipsi-

visus tempeſtati par, multum tumultuatur, momento deſervet, ſic conſtituit non multum delinquit, regis reditum præſtolari. Accurrit, Montacutius, ſcriptis notiſſimam occultorum referentibus, Baſtiliâ educitur, Lotharingo redditur, pænâ tantæ conſpirationis in aliud tempus dilatâ.

Erat ſanè unde rex cum voluptate exſcriptis illis comperiffet, Anglorum excenſionem in Ream Sabaudorum fuiſſe, quibus favorem promiſſiſſet, Rohanio ad arma compulſo per valida auxilia, ſexies decies mille perditum, & mille ducentis equitibus in Delphinatum immittendis. Illinc patebat Anglorum conſilium de invadendo Telonio, ſi navigia mitterent, in Orientem excuſſura, quibus Sabaudus & militem & triremes commodaret: Sabaudi etiam partes in Magolone intercipiendo, adeoque Breſſone & Valentiâ. Adjuncta erant compluria Maniſſeſta cruenta in regem, miniſtros, & rationem adminiſtrationis.

Politica reminiſcentia.

MAndata plerumque æquè infelicia ac inhoneſta, quibus non legitime niſi ex rationibus legitimis pareas, Principis exteri imperium turbant. Ubi ſubditi in eum concitantur, non multum proſperitatis conſequetur, ut de authore turbarum rectè dixeris, eum rei publicæ columnis, juſtitia utique & obedientiâ concuſſis, ruinam adferre: Ubi ſædera ſunt cum Principibus vicinis, ad perſuadendum bellum, pauliſper valent, ut paululum ſperare queas.

Singuli duces poteſtatem in exercitum ſibi quarunt eximiam, diffidentia ſuccedit, ad quantulamcunque gloriam exurgit invidia, quaſito impedimento creſcendi, ad quemcunque eventum. Hinc conſilia, tam infirmis fundamentis innixa, citius corruunt, quàm ædificia arenæ impoſita: cum ipſum bellum ex naturâ ſuâ inſtantiæ adeo ſubiſciatur, ut ex principio nihil certi poſſit ſumi.

Man-

Mandatum sequius intellectum, aut præstitum, insitutum temporis alieni, temeritas præceps, unicum denique verbum aliquando exercitum in confusionem dabit. Sic iudicio per eventum, quod plerumque fit, capto, author expeditionis culpam feret. Deus etiam iustitiam armotum plerumque fovet, unde benevolentia, teste Bellissario, sine iustitia nihili est; aded ut causa legitima destitutus, quodvis infortunium inde & ignominiam expectet.

Quin etiam periculum subit, afflictionis, si transeat provincias, in quas bellum meditatur: nimiam enim imprudentiam proderet princeps, nisi attineret, ad luendam temeritatem. Evadat etiam malum, contempto tamen munere fungitur, quod plerumque & sumtus & turbas patriæ conciliat. Equidem semper magni feci Phocionis dictum apud Plutarchum, ad Leosthenem, Atheniensibus bellum Lamiacum post Alexandri fata operosè suadentem: Oratio tua cupressum spatiosam altamque sed sterilem refert: proponis enim populo insignes victorias, & maxima commoda, nullo certo reipublicæ fructu, cum bellum vægrandes postulet sumtus, & inconstantia detrimentoque scateat.

Animadversum ingenia turbulenta, vicinos ex privatis commodis, sine legitima causa, in bellum præcipitantia, nihil præter vituperium infortuniumque retulisse. Exemplo fuerit Comes SanPaulinus, ad turbas factus, cuius gloria in fumum abiit, ut tandem, ob imposturas Ludovico XI. factas, extremum supplicium subierit. Sic Savanrola beatus habebatur apud Florentinos, nisi ingenium seditiosum adversus familiam Medice corû exercuisset, ci-vesque ad arma sermonibus concitasset: hinc opprobrio

gloriam obfuscavit, unde mihi proum credere,
 istiusmodi mandatorum pertinacem,
 ad majus non posse
 aspirare de-
 cus.

CAPUT IX.

Turbulenti quidam Bastilia mandantur.

U^T Interorum consilia erant metuenda, ita non parum timoris ex complurium Magnatum, quos de Rupellæ obsidione suspicio incesserat, nascebatur. Plurimillorum videbant, sibi vitam ad leges exactæ obedientiæ instituendam, secundum Rupellam, quæ Religionariorum factionem trahebat, exactam; nullo penso ad auctoritatem regiam liberius vexandam liberalitatemque flagellandam. Unde & illi trepidabant, ne rex superiore vaderet.

Ipsis semper creditum regiam auctoritatem in suum detrimentum crescere: hinc Gallicani eâdem opinione tincti, non ignorabant, Religionariorum factione sublata, obsequij partes sibi relictas. Unde turbulentioribus sermones quidam, rebellionis indices, nullo licet firmato consilio, Rex autem à quibusdam antiquatæ aulæ edoctus, quid Rupellam Caroli IX. manibus eripuerit obsessam, voluntatem animi Magnatum plerorumque languidâ, quod Monlucius tum recognoscebat, & scriptis inseruit; statuit necessaria quævis adhibere isti malo præveniēdo: neque parum referebat, istanc factionem, in herbâ opprimi, quod Religionarios Exterosque muniens, regia arma alienis negotiis elusisset.

Remedium verò sapientissimum placuit, ad Bastiliam mittere turbulentiores, qui leges obedientiæ sermonibus suis violabant; omnibus rebus necessariis abundantes ex mandato regis, ut à malo patrando saltem abstinerentur. Primi descendebant Marchiones Rouliatus, Bonniuetus, Monpinus, & Ous; eos secuti Fancanus Millererius, cū alijs minoris notæ. Hinc satis beati eo casu exempti, cū regem factionum impatientem, sibi obsequium necessarium viderent, eodem certissimo domicilio, nisi suspiciones caverent ex vitæ instituto. Sic metus & reverentia quietem peperere, rege ad institutum expedito.

Q

Poli-

Regis est, non minus turbulenta ingenia scire, quàm ministeriis apta, ex certis utrinque indicijs. Maximè cavebit animos acres prudentia destitutos ad malū propensos, quod plerumque malitiæ, ambitioni, novis rebus, turbisque quibusvis studeant. Probus talem nobis Alcibiadem videtur exhibere, cum æquè clarum vitijs, ac virtutibus dicit; Hannibalem T. Livius eidem ordini adjungit, qui post virtutes egregias ipsius recensitas ait, vitia fuisse paria.

Suspectos etiam habebit, ob quodvis honoris auctarium abjecta quævis suscipientes, quod Casari apud Dionem familiare; nam dignitatem suam projiciebat in prestantissimis, quos potestati augendæ idoneos censeret. Idè superioris seculo in Guisio observatum, Blasii occiso, cum ad Coronam Galliarum grassaretur. Idem periculum à Magnatibus ad egestatem prolapsis, administrationis sue expertibus. Tacitus enim invita Othonis refert, viros fortes nihil gravius ferre, quàm egestatem: hinc legimus, eandem Syllæ ad ardua stimulos addidisse; Cnè unque Pisonem ad factionem maximè descendisse, quod extrema necessitate ad indigna natalibus propelleretur.

Neq; minus observabit occasionibus sese dantibus commodos Vertumnos, quibus pronum, leonè in agnū vicissimque agnum in leonem traducere, ut quovis vento accommodè navigent, omnibus faciles ad auxilia præstita. Eadem nota fuerint, qui speciem negotiorum privatorum itineribus secretis circumdant, causa nulla apparente; etiam qui turbulentos frequètant, rerum præsentium raddium produnt, ære alieno oppressi, & in facultatibus afflicti.

In promptu forent exempla, quantum istiusmodi viti sint observandi, nisi compendium prævaleret? dicam tamē, prudentiam æquè ac justitiam adigere, ut custodiam mancipentur, ad primum turbarum indicium, morà se per arctius impediende animos, cum maturior securitas pietatem aliquam præferat, ad gravius supplicium ex majori crimine cavendum. Ambitio, avaritia, vindicta, & egestas, imprudentem turbulentumque animam nunquam

revocant, nunquam in cursu turbarum, nisi per vim & necessitatem, sistunt.

Licet etiam sponte ad officium redire posset, minus tamen in commodi ex ejus custodia, quam ex inconsulta lenitate, ad majorem facultatem nocendi, exurgeret.

CAPUT X.

*Litigium inter Espernonium & Parlamentum
Burdegalense per Cardinalis sapien-
tiam componitur.*

Eodem tempore metuebatur, ne irritamentum, quod ab anno integro inter Espernonium, Aquitanix Gubernatorem, & Parlamentum Burdegalense gliscebatur, consiliarii regis impediret, cum magni referret, arma & justitiam conjungi, ad rebellionem nascentem, populorumque obsequium. Cardinalis regi summa res explicata, consulit Leodem ex Senatu intimo Burdegalam mitteret, qui tentaret reconciliationem ad rerum presentium ulum.

Litigio occasionem dederat Espernonius, quod Edictum pacis & religionariis a rege indultum, per Iuratos urbis promulgasset, antequam in Parlamento esset relatum: quod ob eam causam principem juratorum Minuellum exautorabat, mille quingentis libris multa loco, irrogatis, cæters in Curiam ad erroris opprobrium convocatis. Espernonius propositi pertinax executionem istius sententiae publicæ inhibet, Minuello ad muneris functionem confirmato, ex colore quodam, Edictum promulgandi. Parlamentum vicissim id mandatum damnat, regis auctoritati, cuius custodiam ageret, noxium.

Espernonius solius regis voluntati cedere suctus, executionem istius sententiae iteratò inhibet, nec tertia vice flectitur quin Minuello munus assereret, cæterosque Iuratos a promulgatione Edicti, quam Parlamentum instituerat, abstinere. Hinc tantus rancor, ut Parlamentum functiones solitas in iure dicundo suspenderet, nunquam tamen neglectis, quæ regem spectabant. Hinc multus per Aquitaniam rumor, unde Religionarijs ad arma

convolantibus, turbulenti suis rebus possent consulere, cum plerunque ex lubitu vivatur, magistratu in privatis occupato.

Ex eâ ratione mittitur Leon Burdegalam, ut Ducem ad satisfaciendum deduceret, concordia ad bonum publicum stabiliendâ. Is Parlamentum reperit ad grâdem erroris satisfactionem firmatum, sed à Duce id solum impetrat, ut ingressus in Curiam honorem & reverentiam contestaretur. Cùm verò Parlamentum ampliora requireret, dilata est concordia, usque ad Anglorum excensionem in Reâ insulam, singulis ad obsequium regis properantibus ne Aquitaniam invaderent. Tunc enim Cardinalis Surdusius, Burdegala Archiepiscopus intercessit, Parlamento persuaso, ad Ducis satisfactionem illam; sic ille ingressus Curiam, verbis amplissimis honorem & reverentiam testatur, tantumdem auferens, nulla mentione præteritum: quemadmodum tempestas fuit adjurata.

Politica reminiscencia.

Nihil periculi rebus regijs adferunt Parlamentorum & Gubernatorum litigia, ut ex divisione reciprocam constituant adversariam, remedio expedito, obsequio accurato: hinc æquilibrium rerum, ad navigij onera exæquata. Nam per concordiam perpetuam, viget cujusq; arbitrium, sine obstaculo, Principisque scitu, ad populorum oppressionem. Hinc Cato ad eos, qui Pompeij & Cæsaris discordiæ imputabant rei publicæ casum, agebat, cōtribuisse quidem ad confusionem illam, in amicitia vero priore unicam latere causam, nam ex concordia illâ Cæsar incrementum sumsit; quam ubi fata conjugum Pompeij & Crassii, quibus camentabatur, diremissent, grandes de republica administranda inter eos lites oriebantur, cum Cæsar majorem Pompejo auctoritatem negaret, Pompejus parem non ferret. Senatus verò animadvertens, plurimos Romæ magistratus officium segnius facere, rebus sine gubernaculo ruentibus, Pompejum solum dixit Consullem cum summa potestate, ut Magistratuum auctoritatem ad æqua reduceret, erroribus ipsorum corrigendis.

Prudentissime Seneca Magistratuum discordiam com-

parat

parat lapidibus concameratis, qui concavum ita servant firmantque, ut cuius oneri fortius renitatur convexum, rupturâ si uno constaret lapide certissimâ. Utilissimæ enim æmulatiunculæ ad errores propalandos, examen accuratius, obsequium commune. Non tamen minus optanda Parlamentorum cum Gubernatoribus conspiratio in regis emolumentum; aut de administratione perfecta provinciæ dubitandum, sed adeo fuerit extra illorum facultatem, id temperantiæ utrinque diutius consistere, quod in humorum, ex quibus corpus hominis conflatur, commixtione expedit commodum potius elici, quam ad æquissimæ dispositionis diuturnitatem anxie laborare.

Summum est, ut Princeps Parlamento nimiam authoritatem usurpanti, Gubernatoris objiciat potentiam; ipsû verò eadâ abutentem, autoritate Parlamenti coërceat. Quomodo, si Tacito fides, plebes Romana Equitum potentie obnixâ libertatem diu servavit. Videndum tamen, re dissidia erumpant in nervum, cum ex Parlamentorum Gubernatorumque extremâ obstinatione plerunque casus fluant stupendi. Calor, aut alia quævis corporis humani qualitas prædominans, mortem, aut morbum vehementissimum attrahit, neque dubium, litigia istiusmodi famæ tradita, siue regnum, siue rempublicam tangant, exitum minari, aut confusionem inducere. Sic dissidia inter populum & Senatum Romanum summa in vexere mala: sævissimis tragædijs ad dissidia Syllæ & Marij, adeoque Pompeij & Cæsaris exortis, cum in partes iretur, expeditis armis, quæ libertatē populi calcata in gravem servitutem sub Imperatoria potestate desiere.

CAPUT XI.

*Rex Lutetiâ ad Rupellam properans, ipso die
discessus Villaregia decumbit.*

Rebus istis rempublicam fatigantibus, regem non latebant Anglorum apparatus ad Galliam invadendam

quod felix industria Cardinali cælitus collata ad Exterorum penetrabilia scrutanda, instituti notitiam præberet. Rex igitur certior, de velis explicandis, Lutetia discedit, ut ad Rupellam ocys delatus militis animum cui nihil in ausum sub oculis Principis, firmaret præsens.

Deus autem, consiliorum humanorum arbiter, desiderio regis hic deest, immisso per primum itineris diem morbo, qui eum nolentem Villaregiæ detineret, assultu adeo violento, ut de salute ambigeretur. Medici igitur, ubi visum curis febrem augeri, suadent incuriam, mole rerum in vigilantiam reginæ matris atque Cardinalis exonerata, per secundum experimentum. Ipsa tamen eo animi maiore vix quicquam agitabat, adeo ut in Cardinalem omnia decumberent: non quod minus potentiæ in ipsum excerceret dolor, quàm in reginam matrem, sed quod magnis genijs clavus etiam sæviente tempestate nunquã ponitur.

Is igitur omnia ad impetum Anglorum, Rupellano- rumque rebellionem retundendum necessaria curat, ut Cælum videretur, ad maiorem ipsius gloriam, negotium seposuisse, quod à longo tempore summum, tranquillitatem publicam, gloriamq; regis singularem concerneret: hinc totus in eo erat industria ad miraculum contendente per viam inde expeditionem, quod rex molem rerum agendarum minuisset, ut valetudo ministerio continuo sufficeret, parte illa curarum, quæ gloriam regis, & administrationem reipublicæ complecteretur, commissa. Modestia erat mirandæ, paucisque mortalium notæ, quod regem edoceret, Custodia sigillorum Mariliaco tradita, viro utique industrio, fervido, & satis prudenti, iustitiæ optimè consultum; quemadmodum ærarij cura summa Effiato rectissimè esset credita, quo integrum sibi esset universam curam reipublicæ, & quicquid regi luberet, impendere. Minimè consultum sibi videri, utileve Galliæ, aut cuiusque imperio, si uni homini omnium quorumcunque negotiorum moles advolueretur, cum partem animi ad iustitiam & ærarium conferens, minus adferat ad administrationem reipublicæ, quæ tamen per Galliam virum postulet integrum.

Rex iudicio æque ac modestia collaudata, quod à complurium Ministrorum ambitione distaret, qui nunquam

quicq;

Quieti, nisi omnia corripiant, nullum operæ pretium faciunt, eo libentius precibus istis detulit, quod ad valetudinem conducere, quæ moli tantæ impar indies evadebat, tametsi genium Orbi terrarum regendo aptum sciret. Hinc ipsi una & summa cura reipublicæ, cæteris negotijs in Ministros rejectis.

Politica reminiscencia.

Summus minister, imperij rectè administrandi mole expensâ, nunquam omnia curat, ne temeritatis vituperium ferat, confusione rerum, adeoque odio spontaneo sequente. Est enim quicumque hominis genius fluviiorum similis, qui in rivos deducti, lentius debiliusque repunt, adeo ut mente ad quævis genera negotiorum distracta, maxima rerum momenta minus valide, in reipublicæ insigne detrimentum peragantur. Sic stomachus, ex deliciarum irritamento suffarcinatus, maximam nutriticæ partem in vitiosos vertit humores, uti animus ad singulorum dispositionem attentus, omnia relinquit indisposita. Hinc Plutarchus, de regno administrando ait, Principi animum in manum esse intendendum; ut Ministros complures, ad rationem digitorum negotijs adhibeat.

Alijs tamen argumentis haud opus ad axioma istud, præter notitiam administrandi, ut maximè, justitiæ cultum & ærarij prudentiam prætereamus. Summus enim Minister vigili oculo perlustrat omnia, cum negotia, tum ingenia Galliæ; Principes finitimos aut fæderatos, eorumque ministros ut quantum potest, consilia penetret, quibus nocituris prudentiam aut vim opponat. Tenetur etiam omnem industriam contendere in Pontificis, Imperatoris, Hispani, Sabaudi, cæterorûq; per viciniam Principum instituta. Diligenter ingeniorum propensiones, aggritudines, exercitia, consilia, & quicquid administrationem imperij contingit, omni tempore expiscatur. Ubi ardua meditantur, obstat, fæderatos laborantes tuetur, ut regni propugnacula.

In visceribus regni satis occupatur à rege, ut benevolentiæ sibi conservet, suspiciones malevolorum dissipet consilia æquè grata & utilia suggerat. Secundum hæc Principes agnati amplum præbet exercitium, ut contineantur à turbidâ republica, quacunq; satisfactione delinicti, cû plurimum

rimum reipublicæ fors ab ipsis pendcat. Tandem etiam Clerus moderatè habendus, ne ex contemptu ejus religionis fastidium, suboriatur; aut ex reverentia fastum conciliat, ad abusum potestatis spiritualis; regiarque authoritatis detrimentū. Neq; vero exigui negotij est, summos regni ministros, provinciarū & munimentorū gubernatores, Magnatesq; omnes in officio cōtinuisse. Hinc necessū habet, omnia alicujus momenti negotia, eorum consilia, tricas, commoda, ingenia & inclinationes, exactè discere, ut mandata ad illorum dispositionem, publicūque com modum accommodet, turbis divertendis.

Commercia etiam cura complectitur, ut hanc opulentia scaturiginem reipublicæ conseruet. Plebes ipsi nō negligitur, ut officium eiga principem & patriam colat. Plurimum verò temporis necessitas belli rapit, ut summa mandata expediat, hospitia militiæ, ductum copiarum, prælia fortissima, annonam, adeoque disciplinam militarem describat. Longiore ad istæc compendia opus sermone, quam ratio instituti fert: facile tamen hinc iudices, vix unū geniū omnium fūctionum capacem, ut summus Minister, justitiæ & æriarij curâ deposita, hic satis inveniatur operæ.

CAPUT XII.

Classis Angliæ ad Reæ insulam accedit.

AE Grotante rege, exercitus navalis Angliæ, duce Buckinghamamo, ad arenas Olonnæ, classe octodecim aut viginti navium, vicesimo octavo Julij circiter horam sextam matutinam apparet. Creditum primò, Dunkerkienses Hollandis in littore hærentibus insidias aut vim parare; sed ubi paulatim ad Reæ insulam, numero navium aucto, Hollandis quietis, cursus desleclitur, facile suspicio de exercitu Anglorum tenuit, quam classis disposita ad Britannia Armoriacæ sinum, in promontorio Aræ firmabat. Accedunt ad Præ munimentum, Insulæ Reæ impolitū, in quod per eum diem innumeros globos tormentorum jacu-

jaculantur, continuato impetu ad maris refluxum vespertinum postridie, donec naves ad apicem Sablansovij colligerentur, ad ictum fistulæ sclopetariæ à terra remotæ, quibusdam etiam ad ictum fistulæ manualis accedentibus ut Thorasius, munimenti Sanmartiniani in eadem insulâ custos, censeret, illic excensionem ausuros. Promovet ergo omnē militem, ut arceat, ictibus in cymbas dirigendis.

Cum autem Anglorum excensio bis mille tormentis indefinenter tonantibus, protegeretur, decies mille in terram exponunt. Thorasius tamen, quamvis tantum ducentos equites, & octingentos pedites duceret, ut regis gloriam vi oppositâ vindicaret, aggrediendos censeret, contempto tormentorum fulmine per littus, spectus divini favoris in defensione iustissimâ virtuteque ad ipsam fortunam flexendam. Equitem in septem turmas disponit, quarum quique impetu in hostem simul feruntur, ad Anglorum aciem turbandam, succedebant cohortes, duabus reliquis turmis ad prompta auxilia attentis.

Signo pugnae dato, proceditur passu solito, qui tamen ob tormentorum ictus statim corripiebatur, nullo fructu, cū plurimi dissiparentur, alijs occisis, alijs vulneratis, alijs defectis, antequam hostis copiam adipiscerentur. Qui vero ordines servarant, obfirmatis animis Anglorum aciem pertrupere, nullo reliquò fortitudinis conatu. Stupebāt Angli, Gallos per medias flammæ, ictusque tormentorum grassari, ut alij ordines defererent, alij ad naves relaberentur natatu. Cum autem nescio instaret, Gallis ad prælium non dispositis ordines restituunt, equites repulsant, antequam pedites accedere potuissent.

Illi tamen etiam spem superabant, donec ob tormentorum violentiam visum esset pedem retrahere occasio-
ne rectius pugnandi dilata. Rostainclerus, frater Thorasij, Baro Chantalij, Navalius, alique complures nobiles, & velites, præter quinquaginta gregarios, oppetiêre, plerisque, ducum sauciis. Anglis par damnum, quindecim summis ducebus occisis, præter plurimos secundarios & antesignanos. Perijt ipsi & vexillum, gregarijs, post recensionem quingentis & amplius desideratis. Unde nullus ipsis animus progrediendi, triduo ad munitionem littus insumto,
Q5 donec

donec ex navigiorum tutelâ , ad nuncium , de Gallorum instituto, de campis deferendis, & tantum munimento Samnartiniano tuendo, certiores proreperent.

Politica reminiscencia.

Difficillimum arbitror, exercitum navalem ab insula, quæ excensionibus undique patet, munimentis destitutâ, arcere; cum solæ noctis tenebræ faveant, & tormenta custodias quascunque dimoveant. Hinc Machiavellus, cæteri que Politicorum principes memorant, rarus hostem ab angustiis arceri, nisi valido castello; potenti maxime exercitu instructum. Sic Franciscus I Italiam bello petens, Hispanos offendit in adversa ripâ Beuchambix, transitum nimiam potentia impedituros; qui tamen, viso Guisio, duce cum hastili in aquas prorupte ad ciendam pugnam, valde custodiam deseruere. Sic Philippus Valesius, Godemari Fayon, custodiam Somme fluvij ad Blancataquam commiserat, cum præsidio mille cataphractorum, præter sagittarios Genuenses, & sexies mille peditum; perrupit tamen intra sex horas, refluxu maris adjutus, universus Anglorum exercitus.

Ex peditum, alia exempla referre; sed præstat suggerere omnium sapientissimum consilium, hoste angustiis per rumpendis inhiantem, ut id commodum plurimo sanguine acquiratur perservidam defensionem, cum rationem primi impetus ea plerumque trahat: nam stupet hostis ad numerum cadaverum, vimque oppositam difficultas victoriæ obtinendæ minus cordatos enervat, unde plurimi satius duxere pedem referre, quam alterum occisionis subie periculum. Hic crudelitati locus interrorem hostium, animos frangendos, formidinem spargendam, cum multis trepidatio gradum fecerit ad desperationem victoriæ,

exacto judicio ab angustiarum tuitione ad munimenti acerrimam defensionem.

CAPUT XIII.

Obsidio Rupellæ è longinqua.

Anglorum appulsus celerrimè ad Aulam nunciatur; cavet tamen prudentissimè Cardinalis, ne ad regis pertingeret aures de incremento febris sollicitus, genio ipsius admirando ad rationem hostis depellendi mirè allaborante. Jam rex, de procinctu Anglorum certior, advocarat aliquot legiones, equitumque turmas, distributa etiam potestate scribendi militis, qui in agrum Pictaviensem colligeretur, occasionibus adhibendus.

Enculismensi delatum erat summum militiæ imperium, qui sub ipsum adventum Brovagæ & Insulæ Olerani prospexerat, magna fiducia quod Ream spectabat, in virtutem fidemque Thorasij collocata. Convexerat in munimentum Lussianum annonam, ad Anglos sustinendos, si quid auderent, strategemate usus, ut eos in Rea insulâ contineretur, ne terram firmam calearent. Nam in provinciam ingressus, hospitiorum magistros quaquaversum in oppida & pagos mittebat, ad exercitum quindecim aut viginti millium recipiendum, cum copiæ præsentis vix mediam partem æquarent.

Rupellani id creditum renunciant Anglis, qui tantis copiis impares, Ream occupant. Etiam scrupulose servato ordine, quem Cardinalis præscripserat, Rupellanos nullo modo irritabat, ne ex illius instituto ullam obsidionis suspicionem caperent: cum sciret author consiliorum, populos ad extrema ferri ex metu severi supplicij; Rupellanos inprimis, qui Anglos libertatis causâ asserendæ accersivissent, nunquam Anglis parituros, nisi metu obsidionis compellerentur; unde eum penitus tollendū censuit. Hinc Enculismensi recipiuntur Deputati benevolētissimè ut persuaderet, id unicū regis desiderium, ut illi immunitatibus gauderēt, modò dignos sese redderēt per vitæ institutū permisit etiam messem, consultius censens, hanc annonam indul-

indulgere, qua obsidio non multum produci posset, quam propalato regis consilio occasionem in Anglorum partes transeundi præbere. Summam hic animadvertas prudentiam, quæ tamen Anglos ex Reâ non dejiciebat, nec eâ penitus subacta, à tertia firma abstinebat.

Hinc Cardinalis, susceptâ per auspicia regis & reginæ matris eâ curâ rationes longe potentiores producere instituebat ad felicem successum, ut credi posset, regem efficere, superioribus regibus nequidem cogitata. Sic maturantur delectus, contrahuntur navigia, ne Reâ Angli subvenirent, neve in Canalem, quocunque molimine penetrarent.

Prima cura erat, commerciorum maritimorum inhibito edictalis; eodem tempore navigijs ad bellum ubique portuum reparatis, inque viciniam Rupellæ contractis. Ad portum gratiæ, & Diepam mittebat argentum, ut præparatæ naves accederent: Olerane, Bovaga & Aquitania annonam & apparatus belli submittentibus. Abbati Mariiaco in mandatis dabat, ut ex litore Olonnæ nautas contraheret, Beaumontio, summo Magistro aulæ Thorâsi intimo, ut quacunque industria in munimentum Reæ aliquid annonæ inferret.

Toures ad sanum Machlovij abit ut tria grandiora vigia instrueret; Beaulenius, Courfelles & Cantelupus cœtiones maritimi per Olonnâ, jubentur annonam invehere. Beaulenius Persacus meditabatur aliquot Anglorum navibus incendium, & viam in munimentum Sammartinianum penetrandi, sed in executione defecit Riverius, postmodum Grammateus, per littus illud colligebat cymbas remigio utentes.

Maniacus Espernonium, aliæque Garunnæ oppidæ currebat, ad onerarias, lembas celoces, & quascunque minores naves colligendas. Cursor in Hollandiam ad Curatorem Gutrium, regiarum navium præfectum properat, ut continuo vela faceret; eodemque tempore, ubi rescriptum, Hollandos ad Anglorum subsidia enixè sollicitari, redintegrationem fœderis per Oratorem regis conciliari, expedito per argentum præsens negotio, ubi articuli signantur, & inter cætera conventum, ut regi suppetias ferrent suis navibus, ad necessitatem.

Sum-

Summus iste Minister prudentia admiranda consilium illius Prisci sequebatur, duobus hostibus ingruentibus, alterum conciliandum, ut cum altero dimices expeditus. Nemausensis Episcopi etiam utebatur opera, atque Deplani, quorum ille Thorasij frater, hic familiarium princeps, ut suppetias maturarent; diversa promissa decem millia aureorum ferebant ex arario, annonam si quis obsessis ad-
vexisset.

Dicam oompendio, à mense Julio, usque ad finem Augusti cursores cujuscunque notæ fatigasse itinera diversa ad auxilia promovenda quæ, uti interiorius referemus, tandem pervenere, & Citadellam Reæ, ad Anglorum ignominiam, regis verò gloriâ immortalẽ, obtinuerẽ.

Politica reminiscẽtia.

Prudentia, clypei instar, quosuis sinistros casus à republica avertit: ipsa oculi vicem præstat Ministro, quicquid ex usu sit repræsentans, quemadmodum fortitudo est manus executionis. Absque ea, cæco impotentior foret, ut ex vi, quam hostibus reipublicæ objiceret, præter confusionem nihil spei procedat. Hinc omnia favore suo facit prona. Antiquitas sanè sapientem suæ fortunæ dominum ferebat, quæ existimaret istanc Deam cæcam, nihil adeo molestum inferre, quin legibus virtutis submittat, aut consilio, viri sapientis divertì nequeat. Plutarchus in vita Fabij refert, Decem mortalibus felicitatem immittere, ad mensuram Virtutis & Prudentiæ, quibus viri institutum deberent.

Exemplum tamen Antonini Pij Imperatoris apprimè facit ad istanc materiã illustrandã. Is tanto beneficio fortunæ benignioris in omnibus negotijs gaudebat, ut diceretur nullã unquam pænitentia cujuscunque susceptæ rei tactus fuisse, cum omnia ex voto & secundum cogitata succederent. Senator igitur quidam Romanus libertatem quarendi nactus, postquam summam instituti admirationem esset testatus, Quem ordinem rebus accommodaret; rogat, ad tam optatos successus, nihil, respondebat ille mihi est mysterij, nisi instituti exacta ratio, ad dispiciendos quantum possũ, quoscũq; casus, ut remediis cõvenientibus præveniã: nihil curæ, prudentiæve, ad eventum destinatum necessariæ omitto, executione non nisi peritis demandata.

Is de-

Is demum prudentiæ est ordo, adeo ut nihil certius istanc virtutē, sicut lumē solis homini viā clarē ostendit, ut ad locū destinatū perveniat, deviis relictis, si cui eminentior obtigerit, in mentem Ministri tantum splendorem effundere, ut rationes optata consequendi doceat, medijs non aberrantibus ad manus congestis.

Hæc motus dirigit, consilia disponit, animi propensiones frænat, sapientiam ordinat, mandata trutinat, vitæ institutum componit, & quicquid consilij ob stare posset, digito exerto ostendit: quemadmodum eadem docet, nihil unquam supra vires audendum, & qua ratione, quod nostræ facultatis est, ad certitudinem immotam deducatur. Itaque dixeris recte, per hanc Deum moralibus viam ad prosperitatem sternere.

CAPUT XIV.

Buckinkamus Citadellam munimenti Sammariniani aggreditur.

Quemadmodum solus Deus momento agit, ita auxilia tardius in Reæ insulam sunt trajecta, unde Angli quod non impeterentur, munimentis per littus libere excitationis, nemine impediēte, Citadellam munimenti Sammariniani obsidendam sumfere.

Bukinkamus spem ejus superandæ adeo facilem conceperat, ut ad regem Magnæ Britaniæ perscriberet, sese intra ostiduum ibi signa Angliæ fixurum. Unde Edictum, quo subditi invitabantur, ad Reæ insulam incolendam, indultis magnis immunitatibus, certo instituto, de Gallis penitus exigendis. Eam spem Bukinkamo fecerant egregiæ copię in insula, & exiguum Citadellæ præsidium confirmabant architecti militares, qui tot structuras promittebant, ut regi nullus ad auxilia introducenda trames superforet.

In eum finem fossas ducebat versus Citadellam, sexro postquam advenisset die, septimo jusserat sex tormenta ex suggestu in portum Sammarinianum tonare, ubi fulminationes cū diluculo adeo prospere processere, ut in molendina

dina corvataræ, ruinam ferè incussissent: obsessi tamen eo fortunæ favore & promptitudine aggerem opponebant, ut ictibus subducta servarentur: tormentis in Anglos adeo dextre dispositis, ut tormenta hostilia everterent, usu fulminandi privata.

Id vero Anglos male habebat, ut postridie alios suggestus ex vindictæ desiderio excitarent, fossis etiam circa Citadellâ, & alia loca, ad accessum protractis. Hinc Thorasius, qui nunquam viderat hostem sine occursum appropinquantem, diversas ducebat, ut circa adversos tumulos hostem quæreretur, Anglis ne tantillum à labore cessantibus, quin cordatissime erumperet.

Primis verò diebus cautissimè agebat, ut portum servaret, recipiendis auxilijs liberum, deductis utrinque à munimento fossis ad littus usque, quas non minori studio quam Citadellam custodiebat. Hac enim auxilia subiere, quæ salutem ferrent, neque enim undiquaque cingebatur primitus, quin cum incolis Insulæ, quibus sacra Romana placebant, necessaria reciprocaret: ij non parvo numero Citadellæ pro facultatibus annonam inferebant, quos Bukinkamus re intellecta, navibus impositos omnes transulit ut omne auxilium Citadellæ à terrâ firmâ inde esset expectandum.

Angli tamen ultra mensem otiosi hæsitabant, nihil in munimentum ausi: donec ex fastidio moræ ad Lunatum opus non valde perfectum, fossas producerent: per noctem impetu facto, vallum superant, sed Halibardis dejiciuntur magno suo malo, ut centum quinquaginta occisos relinquerent, cum pedem referrent, quatuor tantum gregarijs apud obsessos desideratis. Hinc irritatiores, impetum eodem loci iterant, sed eandem fortunam experti, repulsantur.

Montantus, Pratonus, Montrander, Cæsius, & San Preulius impetum summa virtute fregerant, Francisco Beaulivio alicujus notæ cadente. Summum vero ab Anglis incommodum id accedebat obsessis, quod puteos ad Lunatum opus veneno corrupissent, quorum usu difficulter carebant obsessi. Hinc per quietem visum, obsidionem ad famis necessitatem producere, ut extrema perpassi, deditionem sponse facerent.

Poli.

Angustijs amissis, consultissimum, valido claudimur munimento, ubi camporum usus desit. Id Periculi promtum, patriâ per Lacedæmonios vexatâ: nam etsi hostis universam Atticam incendijs sædaret, nunquam tamen ad dimicandum progressus, vires quascunque integris servare, quàm cum periculo atterere maluit.

Ad munimenti verò defensionem quatuor potissimum requiruntur, dux, miles, vallum & annona. Dux ante omnia sit fide in concussa, nullo auro peruius, qui invicto animo, metum ignoret, vigilantiam summam adversus omnia insolita colat; corpore laboribus compacto ad vigilarum incommoda, & mensæ tenuitatem obfirmetur, apud militis animum adeo potens, ut quocunque ducat obsequentem.

Militis delectus non minoris fuerit momenti, ne graviter peccetur in tyrone laboribus continuis bellicque functionibus nondum assueto. Munimentum enim tantummodo veteranis credendum, quæ apud Romanos præsidiorum erat ratio, cum iisdem campestris militia minus conveniret. Frustra enim moliaris vallum, nisi vigore & virtute militis valeat, unde recorderis, hinc sæpissimè numerosos exercitus fuisse fractos.

Non tamen Vallum negligere decet: quin imò, ubi desit ad obsidionem sustinendam, à custode munimenti dies noctesque indefesso studio reportaretur, ut contra scalarum inopinas machinationes securitatem præstet. Adversus tormentorum violentiam, nihil opponere licet, gubernator tamen cratibus, vimineis dolis, fascibus ligneis, saccis lanatum, & alijs ad terram hauriendam sit instructus quo ruinas faciat.

Annona, defensionisque apparatus adeo sunt necessaria militi, ut vita & pugna: unde gubernator de ijs mare providebit, ut obsidionem ad opportunum liberationis tempus extrahere possit. Nullum hic dimensum, nisi ad proportionē loci, diuturniore obsidione copiam majorem exigente, dum vis necessitatem præveniat. Quod si necessaria comportare superfederit gubernator, nihil faciet reliquum curæ & industriæ, ut medeatur necessitati ingruenti, si exitium vitare velit.

Ut

Ut autem facultatem, ad necessariorum usum retineat, portus quantum fieri potest, angustias, in munimento maritimo custodiat; in campetri verò, viciniae subsidia. Sic Corbulò, quod Tacitus memorat, à Tigrate rege obsessus, ne in recipiendâ annonâ, quam Pontus & Trapezuntus suggerebant, impediretur, vicino monti munimentum imposuit, cujus tutelâ necessitatem proculhabuit, elusis hostibus.

CAPUT XV.

Extrema patiuntur obsessi in insulâ.

Anglorum tamen institutum obsessis in Citadellâ munimenti Sanmartiniani plurimum incommodi conciliabat. Ad principium obsidionis abundabant obsessi victu, butyro & vino, quæ tamen tot nobilibus spontaneis, tot famulis & præfectis, præter legionarios, Catholicorumque ex insulâ huc confluentem turbam distributa, exiguo tempore minuebantur, plebe ad panis aquæque usum redacta.

Summa ægritudo istæc animos vellicabat, quòd spatio sex septimanarum nihil certi ex terrâ firmâ intellexissent, omnibus navigiis ad nunciandum auxilia amplissima destinatis, per hostium vigilantiam interceptis, excepto illo, quod tertio decimo Augusti aliquantulum annonæ pertulit; ut spes languesceret. Augebat tumultuandam materiam Anglorum industria, quam ad inveniendis machinis, ut maris usum adimerent, auxilia subventura arcerent, exerebant.

Primum illorum opus, species munimenti, tribus aut quatuor carinis artissimè compactis impositum, quod octo vel decem tormenta veheret, ad everrenda per superficiem maris navigia, transitum ausura: Alterum, malorum defixorum sepès, in modum claustrorum, munimento objecta: Tertium, navigiorum per remulos & rudentes continuata series, quam doliorum

R

mul-

multitudo inserta sustinebat, ad omnem accessum occupandum. Maris procellæ, ventorumque vehementia ludibrium ibi faciebant, plerisque machinis demersis, ut Angli cogerentur rudentes solvere, quod præsens suffocationis periculum à ventorum vi & maris aestu evitarent: concludebantur nihilominus obsessi, ut ne cymbam quidem in terram firmam transmittere, & inde necessaria quæq; adipisci, maximo suo incommodo, potuerint.

Interea non pauci præsidarii, famis incommodorumque pertæsi, elabendi, atque hostes transeundi occasiones sumebant, ut obsessorum necessitas jam divulgaretur. Hinc Bukinkamus, omnia in suam remvertere diligens, ad Thorasium scribit, & virtute eximie collaudatâ, deditionem petit, oblato honestissimo pacto, ut exitium evidens, quod obstinatus animus victori imperaret, evaderet. Thorasius autem, cui necessitas materiam laudis voluptatisque præbebat, istis literis nihil motus. Respondet, neque desperata auxilia, neque metum extremorum apud animum in defensione munimenti obfirmatum valere posse: delatam benevolentiam se magni facere, quâ tamen se met indignum censeret, si ullam officij partem in hac occasione, cujus exitus summum honorem traheret, prætermisisset.

Ut tamen Anglorum impatientia deferveret, ex consilio amicorum, voluntatem paciscendi simulat, proponunt utrinque capita, adeo dextrè, ut Anglus sibi animum ad deditionem proum Thorasij persuaderi pateretur, ille temporis lucrum ad auxilia sperata quæreretur. Nam Bukinkamus eam spem, ob machinas navesque magno numero ad munimentum excubantes, inanem censens, maluit sine periculo famem obsessis adhibere, quam novos impetus, ex cæterorum damno infligere.

Thorasius interea, necessitate industriam acutens, rationem invenit, tribus Vasconibus in terram firmam natatu emittendis, ut regem de re præsentī redderent certiores, auxilia accelerarent. Petrus, id enim nominis ferebat illorum unus, mari sulcato, procellis obstinato robori cedentibus, ad exercitum in agro Rupellano morantem pervenit, litteras ad regem, quod receperat, Thorasijque

ami-

amicos tradit. Quæ regi inscriptæ erant, celeri cursu Villaregiam deferuntur per Eneulismensem, curâ auxiliorum destinatorum crescente, ubi omnes Thorasij familiares, ut amicum ab extrema necessitate liberarent, regisq; gloriam promoverent, in auxilia maturanda incredibilem diligentiam impendebant.

Politica reminiscencia.

Summa obsidionis difficultas, nunciorum ad auxilia efflagitanda inopia solita, ex obsidentium accuratâ diligentia, quam accessibus obstruendis, ne quid ad obsessos penetret, plerumque applicant. Nonnulli beneficium nocturnarum tenebrarum legunt: quod Gothis placuit, cum à Bellisario in Ormum essent compacti, ut Viriges de statu rerum edoceretur. Magnum quidem ad portam aliquam oppidi excitârant tumultum, quasi eruptionem in hostem ausuri, ut Bellisarius copias ad illum locum contraheret, locus autem emittendo nuncio lectus, minus bene custodiretur: quod strategema per prudentiam sumum, non raro profuit.

Idem, recensente Procopio, id temporis aliam rationem inière, ad Virigem de necessitatibus suis reddendum certiorum, corruptis multo auro extremis vigilibus: quod per bella civilia pronissimum, militibus ex utroque exercitu familiaritatem colentibus. Quicquid autem certissimum de obsessorum nuncijs reciprocandis fuerit, prudentiæ occasionibus quibusvis intentæ relinquitur, omni industria ad executionem adhibita, cum istæ scientia nullis axiomatibus comprehendatur, nullo præceptorum usu doceatur, sed ex naturæ sagacitate fluat, experimento militiæ roboretur.

Addam duntaxat, per historiarum latissimos campos, ut digitum saltem intendam, innumera diversorum mediorum exempla, quibus famosissimi quique duces sunt usi, extare. Campani à Romanis obsessi, hominem fugitivum quæ simulabat, literas in Zonâ ad Carthaginenses ferentem, mittebant. Hirtius Consul ad Decium Brutum, ab Antonio Mutinæ conclusum, literas plûbo inclusas, natatorum brachijs alligatas, deferebat. Idem columbas aliquâdiu absq;

alimento in obscuro tenebat; famelicus ad locum obfessum quamproximè, litteris collo alligatis, emittebat, quos domicilijs repetitis à Bruto aut capiebantur, aut ex literarum desiderio, deijciebantur.

Justinus refert, Harpagum, ut Cyrum de necessarijs faceret certiores, literas in ventrem leporis abdidisse, quem retibus involutum famulus per satellites regis Harbasti, venator creditus, detulerit. Alij alijs artibus, quarum diversitas ingeniorum mira inventrix, usi perhibentur. Summum fuerit, ne illæ literæ quotidiano caractere aut numeris usitatis exarentur, cum tempora Cæsaris transferint, qui Ciceroni nuntiaturus auxiliorum adventum, Cræcè scripsisse satis habuit: nulla enim hodie characterum aut numerorum ratio occulta.

Chinenses aliquando imitandi, quorum characteres rem, non literam notant: nam characteribus ad numerum rerum multiplicatis, vix fieri poterit, ut literæ interceptæ intelligantur. Pingendi etiam characteres jure limonum aut caparum, ad majorem securitatem, per intercapedines scripturæ linearis, quæ vulgaria loquatur, quod eo jure scripta oculorum aciem fugiant, nisi madefacta, aut ad ignem admoti. Posset etiam custos munimenti ante obsidionem convenire cum mandatario, cujus commercio per literas indigeret, ut literæ tantum aliquot verba significantia per singulas lineas ferrent, quæ tamen collecta sententiam ad priores, posterioresque literas continerent, ut interceptæ nihil, præter clarissima, eaque communia verba, præ se ferant.

CAPUT XVI.

Insula Rea accipit auxilia.

Cardinali debebantur vindiciæ istius Insulæ, ex crâ summâ, aut potius extremâ. Expeditissimum remedi-

medium placuit, ut à Bajonnâ quindecim navigia lata, Pinacium nomine apud populares nota, adducerentur, ad vela & remigium valdè versatilia, cursui aptissima, summis tempestatibus assueta, quòd eximia prudentia suggereret, cum Angli eorum usum ignorarent, transitum noctis beneficio, nemine advertente, processurum.

Negotij dispositio Grammontio mittitur, ut Chalar Centurio, ex Hispaniâ, quò jussu regis navigaverat, reversas, destinata exequeretur, aut per ipsius absentiam, quivis alius virtutis probatâ. Pinaces igitur per summâ diligentiam sarcuntur, fistulis ignivomis hastisque quantum potuit, instruuntur, singulis adduntur vicini nautæ cum omni apparatu necessario. Chalare absente, Balinus, maritimorum Centurionum per eam regionem, peritissimus juxta & fortissimus, provinciam subit.

Is Pinaces ad arenas Olonnæ sub finem Augusti admovet, quem Abbas Marsiliacus summa festivitate excipit: navigia ubi annona & bellico apparatu onerasset, temporis parcissimus, centum viginti gregarios ex legione Champaniæ, præter quosdam spontaneos asseruit, prima occasione vela factururus: donec quinto Septembris ad horam sextam vespertinam exiguæ classis dux procederet. Sub noctem sentit, sese exercitui hostili proximum: pandit igitur amplissima vela, ut jam latere non posset, in cursum velocissimum, quem Anglorum naves non assequerentur.

Nihil hic sinistri, præter aliquot velorum & malorum jacturam ex tormentorum fulminatione, pinacisque foramen. Hoc periculo defunctus Balinus, ad septem arcendis auxilijs defixam accedit: eminebant mali crassissimi, catenis ferreis juncti, rudentibus etiam apices continentibus ad anchoras firmissimas. Transiêre tamen aliquot Pinaces, levitate & celeritate insignes; cæteris ad eum locum, ubi per noctem priorem, singulari Dei providentia, procellosum mare, ut auxilia commodè transmitteret, malos solverat, delapsis, ut sine ullâ difficultate penetrarent; adeò ut altera noctis hora ad propugnaculum Citadellæ, extra Anglorum irritamenta, appellerentur.

Auxilia hæc magna erant cum propter famam, tum propter suppetias per extrema, ad obsessorum, quos omnis ferè spes deseruerat, maiorem fortitudinem. In hoc fanè vertebatur rei cardo, postea libero ferè accessu. Obsessi sibi jam videbantur necessarijs abundare, unde stupor apud Anglos, ut de accessu intercludendo spem abijcerent, Haburinumque Bukinkami propinquum ad regem legarent, ad pacem tentandam. Remissus is, re infectâ, quòd rex neque aspectum ejus ferret, nisi & Angli Reâ, decederent, quos brevi ita esset excepturus, ut desiderium revertendi ponerent.

Alia dehinc navigia in insulam submittuntur, quæ ob molem hinc inde desisteabant à cursu, Anglorum exercitum metuentia: adeò ut aliæ decem Pinaces Bajomâ repeterentur, quas Grammontius benè instructas continuo duce Auduino submisit, ut quarto Octobris essent præstò, ad arenas Olonnæ. Suscepto onere, præter viginti quinque alia minoris operis navigia, impositisque trecentis stipendiarijs & sexaginta lectissimis nobilibus, sexto Octobris discedunt, ducibus Cusare & Auduino.

Ventus immutatus classem hanc distinet, ut post biduum, die lucidissimo ad Ream contenderet Angli prælium occipiunt acerrimum; tormentorum fulmina, sclopetorum ictus ingruunt, vincit tamen virtus periculum, ut viginti novem navigia ad Citadellam pergerent, die Veneris manè, qui erat octavus Octobris, feliciter appulsâ: quinque ad cursum deferendum coactis, unico, quo Beaulevius & Rasillius vehabantur, ab hostibus capto: unde tanta Anglos incessit rabies, ut spatio viginti quatuor horarum, ultra bis millies in portum, ubi navigia stabant, tormenta exploderent: tanto illato damno, ut quinque duntaxat Pinaces, &

una Traversaria navigationi relinquerentur aptæ: quod tamen susque deque censetur, annonâ exoneratâ, & milite egresso.

Politica reminiscencia.

Liberatio alicujus munimenti obsessi ingens fere pondus, quòd nemo auxilijs destitutus, obsidione pertinace, deditiorem subterfugere queat mortalium: Hinc auxiliorum dux nomen liberatoris aufert, Principi summâ operâ comprobatâ. Auxilijs loca maritima quidem facilius patent, ubi exercitus navalis sit ad manus, nisi venti, qui maris imperium sortiti sunt, inconstantia assueti, brevi optatam occasionem, ad obstacula, quæ hostiles naves objicerent, superanda præbeant; diversa tamen ratio ducitur ex penuriâ navium, ad laceffendum hostem.

Hic locus prudentiæ fortunæque jungendæ, ad superandas difficultates quæ à munimento arcent. A fortuna necessario ventum secundum expectes, ne præceptis in periculū ruas. Ventus autem secundus non est destitutus, quin occasione utatur prudens naucerus ut per industriam felicem instituti successum sperare queat.

Summa hæc sunt, navigia levissima magno numero comparet, ad concitatiorem cursum: nam diligentia alioqui mater optati successus, unicè requiritur, si quis exercitum navalem perumpere commodissimè velit, vastis navibus ad motum tardiusculis. Posset quidem hostis alia ejusdem levitatis submittere, vix tamen fiet, quin de copiosis auxilijs aliqua liberè penetrent; maximè ubi hostilia minora plerunque in circuitum ad observanda omnia sparguntur, coque tardius, ad oppugnanda auxilia contrahuntur, vento alijs secundo, alijs ob diversitatem excubiarum adverso; auxilia vero cum paucioribus pugnantiâ, vim sustinent, dum potior pars progrediatur.

Summâ etiam taciturnitate opus est ad apparatus annonæ colligendum, adeoque deductionem adornandam, ut hostis per ignorantiam instituti, negligentius excubias agat, minoribus navibus hinc inde pro more dispersis ad faciliorem transitum. Sic etiam hostis inopinato oppressus, longè minorem metû injiciet, quam mo-

nitus aut expeditus. Auxilijs etiam nox plurimum confert commodi, quæ obscurissima audentes optime subducit, & majora navigia, ex metu collisionis, immota tenet, adeo ut minora tantum relinquantur oppugnanda.

Ante omnia cavendum, ne auxiliorum deductio committatur duci imperito, cum negotium postulet fortitudinem & prudentiam comprobatam, qui delectu habito, certissimam victoriam à virtute potius militis, quàm à numero speret. Legendi igitur viri, ad tormentorum fulmina impavidi, & sclopetorum ictus immisericorditer excipiendos. Tormentorum quidem fulmina per noctem non admodum metuas, cum in navis concitatas incertissimè dirigantur, quæ vix visui pateant.

C A P U T XVII.

Aurelianensis accedit exercitum, redit Lutetiam.

Cum rex ad castra in agro Rupellano pro animi desiderio non posset excurrere, fratrem ducem Aurelianensem mittere constituit. Auxilia superiora duci Auduino submissa, curam vigilantiamque erga regiam auctoritatē in ea occasione testabantur. Nam ubi is vidit, Pinaces duce Balino feliciter in Insulam pervenisse, operæ pretium duxit, alias ad auxilia iterata mandare, mittit igitur è familia Sanflorentium ad Grammontium, qui alias decem rogaret, cum duce integræ fidei. Is eam diligentiam præstitit, ut quartodecimo Septembris iter ingressus, quarto Octobris pinaces ad Olonnæ arenas exhiberet.

Dicendum etiam nonnihil de munere, quod Aurelianensis ad Rupellam obibat, secundum regis prudentiam, Cardinalisque consilium: quem non latebant quædam ingenia, quibus ille mentem fidebat, ad machinationes

tiones propensa, ut animum extimularent militarium munerum expertem; si istoc modo ad quietem componi posset. Visum etiam regi, militiæ per absentiam imponere caput, cujus natales Magnatibus obsequium sine æmulatione suaderent. Legitur igitur Aurelianensis, qui literis ad majorem fidem expeditis vicem regis gereret in castris ad Rupellam, perque exercitus in agro Pictaviensi, Santoniano, Enculismensi & Aunisiæ.

Aurelianensis per diversas occasiones ostendebat, sibi nihil minus virtutis, & prudentiæ, quam peritissimis, quorum fama ex perpetuo armorum usu, per promptam fortitudinem celebretur, adeo ut conflictui hostili se ipsum exposuerit, ex quo quasi per vim, ob nimium periculum erat retrahendus. Summa ipsi cura, copias in castra colligendi, ut transitum in Reæ insulam aperiret, militemque disciplina contineret. Hinc rex militiæ redditus, summam ejus benè administratæ voluptatem restatur, tantis benevolentiæ signis, quæ gloriosissimum consiliorum eventum ex illâ concordia promitteret, nisi ipsius intimi animum transversum egissent, cum post Anglorum cladem reditum ad Parisienses persuaderent.

Insusurrabant auribus, penes Cardinalem esse summam auctoritatem, solo nomine ipsi delato, tametsi summus ille minister impense eum coleret. Sola igitur invidia ob actus eximios turbulenta ingenia urebat: cui accedebat importuna formido, ne industria Cardinalis occasionibus illis uteretur, cum Aurelianensis quasi singulis horis regem adiret, ad concordiam solidè firmandam. Id enim cavebant, diffidentiae seminibus creberrimè in ejus animum sparsis, ut majoris fierent apud ipsum, tanquam summe ex fidelitate comprobata necessarii.

Ea ratio apud viros obtinet, privatum commodum ex principis obsequio captantes: perpetuo distinentur metu, ne alii sibi expunctis succedant, nullis artibus ad aversionem relictis. Nam ex hac ipsa causa Aurelianensis Lutetiam redijt, majori fide ijs, quos fidelitatis cultores ar-

bitrabatur, quam proprio genio habitâ, qui ad bella animi natalibus saltem parem trahebat.

Politica reminiscencia.

Expedit Reipublicæ, ut Principes summi, inprimis vero hæres eventualis imperij; rebus gerendis adhibeantur, ad animi quietem; non tamen nimiam auctoritatem rapiant. Barbariem igitur Alexander vicit, occisis omnibus propinquis, ad expeditionem in Asiam, solo fratre illegitimo salvo, quod is extra suspicionem esset. Nullibi enim, nisi apud Turcas hic mos viget adeo ut rerum administrandarum regulam constituat.

Eodem vituperio Ormi reges, antequam à Lusitanis expellerentur, ob eandem consuetudinem macto, quâ ad animum suspicionibus exonerandum, proximioribus necem inferebant: ijs paulo humaniores Chinæ Monarchæ censeam, quod propinquos, imperiumque spe contingentes in montem præcipitem concludunt, nullo eorum, nisi successore, ubi fatis concessissent inde exempto.

Fides Christiana leges fert longè moderatiores, rigore illo tyrannico expulso: Prudentiæ cæterum conformes, ut rex discat suos benignè habere, ne ex ægritudine animi turbas concitent, aut ex nimia potentiâ rempublicam premant. Sapientis est consilij, benevolentiam testari, eorum commodis per occasiones favere, eos munij aulicis magnificè adhibere, majori semper honore, quam auctoritate, imperium in populo famprovinciam aut munimentum exercitumve, aliquando tamen ad exiguum tempus, non indulgere, nisi adjuncto legato fideli & probato, quem copiæ militares respiciant, ad abusum potentiæ coercendum.

Nam vix quicquam eminentiæ adicias ad natalium splendorem, quin nimiam potentiam, auctoritatemque nascantur: ubi pruritus imperandi per naturæ semina, mentem continuò obfuscat ad arma expedita. T. Livius asseverat, hinc fidem apud proximiores perire, consilij in reipublicæ perniciem excoctis.

Quo Artaxerxes momento filium faciebat regem, periculum vitæ ab eodem intentari intellexit. Sic Selimus ad imperij communionem à patre Bajazete assumptus, illatâ nece solus imperare voluit. Tantundem Carolus in Philippum patrem, regem Hispaniæ meditabatur, cum cursum fatorum ad adeundum imperium non vellet expectare. Sic nullum seculum præterijt, quin aliqua exempla docerent, summorum Principum potentiam nimiam cum tranquillitate publicâ, & Principis supremi securitate non consistere.

CAPUT XVIII.

*Rex sanitati restitutus, ad Rupellam properat,
ut suâ præsentia Anglos ex Reâ insu-
lâ deiciat.*

PRIMA auxilia in Reâ insulam submissa fuissent frustra, nisi rex præsens exercitum immisisset, ad Anglos deiciendos. Res erat summæ audentiæ, maris violentiæ universas regis copias ex Pictaviensi agromauibus impositas exponere, destitutis terræ firmæ excensionibus, ut munimentum quasi perditum fulciret, Insulam in conspectu exercitus validi peteret, quâ ratione Rupella Exterorum prædæ & libidini prostituebatur.

Necessitas tamen oculos ad ista pericula velabat, quæ non nisi rege præsentē exuperari poterant, Gallis dum demum ultra extrema proruentibus, Rex igitur valetudini restitutus, quamprimum Lutetiâ discedere statuit, sed providet prius, quæ ad conservationem provinciarum à quibus longius abibat, pertinebant: mittit igitur Elbævium ad littora Picardiæ, Longavillanum in Normanniam cum copijs, quibus Anglum arcerent, excensionem alicubi moliturum. Mandata distribuuntur, ad novum militem scribendum, & Pictaviam versus promptissimè ducendum,

Dux

Dux Guisus imperium in exercitum navalem accipit paulatim coeuntem. Oblatam è rege Hispaniæ per Dilegum Mexianum classem, ad subigendos Rupellanos benevolè acceptat, idque magis, ut ne Hispanus clanculum hostibus suppeditas præberet, quam ut momenti quid ex eo auxilio speraret. Reginae matri denique potestatem tradit, ad provincias Lutetiæ vicinas per suam absentiam gubernandas: sic expeditus sesedat itineri, ut quantocyus ad Rupellam accederet.

Diseessus regis obsessis animos addebat, universum exercitum, in procinctu ad trajiciendum exhilarabat. Nemo non ardebat desiderio cum Anglis confligendi, cui rex satisfactum volens, nullibi per oppida moram necessebat, nisi Salmuriæ, ad beatæ Virginis de Ardilleries. Certus enim, victoriam ex cæli favore pendere, dextram potius Dei, quam militis hostem profligare, hominibus frustra operosis, nisi Providentia ipsius det incrementum.

Huc igitur confugit, indictis supplicationibus publicis per Galliam, ad implorandam opem divinam. Diem ibi impendit sacris, tam devoto animo, & fiducia in Deum, ut nemo non felicem eventum tam fervidis precibus attribueret. Neque frustra, cum paulò post Auduini auxilia ad Citadellam penetrarint obsessam, de quo rex Niorti fit certior nono Octobris, itineri conficiendo intentus.

Politica reminiscencia.

DEus, quæ instituit imperia gubernat per providentiam. Sapiencia ipsius, oculus ad singula pervigil, dispicit, quid ex eorum usu sit; dextera omnipotens modum gloriæ suæ convenientissimum init. Sic animal ex eisdem constat elementis & nutritur: arbori secundum originem fructus debet & maturitatem: mater quem peperit educat puerum: Sol quod formavit, aurum perficit; imperia à Deo constituta, omnem felicitatem, successumque optatum ad ipsius providentiam referunt.

Hæc manu versat subditorum corda, obsequium in
autho-

authoritatem summam inspirat fovetque. Perquam facile Deo, pro lubitu, rebellium animos humiliare, ferociam compefcere, audaciam frangere, & ad orbitas legitime sortis reducere. Is etiam Deus exercituum, impotenti impertit victoriam, ubi vult, iustitiam lacerat, militum tutatur, hostium animos panico terrore percellit; & non raro prosperum successum præter rationem, mediaque ordinaria sperandi indulget. Apud ipsum regibus in rebus arduis paratum refugium.

David nunquam bellum, nunquam rem magni momenti sumebat, nisi implorato auxilio divino. Constantinus Magnus in expeditione Persicâ tentorium, ad speciem Basilicæ, trahebat, ubi precibus vacaret; portatile singulis legionibus templum, ubi presbyteri & Diaconi Missam celebrabant, ad obtinendum favorem divinum. Verissimum sanè, per preces pacem servari imperio, & hostes superari bello.

Princeps arduo aliquo negotio distentus, fidem istanc tenere debet, adeoque ad Deum precibus recurrere, quibus opera pietatis jungat, firmato animo ex promissis divinis, quod animitus petita sit largiturus, modò æquum iustumque quæramus; quod invocantibus sit præstò futurus; quod desideria rimentium se sit impleturus; quod fideles, fidem in ipsum collocantes sit exauditus; & cultores suos custoditurus.

CAPUT XIX.

Auxilia denuò obsessis in Reâ submissa.

Post regis adventum summè elaboratur, ut institutum Parisiense perficeretur, auxilia nempe amplissima in Ream exponendi, non tantum ut Angli ab obsidione disturbarentur, sed etiam ut ex insulâ penitus exterminarentur. Urgebat animus, mari se credere, & hostem quærere; sed supplicationes Cardinalis, ducumq; quibus periculum, quod tantus rex subire satagebat, ob-

ocu-

oculos versabatur, vim admovère, ut institutum desereret; idem tamen rex Cardinali negabat, enixè petenti copiam prælii maritimi, cum ipsius præsentiam ad auxiliorum summa disponenda apprimè desideraret; nam rex facillè intelligebat, se absente tam prosperè cessisse consilia, quæ jam præsentis votis omnino essent responsura.

Cardinalis dehinc jubet navigia quædam onerari, ad transitum destinata, ut necessaria validis juxta & invalidis, cum multo apparatu belli ferrent, quæ postmodum duce Beaumontio in Insulam propellerentur, ad munimentum Prææ, Anglis non custoditum; ut jam centeni præsidarii haberent, unde per sex menses viverent. Eodem die jubetur Plessi. Pralinus partem legionis ex Oleronis insulâ huc transferre, ut vallum strueret, lineas duceret, fortalitia apponeret Portui, ad auxiliorum summam excipiendam: is transivit, ne gregario quidem desiderato.

Secundus iste successus cæteris trajiciendis addebat animum; Aurelianensis tum mittitur à rege Plumbum, ut ibi Canaplius sexcentos ex legione satellitum, Beaumontij legionem, quosdam spontaneos, multamqueannonam & apparatus belli navibus imponeret: quod ille ad eod dextrè disposuit, octodecim tantum annorum, ut in castris adolevisse, imo consenuisse videretur.

A vicefimo quinto Octobris, rex, cui ferè veteranorum singuli de facie & nomine noti, legerat copias, gregarios, Campiductores, Centuriones, omnesque præfectos trajiciendos; certus, non numero militum, sed virtute acquiri victoriam, adeò ut ne unus quidem, nisi ipsi ob virtutem probatus, legeretur. Hæ copiæ, duce Canaphio felicissimè spatio duarum horarum ad munimentum Prææ trajecerunt; aëre quidem ex tormentorum dispersionibus pellucido, nullo eas hostili navigio persequente. SantPreulius appropinquantibus obviis, docet Canaphium, hostem post macerias insidiari excensuris: is jussis Furilio, Malicio, Tiliadeto & Porcheasio ocius excendere, Brierio Ordinum magistrorum summocommonstrat, ubi locorum singulos statueret, ad pugnam.

Interea Bukinkamus, copiarum post macerias dux,
audi-

audito excensionis tumultu, aciem in tres partes distribuit, ad portum procedit, nemini regionum visus per summas tenebras, nisi jam proximus, ex funalium lumine. Basquius, ordinum ductor apud Tilliadetum, primus re intellectâ, in eos jaculatur, qui nonnullis cadentibus, pergunt: sed Canaplius certus, ijs quinquaginta tantum passus ad aciem Furilij superesse, Centurionum sententijs exquisitis, censuit aleam tentare. Furilius grafsatur, & explosis eodem memento quo Angli, sclopetis, jam hastilibus rem agit: in acerrimo conflictu duces, militesq; obnixè testabantur, regem non errasse in virtute illorum legendâ, quæ sanè victoriam hostibus, numero copiarum superioribus extorsit.

Plurimum ex ea sibi vindicat Canaplij prudentia, quòd Anglorum viribus cognitis, duces jussit retrahere: militem in munimenti inferiorem circuitum, nullâ necessitate urgente, si scivisset, Bukinkamum post primam aciem ruptam, quod Gallorum prodromo attribuebat, pedem retulisse, desideratis triginta septem gregarijs: cum regij viginti sex vel occisos vel saucios numerarent, quibus Mausanus Furilij legatus, sclopeti, hastilisque geminato ictu confectus accessit.

Politica reminiscencia.

Summæ est prudentiæ, urgente necessitate primò in hostem ducere, cum quærere non expectare, frangere impetu violentissimo: eoque magis, ubi vires inferiores solâ virtute ad victoriam valent. Militi ad invadendum semper plus animi, quam ad resistendum: etiam aggressor formidinem spargit, ob strategematis, aut majorum virium metum, ad confusionem. Sic Julius Cæsar, in freto Hellesponti, obvium Cassium partium adversarum ducem, triremes trahentem, ex una, quâ vehebatur, territavit: Ubi etiam fortissimi cujusvis virtus, præter Cæsaris invictam mentem, fugam arripuisset, ex navigij expedito cursu: is tamen rectâ in Cassium invehitur, pugnam minitatur, Cassium ad deditonem perurget.

Opor-

Oportet tamen ad eos casus ducem eximio milite, timorisque experte esse instructum, cum trepidantibus omnia resistent: illi nihil unquam operæ præstant, dum cordatus per omnia grassatur. Memoratur C. Marius adolescens inauditam audaciam ostendisse, nullo quantumvis arduo negotio intacto, quam tamen sanguine per ætatis cursum defervente ad famæ detrimentum non tenuerit senex. Sic Bertramus Guescilinus temporis sui fortissimus juxta & felicissimus dux in præliis plurimum valebat, quod non raro assumtis duodenis gregarijs in aciem hostilem irrumperet, quæ stupore ex tanta virtute concepta turbaretur.

Robertus Mârchia Comes diversam rationem intendendæ audaciæ, in pugna ad Novariam exeruit: stimulis enim naturæ compunctus, in Helvetiorum jam triumphantium phalangem, quasi devotus, non multo equite irruit, ut Florangem & Jamesium filios, ex vulneribus prostratos eriperet: ibi fortitudinem fortuna secuta, Helvetijs stuporem incussit, ut vivos periculo eximi vel inviti paterentur.

CAPUT XX.

Angli frustra incurstant munimentum.

Bulkinkamus rem maximi negotij nactus, si auxilia ad insulam subeuntia arceret, cum non paucas naves amississet, tempestatis violentiâ disjectas, & exiguo successu modò obstitisset, statuit extrema in munimentum Sanmartinianum audere: certus etiam, quanti per provincias vicinas apparatus ad alia identidem auxilia submittenda fierent, intelligebat, aut munimentum subigendum, aut acerrimè pugnandum.

Id Thorasius institutum ex diversis conjecturis affectus, repulsam meditabatur: mittit igitur ad Preanum præsidium, ut expedite & in tempore subveniret, ad signum trinæ explosionis, quo hostium impetus constaret.

ret. Canaplius vigilum magistros, Beaumontium & Ples-
si-Prahum, præter Commingium, Montelpaum, Nouli-
um, San-Simonium & quosdam spontaneos accersit, ut in
medium consulerent. Placuit nemine refragante, copias
subdiluculum explicandas, ad Abbatiam promoti gradu,
signum tormentorum expectandum, ut eodem momen-
to hostem ab assultu retraherent.

Sed vix milite explicato inauditur signum, ut Canapli-
us ad Citadellam quantocyus pergere necessum haberet.
Ajunt, quater mille Anglos & amplius molitos munimen-
tum ubicunq; pateret adit^{us}, acri impetu in propugnaculū
Thorsianum, minus perfectum factū, ubi extrema occu-
paverant, cōtinuo ab obsessis rejecti adicalas. Alter impe-
tus tentabat propugnaculum Antiochenum, non meliore
successu; plurimis sclopetorum ictus, lapidumque jacula,
perticarum etiam flagra in Lunato opere ad internecio-
nem excipientibus, donec à fugā salutem mutuarentur,
obsessis ad vallum usque tergo hærentibus.

Maximum recedendi momentum præbuere Pream ad
Citadellam properantes, quod Bukinkamus vallo suo me-
tueret, ne illo occupato illi tergum permerent aggressorū
sic revocatos in aciem cogit. Sed regij ubi vim defuisse vi-
dent hostibus in aciem collectis, coercent gradum, Cana-
plio præter conservationem Citadellæ nihil audente, do-
nec auxilia omnia convenissent, ne quid temere periclitat-
retur. Stabant reliquum diei appositæ acies, sine molimi-
ne, donec ingruente nocte regij Pream repeterent.

Dum Canaplius ab alea armorum abstinet, intelligit,
Anglorum scalas in potestate obsessorum mansisse, quin-
quaginta ut plurimum duces mancipatos, quingentos &
amplius occisos, sactura octodecim gregariorum & unius
ductoris, paucissimis faucijs, inter quos Sardanius glande
plumbea corpus trajectus, itemque Granvallanus, quem
mox paulo post incessevit. Successus iste exercitum regi-
um valde firmabat summo cum regis gaudio: Angli au-
tem vallo diffusi servando, continuo alteram partem
destituunt, reditu in Angliam consti-
tuto.

VAllum & præsidium maximè sunt necessaria ad sustinendam vim hostilem. De vallo nemo dubitat, cum fidem excedat, pauculos in angustum collectos milites exercitui negotium facessere, nisi propugnaculis, lunatis aliisque operibus & tumulis protegantur. Hinc prima cura custodi ad vim arcendam, valli structura; ruinarum sarcimen. Hinc hosti aliquatenus superior, ubi facilius scalæ disturbantur, quam fenestra valli defenditur aut excensio hinc inde fit per ruinas. Plurimum quidem commodi ex vallo virtuti & prudentiæ accedit; plus tamè militis robur.

Hinc Pompejus ajebat ne muros, nec domus sed incolas oppidum constituere, ita nec propugnacula, nec vallū, sed miles munimentum facit: sic videmus etiam firmissima, nisi cordatè defendantur, reddi. Azarius Quierlij à Vastio obsessus, fossas sibi profundas circumdederat, ruinas valli aculeatissimis tabulis munierat, materiam subitis ignibus & machinas spargendo incendio disposuerat, nullo servandi oppidi pretio, quod vim nemo repulsaret. Sic Archimedis machinæ Syracusas non servarunt, cum ipsæ, adeoque quævis propugnacula, nisi anima impellantur, definito deficient: hoste, cui & suæ sunt artes ad vim inferendam, munimentum, nisi cordatè & prudenter defendatur, facile in potestatem redigente.

Aliquid tamen de ratione ineunda ad sustinendam vim ex historia lubet recensere. Custos munimenti eoque non differet armare militem, donec hostem ad valli ruinas, aut in scalis hærentem videat; quo errore Cæsar, à Pharnace oppressus, sese vix expediit. Militem præterea ita per munimenti coronam sparget, ne ullus, quantumvis validus maneat locus incustoditus: quem errorem, referente Sallustio, Iugurta munimento fortissimo, quod Marius corripuerat, luit: sic Thrasybulus portum Sicyoniorum occupat, præsidio omni ad partes oppidi campestris, ubi ille vim intentabat, abducto.

Consultit denique Vegetius, primam vim à fortissimo milite propulsandam, quod hostis fortiter impetu fracto, dam-

damnoque accepto, animum demittat, plurimis ægrè ad alterum impetum cadavera grassantibus. Cætera iis relinquuntur, qui experimenta istæ in lucem dare pensi habent.

CAPUT XXI.

Angli victi exiguntur ex Insulâ Rea.

REx de prospero eventu certior, submittit continuè quater mille quingentos utriusque militiæ, jam auxilium destinatos. cum multa annonâ; summam diligentiam testatus in legendis ducibus & militibus, sic præsens promovebat vestruras, navigaturos stimulabat spe certissima victoriæ, cum Dei causam tutarentur, cujus fortuna nunquam destitueret. Schombergius dicitur Campiductor.

Explicatis velis mutat ventus, ut sæpius dilaberentur deserto cursu: Mariliacus tamen apicem Sablanceauj sine certamine obtinet, & liberè Pream pervadit. Schombergius postridie, octavo scilicet Novembris, eum ad tertiam matutinam quinquaginta navigia trahens, consequitur, militem hoste ignato exponit, peditem in quatuor cohortes dispescit, quibus totidem equitum turmas, utrinque addit, ut tutius ad munimentum procederet. Ibi sub diluculum Mariliacæ copias, quæ ante perupperant, in procinctu, quod iusserat, offendit. Certior inde de omnibus, speculatum mittit, ut hostem aggrediretur. Ante tamen interest sacro, ut opem Deus exercituum rogatus ferret, sine qua frustra prospera speres: imperatis et à supplicationibus eodem momento per omnes cohortes

lentaculum ad roborandas vires militi præbet, hostem ex bona parte valli discedere intelligit, quasi exercitum deduceret; unde nihil temporis perdendum ratus, ordines visitat, & recta ad munimentum Sanmartiniam progreditur, aleam subiturus. Tunc Thorasius, dei filius ad entuedoctus, magno occurrit gaudio periculis summis defunctus, postquam hostis vallo deserto libertatem

tatem prodeundi concessisset. Schombergius autem certior; hostem ex oppido Sanmartiniano excessisse, deliberat è re natâ. Thorasius censet, rectâ impetendum, quòd trepidus concidi posset: diversum Mariliaco visum, nihil periclitandum videlicet, ob ancipitem armorum sortem, maximè ubi Angli recederent, superfluo certamine. Sed omnibus expensis, media itumyia, ut servatis stationibus, hostis motu speculari, si in insulam Oyam trajiceret, ad militem in naves recolligendum, instarent, postremos carperent, nullo evidenti periculo.

Hoc institutum prudenter sumtum, cordatè procedit, dum Angli refugium petunt, regij aciem inferunt. Palustria Thorasium non abstinuere a vindicta, quin regiae militiae decus occasione egregiae addendum urgeret: Iubentur ergò equites prorucere, quos legiones Pedemontij & Champaniae sequuntur, unde non operosa victoria, equitibus Anglis in palustria dilapsis, adeò ut vexillum, quatuor & quadraginta signa, cum quatuor tormentis in potestatem Gallorum redirent, eadè continua mille sexcentis præterquam quos mare hausit, absumtis. Complures Duces, viginti nobiles alicujus notæ, centum quinquaginta & amplius legati, signiferi, & præfecti per campos jacebant, arma ad ter mille gregarios instruendos collecta, quingenti Galli exuvijs ornati.

Sic Schombergius eodem die in insulam descendit, obfidionem solvit, hostem satis concisum exegit. Ferunt septena millia Anglorum primitus excensionem fecisse, cum supplemento trium millium, cum iam mille octingentos reducerent, cæteris aut clade, aut morbo absumtis illi etiam reversi, ob incommoda istius expeditionis, vitam non produxerint.

Politica reminiscencia.

Summa imprudentia, in patrio solo, inquiebat Iohannes Jacobus Trivulcius, Galliae Mareschalcus, nisi summum commodum, aut extrema urgeat necessitas, depugnare: Eò enim prolapsus, rem publicam exitio exponit. Sic Darius imperio excidit, ferventi animo obsecutus, ad decretoriam cum Alexandro ineundam pugnam. Potuisset

set enim equestribus copijs eum hinc inde fatigare , uti Parthi Romanos sed impatientiâ liquefcens, jam jam conflictum optabat, ne hostis temeritatem impunè auferret, ad sua reversus. Quæsiuit igitur hostem: & Alexander appropinquantem aggreditur, cædit, & ad deploratissima rerum redegit.

Longe prudentius Fabius, Hannibalis exercitum secutus, dum extrema agmina carperet, conflictibusq; fatigaret per campos patentes, oppidis ad necessaria expedienda remotis, per provinciam hostilem, ubique obvijs armis: quæ remorâ Hannibalem vicit, incolumi milite, id temporis apud Romanos rariore. Ipsi etiam pluris faciebant Coronam Civicam, ob salutem multorum civium servatam; quàm Muralem, quæ ovabat primus murorum victor; aut Navalem, ob facinus aliquod per mare egregium. Hinc Guicciardinus ait, nullam victoriam majori utilitate censerî aut gloriâ, quàm ubi salvâ militis vitâ, & sanguine paucio triumphatur.

Satis victoriæ, gloriæque fregisse hostem invasorem, ut re infectâ excedat, nisi occasio sese periculi expertem præbeat: neque enim titulus victoriæ, honorue prælij secundi ex numero occisorum, aut captivorum ducitur, sed illi debetur, qui finem suscepti belli obtinuit. Hinc Alphonsus rex Neapolitanus dicere solebat, ad prælium ab Andegavensi lacessitus, Ducis est, victoriam præ pugna quærere. Sic Philippus Valesius collatis signis ad Cressiacum depugnavit, ab Anglis victus. Et Iohannes rex, viribus confusus maluit cum Anglis in agro Pictaviensi decertare, quàm fame illos fatigare, alijsque castrorum incommodis frangere, quam imprudentiam, victus captusque exproavit. Carolus V. Fabij cunctationem laudabat, nulla bellorum aleâ, sed quod annonam suppetiasque secluderet, universam ferè Aquitaniam ipsis eripuit.

CAPUT XXII.

Regis clementia in captivos.

Dum Angli per palustria evadere conantur, etiam

Monjoyus, frater Hollandi, Grayus ad tormenta legatus, magister equitum, triginta quinque duces siue præfecti, duo decim nobiles, centum & amplius gregarii, mancipantur: qui regi materia clementiæ & liberalitatis fuere. Rex enim nudis plerisque vestem distribuit, captivitatis pretio victoribus exoluta, veniamque dedit ad reginam Angliæ liberè revisendam, iussu Meaudeo, ut eos deduceret liberationisque causam ipsius reverentiæ transcriberet.

Nihil sanè ab excelso animo requireres amplius, longè alia suggerente Cardinale, quam quæ Angli meruerant de Gallis captiuis, pessimè habitis; adeo ut quidam illorum mandaret, nisi Monjoyus cum cæteris fuisset captus, sibi fame continuâ moriendum fuisse, cum esset solitū Anglis, etiam victum argento negare: addebat, visos sibi in Rea insulâ captivos Gallos, ab Anglis in aquas ejectos, & ne evasioni locus esset, ad perticam colligatos.

Clementia tamen regis erga captivos Anglum permovit ad maiorem humanitatem reciprocam, Gallis liberatis sic satis benevole in patriam reversis.

Politica reminiscencia.

NON parum gloriæ meretur humanus erga captivos animus, siue condoleas miseræ sorti, si ve benevolentia quævis exhibeas signa. Ea demum est nota generosi Principis, quæ clementiam humanitatemque, illustrissimas coronæ gemmas, maxime faciat coruscare. Noverit, sese Dei interris ferre imaginem, cuius essentiam nihil magis exprimat, quàm bonitas; quemadmodum potentia nullibi illustrius apparet, quàm in clementia erga bello, per armorum vicissitudines, captos.

Fertur Cleomenes Lacedæmoniorum rex interrogatus de regis officio, respondisse, Nihil mali amicis, hostibus quævis in commoda inferenda: Aristonem tamen prudentissimè regessisse, multo laudabilius & amicis & inimicis benefieri, quod rex amorem Orbis, magno suo commodo, sic mereatur, cum res exigui non sit momenti, famam clementiæ à victis reportasse. Causam ex quæsitam addit Plato assuecrans, sic militi animum crescere, cum certus sit,

fit, hostem captivis debere humanitatem, periculis tantò minus trepidè subeundis.

Deinde captivorum animi ita captivantur humanitatis illis officijs, ut alij pacem suadeant, alij redemptionis pretium non rarè cum usura reddant. Id Ludouico XI. usu venit in Contyo captivo, sed valde humaniter habito, qui inde pacem cum Carolo Burgundo conciliare instituit. Princeps sane sponte ad benevolentiam erga victos, quacunque sorte hostes fuerint, propendat.

Sic Haluyoneus Antigoni filius, perfecta victoriâ in Helesum Pyrrhi filium incidit misere concisum, pallio ab illius natalibus alienissimo, sed benevolentissimè exceptû, ad patrem Antigonum, qui etiam sordidati amplexus sustinuit, deduxit, qui ad filium conversus, non sane humanitatis leges explevisse, quod pallium illud humeris etiam hæreret. Lautâ inde supellectile instructû, benevolentia in amicos juxta ac inimicos comperta, ad suos in Epiru regnum remisit.

C A P U T XXIII.

Obsidio Rupellæ sumitur.

REX, tanta victoria de Anglis parta, omnem mentem in obsidione Rupellæ defigit, ut cum propugnaculis incolarum fastum subrueret. Exile, ut plerunque, huic oppido exordium, sed portò commodus ad commercia, unde incrementum, adeoque tantus ab hæresi plantata fastus, ut immunitates à regibus per occasiones temporum indultas, conventa ex æquo jactaret, ad rēpublicam in regno constabiliendam. Non tamen eo audaciâ processum, ut Deputati id regi palam facerent, sed mores certissimum rei indicium, intoleranda præcudebant indies, certo Religionariorum, factionumque aulicarum refugio. Ea rebellio abjerat in consuetudinē, ex Anglorū subsidijs crimine aucto. Opulentiorū quidē non pauci, quibus neq; cor neq; cerebrum depepone aut beta, fortunis metuētes,

obsequium libentissimè coluissent, nisi plebes maritima, rudis & inculta, ex miseriarum sensu, otio que ad tranquillitatem opulentam per seditionem grassari instituisset, metum ex immunitatum detrimento prætexens. Eo consilio prodit Manifestum, quo querelæ instat, veneni in universæ factionis animos spargerent simpliciores, ut armis undiquaque correptis jugum obsequij constringeretur.

Istud institutum omnem erga regem exuit reverentiam: exterminatur Dussus, supplicationum magister, à rege Rupellam misus, qui iustitiæ præsideret, tanto cum contemptu & injuriarum penso, ut maris profunda minitarentur. Anglis secundum facultates omnia sufficiebant, cõtumulatis solenniter ducibus & nobilioribus hostium, Gallorumque rebellium, cum de Reæ insulâ dimicaretur, occisis Ludrierum cum trecentis auxiliariis Anglis submissum, ad fortunæ novercantis impetum, cum reliquis copiarum revocabant.

Rohaniam matrem, cum Subisio, omnibus conventibus adhibuerant, incendio rebellionis per animos cæterorum diffuso: adeo ut castigationem severam irritarent, donec arma extorquerentur. Hinc ineunte Augusto, cum jam ad partes Anglorum transgressi palam essent, rex fossas producere ad oppidum, complures cohortes ex satellitio, duæ legiones, & ducenti equites circum circa hospitari, Enculismensis munimentum Mulinettæ perficere, ad æmulationem Luisiani, milite recipiendo.

Rogabant tamen Commingium, Centurionem satellitum, interesset conventibus, si qua ratio tranquillitatis irripisset. Obsidionis nihilominus institutum clam ipsos habitum, donec Angli ex insula Reæ deicerentur, unde sibi defuncti videbantur, iterato, secundum superiora, fidelitatis testimonio, per vanissima verba. Cum autem ex omnibus conventibus nullum, nisi ad detrimentum regij obsequij, institutum appareret, rex metu Anglorum liberatus, extremum statuit, quomodo eos per obsidionem validam ad penitentiam, semitasque obedientiæ traduceret.

Rex vallum in coronam disponit, tredecim munimentis distinctam, præter fortalitia quam plurima ad lineas, adeo
ut

ut circuitus ferè tribus leucis absolueretur, extra jactum sclopeti, & falconis, non tamen tormenti. Sic famem, omniaque extrinseca meditabatur rex, præter vim: obsessis exigua cura impediendarum operarum, aut eruptionum, quod auxilia maritima sibi facillè promitterent. Hinc brevi per Cardinalis Schömbergij & Bassompetrii industriam, quorum fidem rex præ cæteris haberet, conclusi sunt: nam Caroli IX. temporibus, ubi quorumvis opera sine censu valebat, obsidionis duces oppidum subigi non cupiebant.

Corona valli usum terræ firmæ Rupellanis auferebat, ut non contemnendâ parte annonæ Anglis distributâ, penuriam maturè persentiscerent, ad exiguam deditiois moram, nisi naves quædam intulissent necessaria. Sic ipsis nemicare quidem licebat ad arctissimam regionum custodiam.

Politica reminiscencia.

Abjectus æquè ac imprudens animus istius oppidi insolentiam tulerit, non rebellionem in Principem tantum odiosam, sed ob Exterorum suppetias etiam periculosam. Nihil differendum, quin ad obsequium vi armorum reducatur, postquam omnis conatus ad tranquillitatem defecit benevolus. Quicumque Princeps id negligit, ad contentum sui properat, siue consilia reliqua, siue vicinorum instituta dispicias, adeo ut arma hinc & inde ad bellum expedire videat.

Vicini, armorum negligentiam, exercitusque ducendi difficultatem animadvertentes, immittent copias; unde factio, rebellionem, adeoque atterendam majestati per contriventiam assuetam, jugum obsequij continuo excutiet. Æquè igitur ad bellum & ad pacem instruat, cum nihil dânosius, quàm ad subditorum rebellionem per eas occasiones conivere, ut evites ægritudinem summi periculumque armorum.

Sic Principi par periculum ex nimio belli pacisque studio: unde Marius vituperium tulit, quod rempublicam non posset ferre pacatam. auctoritatis in pace expertus. Vicissim Perseus regnum neglexit, pecunia loculis potius, quam stipendijs, cum supplemento summo opere egeret, distributâ. Segniter inde propugnabat, & prælio inferior, diadema cum

thesauris reconditis amisit. Pipinum tanta nunquam invasserat audacia ad coronam rapiendam, si Childerico par armorum studium, aut animus ad principia fortis fuisset.

Franciscus Sfortia ex armorum usu, de sorte gregarii, ad Ducatum Mediolani emerfit; liberi vero ejus, Principum & ducum nominibus clari, ad sortem nobilium vulgarium recidere, quod peritiam armorum negligenter, te-chais & imposturis operati, dum splendor ex bellorum usu esset querendus. Idem regi, rebellionem oppidi nobilioris, quod maximè factioni potenti, aut Exteriorum instituto inseruit, ferenti obtinget, nisi exercitum ducat cordatissimè, ex illo Trajani responso, Deum plerumque inimicos pacis, turbatoresque reipublicæ prostertere; quod Pyrrhus suo exemplo, supremisque seculis Carolus Burgundus docuere.

Dicam amplius, ut citius, adeoque minori cum periculo subditi ad obsequium revocentur, non expectandam rebellionem, imparato, sed in omnem eventum legiones per præsidia spargendas: ita Macedonibus erant Argyraspides, Romanis Legionarii, Sultanis Egypti Mamelucci, & Turcis Janissarii. Sic ad quodvis rebellionis indicium coerceretur oppidum; quævis per provinciam copiarum factio solorum dissipabuntur, concidentur.

CAPUT XXIII.

Maris usus adimitur Rupellanis.

Parum erat, Rupellanis usum terræ firmæ ademisse, nisi Canalis ad maritima auxilia occluderetur. Cardinalis igitur regem ad executionem illius instituti instigat, & quod momenta omnia primus dispexisset, adeoque reevidentiam demonstraret, ad successum operatum, præ cæteris industrius, huic curæ præficitur. Tanta tamen modestia agebat, ut Pompeij Targonis, Architecti Itali, ob Canalem Ostendæ Hispanorum bono oclusum celebris, machinamentum tentari pateretur.

Is concatenatos malos, trücosq; prævalidos harpagonibus, ferramentisque conjungebat, ad primam undarum rabie dispositos, vinculis ruptis. Edificabat castella quædam carinis im-

Imposita, quæ vel remigio impelleret, vel fundo alicubi affigeret: addebat quadratum opus ex truncis compactum, Pontones vocant, ferendis tormentis, & superficie undarû stringenda, si quæ navigia decurrerent.

Cardinalis inanem speciem, exiguum usum, immanem sumtum machinarum considerans, à prudentiâ domi cōsiliū, quod dudum meditabatur, mutuatur, ad Canalis angustias impediendas: sic excellentissimus geniorum, etiam machinas cæteris intactas expedit. Aggerem Canali injicere statuit, ex utrâque ripa, qui non penitus pertingeret maris fluxu non omnino coercito: opus inde difficilius visum, quod mare nulla humanæ industriæ obstacula ferre didicisset: ubi astra magnis Genijs faveat, absurdum foret, elementa ipsorum voluntati obniti.

Ex duobus argumentis aggerem opinione multorum faciliorem ducebat, quod commodissimè lapides ex Canali extraherentur, tum quod multitudo operarum ex provincia cogeretur, adeoque ab exercitu adesset ad op^o maturandū. Exordium sumitur, ubi Canalis ad septingentas quadraginta decempedas patet, quo languide tormentorū ictus è Rupellæ extremis pertingerent, opere nullatenus impediendo. Duodecim decempedas Cardinalis dabat fūdamēto, ex quo castigatius exurgens opus, latitudinem quatuor decempedarum per pacatum extollebat mare, sed eā mensura in altum erectam, ut procellæ quæcunque summa non perluerent. Stabat fundamentum molesque ex lapidibus nudis, nullo alio, nisi aggesto sponte limo cæmentata, per intercapedines duodenorum pedum truncis arborum prævalidarum firmata.

Cardinalis ab aggere Rupellæ deditiōem unicè sperās perpetuus accurrit, nullo tormentorum fulmiantium penso; nulla ad operas pecuniarum parsimoniâ; vob^o orū suavitæ erga doctas admaturâda omnia inducens. Spatiū duorum mensiū Rupellanorū spē de ludibrio procellarū ostendit inanē, cū præter quatuor aut quinq; mediocris structuræ naves subinde ad eos ex illo tempore nihil penetraret. Opus profecto immensum, etiam ad stuporem post septem menses absolutum.

Necessum erat & collum illud maris fluxui reli-

sum

etum coerceri, trino videlicet obstaculo prævalido, ad omnem vim eludendam. Primum constabat, quadraginta navibus, quæ intus solidè lapideo muro expleta demergebantur in semicirculum: alterum erat sepimentum ex totidem navibus, quæ movebantur, remulcis colligatæ & ferramentis; ad recipiendam excubiarum legionem: tertium locum sumebant crassissimi pali, pede defigendi; unde ipsis candelabrorum nomen. Sic Rupellani ab omni com-
meatu seclusi, omnem spem salutis in Anglorum numero-
so exercitu, quem expetierant, ad obstacula removen-
da, ponere necessum habebant.

Politica reminiscencia.

TANTI refert, subsidia annonæ obsessis intercludere, ut ad deditionem inde sponte descendant. Etiam apud prisca maiorem meruere laudem, qui famem, quam qui vim obsessis adhibuere, quod fortunæ ludibrijs carere, & militis sanguini parcere voluerint, prudentiæ nobili experimento.

Id enim diuturnæ obsidiones quærunt, ubi ex penuriâ obsessorum omnia sperantur, quod annonâ omni absumpta, porras sponte recludant, fami impares. Tempus quidè teritur; immanes fiunt sumtus, sed magna cum parsimonia militum, ad scopum sine periculo pervenitur. Cæsar inter cætera censebat, medicorum industriam ad capiendâ oppida imitandam, qui in ediam plerunque, rarius ferrum expromerent. Equidem eandem omni necessitati parem duxero, cui nihil opponere quas.

Verum enim vero commodi illius ratio summâ laborat difficultate, maximè in munimentis maritimis, quæ plurimi ob maris inconstantiam, navibus statione negata, violètiâque in obstaculis portui frustra objectis, extra vim hostilem posuere. Frivolam tamen hanc opinionem mortalium industria, remedio ad quamvis difficultatem invèro, fecit. Sic Alexander Magnus in obsidione Tyri Canalè aggere clausit, præcis auxilijs, quorum fiducia incolæ benevolentiam ipsius rejecerant, jam sub arbitrium victoris redacti. Cæsar ad Dyrrachium, & Ludovicus sanctus ad Mili rivum aliquem idem præstitere, quod Parmensis ad Antuerpiâ, & Spinola ad Ostendam, navium appulsu procul habito.

Nihil

[Nihil aggere ad cœercendum mare commodius, cùm decumanæ procellæ maximam machinarum partem, angustijs objectam auferant, aut sorbeant: nulla enim fiducia in malis palisue, quos mare primo impetu disjungit raptaque neque catenæ per latitudinem expansæ profuerint, cùm transitû levioribus navigijs præbeant: quod Cn Duellio, Consuli Romano, usu venit, qui in portum Syracusanum conclusus, puppi imposuit & viros & sarcinas onerandæ, remigio ad impellendas triremes connixio; quæ ubi media molis parte exuperant, ille omne onus ex puppi in proram recipit, unde ope remigij robustissimi, libratae catenas transiere: Idem Hispanicæ naves in portu Massiliæ, vano ad obruendam urbem conatu, sunt ausæ.

CAPUT XXV.

*Marchevillanus ad Bauarum & Trevirenses
Electores mittitur, ad pacem imperio
procurandam.*

Curarum moles de Anglis repulsandis, Rupellanisq; Cad obsequium reducendis nihil impendebat Cardinali, quam primum rex Villaregiæ subsisteret, quin fœderatorum per Germaniam principum rationem haberet. Eminentissimus genius, causis universalibus non absimilis, millena simul producit, rei que summæ affixus, curam quarumvis aliarum non projicit. Consulit igitur regi, mitteret ad Bauarum & Trevirenses Electores Marchevillanum ad diversa obeunda negotia, principaliter verò, ad commodam Imperio pacem constabiliendam.

Innotuerat regi, Imperatorem in eo totum esse, ut regi Hugaricæ, filio regnum Romanorum conciliaret; optare Electores, ut Palatinum in Galliam reciperet, Trevirensi ad archiæcum Gallia fœdus propenso, plurimis Ligæ Catholicæ principibus intercessionem a Galliâ, vel ad reducendam pacem, vel ad armistitium per Germaniam requiritibus: quæ Marchevillanus acceperat mandata.

Quoad

Quoad primum membrum, iussus erat nihil palam adversus Imperatoris institutū moliri, cum rex id temporis nollet in Imperatorem impingere, ut libentius omnia domi componeret. Bauarum tamen in eum sermone madduceret, palpo de spe imperatoris dignitatis, qua ille pascēbatur, obtuso, ut expenderet eum cæteris Electoribus, quanti referret, ob gravissima litigia, alium quemvis Principem, non potentissimum, quales essent Austriaci, ad eam dignitatem promoveri, ut caput imperij ex majori æqualitate ad membra, unionem perfectius contineret, securitate ad omnes rectius pertingente.

Adderet, ubi Electores ab ista mente alienos offenderet, cum Imperator nec ex gravitate, neque ex valetudine ugeretur, consultius fore, si electionem regis Romanorum in aliud tempus differant, ipsi ex ea morā apud cæteros Germaniæ principes majore autoritate, etiam apud Imperatorem pollerent, qui amicitiam ipsorum ad scopum assequendum esset ambiturus: quo vicissim obtento, opera ipsorum nihil ulterius necessaria ad suum, suorumve incrementum, metuendum, ne ipse finibus autoritatis ultra principum immunitates extenderet.

Articulatis verbis ferebant mandata, ne ista c palam faceret, quod rex suis rebus convenientius crederet, apud animos istorum Principum institutum excludendi ab imperatoria dignitate regis Hungarici, aut electionem differendi, sponte exurgere, quam importune aperiri. Consularet tamen illis ad electionem propensis, necessarios se Imperatori facerent, quorum ope indigeret per eam occasionem, ut leges ad optatam imperij pacem convenientissimæ scriberentur. Id enim ante Electionem valde expediebat, ne ad pacem difficilior, nisi imperium adeptis, ad belli commoda promior redderetur.

Alterum membrum, de refugio Palatini in Galliam, apud Principes istos ageret, regem assentiri non posse, tamen omnem sumtum, quod imponebant, ipsi facerent: neque enim ex dignitate regis fore, pretium alendi Principis per refugium constituere; tantum onus citra necessitatem, non facile subeundū, neque indefinitum sumtum honestati convenire; adderet liberè, pro his nihil exoriri, & pretio non erogato, onus nati ex his premere. Sic principe co in Gallia hærente, pacem Germaniæ nunquam abs

se, honoris ergo permitti, nisi Palatino in a vita restituto, cum refugium sine protectione præstari nequeat, id quod ipsorum animis minimè scilurum sciebat.

Tertium membrum, quod Trevirensis Electorē tangebat, expeditius erat, cum tantum singularia benevolentia regiae testimonia requirerentur. Ferebat ergo, quæpōdus traherent, sed secretiora, ut tanto liberius per occasiones regi studium suum comprobarent: inde sine arbitris & consilij actum, alto cum silentio.

Postremum membrum de pace, aut saltem armistitio per Imperium, respiciebat minus prosperos Dani Saxonūque inferiorum successus: unde jubebatur pacem urgere, quā rex ob calamitates Germaniæ deploratissimas, & Galliæ emolumentū, quod Principes Orbis Christiani, ab Austriacis separatos tangit, desiderabat, cū officij sui putaret, grassantibus ad imperium immēsum, cui bellum sterneret viā, obstarē, ne Electores & Principes Catholici privati, exitio Protestantium traherentur.

Res eo gravior, quod tum regi integrum non esset impeditur, & armis remedium calamitati metuendæ quærere. Procuraret igitur impensē Convēntum Electorum, ubi illi proculdubio, pacem essent quæsituri, nec litteratis tam ardua comitterent, qui plurimum Austriacorum stipendiarij, spem secundi successus non præberent. Exponeret etiam sibi in mandatis datum, ut apud Imperatorem, ipsos & Danum, armistitium, cui omnem operam esset impensurus, procuraret, modo ipsi scripto articulo sponderent, id a Dano impetratum, per ipsorum auctoritatem etiam Imperatori persuasum in, suffragijs jam ratis, Convēntuque Electorali, ad pacem reducendam sedusque cum Gallia concordia servandæ gratia, firmandū.

Hæc summa mandatorum, ubi Marchevillani egregia emicuit diligentia, Electoribus, recto regis consilio, ad desiderandam regis Romanorum electionem persuasit; ne etiā Palatinus amplius in Galliam recipiendus videretur; sed Trevirensis aureis catenis ad regis commoda devinciretur, Convēntu Mulhusium indicto. Idem adest industrius, extremæ Germaniæ ex hoc bello calamitates explicat, pacem fervidius, quam ante, suadet quærendam, ut anno sequenti ea stabiliretur, tametsi Austriaci, sine Galliæ intercessionē, ei impediendæ vacariat.

Pol.

Rex quisque prudentissimus fœderatis pacem conciliat, bello incommodo sopito. Ea cura summum honorem trahit, cum non parum ad gloriæ incrementum conferat arbitrium inter Principes, etiam Deus, universi gubernator, nomen pacifici ferat. Hinc etiam Principes bello attriti, ad auxilia in arduis ferenda obligantur, quod naufragio erepti, gratitudinem necessitati alienæ debeant.

Id ratio fœderum exigit, ut mediatorem agat ad salutem oppressorum. Quæ leges charitatis omnes Christianos jubent dextram porrigere periclitanti, eadem Principi opem suadent, cum ex ruina fœderatorum, quam sapius bello defatigati vix effugerint, pericula non pauca fluant: neque enim ad incitas relictis pax tempestiva quaeritur, ubi hostis victoria ebrius, lucrum ægerimè dimittat; & arma ad leges gravissimas ponat. Quanti vero intersit, eos diuturno bellorum periculo exponi, docuit experientia, auctoritatem Principis viresque semel imminutas, ad fortunæ quotidiana ludibria descendere.

Scipio rectissimè ad Antiochum ajebat, Majestatem regiam difficilius ex apice potentiae ad mediocritatem reduci, quam ex mediocritate ad infimam miseriam præcipitari. Hinc Hannibal pacem à Scipione Africano petiit, ante decretoriam pugnam, ubi inferiores tulit Pænus: Aetolis inde vituperatis, quod æquam pacem à Romanis oblatam recusassent, post non pauca emolumenta. Addam hoc unum, regem fœderatis pacem procuraturum, non parum sibi ipsi consulere, cum Principis potentia non minus fœderatorum viribus nitatur, quam subditorum robore. Tâ arcta enim est reipublicæ cum fœderatis connexio, ut turbæ etiam exiles alteri continuo livorem inferant.

Fœderatorum vires regni videntur propugnacula separata; sic gradum facit hostis ad oppidum subigendum, per extrema correpta; quæ admodum regis fœderati nec vim nec exitum ferunt, quin impet⁹ majori quàm ante impotenti sit metuend⁹, fœderatis ad suppetias enervatis. Unde prudentissimè Thucydides dicit, periculū irritare, quicūq; fœderatos negli-

negligat. Equidem arbitror, incendio exorto, vicinos ad restringendum properare, ne flamma viciniam pervadat: sic regem, cum fœderatos bellorum mole oppressos videt, ad pacem quâcunque ratione procurandam obligari, ne post illorum ruinam flammâ domi coercere suâ necesse habeat.

CAPUT XXVI.

*SanChauumontius ad Vincentem Mantuæ ducem,
extra ordinem legatur.*

Quo tempore Marchevillanus in Germaniam pergebat, rex æquè fœderatorû & subditorum commodis semper ac potentiæ stabiliendâ studens, SanChauontiû extra ordinem, ad Vincentem Mantuæ Ducem mittit. Is regem literis certiore fecerat de fato Ferdinandi fratris majoris, rogans ut causam suam autoritate regiâ, per ministros in aulâ Romanâ ageret, de divortio cum Bossolæ principe, quam blanditijs deceptus, extra ætatem spemque sobolis duxerat, procurando. Potuisset rex epistolâ defungi, sed Niversij commoda, quæ solâ regis potentiâ nitebantur, legatum requirebant.

SanChauontiû ei provinciæ legitur, qui regis ægritudinem ob Ferdinandi ducis defuncti obitum testaretur, solatio mixtâ, quod ipse succederet in imperio, princeps egregijs dotibus ornatus, à quo rex eundem cultum, & communis commodi studium, quod antecessor præstisset, sibi promitteret. Jussus erat amicitiam, auxilia, facultates, fidem & auctoritatem à rege offerre, quorum vim non tantum Romæ in causâ matrimoniali, sed in omni occasione per necessitatem exprimeretur.

Secundum istâc quaerenda erat occasio sermones cædendi de Hispanorum instituto, qui divortio impetrato Imperatoris filiam aliquam offerebant uxorem, ut dili-

T

gen-

genter expenderet, cum Mantuæ & Monferrati imperia per Italiam magni sint momenti, vel propter situm & fertilitatem vel propter munimentorum copiam, Sabaudum æque ac Mediolanensem illis inhiare, ut sua faciant; quæ tamen non nisi per amicitiam Galliæ, cæterorumque Principum subsisterent, unde ad vigilandum foret, ne in sinistram rueret suspicionem præceps.

Inimicos, harum rerum gnaros, occasiones quasvis indagare, ut eum divellant, inque malevolentiam præcipitent. Separato brevi imperium liberum, felix & supremum, quod Deus indulgisset, in Hispanicam clientelam mutatum iri, ad contentum, detrimentumque omnis autoritatis, confidentiæ atque amicitiae, quibus prius apud cæteros polluisset. Consultiissimum igitur, neutras partes fovere, æquo in Galliæ & Austriacos, principesque Italiæ animo, modo suspicioni locum ne faceret, in Galliæ cæterum propensior, quæ ipsius commodis, prosperitati & incremento faveret, unde ipsi fulcrum, protectio & auxilia, citra ullam expensam forent.

Inprimis autem iussus erat, fundamenta matrimonij inter principem Mariam, Vincentis neptem, & Rethelij ducem struere, quem Dux supremis tabulis post Niversij parentis obitum scriberet successorē in imperio: nisi forte ipsi virgo allubesceret, impetrato Rōæ divortio. Demonstraret etiā, quantū inde autoritatis ipsi accederet, stabilito adversus vicinorum machinationes imperio, quibus integrum alioqui foret, etiam in personam illius quidvis audendi, successorē ancipiti, nec constituto.

Mantuam delatus, Galliæ convenientissimis excipitur Ceremonijs, cum Duce ex mandatis agit, illo grandem reverentiam ob istunc honorem testante, quem tanto devotius reciperet, quod ipse Gallus propenso animo & obsequio esset: nec tamen fervidum dissolvendi matrimonij desiderium tegebat, ut postea non filiam Imperatoris, sed Mariam neptem duceret uxorem, quam impensè deperibat, spe etiam plenus de sobole mascula, quæ in imperio succederet: De Rethelij fortunis semper

perbenevolè locutus, quem magni faceret & diligeret amice, successoremque imperij, illiberis respiceret.

Non visum SanChaumontio, desiderium regis de conjungendis Rethelio & Mariâ aperiri, quod occasio repugnaret apud animum amoribus impeditum. Privatum tamen confert cum Marchione Strigij, summo Mantuæ ministro, cui rem omnem declarat, stipulatâ fide, ad id matrimonium, divortio Romæ non comprobato, promovendum, quo solo instituto Ducis, rei que publicæ incommutitas staret, quod secundum illa Sabaudus & Austriaci quicquid juris nunc cum summo subditorum incommodo, ob orbitatem Ducis, prætexerent, frustra forent.

Eo vehementius instabat, quod ex Strigio confidentius loquente audierat, Medicos nondiuturnam Vincenti, ob valetudinem fractam, spondere vitæ usuram. Strigius igitur, momentis negotij exactius consideratis, omnem operam, studiumque extremum promittit. De neutris favendis partibus, ne quid alterutram Coronam offenderet, Dux sæpius legato repetebat, sibi animum proffusus Gallicum, propositumque ad omnem reverentiam regi, cum quocumque obsequio præstandam; cum ex ingenij propensione in Galliam, tum ex gratitudine, ob Ferdinandum defunctum, fratrem dilectissimum, contra omnes hostes protectum, cum istac appendice, regem nihil unquam in sese desideraturum. Rebus tandem partem maximam confectis discedit legatus, ad regem reversus singula explanaturus.

Politica reminiscencia.

Regis est, non minus subditorum jus apud Exteros tueri, quam negotia regnicurare. Id enim fuerit subditis, quod caput reliquis membris; sicut istud ad conservationem eorum vigilat, ita ille jura subditorum, si ve armis, si ve negotiationibus ad obsequium transferint, conservare tenetur. Hinc Theopompus querenti, quâ ratione Princeps securè imperaret, respondit, Nihil fore metuendum, si amicis nihil præter rationem permittat, subditis ab omni injuriâ & oppressione salvis.

Plurimi profecto Principes exitium incurrere, quod ad subditorum injurias conniverent. Insigne Philippus Macedo præbet exemplum, à Pausaniâ trucidatus, cum furdus auribus querelâ de illatâ injuriâ transmississet. Nihil sanè regi gloriam conciliabit majorem, quâ istius officij cura, cum divina ferè sit actio, infirmos adversus potentiores fulcire, & ab injuriâ tutos præstare. Summi Monarchæ non sunt majoris momenti ad humiles, nisi quod justitiam vi armorum exigant: unde ipsis satis magnum accedit commodum, ex insolentiâ dejectâ, & ambitiosis juribus usurpatorum, ne formidinis umbram a pex potentie spargat.

Animadvertendum quidem hoc consilium generatim, sed maxime quoad jura, quæ Galliæ subditi per Italiam acquirere possunt, ut Austriaci à nimia potentiâ, novisque incrementis distineantur. Cumque jam potiores Germaniæ partem teneant, nullum certius æquilibrium quam Italiæ principes fædere compingere, & in provinciis Austriacis, vel per successionem, quod postremi Gallorum reges ausi, vel per firmatos jure aliquo Gallicos principes, recipiendis Gallorum armis, ad Itolorum necessitates, pedem figere.

Neque metuendum, quin Italiæ principibus Gallorum arma, Hispanicis opposita minus placeant, cum Hispanos majori odio, quam metu persequantur, ut gradum eorum coercerent, nullo emolumento, nisi Justitiâ paceque per Italiam servatâ. Equidem assevero, nullam gloriæ & honoris adeoque benevolentie fertilioris messem, ad famam venerationemque apud Exteros indipiscendi.

CAPUT XXVII.

*Reihelij princeps ducit Mariam, Man-
ruæ heredem.*

Cum Rex pertenuem spem diuturnioris vitæ ex San-
Chau-

Chaumontij relatu, de Vincente Mantuæ duce intellexisset, in summis censuit negotijs, matrimonium inter Rethelium & Mariam hæredem quâcunque industrâ conciliare, ut ipsa post Niverniæ ducem parentem, Mantuæ Monferratique successor diceretur. Cardinalis regium institutum exquisitis consilijs fulcit eo fortius, quod Dux Sabaudix, & Mediolanensis gubernator nunciarentur sponte operiri, juribus nihil amplius pressis: Hinc SanChaumontius denuò in Italiam legatû.

Mandata quæ acceperat, geminum onus ferebant: primum, ut litigium inter Sabaudum & Mantuanum terminaret; itaque Augustam Taurinorum petebat, ut flecteret Ducem Ferdinandum, aut aliam quamcunque transigendi iniret rationem, quam postmodum Mantuano laboraret comprobare, modo is intelligeret, concordia imperium stare, quemadmodum per discordiam inimicis sit patefacta ad irruendum fenestra.

Alterum ut adniteretur per summam industriam apud Mantuani animum, quo Rethelij cum Mariâ nepte matrimonium sanciret, eumque post patrem Niverniæ ducem, diceret successorem. In proclivum erat negotium, quod Pontifex palam dixerat, super divortio seî nunquam dispensaturum. Moneret etiam sedulo, Nivernio & Rethelio, quos diligeret, matrimonium quidem ob certam successionem admodum utile; sed ipsimet summè necessarium, ad eludendas Hispani Sabaudique machinationes, quas in ipsius vitam imperiumque contendere possent, cum etiam tunc jura sua propalarent.

Jussus insuper erat, si Vincens Dux fatis concederet ipso præsentem, omnibus cuniculis & argumentis proceres Mantuæ Monferratique perurgere ad tuitionem patriæ libertatis, fide obsequioque Nivernio, naturali adeoque legitimo principi, servatis, quem promulgarent, omnibusque recognoscendum darent secundum provinciæ solennia, Vincentis successorem, exertâ sponsione de regijs auxilijs amplissimis adversus

quosuis turbatores: idem officium apud Pontificem, & alios Italiae principes exhibere, ut ad defensionem causae iustissimae accederent.

Summam mandatorum istanc San Chaumontius secutus, Sabaudum adit, ut litigium cum Mantuano aliquatenus componeret, non dissimulato, rumore, de pacto illius cum Hispano, divisioneque Monferrati. Dux irritator dolebat sortem suam sinistram, qui de rege toties bene meritus, suspicionibus istiusmodi oneraretur: fatebatur tamen: dedecoris nihil trahere, si ex valetudine Vincentis Ducis partem Monferrati debitam commodè prensaret; cum è re Galliae foret, sibi, pra Hispano eam cessisse: & ut maximè transfegerit cum Hispano, regis exemplum valuisse, cui ille classem ad domandam Rupellam submisserit.

Deinde momenta causae litigiosae expediens, monebat, acta inter ipsum & Ferdinandum defunctum, quatenus iura in Monferratum concernerent, repeteret, nullo alio responso, nisi aperto desiderio quinquies decies mille scutorum annuorum ad iurium evaluationem, tum etiam vicies mille ad reuisionem damnorum, ex promissorum fide, de matrimonio inter ipsius neptem, & filium suum Cardinalem instituendo, non exoluta: ut planum faceret enormibus postulatis, sibi causam belli quæri.

Legatus igitur post repetita colloquia nullo maiori operæ pretio facto nihil diutius commoratus, Mantuam reuehitur, quò ipsa fortunæ dextera videbatur deductus, Vincente Duce post quatuor diem satis concedente: Invenerat autem Strigij dexteritate animum Ducis ad vota compositum, ut irritatio ex consiliis, quæ vicini ad invadendum se vivo imperium iniussent promulgatis Ducem Niverniae, unicum & legitimum successorem omnium imperiorum, Ducemque Rethelium filium, legatum amplissimum, qui juxta suum mandatum duceret, antequam ipse decederet, Mariam neptem in uxorem, literis patentibus proderet: illi custodes munimentorum fidem obstringerent, patriam Duci Niverniae cum summa fidelitate servarent.

Cum

Cum autem dispensatione opus esset ad istas nuptias, mittit Dux quantocyus, qui eam à Pontifice impetraret, quam SanChaumontius reversus nondum allatam intelligebat, singulis tamen momentis expectari: prævertit autem Ducis obitum horis pauculis. Ibi Strigius expensis singulis Rethelium Marianique monet, in quo cardine res versarentur, libere addens, eâdem horâ sancendum esse matrimonium, nisi possessione imperij in perpetuum carere mallent. Cum igitur nullus deliberandi relinqueretur locus, matrimonij sacrum ad nonam vespertinam, pridie Natalitij salutaris, adeoque extrema patrant, cum consummatis omnibus animam agere nunciatur Ducem.

Summe id conducebat Nivernio, ne imperio Mantuæ excluderetur. Is ex Galliâ celeribus perfertur in Italiam, Mantuam exeunte Januario ingressus, ubi rebus ex voto dispositis, suscepit imperium, SanChaumontio in Galliâ revertente per Taurinum, ut Sabaudum denuò de transactione, aggrediretur: inanem tamen sumsit operam, nisi quod complures equestris ordinis Delphinates, de consilijs Monferratum invadendi ignaros ex militiâ illius retraheret; quod Dux moleste ferens, Taurino ipsi discedendum mandat.

Politica reminiscencia.

PRUDENTIA, quæ Principes jubet ad casus quosvis turbandæ reipublicæ emeruros advigilare præsentiaque curare, successorem certum desiderat. Eximium Augustus Cæsar præbuit exemplum in imperio, quod successionem hæreditariam nondum agnoscebat: is propinquorum aliquem semper adhibebat rebus agendis, ut Senatorum, militis & populi benevolentiam adeptus, conaretur summum imperij apicem mereri.

In eum finem, quod acutissimo Tacito notatû, Tiberium, postquam natura mare negasset, fata Marcellum, inde Marcum Aprippam, Cajumq; & Lucium ex Agrippinâ

filia natos sustulissent, ad clavum reipublicæ admovit, ut iam successorem agere posset: eundemque Tiberium, filio grandiusculo gaudentem, ad adoptandum Germanicum perpulit, ut successio, inquit historia, pluribus inniteretur fundamentis, Senatui spe recuperandæ reipublicæ ademptâ, inimicorum consilijs elusis.

Sic Adrianus Imperator, exorbitate considerans, vitam suam furori cuiusvis ambitiosi, ad summam rerum contendenti expositam, Antoninum adoptavit, cælege, ut idem, mascula sobole destitutus, geminos legeret successores; quod consultum putaret, referente vitam ipsius Dione, à longo tempore constituendos, quibus imperium transmitteret, ut inimicis aliquid in suam personam tentandi ansa præcideretur.

Infinitis sanè bellis calamitatibusque suos exposuere, prudentiæ istius contentores. Sic Johanna altera, regina Neapolitana, morte inopinatâ decedens antequam successorem dixisset, cum Ludovicus Andegavensis, cui regnum prius condixerat, prior exuisset humana, crudele bellum imprudens traxit, regum, quem minimè optasset, capeffente.

Rarissimè videas, imperium ad alium stipitem familiæ transire sine magnis motibus, ut etiam Extremus propter orbitatem diversis insidijs pateat. Quicumque igitur se ipsum remque publicam eâ calamitate vult liberare, maturè de successione prospiciat, hæredem adsciscat, rebus agendis admoveat, integrâ tamen auctoritate, ne remedium malo pejus quærat, cum

ambitio, adolescentium Principum morbus familiaris, pessima aliquando suggerat consilia, ut imperium rapere malint, quam expectare.

CAPUT XXVIII.

*Rohanus turbat occultè per Languedociam,
dum Subissus frater Rupellanus An-
glorum auxilia pro-
curat.*

Certum fecerat Subissus fratrem Rohanum de Anglorum auxilijs, qui longè ante excensionem in Rerè insulam Languedociam commovebat, sedulus in legendis per oppida Consulibus ex factione Religionariorum, virisque alicujus notæ in partes suas pertrahendis. Excensione factâ, palam agebat, scribendo milite, ad seditionem nonnullis concitatis, alijs invitatis ad arma, immani spe per transmarinorum eluvionem, nec minori metu amittendorum sacrorum, calamitatumq; extremarum.

Hunc panicum terrorem ut spargeret, Manifesto rationes, quas ad exordium anni recensuimus, speciosè fucatas exponit armorum: sic Piratis par, qui falso cursus signo ad scopulos attrahunt imprudentiores in certissimum exitium, suamque prædâ: Expositis enim ad oculos spontè factiosorum pictis rationibus de conservatione bonoq; partiû, rebellionem eos involvebat ad oppidorum eversiones, solo æquatis propugnaculis murisq;.

Ut autem Religionariorum oppida arctius sibi devinceret, Convantum Utsi habet, quo deputatorum pluri mittuntur. Ibi & eloquentiam, & fortitudinem, quibus pollebat, exerens, omni ap. o lubitu persuadet, adeo ut auxilia, per ipsius operam ex Anglia submissa ob justitiam & necessitatem comprobarent, collaudatâ ipsius prudentiâ, studioque, etiâ gratijs actis amplissimis. Fidem dant, de pace nunquam sine Angli consensu ipsiusque adeo emolumento cum rege agendi.

Leguntur seditiosissimi quiq; ad Languedociæ Aquitanæ-

tanicæque oppida commovenda; perurgentur literis Delphinatus atque Vivaretij provinciales, ne causæ communi decssent. Articulatim scribitur jurisjurandi formula ad Unionis sacramentum, quo Consules oppidorum, barones nobilesq; factioni accedentes adstringerentur: Immani Unionis specie, quæ partes à toto divelleret, membra à capite separaret, subditos Principi subduceret.

Robanius igitur, promotis omnibus machinis, ad excensionem Anglorum in Reæ insulam, vim parat, arreptisq; armis exercitum ducit: Sabaudum de promissis auxilijs monet, quæ ob Hispanorum ex agro Mediolanensi metuendum exercitum, quod inferius memorabimus, negantur reflexis etiam in Anglorum expeditionem oculis, ne quid imprudenter periclitaretur: promissis post variam disceptationem quinquagies mille aureorum.

Nemausum, Uxsum, Aletisum, Andusa, Vinianum, Hippolyti, Ambrosij, & Grandamanæ fana, Samensum, Salla & alia minoris momenti oppida, in partes ipsius extemplo transeunt; quorum copijs præter artes prudentiamque adjutus, hoc anno Realmontium, Renclium, Navam Maseriam, Pameriam, Castra, Soryonem, aliaque oppida pet Rhodani ripas & Vivaretium sparsa, subigit, pluribus etiam imminens, nisi Cardinalis per auspicia regis obstitisset.

Nunquam credi dicive poterit, quanto studio, animique fervore sequaces continuerit; quantis curarum molibus fatigaretur; quantas submissiones adierit, ad plebem, consilijs istis necessariam, conciliandam: quot molestias devorârit, quot sermones imprudentissimos furdâ aure transmiserit, quot denique angustijs fuerit constrictus: adeo ut postmodum familiaribus fateretur, quasvis molestias præ populo seditioso coercendo,

ut in ordinem necessarium instituto, ad emolumentum ex rebellione eliciendum, cogatur, levissimas esse.

Politica reminiscencia.

Qui se ducem rebellionis præbet, ingerit se rebus molestissimis, periculoque eminentissimo, unde per successum parū laudatum ad honores vix emergat: cum ipsa victoria opprobrium rebellionis ferat. Equidem secundum istæc extrema, arbitrer, neminem, eo imprudentiæ evasurum, qui curas, angores & pericula intelligat: nam ad demerendos alicujus notæ viros, qui partibus intersunt, anxie laborabit, quod rebellio singulis imperium spondeat; dum mediocres suam operam vane æstiment, ad extrema inde non raro delati.

Certum habeat, maximam partem ex spe privati commodi accedere, quod luculentius in Principis partibus transfugium suadeat, detrimento aliquo metuendo: unde fidem superat studium blandiendi, animique torcular spontaneum ad eos continendos. Cumque rebellionis potiore numerum faciat plebes, nemo unquam molestiarum periculorumque inierit computum. Arenoso enim solo inædificat, qui plebi ad bellum gerendum confidit: vix ostidium eodem insistet consilio, ob motus procellosos, ventosque extremæ inconstantia; pronā ad quamvis armorum sortem mutatione, mente adeo levi infidāque, ut fortuna adversæ usum continuo damnet: sibi prospera bellorum sumit, duci minus secunda imponit; suspicione perpetuā in cultores suos, promptā ad calamitatum, quas bellum trahit, sensum, levitate, quā arma sumat, ponatque: Quæcunque offensa institutum pervertit, ad extrema rapit, nullo penso lecti ducis.

Flandriæ historia eximium suppeditat exemplum in Jacobo Artevellano, cujus summa apud Gandavenses autoritas benevolentiaque nemini ignota. Exigua tamen suspicio de fide violentam ipsi mortem, auribus ad defensionem averfis, attulit. Sic thalassiarcha Chastilionæus, fortissimis sui temporis accensendus, conditionis miserrimæ istius experimento sum-

to,

to, in beatitudinis bonis censuit, liberari; adeo ut mallet ad quosvis fortunæ perfidæ impetus prostare, quam furiosæ plebis arbitrium denuo subire, quod ad singula momenta, instat Protei, mutetur; jactabunda à periculo remota, sed trepida abjectaque ad Principis ingruentia arma, quæ castigationem minitentur.

CAPUT XXIX.

Gallandus ex ordine Senatorum intimorum, mittitur ad firmanda oppida, quæ Rohanius pervertebat.

Cardinalis, qui cujuscunq; momenti res per regnum notitiâ complecteretur, Rohanij exordia scrutatus, regi demonstrat, tempestivè obviandum, si ve armis coercendæ viderentur ipsius copiæ, si ve negotiationibus oppidorum obsequium foret firmandum, ne rebellione irretirentur animi. Ad priorem sententiæ partem requirebatur exercitus, qui provinciales infide contineret; ad alteram, mittendus erat vir prudentiâ & fidelitate spectatus, qui apud factionem Religionariorum plurimum polleret autoritate.

Rex sapientia istius consilij perspectâ, Gallandum ex intimo Senatorum ordine, legit, in quo virtutes illas notabat, specertâ, cum apud Religionarios, quorum facris esset addictus, plurimum fidei habiturum. Mandatis igitur instruitur, cum literis & potestate, quæ ad Languedociâ, Foxij, Lauragesiâ, Vivaretijs & Sevennarum provincias obeundas videbantur requiri; ut obniteretur Rohanij conatibus, ne oppida, Religionarijs prævalentibus, rebellionem conciperent.

Is tanto munere per senium ornatus, nullam temporis jacturam admittit, quantocyus Montalbanum delatus, alterum à Rupellâ factionis caput, quo cæterorum fidelitas trahebatur. Convocatis incolis mentem

regi-

regis exponit, literas à rege exhibet, obsequium firmat. Expendendum dabat per sermonem, in quo nihil caufarum, artisque suasoriae desiderari poterat, officium subditorum erga Principem, juxta calamitates à calcato officio ingruentes; addebat malorum compendium, nisi ad consilia saniora flecterentur; inani spe in promissis Rohanij Anglorumque auxilijs constitutâ, quorum cónatus extremi nihil obstiterint Citadellæ in Reæ Insulâ per suppetias firmandæ, certo ad ampliores indicio.

Quæ omnia motu corporis, animiq; propensionem tenes adeo acutè pupugère, ut scripto protestarentur, sibi in obsequio regis vivere, morique constitutum. Id enim unicè optabatur. Hinc ad alia oppida alicujus nominis, rebellionem nondum infecta transit, adeo felici prudentiâ usus, ut eadem à Briatestâ, Castris, Pameriâ, Puylaurento, Maseriâ, Amandi fano, Cabaredâ, Masarâ, Mosdâsilo, Sarlato, multisque alijs auferret. Obfuit tamen, multos factiosos, Rohanijque sequaces, Castris, Pameriæ inq; alijs oppidis relinquit, ut primis istis consilijs minus inhæserint; Rohanio obsecuti.

Politica reminiscencia.

IN admonitionibus publicis prudentia aliquando æq; valet ac vis; præveniendi tamen sunt cives ad oppida servanda, ut armis positis factiosos ejciant; sumo sane momentorum, ne instar Chameleontis obviam quâq; tincturam imbibant. Aliquando exiguâ operâ in officio continentur, antequam fervorem in corripiat; tunc enim prudentum extremus objecto metu calamitatum, quas bellum invehit; aut extenuatione virium; etiam fiducia tranquillæ libertatis, horum vorsum duxerit.

Concitantur est plebes commodis privatis, quæ omnium rerum mensuram statuit, nullo prorsus censu boni, malivè, nisi ex voluptate, aut molestiâ. Nunquâ suaferim, promissis ipsius eousq; standum, ut arma retineat; quod eodem consilio non inhæreat, quâ vis libertatis imagine animum fasciante: rerum præsentium pertæsa, novas expe-

expetit, quovis rento mobilis, ad tempestatem sponte concitatam differtur: vetita ardentius amplectitur, quam licita: novarum rerum avida, infidelitatem, naturæ ultimum conatum exerit.

Ensem in manu furiosi reliquerit, qui plebi arma per-mittit, ubi metus rebellionis superat. Seditionem tamen vehementius pertimescas, ut procul habeas, ex oppidismo tui subiectis semotos. Primum omnium Medicus agit, ut humores vitiosos, qui febri alimenta præbent, è corpore educat; prima igitur cura sit Ministri, in metu rebellionis, ut eiciat fastidiosos, seditiosos, & ad concitandam plebem propensos. Rigor enim in ipsos locum laudatæ feret pietatis: insolentia etiam verborum, ubi querimonias occipiunt, minus habet periculi, cum nocere desierunt, quam actiones seditiosæ, qui bus ciues traduci possent ad rebellionem.

CAPUT XXX.

Rex, post negotiationes ad Rohanium coercendum inanes, expedit arma.

Negotiatio illa emolumento non carebat suo; sed ad Rohanij conatus invalidior, regem permovit, ut exercitum mitteret, summo imperatore Condæo, cum mandatis & potestate Legati amplissimi per Languedociam, Delphinatum, Aquitaniam, & Lugdunensem provinciam. Jam ante processerant legiones ad primas turbarum suspiciones, quæ tamen potiores ad rebellionem in herbâ opprimendam vires requirebant: hinc Condæus iussus militem scribere, & quantocyus signa explicare.

Is Lugdunum transit ex templo, sed ubi diversa munimenta, longeque dissita, necessario essent consideranda placuit regi, copias in duo agmina dispecere, altero eoque numerosiore ipsius imperio, altero Momorantij, qui Languedociæ præerat, virtuti commissio. Sic Condæus in eunte Decembri Lugduno abit, comitantibus

bus Burgo & Ranyo Campiductoribus, Nangiso, Turnone, Charluso, Estrangæo, Monrealio, aliisque spontaneis ex nobilium ordine. Sequebantur duæ cohortes Carabinorum, & bis mille peditum, quos ad Soyonem collegit, locum in ripâ Rhodani validum, transeuntibus nimis molestum.

Hic armorum exordio sumto, incolas intra bidui spatio in potestatem redigit, postquam propugnatorum maxima pars excessisset. Aubini sanum, non longè à Soyone exiguum oppidum, molestiæ non parum differens per provinciam, vi subigitur, militibus contrucidatis. Hinc ad Aquas mortuas abit, cum Momorantio de summa rerum consulturus: evocantur decem cohortes Magolone ex Normanniæ legione, quæ cum cæteris copijs jubentur caloca obire, ubi Rohanius per opportunitatem situs vim videbatur opponere: sed solus regionum armorum fulgur prædiciarios perculit, ut fugâ dilapsi, vacua relinquerent.

Eodem tempore Gubernatorem Magolonis Fossæum jubebat Corconnam cingere, & Ornanum Aubenates frænare, quod uterq; tantâ virtute & vigilantia præstitit, ut Corconna, propter situs naturam clavis Sevensarum, adeoq; magni momenti, dederetur; in alterum locum nobiles confluerent invitati. Abierat Rohanius in Comitatum Foxij, quem Momorantius ibidem quærebat conficiendum, impediendumve. Consequabantur sese utriusq; ducis copiæ aliquot diebus sine conflictu, donec Momorantius eum ad Castellum Audari fervide asscutus, ad pugnam cogeret.

Signo dato concurritur; Rohanij sinistrum cornu Apajovius incessebat, cohorte Linierij, & Vantadurij satellitio, alijsque copijs succenturiatus; dextrum verò Ambræus & Mireposius, Biulæus, Enossius, Momorantianæ cohortis, & Crocius, satellitum ductores incurfabant, legione Biulæâ in subsidijs excubante. Pedem refert Rohanius post duarum horarum conflictum, centum & amplius gregarijs, quinque satellitibus, septem ductoribus desideratis, plurimis sauciatis. Rebellionem tamen inflat, nihil armorum sinistro eventu territus.

Politica reminiscencia.

VEra religio plurimum commodi adfert propugnatoribus suis: illos iustitia fulcit, quā pro vallo munitis circumdant, hosti obijciunt, Coronæ stabilimentum ponūt, columnam authoritatis struunt, vinculum obedientiæ nectunt. Hæc machina Archimedis artes longè superat, cum ipsum Deum ad opem ferendam de cælo deducat. Hinc divinæ providentiæ placuit, primos iustitiæ confessus sub Palmâ fieri, ut arduarum rerum cupidi, quod Philo autumat, scirent iustitiam certum victoriæ esse pignus.

Nihil igitur metuet princeps, qui ad ejus constitutionem bellum gerit, cum Deum habeat propugnatorem. Nulla adversus Deum valet potentia, qui gloriæ suæ hostes, quotiescunque aliquid audent, evertit, nisi ubi ministerio eorum ad improborum castigationem uti voluit. In antiquo fœdere, audire volebat Deus exercituum, ut scirent populi, sub cuius imperio esset militia, cum victoriam in alterutram partem prolubitu convertat. Hinc bellatores illi famosi adversus ipsum nihil unquam potuere, nisi ut illius potentiam experirentur, suam imbecillitatem manifestarent.

Obvium in historijs, eorum consilia non tantum fuisse vana, sed etiam gradus ad præcipitem ruinam struxisse: Icaro non absimiles, qui cerâ compactum alarum remigium ferens, aves imitabatur, ut cerâ radijs, quos thronus gloriæ spargit, liquecente corruerent, altitudine quasi ad gravio rem lapsum.

Notius est, quam ut relatu egeat, causam religionis veteræ militi summam addere fortitudinem: unde nihil dubium, cum virtutis certissimum victoriæ sit fundamentum eundem insigniter præpollere. Ostendit Machiavellus in nucleatione T. LVII, religionem ad quascunque res arduas adiuturum esse fundamentum juxta & instrumentum, quo Romani usi sint ad constituendam Civitatem, ad instituta persequenda, & ad tumultus seditionesque subinde in republica renascentes compescendos.

Quod

Quod si figmentum falsæ divinitatis, cui populi scelerum vindictam, & virtutum præmia, in suavissimâ tranquillitate per campos Elysios transcribebant, in animis mortalium tam potenter egit, omnia de vera religione, quæ retributiones in Cælo immensas pollicetur, sperare licebit, ubi fides verum animæ impressit characterem. Miles pro sacris pugnans, Principi præstat obsequium, divinitatis imagini; vitæ transitoriae neutiquam parcus, per certam immortalitatis fiduciam.

Si ad Olympiâ descendentes gladiatores cum voluptate cutem lacerari, sanguinem effundi, & ossa confringere ad aspectum Laureæ, exiguo laborum præmio, cernerent; hic noster longe ferventius in pericula præcipitabit, cum minus curet sanguinis vitæque profluvium, quamprimum oculis fidei in Servatorem mundi ad stadij extrema præstolantem conijcit, aut ad cælorum vestibulum, coronas non marcescentes, ex ipsius sinu meditatur, virtutis æternum præmium. Hinc animadversum per secula, Principes prosperrimè agentes, sacrorum plerunque fuisse studiosissimos. Sic Constantinus evasit magnus, per sacra Christianorum, quæ assumserat: hos gradus Pipinus ad thronum regium præstruxit: hinc Carolo Magno imperij decus obtigit, regnumque Hierosolymitanum Godofredo Bulio-

næ; unde Turcarum genti, armis exercendi natæ, nullus, nisi à Christianorum signis metus.



HISTORIA DE MINISTERIO CARDINALIS RICHELII.

LIBER V.

M. DC. XXVIII.

CAPUT I.

*Rupellani mittunt, qui à rege Magnæ
Britanniæ auxilia petant.*

Antiquitas fingit, Pandoram ad Epimetheum refractarium jussu Deorum accessisse, ut paxidem omni genere calamitatum repletam, cui præter spem nihil penitus boni inesset, deferret. Fingentum istud liceat Rohaniæ aptare, quæ, ut animos adderet rebellibus, Rupellam delata, quidvis calamitatum adduxit, adeo ut nulla miseriarum species cogitari posset, quâ incolæ non defungerentur, cum præter spem de Anglorum auxilijs, quâ ad finem usque lætabantur, nihil boni superesset.

Sic animati, regis intelligunt institutum, de extorquendo obsequio: mittunt igitur hoc anni exordio cum lautâ & amplâ potestate ad regem Magnæ Britanniæ, instantissimè rogantes protectionem, ut altero exercitu misso, rex ab obsidione discedere cogeretur. Eâ benevolentia à rege, Duceque Bukinkamo excipiuntur fiduciarij, ut vindictâ ægros, à clade per Reæ insulam acceptâ, intelligeres. Perorant, expenduntur proposita, fit fœdus, quo obligatur rex, ad militem defensionis parem submitendum, ad vitæ militiæque necessaria suppeditanda, permixta etiam collectâ pecuni-

aria

ariâper Angliâ, ut extremis necessitatibus subveniretur.

Obligantur vicissim Rupellani, omnem operam enixè conferre ad prosperum Anglici exercitus successum, quot quantasque possent naves struere ad bellum, nauceros quamplurimos conquirere, & omnis generis annonam in aliquem oppidi locum comportare; exercitum in portum admittere, ubi opus esset; aurem regis sui Principisque oblatis, nisi cum pleno Angli consensu, ad quamcunque transactionem, nunquam præbere, antequam Gallia quicquam in Angliam audeat, partes Angli palam profiteri, pro facultatibus consilia in detrimentum Angliæ concepta, divertere.

Cum Rex Magnæ Britanniæ in rebus arduis non habeat summam auctoritatem, cujus potentia aliquo modo à Parlamenti consultis pendeat; necessum habuit, Processus convocare, qui institutum comprobarent, & sumtus à subditis colligendos permetterent ad istanc expeditionem: Pervicit tamen rancor erga Galliam, & vindictæ studium, ad delendam illam maculam, quam in Rex insula suscepserant, ut in expeditionem consentiretur.

Cum autem plebejus ordo ad sumtus faciendos obligari vellet, recusavit post diversas querelas adversus Bukinkamum, præcipuosque reipublicæ Anglicanæ ministros: unde non parum in parlamento tumultuatum, rege Magnæ Britanniæ adeo offenso, ut importunis supplicationibus cedere coactus, nihil præstiterit, nisi ut responderet, collectis nondum stabilitis, sibi supplicationes ipsorum curæ futuras, quibus ex merito esset satisfacturus. Jubet tamen classem numerosam parari quamprimum, ad Rupellanorum solatium, cui Embyum, Bukinkami sororium præficit.

Id unum spes Rupellanorum contingebat, unde oculis ad omnem reverentiam obsequiumque clausis, jugum fidelitatis excussere ad extrema delati. Dum auctoritate regis sui calcata, patrocini-

um ab hoste professio
Coronæ petunt.

Politica reminiscencia.

ETSI populo nulla nunquam causa legitima, ad fidē erga principem exuendam, patrociniū apud hostem patriæ quæsitū; facile tamen eo descendit, cum nullam, præter hanc, ad effugiendum rebellionis supplicium, fenestram invenit. In Scholis philosophorum constanter assertitur, dato uno absurdo, alia consequi: idem Politicis certum, populo in primum errorem prolapsō, ut nempe arma in Principem corripit, proclivem esse gradum ad extrema, numero criminum indies aucto. Solet ille salutem potius in rebus desperatis per vias insolitas, rationis speciei vacuas, quam prudentiæ & ordinis methodum quærere.

Rerum innovandarum avidissimus, ad violentissima remedia haud difficulter defertur, ubi prima defecere consilia. Libertatis ostentationem, spemque facile sequitur, ad seditiosi cujusque, cujus autoritate ducitur, suggestiones de non integro libertatis usu sub potestate Principis naturalis legitimique, promptissime exit obedientiā, deinceps ad hostem transiturus, nullo ad mutationis in meliorem deterioremve sortem momenta habito penso.

Jam semel rebellis, ad obsequium, nisi lumbifragio, non redit, metu justī supplicij ad quasvis partes, quam ad pænitentiae resipiscētiā propellente. Unde Priscus ille sapientissime agebat, mercenario comparandum, qui operam omnibus promiscuē offerret; proclivis ceterum ad omnia pervertenda, non ad commodum utilitatemve eorum, quos adscivit, sed ut animo satisfaciat sub velo summæ libertatis. Rebelliones quidem ut plurimum clientelas Exterorum in occulto trahunt, ubi auxilia sperent, quibus illi favent, non ex benevolentia, sed ob emolumentum ex divisione quærendum.

Italici historici commemorat exemplum Pisianorum, qui à rege quondam Galliæ, & Ludovico Sfortiā persuasi, Florentinorum obsequium deposuere, exactis præfectis, Negotiatoribus plurimis adscitis, ut qui jam summā
liber-

libertate gauderent. Cum autem exiguarum virium si-
bi co-^{adofum} ~~republicam~~ ^{incidium} tuerentur, auxilijs quæ illis, ex amena-
tione familiari imperijs quibuscunq; non caruere. Sic
Genua militem & apparatus militarem, Lucca pecuni-
am, & Sena ex spe immanis emolumenti, præter pecu-
niam etiam cohortes submittebat.

Neque hoc ultimo gradu stat rebellio populi: nam u-
bi libido non expletur ab Exteris in simplici patrocinio,
mancipabit se potius, quam in potestate principis legi-
timi redeat, ubi animo fedet metus extremi supplicij sub-
jectionisq; rigidioris: tanti est operis, à gustu libertatis
ad jugum obedientiæ cervices reclinare.

CAPUT II.

*Hispanus Fridericum Toletanum ad regem
mittit cum classe.*

DICTUM nobis, regem jam ante de penuriâ navium fu-
disse sollicitû, ad Anglorum classem repulsandam, et-
tiam non recusasse Diegi Mexiani, nomine regis Hispani-
ci oblatam Villa regiæ benevolentiam, de submittendâ
classe. Cum autem Hispani id tantum agerent hoc præstito
officio, ut regem bello professocum Anglis implicarent,
dum ipsi progressus facerent per Germaniam & Italiam,
impense cavebant, ne præsto essent, ubi Angli ex Insula
essent deijciendi. Tandem tamen Fridericus Toleranus,
summus Hispaniæ thalassiarcha, post dilationem satis lon-
gam exeunte Decembri, classem ad portum Morbilianum
Britanniæ Armoriæ admovet.

Iusserat Guisium rex, magnificè eum excipere :
quod eâ curâ factum, ut Toletanus benevolentiam re-
giæ nec satis mirari, nec abunde prædicare posset.
Discedit post aliquot dies, ut classi redditus Insulam
Rex peteret, cum jam ipsius opera nemo egeret :
classem tamen regi offert, redditus utrinque nimis civi-
litis testimonijs. Rex tamen missis, qui eum inviserent,
didi-

didicit classē annonā & milite adeo parçē instructam, ^{præter ita} ut indicarent, non multum voluntatis strenuæ ad propugnandum illi esse: Hispanumque ægerrimè laturum fuisse, si ipse ad subigendam Rupellam, quæ incendio bellorum spargendo ad occupandas, quotiescunque ipsi luberet non magnam pecuniam disperdere, Galliæ vires, conferret operam.

Planissimum tamen id fecit, petitâ post pauculos dies copiâ in Hispaniam redeundi, cum persuadere conaretur, inutilem suam videri operam. Rex ad inopinatū hoc petītum potuisset hæsitare, postquam ille ex Hispaniâ operosè digressus, discessum promè urgebat, nisi ante cognovisset, majori consilio ad bellum inflammandum, quam gerendum advenisse. Quemadmodum vero rex sciebat, Exterorum auxilijs non nisi ad incitas utendum, summos etiam Principes ei necessitati expositos, eo facilius in discessum consensit, quod Cardinalis asseverasset, magnū navium numerum jam tum ad Rupellam confluerē: ille igitur vento secundo, ad finem Januarij reditum cepit.

Politica reminiscētia.

Inter sint aliquando bellorum casus, ut Exterorum omnino sit utendum auxilijs, cui penuriæ summi etiam Principes subjacent, ubi forte inopinato opprimuntur, ut propriæ vires ad hostem repulsandum minimè sufficere possint. Nihil tamen dubium, prudētissimè ijs careri, si possit, ne alienis auxilijs innixus, illi Principi aliquatenus obligetur, cum neque virtute, neque fidelitate ad audendum subditis æquipolent. Miles enim foraneus potius lucrum, commodumque privatum, quam favorem ejus, cui militat, pugnando querit: adeo ut si alibi, etiam apud adversarium majus emolumentum speret, nullâ difficultate transeat.

Id Celtiberi olim compertum dedere, qui à Romanis pri-

primum subornati, Carthaginenses deseruere; & ab Carthaginensibus pelli, à Romanis recessere. Idem in Helvetijs animadversum non unâ vice, qui stipendia quæque secuti, tempore Ludovici XI. eo proterviæ evaserant, in casu necessitatis, ubi præsentî carebant stipendio, quod pactum fuerat, ut de ipso proceribusque aulae comprehendendis deliberarent, donec integrè esset satisfactum. Hinc rex è manibus illorum per industriam sese subducere necessum habuit. Præfectus tamen Diviodunensis, cum aliquot ducibus, violentiam illorum non evasere, quos manibus injectis eoque vanis ad omnia conatibus detinuere, donec omne quod debebatur stipendium exolueretur.

Subditi vero, qui Principem eâ fidelitate complectuntur, quam Coronæ debent, in obsequio perstant, tametsi stipendia momento temporis constituto minus præcisè numerentur. Certum etiam, eos pro fortunâ proprijs depugnantes, gloriâ etiam propriâ stimulari, adeoque longè ferventiore animo, quam Exteri in occasionibus quibuscunque versari. Hinc Principes, Resque publicæ, ad eximiam victoriâ aspirantes, in subditis summam potentia constitutere. Sic Turcarum Tyrannus suis tantum utitur in bellicis expeditionibus, unde nullum unquam imperium tam angusto temporis spatio, post Alexandrum magnum, tantos fecit progressus.

Equidem arbitror exercitum, qui è subditis legatur, vires naturales referre, quæ sanè præ arte, quam Medicus ad eas reficiendas firmandasque adhibet, longissimè pollent: neque aliter Principem eum accomparaverim, quam ægioto, quem vires naturales destituerint, ut adscititias quærere necessum habeat, stomacho fovendo, cum aromata, & id genus alia, sanguine adusto vitam consumant, salute evanescente; siquidem Exteri, quorum auxilijs niti vult, exitij ipsi causam afferre possunt, quod alibi ex actionibus diversis nobis est actitatum.

CAPUT III.

Spinola cum filio, & Leganesio apparatus obsidionis Rupellana contemplatur.

QUO die Toletanus reditum sumsit, Marchio Spinola, è Belgio digressus, per Lutetiam Parisiorum, (ubi reginæ eximium ipsi habuere honorem) in castra, Estræana ad Rupellam venit cum filio, generoque Leganesio, qui legati extra ordinem Hispanici munus obibat. Schombergius per leucam obviam prodit, rege iubente, quemadmodum etiam ingressum, eximiâ pompâ invisendum voluit: audivit etiam cum omnibus benevolentiae testimonijs, quæ tantum regem decerent, duci tam famoso convenirent.

Inter cætera admiscebat rex, sese eo locorum processisse, contra Medicorum sententiam, quod à morbo nondum penitissimè convaluisset; coactum tamen, ut Anglos è regni terminis depelleret, quibus juxta adventum suum diuturna non fuerit facta potestas commorandi. Rescivisse postmodum, Rupellanos, qui subditorum censu gauderent, non parum ad illam invasionem contribuissè; Hinc statim apud se, castigationem inferre lascivientibus, & obsidionem circumdare, secutum eam methodum, quâ ille ad subigendam Breddam effectus. Exinde invitabat ad operas spectandas, quantumvis ob temporis angustiam malè perfectas.

Spinola regem pleno ore collaudabat in omnibus, maxime vero quod Anglos ex Ræ insulâ esset amolitus egregiâ victoriâ. Addebat, illius præsentî Nobilium virtutem evadere invictam, cum nihil majorem gloriam conferat viro alicujus notæ, quam sub oculis Principis dimicare. Sibi nihil molestius unquam accidisse, quam quod regem suum rerum gestarum nunquam habuerit testem præsentem, quo beneficio semel imperato, cumulos honores cum morte lubenter esset commutaturus.

Istis

Istis aulae officijs defunctus, ad operas & aggerem abit, cum stupore institutum admiratus, in fit clarâ voce, Canali occluso, & sumtu ad continendum exercitum prompto, deditioem oppidi extra ullum dubium tandem secuturam. Cumque sciret, quo gradu regiae benevolentiae staret Cardinalis, cuius consilij oblidio processisset, ubi ex admirando instituto prudentiam colligebat eximiam, invisere eum, juxta morem excellentissimum aulae constituit.

Cardinalis omnia cum sanore reddebat, sermone longius protracto, ad amicitiam singularem, quam reverentia filiali, paternaque veneratione sancire placuit: hinc in Pedemontio partium adversarum duces, bellum non minus benevolè, quam generosè gerebant, certo experimento, humanitatis officia, nullo Principum intertrimento, etiam inter hostes constare, si luceat.

Politica reminiscencia.

Non parum conducit ad Principis gloriam benevolentia Exteris, maxime vel per natales, vel per res gestas eximijs, ubi peregrè ad Aulam accedunt, testata. Id enim debet, gloriae ultra regni limites extendendae cupidus, ut apud vicinos laudati Principis ferat nomen. Quicquid honoris infert, per repercussionem gloriae in ipsum redundat, dum eos favore benevolentiae obligat ad laudes suas decantandas.

Romani, licet alioqui Exterorum contemptum praeferebant, Barbarorum censu quosvis alios habentes, ex statuto tamen quodam tenebantur, eos summis honoribus, si qui Romam accederent, excipere. Et ut modum aliquem rei definiam, primum dixerò, Principis esse, omnem ipsis benevolentiam testari: cum istae virtus fascini instar animos tam potenter captivet, ut non raro, quod Ludovicus XI. agebat, acerrimos inimicos ad amicitiam ineundam deduxerit: id quod ipse erga Exteros, ad aulam veni-

entes enixè præstabat. Accedit etiam, eandem benevolentiam certissimum haberi fortitudinis signum, quemadmodum rusticitas & barbaries abjectum animum produunt.

Comitem habeat magnificentiam, ut majoris fiat, cum gestus verbaque levissimè transeant, nisi aliud accedat pondus. Ista autem consistit ante omnia in convivu splendido; qui non minus, quam ipse Genius, benevolentiam testari solet. Paulo Æmilio solitum, hospites accuratè lauteque habere, de causâ rogatus aliquando respondisse fertur, eandem prudentiam adornando convivio, & exereitui in aciem disponendo requiri, ut hosti æquè terror hospiti gaudium concilietur. Denique & hospites ex virtutum splendore etiam munera spargere tenentur.

Exiguus, quem Princeps hîc fecerit sumtus, famam apud Exteros auget, quod hospites ea muneraper familiâ, tanquam testimonia honorum, quos meruerint, & signa magnificentiæ amicorum oculis frequentius expolita, cura singulari recordant: unde censuerim, in alijs sumtibus potius modum fieri, ne hîc aliquid desit. Hinc Agésilao promtum, pulcherrimum illustriissimumque regis decus in eo consistere, ut plurimis beneficiat. Corinthiorum legati, repudiatis, quæ Dionysius Syracusanorum tyrannus offerebat muneribus, responsum ab offensâ non alienum tulere. Hoc illorum instituto adimi sibi facultatem gloriæ augendæ, cæteris regibus solitâ. Quicumq; enim liberalitatem coercet, neque à suis cordatè colitur, neque ab Exteris honorificè laudatur.

CAPUT IV.

Rohanius spem in Languedociâ progrediendi amittit.

CUM Rohanius didicisset, quantas operas re ad obsidendam Rupellam strueret, rebellionem per Langued-

guedociam promovet, ut omnium virium molimine regem ab instituto retraheret. Sinister tamen successus ad Magolonem, per ~~magolonem~~ ^{exordium} intercipiendum, cum molestissimè inter cætera mulctarat. Jusserrat enim Bretinnium, necessarium suum, ut in eam urbem sese conferret, tanquam liti in Curiâ subsidiorum vacaturus, si fortè occasio Citadellæ corripientiæ sese præberet.

Bretinnius igitur Millæum, Centurionum primum legionis Normannicæ, suum facere, ex familiaritate pri-scâ, conatur, ut Rohanio introitus patefieret. Ille assensum, mentemq; obsequentem simulat, tantum ut Fossæum faceret negotij certiores, qui casum lubens secutus, rogabat, ne tempus rebus suis commodum transmitteret inaniter. Sic igitur ad quævis zeli fideique condescenditur testimonia; jam Rohanij methodus de negotij executione adeo clarè demonstratur, ut Millæus intima sciret, summam fidem apud Rohanium adeptus.

Is spe falsâ imbutus, copias ineunte hoc anno ad Magolonem admovet, Corconnæ obsidione sparsâ, ut noctis horâ tertiâ ducentis tantum passibus à Magolone distaret, executioni intentus, Ibi Fossæus, de momentis omnibus certior, ad excipiendum cum singula promeritis disposuerat: Citadellâ ita firmatâ, ut periculo cerneret, delectu militum secundum portam, quâ ingrediendum erat, occultato; jussu etiam familiari qui funem rastroi secaret, ut ingressi eo claustro objecto coercerentur, & salutis expertes, temeritatè interneccione lucrent.

Mittit interea temporis Rohanius Centurionem, qui cum Millæo ageret, loci opportunitatem inspiceret, & momenta agendi sumeret. Ille per urbem & Citadellam deducit, sed insidias declinat, unde Centurio æquo animo ad Rohanium redit, ut quæ vidisset, constituissetque exponeret. Procedunt igitur copię usque ad circuitum fossarum, Bretinnio duce, Millæo portas recludente. Introeunt quinquaginta viri præstantes, Aubæus alios quinquaginta trahens, impingit in insidias. Cum autem funis rastroi tempestivius quam jussum erat, secaretur, Fossæus ægerrimè tulit, cæteras Ducis copias, quæ quatuor millia conficiebant, ab exitio exclu-

exclusas, salutem invenisse.

Ingressi ut temeritatis ferrent supplicium, ab iis, qui latebant in insidiis, & circumdantibus occurrunt. Inventi triginta novem duces & eximij: unde Spinola, qui apud regem erat, cum hæc nunciarentur, dixit, eam cladem plus damni trahere, quam si bis mille gregarios in prælio perdidisset Rohanius. Accessit etiam alius tumultus, ex tormentis, quæ Fossæus ictibus incertis in cæteras copias explodebat, ut postridie solum multo sanguine maderet, cladis auctæ indicio. Sic Rohanius militem lacerrum properanter retrahit, cadaveribus etiam asportatis.

Politica reminiscencia.

Natura, cum cuivis animali arma ad defensionem sui, aptasset, homini eximie favit. Dedit enim prudentiam, totius industriæ opificem, ut ad omnia quæ ingruerent pericula salvus esse possit, cum id genus armorum omne robur superet. Artium subtilissima est dissimulationis impostura, adversus hostem professum strategemate strategema eludente. In eo genere collocat Xenophon collusionem simulatam, quæ sæpissimè summum tulerit emolumentum, cum ea simulatio prudenter instituta, parem cum vi effectum sortiatur.

Dicam, etiam majori aliquatenus gloriæ duci, cum ducis gloria in eo maximè constituatur, ut hostis institutum figmento aliquo, aut quacunque arte frangat. sive cuniculis extractis, sive machinis in propriam perniciem retortis. Honori eximio ducitur, vim aggressoris retudisse, oppido per virtutem servato; præstat tamen idem prudentiæ committere, quæ à profluvio sanguinis & vitæ præsidarios tueretur. Hinc apud Spartanos longè plurimi fiebat victoria per industriam parta, quam quæ connixâ vi obtigisset.

Neque dubitandum, quin æquam justitiæ & utilitatis ratio.

rationem ferat, quicumque hostem professum quibus-
cunque modis circumvenit, solâ jurisjurandi religio-
ne sepositâ, pactis ve inter duces ratis: cum cæterum
imposturæ nullam infidelitatis maculam trahant, quo-
vis artificio ad prodendam credulitatem permissio. Ita
de Gallorum instituto, qui obsidionem Gisonnæ ad fa-
num Severini, adversus Ferdinandi exercitum sustine-
bant, judicatum: ubi Arragonij obsidionis incommo-
dis defatigati, ad artes confugerant, persuasis quibus-
dam Gallis, ut munimentum proditum traderent: illi
autem ad corruptiones obfirmati, cum generosi animi
à tam turpi facinore abhorrerent, proposita in suum
commodum verterent. Dissimulant igitur mentem,
instituto visi assentiri, adeo ut horam executioni con-
dicerent, dum gubernatorem de singulis edocent: qui
cohortibus aliquot per insidias dispositis circa portam,
introitui destinatam, septingentos milites in foro con-
ciddit, cæteris mancipatis, omnique Ferdinandi exercitu
per hanc cladem turbato.

CAPUT V.

*Rex ab obsidione Rupellanâ ad Parisios recurrit,
ut factiones per Picardiam, Champaniam
& Briam à Religionarijs excitatas
coerceret.*

Cardinalis, cujus acies mentis etiam transmarina
percepit, cogitata consiliaque Principum vicino-
rum scrutatur, regi in memoriam revocabat, quanta
Rupellanis in Angliâ essent promissa: præsentiam qui-
dem ipsius in castris admodum necessariam, ut militi ad
Anglorum excensionem animum adderet, operasque
obsidionis promoveret, cum singuli sub oculis ejus la-
boribus certarent; absentiam tamen Religionarijs Lutetiæ
& per vicinas provincias libertatem conventiculorû, ad-
tur-

turbandam tranquillitatem publicam, rebellionesque concitandas indulgere. Relatum enim erat, coitiones fieri per Picardiam, Champaniam & Briam, quas potentiores factionis foverent frequentissimis visitationibus, sub velo civilitatis, matrimoniorum conciliandorum, æmulationum, & fictarum litium.

Compertum etiam, munitiorem aliquem locum destinari, quem corripere: adeo ut rex ad Parisios invisere necessum haberet, dissipandis per auctoritatem factionibus. Missa tamen, ne quid temporis vacui præteriret, ad rebellium institutum, reginæ matri potestas, Susanum & Russium in Bastiliam compingendi: illa igitur Susanum per eximium in vestibulo conclavis, Russium per Elbævium attinet.

Obsidio tamen, rege discedente, requirebat virum, perficiendis operis; adeoque aggere producendo parem, cujus auctoritate miles in officio contineretur, dissipatione coercitâ, quam regis discessus toties traxisset. Magni etiam referebat, ut ille, cuicumq; summa rerum committeretur, inconcussa stare fide, ad cavendum infortunium, quo Carolus IX. hanc eandem urbem obsidens, laboraverat, cum sumtu immuni, nihil fieret, per indelitatem primariorum ducum.

Quemadmodum vero vix inveniantur, qui triade istâc virtutum ornentur, facile intelligebat rex, unum Cardinalem fore, cujus prudentiæ obsidionem absens securè committeret, cum res tam ardua fidem ipsius incomparabilem respiceret. Rex super negotio cū eo confert; cumq; non ignoraret, absentiam aulæ plerumque damnosam esse summis ministris, intimisq; regum, ex invidiâ opportuno tempore, onus tamen libentissime subitu, non solum ut omnem industriam ad secundum obsidionis successum excuteret, sed etiam ut sanguinem vitamque ad gloriam regis prostitueret. Illi ergo rex summam rerum committit, expedita potestate in exercitum per absentiam regis, adeo ut illius auctoritati etiam Ducem Enculismensem, Marschalcos Bossompetrium & Schombergium, Campiductores, tormentorum magistrum, omnesque cæteros præfectos submitteret.

Præ-

Præterite hic non possum silentio ægritudinem summam, quam rex separandus ab eo periter Parisiense testabatur, nam omnium votis susceptis, equum ex turba seorsum concitat, ut cum viro magnæ authoritatis, qui mandata in Italiam abiturus expectabat, colloqueretur: ejus humero diutiusculè innixus silentium tenebat, donec tandem in hæc verba erumperet: cor mihi ad eò palpitat, ut loqui nequeam ex ægritudine relinquendi Cardinalem, & metuo nequid sinistri ipsi eveniat; refer ei meis verbis, parcat personæ suæ, nec periculis quod solet quotidie, sese exponat continuo, ut credam, quod ille desiderat, me ipsi amari: consideret, quo loco res meæ forent, si mihi periret. Novi, quot viri graves intercesserint, ne tantum munus susciperet, sed officium hoc tanti facio, ut nulla unquam dies sit deletura.

Istæc verba numerum vinculorum ad testimonia regis propensionis exigebant. Sic gloria, cui indefinenter invigilabat, tantisque successibus Coronæ aptabat, in obeundis regiis mandatis, adversariam animo potentem constituebat.

Politica reminiscencia.

Magno honori cedit Ministro amor principis, non tantum ob commodum privatum, quod ex benevolentia ipsius fluit, sed etiam ob emolumentum reipublicæ, quam gubernat, ubi nihil amatus, authoritate caret, sine qua vix poterit quicquam expedire, quod conducatur. In hoc igitur incumbet impense, nec ut obtineat, privata alienaue cujuscunque commoda, ad Principis animum demulcendum, curabit.

Alcomidas Græcus, Minister Philippi regis, ab amico quodam monitus, Athenienses cum Thebanis mortem ejus unacè desiderare, quod eos acerrimè compunxisset, sese quidem dolere, respondit, odium tamen illorum nihili facere, modò benevolentiâ Philippi prorsus uteretur. Ad istud exemplar Minister sibi gaudeat, cum Ministerium Principi comprobati videt: nam qui-

cun-

cunque eam operam sumit, ut Principi, proceribusque reipublicæ complacere, negotium suscipit nunquam feliciter finiendum.

Ut autem benevolentiam Principis in summò gradu possideat, nunquam suaserim plenam in fortunæ favorem fiduciam, Platonis sententiæ innixus, qui in libris de Republica ait regem regnare, servum amari, vincere pugnando, trina esse negotia, nulla cura acquirenda, cum fortunæ arbitrio penitus subjaceant, ut quibuscunque placuerit, ea distribuat. Neque tamen illi accedo, cum arbitrer, Ministro qui insignem gratiam captat, annitendum, ut quamcunque fidem omnibus virtutibus, quæ gratum facere possint, firmet.

Prudentissimè monet Philosophia, ut desiderata prodeant effecta, applicandas causas subjectis ad agendum. Unde virtutes quæ hominem absoluunt veras causas amoris dixerim, si in rebus agendis eorum usum demonstrat Principi, adeoque inter eas, quæ ab omnibus intelliguntur excitare amorem suis influentijs primum locum tribuerim fidelitati. Nam Prisco cuidam animadversum, virtutibus occultam inesse vim animis conciliandis, & voluntatibus fascinandis; ut subditi, regi maximè necessarij, tanto impensius amentur, quod nihil ferè præ illius commodo ament, unde & neminem perfectius ille amat, quam quibus opus habet ad auctoritatem suam, rei que publicæ rectam administrationem tuendam.

Certum enim, necessitate quidvis æstimari, nullo reliquarum virtutum penso: quemadmodum arboris ramus nullius pretij, necessarius tamen evadit illi, quisine eâ ope mergeretur: quæ inde æstimat & apprehendit præmundi pretiosissimis. Minister tamen, licet Principis rebus summè necessarius, nunquam, ut tenerimè ametur, importunus fuerit, ad creberrimum occursum, aut frequentia postulata, quæ gratiam exhauriât. Nimia enim familiaritas virtutibus adjiceret contemptum, cujuscunque forent gradus; sic æstimum officiorum per nimis crebra postulata minueretur.

Hinc Lucullus, à Senecâ intimorum principe, aliquando quærebat, quo instituto Siciliam gubernaret,
ad

ad Neronis insinuaret amicitiam: cui ille respondit, cum plerumque Principi gratum, qui nultum inserviat, parum loquatur. Certissima interim regula, non frequenter invisere, nec linguam nisi ex emolumento Reipublicæ loqui: ubi reverentiam impensè insuper colat, verbis non impingentibus: sed spinosis rebus obortis, alios ad offensionem protrudat. Magnatum enim animus abhorret, à tristi nuntio, litigio & fastu, quòd authoritati aliquid inde decedat.

Hinc non parum stabiliet favorem, fortitudine per occasiones exercitâ, ut institutum generose per eximias virtutes comprobet. Principes enim per naturam amant viros fortes, cum videantur vitam & authoritatem fulcire; ad eò ut etiam turbulentissimi sese de illustrium virorum ministerio jactent. Quod Phalaris tyrannus ostendit, ad æmulum perscribens, Fateor te virum esse probum; neque tu diffiteberis, omnes tuos domesticos esse improbos: quòd si vicissim in me aliquid vitii deprehendas, attamen viris sapientibus, doctis & virtute præditis abundare me vides.

Istæ sunt primariæ favoris in Ministrum causæ; quibus hoc unum addam, cum nullæ sint virtutes, quantumcunque laudatæ, quas malevolorum invidia apud Principem non suggillet, non parvam depromet curam, ut eos removeat, idque agat ex majori libertate, quam justitia ad supplicia eorum permittit, qui officia in Rempublicam per ingritudinem calcant.

CAPUT VI

Cardinalis exercitui præest, absente Rege.

Prudentia Principis non minus apparet in præfectis, quibus partes autoritatis inferiores committit, legendis, quam in consiliis disponendis. Et ut singulare commemorem, dicam, regem non minus gloriæ acquisivisse, cum obsidionis imperium Cardinali deferret, quam ubi omnia præsens disponebat. Docuit enim res ipsa, quàm prudenter judicavit de Cardinalis genio, cui omnia subiceret.

Is enim singulis diebus militem præsens stimulabat, stipendio per singulas septimanas exactè numerato, distributis vestibus adversus algores: sæpius de die ad primarios duces invisebat, ut mandata necessaria daret, animum, adderet verbis fortibus blandisque, adeò ut agrestiores ad id fascinum flecterentur inviti; unde brevi tempore operæ terrâ marique per summam diligentiam processere, ut reversus rex primas inveniret perfectas, ceteræ admirationi apud omnes essent, ferè octavi per Mûndum miraculi censu.

Miles ex natura ad prædam proclivis, adeò modestè vivebat, ut mentem videretur prædandi exuisse, paganis sine metu annonam in castra deferentibus, quâ œconomia sustinendæ venditâ argentum corraderent: institutoribus apothecas ad securitatem urbanam prostitutebant. Execrationes & libidines jam crimina censebantur; Monachis, quos Rex magno numero juxta diversa instituta convocarat, tanto favore gaudebant, ut quævis pietatis exercitia militariis viris, ac si in Basilicis cœnobiisve conversarentur, grata redderent.

Hinc Rerum bellicarum peritissimi non satis mirabantur magni istius ducis prudentiam, qui facillimè persuasisset omnibus vitæ antea actæ ignavis, se armis innutritum, imperioque assuetum à teneris, qui castra pacatius, quam alii oppida, gubernaret. Quidam ambitioni quorundam Magnatum, qui sub ipsius imperio remanserant, palpum obtrudebant, quasi dignitati ipsorum minus benè conveniret, subijci viro Ecclesiastico, cum ipsis munera auctoritatem in exercitum per Regis absentiam conferrent. Sed miracula fortitudinis & prudentiæ paulò post persuasere quantum errorem, si obloquerentur, errare potuissent; cumque institutum regis tam prospere succederet, non licebat salvâ iustitia, iudicium regis in legendo insigni hoc Genio ad imperii habenas, suggillare, nemine non fatente,

nullum omnino inveniendum fuisse, qui præstaret connixè, quod hic singulis diebus, labore penè nullo efficeret.

Politica Reminiscencia.

Disciplinā militaris eē majoris est momenti, ad opertos successus armorum, quod vitari nequeat cōfuso in rebus arduis, ubi illa minus accuratē servatur. Vegetius istarum rerum prudentissimus, docet, Romanos non alia ratione, quā perpetuo exercitio armorum, & castris rectē compositis orbem terrarum sibi subjecisse. Sic munimenti firmitas potius in forma, quā in materia consistit propugnaculorum; & nemo dubitabit, vires exercitus non tam numero, quā ordine militari benē servato pollere: quemadmodum corpus, nervis laxis, qui ad motum valent, corrui, sic exiguo temporis spatio exercitus, nisi per disciplinam contineatur, perit; quā si seruet, ad miraculum procedit.

Alexander interrogatus, quā ratione magnā orbis partem imperio subjecisset, non longis expeditionibus, causam disciplinæ militari attribuit, adeoque eloquentiæ, quā militi animum addere solet, professus, sibi præter istas geminas causas nihil potentius, ad res arduas suscepto bello consueciendas compertum esse. Sic Domitius Corbulo exercitum Romanum gravis armaturæ, in quo decies mille numerabantur, præter exiguas fœderatorum suppetias, per rationem optimæ disciplinæ, quam stabilierat, Parthorum immani multitudini opposuit.

Prima ipsi cura erat, teste Tacito, ne quis miles signa aut castra desereret, cavere; quod tanti est momenti, ut exiguo tempore memorentur, copiosissimi exercitus ad nihilum relapsi, ubi indiligens cura desertionem non prævenit, siue omnia necessaria suppeditentur, siue supplicia severa à castris sine venia ducum dilapsis irrogentur. Altera cura coerebat ferocientes, ne sine imperio in hostem irent: res superiori ad momenta victoriæ non inferior, quod cohortes sine imperatoris jussu in hostem proruentes, facillimè vincantur, ob inficiam negotiorum, & pugnam tumultuariam, quam cient.

Germani pedites, qui in Italiam ad Ferdinandum Neapolitanum contendebant, exemplo fuerint, cū sub primum adventum, extremo jactandi vires deside-

tio irritari ad egregium facinus patrandum, despecto Fabricii Columnæ præfecti oppidani imperio, ex Trojâ prorumperent, ut Ferdinando conjungerentur, hostemque obvium, qui transitum coercerebat, dimoverent: ut i Monpensierius, de instituto eorum certior, in eos impegit per angustias, ut fugæ nullus patebat locus, neque armorum expeditus usus, ut interneccione sint deleti. Tertiâ addebat curam, ut omnes functiones, excubiæ, vigiliæ, operæque interdum æquæ ac de nocte per armatos obirentur, duobus gregariis ad extremum supplicium raptis, quod alterum inermem vallum invenisset molientem, alterum cum solò pugione incedentem. Sic enim exercitus nunquam opprimitur ab hoste, qui aliquid in castra ausus, ab armatis repulsatur.

Tria hæc militiæ capita Avidius Cassius tanti faciebat, ut crederet, negligentioribus supplicium irrogandum: sic cruribus & lacertis mutilabat, qui sine Imperatoris veniâ dilaberentur, quod vivorum exempla misera vehementius ferrent animos, quàm breve mortis supplicium. Unde ipse, cum aliquando manipulus gregariorum, ob negligentes Sarmatarum excubias, prorupisset, & cæderet in se hostium triumpharet, temeritatis castigandæ gratiâ, duces in furem egit, eâ additâ ratione facti, quod hostes insidias disponere potuissent, præter suorum notitiam, qui decus Romani Imperii temerè prostituissent. Neq; minori severitate puniebat, si quis ex campestri hospitio quicquam abstulisset: ubi Aurelianus Imperator se adeo severum præbuit, ut ad Tribunum scriberet, si vitam salvam optaret, militis manum coerceret, prædam ex hostico potius, quàm lacrymis provincialium quæreret.

Addiderim ego quartam curam, ut miles diligenter operibus struendis occupetur, cum militaria exercitia geminum usum trahant, otio scilicet cavendo, & scientiam dies perficiendâ. Quod si aliquid temporis restet, negotio cuivis impendatur, cum fieri non possit, quin operam vacui, aut dilabantur, aut ad aliena, adeoque perniciosior convertantur. Quâ mente Marcus Amilius copias Placentiâ ducit, triminum eas adhabuit, Juliusque Verer suas

suas exercuit in latâ fossâ, quâ Sarnam & Molessam confunderet, ducendâ.

C A P U T VII.

Cardinalis crepitaculum intentat Rupellâ.

Absente Rege Cardinalis, cui summum desiderium negotii cōficiendi, ne Rex necessum haberet, ad obsidionis diuturnum tedium redire, etiam animo federet, quantum pondus summæ rei accederet, si Anglorum reditus præverteretur, mente insuper generosâ tantam temporis iacturam ægerrimè ferente, meditatur quomodo in Rupellam aliquid auderet. Occurrit, portarum aliquam crepitaculo disjici posse, quâ fenestrâ copiæ irruerent, ad occupandum oppidum: re cum Schombergio disputatâ, institutum per momenta dirigit silentio altissimo, ut jam felix eventus sperari potuisset, nisi Mariliacus Campiductor in statione Enculismensis, occasione decessisset.

Cardinalis in suum hospitium contraxerat, nemine quicquam advertente, omnia ad negotium nam necessaria: mandata ergò singula ad executionem depromit, ad noctem destinatam copias Peranium convenire jubet, quo Schombergius subsidia mittit, pontes scalasque ad fossas, vallumque superandum desert: Rotelinus tormentorum magister, crepitacula, orbis ignivomos & alia Vulcani machinamententa subvehit; accedit Cardinalis, noctem transigit ad sclopeti ictum ab oppido, ut fortitudinem ostenderet ad principia, & conflictum institueret.

Ad sacellum, ut precibus vacaret, non secedit, quod Cardinali Ximeni placuit per oppugnationem Orani, sed imperatorio more militem exemplo potius, quàm verbis ad audendum urget: unde omnibus palam fecit, perinde illi militis & ducis munus, ubi necessitas dimicandi ingruat, ac Cardinalis in Ecclesia aut in Senatu vices; crederet fanè exercitus, rege in aciem descendente, ea virtutis specimina editurum, quæ historiæ excusationem professorum sacram, sicut apud illum Hispaniæ ministerium, adimeret.

Mariliacus tamen, qui iussus erat, maiorem copiarum partem adducere, destituit Imperatoris fortitudinem, locum tempusq; negligit, virtute operaq; egregia sine pretio exerta. Universa nocte quæsitum nemo invenit, sub diluculo tamen adest, majori excusationis, quam fortitudinis mole, operosè conatus per diversos prætextus vituperio merito exire, ad quæ Cardinalis, ex Regine matris reverentia, cuius benevolentia ille possidebat, acquievit, non sine ægritudine animi summa, cum tempus suaderet regressum, ne per diluculum instituto propalato, Rupellani regios aliquo damno mulctarent.

Politica Reminiscencia.

Abjectus animus bonis successibus adversatur, adeo ut periculosas occasiones fugiat apprimè, aut ignominia metu protractus, nullum faciat operæ pretium: diversa ratio fortunæ, quæ virtutem amat, generosis favet, instituto ipsorum plerumque promotio. Magna trepidatio fortitur magna pericula, uti generosus animus prosperos successus, cum Sallustio annotante, audacia vallum præstet pugnantis, & omnia cedant audentibus, nihil non metuculosus resistat.

Id demum est partem victoriæ amittere, ubi pericula metuas: rationem ejus aliam non adinvenerim, quam præcipitia in plano fingi, inhibendo gradui: ubi semper deliberatur; nullâ operi admotâ manu, obstacula quæcunque impensè declinantur, quæ exuperanda essent. Hinc ad pugnam compulsus, adeo frigidè audet, ut hosti omnia permittat, cum metus omnem virtutem videatur surripuisse. Sed periculi imago stimulat generosas mentes; ut ad vim repulsandam connitantur, viasque ad difficultates obvias vincendas rimentur; ignavia autem ita constringit, ut veluti statuaë motus præpediatur, ad agendum inceptæ.

Eum Cervæ metuculosæ conferas, quæ foetum, quantum potest, ex metu majorum dolorum, quos nifus pariendi habet, comites, retentat, donec summo metu, tormentisque uteri consternata, eundem effundat, quod ajunt. Dixerim ferè, ab Elephante, qui foetum per decennium fert utero,

terro, parum differre, aut Palmæ exprimere fecunditatem feram, quæ Naturæ scrutatoribus dicitur à centesimo anno fructum primum protrudere. Sic enim metus periculorum ignavis occasiones dimicandi dissuadet, pronâ fugâ; ubi verò negotiorum dispositio exemptionem non permittit, adeò frigide feruntur in hostem, ut solius mortis terror armorum usum extorqueat.

Ignavus tamen ambitione inflatus non præterierit, quin ex nobis audiat Oliverii primicerii acroama: is enim dicere solebat, ignavos imitari simiarum sinistrum institutum, quibus solitum, proximam quamque arborem conscendere, per ramos ad cacumen, evadere; ubi sine facto desideant, pudendis reiectis: sic virum istiusmodi tinctura maceratum, summos honores expetere, & per ambitionem efferri, non raro summis expeditionibus admotum, ubi ad virtutis deliquium artes accesserint; sed rebus summis proximum, occasiones exerendæ fortitudinis in imbecillitatem, adeoque ridiculum convertere.

CAPUT VIII.

Rex ad nuncium de Anglorum classe, quæ Rupellanos liberaret, statuit ad exercitum redire.

EXiguam Rex moram traxerat apud Parisios, cum intelligit, auxilia Anglorum, Rupellæ liberandæ destinata, iam navibus imponenda, ut vela ventis permitteret; statuit ergo quamprimum ad exercitum redire. Non tamen silentio involvam, institutum id æquè regis probasse prudentiam, ac virtutem, cum neque turbatorum technis pateat inopinus, neque periculorum monstris ab occasionibus, ubi gloriæ panditur campus, arceatur. Id temporis sigillorum custos Marillacus cum sectariis prima conspiracyonis jecere fundamenta in perniciem Cardinalis, damno- sis consiliis, quæ regi suggerebant, testati, summum Principis periculum, cui exponi posset, à familiaribus imminere, per æmulationem summo ministro insensis.

Invidia per illius gloriam irritata molestissimè urebat suis incrementis, si author obsidionis sumendæ operatq;

magister eam prudentiæ laudem auferret, quam hostes regi post subactum oppidum, nūquam satis essent admiraturi. Hinc constituunt malevoli, sese nuper quidem incendium in Religionarios excitatum fovisse per felonias inauditas, nunc verò omnem industriam componere ad eludendos in hoc oppido armorum regionum conatus demonstrandam, ne rebellionis, adeoque hæresios fortissimum asylum periret.

Quemadmodum autem pronum erat judicare, rege molestiam itineris militiæque denuo subeunte, militem per ipsius præsentiam longe cordatiorem, facile repulsurum Anglos, cum regem nobilitatis flos, procerumque fortissimi, summa victoriarum notaque instrumenta, sequerentur, unde oppidi deditio diutius differri non posset; ita mille artes, ut eum apud Parisios distinerent, ad inveniuntur.

Custos sigillorum monebat, expromito in illius emolumentum impense quæsitum testimonio, classem Anglorum fortissimam nullam admittere comparisonem ad reunitatem Gallorum; ex multis rationibus timeri futurum prælium, quod subterfugere non liceret, ubi illi ad perrumpendum aggerem vim expedirent, quo eventu, rebusque perditis respublica summis exponeretur calamitatibus. Alij causabantur aërem illius regionis minus salubrem, quo valetudo proisus vitari posset, in primis verno tempore ad concitandos corporis humores.

Omnes effundebantur in laudes Cardinalis, cujus virtutem & prudentiam, ad fucandam malitiam, extollebāt, cui rex secure rei summam committeret. Cum autem viderent, ad panicos terrores regis animum nihil percelli, conabantur matrem reginam, consternatione, cujus sexus ille præ metu est capax, involuere, certo persuasi, per trepidam matris mentem, cui apud regem summa fides, confectum iri negotium. Diversæ igitur fæminæ, quibus illa familiarior utebatur, ad diversa machinamenta conducuntur, sed nullo successu. Constituerant enim, non solum Cardinalem gloriæ fructu, quem Rupella subacta ostendebat, ex merito prudentiæ, privare, sed penitus evertere, quod proxime recensebimus.

Ei instituto non parum favebat, regis diuturnior apud Parisios moram: nam per ejus absentiam torpescabant militum animi, languida ad repulsandos Anglos virtute, disfluebant nobiles aulae sequaces, unde Anglis proclive fuisset Rupellam liberare, & malevolis in Cardinalem infortunii casum conjicere, quod Regis gloria salva gratiae jacturam exigere posset. Haec conspirationis principia adversus summi Ministri gloriam.

Sed ad pervertendum regis animum non satis valida, qui sciret, quantum momentum praesentia sua ad eam occasionem conferret, ut eam Coronae honori, Galliaeque tranquillitati, quam trahebat, negari nefas duceret. Recordatus piientissimi parentis, qui in deliberatione, an Caletum ab Hispanis acerrimè oppugnatum, ut à spe salutis longius recederet, iret liberatum, dicebat, cunctissimè munimentum illud periturum, si ipse subsidio venire superfederet, assensum autem posse, per suam praesentiam. Consultius igitur fore, posterius periclitari, quàm prius sine remedio destituere; honore, commodoque publico praelato, exiguo personae suae penso.

Idem animus Regem ad gloriosissimum juxta & honestissimum deduxit consilium, ut bona ipsius Galliaeque fortuna quantocys discederet. Tertio enim Aprilis Parisios deserit, exercitui postridie Paschae redditus. Adventum gratulantur tormentorum fulmina; ex navibus, sortaliis & suggestibus, tanto gaudio in exercitum sparso, ut nemo non animum studiumque intenderet, praeter Mariliacos & sectarios, qui eum in theatro gloriae conspicium dolebant: laureae tamen, quas ibi meruit, evidenter declarant, quo malo Princeps torqueatur à perversis consiliariis.

Politica Reminiscencia

Periculosissima sorte gaudent regum familiares, ne odio, invidia, ira aut alio quovis animi motu praepediantur. Cum verò prudens consilium ex recta ratione fluat, jam à recti norma discedit, ubi nubeculis motuum irregularium obfuscatur. Facultas irascibilis se-

mel imperium rationis adepta, obscuritatem objectis circumdat, ne veris qualitatibus micent, intemperie illa rationem transversam raptante, quemadmodum equus cerebrosus curram in præcipitia, nihil obstantibus retinaculis defert.

Ajunt flores Ægypti, Nili exundationibus plerunque perfusos, terrestres & crassos imbibere vapores, ut fecerent nullum diffundant odorem: ad eundem modum Reipublicæ operatus, quibuscunque denique ingenii dotibus excellat, bona consilia depromere desinit, posteaquam animo odio & invidia tradidit: ea intemperies fastidium veri inducit, ut nocentissima approbet, scopo intentus. Cæterorum infortuniis, tanquam delitio pascitur, ad turbas exultat, in exitio, quos perditos vult, dulcissimum invenit spectaculum: susque fert quorumcunque perniciem, modo sibi satisfaciatur.

Hoc ut docerent Poëtæ, sapientiæ mystæ, fluxere Herculem irâ correptum, neque uxorem, neque liberos agnovisse, quin discriptos inhumanissime per partes spargeret. Historia verò illustria suggerit exempla, inprimis verò Angliæ, ubi legas Eboracensem, Henrici VIII. intum, Hispaniæ iniquum, nunquam non suggestisse consilia in detrimentum Caroli V. Galliæ autem æquissimum, amicitiam sartam tectam servandam impense suavisse. Sic Antiochi inimici, Annibalē, ex æmulatione à Senatu abstinuere, in quo necessaria erat prudentia ipsius.

Res eò evadit, vitis animi præpeditum, ad scopum contendere, perfidia consiliorum per tot artes & colores speciosos fucata, ut Principem imprudentem suum faciat, & consilium circumveniat calamitatibus, quæ fortè tardius intellectæ expeditioni locum negent. Neque enim cuiusvis Principi favet fortuna, ut Pisanis in repudiato Archiepiscopi Mediolanensis consilio, qui bellum in Florentinos sumendum suadebat, dum Franciscus Gambacurtius demonstraret, Archiepiscopum ipsos bello implicare, non ex aliqua spe utilitatis, sed ex odio in Florentinos, quo flagrabat.

CAPUT IX.

*Fecialis rogat Rupellanos deditio-
nem.*

Rex ad exercitum reversus, fecialem mittit, qui deditio-
nem Rupellanis suaderet, sed ubi insolentia & ani-
mos & responsum pervertisset, rex ad apparatum, quo An-
glorum classem exciperet, conficeretque, incumbit. Con-
fluunt ex omnibus Galliarum provinciis quamplurimi baro-
nes & nobiles ad exercitum, ut per eam occasionem mili-
tari interessent, gloriæ non expertes; nimio animorum æ-
stu, ut Anglos rebellibus conjunctos in acie, ad alteram
victoriam obtinendam, contueri liceret.

Quemadmodum verò apprimè necessarium est, ut Im-
perator conditionem numerumque suarum copiarum ex-
actè teneat, ut mandata rectius concipiat & præsidia con-
venienti loco & numero firmet, placuit regi ante omnia ex-
ercitum lustrare. Ibi Rex non parum gaudii capiebat, con-
templatus admirabilem disciplinæ, quam Cardinalis in-
stituerat vim, ne manipulares ab obsidione discederent,
aut hinc inde dilaberentur, quod sæpissimè usu venerat.
Singulis enim septimanis speciem lustrationis inibat, si-
ducariarum numero ad legiones adæquato, qui militi
stipendium, non Centurioni, uti prius solebat, adnumera-
rent: qua ratione Centurionibus integrum non erat, sup-
posititios manipulis admiscere, & constabat singulis septi-
manis de numero, ut tempestivè adeoq; ante necessitatem
supplementa adsciscerentur.

Displicuit tamen plurimis Centurionibus id institutum,
quibus optatius erat crumenam distendi, quam Principi
gloriam augeri: vix tamen dici potest, quantum id re-
gis consiliis profuerit, adeo ut tum exercitus constaret
novendecim legionibus pedestris militiæ, & octodecim
equitum turmis, præter multitudinem spontancorum: nu-
mero ad viginti quinque pugnaciū millia ascendente. Visitationem
etiam

etiam Rex omnes & singulas naves, quarum constitutio ne & numero comprobata, ad Canalem Anglis ocludendum; tum animum incessit cupidus hostis denuo videndi, ut temeritatem per alteram victoriam insigniret.

Politica Reminiscencia.

Inter summa reputet Rex aut Imperator, cohortes ordinibus completis ducere, sive dissipationem caveat, sive supposititios arceat. In eo enim sapissimè victoriæ versatur cardo, quod prælium Patavinum Franciscum Imagno suo malo docuit, ubi à pluribus historicis annotatur, regem errasse graviter, quod Quæstorum tabulis confisus, prælium inierit, viribus longè quàm credebat inferioribus, captivorum numero interendus.

Ut autem miles contineatur ad signa, expeditissima ratio fuerit, quam Alexander Severus suggestit, exactè stipendia adnumerentur, miles veste solida, calceamentis, armis, annonâ instruatur, & nonnihil argenti in Zonâ ferat: ubi enim malè habetur, rebusque necessariis destituitur, nemo de dissipatione dubitat. Neque enim Deo devoti in Cœnobiis vitam ex aère ducunt, longè paucioribus incommodis ad militem oppressi: ut jam de licentiâ militari, impatientiâque nihil addam, ubi penuriam cum fastu libertateve armorum nemo unquàm conciliabit.

Sed cum necessaria adsunt, severa valent supplicia in desertores? Corbulo securi eos percutiebât sine ulla spe veniæ, qui rigor id commodi contulit, ut ferè semper cohortes eodem numero duceret. Æquè necessarium fuerit, dum & commissariorū artes reprimere, qui periculoso miraculo, mortuos gregarios resuscitant, eorum nominibus in tabulis ad augendum numerum per figmentum incantationis sparsis. Hinc enim Principi pereunt pecuniæ lustrationi destinatæ. Nam ubi fidem is habet tabulis, ad suscipiendum quid egregium, in ipsâ occasione sentiet virium deliquium, quod non putarat, eodem exitio cum Francisco I. ad Patavium expositus.

Optimum huic malo remedium, ut periculo careas, à Dario mutuandum, qui numerosissimū exercitum, perim-

perii

perii latissimi provincias sparsum, sæpius ipse lustravit, stipendiis numerandis, annonæque constituendæ interfuit, in mediis cohortibus versatus, non tantum ut familiarius nosceret, sed etiam necessaria curaret, ad intendendam fortitudinem, constituto etiam virtutum meritis præmio. Ubi vero ista negliguntur, supposititiis etiam admixtis, necessario duces, cum supposititiis & Quæstoribus, se vero supplicio subjiuntur, quod errores isti pericula & damna gravissima trahant.

CAPUT X.

Classis Anglorum ad Rupellam contendit.

Vehementissime Rupellæ horum supplicationes regem Magnæ Britanniæ permoverant ad auxilia expedienda, ut classem perfectam continuò ventis permitteret, ad eò ut ad undecimum Maji duabus ad apicem Coreiliæ leucis distaret. Minora navigia, quæ Cardinalis speculatum miserat, per Regis absentiam, Surgèriis hærentem, retulciant, classem constare quatuor maximis, septem grandioribus navibus, quæ ad impetus hostiles factæ crederentur centum quinquaginta; aliæ vicenæ, centum, aliæ vicenæ. minoris structuræ, triginta aut quadraginta ferre onera, præter magnum numerum incendiariarum.

Ad repulsandam classem constituta erant omnia, ut vis ab aggere perforando abstineretur, etiam transitus impossibilis censeretur: nam præter machinas faucibus objectas, stabat classis regia in Canale, magno numero navium diversarum, ad utrum belli: cui præerat Valenceii Eques, ranquam thalassiarcha secundarius. Is prima primi agminis nave, vectus, in mandatis habebat proximam quamque navem hostilem harpagonibus injectis firmare, ad expugnandos vectores: idem cæteræ sequerentur institutum, & hostem commixtè ad littora urgerent, ut tormentorum violentiæ de suggestibus exponeretur. Tamen si majora navigia tormentorumque vim hostis evaderet, jam octoginta naves diversæ structuræ erant perumpendæ, cum

difficultate evadendi, impediabant etiam naves demersæ, & sepimentum quadraginta trium navium continuarum.

Cardinalis ibi, gharus præ cæteris, quo animo Rex ubivis locorum præsens esse cuperet, Anglorum adventum nunciat propter: rex consensu equo, in castra eadem nocte pervenit, ubi considerata exercitus vi, suggestu numero, & navium, cohortiumque concinno ordine, omnem sinistrum metum excutit. Firmatur tamen animus fiducia in Deum, cujus gloriam præ Reipublicæ emolumento in hoc certamine haberet, indistis inde per universam Galliam supplicationibus publicis.

Cumque non ignoraret, præsentiam hostis geminatas excubias curasque requirere, etiam speculatum mittit exactius, adiectum sclopeti, ut constaret de classe ad littus circa caput Bayæ hærente. Coactio igitur Senatu militari, istum ordinem constituit: appropinquantibus hostibus, nulla navis anchoras retraheret, nisi ad vicinissimam classem, ut impetus fieret, antequam tabulatum peterent: nulla navis sociæ subveniret, cum hoste confligenti: si qua navis hostem persequeretur, & in sociam transversam ingrueret, nondum expeditam, prior anchoram demitteret, ut conjunctim instarent: navem incendio correptam, lembi accurrerent: & incendiariæ alligatam, juvarent, tormentorum tectis ad securitatem auxiliorum erectis: pulveris nitrati doliola mergerentur, aqua vasis reciperetur: expeditur naves ad numerum hostilium: naves singulis diebus ad excubias mitterent lembos, quorum summa cura, incendiariis obviare, illarum lembos rapere, aut harpagonibus distrahere: ad expeditiorem usum, navigiorum quodlibet harpagonem ferret in puppi: quocunque die hostis procederet, lembi omnes armarentur, ad necessitates incendiis promti.

Hic ordo à rege sancitur, in consessu summorum ducum, & Centurionum maritimorum, thalassiarum secundario, Valencio traditur, quem præfecti sequerentur. Rex visitat inde stationes, & suggestus, ut nosceret, quæ ad con-

sistum essent disposita, adeoque hostem ingruentem repulsaret.

Politica reminiscencia.

EX omnibus artibus sola militaris Principi convenientissima: eâ stabilitur imperium, quæritur incrementum, evchitur potentia ad summum gradum. Hinc authoritatis censetur fulcrum firmissimum, cum & vicini, & subditi eum audeant laceßere, qui disciplinam militarem negligit. Ea ratio Romanorum sapientissimos agrè ad eversionem Carthaginis deduxit, cum prudentissimè præviderent, urbe æmulâ suppressa, duces exercitiorum militarium vacuos, militem habituros ferocientem, in præsentissimum reipublicæ periculum.

Addiderim ego, Principem hujus artis imperitum, arbitrio ducum subjicendum, ubi bellum est gerendum, adeo ut ipsorum fidei qualicunque omnem potentiam committere necessum habeat: quod malum tanto est consideratius, quoniam Magnates reipublicæ istud acroama imbibere, impotentia Principis suam fulciri authoritatem, nullo penso perditæ spontè victoriæ, ad emolumentum aliud. Vix etiam dici poterit, quanto contemptui subjaceat, ubi in exercitu versatur, modum autem ducendi, standi, pugnandi ignorat.

Alibi dictum, cum eo Principe pessimè agi, qui ad necessitatem earum copiarum, ubi Exteri prævaleant, sit redactus: minus ergo prosperitatis sibi spondebit, subditorum militiæ impar. Hinc caput copiarum fuerit, ad defensionem sui ipsius: quod ad functiones ineptum, exercitum reddit similem corpori humano, ubi caput vulneribus aut morbis afflictissimum motui principium porro dare nequit.

Verumenimvero inter media, quibus princeps ad istanc artem perveniat, nemo dubitabit lectionem librorum militarium & historiæ utilissimis accensere, cum ibi res gestæ magnorum Ducum præhorumq; dispositio pateat. Certum omnino, usum exercitiorum militarium extra omnem comparationem antestare; non tamen illum bello exorto quærere, cum ibi executio requiratur.

quirat experimenta disciplinæ, quam militi, adeoque se-
bi ipsi proposuerit. Gemino enim commodo copias per
pacis tempora in disciplina militari exercebit; ut ipse
modum ducendi addiscat, & ad mentem suam obsequi-
umque eas adfuefaciat, benevolentia tantâ devinctas, quæ
non facili in periculis eum deferant.

Carolus Andegavensis, beatorum Principum, & du-
cum excellentium numero habitus, gloriam non parum
attingi sensit, quòd tempore pacis militi laxaret habenas.
Quicumque exercitus per pacem non meditatur bellum,
rebus arduis per occasiones est inferior, quod agebat Juli-
us Cæsar; quemadmodum vice versa quidvis de eo speres,
qui armorum usui assuevit. Hinc ille non dubitavit exigua
copias per Thessaliæ campos in Pompejum ducere, nu-
merosissimo exercitu fretum, sed milite vel inde dissoluto,
quòd crederet sibi rem fore cum Duce sine exercitu.

Ita Scipio Africanus inter summas curas hanc ducebat
principem, si miles continuo armorum exercitio adue-
sceret, ut eadem operâ animum firmaret, & modum vin-
cendi addiceret. Philopæmen sanè per Antiquitatem im-
pensè laudatur, quòd media in pace militem frequenter
exerceret. Iter enim faciens, non rarò figebat gradum, ad
istas quæstiones disceptandas. Finge, inquebat, hostem
istum montem insidere, ecquid commodi præ nobis fer-
ret? quomodo eum aggredieremur? quid consilii tum ca-
piendum, si nobis non expectatis discederet: quo ordine
persequeremur fugientem? Vicissim, si nobis animo sede-
ret, pedem retrahere, quam rationem iniremus? ita ex re
præsenti exquirebat comitum sententias, quibus postmo-
dum suam subiceret, adeo ut paratos redderet ad quam-
vis occasionem.

Quicumque enim hanc cum cohortibus instituit con-
versationem, potest in prælii fervore ipsis acclamare,
quod Camillus, Hetruscos aggressurus, numero longe
superiores: focii, ne quid curetis, præter ea, quæ me præ-
sente sapissimè solebatis: quibus verbis admirandam
addidit virritutem. Sic non dubitandum, quin Princeps qua-
lisunque metum adimat militi, animum inflet, si eadem
reperat, quæ ipso præsente sapius præstitit, cum consue-
tudo

tudo efficiat omnia facilia, timidissimos ad pericula obfirmet; facultatem quidvis præstandi conferat etiam ineptissimis.

CAPUT XI

Angli frustra Rupellanos liberare tentant.

Exercitus Anglorum per ostiduum littori adhærebat, quod rationem pugnae cum Rupellanis incundam prius censeret, secundum Deputatorum promissa, per eruptionem terræ, marique factam, quo momento Angli pertumpere tentarent. Sed nulla patebat semita, ut certiores utrique fierent instituti; neque memoriâ exciderant vulnera modò suscepta, ne imprudenter in obstacula fortissimæ per Cavalem disposita impingeretur.

Nam ubi ad caput Bayæ appulissent, cui rex proprio instinctu, etiam contra ducum sententiam suggestum imposuerat novem tormentorum, salutabantur ad eò perditæ, ut ex quinquageno, tonitru vix quinta pars aberrarit, non exiguo classis Anglicanae damno, etiam tribuno cum plurimis neci transmissio. Brænnantius tamen Centurio Rupellanus suam operam offert, si cymbam binosque remiges nasci sceretur, ut navalem Regis exercitum transiret, Rupellanisque classis constitutionem exponeret.

Placuit audaciâ, noctis beneficio prospera; nam perregias naves, oberans, ferebat sibi nescio quam triremem queri, donec elapsus Rupellam usque penetrarit. Tunc ignibus festivalibus pelucebat oppidum ex turribus, unde postridie signum purpureum, cœruleum & candidum per aërem undabant, ut Angli sese accingerent. Quæ Rex suis usurpans oculis, etiam aciem instruit, exercitu ab ostiduo per auctarium spontaneorum valde firmato, adeo ut volupe esset, conflictum exposcentium intelligere vota.

Angli ad maris plenum fluxum, vento sese dant secundo, jam ad ictum tormenti à regis navibus distantes; obvertunt latera, & Rupellanis boatu tormentorum respondent.

dent. Procedunt regii, configunt, eosdem animos ex Rea insulâ hic restantur. Anglis molestissimum accidebat, quodd scirent obstacula forrissima per Canalem disposita, quæ superanda forent, unum atque alterum navium, ubi motui obnoxia maris anchoris & remuleis conexa, tertium complurium navigiorum, quæ cæmentario opere cæta, murorum instar ante aggerem demersa, obflarent. Videbant etiam Canalem navibus coopertum, ex quibus gregarii cum nobilitatis flore spontaneæ acerrimum confectum optarent & minarentur virtutem eximiam: cum sub ictibus tormentorum ex suggestibus munimentorum, & utroque termino aggeris esset transeundum.

Hinc apud ipsos spes perumpendi decollavit, cum & aquæ Canalis nimis tenues ipsorum maximas moles principalium virium conatum, non ferrent, & institutum ipsorum summas fluxus aquas necessariò postularer, ut executio fieret inter reciprocationem undarum, medio tempore fluxus & refluxus, ne recedente mari cæteræ moles navium destituerentur ad regionum tormentorum fulmina; quod voluntati ipsorum adeoque facultati summe adversabatur.

Rupellani etiam, uti promiserant, neque eruptione grassabantur, neque miranda patrabant, intra munimenta collecti, ad modum testitudinis, cum intelligerent, suarum non esse virium, antequam ad aggerem pertingi posset, maximum numerum lemborum, qui ad impetum sustinendum facti, & ad vim inferendam milite graves, maxime vero spontaneo, cui summa virtutis exercendæ cura, exuperandum. Hinc Embius ex ægritudine animi ad desperationem, adeoque angustis interitis ad reditum collabitur.

Rupellanos ille acerrime insectabatur, qui regi magnæ Britanniaë imposuissent, cum facilem ad portum ipsorum transitum finxissent, obstacula forrissima Gallorum, viresque in navigia collectas, ad defendendas angustias reticuisse: non tamen exculpabat se apud omnes: Hoc unum ausus ante discessum, ut incendiariam, cui ignivomarum machinarum, ad speciem crepitaculorum, quibus portæ oppidorum solent excuti, copiam

imposuerat, immitteret, vanâ spe mirandi facinoris, quasi ad ejus viciniam quævis navigia forent disrumpenda, nam ignis cepit, ante justum tempus; quod Vulcani filii malè destinarent, adeo ut nec ipsis otium esset, in lembum qui trahebatur ad eum usum, descendendi; sic miserandam mortem, cum nemo ad salutem ipsorum aut incendiariæ accurreret, oppetiêre.

Politica Reminiscentiâ.

Periculose habetur fides populo extraneo, qui rebellio- nem cepit, ut ad ipsius promissa arduum quid susci- piatur. Nam ubi plerunque rebellionem ex spe vana stru- at, per tumultum confugit ad quoscumque, qui auxilia præstare queant, nullo penso sinistrorum auctorum, qui- bus illi auxiliores implicentur. Non satis prudentiæ plebi, ad bellum præveniendum, quò temerè semet invol- vit, proclivis etiâ ad judicium de eventu quocumque juxta desideria vota que sumendum temeraria, prudentiâ utique militari destituta.

De successu impensè desiderato nullum ipsi dubium: hinc sæpissimè in non prævisa mala præcipitat, quod nihil periculosius sit, quàm temeritas inconsulta, ad pericula occurrata, certo & suo & sociorum exitio. Artaxerxes Themistocles patriam exosi, speciosis verbis seductus, bellum Græciæ inferre statuit; & irruptione factâ didicit, Themistoclem promissa præstare non posse, ad summam animi agritudinem utriusque: cui ignominia Themisto- cles superesse noluit, ut veneno hausto lucis usuram con- traxerit: quâ ratione tamen Artaxerxes vituperio non ex- imebatur, aut inanium sumtum quicquam recepta- bat.

Eodem modo Chaumontius, dux alterius per Italiam Regni exercitus, à Bentivolio qui exili vindictam querebat, persuasus, Bononiæ, ex spe, quam fecerat de plebis & no- bilium benevolentia, armis quæ expeditis, invadit, sed sum- mo cum dedecore; quod Bentivolius potius desiderio, quam ratione inniteretur, immànè illâ spe & temerè con- ceptâ, & sponte evanescente.

Possem adnotare, ex aliâ ratione, quàm facile plebes rebellis, quamprimum ad impotentiam instituti redigitur, ad Principis sui redeat obsequium, ut fortunis libertateque fruatur, quibus per rebellionem privari se intelligit, nullo penso exterorum, quos ad opitulandum accersivit, quemadmodum enim prudentia defecit, ad prævidenda pericula, in quâ præceps iret, ita generosa mente ad exolvendam promissorum fidem destituitur.

Sic Alexander Epiri Rex in Italiam descendit à Lucanis quibusdam, qui hodie Basilicatam regni Neapolitani provinciam incolunt, rebellionem fumentibus evocatus, certâ fiducia provinciæ penitus non multo negotio temporeve subjuganda: ille tamen religionem promissorum apud ipsos extemplo vanam deprehendit. Nam pacē cum popularibus restauratâ, pacti erant fortunarum suarum usum pristinum per ipsius internecionem, quam extremo fidei fractæ scelere patrârunt, manifesto ad omnes Principes documento, nihil quicquam fiduciæ rebellium verbis habendum, cum multa promittant, quæ facultates ipsorum superant, plurima vasframenta alliciendis auxiliis adinventiant fingantque; tandem etiam destituant implicitos opitatores, ad primum pacis resarciendæ commo-

C A P U T XII.

Angli, post conatus quosvis inanes, ad sua redire constituunt:

Discessus iste Anglorum præter omnem spem factus, apud animos & religiosissimorum & sapientissimorum vicem miraculi obtinebat. Apparebat, ut verum fateamur, ab initio cœlum ipsorum instituto adversum evidentissimè, quod Regi victoriam destinârat, ob animum ipsius non minus pietatis, quàm iustitiæ tenacem.

Miraculi sanè verissimi speciem referebat, exercitum fortissimum ex Angliâ animo prorsus ferreo digressum, ut

ut quæcunque obstacula conficeret, uno momento tantam consternationem concipere, ut arma viderentur è manibus excidere, non excuti: tanti constabat animum ad conflictum convertere. Eandem miraculi vicem obtinebit, ventum postquam exercitus per tertiam noctem, litus caputque Bayæ esset assecutus, eatenus Rupellani ad præmeditatam eruptionem optatum, quo momento remigium capebant, adversari capisse.

Accedit tertium, omnes duces, cum Rupellani ad aliam occasionem naves conscendissent, Preconum suorum sermonibus admodum validis firmati, post iusjurandum conceptum, ut aut angustias aggeris pervaderent, quibuscunque obstaculis perruptis, aut mortem sustinerent, in aciei novacula adeo ignavos & stupidos evasisse, ut nemo illorum digitum commoveret; Vincens etiam præq, quod ad familiarem quendam postea perscripsit, ab omni exhortatione porro abstineret.

Quartum non reticebitur, cœlum crassis exhalationibus grave, biduo ante Anglorum discessum, cum nemo proximum quemque dignosceret, quod expectarant, ad institutum commode exequendum, ut obstacula otiosè fere disjicerent, aggerem solverent, angustias pervaderent, uno momento sudum induisse, vaporibus, qui triduum credebantur incubituri, subito dissipatis; ventosque ipsis optatos, hostilitatem exercuisse adeo violentam, ut navem ad portum petrae collideret.

Quintum addam, exercitum regium contagio omni caruisse, tamen si Rupellani sapius morbis contagiosis infectos, pestisque veneno correptos immiserint. Agmen claudet sextum miraculum, motus marinos primas quidem aggeris operas concussisse, sed nullo alio damno, nisi materiarum dissipatione, ad latitudinem necessarij fundamenti, quam structores nimis angustam sumserant, ad molem tantam sustinendum: aggerique nondum perfectio, procellas quibus nulla reverentia adparendum, nihil unquam nocuisse.

Quicunque testes oculati istorum miraculorum, ferebant uno ore, Cœlum suam ipsius causam tueri, ventosque quibus nullum nisi ad instantiam obsequium, cæ-

litus regi submissos, ad favorem eximium contestandum. Nemo sane recusabit hic vim potentiae extra ordinem animadvertere, cum & Rex eodem tempore miraculum maximum adeoque evidentissimum patraret in virgunculâ duodecenni, quæ eatenus muta, ut præter simplices voces negandi & affirmandi nihil unquam prolocuta, expedite loqui cœpit, quam primum Rex manum admovisset. Nata erat ad sanū Iohannis Angelici, à parentibus, qui certissimam conceperant expediendæ linguæ fiduciam, si regis manus impositionem meruissent, adducta.

Politica Reminiscencia

Pietas regis victoriam ad miraculum promovet: cuius axiomaticæ ex eo certa est fides, quod Deus regiam instituerit dignitatem, & à pietate devinciri amet, ex regis Psaltæ oraculo, qui asseverat, Deum paratum esse, ad voluntatem timentium se, ut exaudiat preces eorum, & adversus omnem vim hostilem protegat. Priscis solitum erat dicere, referente Plutarcho, Fortunam Demetrio urbes retibus aureis captas offerre: Figmentum ut ut fuerit hoc, pietas tamen genuina instar retis est, quo reges Imperium in urbes potentissimas adipiscuntur.

Mercurius Trismegistus solebat dicere, insidiis non facile patere, quem pietas tutelæ divinæ traderet: cui D. Augustinus in libro de Civitate Dei suffragatur, cum admonet, Romanos non tam fortitudine & prudentia adeptos imperium Orbis, quàm virtute & pietate solitâ, victoriis merita æquantibus. Verissimum enim, iustitiam & pietatem penes Principem rationem armorum fortissimorum obtinere ad subigendos hostes: causam si quis exigit, hanc duntaxat reddidero, pietate eos victorias mereri, quas æqua Dei dextera, infinitis Sacrarum literarum testimoniis ubi potestiam suam ad iustorum regum armatam defensionem spondet, ex compacto largitur.

Sæpissimè dextera hæc, tametsi in oculos non incur-
ret,

reret, omnipotens causam eorum egit, qui vitam secundum feritas illius accuratè instituunt: sæpissimè ventos tempestatesque suis illorum signis militare iussit, provincias sæpissimè reclusit, marisque motus ad obtinendam victoriam compescuit. Sæpissimè annotatum, exiguo bellatorum numero, illius ope extraordinariâ, exercitus fortissimos vinci, urbesque extra armorum vim creditas subigi.

Compendium faciam, quicquid forte, potens, invictum, generosum dixeris, complectitur virtus legibus Christianæ pietatis directâ, tutelæ divinæ, quâ solâ fortitudine Principes Christiani gaudent, commissa. Quemadmodum enim operam luserit, qui lumen extra Solem, aquam extra fontes & flumina, calorem extra ignem quærat; ita vano studio veram fortitudinem extra Dei fortissimi tutelam Princeps speret, cum idem Deo arctius adhærens, fortius depugnet, maxime ubi de ipsius gloria controversatur. Hæc regula regiæ prosperitatis fulcrum est, quæ neglecta, arenosum sumitur structura cui-cunque fundamentum.

Alphonfus Rex Siciliæ & Arragoniæ filium Ferdinandum iis verbis prægnantibus instruebat, quæ omnibus Principibus è teneris unguiculis essent inculcanda, cum eum mitteret ad vindicandas, quibus eum Florentini affecerant injurias: Mi fili, inquebat, mandatorum meorum summa est, ne nimium fiduciæ in militis fortitudinem colloces, quin existimes, victoriam cœlesti auxilio obtingere: Id ex me hoc die discere, victoriam non ex disciplina & industria mortalium, sed ex potentia Dei, qui armorum arbitrium sibi servat, fluere. Unde nec scientia rei militaris prosperum successum contitionum spondebit, nisi pietate & innocentia vitæ favorem Dei consequamur.

Compertum sanè, omnes rei militaris regulas, à legibus divinis separatas, consiliorum nostrorum fundamentum esse fragile, cum quæcunque fortunæ, quæ non inniuntur dextera illius, qui tribus digitis Orbem terrarum librat, propius ad præcipitium, quàm ad

incrementum gloriæ accedant. Græci tamen, licet tenebris errorum innutriti, idem docuere, quibus per Poëtarum figmenta Mercurius, Deorum nuncius ab Horis educatur, ut omne mortalium genus disceret, universam sapientiam humanam, mensurâ cœli ad progressum & sustentamen defrutam, alimento subsistentiaque carere.

C A P U T XIII.

Rupellanorum discordia ob Anglorum discessum.

Anglorum discessus Rupellanos ad eam desperationem redegerat, ut sine Rohaniæ adjuratione, præconumque exhortatione, quarum summa erat, de cœlesti auxilio nunquam desperandum; cum Deus protectores Evangelii nunquam deferat, major pars plebis, extremâ penuriâ stimulata imperium rapuisset, ad regium exercitum recipiendum portis. Seditione etiam sævâ laboratum; fortissimi tamen quique in carcerem compingebant quoscunque transactionis studiosos, nonnullis etiam ad extremum supplicium raptis; adeo ut exinde misella plebes cum fame conflictaretur, coercita etiam querimoniarum libertate.

Solacium suggeritur ex spe novorum auxiliorum, quæ ut ab Anglis obtinerent, Deputatos denuò ablegant, qui Regis animum honoris stimulis fodicarent, cui integrum non esset, Rupellam exitio permittere, nisi gloriam suscepti patrocini proliceret: misericordiæ etiam sensum excitarent per extremarum summam miseriarum, quibus laborarent; in primis autem docerent, obstaculorum, quæ Rex per Canalem disposuisset, demolitionem non excedere vires, aususque fortes, cum exercitus ad unum aut alterum conatum pervadere potuisset, qua occasione Rupellani ex adversa parte eruptionem moliti essent, ad confictum quemcunque. Interea plebem in stuporem dabant tormentorum fulminationibus, quas quinque aut sex die-

rum

rum spatio vehementius geminabant, quam per sex septimanas postremas auditum erat: spargebant etiam, modum evitendi aggeris jam constare, incertissimam regionum navigiorum per Canalem perniciem.

Rex, ne commodum ex discordia incolarum, perderet, denud mittit, qui deditionem urgeret: ubi gubernatores primo omnia oblata rejiciebant, quæ clementiæ spem, fiduciaque testimonia ferrent, tametsi optima quæque sibi promittere possent. Ubi autem plebes fame urgeretur, quæ & primarios nonnullos incessebat, tumultus ingens excitur, cui compefcendo congregatur Præsidiale quod vocant: ibi re deliberata, visum majori consiliariorum partibus, regiæ clementiæ oblata non aspernari, addo ut quidam elatâ voce diceret, Considerandum, quomodo post sex retro septimanas ad terminum vivendi procederent, summi beneficii, adeoque felicitatis loco cuilibet futuram libertatem conscientiæ, si eam rex indulgeret, præter usum fortunarum & murorum subsistentiam, quant gratiam ab ipsius clementiâ multis nominibus expectare possent.

Neque apparere magnam auxiliorum Anglicorum fiduciam, ob damna ante suscepta, exiguaque fortitudinis signa ad proelia liberationis suæ ergo ineunda, tandem etiam difficultatem obstacula illa famosa per Canalem superandi. Quibus verbis ceteros in deditionis proposito maxime confirmabat.

Præfectus autem civium, quem majorem ipsi vocant, ad eum digressus, colaphum impegit, quem alius consiliarius iterato reddidit, ad seditionem accerrimam, nisi promte à pacis studiosis fuissent se juncti.

Præsidialis ille conventus Majoris proterviâ graviter offensus, decrevit carceris poenam, quam ille plebe in arma concitata non solum vitavit, sed duos illos consiliarios ad necem quæsit, nisi sese ex oppido prius subduxissent, ad pedes regis provoluti, ut protectionem regiam implorantes, omnibus oppressis paratam. Cum autem dissidialia regis consilia non parum promoverent, suasit Cardinalis, ut rex ea foveret, deditione, ex cujus mentione fuerant orta, identidem repetita.

Jubetur ergo Bretonus fecialis militaris, conceptis verbis,

his, veste solenni ipsis imperare obsequium in regem, cum fiducia cōdonatæ felonix & rebellionis, quæ crimina contraxissent; etiam declarare vicissim, si minus parerent, à justitia Regis nihil præter supplicia insolentix paria, expectarent. Hinc animi egenorum non parum commoti, sed à præconibus firmari, cum reliquis obstinationem inconcussam tenuere, contumaciâ, quæ plebi est familiaris, pabulum spei eximix suppeditante.

Politica Reminiscencia.

PLebes, ait T. Livius, cum rationis capax non sit, plerumque ad extrema fertur, adeo ut in periculis semper nimio abjecto aut superbo appareat animo. Alius eam ob similem rationem confert impudentiæ, cui nunquam placet mediocritas inter timorem & audaciam. Ad seditionem enim præcepsabit, quamprimum incipit desperare de comoda liberatione ex periculis: quod si turrelam domi inveniât, verba & facta meram spirant insolentiam.

Aliam causam non quæstieris, nisi impetum animi, qui per populum dominatur, & rationis & virtutis non semper capacem, ex quibus per vulgarissimam fidem humanitas, modestia & fortitudo fluunt. Docet etiam experientia per occasiones, abjectos per iniquitatem nascenti genios, minimis periculis permoveri, semper ad malitiam pronos, quousque facultatē nocendi servant. Id habet impetus proprium, ut aut facile cedat, aut nunquam unde eò sæpe desertur motu violentissimo, ut mortis crudelissimum genus intra murorum circuitum, post compendium omnium miseriarum optarit potius, quam in obsidentium potestatem concedere.

Catagurra, Hispaniæ oppidum à Pompejo obsessum, muros ex benevolentia in Sertorium adeo acriter tutabatur, ut absumentis omnibus animalibus, non exhorruerint propugnatores dexteris barbaras sanguine conjugum & liberorum inficere, ut carnibus eorum vitam sustentarent suam. Sic & Saguntini ejusdem rationis furorem in seipsos convertere, postquam essent defuncti iis extremis,

ut eorum fames in proverbium abierit. Cùm enim nihil quicquam alimentorum superesset, rogam ingentem in medio foro struunt, injectisque primùm adeoque consumitis rebus pretiosissimis, seipsos deinde in incendii flammis præcipitant, quod malleut in cineres redigi, quàm Carthaginensium ferre tyrannidem impetu rabiei in animis ipsorum extinguente omnem rationis ductum, quo didicissent, nulla infamia notari deditiōem, ubi victor obessos ad incitas redegit, ut nullæ ad resistendum superent vires.

CAPUT XIV.

Transactio inter Regem & Rupellanos.

Cum Major Rupellæ fervorem plebis cerneret, quæ videbatur extremam necessitatem, cum qua collutabatur, non ulterius latura, factionem etiam, cui deditio oppidi placebat, firmari, statuit transactionem cum rege simulare. Satis catus intelligebat, plebem malle decipi, quàm cogi: eo consilio Arnoldum intercessionem Feaquienii captivi rogabat, in oppidum veniret, ut de modo transactionis instituendæ ageretur.

Arnoldus copia facta cum Majore colloquitur, per biduum cum partibus agit expeditis itionibus, tandemque obseſſis proponit, ad misericordiam regis, compendium negotiationum, confugerent, fidem dans de majori quàm sperare possent gratia. Hinc ad regem abit Talieburgum, etiam ad Cardinalem Castolierias prope Fontenæum, ut certiorẽ utrumque de negotio faceret: qui fucus submissionis utrumque in castra retraxit, unde ob morborum frequentiam paululum recesserant.

Arnoldus autem Rupellam reversus, incolis denuò fidem dat de propenso ad gratiam regis animo, modo errorem vere agnoscerent, testarenturque de officio in posterum faciendo, ut credi possent: legunt igitur Deputatos, qui ad regem irent, Rex advenientes ad Cardinalem remittit.

tit, cui necessaria exponerent. Eum conveniunt Russi in statione opilionum, & integras duas horas sermones tenuerunt, animis dehinc ad hilaritatem compositis, ut latari crederentur. Petunt copiam à biduo revertendi eodem, & impetrant: redeunt, testantur amplissime de plebis inclinatione ad misericordiam regis amplexandam, postea quam ipsi placuisset non attentare rebellionæ, liberum religionis exercitium permittere, usum fortunarum non interdicerè, murorum ambitum ferre.

Sic à Cardinale remittuntur ad regem, qui aggerem tum curabat: metum reverentia Regis incusserat, sed producti, sunt supplices, gratiam & misericordiam implorant, per submissiones in speciem, quascunque mens excogitari posset. Respondet rex, promeriti estis severum supplicium: quoniam verò Deus vos deducit ad agnoscendum errorem, ut vobis ignoscat, vitam & ego vobis dono. Regrediuntur Rupellam amplissimum testati gaudium, promittentes reditum in posterum diem, ut de articulis pactorum particulatim conveniretur.

Sed quoniam Major cum sectariis istanc imposturam esset exorsus, ut duntaxat plebem iterum faceret suam, si demonstraret, quantum momentum ad tuendam libertatem adferret propugnaculorum conservatio, quæ omnino deicienda adeoque solo æquanda quærebantur; jam scopo obtento, transactionem ventis dat dissipandam.

Accessit etiam ea vecordia, ut crederent, tempore transactionis excubias per exercitum minus vigilanter factum iri, hinc hora tertia antelucana incendiariam versus aggerem impellunt, ut regis navigiis immixta, excubias disjiceret, incendio spatio, nec desinerent in aggerem, quamvis frustraneis ictibus fulminare. Verum Cardinalis, sciens quæ fiducia cum hoste esset agendum, excubias solitas quotidie fieri imperabat, unde lembi extimi vigiliarum incendiariam tempestive visam in eum locum divertere, ubi suis ignibus sine noxa interiret.

Politica Reminiscencia.

Vigilantia certissime exercitus excubiæ, cui obsidionis

Ime.

Imperator eò magis operam dabit, ut eruptionibus occurrere possit, quas prudentissimi in ea momenta conjiciunt, quibus major securitas indulgeri solet. Socordia cum victoria non diu ambulat, cum minima negligentia magnam sapè in bellis trahat conversionem. Castra ea demum sunt firmissima, quæ circumspèctione summâ custodiuntur, unde periculo grandi exponitur, quicunque defensionem nullam parat, & dux, ad copiarum socordiam connivens; earum conservationem & vitam fortunæ permittit.

Iphicrates sanè illustrissimis, quos unquam Athenæ habuere, ducibus connumeratus, ab hoc errore longissimè aberat, constitutis per noctem iisdem excubiis, dum pax vigeret, quam ubi bellum ingrueret, armis semper ad pugnam expeditis, tanquam hoste præsentè. Id mirum primo plerisque visum, sed ille eam rationem proferebat: semper metuendum, ne obruaris, aut cogaris cum ignominia dicere, Non putabam, quicquam metuendum esse.

Quemadmodum verò Imperator habet, cur vigilantiam colat semper, ita ei maxime studebit, ubi de pace agitur, quòd id vaframenti famosissimis ducibus sit familiare, ut quidvis proponant transigendam, donec hosti noceant. Sic Julius II. Pontifex Maximus Ludovicum XII. donec apparatus adversus ducem Ferrariæ compòtaret, specie transactionis distulit. Eodem modo Ferdinandus Arragonius ad Philippum Archiducem Austriæ mittebat, ut regem transactione pacis, quam sanxerant, distineret, & ab apparatu necessario ad succurrendum amicis diverteret, qui interea auxiliis destituti cogebantur regnum Neapolitanum relinquere: quòd consiliu[m] Ferdinandus satis ostendebat, cum pacta firmare postmodum nolleret. Nihil tutius, quam pacem per diffidentiam quærere: quicunque enim eam in itinere, de gemino fruitur commodo, dum hosti omnem spem invasionis inopinatæ præcidit, & per copiarum expeditum ordinem leges obtinet commodio.

res.

GA.

CAPUT XV.

Rupellani fame ad extremas miseras rediguntur.

ALiquid remedium Rupellani rebus ad desperationem vergentibus, maximè post Anglorum discessum videbantur adferre, si armis operisque ineptos emitterent, quod sub noctem obscurissimam ausi sunt, tempestate navigiorum sepem aliquatenus aperiente, ut lembus sœminarum sarcina onustus, per aggeris angustias elaberetur, excubiis regiis id non advertentibus tempestivè, adilum retrahendum, sed ad maiorem postea euram. Cum autem vecordia nihil amplius audere posset, iustitiam regis irritabant, ut severè haberet, quicumque terra salutem quærere conarentur.

Ad finem Augusti trecenti mortales, utriusque sexus, & diversæ ætatis per Canalem evadunt, aquis subsidentibus in refluxu: illi in terram expositi, herbas ingerebant in lattrantem stomachum, adeo ut vel hinc appareret, quanta famæ oppidanos exerceret. Miseriæ sensum apud omnes excitare poterant, nisi insolentia eum præpedisset. Quoniam verò nulla vis præter necessitatem eos ad officium reducere posset, Brissæus, Furilius, cæterique centuriones excubiarum, obviam facti, in oppidum eos repulère, ut famës ex multitudine incolarum cresceret.

Iusta istæc severitas non unâ vice valuit, ut miseriam tandem ad eum gradum prolapsâ, ubi post panem, legumina, & quæcunque victui commoda sunt, absumenta, tergora boum, aliaque coria sæbo macerarent ad nutrimentum. Conspiciebantur sœpicule, qui in salinarum tossis colligerent herbas, conchas, & quisquillas, quâ saburrâ famelicum corpus, tanquâ delirius, avidissime onerabant: earum radices comminutas pinsebât, donec famës, quæ suum huc rejiceret, in furorem conversa, etiam cadavera defunctorum involavit, aliquot matribus insuper persuasis, ut innocentium

parvulorum sanguine manus cruentarent, adeoque viscera sua in sua viscera ad alimentum recondere.

Nemo facile fidem haberet, nisi oculati testes ista extrema, ad obsidionem deditione solvendam comprobarent. Cum autem nihil moverentur, iustitia regis, prudentia duce, debuit denuò prohibere, ne quis ex oppido egrederetur; quocunque autem modo à copiis regijs exciperentur, ad fossas circumvallationis proripientes, quotidie tamen plurimi adveniebant, quos non hilominus, ut famem intenderent, repulsari erat necesse. Viros, ad maiorem tamen ignominiam pistillo nudiores verum quidem est remissos, scæminas interulâ testas, scuticis crepitantibus, fuscillisque acutis: Quicunque verò de nocte fossas exuperare conati quocunque modo, suspendio sine misericordia defungebantur, quoties captivitas miseriarum cumulo accederet: erat tamen, qui & litterulas ferrent, ad auxilia Anglorum maturanda. Deditionis denique non potestatem in hac prudenti severitate invenias causam.

Politica reminiscencia.

CRudelitas æquitate amieta, obsessis ad necessitatem credactis, exitum præstruit: bello enim legitimo quodvis genus mortis in eos iustum. In obsidione quidem incolæ quacunque mansuetudine sunt attrahendi, unde exordium semper ducendum: verum ubi persuasionibus defunt vires, oportet severitati locum facere, idque tantò minori cum difficultate suscipitur, quod rebellium mors iustitiæ & bono publico convenit. Fames etenim ad lubigenda oppida vim omnem armorum superat, ex diuturna obsidione intensa. Hæc potentius penetrat, quam tormentorum globi, ad vallum evertendum, portas subruendas, deditionem maturandam.

Cum autem eadem per multitudinem crescat, suis rebus minimè consultum veller, qui ex necessitate, tanquàm è carcere, obsessos dimitteret, medio promissimò ad vincendum neglecto. Quanto major numerus viventium, tantò

tantò promtior annonæ imminutio, famisque insultus, morte deplorata horrendaque, quæ singulis ferè horis usuram ex lege nascendi colligit, ad spectaculum adeò nefandum, ut ii, quibus tantillum superat rationis, aut qui intelligunt, quâ cum necessitate inevitabili captivitatis colluctentur, deditionem præferant tam tristi oculorum specimini.

Fames etiam arma excutit plebi, quæ nunquam lætior quàm per commoda & saginam, quod Aurelianus Imperator dicere solebat, de populo Romano, sed vicissim nunquam abjectior, quam per penuriam victus: ut tamen ad quamvis violentiam adversus Magistratum efferatur, illa necessitate perurgente. Sic accepimus, populum Romanum tempore famis Claudium Imperatorem, per viam clamoribus incessisse, non sine injuria, coniectis etiam panis frustellis in faciem & caput. Ita plebes Constantinopolitana lapidibus Theodosium primum insectabatur per annonæ summas angustias.

Exacerbatur enim plebes ad rabiem, ut quidvis audeat, cumque vitæ usuram omnibus omnino rebus præferat, delabitur tandem ad vim, ut præfecti, quibus subest, deditionem cogantur facere, victoremque intra muros recipere: majore utique venia cum eadem necessitas rationi, adeoque potentæ potior, videatur neque hanc, neque illam admittere gubernatricem.

CAPUT XVI.

Rupellanorum extrema fames.

Plebes promissa à mense Majo penuriâ exercebatur, spes tamen de Anglorum auxilijs concepta, etiam penurios monebat, ut circa muros, & per ambitum, quem obsidentes non calcarent, minora semina, avenæ, hordei, pisorum & fabarum spargerent, quam rationem Oeconomix regij, haud gravatè ferebant: quod obsessi imprudenter testarentur, & exiguum rei militaris usum, ad profici-

cienda, quæ postmodum necessitas exigebat. Semen-
tibus quidem ipsis gaudere licebat & segete, sed exercitus regius
ad muros progressus spem messis intercipiebat, adeoque
commodum illud intervertit.

Politica Reminiscencia.

Obsidionis leges vulgatæ imperat obsessis arctâ custo-
diam, ut omni ademtâ libertate, summo utique vitæ
bono, damnum insuperabile sentiant, ex quò inducantur;
tanquam potentissima persuadendi ratione, ad arbitrium
victoris subeundum. Est tamen quod excipias, & cur eam
non semper sequaris regulam, ubi obsessis placet ambi-
tum oppidi ad segetem colere. Grana enim ab illis spar-
sa annonam non parum flagellant, adeo ut libertas semen-
tis ad famem prolabor, & inde ad deditonem.

Obsidionis diuturnæ scopus est fames, obsessis concili-
anda; cui ancillatur cura ferendi agros; unde prudentia im-
pedimentum differt, etiam facultatē eâ consulto concessa.
Hinc Fabius Maximus Campaniæ agros depopulatus;
tempore satiationis recessit, ut reliqua grana in eam insume-
rent: sic reversus continuo, famem circumdedit, ad dediti-
onem promptam.

C A P U T XVII.

Eruptio Rupellanorum.

Copiæ penes Rupellanos exiles, si ad regium exerci-
tum comparentur, persuadent incolis ex animo refra-
ctario, diversas eruptiones: pauciores quidem, quam
per ullam obsidionem diuturniorem, ad isthunc mo-
dum freti, spe certâ, de aggere perumpendo, quan-
docunque Angli auxilia essent promoturi; sed cordatis-
simas, ad fatigandos regios: repulsabantur tamen iden-
titer non sine detrimento, adeo ut non pauci mortem in-
currerent, temeritatis poenam.

Equitius fortunæ debebat ludibrium, ut in oppidum captivus pertraheretur, inde ab exordio anni: cum autem illorum plurimi eandem apud regios subiissent sortem, qui ad commutationem reciprocantem servabantur, suspensum constituebatur sine misericordia in omnes, si quid ille præter dignitatem pateretur, adeo ut satis benignè habito, ipsorum permisso, per panis penuriam, famulus ab exercitu regio necessaria adferret quotiæ die.

Protervia etiam mare intectatum non reliquit, quin eruptionem ausi sæpius, maxime ubi Burdigala adveſta essent navigia murata, ut incendia spargerent. Nullo tamen unquam successu, nisi rapta nave grandiuſcula, quæ Thoraſium agnoſcebat dominum tantum valebat Cardinalis vigilantia, quæ regi ad vim arcendam excubant, munimentis hinc inde, ad securitatem militis per fossas circumvallationis excitatis.

Politica Reminſcentia.

Eruptiones obſeſſorum in exercitum hoſtilem, magno ſemper ſeant periculo, cum exigua militis ſatura magni ſit momenti, maxime ubi numerus eſt ætior ad obſidionem, ſupplemento non facili. Quo ſi incommodo maxime careant, hoſtis tamen fervore illorum neglecto, in munimenta collectus, & per vallum excubans, eos carpit, ad impotentiam tandem redigendos.

Hinc Philippus Cominæus ait, eruptiones præter neceſſitatem factas ſemper vituperari; cum authoritate comprobari queant neceſſitatis ſolius, quæ aliquando ſine ſpe vicit ex audentia, quàm ignavis indere ſolet; ſic ad extrema audenda facile perſuadetur, cui nullum mortis effugium pater. Id igitur obſeſſi ante eruptionem meditentur.

Qui verò obſidendæ urbi incumbunt, duo tantum remedia adverſus vim & incommoda ſortiuntur; alterum, prudens inſtitutum operarum; alterum, excubias perſvigiles, ad vim repullandam. Vallum recte ductum, ſi ab oppido ſatis recedat, mutuam opem præſtat, ex juſta al-

titudi-

utudine peditem tegat, coronam satis validam ad falconum ignivomorum ictus ferat, fortalitiis & propugnaculis abundet districto ordine, satis latitudinis ad conflictum pandat, hostilem invasionem à tergo arceat, mirandam exhibet opem.

Imponendus tamen miles bellico apparatu instructus, qui ad disciplinam militarem accurate adigatur, excubiis nocturnis æquè ac diurnis assuetus. Neque minus fuerit necessum, vigiles per accessus & ad labra fossarum profutui, ut hoste ingruente vim vi repellere liceat, coratissimis quibusque per primos ordines, ad sustinendum impetum dispositis, etiam circa stationem non minus diligenter servatis hospitibus: nam illic primus impetus fuerit frangendus, ex quo sæpe summa salus dependet.

Ante omnia dispiciet valli custos, ut copias excubiarum expertes accersat diligentissime, quod multitudine ahimos inflet, hostemque multatum repulset. Ubi autem excubiæ ad impetum eruptionis sustinendum deficiant, in munitiora colliget sese extra vim, donec cæteræ copiæ advolent: quod institutum Cæsar Alexiæ obsessæ adhibuit, Commentariis testibus.

C A P U T XVIII.

Rohanus continuat machinationes per Languedociam.

Dum Rupellani rebellionis fuminam exhibent, Rohani machinationes solitas per Languedociam promouet, ut incolas eorum oppidorum, ubi Religiosa iotum potiores erant partes, tuos faceret. Sic ab exordio anni conabatur Briate tam, per favorem Tullæi pervertete, cum autem incolæ, pacis obsequiique tenaces, factiosum illum comprehenderent, Tolosæ is suspendio rebellionis studium expiavit.

Rohanio etiam tunc pertristi ex sinistro casu, quem copiae Magoloni incurterant, Castrensis præfectus quin-

quaginta sclopetarios iussus submittit, præter duodecim equites, ad Castellum Clermontii Lodeviani; Didicerat enim non paucos barones & nobiles illum convenisse, quos in campum elicere, & vindictæ immolare cogitabat. Excubitor Castellum Clermontium monet, oberrare octo vel decem equites, hostili fere specie. Comes cum cæteris, veste familiari tectus, equum conscendit, fistula ephippiaria, enseque instructus proruit, invaditque equites, quos dicebat amicus oberrare.

Illi animadversis hostibus simulatam capeffunt fugam versus sylvam, ubi quinquaginta in insidiis desidebant sclopetarii: quibus juncti, obvertunt faciem, persecutores incurfant, & duodecim fato transmittunt. Ambræus, Clermontium secutus, vexillifero cadente aiebat, eam inter necionem vindicandam, aut sustinendam. Conversus igitur momento circumvenitur, ut evadendi nulla restaret ratio. Salutem ergo decies mille aureis redempturus, audit, Magolonensem recordaretur cladem.

Diceret strategema, militiæ solitum, nisi crudelitas ulterius processisset, ad amputationem aurium, nasorum & pignorum, quæ sæviebant in quosvis captos; ad rabiem animi explendam. Castrense oppidum Rohanius paulo post rebellionem involvit: ejus vecordiam imitati Montalbanenses, eiecere Legatum particularem, Præfecti decanum, duos consiliarios, cum summo legato, populo in eandem rebellionem præcipitante: Nemausenses, Cosnenses, Sanseveriani, SanFrigani, alique per Languedociam, Vivaretium & Delphinatum accedebant partibus.

Non in istis provinciis stetit malum conspirationis, quin Cardinalis mense Martio, dum rex apud Parisios commoraretur, intelligeret, nobiles quosdam apud Limovicenses coire, adversus regias partes: gnarus igitur, igniculos ante incendium suffocandos, Schombergium, summum per eam provinciam legatum expedire mittit, qui necessaria curaret ere nata: is æquè prudens ac fortis factiosos ita dissipabat, ut comparere nemo auderet. Sic Rohanius viam invenerat, ad acquirendum Parcium, filium Centurionis illius, qui Caleti portas clavesque custodiebat, ut oppidum Anglis traderet, introitu per propugnacu-

naeculum veste non satis integra circumdatum parato; veteri Castello facile, ad primum ingressum patente, quod vetulus miles, notitiæ antiquæ servaret.

Cum autem id institutum per Vicecomitem Frugæ innotuisset, ducitur Parcius, & sententia promulgata vivus discerpitur. Sic Matinionus conspirationem erat assecutus, quam Religionariorum non pauci per Normanniam cum Anglis nectebant, eo consilio, ut illis aperiretur crassa turris, quam in medio mari Briquevillanus possidebat: etiam oppidum & portus Viræ recluderentur, concepta spe, ut partium studiosi Caomi, Falaise & perviciniam, conjuncti, regem ab obsidione Rupellæ retraherent, ad ista loca summi omnino momenti recuperanda.

Politica Reminiscencia.

Rebellibus primitus cedunt quidem aliqua emolumenta, vel ex conspirationibus per oppida, vel ex monumentis male custoditis, vigilantia socordiam vincente; tandem tamen intelligunt res suas collabi, omnibus victoriis in cassum abeuntibus. Optare licet, ut ante sinistram institutum veram rei causam agnoscerent, quam in penuria rerum necessariorum ad militiam feliciter conficiendam invenerint.

Ad principia non multum requiritur, pronâ occasione ne tumultuandi, quæ tamen summis calamitatibus terminantur, nisi auctor turbarum copias habeat multas, cum supplementorum potestate, ducibus egregiis, & grandi pecuniâ instructus, clientelis oppidorum & vicinorum dynastarum ad invadendum munimentum innixus, ipse genio acri & virtute eximia prævalidus.

De copiarum militarium multitudine, adeoque supplementorum facultate, nemo dubitabit, cum sine illis nullo pene negotio à Principe opprimatur, & gregariis per inconstantiam militarem dilapsis, aut morborum violentia absumentis, brevi possit solitudinem in castris & prædiis experiri, nisi damna illa per supplementa, & novos delectus sarciantur.

Numerus enim militum æquè ac disciplina militaris Romanos cæteris Nationibus prætulit, qui solebant, ut copiosos semper exercitus ducerent, victis populis militiam imperare, quod apud Tacitum, in vitâ Claudii est legere. Diversam rationem Lacedæmonii & Athenienses inire, quibus exteri milites displicebant, tametsi devictis imperarentur; unde difficulter exercitu numerofo imperii fines latè extendebant.

Sed præter magnum militarium copiarum numerum necessaria etiam sunt pecuniæ, in thesaurum collectæ, cum ex penuriâ earum omnino consequatur annonæ angustia, & necessariorum inopia, unde dissipatio nunquam evitanda consequatur. Sic Quintus Flaminius animadvertens Philopæmenem, Achæorum Imperatorem, magnum numerum equitum peditumque trahere, sine adminiculo pecuniarum, ludibrio eum habuit, quod lacertis eruribusque valeret, ventre destitutus; inopiam alimendorum indicans. Iulius Cæsar, dux sanè celeberrimus, claustra æt. rii Romani, tribuno Metello frustra obnitente, effregit, tametsi fortissimo milite niteretur, quod prudenter iudicaret, prosperum successum armorum sine copia ararii, sperari non posse.

Peritiores etiam requiruntur duces, quorum virtus, instar animæ, militem concitet. Quemadmodum enim corpus, anima præditum, viget & moveri potest, ita miles nihil unquam operæ præstiterit, nisi prudentia ducum, quorum est momenta pugnandi dispicere, fortique exemplo præire, agant & moveantur. Necessum tandem fuerit, ut primores & oppida circa munimentum, cui inhiat, conspiratione ac clientelis complectatur, ne ipsi subvestam annonam, quâ exercitus carere nequit, impediant, aut singulis momentis molestiam exhibeant, hostemve suscipiant fovendum, ad insidiarum decipulas, pugnantique importunitatem.

Ex ea necessitate rex Scotiæ Iacobus, bello adversus Henricum VIII. Angliæ regem implicitus, cum Anglis curiosè collusit, qui extra illam benevolentiam copiis ipsius impensè nocuissent. Sic Hannibal, in Romanos

moturus, ante omnia Gallos sibi conciliabat, Hispanos & Africanos: etiam Romani, Philippum Macedoniæ Regem bello aggressuri, misere legatos ad Ptolomæum Ægypti regem, ut fœdus contraherent.

Primum tamen & ultimum fuit genius virtutis eximie, cum se se singulis momentis ad nova pericula prostituit, successus instituti maximam partem ex ipsius industria & dexteritate pendeat, minima etiam trepidatio, siquam exerat, desertionem pariat, res arduæ prudentiam & virtutem eximiam flagitent, fortunæ etiam favore maxime egeant, ob rebellionum periculosissima machinamenta, quæ suboriri queant, adeo ut rarissime ea mediocribus genis multum indulgeat.

Isthæc videntur ad res arduas suscipiendas necessaria, sine quibus temeraria audentia in exitii periculum præcipitat; ut animadvertere liceat, duces rebellionis ex illo errore ignominiam pro gloria reportare.

CAPUT XIX.

Dux Trimalia transit ad Sacra Romanensium.

NON omnino defungebatur Cardinalis, Hæreticorum nervis succisis, oppidis, ubi nidulabatur rebellio captis, nisi eodem tempore & de conversione illorum allaboraret, inprimis verò sinistram opinionem adimeret illis, qui nomine & autoritate apud factionem plurimum pollebant, & duces censebantur. Eacura primaria Regis complectebatur Pictaviam, Aquitaniam & Linguedociam, Missionibus constitutis, quas Religiosi quarundam familiarum docti & pii obirent, animo apprimè devoto.

Cum autem Cardinalis æquè Theologiæ mysteria, ac Politicorum secreta intelligat, æquum erat, ut ipse principalem negotii huius, quemadmodum & armorum referret victoriâ. Plerasq; occasionibus mæta, animadverterat.

Ducis Trimuliani mentem propensam ad suscipienda antiquioris doctrinæ semina; sumit ergo sibi potiores institutionis partes, impensis non semel aliquot ex otio horis. Cum autem doctrinā neminem haberet secundum, & acumine præcelleret, lumen ostendit, quo non diu post scrupulis eximerentur, errores dissiparentur.

Tantā Trimulius erat modestiā, vitæque temperie, etiam per fervidam ætatem, ut nullatenus fastum aut proterviam eorum referret, quorum sacra coluerat. Sic ingenia moderata longè feliciter institutionem admittunt, & ille facile sequebatur instinctus, à dexterā Dei profectos. Veritatem tamen demonstrari expetebat, difficultatesque explanari, quibus eatenus nemo ad ipsius gustum satisfecerat.

Postquam autem eam partem beatitudinis attigit, ut à Cardinale informaretur, errorem eò facilius posuit, quod genius incomparabilis viri & Ecclesiastici & Politici, cum ad oculum exhiberet, id quod sæpius sponte professus est. Neque honores, neque opes mutationem sacrorum suaseret, cum majorum gloriā satis fulgeret, etiam opibus abundaret; sed sola veritatis notitia, quā plenissimè ante professionem fidei, imbui voluit, ut omnes articulos controversiarum exactè cognosceret.

Tantum id regigaudium fecit, ut nullo trophæo, aut manubiarum cumulo magis exultaret, quam istac victoria, per Cardinalis Zelum obtenta: testatus animi voluptatem, addebat, sese proximo festo solenni cum ipso duce communionem Cœnæ Dominicæ sumturum. Ibi Curæus capularis abdicatō munere Campiductoris apud Velitres, locum fecit Trimulio: ut facile regis studium erga subditorum salutem intelligeretur.

Politica Remiscencia.

Iustitiæ convenit ferrum in hæreticos rebelles, charitati verò conversio, ad veritatis studium. Opportet tamen, ut ea charitas magno acumine ingenii, & profundæ doctrinæ penu polleat, ad felicem successum. Ingenium

animum enim obscurum, difficultates tantum intricat, non solvit, cum scientia in Ecclesia sit, quod lumen est in universo: hinc æquè difficile viatorem in rectam reduxeris viam, noſte illuni, donec dies oriatur, ad discipendi loci vicissitudines; ac hominem ingeniosum, in errore versantem, expedieris, donec doctrina eximii genii ostendat præcipitii periculum, à semitâ cœli remotissimum.

Ubi verò factionem universam convertere sit animus, primi conatus operam intendent in duces; nam veluti stellæ motum cœli sequuntur affixæ, ita mortales inferioris sortis plerunque fidem, & commoda superioris optant. Cum plebes Romana aliquando in montem sacrum secessit, ob Virginii fortunam, facile à Senatu ad pacem est reducta, quod, teste Livio, duce careret, nemine auso vel responsum expedire ad Senatus propositiones,

Hinc certissimum existimo, non plus difficultatis repperit in factione hæreticorum convertendâ, quæ sine Duce rebellionem medicaretur. Necesse tamen præter doctrinam duxero, pecunias & honores prodigè conferendos, quibus natales eam dignitatem dedere. Comoda enim terræ non rarò plurimum ad cœli gradus conducunt: cum fortunæ bona primum quidem non sint mobile ad conversionem Zelosissimorum; tamem viam optimè sternant, compertissimo eventu.

Sic Iustinianus, ex Evagrii relatu, plurimos hæreticos convertit, per distributionem grandis pecuniæ. Sic Leo VI. Imperator, eodem modo usus, complures Iudæos ad Christianorum sacra traduxit. Indiarum planè rudem esse oporteat, qui ignoret, Constantinum Bragavum, vices regis gerentem Lustrani, ad miraculum promississe religionem Christianam palpo, honoreque erga barbaros recens baptisatos

exerto.

CAPUT XX.

Subisus & Rupellæ deputati frustra obtinent tertium auxilia ab Anglis.

DUm Rohanius diversas technas per Languedociam neſcit, omni conatu ad conſervanda quæ occuparat oppida converſo, Subisus cum Deputatis Rupellæ ad aulam Angliæ excubabant, ut tertium auxilia impetrarent; quæ non operoſè ſperabant, quod Bukinkamus, ex cauſis ſuperiori anno relatis, ſine intermiſſione operas navium, & delectus ad ſtipendia urgeret. Occurrebant tamen magna obſtacula & in executione, quod Bukinkamus per injurioſas Parlamenti querelas impediretur, & in facultate negotii, quam Embius de perumpendo Canali Rupellano priuſus negabat ullarum viuum eſſe, hæſitaret.

Tandem tamen Bukinkami favor inimicorum machinationes à ſuo capite repulit; ubi Deputatorum lenociniis, honorisque ſtimulis, ſeſe expoſuit, qui eundem crepabant authoritatis detrimentum, ſi deſererentur.

Persuadet igitur regi ſuo, ut exercitus navibus imponeretur, quod eo conſilio eſſet ſcriptus, ipſusque imperium gereret; adeo ut omnibus præparatis diſceſſus, jam iſtaret. Verum enim vero, providentia divina mortalium conſilia evertit, & executionem iſtius negotii perſatum Bukinkami diſtulit, quem Felton Anglus, quod cohors, in quâ legati munus obierat, alterâ vice acephalos, ipſo præterito, alii cuidam obtigiffet, confecerat: firmatus tamen plurimum ferebatur per Parlamenti querelas adverſus Bukinkamum, ut jam crederet, libidini obſecutus, patriæ queri emolumentum, iſi ſigne in illius fato.

Deputati nihilominus inſtant, nulla repulſa fatigandi: docent regem Magnæ Britanniæ, obſtacula aggeris non magno molimine pervadi poſſe, ſi virtus animoſè procedat, ad quæ Coronæ gloria eum aliquatenus compellere deberet, majori cum fervore audenda. Stra-

tutum

tutum ergo, ut exercitus quamprimum expeditionem sumeret: erant præter cæteras naves, tres muratæ, quædam fimo expletæ, quas in Canalem progressi incenderent, ut oppugnatores fumo involverent,

Subisus, Lavallus, & cæteri rebelles in Angliam ante digressi, primum ducebant agmen, onerariis consequentibus: Hinc acies incedebat, duce Embio. Classis hæc versus Olonnam appulit vespere ad Iovis diem, qui erat vicesimus octavus: Cardinalis eadem nocte certior rerum, expedit cursorem ad regem, qui Surgenæ morabatur, ut adventum hostium nunciaret. Rex eodem momento vestem sumit, equum ascendit, castra petit, cum Cardinale aliquamdiu collocutus, mittit, qui specularentur hostem, spontaneos hinc inde dispersos contrahit, expeditionem imperat.

Exinde transit per omnes stationes, omnia disponit, & laboribus, uris, vigilantia, præscriptoque qua mari, qua terrâ pugnandi æquæ admirandus, ac suggestus ordinandi, tormentoque dirigendi Sabbati die, tricesimo nempe, procedebat classis Anglicana usque ad caput Bayæ, præmissis, qui Gallos ad conflictum irritarent: quoniam verò regię naves erant iussæ stare, donec Angli proximè accederent, cum præter impediendum transitum nihil quæreretur, nihil se commovere; unde nihil actum, præter tormentorum reciprocationem, ipso rege per suggestum tricies in Anglos, non sine magno illorum incommodo detonante.

Politica Reminiscencia

ET si pudor ex pessimo nascatur principio, excellentes tamen producit fructus. Oritur enim ex actionibus; quæ infamiæ speciem trahunt, & aliquam maculam authoritati aspergere possunt. Dolor vero, qui generosum fodiat animum, ob paratum opprobrium, sæpissimè intendit mentem, ut ad egregia facinora erumpat. Id in Principe licet maximè advertere, qui tanto magis gloria ducitur, quod ea coronæ sit summum decus; unde intolerandum censet, eam quocunque infortunio, cui ignavia adhæreat, flaccescere.

Extre-

Extremè urit, iis facultatibus, aut felicitate destitui-
quibus pares laudantur. Ex eâ ratione Cæsar, jam na-
tus annos duos & triginta, nullo facinore laudabili, et-
iam clarus, pudibundo vultu, quem lacrymis ante Ale-
xandri magni statuam rigabat, sibi videbatur ab eodem
ignaviæ accusari, qui longè maturiore ætate Orbem ter-
rarum calcasset victor. Nemo tamen verbis expresse-
rit stimulorum sensum in animis, cum ipse aspectus sa-
pissime ignavissimis juxta & timidissimis subiciat ardo-
rem.

Hinc memorat historia diversa exempla, exercitus
suo ipsorum errore profligatos, vituperium fugæ adeo
graviter tulisse; vel etiam alio quocunque modo cladem
attrahentes, recepisse animos, & victoriam perditam re-
cuperasse. Ita Persis pudor, cum uxores fugientibus
occurrerent, pudendis relictis, tantum opprobrium suf-
fudit, ut in hostem conversi, summâ fortitudine Astyagis
exercitum, ergo hærentem, oppugnarent, victoriamque
illustrem reportarent.

Idem Romanis, post cladem ad furcas Caudinas à Sam-
nitibus acceptam, accidit, quæ eos adeo compungebat,
ut nihil quiescerent, nisi in vindicta: colligebantur enim
Capuam adeo tristes, ut vix verbum proloquerentur,
quod silentium imprudentiores tribuebant desperationi,
qua consternati ipsi videbantur, sed Offilius Ascalanus
majori præ cæteris judicio, civibus dicebat, eam tacitu-
nitatem, vultuumque confusionem sibi mali quid augu-
rari, cum non posset animum inducere, quin crederet, sen-
sum cum doloris tam eximii extrema meditari, ad recu-
peranda emolumenta, quæ sors armorum eripuisset, ipso
pudore apud animum generosum naturam spei ad salu-
tem induente.

Sic Agrippa Consul, ut majores exercitui adderet ani-
mos, non semel correptum signum in medios hostes con-
jecit, ut pudor perditæ signi militem vehementius sti-
mularet, ad fortitudinem ma-
jorem.

CAPUT XXI.

*Prælium maritimum inter Gallia & Angliæ
exercitus.*

POSTquam Angli biduum eam stationem tenuissent, ea nocte, quæ diem Lunæ à Dominico dirimit, decem vel duodecim incendiarias cum crepitaculis ad regias naves inflammandas mittunt. Crepitacula laminis ferreis obducta, pulvere hitrato gravida, affigebantur saliceo trunco, in cuius latere clavis eminebat, quæ alicubi appulsa, tonabat artificio ignivomo: quod à singulis sperabatur damnum, in ludibrium unius abiit, quod nullo alio effecto contrepuit, quam ut regias naves multa aqua perlueret. Respondebant crepitibus istis Salmoëanis tormentorum fulmina, ex suggestibus undiquaque. Stabat tamen immota classis, adeo ut plurimi arguerent, eam nihil ausuram, brevi ad reditum velis convertendis, quod obstaculum molem longe fortiozem, majoris quam fingebantur à liberationis cupidis, difficultatis invenissent, aut excensuram futuram.

Quemadmodum verò imperatoris est, quosvis casus præcipere animo, adeoque commodè prævertere, rex Enculismensem & Schombergium jubet Coreiliæ ligulam, custodire, Trimulianum & Aletisium cum velitibus & cataphractis succenturati, ipse ad ligulam, quæ caput Bajæ dicitur progressus, ut eam stationem tueretur, cum spontaneorum multitudine, quæ ipsum sequebatur, & aliquot militum pedestris cohortibus. Iusserat etiam spontaneorum magnum numerum cum milite in naves transire, sub oculis Anglicanæ Classis, quæ ad conflictum per eum diem ægrè descendere videbatur.

Postridie tamen, cum tertius octobris illucesceret, considerans regis sui auctoritatem ad opem Rupellanis ferendam nimis obligari, quam ut sine facinoris conatu discedereliceret, vento etiam secundo invitante, vela expandit, expedit

peditaciem, ad Gallos procedit, jam per ordines constitutum expectantes. Hora sexta sumitur principium, quatuor fere horas dimicatur, per fulminationes tormentorum, quæ quinquies mille numeratæ sunt, nulla ulteriore pugna. Ibi Gallicæ naves, thalassiarcha Valensæo ad votum movebantur; tametsi Angli ventum essent sortiti secundum: qui graviter mulctati per tormentorum violentiam, navium maximam cogebantur ad insulam Oyæ pertrahere, ubi resarciretur.

Politica Reminiscencia.

Compertum est regis præsentiam, aut Imperatoris militum sufficere ingentes animos, quasi spiritus ille ex capite deflueret in membra singula ad motum, quem prudentia exigit rebus gerendis. Sed Dux exercitus, quisquis tandem fuerit, virtutibus Imperatoris clareat oportet, quæ à Magistro eloquætiæ istæ commemorantur, scientia rei militaris, virtus, authoritas & felicitas. De scientia rei militaris is dubitabit, qui caput cerebro vacuum optat. Notius, quàm ut relatu egæat, quantum negotii Scitorius Romanis exhibuerit, per Hispanias tumultuatus. Eumenes ex summis ducibus, quos Alexander Magnus reliquit, mirandum in modum adversarios flagellabat, quod sciret, in eo consistere scientiæ compendium, ut ad oratorum consuetudinem quod Socrati, falso tamen, objectum, causam infirmam brevis arte fulciret.

Virtutem, quæ hic intelligitur fortitudo, non tam in lætætorum robore constituent perit rerum, quàm in animi constantia inconcussa, quam in Othone desiderarunt milites generosissimi, cum ad primum conflictum cum Vitellianis inferiores tulissent, & imperator continuo omni specie abiecta sese gladio indueret pernicioso, cum Martius apud Hispanos pridem docuisset suo exemplo, victores etiam, immani numero licet superiores, virtuti cedere.

Prudentiam uti in omnibus negotiis, ne temerè, & beluino impetu res geratur, maxime in bellicis expeditionibus, tanquam effectum scientiæ, & virtutis gubernatricem, merito ponimus. Quicunque ea destituitur, in gravissimos incidunt errores: quod Atheniensibus usu venit, ubi Demosthenes dux aliquando felicior quàm prudentior, Spartanorum rebus

primū obfuit, fed ad summū imperiū evectus, fuis nocuit.
Nihil sane imprudētius ab Athenienfibus factum legeris,
quam illam expeditionem Siculam, ubi Nicias cum omni
exercitu periit. Prudentia fuerit, impedimenta hoſti per-
mittere, ut ſumma rerum conſeſſet; hoſtem potentiffimum
carpere, quod Fabius docuit, donec a quo Marte conſli-
gere liceat; denique ſtrategemata quæcūque expēdite.

Felicitatem ultimo quidem habet numero Oratōr, qui
in eā republicā vivebat, ubi omnia aſpicijs & viſtute pa-
trarentur. Mardonius tamen, quem Xerxes in Aſiā rever-
ſus, conſciundo bello Græcico præfecerat, lamenta-
tur, ſibi quidē ad ſcientiā rei militaris nihil deeſſe, vel ipſi
Xerxis iudicio; qui eum ex tāto numero lectū voluerit,
virtutem etiam ſuperare, quā in omnibus expeditionibus
hoſti ſapiffimē probarit; ad authoritatē nihil deſiderari,
aut prudentiarcū obſequentem ducat milite, cui ſalus,
in patiant ſine teſtimonio virtutis laudatæ reſerſo decol-
lari, deeſſe tamen unā felicitatē, quæ ad Græcos demia-
grāvent. Dubitare autem ſemet, an Fortuna Perſarū imp-
periō invidet, ad auſpicia tanti regis eludenda, an ſuam
virtutem ſumſerit conculcandam.

Quantus rex fuerit Franciſcus I. novit Orbis terrarū
& litteris & armis inſtructiſſimus, animo proſus excelſo,
fortuna tamen nulla. Dicant Gentiles; rerum divinarū
neſcijs, Fortunam mortales facere ludos, & conſtantiſſimē
ſervare ſuam inconstantiam; nos vero ſcientia cæleſti im-
buti, credamus, Reſtorem univerſi nonnunquam caſui,
quod nobis videtur, aliquid permittere, momentā tamē
rerum ad ſtateram expendere ut juſtitia conſeſſet, injuſtitia
fautores impingant, rebelles mulctentur.

C A P U T XXII.

*Armiftitium aliquot dierum inter Gallos & An-
glos, ad Rupellam belligerautes.*

DUM rex ad ſuggeſtus verſaretur Capitis Bayani, quos
biduo

biduo ante crexerat, tormentis ex ipsius mandato singulari detonantibus, nullo penso periculorum, quibus suum caput exponebat, dum globi hostiles circumvolarent, aut ante pedes impingerent; impense gaudebat istorum tormentorum, cuius usum ipse viderat, & jam dirigebat, violentia quam praeviderat, Elementis etiam faventibus iustitiae, Anglis vero ex praesentia ipsius, felicitate & virtute formidinem concipientibus.

Longè sane maiorem acquisivit gloriam; cum impetum jam tertium sustinuit, & vitae usuram divinae permisit providentiae; quam apud Parisios si libuisset delitescere per ignaviae suspicionem, quod Matiliaci sectatoros suaserant. Summam sanè voluptatem adferebat mare, ignibus & fulminationibus pellucidum, appulsis ad pedes ipsius tot incendiarijs, quae submissionem victori praestarent, ubi ipse per claustra tormentorum discurreret, operasque urgeret; quam vecordiae circuli in Luparia Parisiorum non redemerint. Ibi enim distentus, tantum tulisset vituperij, fervente hac obsidione, quantum gloriae abstulit, ipse rebus gerendis immixtus, clavo militiae tenaciter affixus; donec haereticorum factio ad obsequium compelleretur.

Cum prima dies istae dederit, recordamur postridie, venito etiam tum Anglis favente, vela fuisse expansa, & principium per tormentorum fulminationes factum, eodem quo prius locorum discrimine; à regijs ad eundem modum responsum, per quatuor fere horas. Ausus tamen Anglus novem incendiarios emittere, quas sequerentur naves muratae, cum illis simigeris, quae jam ignem conceperant, ad fumum excitandum: is enim credebatur exercitum regis operturus, ut appropinquantes Anglos, qui sic Canalem ibant tentatum, oculorum usdrae, ictibusque tormentorum eximeret.

Obviam procedunt lembi, nihil morati tormentorum fulminationes, quorum furori militem unum impendete, cursum incendiariam inhibent, & perversant, hoc conatus felicitate eluso adeo ut naves quae cōsequebatur, remissitati facerent modū, classisque universa iam lacera ad litus illius, ubi prius haeserat, stationem recederet non sine tumultu.

tumultu suo, & Rupellanorum, quos inde desperatio corripuit. Neq; hic steterum adversarum modus: nam horrenda tempestas eo momento. exurgebat, ut naves cogerentur altum petere, & sese disjungere, ne ventorum violentiæ exponerentur.

Postquam igitur Angli spem transitus perumpendi perdidissent, conati sunt clam aliquam transigendi rationem proponere regi, cum judicarent, longè consultius fore, Angliam repetere, quam flagellum sævientis fortunæ subire. Ubi Cardinalis regi exposnebat, cum Rupella subigenda sit sumta, transactionem illam qualemcunque non parum prodesse, quod Rupellani omni spe auxiliorum destituti, propensiores ad pacis conditiones forent. Animi autem fervidiores, quam ut pax concludi posset, colloquia de conditionibus instituta expendendis, tandem ad armistitium aliquot dierum deduxerunt.

Politica reminiscencia.

Quamvis semel bello victi, ad emolumenta perditata possint emergere, si vires satis firmas, pudore animos impensissimè stimulante, recuperent; tamen utroque deficiente, summus metus fuerit successus minus optati. Fortuna quidem sæpius pro ijs stetit in bello, quibus modo obverteret dorsum; sed ut faveat opus fuerit, post diuturnam ejus benevolentiam, viribus & virtute eximiâ, eo quod prudentiæ & fortitudinis delectetur familiaritate, adeo ut sine illarum societate non facilè in aciem descendat.

Maximè bellorum clades appendicem trahunt longam & periculosam. Unde T. Livius de factiōne quâdam, quam Marcellus contra Hannibalem Nolæ fovebat, refert, multo difficilius vinci exercitum, victorijs assuetum, quam ubi clade aliquâ infamari cepit: cujus axiomatis hanc rationem subjicit, ex occasione victoriæ, quam Romani sub Imperio Consulibus Manlij à Gallis Asiaticis reportarant, asseverans, quemadmodum victoriæ plurimum augerent

vincentibus animos, ita afflictorum virtutem insigniter diminui; adeo ut victores aleam præliorum subinde repetant.

Id miles Pompeij comprobatur, post cladem aliquam Cæsarianis illatam, quod Plutarchus in vitâ Pompeij memorat. Victi enim ægrè ad conflictum perpelluntur, cum plerunque metu perculsi, etiam maximam partem inviti arma inferant, adeo ut languidè audeant, & facillimè iterum succumbant. Sic Guisius ex Italiâ reversus, à Prælio ad Laurentij fanum, ut copijs Gallicis a fugâ collectis, aut recens scriptis præesset, ad regem scribebat, majorem sibi impendendam operam, ut animos firmaret, & fiduciâ præstaret, quâ ut hostem victorem repulsaret; censere igitur, ante secundâ præliâleâ, inescâdas fore aliquâ clade hostili, quod dexterrime in subigendis Guincis, Caeto, & Theonis villâ dēonstravit.

CAPUT XXIII.

Embius, Imperator Anglorum, mittit Montacutium ad regem.

CONSTANTE armistitio, patefcebat Anglis rebellibus, exercitui Anglorum immixtis, virtus languida auxiliorum, quæ spem exuperandorum obstaculorum, ad salutem Rupellæ posuisset, in certissimam suam perniciem, nisi à clementiâ regis veniam præteritorum obtinerent. Eo redacti, adeunt Embium, ut is per auctoritatem regis Britannici gratiam, cum jam nihil superesset rerum, conciliaret.

Embius petito æquissimo assensus, cum primoribus exercitus Anglicani deliberat, quid consultissimum foret, ad flectendum regis animum. Mittitur Montacutius, nomine Britannicæ regis, ut pacem tentaret. Is stationem regiam adit, admissus exponit, sese nomine regis Magnæ Britannicæ venire, qui rogaret Rupellanis gratiam, ad libertatis conscientiam, Subisij &

Lava-

Lavali, adeoque Anglorum, qui Rupellæ militarent, salutem.

Respondit Rex, Rupellanos in censu subditorum esse, nihil regi Magnæ Britanniae negotij cum illorum commodis, præsidium Anglicanum eodem modo, quo Galli in Angliâ, hinc inde per occasiones hujus belli in mari capti, habendum. Rex amplè & benignissimè exceptum, per castra deduci jubet, ut fortalitia, suggestus, aggerem, sepimenta, & navigiorum concatenatam seriem per Canalis latitudinem spectaret: non tam, ut eam gratiam à rege referret, quam ut partes suas de singulis faceret certiores, ad desiderium ulteriora audendi proijciendum. Ipus igitur testis ocularis, ad regem suum in Angliam revertitur, ut aliquam transactionem suaderet.

Politica reminiscencia.

Quemadmodum consulto opus est, antequam negotium suscipiatur, ita temeritatis fuerit, necessitatem impugnare, & ab adverso flumine sorberi, quod obliquando trajeci potuisset. Nam quicumque ad extrema proruit, cum sorte aliquâ gaudere potuisset, desperationi sacrum facit, raro litat. Agathocles, Syracusanorum tyrannus maluit fortunas omnes felici tamen eventû, quod rarum est, periclitari, quam molestis legibus subijci. In Africam enim, domi obsessus, omnes copias trajecit, & Carthaginenses inopinato oppressit, ut illi Syracusas cogerentur missas, facere quo hostem ab Urbe amolirentur. Sed quæ salus Agathoelem servare potuisset, si easdem illas copias hausisset mare, provinciales à littore arcuissent, fame & penuriâ omnium rerum, adeoque ferro confecerent, dum Syracusæ, imperij caput, arētissimè obsiderentur. Sic Marij temeritas in vulgus laudem meruit, quam sapientiores negabant, cum lectissimos milites in solitudinem Africae arenosam deduxisset, siti conficiendos, nisi consternatio castelli, quod ob

thesauros Jugurthæ petebat, præsidium ad torporem adeoque deditionem compulisset.

Sic dubites, an Scipio, antequam Africani nomen meruisset, magis confidenter, quam temerè hostium legatos per stationes castrorum deduxerit, ut ordinem militiæ Romanæ expenderent : cum tamen ipse suis legatis specie calonum & famulitij adderet ingeniosissimum quemque ex ducibus, ut momenta singula per hostium castra dispicerent, quibus ille in rem suam uteretur : quâ ratione etiam castra hostilia incendio corrumpit, de hospitij militum juncceis edoctus.

Etiam pessimè cessit Macedoniæ regi, qui Gallorum animos vehementissimâ incendit spe amplissimorum spoliolum, cum legatis illorum & navium & militiæ apparatus, ornatum, opes, luxum præberet contemplandum. Nam fastu illo irritata fortuna, favore subducto cladem inflixit. Sedeat Principis animo illud Neapolitanum, de temerariâ fiduciâ in militem, cum arbi-ter supremus & cælorum & armorum hoc momento maximè exerat suam potentiam, ut reverentia in Numen constet.

CAPUT XXIV.

Rupellani leges deditionis agitant.

ARmistio jam finito, Angli, ut testatum facerent, ex metu sese nihil proposuisse, aut ad discessum converti, vicesimo tertio Octobris præliū audent, quod ultra duas horas productum, audentiam ad naves regias progrediendi tamen cohibuit : unde Galli apud ipsos eodem die statuunt, Deputatos ad regem mittere, qui supplices misericordiam illius implorarent. Quatuor igitur ad Cardinalem destinant prius, qui humillimè supplicarent, ut causam suam apud regem ille ageret, exacerbato animo ad clementiam deducto, à quo humillimâ detestatione erroris gratiam expeterent.

Car-

Cardinalis respondet, sese cum rege acturum; eos tamen lautè habitos sequestrat, ne cum quoquam sermones conferre possent, gratiâ, quam desiderabant, postridie obtentâ, cum rex sine difficultate ad suggestiones Cardinalis descenderet. Exposuerat enim, quanti referret, eos ab Anglis separari, qui deinceps nihil essent ausuri, necessitate proclivi ad discessum etiam sine conflictu, quocunque tandem Rupellanorum res forent statu.

Indicat igitur deputatis, regem, quam desiderarent, indulgere gratiam; consultum tamen putare, ut bini eorum numero ad aulam remanerent, quos ad reducendos in viam obsequij Rupellanos destinabat. Refractarij enim illi per obsidionis extrema deficiebant, morte milenos metente, & tamen nescio quæ proponere audebant, cum jam extra omnem spem auxiliorum versarentur. Cardinalis ergo nunciat, Gallos ejusdem factionis ab Anglis recessisse, gratiâ apud regem inventâ; Anglos desperatâ vi aggeris pervadendi, intercessisse, misso etiam Montacutio, ad mentionem de pace iniiciendam, quia rege benevolè exceptus in Angliam reverterit, ad regis sui animum itidem flectendum.

Nihil sanè secundum omnia ista expectandum, præter crudeli ssima ex fame fata, nisi ad clementiam regis recurrerent, vero sensu errorum compuncti. Hoc nuncium gravissimum tumultum in oppido suscitabat, ubi sapientiores demonstrabant, primores fame deficere post pauperculos, quod annonæ maximam partem egentioribus vendidissent, ob prompta, quæ frustra sperarint, Anglorum auxilia; hinc mortem milenos rapere, adeoque à sex mensibus decies mille & amplius expirasse, cum nec sepeliendis operæ sufficerent, robore ad cavendas fossas, & cadavera deferenda perditio, unde funibus ad Cæmeteria, aut loca deserta traherentur, donec exiccata perirent. Visos etiam complures, viribus amissis, ad Cæmeteria prorepentes, ut ibi porrecti expectarent extrema.

Hinc reliquæ populi languentis, ex recordatione,

aut potius imagine horrendorum spectaculorum censuere, fortunam tentandam, si forte justam regis iram, imploratâ illius misericordiâ flecterent. Arnoldum requirebant, ut comitatum impetraret, ad Deputatos mittendos. Rex assensus, eos ad Cardinalem prius ablegat, qui eos cum summo gaudio excepit, illos ab Anglis separatos, & ad occasionem istiusmodi retentos producit ex prudentiâ incomparabili; certos etiam de gratiâ regis, quam conciliaverit, edocet nihil spei esse reliquum, nisi sese quod instituissent, clementiâ arbitrioque regis penitus permitterent, neque omnes miserabiliter intra pomeria oppidi fame oppeterent, cum regi constitutum esset, pedem non movere, nisi oppido in potestatem redacto.

Admodum inopinatum hoc illis accidit, qui talem transactionem nulli sperassent; satis tamen proterviâ depromebant, in legibus pacis expetendis, quæ seditionem præteritam spirarent. Postquam autem Cardinalis declarasset, de ullâ aliâ conditione mentionem nullam faciendam, nisi ut sese voluntati regis penitissimè dederent; spondens etiam, sese omnem operam pro pace illorum interpositurum; promissere, de civibus obnixè ad eam disponendis, testati eam lætitiâ animorum, quam extremo supplicio, aut eculeo crepti solent.

Regressi igitur in oppidum, vulgabant Cardinalis benevolentiam & asseverationem de studio pacis apud regem conciliandæ, quod jam illis præstitisset, qui ab Anglis ad illius gratiam perfugerint, quibuscum sibi fuisset sermo. Adjurabant singulos ad pacem amplexandam, cumulo miseriæ jam seditiosos animos subigente. Quoniam vero nonnulli Pastores, qui suæ insolentiæ dignum stipendium seirent suspendium, animos per novam spem gloriæ, quam vita libertati religionis impensa traheret, inflammabant, non potuere impetrare à semetipsis deditionem indeterminate.

Transigere constituerant generatim in commodum factionis: gubernatorem eligendi jus poscebant, cū Majore,

jore, & Scabinis, præterconservationem omnium generatim immunitatum; adeo ut Deputati necessum haberent crebrius hinc inde excurrere, ut quod desiderabant obtineretur. Cardinalis vero, qui nihil, quod ad gloriam regis conducatur, prætermittit, gnarus etiam extremorum, id unum identidem respondebat, aut fatum fame acceleratum, quod vitari non posset, expectarent, aut simpliciter regis arbitrium subirent.

Istæ ratio transigendi firmissima tandem populi pertinaciam flexit, ut duodecim primarios, qui vix pedibus insistebant, mitterent, ad Regis clementiam implorandam, cum amplis protestationibus vivendi & moriendi ad obsequium debitum, nullas leges, nisi quas rex indulgeret, expetentes: quæ summa fuit illius orationis, quam expeditissimus illorum ad regem supplex habuit.

Rex gratiam, quam desiderabant, indulget; Herbautus inde Actuarius, ex literis patentibus regis legebat inter cætera, Regem rebellionis facere gratiam, actus hostilitatis inhibere, ut quisque ad sua redeat jubere, permittere religionis exercitum intra oppidum, eandem gratiâ militi cuicumque apud eos concessâ: addere etiam, ut duces, centuriones, & nobiles gladiati, gregarii vero scipiones albas dextris ferrentes exire & discedere possent; prius tamen præstito jurejurando, de armis adversus regis obsequium nunquam sumendis.

Politica reminiscencia.

Quamvis rebelles victi occasionem præbuerint diuturnæ obsidioni, ad eos subigendos, immantibus sumtuum expensis, majori tamen gloriâ Principem cumulabit clementia, quâ erga eos utetur, quam si objectum extremi rigoris constituentur. Id quod particulariter conveniet, ubi illi jam summas miseriae sunt perpassi, aut ubi partium tenaces militiæ continuationem extorquent. Compendium enim malorum, quod isti exantlârunt, potest cæteris præbere exemplum

supplicij; moderatio etiam, quam fuerint isti experti, illecebris cæteros ceperit, ut ad rationis ductum regrediantur nondum victi.

Deus quidem victorias largitur, sed quæ ipsi placeant, & verè mereantur laudem; victor igitur eis modeste utetur, tum ut ipsius bonitatem imitetur, tum ut iugum, quod victis imponere cogitat, mitius & tolerabilius reddat. Est enim istæ mansuetudo aliquando persimilis balsamo pretioso, qui omnem sensum vulneris, lethalis licet, aufert; cum vicissim nimia severitas ad desperationem perpellat, unde non raro consilia perniciosissima extiterè.

Eam equidem opinionem nullus laudavero, ubi victi rebelles exiguo temporis spatio sint subacti, nec famis supplicium subierint, quo crudelius vix inveniantur ullum, nec alias ærumnas, diuturnæ obsidionis comites inseparabiles, exantlârint. Eo enim casu expedierit potius, crimina cæterorum viâ quorundam præ omnibus factiosorum expiari; cum speciem crudelitatis induat, rigorem post tam longas & graves pœnas addere: animus enim bonus per eas occasiones misericordiam præ irâ exerit.

Romanorum virtus, toties per antiquitatis seriem laudatur, ut in dubium vocari nequeat: notum hinc, quam tenerè testati sint per diversas occasiones, ad oculos ærumnosorum suam misericordiam, si qui victi languerent. Sic Marcellus Syracusas quidem subegit, sed desolationem considerans, lacrymas non continuit. Sic Pompejus non tulit Tigranem, regem Armeniæ, pedibus advolutum jacere, quantumvis bellum contra Romanos sustinuisset; quin iuberet eum erigi, & diadema recipere. Cum Titus Imperator calamitates Hierosolymitanorum expenderet, quas ille per obsidionem intendebat, adeo ut cadavera defunctorum de muris dejecta fossas replerent, protestatus est, se tantorum malorum authorem non esse, cum iustitiæ divinæ instrummenti vicem præstaret.

CAPUT XXV.

Rex introit Rupellam.

Postidie, tricesimo nempe Octobris, Enculismensis, Schombergius, Curæus, Viniolius, Hallerius, San-Chaumôtius, & alij magnates, quatuordecim cohortes excubiarum, sex Helvetiorum ad horam sextam matutinam Rupellam introducunt. Cardinalis regi persuadet, ad evitandas turbas, quæ ex studio ipsius videndi, omnibus omnino confluentibus, oriri possent; prohiberet, ne quisquam, nisi ex mandato, introiret.

Huic promulgationi & illa additur, ne quis testum subiret ingressus, donec juberetur, tum ut incolæ ab expilationibus liberarentur, tum mundities redderetur, à contagio, & cadaverum fœtore, ne quos morbos aër corruptus inferret. Rex omnes cohortes prætereuntes oculis usurpabat, ex munimento Beaulevij, notatumque gregarium, illis cohortibus non adscriptum, sed Surdisij legioni, jussit ex ordinibus recedere, ut testaretur notitiam particularem universæ militiæ.

Ductores occupant portas, turres, vallum, tormenta, apparatus, emissis præsidarijs, Anglis quidem mari, Gallis vero terrâ, qui omnes & singuli spectro-rum livorem potius, quam hominum vivorum colorem præ se ferebant. Singulas portas dices singulas Citadellas, castella turres, unde extra vim omnium armorum censitum hoc oppidum, cum & in mare pateret exitus, cujus usum nemo, nisi rex iste per eximiam potentiam adimeret; Sic munimentorum moles immanes trophæorum ad gloriam regis fiebant monumenta,

Eodem die & Cardinalis introit, multis baronibus & nobilibus comitatus, nullo contagij metu, quod præsentem postulare regis obsequium; ad constituenda omnia. Supplicabat tamen regi, differret introire us-

que ad festum Omnium Sanctorum, ut interea temporis mundarentur, rebus ad eum magnificè recipiendum pro gloriâ confecti tam ardui negotij ritè disponendis.

Ubi ea dies illuxit, introit Rex, non eâ pompâ, quam Imperatores & Reges ex Antiquitate per oppida capta ostentabant, sed pietate & misericordiâ regis Christianissimi; quæ virtutes ei tantum conferebant splendorem, ut missi rebelles oculorum acies in ejus vultu retunderent, prostrati ex platearum utroque latere, ad clementiam, quam experiebantur, devotius agnoscendam. Rex præter arma consueta nullo usus saggo, equo vehebatur, sine ulteriore pompâ, quatuor cohortibus tantum ex legione satellitij, & duabus Helvetiorum, duabus turmis cataphractorum, sclopeterarij sequitibus, & satellitio præcedentibus; ubi omnis nobilitatis flos, sine ordine, ne quid litis ex prærogativis oriretur, eum medium consequebatur.

Incolæ gregatim prostrati in genua, prætereunt acclamabant, Vivat Rex, qui nobis fecit misericordiam; ubi ipse plerumque spectatissimum quemque salutabat. Ingeminantur acclamationes, à consentientibus, clementiam regis excedere mentis captum, qui mortis reos, quod Pastores inculcabant, honore tamen prosequeretur. Submissiones vero istæ & pænitiæ signa ingens accipiebant auctarium, ubi Rex eodem die decies mille panes, & eleemosynas complures distribueret, donec ex ejusdem providentiâ ter mille currus annonarij, cum multo pecore & armento, eodem quo prius in castris pretio, ad oppidum accederent. Hinc nulla facies ejus contemplandi, laudandive, quod sciret gratiâ & victoriâ uti, tanto majori charitate in missellos usus, quanto sævior fuisset rebellio, ad extrema penitus delata.

Non tam stupebant, à rege sese victos quod potentiam ipsius, & justitiam armorum intelligerent; quam admirabantur, victoriam olivâ tantæ misericordiæ coronari, dum tot gratiæ in reos redundarent, tot favoris insignia testimonia extarent in eos, qui nihil præter supplicia

com-

commeruissent; atque ex eo tanto evidentius rebellio-
nem damnabant præteritam, quod experimento de ni-
miâ regis bonitate, & eorum malitiâ ipsis constaret, qui
per imposturam aliena suggessissent.

Rex ad Divæ Margarethæ descendit, quam ædem Ar-
chiepiscopus Burdigalensis jam expiaverat, Cardinalis,
aliique viri Ecclesiastici eo manere per Missæ sacrum, ad
gratiarum actionem de victoriâ prosperrimâ cælitus
Galliæ indultâ, restauraverant. Regem idem Archiepis-
copus excipit, Clero, & multis religionum familijs, qui
Canticum illud Te Deum, succinebant, comitatus: Can-
tillabat & ipsus Rex, adeo devoto animo, compositoque
corpore, ut Nobilis quidam, præter civem aliquem, qui
eum contemplabantur, hæresin ejurarent, sponte cla-
rèque professi, nullatenus credendum, pietatem tam ad-
mirandam cadere posse in religionem minus probatam,
quam ipsi catenus essent secuti.

Rex à biduo, ut sancto Sacramento honorem ha-
beret, quo tamdiu in eo oppido contemtim caruerat,
deferri id jubet sollemnissimè per omnes vicos, pari
devotione & pompâ. Dehinc, ut gratiæ redderen-
tur Deo, cui victoriam ferebat acceptam, æquè ac con-
silia, instituta, & prosperitatem, suâ manu ad Archi-
episcopum Parisinum scribit, exacto ordine ad istam
laudem generalem: etiam Parisios repetens, per viam
ad Beatam Virginem Ardiliarum divertit, ut vota sol-
veret, & reverentiam illi præstaret, cui debere vo-
lebat prima Reæ insulæ auxilia, principium utique o-
mnium successuum, quos deinceps, bona indulisset for-
tuna.

Politica reminiscencia.

Æ Quum est, ut Deo reddantur gratiæ, victoriarum
ergo, cum ab eo conferantur. Amat autem,
longè impensius obsequium rerum, quam verborum;
unde gratiarum actio dignissima, clementiæ divinæ
imitatio, quæ non tantum rigorem adversus nos
non exercet, sed & bonis cumulat. Neque e-
nim generosus Conquestor satis habeat, sanguini &
vitæ

victoriarum parasse, nisi addat testimonia clementiæ, ut beneficiat, quemadmodum virtutem per armorum violentiam comprobavit.

Inter Gentiles sapientissime observatum, victores ad eorum sauciorum descendisse, collatis etiam, quantum egerent facultatibus. Tanto exactius ista à Principibus Christianis exiguntur. Neque enim minus gloriæ retulerit victoria ab hoste per clementiam & beneficia relata, quam quæ virtute & prudentiâ est parta. Illis insuper Christus in Evangelio sublimiorem honoris gradum promittit, cum asseverat, hanc clementiam testimonium ferre filiationis cælestis, patre Æterno solis usum æquabiliter probis juxta & improbis indulgente. Deinde & ipsi egent misericordiâ Dei, æque ac reliqua turba mortalium, cum ad rationes longè gravissimas adigantur reddendas. Infit enim Deus æquabiliter ad omnes Christianos, quemlibet ad eandem regulam, quam alijs adhibuerit, exigendum: Unde & gratia favorque quem ex misericordiâ rebellibus indulgent, non adeo ferent nomen virtutis arbitrariæ, quam necessitatem salutis.

Addam ultimam rationem, ex Polybij historia desumptam, qui ait, Benefacta vim obtinere catenarum aurearum, quæ longè arctius victos victori adstringant, quam ferreæ. Hinc patet, pietatem quidem ad clementiam obligare, rationem autem reipublicæ nihil minus urgere. Celtiberos sanè Romanis humanitas & Scipionis Africani generosa virtus conciliavit, qui inter cætera illustrem matronam captivam marito reddidit incorruptam, addito in dotem omni illo auro, quo redimebatur.

Cyro etiam utilissimum fuit, Cræsum victum humaniter habuisse, adeo ut Græcorum animi in Cræsum propensissimi, sinistra quævis & opinari & agitare de eo supersederint. Sic Consul Popilij severitas, quam in Genuenses exercuerat, Senatui Romano summè displicuit, adeo ut remedium necessarium & censeretur & expediretur, cum victoria non versetur in crudelitate adversus victos exercendâ, quâ alij à sub-

missi-

missione removeri possent. Principes enim ij non tantum celebrantur, qui victis benefaciunt, sed etiam optantur. Hinc Cappadocia, à Romanis in provinciam redacta, minus tributum, quam regibus pendi solebat, conferre iussa, ut certo sperari potuerit, tam mite imperium facilius ad cæteras Nationes extendendum.

CAPUT XXVI.

Rex religionem Catholicam Rupella constituit.

GLoriosum quidem vincere, victoriam tamen per dispositionem rerum necessariorum constabilire, æquè laudatum. Hinc Rex, antequam Rupellâ excederet, declarationem promulgat, quæ institutum faceret planum in posterum, tum ut religio Catholica, cultusque Deo debitus stabiliretur, tum ut populus à rebellionem cohiberetur. Hæc autem erant capita declarationis, Vigeret liberum & publicum exercitium religionis Catholicæ, Apostolicæ & Romanæ æquè in oppido, ac per provinciam Aunisiæ; fabricæ per oppidum & provinciam restaurarentur, iisque cederent, qui eas prius cum cæmeterijs, domicilijs & appendice possedissent; redditus, quantum oporteret, ex ærario, quod prius ad Curiam spectabat, constituerentur sacrificulis, quibus victus ratio non constaret, ad decorem convenientem; religiosæ Charitatis, & Hospitalitatis occuparent oppidi Xenodochia & Nosocomia, ad curam egentium; Crux erigeretur in foro Castelli, cujus basis inscriptam præferret oppidi subactionem; singulis Novembris Calendis solennis fieret sacrorum deambulatio, ad gratias Deo agendas; Cæmeterium in Coreiliæ districtu sacratum, quod receperat in exercitu per obsidionis moram defunctos, servaretur, addito monasterio Minimorum, qui pro iisdem sacris operarentur, adeoque

rei

rei memoriam conservarent. Quæ omnia rex ad cultum Dei, & Catholicorum solatium, atque libertatem sancivit.

Politica reminiscencia.

Nulla ratio, quantumvis barbara, cultu divino caret, quæ ipsa ratio suadet, & mens concipit. Diver-
sissima autem est illius constitutio, vel ex lumine ductu-
que Naturæ, quam optimam ducem plerique mortali-
um sequendam censent; vel ex consuetudine, à Majo-
ribus ad posteros deductâ; vel ex præscripto divino, quo
Judæi, & secundum eos Christiani fruuntur & gau-
dent. Quam pertinaciter religiones sedeant animis
mortalium, innuit proverbium, pro aris & focis; item-
que illud, Usque ad aras. Nam focus cuiq; suus charissi-
mus, cum ejus struendi prima sit cura. Sic Hesiodus mo-
net, domum ante omnia, deinde bovem aratorem, tan-
dem uxorem posterorum gratiâ comparandam.

Domicilium cuique est tutissimum refugium, ad-
versus injurias aeris, & assultum belluarum; ibi indul-
getur quieti, genio, liberis. Neque enim Nomades
moramur, quibus domicilia per currus trahuntur, se-
dibus haud fixis. In domicilium reconditur annonato-
rius anni, abduntur thesauri sanguine quæsi, colliguntur
manubiarum acervi, congregantur libero-
rum delitiæ. Itaque & armis de domicilio conservan-
do sævissimè decertatur: adeo ut extremæ servitutis
notam ferant Coloniae deductæ, quod Sama-
riæ regnum summo malo didicit. Quam grave fu-
erit Judæorum genti transmigrare in Assyriam, tes-
tantur post domiciliorum ruinas, Jeremiæ vatis
threni.

Aras autem attinet religio, quam Orbis terrarum
à Deo protoplastis datam, ex instituto Noachi, quem
alterum habemus authorem nascendi, obtinuit, sed pro
ratione locorum & ingeniorum mirè diversam, cum
videatur aquas referre, per scaturiginem limpidissimas,
sed vitium ex terrarum decursu contrahentes. Persæ ob
hosti-

hostias humanas Carthaginensibus bellum indicunt; etiam Græcis, ob statuarum cultum, quodcum Muma Pompilio Numen non crederent repræsentandum oculis, sed mente duntaxat concipiendum.

Romani cum scirent, religionibus vinciri animos mortalium, populis subactis sua reliquere sacra, quæ etiam Romam traducere volebant, ut ab omnibus frequentaretur mortalibus, quarumcunque terrarum. Sua tamen aliquando etiam devictis imperabant, non ut patria quæque tollerent, sed ut dominium constabilirent. Est enim homo libertatis tenacissimus, etiam in mentis operationibus: quod Socrati causam mortis adiecit.

Amicitiam Tullius definit, per communicationem rerum divinarum & humanarum, ut innuat, amicitiam sine sacrorum usu eodem minimè constare: abhorret enim animus à cultu peregrino, qui in mentis conceptum impingat, adeoque opprobrium erroris tacitum intentet; quod cordatissimo cuique gravissimum. Hinc igitur dirimuntur animi, quocunque prius vinculo constricti: hinc sumuntur fines officiorum, quos excedere non liceat, adeo ut plerunque focus deseratur, sacra ferventur.

Sunt, qui ad Principis demerendam gratiam, pudicitiam conjugum & filiarum prostituerint, sacrorum usum nihil mutarint. Sunt, qui gestus Principis imitentur, sibilum & quemcunque linguæ flexum exprimant; sacra tamen in nullius mortalis gratiam facile flectant.

CAPUT XXVII.

Constitutiones regie, ad Rupellanos in obsequio continendos.

Magnum pietatis specimen dabat rex in cōstituendis sacris; prudentiam non minorem testatus ad cōponēda, unde Rupellanis obsequium constaret, necessaria.

Exau-

Exauctoratur Major, caput Scabinorum, qui rebellione foverat protervia & pertinacia summa: tollitur Scabinatus & Communitas civium, omni spe restitutionis præcisa: exterminantur seditiosorum principes ex oppido, Guitonus Major, Godefredus, Sallebretus & Deserberius, etiam ipsa Rohania, quam Launæus, legatus satellitij regij Niortum deduxit: immunitates oppidi quæcunque tolluntur, muri, vallum, propugnacula & cætera munimenta deiiciuntur, fossæ replentur, turres Nicolai, cætenæ & Lanternæ tantum ad arce-dendos piratas servantur intactæ: exteris negatur domicilium, nisi per indulgentiam, omnibus etiam hæreticis eo confluentibus. Ut populus in obsequio contineretur, præses iustitiæ oppido & Aunisæ imponitur distribuis qui statuta regia tueretur, jus diceret, & regia negotia diligententer procuraret. Singula hæc declarationi regie inserta promulgantur, arma adimuntur incolis, legiones aliquot, donec demolitiones conficerentur, in oppido relinquuntur. Sic discedit rex, ad Parisios redit, & ab omnibus Urbis Communitatibus magnifice recipitur, oratoribus eloquentiam & laudes illius extendentibus. Solennia illa relinquo describenda Cere-moniarum studiosis, cum republicæ administrationem istæc complectatur historia.

Politica reminiscencia.

Vituperatur Hannibal, qui vincere sciret, victoria uti nesciret. Parum promovet Princeps, qui protervia rebellium castigata, potentiæ jugum firmat, nisi statutis obsequium stabiliat. Illa autem ad subjugatorum rationem exigantur, cum alia conveniat rebellibus jam subactis, alia vero populis, imperio exterorum assuetis. Etiam dispiciendum, an populi eadem cum Principe sacra colant, ut secundum diversitatem non tantum, ex officio pietatis sed etiam prudentiæ per aliquod laudatos viros sua ibi sacra constituat. Certissimum enim hinc sumitur medium, ad incolarum vires frangendas, si dividantur, adeo tamen ut altera partium in officio perstet, ad alteram impediendam.

Ægyptiorum antiquissimi reges non parum prudentiæ exeruere, ubi religiones diversissimas in patriam introducere, ut subditis fere impossibile foret, coire ad rebellionem.

Quod si subjugati sint Principis subditi per legem nascendi, oppida illorum non diruet, eo quod illa ratione potentiam suam minueret. Id Cræsus Cyrum docebat victus, ne ille Lydiæ urbes, jam sibi perditas, laceraret, cum jam non Cræsi opes, sed suas manubias destructurus esset Cyrus. Est tamen quod excipias. Nam si Principis minima sedeat animo suspicio de rebellionem iterandâ, potestatem eam coërcebit, siue incolis armorum interdicat usum, siue munimenta deiiciat, muros etiam laceret, quibus illi confidere possent. Sic Romani Velitras muro nudârunt ob frequentissimas rebellionem, ademto Senatu, Senatoribus trans Tiberim demigrare iussis; cum scirent, oppidorum munimenta sæpius rebellionem præbuisse ansam, quod Tacitus de Hierosolymis annotat. Sic Xerxes usum armorum Babylo-nijs ademit, & Cyrus Lydijs rebellibus, cui substituere exercitia artium, quæ à bellicis cogitationibus animos diverterent.

Neque parum utilitatis traxerit, si media & libertas coeundi per Circulos auferantur: quod Romanis placuit Capuanos subactos, quibus nullam gubernandi speciem reliquere, quam conventibus prætexere possent, non per eas occasiones, quod sæpè compertum fuerat, rebellionem foverent. Sic Turca per amplissimum imperium campanarum usum & à Christianis & à suis abstulit, ne congregarentur adversus obsequium. Quando autem victor istæc jubet, simul clementiam gratam ad-jungat, ut victis maneat religionis exercitium, & usus facultatum integer, cum ea maximè ratione captiventur animi ut deinceps
adimat & potestatem &
voluntatem ma-
lè agendi.

CAPUT XXVIII.

Gloria regis summa ex capta Rupellâ.

Hic ingeniorum flosculi, quibus etiam summus Pontifex accedebat, ad decantandas regis laudes, & trophæa erigenda, uberrimè nascuntur: omnes tamen inferiores gloriâ. Nam tertius Anglorum exercitus reijciebatur, insula Reæ asserebatur, oppidum per universam Europam ob munimenta invicta celeberrimum apud militiæ peritiores tendebat manus victas, quæ omnia ratio vincendi ad stuporem efferebat, cum videlicet ferè nullo sanguine constiterit victoria; Decies mille tormentorum explosiones extremam in tantur, vitæ famosorum inducum immolabatur, copiæ frequentes concisæ sub Carolo IX. frustra adhibebantur. Isti regi reservata erat gloria, primæ libertatis recuperandæ, ut impedimenta solveret, factione illâ, quæ subditos divisos invicem collidebat, & facultatem socijs opem ferendi præpediebat, ad famam & authoritatem, quam prius Europa venerabunda agnoscebat, recuperandam, obstabat, penitus excisâ.

Oppidum istud rebellionibus assuetum à duobus retro seculis, reges plerosque Galliæ exercebat, arduis negotijs distentos. Ludovico XI. ægrè faciebat, Aquitaniæ Ducem, fratrem fovens: Carolo VIII. molestiam exhibuit, cum omnis Italia ipsum ad Fornuam præstolaretur: Ludovico XII. tempore belli Mediolanensis multum exhibuit negotij: Francisco I. qui Carolum V. exercebat, gnaviter obstitit: Francisco II. & Carolo IX. antequam per ætatem clavum reipublicæ sumerent, mirè curas augebat: Henrico III. opposuit fratrem: Henrico IV. in Sabaudum moturo, consilia turbabat: regi tertium fecit bellum; sed nunc propugnaculorum ruinæ gloriam trophæorum induerint sempiternam.

Politica reminiscencia.

Cum omnia in his terris ab ortu ad occasum ferantur, & apicem suum non diu teneant, nihil mirum, Urbes & oppida everti, dum alibi renascantur. Si regrediamur in ultimam historiæ memoriam, occurrerit Babylonia, campos complexa pomærijs, ubi jam vix ruinarum indicia extant. Caput utique imperij vastissimi traxit in idem exitium membra, & si quæ essent minoris famæ oppida. Samaritiam memorant Israëliti regni metropolim, monti impositam, turribus superbijsse inaccessibleis: fami tamen ea succubuit. Quæ fors Hierosolyma everterit, deplorandum magis, quam recensendum. Uua Carthago, quacum Romani contendebant de imperio Orbis & gloria, olim Hispanias, Italiam, insulas complexa, etiam Indorum thesauros scrutata, confedit in cineres, ex quibus tantilla nunc crexit caput, servitutis extremæ onere pressum.

Tyrus commerciorum & divitiarum gloriâ nulli urbi, nulli imperio inferior, tamen si exiguam insulam ad littus maris incoheret, non latis finibus per terram firmam, doluit aliquoties immutari rempublicam, vel à servis subacta, qui heris, & imperium & conjugia rapuerant, vel ab Alexandro magno, qui itidem aggere structo, sibi viam ad murorum subversionem straverat, regni stirpi reddita, tandem tamen per Saracenorum & Turcarum incrementa disperijt, ut vix mapalia piscatorum extent. Eadem fors Athenienses corripuit, qui ad tantam potentiam excreverant, ut universam Græciam premeret vel imperio, vel fœdere, etiam Asiæ tyrannum fregerint, modo Macedonum, modò Lacedæmoniorum, modo Romanorum sensere arma, donec in pagos discederent, munimentis solo æquatis.

Quod si ortum imperiorum consideres, plerunque & sacrorum curam eximiam, & virtutis cultum acerrimum inaveneris; ubi avaritia exulat. Verumenimvero

videas cum opibus accedere luxum, avaritiam, invidiam, factiones; donec vitia destruant, quicquid virtus in altum evexit. Antequam vires adolescant, modestia locum habet; ipsum robur ad temeritatem invitat, sed alia imperia castigantur, alia extirpantur, alia lacerantur: quod diluvia ex Septentrione olim docuere, ubi urbes celeberrimæ fuere destructæ, nonnullæ restauratæ: adeo nihil hic dicas diuturnum.

CAPUT XXIX.

Cardinalem ad Rupellam subigendam plurimum contulisse.

Cardinalis, primus istius victoriæ minister, cætorumque negotiorum, ex laudibus illis suam trahebat partem: quam præcones illi haud grævate permittebant, quoniam Rex ipse per literas & declarationes, quæ promulgabantur, consilii ipsius pleaque tribuebat, non sine sensu gratitudinis, qui sciret, à Cardinale primum de Rupellâ obsidendâ institutum provenisse, eundem auxilia amplissima in Rexam insulam trajecisse, Anglos dejecisse, & auspicijs regis apparatus obsidionis conciliasse, operas direxisse, præ cæteris ducibus disciplinam militarem, quæ admirationi prudentissimis foret, & Galliæ ante eum diem nova videbatur, ne copiæ dilaberentur, constabilisse, aggeris structuram invenisse, pacem denique sub oculis Anglorum, exercitu ad suppetias ferendas per vicina littora hærente, firmasse.

Quemadmodum vero res gestæ secundum gloriæ cumulum patent invidiæ, inveniunt etiam sunt factiosi, qui istanc laudem carperent, tametsi laborum meritis deberetur, illi tamen detrimentum regiæ autoritatis interpretarentur. Nihil vero præstitere, nisi apud suæ farinæ homines, quibus acies oculorum in istoc splendore hebetatur.

tatur. Quicunque etiam quantulamcunque ipsius notitiam habent, meminerint, quanta cura invidiæ irritamenta declinet, omni rerum gestarum gloria in regem, cum prosperitate auspiorum relata: cum ipse nihil unquam quæserit, præter gloriam ministerij perfiditatem, promptamque jussorum executionem utiliter comprobati.

Sciunt sane, rectissimè cum comparari Germanico nepoti & filio adoptiuo Tiberij, qui per Allemanniam parta insigni victoria, trophæum erexit, cujus basi ista verba inscriberentur: Exercitus Tiberij, post subactas Nationes inter Rhenum & Albim, monumentum hoc Marti, Iovi & Augusto posuit, nulla sui mentione, quod Tacitus refert. Splendor enim è rebus gestis quotidie coruscans, virtutem abundè promulgat, quo acquiescendum sibi censet.

Politica reminiscencia.

Quicquid gloriæ tribuatur causis secundis, ex consideratione laudatæ operæ, summa tamen ad primam redit, tum quod potentiam secundis ad agendum conferat, tum quod media finisque negotij ab ipso influentijs pendeant. Secundis tamen causis & suam laudem nemo rapiet, quam justitia salva nemo denegare possit. Sol principium est universale generandarum plantarum; ille germen ex sinu uberrimo terræ elicit, ille flores producit & fruges, quibus superficiem ornat, cum certissimum sit, absque illius influentijs, sterilem & inanem futurum: nullus tamen Philosophorum elementum istud ex causis principalioribus nascendi exturbavit, adeo ut faterentur omnes, ipsum & rosas & lilia protrudere, Sophista, qui matris illi nomen honoremque auferebat, ad deridiculum delapso. Sic Deus omni exceptione, adeoque comparatione major, omnia per universum efficit: asserunt tamen Philosophi, hominem ex sole & homine; ex sole & equo equum ge-

nerari, partem gloriæ, ex productione illorum subje-
ctorum ortæ, cum Deo sortiti.

Ipsæ etiam, gloriæ adeo æmulus, ut per quendam Va-
tem protestetur, sese nunquam toleraturum, ut ea alte-
ri cedat, jubet tamen Sanctos honorare, causas utique
secundas miraculorum, quibus templa fabricentur, al-
taria statuuntur, vota fiant, ut laudem ubique ferant, ex
serie miraculorum, quæ dextera ipsius omnipotens per
eos producit, tametsi instrumentorum duntaxat vicem
gerant. Risum præbuisse, si quis Apostolorum prin-
cipem, cujus umbra & benedictio sola quævis genera
morborum sanaret, divinâ utique virtute, neglexisset,
ob eam potentiam, quæ ipsi minus, quam Ministro rei-
publicæ in rebus agendis conveniebat. Pertinacia isti-
us reverentiæ negatæ per ipsius Dei exemplum con-
vincitur, qui ad Moysen ait, Moysen populum ex Ægyp-
to eduxisse, quod ipse Deus per miracula manifestissi-
ma, & per robur dexteræ suæ clarissimè patraverat. Me-
minerat, suam potentiam ministerio Moysis in consti-
tuendo regno, à liberatione & egressu ex servitute u-
tam esse; ut gloriæ pertinacissimus, egressum tamen
illi tribueret, cum neque ignoraret, honorem causis se-
cundis habitum nihil derogare supremo, qui in causam
primam redundat.

Vera igitur imago illius honoris, qui Ministerio de-
betur, obmerita in Principem hic patet: ubi ad invidiâ
nemo transibit, quâ Deus ipse abstinet, quam Princeps
sanè nullus, cum simul agat, concipiet. Concurrent e-
nim ipsorum actus, vinculis arctissimis juncti, ut manus
cum instrumento arctius non cohærere queat. Certum
igitur, unam invidiam, odiumve, laudem ministro de-
bitam suggillare, quotiescunque prudentia illius cau-
sam secundam felicioris eventus per rempublicam præ-
stat. Omnibus notum, potentiam regiam rerum geren-
darum esse principium, unde & primum & potiore hon-
orem rex ferat; deinde autem in justitiâ impinget, qui-
cunque Ministrum, quem ille principale agendi
instrumentum legerit, in partem glo-
riæ non admittit.

CAPUT XXX.

*Obsidio Rupellana quadraginta Milliones
librarum insumpsit.*

Nemo facile ad calculos revocârit sumtus, in obsidionem Rupellanam factos, sive exactam stipendiorum erogationem, ne miles dilaberetur, sive aggeris structuram, quæ argentum præsens flagitabat, sive apparatus belli, adeoque annonam, quæ ad copias navales & terrestres necessario requirebantur, consideret. Qui tamen curam ærarij gerebant, sanctè affirmant, quadraginta fere milliones librarum fuisse expensos. Effatus, Quæstorum caput, ad corradendas pecunias, & prudenter exponendas & diligentia & fidelitatis laudem meruit ad posteros, cum exercitui nihil deesse pateretur.

Functionem subierat, Fisco quinquaginta milliones æris alieni præferente, Quæstoribus apprimè anxijis ad subsidia regijs negotijs conferenda, ob memoriam nuperæ inquisitionis, mulctæque gravitatem, populorumque ad Parlamentum querimoniam de edictis pecuniarijs sancientis. Tantam tamen ille moderationem functioni exequendæ adhibuit, tam concinno ordine processit, ut argentum nunquam deficeret, expensæ ad computum superiorum bellorum minuerentur, cum ærarium adeo perversè administraretur, ut nec militi stipendium tum exhiberetur integrum.

Rerum tamen status requirebat nova quædam Edicta, ubi ex consilio, quod Cardinalis suggererat, ille instituit superflua rescare, adscitis quibus omnem fidem haberet, à Quæstoribus etiam, quod deerat, mutuum sumens, denario in usuram concessio, quem nuper ex mediaparte, etiam duplo auxerant. Ipse Cardinalis nō semel pecunias adnumerabat mutuo ex capsâ, & quic-

quid aliunde, etiam per amicorum fidem nancisci poterat. Neque enim necessitatibus regijs tam parum subveniebat, uti Cardinalis Ambianus, qui donaria extra regni limites transferebat; vel aulicorum turba, quibus major cura pecuniæ, quam Principis, officio ad emolumentum exacto: ubi accipiendi studium periculum reipublicæ negligit, liberalitate ad salutem ipsius præclusa. Prætulisset enim regis gloriam omnibus Indiarum thesauris, si potiretur, cum de incrementis nunquam non cogitaret, nullo alio operæ pretio, quam honore benevolentiae.

Politica reminiscencia.

Medici docent, corpus humanum sine nervorum usu nec sustentari, nec hinc inde moveri posse: sic sanè & exercitus neque stare, neque procedere, neque pugnare poterit, nisi Princeps grandem conquirit pecuniam, ad necessaria quæque comparanda. Nam Princeps pecuniæ inops, penuriam annonæ apud exercitum extemplo sentit, nec habet unde militem vestiat & in necessitatibus sublevet. Deinde experietur, cum necessitas omnem rationem excendat, solitudinem circa sese militum, reliquijs adeo torpidis, si quæ remaneant ad signa, ut arma sponte pugnis defluant: Abundantia vero pecuniarum, ritè administrata, exercitum efficit florentem.

Hoc medio potissimum Dux Parmæ per expeditiones Flandricas & Gallicanas prævalebat, conservatis cohortibus, cum quotidie panem ex penu bellico distribueret, annuatim novam vestem, à capite ad calcem sufficeret, & menstrua exhiberet stipendia; sine quibus adminiculis ille exercitus numerosum nunquam sanè tam diu continuisset. Cræso quidem à Solone Atheniensi, vitio vertitur, qui potentiam tam arroganter jactaret, ostentatis thesaurorum acervis, cum reponeretur, non ideo potentiozem æstimari, eo quod bellum ferro, non auro gereretur: fatendum tamen, copias nec scribi, nec

servari sine pecuniâ, & eatenus eandem cum milite necessitatem præstare.

Princeps tenuior, magno thesauro instructus, numerosum faciet exercitum, tametsi subditis minus abundet, cum vicini suos permittant: qui vero pecunijs caret, licet magnus Princeps videatur, neque copiosum scribet militem, neque diu servabit. Unde Periclis famosissimi ducis sententia mihi semper placuit, quod victoriam tribus rebus adscriberet, pecuniâ, militi & consilio: quicumque enim hoc, istoc aut illo caruerit, felicem successum nunquam sperabit.

Julius Cæsar non ignorabat, quantum pecunia in particulari esset necessaria ad animandos milites, quod alibi tetigimus. De eo enim refert historia, valde liberalem fuisse erga militem per occasiones fortem: id quod illustri hoc exemplo manifestum volebat esse, cum post arduos labores adversus Bituricenses, singulis adnumerari jussit bis mille sestertia.

Sic non minus necessarium fuerit, expensas ritè fieri in bello, quam thesauros possidere: ratio ibi habenda eorum, qui prudentiam & fidelitatem in dinumerandis stipendijs exerant, & supplicia sine sensu misericordiæ exercenda in impostores, ut singulis septimanis pecuniæ exacte distribuuntur, cum consultius sit, eam sæpius, licet parcius præberi, quam cumulatim, ne libidini militari obsequentes intra pauculos dies substantiam absument, quâ mille incommoda postmodum attrahantur, morbis ingruentibus, vigore evanescente.

C A P U T XXXL

Copia regia per Languedociam grassantur.

Rebellio quorundam oppidorum per Languedociâ, quæ Rohanius à primis annis sibi adjunxerat, primo magnos tumultus in provinciam concitabat: Con-

Condæus tamen, Momorentius & Vantadurus, regie militiæ duces, profligabant omnes ut nemo occurrere auderet, receptis etiam aliquot oppidis, antequam in hyberna discederetur. Diuturnis tamen obsidionibus sese impedire noluerant, ne Rohanius interea liberius alia loca invaderet, per clientelaram, quas nectebat, favorem; adeo ut obsequium regis redigeretur, quicquid operam pauculorum requirebat dierum.

Sic Condæus Pussinum, & alia minutula in ripâ Rhodani, ad transitus libertatem, primo subigebat, quæ provinciam mire affligebant, commerciis etiam flagellatis. Hinc abit Tolosam, ut cum Momorentio Vantaduro, & Espernonio, quibus conventus placebat, de summâ rerum deliberaturis, colloqueretur. Tarasconi per viam intelligit, Nemausienses invalisse castellum Vauverti, quod ad Vantadurum spectabat: multis igitur nominibus ad recuperandum per motus, præmittit copias, ipse consecuturus: redditur castellum nullo negotio, adeo ut via Tolosana nimis longa fuisset, nisi aliquod speciegium virtutis tulisset.

Conventu soluto, Vantadurus in Vivaretum abit cum aliquot cohortibus, ut Rohanij conatibus per Sevennas obstaret; Espernonius ducit versus Milhaudum Roveryniæ; Carmannius in Foxiam movet, à Rohanio afflictam; Condæus Tolosâ hæret cum Momorentio usque ad mensem Martij. Per istanc moram Parlamentum Tolosanum Rohanio diem dicit, reum peragit, & sententiam in eum pronunciat, ut per effigiem supplicio subijceretur, omnibus facultatibus fisco addictis, quas Rex Condæo transcribebat.

Etiam convenerant Ordines provinciæ eodem tempore, ut dispicerent, quâ ratione populi in obsequio regis continerentur, & pecuniæ ad sustinendas copias colligerentur. Quemadmodum vero deliberationes longæ bonis successibus adversantur, per bellorum tumultus; ita cæteri duces nihil differebant, quin rebelles per oppida subigerent, prodire aulos profligarent. Tolosâ enim abiit Vantadurius expirante lă-

nuario, ut Vivaretum peteret: iter circumfert, quantumpotest, ad oppida refractaria, ut eorum cohortes offendere posset.

Sic ad Beaucariam discit, omnem equestrem militiam Nemausio egressam, per provinciam vagari, prædas trahere, ducibus Lægio, Chassanio & Aubæo. Jubet ergo cataphractorum turmam, & satellitium consequi; impletos ad conflictum cogit, ordines turbat, alios prosternit, alios capit, cæteros in fugam vertit.

Politica reminiscencia.

Obsidionum ea est difficultas, ut per illam moram obsessorum socij & emissarij alia excitare incendant, quibus obsidio solvatur, nisi imperator advigilet, & vires partiat. Non igitur semper consultum, in obsidiones effundere omnem potentiam, ubi ea aliquando atteratur, ut ad summam rerum minus valeat. Vitio vertebatur Hannibali, qui post cladem Cannensem Romam non petiisset: sed ille catus homo intelligebat, quam acriter Romani pro aris & focis essent pugnaturi, ubi omnia pignora virtutis excitandæ in compendio obversantur. Meminerat, ipsos Gallos à Camillo concisos, cum famelicis obsessis exiguum castellum Capitolij restaret, quod etiam dedere pacti fuerant.

Neque enim tum Romanorum vires conciderant, ubi temporibus Gallorum, cum præsidia sparsa, reliquæ cladis, supplementa per sociorum oppida, cohortes in provincijs contractæ justum exercitum facerent, qui lacerum, adeoque pugnando defatigatum victorem opprimeret. Redibat in memoriam Lacedæmoniorum virtus, ubi capulares etiam senes, cum faminis, post acceptam cladem, non quidem hostem quærebant, sed ingruentem audentissimè repulsabant, nullo, nisi virtutis muro valloque firmati.

Hinc prima ipsi cura, nervos supplementorū succidere, & militi quietem indulgere: petitur Campania uber-

rima,

rima, quæ Romanorum vires reficere, etiam civitatem recipere poterat. Eventus quidem non respondit, cum Hannibalis miles videretur delitijs & ubertate illâ frangi, dum Romani igniculos virtutis per pudorem, quod proximè monuimus, suscitarent, Scipio adolescens reliquias caesi exercitus contineret, & jam clypeus expediretur, gladio itidem exerto.

Fabius enim lateri victoris adhærebat, tanquam pædagogus, per montana in planiciem decursurus, quotiescunque ille aliquid auderet: Marcellus tamen impetum sæpius molitus, hostem nihil minus fatigabat, donec adæquatis viribus pares æstimari possent. Ibi Romani Urbi metuentes, Hispanias corripiebant, quas scirent Carthaginensium penu, unde & Hannibal digressus, eodem revocari posset, si fors ferret.

Ex Italiâ postmodum ægerrimè retrahitur per Scipionis audaciam, qui in Africam trajecerat, ut hostium agros popularetur, commercia turbaret, supplementa coerceret, vias clauderet, portas incurfaret; inopiam intenderet, & Romam à vaserrimo hoste liberaret, qui patriam præ alienâ provinciâ esset habiturus, ut neque obsidionem ullam meditari, neque in concidendis copijs, hinc inde invasuris operæ pretium facere posset.

C A P U T XXXII.

Condeus Pameriam & alia loca capit.

REbus ita vertentibus Perautus, Gubernator Ulfesi sexcentos invadit ex legione Marmoiraci, quibus centumequites succenturiabantur, dissipatque, Marmoiraco cum duobus centurionibus, signifero, & ducentis gregarijs, concisis, dum cæteri usque ad portas pro-

propellerentur. Condæus & Momorentius Tolosâ digressi, Pameriam petunt, quod Beaufortius, quem Rohanius sibi legerat per Foxiam, Citadellam ibi strueret, ad locum firmandum.

Admoveretur igitur exercitus, producuntur fossæ ad eo feliciter, ut duo tantum gregarij caderent; Condæus suggestum erigit, crates orbiculares statuit terra implendas, ad vim omnia parat: contonant tormenta, ut spatio paucarum horarum muri lacerarentur; eos Condæus abit spectatum cum Campiductoribus, satis apertos ubi invenit, ex singulis legionibus cohortes lectas immittit, quæ impetu facto, in muros pervadunt, cum ulteriorem progressum coerceret objectum vallum.

Stationem ceperant adeo commodam, ut ab incolis tuti laterent, quos tamen ipsi sclopetorum ictibus conficiebant, unde vitæ usuram à Condæo petere necessum habuere; quam ille haud gravatè indulgit ingressus in oppidum ut regijs illud partibus firmaret. Deinceps obsidionem Realmonti, loco per Albigensem agrum non exigui momenti, circumdat, ubi ex tribus suggestibus in oppidum fulminabat, donec certis legibus fieret deditio. Hinc Rannium cum primo agmine Castellofrancum amandat, quod in verba regis adactum, occasionem dedit aliquot cohortibus ad Cosnam & fanum Severi divertendi, quibus ille vim adhibuit, ut portas recluderent, quorum exempla Brassacum & Castelnavum, vim tamen experti, sequebantur.

Procedente anni cursu messis instabat; unde Cardinalis mandat ducibus, videri regi circa Montalbanum, Castra & Nemausium, cæteraque per Languedociam loca, populationem instituendam. Abit ergo Condæus versus Castra, Momorentius Nemausium, Espernonius Montalbanum, tripartito agmine. Castrenses de instituto certiores, vicinæ universæ vires ad se contrahunt, ut calamitatem averterent, unde sæpius erat confligendum, regijs etiam ad muros subeuntibus, quicquid tormenta ex oppido fulminarent: id quod
Con-

Condæum ad gloriæ augmentum accendebat, nihil ter-
ritum. Populatores igitur iussi calamitatem inferre per-
gunt, adeo ut audaciam ad stuporem oppidanis osten-
tarent. Fiteruptio validissima impetu vehemensissimo,
quem regij fortissimè fregère, oppidanis ad fossas valli
rejectis, qui exinde populatores incessere desière.

Momorentius suas copias exercebat primum in re-
cuperando Pussino, quam stationem Rohanius post
demolitionem ceperat, munimentis ad summam mo-
lestiam provinciæ & fluvij restauratis. Mirabellâ non
minoris momenti, subactâ, ad Vantadurum & Depor-
tum contendit; ut circa Nemausium populabundi
grassarentur. Ibi Vantaduri cohors in oppidulo vi-
cino centum pedites primo conatu concidit. Succe-
debant omnia pro voto, ut Nemausium, Ufesum, A-
letium, Andusâ & universâ Sevennâ cum fame confl-
ctarentur, quinquaginta & amplius oppidulis in cine-
res redactis, calcatis segetibus, incensâ mergitum mes-
se, in apices stramineos collectâ, quibus conatibus Ro-
hانيus nihil opponebat.

Espernonius nihil segnius ad Montalbanum grassa-
batur: ubi paulò post Vantaduri cohors cataphracto-
rum, satellitij & velitum, quos Beaucariæ imposuerat,
ut rebellium excursiones castigarent, jubentur ad Ne-
mausium procedere, præsidium irritare, & quocunque
modo affligere. Involant igitur in armenta & greges,
sub oculis speculatorum, egressos gravissimè muletant,
equite dissipato, pedite conculcato, adeo ut per cam-
pumillum extenderentur septuaginta septem, languie-
rent sancti quinquaginta.

Post istam eladem rebellibus concidit animus, ut jam
nescirent, quorsum evaderent, cum exercitus regius
campos teneret: unde consultissimum visum, copias
per munitiona oppida spargere: quibus sese regij vic-
nos dabant, ad reciprocas excursiones coercen-

das. Cumque Condæus videret, præsen-
tiam nihil ulterius requiri su-
am, à rege impetrat se-
cessum Bituri-
censem.

Politica reminiscencia.

QUicunque aliqua oppida rebellione involvit, non diu imperium tenebit, nisi campos servet. Frustra potentia cogitarit ea contineri, cum facile ad Principis, qui camporum libertatem obtinet, obsequium redigantur. Quemadmodum enim nullus locus invenitur, quantumvis infirmus, quin aliquamdiu obnitatur, exspe auxiliorum; ita nullum reperietur, quamvis firmissimum munimentum, quin aliquando capiatur, nisi submittantur suppetiæ, quæ intelligantur de copijs, ad obsidionem solvendam satis validis, aut saltem ad annonam supplementumque tum militis, tum apparatus bellici invehendum.

Neque enim locus quisquam seipsum tuetur, cum viros ad tuitionem requirat: & illi non ferent diuturniorem tuitionem, nisi subinde & annonam & supplementum recipiant, cum obsidionis graves sint ærumnæ, quibus tandem robustissimi quique succumbunt, adeo ut neglecti deditionem non longè habere possint: Evidentissimum sanè fit omnibus, auxilia rebellibus intercludi oppidis, ubi Princeps camporum usum obtinet, & violenta auxilia exercitu valido submovet.

Videntur quidem munimenta universam provinciam domare; illa tamen potentia nequit esse diuturna, nisi rebelles exercitum per viciniam commoveant, qui necessitatibus subveniat, & annonam strenuè cum supplemento deducat. Tyriæ insolentiæ processerant, ob firmissimum robur oppidi, quod Rupis imposuerant, in medium mare, ut Alexandri Magni conatus iriderent, ob aggerem, ad auxilia arcenda, strui captam. Querebant, an Neptuno sese majorem crederet, in imperio maritimo: militem, asinos & jumenta clientellaria vocitabant, ob materias ad aggerem producendum congerendas. Alexander tamen, subjugarâ omni vicinâ, aggerem paulatim perfecit, cum cæteris operibus, & submotis auxilijs, deditionem arbitrariam extorquet.

Hinc

Hincigitur Principi optimè consulitur, ad progressum rebellionis coercendum, & quæ laborabant firmandum, ut camporum usuram nanciscatur copiis continuo sine jacturâ temporis collectis, quæ nidos rebellionis corripiant, antequam munimenta sibi circumdant. Nam ubi diligentiam exerit, & fortia ostentat consilia, ad vim inferendam, donec obsequij partes suscipiantur, nullum munimentum, cujuscunque momenti, sustinebit, quin victorem recipiat.

Maharbal, equitum magister, in exercitu Hannibalis, vim istius axiomatis non ignorabat, cum censeret, recta contendendam esse Romam, postquam campos à clade Cannensi possideret, asseverans, facilem Urbis deditionem, eo quod nullæ copię per viciniam apparerent. Eo tamen consilio Hannibal præterito, ijs assensit, qui militem reficiendum quiete suadebant. Aple-
risque deinceps judicatum, cum occasionem opportunam malè dimisisse, cum rebus sic stantibus victoriam ad portas Urbis promovere licuisset. Id vero Cæsar nunquam neglexisset, qui ubicunque provinciarum per campos superior, institutum semper perurgebat usque ad finem, sibi persuadens, nihil actum, ubi quid restaret agendum.

C A P U T XXXIII.

*Sabaudus sociatur Gubernatori Mediolanensi
adversus Nivernij & Mantua
imperium.*

REge ad Rupellam & per Languedociam occupato, Sabaudia Dux & Gonsala Cordubanus, Mediolani gubernator, quod Nivernius possessionem Mantuæ & Monferrati adiisset, ligam sive fœdus sanciunt; cujus istæ capita; Omnem operam præstaret Sabaudus, ad omnia Monferrati loca, præter Casalam, Pondesturam, Nice-

Niceam, Aquium, & quædam alia minora, occupanda; Gonsala eodem tempore obsideret Casalam & cætera munimenta; Montenigrius in agrum Mantuanum irrueret, ad quælibet corripienda.

Imperator, ab Hispanis persuasus, nihil advertibat submissiones & obsequium, quod Nivernius per Archiepiscopum Mantuanum obtulerat, ad impetrandam investituram, solennia scilicet homagij & fidei præstandæ, utriusq; Ducatus, & Mantuani & Monferratenfis: adeoq; sequestrationem mādabat, donec de jure Gastalæ Principis liqueret, qui eam hæreditatem sibi expetebat. Inde mittitur Nassovius, cum imperatoriâ autoritate, qui occuparet utrumque Ducatum, firmaretque ne Rex Galliæ, ceterivæ Italiæ principes figerent pedem.

Sic Sabaudus, quamprimum Vincentem, postremum Ducem in periculo vitæ ex morbo intellexit versari, exercitū collegerat, Alliâ, fano Damiani, Dianâ, Trino, Galianâ & Moncalvo occupatis. Gonsala exercitū admovent Casalæ, & repulsus viciniore corripit. Montenigrius per agrum Mantuanum grassatur.

Hinc Mantuanus regi supplicat, maturaret auxilia promissa, collectis interea temporis duodecies mille peditibus, & bis mille equitibus, partem quarum copiarum in Monferratensem agrum amandaret, partem ad coercendos Montenigrij conatus, per agrū Mantuanū distribueret. Cū rex seriem rerum intellexisset, amicis Mantuanū potestatem indulget adducendorum auxiliorum, ipsus etiam per Galliæ provincias quantumcunque videretur militem conscriberet: adeo ut brevi post magna copia Gallorum, duce Beurone, montes Sabaudia industriè superarent, Casalam penetrarent, unde incolis animi aucti, ut Gonsala spem potiundæ urbis facile poneret.

Guronus à rege submittitur, qui benevolentiam populi dexterrimè acquisivit, ut annulos, armillas, omnemque mundum muliebrem quæ in stipendia præsidariorum constabantur, impetraret. Hispani nihil intentatum ad capiendam urbem relinquunt, eâ tamen virtute repulsantur, ut nihil unquam commodi obtinuerint; Beurone etiam aliquot eruptiones auso, quis sapius

turbas dederat, donec caderet, testatus omnem ex præcordijs sibi exulare metum, virtutem verò exiguis copijs etiam exercitui numerofo occurrere. Guronus ergo clauum imperij sumit, qui obsessis auxilia ex Gallia expectanda obfirmatis persuadet.

Visum regi, Ussellarum marchioni partes scibendarū copiarum, quas Mantuanus optabat, imponere; quæ ad sedecim millia expeditorum militum ascendebant, & colligebantur in præfecturas Ebroduni, Vapinci & Briançonij. Ad confluxum deerant stipendiorum Quæstores, cum annonarijs, qui tantam vecordiam demonstrabant, ut copię ad vicesimum diem provincię illi incumberent, magno provincialium damno. Hinc Ussellano peribat patientia & animus; extremum habet, ut provinciales ad contribuendam annonam, apparatusque belli induceret, quem usque ad exercitum in montanis versantem promoverent; expromtâ etiam aliquâ pecuniâ ad stipendia, militemque interposita fide, firmat, sese ad proximiorum lustrationem de suo satisfacturum omnino.

Discedit igitur, & montana ad vicesimum septimum Iulij attingit: ibi primum Sabaudus, cætenus rectus operitur, objectis per omnes angustias copijs, quæ pugnam cicerent. Ad ea quidem obstacula non operose erat coluctandum, cum aliquoties Sabaudos, à sepimentis remoueret, ut fugam arriperent, non semel satis mulctatis gravius tamen malum urgebat, necessitas nempe annonæ, quam Delphinates promiserant submittebant. Hinc exercitus, aliquot dies pane destitutus regreditur, servatis utique honoris momentis, dum Fertanus Capiductor ordines hosti obvertit, tres legiones in motes ex utroque latere disponit, donec copię in Delphinarum recederent, antequam Sabaudus, quid rerum ageretur, animadvertere posset, nisi post universum exercitum reductum.

Politica reminiscencia.

Prudentiæ militaris leges imperant amplissimum penu perviciniam eorum locorum, qui petuntur, antequam institutum procedat; adeo ut nemo in provinciam

vinciam hostilem descendat, nisi sequantur jumenta clivellaria, ut currus annonarij, quo miles de necessarijs in aliquot dies provisum gaudeat. Proclivius enim exercitum fame, quam ferro dissipare; unde annonæ negligens, exemplo solitudinem experitur, ad confusione in vulgus contemptam, & odium apud suos intensum.

Id Cambyfes inter cætera Cyrum filium monuerat apud Xenophontem: quam curam Cyrus nunquam dimisit, in expeditione adversus Assyrios, eodem auctore. Nemo verbis exposuerit, quantam hic Turcæ operam sumant; quibus tamen sobrietas & temperantia cibi magnum præstat emolumentum, quod vini usu, deliciarumque molimine desituti, necessaria facile ferant. Eorum exemplum nostræ militiæ optare licet imitandum, cum abundantia victus, cui maxima pars, & in primis duces assuevere, tolerantiam laborum extra ordinem adimat, ut in rebus arduis simus Hispanis inferiores, quod amplissima annona difficulter subvehat.

Romani rem tanti momenti etiam rebus florentibus non ignorabant, adeo ut copias ad eximiam sobrietatem traducerent. Quæcumque etiam Nationes sese delictis minus dedere, semper bellica laude clarrere: Sic Julius Cæsar Flådros præ cæteris Gallis æstimabat, quod assuevisent victui rudiori. Hannibal sanè non longè distulit experimentum deliciarum, quibus miles post cladem Canensem negligentius addisciplinam militarem habitus, uberratique saginatus frangebatur, animis ut plurimum fortitudine lapsis.

Dum delitiæ vero declinantur, necessaria tamen militi in castris nunquam negabit imperator; quod incommoda, ex eâ negligentia orta, non tantum deserta signa, uti monuimus, relinquunt, sed etiã transfugis ad hostem viam aperiant. Sic Afranij & Petreij cohortes pleræque, urgente fame, ad Cæsarem transiêre: Cæsariani etiam ad Dyrrachiũ extrema passi, in Pompeij partes concessere. Accedunt etiã morborũ contagia, quod Gallis ad Carinianum usu venit, referente Guicciardino; ut de seditione frequenti nihil addãus. Compendiũ doctrinarũ facit

Vegetius, pro summâ ingenij prudentiâ, ubi monet, Imperatorem per eas rerum angustias turbis nunquam vacare, & hosti facilem præbere victoriam.

CAPUT XXXIV.

Rex curam suscipit Rhetorum, fœderatorum.

REX Mantuani susceptâ causâ non tamen negligebat Rætos, antiquo fœdere junctos, adeo ut curam ipsorum rebus à biennio productam per occasiones resumeret, quo pactorum Monsonianorum articulis fruerentur. Sic ad finem anni superioris Mesmino, oratori suo ad illos populos declarationem miserat, quo patebat secundum primum illorum pactorum articulum, ut negotia quæ Lindaviæ & Curia Archidux Leopoldus, & Gubernator Mediolani cum tribus Rætorum legis ab anno decimo septimo supra millesimum, usque ad diem, signumque pactorum Monsonianorum, transgissent, nulla esse, cassâ fieri, revocari, quemadmodum cum Hispanis per legatos convenisset.

Hispani autem, quibus artes ad eludenda quævis pacta nunquam desunt, primo illi articulo sensum sibi commodum inferebant, tametsi verba clarissima legentur, unde contestationes verborum vehementissimæ inter Rætos, Hispanos & Archiducem Leopoldum fuerint auditæ. Interpretationem igitur Rati à rege petunt dilucidâ, quam negare non licebat, adeo ut adderet, sibi curæ fore, ut illi tenore illo fruerentur, expeditis etiâ armis promissis adversus quoscunq; revocata pacta in eorum detrimentum reducere ausos: Illam igitur declarationem ex manu Mesmini, gratissimis animis excipiunt.

Non tamen hæc una difficultas in executione pactorum ingruit, cum Rætorum & Vallengium deputati apud regem commentarium etiam cæterorum articulorum perurgerent, utrisque ad sua commoda desectentibus. Illi enim quærebant restitutionem in omnia omnino ju-

ra suprematatis, quam in Vallem Telinam, Comitatus Clavennæ & Wormiæ, A. 1617. exercuissent, exceptis illis, quæ communi consensu per pacta essent exempta, Justitiæ scilicet administratione, & Politia Valensibus relicta, si censu annuo viciés quinquies millibus aureorum defungerentur. Isti vero, juxta Hispanorum instinctum, ex potestate supremâ Rætorum, penitus exire satagebant, nullâ aliâ re, nisi illo censu annuo obstricti.

Cum autem pacta illa ferant, controversiâ quacunque super conceptis illis verbis ortâ, interpretationem utrique Coronæ deferendam esse, quæ sensum elicerent benevolè; rex vero Hispanum, affinem sæpius per Rambullietum, & Fargisium Oratores monuerit, de communi declaratione, ad tranquillitatem illis populis conciliandam instituendâ; Hispanus autem, ex spe alicujus commodi, quod dissidia illa conferre possent, oratores semper distulerit, obligari sibi visus est, ad declarationem illam, pro veritate sententiarum, quas partes in pacificando fuerant testatæ, promulgandam.

Ferebatur autem, ea non solum pacta Lindaviæ, Curia & Mediolani facta, nulla fore, & sine vigore, sed quod extenore secundi articuli; Rætorum & Vallensium res ad statum anni essent redactæ, Rhætis institutam esse authoritatem & suprematatem, quam ante cum annum in Vallem Telinam, & memoratus Comitatus obtinuissent; In eorum exinde potestate esse, non vero Vallensium, utique subditorum, negotia pacis, fæderum, belli, monetæ cudendæ, angustiarum claustra, in utrumque usum, vectigalium impositionem, tributa & collectas curare, cum Vallenses præter Justitiâ & Politiam nihil postulare possent, quæ ipsa ad promovendam pacem essent concessa, sub censu annuo viciés quinquies millium aureorum, magistratu etiam & Potestatibus, per populares electis authoritatem apud Rætos impetrantibus.

Istæ declaratio à rege mittitur Mesimino, qui omnem prudentiam eo conferret, ut partes ad mutuam pacem assensæ conquiescerent: cum jussu singulari, ne eam exhiberet, nisi utrinque conventum, assensumq; foret, de

forma & tenore, indicia autem premeret, si difficultatibus utrinque laborari intelligeret, ne auctoritatem regiam illis permitteret.

Hunc insignem factum prudentia Cardinalis exclusit; qui memor, auctoritatem regiam contentui fœderatorum nunquam prostituendam; ignoraret etiam populorum illorum propensiones, quarum inde periculum faceret, regi suggessit, prudentiæ Oratoris negotium committeret: Resq; eo majoris momenti censita, quod auctoritas regia radios ad Exteros spargit, ut majori reverentiâ colatur. Mesminus tamen autumans, neque Rætos, neque Vallenses ad hanc declarationem secundum omnes clausulas subeundam, induci posse, postulata utrinque clam expiscatus, ad Hispanorum consilia penetravit, qui Vallenses instigabant, ne concordiam inirent, qua constante angustiarum usum negaretur: Palam igitur rem non proposuit Communitatibus.

Causas instituti regi quidem exposuit per literas, qui eatenus acquievit, ut decisionem controversiarum in tempus commodum in Italiam cum exercitu descendendi, prompto ab armis ad justitiæ auctoritatem constabiliendam auxilio, differret.

Politica reminiscencia.

PRudentia sapientiam Ministri instruit, locorum distantia impediri notitiam dispositionum particularium apud Exteros; suadetque Oratorum, qui ex Principis voluntate emittuntur, ut omnia vigili lustrent oculo, industriâ nitendum, quibus etiam modus exequendorum mandatorum relinquatur. Non extremam sapientiæ laudem fert modestia, quæ ignorari à se aliqua patitur, nec omnem expediendis negotijs industriam sibi arrogat. Quicunque enim vanâ sui præsumptione turgent, omnia conantur disponere, dum plerumque Principis auctoritatem imprudentiæ & inconstantia vicino rum populorum permittant, ut contentum ab illis referant, mandatis in usum non deductis.

Hinc politicorum non postremus Florentinis & Venetis

netis ludibrium confert, qui illâ ætate mandata particularia in expeditiones mittebant, adeo ut & locum prælio designare auderent. Romanos sanè legimus, solitos, prudentiæ eorum, quibus honores conferebant, executionem ferè omnium mandatorum, belli togæq; commississe. Sic Cæsar constitutâ expeditione in Britanniam, imperium in tres legiones, & bis mille equites Labieno permisit, quibus Gallias per ipsius absentiam contineret, nullis additis mandatis, nisi ut ex usu rerum ijs uteretur; quod ipse in commentarijs de bello Gallico testatur.

Tiberius Imperatorum Romanorum sapientissimus, quod Tacitus annotat, eodem modo Drusum filium in Pannoniam ablegabat, ut legiones seditione laborantes ad obsequium reduceret, iussu è re natâ agere. Ignarus enim reipublicæ Romanæ nescierit; ex more majorum mandatis inferi solitum, viderent, nequid reipublica ex illorum instituto detrimenti acciperet: si qui vero ex arrogantia ea mandata sequius usurpârunt, non desinere per occasiones ostendere, non posse longinqua pro rerum usu exactè dignosci. Sic ubi Fabius Tuscum ad Sutrium vicisset, & per saltum Ciminium in Tusciam contendisset, Senatus de instituto illius non satis edoctus, mittebat duos, è suo numero, qui expeditionem illam dissuaderent: illi tamen è re præsentî didicerant, eum feliciter trajecisse, & jam victoriam obtinuisse: id quod ipsis satis ignominia, an pudoris suffudit; docent tamen suo exemplo, libertatem amplam agendi indulgentiam executioni destinatæ, ubi exacta notitia rerum necessariarum deficit, ne imperator occasionum momenta dimittere cogatur, quod in negotijs tranquillis non minus usuvenit, ad contentum sui, magno gloriae detrimento.

HISTORIA DE MINISTERIO CARDINALIS RICHELII.

LIBER VI.

M. DC. XXIX.

CAPUT I.

Iucundi sunt transacti labores.

Nemo oculis siccis ex speculâ navem contemplabitur, quâ amici vehantur, cum tempestate colluctari ventorum rabie versari, procellarum motu differri, in altum modo excuti, in profundum modo præcipitari, abyſſo absorbendam: sed tempestate finitâ voluptas est de periculis incurſu sermones cædere, adeo ut ſola imago præteritorum per memoriam recurrens gaudio perfundat.

Si nemo ſpeculatus fuerit Galliæ labores ſine dolore acerrimos, horrendas tempeſtates, quibus conflâbamur hoc anno, niſi Galliçi ſanguinis, imo omnis humanitatis, quam Natura genijs mortalium, in patriæ amorem, cui ortum debent, inſevit, expers; nunc tranquillitate redeunte, ſudo reducto, non minori perfruemur voluptate ex recenſione præteritorum malorum, quod ſpero, quam dolorem ſenſimus ex calamitate.

Politica reminiſcentia.

Quemadmodum aliquo morbo liberati, receptis viribus ſibi videntur reſtaurari, ut nec memoria ſuperſit ægritudinis, niſi ad gaudium præteritorum, cum tamen in corpore deliteant humorum vitia, quæ ſomit-

tem morborum dixeris, unde alius, atque alius facile morbus generetur; ita in republicâ sæpè speramus tranquillitatem, quæ rebellionum scintillas ex priori incendio foveat, propediem ad bellum erupturas. Habet enim Natura corrupta id proprium, ut nullo æquilibrio, vel humorum, vel animorum tantillum constet.

Sic Romanis nihil opinantibus, exoritur bellum Marficum; sic Priscæ illorum reipublicæ Latini, modo Vementes, modo Hetrusci, alijsve populi, arma intulêre, ne molestijs aut exercitio carerent. Memorant paginæ sacræ, inter Abimelechum, qui illegitimus fratres occiderat, ut ad imperium perveniret, & Sichemi incolas Spiritum vertiginis immissum, qui bellum concitaret. Sunt autem Spirituum motus & subiti, & vehementes, quibus mortales, ob massam corporum hebetiores non facile restiterint.

Meminerint rerum divinarum scrutatores, per Danielis oracula cuique provinciæ suum impositum Dæmonem tutelarem, quam ornet, & vel commisso certamine servet: ei si ingruat alius potentior, cedendum fuerit, cum summo provinciæ malo, tutelâ solitâ destitutæ. Hostis dehinc inferet omnem calamitatem, quod vel Hiobi singulare docuerit exemplum, quantâ ille malorum segete grassetur: quam ubi non alicui particulariter mortali, non alicui convivio, hospitiove, sed provinciæ inferre irritatur permittiturve, nihil fecerit ad miseriam reliquum.

Hinc etiam tot omina, tot signa, ut vel cælum ardeat, vel terra sanguinem liqueat, vel species inferorum visentur, vel exercitus per aërem configant, vel terra mugiat, & quæ sexcenta post Livium istarum rerum observatores recensebunt. Videas igitur, bellum consequi,

non adeo ex mortalium arbitrio, quam divino nutu, ubi cælis volupe est Virtutem ornare

victorijs, aut vitium premere sup-

plicijs: ut jam nihil diu-

turnam quietem

ferat.

CAPUT II.

*Rex post deditam Rupellam, abiit ad soluendam
Casalæ obsidionem.*

Vix Rupellam in orbitas obsequij reducerat Rex, triumphatâ rebellionē, cum animus omnes moras ad Casalæ auxilia præstanda rumpit. Institutum id difficile, ex quo successum felicem optes, vix speres, cum post tot exantlatos labores, & superata pericula, Alpes omnino essent traijciendæ eâ anni tempestate, quâ glacies & nives, omni alio si careas incommodo, vias occludant. Sabaudi exercitus ad limites profligandus erat ex angustiis prius excutiendus; munimenta ad transitum nemo prudens reliquerit in potestate hostium; per hosticum quinque vel sex dierum itinere, quantum expeditus faceret, summâ cum difficultate, erat enitendum, ubi annonam, & quicquid ad conservandum exercitum necessitas flagitat; trahas.

Considerationum istarum campus mentem regia inferiorē fregisset: ille tamen, nullo alio, quam Gloriæ stimulo, ad Justitiæ constantiam motus, ad difficultates quasunque immotus, Senatum cogit, à reditu ad Parisios, ut de rerum summâ deliberaret.

Plurimi institutum ut comprobarent, ab semet non impetrabant, quod metuerent, ne Gallia cum Hispania hostiliter collideretur, ad tranquillitatis publicæ eversionem, quam Gallia nunquam non senserit gravissimam. Jam enim metus Hispanorum insinuaverat ad torporem, donec Cardinalis personâ direptâ, quæ hæcenus impotentiam velaverat, ostenderet ideam ex infimis nubibus conflata, quam regiorum armorum fulgur proximo quoque die dissiparet. Satis etiam familiare numerofo Senatui, timidiusculos ferre, quibus solum belli nomen terrorem incutiat; etiam dubios, qui ancipitia casuum subire nolunt, ne oppro-

opprobrium ex aliquo infortunio sustinere cogantur.

Cardinalis vero, cujus animus, tanquam Marpesia cautes, eminet firma, ubi gloria Principis, cum emolumento reipublicæ compingitur; imperium metus nunquam agnovit, sed exertâ virtute per difficultatum stimulos grassatur, sumtâ copiâ dicendi, Conventum adeo permovit, ut singuli cum omni reverentiâ acquiescerent ad rationum pondera, quæ expendebat, expeditione liberandæ Casalæ conceptâ, & maturè institutâ.

Dicebat autem, post rationum plurimarum deductiōem ad regem converso sermone, Postquam regia tua dignitas tantum gloriæ sibi, tantum utilitatis reipublicæ, quantum universus vitæ cursus non tulerit, in subigendâ Rupellâ acquisiverit; Italia superiori anno ab Hispanis & Sabaudis oppressa, à dexterâ tuâ victrice malorum solatium expectat. Famae tuæ interest, ut causam vicinorum & fœderatorum, quos præter jus & æquum imperijs exuunt, suscipias.

Ad rationes istas prægnantes accedit proprium emolumentum, quod monet ut mentem adeoque arma illuc convertas; ubi ego quâvis sponsione certaverim, tibi institutum illud, si pro rei necessitate agas, ad finem æquè optatum, ac illud de oppido tam potenter subactis, desitutum. Prophetæ laudem nullus sumo, possum tamen regiam tuam dignitatem certiorē reddere, si nulla exequendi negotij transmittantur momenta, Casalæ obsidionem solvi, adeoque pacem Italiæ intra mensem Majum reddi à te posse. Hinc ad exercitum in Languedociam regressus, omnia ad obedientiæ leges coges, ut mense Julio pax provincialibus constet, & regia tua dignitas mense Augusto, victorijs gravis, ad Parisios redeat.

Hæc ferè erant verba sententiæ, quibus tantum decoris & fortitudinis addebat, ut nemo in instituto hæsitaret amplius. Volui autē ea huc apponere, ad posteritatis memoriam, ut extet prudentiæ istius oraculū, avaricij
natu-

naturâ nihil alienum, postquam eventus omnia, quo dicta erant modo comprobavit.

Politica reminiscencia.

Fateamur oportet, Genijs excellentissimis dari aciem oculorum, nescio quomodo mortali majorem. Præcipiunt enim causarum seriem, effectus secuturi prorsus gnari: hinc non raro cum eâ asseveratione loquuntur, resq; futuras assequuntur, ac si de præsentibus ageretur. Neque etiam pericula eos latent remotissima: quæ, cum necessaria dispiciant remedia, minus metuunt. Vires hostium quo gradu stent, nôrunt, quo locorum temporumve momentis sint frangendæ intelligunt, strategemata quævis prævident, expeditis ad ea eludenda artibus: hinc per prudentiam ferè certum quid de instituto pronunciant.

Nonnulli existimant, notitiam istanc eximiam cælitus communicari, aut à bonis Dæmonibus suggeri, quod equidem infitias non ivero, cum viris inter Gentiles famosissimis, Socrati utique, Bruto & Cæsari eos tribuant, quorum experimenta postremis seculis etiam memorantur. Dicam tamen, Angelos istanc benevolentiam extra numerum ordinemque conferre, ad mensuram prudentiæ eximiæ, quam mentis aciei acerrimè rarius indulgent.

C A P U T III.

Quare intempestivè fuerit suscepta hæc expeditio.

Cum autem Cardinalis planissimè intelligeret institutum hoc promptè susceptum, Hispano Sabaudq; facultatè adimere copias contrahendi regijs pares aut superiores, certior utiq; per Italiam non triamillia Hispanorum genuinorum sparsa, vires illorum exiguas & dis-

jun-

unctas, ærarium exhaustum, damna undique incessisse, cum apud plerosque Italos animi ad rebellionem spectarent, expediendis quamprimū armis, ad gravissimos motus, ubi operæ foret pretium, modo libertatis appareret fiducia, ad gravissimorum tributorum, quibus opprimebantur, gratiam.

Nulla igitur unquam expeditione Mantuani à vi Hispanica asserendi occasione à fortunā oblatā paris imprudentiæ foret, præbenti sese fortunæ deesse, ac prudentiæ sit, sinum ad excipienda gratiæ testimonia pandere. Hinc enim principaliter consilium quod regi suggererat, certus rerum, & animi, firmandum sumebat, ut rex occasione inferuiret; unde rex institutum prosecutus, copias maturè quantum posset, progredi jubet, omnibus necessarijs ad trajiciendum in Italiam comparatis.

Politica reminiscencia.

NAuclerus prudentiā ad dirigendam navem utitur, velis inventorum vices obliquatis, si portum prospere subire speret. Sic Minister per prudentiam capiet consilium, vitæ instituto ad circumstantiarum monumenta exacto, nullo occasionis nascentis emolumento despecto. Vituperium ferret, venti secundi negligens, & graviter impingeret, qui commodum emergens præteriret. Compertum enim, in opportunitate majus subinde præberi momentum, quam copię amplissimæ conferre possint.

Experientiam quotidianam laudavero testem, omnia rerum humanarum principaliter à temporis sui usu pendere. Natura suum sibi sumit tempus, operi cuicunque perficiundo; unde flores ex gremio nunquam protrudit, nisi ad solis amicabiles radios: sic & prudentia ad executionem consiliorum vigilat, ut occasione maximè commoda agat. Hinc Pythagoræ discipulis scitum, opportunitate primam omnium rerum contineri causam. Verum utique, ab illā perfectionem duci, etiam prosperum consiliorum finem plerunque pendere.

Anti-

Antiquitas sanè Pittaci consilium maximè semper fecit, quod duabus Græcia vocibus, quæ tempus cuique suum cognoscendum esse docebant, complectebatur: Quilibet igitur occasionem arriperet, certus amplissimi successus, ad quæcunque illius momenta. Ante omnia progrediendi tempus sumitur, ubi hostis minus valet, ob copias nondum contractas, munimenta nondum composuit, auxilia nondum recepit.

Scipio fortissimus nihil distulit cum Carthaginensibus configere, cum prævideret, eos per moram Asdrubalis copias suscepturos, unde victoria operosior, adeoque anceps evadere posset. Sic Marius libro 25. T. Livij constituit hostem persequi, postquam à prudentiâ didicisset, confluum copiarum non esse expectandum, ne cum tribus exercitibus, imperatoribusque dimicare simul cogeretur, ubi uno defungi liceret. Sic & Cæsar annotat libro primo belli Gallici, sese, postquam didicisset, Suevorum copias adventare, ut Rhenum traicerent, promptè progressum, inque Ariovistum duxisse, ne per conjunctionem illorum inferior evaderet.

CAPUT IV.

Rex constitutâ expeditione in Italiam, reginæ matri rempublicam committit.

ANtequam Rex Parisios relinqueret, reipublicæ clavum firmaturus, Parisiorum, vicinarumq; provinciarum administrationem, à quibus longissimè discedebat, in manus fidelissimas quærît deponere; quod sciret, regum absentiam plerumque libertatem seditiosis præbere agendi, ad eorum consiliorum executionem, quæ sola præsentia etiam animis excuteret.

Disquirat igitur cui dextræ fidem maximam haberet, ad populos in obsequio prudenter continendos. Ibi Cardinalis, qui nunquam desinit reginæ matris gloriam per occasionum quæcunque monumenta augere, regis ani-

mm

num oculosq; in eam convertit, quod & per Rupellæ obfidionē fecerat, tametsi pessimū operæ pretium tulisset, cum id temporis primos odij stimulos ipsa persentisfeceret, ab inimicis Cardinalis fascinata miris imposturis.

Offendebat tamen Cardinalis animum id unum, si istud consilium regi suggereret, quod porro in potestate illorum maneret, quibus nihil magis cordi, quā semina odij, in animum sparsa fovere, & ex illius authoritate ad majorem proterviā prorueret. Sicuti autem regis commodis sua semper posthabuit, regem ad consilium illud deducere, non dubitavit, quod reipublicæ optime convenire videretur, ne rerum summā in alium qucuvis collatā, turbæ, quæ necessario credebantur secuturæ, rempublicam agitant.

Malebat etiam vituperio exponi, quasi nocitura minus prospexisset, quam ingrati crimen incurrere, si min⁹ honorum, ac posset, ipsi conciliaret. Sperandi etiam causam sumebat, eā potestate supremā, quā à rege persuaso in ipsam derivabat, per absentiam suam, oculos mentis apertum iri, ut fidelitatem & studium in ipsius commoda tandem perspiceret. Rex igitur omnem administrationis potestatem per suam absentiam in reginam matrem confert, etiam Parlamentum ingressus, ut mandata illa promulgarentur facienda.

Politica reminiscencia.

Nihil æquē faminarum iram moderatur, ac honorum eximiorum collatio: illis natura extremum desiderium imperandi indidit, ut omnem voluptatem potestate metiantur. Factæ cum videantur ad obsequium, vehementius ad imperium familiæ, aut reipublicæ confurgunt, quantumlibet remotæ. Hinc videas per occasionem exire mente, irā præcipiter ferri in obstantes, nisi amoris imperium impetum flestat ad submissionem.

Indulto sanè imperio facile defervent. Olim Philosophus monuerat, nullam aquam incendium iracundiæ promptius extinguere, quam beneficia: quæ

quæ ut majorem vim animis inferant, ubi propensiones propius assequuntur, ita nihil vehementius demulcet, nihil acceptius blanditur. Hinc etiam expeditissime concedunt in partes, benevolentiam conceptam.

CAPUT V.

Rex jubet Mariliacum, sigillorum custodem, principales regulas anno 1614. per Ordines censuras conquirere, ut ex Senatusconsulto vim statutorum adipiscantur.

Eodem tempore rex, cui summum erga justitiam, florem utique Coronæ fragrantissimum, studium, id agebat, ut diversa statuta, populis admodum salutaria, ex principalioribus regulis, quas Ordines universi regni Parisiis anno quarto decimo supra millesimum sexcentesium; etiam Proceres Rotomagi anno 1617. & denuo Parisiis anno 1626. censuissent utilissimas, promulgaret; cum sciret, Deum, à quo sceptrum conferuntur, nihil sanctius imperare, quam æquabilem Justitiæ administrationem, quam populi, illi potestati subditi, gauderent. Dudum autem custodi sigillorum Mariliaco id oneris imposuerat, ut ille eligeret ex illis consultis, quæ reipublicæ emolumentum maximè contingerent, Senatus rectè expensa statutorum numero inderet.

Ea igitur in ordinem digesta, Rex ad Parlamentum Parisios mittit, quæ præsentem illo, ad morem superiorum regum promulgarentur. Illi enim plerumque voluntatem in manus illius Conventus deponebant, principem utique Coronæ, cui inde major potentia & autoritas, ad populorum obsequium est collata. Cum autem summus ille Senatus, quem Parlamentum vocant, numerosam admodum frequentiam constet, per quam opinionum discrimina versentur; inventi sunt pluri,

cimi, qui censerent, de quibusdam articulis regem amplius admonendum, & ad tempestivam deliberationem aliquid moræ interponendum.

Ibi custos sigillorum, qui ex animo elato iudicium suum præ cæteris probaret, eo magis ex candescebat in oblocutores, quod alteram sibi Nympham Egeriam domi crederet, quæ nihil nisi cæli destinatis congruum suggessisset, adeo ut regem ab indulgenda illa mora obnixè distraheret. Is autem noverat, Monarcharum auctoritatem semper benignitate temperari, æquè ac iustitia, cum & æquissimi quique statuta Parlamento Parisiensi communicata nunquam non voluerint, ejus judicio subicerentur, ut sententiam populorum bono moderatissimam inducerent; petitis annuit, modò videlicet ad monitiones intra sex menses exhiberent, rege nihilominus de singulis dispiciente.

Politica reminiscencia.

INter discrimina potestatis, quæ in regibus Gallia elucet, veluti radijs gloriæ, majestati additi, Iustitia maximum spargit splendorem; cujus signum certissimum indicat sceptrum, quod dextra sustinet; quo subditi admonentur, voluntatem regiam instar regulæ ipsis esse. Hinc Jurisconsultus, legem definiturus, eam cum voluntate principis quam subditis exponat, penitissimè confundit. Iustitiæ illorum sinistræ inseritur monumentum, ut sciant, mandata ad æquitatem exigenda.

Nemini mortalium præter istæ rationem reddunt, cum ab uno Deo sceptrum accipiant, cui etiam legum condendarum rationem probent. Potentiæ supremæ nefas est negari statutum; cum leges non tam propter iustitiam, quam ex illorum auctoritate vigorem adipiscantur. Prudentia tamen regibus suadet, ut Parliamentorum sententias, statuta promulgaturi audiant; quæ antiquis sima rerum publicarum forma; ubi historia testatur, Gallia reges Priscos Parliamentis coëgissee ad regulas universales disquirendas. Hinc populis facilius persuadentur ad ob-

¶ d


sequi-

sequium , quāto minus ex auctoritate suprema trahere videntur.

Cum autem reges non minus per sapientiam, quam per potentiam regnent ; ea verò sapientia nihil jubeat nisi quod Magistratus mature expenderit , subditis imponendum : Hinc omnes Gallorum reges Parliamentis permisere admonitiones ad occasionum momenta, adeo ut eorum sententiæ, à principibus justitiæ ministris profectæ, semper magni fuerint ponderis, maximè ubi humillimè officium agnoscitur : nulla enim auctoritate id agit Parliamentorum Senatus, cum reges non obligentur, ad sententiās illorum exquirendas, adeo ut extreme descendant de throno, quotiescunque sese eatenus demittunt.

Summæ imprudentiæ est, præsentē rege sapientis personam induere, inquit sapientissimus regum in Ecclesiaste, capite septimo. Hinc Q. Curtius Hephæstionem plurimum laudat, quod consilia Alexandro magno suggerens, eos reverentiæ sibi circumdaret cancellos, ut cuius obvio pateret, eam libertatem, non nisi ex permissione indulgeri. Fatendum quidem, non omnibus regibus eam esse supremæ auctoritatis summum apicem, cum in nonnullis à populo aut Ordinibus pendeant, Coronamque sub legibus certis suscipiant. Diversa tamen apud Gallos regnandi ratio, quorum reges Deo solo potentiam ferunt acceptam, nullo etiam in temporalibus superiore. Hinc

Gregorius magnus dicebat. Galliarum reges tantum excedere reliquos Orbis reges, quantum isti cæteros mortales antecederent.



CAPUT VI.

*Rex Pedemontium ingressurus, Religionarios per
Languedociam subigit, ad arma ponenda,
& Declarationes facien-
das.*

ETiam rempublicam impediēbat aliud non minus ope-
rosū negotiū, quod curam, antequam in Italiam
descenderetur, flagitabat: major enim pars Religionario-
rum per Languedociam agerrimē vitam ad obsequium
insistebat, quod regi debetur, nullo alio, nisi clementiæ
apud ipsum asylo, tametsi viderent superba Rupellæ pro-
pugnacula complanari, quæ ex protervia intolerabili sup-
plicia attraxerant, ad spectaculum horroris & confusions
functum. Innotuerant auxilia ab ultima Hispania ac-
cessi a, ab Anglia & Hollandia petita.

Patebat, plurima securitatis oppida constituisse regio-
rum armorum vim propulsare, si propugnaculo, fovendæ
rebellioni facta, solo æquarentur. Hinc Cardinalis re-
gem mōdet, requiri ad oppidorum obsequium, & rebel-
lium offensam, ne rege in Pedemontium transgresso, ex-
trema auderent, Declarationem, qua omnibus hæreticis
clarissimē injungeretur, arma ponerent, ad obsequium
redirent, declarationes obedientiæ in optima forma, ad
Parlamenta, aut judices præsidiales, ubi proximē possent,
exhiberent; oppidis etiam, ut per Deputatos missos de fi-
delitate testarentur.

His regiā fide cavebatur de libero fortunarum fru-
ctu, etiam sacrorum exercitio: viceversa autem in-
culcatur, si in contumaciā rebellandi persiste-
rent; mandata adimplere negligerent, oblata te-
merē rejectā gratiā, crimen læsæ Majestatis supre-

mum incurfuros , gratia postea indignos ; statuto etiam sancito , in vexandas personas , & corripiendas facultates , ex rigore sanctionum. Rex igitur in Parlamento declarationem istam cum omnibus clausulis promulgat , unde apud Religionarios alta quies , usque ad Susam captam.

Politica reminiscencia.

BEatam vero illam rempublicam , cuius populi per leges paris obedientiae aduniti , nullo sacrorum dissidio , summo scilicet malorum compendio , laborant. Quod si obtingat ab eo infortunio liberari , discent rectores eorum ex hac regis declaratione , ad mirando utique prudentiae fœtu , perniciosos rebellionis fructus destruerent.

Dubitari non potest , regis supremam auctoritatem esse cogendi hæreticos , ut falsa opinione , qua distinentur , ejurata ad unionem veri cultus regrediantur , adeo ut etiam securis supplicium in contumaces coercendos valeat. Hæresis enim est crimen læsæ Majestatis divinæ : illi igitur , non minus nacti cœlitus potentiae ad injurias Deo factas vindicandum , quam quas in propria persona patiuntur ; nemo dubitabit , ipsis hæreticos per rigorem meritum puniendae potestatem remanere. Ubi tamen sapientissimi Principes istanc moderationem suggessere , ut autumarent , violentiam ei tantum per principia esse adhibendam , aut ubi spes integrae extirpationis affulgeat , nullo apparenti continuationis signo ; cum consultius videatur , eam auctiorem tolerari , ubi progressus fecerit grandes , quam ut ad exterminium adhibeantur supplicia , quae non raro incrementum adferant , magno cum reipublicae motu.

Putes etiam ad idem consilium statumipandum , filium Dei discipulis evulsionem loliorum interdixisse , tamen si campum occupassent , adeo immixta frumento , ut cveli neutrum posset solum : cum æqua difficultas ad hæresim violenter extirpandam , ubi adolevit , sine magnis Catholicorum turbis sacrorumque detrimento appareat. Nunquam tamen permittunt prudentiae leges , ut hæreticorum

corum rebelliones tollerentur, quas coercere queas, aut oppida concedantur, in quibus potestatem exerceant summam. Id enim foret regnum dispecere, hostem in sinu nutrire, proterviam fovere, adeoque arma & munimenta ad inobedientiam progressus præstare.

Magnum præbuerit Exteris commodum, qui non exiguos ex dissidio fructus colligunt, cum norint, quæ ratione ijs ad invadendum imperium, aut fœderatos subvertendos sit utendum: sic enim Catholici intra murorum ambitum, ubi illi dominantur, tyrannidi subjiuntur, iniurijs patent, & solatio ex libertate sacrorum privantur, quam hæretici eousque tolerant, donec impediendi nanciscuntur facultatem. Quicumque princeps usum armorum indulget, majori malorum mole involvitur, quam mente assequatur; quemadmodum ille non tantum ex religione & virtute, sed etiam juxta magnam prudentiam fecerit, qui vires, urbesque securitatis eripit.

CAPUT VII.

*Digressus regis ad iter Pedemontanum incidit
in quintum decimum Januarij.*

Quo die rex in Palatio declarationem & sanctiones suas promulgabat, lecta etiam potestate, quam matris reginæ contulisset, promittitudo, virtutis comes, digressum a Parisijs nihil distulit, quin ad Casalam contenderet. Non tamen silentio prætereundum censeam singularis prudentiæ specimen, quæ maximam copiarum partem, duce Thorasio quam primum Rupellam cepisset, in Arverniam amandarat, ut ad loca, quæ operam illarum requirerent, pedetentim procederent, nullo temporis momento, à quo sæpenumero successus prosperior consilij dependet, temere transmissio.

Lubebat autem regi viam per Burgundiam & Champaniam instituere, tum ut peste infecta Lugdunum versus declinaret, tum ut Treas, Diviodurum, & Catalaunum tandem adiret. Introitus apparatur magnificus, Principi nunquam viso recipiendo, qui splendorem pompamque Majestatis populis stupentibus ostentaret.

Politica reminiscencia.

Politicorum solertissimi judicarunt quidem inconsultum, reges populis frequenter exhiberi; sunt tamen permulti quibus consultissimum videatur, ut semel saltem majores imperij urbes invisant; sic enim populorum majorem capiunt notitiam, ad obsequium æque ac auctoritatem firmandam, cum magnificentia recipiendi Principis in animis subditorum sensum obedientiæ debitæ altissime imprimat.

Quemadmodum vero ea tanto plus confert ad honores illos eximios excitandos, & ad sensum obedientiæ in animis populorum, qui sensibus ducuntur, sustinendum, ita reges ad eos, exigendos nihil negligent. Sol ob coruscationis lumen principaliter in oculis fertur, & nihil æque plebi reverentiam principis insinuat, uti splendor pompæ, adeo ut nonnulli existimarint, reges metum sui non debere; nemo autem, reverentiam, ad obsequium pernecessariam negavit unquam. Humilitas etiam in eis momenti prohibetur, quod simplicitas, quam aula & receptionis modus testarentur, reverentiam minuant. Hinc etiam principaliter à Deo obligantur, ad cultum debitum & splendorem authoritati congruum servandum; adeo ut sapientissimi regum neminem, nisi per gradus reverentiæ admiserint, ipsi, quotiescunque spectarentur, semper magnifici. Prisci Persarum, Medorum & Indiarum reges à subditis prostratis salutare amabant: apud Chineses instar numinis coluntur: Sunt qui cultum geniculatum exigant rarissime in lucem progressi, ubi etiam pompam adderent; illi enim mortales facilius parent quod Deus, ut

venc-

venerabiliores redderet, imaginem sui imprefferit, Characterem plusquam humano in frontem impacto.

CAPUT VIII.

Lotharingus regem sub discessum inuist, homagio de Barrensi Ducatu in reditum rejecto.

Cum rex Catalauni moraretur, Dux Lotharingæ honorem ejus salutandi sibi sumsit, quod sperasset, verborum lenocinio & reverentiâ eximâ satisfactum iri, ne homagium, quod de Ducatu Barrensi debebatur, cum enim à morte antecessoris possidere cæperat, præstare cogeretur. Cum autem rex non ignoraret, Deum, coronarum collatorem, regibus necessitatem juxta imposuisse autoritatis conservandæ ad principes externos, æque ac populorum obsequium, monuerat sæpiculè de exoluen-
do debito.

Non quidem Dux illud recusabat, sed persuasum volens, Ducatum Barrensem, non minus quam Lotharingicum, sibi ex sua familia, ex legis cujusdam Salicæ, à familiæ principibus nuper restauratæ tenore obtigisse, collaudata etiam Grammatophylacij fide; suo id nomine, non conjugis, cui veraciter successio hæreditaria obveniebat, erat præstiturus.

Rex igitur, ab injustitia abhorrens, istanc adversus dominam Lotharingæ, conjugem, quæ coronam Ducalem in caput mariti contulerat, exerceri moleste ferebat, adeo ut persisteret immotus in homagio, quod ipsa præstaret, aut ille ipsius nomine, exigendo. Cum dux nihil promoveret, regem adit, spondetque post reditum illius sese ex formâ congrua satisfacturum, supplicans interea aliquid moræ negotio interponi; quod à clementissimo regis animo facile erat impetratu. Canum etiam elegantissimorum, quos

oculus unquam vidisset, turmam obrulit, quam rex omni benevolentiae & voluptatis signo gratam censuit habendam.

Ut tamen ostenderet, venatum simplici recreationi inseruire, quotiescunque rerum gravissimarum per rempublicam moles remitteret, sermonem instituit, cui locus in istis paginis merito debetur, ut Principes discant, quo loco diverticula recreationum sint ponenda. Micognate, inquit rex, venatui valedixi; recreationi aliquando mihi erat, ubi res agenda tempus dabant; nunc vero nihil aliud meditor, quam ut ostendam, quanto studio fœderatorum commoda curem. Postquam opitulatus fuero Mätuano, ad recreationes solitas redibo, donec alius quispiam fœderatarum meam requirat operam.

Verissimum utique recreationes nunquam regem à rerum publicarum curâ avocasse; rationes exactas efflagitat negotiorum quancunque ponderis, quibus, ut & mandatis solitis, omne tempus, à Ministris optatum impendit, nullo unquam ad venatum collato, nisi quod maximi quique principes recreationi & voluptatibus absolvebant; à quibus utique per pietatem ad eò abhorret, quod plerumque legibus divinis adversentur, ut etiam gustum earum sibi negarit.

Politica reminiscencia.

Cum venatus speciem belli exhibeat, Principi non tantum conveniet, sed & utilis fuerit; quod Xenophon in Cyropædia sentit. Fatendum enim, sic Principes ante diluculum stratis exciri, ad frigoris & æstus tolerantiam durari, ad equitandi defatigationes roborari, quosuis etiam labores corporis ut sustineant. Belluarum defensiones docent usum armorum, ubi tempus feriendi dispicitur, ictus prævenitur, motu ad corpus horsum vorsum librandum libero, ut obversam in persecutorem vim declinet.

Sic ingenium exterminandis noxijs assuetum, pericula discit contemnere. Equidem crediderint Principes ex hac ratione, quod sæpius annotatum, venant

nandi studio celebres, fortitudine etiam claruisse; quod historia de Ulyssæ, Polopida, Pompeio & Alexandro memorat. Eloquentiæ Romanæ princeps dicebat, hominem venatu exerceri, tanquam in imagine exercitij militaris. Plinius vero secundus eo convenientius Principi aestimat, quod exercitium sit solitarium & taciturnum, ut discant silentium de re publicæ negotijs meditato rumpere.

Addam equidem aliam seriem, quæ personam regis maximè commendat, ut nempe eâ occasione satis longe à vitio recedant. Ajunt enim Hippolytum, Thesei filium, eo exercitio ad servandam castitatem usum, ad eo ut otium vitaret, quod scaturiginem omnibus vitiis malisque præstat. Poëtarum ludibria referunt, Dianam maximam diei partem venari, quam Arethusa, Granae & Callisto, aliæque Nymphae, virginitatis tenaces, sequerentur, quod intelligerent, eam florem tot penè naufragijs exponi, quot societatum discrimina in conversatione occurrerent.

Plutarchus denique in vita Pompeij refert, summum illum imperatorem existimasse, Principibus gloriam in eo exercitio quæri; cum ipse, Domitio in Africa victo, omnibus per armorum potentiam, qui obsequium præstare tergiversabantur donatis, aliquot dies Leonum & Elephantorum venatui indulgere voluerit, ne, inquit, vel bestiaæ fortunam & beatitudinem Romanorum ignorent.

CAPUT IX.

Vinciunt Sabaudus 14. febr. 1629.

REx Catalauno relicto, Lugdunum præterit, urbe ob contagium morborum declinata, & Gratianopolim petit, ubi octiduum commoratus, sæpius ad Sabaudum mittebat, qui institutum deliberanda Casala nunciarent, transitum, quem exactis debebant, peterent.

interposita fide, de coercendo milite, & damno præstando. Dux autem cum Hispanis intricatus, quib⁹ favorem ad subigendam Casalam promiserat, quod libere Ludovicus Astensis Orator illius, Romæ erat confessus, ad artes solitas confugit, verborum artificium struit, civilitatē pleno ore erepat, suppliciter rogato rege, assentiretur cuicunque medio sese ab Hispanis quibus fidem dedisset, expediendi.

Sic diversas rationes proponit, ubi tantillum æquitatis justitiæque apparebat, ut facilè pateret, iis responsunculis tantummodo quærì moram, donec demensum dierum, quo Casala obsidionem sustineret, quod regi persuasum volebat, uti ipse credebat, exiret. Frustra tamen fuit, quod rex probas rationes ponderaret, leviculas rejiceret; alioqui certior, obsessos etiam alterum mensem acturos: Gratianopoli ergo exit, copias præmissas magnis itineribus affectus Oussij, ad limites regni, & Susæ angustias.

Dux de tanta regis diligentia, quæ vix credi poterat, conscius, incertis nuncijs dubius, quem Gratianopoli hæsitare putabat, ad Susam conspicatur, Imminentis igitur tempestatis formidine percussus, statuit filium, Pedemontij principem ad regem præmittere, qui cursum moraretur per spem qualemcunque angustiarum aperiendarum, etiam pauculorum transactionem dierum proponeret, si forte per id temporis Hispani Casalam superarent.

Princeps autem vix Chamberiacum progressus; discit, exercitum regium jam transcendere Gebennæ montem: relegit igitur viam ut Chaumontium contenderet, ubi Cardinalem cum primo agmine offendit; diuturna sermocinatione usus ad virum non minus eloquentia, quam armis validum, tantam industriam, tot rationum artes intelligit, ut animo converso sponderet, sese imperata facturum. Cardinalis enim primo stupere quasi, quod non animadversis quæ Galliæ cum Sabauda intercessissent patris, transitum regi, ad fæderatorum opem contendenti negavit: ostendere, quantum ille modus agendi honorem Principis flagellaret, verbis, fideique prorsus adversans, cum arma regia ad justitiæ defensionem expedirentur ipsius verò militia injustitiæ injustè faveret: haberet sane tantum

tum virium, ut regem ab Italia arceret (quod sibi tamen minimè, sperandum esset) æquè vituperandum fore, injustæ oppressioni velificari cùm regi gloria constaret, quam in asserendo Principeisset quæsitum.

Deinde evidenter falli, si Hispanis Casalam subigendam permitteret, frustra Monferrâtenſis partem æquam sperare ex memoria anni millesimi sexcentefimi decimi tertij, ubi recuperationi obstitissent: totius spei cumulum tandem ad aliquem pagum tenuem redactum iri. Speraret potius regijs partib. addictus, ex regis apud Mantuanū sūma autoritate Trinū, & plura alia nō contemnenda oppida, quorum redditus ad decies quinquies mille aureorum valerent. Cæterum omnes Italiæ Principes offendi, ingenti ipsum injuria sponte lædi, si Hispanorum potentiam per Italiam constabiliat, cujus subjugandæ jam nimis appositè prodiderint consilia: Casalam illi instituto impensissimè prodesse, quod ex iustis causis, Mediolanō utique vicinior, metuere posset, cum Hispani à Gallia se junctum non diu post forent invasuri, per omnia solum & imparè.

Optaverim univĕrsū sermonem, quo Cardinalis in eo colloquio cum ipso egit, huc explicare, ut gratia auctoritasque dicentis aliquatenus pateret: cum autem id negetur, in compendium cætera referam. Vix quēquam sermonis vim sustinere, ubi persuadendi partes ille sumit, cum verba aliquid fascini videantur spargere, ut continuo manus des, aut herbam porrigas. Neque enim fieri potest, ut quisquam diūtius reluctetur, sermonibus nescio quam dulcedinem exhalantibus, quæ intra præcordia insinuet, ubi gestuum concinna gravitas, & gratia suavissima non parum vigoris suggerunt. Quæ singula credi rectissimè debent, à fortissimis, qui eum accedunt, ingenijs comprobata, quibus promptum fuit fateri suas ad resistendum vires exiguas, quocunq; animorum fervore, ad obtinendum illius quibuscunq; rationibus, accessissent.

Politica reminiscencia.

Eloquentia summo Ministro tantò rectius convenit, quod præ cæteris teneatur plurima populo persuadere, & Magnatibus quibus cum est agendum, inculcare. Oratorum Romanorum antesignanus ait: per sermonis usum ab homine bestiam superari: addidero ego eloquentiam, quâ præpolleat, in rebus agendis. Prudentia quidem consilia optima, & media utiliora, ad finem obtinendum suggerit; eloquentia tamen confert facultatem, ad eâ persuadenda: adeo ut anima ferè sit eadem consiliorum.

Eloquentia inconsulta inutilis quidem foret, cum ad fulgorem auri vitiosi accedat, massa nihil solida: eodem modo prudentia muta, quæ sensa animi nequeat deprimere more Oratorum, parum profecerit, cum statuum affabre faciam referat, cujus numeros & sculpturam omnes admirentur, sermone semper negato. Eloquentia verò prudentiæ juncta, admiranda efficiet: unde Romanus ille dicebat, Sapientes præcorum temporum, quibus curæ fuere in administratione rerum publicarum leges, quorum censu veniunt Lycurgus, Solon, Pittacus & alij, utraq; claruiss: Prudentia quidem, ut æquas inveniant leges, quas promulgent; Eloquentiâ autem, ut populis earum æquitatem persuadeant.

Nemo infrijas ibit, eloquentia in animis maxime fidem doctrinæ Christianæ, quam Apostoli Saluatoris annuntiabant, generari, vel ipsi Evangelio teste, quod refert, suavitate verborum & gratiâ, quæ de labijs Saluatoris manabant, homines in admirationem raptos. Quantum verò imperium sermoni sit datum in homines, vel inde patet, quod prima linguarum arma Apostolis, in orbem terrarum abeuntibus contulerit, ut regnum cælorum in cæteris mundi regnis constabilirent, neque enim utilius summo Ministro adjeceris ornamentum, neque solidiora circumdederis arma prudentiæ, cum sin-

gulis

gulis momentis necessum habeant cum Magnatibus agere, quorum genij rationibus pascuntur, inde prægnantioribus, si appositè explicentur; illorum animi, quocunque motu agitati, scite tractantur ad tranquillitatem, mitigantur aut inflammantur sermonis dexteritate, è re nata.

Certissimum profecto, rationem nudam sæpissime infirmari sed ornamentis eloquentiæ vestitam, etiam obstinatissimos rebellium animos flectere, apud impertinentissimos insinuare, exacerbatisimos lenire, corda obstinatissima mollire, actiones exorbitantissimæ moderari, & ut verbo dicam, in voluntates mortaliū summum obtinere imperium: Id quod Athenienses haud ignorare patiebatur prudentia, qui ab Alexandri armis pressi, ut duces & oratores expellerent, maluerunt ducibus indicere exilium, quam Oratoribus, eloquentiam præ armis reputantes.

Eloquentiæ autem potentia tum demum in summo Ministro plurimum efficit, ubi affabilitate & studio benevolentia fulcitur: cum istæ virtutes non minus personam illius, quàm rationes negotiorum comprobent, quas ea falsi ni vehementia propinat, ut nemo repugnare queat.

C A P U T X.

Sabaudus regem frustra differt promissis.

PEdemontij princeps, prostridie neque redit, neque parentis assensum adfert, quod sponderat, quod eâ verborum facultate apud parentem non polleret, quam Cardinalis apud ipsum præstiterat: mittit tamen Verrue Comitem, qui civilitatis officiis defungeretur, & pro consilio promissa reponeret, quibus regi nihil satisfiebat. Cardinalis igitur, cui nihil æque curæ, ac regis gloria, istanc Sabaudi vecordiam aliquanto impatientius cum ferret, prudentiam expedit, nullum bene agendi tempus per-

dendum censet, ad virtutis impetum regem facit certiorē, angustiarum claustra postridie patefactum iri.

Rex facinoris egregij avidus, mandat, sibi partem negotij deberi, adeoque iam equum conscendere: prius tamen exercitus medium agmen, quod ducebat, necessarijs mandatis instruit, copias legit, & media fere nocte progreditur, emetitur quatuor leucas per tenebras adeo densas, ut maximam viā partem conficeret pedes, quod cogebant præter obscuritatem nives profundæ, adeo ut tandem, maturius quam credebatur, Chaumontium perveniret.

Ibi conventum agebant Crequius, Bassompetrius, Schombergius & Cardinales, qui pugnae momenta expendebat; concluditur, rege nonnulla exigua immutante, ratio invadendi, ut primo diluculo sepimentorum claustra perrumperent, ad transitum obtinendum, ubi rex defatigatum ex nocturno itinere corpus nihil curans, nec pericula pugnae acerrimæ metueret; etsi Sabaudus florem exercitus ad angustiarum custodiam disposuisset, licet ea munimenta naturæ arctissima vel centeni firmarent adversus aliam quamcunque vim.

Politica reminiscencia.

AQue utile, ac decorum Principi, ut curam instituenti conflictus sumat, & præsens executionem mandatis exemploque promoveat. Decorum id dico, quod regibus entis non vanè sit cælitus collatus ut omnem exercitus curam in duces rejiciant: neque diademata ad ornatum indulgeantur, quod in brutis quibusdam animadvertere licet, sed ut gloriam reipublicæ prudentia consiliorum, & robore armorum conservandam, adeoque augendam necessario sciant: Solis utique similes, qui non sapis habet cæteris astris lumen & virtutem dispertiri, ut & ipsa ad generationem & conservationem inferiorum contribuant, sed singulis diebus universam machinam transcurrat, ut ad omnes causas particulares concurrat, fereque omnia in omnibus præstet.

Ita Princeps oculum intendet ad omnia, quæ per exercitum eveniunt, stationes visitabit, mandata summa par-
tietur.

tietur, nunquam ducum curæ omnia committer, quibus minuta relinquit, semper memor præclarissimi illius consilij, quod Sallustius Cæsari suggererat, hisce verbis, Quicunque in republica ad summos honorum gradus pervasere, ad majores præ cæteris curas obligantur. Nemo unquam verbis planum fecerit, quanti referat, regi rerum arduarum curam suscipere, & exemplo potius, quam mandatis urgere, cum illius exemplum vix opus habeat verbis & sponte animos penetret ad tantum robur, ut miles quidvis audeat; alias intentatum: regis enim virtus instar fomitis, militum animos succendit, ubi minimum actionis speciem, impetuosius ad pugnam impellit, quam quælibet mandata, ab ipso delata.

Ex eâ causa Gemanicus apud Tacitum solebat casside apertâ cõfligere, ut à milite agnosceretur: Persarum reges nudum inferebat caput, & Cyrus, quod Xenophõ retulit, accuratè duces, adeoque milites nominatim inclinabat, ut ad institutum depugnarent: hæc egregia allata ratione, turpe fore Medico, si medicaminum, quibus uteretur, nomenclaturam ignoraret, turpe opifici, instrumentorum diversa nomina ad opus conficiendum nescire: majus tamen in Principem redundare vituperium, nisi ducum militumue, qui vicem instrumentorum ad militiæ decus assequendum gerunt, nomina distinctè norit.

CAPUT XI.

Rex angustias perrumpit, & Susam occupat.

SAbaudus ad eam pugnam magnis commodis fulciebatur, cum viæ per naturam adeo sint angustæ & rudæ, ut ad difficultatem augendum vix opus sit copiis: pauculi sanè viri eas clauserint, non tamen regi, cujus potentia circumfert jugum. Imposuerat nihilominus le-

Gissi-

diffimum, quemque ex militiâ, à quiete integrum, nullo labore fractum, cum regius miles ab obsidione arumno-
sissima, quam vix annus terminarat, postiter ducentarum
fere leucarum, quem injuriæ pluviarum, nivium, & hyemis
sævissimæ defatigarant, processisset.

Cum autem rex sciret, quantum momentum prælers
ad omnia adferret, ubi sub oculis suis nemo non felicitatis
summam in audendo & perumpendo esset collocatu-
rus, quod ad novarum palmarum possessionem adjiceret
auctarium: memor tamen, providentiam divinam ampli-
us ad prosperiora conferre quam arma præstent, voluit
ante impetum Missæ sacro interesse, ut Deo institutum re-
commendaret: inde ad horam fere septimam cum Cardi-
nale abijt in locum pugnæ sumtum, mandatis per copias
ad confligendum distributis.

Sabaudus angustiarum claustra triplici sepimento præ-
muniverat; primo, ad quadrantem leucæ, versus Chau-
montium, proximè limites, qui Sabaudiam à Gallia diri-
munt, promotò: altero, ad quadrantem leucæ secundum
descensum remoto: tertio, ad pedem muniti Gelassæ,
quod rupi impositum in prætereuntes tormentorum ful-
mina, & sclopetorum nimbum confundeat. Erant autem
ad eandem fere formam, duodecim pedes in altitudinem
complexa quæ fossis profundissimis, ad latitudinem octo
pedum cingebantur: accessum undiquaque viginti quin-
que aut triginta arcebant fortalitia, bis mille, septingentis
fortissimis viris in istas operas dispositis.

Ea rerum facies victoriam exhibebat difficillimam, nisi
regis virtus, & Cardinalis prudentia ardua quæque calca-
rent. Producantur copiæ ad creperum diei principium
jubetur Commingius ad primum sepimentum Pedemon-
tanorum expetere transitum regis præfectis, qui Susam i-
rent, ad hospitium militi signanda interposita fide, de amico
ingressu, & damno cavendo. Accedit Verruanus; moram
petit, ut ad Sabaudum in proximo id referret: adjiciens
eam rationem hospitandi non ad pacem quæri, angustias
tamen ita custoditum iri, ut sciretur, quantum inter suos
& Anglos interesset virtutis.

Respon-

Respondet Commingius, sibi per mandatorum rationem non esse morandum, propediem visurum Gallos, qui pari operâ & Anglos & Pedemontanos conficerent. Ad idem momentum, ubi dilationi non ulterior locus, Crequius & Bassompetrius, Auriaco, Valancæo, & Thorasio Campiductoribus succenturiati, movent: Sautii Comes juxta præscriptum institutum procedit, antesignani centeni, duce Droveto provolant, eos sequuntur sclopetarii regii cum legione excubiarum. Longavillanus ante turmam spontaneorum apparebat: Trimulianus & Haluinus Liancurtius, Bresæus & Sansimoniæ ordines ducebant: subsequabantur ad lævam legiones Helvetiorum, Estiflaci, & Navarræ.

Sautius cohortem recta deducit ad sepimentum. quod Marcus Antonius Belonus Pedemonranus sumserat tutandum, invadit, recludit, pervadit, imbrem sclopetariorum nihil moratus. Primum tamen impetum hostis magno fervore & animo sustinuerat, rabie in utrasque partes diffusa, ut illi non minus acriter propugnarent, quam vehementer isti irruerant, donec aliqua pars copiarum Gallicarum perumperet, instat fulminis grassata in Sabaudum militem & sepimenta, quæ eodem modo impetuque superata, & angustias viarum, & Susæ portas aperuere, trucidatis, sauciatis, fugatis que obnitentibus.

Sauciorum numero censetur Verruanus, in malam vulnerè suscepto, Villanus magister equitum, scapula per sclopeti ictum perforata. Novem signa capta, exiguum laborem requirebant ad regem, rebus gerendis immixtum, à cuius latere Cardinalis vix recedebat, deferenda. Inter gregem captivorum numerati duodecim præfecti, tum Centuriones, tum legati & signiferi.

Politica Reminiscentiæ.

Generosus animus in mediis periculis nullo metu corripitur, qui si aliquid audeat, ad curam rerum necessariarum, ne detrimentum inferatur, tantum inducit. Satis habet mandatorum, in victoriæ scopo, ubi necessitas in virtutem abit: hinc majori metu urgetur amittendæ ad

gloriam occasionis, quam damni suscipiendi; potiori semper cura in honorem, quam vitæ terminum proferendum collatâ; animum extimulat, per media, quæ prudentia suppeditat, firmatum.

Temeritatem cavet, nec oculis clausis. Andebatarum more confligit, nec in pericula præcipitat incautus, quin dispiciat modum evadendi; sed virtutem rationi subijcit, è re natâ disponit omnia, & tandem metu vacuus grassatur. Neque enim laudem meretur, nisi prudentiâ firmatus animus, ne fervor excaescentiæ ad superanda obstacula extimulet; instituto ad rationis stateram nihil expenso, prudentiâ, ad delectum mediorum, quæ felicem successum promoveant, nihil occupatâ; irâ, ad promptitudinem nullâ.

Non tamen eousque differet conflictum, donec prudentia omneremoveat periculum; sed certus, fortunam virtuti amicam, audentiæ multum favere, in hostem fertur, quamprimum prudentiæ pugnandi rationem disposuit: in præcordiorum penetralibus ista Sallustii verba inscripta gestat. Pericula in meticulosos ingruere, cum confidentia firmissimum vallum præstet, & omnia cedant virtuti, quemadmodum metui omnia obstant. Id demum victoriæ partem prostituit, ubi obstaculorum metu percellitur, quæ eadem ferè operâ & contemnuatur, & superantur.

Audendum est in omni negotio, ad prosperum successum; unde nihil unquam efficit, quicumque multum formidat. Elementorum nobilissimum ignis censeatur, ob promptitudinem agendi; adeo ut nihil ei resistat; sic vis fortis eò magis æstimatur, quod animo promptiore, pericula perrumpat. Hinc compertum, audaciam sapissimè vicisse, ubi consilium & Prudentia videbantur deficere; adeo ut in negotiis bellicis non semper opus sit longâ deliberatione; quæ non raro institutum affligunt, & honorem authoris obfuscant. Aliquid sanè cauti dandum, & cum judicio institutum firmandum, tametsi singula minus dilucidè ad votum pateant: sed ubi consulueris, fa-

cto opus est, ut promptè manus operi
admoveatur.

CAPUT XII.

Princeps Pedemontii Susam venit, ut ex autoritate parentis cum rege agat.

HAc victoria parta, Rex deditionem Ialionicis munitimenti, quod Sabauda in vicinia susæ parebat, à gubernatore urget. Id verò ille primum recusabat, dilapsus tamen post pauculas horas cum trecentis praesidiariis per montana, provincialibus munimenti custodiam reliquerat, qui itidem regi nihil obnixi, discedunt, adeò ut rex Centurionem imponeret. Eodem tempore jubet mille pedites, & bis mille equites in Pedemontium, usque ad Ruffilionem, sesquileuca ad Susam, ducibus Crequio & Bassompetrio, excurrere, in quos Citadella Susæ plus mille sclopetæ, & ducenta tormenta explosit transeuntes, duodecim ferè militibus occisis, sauciatisve.

Ea protervia continuo regem permovet ad Citadellam invadendam: jubet igitur Estissaci legionem in apicem Brunellæ, montis vicinissimi, eniti; cum jam certior esset de Sabaudi poenitentia; qui Hispanis adhereret, Gallis transitum negaret, & justum temeritatis supplicium, ad imperii perditionem metueret, pactis etiam fœderis, cum Galliæ coronâ minus stetit. Mittit igitur Seneterranum, qui mentem scrutaretur, moneretque, si transigere cuperet, regem ex facilitate insita, sororis etiam habitâ ratione, præteritorum libenter memoriam abolere; usum viciniarum susque habere; modò ad institutum Casalæ liberandæ, angustiarum fiduciam præstaret; ad necessaria exercitui subvehenda, ipse etiam, pro facultatibus annuam pretio addiceret.

Sabaudus non parum felicitatis sibi videbatur adeptus, si tantillâ defungeretur mulctâ: mittit igitur promptissimè Pedemontanum ad Cardinalem, qui transigeret, & pro autoritate collatâ regi omnibus satisfaceret. Accedit Princeps, & eodem die agit cum Cardinale, ubi de istis

legibus conventum, Sabaudus exercitum regium per provinciam dimitteret, annonarium forum præstaret, ad expeditionem Casalana[m], & ad regressum, etiam ad annonam Casala[m] inferendam conferret, necessaria ad victum & militiam, æquo pretio numerato. Cæterum quascunque angustias regi aperiret, cum numerum militum subministraret, quem rex Monferraten[s]i provinciae necessarium, ad quosvis casus æstimaret: In fidem promissorum jam nunc Susa[m] Citadellam, & Gelassæ munimentum regi traderet, ad quantumcumque præsidium. Quibus peractis Sabaudus aliquot dierum moram interposuit, antequam regem salutaret, & submissionis signa præstaret.

Politica Reminiscentiæ

Nullum Principi majus ad res arduas momentum, quam judicium, & virium notitia: sine quibus inanam confusionem vitare nequit, ignominia ad mensuram gloriæ optatæ ingruente. Imprudentiæ scaturiginem sinistri successus rectè transcripseris; temeritari Princeps compendium confusionis debet, quæ illis est familiaris, quibus natura nascentibus plus ignis quam judicii addidit, ut imagine gloriæ inanis deludat, in majora infortunia præcipitandos.

Vera virtus in eo furibundo non consistit impetu, ad quælibet audenda, nulla habita virium ratione, & prudentia, quæ institutum ad normam referat; sed viam mediam infistit, ne quid nimis. Qui altius volat, sæpissimè præcipitat; cum prudentiæ inopia adeo sit noxia, ut plerumque cogat penuriam & virium, & virtutis proderet. Hinc grande vituperium feret Princeps, qui in regem impingit, longe maximis subnixum facultatibus, & transitum negat instituto alicui necessarium, fretus exili suâsi accomparetur potentia.

Tuipitudine vacat necessitas, quæ legem à potentiore accipit: eam cum fanore rapit, qui in obnitendo succumbit. Angustias etiam arctissimas adeoque difficillimas nulla præsidia servârunt, nisi numerosissima, cum hostis exercitum producat, & tandem impendio aliquarum copiarum per-

perrumpat. Sunt enim plerunque duæ tresve stationes superandæ, quas exercitus fortissimorum militum omnino deiciet, unde tantus propugnatorum præcordiis insinuat terror, ut ingruente exercitu pedem cogantur retrahere, nisi ad internecionem perire malint.

Ex eâ ratione Romani nunquam angustias infidebant, nisi prudentia obfirmari hostem expectandum putarent, dum primarii propugnatores sustentantur. Diversa tamen ratio, ut i præsidium aliquod à tergo nullos videt, qui sustentent, aut in locum eorum, quos primus hostis impetus prostraverit, succedant.

CAPUT XIII.

*Mantuanus ab Hispanorum oppressione per regia
arma penitus liberatur.*

Gonsala Corduanus Mediolani gubernator, qui curam obsidionis Casalanae susceperat, ad primum istius transactionis nuncium, statuit discedere. Convenerat enim ex tenore alicujus articuli, quorum nonnulli secretius habebantur, ne undiquaque impingeretur, ut Sabaudus posset eum facere certiorcm, quomodo ex notitia, quâ de Hispanorum instituto regi suggererat, qui Mantuanum nollent universo Imperio exuere, & obsidionem non gravatè solverent, regem assensisse, ut Helvetii in Niceam Palianam imponerentur, qui nomine Imperatoris eam servarent, exacto nihilominus jurejurando, quo tenerentur eandem Mantuano, aut cuivis fiduciario, reddere post mensem elapsum, investitura vel negata, vel indulta. Cum etiam fidem dederit, de non turbandis Hispani, affinis sui, provincis, quod pacem, amicitiam, & benevolentiam semper colere instituisset.

Istoc fucò pingebantur consilia, quorum tamen sensum Gonsala clariorem non expectans, obsidionem solvit, antequam regius appropinquaret exercitus, ne longior mora gloriæ daret incrementum, ad Susam acquisitæ. Discedit

igitur eâ nocte, quæ intercurrit quintum & sextum decimum, ubi oppidum libertate recepta à miseris extremis, respirabat, quas à duobus mensibus patiebatur, absumtis in victum equis, canibus & muribus fere omnibus, quos murorum ambitus præbebat.

Sabaudus extempio annonam & belli apparatus, uti promiserat, subvehit, adeo ut rex omni honore & commodo, secundum spem instituti, cumlaretur, dum fortuna & virtus conspirant per æmulationem, ad omne decus gloriæ quam iustitia & potentia armorum eo æquius exigebant, quod satis habuerit Mantuanum ab oppressione Hispanorum exemisse, cum Italiæ potissimam partem, eorum fervore, occupare liquisset.

Politica Reminiscencia.

PRUDENTIÆ quidem causa principalis feliciū successuum merito transcribitur; fatentur tamen famosissimi duces, fortunam sibi nonnullam eorum partem vindicare. Faciet prudentia progressum aliquem sola; sed fortuna sæpius illi, jungitur ad finem destinatum: unde Octavianus pro nepote ea suscepit vota, ut auctoritatem Pompeii, fortitudinem Cæsaris, & suam nancisceretur fortunam. Sic Syracenaes, ex equestri Persarum ordine, quod Plutarchus in Moralibus refert, respondit, cum nonnulli multum admirarentur, consilia ejus parum prospera, cuius sermones tantam sapientiam spirabant: se quidem sermonum esse magistrum, in rebus autem militaribus maxime dominari fortunam.

In eam sententiam dicitur, sapientem non ad rerum eventum, qui æquè à casu, quàm à prudentiâ pendeat, sed ad consiliorum fidelitatem, quam aliunde non mutetur, præstandam obligari. Sic fortuna aliquando obli-dionem absque pignâ solvit: illa per certas occasiones eum terrorem copis hostilibus immittit, ut vix animos ad defensionem sumant: illa sæpissimè munitissimarum urbium portas ad primi fecialis postulatū reclusit: illa ad aspectum exercitus non raro provinciam, universam ad obsequium celeberrimorum ducum traduxit.

Non

Non tamen de fortunâ loquentibus ex paganismo formabitur Dea cæca, præses armorum, quæ victoriam in alterutram partem pro lubitu inclinet; sed intelligetur providentia divina, cui nomen illud vulgò inditur, ubi aliquid felicitatis præter spem obtigit. Deus enim ultima causa est bonorum successuum, à cuius dextrâ liberali dependent principaliter: ipse consiliis auspicia confert, adeo ut ex favore influentiarum cœlestium fructus prudentioris instituti nascantur.

Cogitare etiam convenit, quantum prudentia virorum probatorum ad eventus illos non speratos contribuat, cum ipsi sint instrumenta potentiae divinae, quæ tamen vitâ minimè careant, aut omni motus principio in sese destituantur, ut aliquid ad actionem primæ causæ conferant. Sic rectè dicimus, Alexandro adfuisse fortunam in omnibus consiliis; verum tamen interim eandem prudentiâ cultam, vigiliis conservatam, laboribus obstrictam & virtute adjutam.

Certissimum enim, maximam eventuum bonorum partem, quos vulgus casui imputat, ex prudentiâ nasci, adeoque instituto virorum egregiorum, quorum est agere per cuniculos non minus potentes, nec cujusvis oculis expositos, ut apud eos, quorum est rectum de rebus iudicium, non minus gloriæ ferant, eò quod sub leges geniorum vulgarium non abeant.

CAPUT XIV.

*Pedemontanus cum conjuge salutar
regem.*

Cùm rex per istam transactionem à Sabauda quævis commodaretulisset, gaudebat sanè planum fieri, & ipsi & nunciis rerum, quantâ potentia polleret, ut eum vel invitum ad obsequium reduceret. Occasionem Rex nullam negligit, quam fors obtulerat per adventum Pedemontanæ, ad salutandum Regem Susam delatæ, cui quosvis honores, secundum amicitiam

am singularem, quā eam semper erat complexus, deferbat, nihil minus Pedemontano, qui eam deducebat, culto, ut ipse disceret, non temerē cum Galliæ hostibus colludendum.

Rex obviam procedit, partem exercitus trahens, reliquis copiis in aciem hinc inde per vias, ubi maxime oculis Pedemontani usurpari possent, dispositis, ut sibi ipsi crederet, cur tantum Nobilitatis numerum, militisque robur ad secundam expeditionem lacescere non deberet, ne parentis imperium sortem cum usura dependere cogere-
tur.

Politica Reminiscencia.

AQua prudentia, ad metum apud Exteros quam ad obsequium apud subditos valet. Frustra ab illis amicitiam sanctam speres, quod in proprium commodum sancta, favorem ad eam mensuram spargat, adeo ut summus benevolentiae apex consistat in non offendendo, ne vicinis noceant: cum etiam a paucissimis istanc moderationem expectare possis. Prudentissime igitur fecerit, quicumque potentiam, tanquam frenum proterviæ, iacetat.

Equidem nullus laudavero, abusum potentiae ad metum, ut injuria inferatur, quod a longo temporum decursu Austriacis collibuit; sed ut media castigandi, si ab officio recedant, expediantur. Duo enim tantum inveniuntur ad moderationem colendam media, amor videlicet & metus, ubi per impotentiam illius, ad hoc necessarium recurras. Non temerē lacescitur Princeps expeditæ vindictæ; nihil naturæ convenientius, quam revereri potentiam. Metuendos igitur sese præbeant ad modum Numinis, cujus omnipotentiam nemo non timet, non ob consuetudinem nocendi, sed ob rigida offensarum supplicia.

CAPUT XV.

Trica Parisienses marronarum de matrimonio Aurelianensis cum Maria Mantuana.

DUM Rex ad Sufam moratur, perniciosas apud reginam matrem ordiuntur tricas, quæ constituerat Aurelianensi conjugem Florentinam, & impatientius inferebat propensionem ipsius in Mariam Mantuanam, filiam Mantuani, quæ natalibus dotes eximias addiderat, digna tanto matrimonio. Neque rex multum abhorrebat, cum principem illam semper maximi fecisset, nullo tamen deliberato, per exiguum ab exequiis tempus.

Matronæ tamen aliquot illustriores, quibus reginæ matris animus captivabatur, quasvis adhibet technas, ne Mantuana ad eos honores eveheretur; dum hæ in eo matrimonio minus commodi invenirent, affinitatem illam suæ potius familiæ conciliaturæ; illæ minus ambitiosæ, reginæ matri abblandirentur, magno spei pretio, si odium Cardinalis instillarent, quasi is Mantuanam Florentinæ prælatam vellet. Regina mater igitur, omnem violentiam à quovis instituto removere solita, adeo urgebatur à factiosis, ut tandem Cusacum, nobilem assecclam, juberet assumptis ex satellitio copiis Columeriam contendere, ubi Mantuanæ cum Longavillana vidua custodiâ adhiberet, & eas in saltum Vincennarum deduceret; quod ille præstitit, adeo ut illic aliquamdiu custodirentur.

Aurelianensis ad Fontem deliciarum ex isthoc nuncio tantam ægritudinem animi concepit, cum charissimam Virginem detineri, & ibi locorum pessimè haberi intelligeret, ut continuo Aureliam discederet, Lutetiam, præter Reginæ matris desiderium, declinaret, adeoque tandem in Lotharingiam abiret, ubi fabricam perniciosorum, uti executio deinceps testabitur, consiliorum constitueret.

Mittit tamen regina mater eodem momento cursorem,

Ecce

qui

qui Regem Susæ etiam hærentem, de custodiâ istius causis edoceret: persuaserat enim factio illa, induceret Regem ad culpam totius negotii in fratrem Mantuanamque conciliendam, quod impensissime quærebatur, tametsi innocentia institutum eos præstaret liberos suspicionum, & Mantuani fortunæ, Galliæ emolumento connexæ, benigniorem filiæ sortem expolerent.

Reginæ matri istæ consilia nullo negotio suppeditabantur, cum de authoritate illius ageretur a rege comprobati, omni vituperio in malehabitos reiecto. Machinas tamen industrie producebant, ad firmandum ejus animum, cum prævidere, Cardinalem aut cum regina matre aut cum Aurelianensi committendum, quo momento rerum vires instituto credebantur accessuræ. Artes abominandæ, quibus nullum satis grave supplicium: quæ tamen reginam matrem eatenus vituperio eximebant, quod nullus ferè mortalis prudentiam effugissent, a doctissimis tricarum confarcinata; adeo ut jure factioni istarum foeminarum maximum illum errorem acceptum feramus.

Politica Reminiscencia.

Quemadmodum foeminæ per natalium splendorem dotes sortiuntur regno administrando contrarias, ita cum summo periculo motus tricarum sequuntur gubernatores. Rectè similè eas contulerim cum Sole verno, qui vapores in aerem attrahit, non dissolvit. Videas enim; quantis tricis Rempublicam onerent, genio ad remedia deficiente, cui omnes turbæ debeantur. Novit universum Mortalium genus, quantas violentia trahat turbas: sic ruit torrens, saxis revulsis, arboribus extirpatis, ruptis repagulis. Foeminarum libido mediocritatem ignorat, omne desiderium fervet: instituto ad necessariam considerationem non semper exacto, quævis obstacula aggrediuntur submovenda.

Imprudencia nihil minus turbat, quæ à natura ipsis insita, per occasiones ostendit, majorem industriam, quam prudentiam. Una Pallas, inquit Lucanus, Dea prudentiæ, è cerebro Jovis enata est, ut intelligeremus, cam cir-

tutem difficillimè ad vulgatam nascendi rationem conve-
nire.

Vindictæ æstus Rempublicam incendio corripere ni-
hil differt, qui rigorem potentioribus intentat, ad inju-
riarum repulsam expeditis. Fœminas vindictæ æstrum
vehementissimè exagitat; quarum insitæ formido eò fa-
cilis præcipitat, quod maximam errorum partem con-
temtuitribuant. Non satis illis roboris ad dissimulan-
da potentiora vitia, quod vel inde maximè conveniat,
ubica plerumque magis ex infirmitate, quam ex mali-
tia procedant: hinc gēius à quavis offensiuncula ster-
nitur, cum Principum familiares potius suadere debe-
ant, ex venia potiozem, quam ex supplico acquiri glo-
riam.

Et ut compendium faciam verborum, ancipitia consi-
liorum, quæ cavere nequeunt, certissimam mille turbis
præbent causam, quotiescunque pabulum factioni sub-
ministratur: modo hoc allubescit, modo illud perplacet,
ut quid inceptent, dubitent; etiam optimi instituti, ad
quamvis difficultatem, nunquam tenacēs.

Non quod Natura nascentibus animam ratione prædi-
tam negarit, cum illustrissimis regnorum administratori-
bus, sed quod ad morem florum, quos Ægypti fluvius per-
petuis vaporibus admodum crassis, ne eandem quam alibi
fragrantiam spargant, enervat, animi illarum continuis
exagitentur motibus, quorum scaturiginem in infirmita-
te & violētia ingenii invenias, adeo ut generosa cōsilia pro-
ducere nequeant, quæ ex temperie fortiori, quam in viris
notare licet, consurgunt.

Aliis rationibus supersedeo, unum tamen adjecero, eti-
am ipsius Numinis iudicio, quod Isaias vates docet, ad-
ministratorem fœminarum maledictionis speciē trahere,
cum cœlum populos statuit affligere: Sibyllinis carmi-
nibus etiam imperium fœminæ indicium

subversi Orbis universi faci-
entibus.

CAPUT XVI.

Rex non potest placare matrem Reginam.

REX, cujus institutæ ratio vitæ non minus æquitatem, quam iustitiam sectatur, Aurelianensi errorem im- merito impingere volebat, reginæ tamen matri aliqua- tenus satisfactorius, ne auctoritatem, quam ad Reipub- licæ curam se absente contulerat, circumcidi per retractati- onem actorum queri posset, mediam viam instituit, mise- ro scilicet Nojentio Comite, qui Aurelianensi à se nun- ciaret, omnia fore pacata, si reginam matrem rogatam vellet, ut Mantuanam ex saltu Vincennarum dimitteret; datis eodem tempore ad reginam matrem literis, quæ indicarent, prudenter matrimonium Aurelianensis impe- ditum, gratias agere de eo studio, nunquam ipsa repu- gnante assensurum sese; Nuncio tantum in mandatis ad- diderat, ut ad pacandum Aurelianensem custoditas formi- nas rogata dimitteret.

In tam submisso & prudenti responso regina mater ni- hil erat desideratura, cum rex institutum illius non dam- naret, & videretur fidem adhibere, quæ ipsa, de matrimo- nio illo vel invito rege, contrahendo, mandarat, autho- ritate illius eoque firmata, ut libertatem custoditarum non iuberet, sed integram dispositionem relinqueret, ut precibus Aurelianensis indulgere posset.

Qui tamen animum illius moderabantur, ad motus li- bidinis industrii, responsum fucatū persuadebant, quod ad laudandum institutum minus faceret, & aliquatenus acto- rum rescissionem ferret. Moderatiores à Cardinale vitupe- rando abstinere, qui defuisset integro reginæ matris de- siderio, ne patescerent, & ad easdem cautes, quibus ille collideretur, naufragium facerent. Quemadmodum i- gitur reginæ matri persuaserant, cum apud regem quid- vis posse, satis habebant, admonuisse, optandum, ut illi regi consilium, Mantuanæ extra limites regni aman- danda

dandæ suggessisset, sine dilatione temporis quæ Aurelianensi matrimonii consumandi occasionem præberet, cum sponte sciret, Dialecticam non tam promptè rationes consequentiarum struere, quam sceminarum iram & ambitionem, adeo ut ipsa quicquid vellet, exinde inferret.

Nullo profecto explicabitur sermone, quantum invidiæ Ministro incomparabili conflatum fuerit, qui tamen nihil omiserat prudentiæ & iustitiæ, ad errorem violentiæ corrigendum.

Politica Reminiscentiæ.

Quemadmodum Ministris sæpe usu venit, ut ad corrigendos Magnatum, quorum genii summa dexteritate tractari amant, errores violentos necessariò attingantur, ita tenentur naucleri sapientiam induere, qui adverso vento non opponit, sed obliquat, & strueto pede iter pergit: Réferunt enim naturam metallorum, ubi nobilissimum flexui aptissimum. Nisi enim per occasiones cedant, potentiorum inimicitiis nunquam caruerint. Ubi ulcus aliquod animum lancinat, nunquam ferrum, nisi gossypio tectum expedient: extréma tamen & ferrum & ignem postulant.

Magna illa libertas verè dicundi ad aulam nihil pertinet, cum verum illud mille artibus amictum, sit propinandum, semper dubio ad sagacitatem labore. Ea tamen reverentia non simplex complacendi studium feret, sed iudicium solidum ostendet, ad incendia, quæ ex agitudine illorum non raro fuscitantur, coercenda, ne inflammas evadant, & in nervum erumpat ira.

Ubi etiam cum sceminis in rerum administratione ob natales observandis, sit agendum, memores sint, nullam aliam pacandi rationem, præter desideriorum copiam, superesse, cum illatum genii repulsæ quantumvis æquissimæ non sint capaces, ubi animus turbatur. Caveant igitur, ne temerè institutum illarum damnent; nisi exacerbatas sibi optent. Prudentia denique modum agendi præscribet optimum; adeo ut quietis esse liceat, postquam rationi obnixè studuere per omnem industri-

am, cæteris providentiæ divinæ, regnorum præfidi, permissis.

CAPUT XVII.

*Rex Casala & alius Monferratenſibus communitis,
Suſam linquit, Languedociam luſtraturus.*

POſtquam Rex neceſſariam Suſæ extraxiſſet moram, ut emolumenta firmaret, & Caſalæ, & Monferratenſi provinciæ annonam, & quæ ad tuitionem neceſſaria videbantur, ſi forte alia viſ ingrueret, inferret, Languedociam petere cæpit; ut hæreticos rebelles ad obſequium reduceret, quod nimium oſendiſſent malevolentia; & inſtituti ad rebellionem proferendam, nihil moti favore per Declarationem Pariſienſem oblato. Nemanſi enim conventum egerant, ex quo ſeditioſum emiſerant Maniſeſtum, ut oblata regia decipularum artibus traducerent; obnixè demonſtrantes; exitium quæſitum.

Sciſerant, arma non ponenda, niſi cum Angli conſenſu; exacto in eundem finem etiam jurejurando ab omnibus oppidorum gubernatoribus; id quod belli incendium continuabat, cum rex Angliæ ex dedecore ad obſidionem Rupellæ, & Reæ inſulæ tuitionem ſuſcepto, nihil magis in votis habebat, quam Galliam turbis involvi, ut diſiſis copiis minueretur potentia. Rohanius, caput rebellionis, convectui interfuert, cum ſciſcerent, ad Angliæ regem mittendos, qui protectionem rogarent, edocentque partium ſpes omnes in ipſius auxiliis ſiſas; nec ea ulterius differret.

Indicia ſanè certiffima ſæviſſimi belli, quo poſſeſſionem oppidorum, in quibus potiores eſſent, firmarent, certa fiducia, regem mole aulicorum negotiorum diſtentum neque otium, neque facultatem ad iſthoc inſtitutum diſturbandum nancifci. Minime igitur rebellionis radices profundiores permittendæ cenſebantur, ne & virtutis & prudentiæ detrimentum fieret. Suasit itaque Cardinalis, ut rex omni abrupta mora iret, & protervitiæ limites figeret.

Politica reminiscencia.

Rebelliones præsentissimum verum publicarum malum, ad modum morborum, qui certa prognostica ad eventum metuendum protrudunt; Imperijs etiam sua sunt signa, & circumstantiæ, ex quibus causa metuendi colligitur, ne in exitium regni, nisi prompto remedio præveniantur; tandem prolabantur. Nauclerus tempestatem ex occultis quibusdam ventis, & nescio quibus tuberculis in maris æquore, intelligit ingruere, inde ad colluctandum expeditus; Sagax imperij minister nihil minus signa per rebellionem notat, quæ futuri metum inferant; unde arma nihil differt, ad divertenda ingruentia mala.

Inter signa evidentissimum fuerit Manifestum, Declaratio, Conventus privatum actus, copiarum auctoramentum, custodia oppldorum adversus Principis voluntatem. Istis enim institutis ponitur persona, apparent partes, excutitur jugum obedientiæ, dirimitur regnum. Ista demum fuerint signa morbi lethalis, quo republica affligitur. Quemadmodum igitur sagax Medicus remedia nihil differt, ad signa morbi lethalis; ita prudens Minister arma Principis prompte expedit, ut populos laborantes seditione, ad prima rebellionis indicia coerceat.

Hic ante omnia summam exeret diligentiam; quæ quidem ad extrema instituta est necessaria, maxime vero, ubi de conservatione rei publicæ agitur, ad restringendum rebellionis ignem. Eo modo Alexander Magnus seditionem Græcorum compevit, cum exercitum ea profuturitate induceret, ut videretur, quem venturum nondum audierant. Per antiquitatem impense celebratur diligentia Rhodoginæ, quæ Persarum regina, in ornatu capillorum occupata aliquando, de rebellionem populi nuncio suscepto, non sustinuit moram capillitij exiccandi, sed in nodum ubi illud collegit, equum conscendit, ut principiis obstaret; gnara utique rebellionem viperarum naturam referre, quæ ab ortu facillime suffocantur, cum temporis cursu difficulter vincenda.

CAPUT XVIII.

Hispania cum Rohanio agit ad nova per Galliam dissidia excitanda.

Quicumque animum rebellionem semel prostituunt, ad quævis extrema facile elabuntur; ita Rohanius sui ipsius inimicior ab Hispano auxilia petit, qui ea occasione turbandæ Galliæ lætus. Oratorem illius Clausetum cum amplis honoris testimonijs suscipit, & spe de auxilijs ad votum submittendis implet, per pacta maxime, incurrente Majo inita.

Rohanius teneretur, bellum per Galliam fovere quamdiu Hispano luberet; & in omnibus consilia Hispani promoveret; nec sine illius scitu & consensu pacem faceret. Hispanus vicissim promittebat omnia auxilia, sexcenta milia ducatorum duabus vicibus numeraret, ad bellum alendum per Provinciam, Languedociam, Delphinatum aliaque loca; consilijs Hispani opportuna; addito stipendio annuo quadragies mille Ducatorum; octies mille Subisio fratri promissis; & decies mille annuis in duces, uti videretur, distribuendis.

Cæcitatem enormem, ad sinum hostis jurati, rebellionis fovendæ gratia confugere! Nulla sane iustitia Hispanus subditis rebellibus auxilia præstabat, manifesto in hæresim favore. Evanuerat tum pallium religionis speciosissimum, quod adeo magnifice infert per occasiones, ad ambitionem contegendam. Hic sane manifestum fecit, Zelum suum fucatum & speciem consiliorum in iustorum esse larvam, cum hæresi non desit, ubi aliquid commodi ad institutum elucet.

Neque vero ui deliberatum, ad ea auxilia Rohanio discernenda, quod satis videret, regem post factionem Religionariorum oppressam, ut ad bella civilia excitanda nihil facultatis habere posset, amissioni limites fixurum, adeo ut vim metueret, quæ consilia de opprimendis Galliæ faderatis

deratis dudum concepta perdi necesse foret. Si enim Gallia vires colligeret, fœderatos securè acturos & consilia de eis invadendis expiratura; quod compendium esset ægritudinis, adeo ut nihil non esset ausurus, ad declinandum istud infortunium.

Politica Reminiscencia.

Non decet Principem alienos in rebellionem firmare subditos, cum non minus teneatur justitiam, erga alienos, quam suos colere. Nisi æquitas potentiae ejus faciat modum, Deus, iudex omnium Principum, eodem ipsum malo mulctaverit. Quemadmodum nullum crimen enormius subdito potest impingi, quam rebellio; ita Princeps Principem gravius non læserit, quam eandem fovere, cum centrum Reipublicae maximè invadat, & nervum potissimum imperii in populos plerunque succidat.

Iustitia extra omne dubium, fuerit firmissimum dignitatis regiae fulcrum: hinc diutissime regnant, ab invasione exterorum securi; hinc robustissimum munimentorum propugnaculum, quod sapientissimus ille rex proverbii vice solebat usurpare, adeo ut asseveranter credi possit, eandem solam à temporis & fortunæ injuriis vindicare imperium. Quicumque alium offendit, ad parem provocat injuriam; ut rebellionem fovens, offensum invitet ad vim furiosam, donec vindictam injuriarum exerceat, & ex lege talionis rependat, ad exitium propinquum.

Deus quidem suis temporibus ambitioni Principum habenas permittit, ut aliquandiu prosperè agant, cum abusus potentiae punire constituit; quo permissu non comprobatur injurias; Nec potest credi, ipsorum potentiam sponte amplius duraturam, nisi injustè quaesita conservationem à justitiâ mutuentur. Ferunt, imperia testudini esse similia, quæ tum demum securè agit extra periculum capturae, ubi sub tectum colligitur, adeo ut Princeps suum possideant ambitum, nec aliena turbent.

Monarchiæ Gallicanae diuturnam seriem præ cæterorum

rū imperiorū duratiōe vel inde sumserit, quod arma nūquam extra limites protulerit, nisi ad tuitionem fœderatorum, aut saltem ad recuperandā, quæ perierāt, in eo conditionem Nili benignam imitata, qui nunquam alveum egreditur, nisi ut terras viciniores beet. Vident autem vice versa omnes, apud Austriacos, quod ceteros omnes Principes vellicarent, injuriam plurimorum vindicari, adeo ut potentia eorū valdè atteratur, tametsi imperiū à paucissimis seculis arcessant: sententiam illius Prisci comprobantes: Violentiam, cui terra aliquādiu impunitatem permittit, à cœlo diuturnam non posse obtinere protectionem.

CAPUT XIX.

Rex Privasium petit, Cardinale Susæ relicto.

Cum Rex de omnibus istis conspirationibus secutus dum Cardinalem esset certior, facile iudicabat, hæreticorum proterytiam ulterius non ferendam, neque tempus perdendum, donec Exterorum auxiliis fulcirentur. Discedit igitur Susa, cum potiore exercitus parte, & restā petit Privasium, caput Vivaretti, ubi constituerat exordium castigationis sumere, quam rebellio Religionariorum per Linguæ dociam exorquebat, ut fabricam turbarum à sexaginta annis exercitum destrueret.

Cum autem interea multum de verbis Sabaudi ambigeretur, quod ipsius fides ad commodi mensuram pleniusque valeret, vnum regi, partem reliquam exercitus Cardinali permittere, qui Susæ potentiam armorum amplius firmaret; & mandare Crequio imperium universæ militiæ per Italiam, ubi ille eis Alpes redisset.

In eundem finem abeunt tres Villaregii, Riberaei & Grangæi, legiones in agrum Monferratensem, quæ hæctenus Nicæam Palianam, Aquium, Pusonum & alia quædam

dam loca præfidiis erant complexa, duce Thorasio, Campiductore, ut Sabauda & Hispanis turbulentibus, vim repul-
sarent.

Politica Reminiscētia

Nullum arctius fuerit vinculum uniendis Principibus, quam mutua pacta ad pacem. Sæpius quidem apud multas parum superat fidei, quibus acumen ingeni ad palliandam rupturam; unde sapientissimè fecerit quicumque si luciam suspendat, ad expeditam defensionem: Quæ cura erga Principem aliquoties in eâ viâ lapsam, cujus genius ægerrimè ad quietem componitur, geminatur, suspitione ad subleſtam fidem semper præclivi.

Meminerit Reipublicæ minister, pleraque imperia ad scopulos nimia confidentiæ naufragium passa; turbarum, torrentes per eam irrupisse fenestram; minus diffusum, facillimè obrui, ad exitum pronum: Leonem igitur imitetur, qui cernuis oculis somnum caput, adeò ut post pacta pacis diffidentiam ad evitandos subitos casus colat. Diffidentiam dixeris matrem bonorum successuum, & nimiam de aliorum fidelitate fiduciam, insidiarum præcipitium.

Nimia illa benignitas, quæ de nemine malè sentit, nimium trahit incommodum. Offensæ sanè notam non suscipit, cum in æstimo alieno consistat; erroris autem magni aufert nomen, ubi negligentiam inducit: Neque facillè ex diffidentiâ surrexerit damnum. Principes autem vel inde videntur obligari, ne unquam verbis alienis fidem habeant, quod plerique privatum commodum sibi constituent scopum agendi, palam professi, majori impensâ suæ autoritati, quam fœderatorum salutari. Vera igitur aliorum quantumlibet verba habuerint, si ab ista diffidentia abhorrent genii, consue-

luerim tamen ego, ut caveant, tanquam

si verba nunquam fuissent

data.

CAPUT XX.

Rex Privasium obsidet, & capit.

Ubi prope Privasium perventum, Rex hospitium sumit, ex quo universum oppidum, adeoque exercitus ferè omnes poterat usurpare oculis partes. Post pauculas horas Vssellanum jubet, nihil differens, obire oppidum, & munimentorum notitiam referre. Abit ille, sed fortè nimis amplo comitatu ad rem securè conficiendam: oppidani tormentorum frequentem explosionem instituunt, adeo ut ipse sclopeti glande ictus, quinto post die humanitatem exueret.

Notitià oppidi relata, sumuntur stationes, incolæ post acerrimum conflictum, qui ex legione Picardiæ quinquaginta gregarios abstulit, exteriora munimenta pertinaces licet deserunt, sub ambitum & tutelam propugnaculorum collecti. Pax etiam Susæ cum Rege Angliæ constituta & consignata, firmamentum adhuc jurisjurandi utrinque flagitabat; Rex igitur, ut omnem auxiliorum præcideret illorum spem, ad eam intercapedinem locorum pacem promulgari jubet, quò oppidani omnia & oculis & auribus percipere possent: id quod non parum stuporis apud plerosque insinuavit.

Gravissimè tamen angebantur, cum duos suggestus ex igno temporis momento viderent paratos, ex quibus tanta tormentorum contonabant fulmina, ut triduo post vallum læcerum videretur ad impetum satis patere. Advolat Susa Cardina is, nullo non tempore regiæ gloriæ intentus, suum de vallo & impetu calculum addit; expediuntur arma, copiis ad castigandam rebellium proterviam properantibus. Imperius ab octava vespertinâ ad decimam producit, tam prospero successu, ut legio Falsibugica propugnaculi adversi coru pervicerit, Champantiæ & Pedemontii legiones propugnaculum Andreanum, cum statione percommoda, quam Turlo-

nem

nem vocitant, corripuerint, quantumcunque incolæ, quibus sanè plus rabiei, quam virtutis aderat, obniterentur.

Oppidum spatiosum eo impetu non poterat capi, quo tamen præsidarii & incolæ tantam concepere formidinem, ut ex conscientia fractarum virium, postero mane, nihil expectato Mor tunio, dilaberentur ad sua, salutis avidi quærendæ, cum ipse Sant Andreanus veniam rogaret. Cardinalis autem statuerat, supplicio extremo quorundam expiandam rebellionem cæterarum, adeo ut ad solam regis gratiam supplices remitteret. Hinc terror per oppidum duplicatur, compluribus salutem per montana frustra sperantibus, cum palantes à milite conficerentur.

Hæc ubi rex intelligit, imittit Gordæum & Estratum in oppidum, quasi cum Sant Andreano, familiari suo, de gratia illius particulari acturi; sed revera ut inspicerent delationem. Ad portam progressi, nullam vim adversam reperiunt, copias aliquot trahunt, & oppidum nullo negotio capiunt, quod prædæ exponitur. Gradum tamen ad Castellum promoveunt, gregarium internuncium vident, Sant Andreano loquuntur, qui Castellum, nisi vitam sibi & suis pactus, ut redderet, nullis poterat induci rationibus, quod fortis animus illam salutis viam in arbitrio Regis, iustissime irritati ad castigandam sine legibus rebellionem, admittere non posset.

Tandem verò ubi oppidum prædæ expositum, & Castellum undiquaque peti videret, sponte ad vestibulum regni hospitii progreditur, ab excubitoribus apprehenditur, ex mandato regis Bassompetrus & Marillacus concreditur, ut in fronte legionis, quæ excubias erat sortita, ad Castellum deduceretur, ad deditionem ultima vice in arbitrium Regis, sine ullis legibus perurgendam: traditur Castellum, egreditur præsidium, & igni in capsas nitrati pulveris ab aliquibus sparso, pereunt aliquot regii, undetantus furor, ut obyii vindictæ immolarentur: Cæteri manipulatim egressuri, quod promiserant, ut ad regis pedes pervolverentur, hinc inde salutem quærunt, etiam per propugnacula dilapsi, adeo ut iusta illorum ira ad conservationem vitæ difficulter declinaretur.

Cœlum denique iusto hoc supplicio nondum satiatum videri poterat, cum per omnes oppidi vicos, postquam regię copię introiissent, flammę collucerent, incerto auctore, frustraneo conatu ad restringendum, ob nimium splendorem: Concidit ergo in cineres universum oppidum, quantumvis Rex iuberet, vel saltem templum, & alias ad cultum diuinum fabricas conservari.

Politica Reminiscencia.

Iustitia nihil minus, quàm prudentia rigorem ad exemplum statuendum in castigando aliquo rebellionis capite postulat. Protervia custodum regem ad obiectum vindictę perurget, ut contemptum, absque hoc si foret, evitet, & ceteros metu ejusdem supplicii ad obsequium retrahat. Ubi clementię vincula, populos ad agnoscendum errorem pertrahere nequeunt, iustitia necessario dextram fulmine, ad castigandam nimiam temeritatem, instruit: metus igitur arma extorqueat, ubi benignitas deficit.

Rex autem cum summâ sapientia in eos exonerat iram, qui rebelles clementiam dedignantur. Vindictam rariius quidem exercebit, sed hic nihil parceret, ne auctoritatis faciat dispendium. Cujuscunque institutum violentiam plerumque trahit, odium Vatinianum nunquam effugiet, quo tandem in exitium prolabetur: quemadmodum per rebellionem negligentior, in contemptum incidet, ad idem exitium viâ adversa digressus.

Princeps, metui cupiens, non debet vituperari, nisi ignoret veram rei methodum. Homo quidem cum libertate natus, ante omnia per mansuetudinem est gubernandus, sed qui aliquo animi vitio libertate abutitur, per severitatem à iustitia ad obsequium fuerit deducendus. Equus passui assuetus, nunquam concitator, funiculo serico regi amat, sed obstinatus & cerebrosus expetit præter calcaria antilenam & nasale.

Principum lenitas ad eundem modum sola poterit in obsequio populos tranquillitatis studiosos gubernare, sed

sed jugi pertasos, metu coercet, admodum opportuno ad continentiam freno; non tam, ut Principis potentiam formident, quam ut à negotiis, quæ castiganda veniunt, abstineantur. Id enim est instituti divini, quo mortalibus metus, ad evitanda, mala incutitur: neque vero metus nimium intenditur, nisi ad feloniam ex injusto rigore.

CAPUT XXI.

Mariliacus, à regina matre missus, adiit regem ad Privasium.

REge ad Privasium progresso, adest Mariliacus à regina matre, ut nova capita probaret de custodia Mantuanæ exhibitis etiam literis, quibus regina mater minus Marechalci Gallicani ipsi postulabat tam operosè, ut rex, qui hominem tantis honoribus semper indignum iudicasset, prorsus hæsitaret: notandum tamen, literas eas à factione Cardinalis gloriæ adversante fuisse concinatas.

Ea factio constabat aulicis tricarum peritissimis, qui longè antè judicaverant, id unicum, ad Reginae matris animum à benevolentia, quâ diutissimè summum istum Ministrum erat complexa, dirimendum fore medium, si eandem in Mariliacum derivarent, quem in oculis ferebant, ut, si fieri posset, rerum summam ipsi, fratrique sigillorum custodi conciliarent, quos consiliorum fautores haberent certissimos.

Nemo non summa quævis ad æmulationem laudatæ virtutis, reginae matri de tanto viro suggerebat, donec in eum aliqui prioris gratiæ artibus circumventa, integrè assentiretur. Factiosi igitur animadvertentes, ad quantum viri æstimum ipsa esset provecta, nihil morantur, ubi maxime percepissent aliquam erga Cardinalem offensam, ex Mantuanæ causâ contractam: instant igitur acerrimè, ut istum ad honorem Mare-

schalci Gallicani exheret, & apud regis animum insinua-
ret, qui ab ipsa penitissimè dependeret, emolumentum
quodvis repensurus, quorumcumque insuper habita gra-
tia; id quod ipse propalare jam ad demerendam grati-
am nihil dubitabat: istiusmodi viro opus illi esse, si un-
quam, dum Cardinalis sapius abesset, & negotiis publicis
maximè distineretur.

Istæ rationes potissimum militabant apud reginæ ma-
tris animum, ut constitueret ipsi dignitatem Marechalci
Gallicani à rege impetrare, literis nervosissime scriptis.
Satis habebat factio, ipsam ad petitionē illius muneris ad-
actam, cum ad quamcumque repulsæ speciem persuade-
re possent, ob autoritatis dispendium, nihil remitten-
dum. Ubi preces forent inanes, universæ Galliæ mani-
festum facerent, quantillæ apud regem esset autoritatis:
quo ordine etiam articulatim processum.

Rex enim primò signum Marechalci negabat, unde re-
ginæ matri dispendium autoritatis objectum, quo stimu-
lo illi natales ad vivum compunguntur, ut urgente turba
illa regem perurgeret. Eadem occasione oleum camino
infusum, ut Cardinalis gravius vapularet: non dum tamen
locuserat, insolentiæ, quam adversus eundem posterius
exerueret: gnari tamen, æmulationem, quam reginæ matri
instillabant, aliquando veneni mortalis vim sumturam,
ad suffocandum omnes benevolentiae scintillas; consul-
tum suo instituto credebant, si ad tot difficultates impe-
trandi illius muneris apud aures reginæ matri summam
Cardinalis in regis animum potestatem traducerent, cu-
jus consiliis maximè staret, cui nullam repulsam objiceret,
quem denique coleret, causa tantæ benevolentiae ex æqui-
tate petitorum nunquam producta.

Id verò clarissimè suggillabant, exiguam illius præCar-
dinale potentiam, ut animo ægrè facerent, ut deinde ipsa o-
mnem remoriarum culpam Cardinali impingeret, regi fa-
stidium testaretur, & voluntatem simpliciter mandaret,
eumque tandem invitum perpelleret. Cardinalis eo re-
rum momento eximiam ostendebat prudentiam, regico-
natus persuadere assensum, cum sapissimè munera ex
aliis causis, quam ex merito conferri necessum esset,
regi

reginaeque matris benevolentia non exiguum trahe-
ret pondus. Sic Mariliacus Marechalei titulum & signum
aufert.

Cardinalis autem genius, quem nihil latet, satis tum in
faciem indicabat, tricarum involucris rem agi, quod ex
vehementissimo petitionis fervore patefceret. Idem tamen,
& mali, & remedii sagax, proprium emolumentum, li-
cet agrius, maluit exponere casui, & vigilantiam ad no-
vi hominis consilia intendere, quam reginae matri re-
pulsam offerre, ad normam prudentiae solitae regressus,
quae suadet tolerantiam in turbis, quas necessitas ali-
quando obijcit, ne remedia minus efficacia adhibean-
tur.

Politica Reminiscencia.

Ambitionis mancipium ad summos honores cum
summo evchitur periculo. Id demum est furiosi dex-
tram armare telo: quicumque Minister confert operam,
hostem sibi ipsi excitat, cum quo postmodum acrius di-
micet. Dum quidvis honoris ambitioso exhibueris, majo-
ribus turbis occasionem dederis, quod sibi omnia deberi
credat, spreto inde quocunque ad favorem conciliandum
beneficio. Aestus autem animi ad altiora, memoria pro-
curati honoris obliterata, instituet adversus benefacto-
rem consilia, quotiescumque compendium fuerit com-
modi. Dicam amplius, honores istiusmodi ingeniorum
in Reipublicae perniciem vergere.

Ambitio quidem laudem & favorem meretur, quae ge-
nerosos animos ad gloriae bravium excitat: quae vero ad
summos honores tantum connititur, quacunque via, vel
inde vituperium meretur, quod Reipublicae noceat. Hac
quicumque semel corripuntur, nihil praeteritorum me-
morant, ad fortunae incrementum intenti: nulla ipsis cura
Reipublicae, dum privato inhiant commodo: nullum pen-
sum Reipublicae turbandae, praeter autoritate intendenda.
Quicumque Minister ad administrationem Reipublicae quan-
tuncunque conferat utilitatem, odium aufert, ad fortunae
auctarium facere creditus.

Quos etiā tanto majori cū periculo frequentes, quanto plus potestatis sortiuntur, auctoritate æstūm libidinis incendente: per ruinas universorum ad scopū grassantur sumum. Obstacula si quæ obijciantur, vertuntur in furorem adversus authorem creditum. Ad ruinam suam ineluctabilem nihil pensi habent summam rerum addere. Princeps igitur ordine congruo ager, qui nulla urgente necessitate ad diversam rationem, honores in Reipublice studiosissimos, non privati compendii pertinaces, conferunt, ubi plus operæ impenditur in gloriam, cui virtus indivulsa comes adhæreat, quam in fortunarum auctarium.

CAPUT XXII.

Rex capto Privasio per Languedociam facit amplissimos progressus.

Post Privasii obsidionem Rex institutum prosequitur, ut omnes Religionariorum per Languedociam urbes adiret, & armorum in contumacem rebellionem ad obedientie leges redigeret. Immiserat jam populatores ad potentissimas, quæ fuerint Montalbanum, Castra, Nemausium & Millautum, quæ incommodis frangerentur, post messem corruptam. Estræus diversi exercitus dux, complures profligaverat Nemausiensium copias, populationem impedire ausas.

Quamprimum autem Rex sese viæ dabat, Gorsa, Vallonum, Vaguasium, fanum Ambrosii, & plura alia Sevennarum, obsequium resumere, adeo ut Alesium contenderet, obsidioni incipiendæ. Oppidanos Rohanius quibuscumque potuerat artibus firmarat, ad contumaciam extrahendæ obsidionis, quibus etiam supplementum submittebat, cum mille ducenti tam sp. cioso operi non sufficere viderentur. Noctis speculatus adjumentum, suppetias promoveret extremo excubitore prostrato, proximior signum dat expediendis armis.

Ibi Cardinalis, cui nulla somni quies, nisi per otium pacis & belli, ducentos equites aggregat, procurrit primus, cum

• cum conflictum instituit, ut & pedum velocitas, & noctis
• tenebræ refugientibus salutem conferrent, captis nonnul-
• lis suspendium militiæ vitæque finem imponeret. Istarum
• igitur suppetiarum concisa spes juxta exemplum Privassi
• castigati, tantum apud incolarum animos potuit, ut ex me-
• tu regiorum armorum, ad petendam gratiam descenderet,
• quam rex, cum libertate etiam præsidio quoquo versum
• discedendi indulsit.

Successus iste multum trahebat, ut Rohanii animus, q̃
• speculatores à rege submissi facile animadvertēbant, per-
• plexari inciperet de summa rerū. Cardinalis igitur, cui nul-
• la occasio temerè elabitur, rationem ejus reducendi inve-
• nit, dum demonstrat, quanta imprudentia rebellionem fo-
• veret, ex quâ præter ignominiam esset relaturus nihil, rege
• obfirmatissimo ad factionem hæreticam tollendam: satis
• haberet eâ libertate, quæ ipsi & Religioniis obtingeret:
• quòd si ad obsequiū reverteretur, & officium coleret, spem
• aliquando honores natalibus convenientes assecutu-
• rari.

Exinde clam de fidelitate ille, & obsequio in regem pro-
• testatur, facili præteritorum venia, si aliquot annos extra
• regni limites abiret. Caput tamen factionis nihil adeo te-
• ctum agebat, quin aliquid ad propinquiores emanaret: in-
• stitutum ejus sequuntur Deputati primariorum oppido-
• rum, quæ ad successum regiorum armorum consternatæ,
• metu extremorum suppliciorum, pacem expetere incipie-
• bant, diversis propositionibus ad transactionem universa-
• lem prolatis.

Primæ videbantur impingere in regis gloriam: ubi au-
• tem Rohanius regem persuasisset, post transactionem, quæ
• nihilominus tum nondum erat promulgata, ut Conven-
• tum generalem rebellium, qui Nemausii agebatur, Andu-
• sam egeret, faciliores ad auscultandum fecit. Cardina-
• lis etiam, commodum sortitus tempus, solus contuma-
• ciam animorum efferatorum tantâ industria prudentia-
• que oppugnabat, an demulcebat, ut satis facultatis ad eos
• circurandos inveniret, donec verbis fidem haberent de in-
• regro sacrorum suorum exercitio, & usu fortunarum.

Hinc tandem constituere, gratiam regis illimitatâ subire,
• & de-

& demolitiōnem omnium mun. mentorum, quibus factio stare posset, ferre, datis etiam ad ampliorem fiduciam obsequii obsidibus. Rex gratiam delictorum facit, promulgatque ad summum subditorum omnium gaudium, hæreticorum etiam tranquillitatem.

Politica Reminiscencia.

UTi bellis civilibus cavendis nullum expeditius remedium, quam ut factiosi ad impotentiam deducantur, aut ad securitatem fidei præstandam; ita in rebellionē summum remedium, si duces subducantur. Ibi impensè caveas, ne istiusmodi homines in Republica magnam nanciscantur auctoritatem, aut ubi eam adepti sunt, vinculis veris solidisque ad Principis emolumentum compingantur.

Sic enim nihil metuas, cum populis quidem rebellio sine capite usu veniat, nullum tamen institutum firmetur, aut series trahatur: hederam imitantur, arctius complexi, quæ humi serpunt; ramos à trunco separatos, qui nullum fructum ferunt; navem malo, rudentibus & velis vanè instructam, dum nauclero destituta, fortuito fertur, scopulis propediem collidenda. Equidem procellis conferam eos, quæ cælo minitari videntur, fervente tempestate, sponte ad cautes franguntur; aut nubibus in aere libratis, ad ventorum ludibrium, quas debiliores solis radii per æstatem uno momento dissipent.

Dux instar capitis est populo seditioso, quo remoto, & vitam & motum amittunt. Primum istud mobile pertrahit turbam, veluti stellas minimas, sine vi reluctante. Dux enim dicitur, quod gregem ducat, qui sine illius industria vel dilaberetur, vel sinistre vires explicaret, ad perniciem; adeo ut ipse, tanquam animam in singulis membris, cunctorum lacertos animosque regat.

CAPUT XXIII.

Rex introit Ufesum Nemausum, aliaque rebellium oppida, cum Edicto pacificationis.

SECUNDUM illam transactionem Rex Ufesum & Nemausum, cum summo incolarum applausu introit, & Nemausii moratus, edictum conficit, quo stabileretur ordo, quem hæreticis maximè in oppidis & alibi locorum, ubi exercitium veræ religionis eousq; impediverant, præscripserat: gratia indulta Rohanio, Subisio & omnibus illorum stipendiariis, religione Catholica, Apostolica, Romana ubique restituta. Iusserat etiam, ut bona Ecclesiastica quæ illi usurpaverant, Clero cum templis, domiciliis & monasteriis restituerentur, Parochiæ singulæ bonos & doctos haberent sacerdotes, cæterum exercitium religionis reformatæ quam vocant hæreticis liberum foret: sed ad cauendam in futurum rebellionis facultatem, omnia munimenta oppidorum & cæterorum locorum, ubi numero ipsi vincerent, solo æquarentur, salvo ambitu murorum: illi tamen, ad fiduciâ promissi obsequii demolitiones munimentorum tolerarent, obsidibus ad tutiora translatis.

Edictum istud transactioni conforme, omnibus hæreticis satisfaciebat, ut deinceps mentem ad boni fidelisq; subditi officiû componerent, præter Montalbanenses, ex propugnaculorum robore superbos, eousque progressos proterviæ, ut leges à cæteris non sine gratitudine comprobatas repudiarent. Somniabant enim, sibi satis virum ad alteram regionum armorum vim, ignari utique, rerum summam diverso nunc verti cardine, posteaquam rex per prudentiam Galliæ perpetuo prosperam Cardinalem clavo reipublicæ adhibuisset, qui media subjugandæ Rupellæ, ea tenus invictæ, suggesserit, omnes artes prudentiæ Hispanicæ eluserit, Anglorum potentiam per sua consilia enervârit, spatio unius hore Pedemontii animum ab Hispanis ad Gallos traduxerit, Sabauda ad subeunda regis desideria author fuerit.

fuerit, fide interposita Hæreticis persuaserit omnia munimenta deicienda.

Contumacia unius oppidi tanta erat, ut rex iter illud sumendum statueret, donec ad cæterorum obsequium vi armorum deduceret. Cardinalis autem certior, contagium per viciniam exercitus, & Languedociam grassari, regem adeo instanter rogabat, ne personam suam exponeret periculo, cum in ea fors universa Galliæ versaretur, sed potius sibi rebellionis reliquias impugnandas permitteret: hinc Rex Parisios redire animum inducit, postquam ceperat Susam, liberaverat Casalâ, superaverat Privasi, & potius sem oppidorum per Languedociam partem, intra sex menses ad obsequium reducerat.

Politica Reminiscencia.

HÆresis, nisi omnipotentia exuat, obsequii expers. Id Poetæ egregio figmento planum fecere, quibus Iuno ira commovetur, quod Iupiter Palladem solus generasset, idem igitur conata, Typhonem, serpentis monstrum & horrendum parit filium, qui in ipsum Iovem atma sumferit, rebellionis speciem exhibens. Ita hæresis à Deo revulsa, qui in Ecclesia liberos obsequentes generat, in illa separatione sua genimina producit, rebellionis capax, omnis obsequii expertem sobolem; adeo ut nunquam hæreticus obstinatus Principi suo bene cupiat.

Nemo admodum miratur, eos imperia temporalia destruire, quod spiritualia neutiquam ferant. Rationibus solidis, ad doctrinam erroneam statuminandam, cum careant, ab armis semper patrocinium petunt: gnari etiam, reges in ipsorum perniciem armari, quemadmodum omnis Orbis Christiani Acadentiæ docent, ideo ab autoritate illa abhorrent, ut nullum non moveant lapidem, ad exuerendum jugum.

Immania sanè ubique locorum bella suscitavere, ut sese in libertatem affererent. Nemo ignorat, Orientem ab Arianis fuisse turbatum; Macedoniam os maiorem Græciæ partem concitasse; donatistas omnia per Africam commiscuisse.

Per

Per occidentem legimus Iconomachos, Albingenses Lutheranos & Calvinistas, in Gallia, Angliâ, Germaniâ & Hollandiâ theatrum rebellionum constituisse.

Somniant, Dei ipsius causam suâ opinionioni conservandâ conjunctam, unde facilis ardua quæque suscipiunt, favoris caelestis fiducia freti: cum considerare deberent, leges veræ religionis, à filio Dei promulgatas, tantummodo fugam, aut mortem permittere, nunquam vincula obsequi solvere, aut arma in Principem sumere. Religionis conformitas, firmissimum reipublicæ vinculum: diversitas exordium rebellionis; de quò ne dubitare quidem licet, postquam filius Dei in Evangelio dixit, regnum in se divisum deolationem non evadere.

C A P U T XXIV.

Conspiratio adversus Cardinalem.

Quo momento rex Parisios repetebat, Cardinalis e quo consensu, ad Montalbani subigendum abibat, equidem vix sustineo ejus discessum, ut Galliæ bono tam perditè suum impendat sanguinem, dum in ipsius exitium conspiratio fit: calumnias enim calami injuriosi responsò non digner, qui nulla vera ad gloriâ ipsius obfusandum inventâ causâ malitiæ permittit habenas, quæ imprudentiæ & infidelitatis arguat actiones judicii & non fucati studiij ad regiæ majestatis gloriâ plenissimas.

Calumniatur ille prætextuum sedulus indagator, unde regina mater in Cardinalem commoveretur, apud regem querula, omnem moverit lapidem in illius perniciem, refert. Non potuisse ipsam ferre, personam regis tam libere trans Alpes mense februario duci, & contagio per Linguedociam, cum imperio exercitus, diebus Camicularibus exponi. Quo ipso ineptias prodit, imò rabien, omni rationi adversam, furibundi calami ducem, cum sibi ipsi fortunæ suæ everisionem, non vero Cardinali debeat.

Nuspian genius, ad illum modum acutus, finxerit, Cardinali conservationem vitæ regię, valetudinisque, ex quibus suas scit pendere fortunas universas, curæ cordique minus fuisse didicerat, quantum odium regina mater immerito concepisset, Aurelianensi parum de ipsius commodis sollicito, unde casum, rege humanis exempto, nunquam averruncare posset. Neque regina mater eundem sermonem comprobarit, quæ nimis illum studij accusat, ex quo uno argumento valetudinem regis non temere periculis esset obiecturus, si fidelitas tantum nefas permitteret.

Regi utique erepti essent gloriæ apicis illustrissimi, quos contueri licet, à momento cælitus susceptæ Coronæ, si inter Susanum impedisset, cum de transitu Alpium adversus Sabaudum, armis Hispani adjutum, de Susæ occupatione, de Casalæ liberatione, & Languedociæ obsequio, cujus oppida per hæresin adversus regem armata consurrexerant, ageretur. Generosus regis animus istanc gloriam, neq; à Cardinale rogatus, alijs permittere non voluit.

Omne profecto studium, quod summum Ministerium requirit, posuisset: notum enim trivio, regem à teqeris, injurijs aeris assuetum, ex laboribus illius itineris, qui solitos venatus rarissime excedebant, nihil incommodi suscepturum fuisse. Addam tandem, præsentiam illius maxime necessariam fuisse, ad copias per obsidionem Rupellæ admodum fatigatas, cui etiam expeditionis longinquitas accesserat, firmandas.

Est enim Principis præsentia fere anima exercitus, cum sine hoc miles nunquam virtutem intendat. Superanda enim erat Sabaudi, Hispani & Religionariorum arma adversa: ubi præsentia regię omnis successus debetur, alioqui valde dubius, nihil denique ad rem tam arduam videbatur prætermittendum; quæ laborem aliquem postulabat, quem nullus heros, ad honorem victoriarum connisus unquam subterfugit.

Politica reminiscencia.

VIA, qua ad victorias itur, spinis horret, ubi frustra sine labore processurum te speres. Princeps hic fracti animi,

animi, ad honorum colophonem nunquam evadet. Coronæ tantum certantibus debentur. Nullam famam Alexander, Cæsar, & ipsorum asseclæ, meruisse, nisi omnia genera laborum sustinuissent. Generoso animo nullus laborum metus; quo percussus, ad omnia ineptus languet. Id compendium militiæ Romani tyrõnibus dabant, cujus memoriã ratione nunquam satis laudatã, æternam esse volebant, cum templã Honoris & Victoriæ eo ordine struerent, ut per illud Honoris ad ædem Victoriæ transfiretur.

Ibi omnes parietes gladiis, amentis, clypeis, & quovis genere armorum, ingerebant oculis animisque, gloriam solo labore acquiri. Equidem Severi ingenium semper maximi feci, qui tribuno, militiæ symbolum dederat id vocabuli Laboremus: quod Perinax ferè imitatus, quamprimum imperare cœpit, illud suum Pugne-
mus retinuit. Uterque sane quoscunque præfectos docent, paci belloque convenientissimum esse laborem.

Adrianus Imperator idem suggerit, cui Florus aliquando tres versiculos scripserat, malle sese imperatoriã dignitate carere, quam in Angliam trajicere, ad vapores Scythiæ hauriendos: cum responderet quatuor aliis versiculis. Nolle sese Florum esse, qui maximam temporis partem cauponis impenderet; nihil principi præ labore magis decorum esse innuens.

C A P U T XXV.

Guronus Montalbannum legatur.

CARDINALIS ex Regis voluntate exercitum antequam in Montalbanenses duceret, Guronum aliquot dies præmittendum censuit, qui incolis regis voluntatem exponeret, animis pro virili ad pacem traducendis. Ille per regia mandata singularia plenam exercendæ religionis libertatem, cum amplissimo fortunarum usu, sine tumultu, promittebat, quibuscunque aliis postularis,

ratione munimentorum & securitatis repudiatis; cum nefas sit, subditos præter Principis clementiam aliquid pignoris ad securitatem flagitare; & nimia lenitas eos audiendi proterviam augeat.

Procurrit igitur, à turmâ Velitum deductus, & Villemuræ Arpajovium adit, qui ad primum Montalbani Consulem æneatorem mittit, ut Guronî, ex quo regis voluntatem intelligerent, adventum nunciaret: adderet etiam, è refectore, ut deliberarent, antequam in oppidum ingrederentur, an Corbariovum vellet exire, ubi Guronus in sepimento, quod cis Taræ flumen è regione obiectum erat, ipse præsto esset futurus.

Prudentissimè factum, ne authoritas regia prostituere-
tur, ad tantillam securitatem, quam rebelles exerebant: detinuerant enim æneatorem à Condæo paulo ante submissum; protestati de omnibus detinendis, quicumque tandem mitterentur, ad talionem, uti credi volebat eorum, quos Espernonius detinuisse. Postero mane primus Consul Montalbanensium, cum ducentis oppidi primoribus, Corbariovum veniunt, Taram transire tergiversantur, ut Guronum adirent, in sepimento, juxta Arpajovii indicium, præstolantem.

Isthæc ratio in contemptum regię authoritatis vergebat, cum illius mandatarius parum reverenter haberetur. Neque contemptum tulit Guronus, quin mandaret, superbiâ etiamnum apud animos eorum dominantes, cum error esset agnoscendus, & humilitas erga mandatarium colenda; non admissurum, non verba facturum: reversurum brevi, sed cum numeroso comitatu. Eodem momento æneator dat signum jussus, & Guronus Villemuram regreditur.

Deputatorum tamen prudentissimi pensitabant, hanc offensam in regis personam redundare, ad gravius supplicium suorum, mittebant, qui asseverarent, postmodum affuturos, ut errore excusato, rogarent ipsius ad Montalbanenses adventum. Sic postero mane sex Deputati Villemuram adventant, ut quasvis excusationes adferrent, admodum submissè rogarent, ne error gratiam

regiam, quam per ipsius intercessionem sperarent; inter-
verteret.

Certus igitur Guronus, populū desiderio ejus viden-
di differrī, quod signum submissionis deliberatæ interpre-
tabatur; excusationes benevolē suscepit, eodem etiam
die illuc concessurus. Adventanti Montalbanenses jam
humiliores, omnem militiam, nobilitatemque ultra semi-
leucam obviam mittunt, & ad hospitium deducunt, ubi e-
um omnes oppidi societates ibant salutatum.

Politica Reminiscentiā.

Imprudenter rebellium animi exaggerantur; per liberta-
tis desideratā repulsam, & fortunarum usum sublatum;
quæ geminā gratia non operosē fuerit indulgenda: sapi-
entia tamen ratio exigit secundum ista, ut frænum inji-
ciatur, primitusque vel in illa postulata, quæ leves ho-
mines; populi potior pars, suggesserint; rejiciantur. Id
vero sapientissimum ad obsequium reducendum. Experi-
entia enim quovis tempore hoc judicium prudentissimis
Politiciis dedit; cum ingenium ipsi sit rude, & male ascia-
tum; adeo ut ad solam severitatem flectatur; eadem maxi-
mè per seditionem ferventem utendum.

Equus refractarius virgâ & calcaribus domatur; & po-
pulus frustra blandimentis tentatur, ad indulgentiam de-
sideriorum. Ubi ingenium nimis avidum omnia indulta ad
libidinem inflammandam vertit. Prima sanè postulata
adeo nihil demulcent, ut ad nova prolabatur, hydropi-
co non absimilis, cui potus sitim intendit. Id Ludovi-
cus XII. usu didicit; Mediolano in potestatem redacto;
quod Guicciardinus docet. Is enim ex insita mansuetudi-
ne populo quæcunque posset, concessit, credens ex pru-
dentia regulis, etiam gratiâ singulari ad hunc & illum de-
vinciendum opus esse, ut novæ provinciæ constitutio
duraret; reclusa gratiæ scaturigine ad quævis desideria.

Institutum autem illud pessimè ceciderit, cum Medio-
lanenses primis favoribus inescati nihil satiantur, sed
tributorum immunitatem audacter efflagitant: quâ
etiam impetratâ, ne quid in novo imperio desiderari

posset, ad eam urgendi proterviam processere, ut immunitatem omnium prorsus onerum postularent, tanta iniquitate, ut ultima repulsa beneficiorum omnium memoriam obliteraret, ac si nunquam sese liberalem præstisset ab initio, dum tandem tempus ad deliberandum, quod primo factum oportebat, sumeret, spem ad partem postulatorum obtinendam factam.

CAPUT XXVI.

Montalbanenses persuadentur.

Guronus, salutationibus defunctus, cum Consulibus instituit agere, conventumque, ut postmodum in curiam veniret, literisque regis fiduciariis, adeoque Cardinalis productis, conventui summam mandatorum exponeret. Cardinalis per singularem prudentiam ipsi adjunxerat duos Deputatos Nemausienses, valde solertes, & apud Religionariorum partes magni nominis, qui testarentur ferocienti populo, quantam clementia & mansuetudine rex ipsorum errores abolevisset, quanta etiam severitate Privasiorum rebellionem castigasset: quibus tandem integram exercitii religiosi libertatem indulgisset Cardinale ad observationem exactissimam transactorum advigilante; cum vana auxiliorum spes tum demum apparet, & rebellionis authores, illa neglecta, regi fuerint reconciliati.

Deputati isti ubi institutum, cuius gratia venerant, prosequerantur, jam primores oppidi ad submissionem traduxerant, cum Guronus Curiam petit, & flumen eloquentiae, vigorem animi, prudentiaeque industriam explicat, ut primam vice animos vehementer percelleret. Depingebat victorias regis, potentiamque invictam, cui nihil non cederet: non præteribat Rupellanorum arumnas, & Privasiorum calamitatem, quam per rebellio- nis exemplum nunquam vitare quirent institutum aure Regis, de quocumque populo, oppidove per regni latitudinem

dinem neūtiqum ferendo, nisi obsequium præstaret, exaggerabat.

Postea regio nomine interponebat fidem integræ securitatis, quæ personas & sacra complecteretur, quousque obsequiu colerent: addebat etiam fidē inviolatā Cardinalis verbis habendam, multis adjurationibus protestatus, confidentiam summam in eo collocarent, qui certo certius promissa esset adimpleturus. Isti sermones adeo vividē penetrabant, ut mentes ad pacem jam propenderent, quantum ad bellum ante fuerant proclives.

Nemausienses Deputati sermonem excipiunt, seriem malorum, in quæ per inobedientiam oppida suæ factionis præcipitassent, exponunt; suavissimum otium à pace per Regis mansuetudinem memorant; fallaces artes, quas barbarum auctores nexuerint ad spem auxiliorum, explicant, quibus adeo fluxum fundamentum, ut ipsi duces spem posuerint, refugio ad Regis arbitrium sumto: grandes victorias abunde testari, nihil ipsi resistere posse, id quod maxime provinciales permovisset ad supplicem humilitatem: exinde Cardinalis colloquio honoratos, admirari virtutes eximias, ex ejus persona radiantes ad gloriam, expertos mansuetudinem, & fidem promissorum: adeoque nihil distulisse ad deliberandum, à cujus benignitate tantum favoris sperarent, quantum calamitatis ex ambitione ducum tulissent.

Vix dici potest, quantum æquissimæ hæ rationes apud populum pondus habuerint. Quoniam autem rebellio altissimas egerat radices, biduo in deliberationibus insumto, Deputatos ad Cardinalem mittunt, qui transigerent, nulla alia ad Guronum fide, quàm ut rogarent, Deputatos in ipsius comitatum conferri: submissio enim illorum cœlitus destinabatur Cardinalis prudentiæ, quæ sola tantam molem produceret.

Politica Reminiscencia.

Metus ærumnarum, quæ rebellionem plerumque commitantur, præ cæteris rationibus efficax ad obsequium populi rebellibus persuadendum. Ad ingenia enim

minus civilia reverentia erga Principem, & principis propensio ad populum, nihil facit: quicumque autem modum invenerit animi perterrendi, obsequentissimum habebit; unde non tam rationes persuadendi operose conquiras, quam vim intentati rigoris ex quo nunquam eluctaretur, nisi ad postulata condescendat, iactes.

Tacitus in historia mire dotes ejus excolit, ubi ait: Populum, etsi vires summas possideat, vecordissimum, metu percelli, facillimè mutari, nisi generoso pareat duci: cum furore ad ardua ruere, eademque relinquere, & turbari, ad primam formidinis speciem: nihil mediocre in motu ostendere, si metus absit, sed trepidantem nullo negotio versari. T. Livio hæc eadem notissima, cum scriberet, populo id insitum, ut nimis humiliter serviat, nimis superbe imperet, mediocre semper experti.

Tum demum verò nimis protervè imperat, ubi potentissimus sibi videtur, nullo metu stimulante. Nimis demisse servit, formidine rigoris & suppliciorum consternatus. Animus generosus agrius contemptum, quam damnum feret; populus autem omnis metus causam ex miseria trahit. Hinc Drusus, in Pannoniam digressus, ut seditionem sævam compesceret, mansuetudinem, quam nihil proficiebat, posthabuit violentiæ, adeo ut populi perterriti, submisce agere inciperent.

Ut autem populum facilius metu percellas, nihil precipitandum fuerit adversus illum armatum, donec seditio deferbeat, quod remedium tempus confert. Est enim mari similis, quod ex naturâ placidum, immanes suscipit motus, quotiescumque venti violentissimi æstum eicent, adeo ut ad furorem collidantur; etiam spontè tranquillum, ubi venti posuere. Sic populus nullius motus, quem attendas, ex se capax, ingentes tamen suscipit, quotiescumque libidini seditiosi alicujus cerebri, cujus nutum sequatur, sese permittit. Cum autem id genus motuum durationem non ferat, ad persuasiones delabitur, ubi vigor alienus deficit: quo rerum momento si quis armata manu ingruat, qui impotentiam demonstrat, cum appendice malorum, nisi ad officium redeat,

deat, quidvis obtinuerit : tanti ponderis est metus in animo ipsius.

CAPUT XXVII.

Montalbanum ad obsequium regis redit.

Montalbanensium cum Guroño Pesenatem, stationem Cardinalis, perveniunt deputati : promtè audiuntur, protestari de fidelitate ad regem, obstinati tamen ad petendam munimentorum per Neapolim, & Bourbonopolim conservationem, opinati magnum quid præstitisse, si exteriora complanari permitterent Cardinalis autem virtutem juxta imperatoriam, sub regis auspiciis ingerit ; Mirari sese, quod regis mente per Guronum intellectâ, adessent pari jure acturi, aut sese censu cæterorum oppidorum eximerent ; morâ conditionem deteriorẽ effici ; regis voluntatem immutabilem ; certissimum scirent, si exercitus oppido admooveretur, eandem cum Rupellanis & Privasiis sortem subituros.

Illi adhæc stupere, tempus ad edocendum Montalbanenses petere, supplicare Guroni societatem, ad populum rationi subjiendum. Responsum, Guroni nihil superesse quod cum ipsis ageret, postquam regis voluntatem exposuisset, quam ullo modo mutari esset religio. Permitti tamen in eorum gratiam, ut in viciniam procedat. Dehinc instituit sermonis diversitatem, quam prudentia ipsius, cui nihil par, ad devinciendos judicabat commodam ; ipsi autem quasi fascino capti, jam nihil aliud meditabantur, quàm ut Montalbanenses ad illius arbitrium deducerent.

Cum Guroño regrediuntur, dum Cardinalis duce Bassompetio exercitum tribus leucis ad oppidum admovert. Verùm enim vero biduo postquam Guronus in domicilium oppido admodum propinquum concessisset primus Consul, eum ducentis primæ notæ ad eum inivit, ut docerent, quanto in pe-

riculo vitæ essent versati, populo de proditiōe & nimia facilitate suspecti: rogabant, ut spem aliquam moderandæ sententiæ ostentaret. Cum autem Guronus respondisset, frustra sperari munimentorum conservatiōem, iniquè hic hæere, Cardinalis fide millenis propugnaculis securiore, mansuetudine illius diutius non abutendum: nunquam sibi persuasum iri, populum ex illorum potestate exiisse, postquam deferbuerit, & iactura fortunarum ægrè ferat, mille ærumnas molestissimè exantlaret; nullâ Cardinalis mentione, qui prudenter omnia jam disposuerat.

Biduum igitur alterum rogitant; quo omnem impensuri essent operam, ad populum flectendum: ad quod præstitè re, tanta formidine exercitus sparsa, qui vestibulum portarum calcaret, victoriis assuetus, & quævis obstacula ludos faceret: Subjungebant spem, quam non sine causa in verbis mansuetis & probatis Cardinalis collocarent, quod omnia omnino factionis oppida laudarent; ut postmodum statuerent, ad arbitrium Cardinalis imperata facere; quadraginta Deputatis, Guronum Albium usque, quod progressum fuerat, comitantibus, qui populi scitum referrent.

Politica Reminiscentia.

HOc demum feliciori successu patuit omnibus, summum Ministrum sæpissimè per prudentiam instituti majora præstare, quàm alii copioso exercitu, ærumnosâ obsidione & acerrimo prælio efficiant. Hinc T. Livius ait, eum, qui imperare norit, primas ferre inter mortales, cum duces executionis ministrorum vicem gerat. Tempus opportunè sumtum, Magistratus appositè conversus, confidentia industriè insinuata, virorum præclarorum captatio, formido per populi animos seminata, ubi spes de auxiliis decollavit, quæcunque tandem alia prudentia operi admoveat, effecerint, quod copiosissimis exercitiis negatur.

Vis inutilis, nisi prudentiam habeat comitem. Prudentia tamen sæpiculè agit sine vi: quæ cæcâ à prudentia oculos mutuatur, ne sine illo adminiculo potius in confusionem dila-

dilabatur, quam commodè insistat rationi. Hinc Poetarum figmentum, quo recensetur, Iovem deprehendisse cæterorum Deorum ad rebellionem proclives animos, adeo ut ipsius personæ vincula crederentur injecturi: hinc Palladem consuluisse, antequam Briareum Centimanum ad defensionem accerferet: ut docerent, sapientiam continere clavem eorum nervorum, quibus vis movetur, cum sine illa, eadem vis in perniciem propriam convertatur.

Magnis genius nervi sunt occultissimi, ad opera eò magis miranda, quòd ordo instituti vulgaria ingenia clam est. Potior eorum labor in in papyro, quam cæterorum in prælio. Ex ea ratione ait Plutarchus, Agesilaam Lacedæmoniis in procinctu pugnæ, quâ cum Thebanis ad Mantiream erat decernendum, id consilii suggestisse, quod ego semper maximi feci, ut unum Epaminondam peterent, quo capto, victoriam essent reposituri certissimam, cum ea potissimum dependeat ab iis, quorum sapientia aciem fruit, & virtutem militum animat.

C A P U T XXVIII.

Cardinalis introit Montalbanum victor.

Cum Deputati Montalbanensium promissa integræ submissionis, quam oppidani spondebant, ad Cardinalem detulissent, gaudebat ille de tam matura instituti messe; memor autem, uti semper, gloriæ regię, agrè precibus assentiebatur, quibus ad occupandum oppidum invitabatur, ut ipse recognosceret, quantum persona ipsius apud populum valuisset, qui nunquam ad ea, quæ referebant, fuisset descensus, nisi fiducia in ipsius animo mansuetissimo collocata, unde plus opis, quàm à quopiam alio auderet sibi promittere. Perurgere non desinebant, quod solus aspectus efferatam populum ad placidam mentem conversurus esset, uti eventus docuit, postquam id instituti complacuit.

Bassompetrius cum parte exercitus introit prior, ut oppidum

pidum assereret; postridiè ingreditur Cardinalis, tanto totius populi gaudio, ut aer personaret acclamationibus, quas animus jam tranquillior protrudebat: Consules, oppidanorum societates, Iustitia leucam unam processerant obviam; ubi primus Consul, & legatus Criminalis perorabant in signum lætitiæ, quâ perfundebantur ex illius aspectu, & intergra confidentiâ, quam mansuetudo ejus amplissimè comprobata voluisset.

Nemo mente conceperit honores quibus eum cumulabant, oblato etiam portatili cœlo, quod recusabat, quantumvis illi instarent, ut saltem ante ipsum deferretur, cum solenne esset Gubernatoribus, & legatis regiis, Provinciam suscipientibus. Neque Consules sustinebat pedites ad equum prodeambulare, quos rogabat, ut sese in diversorio præstolarentur, dum ad templum diverteret, quod illis solennibus nulli gauderent. Illud ab Hæreticis subversum, lateribus contegebatur; cantatur hymnus Te Deum, assistunt quotquot locum inveniebant, utriusque religionis, ut eum oculis usurparent, dum gratia, civilitas, mansuetudo, & benignitas, quæ virtutes per gestus & verba omnes spargebantur, animos cunctorum potentissimè devinciebant.

Ad diversorium paratum exinde provehitur, cum denudò societates oppidi confluunt, ubi ille tanta familiaritate & studio quosvis accedentes excipiebat, ut fortunæ benignitatem non satis æstimare sibi viderentur, adeo ut gaudium illorum rectissimè explicuerimus, si fascinos dicamus doribus illis eximiis, quæ in ipsius persona resplendent, ut eum aspexisse, sit amasse. Mandata militi dabat, ut ea nemo non collaudaret. Exercitum in oppido omnes videbant, pedite per vicos sparso, donec incolæ ad submissionem integram onere eo levarentur, nullum autem incommodum sentiebatur, ac si milite oppidum caruisset.

Constituerat etiam supplicia, sine ulla spe veniæ, in minimos proterviæ actus, id quod non parum faciebat, ad populum efferat in rationis orbitas reducendum, & ad augendam benevolentiam, quâ erga ipsum jam movebatur. Optabant enim diuturniorem ipsius in oppido morâ;

cum

cum autem nihil esset, quod præsentiam ulterius requiret, victoriis regiis ad summum gloriæ gradum promotis, ad regem reuertitur, ipsius videndi cupidissimum, ut rebus Italiæ consuleretur, quæ denuo turbabant.

Politica Reminiscencia.

Non tantum armorum vis obtinet victorias, cum prudentia suas sibi vindicet. Vincit enim, qui finem suscepti belli assequitur. Pugna & prudentiæ actus ad victoriam tantum deducunt, nec refert, utrâ via procedas ad optata, cum finis cuius rei verissimâ impertiatur nomē claturam. Hinc enim, ait *Q. Curtius*, non tantum victor laudatur, qui urbem evertit, aut qui collatis signis hostiles copias mactat; sed & is, qui prudentiæ usu ipsis persuadet spontanea pacta, ut fateantur, non minus potentiæ in castigandis rebellibus, quam clementiæ in erigendis supplicibus exeri.

Vulgo notum, bellis per Italiam ferventibus, inter Italos & Gallos longam contestationem, fuisse ortam, de prælii ad Taram eventu, dum utrique victoriam sibi attribuerent: eam Itali suam censebant, quod hospitium & impedimenta intacta servassent, raptis Gallorum manubiis, etiam regio tentorio; Galli vero sibi eam deberi asseverabant, quod ad amissos ducentos milites Itali desiderarent ter mille, prælii campo deserto, fluvio trajecto: summa autem rei æstimatur ex fine, propter quæ prælium partes inierant, qui liberum transitum concernebant, ut Gallis ad sua redire liceret.

Gallis igitur victoria meritò adjudicatur, cum ipsa veritas honorem victoriæ non in eum, qui plurimos mactaret, aut pauciores desideraret, sed in eum, qui à conflictu desideratum obtinet finem, justè conferat. Econtra equidè victorias præditiâ partas, celebriores reputem, quâ quæ magno conatu acquiruntur: minus ibi damnum ad victorē redit, copis sine detrimento integris, ut jam de operatione virtutis excellentioris nihil repetam. Nam armorum effectum vim & violentiam habet causam principem; illud autem prudentiæ, quæ cæteris virtutibus modum præscribit, sine pugna obtingit. Vel eo siccas victorias cruentis præferri decet, quod sanguini humano parcatur. Tigres eo gaudentes, terram cruore tinctam, rubentem, madidam amant; honor

honor autem ab homine denominatus, mansuetudinis aliquid inferens, abhorrere eo oblectamēto, ab honore illinc legitimè trahendo etiam alienissimus.

C A P U T XXIX.

Malevoli non agnoscunt Cardinalis operam.

VErè beata tum Gallia dici poterat, quæ tandem aliquando monstro hæresios confecto, vires recolligebat, ante distractas, quas exinde foris ostentaret ad fœderatorum tuitionem; & vim intentare, à quibus toties intra ambitum suum fuerat irritata, adeo ut Austriacos delineret metuere, & factiosos inciperet contemnere, qui pretio quinquagies mille aureorum Rempublicam ad offerentis libidinem turbabant.

Suntus immanes, qui ad continendos in officio Religionarios profundebantur, ærarium sublevabant, cum jam munimenta illorum, stipendia, collegia & ministeria Ecclesiastica ex ærario nihil ulterius sustentarentur. Iam non amplius adigebatur illorum occasione tot oppida munire, tanta ferre præsidia, iam rex imperio supremo cōpletebatur Pictaviam, Aquitaniam, Languedociam & Delphinatum, ubi prius vix media parte auctoritatis valebat.

Populi illi ministerium Cardinalis nunquam satis celebrare poterunt, cujus prudentiā & virtute Rex ad istud molumentum procurandum uti voluit, uti regiæ literæ amplius testantur in publicum, & sermones per occasionem quamcumque collaudant. Nullum invenietur ingenium, æquitate licet levissimè imbutum, quod tantis meritis æterna gloriæ & honoris monumenta, aut supplicii adversus quosvis per ingratitude nocituros, specimen singulare neget.

Factio tamen illa, quæ ex compendio proprio usum oculorum, aubecula obrepente, perdidit, dum reginam matrem obsessam premit, cæca est ad istud officium: ex diutur-

turna absentia occasionem ducit novarum artium, quibus reginae matris animum amplius concitaret. Quotiescunque rex minimum qui ejus sententiae non per omnia congruum constitueret, aliquis ex corte illa prodibat, qui Cardinalis id consiliis attribueret.

Ubi rex suggestiones illius magni utique momenti & solidi comprobaret, astrum æmulationis irritabatur, adeo ut nullus dies præteriret, quin istarum rerum nuncium aures feriret, ut animus æger inde quidvis conficeret. Vbi institutum aliquod minus optate procedebat, ab excubitoribus istis arguebatur auctoritatis proflibulum, ad querimoniarum irritamenta, quæ lingua non semper liberrimâ, oculorum & gestuum vim sentiebant, sine periculo, ad scopum directam.

Temporis jacturam fecero in enumerandis etiam per compendium venenatis technis. Id vero molestissimum, eatemporis momenta istis tricis sumpta, quibus ille gloriam regis & Galliae emolumentum impensissime procurabat; cum præsentia ipsius etiam mentes ab istiusmodi ausibus dissuaderet. Quod verò sæpius abesset, rationem inceperant, quod odii incendium apud reginæ matris animum benevolentia solita paulatim extincta; suscitarent, ubi alimenter ipsa ferè nihil advertente, tam arida suppeditabant; ut illud; postquam à Montalbanensibus ad Fontem deliciarum reversus esset ipse, comprimere reginæ mater neque posset; neque vellet, malevolentiae jaculis per oculorum aciem, prius favores spargentem; emissis: quæ, nisi rex per summam auctoritatem ad tanti Ministri patrocinium cohibuisset; fulmina id temporis perniciosissima evaderent.

Politica Reminiscentiâ.

Absentia huncquàm non damnoſa viſa; ad miniſtratoribus Republicæ, & aulicos favores poſſidentibus. Non facile diutius ab aula ſeceſſerint, quin tricæ aliquæ in illorum detrimentum fabricentur, à ſceminis maxime, quarum cupido ſenſui non rationi adhæret, & inde minimo momento mutatur, ex objectorum deſucto uſu. Me-
mori-

moriam fœvent, ancillæ minus fideli similem; adeo ut ex benevolentia censu facillimè patiantur submoveri, quos præsentia parum ingerit: assiduitas plerumque præ meritis habetur: in oculis igitur versetur frequens, qui testimonia benevolentia auferre cupit.

Hispanus egregio proverbio ait fœminas ex albo amicorum & mortuos & absentes facillimè delere. Quod ut etiam non attendas, invidia tamen, quæ ab omnibus Principum familiaribus parata est cuiusvis intimi, nunquam prætermittet occasionem absentia sine studio nocendi exerto. Excellentia genii aut virtutum splendidarum nihil patrocinator, cum invidia motus sit animi adeo malignus, ut plerumque invadat, quorum merita & autoritas amplissimam sortiuntur gloriam.

Unde famosissimorum per antiquitatem ducum non nemo dicebat, cum sibi diem illam transisse inanem putaret, nullo laudis eximie pretio, quod invidia, gloria alumnæ, impetum tantisper cohibuisset. Fatemur, merita & facinora virtutis laude digna, quæ ad gloriam reipublicæ contulerint, aliquando ad eum honoris & auctoritatis gradum contendere, ut ceteri æmulationis dejecti spe; etiam invidia careant: non tamen inde liberantur odio, quod per inevitabilem consequitur necessitatem, omnes summæ rerum admotos; tum quod mortales, ex iure nascendi liberi, spontè propendeant ad odium superiorum; tum quod aula semper scateat turba, quæ sibi potiora debere credunt, ab illis forte interversa, unde odium concipitur.

Isti Solis splendorem culpant, quod oculorum aciem perstringat, nulla habita ratione, vel illius naturæ eximiae, vel suæ debilitatis, virtus excellentissima, uti lumen splendidissimum, offendit: ad noctis tenebras amandandi, donec diei splendorem agnoscant. Lunam & cetera astrâ luminis debilioris contueantur, antequam radios ex usu & dignitate dimetiantur. Malignis istiusmodi ingenii ealaus convenit, quod cæterorum sint severi censores, industrie noceant, ad exitum aliorum operosi, dum domi non inveniant, unde erigant.

Beatus tamen Minister, qui benevolentiae substravit ultimum fundamentum apud principem meritorum notitiam, ad Principis gloriam augendam, unde absens idem valeret, quod praesens, & Principem experitur Solis imitatore, qui eodem lumine & emolumento propinquior ac remotior radiat.

CAPUT XXX.

*Merodius Imperatoris Cubicularius, invadit
Retos inopinantes.*

Historiae series, post Religionariorum submissionem coactam; nos Italiae negotia reciprocare jubet, ubi meminimus, pacta Susana in ipsa Hispania sancita, ut Galli Italia excederent, non multum tamen valuisse: dum Merodius, Imperatoris Cubicularius, quem Hispanum credere possumus, tum ob artissimam Hispaniae cum Imperio conjunctionem, tum ob Imperatoris motum, ab Hispania penitissime directum; Retos invadit, angustias, Italiae & Germaniae cardines occupat, Meyensfeldiam, & gentis caput Curiam corripit, excitatis etiam munimentis, ad traducendas copias necessarijs.

Id Sabaudus erat machinatus, ex ingenio quietis impatientissimo, & nimio injuriae sensu, quam Susae videbatur suscepisse: adeo ut pace constituta, cum rex Privasium obsideret, cum Imperatore & rege Hispaniae de bello redintegrando ageret, ad piorem scopum. Imperatori exposuerat, violentiam Susae illatam non tam Sabaudiam, quam Imperatoriam laedere dignitatem, quod angustias ad imperij iura conservanda tantum clausisset; Casala liberationem in illius impingere auctoritatem, cum Mantuanus, valallus utique ad obsequium Imperatori praestandum, adigetur.

Sic & Hispaniam edocebat, contumeliam Casala susceptam contentum potentiae per universam Italiam trahere, ex quo periculossissima emanare posset negotia; Cardinalem in ipsius

sus ruinam illic locorum conspirasse; Genuenses ad corripienda arma excitatos: institutum Mediolani superandi firmari, cui immiscendum sese quaesierint permutatione proposita de Bresseâ reddenda, & Salussarum mar. hionatû ad præsens æs vendendo, ut Galli facilius in Italiam effundi possent: qui si geminis, maris terræque portas corripere-
rent; ad exuvias regni Neapolitani forent progressu-
ri.

Istæc momenta non parum faciebant, ad utramque po-
tentiam concitandam, cum ipsius honoris centrum con-
tingerent. Sed honoris & veritatis vix quicquam in istoc
sermone repertum, injustitia in Merodij instituto pellu-
cente, qui non indicto bello, injuria nulla lae effitus; Ra-
tos occuparet. Propinquior quidem Curiam miserat im-
peratorias literas; transitum per omnia provinciæ loca
petentes; sed ille non expectato illorum consensu, copias
in districtum Meyenfeldensem producit, magna ubique
grassatus calamitate; Curiam obruit, & præsidio firmat,
nullo pensò fidei publicæ, aut gentis ab illius negotiis
alienissimæ.

Politica reminiscentiæ

ID demum est injustitiæ inservire; ubi Princeps transi-
tus in provinciis fæderatorum vi occupat: damnum
enim, quod inde redundat, hostilia sentit. Injustitiæ cri-
men ipsi impingo ex judicio Thessalorum, qui Brasidæ,
eum per provinciâ Atheniensibus bellum facturum transi-
tum moliretur, obstitere, quod Thucydides his verbis
memorat: Eum injuste agere, qui conaretur invitis pos-
sessoribus transitum usurpare. Licet viribus sit validis, eas
tamen ad injuriam cæterorum non exercebit, quod cæli-
tus ad justitiæ patrociniû tantum conferantur.

Romani præci magnam merentur laudem, quod ini-
micorum etiâ terras contentiosas, temerè non peterent,
nisi bello denunciato; plurimo minus invasissent amico-
rum provincias. Quotiescunque aliquid juris apud vici-
nos quaerent, legatos mittebant res repetitum: ubi petita
non impetrarent intra triduum, bellum indicebant; neque
sic arma expediebant, nisi post ceremonias operosas, quas

T. Livius describit. Ne tamen eo usque ingrediamur, cum meminimus, Florentinorum feciales ab annis trecentis fere ejusdem ceremonijs uti.

Rationes illæ priscorum, quæ bello indicendo circumponebantur, nullo quidem usu nunc vigent; princeps tamen usurpatoris auferet nomen, quicumque fæderatorum oppida & transitus sine consensu invadit. Ambitio autem hic non stat, cum satis habeat, quævis media ad institutum accommodare, nunquam memor, justitia divina destrui, quicquid injustitia hominum fudatur. Leges civitatis furtiva particularia vindicant, & Deus, judex regum, usurpationes flagellat, adeo ut violentia aucti, ruinam in potiore inveniant, & imperium injuria partum, brevi deficiat, potentia licet aliquamdiu statuminatum.

CAPUT XXXI.

Merodius Gallie legatum violat.

Violentiam sanè inauditam ambitio imperabat Merodio, post Curiam oppressam. Sciebat enim Mesmimum legatum regis ad Ratos, omnem industriæ & prudentiæ adhibuisse operam, quam ratio muneris poscebat, ut populos in fidelitate, quam Galliæ pomiserant, conservaret, & angustiarum custodiam adversus quoscunque, qui Galliæ aut fæderatis illius, nocere cuperent, persuaderet; nihilominus hospitium excubitoribus cingit, & grammateum rapit nullo jure Gentium, quod legatos sacros habet & ab omni damno aut injuriâ salvos præstat.

Politica reminiscencia.

Cum legati majestatem Principis repræsentent, offendi nunquam poterunt sine grandi injustitiâ, à Principe belli exorte. Quicumque aliter agit, legem per omnia imperia ubique receptam violat, Principe legati læso. Injuriam

riam atrocem contrahit, cum ab omni ævo isti inviolabiles credantur: ubi etiam inter hostes, quod Tacitus monet, raro legati violantur. Indecorum maximum, homines & defensionis, & vindictæ inanes, quibus omnis potentia in rationibus explicandis ponitur, vim pati.

Extremum hoc in legatum, etiam ad offensionem grafsatum, fuerit, ut admodum civiliter dimittatur, ab omni injuriâ protectus. Id Romanis erga Persei legatos usu venit, quos jusserant intra undecimum diem Italia excedere, regique nunciare, Consulem P. Licinium brevi cum exercitu in Macedoniam iturum, cui legatos destinaret, si quid occurreret proponendum, nec Romam mitteret qui nulli deinceps ibi reciperentur: adjuncto Sp. Carilio, qui per Italiam deduceret, usque ad naves; quemadmodum T. Livius memorat.

Henricus autem Magnus, cujus actiones cæteris principibus exemplar præbere possunt, moderationem erga legatos imitandam exeruit, cum comperisset, Tassium & Balthasarem Cuniganum, successorem, legatos Hispaniæ, colludere cum Hostio, & Merarguæo, ibi jure Gentium servato, tricas seditiosas, ab hostilitate non multum distantes, neglexit. Omni æquitate caruerit oportet, qui tempore pacis, ex sola ambitionis satiandæ ratione legatum violat & detinet.

C A P U T XXXII.

Sabranus ad Imperatorem legatur.

PRIUSquam Merodius processisset, rex qui nunquam cogitaverat Mantuanum pertinaciter fulcire, sed tantum justitiæ, quæ fæderatorum res ipsi recommendabat, satisfacere, ex tenore pactorum Susanorum censuit Sabranum legare ad Imperatorem, qui sincerum institutum & animum exponeret, adeoque investituram, si fieri posset, per suum favorem Mantuano impetraret, cum rex, ut pacem

pacem Italiae conservaret, maximum armorum emolumentum, quod ad Sufam obtinuerat, & occasionem, quam complures Italiae principes obvii praebebant, sponte dimitteret: id quod praeter civilitatis pompam, amplissime testatum volebat.

Mantuanus, officij memor, Episcopum Mantuanum miserat, qui investituram rogaret; quam rex illi submissione etiam suas preces jungens, nunquam recusatum iri credebat, cum eadem Imperij leges, quae Principem Vassallum ad eam petendam obligant, Imperatorem ad eam indulgentiam ducant, vel saltem ne jus tertij gravetur, si quod exigatur, ubi postea vijs solitis & legibus iustitiae omnia trutinantur. Haec summa erat mandatorum, quam discedens susceperat a rege ad Imperatorem.

Per viam autem nova mandata consequuntur, ut querelam institueret de exigua sibi a Merodio habita reverentia in persona Mesimini legati; tum etiam de violentia in Ratos exercita, & transitu Steigae, Pontis rhenani, & oppidis Curiae ac Meyensfeldiae occupatis, nullo bello, nisi ad momentum invasionis, declarato: urgeret etiam, ut Merodius copias ex Italia & Raetia deduceret, regique de neglecta reverentia reus satisfaceret.

Sabranus dignissime obit munus, omnem prudentiam ex promittit, ut Imperatori clarum faceret, regis institutum, donec intelligeret, nihil ad detrimentum imperatoriae dignitatis actum. Edocebat, regem ad vim non prolapsum, antequam Hispani copias, nullo jure Casalae obsidionem cepisse vidisset; cum rex ad patrocinium Mantuani obligaretur per pacta Gambriviana & Vertuiniana, ubi nihil praetermittebat, quod ad satisfactionem a Merodio exigendam per tenuisset.

Cum autem Imperator ab omnibus Senatoribus effectus praepeditus, nihil actum, nisi quod Imperator respondit, sibi curae fore iustitiam, Mantuano satisfactum iri, si rex copias ex Italia retraheret; mirari, quid rex fortunae Principum, qui sibi deberent obedientiam, curaret, immemor pactorum diversorum, quae regem ad auxilia obligabant, nullo penso honoris, an Mantuanus

periculis, quæ vehementius quam unquam ingruerant, succumberet, cum Imperatoris & Hispani copię in Italiam transissent, ad exitium illius intenti.

Politica reminiscencia.

Quicumque rebus agendis adhibetur, ut arbitrium pacis inter dissidentes Principes interponat, magno honore cumulatur; dignior tamen, cui omnes condoleant, quam ullus invideat, ubi ad fervorem animorum incidit primum. Negotiatorum enim eadem ratio, quæ medicorum, qui ad declinantem morbum vocati, feliciores æstimantur, adeo ut plurimum lucrentur, qui pacis negotia suscipiunt, confidente ebullitione sanguinis, post immanes belli sumtus, & tædium indefessi laboris ad exercitum alendum & ducendum.

Primi fervores iracundiæ, instar nubium, obfuscant rationis lumen, ne animadvertantur pacis immensa bona, aut tempestivius ad eam amplexandam ferantur. Iracundia igitur molestijs suis stimulet oportet, donec odium ejus concipiant, ad faciliorem tranquillitatem. Id tædium ærumnarum, quod bellum utrinque trahit, Franciscum I. & Carolum V. ad pacem deduxit: nec Philippus II. compendium, quod infidelitas quorundam Gallorum in republicâ suâ præbuerant, unquam prensasset, nisi pertæsus expensarum, quæ ærarium cum pulvisculo devorabant, & quæ animum ardebat curarum, periculorum etiam, quæ vel oculis dimetiri licebat in bello externo.

Principes tamen non adeo accerbè dissideant, quin expa-
cis studio conentur transigere, & per legatos sensa animorum invicem aperiant. Quicumque enim omnia per libidinem vult auferre, cæteris necessitatem extremorum imponit, ad calamitatum procellas. Cum principes dissitas incolant provincias, plerumque sinistre de instituto mutuo sentiunt, legati vero justitiam demonstrantes, non parum conferunt ad animos moderandos, & mansuetudini emancipandos. Sapientissimus enim quisque præter justum & æquum nihil exigit: hinc nullo licet obsequij jure adstrictus, rationi semper pareat.

Gnarus utique veram majestatem non voluntate, sed officio æstimandam, eadem non ad libidinem extensa, sed ad potestatem justitiæ colendæ exactâ. Id sibi gloriæ ducunt, ut cum omnia possint, non tamen, nisi laudabilia velint. Hinc sponte ad rationis orbitas progressi, nihil tergiversantur, alios legatis missis ad idem institutum provocare, neque enim abjecti id animi signum sed eximiæ prudentiæ, civilitatisque, quam Principes sibi invicem debent, testimonium.

CAPUT XXXIII.

Crequiinus ad Sabaudum legatur.

REdeo ad Merodium, Ratos obruentem, ut moneam, regi id institutum non admodum inopinatum accidisse, qui Europæ universæ motus animo voluebat, & cæterorum principum consilia nihil ignorabat: Unum tamen agit, ut Crequiinus ad Sabaudum mitteret, qui contra pacta id fieri argueret Susana, quorum executionem & verbis & scriptis deberet, conjunctione etiam armorum insertâ: partibus igitur accederet.

Sabaudus, qui copias illas invitaverat, nihil opus habebat de illarum instituto quærere: cum tamen prætextum sumit, ut sublestant fidem actionum velaret: sic missurum sese affirmat, ut ex responso regi satisfaciat. Crequiinus, iniquitatis eliciendæ tagax, aliquot dierum moram permittit, & responsum continuò urget, auditque; Ratorum angustias nihil pertinere ad Mantuani imperium, Hispanum tamen, si Galli Italia & Susa submoverentur, placari posse, oblata opera, ut tum & Imperator copias retraheret, offensus licet, de Gallorum importunitate in dissidio Mantuano, quod vasallus ex citasset: instituti sui nullo unquam indicio, cum ex pactis tantum Susanijs agere posset.

Rex eo, responso probato, jubet Crequiinum reponere, Quæcunque mandasset, non attingere officium illius, quod juxta illa pacta subijisset, ut nempe arma conjungeret:

ret: aperiret sese, & asseveranter crederet, si investituram Mantuanus adipisceretur, regem ex Italia & Susa copias reducturum, qui id unum agat, ut Mantuanum, fœderatum suum, ab invasione tutaretur, ex pactis Veruinianis: neque enim æquum videri, ab Imperatore ipsi Mantuæ & Monferrati eripi imperium, quod legitimus hæres occupasset. Nunquam regem sibi dissidij, inter Mantuanum & Sabaudum, iudicium sumsisse, sed propositis medijs convenientissimis utrumque ad transactionem invitasse.

Ad æquissimas istas rationes nihil regerebat, nisi ut Crequio responderet Sabaudus, constituere sese, neutras fovere partes, nulla mentione officij, quod ex pactis Susanis debebatur, nullo penso damnorum, quæ in ipsum, belli excitati auctorem, redundare possent.

Politica reminiscencia.

Quicumque princeps incendium belli inter potentiores suscitatur, perniciosissimo instituto neutri sese adiungit, cum expers licet tricarum, prudentia duce, discedere debeat ad partes: maxime verò ubi ipse bellum persuasit, ut fauveat ex deliberato. Alter jam excitato bello abunde offenditur, cum nulla injuria accedente, hostis feratur: vindictam promeritus; alter verò ad bellum sumendum inductus, & in ipso periculo desertus, non minus injuriæ patitur. Quod si nec ad bellum quidem excitandum quicquam contribuerit, periculi plenum arbitrer, neutrarum esse partium.

Præstat aleam apertè tentari ad victoriam, aut cum socio succumbere, qui restitutionem postea adjuvet, quam necessitate extrema premi, quæ ipsum victoriæ auctarium faciat, aut utriusque prædam. Eo consilio firmando exhibent Senefes exemplum, qui belli Italici expertes, tandem partium militi patuere excutiendi: adeo ut Alphōsus rex illos compararet, inter medijs habitatoribus, qui à fumo inferiorum exercetur moleste, & à superiorum strepitu turbantur.

Aristentus, Achaiaæ Prætor, & L. Quintus Consul & imperator Romanus consilium Cleomedontis Macedonis pessi-

peffinum judicabant, cum is Achæis, neutras inter Romanos & regem Philippum belligerantes suaderet partes. Ille enim ferre non poterat, institutum illud viam mediam nuncupari, adeo ut subjiceret, Viam si maximè dicere ament, viam tamen minus utilem dicerent; cum successus prosperior, qui evenire posset, nihil commodi adferret, nisi ut victoris præda tandem fierent.

Fortè evitaverit quis illam tempestatem, si in verbis & actionibus eam servet cautelam, ut partibus justissimum persuadeat æquilibrium: illud vero impossibile autumo, cum & actiones indeterminatæ suspitionibus onerentur, judicio utriusque expositæ. Non certè evitabit vicinorum defectione periculo oppressus, quod auxilia neglexerit, ad benevolentia imminutionem. Medius enim has & illas partes offendit, ubi potentior credit, cæteros ad conjunctionem armorum sponte obligari, & infirmior dolet, sese deserui, adeoque injuriâ affici. Sic neutrae partium neque adversus hostem protegunt, neque amicos conservant. Creditur quidem ærarium exhauriri, si aliquæ copia in exercitu fœderati sustententur, sed majores sibi ipsi imperabit, ut provinciales ab utriusque incursionibus tutetur.

CAPUT XXXIV.

Leonus in Helvetiam legatur.

POSTEAquam Merodius Rætos occupasset, monebatur rex, quid Hispanus per Helvetiam machinaretur, ut dissidio fuscitato, pagos Catholicos faceret suos. Mittitur igitur Leonus Brulartus, qui eos certiores redderet, de regis benevolentia, quam ipsorum commodis augendis servaret inviolatam: exhortatus etiam, ut sædus, à multa annorum serie cum Gallia continuatum constanter servarent, pagorum denique Unionem porro colerent, & Rætos vicinos adeoque fœderatos ab Austriacorum oppressione vindicarent.

Ab exordio artes explicabat quas ad eos à Rætis separados Madriti etiam adhibuerint, ubi pactis illis famosis, appen-

dicem fecerint, Ut tredecim pagi, aut major illorum pars, pacta illa servanda curarent, dum eodem tempore mitterentur, qui Catholicos pagos cuniculis admotis ab eo instituto distraherent, Rætisque simul persuaderent, eosdem pagos curam illorum abjecisse: quo dissidio per animos sparsio enervati munimenta & angustias facilius occupari paterentur. Addebat etiam rationes gravissimas, idem Hispanum apud pagos constituisse, ut ipsorum angustias quas per literas jam petiverit, corripere, consilio sat manifestum.

Periculum illud nunquam rectius evadi, quam concordia pagorum, & fæderatorum: caverent discordiam, ad quæcunque proposita, sumerent arma potius, ad assendos Rætos, qui & partem Helveticæ Reipublicæ facerent, cum ipsi idem infortunium à cervicibus suis depellere deberent.

Leonus rem tanta industria peragebat, demonstrato illorum commodo per rationes adeo solidas, ut in Conventu Soloduri Augusti die quinto constituerint pagi, unionem arctam colere, ad Imperatorem perscribere, nisi Rætos restitueret in pristina, sese ad regem Christianissimum transuros ad vindicandam injuriam susceptam, & invasionem avertendam. Constitutio istæ Hispanum nimis turbabat, ut extemplo Cassaram mitteret, qui eam destrueret, & Catholicos à Protestantibus, præcipuarum angustiarum possessores, divelleret. Quemadmodum verò curâ indefessâ allaborabat, ut provinciæ procures sibi adungeret, qui vel ob commercia & viciniam Mediolani magnam ferunt auctoritatem, ita pervicit, ut constitutio mutaretur, adeo ut præter copias, ad patriam tutandam, & imperatorium militem arcendum, si quid auderet, nihil fieret.

Politica reminiscencia.

Cum leges prudentiæ moneant, æquè ex hostium, ac amicorum institutis emolumentum sumendum, nemo vitio vertet, si Austriacorum animadvertam institutum, quomodo Rætos primū ab Helvetijs separarint, deinde inter ipsos Helvetios dissidium conciliarint, efficacissimè

cissimum quo uti possis, medium enervandi vicini, adhiberent, ad provinciam subjugandam, aut transitum procurandum, quem nemo impedire queat. Concordia sanè populorum summa republicæ fortitudo, uti discordia certissima exitij causa.

Hinc Lycurgus Lacedæmonijs asseverabat, nihil æquè ad ipsorum incrementum, adeoque reipublicæ conservacionem facere, ac virtutem adversus hostes invictam, & concordiam domi inviolabilem. Artificium etiam, quo Philippus Macedo ad superandos Græcos utebatur, fovebat dissidia inter eos, dum alijs adversus alios opitularetur, provincia cuius exposita per divisiones, quam concordem ille nunquam subjugasset. Meminimus etiam, partem Galliarum in Anglorum potestatem per dissidia, quæ Burgundus hinc & illinc seminaverat, concessisse.

Astra in finistros aspectus disposita non possunt non pessima quæque hic inferius producere: & populi semel in factiones dilapsi, & inimicitias, & calamitates reciprocare solent. Superba ædificia ruinam contrahunt ex fissuris murorum; & nihil æquè imperium in exitium præcipitat, ac divisio populorum. Dicam ipsam Divinitatem majestati fundamentum summum in Unitate collocasse, adeo ut divisa, desineret esse infinita. Hinc certum, rempublicam ex unione populorum evadere invictam: nulla enim ruinam instantem vitabit, quæ discordiæ locum dedit, ubi factio factionem trudit.

C A P U T XXXV.

Austriaci cum exercitu in Mantuanum imperium irruunt.

CUnia & Meyensfeldiæ invasio principium belli, quod per illam portam in Italiam illabebatur, dedit Austria. ei enim, ut Mantuanum promptius conficerent, geminos exercitus, duce Spinola, trajiciebant, ut post Susam à Gallo captam continuò in agrum Monferratensem descenderent.

rent. Marchionem illum Hispanus ex Flandria, neglectis Belgij rebus, in Italiam submittebat, ut primum benevolentiam priorem inter ipsum & Genuenses, ne à partib⁹ discederent, restauraret. Genuam igitur accedit mense Julio, Genuensium animis recuperandis strenuam adhibet operam, adeo ut magno successu pergeret, majori, quam unquam in Hispaniam merito.

De hinc annonam grandem contrahit, quæ terra marique bellum gerentibus, ob provinciæ exiguam messem, summè est necessaria. Palam ferebat, Hispanum desiderare pacem: ut interea copias cæteras contraheret, ad bellū valde sumendum. Exercitu enim iusto instructus, in agrum Monferratensem descendit, loca exiliora subigit, & Pontesturā captā Casalā appropinquat, ut noceret, & occasionem invadendi specularetur, ad alteram obsidionem cautior, donec ipsam extra spem auxiliorum Gallicanorum animadverteret.

Religionariorum everfio, ut arma regia occupare desinerent, quin ultra limites regni ducerentur, ipsum non parum coercerat; credebat tamen Gallos adeo fractos, & à factiosis, quos Hispanus submisisset, qui in aula nimis frequentes, familiam regiam diviserant, Cardinale etiam graviter impedito, adeo turbatos, ut rex Alpes trajicere, hyberno maxime tempore, non vellet, donec institutum cōfecisset ipse & Casalā atq; Mantua simul obsessis, animos viresque distraheret.

Exercitus enim Germanis, iisque Lutheranis constans, duce Colalto in Mantuanum discesserat agrum, Spinola in Monferratensem abeunte. Sic loco iustitiæ, quam Imperator Sabrano promissam, etiam declaratione firmarat promulgata, de jure reddendo, patrantur inhumana, incendia, spolia, etiam templorum, majori violentia & impietate, quam unquam ab Iconoclastis; Crucifixis diffractis, imaginibus B. Virginis & quorumvis Sanctorum temeratis, quas miles funiculis, tanquam devotos per stationes trahebat, aut in profluentem præcipitabat: Ciboriorum ibi nulla veneratio omnia stupris matronarum & virginum plena, quibus malis accedebat provincialium cædes & sanguis; adeo ut velum pietatis, quod per Germaniam tā alte expanditur, ambitionem satis male contegeret.

Violen-

Violentia istæ inanis per armorum potentiam valida, amplissimis per agrum Mantuanū progressibus occasione dabat, populis plerisque, tanquam ingruerent Alaricus aut Attila, fuga dilapsis, ut ad Mantuam usque vix quicquam obstaret, quin obsidione eam cingerent. Durando autem cum mille egregijs bellatoribus, ducibusque famosis ingresso, & præcipuis Mantuani copijs aucto, obsidionem producant; exercitu æquè per contagium ac famem afflicto, adeo ut hoc anno tandem recedere haberet necessum, imposturâ tamen famosissima nulli mortalium unquam audita, prius usi.

Diversas pacis rationes proponunt, adeo ut Mantuanus ad dispositionem, quam testabantur, conventum iri, armistitium trium horarum pmitteret, quo constante ad fidem ipsorum etiam suburbij portam transpontem referat: illi igitur magis ad emolumentum, quam ad fidem, inter Principes inviolatam, intenti, in suburbium plures ter mille ingrediuntur, & illud occupant: cum utem prosperior successus actionibus adeo turpibus negetur, ita eo commodo non diu ipsis licuit uti. Durandus enim eruptionem ausus, per spatium trium horarum, favente sclopetorum imbre, erexerat vallum, tormenti patiens, ut suburbium illud undiquaque impeteret, adeoque imperatorijs redderet inutile.

Politica reminiscencia.

Fides eorum, qui exercitui præficiuntur, quo vis temporis tanta venerationi fuit apud militem, ut res facta crederetur. Opprobrio involvitur, quicumque eam violat, adeo ut honore armorum penitus exuatur. Nullo enim loco starent res mortalium, nisi ea coleretur ex necessitate mutuâ. Nulla securitas pactis adhereret; nullus Princeps confideret principi; nec induciæ, pacis negotiandæ causa factæ, securitatem adferrent, si quisque prolubitu ageret, traheret, raperet, duceret.

Imperator militiæ honorem æstimet summū bonum, cum nulla macula præ infidelitate deturpet, quod ea iustitiâ ex arte militandi exterminet, libertatem quidvis præter rationē audendi præstet, bellum denique in iatrociniū commutet.

mutet. Debet is militi iustitiam, & hosti fidem, adeo ut nec verbulum ex promissis decerpere queat. Quin potius eo exactius eam expleat, quanto maioris apud illum fuerit momenti.

Strategematum usus permittitur, quæ tamen prudentiæ militaris, non infidelitatis sint effecta. Romani sanè fidei tantum honorem habuere, ut imaginem illius in Capitolio juxta Iovem collocarent, ut omnes discerent, eundem cum Numine cultum exhibendum: gnari utique, Cælum cum rigore injurias ipsi illatas vindicare, quæ infamiâ patratores tantum mactent, reipublicæ etiam perniciosæ, cum verissimum sit, regum thronos fide solide firmari.

CAPUT XXXVI.

Mantuanum juvant Veneti.

Silentio præterire non possum, quantas Mantuanus à Venetorum republicâ suppetias tulerit, antequam exercitus regius satis promte ad Mantuam pergere posset, tãtèsi aliquid copiarum penetrarit. Rex enim consultum putabat, ut Orator apud Venetos auxilia exoraret, postquâ Austriacorum patuit institutum.

Illa eo facilius sequebantur, quod plurimum interesset, Austriacorum per Italiam potentiam, & maxime per viciniam nihil augeri, ob consilia ab antiquo metuenda: non immemores, oppida & loca non contemnenda ex imperio Mediolanensi decerpta sibi ad crevisse, per Ducum superiorum fortunam, quæ Hispanorum auditas facile esset repetitura. Sic Mantuano non semel pecunias, annonam, & copias contribuere; adeo non exiguum pondus ad illius conservationem contulere.

Politica reminiscencia.

Nihil periculosius reipublicæ, quam regem potentiâ am-

ambitioneque inflatum, ex pura violentia, principis vicini invadere provincias, cum inde potestatem ad ulteriora struere possit. Ambitiosus enim fluvios magnos refert, qui propinquiora corripunt, adeo ut neque justitiam, neque injustitiam advertat, modo institutum persequi detur. Id unum agit, ut factiosos in imperio vicini nanciscatur, ad fruendam divisionem, pedemque ibi figendum.

Nulla parsimonia pecuniarum, erga ministros corrumpe-
ndos: Africae quendam populum refert, qui oculis aper-
tis somnum capit. Sicuti persuasum habet, summam glo-
riam in possessione latissimi imperij inveniri, ita credit, im-
perandi consilia satis justam trahere causam, ad bellum su-
mendum. Ubi virium non satis sibi videt, seditiones apud
vicinos ad rebellionem suscitatur, credulitate simpliciorum
abusus ad ceteros imperio coercendos.

Oculos ad justitiam velat, non ut ex aequitate judicet, sed
ne injustitiam consiliorum, quantum potest, advertat. De-
nique nihil unquam evenit, ubi ipse novas conqueren-
di non scrutetur vias. Manifestum igitur omnibus, quan-
tum fœderati Principis oppressi, jamjamque expoliandi,
promittitudinis debeant ad illius conservationem. Auxilia
enim ipsi submissa, propriam rempublicam asserunt, adeo
ut expediant arma, tam in illius, quam tuam ipsorum salu-
tem, dum progressum inibent ambitionis, quæ diverso
conatu extra omne dubium sit grassatura.

Ante omnia vero vicinorum, proximi tenentur vires
præstare; cum periculo sint viciniore: ab ijs etiam prin-
cipaliter opem impetrabit, ne hoste ad portas turbante,
longinqua auxilia frustra expetamus, neque enim exerci-
tus aliter feruntur, sed lento gradu procedunt, adeo ut vim
patiantur obvia, antequam defensio justa pareatur. Qui-
cunque igitur domi non satis invenit virium adiunctionem,
ægroto refert, qui in pago aliquo morbum suffert peri-
culosum juxta & acutum, & medicum famosum à decem
leucis accersit, per cuius moram morbus sanandi curam
exceedit, ad frustraneum medici illius tardiusculi adven-
tum.

Prisca historia illustre rei præbet exemplum de Sagunto, quod Carthaginenses subegere, antequam auxilia sperata Roma adventarent: posterius tamen seculum aliud nihil minus considerabile exhibet, in oppido Senarum, quod ab exercitu imperatorio obsessum, auxilia ex Gallia frustra expectabat, ob longinquitatem locorum. In istis itaque occasionibus confugiendum ad imperia vicinorum, qui obligantur ad prompta auxilia: unde fœdera cum illis inita præ cæteris sunt utilia.

C A P U T XXXVII.

Fœdus inter Galliam & Angliam renovatur.

Quamvis pacta, & renovatio fœderis inter Galliam & Angliam jam mente Aprili, rege Susæ commorante, constituerentur, non tamen solennia jurisjurandi, quibus, pacta firmantur, præsentibus legatis extra ordinem hinc inde missis solita, peracta fuere, donec rex ad Parisios pervenisset & res arduas quibus distinebatur, confecisset. Ea solennia Fons deliciarum vidit mense Septembri, ubi Esmundus aderat, qui nomine regis Britannici interesset.

Rex ipsi amplissimos haberi honores voluit, quod in istis occasionibus solet, adeo ut etiam eo die mensæ illum adhiberet. Hora igitur destinata, deducitur in ædem oppiduli, ad eum suam magnificè ornata, ubi rex cum Principibus & proceribus ausæ Vesperas audierat. Regem ex officio ingredientem veneratur, & reginas, tum in pugnate locum capit. Rex eo præsentem jusjurandum renovati fœderis præstat, super sancta Evangelia juratus, de factorum capitibus observandis.

Idem jurandum eodem die Londini non minus solenniter præstabat rex Magnæ Britanniae, in præsentia Castellonoyani, quem rex extra ordinem in eum prorsus finem legaverat.

Politica reminiscencia.

Quemadmodum Sacramenta actiones reddunt venerabiles, ita omnes omnino populi ea pactis fœderum adhibenda censuere, ad sanctiorem observationem: ab omni tamen tempore ad diversitatem Nationum differentia. Regibus frequentissimum erat, eodem vitro bibere. Thraciæ populi & Egyptij ex eodem calice non bibebant, cum cornu bovino uterentur. Iudæi olim quædam animalia mactabant, quorum viscera dividerent. Chaldæi per medias flammæ transibant, armata dexterâ, ut iuramentum sancirent.

Videntur tamen Arabes eximia præ cæteris facisse solennia: Spectator quidam ex paciscentibus, in medium procedebat, manum lapide acuto feriebat, ad sanguinem elicendum, quem pannis vestimentorum exceptum, septenis affricabant lapidibus, circa quos adstabant, invocatis Dionysio & Urania. Scythæ sanguinem vino miscebant, quo sagittas, secures & jacula tingebant, cum vehementissima protestatione, de fide mutuam colenda: eum inde hauebant simul, propinabantque & testibus.

Romanis in usu erat, summum Pontificem appellare, qui altari ex cespitibus constructo, imponebat porcum, quem in illorum præsentia feriret lapide, dum Jovem invocaret, ut eodem rigore feriret primum pactorum transgressorem. Legimus etiam in historia Jonuillani, S. Ludovicum regem ab equite ex familia Concyorum, Cæsareæ fuisse conventum, qui ad maiorem fidei securitatem præstandam, petebat, ut miles regius cum suo in signum fœderis arctioris, sanguinem vino miscerent, & invicem potarent, quod rex collaudavit; ubi historia & istud adjungit, canem per medios actum, cui quilibet ictum gladio inferebat, comprecatus, ut eodem modo vapularet, quicumque verborum fidem frangere cogitaret.

CAPUT XXXVIII.

Aurelianensis secedit in Lotharingiam.

Quamprimum rex ex Languedocia redierat, regina mater, quæ impensissimo desiderio flagrabat, ut Aurelianensis Florentinam aliquam duceret uxorem, quam tamen ut amaret ab animo non poterat ille impetrare suo, quod Gratijs adversis videretur nata, nullis nisi natalium dotibus conspicua; adeoque impatientissimè ferret, propensiores Aurelianensis in Mariam Principem animum. Hinc apud regem instabat, ne illud matrimonium sine ipsius permisso conficeret.

Rex autem per omnes occasiones ostendebat, quanti faceret illam Virginem, sed ex lege, quam sibi ab omni tempore imposuit ipse, ut ad reginæ matris desideria quidvis conferret, cogitur illud prohibere, Aurelianensi ob reverentiam & obsequium assenso; cum tanta tamen animi ægritudine, aut aulæ pertæsus propter hanc molestiam, in Lotharingiam secederet, ubi à Duce amplissimis excipitur honoribus, tum ex officio & respectu natalium, tum ex animo in Galliam irritato, dum Austriacorum vassallus spontaneus speraret in istac occasione odio concepto satisfacere.

Fidissimi quidem familiarium Aurelianensi secessum dissuadebant: sed superfedebant animi sensa penitissimè expromere, quod Magnates plerique suspitione laborent, metuque quotiescunque consilia ab extremis abstinere, & ad moderatiora collimant. Unde prudentiores in sortem Romanorum incidebant, qui urbem tempore Neronis incendio conflagrare videntes, restinguere nihil audebant, ne offensam contraherent, dum domesticorum ipsius non pauci flammis adderent incrementum, ad maiorem jucunditatem.

Neque enim deerant Aurelianensi, qui solo complacendi studio, majori ut potirentur gratia, quam ad pri-
vata

vata compendia derivarunt, consilia consecrabantur per conscientiam propriam damnata. Dicam equidem, eos ab illo tempore allaborasse, ut diffidentiam erga regem & Cardinalem, ad concipiendum metum, animo insinuarent, tanto majoris æstimij quod securitatis sese inconcussos exhiberent axes. Cum sic ad secessum plurimi momenti contulerint maximum præ ipso vituperium ferunt, qui majori labore ipsorum machinationes effugere poterat, quod fidem omnem ipsis haberet.

Regina mater opprobrio sanè non eximitur, quæ ad hæc extremam deduxit, quæ nullibi utilis, Gallia poterat inferre malorum segetem, id quod experientia omnibus Principibus exteris planum fecit: nam istæ factio in aula concepta & exclusa in secessum Aurelianensis fundamentum omnium, quæ consecutæ sunt, turbæ conjecit. Cardinalis malorum seriem præceperat animo, nisi promptum adhiberetur remedium, nihil igitur omittit, quod regem inducere posset, ad eum citius revocandum.

Quemadmodum vero Magnatum tædia eos morbos plerumque referunt, quibus cursus necessario debetur, quem declinare non liceat, donec calor congenitus humorem peccantem decoquat & consumat, temporis aliquod spacium videbatur indulgendum, ad reditum constituendum.

Politica reminiscencia.

PRincipes sanguine regio orti, pessima sequuntur cōsilia, ubi natale solum egrediuntur. Ibi enim gloriæ centrum, ibi vestis splendidißima, omni spe potior: ibi uno rege inferiores, à quo dependeant; cum apud externos compluribus subiciantur. Astra tantummodo ex Solis aspectu fulgent, & principes ex Regis præsentia gloriam trahunt, cum honorum sit colophon, eundem sanguine contingere. Verè comparantur speculis ardentibus, quibus negatur ignis, nisi ad reflexionem radiorum Solarium, otiosa & mortua glacie compressa, quotiescunque remonentur.

Reges ipsis animam præstant, adeo ut à Majestate om-

mnem gloriam, quacunq; excellunt, mutuentur. Is enim splendor tantam confert authoritatem, ut ferè pro lubitu agant, cum mandata in preces commutent, quamprimum limites patriæ egrediuntur. Domi tantum licet ipsis volupe & abundanter esse, adeo ut videas, penuriam secedentium inhære calcaneo, ad tolerantiam magnorum incommodorum. Sic à prodigalitate abstinetur, non ut minus ferant, ubi necessaria non omnia suppeditantur.

Apud Exteros verò necessum habent præsentibus frui, & quidem ex submissione, quæ postremos præfectorum suorum domi vix satiassent. Unde minus causæ restat ad secedendum, si libertatis liberiores usum spectemus: domi enim nunquam tot excubitoribus circumdantur, uti apud Exteros, quibus minima actio suspicionem moveret, & scrupulum iniicit. Quæcunque illic indulgetur libertas, ad patriæ pertinebit invasionem, & semina divisionum. Quin potius considerant, copato seipso lædi, suam marcescere gloriam, quam non aliunde, sed ex regno patrio ducunt.

CAPUT XXXIX.

Causa, cur Aurelianensis ex regno secesserit.

Natura id vitij trahit, ut prætextus errori occultando, & confusione tegendæ quærat, ita Aurelianensis diversas rationes sui secessus propalabat, ut aliquem iustitiæ colorem induceret consilij, Magnates in rem publicam patriam queruli, rectissimè comparantur in aquas collapsis, qui fundo non invento, obvia quæque corripunt, ut ex periculo manifesto eluctentur.

Solent administrationis perversum ordinè traducere, ad exemplū seditio forum; dum vera tædij causa læter & privatum commodū ab officio obsequij recedit. Eratautē intimorum, Aurelianensi exponere, quantū præsens

Gal-

Galliæ conditio differret, ab eo mōento, quo Cardinalis rebus agendis esset adhibitus: quā sanè deploratissimā inuenerat, ex perverso quorundam Ministrorū instituto, qui inepti ad regis prudentem iuxta & generosam mentem adjuvandam, omnia confusione tradiderant.

Tantæ erant vires apud factionem Religionariorum, ut iugum obedientiæ quandocunq; excuterent. Principes regni assueverant tumultibus, & bellis Civilibus, ad quamcunq; animi ægritudinem. Provinciarum præfecti regulos agebant, qui redditus duorum triumve annorum præceptos ærario subducebant, nullo alio emolumento, quam ut factio intimorum lautissimè haberetur, quicquid regis gloria postularet Fæderati Coronæ hostibus prostituebantur, adeo metuendis, ut ad minimam nostram offensam trepidaremus.

Quæ omnia diverso nuncolvebantur cardine: nam hæreticorū factio jacebat prostrata; Principes videbant, obsequium erga regem esse colendum, ut qui auctoritatis habenas arripuerat, quas ministrorum socordia projecerat; Præfecti nihil sinistri jã audebant; ærarij expensæ erant sobriæ, ad solam regis gloriam, rei que publicæ splendorem usurpandæ. Et ut omnia in compendium conferâtur, Corpus illud Galliæ, auper gravissimismorbis debilitatum, jam ad valetudinem secundam redit, certissimā spe vegetæ sanitatis recuperandæ, modo hostes domestici & exteri media Cardinali ne surripiant.

Adeo manifesta hæc erant, ut ne Cimmeriæ quidem tenebræ ea oculis subducerent: novimus autem, etiam fortissimas rationes animis exulceratis frustra adhiberi, quod de intimis Aurelianensis asseverare licet, cum admodum cæcutientes, cum in viam deduxerint, quæ reipublicæ restaurandæ, adeoque Cardinalis instituto, per diametrum occurrit. Didicissent, astrictorum principalia nihil malignitatis in hæc inferiora effundere, nisi ad Universi vægrandem mutationem: nec Principes regij sanguinis à rege separari, aut minimos rebellionum motus concitare, quin extrema confusio, consequatur.

Quod si cuicumq; in republicâ confusione sic cogitent

obviare, jam remedium peioris mali applicuerint, contra prudentiæ leges: sed illi nulla boni publici curâ tanguntur, cum id unice quærant, ut Aurelianensis possideant animum, quem postmodum ad sua circumagant desideria.

Politica reminiscencia.

SI providentia divina nullibi clarius emicat, quam in universi gubernatione; verum etiam, sapientiam humanam nullibi plus admirationis mereri, quam in administratione rei publicæ, maxime verò, ubi ea à primo splendore delapsa, necessum habet stabiliri denuò. Fateamur oportet, eas esse partes Ministri, qui summam rerû, auspicijs Principis curati: is enim est rei publicæ, quod Sol mundo, oculus corpori & primum mobile cælestib⁹ orbibus, in manu Dei, cujus reges imaginem gerunt vivâ.

Duo tamen hic agnoscenda veniunt axiomata; alterum, cum res publica constet hominibus liberis, quin tum Ministri non adamussim sequuntur, non posse illum tumultu omni, nisi & plurimi alij manum simul admoveant operi carere. Summis quidē causis id datum, ut principaliter ad effectum producendum faciant, non tamen ut solæ operentur; quemadmodum ipsum solem videmus, ad terræ superficiem floribus distinguendam, per vernum tempus, non satis valere, nisi causæ inferiores concurrant. Sic nullum agricolam, quantumvis solertem, invenias, qui lolium & cætera Zizania ex agro averruncare queat; ita in Ministri licet prudentissimi potestate non fuerit, rem publicam in eâ constitutione servare, quam nulla confusio turbet: populis enim æquè à naturâ insitens amor turbarum, ubi terræ noxiarum plantarum genimina.

Alterum, non exiguum requiri tempus, ut res publica imminuta, adeoque turbata restituatur. Natura in operibus tardè progreditur, dum germen ex grano; ex germine virgam; ex virgâ arborem, & ex arbore florem, qui fructum tandem præbet, producit. Eodem modo Minister rei publicæ, negotia à confusione ad genuinum tra-

duce-

ducere ordinem nequit, nisi paulatim, causis subordinatis, si quæ ad scopum conducant. Antequam exordiat, nonnullo tempore opus habet, ut dispiciat veras malorum obviatorum causas, ut prudentiam Medicorum maximè imitetur, qui ad ægrotum vocati, ante omnia ad causam concussæ valetudinis penetrare student, cum fieri nequeat, ut remedia convenientia applicentur, ubi origo morbi latet.

Oportet igitur, ut prudentia per scientiam & experientiam adjuncta, ipsi suggerat rationem, quâ respublica prius floruerit, si eandem restaurare medietur; quid in confusionem præcipitavit; & quomodo reliqua imperia ad gloriam maximè processerint. Præterea sciat, causas internas refecere, quas confusionum instrumenta intelligat, ut inserat boni ordinis tenaces: & hic Medicorum exemplum secutus, qui notatos vitiosos humores, ex quibus morbi exurgunt, educunt, ut temperiem ægroto commodam reddant, ad justum humorum æquilibrium, quantum potest.

Causæ summæ imperij evertendi sunt bella Civilia, & autoritatis supremæ intertrimentum: deinde nimia Principum regionum, & Exteriorum, etiam Præsectorum potentia; partes & factiones Magnatum; socordia iudicum in castigandis boni publici turbatoribus, disciplina militaris conculcata; & nimia populi onera: ad quæ singula refecanda non parum requiritur temporis, ut denovo subinducendo ordine nihil addatur, ubi longo & indefesso labore opus fuerit.

Omnem tamen industriam superabunt bella civilia & externa, si eis respublica exerceatur. Neq; minus requiritur temporis, donec Minister summus vicina imperia ad eam conditionem redigat, ut reipublicæ suæ nocere nequeant, quod maximè fuerit curandum, Medici, ut ægrotum ad integram restituant valetudinem, aëris & quarumcunque circumstantiarum ineunt rationem, ne noceant: ita Minister identidem advigilabit, ne quid ex viciniâ mali exoriat, quin ut inde per occasiones emolumentum ducat.

Fæderatorum confidentia nitatur, quam abstinens

incommoda, & conferens auxilia necessaria firmabit: quod Romani solebant, missis hinc inde legatis, qui oppida fœderibus annecterent, à Carthaginensibus se-juncta. Omnem etiam infumat operam, ut principum Exterorum solvat Uniones, ne collectis viribus terrorem inferant: unde non multum laborabit, ut bella inter ipsos exorta extinguat, cum nonnulli suadeant, ea esse fovenda: id quod Ludovicus XI. sapienter instituebat, donec consilia in Galliam exasciata disturbaret.

Istæ summa sunt capita, ad restituendam rempublicam necessaria: cum autem mille hæc intercurrent causas, ad scopum non nisi post longum temporis tractum, & extremas curas pertingere licebit.

CAPUT XL.

Mareschalcus Mariliacus à rege ad Aurelianensem mittitur.

Qui factionem reginæ matris sectabantur, occasionem istius secessus aucupati, suo instituto eum aptabant. Deciderant spe, postquam regis animum incolaudandâ fide ministerioque Cardinalis, quod ad Fontem deliciarum planissime animadverterant, viderant obfirmatum. Cogitant igitur, Reginam matrem nullo fortiori tibi sine adversus ipsum fulciri posse, quam Aurelianensis auctoritate, quam omnibus modis Reginæ matri reconciliare laborabant. Cum etiam Rex subinde mitteret, qui Aurelianensem inviserent, id egere per intercessionem Reginæ matris, donec Mareschalcus Mariliacus, quem suo instituto per commodum sciebant, ire juberetur.

Cardinalis mandata regia ad Aurelianensem explicabat, ut is ex compluribus rationum monumentis intelligeret, propensissimum Regis animum in illius emolumentum; eandem benevolentiam consistere integram,

gram, nec ullam accepisse mutationem; regem secessus culpam non ipsi imputare, sed ministris tantum, qui ea suggesserint consilia. Tanto igitur promptius in Galliam rediret, ne per universam Europam vituperaretur, quod Rege apud Parisios per spem reditus optati commorante, arma Imperatoris & Hispani apud Italos facerent progressus illustres.

Cum autem nefas duceret, quicquam sinistri de eo suspicari, quem nuper signo Mareschalci, quod per merita sperare non audebat, ornari laborasset, ne ullam imposturam apud Aurelianensem exordiretur; singulariter ipsi recōmendabat studium suum in illius commodum, cum in summis habeat votis, post regis benevolentiam conservandam, ut in album humillimorum clientum adscriberetur. Ubi autem alteram mandatorum partem, non minus Galliae, quam Cardinali optandam, fideliter exequi debuerat, Aurelianensis aures assidue de summa istius Ministerii apud regē autoritate pertundit; de munimentorum praefecturis, ipsius fidei commissis; de sumptibus quotidianis; de summis, quae à rege obtineret, beneficijs.

Sciebat enim diversa haec calcaria æmulationem suscitatura, ad augendam suspicionem, quam Aurelianensis de eo conceperat, ut oleum camino affusum intenderet odium, quod utini motu arbitri conabantur. Non tamen superfedit Cardinalis studiū, quod iussus erat asseverare summū, sed ubi Aurelianensis ipsum vadē posceret, sine hæsitatione id negabat: quo responso & alijs sermonibus tantum diffidentiae in animum Aurelianensis coniecit, ut nullo modo ille ad regem redire voluerit, donec Cardinalis Alpes trajecisset.

Politica reminiscencia.

Prudencia & fides, virtutum gemellae, ad res agendas sume sunt necessariae: haec, ut officiū facias; illa, ut ne in autoritatē mittentis offendas. Quicumque enim sine dono prudentiae negotiatur, operariū artis expertem aggit, qui instrumentorum usum ignorat; adeo ut materiā corrumpat, cui debitam nescit dare formam. Sic impru-

dens negotiator & reipublicæ, & particularium res evertit, si curam earum suscipiat, nihil promovet: nam prudentia & cogitata & verba ducit, motus ad normam exigit, & modum rebus agendis præscribit; adeo ut sine illâ nullum unquam proberum sperare liceat successû.

Ut ut vero sit necessaria, fides tamen aliquo modo vehementius urget: fidem nuncupo, firmam constantiam, & inconcussam institutum, ubi summus scopus negotiationum constituitur emolumentum eorum, qui mandata imposuere. Hinc sanè peritissimorum dependet fors utraque: nam ubi Prudentia animum edocet, & fides desideria moderatur: illa media ad finem mandatorum obtinendum ostendit, hæc cavet, ne in particularem aliquem scopum dilabantur: illa imposturas detegit, hæc à privati commodi consideratione abstrahit; discit negotiator, non quid possit, sed quid ex fide debeatur, considerare, ut emolumentum sui authoris, tanquam sacrum depositum, cum eâ reverentiâ conservet, ne ambitio ad usus privatos quicquam intervertere queat: cum nulla oriatur necessitas, quæ perfidiam in Principem, aut promissorum negationem imperare possit.

Is error ex personâ negotiatoris, cujus integritati pars reipublicæ credita est, amplius vituperij & odij pondus trahit. Ut autem personarum fidiſſimarum delectus fiat, arbitrer equidem mediocria ingenia potissimum legenda, quorum fides sit comprobata, præ illis musteis & acutulis; cum veristudij magis sint capacia. Id saltem præstiterint, ut ex præscripto agant, rerum gestarum, atque intellectarum non dubij nuncij; nam isti, omnium rerum sagaces, parum credent actum, nisi alios, præter principem, constituent scopos, adeo ut millenis involvantur tricis, quarum rationem quidem reddent, per fucos privatis commodis utiles, sed mandata simpliciter non observârint.

CAPUT XLI.

Aurelianensis augetur Appanagium.

Quid Aurelianensis ministri machinarentur, ad notitiam Cardinalis emanarat, ut ille apud Aurelianensem benevolentiam, hactenus erga personam & obmerita sibi constantem, amitteret: non tamen desijt ipsū industris demereri, etiam in posterū, prudens instituti, quod Exteri ex nostris turbis suo commodopartarent. Cū autem non posset ipsius votū explere, ut nempe Mariam Mantuanam ducere liceret, ob insignem reginæ matris conatum; in alijs tamen satisfactum laborabat: regiper-suadens, ut ad redditus & territoria priora adijceret Vallesie & Carnuti Ducatus, cum auctario centies mille librarum ex ærario, adeo ut Bessè fortem quorumcunque liberorum regionum excederet appanagium.

Promitti etiam curabat imperium in exercitum Chāpaniæ, cum præfecturā provinciarum vicinarum circa Parisios, si Rex abesset, & Regina mater, quod cupere videbatur, regē sequeretur. Rex auctarium Appanagij gravatē concessit, cum intelligeret animum malis consilijs apertum, ex augmento novarum virium in turbandi libidinem prolapsurum: Cardinalis tamen, cujus genius admirandus cuivis malo remedium invenit, hanc rationem transigendi proponebat, regi summè probatam, cum redditus nullo negotio possent corripri, quotiescunque illis ad turbas abuti conaretur.

Aurelianensi igitur mandatur, istis commodis acquiesceret, si nullo alio, quam ut in regis obsequio viveret, instituto duceretur, cum eas adipisceretur facultates, quibus magni principis splendorem, & recreationum profusiones possit sustinere. Cum autem nihil impensius optaret quam ut in submissione regi debitā viveret, oblata habuit grata, unde pacatis omnibus, & redditum in Galliam promissit.

*Politica reminiscencia.**De Appanagijs regionum principum*

Summo periculo scatet, principibus regijs ex media Republicâ primarias provincias in Appanagium tradi. Natales fatis splendoris ipsis conferunt, & autoritatis, ut auctario vix egeant, cum illud plerunque rebellionem præbeat alimentum, ad proprium sæpè exitium, ubi regia constat gubernatio; aut ad reipublicæ ruinam, ubi regibus exiguæ sunt vires. Quod si securitatis ergo ea pe tant, responderi potest, nullam ipsis quærendam, nisi in proprio obsequio, & regis benevolentia.

Ipsorum debilitas firmat regem, adeo ut neuter sine alterius detrimento crescere possit. Quicumque potentiam ipsis tradit, periculum sibi suscitatur hostem. Oportet enim ut omnia suo consentiant ordine, quæ admodum unus in cælis Sol cæteris astris lumen disperditur, eâ lege, ut per eandem facilitatem, quâ contulit, prioret, sic Principes omnem splendorem & autoritatem à voluntate regis optare, etiam eâ lege, ut iisdem uno momento privari queant, quotiescunque ab obsequio viâ exorbitent.

Opes, quæ ipsis cedunt, ad sumtus natalibus convenientes, non ad turbas fovendas, conferri decet. Carolus Gallia princeps, fratri Ludovico XI. ex Normannia facultatibus, quam Appanagij nomine possidebat, acerrimum fecit bellum. Unde Ordines regni, Turonum Augustæ congregati, eâ improbabant regis facilitatem, suppliciter rogantes, ut annum censum cum stipendio, ad redditus pares, loco Appanagij concederet.

Nunquam sane Gallia exitio fuit vicinior, quam ubi Bituriges & Burgundos appanagijs subiecit, quo locorum omnes factiosi confugerent. Illorum Ducum aulae fabricas præbebant, unde fulmina conflata contra regnum Gallia prorumpabant. Illic scatebant dissidiorum, & bellorum Civilium exordia. Ita vidimus, ambitionem nullos ferre limites, ut institutum promove-

at; adeo ut reges Angliæ, & Britanniae Armoriacæ in Galliam concitârit.

CAPUT XLII.

Cardinali mandatur summum imperium in exercitus regios per Italiam.

Spiritus dissidij, qui hætenus Aurelianensem à Rege semoverat, hostes Galliæ tantâ implebat spe, ut nihil formidarent, arma per Italiam promovere. Face discordiarum ipsius sperabant armare dextram, ad incendium belli, quo arma regia adeo occuparentur, ut otium non foret, alterâ vice in Italiam ducendi.

Lotharingo utebantur arbitro, qui copias & pecunias ad nutum expromeret cum Sabaudis, cui nullæ præteribant trices, quin partem earum caperet. Miserat enim iterum, qui quereretur, cum ejus studiosissimus eo gradu notus esset, cur aliud refugium sumsisset, offerens provincias suas, protestatus etiam de supremâ autoritate cedendâ: adeo ut vel patriâ excedere vellet, ipsi simpliciter tradendâ cum omni submissione, etiam liberorum suorum, modo sic commodis ipsius prodesset: offerebat etiam copias, quas ille pro lubitu & necessitate duceret.

Oblatâ istâc animum pervertere poterant, si diffidentia, quas postea egit, radices tum defixisset: maluit tamen æquissimas Regis rationes admittere, & illius voluntati parere. Liga vero illa Exterorum admodum stupebat, ad primum de transactione nuntium. Et Cardinalis, qui nihil aliud morabatur, ad promovendas versus Italiam copias, regi persuadebat, ne institutum diutius differretur, ad ampliores Austriacorum progressus.

Rex, cujus animus intra familiæ nō continetur parietes, dū arma peregrinantur, expeditionem avebat suscipere; Cardinalis tamen, ex consideratione hyemis admodum

in-

incommodæ, cum fors etiam exercitum maturiusquam nuper, trans stipem rapere posset, aliquam temporis morâ persuasit, dum ipsius labores eos subiret. Ad mentionē etiam transactionis crebram, promittebat spem negotij conficiundi, adeo ut Rex eo itinere supersedere posset.

Rex cum sermonem, in testimonium certissimæ fidei interpretatus, ægerrimè sustinebat illius absentiam; adeo tenerā benevolentiam cum amplexabatur, ut tantundem doloris animo affunderet discedens, quantum gaudij reuersus inundaret, quod universa Aula ad Rupellam, ad Privasium, & ad Fontem deliciarum vidit.

Cum tandem Rex auxiliorum, quæ Mantuanus expetebat, necessitatem perpenderet, quantumque gloria regionum armorum & authoritatis interesset, nemini summam rerum, nisi primo consiliorum ministro adeoque primo regni duci, committere voluit. Noverat, quā famā esset apud Exteros, & quantum virium authoritas sufficeret copiis.

Prudentiæ tot documenta meminerat, ut certum haberet, nullas hostium machinas, etiam ante usum, clam futuras ipsum, quin remedium opponeret; adeo ut successum prosperum de nullius mortalis ductu potius, quam de istius imperatoris virtute sibi promittere posset.

Sciebat denique, vim armorum virtute illius animari, quemadmodum millena per occasiones experientia patuissent, ut jam de victoriā ambigi vix posset. Istitis rationibus Rex permotus, summum armorum imperium ipsi commisit: expeditis literis igitur Parisios ille deserit postremis anni expirantis diebus, quem Rex generoso instituto claudere volebat, uti eundem inchoasse meminimus.

Quemadmodum facinora egregia multum æmulationis trahunt, ita inveniebantur, qui suggillabant, tantum munus Cardinali, & viro Ecclesiastico conferri; ignorantiam tamen illi suam prodebant, qui nescirent, historiam diversos Cardinales hinc inde per seculorum cursus exhibere, cum summo imperio exercitum ducent-

res. Hispania olim Alphonſi Regi magnum Cardinalem Albornosium adjungebat, indiviſum etiam in accerimis prælijs comitem.

Ferdinandus & Iſabella habuere magnum Cardinalem Ximenesium, exercitus Africani Imperatorem. Sic Italia diverſos tulit Cardinales, ex Columnarum, Vitellſcorum, Caraffarum, & Fregosorum familijs, qui generoſos animos in armis exeruere, ut ſciremus, Romanos togatos olim potiore Orbis partem ſubjugâſſe, & iſtanc veſtem victorijs convenire.

Cæcutienti etiam apparebat, Cenſores iſtos non ſatis indiſtriæ adhibuiſſe, ad hiſtoriæ nucleos excutendos, ubi præſcæ leges iſtius regni complures Episcopos obligabant, ad obeundas cum rege expeditiones, adeo ut ratione reddituum corripiendorum adigerentur. Id quod ex Hugone & Chronico S. Dionisij, ad annum 1209. patet, ubi Philippus Auguſtus, bello contra Anglos implicitus, omnes Episcopos ad expeditionem invitabat, quos etiam obſequentes habuit.

Sic ubi Aurelianenſis & Antiſſiodorenſis regem videbant abſentem, domum redire, quod crederent ſeſe ad bellum minime obligari, niſi rex ipſus præſens eſſet, unde Rex redditus illorum corripuit. Sed illi Romam proſecti accuſatione intentatâ, audire, obſequendum eſſe, cum Pontifex ſtatutis regni nihil derogatum vellet: ita ſanè ad fruſtus reddituum temporalium non fuere admiſſi, niſi prius culpam pecuniâ emaculâſſent.

Vidi etiam ſcriptum Episcopi Antiſſiodorenſis, ætatem ex anno 1225. trahens, in quo fatetur, debere ſeſe ad bellum Albigenſe mittere, cum propter valetudinem ipſus ire non poſſet. Aliud etiam mandatum accepere Balivi anno 1304. ut Prælati & cæteris Eccleſiaſticis, quorum erat regem in caſtra ſequi, expeditionem perſonalem imperarent.

Quæ exempla manifeſto docent, quomodo Prælati poſterioribus ſeculis reges fuerint ad miniſterium armorum ſecuti: adeo nihil culpanitur, ubi exercitum ad regia emolumenta ſeſtantur.

Politica reminiscentia.

Sicuti imperator exercitus secunda est reipublicæ persona, ita fere opus habet iisdem dotibus, quæ in primâ laudantur; quæ vero maxime ad gloriam faciunt, & prosperum armorum successum, ad quem contenditur, promovent, Prudentiam virtutem & auctoritatem dixerim. Prudentia vicem oculi explet, ut dispiciat quid factô sit opus, & quæ mandata maxime convenient. Virtus recte consulta & expensa exequitur. Auctoritas denique instar animæ, fortissimos conflictus miscet, ut copiæ virtute eximia ad oculum procedant, adeo ut facile intelligas, qua auctoritate sit imperator.

Prudentia maximè fuerit necessaria, ut deliberet sagaciter, quid primum, quid ultimum, quid medium fuerit sumendum, ut è re nata disponat mandata. Prudentia docet modum, exercitum per disciplinam militarem continendi: eadem monstrat propensiones & instituta non tantumducum, quos imperio complectitur, sed etiâ ipsarum copiarum, ut destinato industriam suam & virtutem illarum adhibeat. Hæc leges militiæ præscribit, quibus exercitû adstringat; hæc strategematum notitiam subicit, pericula depingit, quæ declinare possit, modum pugnandi præbet, & aciem instruendi.

Hæc iudicium de articulis transigendis acuit, occasionum emolumenta capienda exhibet, constantiam ad perurgendum institutum sufficit, animi vigorem in adversis firmat, & in secundis moderationem imperat. Aliqua hæc sunt effecta prudentiæ, imperatori admodum necessaria, eaque illustriora, cum ad millenas alias occasiones eandem adhiberi conveniat. Mihi satis fuerit, hic compendium fecisse, per istanc admonitionem, quod Prudentia sit regula exequendorû. Unde Ægyptij eam imperij individuum comitem cognoscebant, cum oculum, quo ipsa signabatur, sceptro imponerent.

Virtus, secundum prudentiam, imperatori æque est necessaria, ut difficultates, quæ magno numero ingruunt, superet, hostes ferve aggre diatur, pericula sine metu

metu capessat, & copias majori cum audaciâ ducat. Non ut præceps ruat in pericula, sed ut ea accedat, & cæteris sine trepidatione insinuet. Juvenilis hunc errorem fert ætas, quæ Imperatori virtutem adimit, nisi cæco impetu in quævis pericula proruat; quo errore ipse posset temeritatis opprobrium auferre, & generosæ virtutis laudem perdere.

Frustra virtutem intendet, nisi prudentiam adhibeat, unde prudentiæ primas merito deferimus. Quemadmodum ipse animam pugnae refert, & cæterorum salutem plerunque suæ usurâ vitæ complectitur, ita sibi ipsi conservando quantamcunque impendit operam, ut cæteri procedere & animari possint.

Præsens vero sit, ut momenta disponat rerum, & militi metum adimat, per conflictum tamen non dimicabit, nisi ad victoriæ ancipitia, ubi exemplo opus est militi laboranti, ut novis auctus viribus eximio nisu obrineat. In illis duntaxat casibus prælio immiscebitur, extra quos armatur bacillo, ut cæteris modum, agendi innuat, quemadmodum miles ense ad executionem mandatorum accingitur.

Authoritas denique imperatoris vel inde fuerit admodum necessaria, quod miles omnem ipsi fidem habet, adeo ut opinio de eo concepta potentius animos verset, quam quivis sermones. Nihil intentatum relinquetur, postquam diversis sese celebrem fecit victorijs, cum miles salutem ex illius fortunâ facillimè ducat. Sol plurimum vigoris cælestibus influentijs confert, ampliorem ubertatem; & authoritas imperatoris, quæ summum in medijs copijs ipsi circumdat splendorem, mandatis nimium quantum vigorem addit.

Trepidè movet miles, sub Imperio Ducis illaudati: ibi nulla audacia ad eximia facinora, adeo ut miles tantum ad tuitionem corporis arma ferre videatur: cum longè diversa ratio comitetur Ducem, autoritate præditum. In eorum equidem sententiam pedibus iero, qui Opinioni tantum attribuere imperium, ut universum terrarum Orbem gubernet: verum saltem id fuerit, neque ipsam virtutem autoritate pollere in imperio, nisi

nisi eam inde mutuetur. Neque ineptè Priscus ille, quisquis fuerit, asseveravit, felicitatem successuum esse solem auctoritatis, apud viros summos.

HISTORIA DE MINISTERIO CARDINALIS RICHELII.

LIBER VII.

M. DC. XXX.

CAPUT I.

*Annus, Europa, atque adeo Gallia, & imprimis
Cardinali laboriosus.*

SI Antiquitas Africam credi voluit provinciam monstrorum feracissimam, quod singulis diebus aliquid novi produceret, crediderim ego historiam istius anni, quem exordimur, attentum lectorem eo admirationis perducturam, ut ei Europam conferre non dubitaverit. Diversitas enim nimia, quæ occurrit, justam paralleli causam præbebit, cum fere quotidie haud vulgaria emergant, quæ rei publicæ novam videri possent inducere faciem.

Bellona incendia undique suscitatur: Pax illa per Italiam extinguere conatur: Favor & Malevolentia admirandos dant eventus: Ingratitudo producit monstra, quorum malitiam secula ventura vix crediderint: Amor & odium potentiam reciprocant: omnia cæli flagella videntur conspirare in perniciem populorum & exercituum, quasi certatim: & ut compendio dicam, nihil adeo insolitum fingi potest, quod non tantum in Europâ, sed etiam in ipsâ Galliâ, invenire liceat.

Ipsam cælum videri posset, quod ob varietatē corti-
scanti-

cantium astrorum maximè admiramur, aliquando delectari negotiorum summa diversitate, in aliquod imperium coaceruata, adeo ut permiserit partem discriminum illorum, ad exercendam prudentiam eorum quibus summa rerum est commissa: Sapientia enim divina perfert, ut serenitas aliquamdiu densis nubibus, quas postea dissipet & resolvat, ad uberiorem gloriæ messem, obsufcetur.

Ea est conditio regnorum, & privatorum, ut æqualiter fortunæ tempestatibus subiciantur. Quemadmodum autem Naucerus sapiens navem adversus vim sævissimarum procellarum, quas ingruere videt, tutatur, nec permittit, ut fulguris acutissimum lumen, & crepitaculo horrenda tonitru, quod aërem circumcirca findit, & dissecat, mentem de sede excutiant, ita summus Minister inter vehementissimas collisiones fortunæ nihil commovetur, ejus animus virtutem triumphari nunquam finit, aut à legibus prudentiæ discedere, cum easdem consiliorum & instituti sumserit regulam. Id enim per universum istunc annum Cardinali usovenire intelligemus.

Politica reminiscentia.

Scrutantur alij Naturæ secreta, & alij observata, aut prætermissa indagant, nihil ferè mutationis, nisi ex ingenij acumine, & manuum industria illatæ animadvertentes. Alij in altum subvolant, & astrorum concursus, amicitias, insidias, odia, & quicquid humanorum motuum illis affingitur, propalant, ut admirationem apud vulgus imperitum mereantur. Sed qui cursum vitæ humanæ, adeoque imperiorum vicissitudines adnotant, ipsi stupent, dum lectores in stuporem conjiciunt, per tragica exempla, fortunæ vesanæ ludibria, & rerum humanarum inconstantia.

Timoleon vel dormiens oppida munitissima capit, fortunâ pleraque subrete compellente, dum Nicias Atheniensium celeberrimus cum universo exercitu perit. Sed diversigenij mortalium diversam sortiuntur fortunam:

nam: & omnibus rebus videntur statuti termini, quousque confurgere possint, & unde descendere debeant; quemadmodum quereum ajunt centenis annis crescere, totidem stare vegetam, & eodem numero interire.

Id vero & Imperijs usuvenit, quæ incrementorum summam implent, & paulatim in partes dilabuntur, tanquam navis scopulis illisa. Seculorum etiam feriem licet observare, proventu admodum diverso: nam aliud seculum sibi poscunt Heroës, ad expeditiones famosas, & coloniarum diverticula; aliud artes, ad excolenda mortalium ingenia. Sic Numma Pompilius diversam instituit rationem imperandi, quam Romulus: adeo ut Natura videatur tædium rerum per crebriores mutationes vitare, ut mortales commoda pacis ex bellorum arumnis æstiment.

Parratio annorum singulorum per secula, qui longè diversissimi illucescunt mortalibus: nam hic videtur Cornucopias effundere; ille penuriam exercere: hic robur lacertorum contendere, ille nervorum vincula solvere, ut valetudinis diversitas annorum discrimina distinguat. Tum autem ægritudines animorum incurstant aliquando turmatim, nonnunquam lætitiæ panduntur campi Elysij: adeo nihil certum, fixumque Luna despicit.

C A P U T II.

Archiepiscopus Lugdunensis & Bannius purpuratus adscribuntur.

EXordium anni lubet sumere ab honoribus, quos Rex habuit Archiepiscopo Lugdunensi & Bannio, Nuncio Pontificis perpetuo, dum Cardinalatus tiaras, à Pontifice indultas, utrique confert. Illius merita honorem Cardinalatus longissimè superabant, ut virtus
ab

ab universo populo laudata, in Ecclesiæ intigne dispendium, ad Monasterium delituisse crederetur. De laudibus ejus nihil addidero, nisi id unum, fratrem eum esse nostri Cardinalis, quæ sola ratio eminentissimam hanc dignitatem auferre posset.

Rex, qui occasionem, quæ merita summa in suam personam & regnum benevolè excipiat, nullam transmittit, non sustinebat, fratrem ipsius Ecclesiæ vacare, sine auctario honorum, quos fas est Gallis capere. Ipse Pontifex longè certior erat, de summis, quæ Ecclesiæ procurabat emolumentis quotidie, quin fratri operæ pretium adderet Cardinalatus insignia, quem ipse amplius evehere nequibat, Curia quidē Romana ex veteri instituto Cardinalatus insignia eodem tempore duobus fratribus non permittit; cum autem illæ leges gratitudinē meritisimè cedant, summus Pontifex nihil pensi habuit.

Hic vero Bannius, quamvis ex consuetudine, quæ Nuncijs aliquamdiu apud Aulam Galliæ hærentibus eum honorem plerumque impetrat, aliquid juris videretur ad Cardinalatum adipiscendum habere; meruit tamen judicium apud omnes regni Magnates, adeo benevolum, ut non tantum Cardinalatus insignibus, sed etiam tiarâ Pontificali, quam omnes uno ore ei ominabantur, dignum existimarent: quod animum regis aliquatenus ei singulariter devinxit.

Genij dotes facilè persuadebant omnibus, in Curiâ Romanâ eum aliquando magnam adepturum auctoritatem; tamen si summus honorum apex non obtineret: rebus igitur Galliæ valde profuturus credebatur, cum in Consistorio summo sæpè patrocinijs laboraret, ut vel inde eminentissimam dignitatem auferret.

Politica reminiscencia.

Quamvis Cardinales in Galliâ, veluti principes Exteri censeantur, eorum tamen honores multum conferunt reipublicæ emolumentis. Majori etiam polent auctoritate inter illos, ob creberrima, quæ cum Pon-

Pontifice quotidie obveniunt negotia transigenda. Suspiciendi insuper fuerint, ut primarij tutores libertatis & immunitatis Gallicanæ Ecclesiæ, sub regis auspicijs. Cumque primarij sint Regis ministri apud Pontificem, nunquam non visum, aliquot Gallos, aut saltem Galliæ impensè faventes illic degere, qui regis adeoque Ecclesiæ compendium apud Pontificem summum procurarent.

Inde etiam evenerit, ut ubi degenerent illi à sanguine aut benevolentia erga regnum aut personam regis, ad Hispaniæ partes delapsi, sævissimæ turbæ orientur, quod aliquando factum meminimus. Equidem crediderim, Galliam rectius carere istiusmodi Cardinalibus, quam eos porro fovere. Non tamen in id temporis incidimus, ut hoc malo laboremus, cum Gallia receptum decus Cardinali debeat, proxime à rege agenti causæ: Regi enim summus vindicatur honor, qui eam potestatem in Pontificis animum sit nactus, ut Itali ipsi non sine causâ dixerint, ipsum Pontificem jam factum Cardinalem.

C A P U T III.

Estræus ad Venetos legatur, bono Mantuani.

DImissis, quæ super novorum Cardinalium honoribus ad rempublicam spectantia in medium proferri possent, dicam, adulto anno superiore, fortunâ destituisse armâ Austriacorû, quibus raro favorem diuturnum mutuat; ut jâ miles imperatorius morbis & penuriâ conficeretur, ad necessitatem solvendæ obsidionis. Cum autem in præsidia tantum, omisâ Mantua recessisset, Mantuanus de servando imperio obnixè sollicitus erat.

Sponte intelligebat, ambitionem Hispaniæ, quæ à quinquaginta annis occasiones assiduo occupatur, Italiæ occupandæ, primum institutum resumturam, supple-

mentis ex Germaniâ accitis, ut meliori ordine necessaria ad subsistendum subveherentur, post sinistrum experimentum. Regem igitur plurimum rogat, authoritatem suam apud Venetos interponeret, ad exercitum scribendum, qui camporum latitudines complexus, imperatorij animos frangeret, ne Mantuam denuo impetere auderent.

Assensum, adeo ut Estræus ineunte Januario itineri sese committeret, auxilia illa apud Venetos procuraturus, cum singulari mandato, ut exinde Mantuam sese conferret, prout Cardinalis antequam discederet, id Regi suaferat. Sicuti autem non parum interesset Venetorum, Hispanum à Mantuano Imperio abstinere, ne ibi nidularetur, quod potentia ejus aquilinas referat pennas, quæ viciniore arrodunt, ita non magno negotio patrociniū ipsius susceperunt.

Ducem Candalæ dicunt Imperatorem, cui tardius licet, & post Estræi vehementem efflagitationem, duodecies mille pedites, & ter mille equites subdidere, quibus Candalæ & Valettani legiones, ad sexies mille expeditorum, quos Rex submiserat, jungebantur.

Politica reminiscencia.

Omnino necessarium sit, hostium instituta prævidere, antequam eorum executionem sumant: quæ providentia ex utilitate, cum in publicum inde redundet, magnum acquirit pondus. Ille princeps grandi vituperio vapulabit, qui tum demum apparatus ceptat, ubi hostis portas molitur, admoto exercitu: sæpissimè hinc negligentia dat gravissimas pænas. Nam apparatus belli, qui ex metu invasionis fit, indicium facit virtutis, & testimonium instituti; unde hostis animus eo magis deferbeat, quod intelligat, vim vi repulsandam. Sic sanè non raro etiam extra provinciam distineret.

Neque minus periculi trahit, ubi hostis post partam victoriam contemnitur; quod inde longè minus

decurrit ante prælum commissum. Quamvis metus dedecus & ignominiam inferat, cum pedem in conflictu retrahit; qui tamen in principis animo nullum alium producit effectum, præter apparatus belli, ubi invasio intentatur, laudem omnino feret amplissimam.

Quin imo contemptus ille de hoste conceptus, magno potest esse dispendio, si negligentia sequatur, quæ copias palantes ad vim sustinendam non colligat, hoste interea in compendia temporis & muniendi rationem intento, donec executionem destinato sumat: unde non minor difficultas eum repulsandi & clientelas solvendi, quam facultas præmuniendi, ut à vestibulo arceretur. A Cæsare hanc mutuor regulam, qui hoste nunquam contempto, plerumque militi persuadebat, majorem vero ejus numerum, ut audentius accingerentur, vel intensâ virtute, vel exacto ordine ad mandata militaris disciplinæ.

C A P U T IV.

Rex iter in Italiâ suscepit.

HÆc eadem ratio Cardinalem Lugdunum versus majori diligentia trahebat: ibi primum didicit, Sabaudum perfidiæ reum, quam ille suspitione erat affectus; dum videlicet in eo totus esset, ut pratexeret vela & machinas, ne promissa regi facta adimpleret, ad quæ per pacta Susanna sponte se obligarat.

Hinc enim angustias Sabaudia & Pedemontij aperire, forum rerum necessariarum struere tenebatur, certis rationibus pecuniarum & frugum, uti convenerat, cum jam major pars esset exhibita. Hæc ubi renunciatur, regis animum adeo acriter pungebant, ut ire ipsius constitueret, nullâ habita ratione itineris longinquæ, adeo ut glacies, nives, & violentissimæ intemperiæ hyemis sævientis eum divertere non potuerint.

Politica reminiscencia.

Princeps generosus istiusmodi offensus impos, ægritudine animi non premit: uritur intus ad vindictam, donec in authores proterviæ refundat malum promeritum; adeo ut per injuriam illatam minimè flectatur, cum inde novas vires colligat, ut potentius perumpat.

Novit utique firmum & constans institutum optimi consilij vicem ferre, quod in istiusmodi casu capere possit: nihil terretur, in consilio obfirmatur, ut hostibus per armorum vim coram faciat planum, quantā injustitiā laborent, quicunque adversus reverentiam majestatis, & fidem officij, quicquam audeant.

CAPUT V.

Rex præsentia suâ vult animare militem.

Rex igitur certior de Hispanorum instituto, & Casalâ denuo obsidendâ, ut periculum facerent in gloriâ nuper omisâ, quam hoc anno recuperarent. Neq; ignorabat, Spinolam eo consilio in agro Mediolanensi cum exercitu numeroso hæcerc, donec primum ver ad obsidionem commodè sumendam omnia redderet mitiora.

Eâdem prudentiâ assequabatur, præsentiam suam magno usui apud exercitus futuram, qui vinci inde nefciunt, honoris semel acquisiti pertinaces: igitur eo animo, qui omnes difficultates transcendit, ubi de prælio agitur, iter suscipit, ut militem præsens firmaret, & tantundem gloriæ expeditione sumtâ acquireret, quantum dedecoris Austriacis adcrescit, qui intra parietes cum delitijs conflantur, dum miles periculo præliorum exponitur, aut obsidionis flagellatur ærumnis.

Politica reminiscencia.

Certissimum est, Regem præsentiam in exercitu immane quantum præstare, Spiritus enim nescio qui ex Majestate illorum effunduntur, qui animos militis adeo incendunt, ut nihil ipsis obsistere possit. Generosissimus utique quisquis ægrè effervescit, nisi testes facinorum sciat Principis oculos, à quo aut gloriam, aut operæ pretium speret: adeo ut etiam ignavissimi sub oculis illorum aliquos stimulos adhiberi animæ sentiant, ut nullus casus metum aut periculum incutiat, quin pergant virtutis specimina edere.

Henricus IV. qui Magni nomen meruit, vel sexies ostendit, quantum momentum præsens ipse adferret armis, cum paucissimis copijs illustres victorias potentissimis exercitibus hostium extorqueret, præcipue ad Arquas & Fontem gallicum, ubi manifestum fecit, vel suam solius personam, tantillis copijs suffultam, vincere.

Iniquus esset in Regis virtutem, quicumque minus animi ipsi daret, quam author vitæ & coronæ unquam exeruisset, cum in plurimis occasionibus testatus sit potiora. Nihil igitur cogitari poterat, nisi maturatum ipsius iter, ut ad exercitum præsto esset, quamprimum de negatis angustijs certior fieret.

CAPUT VI.

Regina mater comitatur regem.

Regina mater, quæ constituerat à Rege nunquam discedere peregrè abeunte, tum ut partem rerum agendarum sumeret, tum ut ab auxilijs Mantuano ferendis, quantum posset, eum distraheret, etiam impediret; quærebat occasionem, ut Cardinalem regiâ benevolentia excuteret, adeo ut nullo rigore hyemis, nullis via-

viarum difficultatibus, à consequendo Rege prohiberi sese pateretur.

Parisiis igitur continuo deserit, ex persuasione & vario consilio Mariliaci, quem Custodem sigillorum meminimus. Is enim in animo illius potens, impensè desiderabat fortunæ suæ authorem sternere, ut per illius ruinam in summum locum subiret.

Politica reminiscencia.

IRa, animi motus vehementissimus, quidvis audet : torrens iste omnia obstacula perrumpit, eloquentiâ tantum valet, ut audientes dicto per quasvis difficultates rapter, modo vindictæ aliquantillam videat rationem exercendæ. Satis ipsi industriæ, ad occasiones noscendi captandas, si quem sibi scopum proposuit, adeo ut nihil pensi habeat labores, ubi votis potitur.

Quoniam autem nullum ipsi cum prudentiâ commercium, cum unam audaciam legat comitem, quæ montes in planitiem deducere spondet, sapissimè præcipitat clientes suos in laqueos alijs paratos. Oculos enim in scopum semper defixos & finem propositum habet, nec otium sumit difficultatibus expendendis, periculis exigendis & dispendijs ponderandis, quæ media ad illum finem obtinendum necessario comitantur.

Hinc videas, animos iræ semel mancipatos, nihil meditari, quam ut fervidos animi motus restringuant, cui rei nullas Oceani aquas sufficere credunt, nisi exitium inimicorum, quos odio premunt, consequatur, dum nihil advertunt, eodem remedio novas excitari flammæ, quibus ipsi ustulentur, adeo ut ad priorem animi morbum nova ingratitude monumenta addere nihil dubitent.

Tandem etiam graviora in animis Magnatum pariet pericula, quod instituta, ad quæ illos impellit, non semper normam boni publici affectantur, dum ipsi præ cæteris potestate exercendæ vindictæ valeant. Hinc Prætorum aliquis agebat, Eos tanto parcius iræ indulgere, si suimet meminerint, quanto majori polleant autho-

ritate: illum enim animorum motum apud privatos jaculi, apud Magnates fulminis vim inducere, ad totius molis comminutionem, cum nullæ reverentiæ leges, præter illas violentiæ istæ vigeant.

Astra sanè suprema tardissimo voluntur motu: Magnates igitur iræ impetum ad Eminentiae temperantiam redigant.

CAPUT VII.

Sabaudus non vult stare pactis, cum rege initis.

Flum historiae retrahit calamum ad Cardinalis iter, de quo sub finem anni superioris fiebat mentio. Is igitur Lugdunum delatus, nihil temporis amittere cupiens, ad Regem perscribit, nihil opus esse præcipitato per anni tempus rigidissimum, ad incommoda quævis ingruentia itinere. Simul mittit Servientum, Justitiarium militiæ, ad Sabaudum, ut nunciaret, adventasse cum exercitu quadraginta millium opitulatum Mantuano, ne is ab Hispanis opprimeretur.

Debebat autem Dux ex pactis Sufanis arma cum regijs conjungere, ad turandum Mantuanum, & asserendam Italiæ libertatem, promissis regi per Præsidentem Monfalconium iteratis nuperrimè: is enim Regi asseverabat, jussu Ducis, decies mille pugnatorum præsto futuros, ad exoluendam fidem, foro annonario ad exercituum necessitatem parato. Cum autem rerum præsentium constitutio postularet, ut sese aperiret, & promissis vim conferret, injunxerat Serviento Cardinalis, ut ex parte regis solidum responsum exprimeret.

Illud, si Sabaudus juxta sinceram pactorum fidem, quæ fæderatorum Principum promissa debet amplectari, expromeret, hanc summam tulisset. Promissorum memorem, ad amissum satisfacturum. Hæc tamen fidelitate neglectâ, primum respondet, Præsidentis Mon-

Monfalconij sermones apud sese esse irritos, nullo indicio, de promissis præstandis. Suspicioni sic apertam præbebat ansam, ut nemo non collusionem cum Hispano intelligeret, de qua jam alicunde constabat penitissimè.

Politica reminiscencia.

P principum verba, æque inviolata, ac aræ. Quancunque successus rerum gestarum nunquam satis materia exaggerarint, ad fidem frangendam, unum prætextum ex improvidentiæ vituperio mutuati. Æque turpe, dicere, hunc, & illum casum sibi non prævisum, uti gloriosum, promissa servare, & exequi. Neque enim fidelis laudem feret Princeps, qui occasione quacunque fidelis esse desit. Sibi ipsi imponit, si promissa projiciat, cum fides Magnatum potiorem conferat potentiam, quàm gladius præstare queat.

Fides enim à sapientissimis armamentarium instructissimum juxta & potentissimum habetur, quod opem cæterorum Principum, quousque fidem coluerint, fiducia complectitur: cum ab omnibus deserantur, quamprimum promissorum fidem vacillare patiuntur, ex lege talionis, quæ fidem subiectam in minus fideles permittit. Is etiam vecordiae maculam suscipit, cum sola promissorum negatio animi trepidi præbeat indicium, unde ad fœderatos deferendos inducuntur.

Princeps generosus etiam hosti exolvit fidem, cum nulla vis metuenda, nulla necessitas exuperanda mutationem animo inferre queat: credit enim, prosperitate quidem se eousque progressum, sed adversarum rerum eventu potissimum adstringi. Virtus Attilii Reguli, qui sponte ad supplicium destinatum rediit, ne fidem hosti datam violaret, per universam summè celebratur antiquitatem.

Istud axioma apud mentem Sabaudi nullum inveniebat locum, quod cum Hispanis fœdere implicitus, credere poterat, sibi morem illorum convenire, qui adeo pa-
rum

parum fidem colunt, ut ipsi proverbio ferant, Et verba & pennas ventis differri. In hoc tamen cespitavit, in proprium dispendium, quod etiam per inane institutum diversarum decipularum, quas Cardinalis sagacitati tendebat, didicit.

CAPUT VIII.

Quid Sabaudus Cardinali proposuerit.

Constituit igitur, ut Servientus ad Cardinalem referret, an cum Principe Pedemontij in ponte Beauvoisin vellet colloqui, de summâ rerum, cum sibi ipsi persuaderet, eo pacto amplissimam spem productum iri, ne in nervum erumperet bellû, aut angustia vim paterentur. Cardinalis autem sciebat, deliberandi tempus effluxisse, agendi momenta instare, ut nempe ille angustias recluderet, & forum annonarium præberet, quemadmodum conventum erat dudum: cum etiam averet tantum Principem, regis sororium sui, impense colere.

Intelligebat tamen, quantû splendori regis, qui imperiû in exercitus contulisset, decedere posset, si ad colloquiû cum Principe, promissorum negligente, & ad impostram parato, descenderet. Recusat igitur ire, jam certior, cum solum finem in animo Sabaudi versari, ut exercitus retentetur, nullo progressu factô, & retentus paulatim dilaberetur. Progreditur ergo Embrunum. Susâ ad primum introitum declinatâ, ne per necessariam moram illic affligeretur exercitus, annonâ imminutâ.

Politica reminiscencia.

Nemo ibit infitias, abjectissimum Magnatis animum prodi, qui ad hominem ancipitem, fractæ fidei, & in perniciem exercitus colloquium versantem descendit. Quod si abeat, armatâ dexterâ, ad castigandam injuriam, quam alter intulerit, procedat. Equidem cum

Cos.

Cosmo Mediceo, qui magni nomine celebratur, fecero: is enim promptum habebat dicere, Inimicis offensas esse remittendas; Eos vero, qui sub amicitiae nos velo produunt, puniendos.

Licet vero regi, aut ejus legato non libeat susceptas injurias vindicare, ignominiam tamen non vacarit, Principem, qui suis tantum compendijs incumbit, invisere: Prudentia ibi erroris, & virtus temeritatis arguentur. Sæpius etiam innotuerat, colloquia Principum, offensas utrinque urgentium, potius odium, quam benevolentiam conciliare, quod acutissimè animadvertit Plutarchus de colloquio Pompeij & Luculli: cui assentitur Tacitus de colloquio Germanici cum Pisone.

Locus quidem à Sabaudo ad colloquium destinatus, satis commodus videbatur ad usum, à summis ducibus aut Principibus institutum; quibus solitum erat, pontes ad colloquia legere, in quorum medio defigerentur sepimenta, ad cavendas invasiones. Suggerebat etiam historia, Philippi Cominæ, eo modo Ludovicum XI. ad Eduardum Angliæ regem in pontem Pequinium processisse: sed nec memoriam effugerat, Authorem eundem grande vituperium intentare ijs Principibus, qui istiusmodi colloquia instituunt, offensionibus nondum abolitis; eo addito consilio, ut transactiones Ministris, nihil privatum læsis, committantur.

CAPUT IX.

Cardinalis artes Sabaudi intelligit.

SABAUDUS ex istâ repulsâ colligebat, artes suas Cardinali patere: ut igitur castigationem declinaret, aliud vasframentum capit, dum angustias aperit, & forum annonarium præbet, sed quorsum Urbi tantum commearent. Quod siloca minus commodaviderentur, promittebat diversa, præter annonam adeo parcè præbitam, & adeo tardè subvectam, ne exercitus prodire posset.

Car-

Cardinalis igitur, cuius genius effecta in causisprehendit, artes istas jam ante præceperat animo provido, adeo ut regi omnia jam constarent.

Postquam igitur mandata regia perlata essent, de viâ militari, quam vulgo vocant, sumendâ, cum nulla facultas esset hospitiorum per cæteras, ubi exercitus coerceri, adeoque extingui potuissent, si hostibus æquæ vires ad malevolentiam adfuissent; Cardinalis eam, cæteris omnibus recusatis, tenuit: ut jam de foro annuario disceptaretur tantum.

Vix dici potest, quantas ad id remorandum Sabaudus excogitavit technas, donec Imperatoris & Hispani Ministri satistemporis nanciscerentur ad loca & claustra per Mantuanum & Monferratensem agrum firmanda; & exercitus regius per impatientiam animorum, & annonæ penuriam periret. Nunciabat, nihil granorum per Sabaudiam superare, cum tamen ingens eorum vis ex Breslæâ, Delphinatu & Burgundiâ comportarentur, & à rege Nicæam submissa jam extaret.

Pretium etiam annonæ majus, quam convenerat, constituit, quod tamen Cardinalis habuit ratum, ut omne genus excusationum anteverteret, pecuniâ etiam, quam exigebat, ante tempus numeratâ. Sic dies quintus decimus elabitur, antequam militipanem præstaret, quotidie novis difficultatibus per industriam enascentibus. Tandem Condoni angustias quantumcunque de commodioribus rogaretur, aperit.

Eæ satis conveniebant æstivis temporibus, cum eo momento rerum districtus ille palustris difficillimum transitum exhiberet. Adeo ut universum Sabaudi institutum aliquo tempore imposturas nexuerit contiguas, ut promissa de angustijs aperiendis, & annonâ præstandâ cluderet.

Politica reminiscencia.

Satis familiare est Principibus, qui fæderatis hoc aut illud denegare satagunt, ut excusationem involvant impossibilitate, aut summas in executione suscitent dif-

difficultates, ne simpliciter negasse videantur. Fatendum quidem, non nihil illi prudentiæ concurrere, cum excusationes in promissorum fidem non impingunt: ubi vero Principis fidem lædunt, causam præbent incusandæ injustitiæ.

Sic hostium numero habebitur, ad quem vis sinistrum casum, qui vel exercitum conficiat, unde occasio ipsum debellandi, salvis etiã pactis, nascatur. Is enim existimatur fide primus frangere, non qui ad arma prior cõvolat, sed qui eorum corripiorum occasione dedit, dispendio alieno per injustas artes quæsito. Id quod Procopius, Armeniæ legatus agebat, Colroen, Persarum regem, ad societatem belli adversus Justinianum adhortatus.

Quicumque autem istis excusationibus uti voluerit, videat ut viribus præpolleat, ne inferior perfidiæ pænam ferre cogatur: nihil enim difficilius, quam debilitatis viribus alios circumvenire, cui conatui illorum prudentia, relictis artibus occurrit, quemadmodum potentia ad vindictam properat.

CAPUT X.

Panzirulus Nuntius pacis media inter Sabaudum & Cardinalem proponit.

PRimarium artificium, quo Sabaudus credebatur prudentiam Cardinalis circumvenire, ut negligentius copias, tormenta & victui adeoque militiæ necessaria promoveret, constituerat in frequentissimis missionibus, quæ paci conciliandæ diversa proponebant. Iam Panzirulus Nuntius, sine facultate agendi, jam Mazarinus, aut alius quispiam ex aulâ adventabat, nullo ad principale regis institutum assensu, quo uno cetera explanari poterant; cum id unum rex quæreretur, ut transitum præberet, ad asserendum Mantuano imperium, quotiescunq; ille peteretur.

Sabaudus autem ad hoc peritum surdas adhibebat aures,

ares, quemadmodum ab Imperatore nunquam impetrari potuit, ut Principibus Italiae permitteret fidem ejus adversus quoslibet defendendi, cum nec Hispani ferrent, aliquas Gallorum copias, quibus summe egebat ad imperij conservationem, ipsius stipendijs addictos in Italia subsistere, cum ipse ex subditis exercitum justum conscribere nullus posset.

Cardinalis satis perspiciebat vanitatem propositio-
num illarum: auscultabat tamen, ne à pace recederet,
semper nihil desiderari passus in suâ diligentia ad per-
urgendas conditiones, sine quibus Rex nec securè, nec
decorè armorum institutum omittere posset. Pax enim
quæcunque illarum conditionum ex parte exiguo tem-
pore constitisset, cum sic Hispano & Sabauda otium, ad
claustra firmanda, & ad viam sternendam, quâ commo-
dius in imperium Mantuanum grassarentur, quæreretur.
Id quod Gallia nunquam tolerasset, tametsi cæterum oc-
cupatissima, & non sine insigni vituperio, ubi obstare ne-
quisset, permittere necessum habuisset.

Politica reminiscencia.

Fatebimur facile, si summatim omnia considere-
mus, pacem eo magis reipublicæ oprandam, quod
bellum deploratissimas inferat conditiones. Pax e-
nim est jucundissimum societatis humanæ vinculum,
delirium naturæ, nutritrix legum, ordinis & administra-
tionis: pax deserta cultu aggreditur, terras reddit ferti-
les, & omnibus eo gratior est, quod securitatem cum li-
bertate ferat.

Bellum vero est scaturigo fatalis malorum, desola-
tio provinciarum, oppidorum demolitio, populorum
expiatio, & causa omnium miseriarum. Duobus ta-
men locis bellum fuerit paci præferendum: Cū pax non
potest diu constare: nemo enim dubitat, magnæ fore im-
prudentiæ, rem exigui temporis firmare. Id Archidamus
consulebat, cum Lacedæmoniis pacem cum Thebanis
dissuaderet.

Apud Isocratem Principes sapientiâ clari bellum su-
munt,

munt, ut pacem securiorum suis concilient: tumultus bellicos libenter tolerant, ut diuturniore fruantur tranquillitate. Certum enim, arma in manu viri sapientis plurimum ad eam firmandam facere. Æquiores etiam Politici bellum paci prætulere in omnibus occasionibus, ubi nulla satisfactio sine Principis & reipublicæ dispendio speratur.

Pax non nisi honestissimis conditionibus constituitur, non tantum, quod Principis gloria omnibus rebus præferenda videatur, sed etiam, quod alias parum secuta credi possit; cum experientia demonstret plurimis documentis, pacem tumultuariè factam, ad recuperandum honoris compendium, quod perierat, facile solvi: id quod Carthaginienses fecere, post pacem cum Romanis juratam, exacto primo bello, quod T. Livius annotavit.

CAPUT XI.

Casala accipit annonam.

Post tot imposturas nihil videbatur reliquum facturum Cardinalis, ad bellum Sabaudum declarandum. Cum autem animus prudentiâ duceretur, quamvis nullam fidem haberet, hostes regis pacem cuius tam crebream faciebant mentionem, accepturos; transactionis tamen exordium tam cito abrumpere noluit: Sic enim iniquitatem suam manifestabant, ad maiorem iustitiam regionum armorum celebrandam, quæ nullam honestatis capacem rejecissent oblationem.

Sic etiam tempus indulgebatur ad consilia in apri- cum producenda, & Casalam annonam instruendam. Quo utroque sanè caruisset, ad bellum apertum prolapsus, causâ hostilitatis præbitâ. Quamvis enim Sabaudus non satis haberet virium ad regia superanda arma, poterat tamen annonam Casalæ inferendam avertere, sine quâ extrema fames nunquam militi permisisset diu-

turniorem obsidionem, quam Spinola meditabatur.

Dimicando etiam per Pedemontij terras potuisset regiones distingere, donec hostes, obsidionem iniissent, & fossis valloque munissent ad vim facile arcendam. Posteaquam vero Casala annonam suscepisset, ut jam è necessitate honestè paciscendi esset cluctatus Cardinalis; neque virtutem, neque fidem ulterius sustinebat, quin proterviam hostium castigaret, dissimulatione, quam prudentia eousque imperaverat, posita.

Politica reminiscencia.

Non expedit quovis tempore abrumpi pacis negotia, tametsi de eâ concludenda parum restet spei. Quemadmodum vero diversa inde compendia duci possunt, ita arbitrer, sæpissimè multum utilitatis in prolongatione, quantum honorferat, inveniri: modo ibi temperes, à desiderio ejus adipiscendæ nimio, quod exiguarum virium certissimum argumentum, hosti compendium auget, uti sapientissimè animadvertit Sallustius in oratione Philippicâ adversus Lepidum.

Licet Princeps nullum aliud ex negotiatione pacis ferat commodum, quam ut liberè diversos emissarios ad hostem destinet, qui sub umbrâ negotiorum, consiliorum momenta perentiscant, & quid agatur, referant, jam satis lucrabitur. Id enim lucri Cardinalis in eâ occasione quærebat, dum vix ullum transire sineret diem quin ad Sabaudum viros natalibus, & usu rerum celebres mitteret; gnarus utique, istarum virtutum tenaces, per ipsa negotia summam rerum gerendarum facile expendere, etiam ad secretiora hostium consilia penetrare. Id quod Plutarchus in virâ Hannibalis animadvertit, quem ait istanc partem prudentiæ in bello, quod eum Scipione gerebat, probè exercuisse.

CAPUT XII.

Diversa colloquia Pedemontij cum Cardinale.

Non possum calamo temperare, quin diversa Cardinalis cum Principe Pedemontij colloquia referam, quibus supersedere non poterat, à quo tempore Sabaudus angustiarum usum promiserat cum annuario foro. Vehementer etiam instabat Cardinalis apud Sabaudum, qui videbatur causam dissidij sustulisse, quod colloquio penitus negato fovere potuisset. Idvero libentius annoto, quod istæ visitationes cæteris Principibus usui esse queant per similes occasiones.

Pedemontius nihil aliud quærebat in istis colloquijs, nisi ut Cardinalis cōsilia expiscaretur, per elicitos sermones, & ad sensa animi pertingeret, si forte de conditionibus pacis universalis aliquid decerpi posset, quam fiduciam ex incommodis exercitus hospitij primis ducebat, quæ animum aliquantum inflectere potuissent.

Cardinalis autem, cui sapientia abundabat, præter usum rerū, familiares istis visitationibus scopos non ignorabat, ubi maximè cū ijs agitur, è quorum instituto jam patuit, imposturas quæri: sic eam cautelā adhibebat, ut Pedemontius nihil omnino compendij auferre posset. Prima igitur visitatio in reciproca benevolentiae signa & testimonia, per solita civilitatis aulicæ verba, impendebatur, nullā negotiorum factā mentione, cum Cardinalis honestam sumeret excusationem, ne quid prior in medium proferret, qui id honoris Principi exhiberet, ut desideriorum summā exponeret. Princeps vero aperi metuens, Cardinali exordium remittebat.

In cæteris rectius collocatum tempus, multo de pace universali sermone, cujus articuli utrinq; pensitabantur. Cardinalis tamen semper insistebat conditionibus, quas nomine regis protulerat, interpositā fide, Sabauda, si eas iniret, apud regem satis factionem integram deside-

riorum paratam; nulla planiore mentione rerum singularium; satis aperte testatus Pedemontio, cum ipsius consilia nihil curiose exquireret, nihil miraretur, si de regis instituto nihil propalaret.

Politica reminiscencia.

Magnatum temperantia in agendo, res est tanti commodi, ut non per omnia hebetes rationem invenient ad sensa animi abstrusissima assequenda, quo rectius obnitantur, & repagula firmant. Norunt aures tam dextre obsidere, quæstionum varietate, ad titillandos animos composita & animum tam cate versare, ut, nisi in silentio totus torpere malit, quod incivilem argueret mentem, & majori suspitione flagellaret, vix evitarit, quin propensionem animi declarat.

Maximæ mortalium parti negatum, personam alienam diu sustinere in sermone alicujus momenti, quin aliquatenus sese aperiant; ubi corporis compositio, & membrorum gestus plura loquantur, quam verba sonent. Hinc in viro, rebus agendis admoto summe requiritur, ut panopliam induat, antequam in illam arenam descendit, seque præparet, non tantum ad sua consilia occultanda, sed etiam ut per illam simulationem propositionum quas fecerit, nihil pateat cum medijs instituti sunt commune, trahat tamen aliquid ex instituti parte manifestâ.

Hæc esto sermonum prima & ultima materia, quos omni civilitatis obsequio, & verbis speciem aperte mentis referentibus ornet, novis quibuscunque ad disceptandum prolatis, ex tempore nunquam ad respondendum adactus. Mora enim illa certissimum est refugium viro sapienti, qui negotiatur; vix vero cavebit celsipitationem, quin sese aperiat, ubi progredi cupit, & responsum extemplo reponere properat. Illi enim quibuscumque ipsi est agendum, plerunque satis habent simulationis, ut sese præparent ad imposturam, unde sagaciter mentem dignoscas, tamen si alienissimè perversam. Hinc fieri nequit, ut omnia caveas, nisi mora interposita.

Pau-

Paucis omnem rem absolvero verbis, ut feliciter in istiusmodi occasionibus procedatur, oportere virum rebus agendis admotum, ingenuitatis famam, & sermonis veritatem auferre, cum alioqui nulla prorsus fides verbis ipsius habeatur, adeo ut vel hinc institutum, quo hostibus quidvis conatur persuadere, frustretur, cum iam omnes intelligant, mentem a sermone longissime discedere. Est etiam, cur sit taciturnus, ne per ullam rimam pateat ipsius institutum. Denique industriam habeat ex longo usu dissimulandi, ut fingere possit, sese aliorum collineare, quam quo contendit, adeo ut ex sermonibus ipsius contrarium liceat animadvertere.

CAPUT XIII.

Sabaudus fit perplexus.

Nemo satis aestimaverit, prudentiam admirandam, quam Cardinalis exeruit per universas illas sermone inquisitiones. Intricabat enim Ducem Sabaudiae, Principem Pedemontij, Marchionem Spinolae, & quicumque cum ipso negotiari instituerant. Principalis illa dos, quae Gallorum rationi plerumque acquirit aestimium, virtus est armorum, nunquam non celebratissima, ubi tamen non pauci rerum aestimatores iniquiores aliquid prudentiae in negotiationibus eidem deesse arguere.

Isti vero periculum prudentiae Gallicanae fecere in eo cardine rerum ad suam ipsorum ignominiam, jam certi, Cardinali nihil minus esse prudentiae, quam fortitudinis, cum nihil posset illis de instituto innotescere, etiam summa & ima rimantibus; & tandem per quavis genera dilationum ac detrimentorum frustra conati ipsum defatigare, conspicabantur primum agmen circa Susam moveri, & Caselettam petere, ignari etiam, quo consilio id fieret, cum à Casalà non ulterius recedendum, sed ad eam accedendum potius videretur.

Cardinalis autem id agebat principaliter, ut Sabaudum

induceret ad conjunctionem armorum, si tantus exercitus ipsi incumberet, & nescio quid æmulationis aut scrupuli pareret. Debebat vero id bonâ fide, maxime ubi Cardinalis miserat, qui nunciaret, justè id peti, quod Rex ipsi vallem Siseriam, ubi pons Gresinus, petenti permisisset ad istas leges; de regis autem voluntate sibi penitus constare, qui nihil omisurus ad desideria ipsius explenda.

Politica reminiscencia.

Spiritus nostri, quibus plus est ignis, quam phlegmatis, magno molimine plerumque teguntur & coercentur in negotiationibus: efferuntur fere ardoribus, & cursitant cum præcipitantia versus conclusum alicujus negotij, nihil consideratâ viâ & ratione, ut inde cum gloriâ eluctentur. Potior plerumque prompta expeditio, licet cum aliquo dispendio juncta.

Exteri, quibus innotuit genius noster, solent nobis impatientiam in illo fervore indulgere, ut per quasitas remoras & dilationes fatigati, genios nostros, tanquam in carcere detineant, tricis plurimarum propositionum impeditos. Gaudent enim, nobis tedium sufflare, ut desiderium eluctandi intendant. Hinc ad primam quamcunque propositionem, quæ plausibilis aliquantulum videri possit, complures sese irreti patiuntur; & iidem nihil quicquam meditati, quam ut aliquâ ratione ex illâ captivitate liberentur, quâcunque fenestrâ, ubi ubi aperiatur, elabuntur, nullo pensò præcipitij lethalis, cum eam patientiam à sese impetrare nequeant, ut expectent quieti, donec porta referatur ad exitum honoratiorem & securiorem. Ex hoc vitio maxima ut nascantur incommoda oportet.

Neque enim convenit, ut genius vegetus illius, qui rebus agendis adhibetur, eundem extra oleas & limites prudentiæ propellat, ne motus animi concitet legibus sapientis actionis contrarios. Vigeat igitur fide inconcussa, quâ sustineat insultus larvæ prudentiæ, ad eludenda quævis artificia; etiam patien-

tientiam possideat, ut illorum phlegma superet, spemque alicujus compendij per leporem illum adipiscendi ipsis præcidat.

CAPUT XIV.

Quare Sabauda sui bellam inferendum.

TAndem tamen aliquando edocetur Cardinalis per experientiam, artificia illa Pedemontani solummodo progignere remoram armis regijs, quem tamen eatenus patienter toleraverat, ut sic & Sabauda & Hispanis grandiore impingeret dicam, si universus Orbis Christianis ad oculum perspiceret, illorum duntaxat obstinationem obstare paci, & Casalæ annonā intercludere; id quod sine vituperio ulterius ferri nequeat, cum exercitus regius dissipationem spectaret, & finis negotio esset conciliandus.

Sic igitur advocat Crequium, Schombergium, Auriacum, Thoirasium, Feuquierium, Servientum & Esmerium, longam & exactam seriem præteritorum perterxit, tum quæ pacem universalem, tum quæ particularem attinebant, sententias singulorum exquirat, quid facto opus esset. Communis ibi opinio fert, cum id ageretur, quomodo Casala à manibus violentis hostium vindicaretur, absoluta necessitatis esse, ut aliquas angustias obtinerent, non solum ad transeundum in Italiam, sed etiam ad reducendas copias.

Non quidem summæ fore difficultatis, quâ viâ effunderentur, cum satis virium adesset ad perimpendum, in vitis omnibus facili negotio sternendis, sed rationem esse ineundam de supplementis receptandis, & copijs restaurandis, de pecunijs, quas & stipendia exercitus exigenter, & annona ad sustentationem ejus destinata flagitare, transmittendis, de refugio

certo, si qua fors iniquior exercitum affligeret.

Jam neminem verbis Sabaudi fidem habere posse, post millenas artes & subterfugia, etiam promissa toties non exoluta. Necessarium igitur videri, ut camporum latitudinem inundaret, neque locum, neque exercitum à tergo relinquerent, unde metuendum foret. Cumque fides referat animæ naturam, quæ semel egressa ex corpore humano, nunquam illuc revertatur, nisi per aliquod insigne miraculum; nullam ulterius extare causam cur certi esse queant, fidem apud animum illius principis unquam locum inventuram.

Quod si exercitum ipsius integrum relinquant à tergo, facillimè omnes omnino angustias ad recipienda supplementa, pecunias & annonam, quotiescunq; ipsi visum fuerit, claudi posse. Et jam occupatos pontes Alpini, Collinij, & omnium vadum in flumine Doriæ: diffidentia causas crescere merito ex nimio favore erga Hispanos demonstrato. Nihil igitur differendum, quin bellum extemplo indicatur, cum & morbi jam attenuarent copias, & complures discederent à signis.

Insuper & injuriam regi illatam impunè & sine castigatione non transmittendam, postquam promissorum fides toties languerit, unde tanta incommoda exercitus regius pateretur, quæ ad integram perditionem spectarent. Declarare enim leges politicas, justè suscipi bellum à principe, quotiescunque ob illatam injuriam arma capebat, aut ubi justus metus periculi, quod ipsi, aut exercitui intentetur, adigat ad vindicias, tametsi aperto Marte non sit læsus.

Cum igitur universæ istæ rationes adeo essent fortes, ut exceptiones non ferrent, consultum stetit, de aggrediendo Sabaudo. Omnia ergo ad bellum expediuntur; & tamen, ut majori semet involveret iniquitate, Cardinalis diversis vicibus mirtebat, qui promissorum fidem exposcerent, ut copias cum regijs jungeret, quod omnino debebat ex pactis Susanis, & omnes scrupulos diffidentia tolleretur, qui justis de causis suscepti essent.

Politica reminiscencia.

Quantacunque sit summi Ministri sapientia, nunquam tamen supersedebit à consilio suscipiendo: nihil enim id derogat summæ ipsius prudentiæ, cum & Salomon, regum sapientissimus per orbem terrarum, dicat, firmitatem inaiti consilio, id est, nullum unquam certius institutum, quam quod ex complurium sententiarum contrahatur. Fervor enim animo sæpiculè summis genij offucias obijcit & glaucoma, ubi stimulantur gloriâ.

Neque vero pauciores victoriæ celebrantur consilijs, quam armis obtentæ. Vix fieri potest, quin consilia per executionem in fortunam impingant, nisi id jam per diversa volumina in deliberationibus præstiterint; hinc enim non raro indicia sumuntur, ad fortunæ ludibria declinanda, si fortè occurfare voluerit.

Neque etiam satis fuerit, consilia deliberato contulisse per exordium, cum ferè nullum sit pejus, quam quod à suo ortu nullam admisit mutationem. Sic profecto nunquam satis deliberari poterit, ubi nunquam satis bene agitur, modo occasiones ne pereant, quæ executioni inserviunt.

CAPUT XV.

Quibus de causis Sabaudus ad partes Imperatoris & Hispani transierit.

A Mtequam progrediamur, mihi aurem vellicari sentio, ut arbitros appellem, quibuscunque tantillum superest æquitatis, ad condemnandum calamum maledicum falsi, qui palam profitetur calumniam, quæ Cardinalis, si queat, gloriam conspurcet, postquam à veritate nullum ipsi subsidium est expectandum.

Is scribere audet, Sabaudum nunquam à partibus regis discessurum fuisse, nisi Cardinalis eum ad incitas rede-gisset, contèptim habuisset, imposturis inauditis vexasset, ut prorsus necessum habuerit transire ad partes Imperatoris & Hispani. Nunquid vero id fuerit contem-tum eum habuisse, si fere diebus singulis à viris non pos-sremæ fortis, sed alicuius notæ inviseretur, insigniori-bus etiam de exercitu submissis, qui deferrent condi-tiones pacis, quas somniare posset?

Id vero fuerit contempsisse eum, si diversis vicibus Cardinalis cum Principe Pedemontij egit, & ea civilita-tis testimonia exhibuit, quæ ferocissimos genios potu-issent flectere. Quis vero contemptum arguat, si per tres septimanas aut mensem Cardinalis mille fucos sustinuit, quibus dux exercitum, salvâ pace, regium conficeret? Contemptumne olet, si Servientus missus fuit pridie quam bellum ex necessitate sumeretur, qui invitaret instanter, ne adigeret exercitum regium ad illa extrema, cum jam prius aspectum ejus reculasset.

Quis vero eum contemnit & sefellit, si grandissima vis annonæ delata Niceam, in potestatem illius concessit, datâ amplissimâ potestate, cujuscunque annonæ ex Bressiâ, Burgundiâ & Delphinatu, pro lubitu contra-hendæ? Id vero fraudem feret, si prænumeratam accepit pecuniam, ad annonam procurandam, & forum rerum venalium constituendum? Anne fallaciam dicet, si promissa regia fuere delata, ad vallem Siseriam, & pontem Gresinum ipsi tradendum, ex unico desiderio compla-cendi, & benevolentia contestandæ?

Fallax ne elucet animus, si offerantur copiæ quæcun-que ad jura sua adversus Genuenses obtinenda? Anne imposturæ crimen merebitur, si per tres septimanas om-nis vis hostilis est repressa, ne in ipsius provinciam in-cumberet, tametsi satis causæ adesset ad pacem frangên-dam, à primo adventu Cardinalis, postquam is Lugdu-num pervenisset? Oculis tantummodo opus est, ut per-spicias tam pinguem calumniam, quam calamus ille maledicentiæ æstro percitus sine ullo argumento, præ-terque vela perversitati solita, evomuit.

Politica reminiscencia.

Odium serpentum refert naturam, qui flores pulcherrimos veneno inficiunt; clareque ostendit in hoc exemplo, priscum illum verissimè sensisse & dixisse, Optimam famam esse calumniæ matrem. Nulla adeo iusta fuerit actio & illustris, cuius splendorem non conetur sinistra aliqua interpretatione vitare. Nulla unquā innocentia ab illius injuria tuta fuerit; optime igitur comparabitur, falsis illis speculis, quæ nunquam genuinam vultus formam repræsentant.

Facies armatas sibi fingit in quovis occurfu: contra ipsam veritatem indignatur, ubi rabiem suam videt oppugnari: quantumvis agnoscat innocentiam illius in quem concitatum est, pertinaciam tamen majoris ducit honoris, quam pænitentiam. Philosophi rationem reddunt valde congruam, cum docent, simile esse atræ nubi, qua impediatur & obscuretur lumen rationis.

Hinc fit, ut actiones, quemadmodum corpora semper apparent prorsus alia, præter suam substantiam, trans vapores & nubes, etiam laudatissimæ alienum sensum fortiantur, quotiescunque considerentur per nubes odij: illud enim solet mendacia pro veris divendere. Hinc animi generosi nihil torquentur calumnijs, inde ortis: pergunt in bono & continuant egregia, nullo penso maledicentiæ. Satis enim norunt, non solum odium, sed & æmulationem ab omni tempore conniti, ut summos Ministros suspicionibus involuant, qui inde bono publico reddantur inepti.

Viri tamen boni nullam unquam fidem plurimæ parti istiusmodi rerum adhibent, adeo ut nullum in dedamnum ad innocentiam redundet; cum utrinque notum sit, id genus monstrorum per contemptum expelli, innocentiam verò actæ vitæ satis amplum præbere fulgorem, qui instar solis, quasvis nubes ad æffuscationem & obscuracionem illius contententes dissipantis, tandem triumphandos præbet inimicos, inani malitiæ conatu.

CAPUT XVI.

Cardinalis traducit copias Doriam.

Cum id jam esset statutum, Cardinalis universas copias contrahit in noctem, quæ inter sextum & septimum supra decimum Martis intercurrit, ad locum, gemino vado commodum, quorum altitudinem pridie didicerat, ubi satis spatij pateret, ad partem exercitus regij in aciem explicandum: mandata simul necessaria distribuit, ut ad primum diluculum sex tormenta collocarentur in ripâ, ad loca illa vadosa, quæ traiciendis copijs apta cognoverat.

Sic potuissent Sabaudi copiæ, quæ transitus illos occupaverant, removeri ad eam distantiam, quæ equitum turmis transitum permetteret, & otium ad aciem ordinandam concederet, donec pedestres copiæ singulatim ferè pontes, in eum finem Doricæ impositos, transirent. Ordo sanè ille excellentissimus clarum faciebat, Cardinalis prudentiam æquè in executione, ac in Senatu valere.

Politica reminiscencia.

Trajeetus fluminum præbent theatrum prudentiæ militari, ubi Imperatoris virtus maxime elucet: cum enim universus exercitus nequeat simul trajicere, sed singulatim ferè, & paulatim, primum est hosti, cum concidere singulatim, secundum copias particulariter transeuntes, nisi ordine rectissimo omnia instituantur: sicuti Timoleon superavit Carthaginenses in Siciliâ, in transitu Crimesi fluvij, quem trajiciebant in vado aliquo.

Optimus vero ordo, quem illuc tenere possis, fuerit, ut vadosa loca quæras, equestri militiæ, quò illa turmatim transeat, & locum faciat pedestribus copijs, quæ tan-

tantummodo per pontes incedunt, longissimo ordine, donec congregentur, & ordines sumant, ubicumque primum hostis impetum frangunt, aut saltem sustinent. Turma equitum lectissimorum valde conducit ad sustinendum assultum per eas occasiones, cum vix fieri possit, ut viri cordatissimi loco cedant, maxime vero ubi ordines ex disciplina militari cepere & condensaverunt.

Nihil autem æque favebit traiciendis copijs, quam tormentorum vis ex suggestu, quæ hostem rejicit & distinet, ut exercitus bonâ cum veniâ traicere possit, & aciem explicare, antequam conflictus intentetur.

CAPUT VII.

Obsidio Pinerolæ.

Nihil desiderari poterat ad eum ordinem, quem Cardinalis per eam occasionem instituerat, tametsi exercitus regius copiâ incurfandi Sabaudi frustraretur, qui Augustam Taurinorum cum copijs recesserat, virtutis Gallicanæ metuens, ejus sanè impetum nulla obstacula fregerint. Traicit igitur Dorian exercitus regius nullo negotio, & Rivolum petit, delitium Ducis, atque inde per summam Cardinalis curam, adeoque satellitium integre conservatum: quin etiam ruriculis id beneficii accessit, ut miles tantummodo hospitaretur, annonâ ex oppido Susæ subvectâ.

Hic demum Sabaudus sese aperuit, & hostem ubique ostendit, adeo ut & monachos & mercatores Gallos, contra leges pietatis atque commercij attineret, quod universus mundus & mirabatur, & vituperabat. Eandem igitur necessitatem Cardinali imposuit, postquam tempus benevolentiae jam exolevisset; gloria autem regis, & Gallici nominis fama, auctoritasque particularis sua-

suasissent armorum usum, donec Dux ad saniora consilia sese converteret. Hinc constituit recta Pinierolam petere, quod jam ante, ex consilio intimo, cum Marschaleis communicato & scito, consultissimum erat visum.

Quem admodum autem strategemata aliquando maximo sunt usui, ita Cardinalis simulabat, ut Pinierolam securiorem redderet, & ex improvise opprimeret, Taurini obsidionem: quorsum etiam movebatur, tormentis & copijs in illam viam directis. Sic duci imposuit, ut ille copias eodem die Pinierolam missas properanter retraheret: donec tandem aliquando Crequius sese converteret ad Pinierolam, cum sexies mille peditum, mille equitum, & tormentis, adeo ut vicesimo Martij circa sextam vespertinam hostilia moliretur, dum reliquæ copiae suppetias arcerent, & obsidio constaret.

Postridie adventabat Cardinalis cum Crequio, Forcæo & Schömbergio, ad quartam matutinam, ubi per universam noctem operas urisit, ut altero mane ad horam decimam tria tormenta in fossarum labro starent, ad ruinam inferendam.

Politica reminiscencia.

Strategemata ab omni tempore magnam meruere laudem, & prudentiam imperatorum ostendere. Prudentia enim in praelijs sæpius plura præstat, quam robur; unde victoria tanto commodior oritur, quod non adeo multo sanguine ematur. Ista autem prudentia, quæ strategemata docet, scientia est sola, quæ regulis certis caret, nec præceptis comprehendatur ad doctrinam, cum sponte sit addiscenda.

Natura quidem nos ad illam præparat, dum genitum confert, eorum capacem; usus tamen docet, & experientia confirmat. Sic fortissimus Scipio, postquam trajecisset in Africam, & laboraret in occupando aliquo loco munito, quem valido præsidio Carthaginenses infederant, aliud institutum simulabat, promotis aliorum copijs. Quam ratione imposuit Hannibali, qui præsidarios ad exercitum traxerat, loco illo securius custodito: sed Scipio universum exercitum ex templo circumegit, & partem illius

illius Massinissæ subdidit, qui non adeo validâ manu locum, milite nudatum, & ab incolis non assuetis bello defensum, subegit.

CAPUT XVIII.

Pinierola redigitur ad obedientiam regis.

Cives Pinierolæ jam imaginem universæ præbebant Sabaudia, cum sese viderent obsidione cingi, & Cardinalis deditiōem urgeret, nisi mallerent rigorem armorum regionum experiri, ad longè majorem severitatem, quàm declinatâ vi postea sunt passi. Tormenta jam minitabantur ruinam murorum, juxta prudentissimum Cardinalis institutum: & exercitus virorum lectissimorum, quorum gestus satis testabantur, de summo desiderio per ruinas evadendi, & oppido per vim subigendo, metum incutiebat.

Præsentia Cardinalis geminabat formidinem, cum jam sæpius compertum esset, arma regia assuevisse victorijs jam sextum annum, quibus Rex imperium militiæ permisisset illius prudentiæ. Neq; enim anno superiore aliud fecerat, quam ut Hispanos ab obsidione Casalæ dispelleret, & intra Alpium juga arctaret.

Constituunt igitur Pinierolanivicesimo secundo Martij, cum diluculo, septem fiduciarios mittere, ad æquas deditiōis leges rogandas. Postquam illi obtinuerant honestissima quæque ad votum, ut nempe vitâ salvâ facultates, privilegia & immunitates ipsis linq̃uerentur intactæ, eodem die, cum gaudio summo ad obsequium regis descenderunt; adeo ut eodem tempore copiæ Gallicanæ in oppidum introirent.

Polisica reminiscencia.

SI quis exercitui præest, in primo felicitatis gradu colloceat, ubi primum institutum bono successu procedit. Videtur enim, quemadmodum primum mobile

bile omnes reliquos caelos trahit, ita primus armorum successus nescio quam imprimere opinionem in animos omnes partis adversæ, ut jam sibi victi videantur, aut saltem valde labefactari, per stuporem illum, quo sese denovo præbent vincendos.

Fortuna enim plerumque seriem alicujus instituti secundum exordium deducit: ut fere credas, fontem nihil ulterius contribuere ad rivulos claræ & transparentis aquæ, quam prima actio conducit ad successum felicem in reliquam belli aleam. Prima enim eventa, inquit Tacitus, aut fortitudinem, aut trepidationem in animis militis suscitant. Hinc fit, ut Imperator, quemadmodum Orator argumenta firmissima in orationis partem priorem confert, gnarus utique tantam illa habitura vim in animis Auditorum, ut iisdem persuasi, cætera omnia sint plausibilia; vires potissimas adhibeat ad obsidionem primi loci, quem aggredietur, aut ad primum conflictum, in quem descendere cogitur: certus utique, primam actionem trahere cæteras.

Sic Carolus VIII. in Hetruriâ fecit, in viâ Putremolanâ, & juxta Sarezanellam, quæ obstabat, & in rupelita omnem vim despicere videbatur. Hanc igitur sumit coercendam, ut famam armis conciliaret, mundoque persuaderet, nihil adeo potens & robustum inveniri, quod militum suorum virtus non exuperaret. Neque cum sefellit opinio: nam ubi locum illum exiguo temporis spatio subegisset, vix dici aut credi potest, quantum authoritatis eo actu acquisiverit suis armis, adeo ut hostium animi stupeant.

CAPUT XIX.

Citadella Pinierola concedit in potestatem regionum.

Postquam oppidum esset captum, Comes Urbanus Escalanga, qui ei præfuerat, in Citadellam collegit octin-

tingentos milites, Cardinalis autem continuò designabat fossas, & alias operas: ubi omnia tantâ diligentia procedebant, ut pridie Paschatis jam perringeret ad propugnaculum aliquod Citadellæ. Circumvallatione facta, & castris adeo solidè clausis per lineas communicationis, fortalitia, & munimina, ut universa potentia Imperatoris & Hispani, cum Sabaudò, nullas inferre suppetias potuissent; maluere deditiorem facere ad leges honestas quas impetrarunt quam rigorem armorum regiorum experiri, cujus evadendi nulla spes supererat. Ipso igitur die Paschatis tradunt Citadellam: cujus festi solennia Gallis semper fuere per Italiam satis prospera, vel utroque prælio, ad Censolas & Ravennam feliciter obtento.

Politica Reminiscencia.

Fatendum profectò fuerit, auctoritatem imperatoris plurimum præstare in obsidionibus, æquè ac in ceteris omnibus militiæ negotiis. Nomen illius solum, instar fulminis consternat universum mundum: Quemadmodum vincere est suctus, ita obsessi sibi ipsis jam victi videntur, quam primum cum sub mœnibus conspiciantur; ut ad deditiorem facile permoveantur: cum vix quicquam sperare possint, præter vim & infamiam.

Equidem Prisci illius sententiam fovero, quia jebat, magnos imperatores plerumque fortunam bonam circumferre: neq; vituperavero Cæsare, qui comitibus interdixit metum, eò quod cum ipsis esset, Coriolanus id Romanos docuit per experientiam, qui in exilium ejectus, ad Volscos abiit; & dux exercitus rectè ad urbem, portasque processit, ut vindicaret injuriam, sibi illatam. Sic sanè Romanos vicit, qui ante vicerant Volscos, ut T. Livius scribere voluerit, Rempublicam Romanam acquisivisse plus gloriæ per virtutem Ducum, quam per numerum militum.

Authoritas profectò duci est, quod fides fuerit mercatori; adeo ut sæpe visi sint exigui exercitus per illius industriam superiores, fugatis calcatisque ingentibus copiis. Ipsa foederatos in fide continet, militem facit audacem &

obsequentem, aperit angustias, explanat vias, perducit an-
nonam, & sæpissimè cum prospero successu aggreditur res
arduas, quæ alioqui extra lineam nostræ potentæ vide-
bantur.

CAPUT XX.

*Transiit ex Gallia in Pedemontium sunt liberi, post
subacta aliquot oppida Sabandia.*

Dum obsidio Pinierolæ peragitur, mandarat Cardina-
lis, ut munimentum Perusæ corripere, quod non
plurimum laboris sumsit: deinde Schombergium mittit cū
legione pedestri, & viginti duabus turmis equestribus, ut
Briquerasi munimentum occuparet, quod continuo dedi-
tionem fecit: ubi eodem die vastum munimentum deline-
avit, quod per diligentiam eximiam continuat, ut complu-
res valles, quæ in montana Delphinatus penetrant, firma-
ret, transitumque claustrorum servaret.

Hinc tantus pavor incessit incolæ per valles Lucernæ,
Angro aquæ & Sahmartini, ut nihil differrent ad obsequi-
um regis properare, fidemque juratam in dextram Cardi-
nalis deponere. Exiguū tamen fortalitium restabat in ex-
trema Lucernæ valle, quod populares vocant Muebur-
gum, & postremo conatui debebatur. Sic tandem transi-
tus in Pedemontium ex Galliâ planè liberi & securi fiebant,
ut non tantum exercitus pergerent, sed & supplementa,
commeatus annonæ, & pecuniarum vecturæ, exercitus
necessariæ, sine offendiculo trajicerent.

Politica Reminiscencia.

Nihil sanè accuratius attendet imperator, quam ut ne-
quem locum, qui instituto nocere queat, à tergo re-
linquat. Quamvis Carolus Magnus ad eximiam gloriam
a mori evalerit, inter reges in eo genere alioqui laudatissi-
mos; non tamen caruit vituperio, quod in Hispaniam
trans-

transiit, non occupatis munimentis montanorum à tergo. Neque enim quisquam negàrit, iuste ipsum erroris coargui, si effectum spectet, quo omnes ferè ipsius copiarum fuisse concisae in reditu impedimentis omnibus per montanos expoliatis.

Cæsar in commentario de bello Gallico summum scientiæ militaris axioma hoc statuit, ut per provinciam alienam transiturus, angustias occupet omnes: addit etiam, præcipuam sui gaudii fuisse causam, cum ad bellum Gallicum properanti Teruanna sponte deditionem faceret, post aliquantulum fastidii, quod nullum à tergo hostem contriuisset relinquere. Hinc maximum errorem inter cæteros commisit Carolus VIII. in expeditione Italica, quod verbis Mediolanensis fidem haberet, cum debuisset subigere illa loca, quæ ad transitum erant necessaria.

Ille enim dux cum cæteris Principibus foedere implicitus, hostilem opponebat aciem ad trajectum Taræ, ne rex transiret, aut ex illa provincia excederet, Galliamque repeteret, nisi post prælium Fornovianum, periculis prægnatissimum. Verum enimverò, ubi ne depugnandum quidem fuerit in regressu, profecto ducenti pyrobolares ex munimento, quod hostis à tergo infederit,annonarios ita exercebunt, ut universus exercitus plutimum flagellatur.

C A P U T XXI.

Seditio oritur Divioduni.

Dum Cardinalis illustres faceret progressus, Rex Lugdunum processit: in itinere ad Fontem delictiarum doctetur de seditione satis acri, quam vicesimus octavus Februarii attulerat Divioduno, ex vinitorum præsentia, quibus audacia & libido permisit diruere & expilare præfectorum quorundam domicilia.

Authores illius tumultus plebi suggerebant, constitutionem Electionum, Burgundiæ impositam, ad eum tantummodo finem tendere, ut subsidia & alia

tributa consequerentur: tametsi regi aliud non esset animus, quam ut contributiones solitæ minori cum provincialium onere, majori cum Reipublicæ emolumento, iacererentur, colligerentur.

Protervia seditiosorum eò utque processit, quod magistratus negligentius represserat motus primos. Ut autem malo gliscenti promptum adhiberetur remedium, submittitur à Rege Bellagardius, provinciæ gubernator, cui summa etiam tum auctoritas apud plebem, non tantum propter muneris splendorem, sed etiam propter fidem & benevolentiam particularem, à longo tempore contractam.

Is igitur tempestatem brevi adjuravit, addidit ut rex illuc transire voluerit, Lugdunum petens, ut in regimine politicæ errores in posterum metuendos corrigeret, iussis vinitoribus, quorum immanis in urbe frequentia, demigrare, creatis novis magistratibus, qui operam darent plebi coercendæ, & ad obsequium revocandæ. Ubi non prætermisit, summo senatui injungere, ut principes seditionis pro merito punirentur, nec demolitionum & incendiorum studio sis parceretur.

Politica Reminiscencia.

Nihil æquè irritat plebem, ac novorum tributorum immor. Vitam sibi sic intercludi autumat, aut saltem amarissimam reddi ad tedium, si tantillum facultates accedantur. Hinc egenti ad seditionem semper procliviores, quam opulenti: Sunt etiam rerum novarum avidiores, quod Tacitus animadvertit in Annalibus, cum illis plus lucri appareat, quam detrimenti in quibuscunque seditionibus. Sic inhiant alienis, domi pauperes.

Nemo non condolebit inopiæ illorum; sed obsequium magistratui debitum, & officium ad sustentanda æram onera & sumtus publicos, omnem adimit excusationis colorem. Sed & authores seditionis tanto majori cum rigore puniendi fuerint, quod universæ calamitatis sint capita & scaturigines. Thucydides de populi Atheniensis scito, quo Mitylenæis, ad usum armorum commodis inter necio, cæteris servitus, ob seditionem apud ipsos exortam, destina-

destinabatur, non vult, iustitiam per istiusmodi occasiones stare in supplicio antesignanorum: tum enim principem maxime decere extant clementiam, regiae dignitatis pulcherrimum ornamentum.

Condoneſ errores & offeſas ad eam rationem, ne licentiam, à plebe uſurpatam ſtatuminet, quæ abunde reprimetur, authoribus ſeditionis correptis ad piaculum. Facilitas nimia uniuerſis condonat, & prudens iuſtitia ſcelus multorum in paucorum ſupplicio eluit. Impunitas enim licentiam conſtabiliret, quaſi ad eundem errorem poſtliminio invitaret; quemadmodum nimius rigor deſperationi pandit fenestram, auſis que extremis. Summæ igitur fuerit prudentiæ, plebem ad officium faciendum reduxiſſe, uti annorat T. Livius, ſubmiſſo aliquo magnæ authoritatis viro, quem ſuſpiciat, cum fiducia idem ſere ſit, quod anima in corpore.

Ob eam cauſam memorat idem hiftoricus, à Romanis miſſum eſſe in Sardiniam, in fide vacillantem, & ad Carthaginienſium partes propenſam, Titum Manlium. Id quod aliquo modo maioris fuerit momenti, ſi promiſſime ad componenda omnia, mittatur, quod ſeditiones flammarum, ſemper augeſcentium naturam ferant, niſi obnixè in exortu extinguantur.

C A P U T XXII.

Frater regis redit in Galliam.

TRecas tranſit Rex, aliqua mora ibi tracta, ob inſtitutum cum Cardinale ſumtum, de recipiendo fratre germano, qui ad concordiam, de qua ſub finem anni ſuperioris mentionem fecimus, Nanceio relicto, accedebat, ut coram, & voce vivâ, præter quævis civilitatis teſtimonia, & ſignadilectionis, regi ſatiſfaceret: de cujus benevolentia nulla extabat cauſa dubitandi, poſtquam offendam priorum aboleviſſet, & redditus annuos, cum ſtipendio honorario, augere conſtituiſſet, uti ſuo loco recensuimus.

Accessit igitur Aurelianensis decimo octavo Aprilis, comitatus præter domesticos, à principibus & proceribus Aulæ, quos rex ad duas leucas obviam procedere iusserat. Ex equo descendit ad hospitium reginæ matris, ubi rex eum præstolabatur in atrio, tantis testimoniis gaudii & amicitiae eum amplexus, ut nunquam ferret, Aurelianensem ad primam salutem, altero genu in terram procumbere, quod agebat ille; nullo longiore sermone, nisi quòd illum, tanquam semetipsum, amaret.

Amplexus illi valde ærcti & fatis diuturni abunde testabantur, regis animum nimio flagrare amore fratris, unicèque exoptare, ut cogitationibus, desideriis, voluntatibus, institutis, etiam recreationibus unirentur, quemadmodum vultus videbantur invicem conglutinari. Ingens hinc lætitia per aulam pervasit, maximè ubi testimonia hæc blanditiarum singulis diebus exerceretur, quoad Rex Trevis morabatur.

Adeo ut non sine causa sperare licuerit, nihil unquam ad discordiam vulturum; modò familiares, qui consiliorum ferebantur arbitri, artificia, ex imo penù cerebri turbulenti deprompta, abstinuissent, ad vitandas alteras tricas; cùm ipsi sibi persuadeant altiore dignitatis gradum ex Aurelianensis secessione, & majora emolumenta ex utriusque dissidio sibi promittant.

Politica Reminiscencia

Natura in sevit! quasdam radices amicitiae in sanguinem, quas protrudit & germinare facit, quamprimum propinqui sese in oculos inferunt, post exiguum aliquod dissidium, ubi odio non est permissus animus planissimè. Neque rami arborum tam facile situm à Natura junctum repetunt, antequam tempus eos firmarit, aut manus hortulani curvârit; uti præcordia excelsorum natalium sponte ad benevolentiam, à natura insitam, revertuntur, antequam annorum series odium firmarit.

Atque in eo maximè anima dvertere licet potentiam naturæ, & veritatem illius opinionis, quæ sustinet, Naturam inspiram.

inspirare cum natalibus motus benevotos, ad diligendum objecta necessitudinis. Verissimum enim est, authorem universi impressisse rebus levibus aliquam facultatem in altum evolandi; diversam verò gravibus, unde per naturam versus centrum terræ ferantur: sic sanè & homini propensiones in sevit erga proximiores, æque ac erga objecta convenientia, ut nequeant in oculos incurrere, aut menti recordari, sine aliquo sensu amoris, medullitus excitato.

Hinc videmus, propinquos ad primum aspectum invicem exardescere mutuo amore, licet eoque sibi nunquam innotuerint. Quo ipso manifestum faciunt, motum illum non inferri id temporis in animos, sed ex præsentia objecti colligi, amore usque ad aspectum occultato.

CAPUT XXIII.

*Rex Aurelianensi confert imperium in exercitum
Champania, cum præfectura Parisi-
orum.*

REX, ut fratrem arctioribus amicitia, atque authoritatis auctioris vinculis in officio contineret, non satis habuit, istis benevolentia testimoniis coram universa aula defungi, quin imperium in exercitum Champania, & insuper præfecturam in Urbem, vicinasque provincias committeret, cum sese accingeret ad expeditionem peregrinam.

Politica Reminiscencia.

SUMMUM sapientia argumentum in rege, si conservet & augeat, quantum potest amicitiam principum regionum; cum verissime concordia illorum tantum utilitatis in Republicam conferat, quantum calamitatis discordia ipsorum trahere potest. Quemadmodum verò desiderium imperandi, votorum non est postremum, ita nunquam arctius devincientur, quam isto negotio. Ante omnia tamen videat rex, ut de fide illorum sit certior; & institutum animi ipsis maneat inconcussum ad quasvis sug-

gestiones familiarium, qui nunquam non solent, gratiæ iniqui aucupatores, plus nimium ambitionis inspirare, & potentiam indultam ad tumultus excitandos convertere

Isocrates Nicocli sapienter in eam rem suavit, ut nunquam consanguineos in rebus gerendis præferret, nisi fidelissimi censerentur; eò quod libido imperandi, consanguineos Principes vehementius stimulet, quin etiam fascinaret, propter proximiorum gradum necessitudinis, ubi T. Livius monet. Neque enim sanguis vinculo pollet adeo robusto, sicuti ambitio, quæ principes ad imperandum propellit, ut illud nullo conscientiae penso rumpant, uti armatos sese vident: Unde tantò minus veræ amicitiae ibi collocandum; id quod Plutarchus in vita Demetrii diversis exemplis planum facit.

Quòd si rex propter prægnantem aliquam causam tenetur arma alicui principi regiae dignitatis permittere, consuluerim ut Tiberii prudentiam & institutum sequatur, qui Germanicum in Syriam cum imperio missum frustrari voluit Cretico Syllano, provinciae rectore, quem sciebat Germanico amicissimum, ne concordia illorum viam ad summam rerum sterneret; substituto Cneo Pisoni, cujus ingenium ferox promptissime occurrisset sinistris ausis, si extra orbitas ille vagari instituisset. Verbo dicam, regis adeoque Reipublicæ bonum postulat, ut aliquis auctoritate gravis adjungatur, de cujus genio & fide nullus sit dubitandi locus, qui æquilibrio studeat, & quæcunq; consilia moderatur.

C A P U T XXVI.

*Rex pervenit Lugdunum, & Gratianopolim, ubi
Cardinalis eum accedit.*

Diviodunum rex transit, ut tumultuantem plebem, uti memoravimus, compesceret, & Lugdunum petit: exigua ibidem facta mora, Gratianopolim abit; quo Cardinalem evocaverat, postquam Italiae claustra aperta nunciarent.

arentur. Cardinalis æquo desiderio visendi regis, & colendi pro instituto, ad curas Reipublicæ exantlandas flagrabat, uti rex ejus consiliis gaudebat: id quod lætitia & blanditiæ summæ satis loquebantur, ad primum accessum profusæ; adeo ut benevolentia regia, tenerrimusque amor abundè paterent.

Politica Reminiscencia.

Benevolentie motus eadem effecta apud regum animos, uti in privatorum ingenis producant. Ista opinio, ubi altius resedit, tantum valet per naturam in mentibus summis, ut gratiæ suæ objecta oculis semper aveant usurpare, & familiariter habere. Sic Alexander Magnus conversatione Hephæstionis gaudebat, ut eum à se se dimittere vix sustineret.

Optatissimi profectò successus, tum belli, tum togæ, quibus principes gaudere possunt, insipidi videntur, & fere voluptatis inanes, nisi coronentur intimis, ad liberrimos ac fidissimos sermones. Nihil enim principi fuerit jucundius, præ prudentia cordati & fidelis ministri, ejus præcordia novit penitissimè, solo & uno gloriæ, qua principem suum admittitur cumulare, conflagrare.

Compendium honoris viro illi accesserit, cui princeps penetrare animi recludat sui, in ejus sinum deponat secretorum summam, nullo metu conscientie vacillantis aut fidei sublestæ. Compendium itidem gaudii is princeps fuerit adeptus, si eum genium sibi adsciverit, qui curarum irritamenta sermonibus demulceat, consiliis difficultatum moles explanet, vigilantia periculorum momenta caveat, virtute successum cuivis instituto conciliet.

C A P U T XXV.

Mazarinius Cardinalis feliciter negotiatur pacem inter regem & Sabaudum.

Quamprimum rex Gratianopolim appulit, Mazarini-
M m s um

um intelligit, pacis conditiones depromentem. Sabaudus enim, qui hactenus ad quasvis æquissimas rationes transigendi summam præbuerat aurem, æque ac Spinola, reginunciat, si Pinierola redderetur, nihil non admissurum, ad iustitiæ normam; ibi Rex, cui summum pacis studium, modo pro dignitate suâ, & fæderatorum commodo, negotium institueretur, benignè & lubenter auscultat, nec repugnat, quin Crequiùs, Castronovanus, Bulionius & Butilerius cum Cardinale Banyo & Mazarinio convenirent, ad capita utrisque partibus non ingrata consignanda, sic tamen ut nihil teneretur ab instituto remittere, aut à gerendo bello desistere, donec concordarent. Noverratenim rex, quanti momenti esset restitutio Pinierolæ, quæ nunquam non propositionibus transigendi immisceratur.

Politica Reminiscencia.

Cum pax certa speratæ victoriæ sit præferenda, eò quod illa in potestate principis hæreat, ista à fortunæ ludibrio dependeat, prudentiæ est, mentionem illius non repudiare, inquit Hannibal ad Scipionem, apud T. Livium. Thucydides tamen docet in sua historia, principem qui cum hoste de pace agere constituerit, non debere minus bellum facere, ac si nulla unquam concordia coire posset, cum non exigua incommoda inde exurgere queant.

Addit etiam, id apud Lacedæmonios in usu fuisse, quotiescunque pacis aliquam negotiationem cum Atheniensibus inceptarent. Fit enim pax eo rerum momento minus operosè, cum uterque armata dextra loquitur, & æquas vires in castris ostentat. Ubi vero alteruter aliquo compendio prævalet, rigidior fuerit, ad iniquiora petenda & extorquenda in illo negotio; id quod Cæsar in historia de bello Civili annotatum voluit.

CAPVT XXVI.

Chamberiacum Sabaudia capitur.

SEd Rex non supersedit Senatum advocare, ut deliberaret, an consultius persequeretur victorias, Sabaudum aggrediretur, provinciam subigeret, & angustias quasvis commodas corripere. Complures dispiciendum proponebant, nec Sabaudum, nec Spinolam ad pacem propendere, nisi ex necessitate, & ad Pinierolam recuperandam, cū hactenus æquissimas rationes semper respuerint. Nullā penē causam apparere, cur de Mantuani commodis fides illis haberetur, cū ea sit summa belli gerendi occasio, ad eō ut neque pax diuturna sperari possit.

Viceversā autem complures extare causas, cur illi pacē desiderent, impotentia sibi conscii, ut tandem institutum suum de Mantuano spoliando perficerent, cū sola Pinierola, regis transitum liberum in Italiam præbens, obstat, ad eō ut consilia de Monferratensi ducatu invadendo in aliam occasionem rejicere necessum haberent. Principibus nullum justiore titulum oppidorum possessorum accidere, quā victoriam ex justo bello; ideoque hoc oppidum non tam facile amittendum, ex quo per Italiam auctoritate polleret, januā utique ad transitum semper aperta, ut ambitioni Hispanicæ limites figeret, & ab ulterioribus ausis eandem vel ex hac sola causa abstineret.

Sic & Sabaudum frænum injectum, qui singulis ferè annis novos tumultus faceret aut foveret. Denique opus esse, ut promptius in Sabaudiam transirent, & potiora occuparent, cū certo certius Sabaudus ad recuperanda occupata accingeretur, nisi arma illius aliorum traherentur: quod si neque vim intentaret, copias tamen illius per Sabaudia vagari, & angustias impedire, commerciaque frustrari, sine quibus regius exercitus subsistere nequiret. Iam Spinolam discessisse ad obsidendam Casalam, eo ipso tempore, quo Cardinalis Gratianopolim excurrisset.

En tibi rationes æquē gravissimas ac justissimas, quæ merito

ritò expenduntur, & in deliberatione valent. Nemo sane dixerit cum rationis fundamento, pacem in Cardinalis fuisse manu, cum Sabaudus illam nunquam cogitarit, nisi redderetur Pinierola, cujus consideratio inferius amplissime dispicietur. Id vero scœminis persuadendum, quæ ad quamvis tormentorum explosionem trepidant, ut oppidum tanti momenti ad fidem Hispanorum reddatur, adcoque Sabaudi, cum uterque satis in omni hoc negotio ostendisset, quantum fidei ipsis deberetur: Minister vero, qui prudentiam sine pari ubivis locorum exerit, metus omnis expers, omnibus metuendus, per justitiæ rationes, istis decipulis non capitur.

Negotiatio instituenda nihil securior fuisset, quàm illa anni superioris, cujus frangendæ nullam rationem omisere. Quis verò prudentiæ minor fidem, habuerit, ubi in eadem causa verbis deesse fidem jam sensit? Calamus igitur ille maledicus, cui perinde est quidvis scribere, modo gloriæ Cardinalis deroget, præter omnem rationem ipsi culpam continuati belli impingit. Casala profectò Mantuanum agnoscere dominum dudum desuisset, si pax reddita Pinierola coisisset.

Hinc rex, cujus sagax mens Senatorum prudentiam longe superat, calumniarum irritamentis nihil motus, constituit à biduo movere in Sabaudiam. Sic igitur sine ulteriori cunctatione progreditur tertio Maii, comitibus Crequio, Bassompetrio & Castilionæo; Crequio, commendat primum agmen, ut Chamberiacum duceret. Proceditur per summam diligentiam, urgentur operæ, decimo quarto appropinquatur, corripuntur suburbia nullo pene negotio, deditio flagitur. Oppidani eandem leges rogant & obtinent, quibus in potestatem regis defuncti, anno sexcentesimo supra millesimum concesserant, adeo ut portæ sponte patentes, regem admitterent octavo decimo Maij.

Politica Reminiscencia.

Non parum utique refert, ubi imperator cum exercitu provinciam aliquam invadit, si primum oppidum ag-

aggrediatur; cū illud subactum, cetera omnia labefactet, formidinem spargat, & portarum claustra non raro ubique ad victoris arbitrium verſet. Cænemon, Lacedæmoniorum dux, Carthaginiā inuafurus, id ipſum agendum ſumſit, obſeſſa Stratonis villā, quæ caput gentis ferebatur. Et Thucydides, qui rem altius expendit, in ſua hiſtoria, id inſtitutum ſummè laudat, tanquam diſciplinæ militaris egregium facinus.

Sic ubi Hannibal occupâſſet Carcyam, Olleadum metropolim; vidit omnia reliqua oppida in poteſtatem Carthaginenſium concedere, & tributa pendere. Iactura ducis aliquando exitiū confert exercitui, & metropolis, aut munimenti primarii perditio plerunq; trahit reliqua in perniciem. Videndum tamen, ne in inſtituto deficias, cum inde effectus contrarius omnino conſequatur. Ea igitur promittuntur opus fuerit, ut incolæ ex inopinato obruantur, cū maxime ſecuri agunt; adeo ut hoſtem occupes, antequam te te incurſet, aut tua invadat.

Apud Tacitum vituperatur Othon Imperator, quod cōſtituiſſet Vitellium hoſtem in Gallia cōficere, nimis longa tamen dilatione uteretur: cū mora illa ſat temporis indulgeret Gallo & Spurmæ, ad trajiciendas Alpes, & Eridani tranſitus occupandos; quâ ratione Othonis copiæ diſtinebantur, ut univerſum inſtitutum falleret.

Poruiſſet eadem ſors exercitum regium opprimere, ſi pacis conditiones à Sabaudo & Spinola propoſitæ, quæ Pignerolam tantummodo reddendam concernebant, aut dilationem ſaltem aucupabantur, ad temporis commodiorum uſurā, regem Gratianopoſiti retinuiſſent. Nihil ſane levius in bello, quam exiguum temporis momentum, ad reſ ſummas immutandas: inſtituti effectus à momentis pendet: etiam minimæ remoræ ſæpenumero extrema intulere damna.

C A P U T XXVII.

Regii capiunt Anneſyum & Romillyum.

R Ex vicesimo ſecundo Maii Châberiacō egreſſus, Chaſtilio-

stitionæo mandat, ut per illam septimanam primum agmen duceret, Annesyum versus. Id continuo facit dedicationem, præsidium castelli, duce Episcopi Genuensis fratre, conspectis tormentis, formidinem concipientibus. Rex, ne quid temporis temerè periret, assumpto Bassompetrio, exercitum recta ducit versus Romillyum, natura fati munitum, ubi scientia ceperat artem addere, maximè verò ad Castellum, quod ostingenti præsidarii tutabantur, ad vim sustinendam parati.

Exardescit igitur juxta hoc obstaculum regis animus, ad majorem gloriam adipiscendam. Ipse progreditur versus oppidum cum exercitu; in planitie extra tormentis, copias explicat, inque ordines disponit, unde tantus pavor incolas incescit, adeoque gubernatore ipsum, quod regem istis exercitiis vacantem nunquam vidissent, persuasum inde, tantum laborem non alia occasione infumi, quam ut posterius rigorem armorum paterentur, ut ad regem ex templo fiduciariorum mitterent, qui triduum consultando expeterent. Cum autem rex responderet, constitutum sibi, eodem die intra oppidum hospitari, eodem momento imperata sese facturos receperunt, temeritatis crimine evitato, nisi principi adeo generoso, & in te militari exercitum repugnarent.

Politica Reminiscencia.

Quicquid indulgetur dilationis hosti, non raro tantum pendat successus. Diecula una obsessis præbet tempus valli excitandi, quod mensis universus non superaverit. Cui Henricus II. paulisper distulisset institutum, ab obsidione Perpiniani inglotius recessit. Si Pyrrhus Spartam eadem nocte invasisset, quàm accesserat, nullo negotio perfecisset, cuius postridiè facultatem sibi ademptam dolebat.

Consultissimum igitur fuerit Petri Medicæi exemplum, referente Guicciardino, qui ex unius horulæ atque alterius morâ, dum pluvia desineret, tardius cum exercitu Florentiam pervenit, cum jam intelligeret, hostes ante horam de suo adventu certiores factos, arma ad repugnandum expedit.

pedivisse. Neque enim introire potuit, quod desiderabat, nullo alio, nisi remora illius errore. Aequè imprudentiam redolet, hosti tempus ad munitiones concessisse, sed compendium trahit, improvise supervenire, antequam ad defensionem accingi possit.

CAPUT XXVIII.

Plurima castella subiguntur.

Castella Clermontij, Meyraci, Alingæ, & alia complura illius regionis, deditioem faciebant ad primos intentandæ violentiæ nuntios, adeo ut universa via à Châberiaco Genuam usque & ad potènti Gresi ni libera pateret. Continuo exinde rex Tarantesiā petit, ubi Thomas princeps castra munerat, loco admodum commodo ut, paucissimi universum exercitum possent distinere, decem milibus pugnatorum ferox

Verum enim vero, ubi rex sese cum exercitu in conspectum illius dedit, pedem retraxit, desertis pedetentim stationibus, quas exercitus regius continuo occupabat vacuas. Instat rex, donec ille montem D. Bernhardi transisset, nihil unquam ausus repugnare, cum tamen transitus illi valde angustis exigua opera servari potuissent.

Politica retrospectiva.

Quicunque otium sumsit considerandi, quomodo aliquando torrens ex montibus cursu impetuoso ruat, in planitiem effundatur, in vallem conflatur violentissime, messem extirpet, arbores cum radicibus convellat, agrestium mapalia disturber, rucolas in arborum ramos compellat, armenta & greges aquarum undis consepeliat, & ut verbo dicam, quævis obvia corumpiat; vidit sane imaginem Tarentesiæ, exercitu regio ingruente. Ad regis enim præsentiam promium ubique obsequium,
legum

legum diligens observatio, stationum desertio, pavoris ad dissipationem manipularium incrementum, villarum vastitas vacua, adeo ut nemo vel confluentias tutaretur, ne unico quidem mortali comparente.

CAPUT XXIX.

Rex occupat universam Sabaudiam.

Postquam rex istam vallem subegisset, munimentum quaternorum propugnaculorum ad radices montis delineat, cum aliquot fortalitijs, ut commeatus inter Pedemontium & Sabaudiam intercluderetur, secretis copiis militaribus, quæ incurfare potuissent, imposito sex millium præsidio: adeo ut jam nihil restaret occupandum, præter Morianæ claustra, quæ per Carbonariæ occupationem itidem obtineri poterant.

Iubetur igitur Crequi obsidionem inceptare, & Viniolius Momelianum premere. Fervet opus utrumque, adeo ut rex ad sanum Petri Albiniani à Cardinale intra cubiculum oculis usurpare juberetur, quod nullus unquam princeps uno eodemque aspectu notare potuerat, ternam videlicet obsidionem, fumantibus ubique tormentis ad Momelianum, ad Carbonariam & ad Lævillam.

Carbonaria & Lævilla exiguo temporis spatio capte fuere, quas Momelianum sequi habuit necesse, cum rex eas circumvallationes strueret, ut neque annona perferri, neque quisquam penetrare posset. Sic igitur rex universam Sabaudiam subegit, ut ipse dux cum exercitu ne ingrederetur quidem, ad recuperanda amissa, ob claustra & transitus omnes conclusos.

Politica reminiscencia.

Victoriæ istæ nituntur virtute regis invicta, & fulciuntur per prudentiam incomparabilem Cardinalis, adeo ut dubites, uti um plus admireris: Unde necessum habeo,

beo, stylum historiæ genuinum deferere, & encomium rerum gestarum, adeoque prudentissimi instituti arripere, Quis neget; quicquam virtuti regiæ & felicitati par inveniri, cum utraque dōs conspirent ad coronandum Monarcham universi, per æmulationem; ut immani gloriâ illustris celebretur?

Ipsa veritas agnoscendum præbet hunc sapientissimum & maximum ducem, quem Sol unquam aspexerit, adeo ut splendor virtutis istius offuscet lumen quorumcunque per Antiquitatem laudatissimorum imperatorum. Victoriæ illius per secula deinceps proponentur in exemplar omnibus, scepra gesturis. Virtus in rebus getēdis speculum dabit & scholam aperiet quibuscunque sectariis. Armorum honos, gratiarum decus, virtutis mirandæ splendor; cœlitus collatus, facile subiecissent universas illas provincias, quæ ipsi jure optimo debentur, nisi Reipublicæ nostræ tumultus, & propinquorum obstacula pervertissent ordinem rerum.

Nullus adversarius i'lius aspectum sustinuit armati, quin castigatus pœniteret temeritatis. Isti vero videbantur ex situatione locorum particulariter aliquid ausuri; cum centeni facile conficerent millenos; auxerant etiam potentiam copiis non contemnendis, quæ regios numero vincerent, virtute non æquarent, adeo ut materiam amplioris gloriæ rex colligendam sumeret. Sed nunquam pedem conferre ausi, fugæ turpi sese dedere, in refugia abditi

C A P U T XXX.

*Rex ad petitionem iteratam reginæ matris redit
Lugdunum.*

Quamvis prospera armorum regiorum fors videretur omnē prohibere metum; nihilominus regina mater, ex lexis timiditate solita, egerrimè ferebat, regem bello ulteriori implicari, inprimis verò adversus Hispanum, tum propter propensum animum, quem Natales dederant, & ipsa in rebus agendis nunquam non ostendit, summâ rerû potita, tum ex vano metu exterorum, qui ferro & igni sibi

viā in Galliam aperire possent, ad popularium internecionem, & Reipublicæ eversionem.

Terror iste panicus augebat desiderium regis videndi; cumq; itinera magna difficultate laborarent, maximè apud sexum & id genus delicatularum, cursorem misit, impensissimè rogans, ut sui videndi copiam faceret. Ibi rex, cūi præ rebus omnibus cordi, matri reginæ omnem honorem testari, & obsequium, ad demerendam gratiam, ex castris ad sanum Petri continuò abijt, ut satisfaceret, tametsi rerum præsentium cursus, valetudinisque ratio potuissent iter illud in tempus convenientius rejicere.

Vix dici potest, quibus artibus regina mater connixa fuerit, ut eum Lugduni retineret, nullo penso exercitus, qui nunciabatur vel idè imminui & dilabi, quod rex crederetur nunquam reversurus ad exercitum, cū turmatim & manipularim post regis discessum à signis abirent, successu rerum bonæ fortunæ permissio, qui ob copias jam evanescentes prosperior sperari non poterat.

Politica Reminiscētia.

Fœminæ profectò etiam gravissimā reipublicæ negotia corrumpere possunt, ubi potentiam libidinis famulantem sunt adeptæ. Plenus est historiæ campus ista segete, unde patet, quantis calamitatibus grassatæ fuerint, clavo Reipublicæ arrepto. Timiditas sexui propria, tantum à bello, quantum vis justo, & ad gloriam emolumentumque Reipublicæ admodum necessario, absterret. Quæ admodum autem institutum potius in libidine animi, quàm in iudicio collocant, nullas omnino rationes expendunt, adeo ut unica cura desideriorum explendorum teneantur, de futuris nihil sollicitæ.

Nulla vis ventorum, aut flammæ seeminino cæstro comparabitur, maximè ubi ex odio exardescit, quod reginæ matri hoc in loco imputari potest. Unicè enim optabat Cardinalis exitum in hac occasione; quod ex absentia regis consecuturum sperabat. Obstacula ipsa, quæ apud animum regis inyeniebant, ardorem intendebant, adeo ut quæcunque oppositio consilia & desideria ipsa converteret in
furo

furorē. Hinc priscorum sapientum non nemo dicere solebat, à consilio foeminarum in negotiis publicis esse abstinentum, tanquam à remediis, ad quæ tantummodo per extrema recurratur, postquam alia omnino defecere.

CAPUT XXXI.

Regina mater iram adversus Cardinalem exercere pergit.

Nimium notitiæ, adeoque experientiæ regis animum occuparat, ut ad continuatos assultus moveretur. Tercio igitur die Lugdunum deserit, ut ad sanum Iohannis in vallem Morianam rediret. Tantam autem regina mater inde concepit ægritudinem, ut deperiret fere, postquam ardentissimo regis secum retentandi desiderio parum satisfactum vidit. Custos autem sigillorum, qui nullam occasionem, concitandi jam ulceratum animum adversus Cardinalem, perdebat, maxima inde compendia aucupatus, novos odii stimulos & iræ adhibebat.

Malevolentia ipsius particularis ex bello adversus Hispani progressus directo, cui nunquam non aperte studuerat, novas artes ingenio suppeditabat, ut iram tantæ principis foveret, sermonibus omnibus ad nova incendia compositis. Plurimum sanè suo fidebat iudicio & sensui, ut oracula pronuntiare sibi videretur, unde sententias suas nunquam cogitabat prudenti Cardinalis regimini subicere, tametsi modestia ipsa, & aliqua saltem reminiscencia, quæ ad gratitudinem revocaret, ex tanto fastigio honorum, quod Cardinali debebat, persuadere potuissent rationes illas prægnantissimas, per commodum & gloriam reipublicæ, ad ducendum bellum conceptas.

Politica Reminiscencia.

Nilh periculosius viro ad clavum Reipublicæ sedenti, postquam aliquam partem ex onere publico summis Ministri curâ suscepit, si proprio sensui nimium adhæ-

reat. Univerſa aſtra ſeſe gubernāda permittunt primo Mo-
bili: brevi enim mundum in primum chaos relapſum vide-
reſtius, ſi quicquam reluētarentur. Sic in regnis ingruit cō-
fuſio, quamprimum miniſtri ſubalterni ineunt via, à ſum-
mi miniſtri tramite alienas.

Ingenio caret, quicumque genio principali, omnium re-
rum mōderatori, minus conformatur: idem cum Fabio
Maximō opprobrium meritis, qui Rempublīcā penē per-
didiffet contentione, quā Scipionem ab Africa abſtinere co-
nabatur. Reſtiſſimē acceditur ad eorum ſententiā, qui
præſunt ſummæ rerum: quamvis enim liceat ſub etiā ge-
nio indulgere, nō tamen unquam decuerit eouſque,
ut illorum ſenſa ſequi nolumus; quin authoritatem noſtrā
& inſtitutum in ipſorum iudicia conſignemus.

Viri quidem politici prudentia nimis flaccida fuerit, ad
omnia indifferens; igitur Muſices artiſces imitetur, qui
modō hanc chordam intendit, modō illam remittit. Si e-
nim ab alio dependet, reſtius illius iudicio ſteterit, quam
ſuo; ſemper memor, in quō gradu, inferiori ſcilicet, conſi-
ſtat, adeo ut per diverſitatem opinionum remiſſio & faci-
litas certiffima ſint ingeniū compoſiti indicia, animæque
generoſiores univerſalitatem maximē atnent, longē aptiſ-
ſimæ ad conſilia quævis ſuſcipienda, cum illa converſio
ſententiæ nō debilitatem, ſed reverentiam arguat; ubi
contumacia, & fervor ſuæ opinionis ſuſtentandæ pericu-
loſum animi morbum referat, pulveri ſcholæſtico familia-
rem, rebus gerendis infeſtum.

C A P I T XXXII.

Conſtitutio juris annui.

Cura rerum exterarum non abſtrahebat Cardinalis
mentem à ſollicitudine domeſtica. Cum Henricus IV
magnum quid ſibi propoſuiſſet, ad Galliæ gloriam reſtau-
randam, pecuniam conatui deeſſe animadvertit. Conſtitu-
it igitur Jus Annuum, unde ærarium valde augebatur, ſed
non ſine præiudicio. Sic enim oſtendebatur omnibus præ-
ſectis

festis iustitiæ & ærarii via, ad dispositionem, de muniis suis liberam, modo singulis annis certum quid solverent in eventum certorum casuum, cum libertate continuandi illius commercii, in vendendis muniis.

Ea ratio ærarii augendi ortum traxerat à temporibus Francisci I. qui ex necessitate virtutem fecit, & per penuriam summam compluria munia creavit. Henricus II. erexit sedes Præsidiales & magnum numerum ministrorum, qui mos hætenus viguit. Cardinalis autem, qui nullum alium scopum, præter honorem sibi præfixit, si rex pergat rerum summam ipsi committere, ad reformationem & restaurationem Reipublicæ omnem confert operam.

Itaque sub finem anni superioris regi demonstrat, non tantum magnum, sed & necessarium censendum, ut venundatio illa aboleretur; adeoque ius illud annum supprimeretur, cum alterum ab altero dependeret. Consilium istud rex eo magis comprobavit, quod nihil unquam in sententiis Cardinalis invenisset, non æque admirandum, ac utile.

Politica Reminiscencia.

Venudatio honorum sine alio dubio maximū est Reipublicæ malum: eos ambitio temper maximo licitatur pretio, adeo ut in isto regno opulentia, non virtutis fiant præmium. Hinc facultas legendi ministros regi adempta, quibus tamen veluti instrumentis utitur, ad iustitiam popularibus distribuendam; hinc in desperationem cordatissimi prolabantur, cum paupertatis mancipia à virtutis subselliis, quæ aurei vituli occupant, vident abstinere; & eximia facinora, quæ patrari possent, expulvere neminem in lucem protrahere.

Sic igitur immanis numerus ministrorum subsistit, qui non intervniunt popularibus, sed oneri nimio sunt. Sed major pars non supprimitur, nec ad æquiorum calculum reducitur, cum vel centesimus quisque sufficeret, ad compendium regis, & popularium emolumentum. Hinc tot salaria ex ærario depromuntur: tam immensæ dissipantur pecuniæ: & ut verbo multa comprehendam, Venundatio

illa suffocat bonum publicum, particulares vexat, dum spes emendi alicujus juris annui exhaurit loculos, ut suam spontaneam mirentur penuriam plurimi.

Ubi iis muniis diutissimè perfruuntur, splendor eorum comes perpetuus, familiam ornatam conjicit in angustias; ut neque liberi aliquid commodi inde percipiant, vel inde in pauperiem, aut saltem in necessitatem præcipitati. Multi sanè maturius, quam mors ingruat, ad venundationem compelluntur, ut pretium familiæ ex æquo distribui possit; id vero uauum minus opulenti licet, ut ex liberis aliquè in successione honorum conseruent, dum cæteris oboritur tædium conditionis præ natalibus iniquissimæ.

C A P U T XXXIII.

Supprimitur jus annuum, in Iudicatura, quod rex postmodum restituit.

Cum rationes istæ æquissimæ demonstrarentur regi, per prudentiam Cardinalis, ab exordio anni visum fuit suppressere jus annuum in Iudicatura, cum illius munia sint majoris momenti, donec paulatim emortuis ministris munia etiam expiratet, & commercii illius ratio tolleretur. ita tamen, ut nullum luculentum damnum possessoribus accederet, postquam placuit, honores ad posteros transmittere, si qui cum laude ætatē tulissent, aut si morte præuenirentur, eosdem liberorum optimo transcribere, aut ubi non extarent liberi, pares honoribus, pretium congruum numeraretur à licitatoribus, ut respublica tandem lineamenta summa perfectionis adipisceretur postliminio.

Verū enim vero ministri illi, quorum intererat, adeo fatigabant Regis clementiam de conservando jure annuo, ægrotis, morbum spernentibus, & periculum nihil facientibus pares, ut cogeretur illud ulterius prorogare, ad novem annos, sed ramen cum oneroso beneficio, quod fructum gratiæ exhauriebat, quem declaratio Iunii mensis anneſcebat: ut vel alios novenos annos supersederint expectare.

Neq;

Neque enim rex sustinebat, universum ministrorum conventum, maximam regni partem hodie complexum, plane offendere, unde prudenter constituit, ita conditionem illam onerare, ut plurimi repudiaturi essent beneficium, ad vitanda onera. Ut jam nihil addatur, de sumptibus bellicis, qui confutum illud exigebant, cum necessitas sæpenumero imperet voluntati ingratißima.

Politica Reminiscentia.

EAdem ratio popularium, quæ ægrotorum: neque enim omnibus & singulis eadem conveniunt remedia, quæ morbo adversari cogites, nisi & constitutionem humorum expendas: illi enim non raro ad eum motum excitantur in ægitudine susceptâ, ut malum augeat, nihil leniatur. Consilia laudatissima, quæ rebus in genere applicantur, sæpiculè perniciosa redduntur, per aliquam circumstantiam, cui negotium involvitur.

Quicquid igitur eo casu rerum præstiteris, optimè consultes, ut omnia in eum statum redigantur, cui simplex tantum mora ad necessaria interponatur, reservata libertate exequendi consilia per tempus opportunius. Meminimus etiam Rempublicam aliquando ad extrema, & in seditionem abisse, ubi nimius ordo obtruderetur.

Neque verò exigui fuerit momenti, ministros illos demulxisse, cum magna illorum est copia, uti per Galliam: Illi enim continent populares in obsequio, cum legum observantiam urgeant: illi administrationem oppidorum dirigunt: adeo ut motus in ipsorum genis excitatus, possit nescio quos tumultus gignere, tametsi præter omnem rationem sic agerent: simile periculum imminet cordi, hepatis, aut cuivis parti nobiliori, à nimio calore

ubi exardescunt & inflammantur.

CAPUT XXXIV.

Rex à fano Iohannis Moriani redit in Galliam.

PAULO post, quàm rex à fanum Iohannis in Morianam redierat, tres aut quatuor insultus febriles sensit, unde Cardinalis metuere cepit morborum aliquem lethalem. Quemadmodum verò persona regis nunquam est periculis exponenda, cum reipublica sit anima, & cor, spirituum vitalium penu, quos per arterias omnibus & singulis corporis partibus disperitur, jecur ad conferenda alimenta, adeoque principium bonæ fortunæ apud universos; nullas preces intermisit, ut ex illo diversorio eum transferret, quod ferè undique que peste laborabat.

Repereret Lugdunum, ad aerem salubrem, & ad otium properaret, post tantâ curarum molem, quas belli gerendi ratio attraxerat. Rex istis rationibus motus, ineunte Augusto, Lugdunum pervenit: Cardinalis verò ab exercitu nondum recedere sustinet, gnarus utique, hostes ex utriusq; absentia compendium grande sumpturos; manipulares etiam, per contagium valde imminuti abjecturos, virtutis quasi Monferratenſe imperium sic destrueretur.

Neque verò ignorabat, Custodem Sigillorum Maritimum apud reginam matrem tantum potuisse, ut benevolentiam pristinam in odium lethale converterit; veteranum illâ turbarum sarcinatorem superioribus temporibus, cum Liga dominaretur, addidicisse, quâ ratione quintam essentiam ex ipso Elixir extraheret; constituisse, omnem potestatem, quam rex matri in animi arbitrium concedere posset, ad dispendium benevolentiae regiae conferre, ut Cardinalis excussus locum ipsi, si fieri queat, faceret in administrandâ Republicâ, de cuius summâ agebatur.

Cum autem testimonia certissima gratiæ regiae possideret Cardinalis, adeo ut nullus diffidendi scrupulus relinqueretur, postquam rex fidem tanti ministri rectissime explorasset, quam alii non per omnia nosse poterant, eo rerum even-

eventu idem desiderium, gloriæ regiae augendæ, & reipublicæ beandæ patuit, quod illum ad Rupellam in obsidione persequendâ retinuit, rege ad Parisios reverso; quod illum ad Priasium & in Occitaniam perpulit, ut cætera Religio-
nariorum oppida in fidem & obsequium regis reduceret: tametsi sciret, eundem hunc Sigillorum custodem, cum se-
ctariis id temporis prima jacere fundamenta malevolen-
tiæ, in animo reginæ matris.

Ex istis igitur rationibus in valle Moriana subsistit, licet
contagio universa premeretur, ut conservaret quocunque
modo exercitum, in eo statu, qui Casalâ usque penetra-
re auderet, nec animum desponderet.

Politica Reminiscencia.

Testimonium summum fidei, quod Minister principi
suo præstare queat, cum privato compendio, divorti-
um facit, ad gloriam Principis. Nemo dubitat, quin tenea-
tur omnia fortunæ beneficia alacriter permittere, cum eidem
universa referat accepta, etiam non ad eod sanguinis & vitæ
magno penso. Quemadmodum vero nullæ sunt fortiores,
& naturæ convenientiores propensiones quàm quæ ad a-
morem sui & suorum compellunt, nulla certiora experimen-
ta verissimi desiderii unquam dedit, si gloriam & poten-
tiam Reipublicæ omnibus suis commodis præferat.

Verum enimvero Lydius hic lapis probatissimus, ad ex-
amen inclinatiois, estimandus est majoris, postquam si-
dem comprobavit, id quod in Principum aulis rarissime
reperias, vix invenias. Illic enim nemo non sibi ipsi vota
concepit, sibi ipsi litat: ambitio tantum illic adipiscitur ho-
norum, ut ex fastigio descendere non liceat, postquam o-
mnia conculcavit, donec eniteretur.

Quæcunque demum extent rationes, regis amandi, sum-
matamen ipsi amicorum inopia, ad eod ut cultus, ad mini-
mum aliquod dispendium desinat. Plerumque enim reges
amantur, uti Solem vulgus veneratur, cuius splendore gau-
det, quousque calefacit aut benignè influit; cui eidem ostia
& fenestras opponit, ad arcendos radios, quamprimum per-
æstum nimius calor offendit.

CAPVT XXXV.

*Mariliacus Marefchalcus exercitum Champania
non ducit in Italiam juffus.*

AB ista sinceritate fidei, desiderioque regis colendi longissimè aberat Marefchalcus Mariliacus, cui rex diversis mandatis imposuerat necessitatem in Italiam ducendi ex Champaniâ, continuis tergiversationibus usus. Ambitionis istud mancipium non sustinebat, imperatorium nomen commune, quod per provinciam exors ferebat, cum lucro immani, ex hospitibus militum & de stipendio contracto.

Persuasum ibat universo terrarum orbi Cæsarem ex templo in Galliam irrupturum, quamprimum ipse limitem illum destitueret: nunciârat tamen non unâ vice, quod die esset moturus, & cursorem calcaneo nuncii submittebat, qui novas remoræ excusationes perferret, sed valde insipidas. Privati commodi immane desiderium mentem pervertebat, ut nihil consideraret, quantum obsequium regi deberet, & quantum regis interesset, Casalam asseri, de quo duces deliberabant negotio, jam persuasi & ceru de illius exercitusque adventu, cum renunciata essent, quæ receperat mandata.

Insertum erat iisdem mandatis, nisi pareret, omnia in confusionem relapsura ex illius pertinacia. Hæc omnia ille susque deque habebat, usque ad nonum aut decimum Septembris diem, cum potuisset, uti debebat jussus, exercitum Susam perduxisse ad exordium Iulii: sic enim extrallum dubium Casala liberata fuisset adolescente Augusto, vitæ usurâ fruerentur milleni Galli, quos per Pedemontium Autumni sævitia abstulit, inducias nunquam extorsissent Hispani ad Casalam, quas eventus solus, nulla ratio scientiæ militaris excusatum
iuit.

Politica Reminiscencia

Ambitio tantopere fascinat animos per emolumenta privata, ut ex uno desiderio crescendi ne tantillum quidem admittat detrimenti. Ingenium fastuosum, nisi omnia possideat, sortem suam dolet: Sicuti vero id unicum est & oculorum & mentis objectum, ut autoritate ubique polleat, non tantum periculosam inicit amicitiam, sed etiam infidum præstat fulcrum fidei in rebus agendis. Ambitio suggerit perfidiam, quæ quascunque leges calcatur, etiam sacrorum.

Centrum tranquillitatis in eminentissimæ fortunæ apice collocat, eo quod inaudivit, omnia creata ad illud per naturam ferri, adeoque violenter; sic igitur horum obnixè contendit, nullo metu turbandæ Reipublicæ, per cuius naufragium grassari lubet: cum animus compositus gradum quidem aliquem fortunæ quærat, sed non nisi per vias honoris & meriti.

CAPUT XXXVI.

Quas artes Custos Sigillorum, & frater Marefchalcus, Mariliaci consuerint.

Secundum ista omnia virtus & fides Cardinalis deficiebant viribus necessariis, ad contagium, & cæteros morbos superandos, qui bellem exercitus rapuerant: adeo ut extrema necessitas efflagitaret supplementa, aut novum exercitum potius, cum Casala jam ab Hispanis infestaretur. Cardinalis autem, quod intelligeret, tantopere in Gallia præfens urgere posset & novas copias, & pecunias, quæ Alpes traducerentur, necessum sanè habuit, æs alienum hinc inde contrahere, & annonâ suis sumptibus suppeditare. Ista enim omnia deficiebant, ex pessimis artibus, quas Custos sigillorum, cum fratre & universa secta ordiebantur; sic cogitur ad regem excurrere Lugdunum, ubi lætitia summa perfunde-

debatur, ex regis valetudine secunda, postquam magna ipse formidine laborarat, ne febris illa, quæ ad sanum Iohannis, Moriani incesserat, aliquid periculi traheret. Neque tamen dici potest, quanta ægritudine animi fuerit percussus, ubi reginæ matris animum exacerbatissimum per æmnia offendit, tametsi rex in omnibus occasionibus tutelam ipsius suscepisset.

Credebat sane, Custodem Sigillorum, qui ipsum benevolentia dominæ expoliaverat, remedium allaturum ad redintegrationem. Licet autem durissimum videretur, honorem & obsequium deferre, quem rectissime dixeris monstrum ingritudinis, invisit ad ipsum tamen sapius, demeritus etiam per omnia genera civilitatis & officiorum, ut eum reduceret in reminscentiam officii & summorum beneficiorum, quæ ex intimo conscientiæ sensu debebat.

Quaquam autem honores & beneficia saxa comminuant, & inter mortales censeantur potentissimi vectes ad permovendas volūtates, ambitio tamē, quæ animum turbulentum occupaverat, nihil aliud permisit, præter dissimulationem admodū coactam, quæ sub specie benevolentiae fucate occultabat ignem, à temporibus Ligæ nondum penitus restinctum, cum exinde desiderio a deo cæco cepit flagrare, ut commoda Hispaniæ præferre auderet patriæ emolumentis, per innumeras actiones ab eo gradu honorum alienissimas.

Honor & officium à Cardinale ipsi delata non potuerunt, inquam, restinguere ignem illum seditiosum, qui nihil suffocatus, sub cineribus vivebat occulte, vultu ad decipiendum composito, & prorsus personato coopertus. Neque enim desuit genius iste seditiosus partes fovere apud reginam matrem, cuius desideriis non solum palpum apponebat, ne evanescerent, sed etiam non raro oleū affundebat per summam industriam, ut intimi duntaxat ad secretiora ista molimina penetrarent.

Politica Reminscentia.

POtest homo propensiones à natura insitas tegere, adeo ut aliquando videas, illas imminui & coerceri: impossibile tamen fere fuerit, penitus extinguui. Iudicium potest
op-

opponere vires violentæ Naturæ, ubi tamen in conflictu fatigatum, naturæ, quæ postmodum maiorem impetum colligit, cedit. Beatus vero, inquit ille Priscus, per naturam ad virtutem propensus.

Majori sanè violentiâ opus est, ut hominem in semitam virtutis reducas, qui mala suscepit à Natura semina, quam ut arborem rectam facias, quæ iam in solidum truncum incurvata est & adolevit. Naturam expellas furcâ licet, ait ille censor morum, tamen usque recurrit. Videas in medio torrente natantem, vel invitum sese permittere filo aquarum; & non dubitabis, ingenium vitium involutum, vix eluctari, ut ad frugem redeat.

Quicumq; ea susceperit subigenda, onus imponit, quod hoc aut illo tempore, nisi extrema vigilantia caveat, deprimat hæc etiam robustissimos; maximè autem, ubi exercitia ad ingenii propensionem accedunt paria. Quamvis enim Natura tanquam sepulta latuerit aliquamdiu, per occasionem tamen reviviscet: cogitationes eò feruntur sponte, & vigorem inclinationibus præbent. Cumq; nihil propius sit, quàm ea amplexari objecta, ad quæ Natura nos inclinat, voluntas eodem vergit nullo urgente.

C A P U T XXXVII.

Pugna cum Hispanis sed Gallis parum fausta.

FORTUNA Soli similis, nunquam meridiem attingit; quia in occidentem declinet: sic non satis habuit, post tot illustres victorias, per Sabaudiam & Pedemontium acquisitas, aliqua molestia affligere regem, qui peste imminutas copias recensebat, nisi addidisset perditionem Mantuæ. Apparatus bellicus tanta prudentia per exordium anni constitutus, opratum sanè effectum non est assecutus.

Colalto enim, ab Hispanis instigatus, eodem tempore apud Imperatorem instabat, per Picolominæum, à Sabaudæ adiutum, & Spinola, quorum ille familiarem quendam submiserat, hic vero per comitem Panigarollæ negotiaba-

tur, ut supplementa deducerentur, certissima fiducia Mantua per aestatem subigendæ. Quod cum impetrasset, numeroso exercitu superbus, quidvis per Italiam corripere poterat; nisi Venetorum exercitus obstisset, qui victoriæ quidem nullius gloriam reportavit, instituti tamen progressum ulteriorem coercuit.

Gemini isti exercitus non diu poterant divagari, sine aliquo armorum periculo, donec ad Villam bonam confugerent. Quoniam verò Venetus miles usu armorum destituebatur, pedem retraxit, adeo ut Galli, Corsi & Capeletii duntaxat dimicarent, qui per virtutem malebant perire in ea occasione, quæ exiguo suo numero spem omnem victoriæ amputabat, quam famam opprobrio turpis fugæ commaculare.

Sic maxima pars illorum cæsi, vulnerati & capti, cum fervidius irruerent. Prosperiore successu pugnari poterat, si Veneti aliquas tantum suppetias præstissent, qui dimicationibus nihil assueti, aciem sculorum ex fulgore armorum perstringi sibi passi formidinem ex sclopetorum crepitaculis conceperant & fugam.

Politica Reminiscentiæ.

Nihil periculosius reipublicæ, quam inopia militis exercitatus. Belli enim scientia, æquè ac cæterarum artium addiscitur & præceptis & usu, ubi animi per crebriora pericula nondum firmatis, plerumque pavore percelluntur ad primum impetum. Romani statim animadvertente occasum impetii, quod hostes in partes disceptabant, ubi diuturna pax militi consuetudinem pugnandi admississet.

Politicoꝝ sapientissimi infelices eos iudicârunt, postquam hostibus carnere, qui perpetuum armorum exercitium exigent, adeo ut Carthaginis, quæ prius ad bellum sumendum sæpius eos irritârat, exitium ipsis perniciosius fuerit, quam illustis alicujus provinciæ perditio. Hinc Galliam formidabilem faciunt, postquam summo cum suo bono Cardinalem agnoscit principalem arbitrium voluntatis regie, sunt arma expedita, & copie perpetuo exercitui alacres.

Possent autem universæ Italiæ facile conciliare jugum præter æmulationes inter Galliam & Hispaniam, quæ salutem & libertatem tutantur, inopia militis exercitatis, cum ille ad usus Austriatorum conscriptus, hinc inde per nationes externas dispereat ad internecionem. Neque satis admirari cum stupore possumus, prudentiam Machiavelli hic sibi defuisse, quæ asseverare audet, periculose populos armis assuescieri.

Quamvis enim fortitudo illorum in bellis civilibus non raro plurimum noceat, non tamen desinit esse necessaria, ad retundendam Exterorum vim. Sapiens etiam Politicus, ut incommoda belli Civilis declinet, exemplum imitabitur, à Cardinale omnibus omnino Principibus oblatum, quo Gallia profunda fruitur pace, dum nunquam non paratas alit copias, ad suppressendos tumultus, qui quocunque casu emergere possunt, & ad Exteros coercendos, vicinos etiam asserendos, atque fœderatos juvandos.

CAPUT XXXVIII.

Mantua capitur ab imperialibus.

Aliquantum tempore post, ubi Imperiales eamporum planitie essent potiti, Mantuam aggrediuntur, quam vel inopinantem obruerent, vel obsidione legitima expugnarent: ad quod consilium tanto promptius descenderunt, quod rescivissent, prædicatorum numerum valde imminutum, tum ex pluribus damnis per eruptiones & in hoste propulsando susceptis, tum ob contagionis sævitiam, quæ spatio trimestri suffocaverat viginti quinque millia & amplius hominum.

Altringetus & Gallasius obliuerant loca obreptioni apta, ubi clientelæ intra oppidum illis insignem præstiterent operam, ex amore Guattalæ, quem superiori anno diximus in imperium Mantuanum sibi vindicare. Cum igitur cognovissent, aliquid ad Burgum & ad pontem D. Georgij feliciter audendum, in fossis ad lacum pertinentibus, ubi rarius fiebat exculsæ, quod locus inaccessus videretur, cum & appropinquantes omnino pateret, ob gemina fortassia pō-
si imposita, & catenæ in portu & ad turrim albā tederetur,

ne qua cymba ex lacu inferiori in medioximum abiret.

Huncigitur, neglectis omnibus obstaculis, deliguat locum irruendi, ad rationes ab infidis civibus præscriptas, ut scilicet milites quidam introirent, & urbs eodem momento per diversa loca infestaretur. Institutum hoc incidit in noctem octavi decimi Iulij, hora una ante diluculum, tanta violentia & molimine, ut virtus Mantuani & Estræ, qui sane per hunc casum nusquam defuere, redderetur inutilis, adeo ut post omnem conatum, à fortissimo quoque expectandum, deditionem ad leges honestas facere cogerentur, cum jam ex omnibus locis, repulsando hosti commodis, extrema essent ausi.

Politica reminiscentiâ.

Nullum fere est oppidum à militari obreptione liberum. Breda fortissima corripitur à Mauritio, per operam navicularij, qui solebat inferre in castellum carbones, ex cespite ad usum provinciæ excoctos. Navem is refererat milite armato, quem carbonibus illis undiquaque cōtexerat: pervadit miles usque ad castellum, arcem occupat, oppidum subigit, postquam copiæ per viciniam excubantes accelerassent & introitum molirentur.

Wachtendonck in ripa Nieræ capta fuit ex navicula, straminibus referta, ubi Matthæus Dulchanus cum tredecim socijs latitabat, duce milite, stramina advehere solito, qui vigili notus, dextram exposcebat, ad excensionem juvandam: sed auxiliatorem attractum ille aquis conspexit, dum ceteri à nemine visi in terram exilirent, præsidarios nihil suspicantes in statione proxima contrucidarent, pontem demitterent, & Henricum Bergensem, qui quadringentos viros lectissimos in vicinâ habebat præsto, absolvendo negotio reciperent.

Possem longam seriem exemplorum similium pertexere, cum nullum oppidum adeo perite sit munitum, adeo accuratè custoditum, quin alicubi aditum rimatoribus præbeat.

CAPUT XXXIX.

Quare Mantua fuerit capta.

Mantuae perditio tribus potissimum causis tribuitur. quarum summa fuit Guastala, qui imperialibus eas in oppido clientelas conciliaverat, ut facultatem adipiscerentur non solum aditum illum speculandi, cum cuivis alii esset inaccessus, nisi ab incolis edocto, & propter situm, & propter ordinem eo perveniendi; sed etiam ab ipsis incolis, postquam penetraverant, auxilia assumendi.

Venetis accedit altera pars vituperii, tum propter nimias dilationes ad annonam inferendam, ubi postremus com meatus aditum invenit praeclusum, quem imperiales occupaverat, tum propter tardiusculum exercitum, qui maturè contractus vel ex praesidiis potuisset imperiales ex provincia exigere, aut conficere, modo ab exordio annis eripisset militem, & promovissent: neque enim prodierant, nisi post nova imperialium supplementa ex Germania, cumq; nullo armorum usu valerent, ab imperialibus nullo penè negotio sunt contusi, ut & campestrina, & loca per viciniam, exigua quidem, sed tamen ad eum finem satis communita, hosti relinquerent occupanda.

Neque Mantuanus omni caret culpa, quod non satis advigilarit, quantumvis Estræus regio nomine urgeret, ad restaurandum praesidium, contagio imminutum. Ex ista socordia hostes non satis virium invenire in oppido, quæ vim ingruentem repulsarent, id quod milleni profecto praesidiarii ausi fuissent.

Politica Reminiscentiâ.

Nimia hæc est bonitas & valde perniciofa, si Princeps novi Imperii possessione gaudens, per aliquam vicissitudinem casuum, populis non per omnia gratam, libertatem permittat competitoribus, quibus nunquam defuerit voluntas aut facultas turbandi. Sic ignis in paleâ

relinquitur, ad incendium subitum & immane: neque enim sibi persuadere poterit diuturnam provinciae tranquillitatem.

Tyrannidis leges irrogant cuicunque amulo mortem, crudelem pietatem declarantes, ubi princeps imperio exiit, vite usurâ salvâ. Ut autem nemo illuc convertat oculos, Iustitiæ ipsius leges sufficiunt, cum permittant libertatis dispendiū, & cō securius ab opprobrio vindicent, quod possessio celebretur iusta, unde tenetur possessor omnem omnino exerere auctoritatem, ut imperium mediis quibuscunque commodis asserat & tuteur.

Deinde non minus sollicitudinis adhibendum, ut hostem præveniat, ubi de conscribendo exercitu agitur. Iam monuimus, quantum promittitudo sit utilis & necessaria in rebus bellicis: & nemo dubitat, multum prudentiæ requiri, ut quis aggrediatur hostem, antequam ille ad impetum parem contraxerit copias. Nam vix fieri poterit, ut successus prosperior frustretur, & victoria animos militum mirè firmarit: possessio enim, usu vincendi parata, summum est compendium cæterarum rerum gerendarum.

Ante omnia tamen summam impendet operam, ut præsidia necessaria in oppidis, quæ hosti fuerint viciniora, aut obvia, sustentet, cum penuria illa hosti faveat, & victoriam offerat, adeo ut vix opus sit multis ambagibus, cum ad vim apertam exiguum quid obijciatur. Contemptus de hoste sumtus, ut ad munitiones tardius applicemus animum, nos exponit majori periculo, adeoque ignominia, post acceptam eladem.

C A P V T XL.

Marchio Spinola aggreditur Casalam.

CARDINALI abundabat & prudentia & virtus, ne Casala eodem malo interiret, licet longè majori periculo proflaret. Ut autem seriem instituti rectius percipiamus, obsidionem ab ipso exordio reperendam censeo. Postquam Pinerola esset capta, eadem mens Cardinali & Spinolæ sede-

bat,

bat, deferendi videlicet Pedemontii. Ille, ut regem conveniret Gratianopoli, & sese comitem ad subigendam Sabaudiam adduceret. hic ut Casalā obsideret, honore quoque anno superiori perditum recuperaret, si fortuna faveret, ad delendam illam maculam.

Reduxerat enim exercitum ad primum de regis adventu hunc, ut sex dierum intercapedo semper eum a regio exercitu dirimeret. Stimulabatur a hoc institutum honore, virtutem inflabat desiderium, & ignominia tot victoriarum hoc uno opprobrio exoletarum extremum urgebat, ut errorē admissum corrigeret. Hinc statuit, vel vitā impendere, vel superare, cum dispendio famæ posthaberet vitam. Nullum igitur strategema omittit, omnem adhibet violentiam, ut animo satisfaceret.

Nullum unquam munimentum tanto robore & fervore fuit tentatum, nullum unquam fortius fuit defensum. Pauci sanè præteribant dies, quin impetus novi fieret, aut eruptiones. Tormentorū ibi usus frequentissimus, cuniculi aguntur undiquaq; globi incendiarii volitant eā copia, ut sæpius oppido immineret incendium, nisi summa cura effectum prævenisset. Aegritudo tamen animi, nihil prorsus relinquebat intentatum, quicquid longissimæ militiæ usus, & extremum desiderium adinvenire poterant, ut votorum compos fieret.

Politica Reminiscencia.

Ignominia radicem habet venenatam, quæ nihilominus aliquando gignit fructus eximios: adeo ut ipsam rectissime conferas illis plantis, quas Natura voluit damnare radice lethali, & simul beare foliis, adversus aliquod malum salutaribus. Nunquid ipsa sæpè numero animos summorum ducum extimulavit, ut, ubi victoriam ad hostes inclinari videbant, in medium cōflictum sese præcipitarent, arma, dexterasque & brachia sanguine hostili tinxerint & sic militem fractum ad novos impetus excitarent, cum applausu fortunæ, quæ gloriam, ex ancipiti perditam restituerit? sic meminimus, militē in aliquo prælio prorsus vacordē, extēplō leoninos cōcipere spiritus, ad persequēdos hostes.

ut opprobrium certissimum averruncaret. Sic Persæ exignominia, quod Iustinus refert, quam occurrentes foeminae, iuicis in altum sublati incutiebant, faciem convertunt, & hostem tergo modo inhaerentem cadunt. Sic T. Livius refert, Agrippam Consulem plerumque solitum, signum aliquod convellere, & in medios hostes conicere, ut miles exignominia amissi signi, geminaret virtutem, ad illud recipiendum.

Historia Græca & Romana scaturit istiusmodi exemplis, quæ retulisse fuerit bono lectoris otio abuti. Non tamē silentio involvetur illa ignominia, quæ Cæsar ex imagine cōspecta Alexandri Magni cōcepit, quis tantis victoriis inclaruisset, ab ipsa ætate, armis ferendis apta; adeo ut exindenū quæ desierit heroica meditari, ad nominis gloria immortalē.

C A P U T XLI.

Redintegratio fœderis Hollandici agitur.

VT autem locus ille famosissimus assereretur, duo omnino erant necessaria, quæ oblectarentur summo Spinolæ desiderio: Unum, ut coerceretur Hispanorum militiæ, ne ad numerum copiarum optatum pervenire posset, alterum, ut nihil deesset exercitui regio, supplementis etiam tempestivè submissis, donec lænæ manipulorum, a peste factæ explerentur. Cardinalis utrumque prævidens, illud quidem ita procurans, antequam Parisius abiret, ut Hispani satis operarum per Belgium invenirent, ad conservandas copias illæ necessarias, nullo penso novorum confiliorum: dum etiam Rex Sueciæ, de quo inferius erit locus dicendi, per Germaniam tumultuari inciperet, ad distrahendas vires.

Cardinalis enim odoratus, sub finem anni superioris, quanta compendia Hispanus iret oblatum Hollandis, ad inducias firmandas, ut sic facultatem nancisceretur, copias ex Belgio in Italiam traducendi, regi explanat, quanto damno induciæ illæ forent universæ Europæ; cum sic tempus locusque præberetur Hispano, ad constabiliendas usurpa-

ciones per Germaniam, ubi aliquot Austriaci principes expolarant, æque ac Mantuano imminabant.

Id periculum rex animadvertit, mandatque Bannyo legato ad Hollandos, ut antiqua cum ipsis fœdera redintegraret, ea lege, ut per aliquot annos, neq. pacem, neque inducias cum hostibus facere vellent. Hanc potestatem ille ab ipso Decembri superioris anni acceperat; nihilominus tamen, uti negotiationes nunquam adeo promptè terminantur, pacta illa vix mense Junio hujus anni signis firmari potuerunt. Quâ ratione Cardinalis prudentiâ incomparabili, & Hispanorum machinationes prævidit, & prævertit.

Politica Reminiscencia.

Quemadmodum non parum gloriæ Ministro accedit, si vim hostilem vi contrariâ præveniat, uti diximus, ita æque gloriosum prudentiam prudentiâ illudi. Imitemur in hoc casu nauclemum, qui laudem maritumorum itinerum adeptus, novit tempestatem è longinquo ingruentem, antequam appareat, ut tempestivè præstaret quævis necessaria, ad violentiam illius frangendam. Liceat eundem prudenti comparare medico, qui suæ curæ concreditos non tantum ab incurso morborum restituit, sed etiam periculo in futurum eximit.

Et ut verû fateamur, in hoc cardine summus steterit prudentiæ politicæ usus; adeo ut ego sæper existimârim, summum officium, quod minister reipublicæ præstare queat, in eo versari, ut per prudentiam artes, quæ hosti aliquod compendium conciliare possint, eludat, cuniculos exinaniniat, & omnem conatum industriæ hostilis retundat. Prudentia enim, quod nemo iverit inficias, summam meretur laudē, ubi robur exuperat.

Thucydides in Historiâ præfert istiusmodi victorias quibusvis aliis: ipsa etiam prudentia eò ampliorem postulat honorem, quod malum in radice resecat, sæpeque exercitum præsertitutum ab alea præliorum, plerunque ancipitum, ubi hostium vires adeo debilitentur, ut neque impetum audeant: id quod Cardinalis per plurimas occasiones compertum dedit.

CAPUT XLII.

*Rex imperium militiæ committit Momorantio,
Effiato & Forzæo.*

NEcessitas etiam novas copias exigebat, ad exercitum regium supplendum. Mareschalcus enim Mariliacus hætenus fuerat contumax ad mandata regis, ut exercitum Champaniæ in Italiam duceret, quem Cardinalis ipse sagagebat assumere, nisi factionum tantum fervorem in aulâ offendisset, ut non tantum suppetiæ, ad Casalâ assensendam interirent, sed & universa Respublica everteretur.

Necessum igitur habuit ad eas dissipandas accingi, & Lugduni apud regem diutius commorari, qui consultum duxit, ipsi surrogare Momorantium, Effiatum & Forzæum. Summi isti duces exercitus præstant alternis septimanis, licet Effiatus emineret, ita ut hic primum agmē, ille exercitum, alter postremum agmen duceret unâ septimanâ; alterâ & tertiâ itidem reciprocarent ordinem; medius autem omnia mandata summa, ad universum exercitum, per suam illam imperii septimanam distribueret.

Potissima ratio hujus instituti, quod Cardinalis regi proposuit & persuasit, ut plures ex summo imperio participarent apud exercitum, ducebatur ex necessitate consilii, ubi complures viri summæ prudentiæ, & experienciæ de rebus emergentibus in medium consulerent. Eo autem mitti & induci non poterant, nisi cum imperio summo, quod natalibus & meritis clari, nunquam sustinuisent per absentiam regis obedire, nisi quisque suo ordine imperaret.

Neq; tamen ignorabant, multitudinem imperantium plerumq; excitare æmulationem, ex quâ confusio in exercitu suboriatur: prudentia vero illius incomparabilis, quæ remedia morbis reipublicæ deploratissimis invenit, non defuit sibi ad rationem adversus illos casus noxios ineundam, quæ sanè singularis est, in imperio trium imperatorum, quorum singuli suâ vice, vel primum, vel medium, vel po-

postremum agmen ducerent, nunquam sine imperio, vel summo, vel illi proximo; adeo ut ex æquo gloriæ consortes æmulatione carerent.

Politica Reminiscencia.

Quemadmodum nullus unquam mortaliū in quacunque facultate summā adeptus est laudem, nisi tyrocinium & experimenta haud vulgaria præstiterit, ita minister reipublicæ summus nunquam prudentiæ eximiæ auferet famam, nisi quid singulare in administrationis instituto exerat, novum ordinem belli, togæq; explicet, reipublicæ evidenter utilem.

Leges militiæ vulgares jubent, ut uni capiti subjiçiat, universus exercitus, eo quod vulgò ignorentur rationes concordæ inter plures servandæ, quibus summum imperium manderetur. Istæ igitur ratio eo arthor est visa & comprobata, quod virorum & iudicii acumine, & experientiæ usu celeberrimum cōsilia natales & merita æquêt, ad communem commodum. Scimus omnes, prosperiores successus dependere sapius à bonis consiliis, potius quàm à numero & virtute militum.

Qui verò expeditiora dederit, aut melioribus inhæserit, quàm summi duces, quorum singuli exercitum cum laude ducerent? Vnus vir istius fabricæ senis legionibus præstat: Vbi commodissima ratio in istius cerebro non pullulavit, in alterius genio generabitur: ubi hic strategema nō animadvertit, ille improvisum non transmittet; ubi alter prævidet aliquod periculum, alteri succurret promptum ejus remedium.

Vix unum invenire licet hominem, quicum omnes & singulæ summi ducis virtutes hospitentur: quicumque autem tres compingit, illi penuriæ medetur, modo pacem inter ipsos constabiliat. Hic audacia pollet, quæ suâ sponte cæca, vel inde minus apta fuerit & ad deliberandum, & ad exequendum; ille prudentia excellit in consiliis, & ad dispicienda necessaria ad eluctandum, sed frigidior fuerit idem ad promptam executionem; iste denique præfert auctoritatē admirandā ad militem disciplina continendū, & ordini mancipandū. Quod si mixturā & temperiē summo-

rum virorum instituas, ut ex æquo imperium gerant in exercitum, nulla causa æmulationis, aut confusions, successus omnino gloriosus consequatur oportet.

CAPUT XLIII.

Trium virorum victoria.

Usus sanè id comprobavit per tres istos duces summos, qui arma regia in eam gloriæ gradum per Italiam sustulere, ut Hispani & Germani non facile audeant denuo novam segetem celebrioris famæ per illas regiones præbere. Primum conflictum inière cum hoste ad pontem Velianæ, ubi dux Sabaudia, cum principe Pedemontii sexies mille pedites, & mille ducetos equites tanto impetu in reliquas copias ad trajectum impulsere, ut omne conatum effuderint, successu tamè perquam frustraneo, licet virium longè dispar esset ratio, ad confusionem, fugam & eadem aggressorū.

Fassi profecto sunt duo illi duces, cum acerrimo tædio, quod postmodum innotuit, nunquam sibi visos tam egregios bellatores. Secundum hanc victoriam, Salustias recta petunt, ut alteram Pinierolam ibi constabilirent, si potirentur, quod contagii metus ab illa abstinere juberet. Forcens, summus tū imperator, injungit filio, quingentis equitibus præfecto, ut oppidum verbis ad civilitatem compositis ad deditioem invitaret, deliberato captans benevolentiam populi, qui operam non contemnendam posset exhibere in omni reliquo negotio, quod annonam concernit.

Oppidani non poterant persuaderi, exercitum regium tam propè accessisse, rogant tamen copiam mittendi ad duces, quibus cum transigerent. Permissum id, & factum: sed ad regressum illorum, quingenti milites lectissimi subierant, qui & nostros & suos impetebant adeo protervè, ut duces de hoc casu certiorem, coegerentur exercitū ocyus promoveri, ad castigandam hanc insolentiam. Ex fossoribus complures oppetere, plurimis fauciatis, virtus tamen cæterorum indignata, contumeliam regiis armis oblatam non tulit, quin promptum auxilium tribulibus, expeditam multam hostibus adferret.

Sic

Sic igitur accelerantur tormenta, erecto suggestu, producuntur ad distantiam vicenorum pedū, ut muris tertia vel quarta hora post adventum ruinā comminarentur. Id verò incolis stuporem incussit, ut deditionem nihil differrent, etiam præsidio castelli intra unius dieculæ spatium ad obsequium deducto, quod modo quingentis propugnatoribus erat auctum.

Nullæ igitur leges ipsis datæ, nisi ut captivorum sorte gauderent, donec per illam formidinem ardor illius temeritatis deferbuisset. Major quidem pars cōtinuò adepta fuit libertatem, eodem die ad Ducem sine redemptionis pretio, ex civilitatis officio remissi, cum istis mandatis: scire nempe duces Gallos, quanta penuria militum laboraret dux quos benevolè sic submitterent. Retinere tamen Balbianum, quingentorum caput, cum aliquot primoribus, quos in Castellum Delphini sepelire.

Politica Reminiscencia.

Temeritas æque vituperatur in obsidione, uti fortitudo laudem meretur. Turpe est, obsessos locum defensionis commodum, ad primam petitionem tradere, cum licitatoribus sanguis esset profundendus, & vitæ impensis metæ illa comparanda. Imprudentia tamen in eo usu dominatur, ubi obsidentium vires infirmitatem loci longè superant. Decet sanè eos, antequam deditionem faciant, aliquo testimonio virtutis ostentare, iniquitatem loci, non verò ignaviam suadere excessum.

Nihil autem laudis tulerint, si hostium iram iritent, quo protervie, nisi per nimium fervorem, nunquā processerint, ad proprium damnum; uti & in cæteris omnibus facinoribus, ubi ardor subito per teporem ad glaciē descendit, post explosum flammæ impetum. Consequitur enim confectio animorum, & acrior vindicta. Nam leges prudentiæ militaris imperant iis, qui evidenti infirmitate laborant, obsequium ad arma hostilia, ut saltem non offendant per contumeliam: eò quod leges iustitiæ victori liberum faciunt, secus agentes, propter insolentiā, pro lubitu castigare.

Semper equidem magni feci illam T. Livii sententiam, cum ait, temeritatem non tantum esse imprudentem, sed

plerumque malo successu multari. Vera audacia instituitur potentia, quæ spei ostendat facultatem vincendi: neque vero desiderio solo stimulatur ad agendum, sed etiam iudicio, quod viribus contemptum conciliat, quæ nostro instituto adversantur. Cumq; cæterum maiorem veniam mereatur, præ ignominiosa væcordiâ; semper tamen apud animos sapientum, & peritorum errorem fert præcipitantia.

CAPUT XLIV.

Schombergius caput Velianam.

Eodem tempore Marechalculus Schombergius mandata recipit, quibus jubebatur trans Alpes ducere decies mille bellatorum, ad exercitum restaurandum. Is iuxta Velianam procedens, constituit locum illum aggredi, quem etiam cum castello intra ostidium suæ fecit potestatis. Tantam inde Sabaudus sumit formidinem, ut deinceps dispiceret, quâ ratione per compositionem aliquam benigniorem sese ex istis negotiis extricaret.

Ad oculum enim videbat, primas regis victorias, quasi ipsius virtuti, & Cardinalis prudentiæ ascriberet, si arma regia expenderet, tantum animi addidisse exercitui, ut iam nihil esset reliquum, quod viribus illius opponi posset.

Politica Reminiscencia.

Par ratio victoriarum & torrentium. Postquam enim torrentes viam reclusere, ut aquæ proruerere queant, quævis obvia sternunt, adeo ut nihil inveniat, quod violentiam illorum frangat: eodem modo primæ victoriæ, quibus exercitus initiatur, tam vehementer concutiunt animos, ut postmodum faciliè vincantur, quicunque impingunt. Illi enim sunt genuini virtutis effectus.

Secundæ itaq; victoriæ potius fluent ex fama primarum, cum pavor hostibus insinuari cæpit. Quicunque autem semel trepidat, non longè abest à victo, ex solita militis dispositione, quæ metum facilius, quam spem induit: adeo ut

non

non rarò videas prælii arcam deferi, quam perdere metuit, non quam jam perdidit.

Sic sanè exercitus hostem cædit, & aggreditur quocunque impetu virtutis, & tanto certiozem victoriæ spem concipit, quod possessione ejusdem gaudeat: ubi viceversa alter exercitus defensionem sese duntaxat accingit, ex metu secundæ cladis, per tenorem superioris. Quod si tandem eveniat tantillum detrimentum, alicujus momenti; oppida dissociantur, & ad partes victoris concedunt.

Sic post cladem Antiochi universa oppida Asiæ misere claves, quo signo obsequium deferrebant, Consuli, qui exercitum Romanorum ducebat, ut imperata faceretur, uti T. Livius commemorat. Sic post cladem Lacedæmoniorum, universa illorum oppida vix alterum aut tertium expectarunt diem, quin sese Romanorum potestati permitterent.

Thebani porrò per unam solam victoriam, sub imperio Epaminondæ à Lacedæmoniis relata, universam Græciam subegere, si Diodoro Siculo fidem habemus: tantum valent primi conatus bellorum, ad prosperiorem totius instituti successum.

CAPUT XLV.

Sabaudus concedit fatis.

Salussarum perditio, cæteris victorijs, ad Velianam & alia minoris æstimij per viciniam loca, juncta, tantum consternationis hostibus subiecit, ut munimentum D. Petri desererent, cum universa valle, nihil sibi servarent, præter castellum Bresoli, postridiè captum. Quod vero maxime mireris, Sabaudus in eam incidit animi ægritudinem, ut vitæ usuram post pauculos dies deponeret, postquam fortuna ipsum exuisset omni imperio.

Dolor animi in hoc principe ostendit, quod experientia in plurimis alijs præstitit, satis potens utiq; ad exhauriendū humorem radicalē, & extinguendū paulatim calorem naturalē, ut

venenum suum rectius ad cor adigat, mortemque inferat, Necessitas moriendi est quidem sine remedio, & lex istius necessitatis conciliatrix, nullam patitur exceptionem, cum mors æquè exerceat potentiam in principes, ac in ultima mundi mendicabula, ut animadvertas, quā libidine universos exæquet, post vitam per extrema utrinq; discrimina actam.

Mors naturalis, uti nativitas: ita convenit humanæ conditioni, uti decasus Soli. Sic naturalis, nihil mali fuerit, cum natura nihil mali condant. Cui vero malam existimes? cum certum sit, discessum ex hoc mundo sæpissime minori esse dolori, quàm introitum. Nihil ibi occurrit operosum, præter inquisitiones, animum exercentes, & dolores corpori, ante separationem animæ, sufferendos. Unde crediderim, promissam fore felicissimam, si per gratiam divinam obtingat, cum minimo labore & angore ad superos transire.

Politica Reminiscencia.

Quod ego Magnatibus, secundum optimam animæ constitutionem, inprimis optandum censuerim, est, ut mori ipsis detur, antequā per sensum miseriarum desiderium mortis concipiant. Is demum princeps commiseratione dignus videbitur, quem mors præterisse videri possit, ad fortunæ ludibrium; & imperii perditionem relictum. Quod si ex ordine providentiæ divinæ teneatur tantam subire miseriam, longè jucundiorē fato defungeretur in acerrimo conflictu, honoris theatro, quàm in grabato, ignominiae penu.

Quicumque enim occumbit in aliqua pugna, sauciatur quidem ad aliquam commotionem, & in fervore dimicandi vix sentit plagam, ut mortis beneficio egrediat ex mundo per portam honoris, unde minus ægrè discedit. Fit tamen, ut morbus corporis, ex dolore animi coortus, quā animam ex sede & statu deturbat in mediis fortunæ insulibus, plerumque eandem post sævas convulsiones dimittat.

CAPUT XLVI.

*Princeps Pedemontii imperium sumit in exercitum,
post mortem parentis, Sabaudia ducis.*

SABAUDO vivis exempto, Princeps Pedemontii, qui ha-
tenus partē exercitus erat imperio complexus, sacra-
mento adigit universas copias, jam bellum gesturus, pari
utique fortuna. Regii enim prae secuti victoriam, ibant oc-
cupatum Villafrancam, & Pancallerium, exinde pontem
Carinianum, adeo ut Eridano liberrime uterentur, Casala
versus. Invenere quidē obstacula, sed quae gloriā augerent.

Delectus enim exercituum hostilium, quos Hispanus,
Germani, & Sabaudus submiserant, vallo adeo forti sese tu-
rabantur, ex semilunato opere, ut Agencurius ad speculan-
dum missus, in Senatu militari referret, non nisi longo re-
poris tractu illic excutiendos. Exercitus tamen regius ea
violen tia incur savit, ut & semilunatum opus, & extremum
pontem corripere, quantumvis repugnaretur, capris ple-
risq; Hispanorū Ducibus, sauciatis, aut casis in te praesenti.

Quamvis autem novus iste Dux, nihil magis, quam pa-
rens regi studeret, ei tamen agnitudo ex tot casibus adver-
sis, qui ob oculos versabantur, suggestit, pacem potio rem
sibi praebello futuram, tametsi illam mentem operose te-
geret. Magis ac magis ad illud institutum ferebatur per ra-
tiones commode & industrie ipsi propositas, ex quibus iste
agmen ducebant.

Exercitum regium viribus polle re, qui non videatur,
post tot obstacula exuperata a Casala distineri posse, & a
suppetiis inferendis: quibus si nullā opē Sabaudus perdu-
cedis praestet, & potius hostili animo pergat, nunquā vi-
taturum victorem copias, quin in reliquum ipsius imperiū
effunderentur, ipso ultra incitas redacto: primum id Hispa-
no, ipsum in bellum concitare, cum Hispanus nihil quiquā
alea exponat, per Italiam, & Casala asserta victoriā spe tan-
tummodo excidat, Sabaudum autem expoliandum pra-
beat.

Nimis

Nimis ipsum credulum, qui sibi persuaderi patitur, Hispanos capta Casala Citadelam solo complanari constituisse, cuius conquirendæ gratiâ tanti sanè conatus, tanti sumtus nunquam fierent, nisi ut exinde universæ Italiæ jugum intentaretur. Mantuanum ipsi partem postulatorum & iurium concessurum ex Monferrateni imperio; qua portione sibi satisfactum credere posset amplius, quam quod ab Hispanorum fastu expectaret, si ipsi Casala potirentur.

Denique & vicinum Hispanum longè graviolem fore accolam, præ Mantuano, cum ille jam ad nimiam per Italiampotèriam pervenisset, secundū institutum in tot occasionibus compertum, universæ Italiæ subjugandæ. Rationes istæ crant profectò prægnantissimæ, quæ animum Ducis plurimum labefactabant, tametsi nondum sese penitus aperiret: minus enim fervide agebat, sentiens sese impeditum ad perniciem extremam, si pergeret. Animadversum etiam, remissius eum fovere Hispanos, fiducia paulatim languescente,

Politica Reminiscencia.

Nihil potentius unit, & facilius separat Principes, uti commodum: solvitur unio, quamprimum spes decemolumento decollat. Ante compluria secula monuit T. Livius, utilitatem publicam, nodum & vinculum esse peccatorum quorumcūq; Quilibet suum sibi quærit compendium, vicini rebus neglectis, nisi cum suis cohæreant.

Quicumque illorum conatus communes hoc fundamento inædificantur, quod subrutum, aut vitium faciens, ruinam totalem universæ trahit fabricæ. Magnates neque amicum, neque inimicum agnoscunt, nisi ex incommodi aut commodi, quod inde ducitur, ratione. Quis verò id adeo miretur, cum per catenas invisibiles omnia universi elementa commodis agitentur suis, adeo ut continuò secessionem faciant, ubi ullum eorum nimium sibi sumere & arrogare incipit.

CAPUT XLVII.

Armistitium conciliatur inter regios & Hispanos, intercessione Mazarinij.

PACIS negotium vix unquam fuerat sublatum, quin Mazarinius ejus gratia hinc inde commeari pergeret. Sic quinto die Augusti ducibus regijs proponit inducias his legibus ineundas, quæ primitus neutiquam placebant. Volebat enim, oppidum & castellum Casalæ ad aliquod tempus constitutum, in potestatem Spinolæ consignari, Citadella semper sibi servata: idque in eam rem, ut Hispanorum honori aliquatenus confuleretur, qui eoque nullum per Italiam operæ pretium fecissent, unde Spinolæ major pertinacia.

Regem Hispaniæ indignari, tam famosum ducem armorum uti illo nihil profecisse, quod in aliqua epistola ipsi legere licuerit: Videri, id indulgen posse ad honorem & Spinolæ, & Hispanorum asserendum, cum nullus dubitet, per istas inducias ad pacem optatam transiri posse. Ille tamen sermo animos & virtutem Gallorum apprimè offendebar, cum flagrant desiderio Casalæ per vim asserendæ.

Sic in re adeo exorbitante, deliberatio minus promptè descendeat ad scitum, in triduum tamen placuit hostilia omittere, quod aliud triduum contraxit. Ibi commodè adferebantur literæ ab illo, cui summa apud duces fides, & deploratas Casalæ res nuntiabat, unde Mazarinius incunte Septembre reversus, ut induciarum mentionem reciprocaret, benignius audiebatur.

Summi duces in consilium advocant primores exercitus, ut deliberarent, de summa rerum; ibi unus tantum ex novenis sese opponit, sed cæteri octo comprobatis istis legibus, inducias paciscuntur, usque ad quintum decimum Octobris, ut universo illo intercedens tempore utrinque ab hostilibus abstineretur; regij hospitarerent ubi vis locorum trans Eridanum, & cum omni libertate annonam cœmerent, oppidum & Castellum Casalæ in Spinolæ manus traderentur,

rentur, quæ fide, interposita redderet, nisi intra tricesimum Octobris Citadella reciperet suppetias; exercitus tamen regius interea libera ad Citadellam uteretur communicatione.

Nisi intra eundem tricesimum diem Octobris Citadella iuvaretur, Spinola cederet, Hispani tamen tenerentur per singulos dies necessariam annonam, usque ad diem præfixitum, Casala præstare.

Politica reminiscencia.

Induciae plerunque exordiuntur pacem: quicunque enim incipit negotiari ad eam rationem, ut aliquamdiu arma ponat, aliqua dispositione, ad concordiam optatam necessaria pollet. Ipsa negotiatio abunde testatur, ignem ex quo belli incendium prodijt, considerare, ubi induciarum suavitas aliquid fascini trahit ad transigendū: quod Plutarchus testatur in vita Niciae, mentione facta induciarum, inter Athenienses & Lacedæmonios institutarum.

Hinc commodæ transactionis cupidus, ne per ancipitem belli aleam omni successu frustretur, induciarum mentionem nunquam repudiare debet, modo honestis legibus illæ consent. Etiam addiderim ego, ubi eadem res gesta, unde victoria nobis promittitur, possunt ex clade turpi terminari, per inducias non semper conditionibus perquam commodis insistendum, adeo ut utrinque rigor remittat. Sic Pericles, qui cum quovis reipublicæ ministro laudato per antiquitatem committi potest, nihil reuit inducias, quæ inter Athenienses & Spartanos agitabantur, tamen illi tenerentur singulis annis duo talenta pendere, quasi tranquillitatem illam mererant, quemadmodum Plutarchus memorat in vita Periclis. Sic sane Ludovicus XI. cuius prudentia in nostris historiis summe celebratur, Eduardo regi Angliæ non gravate pactus est, ut induciæ in novem annos continuos herent, quinquagies mille ducatorum aureorum quos singulis annis per inducias constitutis connumeraret.

Anglis volupe erat, tributum id nuncupare per fastum, quod Galli pensionem dicere malebant. Fatebimur vero, parum honoris ibi Galliæ accessisse, laudandum tamen fuisse institutum ex legibus prudentiæ politicæ: cum sic

Angli

Angli ex Gallia sub moverentur, qui cum Carolo Burgundo conjuncti, extrema quæque minitabantur. Quicquid tandem sit, securitas in periculo grandi quovis pretio emittitur; adeo ut satis commodi vel inde cooriantur, ubi hostis à victoria obtinenda distinetur, donec ex temporis opportunitate redintegrentur vires ad aleam belli & pugnae denuò subeundam.

C A P U T XLVIII.

Cur Galli inducias pepigerint.

Inducias tamen istas complures suggillabant, ipse etiam Cardinalis, qui cogitabat regem inducere, ad declarationem promulgandam, quâ irrita haberentur illa pacta, & signa negotiatorum revellerentur, exercitu ad progrediendum jussu. Celsus enim illius animus, flecti nescius, ægerrimè ferebat, oppidum & Castellum Casalæ in manus Spinolæ concedere: nunquam enim eo usque descendisset præfens ad exercitum, de quo nemo ambigebat.

Apponam tamen rationes, quæ pacta conciliarunt: quarum prima & summa erat, quod Sabaudus admodum vacillare crederetur, & aliquatenus promississet, regiis partibus accedere, nisi Hispani ratas haberent leges, prius cum Spinola disputatas: ubi id accedebat, quod Mazarinius asseveraret, Sabaudum super eare ad matrem perscripsisse, quarum literarum copiam esset facturum ducibus regijs, ad comprobandum negotium, & honorè illorum asserendū.

Quod si cum Sabaudis ad eas leges conveniretur, ut ille Hispanos ad pacem firmandam adigeret, aut ipse arma cum regijs, ad Casalam liberandam conjungeret; nihil quicquam metuendum fore detrimenti, cum viceversa liberatio Casalæ integra inde assereretur. Neq; enim duces sine istâ consideratione unquam assensu fuissent. Accedebat tamen extrema necessitas, qua cum Casalam conflictari scripserat Thomastus; quæ intra pauculos dies, antequam exercitus pervidere posset, incolas, omnium armorum

à triennio ingruentium tædio, quorum non pauci Hispanis fovebant, percellere posset, ad vim inferendam præstidarijs & deditioem extorquendam, qui metus summe angebat, ne eo eventu arma regia turpem susciperent maculam.

Brezæus præterea jussus erat à Ducibus singulariter, Cassalampetere firmandorum pastorum, quod prætexebatur, gratia, à ratihabitione tamen tantisper abstinere, donec cum Thoirasio esset collocutus, certiorq; fieret, an suppetias sine periculò expectare posset: quâ fiduciâ exercitus esset producendus, induciis neglectis.

Sic pacta solennem fidem non habuere, nisi post certam nouitiam, de eventu dubio, cui nemo cavere posset. Deniq; consultissimum visum, quietem indulgere exercitui, contagione conflictato, & hospitia elargiri. Ibi tamen necellū erat, ultra tringinta leucas in hostili provincia progredi, nullo munimento, nullo refugio, parcissima annona.

Politica reminiscencia.

Possumus, in gratiam illorum, qui induciarum fuere aucthores, dicere, ad pacem stabilem & securam ineundam non omne prorsus commodum hosti recusandum, ne coactus subire ignominiam & turpitudinem, paulo post, ubi occasionem & vires vindictæ exercendæ fuerit adeptus, pacta disturbet in gravius bellum. Hæc Archidami sententia, cum Lacedæmonijs iret persuasum, ut cum Thebanis pacem facerent, uti Isocrates docet. Vix enim potest pax constitui ubi omnia commoda in unam partem vergunt, & aduersa desperationi relinquitur.

Quemadmodum autem nihil æque sauciat generosum animum, ac iactura honoris; jam ad novos conatus extimulabitur, omni pacis studio projecto. Nisi igitur vires extra omnem comparisonem majores sint præstò, ut victoria frustrari nequeat, videas ex necessitate turpitudinis colluctantis, quaternis exæquari vel unum virum cordatū. Necessitas enim, stimulante turpitudine, convertit fugientem, ut cum furore persecutorem repulset: eadem omnem pauorem eripit, & quidvis audere jubet.

Exitus denique bellorum valde sunt ancipites, ubi prælia

lia cum cæteris rebus humanis censentur. Quemadmodum negotiator sese videt in eum concursum rerum redactum, ubi nimio emolumento intentus, in certissimum jacturæ penitissimæ periculum incidat; ita dux universæ gloriæ avidus per vim corripiendæ, segetem illius non raro permittere cogitur hostibus, quos nimis vehementer ad extrema quævis perurgebat.

CAPUT XLIX.

Rex graviter decumbit, & de republica disponit.

Tempore induciarum Deus, qui Principes ex eadem, qua reliquum genus mortalium massa confecit, permisit, regem in morbum acerrimum incidere, cuj⁹ anceps eventus rempublicam in summas angustias posset conjicere. Quemadmodum vero quævis mala mortalibus immissa, non in exitium illorum vergunt, eo quod Numen præsideat arbitrio casuum humanorū, Gallia nondum privati debuit rege tam necessario, nec Ecclesia primogenito orbari, tanquam propugnatore libertatis.

Sic igitur rex ad pristinam sanitatem restituitur, jam gnarus, subesse legibus humanæ sortis, ad modulum extremorum subditorū, ut exinde testimonia potiora & virtutis & pietatis, quibus animam gerebat ornatam, exereret. Tantu animus universo mundo ostendit, mortem non esse metuendam; sed instar januæ, & benigni transitus ex miseris hujus vitæ ad cælestem beatitudinem, habendam: hinc nullis alijs cogitationibus vacare voluit, nisi ut misericordiam divinam mereretur, cujus potiundæ spem certissimam conceperat.

Si qua agnitus intercessit, non concernebat illa coronæ relinquendæ jacturam, sed offensas commissas, quas infirmitas humana non potest declinare, adeo ut gratiam illarum anxie expeteret, jussis etiam omnibus præsentibus, ad fluidas lachrymas, suffragia addere.

Politica reminiscencia.

Reges per splendore coronarū illustrem nō eximuntur censu morborum aut mortis: ubi natales & sceptrum faciunt superiores, mors & morbi ad sortem communem retrahunt, adeo ut major pars calamitatum per universum vitæ cursum æque incurset. Quin potius dicas, ob natales ipsos ingruere graviores ærumnas; Sapiencia divina sic sortem mortalium exprobrante.

Generosissimus ille Alexander, tot victorijs delibutus, ab adulatoribus audiebat Deorum soboles, quam arrogantiam nunquam deposuit, nisi ubi faucius, sanguinem profundeabat. Sic nihil æque familiare Magnatibus ac oblivio sui, ad nimiam venerationem, cui assuevere. Non immerito igitur iisdem ærumnis cum reliqua turba mortalium subjiuntur.

Illæ enim identidem inelamant, fælicitatem mundanam esse alienam, regnum exilij vicē obtinere, ad verum & communem miseriarum sensum: genuinam autoritatem non in eo versari, ut rex faciat, quod lubet, sed ut lubeat quod decet. Cæcutientium esse, potentiam ex licentiâ libidinis adimplendæ metiri: generosissimos principes omnia sibi subicientes, seipsos autē omnia subicere rectæ rationi.

Ostendere in universo vitæ instituto, cum omnia possint, nihil velle, nisi eum laude conjunctum, & Numinis legato dignum: Summum gradum nihil derogare laudatis actibus, cum & ampliorem præbeat occasionem: eos demum esse certissimos redditus, si populi domi gaudeant, & principis amore dispereant: sic denique non tam metuent dolorem quam patratiōem mali.

CAPUT L.

Benignitas Cardinalis adversus inimicos.

MOrbus regis complures producebat occasiones, in qui-

quibus Cardinalis cum angore , omnem mentis conceptum transcendente agnoscebat, quanto æstro odij regina mater in ipsum ferretur: Omnes igitur nervos contendit , ut se illi acceptum faceret. Nulla autem unquam virtus aut actio adeo egregia fuit, quæ benevolentiam hominibus inferere posset , quam non conatus sit induere , ut honore tanti favoris dignus æstimaretur.

Officia reddunt homines acceptos , unde ille operam cernissimam impendit in ejus commoda. Diliguntur etiam famulorum nostrorum studiosi, & Cardinalis extremo desiderio deperibat complacendi , ut etiam injurias à Mariæ de Medici lea susceptas apud animum suum aboleret, decies mille aureis conciliatis, & imperio cum Forzæ & Schombergio part, ad asserendam Calalam.

Non possumus non amare amantes, quin respondeamus mutuum: cum certum sit, nullum potentius philerum inveniri, ad demerendum amorem , quam nostrum ipsorum amorem, erga demerendos. Nemo autem rectius testabitur, quam ipsa regina mater, & quicumque Lugduni ipsi aderant familiaris, aut comites, cum Parisios repeteret, sese dederant, quanto ardore & vero affectu Cardinalis ipsi voverit, protectatus fuerit, & revera in mille occasionibus, ubi de illius ageretur commodis, præstitit obsequium.

Majores submissiones ferocissimos quæque expugnât; ad illas Cardinalis nihil addi poterat, neque Lugduni, neque per totum illud iter, ubi deprecatus est , justissimarum intentionum reus, tanquam gravissimarum offensarum, ea insuper forma , quæ furorem leoninum mitigare posset. Quid vero necessum erat tantas adhiberi sollicitudines, tantam exercere industriam , ut diligeretur mortalium primus, & suavissimus, cujus dotes eminentissimæ, ab auctore Universi collatæ, tanquam in exemplar suæ potentie, quod sexto quoque sæculo singulare producit præter res cum summâ laude ad immortalitatem honoris, gestas, abunde trahunt quosvis alios, ut idem sit , & ipsum aspexisse, & amasse.

Satis ista omnia alios movebant, quorum animi in fermento odij biennio non jacebant, quod de regina matre revera asseverari poterat. Ipse tamennihil prorsus ommittere

voluit eorum, quæ vel divinare poterat benevolentia locum factura: sermones quotidiani ferebant, sibi ipsi semet nihil satisfacere, ad recuperandum illum gradum pristinae gratiæ, & deprædicandos favores, quos ipsi acceptos meminisset: tametsi illorum æstimum etiam ad leges æquitatis rigidissimas, potius operæ pretium, & debiti rationem, quam beneficii procurati aut collati famam tulisset, cum etiam mutuum cum fanore summo repeteretur potius, quam liberalitatis quisquam fructus spargetur.

Ipsæ tamen secundum ista omnia, siue sollicitudinem, siue officium, siue reverentiam, & submissionem nuncupes, nihil potuit demulcere animum per omnia exacerbatum: id unum lucratus, ut aliquamdiu, & per viam ratio obtineret ab invita vultus serenitatem: Quamprimum autem Parisios rediit, vindictæ denuò locum dedit, ubi Combaletam, & Medieræum ex familiâ expunxit, inaudita inceperat, etiam aliquoties adversus regis mentem, ut ministerium incomparabilem, sine cujus prudentia Gallia dudum perisset, perderet.

Politica reminiscencia.

Quemadmodum sæminæ non incipiunt cum ratione viros omni amore dignos, plerunque diligere, ita nulla ratio ipsas ab odio semel concepto liberat. Facillimè enim ex uno extremo ad alterum ruunt, alis inconstantia, quas per natalium vitium ferunt, per laræ. Adeo mutabilis ingenij comperiuntur, ut gloriæ tribuant odisse quoscunque sinistrae opinioni immolatos, quo morbi genere frustra eas liberari methodo legitima credas. Rationes enim verissimæ in technatum ipsis demigrant decipulas; humillimæ submissiones tales animos nihil attingunt, & supplicationes ardentiores censentur perduelli; ad fortunæ ferè modulum, quæ plerunque gratias suas largitur, qui minus de ijs sunt solliciti.

CAPUT LI.

*Constantia Cardinalis adversus benevolentia
regiæ turbatores.*

Nemo negarit, Cardinalem suscepisse per illam occasionem gravissimos stimulos doloris, quos mens cogitare queat. Sicuti autem non generosum, sed abjectū arguit animum, omnem sensum abjecisse, ita pingebatur lineis clarissimis molestia illa in facie. Non quod metu amittendæ fortunæ torqueretur, cum per nimis diuturnam experientiam de ea dubius, didicerit, summum vitæ bonum non amplius adhærere summis honoribus: Ministros etiam reipublicæ referre corpora cælestia, quæ plurima apud mortales reverentia coluntur, quiete autem carent.

Hinc etiam sponte sese abdicabat, nisi rex, cui compertum, quantam ille utilitatem reipublicæ præstaret, repulsam exposuisset. Neque etiam ullam dissidentiam in clementiam & constantiam regis coniciebat, quod sciret, fidem suam regi esse compertissimam, licet plurimis reipublicæ studiosis non minus innotuisset; rex enim conferebat benevolentia quotidiana ipsi testimonia, cum religio esset, minimum dubitandi scrupulum gerere.

Veluti innocentia tamen vix culpam meretur, ita vituperium ingratitude, quo regina mater conabatur gloriam illius imminuere, eo æquius ferebat, quod nihil minus commeruisset. Non ignorabat, Magnatum auctoritatem satis habere virium, ad sua sensa in populorum animos instillanda, tanquam oracula certissima; ut sic per Galliam & apud posteros crimen non agnitorum beneficiorum ferret. Id vero ipsum non poterat digere, neque familiares regis, nisi prius Orbi terrarum administrationem suam proposuisset admirandam, ne seditiosus aliquis genius æquilibrium existimationis perverteret.

Ingratitudo non agnoscit beneficia suscepta, unde eo crimine eximitur, quicumque quid debeat fateatur: neque ingrati nomen feret, qui nullo majori desiderio laborat, quam ut sempiternum præstet officium benefactoribus, neque acutiore dolore stimuletur, quam ubi hostes aspicere cogitur, qui ab occasionibus satisfaciendi ipsum rejiciunt.

Sed quomodo infamia ista impingetur ei, qui hostes quovis officio colit, adeo ut eos sibi oratores paret, ut reconciliatus reliquum vitæ illi impendat, quæ gratiam prius contulit? Ingratus ne vocabitur, qui summum gradum honoris in republicâ perdere amat, ut recuperet illum pristinum in animo dominæ, cum potiora memoris beneficii testimonia dari nequeant? Universam ibi aulam laudavero testem, nos tantummodo partem sollicitudinis, quâ Cardinalis, ut aliquem locum in benevolentia reginæ matris inveniret, suscepit, recensuisse.

Id sane ab ipsa constitutus accusationis author & caput, scriptis nunquam est negare ausus: dum ipsa nondum satis dispexit, quo furo suam ingratitude pingat, istum inter impro ingrato differt, quod in rebus agendis sensum reginæ matris non semper sequeretur; ac si ministro summum integrum esset, sensum cujuscunque, etiam matris, commodis regis præferre: nec obsequium quod reginæ matri redderet, in persona ministri summæ grandi errore notaretur.

Iure nascendi quidem potest debere obsequium eximium, nunquam tamen cum dispendio ejus, quam principi debet fidei, quæ prohibet, ullam gloriæ conservandæ aut augendæ occasionem transmitti: Debet sane scire, quantum sibi sumant suo jure fautores, quantum summum principis jus exigit per justitiam, adeo ut nunquam præferat particularium beneficia bono publico, cujus summam curam gerit.

Ingratus etiam traducetur scilicet, quod reginæ matri arcana quædam magni momenti non aperuerit; id quod plerunque accidebat, in negotijs sententiæ illius contrariis; quasi taciturnitas defuisset esse anima consiliorum; & obstaculum manifestum rebus gerendis objiceretur, ru-
pro

pro silentio, aut Politicorum sapientissimi non monuerint, Eum regem esse prudentissimum, qui cum paucissimis quid facto opus esset, deliberaret, postquam diversas negotij expediendi rationes audierit.

Politica reminiscencia.

Odium, nullo iustitiæ fundamento innixum, adeo imprudens est, ut Chimæras sibi fingat, quas tanquam rationes plausibiles sequatur, nec animadvertat, easdem à nemine, nisi à mancipijs suis comprobari. Quemadmodum veritas nihil solidi suggerit, ita prætextus suos causis legitimis surrogat: nihil adeo perversum, quin opituletur ad vitium istud in animo fæminino fovendum, maxime ubi negotiū facessitur authoritatis usurpatæ correctori, ne administratio reipublicæ pro lubitu versetur.

Libido imperandi ardorem vindictæ intendit, ad cætera cæcutiens, prorsus memor, sexui à Numine negatum imperium, ut vel ipsa experientia temeritatem illius male eventum plerunque mulctet. Si igitur ambitio exorbitat, inviam fuerit reducenda, certis limitibus circumscripta potentia, ubi maxime vagari constituit. Subruenda fuerit robustissima fulcra, si anhelò cursu ad arbitrium imperium abire videtur.

C A P U T LII.

Summa dotes Cardinalis.

Quicquid regina mater regi ogganniret, eum sortiebatur effectum, ut rex accuratius in memoriam regrederetur superiorum annorum, ubi summa Cardinalis fides nuspiam non occurrebat, cum extremo desiderio per omnes occasiones, quibus gloria regia intererat. Extabat prosperior administratio armorum, incomparabili prudentia comitata, qua futura præcipiebat, animadversis effectis intra causarum remotissima latibula, ut jam remedia præpararet ante illorum usum.

Vigilantia indefessa, in rempublicam diesque noctesque intenta, summa ita curat, ut nunquam parva negligat. Pro-
tutudo eximia sapissimè producit effecta consiliorum in-
timorum, antequam de instituto quicquam innotescat:
quæ virtutes summæ agmen reliquarum ducunt, regi ad
animum revocabant bilancem, qua inimicorum artificia
per eandem operam, ad æquilibrium expenderentur.

Vereque dici potest per hoc examen parallelorum re-
gem adeo fuisse obfirmatum adversus violentus illos im-
petus, ut cogitarit sese tandem aliquando à tot reginæ ma-
tris importunis querimonijs liberare, & Versaliam ali-
quamdiu secedere. Ex hoc instituto exit rex Lutetiâ, tam-
etsi reginæ matri nihilum satisfecisset, nisi per reverentiæ
& amoris amplissima testimonia, quibus sub abitum de-
fungi decuit.

Politica reminiscencia.

Penitissimè intelligebat rex, summi ministri repudium
redundare in reipublicæ detrimentum, quantum ante
ut litatis præstitisset; unde Principi in eum errorem dela-
pso plurimum vituperij accrescat, cum jam prius magnæ
gloriæ duxisset, illius uti consilij intimis. Opifex laudatus
nunquam eo dementiæ descendit, ut instrumenta operis
absolutissimi abjiciat: & rex in prudentiam gnaviter im-
pinget, qui à rebus gerendis removerit ministrum, cujus
genius principale fuerit gloriæ instrumentum.

Neque quisquam rationis campus ambiget, vicissitu-
dinem illam authoritati Principis inopinatum inferre dis-
pendium. Noverit igitur, nihil pronius, quam administra-
tionis rationem capere & suggillare, adeoque multis vitijs
onerare; sed etiam eandem à plurimis collaudari, cum lo-
cus non semper pateat privatis desiderijs explendis, quæ
ipsa aliâ staterâ expenduntur, quam reipublicæ summa ne-
gotia.

Experientiæ magistræ sese tradant erudiendos, ut in-
telligant, quam difficulter inveniantur genij eximij, in
quorum prudentia secure requiescant, cum vix alterum
tertium

tertiumve seculum aliquem istius fabricæ producant, tanquam Phœnicem, avium rarissimam. Quot verò reges per historiæ seriem occurrent, quibus & animus & institutum heroicum defecit, quod respublica neminem rerum summarum capacem illis temporibus tulisset?

Quicumque igitur Princeps id felicitatis obtinuit, ut virum eximium nanciscatur, eundem eâ cura sibi conservabit, ut sciat, hoc demum fundamento prospera quæque rei publicæ conniti. Sic sæpenumerò meminimus cladem esse acceptam in prælio, post cædem egregij alicujus ducis; uti vægrandia consequuntur mala, sublato summo ministro, cujus salus majoris sanè est momenti, quam pro vinciarum, ne dicam oppidorum aliquot assertio, cum rationem ipse norit, & perditam recuperandi, & nova conquerendi, jactura verò illius non reparari queat per unum & alterum seculum.

CAPUT LIII.

Quare rex Parisios deseruerit, & custodem sigillorum ac Mareschalcum fratres Mariliacos custodia mancipavit.

REX Lutetia non discesserat, nisi ut plus libertatis sumeret in gravissimo instituto agendi, adeoque à frequentissimis precibus, ne dicam violentiis reginæ matris requiesceret, cujus præsentia verecundiam impingebat, ne quid ingratum patraretur. Dudum autem intelligebat, salutem rei publicæ exposcere castigandos tricarum auctores; sic viceversa animum induebat inconcussam, qui vel inde summam merebatur gloriam, quod domi & per propriam prudentiam obfirmasset, Cardinalem nunquam dimittere.

Sæpius autem cum animadvertisset, universas tricas & factiones bigis Mariliacorum invehì, qui ex potentia & dignitate ferociebant, Custodiam Sigillorum ab illo abstulit, ut qui arma in manu lymphatici non ulterius
esset

esset relicturus, post non exigua damna, Lexovium sequendo: Hunc missis ad Forzæum & Schömbergium mandatis, imperio exutum, eidem custodia circumdari iussit, ut in carcerem Castelli Menebutani compingefetur.

Quis enim insolentiam ambitiosissimorum virorum ulterius tolisset, qui nihil pensi habuerant aut religionis, regem cum regina matre committere, divisione sparsa, qua porro gravissimè laboratur? Poteratne tolerari effrenis libido, quæ clauum reipublicæ captabat, per exitum viri, in ea ad illum gloriæ gradum evehenda, ut non tantum splendeat, sed etiam exteros terret, hætenus occupatissimi?

Quomodo vero fieri potuit, ingratitude fratrū istorum iustitiam regiam vi quasi illata sollicitasse, adiaculandum fulmen, ut sic machinationes apud reginam matrem institutæ castigarentur? Ipsam enim propellebant ad exitium illi procurandum, per cuius benevola consilia summos pro vitæ instituto gradus apud regem erant adepti, cum sane clausis oculis præterveheretur indignissima quæque antea vitæ; unde aditus ad honores patuit.

In animo regis non obliterabatur, per quot occasiones Cardinalis ipsorū commodis fauisset; quanta beneficia ex illius favore abstulissent; quam acriter illos protexerit, quonescunque in rebus agendis vituperium meruissent. Ex altera parte occurrebat immanis illorum ingratitude, adeo ut alter à summis negotijs prorsus esset removendus & alter ob compluria crimina in ius tandem vocatus, pœnam subiret, per tot accusationes eousque dilatas, extortâ.

Æquissimum enim erat, ingratos istos perire, qui Galliæ genio insidiati, impingebant ipsi ingrattissimi mortaliū, ingratitude vituperium, quo ipsum everterent. Satis frequens hic iustitiæ divinæ processus, ut mortales eadem perferant mala, quæ in alios cudebant, cum permittuntur suis erroribus, in illa crimina prolapsi, quorum reos peragere alios satagebant.

Polijca reminiscencia.

Injuriarum nulla veniam minus mereatur, quam ingratitudo, quæ mortalibus culpam auget ad numerum beneficiorum. Infamia tribus peragitur gradibus, quorum primus beneficia obliterat; alter nihil rependit, ultimus mala refundit. In primo licet animadvertere grandem negligentiam: alter posset ex facultatis inopia proficisci: ultimus autem ex solo malitiæ principio deducitur.

Primus quidem excusari nequit, tolerari tamen potest: alter autem apud Ægyptios in eum horrorem abierat, ut ea culpa asperfos condemnarent per præconis vocem in omnibus compitis, ut nemo prorsus illis beneficeret; æquum judicantes, omni copia amicorum privari, quicunque neglexisset benefactorem reciprocè demereri: ultimus verò in ea semper jacuit abominatione apud quosvis ubique terrarum mortales, ut extremo duntaxat supplicio crimen expiari crederent, execrando istiusmodi monstro in terram defosso, quæ abortum suum contumularet.

Ingratus longe peior est proditore: hic enim nullius criminis fit reus, nisi fractæ fidei, quam fuerit stipulatus verbis; ille vero deest rebus & factis, non tantum verbis, cum beneficia, quibus nuper gaudebat, conculecet. Hinc & moderatissimi viri ingratos abigere, quod similes aspicerent vaporibus, lumen Solis magno conatu obfufecantibus, quos tamen idem Sol in altum attraxerat.

Vel inde maximè merentur pœnam, quando perfidia reipublicæ nocet: id quod in hoc rerum statu patebat, ubi agebatur de exitio illius, qui secundum regem firmissimo erat Galliæ fulcimentum. Nunquid sic ipsius regis persona impetitur, ubi exitium ministri quæritur, ex quo, tanquam prima causa, cumulus adeptæ gloriæ regurgitat? Viru perium profecto apud me tulerit ille minister, qui benevolentiae compendium, alijs usus quæsitum, ad abolitionem tanti criminis converteret.

Aliæ injuriarum condonatae gloriam trahunt; earum tamen certum est genus, cui istam speciem attribuo, ubi bonum

bonum publicum vindictam efflagitat. Neque enim Clementia evertit Iustitiam; sed iustitiam comitatur clementia, instar ducis. Nimiam licentiam adfert nimia facilitas, adeo ut tandem & principis autoritas, & legum reverentia in contemptum abeant. Plus gloriæ regi ex indulta gratia, quam ex rigore iustitiæ obtingit; si tamē, quod oportet, venia complectatur eos, quorum imprudentia nihil augeat licentiam male agendi, ubi crimina non tam improbitatis, quam infirmitatis humanæ sint effecta.

CAPUT LIV.

Pax agitur inter Imperatorem & Mantuanum.

DUM rex decumberet, & tricæ istæ effruescerent, Casalæ negotium definiebatur expirantibus inducijs, quarum mentio superius est facta. Sabaudus enim, Mazzerinus & Colalto ex Germania susceperant nuncium, Leonium, à rege ad Imperatorem pacis stabilientiæ ergo missum, transactioni vacare; quod idem Sanstephanus perlati à Leonio ad triumviros literis referebat. Promissa articulata Imperatoris nunciabantur; Collaturum Mantuano investituram ducatus Mantuani, & marchinatus Monferratensis, si assentiretur, ut oppidum, castellum & Citadella Casalæ in manus Imperatoris consignarentur.

Id quidem pro summa rerum desiderari poterat, nisi circumstantiæ executionis sumam præferrent difficultatem: cum ea pacta investituram post sextam septimanam rejicerent, quibus succederent aliæ geminæ, ad deducendas copias ex Mantuano agro, quo eodem tempore Hispanus ex Casalâ & reliqua provincia Monferratensi discederet. Perplexos id habebat triumviros militiæ Gallicanæ, quibus sic imponebatur necessitas etiam ultra alterum mensem, donec Hispani Casalâ desererent, per Italiam cum exercitu restitendi.

Remora autem ista videbatur gravissima, ob pestis sævitiam

vitiam, & annonæ, ad certos dies exacta, penuriam: quæ geminæ causæ sine ullo dubio ante medium terminum temporis induxissent dissipationem copiarum: Quo eventu Hispani nullo pene negotio Casala potiebantur, eo quod ex usu solitarum artium pacta non firmassent, ut compendia id temporis in secula sibi servarent libera.

Hæc justissima rerum momenta accurate à Triumviris trutinata, fidem faciebant, regem ea pacta nunquam habiturum rata; unde eadem susque fecere, adeo ut exercitum per summam diligentiam adhiberent Casalæ. Ubi Hispanis ista innotuere præter omnem opinionem, trepidare incipiunt ad primum Gallorum impetum, qui ipsis semperest Leoninus. Mazarinium, primum rerum perversarum nuncium, remittunt, qui asseveraret, pacis transactionem sibi placere, consentire etiam ad ejus executionem promovendam, ut annona & supplementum in Citadellam ad necessitatem anni integri inferantur.

Cum autem triumphum trepidationem inde perspicerent, censuere, & in primis Schombergus, progrediendum esse usque ad ipsam Casalam, persuasi utique Hispanos ob præsentem exercitum ab obsidione extemplo recessuros, non expectato pactorum termino.

Politica reminiscencia.

Difficulus transigitur de pace in locis ab exercituum utrinque hostilium exercitio remotioribus, ad effectum certum. Distantia nimia subducit notitiam circumstantiarum particularium; & præsens conditio militum plerumque impedit executionem quorumcunque pactorum. Eadem ratio eorum, qui longissime negotiantur, quæ Astrologorum, astra cæli ex stationibus istis inferioribus, contemplantium, cum tantummodo apparentissima quæque oculis usurpent, ad compluria particularia non penetrent.

Sic isti res gerendas per compendium aspiciunt, dispositionem præsentem & particularem sæpissime ignorant, adeo ut nihil concludi possit, quod cum certitudine effectui debetur, nisi exacta accedat notitia. Comode tentatur dispositio & vadum, sed minus; ubi vero agitur de articulis particularibus,

ribus, nihil ignorari decet rerum præsentium & gerendarum, ne difficultas in executione, quod solet, suboriatur.

CAPUT LV.

Rex legat Ratisbonam ad Conventum Imperij.

Non fugiebat Cardinalem, cum regi suaderet, Leonium Ratisbonam ad Conventum Ordinum imperij mittendum, ubi pacta ista coibant, quid futurum esset: noverat etiam sponte, in gravissimis negotijs non nihil fortiter permittendum; cum illa negotiatio saltem Imperatoris animum, complurium etiam principum per Germaniam institutum, qui opem regis implorabant, penetraret.

Quod si pacta coirent, quorum executio nullam inveniret facultatem, ad alia instituenda tamen profutura; cum sic animi præpararentur; eo denique compendio, ne copia plures, quas Imperator in procinctu habebat, in Italiam transirent.

Politica reminiscencia.

Prudens minister non ad unum solum finem contendit, sed imitatur, quantum potest, ordinem providentiæ divinæ, ut ad plures scopos collineet, ne quid unquam præter aliquam utilitatem agat. Non semper comijcit oculos ad scopum: cumque non semper certo faciat quæ dicat, certum tamen semper habet, quod cogitat & instituit. Novit tramites & ambages & scopum, postica pulsat, ita tamen, ut æstimum & admiratio undiquaque consent. Est enim summus apex prudentiæ politicæ, illud institutum suscipere, salva promissorum fide.

Fatebor equidem, istud prudentiæ genus tantummodo convenire summis geniis, & ad miraculum acutis; adeo ut ea præditus gloriarì possit, repertum sibi modum securum ad declinanda plurima incommoda; imo ad negotia compluria felici successu cumulanda, quæ sine illa ope nunquam optatum sortirentur exitum.

Advigi-

Advigilabit tamen secundum ista omnia, ut eadem prudentia comitem habeat fidem laudatam, omnique careat vituperio: unde institutum suum ferè reddiderit invisibile, dum alij majorem habeant fiduciam, & nihil animadvertant, quod intensiorem vigilantiam postulet: quærent illum hinc inde, ubi nullus fuerit inveniendus, nullibi autem invenerint, quin ad defensionem paratum offendant.

CAPUT LVI.

Exercitus Gallicus aciem struit sub aspectum Casalæ.

EX hoc instituto Schombergius, id temporis summus apud exercitum imperator, quam potuit maximâ diligentia progreditur, ut vicesimo sexto Octobris sub conspectum Casalæ versaretur, acie trans torrentem Gattolæ explicatâ. Supplicationibus pro more per universum exercitum factis, recta ducit in hostem, qui vallum per sex millia passuum sibi circumdederat spatio sex dierum, optimè absolutum; ut gloriam armorum Gallicanorum augetet.

Politica reminiscencia.

IAm suo exemplo docuerat Rex, ab exordio belli Sabaudici, nihil moratus pacis conditiones, quas tum Mazarinius referebat, magnam prudentiæ famam conciliari imperatori, si aurem præeat, sic tamen ut nihil desinat bellum gerere, exortis omnibus generibus virtutis & audaciæ: ex consilio Archidami, apud Isocratem, eum certus esse queat, pacem plerumque fieri eo modo, ad leges longe honestiores.

Sicuti gestus & constitutio totius corporis, Oratori & gratiâ & potentiâ conciliant, quod Demosthenes eloquentiæ perfectionem roganti respondit; ita ipsa actio

& motus hostem potentissimè ad pacem traducit. Non expedit, imperatorem longum insumere tempus in negotiando, ut actionem suspendat; cum tempus dicendi post actionem superet, & omnis ipsi laus fortitudinis ab agendo expectetur.

Solus gestus agendi, ubi ordines explicat, aciem struit, conflictum meditatur, non raro formidinem in hostium animos insinuavit. Testabitur per diuturnam transactionem, pericula à virtute contemni; cumque victoria votorum sit summa, nihil metuet, nisi eam frustrari. Fortunæ inconstantiam nihili faciet, cum confidat, per vim ipsius gratiam obtineri posse. Consultum sanè, ut prudentia ipsi primum indulgeat tempus ad deliberandum; sed ubi consuluerit, animum alis instruet, ad promptiorem progressum.

Felicem enim progressum nunquam fecerit, qui nimium temporis impendit periculo explorando; unde sæpe numero summa instituta disperiunt ex nimis diuturnâ consultatione. Iudicium arguit maturum; frigide capisse, sed fervide instituisse, ubi res ad momentum executionis processit: quoscunque enim pavor potuit sistere, victos ut plurimum dabit. Bellum illis actibus accensetur, qui gloriam ex conatu periculoso ducunt: adeo ut pugnae maximè accipites, maximam ferant laudem.

C A P U T LVII.

Cardinalis Mazarinius dextrè transigit de Casala inter regem & Hispanos.

Ubi passus fere sexcentos exercitus à vallo Hispanorū abesset, cōspicitur Mazarinius inde concitato equo exire, & ad Schoenbergiū contendere, ut nunciaret Hispanos tandem constituisse certas suscipere leges, quas proposuisset, & speraret ipsi ad bonū pacis procurandū non ingratas fore. Redderent oppidū & castellū Casalæ, depositi nomine occupatū; ex universâ provinciâ Monferatensi decederent, modo loca occupata non tenerentur in manus Meduanij tradere.

Re-

Religio enim erat sic offedere majestatem imperatoris, donec parens ipsius investituram tulisset: quo officio fungeretur imperij mandatarius aliquis, ut is deinceps Meduano, aut cuiuscūq; ab ipso submisso eadē cederet, ad vicelimum tertium Novembris, in quem diem investitura erat coniecta. Assensus etiā, ut ad firmitatē pactorum imperij mandatarius Casalā non ingrederetur, nisi cū domesticis neq; alia quacunq; re fungeretur, quam ut tesseram diceret.

Istæ propositiones in medium prolatae expendebantur à Forzæo, Schombergio & Mariliaco; qui dispicientes, id unum regi propositum, ut Mantuanum in imperium immitteret, & pacem per Italiam firmaret, consensere, postquam satis obtinuisset gloriæ, coactis armorum corripendorum authoribus, ad ea prius ponenda: quod vel Thucydidis iudicio in historia non inter exigua lucri commoda est computandum.

Sic deinceps obstabant, ne exercitus regius progressis in vallum effunderetur; ubi non parum difficultatis apparebat, propter fervorem Gallorum, qui impatientissimè ferebant, Hispanis eum laborem progrediendi, sine memoriā sui, impune datum. Paulo post Hispani ex oppido & castello Casalæ discedunt, uti Galli Citadellam deserebant. quo mandatarius imperij subivit.

Politica reminiscencia.

Non sine gravissima causa Deus tempore legū Moisaicarum dici voluit Dominus exercituum, cū manu sua verset animos imperatorum, pacem aut bellum pro lubitu concedat adeo ut in ipsa aciei novacula cogat aliquando recondere arma, & pacem amplecti, ut sciant, Numinis id esse beneficium ubi universa mortalium prudentia frustra fuerit, sine illius opera.

Prudentia divina deducit omnia ad suum finem per media apparenter contraria, cū potentia polleat insuperabili; frustra igitur vires nostræ exercētur, aut opponuntur illius voluntati. Volupe est cōsiderare solē, per tēpestatis furorē, ubi aer discinditur fulgure & fulmine, cum sol nubem aliquam diffindit, & impetum ventorum ac

tonitruum demulcet, aërem perpurgat, tandemque dissipat, quicquid lumen ipsius gratissimum præpediebat.

Quanto vero majori voluptate & admiratione aspicias Solem iustitiæ, amorum præsidem, vim suam exercere, quo momento rerum arma versantur in procinctu, ut planitiem occisorum cadaveribus sternant, campos & fluvios sanguine tingant, aërem fumo tormentorum & sclopetorum obnubilent, omniaque lamentis ac vociferationibus impleant; Si animi tum demulceantur, arma pugnis defluant, præcordia mansuetudine turgescant, pacemque, ut omnia uno comprehendam verbo, restituant? Nunquid secundum omnia ista fatendum fuerit, postquam institutum utrinque invertitur, Deum cogitata nostravertere in ludibrium, iustissimamque illius potentiam præsidere ordini & arbitrio rerum humanarum?

CAPUT LVIII.

Casalam infertur annona.

TAndem igitur aliquando Hispani, quorum fastus parum conveniebat cum confuso rerum præsentium statu, quo colluctabantur, licet ægerrimè, Monferratenensis marchionatus loca occupata deferunt: quemadmodum autem non tantum tergiversationibus utebantur, quod per angustias temporis, uti aiebant, apparatus bellicum cum annonâ non potuissent transferre, sed etiam artificium intenderent istud, ut hospitia à Gallicis jam deserta, proximè Casalam occuparent: Hinc triumviris visum, tres legiones Gallicæ nationis, duce Mariliaco Casalæ imponere.

Dictum, factum: Mariliacus tamen mandatario imperij exponit causas sui regressus, cum Casalæ subsistere nullus constituisset, modo Hispani & Germani ex provincia Monferratenensi discederent: Qui nihil reprobravit, cum iustum esset, utrinque simul discedi. Quidam
ta-

tamen hostium eo casu adeo stimulabantur; ut triumvir bipartito exercitu Livornum versus, & Blansœam ducentes, impetum à tergo metuere monerentur.

Fides illa parum tuta, ob periculum evidens non parum consternationis effecerat; adeo ut aciem struerent, & persecutores, virtutem expeditam nihil irritare ausos, per integrum diem præstolarentur. Interea spatio paucorum dierum illata sunt Casalam vel sena millia medimnorum, unde Galli eodem momento, quo Hispani & Germani ex Monferratensi provinciâ decedebant, exiëre. Sic igitur deferbuit bellum hoc anno, tametsi pacta non penitissimè absoluerentur.

Politica reminiscentia.

Summam imprudentiam committeret imperator, si hostem eousque contemneret, post victoriam partam, aut locum aliquem occupatum, ut copias palari sinneret, aut occasionem derelictorum recuperandorum præberet. Aegritudo, quam hostis expeditâ victoriâ, aut obsidione ingratis solutâ coquit, semper imperabit procinctum, cum de vindictæ aviditate nihil dubitari possit: quem hinc ex vallo dejecit, caveat ne idem inde redeat concitator.

Nunquam credat, provinciam deseruisse, quousque ullum locum ad resistendum retinet; in quẽ usum quodvis castellum, exiguo tempore communiendum successerit, ne penitus exigi possit; vel etiam impetus in aliquam oppidi portam, cui pacta securitatem præstare debebant, ut oppido potitus, diutius subsistere queat. Desperatio enim non raro hosti animi fortitudinem gemit, qui etiam profligatus, redintegrat vires, adeo ut excubiæ nunquam non sint agendæ. Meminimus etiam castra aliquando rupta, & exercitus dissipatos, restaurasse ordines, ut summo impetu in victorem ingruerent, tanto majori ipsius damno, quod imparatus ad defensionem langueret.

CAPUT LIX.

Rex Suecia Germaniam invadit.

DUm rex arma Italiæ inferret, ad iura Mantuani asserenda, complures ex principibus Germaniæ, & inter cæteros Palatinus, duces Pomeraniæ & Megalopolitani, adeoq; marchio Brandeburgicus, secundū complures res publicas, æquē oppressi ab Austriacis, credidēre virtutē regis Suecici violentiam illam inhibituram, si de auxilio interpellaretur. Mittunt igitur sæpius fiduciarios, qui animum illius vehementissimis precibus adjurarent ad opem ferendam.

Eo faciliore inveniebant, quod contumeliam interpretaretur, literas relinqui, nūeros explicari, & sensū elici subditos negotiatores in mari Balthico captivari, mercibus expoliari, cōmercio prohiberi, quod tamen ex jure naturali & cōmuni universo Orbipateat; diversis artibus transactionem cum rege Poloniæ impeditam; exercitus integros in Borussia auspicijs signisq; imperatoris adversus exercitū Sueciæ submissos, idq; ad perniciē, sub prætextu eorum auxiliorum, quæ regi Poloniæ deberet; legatos modo plusquā barbaro, ad pacem negotiandam multos, rejectos; propinquos & fæderatos spoliatos, & imperijs exutos, ut ferē ad peram mendicitatis redacti essent, nullo penso ullius rationis aut satisfactionis, quo iustissima tolleretur querimonia.

Verissimæ sunt istæ causæ, quæ animum generosum excitulabant, injuriarum alioqui impotē; adeo ut classem instrueret, & exercitum validum trajiceret. Excensionem facit mense Junio in Rugiæ insulā, quam paucis diebus subjugat, superatis fortissimis obstaculis. Transiit inde Stralsundam versus, urbem Anteatici fæderis, in litore maris Balthici, Ducatuq; Pomeraniæ, cujus patrocinium susceperat anno vicesimo octavo, supramillesimum sexcentessimum, militemque in Continentem exponit.

Im.

Imperiales urbem istam longinquâ obsidione usque ad Martij mensem premebant, omnibus hostilibus etiam tum vigentibus, tametsi coacti recessissent, post jacturam vicies mille pugnatorum. Eo autem casu rerum sese colligunt, diffusi collatis signis concurrere, postquam tam properanter ex munimentis Rugiæ essent dejecti.

Politica reminiscencia.

Quatuor de causis principalioribus reges limites regnorum egrediuntur: per ambitionem, quæ terminos agnoscit nullos, vicinorum autem convellit, ut suos promoveat: propter iniquitatem soli patrij, quâ ad opimiora quærenda perpelluntur, ut commodè vitam transigant, id quod primis nostris Gallis, Vandalis & Gothis usu venit. In eâ opinione deliriantur, nullum hoc seculo inveniri principem legitimum, cujus imperium alia referat exordia; nullum utique justiore titulum ferre, quam victoriam ense quæsitam.

Egrediuntur etiam, ut vindicent injurias illatas, cum licitè credatur, vim vi repellere & litè decretorijs armis terminare, secundū potestatē earlitus collatam. Deniq; & regna deserunt, ut fæderatos asserant, cum non tantū necesselit, principē gloriæ eximiæ cupidū, ab omni injuria abstinere inferendâ, sed & necessarios suos, sive compedijs, sive fæderis, aut sanguinis ratione jūctos cōservare.

CAPUT LX.

Conventus Ordinum agitur Ratisbonæ.

Eodē tempore convenerant Ordines imperij Germanici Ratisbonâ; cumq; rex Sueciæ sciret, cōsultari de armis satis justissimis validè repulsandis; etiâ, nullo pēso pacis juxta rationes propositas cōciliandæ, ut nē pelibertas & patrimonia restituerētur principib⁹, rebusq; publi

cis expoliatis; imperator nihilominus constituobat, per summum contemptum, Suecum ex Germania deturbare, marique Balthico demergere.

Sicuti autem obluſtatio vigorem animorum intendit, ita ille acius progrediebatur, ad eas res gestas obſtinatus, quas executioni datas ſcimus. Antequam vero penitiſſime negotium ſuſciperet, recurrit ad reges & dynaſtias, quibuſcum ſœdera junxerat. Ad regem perſcribit menſe Septembri rogitans per antiqua ſœdera inter Gallorum & Suecorum reges, quibus ſubneſceretur promiſſa, non tantum de benevolentia mutuam ſervanda, ſed etiam de reciprocis auxilijs, ſi quis caſus ferat; adeo ut tenerentur armorum vim & authoritatem interponere, ad eandem cauſam propugnandam, quæ ipſum transmare pertraxiſſet, in commodum ſcilicet neceſſariorum, ſimulque Galliæ ſœderatorum.

Rex, cujus virtus ſœderatis inferri injuriam non patitur, iſtanc petitionē tanto pronius excepit, quanto plus gloriæ ex illorum reſtitutione emicaret; legato igitur verbis commodiſſimis reſpondet. Cardinalis tamen regi expēdendū proponebat, in hoc concurſu rerum ſacra præter territoria eſſe aſſerenda, ut rex Sueciæ teneretur, Romana non abolere, ubi jam vigerent. Viſum etiam, tempus ad deliberandum ſumere, pactorumque articulos definire, quos, cum ſub anni inferioris initium fuerint perſcripti & conſignati, in ſuum locum rejicio.

Politica reminiſcentia.

PRæcipitantia in determinandiſ negotijs ſummis, æquæ eſt periculofa, uti promta eorum executio fuerit proficua. Prudentia utrinque præſideat. Quocunque juſtitia ſplendore negotia primitus fulgeant, ſiniſtris tamen ſucceſſibus ſubjacent, niſi matura deliberatione inſtituantur. Quamvis Sapiens conſtituerithunc aut illum ad juſtitiam exactum ſcopum petere, tempus tamen medijs legendiſ ſumit,

Quemadmodum ſacrorum ratio per omnia eſt conſideranda, nihil promovebit, niſi eadem aſſeruerit, ubiuiſ locorū, ubi prius vigerint. Imprudentes viceverſa cæcitant ad conſequendum ſinem ſemel expetitum, ut nunquam

quam explorent media perveniendi : unde sæpiſſimè perplexi hærent in executione inſtituti, ut nullâ fenestrâ honeſtè evadendi repertâ, cogantur cum turpitudine deſiſtere.

Hinc Demosthenes in prima Philippicâ ait, Non optimos esse consiliarios, qui promptissimè consulant in medium. Sic stomachi digestionem deproperantes non æque bonum faciunt chylum, ac moderato calore elixantes, quod Medici docent, & usus comprobat : ita ingenia inſtitutum per nimium fervorem & promptitudinem fumentia, plerumque sinistrum sortiuntur eventum.

CAPUT LXI.

*Rex Momorantium & Thoirasium bacillo
Mareschalci ornat.*

Postquam rex aliquamdiu apud Parisios commoratus esset, memor, honorum beneficia & justa esse meritum præmia, & utilia, ad æmulationem cæterorum, in exemplum, Momorantium, & Thoirasium bacillo Mareschalci Gallici ornare voluit, in testimonium fortitudinis, quam ille per bellum Pedemontanum comprobasset; hic vero in obsidione Casalæ universæ Italiæ præstitisset.

Quemadmodum uterque famam publicam meruerat, ita nemo non collaudabat regis electionem, quos ad eum honoris gradum evcheret. Perduellio tamen illius, & vitæ inſtitutum hujus perversum, utrumque postea dejecerunt ex aliquot gradibus meritæ gloriæ, cum manifestum facerent, fortitudinem & prudentiam non semper in eodem concurrere subiecto.

Politica reminiscencia.

Premium meritum adeo magnum trahit pondus in bono publico, ut virtutis usus continuo sit defici-

turus quamprimum nota esse desierit honoris. Paucissimorum immortalium in sententiam illius Philosophi demigrat, qui asseverabat, Nullum sibi unquam rerum præclare gestarum fructum quæsitum, præter conscientiam, cum satis felicitatis inveniret in illo testimonio domestico,

Vir generosius præmium ne spectat quidem, sed actionem & virtutem, præmiorum conciliatrices; non tamen diffidendum fuerit, insignia honorum, quæ subsequuntur, non minus vivide stimulare ad patratiorem. Hinc sapientissimi Politicorum dixere, duos reipublicæ axes esse præmia & pænas, sine quibus nunquam defuerint urbæ, virtute penitissimè neglectâ.

CAPUT LXII.

Rex Servientum jubet esse Actuarium secretorum.

REX, quæ nilil lateat eorum, quæcunque bono popularium conducere queant, etiâ aliud argumentum notitiæ singularis prodere voluit, postquam Beaucleriobitu Actuarii secreti munus vacare cepit, ut Servienti meritis id conferret, quorum summa sunt, Prudentia in negotiis Sabaudia & Pedemontij illustris; fides per quævis pacta inde ab ultimo usu armorum laudata; notitia Exterarum rerum, unde eandem & felicis & magni famam acquisiverat, per plurimas occasiones; ordo celebris, quem in exercitu ex potestate Justitiarij observarat; eloquentia, cujus testimonia inde ab adolescentiâ ejus, quamprimum ad rempublicam accessit, plurima extabant.

Ne autem tot eximias virtutes honore, & tot egregia facinora sine præmio destitueret, visum fuit, hoc munus, quatenus militiam attinet, ipsi imponere; quâ exquisitâ electione rex ostendit, quam appositè per prudentiam nosset cujusvis dotes particulares, è genio ipsi obvias, discernere, ad usum reipublicæ.

Politica reminiscencia.

Quemadmodum munus Actuarij secreti inter maximi momentumunera numeratur, ita oportet, ut cui id committitur, præditus sit dotibus eximijs. Experimentiâ polleat, ut de rebus domesticis & Exteris agere possit ex occasione: Nôrit intimè propensiones particulares principum, populorum Exterorum, & procerum regni, æquè ac compendia eorum omnium & jura. Elegantia sermonis ipsum ornet, quod rex suum ipsi calamum tradat, ut cum summis Monarchis, Principibus, Parliamentis, Ordinibus, & cuivis generi mortalium conferat.

Neque enim satis fuerit, mentem regis perscripsisse, nisi circumdantur verba rege digna, plena majestatis, cum elegantia, sermone masculino & forti; unde absit omnis fucus, omnis simulatio, emicent tamen virtutes, ad plausum & celsitudinem necessariæ. Nihil equidem ineptius duco, quam regi sermonem abjectum tribui. Elegantiam autem, quamvis in Actuario regis barbari stylum minus politum feras, turpe foret in Gallia, ubi perpoliuntur literæ, eloquentia familiarissimè habitat, & reges inveniuntur per omnia eximij, hic desiderari.

Ipsam nomen Actuarij secreti satis innuit fidem & taciturnitatem summè necessarias esse isti muneri, etiam nobis tacentibus: tanto enim magis requiruntur istæ dotes, quod summa incommoda consequerentur, ad propalata secretorum momenta.

CAPUT LXIII.

Rex Vindonicensi ignoscit.

Postquam rex per seriem decurrentis anni ostendisset fortitudinem invictam, ad subigendos hostes; prudentiam admirandam in ordine rerum, quæ bellum ac pacem spectabant; firmitudinem inconcussam adversus
geni-

genios seditiosos, artificijs mirabiles; justitiam plenam fortitudinis, ad fœderatos servandos; cæterasque virtutes, ut compendio dicam, quæ maximè emicant in regum coronis, annum placuit terminare actu aliquo Clementiæ, & Vindonicensi gratiam facere delictorum, secundum pænitiæ relata testimonia, & stipulationes fidei optimæ, postquam sylvam Vincennarum satis diu captivus incoluisset, ad hanc legem redditâ gratia aliquamdiu extra aulam & regni limites abiret.

Politica reminiscencia.

ENimvero Principem summum procerum delicta sustinere, quæ nullum reipublicæ trahunt periculum, & humili pænitiâ emaculantur. Generosissimus quisque clementissimus; cui æqua gloria ex offensarum oblivione, ac ex meritorum recordatione sumitur. Imperator ille per universam Antiquitatem laude claruit, qui optabat nullam scire litterâ pingere, cum aliquando necessum haberet sententiam extremi supplicij signare. Ipse Salomo sapientiæ ad omnes reges absolutum exemplar, dicebat, in eo versari hominis gloriam, si offensis nihil moveretur.

Debet tamen, secundum ista omnia, rex ad vigilare, ne principē aut quēvis Magnatum ad aulam revocet, qui ex justitiâ, quâ incurrerit, offensus, occasiones vindictæ in negotiorum concursu posset quærere, aut sponte inire. Occasiones enim attrahunt potentissimè animos, etiam inopinantes. Minima offendicula refricant memoriam superiorum. Vix etiam fieri potest, ut Magnatum quisquam regem amore prosequatur, à quo arbitratu illatam contumeliâ; eâ igitur animi dispositione ferè propendebit in factiones, quas occasione se se præbenti applicabit.

Difficillimè redintegrantur disrupta; adeo ut reconciliatio in negotio amicitiarum, majoris non sit virtutis, quam gluten, quod redintegrandis vasis adhiberetur, & ex leviculâ allisione remittit. Injuria quævis imaginem rei dabit, aut contumeliæ opinio, quâ princeps

ceps reconciliatus recalcitrabit, summis rebus admotus. Quicunque enim arbitrantur, memoriam peioris sortis ex iustitiâ, facile aboleri, plurimum falluntur.

Id summum sanè effabitur Stoicus, gloriam inveniri in oblivione injuriarum. At Principes nihil philosophantur, ab istis axiomatibus remotissimi; unde certissimum istis malis remedium mutuandum à sequestratione, ne occurrant, quod in aulâ solet, tricarum consarcinatores, ut perinde vel inviti servant obsequium, desiderijs frustra ferventibus.

HISTORIA DE MINISTERIO CARDINALIS RICHELII.

LIBER VIII.

M. DC. XXXI.

CAPUT I.

Aegritudo reginae matris.

Longe jucundius contemplamur cæli machinam millenis, iisque diversis distinctam astris, aut ubi eorum splendor reconditur, Solis radijs coruscantem, & lætitiâ terræ; quam ubi prodigijs territat, fulguribus deducitur, nubium molibus decumbit, fulminibus concutitur, & post aulæa tenebrarum, quas atra nox inducit densas, recedit. Nemo ambiget, eandem fuisse faciem ridentem, gelasino ad gaudia invitantem Galliæ per splendorem tot victoriarum, quas annus superior obtinuerat in tranquillitatis suavi otio, quod obsequio Magnatum, & concordia populorum acceptum referri possit, postquam regis adeo sapientis regimen ordini concinno omnia tradidit, adeo ut nemo non pace frueretur, & facultatibus suis.

Nam

Nam quantæ ærumnæ post pavores non inanes suboriuntur, ubi Gallia tricus undiquaq; involuitur, factionibus turbatur, & concussione universalem minuitur, per clientelas inter Magnates regni cum exteris institutas? Quemadmodum vero per leges historiæ teneor utramq; illius faciem depingere, gravius etiam urgeor ad tempestatum luctas describendas satis frequentes, quod res gestæ regem gloriâ cumulant, & consiliorum prudentia Cardinalem ornat, quo momento rerum summa cura est, declinandorum civilium bellorum.

Quamvis regina mater commodè posset degere, postquam undiquaq; ipsi erat satisfactum, adeo ut inter beatiores, juxta & potentiores principes mortalium, si vellet, numeraretur; non tamen sibi ipsi tranquillitatem animi indulgere aiebat, postquâ secta illa, cui sese obsidendâ & regendam permiserat, id persuasisset, suæ majestatis splendore ex Cardinalis exitio demum clarescere. Cû rege æquos partiebatur honores, omnes omnino Galli in æmulationem conspirabant, qui potiorum sumeret reverentiam, & promptius deferret obsequium, cum infiniti suavitatem eousque animadvertissent.

Redditibus sanè fruebatur majoribus, quam tres reginæ viduæ simul: Nullæ expensæ superabant ejus prodigalitatem, quod fastus Palatii Luxemburgici abunde præfert, jam in æmulatione Luparæ, ubi opus ad absolutam perfectionem ulterius processit, quam ullum à superioribus regibus inchoatum. Neq; ipsa ibi infitias, absolutâ pene auctoritatem sibi in republicâ permissam, cum rex tantundem administrationis permetteret, quantum votis illa complecteretur. Nullâ de re gravioris momenti in Senatu sciscitabatur, nisi ex ipsius sententiâ.

Quotiescunq; necessitas regem à Parisiis retraheret, gubernationis administratio nunquam non in ipsius potestatem recidebat, adeo ut etiam Legati exterorum ex regis constitutione ipsi adhererent, ut notitiâ rerum exterarum delectaretur, & illi ab ore ipsius, de voluntate regis fierent certiores. Quid vero ad gloriæ augustissimæ honorem accederet? Nunquid ipsi licuit dulciores decerpere fructus, per tranquillitatem, cum spinas & tribulos posset non tangere, regiq; transmittere, qui sane sentiebat

bat, quantâ intemperie laboraret in summâ rerum, in bellicis sudoribus, in molestijs itinerum, quæ in ipsius personam sine remissione incumbabant.

Fruebatur eâ potestate, ut quæ viderentur patraret, si reipublicæ summa negotia duntaxat excipiamus. Secundum ista omnia nihilominus secta illa factiosa, quâ cingebatur, per abusum nimix facilitatis, ut votis sinistris quorundâ particularium satisfaceret, tantam tranquillitatem conturbare nunquam desijt suggestis alienis opinionibus, de administratione reipublicæ. Sic æmulatione adversus Cardinalem suscitata, & desideria horum versus accensa, ampliorem etiam reipublicæ partem exposcebant, unde invidiæ æstrum animum pupugit, ut res à rege gestas nullo cum gaudio indignabunda inaudiret & pavorem intempestivum de Exterorum irruptionibus tanquam victoriarum exilium castigationem conciperet, tempestatis calamitosæ metuens.

Sic actiones Cardinalis summæ, quas Exteri admirabantur & formidabant, nullo alio numero veniebant, quam qui ingenij vafritiem ostentaret, & imposturas necteret. Hinc factum, ut benevolentiam regiâ contemta, reverentiam dignitati solitam, querelis oneraret; adeo ut tranquillitatem animi & quietem sponte proijceret, vitâ in ægritudinem mentis demersâ.

Politica reminiscencia.

Magnates, ut cæteros despiciant, non tamen majori beatitudine aut certiore quiete fruuntur, desideriorum torrentibus abrepti. Eadem hic quæ maris ratio, quod vastitatis immensæ, ventorum violentijs eo magis exponitur; cum propter potentiâ summâ nihilominus subiacent procellis inquietudinis: licet ultra necessitatem plurima possideant, tamen libidine ad potiora extensâ, ubi necessitas jacet, lubitus dominatur, quiete sponte carent; adeo ut cogamur credere, Naturam diademata pauperculis negavisse, tranquillitatem nihilominus beatiorum, vel ad illorum invidiam contulisse, per ingenij quietem.

Vide.

Videas flammam in apice succensæ facis ellychnio duntaxat inhærere, tanquam alimento, ut ex vigore inde hausto indefinenter surgat, & calum versus acumen erigat, quasi dedignaretur locum hospitij, ad concava Lunæ emergens: Sic sanè Magnates, splendidi præ cæteris mortalibus, nequeunt consistere in tranquillitate animæ, quam ex autoritate trahunt, adeo ut mens succensa perpetuo conatu allaboret, ut supra omnia effrangentur.

Nunquam quietis licebit esse, nisi ad imperium populorum etiam jungant desideriorum frænum, quæ Natura in animis illorum æquâ cum cæteris mortalibus sorte suboriri patitur. Econtra vero quicumque rectam rationem voluntati circumdederit, hanc felicitatem vastæ fortunæ addit, ut turbis per vitam careat.

CAPUT II.

Odium reginæ matris adversus Cardinalem.

Intensum desiderium subvertendi Cardinalis principalem præbebat causam turbandæ reginæ matris: neque enim dici potest, quantâ inde inquietudine exceretur. Fidissimi aulicorum ad tantam commutationem stupebant, qui cum cæteris mansuetudinem ejus per omne vitæ institutum viderant. Non igitur ipsa incusabitur istius violentiæ, quæ justissimè transcribitur quibusdam ingenijs turbulentis, mansuetam mentem præter opinionem & sensum eo deducentibus.

Quicumque ad ipsam crebrius accesserit, aliud nunquam feret judicium: sed qui tantillam perplexorum illorum temporum notitiam habuerit, non ignorabit, reginam matrem in Conventu Dupæo prorupisse palam in exitium Cardinalis, postquam inimici tanti viri ipsi consuluisse rerum extrema, propter istas rationes: Tum quod nunquam animos inducere poterant, regem in recusatione illius perdendi obfirmatum iri, mo-
do

ad perurgeret ipsa, & maternos affectus, nimium potentes intenderet, ad captivandum filium, omnis obsequij erga dilectissimæ matris vota tenacissimum.

Tum quod persuasum habebant, Cardinalem superiorum tricis à castigatione sectarum seditiosarum, quas in ipsius fortunam, & adversus regis commoda consarcinassent, nunquam abstenturum vindictam, adeo ut consultius videbatur, primis erroribus insistere.

Politica reminiscencia.

Quibus negatur familiaritas Solis, ad Lunam descendunt, ut qualicunque splendore coruscant: ita genij minus apti ad res summas mediocres confectantur; ubi masculæ virtuti minus placent, ad fæminam transeunt. Sed nunquid isti furum institutum sumunt, qui interdum coercere coguntur manus rapaces, sub oculis vigilantium, de nocte grassantur per tenebras, ut compendia adipiscantur?

Magnatum vero intimi, cum imperare deberent, domi maxime quisque suæ, & inter familiares, sponte mancipantur famulorum desiderijs, dominosque legunt ex famulatio. Nulla ipsis cura, hominem induisse, nisi ad libidinem; aut natales cohonestasse per virtutes vere regias; adeo ut equos non absurde nuncupes, qui sessorem recipiunt, antilenâ & postilenâ coercentur, calcarium stimulos patiuntur & ex sensu nimio illorum feroces aut efferati, habenarum ductum, adeoque virgæ umbram sequantur.

Pabulum præbetur voluntatum, quo obsequentiores reddantur, ad sessoris compendium. Quis enim tandem ex turbis illis provenit fructus, nisi quem turbarum authores colligant, aut ex agro principum subditorum aut ex penu supremi Monarchæ? Eandem conditionem nemo villanus mancipijs nedum libertis aut libertinis indulserit, ut ad

mensam pastus, ad ministrationem familiæ
projiciat.

CAPUT III.

Matronæ circa reginam matrem turbant.

Hispanorum clientes, quorum magni intererat, Cardilem perdi, ardores incendij alebant, cui ministerio infami conciliarant matronas quasdam, reginæ matris familiares: eo numero censebantur tres summæ principes, primæ admissionis, Contij uxor, & Elbæuij, cum viduâ Ornani. Accesserant plurimi magnatum ex regis aula, quorum alij de summa reipublicæ florescente parum solliciti, privata captabant compendia ex instituto procedente: alij implicitos sese videbant ex amoribus, quibus hanc vel illam desperabant: alij denique solo ingenij lascivientis impetu adfastidium administrationis prolapsi arguebantur.

Animus malignior, & diffidentior, quam qui reginæ matri erat, potuisset venenatas illorum artes declinare: sed eo majus commodum ex illius mansuetudine trahebant, quanto majorem benevolentia partem ipsis prostituatur. Neque enim alias ipsi per hoc institutum rationes exponerant, præter summum suum desiderium, quo deperirent, ut illius potentiam & auctoritatem sartam tectam conferrent; quo demum fascino efficacissimo Magnatum animi occæcantur.

Deinde circumvallatæ aures ita obsidebant, ut penè impossibile esset, errorem demonstrari, si cui libuisset animum aperire. Ex oculis ferè nunquam amittebant, adeo ut si aliqua trium illarum lusciniarum necessum haberet discedere, præsto esset alia, tum ne familiares verè fideles tepus arriperent erroris demonstrandi, tum ut sermones inceptarent, fovendo incendio accommodatos.

Instillabāt in animum exulceratum, fiduciam, quam rex de consilijs eximijs Cardinalis concepisset, nimiam testari auctoritatem, ut ad invidiam violentissime perurgeretur: Subdebant honoris stimulos, ut ipsa orbi Christiano manifestum faceret, non adeo exiguam sibi in republica potentiam, quin voluntatibus pondus addat, præ genio illo gal-
linæ

linæ albæ filio : appendicis loco veniebat restitutio Mantuani, qui in vestibulo recuperati imperij stabat, gravi crimine oppressa, ac si principis illius, commoda cum Galliæ emolumentis minus cohererēt, & regis gloriam obfuscarent; adeo ut odio acerbissimo omnia celsura crederentur.

Posteris difficulter fidem fecerint historiarum commētariorum usque processum, ut fides tanti ministri in dubium sit vocata, quasi constituisset thronum regum invadere cū perniciē liberorum regionum; cum expendendum esset potius, quoties ille vitam, facultates & honores, illorum gloriæ immolasset per omnes, quas fors offerebat, occasiones. Si quædam secreta reipublicæ, ipsam ignorare contingeret, non desinebant fortunam illius deplorare, quasi cōsultum fuisset, omnia & singula communicarī feminæ, exterorum factiōibus immixtæ, ad dispendium consiliorum regionum.

Admirabundi stupecebant in illius præsentia, quomodo Cardinalis ferret, regem Aurelianensi matrimonio Mariæ porro ingerere, cum demonstrandum esset illum necessarium aulæ id quod minimè optabant. Præter omnem etiam rationem fuerit; simulationis macula conspurcari sincera Cardinalis officia, ut iam animo sederet, redintegrationem gratiæ in proprium duntaxat quæri commodum; donec occasio nasceretur ejus ejiciēdi, id quod Luyhnius esset ausus; certâ fiducia persequendi de eo perdendo, instituti.

Istis sermonibus factiosi plerunq; utebantur, quos rectius carmina dixeris, ad fascinandum illius animum, unde mansuetudo infra ingenij discessit, ne reconciliatio locum invenire posset, sed ut ipsa consilij perniciosus inhaereret, & prudentiæ summæ columen, quo tamen ipsius auctoritas nitebatur, everteretur, cum Gallia juxta tot officia, gradum satis eminentem gloriæ non inveniret quem ei conferret.

Politica reminiscētia.

Nihil fere unquam occurrit, quod summarum Principum familiares, in animum inducere nequeant, postquam partem confidentiæ abstulerunt, artibus aulæ ad corruptionem pronis.

Prima dispositio sumitur ab

Rr 2

infi-

insinuatione, quasi extremo ferantur studio ad eum unum scopum intenti, ut gloriam illarum augeant; ignari utique, studium istud rationis inducere formam, quæ quidvis persuadeat fæminis. Videas, sollicitè cavere, ne in sensum illarum impingant, re aut verbis: errores omnes palpo mitigant, adeo ut & in laudem vertant, vulneribus deinde inveteratis omnem respicientibus manum salutarem.

Cumque summa libertas conveniat amori & odio, profitentur tamen palam, eundem cum principe amorem & idem odium: inserviunt fervido studio per omnes occasiones, pares tamen prostibulis, quæ amassis quæque prospera cupiunt, præter prudentiam & iudicium. Quæcunque fastidium alicujus animadvertunt, calumniari incipiunt opprobria. Longe potiore habent imposturam, quàm veritatem, ob dispendium benevolentiae; adeo ut ex libidine comprobata dilecti, & per officia minutula, quibus animi illius sexus & fascinantur & captivantur, potiore partem in illarum confidentia adipiscantur.

Sed quis referat, quot artificijs valeant instituere obreptionem? Nemo enim facilius nobis imposuerit, quam qui amoris nostri fert opinionem. Illa benevolentia per diffidentiae negligentiam crescit: accedit & familiaritas, non exiguae potestatis, vel ex tempore mollissimo, & occasione deliberata proferendi. Nullum unquam periculum subeunt, ex libertate quidvis dicendi & quocunque tempore, adeo ut propèsum earum odium facillime in scopum præfixum effundatur.

Operam primam impendent diffidentiae aut æmulationi suscitandæ, admodum sollicitæ, ne quis sermo sine testato desiderio, pro auctario authoritatis in speciem licet assumpto, elabatur, ut sic suggestiones habeant gratas. Deinde, ubi invenerint fenestram, ad insinuandas illas dispositiones, non desierint novos assultus meditari, ad formidinem mali futuri, per odium Varinianum. Quæ omnia tanta vafritie ingeniorum, quam mille artes juverint, ex Lyceo illo aulico, peraguntur, ut summx Principes eò minus sibi caveant, quanto operosius per familiares ipsius subducitur veritas.

CAPUT IV.

*Cardinalis conatur demereri gratiam reginae
matris.*

Quemadmodum Cardinalis omnium ubique mortuum gerebat animum gratitudini & reverentiae mancipatissimum, ita nullus unquam calamus satis depinxerit, quanto dolore odium istud reginae matris sustinuerit: unde ad quavis obsequia sese dimittebat, si benevolentiam illius demerendi facultas esset ulla. Aliquantulum temporis à solennitate Martini Episcopi impendebat extremum ad Cardinalem perdendum, apud animum regis, ut nec aspectum ferret. Is autem nullo alio felicitatis momento latus, quam ut reginae dignitati inserviret, & testimonia fidelitatis praeftaret, sincerissimam mentem in ejus aspiciendae, adeoque affandae honore ponebat.

Aliquoties in mentem veniebat pater Suffrenus, conscientiae arbiter, sensu extremo doloris istius permovendus, ut satisfactionem quaecunque interponeret, animumque ad pristinam benevolentiam à confidentissimis averfam, reduceret: optimus ille sacerdos rem eo libentius suscipit, quod videret, illa reginae matris intemperie aulam dividi, rem publicam in partes discedere, factiones ali, & sectam adversus regem ipsum foveri.

Addebat ipsum Deum imperare, ut odium istud deponeret, oculoque benigno aspiceret, qui tanta regi filio praestaret beneficia. Cum autem dispositionem optatam non reperiret, ad saniora consilia, Cardinalis lubentissimo animo suscipiebat Bannij, quem Pontifex summus legaverat, & excellentissimo ingenio, & summa dignitate purpuratorum celebrem, oblatam operam ad eundem finem. Ibi sane nemo quicquam addiderit ad sollicitudinem ipsius, aut prudentiam, si qua ratione intemperies illa ad tranquillitatem reduci posset.

Obtinuit tamen aliquod compendium, ut scilicet con-

veniendi esset copia, & præteritorum abolitio sanciretur. Visitatio illa instituta in palatio Luxemburgico, per oculos, sermones, & gestus reginæ matris abundè manifestabat, simulari tantum illam reconciliationem. Itaque visum, causam potentiorē adhibere, ut videlicet, quod pietati Patris Sufficiens erat negatum, Cardinalis Bannij & merita & munia obtinerent.

Ipse rex diversis vicibus suam interposuit auctoritatem, aut potius preces vehementissimas, per adjurationes summas, amaret, qui ipsam & regem esset demeritus, tanquam fidelissimum clientem, ministrumque ad gravissima instituta reipublicæ persequenda aptissimum, postquam eorum fundamenta essent probissimè jacta. Rogabat, ut priorem erga Cardinalem benevolentiam usum reciperet, senatum frequentaret, eâtenus intermissum, ijs adductis rationibus, quas recusare nequibat, adeo ut bis terue deliberationibus interesse sustineret.

Aiebant quidem, malevolentiam succentores consuluisse, ut regis voluntati concederet, donec majorem apud ipsius animum adipisceretur fidem, & noua dispiceret ad Cardinalis exitium machinamenta. Non tamen asseveraui, mansuetudinem illius fidem adhibuisse; ubi monuerō hoc unum, odium semel conceptum adeo acerbum fuisse, ut simulatio brevi desineret, ex aspectu admodum molesto; unde novum ingruit inimicitiarum exercitium.

Politica reminiscencia.

MAniæ plurimas species recensent medici, tum ex causis, tum effectis & accidentibus; sed secundum census morborum. In quam classē odium compingam non satis intelligo, quod illud videam symptomate vario laborare. Cum autem nulli non morbo inveniatur remedium, miremur huic uni nondum repertum; adeo ut & curiosissima officia sinistrè accipiantur, & aversionem trahant.

Mentem cuiusvis mortalis ajunt chartæ virginis similem,

lem, quæ quamvis scripturam admittat, sed primâ tincturam, adeoque delineationem servet. Quod si continuis stolidiis animus alioqui solidissimus perforetur, ut cedat; quid censebimus, matris dilectissimæ molimina apud filium obsequentissimum valitura? Meminimus tamen arcum nimium tendendo rumpi, & patientiæ exemplar, ovè mansuetissimam, tandem aliquando irritari; cum longè di-
versissima sit ratio obsequij privati & publici.

Romanus ille filio consuli occurrit eques, idemque privatus sed descendere jussus, si consulem convenire vellet, agnovit auctoritatem muneris. Ut jam de rege sapientissimo nihil inferam, qui juvenis licet, & penè puer, matri omnem honorem habuit, vel sessione ad dexteram comprobatum; honorem non advertit, ubi de reipublica bono; adeoque regis salute ageretur, quæ malevolorum instituta facilis reginæ matris genius nequitiam intelligebat: unde filio regi nulla religio, reginæ matris sublestæ petitioni nihil assentiri, sed ex majestatis fastigio subdolis necem irrogari.

Ubi nuptiæ fiebant in Canâ Galilææ, opportunissimè videbatur monere, instare, perurgere, beatissima Virgo, Salvatoris mater, ut aliquo miraculo consuleretur honestissimorum neogamorum inopiæ. Sed Salvator nihil motus, officij Oeconomiam explicabat, adeo ut nec matris nomen proferret, sed fæminam vocitaret, quæ publicis abstinentum sciret.

Neque verò ullum invenias præfectum regium, quia voluntate & mandatis uxoris dependere velit; aut ullum Episcopum, materno nutui quantumlibet obsequentem, ut in Ecclesiasticis ad voluntatem privatâ descendere velit, adeoque possit. Ciurum fuerit, uxoris minutula quæque aperire, quod tamen rarius fieri, querelæ quotidianæ ostendunt; sed regem illud decet silentium, sexui fæminino gravissimum, quod nullas facultates, nulla compendia privata, nisi ipsissimam rempublicam concernit; quemadmodum diversitas negotiorum diversam rationem sustinet.

Sic de viro literato rectè dixerimus, Scire tuum nihil est, nisi te scire hoc sciat alter, cum contemplationis sit

fit exiguus usus, nisi per vitæ agenda tenorem celebretur. Longè diversissima ratio Politicorum, quibus reges vitam facultates, & rempublicam committunt. De illis igitur non improbè dicitur, Scire tuum nihil est, si te scire hoc sciat alter. Acquiescant igitur sæminæ in taciturnitate politica, ne imprudentes effutiant, quæ rempublicam aut labefactare, aut evertere queant.

CAPUT V.

Schombergius ad eundem scopum contendit.

Schombergius, cuius consilia olim magni faciebat regina mater, reversus ex Pedemontio, credebat & sibi periculum faciendum, si fortean genius efferatus demulceri posset. Instruit igitur aciem rationum, & tanta industria dimicat, ut ipsa intelligeret, sic suis met rebus noceri, tamen si ex amore & reverentia regiae dignitatis noller, quicquid concedere. Noverat enim, dispendia ille quæque aperire Magnatum animos & fletere.

Ante omnia supplicabat, respiceret, quanta ex Cardinalis consilijs traxisset commoda; ex quâ fiducia evasisset princeps sui ordinis gloriosissima, cum jam mirabili labyrintho sese induisset ex maleuorum consilijs. Scimus, inquebat iterato, illum semper consuluisse, ut regem summè amares, eadem reputares cum ipso commoda & dispendia, inseparabiliter conjuncta, cum perpendisset, omnem tuam auctoritatem, adeoque animi tranquillitatem inde pendere.

Quicumque autem hoc temporis tuæ majestati suggerunt diversum quid, negare non possunt, sic omnia in extremis versari. Rogitabat, aperiret oculos, examinaret discrimen illius & hujus tempestatis, & animum induceret, ex concordia cum rege vel votis potiora obtingere, secundum Cardinalis fiduciam. Si luberet major auctoritas, jam tantummodo rogari, ut Senatui interesset, ad illam augendam, ac supremâ auctoritatem aliquatenus partiretur: si desideraret gratuita quædam, meminisset, Cardinalem nunquam ipsi defuisse.

Studi-

Studium intensum in ipsius commoda etiam istos sermones expressit, si in dissidio cum rege persisteret, invitū regem à confidentia recessurum; quo casu rerum, omnem perderet auctoritatem, obsequio apud populos continuo exolescentem.

Adeo robustæ erant rationes istæ, ut nullo modo videretur repugnatura; locum sane fecissent, nisi ab aliquot genij turbulenti obsessa, suspicaretur auctoritati suæ: sic derogari, si minus in hoc negotio euaderet superior, adeo ut incendium insigni opera aliquantillum restinctum, jam vehementius exardesceret, ex obstinatissimo animo, quem infelices illi genij ipsi induebant, adeo ut veniam supplicem, quam rex nomine Cardinalis expetebat, recusaret, eo sane impetratu faciliorem, si sapuisset, quod nulla offensa intercesserat.

Politica reminiscencia.

Nihil facilius penetrat Magnatum animos, quam violentia, ubi gradus factus est ad persuasionem, illam afferendæ auctoritati inservire. Quemadmodum sola potentia ceteros mortales antestant, promissimè subruunt obstantia. Fæminis hic morbus familiarior ex infirmitate, & obstinatione majori. Levitas, sexui congenita, nullo negotio ab uno extremorum ad alterum perpellit, adeo ut mediocritatem neque amare, neque tenere queant, benevolentia ac odij.

Mireris etiam, ad repulsam plurimum valere preces vehementiores, inprimis apud offensiores; sic enim ab iracundia demigrant in furorem: licet etiam haud improbè propositionem; Nam ad recusationem succederit fastidiū oratoris. Rigor vehementius dominatur voluntati, quam supplicationes, idque apud fastuosiores per potentiam, ubi summus metus ex illarum acumine, dum prudentia deficit.

Præterea frustra allaboret, qui suspiciones ex animis extirpet, quod genij isti eousque macerentur in eo genere obstinationis, ut pene nunquam methodo legitima eximiqueant, ubi forma imperium in universos mortales acquirit summum, videas debilitatem sexus ferre tyrannidem

desideriorum; Odium sanè adeo dominatur ut semel susceptum, nunquam exuere queant, quicquid coneris & instituas.

Quamvis autem crediderim, reginas maximam partem illis erroribus eximi, quos sexus nāvos trahit, cum particulari Numinis gaudeant favore, imagines utique divinitatis, & in terris & in cælis reverendas; rarius tamen videas, & ipsas violentia superfedere, quam summæ auctoritati inseparabiliter connexam videas.

Hinc & Aristoteles præter cæteras rationes ait in Politicis, Incapaces esse administrationis publicæ, ubi clemētia semper viguit inter firmissima fulcimenta. Fatendum insuper, etiam cum temperamento generosiore natas, majorem metum intentare, quod ex inopiā prudentiæ minus auctoritatis nactæ, à rigore suppetias sumant, obfirmen-
turque adversus quoscunque in suspensionem collapsos.

CAPUT VI.

Aurelianensis improbatricas regine matris.

ERater regis, qui non ignorabat, reginam matrem censu subditorum esse apud regem, præterprogenitricis reverentiam, unde teneretur, in negotio, quod absolutissime complecteretur reipublicæ salutem, obsequium præstare, non poterat approbare refractarium illum animum, adeo ut & regi mentem suam aperiret. Sermo autem, super hoc negotio institutus, summe erat regi gratus, ut vel inde constitueret quidvis in illius gratiam facere, ad sustentanda hæc animi æquissima sensa, postquam eadem protestatione particulari apud Cardinalem etiam roborari visum esset, additis ijs verbis, quæ benevolentiam & amorem præferrent, erga virum, reipublicæ admodum necessarium, uti agnoscebat.

Scimus tamen, intimos Magnatum solere iustissimas pervertere propensiones, instrumenta videlicet exorbitantiæ, contra officium: rex itaque consultum putat, Coniæum, Puy laurentium & Monfigotum, summos fiduciarios,
face;

facere suos: gnarus etiam, nulla unquam, licet solidissima catenâ, id genus hominum firmitus constringi, quam beneficijs; animum inducit, nihil amittere ad illorum honores augendos, nihil parcere, ad illorū desideria explenda, ut sic istos abstineret à persuasionibus factiosorum.

Puylautentio igitur adnumerantur trecenta millia librarum, ad emendum Ducatum Anuillanum; Coniæo cōceditur munus Præsidentis emortuale, in Summo Parisiorum Senatu præter spem Cardinalitiæ purpuræ, adeo ut rex in eam rem ad summum Pontificem perscriberet. Mōsigotus aufert quinquaginta millia librarum, quæ donaria immesa cum summa gratiarum actione suscepta, trahabant millenas protestationes, de principe ad concordiam & obsequium erga regis voluntatem semper flectendo,

Politica reminiscentia.

Maximi est momenti, ad commoda regis, ut familiares intimos Principum regiorum suos faciat. Eo enim solo modo retinentur in officio, cum vel inde rectius id persuadeant, quod sæpea numero in animum quidvis insinuent & imprimant. Principes plerunque quocunque tantandem genio excellenti conualescantur, voluptatibus indulgent potius, quam rebus agendis, adeo ut otium non sumant ad illarum examen, an consultius sit, expediri, aut prorsus intricari.

Eam notitiam permittunt intimis, cum satis habeant, ad executionem didicisse commoda; lubentius tolerantes familiaræ turbas, quam semihorulæ dispendium, quod voluptatibus abstractum summis rebus impendant. Cum regibus partiuntur summam rerum; illis onus gubernandi relinquunt cum majestate imperandi, sibi sumunt delicias; persuasi sponte, fortunam ob summos in republica natales, ipsis nunquam defuturam, quin necessaria ad cultum suppeditet,

Hinc nemo dubitabit, apprimè opus esse, ut intimi illorum arctissime ad regis commoda obligentur, adeoq; ab ipsius voluntate pendeant, cum usus esse possit per occasio-

nes,

nes, ad quodvis reipublicæ compendium. Sic Hispania nullos indulget fratribus regijs, nisi regi addictos, adeo ut etiam sæpissimè mutet, ne nimis diuturnum obsequium tandem producat nimis arctam confidentiam, in dispendium summæ obedientiæ.

Hinc denique nunquam deliberandum fuerit, an remouendi sint, qui notissimè ad reipublicæ præjudicium vergunt, cum nimia tolerantia in effecta periculosa breui posset erumpere. Sequestratio illa posset principibus rigidior videri, præstat tamen, illis non nihil ægritudinis inde adferri, quam ut respublica detrimentum patiatur. In primo felicitatis numero ponat minister summus, si ea necessitate carere liceat, ubi autem usus sit, in suas partes eos traducere conabitur.

Inter omnia media, quibus uti posset, beneficiorum ratio agmen ducit, quæ mortalium animos tanto arctius alligant, quanto suavioribus adstringuntur vinculis. Commodum cuiusque fortissimè permouet, adeo ut vix ulla alia pateat ratio potiundi, nisi per auctarium honorum. Quodvis inde institutum comprobabunt, modo gaudeant votis particularibus: principum animos semper continebunt sedatos, modo suos expleant.

Rerum mundanarum pleræque referunt picturas illas ex diverso situ aspectuue diversas: sic illi ex latere grato inferent in principum oculos, quod lubet, ad tranquillitatem animorum. Cavendum tamen prudentissimè, ne una vice omnia destinata profundantur, cum ambitio nunquam non augeatur; & dona intimo cuiusvis collata desiderium maiorum incendunt. Dispendium igitur, quæ seponantur ad studium bene agendi sustentandum per spem amplioris fortunæ.

CAPUT VII.

Institutum reginæ matris, ad seducendum Aurelianensem.

ISTA declaratio, quam Aurelianensis de suo sensu animi, fecerat regi, non parum admirationis apud reginam matrem excitavit, cum omnem in ipsum prius collocasset fiduciam, tanquam palmarium instituti obtinendi. Iam persuasum habebat, modo eum institutifaceret participem, spōte oblatum iri clientes, adeoque propugnatores, quibus cordi foret extrema in ipsius gratiam audere: natura mansuetissima tamen satis habebat inconcussam in regem colere obsequium.

Secta verò seditiosa, ad pervertendas sanctissimas pro-
pensiones accincta, improbabat eam mentem, usque ad opprobriorum proterviam, quod à matre teneri ime ad-
matus tam exigua ipsius curam gereret. Fatebuntur omnes, alias creditum, per priores regiminis annos, forte an præter rationem, procliviorum fuisse matris animum in secundogenitū quam in regem; in quem secundogenitum conijcere posset oculos, ad exemplum principum æque illustrium, si instituto alicui finem optatum quæreret, ubi-
cunque regis benignitas clauderetur.

Nemo tamen ibit infitias eam tenuisse viam, ex Cardinalis prudenti consilio, quo utebatur, etiam ex aula secedens primitus, ut nihil aliud animadvertere licuerit in eo instituto, præter sincerissimum propositum de concordia liberorum sustentanda, adeo ut nihil unquam cogitatura esset regis voluntati adversum.

Hinc sane prudentiæ æstimum tulit amplum apud popularium animos, qui pacem unice optantes, in eam conijciebant oculos cum eximia veneratione, quod vinculum & cæmentum esset mutuae unionis, adeoque fulcrum publicæ tranquillitatis. Etiam fatebimur, ansam præbuisse mutantæ illius opinionis, postquā frequentius cum Aurelianensi, ejusque ministris intimis conversaretur, non leviter prodito

prodito consilio, ipsius pervertendi per quamcunque impensam, ut ejus uteretur opera, ad exitium quod meditabatur, Cardinalis.

Politica reminiscencia.

Satis familiare matribus, postgenitis amplius indulgere, quam primogenitis, ut sic propugnaculum majoris struant autoritatis. Eadem videtur ratio & liberorum & fructuū, quorum nouissimi, gratissimi. Evenit sane plerunq; postgenitos jucunditatem augere, & parentibus delitiam, dum adultiores jugose subducunt, inventutis intemperantiam secuti: maxime ubi matres maritorum tutela orbe, habenas remissius stringunt, & juniores senectutis tibicines legunt, adeoque vel adultioribus adversos, cum æris alieni exactoribus non multum sint absimiles.

Debent autem ab illis dependere in plurimis rebus, qui progenitore sublato, caput familiæ repræsentant; quod plerunq; difficile est toleratu. Id videas apud plebeios, sed omnium maximè in aulis magnatum. Historia profectò inflatur exemplis plurimarum reginarum, quæ postgenitos prætulere primogenitis, ad rempublicam administrandam. Sic Ptolomæus Phylæus ex persuasionebus conjugis regnum secundogenito legavit. Et ne extra Galliam vagemur, meminimus, Ludovicum Pium, ad suggestionem conjugis, prætulisse Carolum Calvum Lothario primogenito.

Constantiâ, uxor Ruperti, animadvertens maritum, post primogeniti fata, coronam destinare Henrico, secundogenito, repugnabat ex propensione in Rupertum, tertio genitum, & perinde dilectissimum. Cum autem institutum nequirit perficere, turbas ciebat, etiam superstiti rege; & amplius eo defuncto, ut liberi dissidio laborarent, ad augmentum suæ autoritatis, unde funestum bellum Civile exortum, in summum reipublicæ detrimentum, extremâ optimi regis ægritudinem, qui ætatis & regni dispendium ferebat, ubi pacem & tranquillitatem familiæ maximè optabat jam ab exordio susceptæ coronæ alijs vagrandibus ærumnis colluctat², per sinistros casus priorum matrimoniorum, adeoque divortiorum, ubi Abbas piissimus Fleurnij Abbo insignem præstitit operam, & remedium.

Ne-

Neque longius recedemus in memoriam superiorum seculorum; Catharina Medicæ recens apparet in recordatione nupera, quæ nunquam non aliquem ex liberis, uti vulgo notum, impensius amabat: adeo ut suspicione non careret deproperati fati, quo primogenitus locum cederet Andegauensi, ad coronam indispiscendam. Imò ipso ad summam rerum progressu, mater eadem nuper tenerrima, ad Ligæ partes transiit hostiles, quod minus indulgeret administrationis filius rex.

Cumque ista exempla undiquaque per historiam extant, non opus fuerit pluribus argumentis: dicemus potius id institutum semper fuisse reipublicæ perniciosissimū, bella Civilia suscitasse, ut regna à naufragio exitiali parum abessent. Ista enim benevolentia matrum particularis coniecit liberos in æmulationem, tandem in maniam invidiæ & odij, ut ad quævis extrema dilabantur: magnatum studia continuo scinduntur, conscribuntur milites, pervadit calamitas, incendium flagrat, quod tandem multo popularium sanguine vix restinguitur.

CAPUT VIII.

Mater regina seducit Aurelianensis intimos.

Quemadmodum difficultatis, adeoque suspitionis plenum erat, reginā matrem toties cum Aurelianensi colloqui, ita necessum fuisset, ad convertendum institutum, regijs tantummodo commodis studuisse. Qui animum illius in fermento retinebant, censent, Aurelianensis intimos lucrandos: quod consilium acutum quidem, sed malitiosum dixeris. Difficulus enim genius principis, stius permovebatur, quod à natura traxisset propensionē ad obsequium regium, cui accesserat diligens cultura per educationē, summi viris demandatam. Hinc fere spes ejus pervertendi evanescebat, nisi intimi, temporum & sensuum gnari, operam promississent, singularib' artificijs adiutam.

Virtus, quæ semel profundas in animo placido egit rades cultura insuper confirmata, non nisi summo nisu revellitur: validis ibi opus arctibus, quos præter secretorum scientissimos nemo ad scopum dirigit. Omne igitur negotium eo tendebat, ut quacunque ratione acquirerentur intimi, trium viri illi. Coniæus, Puy laurentius & Monfigotus. Unus tamen Coniæus sufficere creditus, quod Puy laurentius nuperrimè novo esset constrictus beneficio, ejecto Bodenneniæ, qui partem benevolentia summæ rapuerat, adeo ut nihil obloqui licuisset: Monfigotus autem, creatura utique, authori suæ fortunæ per omnia assensusus esset.

Valide igitur contenduntur machinæ ad Coniæum pervertendū; ubi commodum occasio optata sese præbuit, ex insano desiderio cardinalitiæ purpuræ, cuius spem rex fecerat. Accidit enim, Pōtificem nescio quibus de causis promotionem illam in aliquot menses distulisse, jam destinatam. Promptum itaq; fuit asseverare, moram illam à Cardinalis nostri artibus fluere, qui potens apud Curiam Romanam haberetur. Credidit id Coniæus quem admodum exiguō commoventur momento ambitiosorum compēdia, tantumque concepit odium, ut vindicandam hanc contumeliam quacunque ratione constitueret, in hæc verba ad familiarem quendam, conatum aciem oculorum ipsi epurare; inescatum sese cardinalitia purpura; sed spatio sexseptimanarum sponte deferendam.

Solebat dicere, Gallia filium semper satis habiturum auctoritatis, si ad conditionem miserabilem detrudatur: quo axiōmate nitebatur spes ejus: Aurelianensem, videlicet per ægritudinem animi ex aula discedentem, universis populis compatiendi ansam daturum: principes, provinciarumque gubernatores ac munimentorum custodes, adeoque procures regni occursuros, copias certatim adducturos, ad bellum gerendum, quas tempestate galerum sanguine popularium tingeret, in solatium dilata purpuræ, quam efflictim expetebat.

Vera autem dilationis causa latebat in torpore Italorum, quo Pōtifex impediabatur gratiam illam firmare, nisi post cognitionem particulariorem: eoque magis, quod in Sixt.
V. bullam

V. bullam impingeret, quæ bigamis, qualis ipſus erat, purpuram negat. Ex eâ ratione univerſa Hiſpaniæ potētia deſudavit nuper, in eâ dignitate Duci Lermæo conciliandâ. Vehementiſſimi tamen arietis vim apud animum Coniæi exeruit ſpes, de ipſo in Cardinalis perditionem locum ſubſtituendo, quâ eo libentius demulcebatur, quod per morbum regis à genethliaco didiciſſet, ſummum ſibi fortunæ incrementum promitti.

Splendor miniſterij illius optati glaucōma obijciebat oculis, ut rationem ipſam amitteret, jam certior animi, ad obſequium integrum reginæ matris deſcendere. Aurelianenſi quodvis ipſius deſiderium perſuadere: cujus proterviæ continuo teſtimonium dedit, reginæ voluntati adverſatus. Volebat enim rex, ut Aurelianenſem ſecurius ad Aulam attineret, extrema vota de matrimonio cum Maria principe ineundo, præſtare.

Ibi regina mater, id matrimonium ſemper averſata, Coniæo iadicat, quantum officium in eo diſturbando iniret apud ſeſe: expedit igitur ille omnes machinas, à genio maligno coörtas, ut animum inde revocaret Aurelianenſis, qui ſic regi ſupplicabat, ne properantius ad conjugium adigeretur. Coniæus ferocior ex hoc ſucceſſu, iactabat Chantillij, ubi Aurelianenſis morabatur, erga quendam non adeo fidum, uti putabatur, ſeſe interceſſurum, ut ne unquam matrimonium illud fieret.

Attamen vix exciderant iſta verba, quin pænitentiam traxerint, quod non præter rationem metueret, ea ad regis aures manatura, in certiffimam caſtigationem. Metus ex ambitione auctior, ita exercebat ab illo tempore genium illum protervum, ut non quieſceret, niſi ad ſecefſionē Aurelianenſis. Sic omnes omnino machinas adhibuerat, ut animum in regis obſequium obfirmatum perverteret. Inventæ eſt via, ad reſuſcitandam adverſus Cardinalem æmulationem, reſtricabatur memoria de incarcerationis & extremo ſupplicio affectis. Magno Priore & Ornano, atque adeo Chalæſio.

Crebrioribus uſurpabat ſermonibus, quantū deberet matri, cujus commodis vel inde teneretur ſtudere, quod tenerius ſemper ab eâdem eſſet adamarus. Cumque iſta omnia nihil poſſent apud animum ſolidum, aliquid for-

midinis subjecit, quâ generosissimi quique corripuntur. Suggestitur, regem edoctum de studio particulari erga matrem, ex consilio Cardinalis constituisse ipsum in sylvam Vincennarum compingere.

Tum demum deliberandi locus sublatus, ut quamprimum ex aulâ secederet; antequam animadvertisset, quod optare licebat, intimi fervidum desiderium, quo contendebat ad eum honoris apicem, à quo per inopiam meritorum penitus removebatur.

Politica reminiscencia.

Superius annotavimus, apprimè facere ad summam rerum, si intimi principum arctius conjugantur cum regis commodis, ut ad obsequium regis descendant: nunc addere lubet, id æque necessarium fore, ne rempublicam turbent; cum pleraque bella civilia oriuntur ex illorum intercessione: Ibi vero satis magnæ occurrunt difficultates, eo quod non semper situm sit in potestate summorum ministrorum, ut illi obsequium colant, ex quocunque compendio.

Quemadmodum enim cibus stomachum famelicum irritat, ita opes collatæ ambitionem incendunt; quo genio plerique intimorum possidentur, unde principes in maximas præcipitantur turbas. Tempestates ævisissimæ sternunt lætissimam planitiem, & generantur ex nubibus, quas astra in supremam æris regionem elevârunt; sic turbulentissimæ perduelliones, unde populorum tranquillitas turbatur, regna evertunt, ex intimorum tantum suggestione coortæ, quos, veluti astra reipublicæ, Principes sibi adseiscunt, non raro ex fæce plebis & pulvere.

Sic posterius seculum nostræ Galliæ dedit, temporibus Henrici III. exemplum Alençonij, qui ex persuasivonibus Bussi & Simerij maximè, præter alios quosdam intimos, cum ægrè ferrent, summam rerum esse penes correptores suæ insolentiæ, ex aula secessit. Quod si altius recedamus, Ludovicum XI. inveniemus, etiam

De la

Delphini nomen ferentem à fratre Carolo VII. primâ vice secessisse, ad suggestiones Chaumontij, Bucicauti & asseclarum, quod ferre non possent, formosam Agnetem, neptem scilicet, & Villæquerium nimiam possidere potentiam.

Et nostra tempora suis clarent exemplis, ad rem comprobandam, quibus recensendis supersedeo, cum ante hæreant memoriâ. Addam tamen, aurifabris esse aquam adeo sortem, ut aurum ab argento, in igni solidissimè colliquata separet, quamvis ante una eademque res viderentur; ita intimis Principum artes esse, per aulæ malitiam excoctas, adeo aptas ad dissidium, ut matrem à liberis dirimant, ubi visum fuerit, fratrum quoque gratiam faciant raram; adeoque in universum per naturæ aut amicitiae vincula artissimè unitos separent, qui extra ullam potentiam divortij esse credebantur.

CAPUT XI.

Aurelianensis constituit, ex aulâ secedere

Postquam Coniæus Aurelianensē artibus suis ceperat, ut constitutum haberet, ex aulâ secedere, nihil remissit urgere, donec pervinceret. Ut autem secessio fieret pomposè, & universo mundo signum daret corripientorum armorum, rationem invenit persuadendi tanquam magnanimitatis specimen, si Aurelianensis Cardinalem domi incessest probris, amicitiae tesseram confringeret & reginæ matris partes palam profiteretur adversus illum.

Ivit igitur, & in hæc ferè verba prorupit: sed Cardinalis certo certior, ea ab ipsius mansuetudine alienissima, cū non tantum inter minus noxios, sed etiam inter beneficentissimos principes, per orbē terrarū, celebrari posset, omnem reverentiâ & civilitatem reddidit. Ab eo egressus Aurelianensis, in currum pensilem ascendit, recta Aureliam delatus, non salutato rege. Regina mater

inopinatissimum id sibi accidisse simulans, celerrimè renunciat regi, venationi vacanti; Valde mirari ille primum, cum nihil tamen unquam fausti ab intimis illius, quorum notitiam ante ceperat exactam, sibi promississet: non utique arbitratus, eos ad extrema processuros, post beneficia immensa, quibus eos cumularat, & protestationes adeo solennes de fide sincerà paulo ante interpositas.

A venatione reversus, descendit in Cardinalis hospitium, expromtis gratiæ regiæ testimonijs adeo particularibus, ut jam Aurelianensis opprobrium obliterarent. Promittebat enim rex patrocinium adversus quosvis, iussu insuper eo certius confidere, quod honoris sui interesset, ipsum conservari, post tam illustria officia: sic per illius suum peti latus, offensam redundare, quam vindicaturus esset.

Exinde ibat ad reginam matrem, cui dissimulare non sustinuit ægritudinem ex secessione Aurelianensis susceptam, cum iustissimis suspicionis causis, consiliorum ipsum esse participem. Instituebatur quidem conatus excusationum, sed tamen postea patuit, per arctissimam conjunctionem animorum, & per literas utrinque ad eundem prorsus scopum ad regem scriptas, ipsum nihil penitus aberrasse: adeo ut Aurelianensis satis clarè id ipsum Aurelianensibus feminis, causam tã subiti & inopinati reditus sciscitantibus, sit fassus. Non, quod regina mater plurimum diligeret Aurelianensem, aut Aurelianensium reginæ matris instituto vicissim acquiesceret; sed quod ratio esset adinventâ persuadendi, ex arctissimâ unione utrique facultatem accedere desideriorum, ad compendium quæsitum, & Cardinalis exitium.

Politica reminiscencia.

Quamvis proceres alicujus Reipublicæ ingenijs & propensionibus admodum differant, per mutuam invidiam distractissimi, facillè tamen recolliguntur, ad augendam, si queant, auctoritatem, in dispendium Principis. Experientia docet, eam facultatem inesse igni per natu-

naturam, ut metalla dissimillima uniat, aurum utpote & ferrum, sic ambitionis incendium æque potest unire magnatum animos, ad turbas concitandas.

Hic non retulit stipendium aut honorarium, quod optabat; ille non potuit propinquo procurare beneficium, quod expetebat; iste existimat mereri maiorem ex summa rerum administrandarum partem, aut excidit spe obtinendæ provinciæ alicujus. Fastidia ista omnia diversa, ex diversis votis, in eo conveniunt, ut quiete animorum perditâ, offendantur aut in rege, aut in summo ipsius ministro; nullo penso, tot tantasque rationes in cursu rerum, præter compendia privata occurrere, unde teneantur in gratiam aliorum facere, quæ sibi ipsis erant applicaturi.

Communis igitur offensa vinculum est satis validum, ad eos uniendos, & ad idem institutum perducendum, ad eos uniendos, & ad idem institutum perducendum. Norunt geminam ad alta perveniendi viam; alteram prudentiæ, alteram violentiæ. Quemadmodum autem vident, omnes omnino tricas suæ prudentiæ, aut potius imposturæ, non sufficere ad fortunam in designatum altitudinis gradum sustollendam; ad alteram relabuntur, persuasi de amplioribus commodis.

Non quod ignorent, plurimos suæ conditionis ex temporibus superioribus, naufragium fecisse in eodem portu, quem adipiscendis magnis compendijs delegerant. Sed uti animus hominis semper spe potius quam formidine turget; sibi ipsis persuasum eunt, fortunam benigniorem; quam cæteris; unde unionem instituunt, non ut rempublicam in ordinem utiliorem, quod præ se ferunt, collocent; sed ut promoveant, si queant, & semetipsos & familiam, cum detrimento reipublicæ.

Hinc dixerim, similes eos esse primis qualitatibus, quæ, dum sese in unionem nolunt conservare, ad sustentationem compositæ, æque in ejus exitium conspirant. Cum enim prudentia & autoritas ad reipublicæ salutem valere debeat, cujus summas columnas meruere, jam convertuntur ad dissidium & exitium populi,

puli, adacto principe ad subministranda media, quibus illorum violentia oppugnetur.

C A P U T X.

Regina mater latatur de secessione Aurelianensis.

CUM Aurelianensis ex aula secessisset, regina mater multo pertinacior evadebat in loquendo odio adversus Cardinalem, quod ex secessione illâ sibi multum accessisse crederet: accedebant palpatores, qui affingerent, jam alteram partem regni in armis fore, ad Aurelianensis desideria persequenda, urbes plurimas tumultuaturas; offensam publicè innotuisse, & incendium belli undiquaque suboriturum; quâ facie rerum efferatâ Rex sponte foret abjecturus causam Cardinalis, faciliori dispendio illius, quam regni.

Sic desinebat frequentare Senatû, quo inceperat aliquoties redire, adeo ut liceret animadvertere minus violentiâ, ad ægritudinem animi dissimulandam. Quanta calamitas, regnû exponi periculo manifestissimo ruinâ, bellorumq; civilium, ut periret, qui diesq; noctesque octavum annum obnixè laborabat, pro reducendâ pristinâ gloriâ! Quæ vero injustitia, id præmij meritis rependi, per insignem ingratitude!

Quæ intemperies, fratrem cum matre insurgere adversus regē, ut satisfiat ministrorum odio & ambitioni! Rex tamen omnia tolerabat tanto majori ægritudine, quod per prudentiam cognosceret, Exteros hoc lolium sparsisse in rempublicam, ad excitandum incendium, cujus restinguendi gratiâ exercitus ex Italia revocaretur, ut fœderati destituti patrocínio, saltem ad turpes condiciones per negotiationem pacis descendere cogerentur, cum jam in Pedemontio id videretur agi.

Non ignorabat rex, neq; reginas eximi castigationibus, ubi rempublicam turbare incipiunt: matris quidem

dem nomen exigere reverentiam filialem, sed illud regis efflagitare, ut nihil unquam bono reipublicæ præteratur: unde liceret quævis arripere media ad commercium inter ipsam & Aurelianensem, adeoque acerbi animi instigatores interrumpendum. Nihil convenientius huic malo, quam eam in urbem aliquam ab aula remotiorem seponere; intimos, mansuetudine ipsius abutentes, hinc inde disponere, ne ardores animi & diffidium foverent.

Piacuit tamen ipsi adungere virum probatæ prudentiæ, & potestatis, qui caveret, ne quid illa in rempublicam machinaretur. Reverentia tamen, qua Rex ipsam nunquam non coluit, tanta fuit, ut ab animo suo tam violenta non posset impetrare remedia, nisi ubi ad extrema perventum, & nihil non prius tentatum fuisset. Constituit potius ipse ab illâ aliquamdiu recedere, & Compendium abire; fore sperans, ut ipsa sponte Patilijs subsisteret per rigidum anni tempus, desineretque tantillo tempore aulam dirimere, quod hætenus instituisset.

Inventa etiam ratio, abstrahendi à latere factiosissimum quemq; si animus deferret, & ad tranquillitatis studium rediret. Longe optatus fuisset, ipsam regiæ voluntati favere, in Palatio Luxemburgico vitam ducere suavem & quietam, per absentiam regis, quam aulam consecrari, ubi præsens firmabat factionem constitutam. Id enim rex credebatur eventurum, ut tanto facilius illam viam insisteret, quod jam testata esset tædium rerum agendarum, unde & Senatu abstinuisset, cum Cardinalis præsentia tantum ipsi pareret fastidium.

Tantum autem absuit ab ista mansuetudine, ut persuasioneibus eorum, quibus animum permiserat, nimium deferret, jam certa, iracundiæ fræna permittere ad quævis extrema, regemq; per omnia consecrari, ex spe perditionis universæ, qua Cardinalis evertendi rationem præbere posset: videbatur enim sibi, penitus abijcere curam illius persequendi, si ab aulâ abesset; dum minimè perpenderet, sic irritari regis patientiam, & ad rigorem, quo carere optabat, percellere animum obsequentissimum.

Politica reminiscencia.

SPes vindictæ radicem diutius alit in animis mortali-
sum, sine ipsa, magnatibus concidit animus, adeo ut
in desperationem prolabantur, instituto deserto. Nemo
autem unquam rectius depinxit qualitates spei ex ino-
pia fundamenti vacillantis, quam Priscus ille, cui soli-
tum dicere: Id vero esse dormientium somnium, & tur-
bati animi. Sic sanè fatebimur, quemadmodum insom-
nia mentem chimæris millenis obducunt, quarum nul-
la, nisi in imaginâione nostra subsistit; ita spem male
innixam animos replere illusionibus, & voluptatibus
phantasticis, dum res à potestate nostra remotissimas
repræsentet, tanquam voluntati nostræ subjectas.

Blanditur cogitationibus vana credulitate, nullam
prorsus difficultatem instituto obfuturam, quin exupe-
remus. Quamvis etiam tempestas jam murmuret supra
caput, nubeculam brevi transituram interpretatur, exi-
guam ejus durationem promittit, cum sudo extemplo
reducendo. Si bellum sit sumendum, exercitus invictos
in castra deducit; ad instituti alicujus horrendum infor-
tunium, persuadet instantem rerum convertendarum
cardinem nihil obfuturum, etiam prolato plurimorum
exemplo, quibus saluti fuerit gravissimis urgeri ærûnis.

Sic solet abjectissimos erigere animos, animare stupê-
tes, languentes firmare. Ad hanc anchoram miseri qui-
que confugiunt, ad sustinendam tempestatem, quæ im-
minebat: ad hanc Cynosuram convertuntur, ut ad por-
tum desideratum deferantur: Hinc sustinetur vigor ad
executionem rerum arduarum necessarius: desideria no-
stra nūquam excedunt ipsam duratione, adeo ut institut-
um continuo projiciamus, ubi spes ejus perficiendi pe-
riit. Hanc mortales celebrant matrem audaciæ, spiritū-
que vitalem, quo præcordia inflentur ad ardua tentan-
da: potentia ipsius, veluti fascinum, summa ubique, sed
æque periculosa, ab ovo basilisci nihil dissimilis, quod
oculis gratissimum ob diversitatem colorum, ubi Na-
tura ludere voluit picturam, præsentissimum venenum
intus colligit, serpentemque venenatissimum tandem
præducit.

Si

Si enim nihil æque damnosum, ac spes male fundata in quocunque instituto, voluptatem sane, animo in fermento vindictæ retento, maximi vendit, vagrandi exactâ usurâ. Thesaurum dixeris miserorum, sed qui sæpissimè tantum augeat ærumnas. Neque satis fuerit, spem nostris desiderijs applicari, cum reiicienda sit, tanquam perniciosissima, ubi innititur suppetijs illorum, quos casus quivis everterit, aut etiam popularium tumultu, eo quod illi quovis tempore in diem mutant institutum, maximè ubi pavor excutit arma, & inconstantia prodit solita, quæ hodie amplexatur quod ante pauculos dies tolerare nequibat.

CAPUT XI.

Rex rogat matrem reginam, à tricis abstineat.

Quamvis reginæ matris rigor posset ipsam patientiam irritare, mansuetudo tamen regis eandē prorsus tenuit, adeo ut Compendij, quo ad regem pervaserat, si quâ ratione novoque conatu, pervinceret, quod instituisset, rex nihil desineret ipsam singulis diebus colere & invisere, sæpius adjuratione usus, per summam præcordiorum teneritudinem, unde satis colligebatur abundantia reverentiæ & obsequij, renunciaret malis consilijs familiarium, quid discordiam instituissent ad explendum odium privatum, & compendium.

Offerebar, Mariliacorum liberationem ut demulceret, tametsi pro meriti essent supplicij, cū ipse gratiam matris reginæ præ rebus omnibus faceret magni. Supplicabat compluries, amaret Cardinalem, vel in sui gratiam, sed cū demonstratione istius officij, quod nemo rectius novisset, quam necessarius esset rei publicæ, cujus operam nunquam non esset expertus, fidissimam. Neque desinebat ipsi depingere, tanti ministri ægritudinem, quam ex istâ malevolentia concepisset, unde certissimum sumi posset præsagium, adeoque testimonium,

quanto studio ac desiderio ad ipsius commoda ferretur. Asseverabat, paratum, ad perpetuam jurandam fidelitatem, deprædicanda beneficia & benignitatem, nec unquam passurum, ut intemperies præterita ullum in memoria retineat locum. Ut autem nihil omitteret ad eam flecendam, denuo instabat, internuncijs Castellonovano, qui curam Sigillorum gerebat, & Schombergio, ut consilijs interesse vellet, & secretas tricas, cum Aurelianensi institutas faceret missas.

Hoc tamen illi responsum tulere, subiisse rædium rerum agendarum, nullam sibi dehinc partem consiliorum queri, ut satis evidenter determinatum exponeret animum, ad persequenda, quæ maleferiati suggererant. Adco ut regiam nihil esset reliquum, secundum acerrimam hanc sollicitudinem, nisi dolor, consolationis expers, de operâ omni ad eam permovendam perditâ; superabat tamē satisfactionis summa, nihil omnino omisissum, quod non fuerit expeditum.

Politica reminiscencia.

NUnquam satis obstiteris dissidio per familiam regiam coorto, cum reipublicæ principum regionum discordia sit admodum exitialis. Medicis spes de ægroto non abijcitur, salvis partibus nobilioribus, sed illis offensis, mortem agnoscunt instare: sic Politicorum sapientissimi nihil penitus metuunt reipublicæ, quousque principes regij, nobilissimæ utique partes, in obsequio regi debito, persistunt. Sed viceversa, continuo metum concipiunt, ubi dissidio orto, disceditur in factiones adversus summam auctoritatem.

Discordia enim illorum intus turbat, & exteris maximam præbet compendia. Cætera perduellionis capita non operose reducuntur ad officium, ubi fruuntur desiderijs, sed extremi laboris est, consanguineos ad concordiam retrahere, postquam dissidentia semel radices egit in animis. Hinc Micipsa apud Sallustium ait, summas regni vires non consistere in armis, aut opibus reconditis, sed in concordia principum, quæ nec armis sub-

subigi, nec auro corrumpi possit; maximè autem in amicitia fratrum, qui indissolubili vinculo sanguinis constricti habentur.

Cypri regnum ex discordia duorum fratrum periit, referente Justino: nec Oriens sub imperium Romanorum concessit, nisi ex malevolentia principum mutuam. Idem infortunium Pompejo aperuit Judæam, ubi Hircanus & Aristobulus de summo imperio contendebant. Philippus sagacissimè intelligebat, quantum concordia fratrum præstaret, cum animadvertisset dissidium inter Perseum & Demetrium filios, & inde nihil frequentius inculcaret, quam mutuum amorem; proposito exemplo & Eumenis & Attali, qui ab exiguo principio adoleverint, erubescens ferè ad regium nomen, & ex sola benevolentia fraterna, eaque reciproca evasisent potentes & metuendi, secundum Plutarchi recensionem, in vita Demetrii.

Nec opus fuerit, nos mendicare foris exempla apud Exteros, cum meminimus, Galliam indeploratum sæpius prolapsam statum, per dissidia nostrorum regum, Burgundionum & Aurelianensium. Hinc naufragio sese vidit vicinissimam, Exterorum petulantia expositam, quos sola Providentia Dei misericordis abstinuit & eiecit, ut ostentaret summam istius Monarchia curam in exitum vergentis.

Nemo prudens ambigit, rempublicam facillimè subigi, ubi dividitur per factiones familiae regiae: sibi enim confusio ingruit, obsequium popularium, ad specimen magnatum exuitur, quilibet sibi vigilat, ut ex turbis compendium rapiat; pauperiores à milite opprimuntur, locupletiores dolent fructus interceptos, præfecti obedientiam in regem ponunt, nisi aliquo insigniori emolumento devinciuntur; Exteri denique hostili animo ingruunt, ex insania aliorum sibi sapientes.

CAPUT XII.

Quare regina mater sit remota.

Quæ cum ita sint, nulla extabat ratio, ad malum sine remedio destituendum. Post preces tam fervidas & toties iteratas non conveniebat profecto, reginam matrem exacerbato & fastidioso animo diutius aulæ interesse, ubi arctissimam communicationem adversus regem cum Aurelianensi sustinebat, ad divisionem Republicæ. Omnem sensum prudentiæ abjecerit, qui tolerandas censuisset machinationes cum Exteris, quarum effecta deinceps satis & nimis apparuere, opprobria in regem & illius regimen à factiosis palam conjecta, seditionem popularium suscitata; bellum ab Exteris in regem emendicatum, sub prætextu matrimoniorum.

Abjectissimi sanè fuisset animi dissimulatio diuturnior, erga factionem, arbitrium regi de ministris summè necessarijs expungendis, adimentem, quod optatorum summam non semper ferrent complices. Sensus communis perierit patienti reverentiæ Principi, tanquam imagini divinæ debitæ iacturam. Nemo nisi sectarius clausis oculis transmittet conatus & machinas, quibus regiorum ministrorum fides tentabatur.

Nunquid expectandum fuerit, donec Angli aut Hispani arma inferant Galliæ, ad fovendam perduellionem; aut principes conspirationis affines palam arma corripiant, exercitus ducant, regnum florentissimum ferro & incendio sædent? Id vero imprudentiæ columen summum, ne mente quidem concipiendum febricitanti. Neq; hic dubitandum quàm ægrè id fecerit regi in animo suo, si descenderet ad rationes reginæ matri ingratas, quarum summa foret secessio, tametsi jam omnes vias clementiæ esset rimatus, ab intimis illius perversas.

Calcaverat utiq; omnem sensum illa naturæ, quæ ma-
ter

ter filio debet, & subdita regi negare nequit: sic contra excutiebat fecundum memoriæ penu, & potentiæ armamentarium, ut & Gallos & Exteros adversus tranquillitatē reipublicæ commoveret. Tandē vero, ubi rex percepisset, malum ad extremam vergere, nisi præsens adhiberetur remediū, constituit bonum publicū compendijs particularium, & sensui matris licet amatissimæ præferre, matris, si fas sit vocabulo uti nefando, perduellionis reæ: quæ ratio tamen apud aliquem ex reginæ matris majoribus nullum trahit pondus.

Is enim inter cætera axiomata filio dictitabat, antehaberet universorum salutem sine discrimine, quorundam commodis privatis. Sciebat etiam rex, Deum semper bonum Universi præferre subjectis particularibus; & reges, illius utique imagines ac vicarios in terris, ad eandem rationem invitari. Si enim pater æternus filium dilectissimum, characterem essentiæ, exposuit Iudæorū furori ad salutem mortalium; jam ipse caruerit vituperio, si reginam matrem aliquamdiu ab aula semoveret, falsis omnibus honoribus, ministris, opibus, libertate & potentia, quæcunq; ad reipublicæ commodum desiderare potuisset, cujus tutelam Deus eā lege imposuisset, ut salus reipublicæ esset lex suprema.

Censebat rex, nimios honores & opes collatas, potentiamq; fere absolutam, quam permisisset benevolentiaæ factæ in regiam dignitatem & bonum publicum, vituperium absorbere, cum universus Orbis terrarum abunde posset dijudicare, sibi hanc necessitatem extremorum invito impositam, cum factiosi perurgere nunquam desinerent. Moram etiam periculosa credens, quod constituerat, Senatui proponit.

Politica reminiscencia.

Ubi rancor profundas egit radices apud animos principum regionū, ut evelli nequeant, absolute necessum est, ut factiones indeplerunq; nascentes suffocentur, antequā in nervum erumpant. Neq; enim possunt evitari summa in regno revolutiones, ubi partes dominantur.

tur. Si qua minima confusio accideret motibus cælestibus, recederet Univerſum hoc in primum chaos: ſic diſcordia regionum propinquorum rempublicam univerſam turbabit, Principis authoritatem vinculabit, exterisque diſcerpendam præbebit.

Opinio illa de fovendis partibus inter Magnates, ut minus habeant facultatis, ſi cui obluſtari Principis voluntati lubuerit, potentiâ per diſcordiam diviſâ, non extendenda eſt ad ligas & partes principum regionum, ubi periculum eſt, adigendi regis ad ipſorum libidinem; eo quod illa diviſio ad exitium regni vergat, fundamentis Monarchiæ ſolidiſſimis ſubrutis. Non tamen proſus malè fovebuntur aliqua diſcordiarum ſemina, cum nimia illorum concordia aliquid monſtri parere poſſit, ſi tamen limites reverentiæ & obſequij circumdantur, erga Principem colendum.

Alioquin videris ventos impetuoſos, & plebem ſponte tranquillam, motuque vacuum veluti mare, facile exercitari, in extremam rabiem delabi, ad quæviſtranſcurrere, & rempublicâ ſummo exponere periculo. Nullius hiemortalis authoritas valuerit. Quemadmodum vero Magnates non eximuntur legibus, in factioſos ſancitis; inſtitutis illorum tantoprotius fuerit frangendum, quanto majorẽ metum incutiunt, ex nimia in popularium animos potentiâ.

Videas etiam mediam viam magis periculoſam, quo rerum cardine ſummus Miniſter rei publicæ & ſtudium & fortitudinem comprobabit, ſi ab utentibus eripiat potetiam, ac ſi gladium vaginâ vacuum furioſo extorqueat. Ex tribus iſtis conſilijs eliget, quod ſequatur. Vel ut eos reconciliet ad eum modum, quo in ſenſum ſincere amicitia condeſcendant; quæ operatatis ſcatet difficultatibus, apud Magnates, ſemel offenſos, ut eam rationem nunquam poſſis inſtituere, niſi poſt diuturnam ſecuritaris notitiam: Vel ut vitæ uſuram factioſis adimat; quod rigidum quidem, ſed tutiſſimum ego nunquam conſuluerim, niſi per extrema, cæteris omnibus deficientibus, propter reverentiam in familiam regiam,

Tertiam viam duxero convenientiorem, ſi removeantur,

tur, libertate nocendi coercitâ: neq; enim querendi causam habent justam, si qui ex merito sustineant id dispendium. Iniquum enim fuerit, in aulâ tolerari professos regiarum actionum censores, qui vituperent quâvis instituta, potentiam circumscribant, seditiones suscitent, & incendium belli reipublicæ concilient.

Principes ex familiâ regiâ orti, non desinunt unquam legibus obedientiæ, adeoq; statutis regni subijci. Illorû non est, momentâ rerum disponere, cum jus istud inseparabiliter cum coronâ cohæreat, adeo ut quicunq; diversum quid ex propriâ autoritate audeat, perduellionis reus pœnam incurrat. Neque enim traditum fuerit oblivioni, regnum hoc ferè pacto in manus Hispanorum transisse, ex nimia Henrici III. indulgentiâ erga Guisium, principem duntaxat extraneum: inde calamitatum seges, & extremorum minæ, quas tempestivè Rex prævenire potuisset, debuisset.

C A P U T XIII.

Senatusconsultum de semovendâ regi- nâ matræ.

QUamvis autem Cardinali constaret, ex quovis genere rationum necessario regis institutum persequendum, ad secessionem aliquantuli temporis; modestiam tamen commisit cum prudentiâ, ut calculus non-quam adderet, nisi iterâisset preces gravissimas; si tunc impetrare liceret missionem. Suggestabat, reginam matræ sic fortè ad tranquillitatem deduci posse, ne quid respública caperet detrimenti: se expeditum, medijs Oceani fluctibus sorberi, ut navis reipublicæ servetur, modo regiâ benevolentiam ne careret, aut per offensam suspectæ fidei vel neglecti officij repudium ferret.

Non quod minus perspiceret, eum honorum gradum exigere veri planissimam exegefin, ubi de reipublicæ salute ageretur; sed ut comprobarêt, privati com-
modi

modi nullam sibi in eo concursu rerum esse rationem. Non quod honorem a rege delatum despiceret, aut minus aestimaret, primus utiq; minister; sed quod reverentia in regiam matrem aboleret considerationem propriæ dignitatis. Non etiã quod deficeret animo, in persecutione perpetiendâ, cum lucta illa novos subderet stimulos, nullis unquam aulæ tricis & factionibus superandos; sed quod generosissimus quisque est moderator, forte etiam eximiâ nonnunquam ingruente, ut fortius cadas, quam subsistas.

Denique nullum hic detrimentum studij erga regem, cum nihil ipsum acrius potuisset affligere in quaesito illo secessu, quam officij inhibitió per occasionum penuriã, si nulla ulterius fieret potestas ipsius asserendi adversus iniquissimos assultus, quos reginæ matris corruptores, adeoq; Aurelianensis seductores perpetuo instituebant. Voluisset tamen, si licuisset, connixe colere domini sui matrem, tametsi ad eam semovendam non multum opus esset instigatione; cum jam actiones satis fastuosæ regem perdoerent, jam non facile diutius in aulâ permanfuram, donec & tempus & veritas sensum diversum, eumque saniozem contulissent.

Ex istis omnino rationibus expetebat Cardinalis missiõ: rex vero, gnarus, quantum res publica labefactaretur ex jactura tanti ministri, tam necessarij, cum vix Natura pluribus seculis eum genium indulgeat; cujus opera etiam uteretur, uti Deus Solis ministerio solet, addissipandas quasq; tempestates, quæ subinde cooriuntur, petitioni neutiquam annuit: quin potius expensis, quæ inde redundarent officijs, regniq; cõmodis illustribus, omni cursu ministerij exacto, ad turbas & confusiones, quibus mater regina studebat; jã comparabat præsentem rerum statum, cum exordio administrationis; nihil ulterius deliberavit, certissimus animi, rogare matrem reginam, ut aliquamdiu extra aulâ degere constitueret.

Omnes omnino ministri regij in istam sententiã transiêre, ne in crimen perfidiæ erga regem delaberentur, si injustam reginæ matri exhiberent reverentiam. Quilibet enim eorum considerabat, querulandi nullam ipsi

ipsi relinqui occasione, neque de regis inobedientia, neque de suapforum contentu; cum his omnem culpam jure imperet, qui malis consiliis mentem impedivissent, adeo ut hospitium ipsius neque cum aula, neque cum bono Gallicæ publico consistere posset.

Politica Reminiscentia.

Quemadmodum salus Reipublicæ scopus est, quem Deus ipse omnibus omnino regibus præfixit, cum Diademate frontem insigniret; ita nihil apud ipsos debet esse majoris ponderis, ad illud centrum collineant omnes actiones, civitatis omnibus adeo diverticulis. Frustra prudentiam ad ardua suscipienda & gerenda habuerint, si ratio ulla particularis, pro consanguineis, aut alicujus voluptatibus impetus progressum inhibere valeant. Magnatum desideria, Reipublicæ semper noxia: itaque rex ordinis per regnum observandi studiosus, illa nunquam popularium bono, anteferet.

Princeps regius utique pacem rogabit, per necessitatem belli; sic a prudentiâ regiâ indignum quid committeretur, si ea propter arma ponat. Alius flagitabit, ut aliquem Senatui moveat, licet valde utilem rebus agendis; ubi nemo dubitabit in justitiam peccati, remque publicam offendi, si Senatus viri laudati operâ privetur. Quid verò rationis feret Magnatis alicujus obstinatus lubitus; ut regem ad pacem reipublicæ ignominiosam; sui que apud exteros contemptum adigat: aut ut ministrum aliquem removeat, qui instar benigni astri irradiet, Rempublicam salutaribus institutis ornet, & potentiam extetis ostendet metiendam?

Quis verò mirabitur, si rex illorum commodis præferat bonum publicum, cum & sua compendia ad istam trutinam teneatur negligere? Iusti sanè nomen nunquam metebitur, nisi pedibus & voluptates & commoda propria ad honorem coronæ concuket. Meminerit sese potius esse Reipublicæ; quam suam esse Rempublicam, unde populum salus ipsi undiquaque antestat. Quod si salurem Reipublicæ potio rem habeat, quam semetipsum, nullo vitu-

perio maculabitur, si eandem cujuscunque domestici & necessarii commodis particularibus præferat.

Nec parentis desiderium hic attenditur, cum injustitiæ vituperanda reum sese faciat, quicumque per obsequium illius, reipublicæ noceret. Auctoritas enim propinquorum non exit parietes privatos, quæ ulterius protracta, deficit ex officio publico. Reges audiunt imagines vivæ divinitatis: unde justius specimen nuspian sumserint regiminis, quàm ex instituto divino. Deus enim, ut universum bono ordine complectatur, interitum & angorem millenorum subiectorum particularium quotidie permittit, ne regibus quidem, Reipublicæ licet utilissimis, præteritis. Hinc & illis justissimum fuerit, ut publicum bonum cuivis particulari præferant.

Quis verò ignoret, bonum publicum causarum universalium esse objectum? Sol enim nihil desinit radios spargere, sic Luna, cum reliquis astris coruscare, & influentias in hæc inferiora effundere; quod necessariae sint ad universi conservationem, tametsi nonnullis particularibus subiectis noceant. Reges autem censentur numero causarum universalium; unde fit; ut per leges justitiæ teneantur semper respicere bonum publicum: quod si neglexerint, non poterunt evadere grandiota infortunia.

C A P U T XIV.

Rex redit ad Parisios, postquam dedisset mandata de regina matre retinenda.

EX omnibus rationibus, quas dispicere licuit, rex mitissimam elegit. Non ignorabantur loci rigidioris instituti, ad coercendam reginam matrem; sed manebat Regis, & moderatio, quam Cardinalis suggerabant consilia, alium non admisisse usum. Institutum autem per se moderatum, executioni dabatur

tanta reverentia & curâ , ut regina omni iusto destitueretur querimoniæ subiecto.

Cum ex etiam Compendii moraretur, venatum finigit matutinum, maturè jubet omnia præsto esse, rogat reginam comitem, accersit Marschaleum Estræum, cui in aurem imperat, restaret ipse, & omne obsequium, quod mandaretur, deferret, copiis Compendii relictis præset, nemini regi nâ matris turbas darent: oppidum in obsequio contineret, quarumcunque copiarum per viciniam confluum impediret.

Rex sese accingit ad venatum expeditum; & antequam egrederetur, Villa Clericanum ad reginam matrem mittit, qui nunciaret, Ab re sese illâ insalutatâ quod reverentia & tenerrimum studium erga ipsam interclusissent preces coram dicendas, in ipsius fortasse fastidium: judicare tamen ad bonum publicum necessarium, ut ipsi placeret hospitari in Castello molinarum, quod olim delegisset sibi à morte regis defuncti, & aliquandiu illie degere cum universâ familia; gauderet omni genere libertatis, frueretur omnibus bonis & redditibus concessis; eo splenderet honoris, quem natales poscerent, in quem finem adderetur provinciæ Bourbonensiæ administratio.

Dehinc patrem Suffrenum instruit mandatis, qui itidem reginâ matri deferret, ad excussum somnum, Discendere sese, ipsa insalutatâ, ægro animo; ipsa tamen nihil curaret, & reliqua à Villaticano intelligeret: Hæc ordine constituto fiebant: rege jam Compendio digressô pater Suffrenus priôr nuntium perfert, testis utique ocularis plurimæ sollicitudinis, quam rex ad flectendum animum sumserat, ut liberè diceret ex serie suscepti mandati, nihil causæ esse; cur de rege conquereretur.

Estræus postmodum rogatum mittit, an gratum haberet accessum; ubi annuit, & longinquo audit, Videre sese & alteram captivitatem. Vbi autem ille asseveravit, non sese remanere iussu, ut libertatem ipsius cogeret, quin potius ut inserviret, & mandata exciperet, paululû acquievit. Ad vesperâ adest dehud, supplicatur nomine regis, ut aliquandiu in castellum suû molinarû secederet, ad leges, quas iu-

dicare effectus, Rex venationis facto sine Verberis pernoctavit.

Politica Reminiscencia.

Quemadmodum reginae non eximuntur legibus, quae sancite supplicium irrogant auctoritatem regiam quomodocunque violantibus, cum salus populi suprema lex sit, satis frequenter occurrit per historiam, illas ab aulis semoveri, cum & alia supplicia metuere possent, ubi adversus instituta perversa bonum publicum est asserendum. Soli enim reges eximuntur legibus: illorum autem matres & conjuges, cum ferant qualiter & reginarum & subditarum, minime liberantur ab irrogatione poenarum, per leges constitutarum.

Cum Helena, Menelai, regis Spartani conjux, post excidium Trojae redisset in patriam, exulare jubetur, causa utique tantorum malorum. Et Honorius Imperator, Constantinopolim remisit Placidiam, quod videretur hosti favore. Irene, conjux Constantini V. perpetuo damnata fuit exilio per Nicephorum, filii successorem. Martina, conjux Heraclii Imperatoris, idem supplicium subire fuit coacta ex Senatus consulto, quod necem procurasset Constantino minori, privigno.

Et nostra historia suppeditat diversa hujus speciei exempla; Ludovicus VII. ab aula removit reginam conjugem, divortiumque fecit, ob fidem conjugii non integre servatam. Carolus VII. matrem Isabellam, Bavaram, Blasiam, & inde Augustam Turorum seposuit, ut praeveniret mala consilia a quibusdam turbulentis ipsius nomine instituta: jussu etiam Connestabili Armonico mundum muliebrem & pecuniam auferre, trecentos viros custodiae addere, sine quarum permissu ne verbulum quidem cuiquam loqueretur, donec Dux Burgundiae eam eriperet.

Quanti vero retulerit unius hominis expletum desiderium, ad tranquillitatem tot myriadum, quibus rex debet patrocinium & curam, adeo ut rationem sit redditurus coram illo, qui vigilantiae regiae illos subdidit? Nulla tam grandis obligatio, nulla tam iusta per orbem terrarum cō-

sider;

sideratio, quæ excuset hallucinationem ad principium, aut cursum ingruentis calamitatis permittat, in detrimentum popularium. Hæc lex nullam patitur exceptionem.

Cumque debeat & vitam propriam immolare saluti populi, quanto iustius populi ratio antestabit particulare commodis? Regina defuncta, Catharina Medicea dicebat aliquando, Principi convenire eandem auctoritatis emulationem, quæ marito de conjugis castitate.

CAPUT XV.

Principes istius sectæ comprehenduntur.

Quo tempore rex Compendio discedebat, rogatâ matre reginâ, ut aliquamdiu aula abstineret, expediebantur mandata, ad comprehendendos sectæ istius auctores, adeo ut matronæ complices item juberentur ad suabire. Marechalculus Bassompetrus, Abbas Fuxæus, & Vauterius medicus in carcerem Bastiliæ disponuntur, nullâ unquam injuria violati; jurentur principes Contra, dux Elbævia, Ornania & Dedigeria privatas habitare ædes.

Tanta autem moderatio adhibita principibus, provinciarum præfectis, & aliis Dynastis, extra aulam versatis, ut id solum peteretur commerciorum scilicet cum reginâ matre interruptio, appositis custodibus ad quævis agenda; monitis insuper, tricarum studiosis, nisi desinerent, à regelicer invito, tandem castigandos.

Neque enim poterat institui lenior cautela, aut clementius coerceri factio, quæ familiam, regiam dissidiis lacerasset, cum Exteris collusisset, bello intestino operam dedisset, palam regis regimen culpasset, actiones justissimas æquæ ac gloriosas flagellasset, tandemque eo insolentiæ processisset, ut regem conaretur adigere ad inferendum exitium, quem gloriæ dignissimum instrumentum oculis amar. Quid ausuros censeas, si apud reginam matrem relictî, libertate agendi pollerent? quem terminum ultra extrema constituerent?

Querulabatur tamen illa, vociferata, Remotos à sese omnes fidissimos, quorum fidem perspexisset singularem; plurimum urgens, ut Vauterius sibi redderetur, ac si valetudini conservandæ admodum esset necessarius. Recusabatur verò principalis ubique inceptor factionis, qui nunquam laborasset, ad illius animum componendum, quod Cardinalis per omnia sacra nuperrimè rogitarat, additis etiam amplissimis promissis, si superaret, sed oleum camino affuderat, desideriis etiam violenter intensis. Ut autem nullam prorsus haberet occasionē querulandi, optio data inter centenos Medicos quorum numerus in Facultate Medicæ apud Parisios extat, fama ad istum longe superiore.

Politica Reminiscencia.

Absurdissimum, factiosis libertatē indulgeri, cum carceres in eum fabricentur finem, ut ea ad detrimentum rei publicæ abusi, coerceantur. Frustra leges expedierint istum modum improbitati frænandæ, nisi usus fieri. Quid minus enim compingantur perturbatores tranquillitatis publicæ, qui fidei suæ qualicunq; permitti, regnum incendiis evertant? Non facile omnes factionis complices apprehendi possunt, quod sane etiam minus expediret: principes saltem custodiæ mancipandi, cum extremo periculo scateat, eos tolerari, ex intempestivo metu, ne iustitiæ cursus apud populares incusetur nimii rigoris.

Illa enim indulgentia nimia locum tempusque eadem opera permittit, ad institutum in eam seriem perurgendum, ubi postmodum ludas operam & conatum. Mutianus Vitellius eximie laudatur per Antiquitatem, quod filio necem iusserit irrogari, ut sic primas belli flammæ in ortu opprimeret. Alenfonius conspirarat contra Carolum VII. anno septuagesimo quarto supra millesimum quadringentesimum, unde & carcerem subire est iustus & mortis sententiam sustinuit. Dux Burgundiæ manibus pedibusq; laborabat, ut gratiam impetraret, vel ex argumento familiæ regiæ, & majorum amplissimis meritis: à rege tamen id respōsi tulit, Familiā regiā ortum esse, nihil de roga-

re castigationi extreme, cum vel inde ad sinceriores fidem debuisset invitari: majorum etiam merita nihil prorsus respicienda, cum ab illorum exemplo recessisset reus.

Carolus V. & libertate & vita privavit virum equestri ordinis, quod epistolam amanuensi dictasset, quâ Franciscus I. rogabatur à Gandavensibus auxilia adversus ipsum, Philippus II. rex Hispaniæ, non expectavit tempus faciominaturandæ, quam filius adversus ipsum & rempublicam erat exorsus, sed nihil motus proprio sanguine, jam certus de instituto, cum custodiâ circumdedit.

Neque Carolus IX. fratri Alenſonio ignovit, neque regi Navarræ, perspectis illorum tricis, quin utrumq; in sylvam Vincennarum compingeret. Henricus III. carcerem minabatur post primum conventum Ordinum, Blæſiam coactum, Henrico, nuper defuncto regi, & principi Condæo, nisi condescenderet ad suum institutum, sacrorum & Reipublicæ ergo susceptum. Nunquam verò eas calamitates Gallia sustinuisse per bella Ligistica, si ad primam perniciosorum consiliorum notitiam Guisum carceri mancipasset.

Ipsa etiam regina mater, principem attineri jussit, summam reipublicæ administrationem adepta, per suspicionem violandæ authoritatis suæ.

C A P V T XVI.

Estreus conatur persuadere regina matri voluntatem regis.

Cum jam regina mater remaneret Compendii, Estreus Coperam dabat, quæcunq; ipsi reverentiæ testimonia uti rex jusserat exhibere. Singulis diebus veniebat ad tesseram militarem excipiendam: primo die abs regis excessu rogat rationem clavium, quibus claustra oppidi continentur, an gratum haberet, ut ipsi adferrentur.

Omnes omnino ministri familiæ suæ obibant munia, sine ullo impedimento: ipsa prodibat quocunque deambulatum, nemine corycæo addito: nullus unquam sermo ab

Estræo auditis, quin nomine regis rogaret, domicilium in Castellum molinarum transferret, quod viduitati sponte delegisset transigendæ, interposita fide, de custodia non circumponenda: Adeo ut minori querelarum ratione torqueatur, quàm conveniat, primitusque etiam illum secessum instituerit amare.

Verum enimverò, factiosi libertate non coercita, hanc mentem non diu ferebant, quin suggererent, Parisiorum viciniam instituto apprimè commodam, propter confluum rerum gerendarum, & centrum reipublicæ, adeoque turbarum promissimam officinam: sic mutatâ mente constituit Compendii morari, tametsi ante pauculos dies dixisset, Eo loci non posse sese vitam ducere.

Rex gnarus, quanti interesset vicina Parisiorum ex iisdem rationibus, assentiri noluit, oblata electione, ut in quamcunque per meditullium regni demigraret urbem. Sic petit Niverni incolatum; quem ubi regi nihil displicere audit, repudiat, ex inopiâ sumtuum, ad iter suscipiendum. Cumq; nihil omnino defuturum intelligeret, fingebat magnum triremium apparatus, ut extra fines regni prorriperetur; quæ omnia in mente familiarium vagabantur, & coibant ad frivolas excusationes.

Deinde offertur provincia Andegavensis administranda, cum urbe & castello Andegavi, si forte illum secessum potius diligeret: ad quæ omnia pertinacissimum animi institutum exerebat, ut pergeret cum regis voluntate colluctari, oblita fere, quod subditorum censum simul & matris reverentiam ferret, nihil expensis ardētissimis regis precibus, toties per internuntios delatis, ut Compendio discederet, quæ inobedientia regiam amplius offendebat auctoritatem, ut ex loci tam impensè quæsiti vicina suspicio augeretur.

Politica Reminiscencia.

Contumacia tanto maiori habetur vitio in Magnatibus, quanto vehementius commoventur populares ad illorum exemplum, adeo ut ex ipsorum pertinacia refractaria vagrandia mala in Rempublicam decumbant.

Ob-

Obduratio adversus rationem, & auctoritatem supremam, in summas eos præcipitat confusiones, unde instituto nihil promotum, ignominiam ferunt, cum sectariis ad naufragium delapsi.

Efflagitat enim summa necessitas remedium, ut constet obsequium erga regem, maximè apud magnates familiæ. Longè igitur utilius flectentur ad obsequium, quàm ut per vim disrumpantur; rectius commutabunt institutum, velis conversis, quàm ut persequantur viam, in perniciem vergentem. Prudentiæ soliditas non consistit in determinata voluntate ad hoc vel illud absolute pergendum, sed in perseverantia ad rationis ductum, utilitatem & decorum confectandi.

Hinc evidenti damno antehabet institutum commutasse. Inconcessa enim illa pertinacia nihil prorsus cedendi naturis angelicis tantummodo conveniet, quæ rerum momenta uno intuitu contemplantur, adeo ut nihil eorum ignorent, quibus aut deteriores, aut meliores efficiuntur; & inde possunt extra metum erroris, primo instituti consilio firmiter inhærere. Non eadem ratio mentis humanæ, ubi sæpenumero intelliguntur subjecta primitus utilia, quæ summum deinde periculum produnt, ut cogare eundem vigorem in illis repudiandis exercere, quanto desiderio eadem prosequere.

Cum istis tenebris connascimur, ut vel potentissimi intelligent, idè ad usum sapientissimorum consiliorum esse descendendum, vel invitissimis, ut ad transactionem flectantur. Hinc inconstantia nequiquam tribuitur, si malum institutum convertatur, maximè ubi infortunium nondum prævisum, in lucem protrahitur. Plerumque tamen nobis usuyenit, turbantibus rebus, quod in corporum morbis animadvertere licet, ut ardentius diligamus, quæ saluti officunt.

CAPUT XVII.

Intimi Aurelianensis conqueruntur.

INter diversas querimonias, eorum, qui & nomine & sigillo reginæ matris per literas abutebantur, summa erat, secessionem ab aula subortam, quodcum Cardinale nollet correspondere. Hic vero videas ægroti intemperiem, qui ex proprio errore in turpem valetudinem delapsus, se ipsum incusare non sustinet, delecto aliquo subiecto, defensionis capace. Tantundem enim Cardinalis contribuerat ad secessionem reginæ matris, quantum virtus potest, apud animum vitiosum, turpibus mancipatum, qui in odium virtutis sponte irritatur, a Deo alienus & destitutus.

Rex antequam reginam matrem Compendii destitueret, per omnia sacra adjuraverat eam, ut Cardinalem vellet diligere; cuius instituti hæc erat causa summa, quod sic optime consuleret Reipublicæ, & ipsum a factione in seditionem regni intenta revocaret, quæ omnem movebat lapidem, ut ipsa precibus contiauis perurgeret regem, ad summum ministrum excutiendū. Hæc eadem causa fuerit, cur rex ab illa separari sustinuerit, uti testatur in literis ad provinciarum rectores, mentione etiam interrà, quomodo regina mater recularit diligere Cardinalem.

Additum tamen legas, odium illud subortum ex tricis, quas illa in perniciem Reipublicæ, & ad turbandos populares foveret, unde regi ipsius præsentia ad aulam ulterius fieret intolerabilis: Quis vero secessionem illam imputaverit Cardinali, si tantum otii sumat, ad expendendam sollicitudinem & industriam, quam sedando reginæ matris animo nunquam non adhibuit, ut vel fortunam suam abjicere, & aula abesse præoptarit impensissimè. Vade dici potest, non perstitisse, nisi ut voluntati regis satisfaceret, iussisq; præter reminiscenciam beneficiorum, quæ exposceret gratitudinem, vel ob studium benignè comprobatum: addit
etiam

etiam eo cumulo honoris, ut tanto firmatius eum tutaretur, quanto vehementius regina perendum quærebat.

Quis denique dubitet, institutum illius evertendi & perendi, quanto eunq; pretio, qui principis cardinis per republicam locum obtinebat, cui rex non una vice testimonium perhibuisset, ex eo clavo summum sibi bonum pendere, crimine læsæ majestatis censendum? Nunquid idem foret, evertisse, adversus regis voluntatem, munimentum firmissimum in limite regni, aut urbium pulcherrimam Galliæ invasisse?

Sic sanè & tum experientia docuit, Cardinalem magis necessarium esse Galliæ, præ multis castellis & urbibus famosissimis, quas regnum ambitu complectitur. Eas enim facile recuperasset, quocunque ausu exterorum perditas: non tamen licebat eum ministrum, tantis dotibus ornatum invenire, qui majorem Galliæ præstaret tutelam, quam universæ simul Citadellæ, etiam posset magnum numerum celebrium urbium regi subijcere.

Politica Reminiscencia.

Non præter rationem Theodosius minor & Iustinianus Codicibus juris publici inseruere, æquæ ac Leo primus & Constantinus in Politicis & Basilicis, legem illam ab Arcadio sancitam, quæ crimen læsæ majestatis impingitur factiosis, in exitium summorum ministrorum juratis. Ex eadem causa apud Anglos etiam cogitatus offendendi Senatoris intimi, executione non consecuta, vitæ exitium ex crimine læsæ majestatis, ejusque supremæ trahit: id quod usus obtinuit, adversus Sommersetum, Edwardi sexti avunculum, regniq; protectorem, quod simplicem voluntatem propalasset, de duce Northumbriæ occidendo, qui ad regni clavum sedebat, per regis illius aetatem puerilem.

Succiæ leges tantam erga illos reverentiam imperant, ut calumnias in eos conjectas morte expient: hinc Salvianus Massiliensis ait, enormitatem injuriarum estimandam esse ex conditione personæ offensæ. Un-
de sum.

de summus Reipublicæ minister, principis utique vicarius, offensus, paulo minori castigatione vindicabitur, ac princeps ipse: Injuriam fecisti, inquit Quinstitianus, sed cum offenderis magistratum, patraſti crimen læsæ majestatis.

Sic & Veterius referente Plutarcho, extremi supplicij sententiam incurrit, quod Tribunum non coluisset, cujus dignitas tamen longe inferiori stat gradu, collata ad eminentiam summi ministri, non cedens de via publica. Hinc antiquitatis judicia patent de injurijs publicis, & supplicijs æmeritati irrogatis;

Nemo non agnoscat æquitatem sententiæ istius, cum ministri summi reipublicæ sint quasi partes nobilissimæ Principis, prout sonant verba legis ab Arcadio latæ. Quod si Princeps caput sit Reipublicæ, ipsi representabunt membra, quibus gubernetur illa. Ita scimus, Dominum nostrum caput esse suæ Ecclesiæ, Ecclesiam ipsius vicissim esse corpus, clericos verò membra principaliora.

Astra ea principes induunt parte sui splendoris, ut populi per ipsorum influentias conducantur, imagines adeo vivas conspiciunt fulgidæ autoritatis condecorant. Hinc fit, ut crimen læsæ majestatis committatur, ubi quocumque contemptu imago principis, vel conflata ex ære, vel sculpta ex marmore, vel delineata ex coloribus offenditur; longè magis culpetur, qui imaginem vivam, vividioribus autoritatis supremæ radijs præclaram offenderit, ex cujus ore voluntatem populares addiscant, cui, tanquam principali instrumento, gloriam ipse referat eatenus acceptam.

Quod si rationem etiam prægnantiorẽ desideres, perpende, aliud crimen læsæ majestatis offendere principem ipsum, aliud ipsam majestatem. Nunquid hoc fuerit summam autoritatem Reipublicæ lædere, si conspirationes fiant in exitium ministri, cujus prudentia in bello gesto limites regni promovit, principem nationibus exteris fecit metuendum, universos hostes eo redegit impotentia, ut in principis autoritatem nihil prorsus audeant, extinxit omnes factiones, quæ reipublicæ turbabant tranquillitatem, quotidie auget gazam ærarii, confirmat pacem regno, & ut verbo denique omnia complectar, secundum regem

regem solidissimum est fundamentum auctæ Reipublicæ.

Majestatem imperii minuit, quicunque excitat seditionem contra bonum publicum, ait princeps Eloquentiæ in libris de Oratore. Tria autem faciunt genera, quomodo crimen læsæ majestatis committatur: Primum offendit personam principis; alterum adversatur authoritati ipsius debitæ; tertium impingit in authoritatem & tranquillitatem Reipublicæ. Clausis fuerit oculis oportet ad rationis occursum, nisi ad tertium hoc genus referat quivis corruptus civis, quod in exitium ministrorum summorum instituitur, & Rempublicam tam graviter lædit. Neque vero ingenio opus est, ut ad primum genus reducas, quod per Angliam solet, cum ministri fronti impressum gerant charactere principis, authoritatisque summæ.

C A P U T XVIII.

Rex matrem reginam severe admonet.

Estræus, ejus prudentia abundè fuit comprobata in negotiis difficillimis, nihil operæ remittebat apud reginam matrem, ut ipsi obsequium in voluntatem regis persuaderet. Marchio Santhaumontii aliquando interveniebat, atque alii plures Compendium ex parte regis delati, qui omnes asseverabant, hospitium id regi summe displicere. Sed nihil prorsus sic profectum, nisi ut animus illius fermento acriori æstuarer; ad querimoniarum solita exercitia, de rigore captivitatis, qui tamen imaginationem solummodo tenebat, cum nullis excubiis custodiretur; imò claves oppidi in potestate haberet, & quocunque luberet, deambulatum iret.

Quemadmodum autem hoc illius institutum regem offendeat, nec in republicâ tolerari posset, ubi obedientia fundamentum facit, placuit tandem regi; Schoimbergium mittere, & Rossum, quorum animi pari civilitate ac
pru-

Prudentiâ laudantur, qui veritatem clarius explicarent, quam eatenus fuisset factum, ut intelligere inciperet ipsa confusum suum institutum, quod fingeat sponte ignorare, postquam nunquam desineret innocentiam suam iactare.

Nihil illi dissimulabant, quod regi omnia momenta conspirationis innotuissent, quæ incurfaret & suam auctoritatem & gloriam non minus nescire, illum, cur Aurelianensis ex aula secessisset, etiam ultra limites regni digressus, nempe per ipsius reginæ matris consilia. Neminem sane fore in universa republica, qui regi ius legendorum ministrorum disputaret, aut necessitatem imponeret eorum mutandorum. Nihil igitur absurdius regi evenisse, quod ipsa in particulari vellet regem compellere ad abdicandum Cardinalem.

Rectius ipsam, quam ullum alium Gallicæ nominis & soli novisse, neminem prorsus per universum inveniri regnum, tantorum officiorum capitem. Denique non ipsi quicquam superesse caussæ, eam querularetur, si iussa sit aliquamdiu à rege semota degere, cum nulla in sacro Codice extet lex, quæ liberos obliget ad perpetuum cum matribus consortium, maxime ubi ætatem sunt adepti, quæ dispositionem patrimonii ipsis permittat.

Inveniri tamen non unam legem, quæ in diversis locis obsequium erga reges, imperet, tanquam erga vicarios Dei. Vnde rex non immerito offendatur, quod sæpius monita, Compendio discedere regi versaretur etiam sine excusatione, postquam rex obtulisset arbitrio ipsius quamvisque aliam urbem ad incolatum. Suarum nunc esse partium, ipsi explicare, quomodo illa inobedientia in Republica bene constituta ferri nequireret, neque iustum esse, ut rex ipsius obstinationi cederet: sic demum regem ad rigorem majorem erga ipsam cogi.

Schombergius eo usque, etiâ progrediebatur, ut diceret, nihil sibi ambiguum, liberè fateri, eam fuisse sibi sententiam, ut ipsa aliquamdiu ab aula removeretur, quod præsentiam ipsius adeo noxiam regis gloriæ animadvert-

advertisset. Qui sermones & veritatis & prudentiæ faciendi poterant glaucoma oculis detrahere, ut pietatem regis admiraretur, cum is satis haberet ipsam remouisse ob eas causas, quæ non paucis principibus libertatis usum abstulerunt, & tribunal summum intrarunt. Animus tamen illius adeo erat confictus per artificia factiosorum, ut nihil quicquam istorum errorem eximeret, quin potius violentissimi motus iracundiæ inde confurgerent.

Politica reminiscentiâ.

Quamvis Magnates præ cæteris opus habeant de veritate informari, quod gravioribus occupentur negotiis ad successum dubium; major tamen pars illorum veritatis est impos & impatiens. Nunquam illorum subit palatia, nisi obreptitæ si quando in conspectum prodeat, plerunque aversam experitur faciem, adeo gravis est illius præsentia. Volunt enim, ut sermones de rebus optatis, quales ipsi somniant, instituantur, non quales sunt per existentiam.

Petiolose censentur actiones illorum, cum confidentia possint, decere eas tantam auctoritatem. Quicunque eo audaciæ abierit, ut instituto adversetur, per veritatem reiectam, de eius inepti ministri feret vituperium. Hinc plurimi familiarium, qui malevolentiam declinare avert, de institutis non aliter loquuntur; quam ad voluntatem, cum quotidie experiantur in reliquis domesticis; hoc genus complacendi longè fortius fuleire fortunam, præ veritate.

Sic igitur Principes istius ingenij nunquam fere recto utuntur consilio, cum paucissimi mortalium reperiuntur, qui malint propter ipsos fortunam deserere, cum eandem nullo operæ pretio possint perdere; postquam consilia in desideria ipsorum impingentia censeantur extravagari aut decipere. Ut plurimum referunt eum iudicem injustissimum, qui ex Salvatore quærebat, Quid veritas esset, non expectato responso ad illam declarandam.

Non tamen desinunt stupenda aliquando hinc incommoda emergere, eo quod verum apparens, quo pascuntur, simile sit illis facibus, quas piratæ rupibus tummis imponunt,

nunt, ut ad speciem Phari, appropinquantes naves collidantur; omni vectura in prædam concedente. Priscorum quidam aiebat, id deinum mentis summum esse bonum; ut veritatem cognoscat. Intelliges tamen hoc apophthegma de mente pura, quam nulla desideria turbent, & una iustitiæ semita ducat, ad exemplar sententiarumque virorum sapientissimorum. Beatum vero principem, qui hanc dispositionem obtinuit; novitque æstimare liberos consiliarios, veritatem nullo furo illinentes, quibus fortissimè innitatur ejus authoritas.

CAPUT XIX.

Regina mater inquit in fatum regis.

MAnsuetudo nunquam non apparens in vita reginæ matris, institutum istud fidei nostræ subduceret, nisi seducta fuisset ijs artificiis, quæ eo difficilior cavere poterat, quod authores haberent confidentissimos illius. Ea autem improbitate laborabant, ut in terris destituti rationibus satis solitis ad animum pro lubitu circumagendum, ipsa astra adirent; à quibus per summam vircordiam horoscopus regis mendicabant, ut ex dispositione signorum celestium regi denuntiarent fatum instare.

Etiam eventum, suum esse per leges prudentiæ Aurelianiensem colere: ipsa Aurelianiensem contempleretur, uti solem orientem; qui brevi tempore publicam esset sumpturus; cujus radios sibi conciliandos duceret; si maxime cum splendore subsistere cuperet. Hoc jacto fundamento, facile suggereretur desiderio, Cardinalem nullo prorsus loco habendum, qui rege non amplius extante; in sua futurus esset potestate. Istas imaginationes impias genij quidam circumforanei, sed malitia niacerati, venabantur potius in vacuo expanso, quàm in cæli constitutionibus, ut ambitioni apposito pabulo hoc vanissimo, stipendia sibi conservarent annua.

Mirum sane, viros cordatos istis præfagijs inniti ullo modo;

modo; ad hos tamen scopulos maxima pars Magnatum colligit tabulas naufragii: Hac viâ Lentulus Sura ad conjurationem Catilinariam pervenit: sic regina defuncta, Catharina Medicæa inducta fuit ad multa sequiora, quam decebat, in detrimentum liberorum & officii committenda. Liceat Paganos eatenus excusare, qui lumine divino destituti nihil arduum inceptabant, ad quæ ferè mentem nefas ducebant contendere, nisi per augurum, & cæterorum hariolorum præsentia, tametsi fuerint, ut verum fateamur, nullo fundamento inædificata.

Politica Reminiscencia.

Quemadmodum ea cognitio, quam per hancce vitam capere licet, vix ac ne vix quidem penetrat in fundum rerum præsentium, ita æquè inutile ac periculosum fuerit, eandem ad futura porrigere. Lubens ego accedo sententiæ Platonis, Aristotelis & Senecæ, qui artem divinandi penitissimè rejecerunt, asseverantes etiam, quascunq; Astrologorum prædictiones carere fundamento.

Chaldæi primi demonstravere usum horoscopi, secundum vulgatam opinionem: felicem sanè illi ignorassent ignorantiam, si scientia illa carere voluissent. Laude dignum omni, per prudentiam præcipere eventura: nullum verò usum præbet, eventum nostrorum institutorum ad motum astrorum applicare. Dæmonibus solitum, aliquando futura prænuntiare, ex regulis frivolis Astrologiæ vulgaris; plurimi tamen veritatè illarum prædictionum non tam soliditati illatum regulatum, quàm casui attribuerè voluerunt, aut potius, secundum aliorum sententiam, curæ prædicta præstandi.

Quicumque desiderat eventura prænoscerè, scrutatur quæ Dei solius sunt; adeò ut tantundem temeritatis committat hariolus, quantum vanitatis desideria illius notitiæ consèctantur. Mortales tamen hæc vanæ curiositate sese deludendos præbent ex duabus po-

tissimum causis, iisque differentibus; dum alii quærunt effugere mala ingruentia, qui tamen, quod sæpe animi adversum est, evitatis scopulis in breviter feruntur: alii vero aures animumque præbent, ut viam inveniant, quærendis, quibus inhiant bonis: Illis itidem usu venit, ut per nimiam fiduciam bonæ fortunæ ex astris præventuræ, malæ implicentur:

Ubi verò astrorum ratio desiderata abnuat, scientiam illorum suggillant; & vice versa ubique aliquid fundamenti occurrit ad desideriorum spem fulciendam, adeo demulcentur palpo illo, ut Terecia cæciores temerè ruant in exitum. Nullum aliud argumentum ad convincendam Astrologorum vanitatem adduxero, præter ignorantiam propriorum malorum, quæ capiti ipsorum imminet in particulari, ubi impotentiam suam ad expedienda remedia sponte fatentur. Examines etiam ad normam prudentiæ regulas suorum iudiciorum, ut vel sic cognoscas vanitatem, summamque scientiæ ignorantiam.

CAPUT XX.

*Rex metuit, ne regina mater ad Hispanos
abeat.*

Apparebat sanè in regis instituto tantundem clementiæ, quantum duritiæ regina mater præferebat; non tamen illa desinebat rigorem crepare. Rex igitur querelarum nullum modum fieri dolens, in primis de captivitate, quam ad omnes Orbis Christiani principes traducebat, constituit & hanc præcidere ansam, si copias ipsi circumdaret, non custodiæ causâ, sed ob alias rationes; penitus removeret: postquam constaret, Compendii nullam seditionem facile constari, aut militem in viciniam contrahendum, principibus factiois vel in custodiam datis, vel formidine percussis: adeo ut omnino placeret, eas copias aliorum distrahere.

Id unum metuendum videbatur, ne ipsa ad Hispanos elabe-

liberetur: eâ curâ verò ut liberaretur Rex, prius Estræo internuntio indicat, lubenter omnes omnino semoturum copias, & præsidii & vicinæ, ut gratificaretur, si ipsa sponderet, regni limites non exire. Ea fide sæpius iteratâ, per fiduciam deducitur miles, qui tamen rege sic iubente, ad aliquot saltem leucas recedebat, ne qui concursus ad arma fieret.

Politica Reminiscentiâ.

TRibus ferè argumentis constat societas humana; & fides, & vi, & metû. Fides in verbis consistit, præter aliquas ceremonias, memoriæ reſtituendæ causâ additas, quæ de sensu animi testentur. Cum autem populares iugum ferant, fidem colere habent necesse; sed principes ludere solent, uti pueri aſtragulis, iurejurando. Apud ipsos plerunque locum invenit prophanum illud, linguâ juravi, mentem inſuratam gerò.

Alterum argumentum infert vim, & maximè spectat inferiores, quibus tribunalia constituuntur; aut armorum potentia obedientiam & fidem extorquet. Tertium est metus Numinis; quod exempla non raro statuit fidei non servatæ; maximè ubi invocatio nominis divini intercedit, ut cœlum vindicet, quod terra nequit; si quis sciens fallat, aut mentem à verbis diversam ferat.

Sponſe vult decipi, qui desiderio æſtuanti animo fidem habet, cum eo rerum statu feratur equis autiga; neque audiat currus habenas. Sic videas pueros ferularum iſtibus concisos, summa quæque promittere, sed eo dolore & metu liberatos, susque ducere promissa, & ad ingenium redire, petulantiamque resumere.

C A P V T XXI.*Regina mater exit ex Gallia.*

Nimia ista regis indulgentia debebat in animam

Reginæ matris descendere: Verum enim verò adeo nihil agnoscebat illam, ad regis voluntatem demerendam, ut ad maiorem agnitionem converteretur, ex regno tandem egressa. Ut autem institutum illud latentius perficeret, Regi nunciat per Estræum & Sanchaumontium, modo sui videndi ipse faceret copiam, discessuram se se Compendio in aliam urbem, de qua conveniri posset.

Gratissimum id regis nuntium, Rex in signum alicujus moderationis interpretatus, quæ paulatim animum subiret: renunciat, sese præsto futurum vel Monsoui, vel Mantææ, vel alibi locorum per viam quamcumque, quæ Andegavum, Blesiam aut Molinias duceret, ad ipsius arbitrium. Hac spe rex aliquandiu lætabatur, quod sibi persuaderet, eam rationem ad reducendum Aurelianensem etiam valituram.

Regina mater verò interea temporis negotiabatur secessum in Flandriam apud Infantem gubernatricem: etiam viam invenit Mareschalci Vardæi pervertendi, ut Capellam, quam tenebat præfectus traderet. Petitionem Infans nihil distulit responso dignari, quod Hispani, dissidiis Galliæ fovendis semper delectati, ut intervertant suppetias fœderatis destinatas, ad usurpationes suas promovendas, impensè suadebant, renuntiandum esse, Veniret omnium gratissima, omnem reverentiam & cultum per illas provincias inventuram, crederet omnino, nihil desideris ipsius defuturum.

Secundum hoc responsum de excessu desit deliberare ipsa, quin extemplo, quæ suam spectant personam, disponeret, & cum Presipæa Compendio discederet, præter unicam pedissequam. Eodem die Capellam deseritur, sed copia introeundi negatur, quod rex suspicione de Præfecti fide conceptâ, Vardæum patrem iussisset advigilare: transiit igitur Avénnas, primam Harmoniæ, quæ Galliæ obvertitur, urbem: ut hoc instituto Orbi terrarum fecerit manifestum, non tantum nullam fuisse adhibitam captivitatis custodiam, sed etiam perversis obsequium motibus animi sic præstari, cum suam personam hostibus Galliæ permitteret.

Politica Reminiscencia.

Summum periculum imminet, ubi iracundia dominatur rationi: effecta Magnatibus obvia vel ex negotiorum pondere æstimantur. Deus homini contribuit rationem, ut præsideat actionibus tanquam regina, in thronum summum collocata. Vult ut motus coerceat & ducat, veluti pisciculus ille Balæne dux in mediis fluctibus, ne vastissima moles impingat in scopulos. Omnibus nobis & singulis imperavit luminis ductum, inprimis verò principibus, cum ipsi rempublicam turbent, quamprimum clausis ad rationis ductum oculis, violentos animorum motus consequuntur.

Impetus ille torrentem refert, qui arbores convellit, quævis obstacula diripit. Sic extinguitur Lumen rationis, offuscatur iudicium, infringitur prudentia, ut inutilis hæreat, tanquam avis in visco. Sic sane maxima pars imperiorum invenere exitium, diadematis conculcatis: sic popularibus crevit desiderium seditionis, & oppidanis partium studium. Sic templis vastitas inducta, altaria eruta, & sacratissima quæque prophanata, & augustissima apud mortales violata.

Vidimus innumeros, per furoris æstrum, nullum pensum tenuisse propriæ perniciæ, modo exitium inferrent exosis per idem incendium, quo sese corripere sentiebant. Summæ sapientiæ fuerit, iram frænare, & nascentem fortiter suffocare: excandescit enim per libertatem quaesitam, adeo ut impetus brevi invictas colligat vires, quibus nihil possis postmodum obstare. Fulminis enim induit naturam, quod semel ex nubibus explosum, cluctatum utique ex claustris, nullam vim moratur, quin perurmpar.

CAPUT XXII.

Regina mater introit Bruxellas solenniter.

Ubi regina mater pervasisset in provinciam Infantis, Baro Crepacordius, Hannoniæ præfectus, ad Avennas occurrit, & civilitatis defungitur officiis. Quamprimum verò ipsa de adventu Infantem fecisset certior, misso Barone Guæpratensi, mittitur continuo Marchio Aytonæ Avennas, qui deferret omnem potestatem & auctoritatem, quamcunque Infans in Belgium obtineret, rogaretque ut pro arbitrio imperaret.

Donnus Philippus Albertus Velaſconius, Centurio satellitii equestris, eodem tempore adducit turmam, quæ excubaret circa ipsam. Hinc itur Montes, ubi Spinæi princeps cives armatos constituit, ut quantumcunque honoris advenienti exhiberet. In hac urbe Infans occurrit, cum reverentiæ compendio, quantum mens concipere unquam posset; confirmat oblata, de auctoritate in Belgium ipsi cedenda.

Post biduum itur Bruxellas, ubi iis honoribus fuit excepta, quos ipsi Hispaniarum regi fas esset præstari, prolatis quibuscunque blandimentis, & recreationibus, ad votorum diversitatem. Quis vero commemoraret cultum ab Hispaniæ magnatibus delatum? Permitterent illi nihilominus ratiocinationi, aliam ipsis, aliam Infanti tum fuisse mentem.

Hæc enim per universum anteastræ vitæ curriculum tanta benignitatis, sinceritatis & pietatis præbuit testimonia, ut institutum illius nemo aliter queat interpretari, quam pro norma civilitatis propensionisque particularis erga reginam matrem, & Galliam; cum Hispanis longè diversissimum sederet animo; Quibus notissimum erat, scæminas istis illusionibus devinciri. Cogitabant enim reginam matrem amplius intricare suis commodis, ut ad ipsam, tanquam scopulum, collideretur

sur Cardinalis, cuius prudentia plus negotii ipsis facesset, quam exercitus centum millium armatorum.

Politica Reminiscencia.

Sapientissimum institutum, principes externos quam honorificentissime suscipi, qui ex ægritudine aliqua animi patriam deserunt, quæsito alicubi refugio. Natalium ratio venerationem semper circumdat, quâcunque demum sorte consistuntur, adeo ut neque fortuna victis debeat detrabere cultum ex priori conditione debitum. Hinc Eunones rex Adorsiorum laudatur apud Tacitum, quod civiliter suscepisset Mithridatem, Ponti regem, qui ex fortunæ ludibrio coactus erat ad hostem confugere.

Quod si natales Exterorum principem debent inducere, ad colendos, etiam fortuna lapsos, prudentia idem officium amplius urgebit, cum honor ille delatus vinculi instar sit, quo arctius adstringuntur ad hospitium diutius amandum, vel ex desideriorum copia. Eâ ratione etiam non raro fovetur dissidium illius reipublicæ, quam deseruere; id quod semper debet esse magni momenti.

Licebit ipsos, quandoque usus ferat, exercitui præficere, qui irruat ad incendium bellorum, pace salvâ: quæ artes Hispanis nunquam non placuere, quorum provinciæ hinc inde sparsæ, obsequio constabiliri nequeunt, nisi dissidia apud vicinos principes foveant. Id quod quidam ex ipsis sapientissime adnotavit, cum de secretis politiæ Hispanicæ ageret. Princeps enim sapiens nunquam ægrè feret, dissidia apud vicinos fervere,

cum sciat, sic ipsos distineri, ne sibi noceant; bello-

que impeditos, sibi otium conficiendorum

institutorum concedi, ad progressus

ampliores.

CAPUT XXIII.

Infans mittit Carondeletum ad regem, qui concordiam cum Regina matre negotiatur.

Non longè postquam regina mater transisset Bruxellas, adeoque ipso mense Augusti Infans, ex mente ad pacem propensissima, mittebat Carondeletum, Decanum Cameracensem, extra ordinem, ad regem, qui tum Monsoui morabatur, eumque faceret certiores, reginam matrem non alia ratione in provinciam admissam, quam ex debita reverentia & propensione, nullum sibi inde quæri compendium vexandæ Galliæ; optare potius, si fieri queat, ut concordia redintegretur, cui rei promtam offerret operam. Rex, qui declinavit bellum, donec necessitas id persuaderet, ad stabiliendam pacem, lætari potuisset, nisi aliunde didicisset asseveranter, reginæ matris familiares & Hispanos legationem procurasse hanc, ut consilia cautius tegerent, à tranquillitate publica prorsus aliena.

Quemadmodum autem reges ad dissimulandum obligantur, donec occasionem vindictæ dispiciant; adeo ut civilitatis testimonia externa cogantur suscipere, quæ eodem pretio redhibeant; Cardinalis nihil oblitus est, quin legatus ille reciperetur omni honore; additis quibusvis blandimentis; ad devinciendum ingenium alioqui parumper vanum, ut Galliæ favere inciperet; cum sponte intelligeret, facturum nonnullas propositiones, non omnino ingratas.

Sic igitur viam hinc inde sæpius emensus, semper magno afficiebatur honore, habitus magnifice, ut sub ultimo discessum dono auferret Crucem, adamantibus distinctam, bis mille aureorum pretio. Frequentia tamen illa itinera id tantum præstitere ut manifestum fieret, in instituto illius plus arrogantiae inveniri, quam prudentiæ;

cum.

cumque opes natalium & fortunæ dissipasset, alias à liberalitate regis non invitus videbatur obtinere velle.

Politica Reminiscencia.

Quamvis Princeps aliquid offensæ ab alio contraxerit, non desinet tamen eidem quodvis genus civilitatis deferre, legatis etiam cum honore susceptis. Civilitati ubique esse debet locus: & Alexander magnus, cujus exemplum majoris potest esse ponderis; quod fortitudinis nullum unquam passus est detrimentum, etiam nimius fuit in hoc genere officii erga hostes. Semper colet benevolentiam cum cæteris, tametsi nullam videat causam eos diligendi, aut de illorum propensione potiora sperandi. Non ut vindictæ speciem præbeat, sed ut effecta producat, quibus castiget injuriæ auctorem.

Quin potius prudentiæ fuerit, civilitatis officiis eum distingere, ut melius opprimat inopinantem. Eximia illa benevolentia testimonia, quæ exhibebit, optima censentur artificia, ad removendam suspicionem, diffidentiae matrem. Hinc sapientum Priscorum non nemo ajebat; Principi non nisi per diffidentiam suscipienda cæterorum officia: Sic Pompejus se deceptum doluit per specimen pacis; & Lepidus sub imagine amicitiae splendidae gemuit, referente Tacito.

Dici potest summatim, civilitatis eam esse rationem quæ ambagum, ut tramitem ad portam secretam invenias, introitumque obtineas: omnium est temporum, quamvis non omni semper amicitur ingenuitate, grata nihilominus objecto, & utilis subjecto. Sapiens nonnunquam satis delectationis inde suscipiet, per simulationem, tametsi animitus sic offendatur. Sed ut opportunius suum dispiciat commodum & valide offensam testetur. Hinc vero expeditius hosti nocere potest, si ægritudinem altius premat, nunquam enim offensitoris animi fecerit indicium, nisi paratus & potens ad vindictam.

Non desinet legatos admittere, vulgari honore & more, cum dignitas illorum semper sit venerabilis, ob principis, quem repræsentant, personam: Neque commodo caruerit

iste honos, cum dissidentiam saltem minuat principum suorum, ad maiorem negotiorum concordiam. Sic & ceteri vicini hærebunt ancipites, ne illius partibus accedant, quemadmodum solitum est principibus, partium studium sumere ad minimum de bellorum morem.

C A P U T XXIV.

Rex Cardinalem Valettanum mittit Aureliam ad fratrem.

Postquam commemoravimus, quæ spectant ægritudinem & excessum reginæ matris, opportunè de Aurelianensis instituto potissima momenta recensebimus; quanta sollicitudine rex & Cardinalis eum conati sint ad aulam reducere; & quàm pessima consilia ipsi fuerint suggesta ad movendum bellum, ut tandem regno penitus excederet.

Ubi rex Compendio redierat, ibidem destituta matre, constituit, nihil omnino onittere, quod Aurelianensis posset voluntatem demulcere, & fiduciam in regem reddere; ad redintegrandam concordiam, modo & tricis reginæ matris avelleretur. Cum autem judicaret, nihil expeditius ad mitigandum animum, & ad sistendum genii efferati impetum, quàm matrimonium aliquod, visum est, mittere Cardinalem Valettanum, qui Aureliæ hærenti nuntiaret, paratam ipsi quamvis securitatem & satisfactionem, si redire constitueret, quod per omnia sacra rogabatur; consentire regem lubentissimo animo in conjugium Mariæ, cuius nuper copiam instantissime expetivisset.

Id sanè certissimum veræ benevolentiae à rege testimonium auferebat, cum matrimonium inire non posset, cuius non interesset aliquatenus regis, ad dispendum utriusque authoritatis, sobole inde progenita. Pessimi autem consilarii, qui personam ipsius obsidebant, oculorum aciem inhibuere, ut ne tanta commoda perspiceret.

Valettanus rem proponit, de benevolentia regis certio-rem facit rationibus exquisitissimis; reperit tamen animū mille modis anxium, Contrao & quibusdam aliis frigidam
fuffun-

assupendentibus, ut semper à rege alienatus, majoris ipsos faceret. Coquebat utiq; propensissimum in regem animū, ad officium faciendum, nisi intimi adedò impotenter dominarentur, adhibitis tot perversis machinationibus, ut non multis momentis destruerent Valettani operosas fabricas.

Fodicabant mentem per reginæ matris dispendia, ut animum induceret, sui esse officii, ipsam adversus Cardinalis hostiles insultus tutari, cū illa persecutio in suspitionibus vanis versaretur, quasi omnem viri laudatissimam esset abiecturus, nisi illam assereret liberam, postquam filii dilectissimi implorasset auxilium, cui fortunas suas universas congrederet.

Deinde injiciebant terrores panicos, protestati, neminem de libertate ipsi cauturum constante, si unquam in manus Cardinalis recideret, ac si regi minus potentia fuisset, ad eum Aureliam circumscribendum, pro lubitu: Aut verbum regium minus securè susciperetur. Iam ipsa mentio conjugii abunde testabatur de benevolentia, quæ præter amores, nulla alia vincula, aut carcerem meditabatur, cū id unicum videretur medium, ejus retinendi.

Potuerit tamen malè feriatu persuadere, escam illam occultare laqueos, adeo ut fiduciam in verbum regium nullus posset collocare, aut ad aulam redire. Sic igitur intimi isti triumphum egere de ipsius mansuetudine, & ipsius gloriam suæ ambitioni immolârunt, edò insolentia extremæ prolapsi, ut sperarent fortunam suam ex contemptu auctoritatis regis erigere.

Politica Reminiscencia.

QVæadmodū Consiliarius prudentia juxta & fide præditus, adfert mille successus prosperiores, ita imprudens id unum agit, ut principibus extremas conciliet arumnas. Caveant igitur ante omnia, qui proprium compendium fixere consiliorum scopum, cū inde vagrandæ officia necessariò manent. Ab aulis itaque arceantur, sed & principes ipsi curam laboremq; statera in deliberationibus arripiant, ne præter mentem & rationem impediatur institutus perniciosissimis.

Beatos equidem laudamus principes, quorum ministri unicam ipsius gloriam scopum statuunt; quo beatitudinis bono hodie regem frui nullus dubito. Vbi enim neque odium, neque amorem consiliis immiscēt, nunquam non ad partem honestiorem incumbunt; cum diversis motibus impulsī, aut metu & ambitione perciti, semper sint inclinaturi in partem à tempestate ingruente securam, vel etiam familiæ honores suæ ampliores quæsitura.

Principes verò vel maxime ex illa necessitate fuerint deplorandi, quòd bono consilio egeant, per aulam vix inveniendum, & ministris fidis, verèque beneyolis. Hic sane compendij ratio thronum sui imperii erigit, quæ præ regibus colitur, cum potior pars comitum illius gratia inseruiat. Illuc amoris & fidei vix pater aditus, ubi plerumque gratia principis quæritur, non in amoris incrementum, sed commodi privati compendium.

Sic fere omnes eorum familiares student consilia ad voluntatis gustum potius, quam ad leges prudentiæ ac iustitiæ suggerere, cum inde ampliatum favorem sperent, qui nudæ veritati negatur. Optima consilia probè norunt, sed quæ sponte dedignètur, nisi fortunam in altiorē sustollant gradum.

Sapientissimum verò institutum, cuius per hanc calamitatem, vix unquam declinandam, possint fieri compotes, non fuerit mutuandum à sententiâ Cleobuli, qui Plutarcho recensente, solebat dicere, Sapientem Principem non semper fidem habere, quæcunque familiarissimi suggererent, ne sic privarentur summo bono, & fidei & prudentiæ: sed ritè expendere dotes & virtutes eorū, quos sibi adfisciscere velit, & de rebus agendis consulere. Tandem etiam, non sequi illorum consilia, ex personæ auctoritate, sed ex acumine iudicii, rationes sententiæ pacatè dispicientis, post exactum earum examen.

CAPUT. XXV.

Quantas urbas intimi Aurelianensis concitarint.

IN eum finem Rex Aurelianensem urgebat per Valettanum, ut malis sese consiliis, quibus circumdaretur, evolveret; jam certior, propensiones violentia carituras, ad facilem considerationem boni publici. Coniæus simulabat assensum, & Chaudebonnus, ab Aurelianensi Estampas ad Regem missus, renunciabat eam inclinationem. Cum autem rex respondisset, sic demum Aurelianensis rebus optime consultum iri, satis indicii faciebat, verba ea æerem verberasse; spem verò amplissimam, ex prognosticis anni superioris susceptam, ubi ipse eorum concinandorum cepisset curam, rege graviter decumbente, ut genus Aurelianensis insuper exerceret.

Tunc enim Aurelianensem in id absolutum coniecit institutum, de necessariis ad bellum gerendum disponendis. Curavit, ut Aurelianensis Bellegardum Burgundiæ præfectum, in partes pertraheret & sic in potestate haberet munificentia provinciæ; quod ipsum Regi renunciavit per Butcarum, sub finem Februarii. Edocebatur Rex aliunde, eum cogere nobiles, auspiciis Aurelianensis, per Normanniam, Occitaniam & Lemovices: Feuladum, cæterosque Pyllatrentii propinquos, libere conscribere militem, ac si rex mandasset.

Regi adferebantur literæ, Fretam, ducem secundarium cataphractorum, apud Aurelianensem, ex ipsius consilio perscribere ad socios, convenirent Meunium, Aureliæ vicinum; quæ omnia sine scitu Aurelianensis fieri minime poterant. In vulgus notum erat, Aurelianensem ipso instigatore ad Thoiraum scripsisse, ut ex aula abiret, & se factioni daret.

Hanc epistolam ipse regi & legit, & exhibuit: ita & publicitus ferebatur, ipsius institutum, quo Aurelianensem

sem impedierat, de occupandis Ligeris trajectibus, de annonâ, milite & apparatu bellico Aureliam comportandis, urbeque munienda. Non ignorabantur conspirationes, per Hispaniam & Lotharingiam institutæ: nuntiaturum erat de complicitibus per Provinciam & Delphinatûm, magno abusu fiduciæ, quam Aurelianensis in ipsum colloca-
bat.

Hinc pronum erat judicare, quantum abesset à reditu, cum id unum ageret, ut quantocyus forem duceret exercitum, ad bellum gerendum. Certo citius enim, tantum apparatum, si universus ordo equestris, dimidiato mense evocata ante discessum regis à Parisiis, adeoque omnes omnino ad faciendum militem dimissi, satis promptè fuissent præsto, non usui destinatum, ut Aurelianensis securus ultra regni limites deduceretur, sed ut in meditullio firmaretur, ad eludendas leges, quas rex universis præscriberet.

Nihil enim pensi habebat, regem, qui factionem Religionariorum potentissimam facile subegisset, ambitioni Hispanorum terminos fixisset, & Anglorum conatus ad insulam, quam gloriæ theatrum delegerant, fregisset, ludibrio habiturum tanta molimina, ætheritatis plenissima.

Politica Reminiscentiæ.

Non satis habeat Princeps, ad gloriam acquirendam, omni metu periculorum, qui bellum parit, vacare, ut manifestum faciat majus desiderium honoris indispensabile, quàm metum cujuscunq; casus sinistri, in quem incidere possit, in animo valere suo; nisi prius consideret, quas copias expediat, quousque potentiam protendere queat, quos amicos sit habiturus opitulatores, quantum facultatis fuerit penes hostem, & quanto apparatu, ad ducendum bellum sit instructus.

Virtutem metiatur ad vires, nequid supra potentiam audeat, aut adversus rationem. Generosi animi indicium, oculos clausisse ad quævis pericula in executione instituti, summæ tamen prudentiæ argumentum, prævidisse quævis incommoda, antequàm progrediare, ne quid temere erres. Quicumque diversam insisteret viam, nuni-
quam

quam evitabit alterutrum malum, ut vel miserrime in persequendo instituto intereat, vel ad leges turpes pacem faciat, impotentiam non sine macula alicujus infamiae profusus.

Est etiam temeritas cæca, quam plerumque malum consequitur. Quicumque ipsius motibus sese prostituunt, coguntur ab instituto desistere cum exiguo commodo, quod nihil pensi primitus fecerint. Spes vanæ quibus exordium fruatur, feruorem subdunt, cujus summum incendium per impotentiam recidit in glaciem. Cæca litique neq; pericula neque casus adversos advertit, unde periculosissimum fuerit ipsius consilijs uti, cum expectantia toties docuerit rerum gerendarum moderatores, quam rato promissorum exoluat fidem.

Cambyses rex Persarum, memoratur apud Herodotum, istius rei luculentissimum exemplum. Is summo bello adversus Maecobios Æthiopiæ populos, legatos ad regem ipsorum mittit, qui vires ipsius, & nationis munimenta specularentur, sub specie delati cultus: cum autem rex in istius rationem esset rimatus, discessum imperat, ut ocyus suo regi renuntiarent, iusti nomen nullatenus laturum, si provinciam alienam invaderet.

Ad hoc responsum Cambyses ita excaudit, ut continuo moveret, & Æthiopiam verus duceret, exiguo apparatu annonæ, & cæterarum rerum, ad sustentandum tam numerosum exercitum necessariorum. Vix quartam itineris viam emensus, videt exercitum equina velei per penuriam, rabie per famem ad humanam versa. Sic circumagere exercitum conatus, domum revertitur, insigni jactura & militum, & prudentiæ:

CAPUT XXVI.

Rex Aureliam abii: vera suscepti itineris causa.

Cum regi momenta factionis omnia innotuissent, co-
sul-

sultum putavit, ipse obviam ire tempestati; qui sciret, præsentiam regum referre Solem, qui exiguo tempore dissipat nubes, ad ipsius splendorem obfuscandum coortas. Incunte igitur Martio abit Estampas, etiam Aureliam petiturus, prout Aurelianensis institutum posset postulare. Credebat rex, coram locutus sinistras suspiciones, ab intimis suggestas, eximere; vel saltem copias accersitas Aureliam, quam diu illic subsisteret, non contrahendas; non vana spe in conjugij rationem propositam conjecta, si comoda ex illo oritura coram exponeret.

Ex istis causis rex iter suscipit, quod familiares Aurelianensis impedire satagebant, submisso Chaudebonno, qui epistolam deferret ab Aurelianense scriptam, ut securum redderet regi de suo obsequio, & sinistram opinionem, quasi aliquid machinaretur, dilueret. Cum autem rex intelligeret, ne momentum quidem temporis perdendum in suffocandis seditionibus, nihilominus progredi voluit.

Estampas ingressus, discit Aurelianensem digressum Aurelia, & Burgundiam petere: intimi prætexebant instituto adventum regis, qui libertatis usuram veniret sublaturus: præter omnem tamen rationem; cum jam dimidiatum ante mensem renunciasset Bellegardus, Aurelianensem constituisse Burgundiam petere, etiam prius quam rex de itinere Aurelianensi ullam fecisset mentionem.

Vix dici potest, quantam ægritudinem regi, fratrem tenerim amanti, discessus ille conciliarit animi. Verum enim vero faminarum fuerit, ad planctus & lamenta transire in casu sinistro, remediorum cura neglecta: regi autem institutum erat instare, & eandem provinciam petere, ut oppida in obsequio contineret. Cum igitur tam fervide consequeretur rex, Aurelianensi otium non fuit, ullius munimenti corripienti, quod prorsum fuisset, nisi rex, ad institutum evertendum tergo illius hæsisset.

Sub finem enim Martij Diviodunum pervenit ubi oppido & castello ad obsequium assertis, jubet Grangæuni

gæum Campiductorem, Bellegardiæ imponere legionem, postquam Aurelianensis inde esset digressus: legio Pedemontana Antissiodorum & fanum Iohannis ad Lonam occupat: per limitem illum in præsidia sparguntur trecenti equites levis armaturæ, ubi eorum, summus usus, ut Burgundiam adversus quævis ausa tutaretur, Haute-rivano cum imperio Marechalci castrensis omnibus illis copiis imposito.

Aurelianensis ministri ubique spargebant, ex regno elapsam, ne à copiis persequentibus captivus traheretur, tamen id à vero longissimè abesset. Fatendum utique, ministros illos Aurelianensis auspiciis limitem illum legisse bello gerendo, unde rex necessum duxerit, consequi, ut pessimam illorum voluntatem interverreret ante effectum; cum magni referat, nullam istis casibus indulgere moram, ne otium relinquatur, exteris accedendi, quos compertum erat sollicitari.

Quod si præter voluntatem regno exiit, poterat & Aureliæ, & postmodum Antissiodori suscipere æquissimæ à rege oblatas conditiones concordiæ, cum rex amplexum ejus expectaret, paratus ad quævis sinceræ benevolentiæ quam semper tenuisset, testimonia præstanda: ubi autem nihil istorum placeret, ultimum erat, ocysus consequi, & tempestatem Burgundiæ, adeoque universæ Galliæ incumbentem, dissipare.

Politica Reminiscencia.

Summo cum Reipublicæ malo nascuntur factiones in visceribus; sediisdem jam coortis, imprudentissimè egerit rex, si authoribus otium daret copiarum contrahendarum, ad bellum inferendum. Antevertat igitur, nec expectet, donec principes à fide discedentes parati sint ad executionem instituti. Non tamen conveniet, cuivis rumori fidem habere, aut ad primum seditionis nuntium exercitum movere; sed nihil cunctandum, ubi de malo gliscente constat.

Sic Alexander Magnus, ut hostes per Græciam occuparet cocuntes, expedito cum exercitu adeo properanter

ingruit, ut persuasisset, antequam venturus crederetur. Solebat utique dicere, promittitudinem in hoste præveniendò quodvis commodum ferre: unde ab Apellis penicillo pingi voluit in fulmine armatus, cui celeritas tantam conciliat potentiam, quamvis saxum exiguum jaculetur; ut omnia in pulverem comminuat.

Audacia & potentia nunquam desunt Magnatibus, ubi tempus nanciscuntur militi cogendo. Plerumq; enim circumfluunt viris & ingenio & virtute præclaris, ut instituti rationes, modo ne intercludantur tempore, recte disponant: consultissimum igitur, regem recta in ipsos itare, si suis rebus provisum volet. Exiguo aliquo momento ardua in compositionem coière. Regis aspectus territat perduelles, audaciam eripit complicibus, ne accedant, ad eò utinobedientes facili negotio ad obsequiũ cogi possint, antequam obfirmant animos.

Henricus III. insigni errore notatur, qui per seditionem Parisiis ortam, quam à tumultuaria opera refecandorum vicorum vulgo sepimentorum nuncupant, tanquam inferior, urbe exire voluit, cum absentia regis imminuat reverentiam apud populares, authoribus seditionis animos addat, & audaciam plebi suggerat. Non id agebat Bajazetes II. adversus Selimi primogeniti perduellionem; quo casu tantum animi exeruit, ut nunquam sustineret regredi, tametsi Ianitorum plurimi ab obsequio recessissent: Sic demum præsens, gravissimis verbis turpitudinem desertionis incussit, ut exequi prodicionem ceptam supersederent. Eadem ratio Carolo V. ad Gandavenses in seditionem collapsos, in viam obsequii reducendos. Ad primum enim in Hispaniam perlatum nuntium illius instituti, celeribus perfertur in Flandriam, ubi non operose instituit & seditionem compescere, & authores castigare.

CAPUT XXVII.

*Aurelianensis abiit Vesontionem, unde ad regem dat
litteras.*

Aurelianense Vesontionem ingressus, nihil prius habuit Coniæus, qui ex summo dolore, momentorum non rite dispositorum, & temporis neglecti ad contrahendas copias, quam ut juxta solita vaframenta, consuleret, scribendum ad regem, de causis, quas visum erat prætercere temeritati, sui excessus. Epistolam ipse concinnat, aliquantulum licet adjutus, quæ imprudentiam eam spirat, ut nullo alio argumento ad impingendum crimen læsæ majestatis opus sit.

Interferat sermonem contumeliæ in regem plenissimum, principem judicii expertem coarguens; tandem tamen omnem molem prætextuum confert in captivitatem reginæ matris Compendiensem, quam toties in sola imaginatione consistere diximus; necessitatem excundi ex regno sibi impositam, quod securè in regno vivere non posset, quæ ratio nullius erat momenti, postquam securitatis omnimodæ testimonia offerbantur; addebat tandem, Cardinalis perversam gubernandi rationem, quam vel inde ulterius tolerare non posset, quod summam Reipublicæ traheret perniciem; nihil advertens, id admodum ridiculum visum iri prudentioribus, cum is regi fidissimam præstiterit operam, in asserendâ insula Reæ, in Casala liberanda, in subigenda fere universa Sabaudia & Pedemontio, aliisque compluribus negotiis, unde Gallia ad apicem gloriæ fuerit enixa.

Frivolis istis rationibus utebatur Coniæus, ad velandam imprudentiam ac temeritatem ex regno excundi. Quemadmodum verò tanta insolentia ferri nequibat, Rex, cui Briançonus, venatu occupato ad Banixum, nullo intimorum præsentē, litteras exhibebat, lato-

rem custodiri jubet à satellitum legato, ut Divioduri castrum incoleſet caprivus, quò cæteri abſtinerent literis legendis, quæ reverentiam poſuiſſent.

Exinde, quod minimè ignoraret, principes plerunque ſiniſtre vapulare, juſtiſſimis actionibus apud populares per calumiam traductis, quas inſtar myſteriorum debebant venerari, ob rationes abſtruſas, Declarationem in Senatu Diviodurenſi promulgat, quâ veriſſimæ cauſæ exponuntur, quibus Aurelianenſis permotus, ex regno exire voluerit, nedum Aureliæ ſuſſistere; adjectis itineris Burgundici rationibus, quas ſuperius recenſuimus, hac inſuper additâ, regi hanc provinciam tantò majori curæ eſſe, quòd Bellegardus factioni acceſſiſſet, tamenſidem ex illorum inſtinctu Damasum Antiffioduranum ad regem, hunc mitteret qui Bucarri, ad informandum regem ſpontè ſubmiſſi relationem refutaret, quâ de Aurelianenſis inſtituto, ad Burgundiam occupandam conſtabat, adeò ut factionis myſteria undiquaque paterent, & ſecundum iſta omnia prætextus frivoli evaneſcerent.

Declarationi tamen illa non tantum inſtituebatur, ad demonſtrandam juſtitiam regii inſtituti, ſed etiam ut in crimen læſæ maiestatis collapſi pronuntiarentur Comes Moreri, Duces Elbæni, Bellegardiæ, & Ruannarum, præſes Coniæus, Puylaurentius, Monſigorus, cum ſacerdote Chantelupo, qui univerſi ad exceſſum Aurelianenſis contribuerant: ferebatque ſententiæ regia, ut in eos ex illo crimine animadverteretur, niſi intra menſem ad clementiam illius confugerent, criminumque gratiam impetrarent. Sic jubebantur omnes præſecti oppidorum, & munimentorum cuſtodes in euſare quaſcunque copias coeuntes, niſi regis auſpiciis valerent.

Politica Reminiſcentia.

FRUſtra ſancientur leges de perduellione mulcandâ niſi vim exerant adverſus obſtinatum hoc crimen læſæ maiestatis. Clementia quidem inter ſumma regiae dignitatis ornamenta cenſetur, eadem tamen Rempulicam præmitat in confuſionem & inobedientiam, niſi ſeveritatem
per

per occasiones habeat comitem. Impunitas factionis auctori animum addit pergendi, & tranquillitas publica non firmo stabilita, ubi violentia impune transmittitur, & nimia regis mansuetudo ubi patuit, ad ea extrema perurgitur, ut auctoritatem castigandæ postmodum insolentiæ, adlubitum & necessitatem, amittat.

Id verò est ipsam Rempublicam lædere, summo crimine contracto crudelitatis, si factiosi fugâ elabantur, nec nomen sceleri dignum ferant. Minimæ severitatis exemplum, quod in eos statuatur, consiliis jam propalatis, reliquam flammam extinguit, cum viceversa conniventia & dissimulatio eandem foveant & augeant. Frustra spes mansuetudinem adhibere solam, ad redintegrandum obsequium: Sapientissimi enim Politicorum id pernegant. Nulla ipsi potentia in animos Magnatum, veræ amicitia in capaces, adeo ut præter metum nullum extet remedium curricula coercendi.

Non tamen consuluerim regi, ut rigorem exerceat, illique ad extrema perurgeantur; cum id cò periculosius fuerit, quod aliquando ipsi extrema sinistram quid audeant & patrent. Eam tamen instituer rationem, ut metum concipiant, ex iustitia. Mortales longe rectius parent, ubi metuntur, quàm ubi amant, adeo ut vincula amoris levius rumpantur, quàm illa, quæ metus constrinxit; sic beneficia levius movent animos, quàm supplicia. Quantum enim præmia conferunt ad animandam fidem famulorum, tantumdem irrogatio pœnæ est necessaria ad coercendam factionis insolentiam. Unicâ pollet manu, qui sola clementia utitur; unde evidentissimum periculum amittendæ auctoritatis, nisi iustitia rigorem circumdet, ubi clementia ad officium faciendum corrumpit.

CAPUT XXVIII.

Contestatur Parlamentum Parisiense de Declaratione adversus perduelles.

Crimen eorum, qui Aurelianensis abutebantur nomine,

ne, nimiam ferebat audaciam, quæ per literas contumeliosas scriptas patebat: quemadmodum autem error errorem parit, eo non stetere gradu, nisi & Parlamentum Parisiense turbarent, ne Declaratio illa, Divioduni promulgata, rata haberetur. Intererat autem autoritatis regię, veritatem patescere, unde & Declarationem Parlamento transmissit.

Coniæus verò, & complures complices nonnullos, eosque principaliores illius curiæ in partes suas traduxerant, præscriptis à re gestâ rebus alienissimis; ut ipsis reciperent, publicè declamare, & violentiæ coarguere Declarationem, rationibus in eum finem submissis, quibus tamen æquè deerat fundamentum, ac veritas. Eum tamen tumultum in Senatu illo illustrissimo suscitavit, ut deliberare instituerent, An benè haberetur rata; cum potius considerandum esset, id genus declarationem, quæ Rempublicam spectant, tantum submitti ad tabulas publicas, ut promulgentur porro, & servantur per universum regnum, cum cæterum non semper, nisi regi constet penitus de verissimis causis, quibus Rex adigatur.

Contestatio illa tantum effervuit, ut sententiis utrinque æqualibus, promulgatione supersederent. Hinc Rex ad Parisios reversus voluit, ne illa confusio censuram effugeret, Senatum illum in Luparam accersere, singulari mandato, ut pedes veniret, reus utique, & paratus ad recipiendam verborum investivam promeritam, ut addisceret, suum non esse, de summa Reipublicæ deliberare, Declarationes in eum duntaxat mitti finem, ut promulgentur, in tabulas publicas relatæ, & à popularibus observentur.

Hic autem minus occurrere difficultatis, ad promulgandam istanc, cum maximum intersit discrimen inter mandatum, quod deferitur ad disquisitionem iudicii, & ad decidendum, tum inter Declarationem, à Rege promulgatam; ut edoceat subditos de puniendis, ubi rationes explicantur, cur culpam & crimen læsæ majestatis incurrerint, indulto etiam certi temporis spatio, quod gratiam clementiæ ferat petentibus: secundum quæ omnia
nihil.

nihilominus processum juris institui, ad formulas necessarias causarum criminalium, antequam sententia condemnationis feratur ultimo.

Id evenit in Lupa^{ra}, rege per Senatum praesidente, Parlamento universo in genua procumbente, sub oculis regis, etiam postquam Sigillorum Custos ex mente regis exposuisset, Nullam ipsis esse auctoritatem, de Declarationibus, quae Rempublicam concernerent, submissis iudicandi: Rex manu propria sententiam illius dissidii, tabulis archigrammatei insertam discerpit, jubetque ei substitui, illam intimi consilii, qua superior abolebatur: annexa inhibitione, de similibus Declarationibus nunquam in posterum in deliberationem assumendis.

Tandem, ut culpa collegii in aliquos particulariter redundaret, Praesidentes Gayanus, & Barilhonus, etiam Lessinaeus consiliarius ex mente regis jubentur aliquandiu Parisiis abesse, eatenus munus suis privati, quod minus reverenter essent locuti de actionibus regis, rei que publicae administratione: Clementia tamen Regis arctare voluit id tempus, paulo post revocatis ipsis ad Parlamentum, functionesque obundas, cum per merita & integritatem habeantur dignissimi; expuncti etiam cum summo bonorum dolore, quibus moleste accidebat, tantos viros famae aspersisse maculam ex Zelo minus considerato.

Politica Reminiscencia.

Parlamenta, sic usus obtinuit nuncupare summum cuiusque provinciae Senatum, & quae per leges Iustitiae tenentur, ac prudentiae regi adhæreere indivisim in arduis Reipublicae. Per Iustitiam, inquit, tenentur, cum alioqui usurparent potentiam alienam, si iudicium hic exercere possumerent, creata utique à regibus, ut Iustitiam populis administrent, quod Praeses Vaqueriae ad Primicerium Aurelianensis dicebat, petentem aliquando nomine principis à Parlamento, ut adigeretur rex ad Parisios redire, & suo consilio in gravissimis Reipublicae negotiis uti. Idem responsum dedit Parlamentum hoc ipsum Ludovico Bourbonio; postquam is cepisset Aureliam, & declaratione

rei transmisisset. Franciscus I. enim prohibuit, istiusmodi negotiis impediri, cum primicerii Pratenſis cauſa agitare-
tur. Et Carolus IX. poſt eum tantundem præſtitit, ex tenore illius ſententiæ, quâ regii principes, & Pares Galliæ revocabantur, ut in medium conſulerent de querimoniis, quæ bono regis & rei publicæ fiebant. Neque enim rex juſtitia executionem ipsis credere voluit regiæ, niſi ut jus populæ-
rium aſſerent, adeo ut cæteris rectè abſtineant, præterquam ubi regis mandatum particulare intercedit, per ceſſionem potentiæ.

Quâ verò prudentiâ divortium faciunt cum rege, in negotiis rei publicæ, & particulariter in Declarationibus, quarum promulgationem ipsis lubens committit, cum ipsi circumſtantiarum ignorent momenta particularia, ſine quarum plenariâ cognitione nullum fit legitimum iudicium? Nunquid ſic iudicabitur de cauſa, ſine iudicio, quemadmodum & authoritas iudicandi deficit? Quod ſi ob exiguam potentiâ ringantur, eadem opera juſtitia inopiam accuſabunt, ac ſi ſtellæ conquererentur de Sole, qui impar, adeoque ſubleſtius lumen communicaret.

Meminerint igitur, potentiâ, quâ excellunt, neutiquâ eſſe congenitam, ſed à regibus derivari, quemadmodum ſtellæ alieno fulgent lumine; univerſa adeo ſigna authoritatis ac eminentiæ, totidem eſſe radios; quibus in oculis ſubditorum reſplendeant. Quod ſi magiſtratus exactius ſe ſe contemplantur, & conſiderent, invenient, omnem ſplendorem & potentiâ à regibus obtingere; hinc facultatem fruendi adipiſcuntur, quamdiu lubuerit non poſſeſſoribus, ſed authoribus. Sic collegia illa conſirmantur à regibus, recens coronatis, ut diſcant, ſeſe & ſummi principis beneficio naſci, & ejusdem voluntate ſuſſistere.

Omnibus inſtitutis prætexunt conſervationem authoritatis regiæ: conſiderent perinde, à ſemet illam violari, ſi reſiſtent; cumq; violent illam ſuam à regia natam & derivatam, neutram reſtare integram, aut ſupervivere. Ubi Luna, conatur Solis radios per æmulationem obſcurare, facie illuſ occupata, ut nobis aſpectuſ auferatur; ſemet ipſam, quod oculis licet percipere, obſcuſcat, claritate propria in umbras præcipitata.

Eadem

Eadem ratio magistratuum, qui ex invidia authoritatis regiae, à qua illustrem illum splendorem obtinuerunt, ut popularibus sint venerandi, instituunt obscurare gloriam & potestatem maiestatum; id quod omnino fieri nequit, nisi semetipsos lædant, & eclipsin spontaneam patiantur.

C A P U T XXIX.

*Petit Aurelianensis à Parlamento, ut Cardinalis in
jus vocetur.*

O mnes & singuli reginae matris atque Aurelianensis familiares scopum summum sibi proposuerant Cardinalis exitium. Credebant, Parlamento in eum concitato, ut in jus vocaretur, regi aliquid dissidentiae de ipsius fide obrepere, non omnibus, quae obicerent, reiectis criminibus. Quod consilium mire imprudens erat, cum satis scirent, Parlamento eam non esse authoritatem; etiam praevidere poterant, regem omnium optimè de istis negotiis edoctum, de fide & meritis ipsius certum, nunquam admissurum tantam ingratitude.

Hoc tamen consilio libellum exhibent, ab Aurelianense signatum, Parlamento, ubi ille protestatur, propter persecutiones à Cardinale institutas, sibi omnino ex regno abeundum fuisse. Petit, libellum ad Acta publica referri, ut Declaratio in Parlamento Burgundiae promulgata, neque sibi, neque suis obesset, accusatoris partibus sumtis. Hic idem libellus inter cetera causam praebuit Parlamento, ut impingeret in illam Declarationem, ad contrahendam culpam, cum eam promulgare superedisset.

Cum autem rex iussisset libellum eum ad Senatum intimum referri, sententia lata ferebat, ut supprimeretur, tanquam calumniis refertus, adversus commodo regio, tranquillitati subditorum, & securitati reipublicae; inque eum finem exhibitus ab iis, qui Aurelianensem seduxissent, ad regnum deferendum, ut sibi caverent.

& ju.

& iustā criminū pœnam declinarent; ex acerbō animo, calumniādi principes ministros regis, adversus quos neq; potest institui, neque debet valere ulla querimonia, si ulla unquam inveniretur causā accusandi, nisi per humillimas supplicationes coram ipsissimo rege, cui soli particularis est notitia de illorum institutis & meritis.

Neque sic acquievit rex hac sententia, sed ad fontem delictiarum ampliorem expeditit Declarationem, ut populi intelligerent, pessima consilia, Aurelianensē admota, verissimam ferre causam excessus; quemadmodum & regina mater ab aula recessisset, ubi nihil prorsus Cardinali posset imputari: Cujus sinceritati ipse splendidissimum redderet testimonium, cum per veram & continuam didicisset experientiam, Cardinali præter gloriam coronæ & Reipublicæ emolumentum, nullum unquam fuisse scopum, invitatis & successoribus & subditis, ut nunquam tanti beneficii memoriam deponerent.

Sic tandem summus ille minister ascrebatur per virtutem excellam, & merita egregia, adversus violentiam factionis illorum.

Politica Reminiscentia.

IDeraum est ministri summi officium, qui insigni valeat prudentiā, & sapientia pollet eximia, ut in concussum sese præstet ad quemvis impetum, quo fortuna ipsius arietatur. Vulgus, genitque plebeji sapissimè coguntur cedere violentiæ calumniarum, & tempestates in suum caput ingruentes declinare: Eximii verò viri, instar scopulorum, quos decumanarum procellarum furor nequit commovere, ubi undarum tantum sit alluvio, adeo ut universus lævantis maris impetus ibi frangatur, nec fulmen quod comminuat invenit, stant firmi & inviolari.

Fertur aquila ex universo volatiliū grege, quod ajunt, sola ultra nubes & tempestates, ubi lubet in commodis illis & fragoribus carere, unde Antiquitas pagana fixit, Iovem ipsi fulminis custodiam credidisse: ad eum modum viri eximii facultatem, instar aquilarum, sese conservandi sunt adepti, in mediis factionibus, quæ circūcirca oriuntur.

Soles

Soles illi nullis nubibus obfuscantur, nisi per exiguum temporis spatium, ut quantocyus illas dissipatas, in nihilum redigant.

Quaecunque instituta adversus illorum fortunam, abeunt in aerem, uti sagittæ excussæ, sine ullo effectu, per temerarium conatum, cum nunquam flectantur solidi illi animi. A prudentia domi mutantur aciem ad prævidenda inimicorum artificia, cum remediis, ut vel ipsa fortuna cogatur ipsis favere. Ab innocentia solidissimum suscipiunt gloriæ columnen, ut tandem veritas ad triumphandam calumniam eluctetur.

Hæ sunt artes, quibus in benevolentia principis perstant, ut merita cumulent: satis enim offendunt, universam maledicentiam, in vulgus adversus ipsos sparsam, improborum esse vastramenta, quibus omne pensum est, probos fraudare fama bona, ut in malevolentiam conjectos, despiciant inutiles, & ex naufragio tabulas colligant, dum illi in executione laudati instituti egregie pergunt: Ut universus Orbis mortalium intelligat, magnos genios ludibrio habere injurias, excutere à digito viperam sine suscepto damno: ut ne sic quidem in agendis rebus impediuntur.

Generosus ipsis animus, qui armato militi similis, aequævis obstacula cum laude perfringere: fides panopliæ præstat, nullis telis debilitandam, adeo utiacula acutissima, tanquam ad incudem, retundantur; sapientia omnes animi motus sui compescit, ne turbentur, eo injecto fræno, ut nunquam effrangentur, inimicorumque invidiæ locum præbeant. Sagacitas animi tempus opportunum legit, ut ab inimicis optata reportent: industria sola capaces sunt cavere malevolentiam principis, quodd ipsi & copia & facultas istorum geniorum sit negata. Denique videas dotes omnino quascunque ingenii eos tutari adversus quaecunque adversariorum instituta, adeo ut fortunæ propriæ clavum figant, quem nulla vis revellat.

CAPUT XXX.

Petit regina mater rem eandem.

Libellus ille exordium ferebat calumniarum, quas Aurelianus ministri exornabant summo conatu in Cardinalis gloriam. Ex eo enim tempore accedebant ad illos reginæ matris, ut communicatis consiliis literas & libellos diffamatorios procuderent: adeo ut ipsa regina Parlamento libellum accusatorium adversus Cardinalem exhiberi suo nomine voluerit. Cum autem viderent, omnem conatum vanè petire, sive jacturam benevolentia reginæ quærerent, sive exercitum, quem mentenens dudum in aciem produxerant, scriberent; ab ira transferuntur in furorem, certi animorum, nihil inditum relinquere, quod tantam auctoritatem, multis meritorum momentis quasitam, adeoque vel inde inconcusam, offenderet.

Sibi ipsis persuadent, tandem aliquem vicinorum principum induci posse, qui exercitum submitteret, ad partes fulciendas, & causam ruinofam statuminandam: cui instituto perficiendo essent excitaturi tantum popularium adversus ipsum odium, ut armis correptis regem ad eum destituendum cogere vellent. Infelicissimum equidem judicaverim, si ab ipsorum testimoniis gloriam firmaret, aut tanta merita, quæ reliquum valetudinis exhauriebant, sanguinem inflammabant, per continuas vigilias, dum excubat pro bono Reipublicæ, regisque salute, cui dedicavit libertatem, genium eximium, sermonem, calammum & universum vitæ tempus, ut actiones præstet ipsi admirationi vix credendas, malevolorum calculum album expectarent.

Quemadmodum verò virtutis præmium ab ipsa virtute sumitur; magnis utique genis actionum egregiarum theatrum, ubi versentur splendidissimi, in conscientia propria erigitur, underadii honoris aliquando emicant,
ut

ut factæ innotescant; ita nihil prorsus eos morabatur. Deinde & hinc magnum sumebat compendium, adversus calumniam; quod impetum sustineret in val. dissimum collectus munimentum; recentissimam, inquam, memoriam actorum præclarissimorum, ut ipsa historia nihil illustrius prædicare queat.

Nihil opus habebat, domicilium extruere, ad mentem prisce illius, qui illustre sibi optabat, oculis universi mundi pervium, cum gloria actionum laudatissimarum utilitate universam complectatur Europam, adeo ut nemo non occuparetur in eo contemplando & admirando. Addere pronum foret, malitiam, quæ justissimas actiones pervertebant, suspitione involvere universum accusationis institutum, quocunque tandem molimine pergerent. Quis vero ignoret, ne hic moram hestamus, turbatoribus rerum publicarum familiare esse, ministros administrationis aggredi?

Politica Reminiscencia.

Satis frequens est, merita per calumniam atrocem respondere: injustitiam istam inter cætera gignit invidia, cui aciem oculorum hebetat aspectus illustrium actionum, quemadmodum Sol oculos debiles perstringit. Illud vitium perverto sensu imitatur ferè benignitatem Dei, qui ex malo elicit bonum, cum ipsa occasionem arripiat, offendendi summos viros, ob actiones ad summam gloriam vergentes: Sic umbra comiratur corpus, & invidia virtutem. Quemadmodum altissimi montes spargunt umbras spatiosissimas, ita genii excelsissimi invidiæ & maledictiæ præ cæteris patent expositi.

Accedit alia causa ex compendio particulari, quod, si verum fateamur, agmen ducit, invidiæ utique mater. Quicunque enim per ambitionem sibi partem reipublicæ administrandæ expetunt, videntur sibi à fortuna novercante tantundem repulsari, quantum illius beneficio quivis alii propius accedunt. Cæteri etiam, tam alta non meditati, ampliora tamen, quàm quæ natales tulerunt, aut fors, animo concipientes, videntur sibi abundare querimoniarum

causa

caulis adversus summos ministros, cum spes decollat, & vota frustratur.

Ægritudo illorum similis fūerit perspicillis falsis, quæ in objectis exhibent aliena: Hinc sanè iudicium aded pervertitur, desiderijs corruptum, ut in vitæ instituto advertere sibi videatur longè remotissima. Possem addere ignorantia, ad causas maledicentia; quibus ministri summi flagellantur: Corticem enim actionum fas est usurpare oculis, confilia in occulto habent, si sapiant; scopum nunquā aperiūt, ut hostibus reipublicæ facultatē auferant, illum attingēdi.

Quæ cum ita sint, fatendum fuerit, exigua illa notitiæ momenta, quæ de ipsorum actionibus emanant, magnum dare inimicis ad calumnias concinnandas compendium. Hinc legunt infirmiora, & quæ vitium faciunt, tantoque artificio incrustant, ut mendacium veri pallio prostituant; admodum cauti, ne intelligantur institutum fovere, ad mensuram vulgi nunquam exigendum.

Maledicentia tamen summo impetu pollet: cum enim Magnates Rempublicam turbare satagunt, religio est, regē aperte traducere, ne nimium patefcant, aut maledicentia meritis ferant pœnas, & sic ab exequendo instituto abstineantur: ministros ergo aggrediuntur, tametsi per illorum latus rex petatur. Solita est etiam querimonia, de malè administrata republicâ, jam vellicatur potestas & autoritas nimia, à principe ipsis collata; accedit exaggeratio nimiorum onerum, quibus populares opprimantur. Hæc nullo non tempore summa fuit Manifestorum, quæ unquam prodire, ad populum in arma concitandum.

Dispicimus, quid nostro in seculo acciderit, regrediamur de rege ad regem per seriem nostræ historiæ, & semper inveniemus factiosos maledicentia esse usos adversus ministros, tanquā face ardente, ad incendium per regni partes spargendum. Exempla nimis sunt obvia, ut iis recensendis distineamur: cum etiā pateat in historia, eos ubi prudentia summorum ministrorum redegit ad impotentiam turbanda reipublicæ, per incendia bellorum, nunquam defuisse furorem ejaculari, cuius æstro concitabantur, in papyrum, per stylum venenatum, & injurias atroces.

CAPUT XXXI.

*Respondetur calumnijs, quas regi sunt
ausi proponere.*

Nemo satis mirari poterat, literarum & libellorum confarcinatores instituisse diffamationis rationem contra eum virum, quem gens compositi agnoscebat celeberrimum ab aliquot seculis. Tolerariautem nequibat, maledicentia, quam in regis personam dirigebant, adeo ut cuius persuasum irent, eum administrationis ignarum & ineptum.

Auct animus omnes omnino Gallos incusare, qui, intellecta tanta contumelia, adversus eum principem, quem ab aliquot annis merito agnoscebat justissimum, fortissimum, generosissimum, sapientissimum & clementissimum omnium, quos unquam Gallia habuit regum, armis abstinuere corripicndis, quin apud Exteros perquirerent libellorum opifices istorum, ad meritum supplicium, si qua ratione absque regis auspicijs licuisset bellum sumere.

Quæ verò ratio istius proterviæ ferendæ, ut is rex projectæ gubernationis arguatur, qui Anglos diversis vicibus superavit Rupellâ subegit, Alpes vi aperuit, Casalâ bis asservit, subditos perduelles domuit, Austriacorum ambitionem circumscripsit, sacra auita in diversis regni provincijs restituit, Pontificem adversus Hispanorum oppressionem protexit, & modo pacem ac libertatem Italiæ reddebat, victoriarum usu arbitrium orbis Christiani adeptus, quem Exteri armatum metuant?

Quid enim de eo memoretur, nisi fortitudo in rebus gerendis, pietas in conscientia ex utienda, justitia erga subditos, audacia in periculis, prudentia in consilijs & admiratio in quovis instituto, supra omnes, qui unquam Galliam rexerunt, reges. Nunquid emicuit animus & Zelus erga sacra, ubi suam ipsius personam, annos florentissimos, ordinem equestrem, florem subditorum, thesauros, adeoque ipsam

ipsam fere rempublicam exposuit aleæ , ut insolentiam suorum hostium Ecclesia videret castigatam ?

Diceretur fortassis, alium tanta facinora patrare, nisi singulis diebus oculos incurrerent, cum nullum sine ipso institutum procedat, nisi conflictibus immisceretur, nisi per omnia pericula versaretur conspicuus, nisi omnibus consilijs interesset, ad disponendum mandatorum ordinem. Cum autem hoc & illud palam manifestetur, apud Antipodes natum esse oportet, qui obtrektoribus fidem habuerit.

Europa rectius nōverat raras & divinas regis dotes, quam ut sese imposturæ huic permitteret decipiendam. Quicunque etiam tantillum de negotiorum administratione delibarent, habent quod mirentur ea lumina ingenij, quibus per naturam splendet, cum & eorum usu consiliorum participes videant, ipsum nō raro viam aliquam insistere, quæ certissima prudentiæ præclarissimæ præbeat indicia.

Politica reminiscencia.

Regium est: maledicentiæ exponi: etiam præclarissimæ actiones suggillantur ex mortalium ingenio, in gubernationem hostili, adeo ut pauci abstineant detrahere superioribus, Deusque ipse vix linguam improborum effugiat, quod per Israëlitarum administrationem particularem patefecit, Nemo tamen negaverit, admirandam hanc esse ingratitudinem, si gravissimæ sollicitudines, bono publico impensæ pessimè accipiantur, & maledicentiæ, quæ conatur gloriam illius obfuscare, impunita transeat rigorem justitiæ, in eo maximè curriculo rerum, quæ tranquillitatem reipublicæ perturbare manifesto conantur.

Longè iustius honos deferetur actionibus principis per reverentiam, quam ut vituperium aspergatur, quod sanè semper fuerit temerarium, nisi exactissimè constet de consilijs perficiendis cum etiam calumniæ, quibus læduntur, eo plus periculi trahant, quod vel dissidentiam insinuent, vel saltem confidentiam imminuant priorem. Mendacium enim audacter promulgatum, plerunque liuorem suspicionis in animo relinquit, tamen si plenus non consequatur assensus.

Famæ

Famæ id est æstimium, quod regibus ante immanes esse debet thesauros: Hinc venerationem maiorem ferunt, non virtute auctâ, sed illustratâ; non capacitate ad altiorem perfecti gradum promotâ, sed quæ ex suscepto splendore promptius apud voluntates omnium mortalium inveniatur obsequium. Opinione regitur mundus universus, quâ & principes in imperio constabuntur.

Experientia docet verum ab homine mendace prolatum, non facile invenire fidem; difficulterque regem coli, quem opinio communis ineptum ad rempublicam redarguit. Ubi semel famæ est lapsus, desinet obsequium & reverentiam sperare: amor solitus cum famâ expirat, adeo ut nec metus diu subsistere queat post jacturam amoris.

Sic igitur nemo sanus dubitabit, & justum, & omnibus modis necessum esse, ut exemplum severitatis statuatur in eos, qui regem audent calumnijs proscindere. Quicumque vero obrectatores fert impune, maximo exponitur periculo. Postquam enim pessima de eo sunt sparsa, calumnia incipiet speciem veri plerumque inducere, ubi impunitas constabit. Exinde incidet in contemptum, republicâ, suâque ipsius personâ ad periculorum scopulos expositis. Quemadmodum enim is, qui injuriam aliquam fert, alios ad eandem & maiorem insolentiam invitat; ita posset intentari via facti, secundum temeritatem verborum.

C A P U T XXXII.

*Rex justificandi & defendendi Cardinalis curam
suscipit, tum literis, tum Declarationibus.*

Quamvis leviores calumniæ, adversus principem excusæ, rigorem supplicij non mereantur; diversa tamen fuerit capiendâ via, ubi ad destruendam illius auctoritatem, & turbandam Rempublicam vergunt. Sic

Theodosius Imperator aliquando prodignitate clementiæ respondit, interrogatus de maledicentiæ alicujus subiecto, quod adversus ipsum propalabatur, si, inquit, per levitatem male de Imperatore loquatur, contemptum; si per stultitiam & ignorantiam, misericordiam; si per malitiam, gratiam meretur.

Sed hoc ultra leviculas injurias non est extendendum, quæ nihil offendunt rempublicam, & ut verum fateamur, irâ principis indignæ, contemptu mulstantur: nam cæteras severe vindicari convenit. Hinc dubitandi nullus relinquetur locus, fabros illorum libellorum & literarum merito suo subijciendos rigori justitiæ: Istis absentia asylo fuit, dum Rex satis habet, nudam instituti sui sinceritatem, & justitiam facti exponere per literas & Declarationes, in eum finem promulgatas.

Abunde patrocinabantur actiones, quibus tanta affulgebat gloria, ut gravissima calumniæ nubes ad eum splendorem continuo evanescerent. Non tamendici potest, quantam curam suscepit Rex Cardinalis iustificandi. Nam & mentem nullâ unquam cogitatione de eo calumniatorum proterviâ permittendo, tentari est passus, & patrocinio sollicitè ipse defungi voluit, tum sermonibus quibuscunque per occasionum momenta, tum literis & publicis & privatis, ad populares & ad Parlamenta provinciarum, ad reginam matrem, & ad Aurelianensem.

Apud regem nullo indigebat oratore, cum is omnium optime nosset consiliorum excellentiam, fidem Zeli, justitiam mentis, fortitudinem animi, & moderationem instituti: necessitas tamen requirebat, ut id testimonium ad alios emanaret, eo quod major pars negotiorum, quibus administrationis ratio occupatur, nemini, præterquam regi & ministris innotescant, adeo ut populares tantummodo, effectum operis videant. Sic sanè nulla unquam præterlabebatur occasio, fidem ipsius & merita prædicandi, quin Rex effunderetur ad ea demonstranda per æstimum & benevolentiam prorsus eximiam.

Politica reminiscencia.

Regum est, per justitiæ cujusdam necessitatem, ministros adversus maledicentiæ assultus vindicare. Debent istud patrocinium ex lege gratitudinis, quam fides exigit, tum ex ratione commodi, quod semper exposcit studiū perenne; maxime vero inde, quod Magnatum odio plerunque exagitantur, ob assertam regiam dignitatem, quam illi atterere satagunt. Neq; enim unquam rectè Minister inservierit principi, quin primores reipublicæ offendant; cum sæpius teneatur limites struere ambitioni & desiderijs illorum, quæ ad auctariū propriæ fortunæ, detrimentum regiæ potentix contendūt. Hinc creditur ratio administrationis ipsi commissa, universa invidia eodem decumbente, adeo ut ipsius consilijs omnes omnino repulsæ ferantur acceptæ.

Summam igitur & imprudentiam & injustitiam commiserit rex, si fidem quā non ingratis meminisse debet, ne neglecta languefeat, invidiæ prostituat. Nihil enim æquè studiū erga principis commoda remittit, ac ingratitudo. Quicumq; Princeps destituit fidem ministrū, cæcutit ad propria commoda; seque præter ingratitudinis maculam, gloriæ aspersam, maxima in pericula coniecit, cum eum exitio permittat, quo autoritas firmissimè constabat: jam par munimento, cujus propugnacula fuerint complanata.

Ex cāratiōe Artaxerxes, cum consideraret, Themistoclem ab Atheniensibus exulare jussū, & jam ad gratiā suam confugere dixit, nihil pejus sese hostibus suis imprecari, nisi ut per invidiam seducti, pergerent semetprivare prudentiā & virtute summorum virorum.

Ut ut prudentia & justitia regibus imponant officiū, ne à rebus agendis summū ministrum removeant propter calumniā; nihil minus utiq; operam dabunt, ut famam ipsius tuteatur, cum ea propter servatam fidem duntaxat vim patiat, & ipse facultatem in obsequio continendi populares ferat ampliorem. Novimus, reipublicā non nullā ex Antiquioribus noluisse sancire legem, abhomi-

ne suscepto rogatam, tamen si bonam, nisi prius ab alio quopiam, ob integritatem probato proponeretur.

Quicumque igitur authores illius instituti fuere, abunde demonstrarunt, quantum authoritatis & fidei ministri summi fama adferat, ad exequenda mandata, quæ principis nomine proponuntur. Ostendit etiam experientia per millenas occasiones, omnia ferri confuse, postquam fama, muneri conveniens, disperijt.

C A P U T XXXIII.

*Cardinalis exiguam beneficentiam à rege sentit,
ad exemplum superiorum tem-
porum.*

A Deo dilucidè responsum fuit ad diversas calumnias, quibus maleferiati conabantur famam Cardinalis demigrare, ut nihil faciat, ad ipsius gloriam, si talem illam retexamus: non ea utique ratio instituti nostri, cui hunc scopum præfiximus, ut reges & ministri temporum futurorum intelligant, quam debeant instituere vitam. Licebit enim principibus addiscere, quomodo sint habendi ministri, ad exemplar regis, quod tamen reprehensione non caruit, sed effectum summæ prudentiæ ostendit.

Inter diversa accusationis capita, adversus ipsum in vulgus sparsa, principem locum obtinebat, quod à rege sibi emendicasset complurium munimentorum custodiam, alia clientibus conciliârit: quæ tamen ad numerum duorum maximè recidebant, erantque Portus gratiæ, & Bruagia: quæ fidei ipsius committi per ea tempora majoris intererat, quod Exteri invitarentur per illam portam irrumpere in Galliam, tanquam opportunissimam ex illâ parte.

Calumniæ istius authores non satis acuminis hîc ostendere, ad excutiendam superioris seculi historiam, cum ipsos fugeret, Portum & Diepam thalassiarhæ muneri

neri fuisse connexa, per iteratam Henrici III. Declarationem. Sed nihil mirere, cum res gestas nostri temporis ignorent, cura enim Bruagiæ permutata fuit cum Diepensi, impossibile esset, mare custodiri, sine maritimorum locorum possessione. Quid vero culpæ invenient, si Rex eam provinciam imposuit?

Quod cætera loca spectat, quæ Rex clientibus Cardinalis credidit, dixerim, perquam id exiguum esse, præ favoribus, quos plurimi Ministri à regibus suis meruere, per longè exiliora officia. Annas Momorantius, Mareschalcus & Connestabilis Galliæ, magister summus, summus Camerarius, & gubernator Occitaniæ, filium primogenitum mareschalcum Galliæ potuit facere, gubernatoremq; Occitaniæ. Secundogenitum, tribunum equitum, Mareschalcum Galliæ, & gubernatorem Occitaniæ ad lucis hujus usuram. Tertiogenitum, Helvetiorum imperatorem.

Nepotibus potuit conciliare, huic Cardinalitiam dignitatem, illi munus thalassiarchæ, isti imperium in militiâ pedestrem. Filiabus quatuor potuit procurare summam per regnum familiarum conjugia, Turainiæ, Trimuliæ, Candalæ & Vantaduri. Cujus præterea potestas eo creverat, ut Franciscus I. Delphino Henrico, qui postmodum regnum est adeptus, mandaret, ad castra Avenionem iret, obsequium apud exercitum præstaret.

Possum insuper addere, nihil in familiâ Cardinalis inveniri, quod ad illam Ambosianam conferatur, quæ per regna Ludovici XI. Caroli VIII. & Ludovici XII. claruit. Carolus enim Ambosianus regebat Champaniam, & Ludovici XI. tempore Burgundiam; promotis sex fratribus germanis, & compluribus nepotibus per operam & authoritatem Cardinalis Ambosiani.

Sic Merim Ambosianum potuit facere summum magistrum Rhodiorum, Johanni conciliare Episcopatum Lingonum, Ludovico Albigensem, cum vicibus regijs per Occitaniam & Aquitaniam; Petro Piclaviensem, Jacobo Claramontanum cum Abbatia Cluniacense, Johanni Bussio, Normanniæ provinciam. Primogenitis

tribus filijs præstitit, Ludovico Episcopatum Albigenſe, & Archiepiſcopatum Rothomagenſem, præter Cardinalitiam dignitatem; honores ſummi magiſtri, thalaffiar- chæ & Mareſchalci; provinciam Mediolanenſem & regias vices per Italiam apud exercitus regios: Guyo præſtitit, Revelæ domino, imperium inducentos nobiles gravis armaturæ, quod per illa tempora inter inſigniora numerabatur. Franciſcum Claræ montanum, ex ſore Catharinâ Ambosianâ extulit ad Cardinalitiam dignitatem; Renatûm Priæum, filium materteræ Magdalenæ Ambosianæ ad episcopatum Bajocenſem.

Quam vero hic repererint comparationem, ut ut diligentiſſimè excutiant Cardinalis familiam? Sed ne ullam instituamus collationem, hoc unum dicere habemus neceſſe, ridiculum tuliffe illam querimoniam, cum id temporis Cardinalis teneret ſaltem duò loca alicujus momenti, familiares fere totidem, tametſi Galliæ familias ſcirent pluriâ occupâſſe illuſtiores. Quæ vero cauſa ſuſpicionum, ubi ipſe ſingulis ſeptimanis bis aut ter regi ſuæ perſonæ, capitis & vitæ faciebat poteſtatem, nunquam non exauſtorationem & muneris, & munimentorum deferens, cum identidem regi eſſet integrum, quod vis jus in perſonam & loca illa exercere?

Suſceperat præterea provinciam Britanniae Armorice: ſed quâ ratione? perurgentibus ſcilicet provincialibus, qui intelligebant portus ſibi multos circumjacere, quos marium procurator rectiſſimè omnium bearet cõmerciorû reſtauratione, quæ per diſceptationes ſuperiorum Gubernatorum adverſus thalaffiarchas Galliæ, ſuper dominio maris diſperierant.

Altiffimè vero crepabant, factioſi, regem loca quædam alijs gubernatoribus ademiffe, quæ Cardinali traderet. Id quod conveniebat ad ſummam regis prudentiam interpretari, ſi Galliæ conſuluit, per rationem commutationis, propter gubernatorum ſubleſtum obſequium, qui à longo tempore & oppidorum & munimentorum præfecturas in familiâ retinuerant, quod ſupremam authoritatem ſomniarent, ut agre animum inducerent, an Regi acceptum ferrent ſplendorem,
pro-

pronissimi ad perduellionem, quovis seditionis signo dato.

Statuit igitur, alios exauctorare, numerato prius pretio, & clavum provinciarum tradere fidissimis, quales expertus erat universos Cardinalis familiares, quos nemo unquam vidit ullâ seditionis aut factionis maculâ fœdari, dum gratis animis regiam agnoscant beneficentiam, verissimum suæ fortunæ fulcimentum. Hinc nefas ducunt, quicquam instituire, quod indignitatem oleat.

Permutatio vero illa satis utilitatis præstitit per scierem rerum, idque manifestissime. Quid enim futurum fuisset, si gubernatio Brestæ huic fuisset relicta, & iste Bruagiæ custodiam non suscepisset, ille Caletum ulterius insedisset? Totidem sane fuissent Citadellæ, seditionum nidi. Quid vero tandem mali evenit, ex Cardinalis provincia & munimentis, adeoque familiarium, cum etiamnum in obsequio Regis persistant? factio autem, quæ Reginam matrem & Aurelianensem dissidio impedivit, ringitur, sibi arbitrium eorum fuisse surreptum: nam ea demum est causa verissima quæ rimoniæ.

Politica reminiscencia.

Nihil magis facit ad tranquillitatem reipublicæ, quàm præfecturas ijs credi, quorum fides in regem nihil vacillet. Experientia Galliæ diversis vicibus fuit nimis damnosa, ut ex memoria unquam deleatur cum potiora bella Civilia, adeoque externa, coorta fuerint ex culpa præfectorum, quibus major cura compendiorum privatorum, quam gloriæ regiæ.

Nemo Magnatum unquam turbabit, nisi ex fiduciâ præfectorum, aut provinciarum, quo auctoritatem augeat. Hoc vero ipsum rex susque deque habeat, ubi auctoritati deest animus, & fides ad obsequium necessaria; ne occasionem præbeat colligendæ factioni, quæ augefcens regiam imminuat auctoritatem. Præter rationem vero hic dolebunt, cum nemini liceat sese ingerere in jus

regum, de ministris quibuscunque legendis.

Maximæ igitur fuerit prudentiæ, ad illas querimonias surdescere, cum nullius sint momenti, ex consideratione reipublicæ. Sic prudentissimè aget Rex, si præfecturas distribuat fidissimis, quorum integritas nullam vim patiatur, certior utique ad nullas partes transituros, suas pertinacissimè, exorto dissidio, servaturos. Quo securius vero reclinabit, nisi in eum Ministrum, à quo singulis diebus nova fidei testimonia colligit, & qui, quotiescunque colendi gratiâ accedit, caput suum, præfecturas, adeoque omnia omnino munia concedenda simul defert?

Neque diversum de ipsius familiaribus fiet iudicium, qui absolute ab ipso dependent, etiam potentiam suam per ipsum à regiâ beneficentiâ dependere sponte agnoscunt: adeo ut sic iisdem vinculis fidei cum ipso regi adstringantur. Hinc profectoregum maximè nihil dubitarunt præfecturas ipsis illustriores committere, id quod commodis suis admodum utile iudicabant.

De distributione præfecturarum hoc dixerim, regem teneri, quantum potest, ad quamcunque rationem, quâ munimenta recipiat ex potestate diuturnæ possessionis, nisi fidei habeat extrema testimonia. Sic enim assuescunt possessioni, ut ex metu ejus amittendæ, sæpissimè persuaderi possit partium studium, ad firmandam possessionem. Ubi etiam constituti fuerint, non per regem, sed à superioribus regibus, eo facilius descendunt ad satisfactionem, quod munus regi non referant acceptum.

Dehinc ita adolescent in imperio, ut Rex sæpissimè minori valeat potestate: diuturnum enim imperium trahit plerunque fastum & proterviam. Unde in reipublicâ benè constitutâ legas semper munia certo tempore circumscribi. Roma libertate est exuta, ob nimis diuturnam magistratuum potentiam. Neque Cæsari licuit patriam opprimere, nisi post nimiam auctoritatem apud exercitus quæsitam ex diuturno imperio.

CAPUT XXXIV.

Opulentiam Cardinalis non esse invidiosam.

Factiosi isti homines secundum superiora etiam in crimen vocabant possessionem beneficiorum, quibus Rex Cardinalem ornaverat, tametsi omnes norint, mentem ab omnibus avaritiæ cuniculis alienissimam; postquam natura eam celsitudinem animi contulit, ut universas Mundi opes nihili faciat, nisi ad usum bene agendi.

Honores à rege collati requirunt splendorem, & impensam, cum certum habeat, sese cum cæteris ejusdem muneris alioqui contentu nunquam fuisse cariturum, nisi splendorem induissent, & magnificentiam eximiam ostentassent; qui contentus authoritati, ad regium obsequium promovendum obfuisset etiam.

Quicquid redundat, charitati christianæ indulgetur in solatium egenorum, aut actioni per virtutem vel magnificentiam illustri. Quis vero opulentiam moderatam invideat, post tanta in Galliam merita? Vidimus hoc ipso tempore principem adolescentem, cujus nomen Galliae est fatale, plurapossidentem beneficia, anno ætatis quartodecimo, quam Cardinalis obtineret. Audivimus Quæstorem ararij regij causâ dubiâ extricatum, duobus millionibus librarum regi adnumeratis, quod pretium vix sextam facultatum partem traxerat.

Meminimus duos gemmarios quadringenta vel quingenta millia aureorum, imperante reginâ matre corrafisse. Quæ vero iniquitas, liberalitatem regiam hic traduci, quam tamen promtè expediebat, quotiescunque bellorum necessitas urgeret, ut ararij spes tempore exacto intercluderetur? Nunquid ad opulentiam Kembergi pervenit, qui per gratiam singularem Imperatoris, licet nobili tantummodo ortus familiâ per Sui-

riam, in censu habet quingentes mille aureorum, ex duobus Ducatibus, quorum coëmendorum ipsi facta est copia.

Accessit auctarium gratiæ, & commodi, ut idem tributum ex urbibus Imperialibus, adeoque Anseaticis, sibi colligeret, sumtu semper imperatorio, ad eum splendorem & magnificentiam, ut familiæ totius sumtus cētum millia aureorum attingerent. Potissima ipsius opulentia complectitur Beneficia, nullo inde popularium onere, & minorem invidiam ferre possunt, ob merita, quæ maximè Ecclesiæ voverat; egestatique pauperum, sine prodiga pompa sobrius, nullo deliciarum per familiam luxu.

Nūquam comperietur, supellectilem Cardinalis ad æstimum Ambrosiani defuncti processuram. Quod si denique merita auro possint compensari, jam ostendit per actiones laudatissimas, longe potiora sibi deberi. Cum autem, præter honorem regij ministerij nullum sibi proponat scopum, nihil moratur compensationes adeo abjectas. Sic sæpissimè recusavit dona à rege oblata, quin imo quicquid curæ argento faciendoseponit, concernet ararij regij acuratam administrationem, nequid desit.

Diffuebant enim pecuniæ hætenus in dona frivola, & expensas inanes, ex quibus nihil gloriæ in regem redundabat. Hinc longè minores videas expensas, rege occupatissimo, quam superioribus temporibus, tametsi gravissima bella essent gerenda domi forisque.

Politica reminiscencia.

Opes inter præmia, quæ reges solent ministris fidelissimis conferre, extremum occupant locum, quod per Naturæ ordinem minimo bonorum censu valeant. Nemo negabit, plurimum ipsis deberi, cum sint dignissima regiæ gloriæ instrumenta, quorum opera patrent immortalis fama per secula futura digna. Quid, enim fecerint opes ad tanta merita? Ludibria utique fortunæ, quæ sublevandæ egestati vitæ præsentis inserviant,

viant, sollicitudinis potius, quam voluptatis occasiones, quibus viri summi nihil magis fruuntur, quàm qui ad rēpublicam nunquam accesserunt, ut illas mereri potuissent.

Anseres in Capitolio alebantur sumptu publico, quod strepitu suo Gallorum irruptionem prodidissent: etiam canes illic alebat respublica, ob furem in sacrilegio per indicium latratus, deprehensum: Equum immunem freno & servitute gaudebant aspicere, qui herum periculo mortis eripuisset. Quanto potius summus minister coletur beneficijs eximijs, post egregia in regem & patriam merita?

Addam insuper, necessitatis esse, ut Rex ministrum, quem suis commodis æque fidum, ac institutis fortem est expertus, magnis cumulet opibus, quo majori polleat autoritate, rectiusque varias augendæ gloriæ Regiæ rationes suscipere queat. Magni genij eas requirunt ad potestatem negotiorum, cum alioqui vigor deficiat langueatque: ne cogantur millena instituta, quæ ad summam utilitatem mente conceperint, intermittere ex inopiâ facultatum, sine quibus in lucem produci nequeant. Frustra generosa meditantur, si impotentia retrahat, & fervorem animi comescat.

Intelligas etiam, rerum mundanarum eam esse dispositionem, mortalium sensa eo vergere prona, ut omnia divitijs cedant & obsequantur. Nihil non possunt, audent & conficiunt inter homines, adeo ut fidem & autoritatem possessoribus concilient, ad inopiæ exiguum censum. Sed ut jam nihil respiciamus ad gratitudinem Ministris debitam, nemo ambiget, majestatem regiam non minus gloriæ ex liberalitate, quàm ex justitiâ trahere. Ex cæteris Numinis perfectionibus, summam meretur venerationem Benignitas, scaturigo inexhausta omnium bonorum, quam cum Sole conferre licet, gratiarum partes, per totidem radios in terram spargente, ut jam beneficia illius ad numerum actionum computentur.

Grandia regum dona & splendorem & emolumentum æque conferunt: hinc securius firmantur animi

mi, non tam ex pretio, quam ob testimonia benevolentiae, quo maxime vinculo arctius ad obsequium adstringuntur. Liberalitas regia propriè nuncupatur Magnificencia, quod teneantur maxima erogare bona, id quod unice decet illam maiestatem. Summum pretium operis, perfecti artificis certissimum indicium: hinc omnes fatebimur, Deum longè plus gloriae acquisivisse, per creationem angelorum & hominum tanquam potentiae ultimum conatum, quam ubicæteras fecit creaturas.

Eadem ratione dixeris, quicquid opulentiae regiae amplissimum splendorem circumdet, effundi in Palatij alicujus structurâ: id quod apud Majores nostros & proximos & remotos satis comperitur, quibus nulla alia inventa est ratio ampliandae gloriae, nisi per opulentiam & liberalitatem, quam in Domicilijs intimorum ostentabant, tanquam exertis Magnificenciae monumentis.

CAPUT XXXV.

Arguitur Cardinalis, quasi Regi quidvis persuaderet.

PRiscorum quidam cum summo judicio dicebat, rosas è spinis prodire, & veritatem plerunque per acutissimas calumnias emergere, cum stimulati necessum habeant causam suam publicè probare. Hanc eandem fecerunt segetem factiosi, qui Reginae matris & Aurelianensis, abusi mansuetudine, connitebantur in offensam Cardinalis; ut nobis permitteretur messis, per cognitionem veri, quod ut promulgaremus, illi institère.

Quemadmodum vero duobus istis capitibus non absolvebant accusationem & maledicentiâ, ita nobis ansâ præbuere ulterioris indaginis. Eam igitur suscipiunt rationem obtrectandi, ut popularibus persuaderent Cardinalem tam absolutum in voluntatem Regis adeptum esse imperium, ut quidvis persuaderet, sine dis-

qui-

quisitione; regem alieno motu ferri, à Cardinalis pileo ipsam Coronam pendere.

Cum autem universa Europa ex diversis casibus novit, prudentiam & virtutem regis pari passu cum lustitia incedere, visi sunt sagittas in cælum excutere, quæ ante pedes reciderent. Certosum certior, eos ipsos hanc de rege sententiam non fovere, cum aliquando aditus pateret, quin probè sciant, non posse ipsam ad ullum institutum induci, nisi rationibus convenientissimis; cælumque vividissimum in fuisse menti lumen, quo fundum gravissimorum negotiorum penetret, adeo ut non raro consilia depromat, cuivis alijs præterita.

Neque enim diversum propalant, nisi ut prætexant aliquid seditioni, ad exemplum quorundam, qui ejusdem farinæ postremo seculo, hanc eandem sumserant viam Rothomagi & Valentia. Proh furorem stupendum! imbecillitatis crimine, in rege omnium maximo traduci, quod summæ prudentiæ verissimum testatur effectum: cum videat per curriculum rerum agendarum, nullum unquam evenire casum, cujus finem, seriem & causas Cardinalis non perpiciat.

Nullum enim incommodum nascitur, qui remedium promptè expediat; nullum creatur periculum, quin anticipat, & declinet; nulla suboritur difficultas, quin viam exuperandi rimetur: Sic nihil unquam instituit, quin felicem ad exitum perducatur, adeo ut ad consilia sequenda non inducat, sed solidissimas proponat rationes, quibus assensum sponte fluentem attrahat.

Politica reminiscencia.

Quemadmodum rex nequit satis fiduciæ habere ministro, quem expertus est prudentem & fidelem; ipsius magno genio præditus nihil dubitabit, iudicij recti notam subire, & actiones ad sapientum consilia exigere; ita lubentius curarum summam in eum conjiciet, quæ minora spectant negotia, cum ex genij temperie securus esse queat, rectè curatum iri, quicquid mandetur adeo ut princeps eo genere rerum superfedere debeat.

Qui-

Quicumque vero non satis felicitatis obtinuit, ut istiusmodi ministro gaudere queat, tenetur ipse manum operi admoveat; deplorandus nihilominus, cum Deus diadema non indulgeat ad curam rerum levicularum. Tiberius inter summos Romani Imperij principes numerandus, elegerat secessum Capreae Insulae, ad quietis majorem usuram; inde ad Senatum perferretur, querulus, sibi sollicitudinem quarumvis rerum imponi, quod Tacitus memorat: volens, ut nec Aedilis, nec Praetor, nec Consul, ad sese recurrerent, nisi in rebus gravioribus.

Sic Themistocles, politicorum per eam aetatem facile princeps, dicebat aliquando, referente Plutarcho, Navem Salaminiam, Bicentauro Venetiano non absterilem, nunquam in mare deduci, nisi ad suscipiendos principes, aut ad eximiam aliquam pompam; sic sui usum sumeret res publica Atheniensium, in summis duntaxat & difficillimis negotijs. Ab istis enim tanto commodius abfuerit nunquam, quanto sapius didicit, prudentiam suam media ad felicem successum recte dispicere. Nihil sane detrimenti patietur auctoritas in ea submissione, cum vel inde plurimum sumat incrementi, sic adeptus media ad patranda, quaecunque gloriae promovendae ex illo instituto optarit.

Arrogantia haec principum omnium est admodum periculosa, ubi suo sensu abundant, & agere volunt, cum sic ad praecipitia deferantur. Necessitatem consilij nunquam vitabunt, cum animo sedere debeat, ipsum Deum, cui curae sunt summi principes, ut modestè & submissè agant, eos consilij subiecisse, ceteros mortales ipsis subdidisse. Prudentissimus quisque plurimum semper consilij detulit; & in eo arbitror, omnes consensuros, id demum exiguae sapientiae certissimum fore indicium, si quis potius suae, quam magnorum virorum sententiae fidem habeat, cum nemo non caecutiatur in negotijs proprijs.

Addidero hic, submissionem illam esse instar limitis, quem sponte potentiae absolutae figant, ut sese in officio contineant, nullo desideriorum impetu abrepti. Neque enim Natura principes praeter ceteris fingit

figit perfectos, ut semper orbitam justitiæ rectam servare queant, nunquam autem exorbitent, aut cespitent, nisi Ducem sequantur laudatum. Imo principes tanto magis solent errare, quanto majore pollent auctoritate, nihil enim certius, animum ex summâ potentia facillimè ad licentiam prolabi.

Equidem existimem, vix quicquam damnosius ipsis evenire posse, quam viro aliquo carere, quem reverentur, libertate integrâ donârint, ad quævis consilia suggerenda, reipublicæ bono, modo ipsi sententiam ex reverentiâ & notitiâ sequi dignentur.

CAPUT XXXVI.

Cardinali imputantur nimia popularium onera.

Nondum acquiescebant factiosi, quin Cardinali obiectarent onera popularium, non quod ille in causâ esset, aut nimia forent, sed quod scirent, hanc querimoniam seditionis tutam, quam omnes ubiq; seditionum incentores per Galliam inflarint, ad commovendos populares, miro aurium palpo & irritamento. Fatemur, accessisse quædam onera, sed quæ non nimia, attamen necessaria essent summè.

Nullum omnino tempus effluxit, quo populares superfederint istâ querimoniâ, quasi principes nimis gravia imponerent onera. Durum est, nomine regis rogari, quod multo sudore est partum, adeoq; satis parce possidetur. Fit utiq; præter rationem, modo onera illa sint necessaria, & ærarij sobria constet administratio.

Ista autem onera, quæ tam acerbe traducuntur, fuisse necessaria, nemo dubitat, postquam bella per ipsius ministerium sumta, & quorum consideratione populares gravantur, prorsus necessaria censentur. Suscepta enim sunt, ad extinguendam Religionariorum factionem proterviam, ad suppetias fæderatorum, ad coer-

cendam

candam Austriacorum ambitionem, qui correptis vicinorum nostrorum finibus, inhiabant nostræ reipublicæ, quam certissime invasuri erant.

Nemo igitur negabit, bella minus necessaria fuisse; unde consequitur, & onera fuisse eisdem necessaria. Quid si probaverim, ipsos factiosos verissimam onerum causam præbuisse augendorum, qui ultra mediam pecuniarum fortem, quam bellum Pedemontanum requirebat, intertraxerint, ad copias retardandas, ne Alpes tempestivè trajicerent. Sic satis diu ad egerè regem, ad exercitum sustentandum, qui quævis ipsorum instituta redderet vana. Bella & tributa pari ambulant passu, inseparatim: egestas enim exercitum turbare cogit. Ut sit laboriosum, tributa extorquere, ad faciendos sumtus; longè damnosius fuerit, rem publicam hostibus prostituere.

Miseria popularium gravis quidem est, sed quæ ocysus ex pingui solo recedat, ubi vel unica messis omnia incommoda deleet: non eadem ratio, si hostes Galliæ aliquod compendium corripiant, ex inopiâ ærarij, quod sumtum facere queat armorum. Neque diffido, de ipsorum assensu. Quemadmodum vero sumtus fuere absolute necessarij, ita non ignorabant maxima commoda, quæ regi & Galliæ inde obtigere. Gloria manet immortalis, ærumna exiguo momento transit. Nihil ergo video, cur tam operosè instituatur querimonia.

Hoc unum respondere lubet, ministros potuisse privare regem honore eminentissimo, quem est adeptus, si destitissent à popularibus exigere, quæ necessitas armorum bene gerendorum flagitabat, per expeditiones præteritas; adeo ut certissimum indicium laudatæ administrationis hinc pateat, ob ordinem servatum. Necessaria itaque fuerint tributa, sed pecuniæ illius dispositio æque fuit frugalis & parca per illam tempestatem, quam tantis criminibus flagellant, cum tamen dici possit, non multâ pecuniâ plurimum esse profectum.

Neque vero incompertum, ministros reipublicæ anteriores parum præstitisse, grandibus expensis. Negare desinent, incomparabilem hunc ministrum gloriam & victorias regis per ignominiam hostium quæsitam, mi-

noni pretio, quam cæteros, obtinuisse quibus placuere remedia palliata, quæ retardarent mala nostragravissima, ne in numerumumperent, cumulatosempercompendio hostibus Gallæ relicto.

Neque infitias ibitur, particulares quosdam ex populo nimirum fuisse pressos, rigore nimio, sed neque rex, neque regij ministri culpam ferent, cum Electi, qui viritim tributa indicunt & colligunt, ea omnia committant, suo digni supplicio obruunt enim imbecilliores, ad solatium fortiorum, ex amicitia ratione.

Politica reminiscencia.

Iustitia nihil minus, quam prudentia adigit regem, ut populo tributum imponat, si qua necessitas rempublicam premat. Summa hæc exigentia ad conservandum regnum, siue pacem, siue bellum spectes, ut pecunia sit præstò. Facile quivis incurfaverit regem, cuius penuria innotuit: quicumque enim pecunia caret, non habet unde militem alar; & qui milite destituitur, nullo negotio vincitur.

In bello scimus, pecuniam esse nervum præcipuum; unde Suetonius Paulinus, magnæ famæ dux aliquando in Senatu Othonis Imperatoris, cū de ratione belli gerendi ageretur, dicebat, Arario potius, quam exercitu opus esse, in dissidio publico. Sic Thucydides scribit, fortissimam rationem, quâ Pericles fuerit usus, cum Atheniensibus bellum suaderet suscipiendum, hanc fuisse, quod satis pecuniarum in eum usum esset repositum, unde annona, & alia necessaria optime conficerentur.

Nemo negabit, bellum esse barathrum, ingluvie immensa: vel inde imprudentiæ vituperium incurrerit rex, qui bella ex bellis sibi suboriri videt, & nullis redditibus Coronæ ad sustinendos sumtus juvatur, nisi subditos adigat ad tributa & subsidia conferenda. Sic enim brevi tempore cum Cleomene, quod Plutarchus narrat, doleret, qui præter ærararij facultates bello sumto, & institutum deferere, & in Ægyptum effugere habuit necessum.

Quin & præter prudentiam, licebit animadvertere iustitiam, secundum scitum illud Nemini facit injuriam, qui jure suo utitur. Regum autem est jus indubitatum, subdi-

ts imperare tributa, ad ferendas reipublicæ expensas. Id verò jus adeo legitime debetur, ut æquissimi Theologorum asserant, obligari subditos per conscientiam ad illud obsequium; insistentes utique Salvatoris mandato, qui non erubuit, aut dedignatus est, tributum ipse suspendere, ut nos suo exemplo erudiret.

Plura addam, Coronam non tantum conferre potestatem exigendi tributa, reges tamen obligari ad exactiorem, ut dignitatem tueantur, auferantque quod reipublicæ legitime debetur, adeo ut populo querulandi nulla relinquitur occasio: iustissimum enim est, particulares aliquid incommodi ferre pro conservatione boni publici; cum longe satius sit, populares cum egestate conflictari, quam regnum amitti.

CAPUT XXXVII.

*Ministri reginae matris & Aurelianensis
coercentur.*

Capita accusationum, quæ ad maculandam Cardinalis gloriam instituebantur, adeo sunt frivola, ut longiorem non mereantur disceptationem, cum & æquissimi inimici vanitatem illorum animadverterint. Nihil pronius, quam de ministris reipublicæ maledicere; id quod ipsa regina mater respondebat aliquibus, querulis ob ministrorum instituta, dum ipsa rerum potiretur. Hinc summa libertas carpendi illorum instituta, quod homo per naturam abhorreat ab omni genere imperij, proclivis sit ad sugillandas superiorum actiones, per iudicium sinistrum: nec scit enim causarum momenta, motuum vicissitudines, actionum adjacentia, quæ plerumque in fundo consiliorum latitant.

Maledicentia præmium vigiliarum, quantalibet officia præstent reipublicæ, nunquam satisfecerint particularib², quibus solita est libertas querulandi nisi cum bono publico suum promoveatur. Æqua omnibus omnino ministris fors: quicquid igitur adversus Cardinalem in particulari dictum

dictum fuit, apud animos sapientum censetur furor factiosorum, qui nihil compendij particularis in vitæ instituto invenire; postquam cognovere, consilijs istis emolumentum proprium quæri, regis gloria neglectâ; unde operam luserimus, instituto longiore sermone.

Non longe post discessum reginæ matris & Aurelianensis, rex, cui nondum visum erat, inhibere ministerium illorum extra regni limites, edocebatur, sub eo nomine ministrorum quosdâ abusos indulta libertate, fasciculos literarum, ad fovendas tricas & collusiones deferre. Quapropter ad coercendum eum tramitem sancitur statutum, quo ipsis deferrebatur optio, aut ad dominos commigrandi, aut intra semimensem ad privatos lares abeundi, nulla exinde copiâ ex regno exeundi, nisi regio permissu: annexo crimine perturbatæ reipublicæ, ad publicationem bonorum, amissionemque immunitatis tributariæ, si qua fruerentur.

Neque enim æquum erat, ut propter gratiam singularem eorum, qui non abutebantur libertate commeatus ad obeundum officium, cæteris fieret copia impune sancientis factioni in regno, dissidijsque fovendis, quæ magno molimine extinguerentur.

Politica reminiscencia.

SUMMI est periculi, si factiones in republica divisa relinquuntur, maximè eorum, qui particulariter dependent ab authoribus dissidij, jam tum digressis. Quamvis verò aliqui non abutantur, memores officij potius erga principem, quam ullum alium; non poterit tamen vitari, quin plurimi minus solliciti de officio, speculatores agant, ad quævis renuntianda, etiam complures in eandem sectam pertrahant.

Rigidum videtur, innocentibus irrogare inobedientiam cæterorum; quemadmodum autem sic læderetur respublica, nisi maturè prospectum esset, longe expeditius fuisse, tranquillitatem publicam firmare per severitatem, quam periculum expectare ex nimia conniventia. Nulla unquam lex, de bono publico fuit sancita, quin aliquid incommodi particularibus adferret.

Quicumque enim conetur leges condere, sine ullo particu-

ticularium interimento, seipsum faller, non expensis omnibus ex ordine consequentibus, aut relinquet omnia in confusione sine parato remedio. Optimum hic consilium, prætulisse semper publicum particulari, per recordationem sapientissimæ Taciti sententiæ, qui ait, omnia omnino exempla, nescio quid iniquitatis trahere; detrimentum autem quorundam particularium compensari ex publicæ utilitate.

CAPUT XXXVIII.

Cardinalis plurimis gravissimis negotiis distractus, omnia expediens curat.

HAtenus diversas tricas, & conatus violētos vidimus eorum, qui ab utebantur gratia reginæ matris & Aurelianensis, hoc ipso anno adversus officium proprium, gloriam & tranquillitatem regni, etiam ordinem ipsorum instituto coercendo ancitum; unde ad proprium exitium decurrere. Cardinalis enim tanta sollicitudine advigilabat, tantam adhibebat industriam & prudentiam, ut iidem nubium referrent & imagines à venti constantia turbatæ, & characterem.

Sic Andabararum more depugnabant, ærem flagellabant, in æquæ superficiem pingebant, ab undis ferè prius deletas, quam à stylo ductas lineas. Quemadmodum vero Naucerus satis videtur occupari, læviente tempestate, ut navem adversus violentiam ventorum, & procellarum furorem tutetur, dum nihil attinet, vultum ejus, nutum & verbum singulos intus sedulos regere, modo prudentia eos incitet, ad promovendam navigationem: ita difficulter creditur, ministrum minus occupari, quam ullus humanae naturæ genius sustinere queat; ubi cogitur ad defensionem, & sui, & rei publicæ suscipiendam, adversus factionem ex familiae reginæ antesignanis ferocientem.

Si enim singulis diebus videbit sibi nova expedienda esse mandata, mille modis diversa, adeo ut ægerimè credas, eum cuicunque alij expeditioni parem, dum horrendis

conflictatur cum tempestatibus. Perinde & altissimus gradus gloriæ, quem vulgares ministri per eam constitutionem queant obtinere, fuerit naufragio caruisse.

Docuit nihilominus experientia, magnis genijs licere ulterius procedere, veluti intelligentiæ, quod cælo absorbeantur in contemplatione & amore divinitatis, non desinunt curare inferiora hæc, & patrocinium principum, regnorum ac particularium suscipere: ita non rarò concinnat cælum certos quosdam genios eximios, quibus satis vigoris largiatur, industriæ ac prudentiæ, ut queant per illas revolutiones rerum, præter conservationem rei publicæ, mille egregia facinora patrare.

Et hoc ipsum universa Europa vidit cum admiratione in persona Cardinalis, qui nullam testatus inquietudinem ad conatus hujus anni, si Gallia turbari, adeoque perdi posset, quo sub onere quivis alius, præter ipsum succubisset: illos tamen reddidit vanos, quin imo restitutionem Mantuani instituit, & curam principum Germanorum, quos Austraci expoliabant, suscepit. Quis verò unquam satis miretur? hinc me ipsum non contineo, quin aliquid de rebus illis & Germaniæ & Italiæ subijciam, ut curiosi annotent, quæcunque ad gubernandi rationem, instructionemque fervire possunt.

Politica reminiscencia.

QUicunque summum ministrum; quem ita nuncupare lubet, non tantum per eminentiam loci celsissimam, unde cæteros despiciere queat, verum etiam propter dotes animi haud vulgares, ut antestet reliquis mortalibus, comparaverit cum anima corporis animalis, nihil aberraverit. Nam anima in aure audit, videt in oculo, statuminat in pedibus, remigat in brachijs, fungitur in omnibus & singulis membris officio suo: sed ubi organa illa vitiantur, aut vim patiuntur, dolet eadem anima, & tristatur.


Sic sane summus minister curam gerit consilij & quarumcunque præfecturarum, sollicitè prospicit agriculturæ,

& singula ruminat animo, ut benè sit omnibus. Verum-
enimverò animā scimus etiam præter organa operari, &
ijs quam minimum adherere, ac si defæcata facultati-
bus suis expedite uteretur, quod in dormientibus
arguerint infomnia. Summus minister nihil minus ab-
strahit mentem à sensibilibus, & abdit sese in universalia,
inde elicit argumenta futuri, ibi tanquam ab Oceano per
fluvios & riuos contendit ad scaturiginem.

Quemadmodum vero afficitur rebus præsentibus,
ita eandem contemplatur immotus, ubi menti indulget
defæcatæ. Quis igitur dubitet, unum eundemque virum
tam diversis, magnoque numero ingruentibus objectis
parem, cum vulgares vix singulis capiendis sufficiant? Ne-
que enim summus esset, nisi excelleret.

Videas Solem, vitam in animalibus, vigorem in plan-
tis, incrementum in mineralibus operari, nulla sui,
sed subjectorum mutatione. Par ratio summi ministri,
ad quævis negotia expediti: nam quemadmodum di-
versarum linguarum callens, nullo discrimine lin-
guæ imperat, hoc vel illud idioma salutantibus redhibe-
re; ita genius magnus nihil impeditur diversis molitio-
nibus.

Mundum non geminos laturum Soles, aiebat Ale-
xander magnus ad Darium, imperium Asiæ in partes
æquas dividendem: nos ferè dixerimus, regnum, licet
spatiosissimum nunquam duos æque magnos produ-
cere genios, cum vix unus, seculo uno vel altero, tan-
quam singulare cæli beneficium, alicui rei-
publicæ, ad restaurandas ruinas, vel
expoliendam gloriam,
obtingat.



CAPUT XXXIX.

*Germaniæ negotia: de fœdere cum rege
Sueciæ.*

EXordium mihi ducetur à patrocinio principum Germanorum, quod cum rege Sueciæ per mensem lanuarium fuit institutum: idque eodem tempore, quo factiosi ista vehementius desudabant in exitium summi istius ministri.

Ostendimus per annum superiorem, quanto favore iustitiæ rex Sueciæ in Germaniam transierit, ut nempe libertatem principum, quos Austriaci oppresserant, tutaretur, quod sanguine ipsum attingerent, & fœderibus, quemadmodum & nos. Illi non tantum eiectionis imperijs auitis, sed etiam eo extremorum redacti, ut victus neutiquam constaret.

Sic etiam vidimus, tanto promptius fuisse patrocinium susceptum, quanto altius in animum descendisset generosum offensa per complures occasiones iterata, in primis vero, ubi Imperator interceptisset, relevisset, interpretaretur in falsum sensum literas ad Transsylvaniæ principem datas: ubi Holsatiæ dux muneris duceret exercitum auspicijs imperatoris, signisque proprijs in Prussiam, hostili in Suecos animo: ubi naves & merces Sueciæ, in quasdam urbes Germaniæ perlatas, addicerentur fisco: ubi recusavit audire legatos, responsum negavit, & extrema minatus eos Germania decedere iussit quantoque ubi per insignem contemptum repudiavit, quæ offerebantur pacis ergo conditiones, cum jam constituisset ipsi interitum, ac si impetum armorum Austriacorum nullus sustinere posset.

Cum itaque Cardinalis probè nosset, non minus gloriæ accrescere principi ex patrocinio defendendorum fœderatorum causa suscepto, quam ex vicinorum ambitione coercitâ, videbatur sibi obligari ad ea con-

silia quæ regem inducerent, ut ne rex Sueciæ, principesue Germaniæ in tam arduo negotio destituerentur. Considerabat, nullum magis legitimum sumi bellum, quam quo principibus fæderatis asseruntur imperia avita, & injuriæ susceptæ vindicantur.

Hinc omnia disponit, fidemq; quantum potuit stipulatam exigit de sacris per Germaniam conservandis, suadetque regi, pacta cum rege Sueciæ rata habere, & firmare, quorum capita per quatuor superiores transigebantur menses. Promittebat rex suppetias & copiarum & pecuniarum, id quod ex tempore præstitum. Et Suecus vicissim obligabatur, nihil quicquam detrimentum sacrarum, per oppida Catholica patrare, si quæ fortean subigeret.

Neque enim invictus noster Monarcha satis habuit, ductum iustitiæ generosum sequi, quo jubebatur ab oppressione asserere principes illos, nisi & pietatem circumdaret, quæ sane non poterat induci, ut regi hæretico opitularetur, nisi prius sartam testam sciret Ecclesiam, adeo ut violentia, si quam Catholici paterentur, non posset tribui, nisi solitæ armorum insolentiæ.

Politica reminiscencia.

ID demum bellum censetur justum, inquit Ambrosius, quod suscipitur propter impotentes, aut reipublicæ fæderatos, adversus raptos fortunarum. In eandem ferè sententiam docet D. Augustinus, ea demum arma esse æquissima, quæ ad vindicandas injurias corripuntur. Est autem patrociniū fæderatorum summarum actionum minimè postrema, ad augendam regum gloriam, & potentiam in altiore gradum extollendam.

Nulla enim alio pacto propius ad diuinitatem accedunt, quam salutem dando impotentibus, si qui oppressi vim patientur. Hinc protectionis usus maximè convenit majestati, quæ nulli unquam mortalium, quocunque demum fuerit censu, partē coronæ permittit, & vel inde arma omnibus principibus expedit communia, ad tuitiōnem.

Si quis diversum spectet usum, gloriam macula contaminat

nat infami, & indignum sese præstat, cui cæteri laboranti opitulentur. Quemadmodum verò eadem fors est omnium principum, ut suo quisque tempore injuriam metuat ac patiat, nec domi satis sibi virium inveniat, ad subsistendum; ita sæpius se vident in eam necessitatem redactos, ut coacti sub onere armorum hostilium cedant, quod fœderatorum auxilijs destituantur, ex talionis regula, quæ mortalibus imperat desertionem erga desertores.

Cum autem justitia polleant arma illius regis, qui impotentium & fœderatorum causam suscipit, æquitate neutiquam destituuntur in vindicandis injurijs. Deus enim, qui scepro venerabiles fecit reges, secundum cætera ipsis injunxit, ne unquam patiantur reverentiam debitam à reliquis principibus violari, ad eandem rationem, qua populares subditos in justo continent obsequio obedientiæ.

Hinc conservatur splendor Coronæ proprius, quam secundum gladium ad vindicandas injurias æqua potestate concessit. Neminem agnoscunt ex inferioribus, cui fas sit arbitrium rerum dubiarum deferri; legitimi judices ipsi utriusque fortunæ: in qua potentia non circumscripta comprehenditur potestas armorum ad vindicandum, quicquid præter rationem offenderit.

Ut bellum habeatur justum, satis est, principes, adversus quos illud sumitur, occasionem armorum fecisse: unde quæcunque calamitates inde ortæ per insolentiam militarem attribuentur authori soli tumultuum bellicorum. Respublica nimia inopia langueret, quod Aristoteles docet, nisi princeps autoritate polleret armorum, ad castigandum injurias.

Sic sane, inquit idem, corpus animalium perfectum non est, nisi potestatem possideat repulsandi noxia, seseque contra injuriam tutandi; quemadmodum respublica perfectum nunquam obtinuerit, ad quod aspirat, quamdiu destituitur potestate vindicandi injurias illatas.

CAPUT XL.

*Iustitia fœderis, quod rex cum Sueco
pepigit.*

Nullū penic⁹ dubiū apparebat, quin fœdus regis Christianissimi cum rege Sueciæ pactum, ad defensionem fœderatorum communium per Germaniam, esset iustissimum, cum ipsum bellum à rege Sueciæ susceptum, esset iustum; adeoque omne fœdus, ad gerendum bellum iustū, æquitatis rationem trahat: Nullum tamen artificium non excogitarunt Austriaci, ut à populis condemnaretur.

Prænam rationem hanc propalabant, ut & bellum traderent, & regem gloria acquisita fraudarent, Susceperunt utique in gratiam principum quorundam hæreticorum. Sed quis iste fuc⁹, qui specioso sacrorū prætextu tã diu abutitur, ad corripienda plurimorum principum imperia? Hoc pallium sumunt, ad expoliandos principes Germaniæ, quod valeant ambitiosis consilijs obstare.

Postquam Carolus V. iunxerat Coronam imperialem cum regnis Hispaniæ & Italiæ, adeoque Belgio, credebatur tatis virum sibi nactus, ad quasunque provincias subigendas particulas utique imperij Romani ut ex viribus colligeret & copiam iustitiæ, ad invasionem. Quasi verò regna violentiæ essent præmium; & natales siue hæreditatis jus ab aliquot seculis non satis firmos statuerent ambitioni limites.

Quemadmodum verò Germania rectè dicitur propugnaculum, ad conservandam omnium per Europam rerum publicarum libertatem, id quod Henricus II. rex Galliæ anno 1552. ad principes Germaniæ agebat; ita constituit, illam subjugare, faciliè intelligens, illa jugum ferente, Galliam, Angliam, & reliquum Italiæ non magno molimine subjugatum iri.

Imperator, qui rerum potitur præsentium, æquè recognos-

cognoscit hæc momenta , id quod literis ad Zunigam , summum regis Hispanici consiliarium, satis testatur, cum eandem nuncupat fundamentum authoritatis Austriacæ. Abundat enim revera tantâ ubertate & virorum & opum , ut magnos exercitus , eosque perpetuos semper possit alere, adeoque Indiarum proventus, ubi deficerent, repone-
nere.

Hinc prima & ultima causa belli sumta, hinc Succus est excitus ad auxilia ferenda, tametsi Hispania prætextum extirpandæ hæreseos sumserit. Ante plura secula Divus Leo, vere Magnus , ad Imperatorem Theodosium perscripsit, Mortalibus prorum, sacra prætexere desiderijs.

Id vero longè optimè dicitur de principibus Austriacis, qui usucapionem servant, quod acutissime annotavit Mariana in Historia; cum scirent optimè, nihil vehementius pervertere popularium animos. Per experientiam videre quantum ad usurpationem Navarræ id vaframentum profuerit, cum eam Ferdinandus invaderet, nepte propria inde ejecta

Vidère, non longè abfuisse, quin sceptrum regibus nostris ex pugno extorquerent, Liga sæviente. Hic idem illis titulus iustissimus, ad possidendam Indiarum Orientium & occidentarum partem, ubi non tantum principes legitimo neci dedere , sed etiam quinquaginta milliones mortalium, per cruciatus terræ ignominiosos, & cælo horrendos, contrucidarunt.

Eandem avent instituere rationem, ad expoliandos Germaniæ principes. Quis verò non noverit illorum iniustitiam, cum nihil attendere velint, veram religionem nullum conferre jus imperiorum, nec per violentiam eripere, quæ per Natales obtigère.

Politica reminiscencia.

NEque hæresis, neque infidelitas eximit subditos ab obsequio, principi debito. Cùm autem istud caput
ex de-

ex demonstratione intelligatur, possunt fortassis genij simplices assensum ægre præstare, nisi fides ipsis fiat per explicationem axiomatum politicorum, quæ non quidem sint recondita, sed cuiusvis obvia: unde mihi constitutum est, auctoritatem hanc fuleire ex fide, quam Apostoli per cunabula Ecclesiæ Christianæ promulgarunt, & Patres scriptis suis exemplisq; docuerunt, ad imitationem primorum Christianorum, etiam in acerrimis persecutionibus religiosè servatam.

Apostolorum principes, D. Petrus & D. Paulus omnibus omnino Christianis mandant in epistolis, dum Nero terram efferreret crudelitate plusquam barbara, quam contra ipsos exercebat; Quilibet vestrum sese contineat in eâ subiectione, quæ debetur principi summo: Nulla enim est dominatio, nisi constabilita à Deo, & quæ subsistunt dominationes præsentem, ab ipso datæ sunt, quicumque ipsis est perduellis, opponit sese ordinationi illius, & qui conantur operose excutere jugum obedientiæ, illis debita, sese exponunt sponte damnationi.

Princeps est famulus Dei: nec in vanum accepit gladium in manum, sed ut agnoscat minister omnipotentis. Oportet igitur illi obedire, non solum quia potest punire, sed & propter conscientiam. Iam autem notum est in vulgus, has exhortationes solas populis non esse factas, cum epistolæ ipsorum scateant compluribus in eandem sententiam: quo etiam lectorem remittimus, ne hic præter institutum simus longi, & Doctoris munus subeamus, qui Historici vices sumserimus.

Ecquis vero ignoret, omnes omnino Patres primæ classis, quos Ecclesia tulit, hanc doctrinam sanguine suo sancivisse? Vivebant illi sub regibus atheis aut paganis, qui singuli singula referebant flagella religionis sævissima, cum in extirpationem sacrorum nostræque fidei jurassent obfirmassentque animam hostilem. Sanctus tamen Ignatius literas exaravit gravissimas, ad populum Antiochenum, ut obsequium in Iustinum imperatorem persuaderet.

Idem apologia eruditissima omnibus principibus paganis exponebat, in vanum ipsos meditari violentiam tor-

men-

mentorū, adversus fideles, ut Idola & Deos fictitios adorarent; qui alioqui plenam & integram imperijs obedientiam essent præstituri. Tertullianus unum Deum regibus superiorem novit, falsus etiam, verba illorum confringere animas nodo arctissimo. Origenes scribit in Epistolam ad Romanos, tametsi sub imperatore pagano natus, nullum sese discrimen adferre inter obsequium principibus debitum, horum aut istorum sacrorum, cum eos Deus supra communem sortem mortalium extulerit, ad patranda, quæ genios nostros infirmiores fugiant.

Possem sine labore coacervare testimonia cæterorum Patrum, nisi falcem in Theologorum messem mittere metuerem: addidero tamen exemplum primorum Christianorum, qui nihil moti exilio, flagris, persecutionibus, carceribus, & rogis, quibus imponebantur ad struem lignorum, constantiam nihilominus servavere: ubi horrenda & monstruosa diversitas suppliciorum, aut rabies tyrannorum eos quotidie prostituebat, ipsis vero nulla omissi officij culpa obijci posset, cum & obsequium principi, & fidem Deo servarent jurati.

Optandum esset, Hispanos gaudere gloriosis vestigijs, ad pacem mundo minus invidendam; sic enim neminem principem turbarent in usufructu imperij. Cum autem diversa coquant consilia, fidem itidem colunt disparem.

CAPUT XLI.

*Respondetur Hispanis, qui suggillant fæ-
dus inter Galliam & Sue-
ciam.*

Alterum caput, unde exprobrarent fædus inter Galliam & Sueciam sancitum, ducebatur ex ratione sacrorum, quod Suecus esset hæreticus, adeoque hostis Ecclesiæ; id quod felonix ipsius & violentia adversus Catholicos Germaniæ abunde testarentur. Hic vero scrupulus conscientix, quo cogitabant inflammare genios simpliciores,

ciores, eo duntaxat contendebat, ut arma ex manibus nostris defluerent, donec ipsi majori cum facilitate priscos huius Coronæ fæderatos expoliassent, qui soli facultatem habent circumscribendæ ambitionis.

Trivolum hoc est quod obijcitur; unde vehementissimè miror, eos fædera cum hæreticis sancita suggillare, cum palam profiteantur ab omni tempore non tantum quæ cum illis contrahunt, sed etiam quæ cum infidelibus feruant. Scimus tempore concilij Florentini, imperante Henrico II. qui Hispaniæ tributum satagebat indicere, Ferdinandum regem fædus pepigisse cum Mauris, qui auxilia ipsi præstarent adversus Imperatorem, adversus Concilium, adversus duos summos Pontifices, Leonem IX. & Victorem II. adversarios utique.

Meminimus, ipsis quæstas quasunque vias ad Turcam fædere implicandum, cum Persa autem sancivisse, eorundem cum Turcâ sacrorum. Neque verò negaverint, sese fæderari regibus Indiarum, diaboli cultoribus manifestissimis. Revocent sibi in memoriam, Carolum V. fædere complexum esse Lutheranos, quorum opera uteretur in bello adversus Galliam, idque ex sententia Theologorum, quod Bannæus refert, qui in commentario ait, nihil inconvenientiorem esse infidelium, quam Elephantum & equorum operam.

Recurrit denique, Aurelium Hispaniæ regem, Totilæ occisorem fædus fecisse cum Mauris & Saracenis, quibus annuum pederet tributum, centum scilicet juvenculas Catholicas, uti Mariana recenset. Eodem fere modo Alfonso Magnus Mauros habuit socios, ea lege, ut filium Ordonium traderet, illorum institutis imbuendum.

Quicumque tempus impendent legendis illorum historiis, poterant exemplorum istiusmodi farraginem colligere: neque silentio involuentur fædera, quæ per Germaniam cum rege Daniæ, & ducibus Saxoniæ ac Brandeburgi, aliisque instituere, eademque nuper redintegrare voluerunt, tamen illi Socij nomine Protestantium censentur.

Politica reminiscencia.

Celebratur apud Romanos Suffenus poëta, non tam propter venæ excellentiam, quam ob ingenij festivitatem, adeoque vœcordiam. Quicquid ille eructaret carminum, laudabat impensè, ad nauseam usque auditorum; aliorum factibus expunctis, aut irrisis. Sic tandem in proverbium abiit, ut vulgò diceretur, teste Catullo, Neminem non hoc vel illo modo Suffenum videri, cum plerique nostra laudemus, aliena vituperemus.

Æsopum illum, apologorum sapientem concinnatorem si audire luberet, ostenderet ille nobis manticam, ex humero in utramque partem hinc inde dependentem; sed cujus pars anterior reconderet alienos nœuos, semper exposita nostris oculis, adeoque identidem turgens: posterior verò pars exciperet nostra ipsorum vitia, quæ à tergo rejecta, neutiquam deciderent, verum excepta, turgidissimam redderent illam partem, quæ tamen oneri non esset, quod grata & animo & corpori; neque oculis subjiceretur.

In speculum hoc si intueantur Principes, nequid de particularibus arguam, & litigia desinerent, & in bellum servidum nunquam erumperent. Sed non videmus, mantica quod à tergo est.

C A P U T XLII.*Fœdus cum Sueco est in Ecclesia commo-
modum sancitum.*

Quomodo vero nunc exprobrabant fœdera cum hæreticis? nunquid hoc fuerit litigare contra statuta? Quo jure hanc sibi possidebunt libertatem, quâ tamen nunquam nisi ad stabilienda ambitionis instituta utuntur; cum nos viceversa eò duntaxat confugiamus, ad asserendos fœderatos, ne legitimis imperijs exuantur? Hinc
jura

juri reges nostri eo minus renunciabunt quanto pluris interest Sedis Apostolicæ, ut sese tutetur adversus oppressionem Austriacorum: Abunde enim aperiunt consilia definitibus præci Imperij restituendis, ad interversionem earum provinciarum, quibus Pontifices summi per liberalitatem nostrorum regum fruuntur.

Iam satis innotuit; quo studio flagrent Italiæ invadendæ, perficient etiam institutum, quamprimum Germania deserit, contraniti. Reges autem nostri, quibus semper cordi fuit Ecclesiæ tutela, ex officio primogeniti, id tolerare nequeunt; cum maximè post conculcatum temporale, illi non abstinuerint à spirituali disponendo, ex qua temeritate schisma omnino cooriatur. Hoc summum semper Ecclesiæ negotium, hæc unica fæderis cum Sueciâ contrahendi causa.

Sunt utique felonix principis per victoriarum usum ferocis, neutiquam effecta fæderis cum eo icti, cui nullus alius unquam fuit scopus, præterquam restitutio principum Germanorum, sine interimento sacrorum, cum terminis clarissimis perscriptum sit, uti convenit; Nihil quicquam mutarentur sacra ulla ratione in oppidis, quæ armatus obtineret Suecus.

Confusio igitur Ecclesiæ alicubi illata, referet naturam remediorum, quæ hauriuntur potu; quibus debilitatur natura, ad restorationem valetudinis, cujus causa parantur. Neque enim impediri debebant auxilia fæderatis promissa, quemadmodum deliquit ex remedijs ortum, usum illorum non tollit, viribus utique propediem redeuntibus.

Politica reminiscencia.

A Liquid mali, propter vicinum malum, promptum erat veteribus dicere Neque enim bellum geri potest, sine incommodo vicinorum, quemadmodum nullum exardescit incendium, quin proximis ædificijs damnosum sit, vel ex ipso studio ea servandi vel ex scintillis disjectis, & hinc inde volantibus.

Par ratio in fæderibus, quæ non adeo sanctè possunt servari, ubi usus sit armorum, quin querulandi detur
occa-

Occasio. Verumenimvero spectandus est ultimus finis, ex cuius consideratione intermedia parum respiciuntur. Deinde putantur nonnulla noxia, quæ tamen salutaria redduntur ipso temporis decursu.

Neutarum, aut mediarum partium in bellis nunquam fere licet esse quietis & illæsis, quibus consultissimum est, pacem optare & conciliare. Inter privatos egregium memoratur Archidami institutum, qui à duobus amicis dissidij arbiter lectus, neutrum offendere satagebat, quod tamen futurum videbat, si iudicis aut arbitri partes in sese reciperet, cum uterque ab amicitia ipsius benigniorem sibi causæ sententiam promitteret.

Juratos igitur, facit, ut qui ipsius sententiâ vellent stare, aut Numinis vindictam sustinere. Sic ille instituit operari sacris, ut mente defæctatâ, & à cæli consortio recens abstractâ, expeditius pronuntiaret: Verum ad aram progressis imperat ex religione jurisjurandi, cultuque huminis, ut ne inde pedem moverent, ne templo egrederentur, nisi sponte reconciliati, simultatibus abolitis. Ipsi discedit, proforibus præstolatur, redintegratam intelligit amicitiam, & sic utroque utitur familiarius, quam prius.

Sed istæ possunt esse privatorum rationes; Magnates grassantur nullo penso, & plerunque magis decertant armis, quam argumentis: adeo ut ex nimio studio non videant, quid expediat.

CAPUT XLIII.

*Regis institutum non potest omnibus
innotescere.*

AT qui Rex partem suscepti damni Ecclesiæ per Germaniam rependit, spe certâ de opere absolvendo, si qua ambitio fervida Austriacorum remiserit. Quod si bella ex violentiâ in Ecclesiam redundante censeantur injusta, Hispani ipsi sese nunquam satis tutabuntur, quin

fateri cogantur , Mantuanum bellum fuisse injustiffimum , quod Lutherani ab illis inducti nullam speciem sacrilegorum omiserint , quamcunque insensiffimi hostes excogitare queant.

Fatebimur utique istanc rationem non bene adduci ad propalandam injustitiam , quæ aliunde ex plurimis considerationibus innotuit : cum tamen exinde non sit sumendum de bellorum justitia judicium. Rerum ignari addunt , integrum fuisse regi cum principibus Catholicis fæderari , in Germania , ad eundem finem : Illis responderim , hoc ipsum regi fuisse in votis , & nunquam in facultate oblata.

Religiosi quidam , majori Zelo quam prudentia præditi , mentionem quidem iniecere , sed eo magis suspectâ quod clientes Austriacorum essent , iidemque religiosi , artium Hispanicarum nescij , ad promptiorem imposturam , si missi & instructi negentur. Hinc infidi prædes feruntur negotiorum transactorum , adeo ut inversum rerum ordinem incusare cogantur , à superioribus , iisque politicis decepti.

Politica reminiscencia.

ERrant , qui nefas ducunt cum principibus hæreticis fæderari , aut infidelibus ad tuitionem sui ipsius , aut fæderatorum in imperio legitimo asserendorum ; cum opinio contraria in sentau laudatissimorum Theologorum , etiam Hispanorum , censeatur frivola. Ex naturæ instinctu omnes omnino homines fæderantur ad defensionem mutuam , cujuscunque demum sint conditionis : Adeo ut dubios ausim ablegare ad scholam brutorum , ubi temeritatis agnoscant ignominiam.

Quemadmodum autem lex gratiæ naturam non abolet , consequitur , idem officium vigere , adeoque fædera regum cum infidelibus aut hæreticis sancita , modo ex usu & necessitate fuerint , justè vituperari non posse. Hinc & in sacro Codice legimus plurima exempla Patriarcharum & regum Judaicorum , quibus istæ firmatur doctrina. Sic Abraham fædere sibi junxit
Abime-

Abimelecum, etiam ad posteros, Cananæis nunquā neglectis. Iacobus etiam cum Labane idolatrā pactus est.

Israēlitæ cum populis infidelibus plurimis conjuncti leguntur, si septenos illos, quorum commercium erat singulariter interdictum, excipiamus. Lothus regem Sodomarum habebat socium, cui etiam in bello tulit auxilium. Macchabæi, licet sacrorū tenacissimi, Lacedæmoniorum expetiverunt amicitiam. Et Deus ipse voluit, Salomonis classē Tyrijs conjungi, cum tanta fæderis gratiā, ut opes immensæ inde regurgitarent, adeo ut gratam habuerit Tyriorum infidelium, in extruendo templo operam.

Quod si exempla Veteris testamenti missa faciamus, & ex posterioribus seculis argumenta conquiramus inveniemus D. Paulum primis Christianis injunxisse, pacem universalem, quæ omnes omnino homines complecteretur: adeo ut nec ipse recusarit, ad violentiam ex parte Judæorum intentatam, patrociniū ducentorum satellitum, & septuaginta equitum, tametsi infideles feciret universos.

Quid verorespondebunt, si obijciatur, fædus iniri posse cum omnibus, qui proximi nomine censeantur? de quo argumento minus dubitabit, quicumque meminerit, proximi dilectionem nobis ab ipso Dei filio injungi, cū autem infideles quique eo nomine comprehendantur, maximè ubi nobis benefaciunt, juxta parabolam, quam Christus de Samaritano nobis reliquit; concludēs tandem, fædera cum infidelibus, adeoque hæreticis permitti principibus, modo caveant in illā permissione abusum.

C A P U T XLIV.

Italia negotia.

HOc demū admonere placuit de fædere cū rege Sueciæ inito, ad restituēdos Germaniæ principes. Quis vero satis mirabitur, regē, quo tēpore illud agebat, etiā rebus Italicis lectū fuisse arbitriū, ad pacem reducendam?

Volupe est, solem aspicere, post tempestatem gravio-
rem colluctari cum nube, unde tempestatis fragores e-
gre diebantur. Perpurgatur aer, iussi parent venti, & se-
cessus suos repetunt, inaurantur montes per splendo-
rem redditum, reciprocant oculi mortalium radios lu-
mine gratissimo coruscantes.

Quanto vero iucundius contemplabimur regem, cui
gloriæ fortitudinis & potentiae invictæ, uti Soli splen-
dor, constat inter cæteros principes,. Sic noster dissip-
avit bellum, quo Italia à triennio laborabat, copias mi-
litares ad regressum compulit, libertatem commercio-
rum restituit, Italiam, Sabaudiam, Pedemontium & Ra-
tos felici pacis bono beavit. Id enim universa vidit Eu-
ropa, sub finem istius anni, dum per Galliam, uti me-
moravimus, tumultus illi ferverent. Instituímus igitur
seriem rei gestæ exponere.

Antequam autem ipsa pacis negotium explicemus,
nihil extra oleas versabimur, si dispositiones animorum
apud principes rimemur, ut negotia sic ad transactio-
nem universalem redigamus. Rex sub finem anni supe-
rioris didicerat, per cursorem à Leonio submissum, Im-
peratorí constitutum esse, pacem curare, & Mantuano
ad leges Ratisbonæ scriptas, investituram conferre: ju-
betur igitur Viennam redire, & regis studium in eandem
rem contestari, qui lubenter esset redditurus Sabauda
occupata, tametsi jure belli justos acquisivisset titulos,
modo investitura Ducatus Mantuani, & Marchionatus
Monferratensis consequeretur, & occupata itidem re-
stituerentur.

Neque enim Rex alio fine bellum illud sumserat, nisi
ut Mantuanus restitueretur in pacem solidam, exerci-
tumque ex Italiá deduceret, si Imperátor, Hispanus &
Sabaudus idem institutum susciperent; ambitionis im-
petu, ad invadendum illud Imperium projecto. Cum
itaque mentem illorum intellexisset, de pace indulgen-
dâ, tametsi Hispanus minus aperte loqueretur, Cardi-
nalis, nihil prius habuit, quam pacta Ratisbonensia ad
executionem promovere, per media convenientiora &
securiora.

Non

Non ignorabat, nulla lege teneri Galliam, ad reddenda omnia, quæ armorum iustitia dedisset, ut excederet ex munimentis per Sabaudiam & Pedemontium captis; non tamen ullis difficultatibus impediatur ad compendiaprostituenda, ut universa Europa intelligeret sincerum institutum; quod in Italiam nullus transisset, ad aliena corripienda, & pacem orbis Christiani turbandam, sed ex solo desiderio fæderati asserendi, ad possessionem tranquillam novi imperij, quod optimo jure obtigerat.

Politica reminiscencia.

PLurima argumenta principem impellere possunt, ad bellum externum pace terminandum. Constituet ille arma ponere, necessitate illorum evanescente, postquam desideria obtinuit. Injuste enim, inquit Thucydides, ducitur bellum adversus eum, qui satisfacere satagit, & ad quasvis æquitatis conditiones descendit. Nullum vero bellum iustum, nisi necessarium; adeo ut non liceat principibus dissidium vi armorum terminare, nisi omnis alia ratio deficiat.

Quicumque enim bellum ducere auct, nihil moratus satisfactionem ab hoste oblatam, odium undiquaque in suum caput corrivat, cum gloriampotuisset inire. Sic inter cætera argumenta magnam Augusto Imperatori peperit laudem, quod nullum unquam bellum suscepit nisi ex necessitate. Hinc apud Xenophontem licet legere, principem sapientem à bello abstinere, quantum possit, tametsi non raro prægnantissimæ urgeant causæ; cum teneatur pacem bello præferre, ubicunque republicæ, aut fæderatorum asseruerit commoda.

Belluarum atrocium est, bellum inceptare ex solo impetu iracundiæ: princeps enim, si sapiat, facile abjiciet arma, ubi tres illæ causæ eorum corripiendorum exolvere. Philosophorum scitum est; effectum carere necessitate, causâ motus desitâ. Id quod non tantum de causa efficiente intelligendum sed etiam define: cum rationi sit convenientissimum, ab agendo supersedere, ubi finis, suscepti operis prima causa, non amplius urget.

Cogi-

Cogitur fere etiam pacem exterius facere, ubi tumultus intestini revocant vires diffusas. Prudentia Medici experimento fuerit, qui longe majori curâ malum in visceribus quærit, quam quod per cutem erumpit. Bella Civilia maximè attinent ad rempublicam conservandam; externa gloriam quærunt, aut fines, ampliant. Quemadmodum vero necessitas prior est utilitate, ocyus revocabit vires, ultra limitem deductas, ut malo intestino obviet, cum vix par esse queat utrique instituto.

Pacem denique faciet, si obtinuit quæcunq; à fortunâ aut prudentiâ sibi promittere potuit commoda. Successus enim belli non semper pari stant talo, adeo ut nihil difficilius sit, quâ diuturnam servare expeditionem eodem numero. Victoria non semper prudentiâ præmium; fortuna multum sibi sumit, Sic non facile continget, navem post diuturnam tranquillitatem, tempestate porro carere, illusâ naucleri prudentiâ; ita vix videas, post bene multa bellorum commoda, sinistros emanere casus. Hannibal, ejus fortitudo & Italiæ & Africæ innotuit, desijt armis prosperè uti, Carthaginem reversus. Hinc sapientissimi quique summis ducibus suggerere solebant, ut commodè receptui canerent, ne gloriam quæsitam per fortunæ ludibrium perderent.

CAPUT XLV.

Cur Casala Hispanis sit magni momenti.

ERe Hispanorum fuerit, isti consilio inhærere, & in usu fortunæ magnæ, quam Ferdinandus, Carolus V. & Philippus II. obtinuère, persistere; si ambitio unquam admitteret limites. Id vero abundè sunt testati per hanc occasionem, ubi sese præbuère plane aversos à regis instituto ad pacem conciliandam; testati scilicet per complures actiones, id unum sese agere, ne Mantuanus tranquillâ uti posset possessione imperij novi.

Per-

Perfuaferāt sibi, regiam familiam per Zizania, quæ ipsi sparserant, & in animo reginæ maris atq; Aurelianensis fovebant, diuisam, vires colligere ad centrum, adeo ut Gallia adducendum per Italiam bellum nequireret sumtus erogare. Ita etiam credebant, reginam matrem tandem aliquando superiorē, Cardinali exitium conciliaturā, quo casu Casalæ facilis foret usus, à quā prædā Cardinalis, regionum consiliorum moderator, eos abstineret.

Ager Monferratensis, cuius Casala est caput, non magno extenditur spatio, magnitamen est momenti ad perficiendum institutum, quod à longo tempore sumserunt, de Italiâ subjugandâ. Hinc coacti sunt, acquiescere utroque extremo, Neapoli scilicet & Mediolano: adeo ut hic obstaculorum non minimum jaceat, ne per mediam Italiam dominantur. Quamprimum foret, uniuersa corripere, si potentiam, quā per Germaniam pollent, viribus Italicis adungere possent: Id enim unice satagunt à longo annorum cursu.

Frustra autem desudant, nisi Casalam obtineant, quæ vallo quasi secludit exercitus ex Germaniâ per Mediolanensem Ducatum contententes. Hæc summa causa, cur Casalam in oculis ferant, adeo ut ejus possessione frustrati, potentiam suam Fontani munimento terminari videant. Ex hoc instituto summam impendebant operam, ut Orator ad Sabaudum missus, aliquid commodi præstaret, tametsi justitia apprimè læderetur: Ille ad imposturam aptissimus, rebus transigendis abstinebat, ut semper integrum ipsis esset, pacem frangere, si consensum pactis negarent.

Quemadmodum vero principibus nunquam desunt prætextuum vela, ad institutum iniquissimum, pernegarunt quidem hanc machinationem, auspicia Imperatoris crepantes, unde nihil opus esset, Hispano nomine quicquam agi. Tandem tamen, post diversos conatus, ad impediendam pactorum executionem, satis testati sunt, hanc rationem imposturâ non carere, cum in eum scopum collinearent, ut pax neque coiret, & ipsi novum impetum adversus Casalam disponerent.

Politica reminiscencia.

Ambitio, aliquamdiu fortunata, ægre relinquit institutum quantumcunque injustum; Errant, qui autumant, fortunam esse cæcam, eo quod gratiam temere, & sine delectu spargit: cum ipse Deus, cuius oculi ipsi sole sunt acutiores, author celebretur omnium bonorum, quibus fors mortalium cumulatur. Licebit sane ipsam sine oculis pingere, quod plerumque cæcitate mulctet successuum eximiorum possessores.

Princeps, victorijs assuetus, nullam aliam sibi proponit legem in consilijs, præter voluntatis desiderium, quamvis id ius uni Deo competat. Respublica, quæ naturales complectitur, exigui ipsi videtur momenti, & studium ejus augendæ per vicinorum dispendia, consuecum præcipitant, ut sibi esse satis iurium credat, ad aliena rapienda, modo potentia conatum ne destituat. Sibi ipsi palpum obtrudit, Monarchias, quæ hisce postremis seculis iustissime possideri censeantur, nullo alio titulo fulgere, quam gladij, ex instituto Conquæstorum.

Libido dominandi, quo exercetur, abijcit curam profundendi sanguinis, in subjugatione novorum populorum, etsi orbis Unversus gemat sub violentiâ armorum, modo ipsi constet authoritatis incrementum. Exiit sensum humanitatis, & recordationem mortis, adeoque aleam extremi judicij, ubi cum pauperrimo rusticola necessum erit examen vitæ antea actæ subire. Ibi usurpatio alieni occludet portam cælorum, dum ambitio supplicia sponte attrahat, & inquietudinem augeat ad mensuram crescentis potentiæ.

Didicisset potius, regum felicitatem non sumi ex regnorum amplitudine; libidinem conquærendi majori labore, & periculo, scatere, quam voluptate; principes, alienæ libertati inhiantes, omnium mereri odium, tandem in angustias compingi, cum maxime extendere cogitarent imperij fines; æque iustum haberi, potentiam principis usurpare, & homicidio inquinari; Deum, regum utique judicem, insolentiam ipsorum plerumque sub-

subigere, & præcipitia minari, ubi altius evolare cogitant. Securius denique & jucundior fuerit dominatio, quæ fundamento justitiæ invitatur.

C A P U T XLVI.

Iura Mantuani nihil derogare Imperatori.

Imperator quidem per Leonium rectius erat edoctus, de sinistris persuasionibus, quas Hispaniæ ministri suggererant, armorum regionum per Italiam. Explicaverat enim verissimas causas, quibus inductus rex, causam Mantuani suscepisset tuendam, quæ nihil Imperij splendorem ineurabant; cum nunquam cogitaret principem illum à cultu Imperatoris retrahere. Demonstrata, fuerat series jurium, adeoque nullo alio crimine premi Mantuanum, quam quod Gallus esset, & perinde Hispanis exosus.

Atrox igitur injuria ipsi inferretur, si hæreditate caderet legitimâ, nisi rex Christianissimus eum tutaretur. Jam ad oculum patebat Hispanorum fucus, quo Imperatorem circumvenerant, ut Imperij potentiam mutaret ambitiosis ipsorum institutis per Italiam. Hinc evenit, ut negotij potens, cujus tamen minister duntaxat esse poterat, finem imponere cogitaret, Baroni Gallatio in eam rationem transmissâ facultate, qui cum legatis Galliæ conveniret de medijs, pacta Ratisbonensia exequendi, pacemque felicem Italiæ restituendi; promissâ insuper Mantuano investiturâ, quæ deberetur; quemadmodum & rex paratus erat, occupata Sabauda reddere.

Æquissimæ istæ rationes Imperatorem ad hocce consilium deduxere; verum enim vero & necessitas eum compulit, postquam rex Sueciæ in Germaniam longè lateque esset progressus, correptis insignioribus munimen-

is: adeo ut nihil reliquum facere potuisset, nisi Imperator exercitum ex Italiâ retraxisset. Videbat etiam, regem Christianissimum inijsse fœdus cum illo, ad tuitionem fœderatorum, unde infortunium vitari nequibat, nisi vires contraheret, quas ad sustinendos impetus vastarum potentiarum, Galliæ nempe & Sueciæ, hinc inde sparserat.

Politica reminiscencia.

Necessitas omnium optimè redigit principes ad rationis usum: leges enim fert, longe rigidiores, quâ quodcunque imperium: solam divinitatem agnoscunt potentiâ superiorem, sed & ipsam necessitatem. Eam nonnunquam ægerrimè ferunt, ubi in ambitionem impingit; felix nihilominus censeantur, si arma extorqueat, & ad laudatam adigat transactionem. Sapientissimi quique tanto facilius eius legibus parent, quod omni vituperio careat, qui conditionem ab ipsa impositam sequatur.

Excusationem præstat gravissimis erroribus; aliquando etiam satis benigna ad victoriam rapiendam, ubi conatum extremum imperat, in spe exili. In alijs casibus satis habuerit, pacem dedisse, inter partes, ad impotentiam belligerandi redactas: quæ tandem coguntur, quicquid ipsi lubet, suscipere. Ipsius enim est leges scribere, non vero recipere ab illis, cum censu abjectissimorum mortalium hîc habeantur æquabili.

Hinc Thales interrogatus, quid rerum naturalium esset fortissimum, respondit, Necessitas; eo quod omnia superet. Sic Citadellas subigit, ad deditionem, quæ tamen invictæ credebantur. Sic imperium absolutum exercet in arma, etiam supra rationem, Quinto Curtio asserente. Nulla eloquentiæ vis tantum animis suggerit vigorem.

Nulla potentia ei effugit
leges obsequij.

CAPUT XLVII.

Sabaudus & Mantuanus pacem suscipiunt.

Reliquum est, ut & Sabaudi & Mantuani faciamus mentionem. Nemo autem ambiget, utrumque ad pacem fuisse propensum, cum nulla alia ratio appareret ad Imperium redintegrandum. Oculis oboritur fastidium ex nimis diuturno hyemis rigore, ubi terra gelu & nivibus operata, colorem & vigorem amittit, cāporum planities torrentibus obruuntur. Sed longe tædiosius fuerit principi, rempublicam sub alieno iugo aspiceret; populares sub gravissimo bellorum onere gemere, villas, & oppida deferi; campos sterilefcere & horrere, terram sanguine cultorum madere.

Iustissimis istis rationibus motus Mantuanus, quas nunquam non Priaudius refutabat, ut quascunque mens conciperet pacis rationes, exponeret: adeo ut & Sabaudus induceret animum ad exordium anni mittere Comitem Druni, qui regi reverentiam & obsequium deferret, ad quodvis institutum. Videbat enim Hispanos id unum agere, ut Sabaudia detrimentum in suum converterent commodum; regem vero cui semper plus gloriae in fæderatorum causa tutanda quam terris usurpandis quæsitus, non alio fine subegisse Sabaudiam, & majorem Pedemontij partem, quam ut fæderatum asserreret, & necessitati pareret. Sic igitur nihil ambigebat, majora ad recuperandum imperium, in amicitia Galliaë, quam in Hispanorum compendiis momenta sibi servari.

Politica reminiscencia.

Nulla cōditio molestior, ex qua avidius elucteris, quam principis expoliati Impotētia, in quam delapsus est, eò est durior ex recordatione authoritatis amissæ: penuria ex memoria abundantia solita sit gravior. Casus illi vasti
non

non possunt carere aliquâ ignominiâ, maximè apud animinum, male sibi conscium, de temere excitatis ærumnis.

Non putantur satis philosophari, ad tranquillitatem animi, per ludibrium fortunæ servandam, ubi aliâ vivendi ratio est instituenda, quàm quâ fruebantur. Sic & impatientius inhiant imperio recuperando, quod sciant, auctoritatem semel eversam, prorsus præcipitari, nisi ocyus releveretur. Qui Nautclerus navem videt à tempestate exagitari, malo confracto, velis laceris, rudentibus ruptis, rimis hiantibus, ad portum contendit.

Et princeps, qui considerat munimenta sua in hostium esse potestate, redditus interverti, provinciam milite opprimi, populares diffugere, & copias adeo afflictas, ut interitum extremum propulsare nequeant; nimiam vexatur inquietudine, donec ex composito aliquando reddatur suis.

CAPUT XLVIII.

*Legati principum Christianorum conveniunt,
de pace acturi.*

HAc animorum dispositione agebant principes ad hexordium anni labentis, quotquot Italicis immixti erant rebus, aut Mantuano studerent. Pontifex Maximus, veluti pater communis, non parum contribuerat operi eousque promovendo, tum per fiduciarios, quos Nuntios vocitant, & aulis principum adherent, tum per Panzirolum Nuntium, qui ex Pedemonio, locisque vicinis nihil recesserat, ab eo tempore, quo bellum gliscebatur, si quam rationem incendij restinguendi inveniret.

Non minus intererat Pontificis, pacem coire, quam cæterorum, quod Ecclesiæ nemo ferè fervente bello auscultet aut obsequatur, ac si magistratus in urbe tumultuante frustra inclamet quietem. Accedit & illa ratio, quæ

quæ dominium temporale concernit, & immunitate gaudere nequit per belli tempestatem, & militum proterviam; cum Austriaci æque illi inhient, ac universæ Italiæ, quod olim nobilissimam fecerit Romani imperij partem, & vastissimus ille ambitus cum toto orbe ambitioni devoretur.

Ex istis causis justissimis Pontifex mittit Mazarinum ad regem, ineunte anno, cui per omnem justitiam competit arbitrium orbis Christiani, & per victoriam armorum licebat Italiæ indulgere pacem, ubi commodum videretur. Rex gratissimas habuit preces, quibus summum pacis studium aperiiebatur: adeo ut Thoirasius & Servientus paulo post legerentur, qui tanto operi laudatam applicarent industriam, delati Susam, non longe distantem Querasio, ubi Sabaudus ob pestis contagium hospitabatur, & principum legatos ex condicto expectabat, ad dispiciendum, quâ ratione pacta Ratisbonensia executioni traderentur.

Panzirolus Nuntius Apostolicus præsto est primus omnium, ut eâ diligentia testaretur ardentissimum studium & charitatem summam Capitis Ecclesiastici, ad pacem inter principes Christianos firmandam. Baro Gallasius, dux summus exercitus Imperatorij, cum amplissimis mandatis ad consensum, advolat paucis diebus post suscepta nova de armorum Suevicorum progressu, jam impatientia stimulis concitior, ad reducendum exercitum in Germaniam, victorisque cursum sistendum, cum nihil animadverteret, nimium illud studium cæteris fore compendio.

Sic igitur Servientus sibi abundum esse censuit, non expectato Marechalco Thoirasio, qui nondum emensus erat iter, & pauculos tamen interponebat dies, ut planum faceret, regi non minus esse desiderij ad pacem firmandam, quam fortitudinis ad bellum gerendum, quamcunque sortem hostes fæderatorum delegissent. Præses Bainsius à Sabaudis jubetur interesse colloquio, & Guichardus Monferrati primicerius à Mantuano, tametsi facultatem amplissimam legatis regis tradidisset, qui pro re natâ causam agerent suam.

Acces-

Accessit Cavaccia, à Republicâ Venetorum submissus sic tamen, ut sese regis legatis adjungeret, cum regē tanquam summum arbitrum negotij, & qui Venetorum causam esset curaturus, agnosceret. Neq; enim colloquio interfuere, quemadmodum nec Comes Roquæ, legatus Hispaniæ extra ordinem, quod mandatis & facultate destituerentur, quod superius attigimus, accesserant tamen, ut transactionem impedirent. Istis igitur negotium tanti momenti fuit commissum, ex quibus ausim dicere, illos regis Christianissimi Comiti Roquano & Gallasio satis experimenti dedisse, Nationi Gallicanæ non minus esse prudentiæ in deliberationibus, quam fortitudinis in armis; adeo compositè procedebant.

Plus sane ignis ipsis fuisse non negârim, quam Hispanis & Germanis; neq; tamen deerat phlegma, ad expendenda proposita. Genij isti acutissimi penetrabant ad ima negotij, sed per frænum prudentiæ referebant tantum necessaria: soliditas ipsorum excipiebat cæterorum assultum, quemadmodum prudentiâ eludebant artes, decipularû vastramenta: sed patientiâ vincebant phlegma Gallasij & Comitis Roquani; quibus statim eripueret spem quicquam obtinendi, ex quocunque capite, nisi ratio æquitatis subesset.

Postremi Querasium adventârunt, etiam in conventu sæpius expectati, rarissimè cæteros præstolati; ut indicarent, sibi properato nihil opus esse, nec negotio extremam imposituros manum, nisi per honoris famam, & principis sui emolumentum. Facile utique apparebat, fiduciariorum Imperatoris, Sabaudi & Mantuani

satis instare, propter conditionem principum suorum perquam afflictam:

inde sane non parum

compendij ductum.

Politica reminiscencia.

Quacumq; tandem eminentiâ polleant principes, nō tamen facultatem habent negotia sūma reipublicæ ipsi transigere, adeo ut ex necessitate cogantur ministro-rū aliquos adhibere. Quod si capaces fuerint, abstinebūt tamen per prudentiâ negotiari cum Exteris. Non tantum indignum id maiestate, quā resplendent, millenis diffi-cultatibus enodandis incumbere, & autoritatē conte-stationibus, quæ colloquijs sunt familiares, permittere.

Maximè etiam considerandum fuerit, maiorem serva-ri libertatem per legatos, ut postmodum conditiones in-gratas repudiare queant, nullā necessitate causarum pro-ducendarum impositā. Habent etiam tempus ad delibe-randū amplius, ut pacta vel rata habeant, vel expungant in particulari, apud consiliarios, quod in conventu exte-rorum non licet. Iudicabunt etiam per ampliorem noti-tiam, cum instructi sint, antequam pronuntiandum fue-rit, de omnibus momentis partis adversæ, quæ ipsissimi legati, qui rebus agendis intersunt, non nisi successively & cum tempore comprehendunt, tametsi teneantur capita pactorum per seriem deliberandi instituta decidere.

Quemadmodum autem negotia pacis eosunt majoris momenti, quod agatur de suavissimo vinculo societatis humanæ resarciendo, de nutritio legum, ordinis & poli-tiæ, de ipsâ scaturigine tantorum bonorum, legendi profecto fuerint viri spectatissimi. Dotes igitur neces-sariæ ad negotia ista peragenda, non possunt in compen-dium augustum conferri: satis habuero, primas recensu-isse; Dico igitur, Notitiam requiri exactissimam negotij, cum emolumentorum rationibus utrinque, adeoq; fæderatorum, cum sine ea curâ facile possit decipi.

Secundum primam illam virtutem, prudentiam ipsi adjungo, tanquam oculum, ut dispiciat, quid facto opus sit, firmato, & declinato, prævideat quid ex proposi-tis consequi & educi possit, ad talionem objectorum du-biorum. Sic habuerit mediocri copia, ad finem à prin-cipe constitutum, & rationes ab adversario circumdatas, eludet. Ista prudentia sedatam mentem postulat, quæ
præ-

præcipitium quodvis caveat. Plus plegmatis habeat quam ignis, ut cohibere queat impetum, ad finem patrum decurrentem temere.

Cæteris permittat contestationum fervorem, nihil motus de suo scito, ne callidius respondeat ad objecta, aut à propositionibus fundamentalibus abstrahatur, quarum determinationem ante omnia quæret. Ancipitem esse, periculum trahit extremum, non tantum, quod compendia inde ducantur adversæ parti, sed quod fervor remittat, quem omnibus sententijs circumdabit, ad perurgendum, quæcunque principis commodo inservire queant. Nolim prudentiam illius nimiam subtilitate pollere, nisi dotibus ornetur omnibus, quæ genus ex censu communi tollunt; cum experientia compertum dederit, subtiles illos & acutulos plerumque in cogitationibus oberrare, donec rationem chimericam amplectantur, majori specie, quam usu.

Negotium pervertunt, quintæ essentia extrahendæ intenti, quemadmodum metallorum excoctoribus usum venit, qui atrâ fuligine longos labores testantur, & præter ventum nihil capiunt. Taciturnitas inde admodum necessaria est, quod institutum propalatum eundem cum cuniculis explosis usum habeat. Meminerit igitur, æque indecorum esse, nudasse corpus, ac animum. Quemadmodum porro non licet esse taciturnis, præter dissimulationem, polleat genio satis forti & industrio, ad fucandum institutum, adeo ut videatur ad alios fines collineare, quam quos sibi præfixit.

Usum tamen fuerit tantum in rebus gravioribus, ex liberali conversatione, quæ famam sinceritatis conciliet, & fucum tantò facilius occultet, ad persuadendum. Op-tandum denique fuerit, ut sit verborum potens, tum ut rationes suas expeditè proponat, tum ut vigorem subdat, ad eliciendum assensum; unde tanta virtus illis ac-

cedit, quantum languor detrahit utilitatis, si quando comes sequatur.

CAPUT XLIX.

Transactio pacis Querasiana.

Cum jam confluxissent fiduciarii, instituitur conventus, ordine sedendi prius exacto secundum jura maiestatum. Placuit, Panzirolum cōsidere extremā ad mēsam, quem locum Itali honoratiorem habent, Gallasius ad sinistram, Thoirasius ad dextram; Servientus infra Gallasium, & Bainsius ex adverso; Guichardus in extremā mensā, Nuntio oppositus.

Primitus quidem, & antequam conventus iniretur, disceptatum fuit aliquantisper, quod Gallasius & Roquanus simul venerant Servieutum salutatum, ubi Roquanus Gallasio superior ambulabat, unde Thoirasius & Servientus inferebant eandem dignitatem, ne quid regia maiestas detrimenti pateretur: id quod omnino futurum erat, si passi fuissent Hispaniæ legatum præcedere.

Roquanus autem id compendij apud Gallasium quærebat, quod mandata saltem ferrent nomen fiduciarii, & regum legati præcedant Commissarios Imperatoris, licet locum cedant ipsius legatis. Pronuntiatum tamen, ut legatus Hispaniæ hac vice cedat fiduciario Imperatoris, nisi Gallasius itidem mallet cedere legatis regis Christianissimi. Sic sane publice ferebantur, ut in curru pensili Roquanus recumberet inferior Gallasio, & secundum illum Thoirasius & Servientus sequebantur.

Ordo sedendi constitutus esset, ceptum agi de ratione exequendi pacta, quæ Ratisbonæ anno superiore coierant, quantum res Italiæ iis continerentur. Cætera enim rex Christianissimus rata nunquam habuit, quod legati mandatorum summam essent transgressi. Duo autem erant capita maximè disceptanda: alterum de decies octies millenis aureis, qui censu annuo

deberentur ex agro Monferratenſi Sabaudo; in quem finem obtineret Trinum, & ex latifundijs priſcis, quantum ſatis eſſet ad hanc ſummam.

Alterum ſpectabat modum reſtituendorum munimentorum, per Mantuanam, Manferratenſem, Sabaudia & Pedemontij provinciās Conteſtationes utrinque ſatis fervebant, adeo ut pacta ſexto demum Aprilis firmarentur: per ea Sabaudo aſſignabantur tantum quinque decies milleni aurei annui, ex agro Monferratenſi, aurei pretio ad octo florenos producto, ex conſideratione oppidorum & latifundiorum, quæ auſerebat, juxta computum in Conventu exactum.

Iam de reſtitutione munimentorum, convenit, ut nuper excitata complanarentur, copiarū utrinque deducerentur, cætera loca eodem tempore redderentur. Ad firmādam autē reſtitutionē obſides utrinque tradentur, omnia quantum fieri poſſet, juxta pactorum Ratiſbonenſium præſcriptum. Cum autem metueretur, ne Auſtriaci malent tres obſides potius cuiusque fortunæ permittere, quam Ratos, quorum provincia Germaniam cum Mediolano connectebat, miſſos facere; convenit priuatim, ut Suſa & Auiliana committerentur ijs Helvetijs, qui cum Gallia & Sabaudia ſædus feciſſent, donec munimenta & anguſtiæ, à Merode occupata, libera relinquerentur, cum hac tamen appendice, ut in manum Thoirasij ex ordine præſidiorum libera fierent, reſtituerentur.

Postquam igitur generaliter fuiſſet tranſactum, in particulari actum de cauſis inter regem & Sabaudum controverſis, & concernebant maxime reſtitutionem Pedemontij & Sabaudia, ut pax ſecura poſſet conſtare inter populares. Non operoſe ibi proceſſum, cum nihil fere occurreret eximium, & pene eādem rationes reciprocarentur, quæ anno ſuperiori valuerant.

Gemina iſta pacta tandem firmanur per appreſſa ſigna, ad univerſalem omnium voluptatem, præter unum Mantuanum, cui ægrè faciebat ſumtum reſtitutio, ac eoque Roquanum, cui bellum quocunque pretio placebat; cæteri enim omnes lætabantur, ſic Italiae eſſe redditam

redditam pacem, quæ per triennium præbuisset theatrum cruentis tragædijs.

Politica reminiscencia.

Felicem vero principem, qui provinciam diutius vidit bellis horrendis rapi & conculcari, pacis deinde securæ fit compos. Sic enim aspiciet summam illam magistræ artium, quæ neq; propagantur, neq; vigent, nisi per ipsam, solita resumere exercitia, interrupta tumultibus. Sacra contemplantur, ex quibus, juxta prudentis illius Imperatoris sententiam, rei publicæ salus aut exitium pendet, pristinum suscipere splendorem, ex turbis prioribus valde sublestum.

Gaudebit proximè, oppidula, perviolentiam armorum deserta, ex cineribus resurgere, & numerum facere lætabitur, populares officio fungi, in abundantiam & tranquillitatem migrare, agriculturæ vacare, commercia resumere, itinera frequentare, terram messè ditescere, omnia deniq; pristino splendori accedere, & ordini, leges ac statuta, quæ ad clangorè tubarum obmutuerant, silentium rumpere, justitiæ throno insidere, autoritate solita fulgere, contemptoribus pavorem insinuare, denique vestem lugubrem poni, & magnificentiam, cum omni genere lætitiæ, & voluptatis, reddi.

C A P U T L.*Alteræ transactio de pace.*

Capita illa de transactione generali tantâ prudentiâ & æquitate disceptata placuerant, ut mentes æquissimè merito acquiescerent. Hispani vero, quibus curæ erat turbare denuo, imperatori persuadent, nescio quid immane sub illis capitibus privatis occultari: adeo ut ad Sabaudum perscriberet, testatus offensionem, quod Susa & Avilianæ Helveticorum potestati permitterentur, pacta

illa ne signare quidem dignatus, tametsi Ratisbonæ clarissime convenisset, aliam posse iniri viam, quam per obsides, ex arbitrio fiduciariorum, & mutuo consensu.

Ista difficultas poterat turbare omnia, nisi ministri regis Christianissimi diverso sensu, quam Hispani egissent: cum autem nihil aliud meditarentur, quam ut securum legerent medium locis utrinque restituendis, nihil distulerunt redire ad conventum in eundem finem. Disceptatum usque ad nonum decimum Iunii, quo die altera pacta signis fuere firmata, quibus priora per omnia constabiliesbantur, præter caput illud privatum.

Gallasius stipulabatur intra vicesimum quintum diem investituram utriusque feudi, vel Mantuano, vel saltem Leonio, aut Episcopo Mantuano, in aulâ imperatoris versanti conciliare, & expeditam, & signatam. Promittebat etiam, Imperatoris exercitum ex Italia deducere, de cæteris convenerat secundum pacta superiora: nempe ut propter restitutionem occupatorum obsides utrinque traderentur, ex parte quidem Imperatoris, Piccolominæus, Chisanus & Vilebenus; ex parte autem regis Thauanus, Nerestanus, & Agabonus, qui ad vicesimum Augusti in potestatem Pontificis cõponerentur, hæc interposita fide, ut non redderentur, nisi post executionem pactorum ex nulla alia autoritate, quam sequestri.

Sic igitur deinceps Thoirasius & Servientus fidem dedere, de Brigueraso per eundem diem Sabaudò reddendo, quo Gallasius, qui sponte obsidis conditionem sumisit, munimenta & angustias Rætorum relinqueret: quemadmodum Susa & Auiliana, cum munimentis vicinis, alio die redderentur Sabaudò; quo Portum & Cannetum Mantuanus reciperet: & continuo Pinierolam in manus Sabaudi concederent, ubi Gallasius Mantuam legitimo Domino restitueret, ut quilibet sua eodem tempore obtinere posset.

Hæc transactio utrinque signatur, quam Imperator & rex Christianissimus habuere ratam. Inuestitura
Man-

Mantuae & Monferrati expeditur secundo Iulij, quo nuntio perlato, suscipitur executio singulorum capitum. Obsides creduntur Cardinali Pallotta, quem Pontifex in eum finem submiserat, ad omnia consentiens, præter rationem munimentorum & Vallis Telinae, Rætorum & Clavennæ, quibus Pontifex sibi abstinendum censuit, quod populares essent hæretici, & summam auctoritatem nulli agnoscerent. Gallasius tamen, nequid deesset semet ipsum constituit obsidem in potestatem Mantuani, ad maiorem verborum fidem.

Briguerasum cum cæteris villioribus locis Sabaudia redditur Marchioni Villano, Sabaudi fiduciario, eodem die angustijs Rætorum in potestatem legitimorum dominorum concedentibus: sic Mantuani agri loca occupata, præter Mantuam, Portum & Canetrum, Marchioni Pomarae, Mantuani fiduciario reddita: Quinto decimo Septembris Susa & Auiliana rediære in potestatem Sabaudi, Portum verò & Canetrum in Mantuani ad eò ut tandem vicefimo secundo ejusdem mensis Galli desererent Pinierolam, & Germani Mantuam: sic omnia sua quæque principibus reddita, possessionem legitimorum imperiorum constabiliuere.

Cardinalis Pallotta, qui obsides ex Pontificis mandato habebat in potestate, secundum ista liberos dimisit: & sæva illa tempestas, universam Europam concutiens, & nullam non rempublicam orbis Christiani territans, locum fecit paci jucundissimæ, postquam rex eam gloriam retulit, qui federatos asseruerit, adversus omnem Imperatoris conatum, Hispanorum technas & Sabaudi lubricitatem: Cardinali relictus honos, qui omnes omnino vicerit adversarios & armis & consilijs.

Politica reminiscencia.

Ferè semper necessum fuerit, securitati consulere ad executionem pactorum, inter eos maximè principes, qui diffidentia invicem laborant. Alijs placuere munimenta, Carolo VIII. utique per expeditionem Neapolitanam, quæ à principibus Italiae sumserat. Alij ma-

luere matrimoniorum vinculis fidere, quod historici de omnibus pene bellis memorant: mos tamen obsidum tradendorum, & antiquissimus & vulgatissimus.

Satis difficulter fides invenit locum per promissa, apud animos bellorum protervia exacerbatos, maximè ubi executio in diversatè poris & locorum monumenta distribuitur. Pronū enim foret principi, fallere, qui fidei datæ exiguā haberet rationē. Quapropter exēpla aliquot obsidum proferemus, illudq; Ludovici sancti, qui cum Sultano Babylonie transfegerat, & ad maiorem fiduciā patrum obsides dedit Comites Pictaviæ & Andegavi.

Carolus rex Navarræ gener Iohannis regis, contrucidato Carolo Hispano, Gallie Cōnestabili, regi dilectissimo, nunquā sustinuit ad aulam venire, nisi rex obsidem dedisset Ludovicum Comitem Andegavensem, secundo genitum, quem Ebroicensiū oppido, custodiaq; fratris tradidit. Idem rex Iohannes, per quadriennium captivus in Angliā, libertati non potuit reddi, nisi post solutam partem redemptionis, & obsides traditos, ad fidem reliqui pretij itidem solvendi.

Obsides erant Ludovicus Andegavensis & Iohannes Dux Bituricensis, filij: Ludovicus Burbonius, Petrus Comes Alençonij, Iohannes frater Comitis Estampensis, omnes regio sanguine nati: Guyus, frater Comitis Blæensis, Momorantius, Hangeſtus; Sanvenantius, Andreselus, Rupeljuyonus: Comites SanPauli, Cuslij, Brennæ, Harcurti & Granprati. Cum res sit vulgatissima, operam ludere desinimus.

CAPUT LI.

Conatus Hispanorum, ad frangenda pacta Queraſiana, unde denuo transactum Mireflorij.

Quamvis vero universa hæc loca redderentur, Hispanitatem, quorum consiliaari inciduntur, ut ætatem ferant, à sese impetrare non poterant, ut copias

ex Italia deducerent, Imperatorias in Germaniam remitterent, nullo operæ pretio facto. Moras igitur nec tūt per agrum Mediolanensem & viciniam illā, simulatā necessitate firmandorum præsidiorum, & permissione, quā Ferrariensis esset propediem reuertiturus, ad transitum versus regnum Neapolitanum aperiendum.

Quas Dux Ferianus promiserat exauctorandas inde à mense Julio, nondum discesserant à signis mense Septembri, quæ tergiversatio etiam restitutionem occupatorum retardabat. Rex etiam certior factus, postridie expeditæ investituræ inventam rationem, quā Imperatori extorqueretur actus juridicialis, per Curiam imperialem promulgatus, quo transactio ferebatur vana, nisi juxta pacta Ratisbonensia executioni darentur singula capita; tametsi verbis clarissimis convenerat, de investiturā purè & simpliciter, præter ullam limitationem conferendā.

Sic sane, propalabant consilia de pace frangendā, ad quamcunq; cominodam occasionem, cū Declaratio illa scaturiginem præberet novis turbis, & ipsis primum foret, postea actiones Mantuani carpere, ubi & interpretes & judices fierent, ad evertenda pacta. Neq; tamen hoc uno iudicio mentem aperuere. Comes enim Merodes, qui ex instituto Feriani tantummodo agebat, quidvis insolentiae apud Rætos committebat, coactus quasi regem, ad pacta, per justissimum animi dolorem rumpenda.

Literæ etiam Roquani, cum cursor in manus prædonum incidisset, quibus major cura argenti corradendi, quam papyri colligendæ, nullū dubitandi relinquebant locum, quibus legendæ exhibebantur, quin operam dederint, si quā Reginæ matris & Aurelianensis ægritudines in dissidium irreconciliabile differrent, ut locum vindictæ sumerent, de tot dispendijs. Etiam novas scribebant copias per agrū Mediolanensem, quasi pensi haberent, omnibus mortalibus consiliorum scopum exerere. Tandem etiam nihil omisere, ut Mantuano persuaderent, Casalā & Mantuā dimitteret Gallorum exiguas copias, quas precario obtinuerat, ad defensionem; quas tamen ipse vix satis numerosas cerne-

bat, ad subitam invasionem propulsandam: ut ipse undiquaque debilior, sese absorbendum facilius exhiberet.

Rebus igitur sic stantibus, ut nemo de Hispanorum instituto amplius ambigere posset, quin bellum anno proximo essent resumturi, regi minimè consultum videbatur, Italiam prorsus missam facere, nisi pace constabilità, & libertate assertà, per alias, quàm pactorum rationes. Immanes enim sumtus fecisset inanes, & vitam tot Gallorum vanæ morti obtulisset. Hinc igitur nova securitatis fulcra, in salutem fæderatorum quæsitâ, ut Sabaudus intelligeret, sese cum cæteris eodem premi securitatis dispendio, postquam Hispani ex vitæ instituto diffidentiam conceperint, & offensionem per diversas occasiones illatam, satis clarè testentur.

Cardinalis etiam regi demonstrabat, prudentiæ ductum sequendum, nec Italiam penitus omittendam in eo periculo; uteretur potius, id quod necessitas requirat, autoritate, quâ apud Sabaudum polleret, ut aliquem locum munitiorem impetret, ad transeundum in Italiam, si tertium opus esset arma inferri. Rex, cujus iudicium sapientiâ æquè pollet ac æquitate, continuo agnovit pondus istius consilij: adeo ut Serviento mandaret, apud Sabaudum hærenti, ut peteret sibi Pinierolam, Susam, Auilianam aut Sauillanam, ad tempus aliquod permitti, donec Hispani coercerentur, à novis invasionibus abstinent.

Propositio hæc videbatur satis peregrina, ad offensionem animi: Servienti tamen prudentia obtinuit in hac negotiatione, ad gloriam regis, & libertatem principum Italicorum, quicquid desiderabat. Tot tantisque rationibus apud Sabaudum demonstrabat Hispanorum consilia ad bellum resumendum, justumque metum Italiæ subjugandæ, ubi gratia Cyclopi ad summum ipsi obtingeret, unde intelligere cepit, quantâ curâ securitas & defensio sibi esset quærenda.

Servientus rectè dijudicabat, diffidentiam, principum malum familiare, non facilè permissuram locum tanti momenti, cumq; in manus alienas tradi: sed ubi per animum reduceret ingenuitatem, quâ rex nuperi-

mè restituisset maiorem imperij partem, summumque gloriæ gradum in defensione fæderatorum constituere, tandem persuasit Pinierolæ deditiōem, donec Hispani compertum darent institutum Italiæ deferendæ. Pacta cojere, & signata sunt Mireflorij, nono decimo Octobris, hoc eodem anno, & continuo executioni data.

Non dici potest, quo fastidio Mediolani gubernator rem intellexerit, & quo animi sensu conquereretur literis ad Sabaudum datis. Responsum tamen tulit non minus fortitudinis, quam prudentiæ plenum: suum factum, cuius principi convenire, locum longe rectius in potestatem regis Christianissimi deponi, quam cuiquā credi, postquam per clementiam ipsius recuperasset imperium, quo per cæterorum bella excidisset.

Politica reminiscencia.

Princeps sapientiæ laudem meretur, qui pacem constituens, prævidet pericula belli ingruentis; & qui ad conservationem reipublicæ, in felici tranquillitate, sequestro & fiduciario aliquam urbem permittit, ut sub autoritate magni Monarchæ ab ærumnis asseratur. Quicunque enim sibi securitatem in protectione promittit potentissimi alicujus, rempublicam constabili- vit, pacem suis asseruit, terrorem hostibus objecit, audaciam invasionis declinavit.

Longe diversa hæc sunt commoda, ad utilitatem cuiuscunque loci, quem permittere possit: unde sapientiæ non vulgari attribuitur, si tempestatem præveniat, ad imitationem Naucleri prudentis, qui naufragium integrum metuens, jacturam aliquarum facit mercium, laudatè accommodatis consilijs ad tēporis necessitatem. Etiā in lucro ponet, aliquo oppido cæterorum redemptam securitatem.

Satis compendij auferet princeps, inquit Augustus apud Suetonium, si res suas extra periculum noxæ ponat. Urbs pomærium proferet quidem, sed à violentiā nunquam asseretur, nisi per regem potentissimum. Ferdinā- dus rex Neapolitanus, sapientissimè constituit, per inopiam pecuniarum, & penuriam viriū, quæ ad recuperā-

dum regnum erant necessariae, Gallis id possidentibus, ratione fœderis defensivi & offensivi, quod pangebatur, Venetis, qui cum admittere negabant, permittere Tarantum, Brundisium & Travam, præter Monopolium & Suliquanum, sub fide restitutionis, si ducenta millia Ducatorum rependeret, quos sumtus in ejus gratiam fieri erat necesse.

Sola vero prudentia potest demonstrare, nullis alijs operose conquisitis exemplis, longe sapientius amitti partem cum securitate, quam pertinaciter conservationi studere cum periculo evidenti reliqui penitus perdendi.

CAPUT LII.

Quando Sabaudus promiserit Pinierolam regi.

Quemadmodum principum actiones longè facilius trahuntur in sensus diversos, quod à reliquo genere mortalium accuratius perpendantur, & consilia foveât abstrusa, ita pactum illud Sabaudi plurimis dedit occasionem divinandi, adeo ut non pauci judicare satagerent de alio scopo, quam verba sonarent. Permittebat enim regi oppidum & castellum Pinierolæ duntaxat in sex menses, idq; securioris fidei ergo, de angustijs per suam ditionem recludendis, de apparatu bellico, annonâ & alijs necessarijs concedendis, quotiescunque usus esset, ad tuitionem fœderatorum per Italiam.

Plurimi tamen credidère, oppidum regi absolutè permissum, etiam antequam Thoirasius & Servientus Parisijs abirent ad transactionem Querassij institutam. Agebant Comitem Druini pacta ab exordio Januarij detulisse, fide datâ; de potestate transmittendâ. Sicuti autem id nunquam fuit declaratum, ita divinationi sit simile, scientiâ ob rationum certarum fundamentum nullum deficiente.

Id vero tandem in universum dici potest, si Sabaudus consensit ad Pinierolam regi penitus mittendam,

dam, ut sic reliquum Imperium conservaret, actionem fecerit eximiae prudentiae, id quod modo verum fecimus: si & Rex procuravit hoc compendium suae Coronae, actionem iniit justissimam, cum sic antiquum, quod perierat per nimiam conniventiam antecessorum recuperarit dominium.

Erexit trophæum gloriae, armorum felici successu per Italiam quæsitum; conservavit partem justae possessionis, bellorum scito universalissimo. Omnes omnino fœderatos trans Alpes protexit, & ambitionem Hispanorum definivit. Quæ rationes justitiam adeo evidentem trahunt, ut gravissimè persuaserint potiori parti mortalium, Pinierolam absolute fuisse traditam.

Nam præter omnem rationem caruisset rex omni fructu victoriarum, expensis quinquaginta millionibus, sine ullo operæ pretio. Quorsum tantæ ad asserendos fœderatos prudentiae sollicitudines, tanti ad superâdas angustias cõatus, si Hispanis liberè permittatur usurpatioes continuatæ. Idvero fuisset renunciare iuribus legitimis.

Erat etiam, cur de veritate pactorum dubitaretur, fortassis ex effectu, qui semper negabatur, & in conventibus dissimulatus, hætenus delituit in occulto secreto-
rum. Quicquid sit, prudentiæ Cardinalis debetur, qui omnium optime novit consilia ardua per taciturnitatem rectissime confici, ubi fragmenta laudem ferunt, modo utilitate polleant, sine labe injustitiæ.

Politica reminiscencia.

Quamvis dissimulatio plerunq; vertatur vitio inter particulares, summè tamen est necessaria principi, ut summa consilia occulta relinquatur. Sapientissimi quiq; nunquã convertunt aciem oculorũ ad scopum: faciunt, quod meditantur, & sæpiissimè nõ meditabãtur quæ dicunt. Quibus cor in labijs versatur rectius circulos recreabunt, quã ardua patrãrint: cdmistratio enĩ rei publicæ theatrũ est, ubi actores sæpius faciem & vestè permutat.

Quicunq; optimè tegit institutũ, habetur industrius, & facilius scopũ obtinet: adeo ut implicitus cũ homine
sub-

subdolo, negotij molem sentiat. Quod si omnia, utut sunt vera, propalentur, nihil fuerit occultum, nullus ardua sequeretur effectus optatus, cū notitia tumultus sit signū, ut ad arma concurratur. Licet negare, quæ secreta profunt aut nobis, aut amicis, nullā cuiquā mortaliū factā injuriā. Prudentiæ summæ fuerit, communicare quæ nō taceri istis, illis vero cōstantissimè pernegari debeat.

Sic Ludovicus Maurus, dux Mediolani, pactus erat cum Carolo VIII. ut angustias in Italiam moventi regi aperiret, & in cæteris faveret; quod tamen regi Neapolitano, Pontifici maximo, & Petro Medici nūquam confiteri voluit, tametsi rumor id ferret, & indicia pene manifesta apparent. Hæc igitur infitatus asseveranter, diu tenuit ancipites, ut quo se verterent vix scirent.

Sic verissimum, veritate alicujus instituti negatā, dubitandi rationem insensibiliter imprimi animo etiam obstinatissimo. Quamvis autem integram illi non applicent fiduciam protestationibus, in contrarium factis; isti tamen obstacula quævis remorabuntur, instituto impediendi dilato.

C A P U T LIII.

Subsidiorum Curia interdicatur.

UM Cardinalis eximia prudentia in arduis occupatur, alia quædam per regnum suboriebantur, silentio non involvenda; cum maximè genius illius qui omnia disponit, per institutum axiomata quædam ministris apprime utilia expedierit. Sūtus vā grandes ultra quadriennium in bella effusi, ærariū exhauserant; factio nes apud reginam matrem & Aurelianensem, imponebant necessitatem conficiendæ pecuniæ, ad sustinendam armorum potentiam, quam meditabantur.

Hinc rex cogebatur novū popularibus imponere onus, eo majori cum sensu animi, quod jam ex Cardinalis suggestionē nonnulla sustulisset, ad eos exonerādos. Nec-
cessi-

cessitas tamē cuius imperiū absolutius est mandatis principū, usū eaten⁹ distulit, donec rerū cursus in pacē securam desineret. Unde Rationum Curia nihil difficultatis nexuit, quin promulgaret ediētā parsimonīæ oblata: id quod à Curia subsidiorum impetrari non potuit.

Comes renuntiat, sese ad futurum ipsis, ad eadē præstanda, ex autoritatē regis: ibi omnes eo tumultus sunt prolapsi, ut Curia egrederentur, quasi eā fugā declinare liceret officium promulgandi. Sic sūc Comes ingressus, subsellia invenit vacua. Quæ imprudentia in contemptum autoritatis regiæ vergebat; in exemplum summa perniciosum, cum magistratus sint instar primi mobilis, quod universos cælorum orbis trahit inferiores.

Ubi vero populares hoc modo possent in seditionē deduci, & subsidia regi debita negare, quæ suo jure, per necessitatē Reipublicæ postulat, id quod diximus, iustitia & prudentia punitionē exemplarē efflagitabant. Privantur igitur exercitio muniōrū, jubentur quidā supplicationū magistri, adeoq; consiliarij summi senatus, iustitiā exercere illius fortis, & pronuntiare de causis illius fori.

Per aliquot menses id fiebat, ut recordarentur in posterum, voluntatem regis non impunē contemni, cum sic redderentur indigni, qui floribus liliorum insiderent, ad quorum splendorem conservandum necessaria contribuere recusārant.

Politica Reminiscētia.

Nullam offensam rex gravius punire debet, quam quæ contemptum trahit. Quemadmodum enim is subditos nullo negotio continet in obsequio, quem venerantur, ita minimē curant mandata, postquam in contemptum incidit. Sapiētissimi Politicorum semper existimāunt, reverentiā esse fortissimū autoritatis columnē. Splendor solem facit venerabilem mortalibus; & autoritas principis subditis maiorem ingenerat reverentiam & obsequium.

Ubi per contemptum violari incipit, nihili fiet; conculcantur ipsius statuta, voluntas nullius est ponderis, adeo

deo ut invasores metuere posset. Equidem contemptum majora pericula, quā odium trahere dixerim, cū rex ex oſus poſſit timeri, metu populares in obſequio continēte: qui vero in contemptum ſit prolapſus, neque metum, neque amorem feret, extremæ conſuſioni proximus.

Odium plerunque ſuſcitāt perduelliones, contemptus autem gravius graſſatur, cum & metum offendendi adi-mat, & audaciam nocendi indat. Ex omnibus autem ane-tus ſpeciebus nulla eſt gravior, quam ubi magiſtratus culpam incurrunt, à voluntate & mandato principis diſcedentes. Non facile in eum conſurgitur, qui à magiſtra-tu honoratur; & viceverſa, temere offenditur, quicun-que exiguo eſt aſtimio.

Deberent autem reverentiam authoritatis maximè colere, quod exemplo ſuo populares valeant continere in officio: cedant potius majeſtati ſupremæ per obedi-entiam, quam ut ſuo exemplo perduellionem ſuadeant, mandatis recuſatis. Illa oppoſitio conſuſionem rerum infert irreparabilem, & vim extorquet, ad perurgenda Ediſta, unde populares continuo de illorum injuſtitia ſuſpiciantur.

Secundum omnia iſta, non minus reverentiæ & obſequij debent regi, quemadmodum juſtitiam debent ſubditis. Blandientur ſibi per vanitatem periculoſam, ſi credant, ſeſe inſtitutos, ad circumſcribendam illius potentiam, cum præſentem ſuppliciter rogare queant, & ipſius voluntatem implere debeant. Omnis ipſorum poteſtas evaneſcit ad aſpectum regiæ; quotieſcunque ipſi lubet agere, neſas eſt, mandatorum cognitionem ſumere, niſi ad libertatis indultæ modulum, quemadmo-dum univerſæ ſtellæ diſparent, ad Solem orientem.

Eam autem largitur libertatem, ut queant humillimè docere, ſi quæ offendunt, non autem abſolutè reiſcere, & cum contemptu impedire executionem: cum ſane conſuetudo promulgandi Ediſta non per neceſſitatem fue-rit introducta, aut per dependentiam regum ex Curijs ſu-perioribus, ſed ut cum majori ſubmiſſione executionem adipiſcantur, etiam exonerentur mandatis, quæ aulico-rum impoſunitas regi extorquere ſolet, nullo reſpectu aut juſtitia, aut rei publicæ.

CA-

CAPUT LIV.

Rex fœderatur cum Duce Bavariæ. & Electore Trevirensi.

SUMMÆ curæ videbatur regi, adversus arma Imperatoris muniri, quod id temporis offensionē testaretur animū, ob suppetias principibus Germaniæ submissas, & quod Mediovicum cū cæteris ex Episcopatu Metensi divulsis locis, recuperare Imperator instituisset. Hinc Cardinalis, cuius oculi ad cōmoda reipublicæ sūt pervigiles, demonstrabat regi, consultū fore, ut de ijs certior fieret, qui expeditionem invadendæ Galliæ juvare possent: neminem autem majoris fiduciæ occurrere ad hoc institutum, præter Ducem Bavariæ, & Electorem Trevirensē, quibus principaliora ad transeundum pateant claustra.

Utilissimè ipsorum requiri fœdera, ut copias hostiles à vestibulo arcerent, aut saltem non auferent. Istud consilium rex interpretatus effectum prudentiæ solitæ, post quam providentia tanti ministri primas fœderum dispositiones parasset; jubet rex, negotium ad umbilicum deduci. Convēnit autem in pactis, ut utrinq; si cetera, bona & constans amicitia vigeret, & firma arctaque obligatio in mutuam defensionem per oātennum.

Sic rex teneretur novem millia peditum, & duo millia equitum, præter tormenta, & apparatus bellicum, qui conveniret & necessarius esset defensionī, tū recens conquestarum, tum hæreditariarum provinciarū præstare: ita tamen, ut Electori integrū esset, vel copias, vel pecuniā ad illas sustentandas sumere. Elector Bavariæ iidem tenebatur, tria millia peditū, & mille equites regi præstare, cū apparatu conveniente & necessario, ad defensionem provinciarum, vel hæreditate, vel armis obtingentium, si qua vis hostilis irrueret, eādem libertate regi relictā, ut vel copias, vel pecunias sumeret.

Promittebant præterea reciprocè, arma hostilia nunquam

quam inferre, quacunque ratione, neque directè, neque indirectè. Hoc modo Gallia vallum duxerat ex illa parte, adeo ut licuerit sine metu & periculo ullo subigere Mediovicum, & partes ab Episcopatu Merensi avulsas, imperatore debilitato, per Sueci irruptionem, maximè ubi Bauari suppetiæ subtraherentur.

Politica reminiscencia.

Nullus omnino invenitur princeps, quacunque demum superbiat potentia, qui commodum summū fæderum defensorum repudiet: paucissimi suis virib⁹ nituntur, qui licet satis potentiæ habeant, ad resistendum hostibus, non tamen sine periculo & multo damno patriæ id præstiterint; cum alijs potentioribus fæderatos nemo ne lædere quidem cogitet. Caput, nobilissimum membrorum, non dedignatur operam illorum, necessitate adigente: Et Deus coronam imposuit capitibus potentissimorum Monarcharum, quam circumdedit conditione, ut mutuis auxilijs ad conservationem mutuam egeant.

Hæc de fæderibus defensionis in genere dicta sunt: sed & particulariter profuerit, eo confugere, ubi principum vicinorum aliquis tam prospero armorum usu floret, ut metuatur: magnæ per eas occasiones fuerit prudentiæ, fæderibus implicare, qui cum ipso arma jūgere possent; id quod principibus mediocris potentiæ est familiare, ut fortunam victoris sequantur.

Sic enim nostra potentia non tantum apprimè augebitur, sed hostis debilitabitur, ut nocere nequeant. Magno prudentiæ usu pollet, qui cavet, ne ad unum hostem & alter accedat cum potentia utriusque coalescens majorem formidinem incutiat. Sic Comes Charoloti, filius Philippi Burgundi, omnem operam adhibuit, ut cum Carolo Ludovici XI. regis fratre unico duce Normanniæ fæderaretur, cum sciret, eâ ratione vel tertiam partem virium regis subtrahi, damno longe minori metuendo.

CAPUT LV.

Rex legatos mittit ad regem Marocci.

Non satis habebat Cardinalis, reddidisse regem per omnia venerandum, apud omnes Europæ principes, nisi & per mare potentiam ipsius extenderet. Hinc copiam navigiorum construit, & rei maritimæ peritos contrahit. Eo consilio mittit Moleræum, Rasillium & Chaalarum ad regem Marocci, qui fædus cum eo contraherent, littoraque Barbariæ suis ad commercia redderent libera.

Jam ante instituerat dispositionem secretam, unde isti benevolè excipiuntur. Rasivillius Commendator agmen ducebat, Chalassarchæ nomine, qui sibi legârat Chaalarum in eâ classe. Recipiuntur excensuri à duobus Alcaidibus, & duabus cohortibus militum. Ocyus admittuntur ad regem, idq; cum honore, quem votis concipere possent; adeo venerabile est nomen regis nostri apud Exteros.

Primum caput legationis petebat libertatem centum octuaginta captivis Gallis, qui per illam provinciam erant dispersi: assensum est promptissimè, rege Marocci necredemptionispretium suscipiente, ut testaretur, quanti faceret regem nostrum. Oblatum tamen munus vestiarii centies mille librarum, à rege missum: quod nec Procurator suscipere volebat, nisi & rex noster reciperet equos, à suo rege offerendos, ut demonstraret studium benevolentiae erga nos.

Dehinc agitantur conditiones pastorum, ut Gallis liceret securè excendere per illa littora, & provinciam frequentare; quod nullo negotio impetratum. Hæc pastorum summa, Omnes omnino Gallos, & quicumque literis regis Christianissimi gauderent, portusque subirent, à captivitate faciebat immunes, & quorumcunque tributorum nomine penderent duntaxat Tavalium seu decimam, ab omni tempore solitam.

Ut amicitia constaret, mittendos reciprocè legatos, Rex Marocci ferret per provinciam quodvis gentis monachorum, qui tamen solummodo præsentibus Gallis administrarent sacra. Hæc pacta ubi signantur, Raziivilis Consules constituit Marocci, Malæ & Saphij; adeo ut deinceps Galli omnilibertatis usu fruerentur in quovis genere commerciorum.

Politica reminiscencia.

SI commercia maxime ditant regna, nemo ambiget, Smaritima esse maximi emolumenti, cum lucrum illic fiat immensum, & nihilominus justum. Vix enim terre, cujuscunq; demum fuerit conditionis, quindecim ad sortem centesimam aut viginti refert, nec tamen per omnia, ubi & multa patrantur, usuram redolentia. Mare autem duplicat, sortem etiam aliquando longe amplius, nullâ querimoniam occasione.

Maritimum commercium respublicas exiguas fecit & opulentas & potentes, unde proceres & magnates opibus immensis cumulantur, præter commoda omnigena. Est tamen ratio, quæ illud maximè commendet, ut scilicet principes sic mari æque ac terræ evadant potentes, quâ geminata potentiâ plurimum majestatis acquirunt, cum inde metuantur.

Frustra suscipietur commerciū maritimū, nisi triremium sufficiatur copia, & alia navigia solidissimè compacta; ne opes congestæ piratis in prædam concedant. Princeps igitur, maritimæ potentiæ avidus, apud vicinos miram adipiscetur venerationem, si expeditione geminâ polleat, quocunque modo irritetur. Comus Medicus, primus Hetruriæ dux, politicorum utiq; per eam tempestatem facile primus, promptum habebat dicere, principem nunquam ad summam auctoritatem perventurum, nisi conjugium hoc instituat, quemadmodum corpus duobus brachijs remigat.

Illâ potentia maritima Angliæ conciliat summam auctoritatem; quâ si excludatur, impotentiam induet cum egestate. Cum autē illius curam gerat, institutis egregijs
per

per longum annorum curriculum, nihil ipsi defuit, adeo ut ardua quæq; suscipere valeat. Nunquid hoc ipso cardine versantur vires Hollandorum, tametsi ipsorum respublica ex igno lustro mortalium censeatur, ut universam Hispaniæ potentiam sustinere queat. Id vero ipsum Genuensi reipublica opulentiam conciliat.

Magnus dux Hetruriæ inde numeratur inter maximos Italiæ principes. Etsi circumcirca dispiciamus, patebit, omnes nostros vicinos invigilasse commercijs maritimis: meminimus etiam Henricum Magnum, regem laudatissimæ memoriæ, cujus prudentia æque ac fortitudo rempublicam restituit, unice desiderasse, ut commercium Galliæ redderetur, postquam bello civili esset defunctus: cui negotio legerat Præsidentem Janinum, qui per seriem pactorum Hollandicorum rationem & institutum commercij stabiliendi addisceret.

CAPUT LVI.

Nova constituitur Curia Iustitiæ apud Parisios.

POSTquam Parlamentum Parisiorum summâ difficultate laborasset, in promulganda Declaratione regiâ, adversus eos, quicunque Aurelianensi fuissent authores evadendi extra regni limites, censuit rex, necessario eos in jusvocandos, ut merita ferrent supplicia culpæ illius affines sed causâ Parlamento permittere hærebat, quod optime norat, regium non esse, auctoritatem suam senatui permittere, aut periculo contemptus exponere, quod futurum erat, si Parlamentum perrexisset causam Regiam negligere, supplicia differre, inquisitioni superfedere.

Rationes extabant, cur id metueretur, vel ex fastidio manifesto, quod oriebatur ex Polettæ restitutione, non secundum Parlamenti votum limitatâ, adeo ut

authoritati inde aliquid decederet, ne parem cum rege authoritatem porro usurparet. Accedebant ei in plurimæ benevolentia vincula Senatoribus cum Aurelianensis & Reginae matris ministris. Denique considerandum veniebat, gravissima quæque in eo regotio apparitura palam, cum taciturnitas per senatusconsulta plurima constare nequeat, tametsi alto silentio essent premeunda.

Hinc regi visum, Curiam Iustitiæ constituere, lectis viris & per usum rerum, & per integritatem vitæ spectatissimis, quibus potestatem faceret summi iudicii; cum necessitas iudices quosdam extra ordinem requireret, qui castigarent insolentiam monetariorum, & nummos falsos, & accisos protrudentium, ne commercia ulterius læderentur. Utrumque munus iisdem iudicibus imponendum videbatur; eā etiam mansuetudine ad placandos animos, ut rex pro solita prudentia & benignitate maiorem eorum partem ex ipso Parlamento legeret, qui convenirent in Palatio, Iustitiæ sede solita.

Parlamentum tamen, gratiæ istius negligens, novas inveniebat difficultates, ad constitutionem illam sanciendam, adeo ut rex Curiam necessum habuerit transferre in armamentarium, conscriptis in eam duobus Consiliarijs intimis, sex magistris supplicationum, & totidem Senatoribus amplissimis, quos singulos propter merita eximia collegerat: ad decimum Augusti tribunalii aperto.

Politica reminiscencia.

Quemadmodum rex caput est iustitiæ, ita ejusdem administrationem committit, quibus visum est. Mare distribuit pro lubitu aquas omnibus fluvijis per canales subterraneos, quasi venas & arterias terræ, ubi tamen nulli fas distributionem illam suggillare. Sol, scaturigo inexhausta luminis, quocunque mundus fruitur, splendorem astris communicat, secundum modulum à Deo præscriptum, sine ulla querimonia partium inæqualium.

Et

Et rex, quem Deus circumdedit authoritate supremâ, ut popularibus justitiam distribuat, munus illud delegat pro arbitrio, juxta illam potestatem & limitem, pro ut reipublicæ salus exigere videtur. Parliamentis plerumque administrationem committit, quæ tamen recordentur, auctori istius dignitatē licere, eandem recipere, definire, aut cum alijs communicare, quotiescunque visum fuerit.

Authoritas Senatus in rebus publicis, aut Civitatibus liberis, non potest immutari à principe, cum authoritatem cum ipsis partiatur, constitutus interim ipse, qui prudentiæ illorum ponat limites: non tamen eadem ratio Parliamentorum, quæ in republicâ Monarchicâ constituantur, ubi magistratibus alius non convenit honos, quam qui ministris authoritatis supremæ, ad justitiam illius nomine reddendam debetur. Similes censeantur nubibus, per Solem de terrâ in altumeductis, quas condensat, & depurat, ut characterem imprimat suum, nunquam projectâ potestate, aliarum excitandarum, quibus eundem conferat favorem: Adeo ut potentia illorum videri possit furculus aut stolo, ex authoritate regiâ enascens, salvâ semper radici facultate, ad producidos similes.

CAPUT LVII.

Sententia lata adversus complures.

Constituta hæc Curia Justitiæ, inceptabat opus magno studio integritatis, adversus adulteratores moneta, aut turbatores tranquillitatis publicæ: hinc sumpta compluria supplicia ex utroque crimine, ad exempla statuenda. Inter factiosos Senellæus & Valius ad perpetuum remigium damnantur, Dux Ruanesius, Marchio Veterivillanus, & Marchionissa Fargisi capitibus truncantur per effigiem, cæterorum supplicijs in annum proximum projectis.

Quemadmodum vero jus necis etiam jus facultatum trahit, ita nemo ambigebat, quin omnes damnatorum fortunæ in fiscum reciderent: hinc Rex, apud Treas cum esset, in eum finem, ad summum iudicium constituit Curiam dominij, ex consiliarijs intimis, & supplicationum magistris, qui aulam sequerentur. Hi iudicârunt & promulgârunt, fisco addictas, Coronæque insertas facultates Comitum & Comitissæ Moreti, Ducum Elbævij, Bellagardiæ, & Ruannesi, Marchionum Bossij, Veterivillani, & Surdeaci; præsentis Coniæi, & quicunque præfecturam aut munus publicum gerebant, dicebantur privati.

Sic præfectura Picardiæ auferitur ab Elbævio, collata Cheureusæ duci; Dux Bellagardiæ exiit Burgundiâ, quam Princeps deinceps administraret; Marchio Veterivillanus, legatus Regis per Champaniam, locum facit Senneterrano; munus præsentis, quod hæcenus functus erat Coniæus, suscipit Lamonionus; longo ordine ad reliqua munia. Permovit autem regem maximè, ut eousque procederet, & in factiosos jure ageret, fortunæque & munia fisco adijceret, tricarum continuum studium, quod identidem patebat, in famosissimis regni urbibus corripiendis.

Suum fecerant marchionem Valensæum, qui Calærum permetteret; Luperius aggressus fuerat Marchionem Moncaurelem, ut Ardreliam itidem concederet; Centurio Valius suspendium meruit, ex tentata Veroduni Citadellâ. Nomine Aurelianensis adnumerati erant Bulioneo sexagies mille aureorum, ut Sedani obfirmaretur, quod Regni portam jure dixeris, quâ Exteri pro lubitu irruerent. Capti erant per universas Galliæ provincias complures nobiles, qui copias scribebant, ad fulciendam factionem.

Non ignorabat Rex, Reginam matrem, & Aurelianensem misisse viros magnæ notæ in Hispaniam, Angliam & Hollandiam, adeoque ad omnes principes vicinos, qui militem impetrarent, quantum possent. Nulla igitur ratione ferenda erat impunè tanta protervia, in detrimentum reipublicæ: patientia ulterior traxisset
sum-

summam iniustitiam. Difficultas illa in Parlamento Parisiorum suborta, de promulgando statuto regio frustra prætendebat innocentiam reorum quorundam cum executio esset prolata ultra sextum mensem, etiam in cōtumaces, ex consideratione prisce alicuius sanctionis.

Nihil reliquum erat, crimen læsæ reipublicæ, ijs impingi, qui dissidio regiam familiam lacerassent, ad detrimentum autoritatis regiæ, conati essent complura munimenta corripere, copias hinc inde per Galliam cōscribere, prolatis millenis calumnijs ad gloriam regiæ majestatis obfuscandam: nihil unquam reliquum erat, inquā, reos facultatib. & munij pacatē frui, & fiscum effugere, postquā per absentiam non licebat animadvertere in ipsorum personas, quæ meruerant. Hinc rex iussit executionem statuti publicari, cui Parliamentum præstitit obedientiam.

Politica reminiscencia.

Inter diversas potentie species, quæ principibus est collata, legum sanctio est illustrior nota autoritatis, non tantum ad castigandos populares, ex iustitia cælit⁹ commissā, sed etiam ad leges & statuta promulganda, quæ conversationem popularium dirigant: hinc jurisconsultus ait, Voluntatem principis pro lege haberi. Democraticus status hanc autoritatem permittit populo, sed Monarchicus eam restringit inter manus regias, adeo ut nullum statutum agnoscat, nisi sigillo majestatis roborarum.

Quemadmodum autem potestatem habent legum condendarum, ita integrum ipsis est, easdem immutare, aut intendere, pro emolumento reipublicæ. Nisi enim hanc potestatem ferrent, naturæ legibus tantummodo viveretur, prout cordibus popularium insitæ sunt, ex solo rationis instinctu, aut ex arbitrio authoris nostri ultimi. Flammiis proinde tradenda forent universa volumina Imperatorum Theodosij & Iustiniani, præter nostratum regum sanctiones, quasi in libertatem popularium impingerent, eo quod singulæ suo principio notentur, nullæ adeo sint, licet antiquissimæ, quin aliquando novitatis insignia tulerint.

Id demum foret popularibus extremam ingerere licentiam, & oculos ad rationis usum ocludere, quæmonet, principes nostrates eandem cum priscis potestatem nactos, ad derogandum, aut arrogandum statutis, quantum res ferrent; adeo ut posteris nunquam sit ademtâ potestas sequendi superiorum temporum exempla. Vulgi est error, damnum ex quacunque legum immutatione metuere? fateor equidem, sine iusta causa nihil facile immutandum, ubi vero illa occurrit, immutatio omnino utilitatem conferet.

Quicunque leges condidère, omnia & singula incommoda non potuère dispicere, & vel hinc successoribus occasionem reliquère, eas immutandi, ne confusionem manifestam impunitati permittant. Critici ingenij est, statuta absolute rejicere, propter novitatem, cum antiquitas non satis impeditenti adferat, ad prisca quæque servanda, quorum usus esset per eam tempestatem, nec novitas satis causæ ferat, ad rejicienda, quæ hoc seculum postulat.

Etiam Ulpianus asserit, posse principes leges immutare in alias meliores: & Cicero Actione institutâ adversus Verrem, audacter pronuntiat, antiquitatem posthabendam novitati, ad majus emolumentum. Universa profecto Gallia laudavit Hugonem Capetum, quod legē, de æquabili successione liberorum regiorum immutasset, adeo ut semper sit cōprobatura immutationes, quæcunque auctoritatem regiam conservant & illustrent.

C A P U T LVIII.

Cardinalis recipitur Dux & Par Gallia.

Postquam Rex constituisset omnia per Galliam ad eam soliditatem, ut factiones turbandæ pacis facultatem amitterent & libertatem principibus & populis Italiae, per pacta Querasiana reddidisset; justum ducebat, non vo aliquo honorum titulo coronare officia Cardinalis, quod

quod summa illa negotia per ipsius maxime sapientia consilia essent parata. Nemo dubitabat, quin Ducis & Paris titulus jure deberetur, quoniam cum summâ gloria functiones summorum ducum, quos Galliae historia memorat, obierit, reipublicæ administrationem, & provinciae alicujus praefecturam auspicijs regijs gesserit, exercitui praefuerit cum summo imperio.

In istis geminis negotijs prudentiam & fortitudinem cum summo splendore exeruerat, ut Exteri æque metuerent, ac genuini Galli lætabantur. Hinc Rex, qui maxime omnium admiratur eminentiam istius genij, postquam experimentum subinde fecisset, illum honorem ipsi conferre nihil distulit. Expediuntur literæ regiae, cum laude eximia, quod dignitas ista rarius obtingat viris tantorum meritorum, & secundum res gestas tantæ gloriæ.

Curia illas comprobat, non tantum sine ullâ tergiversatione, sed etiam cum magno elogio, particulari addito testimonio, quantum ipsi Gallia deberet. Ipse jusjurandum præstat in Palatio, ad quintum Septembris, cum eum deducerent Princeps, Duces Momorantij, Cheurensiæ, Resij, Crequij, Vantaduri & Monbasonij, Marechalci Elbræus, Virrius, & Effiatus, præter immensum cæterorum procerum numerum, qui subsequiebantur, ut præsentia sua testarentur, quanti apud sese esset officiorum ratio, unde dignitatem eam promeruisset.

Illuc convenerant omnes Curiae: ingressus in Magnam, jusjurandum dicit, de studio recto & fidei Regi in summis, maximis & gravissimis negotijs præstando; de justitiâ æquabili, & pauperi & diviti administrandâ; de vitæ instituto, ad normam laudatissimi, fortissimi, & cordatissimi Ducis & Paris, uti Gallia solet, dirigendo: Exinde locum capit ultra omnes alios Duces.

Juxta summos istos honores non possum tacitus præterire, pro instituto magnorum geniorum, quibus modestia est cordi, & medioximos, gloriæ eximia unice studentes despiciunt, noluisse eum per ma-

gnā Palatii portam, ubi myriades mortalium præstolabantur, honoris ergo exhibendi, exire, sed ostiū secretū elegisse, ubi à nemine observaretur. Desiderabat etiam, non publicitus celebrari, ex moe antiquissimo, per istiusmodi occasionem. Ibi tanē eloquentia Curiae defudassent, cum actiones & merita, unde veneratio oritur, supra omnem sermonem essent.

Politica reminiscencia.

Rex nunquam obliviscetur, officia eximia per dignitates & honorum insignia rependere, semper memor, gloriam virtutis esse alumnam: præmia actionibus per fortitudinem & valorem susceptis deberi, adeo ut injustitiam committat, quicunque splendorem Coronæ procuratum negligat. Nemini autem majori iure honores summi deferuntur, quam qui eos obeunt, cum nomina maximè convenientia imponantur subjectis significatis, ut actiones frequentissimæ considerentur ex merito.

Ducis autem nomen propriè convenit ductori copiarum, & rei publicæ gubernatori, per auspicia principis. Eo sensu prisci Galli id sumebant, ad etymologiæ rationem, quas functiones etiam Justinianus in Novellis attribuit isti dignitati. Neque per Scriptores priscorum seculorum indicia extant, perpetuam fuisse, nisi post Diocletiani aut Constantini tempora, ubi gubernatores provinciarum & limitum, exercituumque ductores dicebantur Duces & magistri armorum, uti Ammianus, Marcellinus docet.

Ante tamen Tacitus, qui Trajano imperante vixit, Duces nuncupat imperatores exercituum, quæ dignitas evanescebat, nec ultra exercituum expeditionem durabat. Sub posterioribus Imperatoribus, & ultimis nostris Regibus affixa fuit personis particularibus ad perpetuitatem. Patet id ex Gregorio Turanensi, antiquissimo historiographo, ubi animadvertitur, Regem Gantrammum dedisse Ducatum & gubernamentum universi Regni Eudasto per quinquennium: non quod ea dignitas

id temporis adeo fuerit stabilis, quin possessores aliquando priyarentur; cum & isti fuerit collata ad constitutum tempus, idemq; author referat, primarios quosdam tum amisisse dignitatem Ducalem; conferebatur tamen plerunque ad dies vitæ.

Parium dignitas non adeo antiqua est, quamvis sit, eminentissima, quoniam Pares anteibant quascunque Regni dignitates; quod addiscere licet ex Philippi primi, Ducis Burgundiæ exemplo, qui ibat ante Ludovicum Andegavi ducem, fratrem maiorem, in solenni Sacro Caroli VI. nepotis, propter Paris dignitatem, quæ frater major carebat.

Vulgatissima opinio attribuit institutionem Carolo Magno; nullo tamen alio argumento, nisi quod historia de illâ, eatenus sileat: putanturque creati, ad dijudicanda gravissima reipublicæ negotia, quæ in Parlamento, coram Rege disceptabantur. Cum insignis ille princeps cum ordinem in Regni negotijs constitueret, ut id vindicaret ab ærumnis, quas postremi Merovingij attraxerant ex delictiarum usu.

Prisci inveniuntur tituli, quibus comprobatur, Comites Champaniæ habuisse in Provincia septem magnates, dignitate Parium illustres, qui ad solennia comparebant, & ad iudicia rerum gravissimarum. Germania tales etiamnum alit, summos iustitiæ moderatores apud principes; ferunt quidem nomen, sed valde imperfectum ad excellentiam Gallicæ dignitatis, quam institutam credimus, ad splendorem Regis & obsequium,


adeoque ad iusjurandum ab eo suscipien-

dum in Sacro solenni: jus etiam habent

consilia suggerendi in admi-

nistracione reipu-

blicæ.



CAPUT LIX.

*Synodus Religionariorum, quos Reformatos
vocat, celebratur Charantoni,*

Postquam Religionarij, qui sibi nomenclaturam Reformatorum sumunt, obtinuissent ex Breui regio ab exordio anni labentis, facultatem cogendi Conventus Nationalis, ad omnes verbi ministros per Galliam, ut ordinem & confessionem receptam porro stabilirent; visum est Cardinali, ut Conventus à rege indiceretur Charantonum, ut sub oculis ipsius minus haberent licentiæ, ad factiones renovandas, quibus alioqui studuissent promovere, Conventuum per Aquitaniam & Occitaniam.

Tenuit hoc institutum, additur præses nomine Regio Gallandus Consiliarius regius, cujus integritas eximebatur omni suspicione: cum adigebantur suscipere per diversa testimonia autentica, quibus edocebantur usum Conciliorum conformem, per priora Ecclesiæ nascentis secula, quæ venerari profitentur. Injunxerat rex ante omnia, caveret, ne ulla ibidem fieret propositio, quam quæ confessionem spectat, aut disciplinam; imperaret silentium, regio nomine, si ad alia dilaberentur; studeretque regulas quasdam sancire, quas Cardinalis proposuerat, tanquam necessarias ad sectam istam in obsequio continendam. In quem finem & prudentiam & fidem enixè adhibebat.

Perluader ante omnia, ne ullus unquam fieret Conventus Nationalis, nisi præsentem Regis fiduciario, qui obedientiæ testimonium perhiberet, ad tranquillitatem illorum certiores. Pervicit etiam, ut à ministerio verbi excluderentur omnes omnino extranei, quo nomine etiam comprehendebat Gallos non genuinos; ut ministris nefas esset, sine permisso regis exire regno, ad præveniendas cujusvis generis collusiones, locietates, & clientelas cum hostibus reipublicæ,

cæ, secundum leges regni, & ad inhibitionem particulariter à rege factam.

Eâ denique prudentiâ est usus, ut ministris interdicetur omnibus negotijs & politicis & militaribus, adeo ut liber Berrouiti, apud Montalbanenses ministri, damnaretur, quod assereret, ministris esse vocationem à Deo particularem, ad ferenda arma. Superfedebo cæteras functiones, ad politiam sectæ spectantes recensere, ne extra oleas vager, præter institutum historiæ: acquiesco, istas annotasse, ad pacem regni necessarias, qui effectum prudentiæ admirandæ Cardinalis præbuit, ut sic inhiberentur à studio factionum, adversus regis commoda, per Conventus suos; ut sic quascunque cum Exteris collusiones abrumperent, omni refugio, defensione & tutelâ in benevolentia regis constitutis.

Politica reminiscencia.

Quemadmodum religio arctissimum est vinculum, ad congregandos populares in conspirationem boni publici; ita nullum gravius dissidium, quam ex diversitate fidei. Fax est ardens, ad divisionem republicæ inflammandam; aqua fortis, ad separandos etiam moderatissimos. Hinc Reges Ægypti, ut dissidia inter populares foverent, & viceversa potentiæ suæ arctius subnecterent, impeditis conspirationibus ad eandem seditionem ineundam, consultissimum putarunt, divinitates diversissimas ipsis proponere colendas.

Si enim alij crocodilo divinos exhiberent honores, alij aquilam colerent, alij canem adorarent, aut cuicumque subjecto sacrificarent, nunquam concordiam iniri viderentur, qui grassanti tyrannidi ponerent obstacula. Cum autem axioma hoc non tantum sit impium, & directè impingat in legem Salvatoris, periculosissima habetur ab universa politicorum familia; quod dissidium in fide, in duas aut tres discedat partes, inde facilius populares ad seditionem adversus Principem prolabantur.

Gallia à sexaginta annis experimentum dedit gravissimum: adeo ut Reges nostri, nisi coacti fuissent tolerate

lerare illam diversitatem, quemadmodum sapientes nauclerifunes laxant ad tempestatem, cum intelligent, obluendo promoveri certissimum naufragium, rempublicam multis calamitatibus liberare potuissent, modo in principio satis providè occurrissent. Ubi vero sapientiora deficiunt consilia, quam ut hæreticis omnia media perduellionis eripiantur, quorum numero censentur collusiones cum Exteris, dominium factioforum & turbulentorum, Conventus pro lubitu coacti, deliberationes de quibuscunque rebus, nullo principis scitu; quicumque illam libertatem coercuerit, insigne paci columen statuit.

Ubi etiam usum armorum adimit, qui tamen nunquam foret permittendus, facultatem abstulerit ejusdem unquam recuperandæ. Necesse idem est, insolentiam illorum diligenter reprimi, hæresios indivulsam comitem. Ferocia laborant insatiabili, ut nunquam colant quietem; cui domandæ unum superest medium, ut repulsam ferant omnium ad religionis exercitium non necessariorum.

Oppositio in forti & vivido principis genio, sistit currentes, cum per ipsius debilitatem, & facilitatem quævis indulgendi, gravius tumultuentur, semper parati ad ampliora petenda, spe potiundi conceptâ. Id vero amplius contribuit ad obsequium colendum, quo tranquillitas firmatur maxime, cum alioqui facillimè ad rebellionem transferantur. Obedientia enim verum felicitatis principium apud populares; quæ radicem perduellionis extirpat.

CAPUT LX.

Lotharingia turbatur.

Aulto anno Rex pertæsus, Lotharingum ulterius abuti clementiâ, cum is pergeret turbatoribus reipublicæ favere, castigandum censuit. Hinc factiosi sibi dele-

delegerant asyllum; ubi exercitus quindecies mille armatorum ferox, verno tempore conscriptus, summam rerū fulciebat, Aurelianensē extra regni ambitum digresso, Prudentia adeo eos defecerat, ut crederent, copijs ijs in Galliam irruentibus, torrentes ex summis montibus in planitiem effusos, identidem auferere, quo vis camporum spatio, sic populares confluxuros.

Quasi vero Rex Cardinalis sapientissimis consilijs adjutus, non inventurus esset rationem, illarum copiarum delendarum, etiam antequam lustratā ducerentur. Magno tamen fuit regi solatio, eo labore levati, cum fortuna, & fortean Cardinalis prudentia rerum cursum ita disposuit, ut Imperator à rege Sueviæ pressus Lotharingi, exercitum expeteret auxilio. Hinc ad aliquot menses Aurelianensis posthabito commodo, in Germaniam ducit, inescatus vano summi imperatoris apud exercitus Austriacos titulo.

Idem vero passus, quod canis venaticus, qui duos insectatus lepores, neutrum cepit; cum Aurelianensem destitueret inopem, immemor quid ipsius recepisset familiaribus. Deinde non progressus usque ad armi lustrum ab imperatore constitutum, septem millia per viam amisit, qui à signis dilapsi intra pauculos dies, vel panico terrore, vel aliquo sinistro casu, ut redintegrare copias & exercitum nullus posset. Summam ipsæ multitudinem animi adferebat illa confusio, ut Nanceiū reverti cogeretur, tū ut promissa Aurelianensi exolveret, tū ut suppleret exercitum, quem imperator in Germaniam reduci ayebat.

Cardinalis vero optatum cum casum non amittebat, quine doceret, quanto sui ipsius cū dispendio regē offēdisset, & factiones per Galliam adversus regiam maiestatem fovisset. Compertum erat, Aurelianensem vanis spebus lactari, non tantum de valido exercitu per provinciam conscribēdo, sed etiam de ingentibus copijs ex Germaniā & Belgio, ad discēdīs, quarum ope irrueret in Galliam, regemque ad votorum summam præstandam adigeret.

Qui nunquam non divisiones inflāset per familiam regiam, collusiones particulares cum turbatoribus exercuisset;

cuiſſet; magno cum honore excepiſſet Fargiſi conjugem, confidentiſſimam, etiam poſt regiam benevolentiam perditam; nullum non principem Exterum à ſtudio in Galliam conaretur divertere; illorum offeſſiores animos aucupatus, ſibi quaſivifſet. Quæ omnia nihil conſideraſſet, fundamento fluxo inædificari, ad ruinam inevitabilem, dum Rex tot generoſa patraret facinora, ad eum caſtigandum, quor ille inſtitutis inanibus laboraret, ad ſucceſſum nunquam deducendis.

Politica Reminiſcentia.

Æ Groto facile inſultatur, ſed non diu, niſi mortuo leoni illudant lepores. Poſteſt fieri, ut potentiſſimus princeps hinc inde occupetur, viribus diſtractis, quæ aliquando cedant, & hoſti non valde valido permittant irruptionem: ſed ubi ex deliquio redeunt vires, graviores iſtus expectantur. Sic Galliæ inſultabat Sabaudus, Henrico magno adverſus Ligitarum potenti- am; ſed ubi Civilia deſiſcere bella, Sabaudus vim armorum ſenſit, exutus ſerè univerſo imperio.

Principes igitur calamitoſo nullam addent calamitatem, ſed ſemper memores ſortis humanæ, vices fortunæ metuent, cum in eandem poſſint cadere ærumnam, irritatâ talione. Deinde & metiendæ fuerint vires ad inſtitutum, cum innumeri caſus poſſint evertere robuſtiſſimos. Occurrit hoſtis, qui copias concidat aut diſſipet; conſequitur neceſſariorum penuria, duriffimum telum; ingruit panicus terror, qui fortiſſimum quemq; in fugam vertat; ſunt etiam animi popularium, aliquando ab armis alieniſſimi, qui malint agriculturam exercere, quam rapto vivere.

Miles enim ex popularibus conſcriptus, plerunque eſt ferox ruſticorum domitor, ſed trepidus ad hoſtiles concurſus: quod ſi ſupplementa ſumantur ex delectibus, jam invitis canibus venatus inſtituetur. Expeditiones etiam non æquè facile conſiciuntur, uti peregrinationes, adeo ut vetus illud ſemper conſtet, Anceps ſemper belli alea.

CAPUT LXI.

Lotharingus instituto excidit.

Cum jam constitutum esset, Lotharingum docere, male offensam esse per tricas & consilia pessima virtutem regiam, nihil tamen præter justitiam exactum satisfactionis, quod secundum jus æquissimum instituerent actiones. Sic rex viam placidissimam inijt, cumque Barrensem posset occupare Ducatum, ex negata fide & homagio, & inde manu armata irrumpere in Lotharingiam, ad repulsandam injuriam illatam; satis tamen habuit recuperare, quæ ipse post antecessores præter omnem rationem ex Episcopatu Metensi usupaverat.

In particulari, dum arma regis per Italiam distinerentur, uti occasiones querebat Galliæ affligendæ, ut majorem apud Austriacos promeretur gratiam & auctoritatem, imperatorem induxerat ad Mediovicum occupandum, quod custodiendum sibi relinqueretur; quem locum inter præcipuos Episcopatus Metensis numerat. Et Imperator ab Hispanis persuasus, gaudebat eum munire, contra quavis rationem, & ad institutum jurium nostrorum invadendorum, auctoritatisque regiæ lædendæ, ob patrocinium susceptum.

Cardinalis, cujus virtus nequit sufferre istas injurias, pace per Italiam constitutâ & firmata, Imperatore per Germaniam valde perplexo, regi suasit, ut Mediovicum reciperet per justitiam, postquam injustè fuisset usurpatum exiguo rationis momento ad detrimentum Galliæ. Regi nihil opus fervore suggesto, ad conservandam reipublicæ gloriam; itaque facile id institutum sumsit, copijs ad fines Lotharingiæ productis, Duce Forcæo.

Is per viam profligaverat legionem Leodiensem, quam Marsdux ultra limitem in Galliam deduxerat: tum mandata recipit, de Vico & Mediovico subigendis. Vicum præter vim oppositam deditur. Mediovicum repugnat, ex spe

D d d

sup.

suppetiarum, qua propugnator fallebatur. Nuntiarat ossæ Imperatorio fiduciario, quo instatu esset oppidū, & quanta penuriā laboraret, ad diuturnam obsidionem, nisi subveniretur. Responsum, mirari, quomodo dux Lotharingæ, qui toties promississet Imperatori conservationem illius loci, nihil minus curasset.

Lotharingus enim receperat Imperatori, tueri locum, suis sumptibus munitum, tantoque studio, ut aliquando operis deferret pecunias curru pensili, quo solebat frequentius uti. Sic igitur ad Ducem; sed is metuens tempestatis temerè concitata, ne in suum redundaret caput, suppetias palam ferre non ausus, satis habuit, mandare Marsaligubernatori, sibi addicto, ut militem submitteret, cum annona & apparatu bellico, quantum posset.

Auxilia autem illa nimis fluxa ad locum invalidum nihil faciebant ad repulsanda arma regia; nam gubernator ad paciscendum adigitur, ut liceret discedere, nisi intra sextum diem compareret exercitus, ad opitulandum potens. Cum autem exercitus ille non compareret, quod Lotharingo minus esset virium, quam malevolentia, discedit, ut mortales intelligerent, usurpationes propter injustitiam minus bene asserere occupata; adeoque populares in calamitates belli præcipitari, ubi princeps ad vindicandam injuriam satis potens læditur.

Politica reminiscencia.

Usurpationes sine injustitia non instituuntur à quovis principe accedit ultra injustitiam etiam imprudentia magna, maximè apud principem imbecilliolem, qui operam contribuat. Brenno licuerit respondisse per arrogantiam Romanis, Neque injuria, neque injustitia corripialiena, si facultas obtingat; quin poti⁹ antiquissimam mundi legem sic servari, quæ fortissimo cuique permittat, quæcunque corripere queat.

Apud Christianos autem lex ista locum non habet, quibus justitia determinat principum libidinem, tametsi natales & successio, unde jus in respublicas obtingit, repagula satis valida debeantponere, ad securitatem. Usurpatio etiam Cæsari, in errore paganismi viventi, condonetur: qui
verò

verò Christiani nomen proficitur, tenetur instituta sua ad normam Christi saluatoris exigere. Ex omnibus quidem motibus animi, ambitio contumacissimè repugnat disciplinæ, cum nunquam expleatur. Sed princeps vel inde grauius obligatur ad reprimendos motus, qui eum impellunt ad corripienda aliena, quod ex pura animi libidine incendium belli patriæ inferat, & ex ardore concupiscentiæ præter rationem sanguinem & vitam popularium prodigat.

Optandum foret, ut principes eam curam de sanguine subditorum conservando ferrent, quam Pericles gessit, primus Græciæ per illam tempestatem dux, qui usuram huius vitæ depositurus, beatum sese prædicabat, quod nullus Atheniensium vestem mutasset sua causa. Pacem sanè ardentius amarent, & conservatio subditorum satis causæ inferret, ad ardorem ambitionis extinguendū, cū norint, alieni usurpatorem attrahere in patriam arma, & subditos exponere millenis periculis & ærumnis.

HISTORIA DE MINISTERIO CARDINALIS RICHELII.

LIBER IX.

M. DC. XXXII.

CAPUT I.

*Dux Lotharingie mittit ad regem, qui
de pace ageret.*

PRudentiores intelligunt inanem operam popularium qui ampliandarum causa facultatum, mapalia ripis fluviorum instruunt, ubi ad quamcunque pluviam aquæ alueum egrediuntur, & undarum impetu proruant, quicquid violentiæ obstat, ubi nemo ambigat, structuræ tā levi imminere ruinam. Æquè inanes fuerint principis minoris conatus, qui ut authoritatem & famam indispiscatur,

injusto instituto in gloriam potentis Monarchæ impingitur, cuius arma possessionem injere victoriarum, adversus officij negligentes, in obliquantium perniciem.

In eo numero habeatur temeritas Lotharingi, Vicum nomine Imperatorio occupantis, quod adversus Galliam munire instituit, cum tamen præsidarij hinc inde collecti ipsum obruere, & omni conatu frustrari possent. Rex enim id recuperans, universo mundo ostendit, quam vanè ille operam lusisset. Non vero hic steterè arma regis, Forcæo & Schombergio Mediovicum obsidentibus, quod post exiguam luctam fecit deditionem. Exinde petitur Marfacum, quo Dux maximè nitebatur, inter ea connumerandum, quæ Antecessores ejus ex Episcopatu Metensi usurpabant.

Quamvis autem Dux ambitione traheretur, & odio adversus Galliam flagraret, adeo cæcos non tulit oculos, quin videret, post promptam Vici subactionem, nihil obstantibus propugnaculis, quæ circumdederat, reliquam provinciam brevi periculis & exitio exponendam, nisi clementiam regis haberet præ viribus suis & munimentis. Hinc placuit, familiarium aliquem mittere, qui pacis condiciones regi exponeret, nulla mentione instituti iniquissimi deferendi, quod auebat resumere & prosequi, ad proximam quamque occasionem propitiam, aut per auxilia, quæ Imperator vel Hispanus essent submissuri exitia, ne quid imprudens spem denuò destitueret: tam profundas egerat radices odium pene hæreditarium istius familiæ adversus Galliam.

Politica reminiscencia.

PRincipibus per Monarchiæ vastitatem limites circumdantur, ne pro lubitu agant, & imbecilliores opprimant. Sunt enim Monarchica imperia tanquam summam tribunalia, quo confugiant, quicumque minoribus pollent viribus, quam ut sese tutentur adversus vim & injuriam vicinorum. Quemadmodum vero Monarchia ex plurimis Dynastijs & imperijs coalescit, ita audent minorum virum principes aliquando spiritus inflare, & ad altiora contendere.

tendere, ut vel mitius induant frænum, Monarchiâ in aliam familiam translata, vel tabulas naufragij colligant, si fors Monarchia in partes, ex quibus constructa fuit, dilaceretur.

Nec fortuna semper deest fortitudini, sed magnis illudit, dum parua extollit. Assyriorum Monarchiam abiisse in duo imperia summa docent sacræ literæ: & Alexandri Magni vastissima Monarchia continuò in quatuor discessit regna. Quot coronæ ex ramis imperij Romani sint nexæ, quot sceptræ ex immani illo trunco exsculptæ, patet.

Occasionem audaciæ non rarò præbuere jura aliqua longius accersita, quæ ad immunitates valuerint, uti Ilienses à Romanis quicquid obtinuere, & ad imperij summam nihil pertigerint, nisi ut odium foveant, & aliquando exitium per præcipitantiam inferant. Accedunt etiam suggestiones malevolorum, quibus æquitas fortassis minus cordi; quod Romanis objici solitum, qui socio- rum fidelem operam rependerint plerunque oppres- sione.

Posset etiam ambitio, principum animis insita, uti privatorum genios exercet avaritia, suscitari ex Monarchæ vitiis & sinistris institutis. Cum autem imperiis constituti sint termini crescendi, & intereundi ita felicem fecerit eventus, qui declinantem offendat tempu- blicam.

C A P U T II.

Sermones inter regem & Lotharingum.

Cum Lotharingus videret, temporis angustias sibi circumdari, & ex quacunque mora Rex alia per provinciam posset corripere munimenta constituit ipsus adire regem Metis Mediomatricum tum hærentem, ut eum demulceret fucosubmissionis, & cursum victoriarum per pa-

Et pacis simulatae frangeret. Institutum laudasses, si ex ingenuitate & sinceritate prodiisset. Rationis enim leges imperant culpae & offensae poenitentiam cum reuirtione.

Ab hac tamen mente ille erat alienissimus, dum infermento odij adversus regem totus faceret, cui tamen plurima debebat, ob educationem in aula regia diligentem: accedebat patientia octo armorum, si quando animum induceret, ad homagium & fidem de Ducatu Barrensi praestandam, cum tamen proximo à morte Ducis superioris anno eum subigere potuisset, ob officium neglectum contumaciter: dissimulatis etiam per annos complures tot injurijs, tricis & irritamentis, quibus regnum Galliae tentabat.

Haec omnia tamen ille ventis tradiderat, regi nuncians, venire sese ad satisfactionem. Metas etiam transit vicesimo sexto Decembris, fronte ad veram aegritudinem commissi erroris composita. Rex appropinquanti obviam mittit principem Ionivillae, cum suis & reginae curribus: offenditur ad dimidiam leucam ab urbe, deducitur in hospitium, habetur liberaliter cum universa familia ex iussu regis: Post aliquantulam quietem abijt salutarum regem, magnam primitus testatus submissionem, nullo alio refugio praeter clementiam lecto; quo animo sumisset honorem regis salutandi.

Rex omnia civilitatis signa expedit, quae majestatem offensam non dedecere. Postea sermones instituunt, rex nihil circuitu usus, liberè coarguit certissima perversorum consiliorum testimonia, quae dux conabatur excusare, abs justitiâ pallium mutuatus. Nullam tamen aliam adducebat rationem, nisi Brete, consiliarii intimi, quem rex miserat, proteruiam, qui locum offensioni fecisset, per nimium rigorem in limite provinciae, ubi jura Galliae scrutabatur: addebat Mareschalci Mariliaci fidem, de regis instituto, quod & bellum & exitium minitaretur.

Respondet rex, nemini non licere jus suum perquirere, quo uti posset, citra ullius injuriam, adeo ut justitiae potius, quam rigori tribueret inquisitionem à Breto institutam. De invasione nihil metueret, cum fidem in contrarium daret, modo ipse ab omni conatu adverso abstineret & offi-

& officium faceret; tametsi exitium esset paratum, ex certissima notitiâ projectæ salutis, quam instigatores perversorum consiliorum præstare nequirent. Vice autem versâ, offerre sese patrocinium lubenter adversus arma regis Suecici victricia, quæ ad litem Lotharingiæ processissent, vindictamque ob injurias quasdam, de quibus ille querebatur, minitarentur.

Tantâ clementia procedebat rex, ut dux cogeretur eodem momento agnoscere, offensionem jure optimo exprobrari, unde majori attineretur obligatione, quod armis regis facile potuisset affligi protestatur igitur, nimis parvas sibi esse vires adversus ipsius potentiam, in tuitionem, sed minus etiam esse voluntatis ad id audendum.

Politica reminiscencia.

Solent natatores in trajectu fluviorum, obliquare institutum, ne in adversas frustra pugnet aquas: & principes, si exitium vitare velint, non impingent in potentiam exertam, ubi exercitus victoriosus grassatur. Nam necessitas derogat ambitioni, ut consulatur saluti. Durum est, fortissimum virum ab instituto discedere; sed quid fortior Hercule? qui tamen adversus duos nunquam ausus est eâdem opera pugnare: id enim tricorpori Geryoni, aut centimano Briareo conveniret.

Vidimus aliquando ferocissimum leonem, tanquam mansuetum, in foveâ deambulare, aut laqueis constrictum recumbere; non quod ferociam animi posuerit, sed quod necessitatem agnoscat, & cancellos circumdatos videat, adeoque laqueos sentiat, qui arctius adducerentur etiam nimio conatu eluctandi, ad vulnera spontanea. Satiùs igitur, vel propriam agnoscere temeritatem, vel fortunæ incusare solitam proterviam, quam adversus necessitatem insurgere, nullo operæ pretio, certo salutis exitio.

Iurisconsultis proum est clientibus suadere, ut vexam redimant, quod Niciæ, Atheniensium laudatissimo usuuenit, qui non innocentæ diffusus, sed populi temere ruen-

rè ruentis metuens, accusatoribus pretium adnumeravit, referente Plutarcho, ut causam desererent. Sors armorum longè est periculosior, quæ imperium accidet, adimat, & vitam relinquat dubiam. Eo igitur ex periculo eluctandum, quantum fieri possit, ne arcus nimium tendendo rumpatur.

C A P U T I I I.

Pacta inter regem & Lotharingum.

Quemadmodum autem rex magnis adducebatur rationibus in dissidentiam promissorum, cum castigationes etiam iustissimæ intendant plerumque rancorem apud animos castigationis impatientes; ita sibi expetebat Marsalum, tanquam depositum præter verborum fiduciam. Consensit Dux, pactus de pace, quam mense Ianuario Vici obsignat, & exinde discedit à quibusvis collusionibus, ligis, societatibus & machinationibus, quæ unquā intercessissent ipsi cum quocunque principe, in præjudicium regis, regni, & provinciarum, quas obsequio & patrocinio complecteretur,

Nihil etiam auderet adversus fœdera & pacta, quæ rex iniuisset cum rege Sueciæ, & duce Bauariæ, ad asserendam Germaniæ libertatem, & ligâ Catholicam, tum ad defensionem & protectionem principum, amicorum, & fœderatorum, qui Galliam respicerent. Obligabatur insuper, nullum pangere fœdus cum quocunque principe, absque regis scitu & consensu; ex provincia dimovere omnes omnino hostes regis, universos etiam subditos, contra voluntatem regiam regno egressos, quibus in posterum nec transitum permetteret, nec securitatem præstaret; caveret denique, ne per provinciam scriberentur exercitus, aut coirent copiæ, adversus regiam maiestatis commoda.

Rex promittebat reciproce, ut veram & sinceram testaretur benevolentiam, protegere ipsius personam, tutari provinciam adversus quosvis, adeo ut optima fide etiam

red-

redditurus esset Marsalum, post integram pactorum executionem. Sic igitur locus ille in potestatem regis transit decimo tertio Ianuarij, & Aurelianensis, qui Nancei hospitabatur, discedit, & nemo non credebat Ducem sese ad quietem compositurum, quoniam pacta ista officij limites restituissent.

Potuit enim regis clementia, qua erga ipsum fuerat usus, spiritum refractarium captivare, & metus amittendi Marsali, quod ad leges depositi tradiderat, fidem verborum servare. Quoniam autem nullus penè locus satis est munitus, ad coercendum genium, odio & ambitione; veris apud mortaliū genus, perfidiæ magistris, ubi semel imperium obtinuerit; ita per seriem actionum sequentium universo mundo planum fecit, transactionem ex dissimulatione, ad conjurandam tempestatem, quæ imminabat, nisi cederet, fuisse susceptam, cum conditiones nunquam constituisset implere; quod rerum cursus docebit,

Politica reminiscencia,

Quamvis parvorum principum intersit magni, vicinorum, eorumque potentiorum nunquam irritare arma, difficulter tamen id animum inducunt, nisi per vim adigantur. Utut desint vires, superat tamen ambitio. Sed viceversa, uti solitum est desiderio per inhibitionem incendi, videtur studium augendæ authoritatis novas sumere vires ex inhibitione, quam armorum imbecillitas determinat,

Imprudenterissimi quique limites revellunt impotentia, ut sese fortunæ ludibrio prostituant, postquam illa pavit & exæcavit spebus vanis. Sapientiores vero ex necessitate trahunt virtutem egregiam, in qua norunt Philosophorū familias constituisse summi boni compendium, ut scilicet sua sorte vivant contenti, desiderijs intra cancellos potentia redactis.

Quocunque autem genio ferantur, fatendum erit, postquam temere sese impedierint aliquo instituto, adversus quemvis principem potentiorē, qui eos per necessitatē armorum cedere cogat, ad paciscendum de pace, omnem ingenuitatem & sinceritatem esse colendam. Frustra enim

ad simulationi fucum violentiæ in pactis adhibita illinent, cum violentia iniusti usurpatoris, libertatem quidem dissimulandi possit conferre, diversa tamen ratio valeat, quoad potentiam victoris, qui iniurijs provocatus ad corripienda arma, jus habet, ex usu belli, leges victo scribendi, & pacta licet dispendiosa extorquendi.

Fateor equidem, priuatum, cui vis est allata in transigendo, non obligari, ob iniustam violentiam, ad sinceritatem; cum alioqui ad obsequium per auctoritatem legitimam principis, aut ex iusto legum metu obligetur. Sic princeps aliquis minor, a potentia tyrannica oppressus, ad fidem dandam, nunquam obligabitur ad assensum ingenium, & institutum seruandi promissi, sed inferior in bello iusto, adigitur ad pacta votis contraria, ubi ex diuersa consideratione tantundem debet adferre sinceritatis, quantum vere obligatur ad satisfactionem.

Exterminaretur enim fides, quotiescunque de rebus bellicis transigitur, cum alter ultra pars belligerantium plerumque imbellior cogatur per vim, aut ex metu conditiones subire ingratas. Quemadmodum autem princeps vicum diuinitatis fert characterem, ita summæ felicitatis ducet imitationem ipsius. Hinc inferitur, cum Deus sit ipsa veritas, potissimum requiri veritatem in pactis, quæ antiquitas semper habuit sacra & inuiolata.

Nullis igitur promissis impediatur, nisi ex prudentissima deliberatione; ubi vero ea facit, fidem & sinceritatem integram addet, tametsi aliquo detrimento mulctetur, cuius causam sibi ipsi imputabit, postquam arma irritare est ausus: adeo ut præter rationem violentiæ imputet iustam castigationem.

Saguntinis vitio vertitur apud Plutarchum, quod minus sincere cum Hannibale egissent, negata fide obsequij, & pecuniæ numerandæ, cuius summam ad trecenta millia talentorum exegerat, ut obsidionem solueret, cum jam constituissent sub ipsius discessum compendio priori uti. Hinc Hannibal ex imposturâ irritator, obsidionem resumpsit, deditionem extorsit, viros tunica viliori testos, faminas familiari veste amictas extorres egit.

CAPUT IV.

Imperator & Infans gubernatrix Belgij Lotharingo promittunt protectionem.

OMnes omninò hostes Galliae cum summo audiebant tædio regis compendia per Lotharingiam: unde Imperator Montecuculum mittit ad Ducem, qui animum adderet, certiorumque redderet, quamprimum sese Sueci conatibus expedivisset, exercitum validum, ad vindicandam injuriam illatam submissurum. Sic Baro Leidæ ab Infante adest, qui eadem asseveraret, persuaderetque nec arma, nec ærarium regis Hispanici unquam defutura, quandoque communibus consilijs imperator consultum duceret, occupata recuperare.

Ipsa etiam regina mater, tametsi omni genere rationum obligata ad regis commoda promovenda, constituit, ex Chantalupi suggestionem, cum majora deficerent, perscribere ad Parlamentum Parisiense, ut excitaret, si posset, Perduellionem, quam sine dubio Parisij essent sumptui, plurimis per regnum urbibus idem ausuris, qua ratione regis retraheretur ex Lotharingia copiae, ad istud incendium restringendum.

Hostis ille tranquillitatis publicae occasionem erat occupatus ex fastidio Parlamenti, quod oboriebatur, quod rex principales Metas evocasset, quibus graviter exprobaret malum institutum, de literis, quas superiori anno memoravimus, promulgandis. Adeo ut lectione tantum opus sit, si ad oculus cognoscere velis illius styli, qui sese semper facem seditionum præbuit. Quicunque unquam frequentarant reginam matrem, induci non poterant, eas à genio ipsius processisse, tametsi manu propria signatas; indicio sumto ex improbis vasa mentis istius turbatoris.

Sciebat enim, ex pace sibi contemptum deberi, & auctoritatē in bellis ac turbis inveniri. Callebat sensū Dominæ, quæ
extre-

extremè in Cardinalem exacerbata, facile admitteret, quicquid illum premere posset. Suggestit igitur, genium istum Galliae propitium id unum agere, ut pax cum Hispano frangeretur, rege irruptionem in Belgium suscepturo; unde diversi Hispanorum exercitus, adeoque imperatoris possent inundare Galliam, urbes famosissimas corripere, provincias exinanire, oppida expoliare, populares ad peram redigere, templa diruere, sacra abolere, equestrem ordinem evertere, domicilia regia solo complanare, potio rem Gallorum partem internecioni dare, aut ærumnis mancipare; quorum singulorum cogitatus incuteret horrorem.

Politica reminiscencia.

ID verò principibus æmulis est solitum, ut quietem simulent, ubi maximè bello student, licet in occulto agitata consilijs. Pacis adeo venerabile est nomen, ut per naturam nefas videatur, bellum sumere: cum autem desiderium nocendi non audeat in nervum prorumpere, animantur alij, qui æmuli facultatibus adjuti, vim parent & inferant auctore uno prostituto, tot instigatoribus frigidam suffundentibus.

Cum Romani rerum summam essent consilijs amplexi, & orbis imperio inhiarent, nullum facile bellum sponte inierunt, nisi aut injurijs lacefferentur, aut sociorum causâ ad arma transirent. Lumen Græciæ Corinthus ob violatos legatos perijt: & Tarentum eandem sortem subiuit sed utilissimum institutum augendi imperij fuit causa sociorum suscepta, ubi sumtus refundebantur, vel emolumentum ex hoste quærebatur.

Quoties illi bellum nuntiari fecerunt, aut sponte irritarunt, ut terri culamentis plebem in officio continerent ferocientem? Ita non raro inter sese commiscere, quos singulatum abstererent; quod Massiniæ posteris usu venit: ubi arbitri tandem provinciæ opimiorum partem abstulere. Neque vero raptus Sabinarum institutus fuit à Romulo ob conjugiorum penuriam, sed ut causa esset debellandæ viciniae.

Quicumque verò medius est, inter partes bello dissidentes,

tes, solet impelli ad scopulos, ut periculum fiat virium hostilium: sed nemo subuenit naufragium passio, nisi ubi commodum illuxit tempus, non pereunti, sed vindici; qui tamen suum, non socii afflictissimi emolumentum quærit, quod ille satis habere debeat, naufragij tabulas collegisse, ab interitu ultimo assertus, etiam vindici graviter inde obligatus. Præstabit igitur pacem colere, à partium studiis alienari.

CAPUT V.

Cur regina mater voluerit perdere Cardinalem.

Istos panicos terminos placuit reginæ matris manu signari. Mirandum sanè, quibus fucis collegium illud impelleretur ad seditionem, quod tamen reipublicæ semper fuerat firmissimum fulcrum. Id agebatur, ut Cardinali adversaretur, tametsi omnia illius instituta, ad quæ animû regis flecebat consilijs sapientissimis, Galliæ ad novos gloriæ honores promoveret; quod per conservationem Casalæ, & Pinierolæ assertionem demonstrarat.

Instabant, ut exitium tanti ministri quæreretur, cujus prudentia validissimum est propugnaculum, quod rex ad defensionem reipublicæ objiciat; cujus actiones totidem dixeris fulmina, quibus in nihilum redigantur consilia ambitiosa Austriacorum. Sic ante omnia consulebatur, ut rex pacem Germaniæ conciliaret, tametsi evidentissimè pateret, illam anno ultra millesimum sexcentissimum viceesimo secundo initam fuisse causam quarumcunque ærumnarum, quibus fœderati nostri conflantur. Id tempus respirandi Imperatori indulgam, contulit omne commodum, in oppressionem Palatini & complurium principum.

Non possum non adnotare, summam Chanthalupi proterviam in his ipsis litteris commissam, qua per reginam matrem propalari volebat fiduciam in prognostica

stica Astrologorum, quibus certior sibi videbatur, Cardinalem ultra tertium aut quartum mensem non valiturum nihil animadvertens, hanc fiduciam præsупponere aliam longè funestissimam Galliae, unde odium mereretur apud quoscunque genuinos cives.

Verum enim verò vituperium & eventus & literarum redundavit in ipsum, dramatis authorem, qui satis industriae inierat, ad signum à reginâ matre extorquendum, cuius utriusque benignitas solem refert, nocere nescium, nisi ex conjunctione cum astris sinistrae influentiae. Unde Parliamentum nihil attendit, tanquam ad figmentum ab Hispanis animatum, qui id temporis extremo languore exercebantur, ne rex suppetias in Germaniam mitteret, dum subditorum virtutem fœderatorum rebus afflictis applicat.

Moruebant etiam ne duæ Coronæ, pace rupta, bellum sumerent, ad quod rex, ut verum fateantur, à plurimis invitabatur: nunquam tamen assensum, ex potiore consideratione pacta integrè servandi, quam vicinorum possessiones usurpandi.

Politica reminiscencia.

Inter cæteras causas non postrema fertur, quæ politicorum sapientissimos induxit, ad faminas ab administratione reipublicæ abstinendas, quod facillimè præveniantur, siue motibus animi, siue sinistris consilijs. Satis habent, ad repudiandum negotiū, actorem displicere, aut gratiosis diversum videri. Quemadmodum desideria patiuntur extrema, ita dissentiunt ab exosis; sicuti viceversa familiare ipsi est, gratiosorum navos comprobare.

Nascuntur enim in eâ dispositione, quæ mediocritatem nesciat, siue odio, siue amore semper summo, adeo ut ardentius & ament, & oderint. Sic etiam ubi ab uno desiderio in alterum transeunt, paratas semper videas ad propalandum universo mundo, quam nihili fiat, quem modo impensè deperibant. Hinc regum sapientissimus, cujus etiam calamus à spiritu sancto ducebatur, ait, Fæminarum iram non habere parem.

Quod

Quod si præter diu contingat, institutum propensione ipsarum adversum, quemadmodum bellum è diametro incurfat timiditatem ipsis insitam, nihil unquam fiet, quacunque iustitia aut prudentia, quin nigro lapillo, id nõtent. Frustra coneris persuadere, expedire usum armorum, & bellum in provinciam alienam transferre, cuius princeps constiitisset aut nos, aut fæderatos invadere: operam luseris, si exponas, sapientissimos quosque principes semper bellum à republica removisse, adeo ut diligenter caveant, ne incendium apud vicinos restingeretur, quod scirent, idem domi suæ excitandum.

In vanum explicueris rectius præverti morbo lethali, qui reipublicæ minitatur, quam ut de remedio cogites, ubi potentiam ad integrum exitum effudit. Nihil denique egeris, si edoceas, popularium onera; ad sustentandas copias foris, longe inferiora esse calamitatibus bellorum intestinorum. Fertilitas provinciæ popularibus semper sufficit vitam commodā, adeo ut necessitas nunquā videatur nocitura, quamdiu commerciorū & agriculturæ cõstat libertas, quæcunque subsidia aut tributa demum imperentur.

Diversissima vero ratio, ubi hostis arma infert: tum enim subsidij, ad tuitionem propriam necessarij, res publica minus caret, hoste ad portas semper excubante, oppidis vel amissis, vel expoliatis, villis combustis, latifundijs sterilesque tibus, captivitate pronissima, ad extorquenda redemptionis pretia, millenis felonij grassantibus. Neque alij quærendi iudices, præter ipsos populares, qui felicitatis summam in eo ponunt, si bellicis tumultibus & terroribus carere liceat, si tympana obmutescant, tormenta fragorem premant: cum viceversa in desperationem collabatur, si hostem ad portas videant, qui exto res agat, quasvis calamitates inferat, undiquaque angat ad summam necessitatem, etiam viarum usu sublato.

Rationes istæ adeo sunt graves, ut sinistra opinione præventum, aut malo aliquo consilio occupatum esse oporteat, quicunque contrarium judicavit. Suntque ad emolumentum reipublicæ tanto notabiliores, quæ imperator Carolus V. in sermone cū Francisco I. de subditorū ingenij sponte fate-

fateretur, Gallos & Hispanos adeo propensos esse ad tumultuandum, ut in bellum adversus principem proprium essent evasuri, nisi foris invenirent exercitum armorum.

Hinc inter summas causas, quibus Hispaniæ pax constat, id institutum memoratur, quod armis ferendis aptos expeditionibus longinquis occupet; dum Gallia ferè nunquam caret bellis civilibus, ex penuria provinciarum longinquarum, quæ popularium arma exposcant. Expeditissimum igitur consilium, ut in protegendis fœderatis occurrentur. Id vero fuerit Themistoclis imitari exemplum, qui ferocientem Athenarum juventutem ab otio distraxit, armatis ducentis triremibus, ut periculum fieret virtutis adversus Persas. Sic Rômani, ut Hannibalem ex Italia retraherent, consilium invadendæ Africæ sumserunt.

C A P U T VI.

Lotharingus matrimonium Aurelianensis, cum principe Margarethâ optat.

Quemadmodum Lotharingiæ dux nullam aliam mentem in pace concinnanda cum rege gerebat, nisi ut declinaret justum supplicium, quod temeritati debebatur; ita vix expectabat pactorum confirmationem, quin novis studeret tricis. Quamvis vero rex benignè de ipsius submissionibus sentiens, ad regem Sueciæ, qui Lotharingiam veniebat inundare miserat, ut malum auerteret, non tamen desinebat ille novis consiliis adversus Galliam implicari.

Compertum est enim, eodem tempore ipsum fidem dedisse regi Vici, & eandem violasse per alia conventa Nancei cum Montecuculio, qui nuperrimè advenerat. Ut autem nullam infidelitatis rationem omitteret, perficiendum putavit matrimonium inter Margaretam sororem & Aurelianensem, quem millenis artibus huc induxerat. Noverat, plerosque Galliæ liberos scaturiginem

nem præstitisse bellis civilibus, quæcunque rempublicam crudeliter afflixere, si spiritus natalium nequiret expectare ordinem imperandi: nec ignorabat, Aurelianensem coquere aliquod fastidium administratæ reipublicæ, tamen si institutum illius ex teri mirentur, quo Gallia beatur: hinc igitur depromsit per aliquod menses, quicquid ipse & familiares adinvenire posset, ut matrimonio isto implicaretur.

Pfalzburgensis soror major ducis, conciliatrix erat princeps; quæ naturæ dotibus felix, amore digna, artis nihil prætermittebat ad captivandum Puylaurentium, spe facta matrimonij reciproci, si Aurelianensem ad ducendam Margaretham sororem induceret, ut sic ferret gloriosum affinitatis summæ nomen. Huc enim impensè ferebatur, tum ob Regis orbitatem, ut iam certam conciperet spem, de sorore Reginâ Galliæ futurâ, tum ut familiam in Galliæ Regnum translatam firmius fulciret.

Hispani, quantum in ipsis erat, fervorem negotio subdebant, gnari utique, vires Galliæ nunquam superari, nisi per dissidium committantur, cui matrimonium hoc apprimè conveniret: sic enim Aurelianensem regi fore irreconciliabilem, facile inducendum, ad irruptionem, si exercitum duceret, qui equestrem ordinem in partes distraheret, rege tantopere intra Regnum occupato, ut patrocinium principum per Germaniam esset abjecturus.

Cardinalis qui non patitur, regem quicquam ignorare, factione illâ compertâ, rei seriem exponit, unde Rex gravem apud Lotharingum instituit querimoniam satis tempestive. Is autem susceperat rationem diluendi vituperij, additis etiam protestationibus solennibus, sæpius iteratis, quas jurejurando grandi exaggerabat, ut qui nunquam in eam actionem consensurus esset, hinc in faciendâ pace nulla mentio, adeo ut Rex ne cogitaret quidem persuasus.

Quamprimum autem Rex Metis esset digressus, conficitur matrimonium, nullo Regis consensu quæsito, contra inhibitionem clarissimâ Rege factam. Ea u-

utique non parum turbaverat mentem, quod minimè ignoreret, neminem unquam Exteriorum in matrimonium dedisse aliquam propinquarum pticipi regio, quin rigorem armorum regionum senserit. Ipfus igitur palam nihil agebat, omni negotio parenti Vaudemontio & forori Pfalzburgensi cui fors non multum nocere poterat, permisso.

Politica reminiscencia.

Leges fundamentales Gallia non permittunt principibus regiis matrimonia, absque scitu regis. Si quæras, ubi illæ inveniuntur scriptæ, curiosos possem remittere ad librum aliquem tabularum publicarum, ubi ex iuribus regiis agit Quemadmodum vero liber ille ætatem trium aut quatuor seculorum non excedit, consuetudo autem eundem cum regno natalem referat ausum vicissim quærere, ubi nam legem Salicam, à mille ducentis annis inviolate servatâ in Republica inveniât?

Sola consuetudine viget; necessum enim ad illam recurri in plurimis occasionibus, quam legem agnoscimus, quæ fronti impressam ferat non tantum imaginem iustitiæ, evidentiorē quam scripturæ, sed etiam pronissimum illius usum apud populares. Venerationem sane nemo isti negarit, quin lex fundamentalis regni habeatur, cum observata legatur ab exordio Monarchiæ, in emolumentum utique reipublicæ sancita.

Maximè tamen turbæ consequuntur matrimonia, adeo ut audacia ea temere contrahentium à regibus nunquam non fuerit punita. Sancitam autem fuisse ab ipso exordio Monarchiæ Gallicanæ, probari potest exemplo Merovæi, Chilperici filij, qui nonus extat in catalogo regum. Is ausus sibi jungere Brunehaldim, non consentiente patre, iustitiæ rigorem subiit, merito suscepto supplicio. Ibi Prætextatus Episcopus Rothomagensis, qui matrimonio incundo studuerat, accusatus fuit in Concilio Parisiensi, tanquam de crimine; primusque limites obedientiæ in hoc genere egressus, impune non tulit.

Sic Sanctus Bernhardus, excusaturus regi Comitē Chāpaniæ Theobaldum, quod instituisset elocare liberos sine regis consensu, dicebat, talem culpā non facile cadere in tantam probitatē. Sic Philippus Comes Namurci, frater Balduini, qui Flandriam Comes obtinebat, tutor Johanniæ & Margarethæ neptium, ex eodē Balduino progeneritarum, promisit pactis initis regi Philippo Augusto, nunquam illas præter regis voluntatem elocandas.

Scribit etiam quidam nostratum historicorum, id factum ex obsequio & jure supremo, quo reges nostri uterentur in matrimoniis eorū hæredū, qui proximè attingerent rem publicam, possentq; regni tranquillitatē turbare. Nunquid vero in tabulis regijs patet jusjurandum Magnatum Gallicorum, quod Carolo V. fuit præstitum, & clavis verbis docet, nunquam sese per matrimonia, aut aliam quancunque rationem cum hostibus, perduellibus, & refractarijs rei publicæ sese conjuncturos.

Inter cætera crimina, de quibus lis movebatur duci Alenſonio, & illud legitur, quod matrimonium instituerit inter filium & Ducis Eboracensis, principis Anglicani filiam, absq; consensu Caroli VII. Idem Carolus VII. ab aspectu arcuit filium, Ludovicum XI. tamen si majorem, quod matrimonium contraxisset cum Carolo tertia Sabauda, absque suo consensu, quod tamen effectum non habuit, donec permissionem dedisset: unde Dux Sabaudia ferè interitum tulit.

Angliæ quidam historicus, licet Galliæ inimicus, clare dicit, matrimonium inter Annam Britannicæ Armericæ & Maximilianum Austriaeum, cui pacta fuerat à cunis, ruptum fuisse, quod Rex non consensisset. Quod si quis arbitretur hanc permissionem non posse matrimonium irritum facere, adducam in contrarium Ludovici Balbi exemplum, qui duxerat Aufgardin, absq; consensu parentis, quam tandem coactus fuit deserre, etiam post prolem susceptam, ipſus majorennis, & Adelhaidem ducere, cujus filius legitima successione regnum est adeptus, notus nomine Caroli simplicis.

Addam denique illud Judithæ, quæ Carolum Calvum habebat patrē: ea enim nupserat Balduino Comiti absq;

consensu parentis, quamvis esset vidua Regis Angliæ, & vidit matrimonium irritum pronuntiari à Nicolao I. & ab Episcopis Galliæ, adeo ut cogeretur, post impetratum consensum, redintegrare nuptiarum solennia Antistitodori.

CAPUT VII.

*Matrimonium Aurelianensis cum Margarethâ
Lotharingicâ disceptatur.*

Quamvis Puylaurentius impense desideraret matrimonium Aurelianensis, attamen pro solita divisione familiarum principalium, diversum sentiebat Præses Coniæus, qui absentiam istius intimi captatâ, dum Bruxellis auxilia ab Hispanis expeteret, diversas rationes ad avertendum Aurelianensem exponebat.

Non fugiebat eum, si Aurelianensis duceret Margaretham, & Puylaurentius Pfalseburgensem, suam quod reliquum esset auctoritatem perituram. Occurrebat potestas conjugis apud animum principis, ubi ex amore prævalet; metuebat etiam non præter rationem genus Margarethæ, quæ credebatur instinctus Pfalseburgensis secutura, ubique dominantis. Animum etiam inducebat, matrimonium hoc nullâ ratione rumpendum, & sibi imputatum, ob censum honoris apud Aurelianensem, ad recuperandam regis gratiam, facultatumque usum, viam interclusurum penitissimè.

Ex istis causis verissimis Coniæus impugnabat matrimonium, validis argumentis apud Aurelianensem, ne perficeretur, tametsi consilia nullis alijs rationibus niterentur in speciem, nisi studio Aurelianensis juvandi, & commodorum augendorum. Libertatem igitur aliquando sumit istis sermonibus, Cum maxima ipsius gloria, & quæcunque potentia connecteretur cum benevolentiam regiâ, non temerè ullum fore institutum suscipiendum, quo majestati regiæ redderetur irreconciliabilis, id quod per hoc matrimonium fieret.

Cum-

Cumque principes nonnunquam excusentur, per præcipitantiam & nimiam promptitudinem prolapsi ad ea, quæ regibus displicerent, nunquam tamen committendum, ut penitus a benevolentia reiiciantur; cum nonnullis casibus evenire queat, ut fastidiosi partem hæreditatis ampliorem nanciscantur, aut alios favores pro votis auferant, nefas tamen, omnia prorsus rumpere, cum verum utique sit, à Majestate ipsis summum obtinere splendorem, ad venerationem, quemadmodum astra mutuuntur à Sole lumen, quo in oculis nostris coruscant.

Cum autem ista consilia nihil premerentur silentio, suspectum eum fecere universæ Lotharingorum familiæ. Crediderim equidem, aliquid apud Aurelianensis animum valitura fuisse, quod is semper propensionem sit testatus ad colendum regem ex officio, nisi Puylaurentius Bruxellis rediisset, qui ad primum occursum evertit omnem illius structuram.

Intimus hic, cui inclinationes Aurelianensis plurimum permiserant potestatis in animum inceptabat rationes superiores impugnare tantâ curâ, ut Aurelianensis ab illius consilijs sese expedire non posset. Ostendebat, nullum fore dubium, quin Rex aliquando id matrimonium esset habiturus ratum, postquam ipse legisset defunctam, quam matrimonio jungeret, licet & ipsa familiæ Lotharingiæ impense faveret. Nihil adeo impar hic, nec illic, cum plures Galliæ reges ex familiâ Lotharingica sibi conjuges delegerint, & ipsa Margaretha neptis esset, ex filia Galliæ prognata.

Exponēbat, errare non posse, si sequeretur vestigia Henrici Magni, qui nihil distulisset, sororem Margaretham in familiam Lotharingicam elocare, quâ solâ ratione, utpote gravissimâ, Rex induci posset, ad consensum. Quod si per Numinis favorem aliquando esset gesturus coronam Galliæ, habiturum universam

familiam Lotharingiæ, quæ per Regnum
magni esset nominis, & auctoritatis,
sibi addictissimam.

Politica reminiscencia.

SI fratres germani, eodem sanguine orti, plerunque dissident, & apud suosmet animos non semper inveniunt rationem concordiae colendae; nemo mirabitur, duos Principis alicujus intimos diverso animo, diversa agitare consilia, ad diversos scopos. Id enim agitur, qui priores ferat apud animum principis, non ad emolumentum & gloriam illius, sed ad proprium compendium. Rectius igitur Princeps rebus suis consulat ex propria prudentia.

Cum autem ea fors sit mortalium, ut domi caecutiant, foris lyacei, adeoque princeps praeter ceteris egeat fideli consilio, tum ob negotiorum gravitatem, tum ob animum plerunque voluptatibus mancipatum, à molestia rerum agendarum alienum; optandus est unus aliquis, qui arbitrium & rerum & principis suscipiat. Nam si plures excubent, qui auribus insinuant diversa, eaque contraria, hærebit animus anceps, in majori fastidio, quam ante deliberationem; adeo ut plerunque eligat deteriora.

Etiam pejus habebit, postquam istis vel illis rationibus callum sumsit, ut sponte nequeat redire ad mentem saniozem, & ab instigatore pertinacissimè obfirmetur. Quod autem diversae proferantur rationes, neminem moveat, cum nihil adeo sit ineptum & absurdum, quin dicendo explanari queat, ut averissimae menti incipiat minus displicere, donec benevolentiam integram mereatur.

In eam partem maximè valent exempla, quae animum trahunt, quem rationes tantummodo ducunt. Quam fallax vero sit usus exemplorum inde patet, quod adjacentia rem gravissime mutant, quae tamen neque literis consignari, neque mente satis agitari, neque rectissime applicari possunt. Illustrant igitur verius, quam probant; & scitum est, Regulis standum, non exemplis.

CAPUT VIII.

Matrimonium consummatur.

Rationes istæ primâ facie videbantur satis habere momenti, nullum tamen habituræ fuissent pondus apud Aurelianensis animum, si ex ingenuitate propositæ fuissent, Regem nempe defunctum induci voluisse ad cicurandam familiam Lotharingorum, quæ ipsum satis exercebat, ut sororem illi infereret; Defunctam Aurelianensis conjugem exiguâ eo constanti matrimonij tempore, tantum incendium per aulam suscitâsse, quod magno cum labore vix fuerit extinctum. Affinitatem Henrici III. cum Lotharingis majorem obtulisse facultatem & audaciam, ad sceptrum ipsimet extorquendum.

Verum enim vero ista ille surdis auribus, & clausis oculis præternavigabat, amore Pfsalburgensis ebrius, quæ velum obduxerat oculis, ut tantûdem relinqueretur luminis, quantum sufficeret ad Aurelianensem in illam affinitatem implicandum. Hæc enim Princeps, ingenio admodum versatili, quasvis adhibebat machinas, ad felicem instituti successum: sic optimè nôrat, formam fucci plenam mirâ pollere potestate, ad animos captivandos, nullo alio lenocinio, nisi solo aspectu frequenti ore; omnem movebat in delapidem, ut Aurelianensis sapius occurreret Margarethæ; adeo ut formæ gratia novas adderet vires rationibus Puylaurentij & sectariorum, qui nihil faciebant reliquum.

Eâ ratione Aurelianensis subijcitur legibus amorum, matrimonio Nanceij consummato, in præsentia monachi Cisterciensis, qui autoritatēâ superiore nō habebat, nisi à Cardinale Lotharingiæ, Episcopo scilicet Tullensi, cui ipsa sanè nihil erat autoritatis, ut isti administrationē sacramentorum committeret, quod à jurisdictione Lotharingiæ, cum omnibus illius Regulæ, eximeretur. Aderat & Abbatisa Remiremontij, cum quâ Mar-

garetha fuerat educata, præter Elbævium & Puylaurentium, testimonij ferendi causa. Duo tamen Bernhardini inserviebant matrimonium consecranti; ut negotij summa regem celaretur.

Metuebantur enim arma regia, ne continuo Lotharingiam repeterent, ad vindicandum hanc contumeliâ: accedebat etiam dubitandi ratio, an matrimonium ritè esset valiturum, adeo ut Vaudemontius in hæc verba proruperit, utut filia reginam Galliâ nunquam ageret, fore saltem Abbatissam Remiremontij, ut inhibitionis regis gravitatem notaret.

Politica Reminiscencia.

INter quamplurima subjecta, quæ principis potentia complectitur, postremum non est matrimoniorum cura: quod autoritate quorundam Canonistarum posset comprobari, qui per omnes Scholas Theologiæ celebrantur, terminis luculentissimis. Sed sine testimonij illorum, censeo recurrendum esse ad usum communem, si verum hoc dilucidare velimus.

Scimus enim, Imperatotes primum determinasse qualitatem & conditionem connubentium; definivisse, quis aptus, aut ineptus esset ad nuptias, adeo ut ipsa Ecclesia mutuata sit ab illis legibus Decreta in eam rem conscripta. Secundum illa Decreta Ecclesiæ reges nostrates constituere novas conditiones, uti patet ex Statuto Blæsensi, quo Henricus III. matrimonia declarat nulla & irrita, quæ proclamatione caruissent, Ecclesia diversum judicante.

Quid verò autoritatem contulit Decreto Concilij Tridentini, nisi regum nostratium declaratio. Cum autem ab illorum sigillo suscipiat valorem & autoritatem, nemo negaverit ipsis facultatem novij istius impedimenti sanciedi. Sic constituere, non obstante isto Decreto, hæreticos non obligari in contrahendo matrimonio ad præsentiam sacerdotis Parochialis, ubi habent, tametsi æquè valerent illa matrimonia.

Sic invenire licet etiam statutum, sola nostrorum

rum Regum autoritate firmum, quemadmodum Britannia Armorica consuetudo declarat nulla & irrita tutorum matrimonia, cum pupillis contracta, si præter iustitiæ permissionem fiant, tametsi Ecclesia aliter iudicet. Ex quibus rationibus clarè elucescit regum nostratum jus, ad subditorum matrimonia prohibenda.

Quomodo vero illis autoritas ista negetur, cum potentia ipsorum in primis constituatur ad tuendam reipublicæ tranquillitatem, familiarumque singularum, quam omnes nōrunt ex matrimonijs maxime pendere, id quod Theologorum princeps agnovit, præter experientia locupletissimum testimonium. Nemo igitur porro ambiget.

Quod si quæras quâ ratione possint id instituere impedimentum, distinctè responderim, ad impedimentum generale necessariam esse legem & Declarationem universalem, ut popularibus de voluntate Regum constet, ubi factum meminimus per statutum Ludovici XI. ad promulgandas proclamationes. Ubi vero tantummodo agitur de matrimonio aliquo particulari, declaratio particularis rem expediet, ut particulares contracturi admoneantur, de inhibitione ritè edocti.

C A P U T IX.

Electores Imperij Catholici cupiunt neutrarum esse partium.

DUm Rex Metis Mediomatricum hospitaretur, Electores Catholici in eam trepidationem deveniant, ut cogerentur ad Regem confugere, armorumque patrocinium implorare, postquam Rex Sueciæ tanto fortunæ applausu persequeretur victoriam in Palatinatu inferiori, ut omnes perijsse sibi viderentur, nisi Rex opem ferret, Tum enim Austriacorum vires adeo debilitabantur, ut summo conatu subsisterent. Sciebant etiam, Reges nostros ab omni tempore præstitisse Ec-

clesiæ refugium, flagellum utique hæreticorum, & patrociniū Apostolicæ Sedis, adeo ut Ecclesiastici nullo non tempore huc, ex tempestate, tanquam ad anchoram sacram, & portum gratiæ confugerint.

Minimè fugiebat, hodiernum sceptri Gallicani moderatorem, factionem hæreticam ex Regno extirpassè, & pietatem & justitiam æquè actionibus conferens. Ex istis rationibus leguntur, qui auxilium implorent: Episcopus Herbipolensis caput legationis præ cæteris dicitur, quod crederetur incendio maxime correptus, & inde querimoniam præfens esset inflammaturus, ex calamitatum serie, quam conscripserat. Baro Teniffius, nomine Electoris Colonienfis, & Kutnerus nomine Bavariæ eum comitabantur, qui nihil prætermisere in recensione miseriarum, progressum hæresios, Catholicorum mala, Sueci ambitionem, Ecclesiæ detrimentum & Galliæ dispendium.

Adhibebant etiam quævis artificia, ut Regis animus aliquam æmulationem conciperet, quæ ipsum à Sueco distraheret, aut ambitione tentaretur, adipiscendi Imperij, si patrociniū ipsorum susciperet. Rex autem de Sueci instituto planissime edoctus à legatis, nihil alienum fieri à quovis victore, & pacta fæderis initi constare reponebat, continuo animadvertit, jacturam illam, & metum penitissime pereundi in suscepto negotio, quod ambitiosa Austriacorum consilia sustentabat, expressisse querimoniam illam extremam.

Sic neutiquam inducebatur, ut bellum profanum faceret sacrum, aut crederet, Sueci institutum Ecclesiam petere, dudum certior, Imperatoris fastum, & consiliorum limitem quæri. Misericordia tamen ex ærumnarum sensu inanes noluit dimittere, quin apud Suecum intercederet, ad ipsorum securitatem. Etiam ad Cærdinalem invisebant, rege salutato, qui ex Zelo erga Ecclesiæ commoda, eos eximijs benevolentiae signis excepit, protestatus, consilia quæcunq; Regi esset suggesturus, postquam enixe id quærent, semper fore favorabilia.

Ubi autem de medijs cum ipsis disceptasset, quibus salus ipsorum stare posset, ingenuè cogebantur fateri, cum

cum Sueciæ Rex directè feratur in partes Imperatoris, non posse ullam institui transactionem, nisi ipsi à partibus illis discederent. Hoc deliberarent, ne Regis intercessionem prorsus inutilem experirentur: cum nihil sit, cur Suecus parcat, exercitum imperialem sustentantibus, tum per pecuniarum collectas, tum per annonam, & apparatus submissum.

Sermo hic, licet pari prudentia & sinceritate prolatus, mire durus videbatur, ob propensissimum in Austriacos animum. Quoniam vero dispendia particularia maximè afficiunt, ita testabantur in speciem magnam submissionem ad omnia, quæ regi viderentur, ut patrocinio suo ipsū implicarent. Tandem, multis ultrocitroque dictis, placuit, ut Rex apud Suecum intercederet ad impetrandam quietem medijs inter partes; quod sperarent, per ea paciscenda emerfuram aliquam transactionem, aut tempus saltem aliquid opportunitatis pariturum, si quâ tempestatem effugere possent.

Politica reminiscentia.

Nunquam Principes majorem exhibent industriam, quam ubi petitioni plausibili prætextum quarunt: cum autem ille religionis altius descendat in animum, præ cæteris, videntur sibi plurimum processisse, si eum consilijs applicent: sub illâ specie sapissime occultârunt ambitionem vâgrandem. Hinc sagacissimi negotiatores non facile fidem habent, quæcunque cum specie pietatis proponuntur.

Fides, quam profitentur, Zelum magnum confert ad commoda Ecclesiæ; sed eadem fides docet, lupos non raro ovillâ contegi; sic fructum arboris testari de illius bonitate, & nullâ majori certitudine de principum propositionibus judicari, quam ex actionibus instituti, tanquam ex genuinis consiliorum fructibus.

Achas rex, ut Esaiam deciperet, hypocritam induebat, primo reluctatus mandato, quod permittebat aliquod miraculum, ad certitudinem promissæ valetudinis: simul labatenim, tantâ sese in Deum reverentiâ & metu move-

ri, ut eum tentare religioni duceret, ex nimia confidentia. Plurimi sane eodem utuntur figmento, ex spe alicujus compendij. Et ut verbo dicam, summa est prudentia, non cuivis habere fidem, qui Ecclesiæ commoda obvertunt, donec de ipsorum propositionibus maturius examinatis statui possit.

CAPUT X.

*Rex mittit Marchionem Breseum ad Gustavum
Adolphum, regem Sueciæ.*

Cardinalis edocebat regem de propositionibus neutralitatis, quas legati Ligæ Catholicæ videbantur proferre. Rex oculis in Marchionem Breseum conjectis, ejus prudentia & virtus possent hanc negotiationem ad felicem deducere successum, eum jubet ad regem Sueciæ contendere, si fortecan assentiretur. Metis paulo post is digreditur, Moguntiam pervenit, quinquaginta nobilibus spontaneis comitatus, qui illius Regis videndi tenebantur studio, ejus victoriæ ubique terrarum cum gloria eximia celebrarentur.

Breseo ad Moguntiam appropinquanti Suecus obviam ire jubet duas turmas equitum, cum suo curru pensili, ut honorem haberet. Producit Breseus, qui secundum salutem cum reverentia victori conveniente dictam, agebat: Regem suum ex vicinia mittendum censuisse, qui victoriarum usum congratularetur. Ubi Suecus honorem & civilitatem legatis Galliæ solitam reddidisset, de rebus præsentibus sermonem inceptat.

Breseus laudabat, Regem suum censerî filium Ecclesiæ primogenitum, adeoque protectorem; unde ex officio in gratiam Catholicorum rogaret magnopere, liceret ipsis neutrarum esse partium, interpositâ fide, de mente eorum omnium ab Austriacis discedendi, adeo ut illorum arma nullo prorsus modo essent futuri aut culturi. Regem eo libentius hanc supplicationem suscepisse

pisſe, quod eam exiſtimaret apprimè utilem ipſius inſtituto, in Germaniam tranſeundi: cum aon exiguo poſſit eſſe momento, ſi à partibus Imperatoris revelleret Electores Colonienſem & Trevirenſem, Ducem Bavarix & alios principes Catholicos complures.

Sic ferè alterum amputari brachium, & tertiam viri-um partem reſecari. Cæterum putare ſeſe, Regem Sue- ciæ debere eos habere neutros, qui Imperatori nulla au- xilia præſtarent, poſtquam unum Imperatorem ſibi ſumſiſſet debellandum: quod ſi ſacra relinqueret in- tacta, quæ plurimum apud populares poſſent, brevi in- tellecturum, quantum hoſtium fervor remitteret.

Politica reminiſcentia.

QUorum intereſt, aut vi, aut vaſtritie diſturbant pa- cta; ubi ad minimum aliquid temporis corripitur, quod commodè intervertatur. Quamobrem cautio ſit ſumma, antequam pacta firmentur, quid eventurum ſit, ne quid præter opinionem fieri queramus, aut invitis extorqueatur, quod noceat aut nobis aut fæderatis, quorum debet eſſe altera cura.

Deinde videmus, ex vitæ inſtituto privato, non lice- re homini ſemper eſſe, uti vult, ſi res non ſinat. Dan- dum eſt aliquid amicis, etiamſi non per omnia compro- bemus ipſorum poſtulata: neque etiam omnia ſueſcint danda, & permittenda uni alicui amico, quin cum cæ- teris conſtet vinculum amicitix. Præclare Cicero di- ſputat, de amicitia, an ita deceat amicitias neſci, ut nun- quam ſolvi queant; & an ita ſint exercendæ inimicitix, ut locus ſemper relinquatur amicitix ſanciendæ.

Mediocritatem Veteres vocabant auream, quod ſa- pienti enixè quæreretur, uti aurum avaro. Sed ambigo ego, an unquam inveniri, adeoque ſervari vel uno momento queat; uti ſcimus, æquilibrium humorum in corpore humano

doceri, non mon- ſtrari.

CAPUT XI.

Rex Sueciæ respondet Gallo.

REX Sueciæ petitionē à Marchione, nomine regis factam, per summum honorē audit, sed magno genio præditus, ex templo fundum penetrat eorum, quæ principes Catholici præmitterent, adeo ut explicaret sinceritatis inopiā in propositionibus illiustrationis. Voluptas erat, errorem indicare, & spatium aut quatuor horarum, quas colloquio impendere placuerat, mentem aduersam docere, ex literis etiam interceptis.

Arguebat imposturam, quā circumvenire conarentur Regem Christianissimum, præter injuriam, quam sibi attraxissent per contumaciam absurdam, & calamitates perpeßas, cum diversis vicibus eos benigne invitasset, ut hostes suos desererent, ut imperia sua pacate gubernarent, collectā mediocri, quam petisset, institutā. Producebat etiam, quid Liga constituisset in conventibus Landesuti & Ingolostadij, prorsus adversus istas propositiones, & Bavari literas, qui per ferventissimas protestationes, de hostilitate ejerandā, copias auxisset, munimenta instruxisset, dimissis hinc inde literis pecuniarijs ad militem scribendum; adeo ut palam testetur, temporis sibi quæri usutam, donec opportunius agere liceret.

Respondet Brescus, malum illud principum Catholicorum institutum non posse excusari, quantum attineret ad anteriora, de quibus literæ testarentur; sperare tamen sese, in posterum alios futuros, secundum pacta incunda; alienissimum esse regem suum ab illorum malo instituto comprobando; si autem æquitatem colerent, quod regia majestas speraret, & ipsi promitterent, rogare iterum, ut neutris esse liceret, armistitio quindecim dierum indulto, quo temporis spatium conveniri possit de capitibus pactorum ex æquo & bono.

Succus igitur fidem dat, de suscipiendâ transactione, in Galliæ gratiam, absque quâ ille à sese nunquam esset passus impetrari veniam Electori Bavariæ, & cæteris Catholicis Principibus, illatæ contumeliæ. Eo enim propendebat, ex irritatâ vindictâ; cum nimis prudens intelligeret, per neutras partes hostem mirè debilitari, & promulgatis pactis publice notum iri, quo animo ipse esset erga sacra, & Imperatorem sic tepidior rem facilius confici.

Politica reminiscencia.

EA vero prudentia ornat principem, bello implicitum, si sacra non impugnet, quæ propugnatoribus plurimum animi addunt; cum nihil gloriosius ducant, quam pro ijs conservandis sanguinem & vitam profunderè. Singulis enim momentis in oculos ingerunt præmia æterna, quæ cælum fervet. Quod si laurea, ludorum Olympicorum præmium, acutissimos subdebat stimulos in arenam progressis; dici nequibit, quâ virtute inflammetur animus ad aspectum opulentæ Coronæ, quam cælum ostentat.

Instruuntur, mortem obventuram, eo nomine spoliandam, cum felix sit transitus ex morte, quæ singulis diebus nos deducat ad sepulcrum, in vitam immortalem; ex ærumnis per hæc inferiora inevitabilibus, ad bona infinita; ex lamenti ad gaudium incomprehensibile; & ex conflictu ad victoriam & triumphum. Cum igitur insitum sit ingenio mortalium magnis præmijs vehementer moveri, non poterit dici, quantum hoc præmium augeat audaciam.

Timidissimi animos sumunt ad propugnanda sacra, adeo ut prima Ecclesiæ secula dederint experimenta gravissima, ubi ad tuendum illius splendorem infirmitas feminarum & puerorum triumphavit altissimam Imperatorum virtutem: sic videas, cum arma corripere, ad opem Ecclesiæ ferendam, qui nunquam cogitavit domicilium destituere.

Tacitus memorat, Iudæis pronū esse in bello oppetere, quod

quod aliam credant vitam. Et Cæsar annotat, Druydes Galliæ fuisse invictos in bello, quod statuerent transmigrationem animæ, unde turpe foret, jacturam vitæ recuperandæ metuere. Verumenimvero quo tandem animo fuerint Catholici ex fide vitæ æternæ & præmiorum cælestium, quibus animantur? Neque enim fortitudo hominis in robore & lacertis consistit, sed in animæ sacrario, & in audacia, quæ omnem metum ex corde eliminat, & calore generali illud inflamat, ut quasvis difficultates superare queat.

Quis verò nesciat, fidei summum inter cætera hoc esse effectum, ut animas sanctis ardoribus, quibus succenditur, repleat, viresque addat, ad destruenda, quæcunque adversus gloriam Dei insurgunt. Nullum mortalibus desiderium, quod tantum ardoris subijciat mentibus, ac Zelus inde ortus. Is mortales privat sensu in quibusvis tormentis, plagas convertit in delitium, voluptatem invenit in gravissimis laboribus, & quamvis infirmitatem reddit generosam.

CAPUT XII.

Transactio principum Catholicorum per Germaniam, cum rege Sueciæ.

POSTquam regi Sueciæ visum esset Principibus Ligæ Catholicæ neutras indulgere partes, interposito etiâ quindecim dierum armistitio, donec media expedirentur, capita quantum fieri potuit æquissima, ad votum ferè ipsorum transacta sunt ista.

I.

Liga separaretur à federe, commodo & collusione cum imperatore.

II.

II.

Revocaret copias suas ex imperiali exercitu.

III.

Restitueretur Palatinatus.

IV.

Dux Bavariae, & alij principes Catholici redderent Ordinibus Protestantibus & Evangelicis, quicquid usurpassent ex illorum bonis ab anno millesimo sexcentesimo decimo octavo.

V.

Non permetterent Imperatori, ulla copias scribere in suis provincijs

VI.

Regi Suecia traderent loca quadam, veluti obsides, ad securitatem pactorum servandorum.

VII.

Secundum has conditiones promittebat Rex Suecia, nullum facere actum hostilitatis adversus ipsos, neque etiam ulla collectas exigere.

Æ Quiora sane capitaproponi non poterant, ad Principibus neutras partes indulgendum. Si enim Imperatori nulla auxilia præstarent, nec Suecus ullum ab illis accipiebat emolumentum; quin etiam destituebat, quæ armis postea superavit. Præter victorem, nemo

jure queri poterat. Honor tamen, quem regi habebat, ad signandum impulit. Eodem tempore Varenneus, qui circa Sarapontum versabatur, pacta retulit, ut, quos attinerent, transmitterentur.

Rex, ubi pacta recipit, Charnassæum ad Ducem Bavarie, Electores Coloniensem & Trevirenses, principes Ligæ, quæ ea persuaderet, mittit. Eos in magna formidine armorum Suecicorum inveniebat, quæ ante vestibulum streperent, omni oblectandi spe abjecta: tanto nihilominus studio erga Austriacorum commoda fervebant, ut facile agnosceret, universas transactionis propositiones regi ab Episcopo Herbipolensi factas, ad eum scopum tendere, ut impetus Sueci retunderetur, dum ipsi munitiores, opportunius agerent.

Politica reminiscencia.

Cum harmonia conveniat omnibus rebus, maxime verò homini, ne duplicem animam gerat, aut cor à labijs discordet: Sunt qui sinceritatem eousque colant, ut malint vitâ privari, quàm mendacium dicere. Alij tamen partem veri occultant, asperso falso: quæ omnia à patre mendacij oriuntur, qui primis authoribus generis humani mixturam veri falsique apposuit, ut deciperet. Nequâquam moriemini, inquit: ubi hoc verum fuerit, non continuo morituros, aut à Deo propitioper gratiam in æternum cælorum regnum transferendos.

Quo loco habenda sint strategemata, alias vidimus: laudantur apprimè, ob compendium sumtuum & sanguinis: iussa etiam legas à Numine adversus Cananæos interdicto subditos. Sed qui in rebus agendis imposturas nexuerit, sanè hoc pallio nunquam texerit improbitatem, cum hostilia profiteamur, hic autem sinceritatem depromamus.

Longissimè differunt inimici facta & dicta, ab amici specie: sic constat societas humana, adeo ut Solem è mundo tollere videantur, quicunque fidem sustulerint. Forò cedat oport-

oportet, qui auro præfente caret, aut, quod præ auro valet, fide: In pactis & transactionibus liberum est, re integrâ, hoc aut illud flagitare aut amittere: sed ubi jam conventum est, perijt libertas, adeo ut semper placere debeat, quod semel placuit.

CAPUT XIII.

*Charnassæus non potest persuadere Liga
partes neutras.*

Dispositio illa animorum pactis contraria, Charnassæum non admodum perculit, quod Cardinalis, quem nihil fugit, dum eminentissimum genium usque in fundum negotiorum demittit, ante monuerat, nullam fortè opportunitatem transigendi oblatum iri. Studium tamen quod suggererat ad Ecclesiæ commodum, adigebat ad omne genus suadelæ, ut media ad optatam transactionem amplexarentur necessaria, quæ eo majoris facerent, quod Liga, quâ unirentur, diceretur Catholica, cujus duo membra principaliora Ecclesiastico charactere fulgerent.

Verumenimvero primum pactorum caput offendiculo erat, cum abs sese impetrare non possent, ut ab Austriacis discederent. Charnassæus non destitit Duci Baviaræ demonstrare, Si Ecclesiæ commodum profiteretur, nihil ad eam conservandam omitteret, & suis, & cæterorum principum Catholicorum provincijs. Cum igitur tantummodo agatur de ipsius conservatione, ut adversus Sueci arma asseratur, quod futurum esset, si ab Austriacis recederet, nullam difficultatem sibi videri reliquam.

Nulla tamen dispositio ad istas rationes occurrebat; adeo ut Dux aperte diceret, non posse sese eousque descendere, ob gravissimam causam querulandi, quam sic Imperatori esset præbiturus. Respondit tamen ille, non videri id metuendū, cum principis ejusq; commodum

proprium alieno compendio rectè præferatur: hinc Imperatorem nihil oblocuturum, si ipse neutralitatem cum rege Sueciæ colat, ad evitandum patriæ exitium, quod alioqui appareret ineluctabile.

Hic tamen sermo, hæc æquè sanæ rationi, ac pietati conveniret, nihil quicquam apud illius animum valuit. Eadem Electori Colonienſi ſuggererat, quem ex regio jussu inde adiit, ubi tantundem effecit, quod Austriacorum commoda ad Ecclesiæ emolumentum collata, tanti faceret, ut videretur æquius laturus sacrarum ædium demolitionem, altarium profanationem, sacrariorum expoliationem, & sacerdotum ac monachorum gravissimas ærumnas, quam ut sustineret, Austriacos humiliari, & ad eam necessitatem deduci, quæ legitimis imperiis ambitionem includit: hinc causam illorum nullus deferere statuit.

Politica reminiscencia.

DE amicitiaë juribus multi multa dixere. Videas amicos, quos vere dixeris mensales, qui mensas operas sequuntur, quod canino generi est solitum. Alios nuncupes æstivos, qui ad ridentem fortunam adsunt, sed horrida hyeme offensi, discedunt. Ita videmus hirundines, & ciconias nobiscum stabulari per æstatem, frigus autem non ferre, & sub autumnum repetere climata temperatiora.

Sed quid fiet de amicis festivis, qui hyeme æque ac æstate perstant, modo festive habeantur: canes utique venatici, ex captura sibi partem, operæ pretium, tollentes. Thesei & Pirithoi amicitia celebratur ex Antiquitate, quod alter in alterius Crimen & carcerem transierit, nullo vitæ servandæ aut amittendæ, sed summo fidei frangendæ & amicitiaë lædendæ penso.

Cur autem amicitia coeat, vel ex connubio patet, ut nempe necessitas reciproce sublevetur. Quod si nulla ingratæ necessitas, neque experimentum fiet fidei. Itaque in rebus angustis probantur amici, adeo ut turpem subeant infamiam, quicumque deserunt amicitiam infeli-

cem,

cem, fortunæ utpote, non amicorum socij & amici.

Est tamen ubi ab amicitia discedere jubeat salus populi, quæ semper suprema lex esse debet. Principes sunt custodes & pastores popularium, quibus consulere debent pro re nata, omnibus occasionibus ad eum scopum conversis, per legem naturæ promptissimam, quæ sui est conservatrix. Imperat idem lex Salvatoris, quæ proximum vult diligere, ad modulum nostrimet, non supra nosmet; Rectissime igitur pactis inseretur, nisi tacite utrinque intelligatur, salus populi.

CAPUT XIV.

Bresæus frustra petit aliud armistitium.

O Cæcationem mentium mirandam notare licebat, quam cum stupore consideres, ubi duo isti Electores, si neutras subiissent partes, conservare poterant & sacra & profana, quæ alioqui exponebantur Suecorum violentiæ. Quis vero satis mirabitur, eos contempsisse illam transactionem, ex intercessione Regis permissam, & postmodum audacissime Regi imputasse calamitates Ecclesiæ per Germaniam illatas. Quasi vero, qui media certissima salutis præstabat, culpam everfionis ferre posset.

Si vero ipsi, repudiata transactione, patriam in id incendium præcipitavere, quod postea vidimus coortum, cur conqueruntur minus de seipsis, cum media ad finem aliquem deducuntur repudiants, sibi ipsi imputare debeat, quod votis excidit. Tandem instituunt prorogationem armistitij petere, postquam quindecim illi dies effluxissent, ut dispicerent alias transactionis vias.

Ipsæ Rex, ut graviores haberet exprobandi occasiones, & ut nullum prætermitteret casum, ad Ecclesiæ commodum, per Marchionem Bresæum, qui iterum in Germaniam abibat, ob eum finem, vehementissime id petebat. Cum autem Rex Sueciæ ipsi demonstrasset,

nullam aliam leniorem superesse viam, præter neutralitatem, quam repudiarent, uti vidimus, ambages autem & dilationes hostibus suis conferre tempus, quo obfirmantur & muniantur, negabat id sibi faciendum; adeo ut ipsorum pertinacia occasionem dederit potioribus victorijs.

Politica reminiscencia.

Summam imprudentiam parvi principes produnt, ubi victoribus, à quibus alioqui certissimam metunt ruina, nihil sese accommodant. Nulla ipsis iusta excusationis causa, cum necessitas legitima sit actionum nostrarum excusatio, etiam Justitia obliget infirmiores, ad subeundas fortiores leges. Crescit tamen illorum error, ubi sine ullo proprii compendij damno, nullo nisi neutrarum partium vinculo, possunt pacem indipisci.

Cæsar, ducum priscorum fortissimus, suadet transigendum esse quâcunque conditione, quæ secura fuerit, potius quam in bellum obstinari adversus potentiorum. Ex duobus utique malis semper est eligendum minus; unde Nauclerus laudem meretur, qui ad evitandum naufragium deserit spem opulentissimam. Tanta est inter mortales fallacia desideriorum, ut Sapiens moneat, cavendum enixè à malo potius, quam bonum incertum persequare.

Evenit enim non raro, hic qui sortem meliorem expectat, commodum oblatum rejiciat, in facturam votorum, adeo ut doleat, securitatem oblatam transiisse. Sic Tyrus pænitu, licet tardius, repudiatas, quas Alexander magnus offerebat condiciones, ne cogeretur longam inire obsidionem, cum ex illa pertinacia ædificia superba everterentur, major pars incolarum interiret, & reliqui subirent captivitatem.

Sic dubitari nequit, principes Catholicos obligari ad transigendū cum victore, si sacra paterentur detrimentū, ex bello ulteriore: nec ullū fœdus extat, quod contrarium exigat, postquam ipsi pagani tantam ibi æquitatem animadverterint, ut prudentissimi illorum obniti nunquam

quam voluerint. Quæ vero vœcordia, rempublicam cujuscunque mortalis, prætulisse causâ divinæ? Quæ ratio feret, templa Deo universi conditori dedicata, profanari & everti, ut princeps aliquis terrenus majorem adipiscatur gloriam.

Cum autem principes susceperint ex manu Dei coronas, justissimum fuerit, ut in signum gratitudinis religionem quâ colitur, præferant ambitioni fœderati principis. Quid ex contemptu tam prophano expectaverint, si abuti perrexerint, præterquam malum, quod Deus Salomoni minitatur, qui quod fœdus & mandata non servasset, ille, Coronam ipsius esset comminuiturus, quam famulo constituisse tradere?

CAPUT XV.

Rex Gallia patrocinium suscipit Archiepiscopi Trevirensis.

Eodem tempore commeabat Charnassæus frequentius ad Electorem Trevirenssem, ut demonstraret eadem, quæ Ducem Bavariæ & Electorem Coloniensem monuisset; majori tamen cum successu; quod occurreret sævæ trepidationi. Sueci enim ostium pulsabant, & Hispani Confluentias, oppidum insignè occuparant, cum cæteris alicujus momenti locis, adeo ut parum præter Hermesteynium superesset.

Miserat Scotkium, cubicularium, ad regem Sueciæ, ut tempestatem gravissimam averteret, qui pessime exceptus, quod non tantû provinciam, Trevirensis milite premeret, & grandè collectam Ligæ permitteret, sed etiam nuperrime corripuisset Stolbergæ castellum, trucidato Solmense, comite juvene, cum duobus familiaribus; etiam literæ tantillâ testarentur reverentiam: id demû responsum tulit, Dispiceret Trevirensis crumenam inflare, ac laute excipiendos hospites, quos in provinciam attraheret.

Non latere ipsû pactacum Gallia inita, quibusteneretur principes Catholicos in provincijs cōservare, modo neu-

tris studerent partibus; id sibi constitutum, quamprimū Elector satisfecisset officio, & legibus pactorum, quæ postulabāt, ut ab imperatoris partibus discederet: quod si hæc minus placerent, satis sese inventurum mediorum, quæ post socios eum redderent faciliorem.

Responsum hoc videbatur admodum ferox, licet æquissimum, cum promitteret neutras partes colenti, & pactorum leges servanti, benevolentiam. Nihil enim poterat amplius expectari à principe, per actus hostilitatis irritato. Elector verò, per naturam timidiusculus, pavere, Suecos singulis momentis ad ostium videre, calamitatem Herbipolensis recordari, spoliū reliquiarum metuere & hinc constituere, regi sese dare protegendū, qui ipsi recepit pacem cum Sueco sarcindam, & omne patrociniū, adversus quamcunque violentiam suscipiendum.

Non tamen dici poterat, studium Austriacorum abjecisse, cum identidem compertum daret, quo tenerri-mæ animi propensiones vergerent, sed sciebat, per necessitatem urgentem neminifas esse, cum proprio exitio alijs opitulari, maximè vero ubi naufragium totale imminet. Ex istis igitur rationibus Trevirensis quæsiuit refugium apud regem. Quamvis autem propositio in Galliam non admodum integra esset, oblata tamen, nempe deditio aliquot munimentorum per limitem, collectio virium in metropolim, propriæ personæ ad maiorem pactorum fidem exhibitio obtinere, ne repulsâ ferret.

Erat autem persona ejus grauior, quod per arbitrium regis, & Electorum Saxonis ac Brandenburgici dispositi-onem erga regem Imperatori omnis facultas præcideretur, regem Hungariæ filium, in regem Romanorum promovendi, quod quærebatur: adeo ut rex patrociniū illius lubentissimo suscepit animo, neutrarum partium indulgentiâ apud Suecum impetratâ.

Politica Reminiscencia.

Quamvis Neutralitas sponte parûsecuritatis cõferat, cū plerūq; medijs provinciâ doleant victori parere; diuersa tamen ejus ratio fuerit, ubi patrociniū nititur
poten-

potentissimi alicujus Monarchæ, qui ex vicinia omnem præstat tutelam. Vix consuluerim principi minori, ut sese patrocínio alicujus Regis subdat, nisi viciniore, ne per invasionem suppetiæ differantur, & post necessitatem, adeoque nimis tarde adducantur, ad defensionem.

Notum est, exercitum ex diuturnis itineribus minui, milite à signis dilabente; & copias perductas magis egere quiete, quam conflictu, unde clientelæ, quas reges nostrates per Italiam instituere, non admodum læto successu gaudere potuerunt. Sic Ludovicus XII. patrociniū suscepit Johannis & Hannibalis Bentivolorum; qui jussi sunt Bononiā exire, cum id minus metuerent, nullo regis auxilio eos tutante, Octavianus Fregosus idem patrociniū optavit, nec tamen Ducatum Genuensem servare potuit. Pisa etiam manus tendebat Gallis, deserta tamen, cum copiæ non satis tempestive possent submitri, ad illius tuitionem.

Diversa vero ratio complectitur principem, ad vestibulum regis potentissimi, ubi nihil facilius est auxilijs submittendis. Rex per honorem debet illius provinciam adversus quosvis asserere, adeo ut nullum inde confluat improperium. Lex enim protectionis obligat clientem, ad quamvis reverentiam & honorem patrono exhibendum, cum ea submissione, ut officij immemor, patrono jus præbeat provinciae corripientiæ.

Patronus vicissim debet patrociniū adversus quosvis, ut eum ab omni oppressione asserat liberum. Hinc patrociniū, quod Rex potens & vicinus suscipit, evadit securum, in primis ubi princeps cliens satis habet prudentiæ, ad observandas Neutralitatis leges, quæ hoc saltem postulant, ut neutræ partes foveantur aut lædantur.

Cum enim ita agat, nullum omnino præbuerit ansam invasionis, adeo ut victor, contumeliam illaturus, culpam injustitiæ insignioris suscipiat, quam ut Princeps minor unquam teneatur sese aperire, ubi periculum evidense exitij apparet. Fateor, institutum illius neutri placere, attamen neutrum offendit: quo casu neuter justam habuerit causam ad provinciam corripientiam:

sed si sese caperiat adversus magnum aliquem principem, patriæ imminentem, exitium vix vitabit.

C A P U T XVI.

Rex Marechalcos Forcæum & Effiatum mittit in Germaniam.

Quamprimum principes Catholici per Germaniam proposuissent neutras partes cum rege Sueciæ inire, Cardinalis, cui oculus semper pervigil ad utilitatem & decus gloriæ regiæ augendum, censuit exercitum satis validum esse submittendum, ut rex testaretur, securitatem expromtam, si eam quærerent; postquam copias validas vestibulo ipsorum admovisset, ad opem necessariam ferendam, & avertendam violentiam, quam ex revolutione rerum ab Imperatore metuere poterant.

Constabat ille exercitus viginti quatuor millibus pugnatorum, sub Imperio Forcæi & Effiati conjuncto. Cū igitur Elector Trevirensis inivisset neutralitatem sub patrocinio regis, necessariū visum; vel ipsius asserendi gratiā, munimenta tradi; quod Imperiales, qui hostium numero habent quoscunq; ambitioni suæ minus foventes, ea essent correpturi, uti inceperant, quo eventu Trevirensis uno vitato scopulo, in alterum collideretur.

Facile istanc intelligebat necessitatem, quæ etiā promissum de suscipiendopraesidio Gallicano extorsit. Hinc summi duces eū post pacta firmata, ad exoluendā promissorum fidem perurgebant, cū aliquid tergiversationis videretur addere executioni, post securitatem a Sueco impetratam, ne quid sinistri metueret, ex regis gratiā, cujus patrocinium subivisset. Instabant, ut effectum promissorum præstaret, cum iniquum esset, ipsum patrocinio Regis gaudere, & munimenta alijs permittere.

Castellum igitur Hermesteynium, ad rationem depositi tradit, quod munimentum est magni momenti, tum propter structuram, tum propter situm naturæ, adeo ut possit

possit Rheni transitum occludere, quo alluitur. Duodecim cohortes Gallicanæ, duce Saludiano, qui diutissime cum Electore erat negotiatus, præter Charnassæum, imponuntur. Eodem modo metropolin statuerat occupare, si auctoritate valuisset: Capitulum enim, ab imperialibus seductum, cum per vim eiecerat, ut locum cederet Comiti Isenburgico, qui præsidium Hispanorum satis validum introduxerat.

Philippiburgum itidem tradere satagebat, nisi custos mandato de Gallis recipiendis spreto, jugum obedientiæ excussisset, protestatus, nemini sese loci copiam facturum, nisi quem Imperator diceret. Hinc Hispani arbitrati sunt, Electorem ad eam dispositionem delapsum, forte & Confluentias traditurum Regi: unde præveniendum rati, præsidium injecerunt satis validum ad defensionem.

Quemadmodum vero locus ille majoris commoditatis, quam roboris, situs est in angulo, quem Mosellæ casus cum Rheno efficit, jam solus Rhenus dirimebat Gallos ab Hispanis; quod sepimentum poterat sufficere ad pacem colendam, nisi Electoris Trevirensis commoda aliquando dimicandi obtulissent occasionem.

Cum enim Rex teneretur ipsum protegere, nec aquæ tanti fluvij potuere extinguere fervorem ad quotidianos ferè conflictus, ex quavis occasione ortos. Sic non diu quietam habuere viciniam, quin concertationes leviculæ inter utrumque exercitum nascerentur, adeo ut rancorem traxissent, per diuturniorem viciniam.

Politica reminiscencia.

Quicumque medium sese videt inter Monarchas dissidentes, vix unquam rectissime consulere rebus suis, cum fortuna passibus erret volubilis ambiguus, & in nullo loco tenax ac certa permaneat. Sed quid agas, ubi gravissima imminet tempestas, quâ fuerit pereundum, nisi ut alicubi refugium quæras, & salutem. Parata invenies apud alterutrum auxilia & patro-

patrocinium, sed aliquando tanto pretio emendum, ut fors periclitetur.

Solent enim homines ex alienis dispendijs sua facere compendia, adeo ut longe verissimum sit illud vulgatum, Lucrum sine damno alterius fieri non potest. Præstat tamen jacturam facere, quam cum mercibus naufragio interire. Verum enim vero, absque ullo metu viveret cliens, si patroni mentem nosset, cui diffidere cogitur, ob tantos in animis mortalium recessus, adeo ut fratrum gratia quoque sit rara, & Mediolanensis docuerit Ducatus, nec sanguinis necessitudinem, nec tutoris sacratissimum nomen apud plerosque valere, ab ambitione penitissime abreptos.

Ubi vero Justitia signat frontem, & cordis testatur motum, tanquam Numini credendum est: id quod trepidantes vix concipere queunt, cum ad quodvis folium strepens concutiantur, & omnia habeant suspecta, imbecillitatis propriæ consciij, & à fastigio autoritatis delapsi. Hinc promptissimè promittunt, in periculis; sed ijsdem liberati, temeritatem damnant, ex consideratione grandioris damni.

Quæ perversa ratio mortalium etiam cælos pertingit, quos votis onerari solemus, ubi naufragium instat, etiam facultatibus superiora promittentes, cum nemo facile præstet minima, adeo ut pretium perijsse videatur, quod tabulis salutaribus impenditur.

Sic evanescit memoria pontis, qui transitum præbuit, & oblivioni traditur tutelaris, post superata præcipitia,



CAPUT XVII.

*Treveris obsidetur, & restituitur Archiepiscopus
per exercitum regis.*

Verumenimvero Cardinalis, cujus consilia semper conservandam censebant pacem inter duas Coronas, expeditum habebat remedium in armis Sueci, ut Hispanos hinc inde eijceret. Ubi convenerat, Moguntia exit Marescalcus Horn, octo millia equitum, & viginti sex cohortes peditum, optime instructas trahens. Rhingravio demandatae erant partes Confluentiarum subigendarum, quam medio Junio aggreditur tam fortiter, ut Hispani post pauculos dies certis legibus discederent: sic locus traditur Gallis, postquam incolae sumtus obsidionis & itineris rependissent.

Hinc Hispanis subiit pavor, ut alia quaedam loca sponte deferrent, vel saltem nihil repugnarent aut armis aut precibus: solam Treverim ægerrimè faciebant missam, quod multum fiducia collocarent in novis munimentis & praesidio satis valido, ut locum assererent. Effatus à rege jubetur obsidionem sumere; quo cum contenderet cum exercitu, mors, nec Alexandris, nec Caesaribus parcens, ipsi lucis hujus usuram ademittit Lusselsteynij, gloriam optime praestiti officij per prudentiam eximiam, in consilijs & legationibus; per fidelitatem summam in administratione fisci, & per virtutem insignem in imperio ad exercitum, non abstulit.

Nuntium hoc Regem dolore affecit; cumque nullum temporis momentum esset perdendum, ne Hispani in metropoli firmitus munirentur, misit Rex Estræum cum summo Imperio, cujus prudentia & virtus per plurimas occasiones eluxerant, adeo ut ab anno millesimo sexcentesimo vicesimo quarto titulum Mareschalci merito ferret. Celeribus Parisios linquit, ut maturius ad exercitum perveniret, ubi inveniebat, Comitem Arpajovium

um, & Comitem Susæ Campiductores, susceptâ curâ exercitus à morte Effiati. progressos versus Treverim, expetitâ sententiâ, cuius partes sequerentur: cum autem mallent illi obsidionem sustinere & vim vi repellere, cogeatur Arpajovius exercitum producere, iussis eodem tempore copijs vim expedire: id quod adeo promptè factum, ut incolæ sese viderent obsessos postridie, præter omnem opinionem.

Comes Isemburgicus, cui locus non videbatur satis validus, ut illuc includi sese pateretur, abierat Gravemakera, octingentis primo militibus submissis: cum autem vires exercitus Gallicani perpenderet, necessarium duxit, præsidium augere adeo ut trecentos equites, & ducentos pedites adderet, qui magnum apparatus rerum necessariarum trahebant. Cum in eum finem illos produceret, Estræus, id temporis adventans, ea objecit obstacula, ut pervenire non possent.

Ad anhelum nuntium mandat Comiti Susæ, & Vicecomiti Arpajovio, ut loco convenienti traicerent: qui eluctati, hostem è longinquo conspiciantur: proijciuntur viginti vetiles, Duce Alexi legato, qui omnia rectius specularentur, sed illi longius progressi, quam par erat, conflictu sese distineri vident, a quinque turmis equitum, adeo ut pedem necessario retraherent.

Opem tamen tulit in tempore Mulinetus cum viginti-quinq; nobilibus, quos sequebantur Cohortes Lufernæ, & Rupe Baritanti, tandemq; Cardinalis, quæ superveniebant, ducibus Marchione Monij & Coeslini. Ibi vero dimicatum fervidè, tanto nisu virium, ut utrinque sæpius iteraretur pugna, expeditis gladijs: donec equites Comitis Isemburgici, post diutinam obstinationem, cogerentur recedere, unde peditum ordines turbati, & omnes confusi in fugâ versi, quos Gallipersequebantur, tergo hærentes, donec nox terminaret ardorem victoris, & recedentium consuleret salutem.

Imperialium cecidèrè octuaginta nobiles, quadraginta dedèrè manus, carri cum apparatu exhilararunt victores; duo vexilla ad regem Chesellefius Bauntruvius detulit.

lit. Auxilijs istis fufis, Eſtræus cui obſidionis ratio non per omnia placebat, eam inſtituit diſpoſitionem, ut præſidiarij non longe poſt cogerentur facere deditiõnem. Capitulum fatebatur immanitatem, recepto principe legitimo: capitur urbs ad certas leges, & Equitem Seneterranum accipit gubernatorem.

Secundum felicem iſtum ſucceſſum non deſijt reliqua loca ſubijcere, ubicunq; Hiſpani eſſent nidulati: Sic tandem Archiepiſcõpum in poſſeſſionem provinciæ & reddituum reſtituit, ut frucretur bono, ex patrociniõ Galliæ orto, cæterorumque calamitates ex loco ſecuro ſpectaret.

Politica reminiſcentia.

INter regum actiones illuſtiores, quibus annumeratur tuitio clicatum ſpontaneorum, potiſſimam contulerit gloriã, potentiã ſic in ſummum gradum promotã. Nihil eos divinitati facit ſimiliores, quam ubi ſuas vires infirmioribus mutuunt. Quod ſi ſignum debilitatis prodant principes minores, fortunam ſecuti vidtricem, notam feret certiffimam ſummæ potentiæ apud Reges, non proſtituiſſe opem implorantes.

Protegere oppreſſos, maxime convenit majeltati, quæ nunquam feret rivalem coronæ poſſeſſa, & inde arma expedit communia omnibus cæteris principib⁹, qui hinc opem quærunt. Sic etiam evadunt arbitri omniũ vicinorum, quibus volupe eſt, litem magno monarchæ permittere, cujus arma juſtitia duntaxat mancipari ſciunt. Hinc etiã invicti fuerint, cum certum ſit, eum, qui benignam manum tendit amicis, ut à periculo præſenti conſervet innoxios, totidem conciliare ſibi deſenſores ad quamvis neceſſitatem; adeo ut ad quodvis inſtitutum arma illorum habeat expedita ſuis uſibus.

Sũmo honori ducitur Principi, ſi ſolus ſibi ſufficiat, ſine aliorum patrociniõ, per abundantiam & pecuniarum, & militum. Deſuerit tamen aliquid ad illius gloriã, ſi arma minus expediat in auxilia vicinorum oppreſſorum. Tyrannis altum ſapit & audet, per uſurpationem alieni,
juſti-

justitia vero viceversa gloriam constituit per repressionem violentiæ illatæ. Quod si aliquando Principem inducat, ut arma extra provinciam differat, fæderatos solummodo sustinebit, fidei suæ commissos, aut injuriam illatam vindicabit.

CAPUT XVIII.

Imperator recurrit Romam, ut fædus Gallia cum Suecia solvat.

PACTA Galliæ cum Sueciâ, & dispositio præsens Electoris Trevirensis, tantam trepidationem Austriacis incutiebant, ut nimis debiles sibi viderentur, ad tempestatem conjurandam, quæ imminebat gravissima; unde Romam confugiunt, ut Ecclesiæ Germanicæ calamitates exaggerarent in idem emolumentum, quod Hispanus aliquando illic invenisset. In eum finem mittitur Cardinalis Pasmanus, qui sane causæ nullus defuit, ut Pontificem maximum his negotijs intricaret.

Urgebatur Cruciata, quam Pontifex denuntiaret, ad conservationem Catholicorum per Germaniam, ad sistendos hæresios progressus, & ad Ecclesiam in pristinum splendorem restituendam. Ille palam & ubique mille calumnias adversus Suecos evomebat, ærumnas Ecclesiæ, & principum Catholicorum misérias crepabat; sed cautus reticebat, ea omnia inferri, non ob asserta, Ecclesiæ jura, sed ob comprobatas Austriacorum injustas usurpationes.

Manibus pedibusque obnixè operam dabat, ut Pontifici persuaderet, Regem Sueciæ, alterum utique Attilam, constituisse Romam obsidere, & Pontificem inde eijcere: habebat etiam in mandatis singularibus, ut depingeret fædus Galliæ cum Sueciâ instaretque apud Pontificem, ut misso Nuntio vel Legato extra ordinem, nondum illum scinderet, Ecclesiæ Catholicæ perniciosissimum.

Savel-

Sauellij dux, Imperatoris legatus, & alter Hispaniæ, iussi erant succenturiari. Cardinalis Borgias, nuper Hispaniæ clientibus insertus, propter Archiepiscopatum Hispalis, quem rex Catholicus ipsi contulerat gratuito, Cardinalium suffragia non tantum in particulari ambibat, sed etiam in Consistorio perorabat cum fervore eximio, satis apertè suggillato Pontifice, qui Austriacos, imò ipsam Ecclesiam destitueret in occasione gravissimâ; nihil oblitus verba aculeata, etiam protestatus amplissimè, de officio regis Hispanici, Ecclesiæ præstito, & de tempore in ejus optimis institutis promovendis.

Quemadmodum verò plurimi Consistoriales ignorabant summam rerum Germanicarum, quomodo ærumnæ aliquorum principum Catholicorum ex propriâ culpâ evenissent, ita primo in partes aliquantulū discedebant, ubi Hispaniæ clientes tantum fervorem prodidere, ut Pontifex jure de illorum instituto quereretur. Postquam autem Pontifex Consistorium de veritate rei edocuiisset, quæ ageretur, exposuisset; & Cardinalibus clarè demonstrasset, bellum Germanicum non esse bellum sacrum, sed profanum; ita causam decidere, ut Austriaci non multum inde retulerint satisfactionis.

Illorum clientes à Pontifice hoc tulere responsum, Imperatorem sibi attraxisse malum præsens; pecunias & exexcitus, quos ad inundandam Italiam, ad expoliandam Mantuam, & ad territandam Sedem Apostolicam adhibuisset, satis fuisse progressus Sueci cohibitueros repagulis fortissimis objectis. Sed & legatorum admonitiones, & Nuntiorum adjurationes fuisse illusas, Germaniam neglectam, Suecos contentos, Italiam invasam, & sedem Apostolicam coactam securitatis ergò, & ut patrimonium Sancti Petri conservaret, thesauros expromere.

Cæterum posse suam administrationem potius aliquid calumniæ, quam vituperij ferre; officia, quæ reddidisset, & porro reddere constituisset, satis arcere vituperium, & comprobare sollicitudines. Quæ Ecclesiæ spectarent emolumenta, ad ea sese lubentissimè collaturum pro virili, quod tamen parum videretur, postquam Ecclesiæ thesauros, exantlasset per Italiæ bellum; adhibitorum utique quæcun-

que remedia, ad extirpationem hæresios, & Catholicorum defensionem convenientia.

Sic sanè Pontifex centies mille scutatòs Imperatori erogat, ad sumtus belli; & ut ad hanc opem temporalem jungeret remedium spirituale, Jubilæum universale promulgat, omnes omninò populos exhortatus, ut precibus suis opitularentur Ecclesiæ Germanicæ. Id quod imperialium actorum desideria non explebat, adeo ut Roma discederent, non admodum læti.

Potuissent facillimè obtinere, uti alias, fulmina & excommunicationes adversus Galliam, vel etiam regnum exponere prædæ, si Gregorio XIV. vita superfuisset: verum enim verò nunc alio in sæculo vivitur. Detracta est species sacrorum Austriacis, quâ ambitiosa contegebant instituta; & Cardinalis, cui notum quantum intersit rerum publicarum, Romam habere propitiam, non neglexerat, in bonum Ecclesiæ & regni, annotare, & per occasiones observare Austriacorum institutum firmissimum, de Italiâ occupandâ, & de sede Apostolica ad incitas redigenda, ut de illius Decretis, censuris & fulminibus pro lubitu posset disponere.

Hinc igitur Pontifex qui animum gerebat ista constantissimâ veritate munitum, & obvallatum, non potuit circumveniri, adeò ut principes Catholicos Germaniæ reprehenderet, quod Ecclesiam præsentibus exposuissent calamitatibus, in gratiam illius familiæ neglecta regis gratiâ, qui protecturus veniebat Ecclesiam, & principes querulos, modo constituisent à pessimo instituto recedere.

Politica reminiscentia.

Antonius Perezus optimè dicebat Henrico Magno, Gallos quidem neminem invenire virtute parem, quos universo terrarum orbe conquerendo sufficere crederet, si ad fortitudinem congenitam accederet fauor urbis, potentia maritima, & consilium stabile, ex viris illustribus compositum. Hæc enim tria principem reddunt mitè potentem.

Hoc igitur curriculo rerum videor de concordia erga
sedem

sedem Apostolicam colenda ex officio dicere, quam sanè apprimè necessariam duco, siue calamitatum summam avertendam spectem, quæ ex dissidio plerunque oritur, siue expendam populorum assensum in quo vis reipublicæ instituto. Imperium in animas est mirè potens ac scupulosum, vel metu fulminum & anathematum, quo principes coercentur.

Sidus illud lucidissimum Ecclesiæ dicebat cum summo iudicio, fulmina ea, licet injutissima, esse metuenda; tum propter execrationes à Vicario Saluatoris pronuntiatas, quæ coram Deo admirandæ sunt conditionis, in convertendis regnorum elavis tum propter trepidationem in animos popularium sparsam, qui extemplo credunt, principem à Deo reprobati, quemadmodum à sanctâ sede rejicitur, unde non tantum reverentiam ipsi debitam perdunt, sed etiam plerunque transeunt ad inobedientiam & seditionem.

Ista sanè fulmina susceitarunt incendium tempore ultimæ Ligæ, cujus flammæ Galliam undiquaque corripuerant. Hæc ratione Nauaria concessit in potestatem Hispanorum, dum Ludovicus XII. concertaret cum Iulio II. Quod si concordia cum sede Apostolica ab istis ærumnis tutatur, non exiguum perinde emolumentum conferet reipublicæ, per probationem supremæ auctoritatis.

Hoc freno populares continentur in tranquillitate, ut jugum obedientiæ videatur leue: hinc amor erga principem sustentatur in mentibus, ut tolerabiliora fiant tributa ad alendos exercitus indicta, adeo ut summam liceat dicere, nihil occurrere adversi, quod sedes Apostolica comprobet, ut vel hinc queas perpendere, quantum reverentia sacrorum valeat.

Regi Numæ nulla potior industria, ut actiones suas populo Romano comprobaret, quam ut referret, sese omnia ex consilio Nymphæ Egeriæ instituere, quam Deorum internuntiam scirent. Immanis profectò erat Augurum potentia, quos interpretes rerum diuinarum & humanarum credebant, ut instituta & Consulum & Imperatorum vel tollerent, vel firmarent. Sic nulla potior extabat ratio, ad institutum quodvis collaudandum, etiam militum

militum animos inflammandos, qui executioni legebantur quam persuaderent, grata habere ea Deos.

Eodem modo nemo ambiget, Pontificum maximorum suffragium esse medium efficacissimum, quo populis persuadeantur instituta principum, ut vel inde quietius degant, nullo administrationis fastidio. Verum enim vero & Pontifices existimaverim plurimum debere Gallis, quam nullo non tempore habuere refugium, asylum, fulcrum & patrocinium: cum & illorum comoda nostris comprehendantur.

Gallienim non intelligunt quasvis Hispanorum subtilitates, alienissimi ab ambitiosis consilijs, quæ apud Austriacos patecebant, in oppressionem libertatis Ecclesiasticæ: nedum ut sedem Apostolicam sibi subiciant, Decretorum domini, sed ut Ecclesiasticos æquæ ac Pontificem summum integros præstent & conservent: cum satis habeant, Pontificem semper esse benignum, probum & prudentem, qui inimicorum artibus non pateat, pater communis audiat, & nemini ex suggestionibus maleuolorum procuret malum.

CAPUT XIX.

Cardinalis terminat dissidium inter Episcopos & Monachos.

Postquam rex redisset ex Lotharingâ, Cardinalis, quæ nihil in transigendo effugit, cum genio polleat, ad summum imperium nato, suscepit dissidium inter Episcopos & Monachos componendum, qui ab aliquot seculis tumultuabantur. Monachi privilegijs innixi, quæ à sede Apostolica obtinuerant, præsumebant agere cum populo docendo & absolvendo præter Episcoporum permissionem: Episcopi vero, quibus omnes omnino populares diæcesium submittuntur ex jure communi, impugnabant istam præsumptionem identidem. Privilegia illa monachorum ferebant ægerimè, adeo ut postularent eorum invaliditatem

tem solennem, quod ultima Ecclesiæ secula contrarium usum perhiberent, ex quo, uti videbatur, ejus in splendore servandæ esset petenda amissis.

Dissidium hoc admodum feruebat ab anno maximè proximo, qui publico dederat libellos aliquos, à monachis Angliæ propalatos, & videbantur Monasticam præferre reliquis Ecclesiæ summis munijs, adeo ut persuadere conarentur aliquatenus, Monachos magis esse necessarios, aut saltem utiliores Ecclesiæ, quam pastores ordinarios. Et ut verum fateamur, audaculæ erant istæ propositiones, quas præter ullius offensionem liceat dicere temerarias.

Quid verò de compositione istius dissidij speres? Finges ne, universam societatem monachorum, summè vastam & potentem, privilegia à sede Apostolicâ collata projecturam? Quid denique à Prælati impetrandum fuerit, si autoritas illorum adeo atteratur in administratione Sacramentorum, & verbo promulgando, cum per tempestatem Ecclesiæ nascentis monachi simpliciter essent in censu Laicorum, adeo ut in Ecclesijs Episcopalibus susciperent Sacramenta ex manu Episcoporum, aut fiduciariorum.

Quemadmodum verò præter Cardinalem nemo inve- niebatur capax conjurandæ tempestatis, cæteris ne mutire quidem audentibus, ad propositiones, quibus utique acquiescerent; hanc provinciam haud gravatè subivit, tametsi perpetuis occupationibus, quæ summam Christiani orbis, complectuntur, sine ullo interstitio distrahat: Zelus utiq; erga gloriam Dei, & Ecclesiæ emolumentum, otium suscipiendi negotij imperavit.

Accersit igitur omnium familiarum Monasticarum duces singulatim, quod sciret, rem in conventu publico, cui omnes interesse aurent, disceptatam minori successu processuram, quam si rudentem uno nisu disrumpere satageret, cujus tamē fila singula nullo negotio confringuntur.

Quemadmodum autem universæ antiquitatis momenta innumerato habebat, exponebat institutionem primorum monachorum, qui universi per intercessionem Episcopi fuerint Deo consecrati; adeo ut Episcopi reciperent vota illorum, & perinde eos instruerent, directores utique

conscientiarum. Add-bat, si prima ab origine rerum negotium reperatur, Apostolorum administrationi, quibus successissent Episcopi, fuisse submissos à filio Dei, quicunque facultates divenderent, ut expeditius consequi possent: cumque professionem vitæ Evangelicæ particularem suscipiant, præ cæteris mortalibus eis convenire ordinem in Evangelio institutum.

Sese validitatem immunitatum neutiquam vocare in dubium, postquam à Sede Apostolica eas impetrare licuerit, cui ipse nimium obsequium aut reverentiam vovisset ut minimè examen sanctionum inire sustineret: posse nihilominus hoc referri, ad ordinem à Christo & Apostolis institutum, quantum administrationem Sacramentorum & promulgationem verbi divini spectet, errari non potuisse. Neque semper expedire latissimum potestatis collatæ usum, cum sapientissimi quique cum summa modestia eam gesserint.

Nec verò ipsos negaturos, quin obligentur aliquid remittere ex prætensionibus, ad sedandum tumultum, quæ Ecclesia sustineat cum scandalo, & doleat, hæreticis libertatis traducendæ occasionem præberi: pacem istam longè commodiorem fore ad gloriam Dei, quam quæ illi procurare possent particularibus emolumentis; honorem ipsis conciliaturam, si sic omnibus omninò populis planum faciant, moderatos animos, & humilitatem, monachorum esse præclarissima ornamenta. Universum perinde mundum eos impensius culturum, ad maiorem familiarum Monasticarum splendorem, & potio rem popularium ædificationem.

Sperare etiam, hoc institutum magnæ utilitatis futurum coram Deo, si meritis obedientiæ & submissionis, erga Prælatos ordinarios adderent, quibus Deus utique ex proprio ore directionem populorum injunxerit, ad opera charitatis, quæ desiderarent exercere, suscipienda. Invitissimè sese eo inducendum, ut proponat, Episcopis esse juris dictionem ordinariam in ipsorum personas, & jus visitandi Monasteria; sed ut relinquuntur in libertate integrâ, ad functiones Monasticas obeundas, videri sibi, non recusandam dependentiam, quæ promulgationem verbi divini, & administrationem Sacramentorum, maximè Eucharistiæ & Pænitentiæ

nitentiaē spectent; imò assentiendum ad illam facultatem revocandæ potestatis, quam ab illis ex præscripto Concilij Tridentini suscepissent, cuius cogitata ōnia fuerint vera.

Rationes istæ tantâ æquitate pollebant, sed majus acquirerebant pondus ex sermonis gratia, ut potentia ejus ab omnibus familiaribus, adeoq; quovis appropinquante, ut qui omnia subigat, nullum obstaculum agnoscat, intelligeretur. Sic tandem singuli acquievere in ordine præscripto. Erant quidem rationis minus capaces, qui à principio ex minutulis difficultatibus renitebantur, sed prudentia illius summa eos deducebat ad scopum desideratum: adeo ut diceret, jam non esse eosdem, qui ante propugnaverant tanto conatu independentiam, siue immunitatem absolutam, quæ nullum Ordinarium agnosceret.

Conscribitur Declaratio, in qua fatentur, non posse sese agere cum populo absq; impetrata licentia & approbatione Episcoporum, & absque examine peracto; quibus integrum esset, eandem licentiam revocare. Sic etiam nec possent, nec deberent confessiones secularium suscipere, nisi prius essent comprobati, cum eadem dependentiâ, quâ Episcopi possent etiam revocare eandem licentiam, ex inepitudine notoria, & scandalo publico. Sic singuli sua apposuere signa: & Episcopi exemplaria declarationis divulgabant. Sic eminentissimus Cardinalis dissidium istud terminavit, quod tanto cum tumultu ab aliquot seculis constrepuerat, ut de transactione spes omnis videretur periisse.

Politica reminiscencia.

Aestimium & auctoritas amplissimi alicujus viri per rem publicam celebris, ab omni ætate comperta sunt media aptissima quibuscunque turbis componendis, cuiuscunque demum illæ fuerint generis. Iudicia ejus characterem pene quemvis imprimunt animis, cumq; universi eum contemplantur, uti genium excellentissimum, cui Cælum indulserit lumen & sapientiam exortem, nefas ferè creditur, quicquam obloqui.

Hic tantum ipsi involuntates mortalium confertur imperium, ut à sententia nemo discedat: hinc potestatem suscipit imperij absoluti, administrationis inconcussæ, & judicij universalis, cui nemo sese opponat. Fama de

Medici scientiâ prosperimâ plures ægrotos iuvat, quam ipsa remedia, adeo ut ista opinio ex solo aspectu restaurationem valetudinis potuerit perficere.

Sic certissimum est, fiduciam apud animos popularium acquisitam, plus potestatis ferre ad persuadendum, quam ulla alia suadeat adminicula, undecunque demum conquirantur, adeo ut sola præsentia magnam aliquando seditionem sedauerit. Autoritas Phocionis Atheniensis, & Catonis Romani per diuersas occasiones mira præstiterit. Sola verò industria Apollonij Thyanei philosophi potuit componere tumultus inter plurimas Asiæ civitates coortos.

Cùm Iulius Cæsar trajecisset in Africam, solus potuit per duellionem Legionum Romanarum compescere, fervente seditione, quas eò deduxit, ut exauctoratas post gravissimas demum supplicationes tandem restitueret. Et Pupilius Lenas Consul satis potentia invenit in autoritate acquisita, ut præsentia sua gravissimam seditionem plebis Romanæ adversus Senatum frangeret.

Fatebimur stupendum quid occurrere in seditione populari, ubi plebes ex rabie murmurat, spumas ciet, instar maris æstuantis, confringit & trucidat obuia, nullo pudore, per violentiam, flocci facit arma, sudes, lapides, & quævis castigationis instrumenta, ruit, trahit, prosternit quosvis occurrentes & tamen ad alicujus viri gravissimi aspectum hæret subito ex consideratione autoritatis eximiae, quam animi dotes, & merita in rempublicam acquisivêre.

Quicumque verò potentiam autoritatis & famæ novit, nihil stupebit; gnarus utique, plus ibi residere potestatis, ad persuadendum, quæ expediunt, aut ad repudianda noxia, quam in omnibus rationibus & artibus industriæ humanæ. Hinc in mentes imprimunt quævis sensa, adeo ut motum cordibus, linguis & manibus conferant, voluntatibus universorum mortalium in quamcunque partem versatis. Nescio quis character majestatis inde subeat in frontem benemeritorum, ad vim pene inferendam sententiæ constitutæ, ut eâ repudiata, illa sensa sequamur, summæ imprudentiæ sponte rei, per ullam oppositionem.

CAPUT XX.

Aurelianensis abit Bruxellas.

IN felicitatis parte non postrema poterat Lotharingus collocare pacem à benignitate regis obtentam, cui accedebat summa Cardinalis gloria, qui eandem conciliaverat Ecclesiasticis Galliæ. Quemadmodum vero aer vix unquam sudum servat diutinum, quin aliquæ nubeculæ recurrant, ad turbandam serenitatem; ita vix unquam pax satis firmatur in republica, quin subinde causa alicujus tumultus suboriatur. Id quod hoc tempore contigit.

Aurelianensis enim constituerat ire Bruxellas, sed dilato hætenus itinere, quod nunc demum executioni permittit, ut copias Hispanorum, Puy laurentio promissas certior haberet, & in Galliam irruptionem faceret, instituto invicem pensulato, ad expeditiorem finem. Sic igitur Nanceio digressus, à rectâ viâ fecedit Remiremontium petens, quo Margaretha redierat, ut satisfaceret amoribus pro more matrimoniorum recentium.

Dehinc Vefontionem transit, ubi aliquantulum substitit, donec per agrum Luxelburgicum descenderet Bruxellas. Theonis villæ relinquit Coniæum & Monsigotum, repetitis ab illo sigillis, & calamo ab isto, cui substituit Guilleminum. Non possum autem silere, iacturam benevolentia istis obrigisse, ex Puy laurentij fastidio, quod ausi fuissent rationes producere adversus matrimonium, cui promovendo ille advigilabat. Ex eo enim tempore sexcenta conciliabat tædia, impatiens omnium domesticorum obloqui audentium, quos exigere singulos statuebat; tantum valet amor & ambitio, ad occæcandas mentes.

Cum Infanti gubernatrici renunciaretur, Aurelianensem non longe abesse à Bruxellis, jubet omnem ipsi debitum honorem expediri, adeo ut cum summo honore exciperetur, & à principe, & ab Hispanis, qui suis rebus pronum videntes, certatim suppeditabant quæ desideraret. Introitu

distulit in vicesimum octavum Januarij, ducentis equitibus comitatus. Marchio Mirabellæ eum nomine regis Hispanici suscipit. Marchio Sanctæ Crucis, cum omnibus ministris & nobilibus Flandriæ excurrit obviam ultra leucā, agmini adjungens turmam cataphractorum, ex equestri ordine, solidoferro rectorum. Universæ oppidi tribus adsunt salutatæ, adeo ut eosdem susceperet honores, cum regina matre communes.

Descendit ad Palatium Infantis gubernatricis, ad quam invisebat, ante matrem reginā, exceptus eā gratiā, civilitate & lubentia, quæ geniū compositissimū decerent. & devincerent ultra sortē illius ætatis. Ipsa enim in limine primæ aulæ, ad excipiendos hospites præstolabatur, ut ibidem primos sermones intelligeret, præoccupās, dolere sese, quod in prima visitatione cogeretur concertare, de summo honore sibi præ matre regina habito. Ad quæ Aurelianensis admodum festivè respondit, sese isti concertationi facilius satisfacturum, quam tot obligationibus.

Post reciproca benevolentiae & civilitatis testimonia deducit Aurelianensem in alteram aulam, ubi Grandes Hispaniæ (ita vocantur proceres) & Equites velleris aurei cōversabantur, qui eum salutabant, omnes capitibus apertis usque, cum & ipsius aliquamdiu relecto vellet esse capite. Tum Aurelianensis & Infans sedes occupant, hæc sinistra, ille dextram: post colloquium semihoræ Aurelianensis rogat permissionem dissuaviandi fæminas, ad festiuitatem chorearum ornatas.

Hæc civilitate defunctus, abit ad reginam matrem, qua eum suspiciebat vindicem suæ causæ, ut regem adigeret ad Cardinalem ex aulā exigendum, sic denique ipsam in Galliā cum omni genere authoritatis restitueret: Sic igitur plurima lætitiæ & voluptatis in eo recipiendo prodit signa, tamen non auderet uniuersa testimonia illius benevolentiae, quæ sensui suo conveniebant, expromere, ut concordiam teneret in occulto, & consensum mutuū dissimularer.

Infans sumtus faciebat universos, usque ad decimum septimum Maij, quo die Aurelianensis Bruxellis discessit, studio admirando ad tædium fallendum, per quasuis recreationes, tum familiares, tum exteræ sumto: quarum tamen volu-

voluptas nonnunquam interrompebatur per æmulationes, & litigia, quæ inter complures illius, & reginæ matris sequaces cooriebantur.

Politica reminiscencia.

Cum summo periculo appellantur Exteri in rēpublicā, Cui ad seditionem fulciendam opitulatum rogantur: cui sic fomitem addi nemo ambiget, per vastam spem suppetiarum vagrandium, ut institutum procedat fervidius; sapiens verò nullam inde concipiet fiduciam. Hoc vero sinistra mentem arguit, ab illis expectare copiarum & facinorum mira, qui semet ægrè tutantur. Si quos habeant Libertinorum sectæ addictos, disciplinæ in capaces, viros ordinis boni pertæsos, sacrorum contemtores, & rapinarum studiosos, ad everrenda cum pulvisculo obvia, ubi pedem inferunt, eos submittere audent.

Quæ verò vácordia, viris cerebrosis, adeoque rationis expertibus ardua committi. Hinc videas, cum ferantur nullo studio in commodum vocantur, ita non facili se se obijciunt periculo, libertate rapiendi gaudentes, ut populares millenas sentiant violentiæ species; ubi verò prodeum est in aciei novaculam, torpent, frigent, trepidant. Quod si parum fiduciæ in militem externum sit collocandum, minus etiam operæ expectabis à ducibus ipsorum. Aut enim exiguæ fuerint virtutis, & præter rationem exigēs officium, quod præstare nequeunt; aut dotibus adducendas copias fulserint, & metues potius, quam confidas.

Neque enim dubitandum eos, nisi compendia inveniant sua, munimentum aliquod, si queant, invasuros; aut ubi facultatem promptam minus adipiscantur, consilia tamē agitare perniciofa, donec media dispiciant, quibus postmodum utantur ad opportunitatem. Cum Carthaginenses accersivissent ad exercitum quosuis Exteros, Gallos, Hispanos, Græcos, fugitivos, extemplo animadvertere rempublicam laborare, quemadmodum annotat Polybius.

Tacitus causam hanc rei reddit, ubi ait, exercitus, qui experegrinis consentur, non subsistere, nisi ad fortunæ favorem,

favorem, dissipari ad ejusdem sortem adversam, quod studio nullo animentur. Cùm Imperator Constantinopolitanus accersivisset decem millia Turcarum, qui suppetias ferrent, non distulit imprudentiam luere: illi enim fortiores sibi visi, provinciam missam facere non voluere, adeo ut conditioni deploratissimæ, sub quâ Græcia gemit, fecerint principium.

Nec Galliâ egrediemur, quin specimen occurrat istius prudentiæ, cum eandem nullus casus exposuerit gravioribus periculis, quam Angli & Hispani subinde advocati: aded ut vulgò sit notissimum, eos per dissidiorum civilium portas irruisse, quæ pandebântur, pedem adeo fortiter fixisse, ut nunquam potuerint exterminari, nisi post gravissima bella, & funesta prælia. Prudentissimus itaque habebitur princeps, qui eorum opera per quasuis seditiones uti noluerit; ubi verò eò clementiæ processit, ut ex maleficatorum consilijs arma adversus superiorem corripiat, nunquam tamen sibi advocavit Exteros.

CAPUT XXI.

Aurelianensis constituit sese conjungere cum Gonsalâ Cordubensi.

Ubi Aurelianensis videt anni tempus opportunum, ad deducendum exercitum, constituit Bruxellis exire, & cū Gonsalâ Cordubensi sese conjungere, qui Treveri eū præstolabatur. Antequam autem discederet publicè fuit auditus; ut Infantis gubernatricis gratiam auferret: Ea deducendum curat in hospitium à proceribus aulæ omnibus, submittit tres caplas, quæ & magnificentiam, & animi festivitatem abunde testarentur.

Prima testâ erat corio ambram optimam redolente, acui super picta, phrygionum operâ, cujus clavis, sera & insignia ex auro diversicolori; & gerebat geminam vestem opulentissimâ. Altera testâ erat serico villosa, optimi muricis & attalici laboris, & gerebat lintea variorum usuum, ad
sum-

summam elegantiam. Tertia ferebat quævis genera eduliorum, ex saccharo & opere dulciario. Addebat fistulas igniuomas, & duos equos eximios, festivitati potius, quàm labori assuetos.

Nec tamen obliuisceretur, principales exsectarijs de-mereri & cingulis & adamantibus, & torquibus aureis, quibus regis Hispanici imago pendula pretium & gratiam augebat. Sic igitur digressus Aurelianensis, persolitam diligentiam contendit Treverim, quo Gonsala Cordubensis processerat, ut inde, quod credi volebat, in Palatinatum transiret, rebusque Hispaniæ defetiscentibus opem ferret, quas rex Sueciæ turbaverat; sed animus erat, cum Aurelianensi irruere in Galliam, id quod verosimilius erat.

Politica reminiscencia.

P Rincipes diversis motibus agitantur: hunc fastidium exagitat, ut fortunæ in clementum emendicet vel apud populares, vel apud Exteros; ignarus utique, pretium operæ ubique repeti, quod de summâ rerum fuerit rescandum, uti Normannos in Angliam transiisse memorât Historici. Istum exterminat inimicorum potentia, ut hostium gratia vivere cogatur: uti Themistocles & Demaratus ex Græciâ abiire in Asiam, tam splendidâ ibi usi fortunâ, ut solitum haberent dicere, Perieramus, nisi perissemus.

Excipiuntur autem, quemadmodum Themistocles, à Monarcha Asiæ licet multo auro redimendas, ad animi vindicta explendum, cum summo favore, non propter personæ gratiam, quæ popularibus plerunque potior, vel saltem par; nec propter ulla merita, cum seipublicæ maximè noceuerint; sed quod tantundem debilitentur hostitum vires, nostris crescentibus, tametsi nullus eorum sit usus.

Ubi vero extorribus lubet redire ad suos, quemadmodum nemo tam projectæ fuerit prudentiæ, ut credat, eos servitium quærere, aut vanis honorum umbris pasci, cum ad summum imperium contendant, & ob eam causam ex patria discesserint; devinciendi sunt civilitatis officijs quæ
memo-

memoriam benevolentiae non tam citò exuant, sed vel ex aspectu crebro refricent.

Qui vero ludibria illa benevolentiae recipit, puerorum aetatem, quam crepundis devinciri scimus, caveat, ne sic obligari sese putet per liberalitatem, ut curam rei publicae conculcet. Scitum est illud Trajanum, hostium dona non esse dona, quocunque demum fūco offerantur. Quae nolim intelligi indetrimentum hospitalitatis & necessitudinis, quibus jus suum semper debet constare, quocunque fauente bello sed ut meminerimus, Principes privatim amare, publicè odisse, cum salus populi proprio commodo ubique sit praefenda.

C A P U T XXII.

Fastus Gonsala Cordubensis & diversum institutum.

REX Hispaniae ex aula dimiserat ineunte Ianuario, istū ducem, qui exercitui per Palatinatum praefect, & in Galliam transiit, legatus extra ordinem ad regem, ut viam quaereret rebus Germaniae componendis: exinde adiret Archiducissam, quae quid facto opus foret, porro imperaret. Adest Parisiis, abit ad fanum Germani Lari, ubi rex ad medium Martium subsistebat. Rex cum habet regē & splēdidē; sclopetarijs exercitum in ejus oculis adeo industriū imperat, ut jam deficiente aciei explicandae, & pugnae prudenter ineundae, ad summorum ducum peritiam, nihil dubitari posset.

Postea inuisit Gonsala ad Cardinalem, ciuitate eximia exceptus: cum autem nullos unquam sermones contulissent, subibat Hispanica vafrities, ad circumveniendum, si qua Cardinalis fidem haberet speciosis sermonibus, de Germaniae rebus. Is vero demonstrabat, consilia Imperatoris & Hispani nimis aperta patere, & bellum Germaniae praeter fundamentum censi sacrum; unde pronum erat intel-

intelligere, inanes fore technas, cum nulla impostura vale-
re queat adversus prudentiam tanti ministri.

Ex eâ causa moram traxit non longam in aulâ, quam
longe diverso consilio adierat, quam ut honores & civili-
tatis officia susceperet. Cum autem discederet, rem fecit
prorsus adversam cæterorum legatorum consuetudini, re-
pudiato scilicet ense, quem adamantibus distinctum, cum
cingulo ad decem millia aureorum æstimatum, rex dono
miserat: ut planum faceret, quo animo ex Hispania exivis-
set, nempe ut Galliam turbaret, unde nefas duceret, ulla
munera recipere, quæ remissiorem malevolentiam pos-
sent postulare.

Repensum tamen id paulò post vidit per Guranum, en-
sis illius latorem: ubi enim antanuenfis Gonsalæ munera
quædam offerret, eandem repulsam tulit, hisce verbis; Ni-
hil sese recipere à quoquam ministro Hispaniæ, qui libera-
litate regis contempsisset, cum nihil magis Parisiis posset
circumveiri, quam Casalæ. Postquam igitur per aliquot
dies in aula ista fuisset, redit Bruxellas, ut inde Treverim ex-
curreret, mandatis Infantis instructus, de prætolando Au-
relianense, qui sub finem Maij illuc concessit.

Gonsala eum excepit cum omni honore, quem excogi-
tare poterat; obuiam procedit, cum omni nobilitate Hi-
spanica, splendida eum cænâ, cum sectarijs honorat, ho-
spitijs locum cedit. Huc confluebant Gonsalæ & Merodis
copiæ, quibus jungeretur Comes Embdanus, nisi alibi di-
stineretur. Aurelianensis cum illis deliberat de summa re-
rum, ut qui crederet, potiorem copiarum partem in Galli-
am ducere; ostenderet tamen ei, Hispanos nondum con-
suetudinis pertractos, quæ plus spei quam subsidij præbet o-
pem implorantibus.

Hic rex, ex Cardinalis suâsu, advigilarat, ad consilia il-
lorum impedienda, dum satis negotij & in Germania, & in
Belgio facesseret, ne quid in vicinos audere possent: id
enim temporis Hollandi, cōmunicato cum rege consilio,
obsiderant Traiectū Mosæ, exercitu adeo valido, ut univer-
sa Hispaniæ, & Imperij vires salutem præstare nequiverint
obsessis. Gōsala enim necesse habuit universas eò cōverte-
re copias, cū illa obsidio Hispanos faceret occupatissimos
adeo

adeò ut Aurelianensis ex eàdem necessitate impetraret, quantum posset; unde Marchionem Fargisium in Hispaniam misit, qui suppetias ampliòres exposceret. Progreditur tamen Nanceium usque, fiducia Lotharingi, qui quod deesset virium suppleret.

Politica reminiscencia.

Ibi demum prudentiæ specimen prodit summus Minister, qui odoratur principis Exteri consilia, in fovendis seditionibus, & hostilem immittit exercitum, qui domi tumultuetur. Sic certo certius frangitur institutũ, cum ad incẽdium domesticum potius restringẽdum, quam ad excitandum per viciniam sit properaturus. Prævenire & distrahere, aiebat Alphonsus Arragoniæ rex, summa sunt bellorum compendia, quibus medijs agi non nuper ceptum, cum famosissimi per antiquitatem duces eo confugerint, necessitate quavis urgente.

Sic Syracusani effecere, ut Lacedæmonij in Atticam iruerent, ne Nicias in Sicilia admodum attritus, auxilia quæ efflagitabat, ferret. Sic Hannibal consuluit Antiocho, ut provincias Philippi pervaderet populabundus, & auxiliares copias, quas Romanis adjunxerat, domi occuparet, & à summâ rerum retraheret. Sic Auitus, dux Romanus, provinciam Tenetorum invasit, ne Ansibarijs suppetias ferre possent.

Neque enim satis est, numerosum conscribere exercitum, ad defensionem rei publicæ, & seditionem compe-scendam, cum prudentia æquè sit necessaria, ad distrahendas vires hostium, uti virtus exposcitur ad pugnam. Quin imò prudentia tanto majus præstat compendium, quod partes rebellium per diverticula frangit, & inde eam impotentiam redigit, quæ facinora ardua neget, & facilem victoriæ præbeat locum, cum prius violentia vix propulsaretur.

CAPUT XXIII.

In jus vocatur Mareſchalcus Mariliacus.

Circa hanc tempeſtatem ſententia lata eſt in Mareſchalcum Mariliacum, quem attentum & captum meminimus anno milleſimo ſexcenteſimo triceſimo, & cuſtodie mancipatum Menehuti. Non ignorabat Cardinalis, virorum inſignium ſupplicia nihil eſſe præcipitanda, ne juſtitie tenor imputetur vindictæ: hinc cenſuit, ſententiam aliquouſque differendam, non tantum ex morâ ſolitâ, ſed etiam nimîâ, ne quid ſententiæ conſtituendæ poſſet deeſſe.

Succurrebat etiam, aſtra ſummis cælorum Orbibus affixa, tardiffimè moveri; inde Regibus, quos Deus ſupra mortalium genus extulerit, convenire minus promtam juſtitie executionem, quam cæteris. Lubet autem reum iſtum inter eos numerare, qui ſunt alicujus notæ, non propter natalium ſplendorem, aut merita in republicam, ſed propter munus, quod Regia benignitas in eum contulerat, tametiſi id potius ageretur, ut ſic Reginæ matris importunis liberaretur precibus, quam ut merita cenſerentur, cum inopia illorum non poſſent regis provocare liberalitatem.

Tum ſanè Aulicorum prudentiores non abſtinebant Regis electionem, ad tam ſplendidum munus carpere, palam ſuggillantes, perverſa illius machinamenta in quovis munere, quod obviſſet in actiones inſigniores tranſiſſe: virtutem illius traducebant, nihil diſſimulantes, tantos honores minimè convenire viris illius ſarinnæ.

Meminerant apud Henricum Magnum nullam unquam ejus fuiſſe habitam rationem, adeo ut ad Aulam nō acceſſerit, niſi imperante Reginâ matre, quæ ipſi in matrimonium dederat filiam quandam ex Mediceorum ſurculo quodam ortam, antequam Corona Gallie ſibi

H h h

illam

illam conjunxisset; quæ ipsa pro compendio facultatum possidebat honorem nominis, & spem fecerat summorum bonorum, quæ alioqui nec cogitare quidem fuisset ausus.

Curricula annuli pensilis, quæ id temporis recreationem summam complectebantur, isti laudem virtutis, quam præliorum nullus unquam usus negaverat, contulere. Imperij militaris tyrocinium fecit per Champanium, sub Engulemiensi, ubi annonæ curam gessit, quâ tam avarè est defunctus, ut tum à Rege tulisset supplicium ob gravissimas querelas, nisi Cardinalis intercessisset.

Politica Reminiscencia.

Adnascuntur stolones arboribus, & familijs; illos licet amputare, hos non item. Inhumanitatis enim foret, quos vel Natura, præter legem dedit, vel pauperies apte susceptos honores sanguinis fecit participes, destituere. Compactum est Solis lumen in suam massam, quod tamen reliquis stellis diffunditur: & unus est princeps reipublicæ, qui redditu partem elargiatur cui cunq;, nulli regulæ subiectus, quam liberalitas respuit.

Splendor familiæ opulentiam adoptat aliquando ex matrimonio, aliquando ex Ecclesiasticis dignitatibus: sic videas angustia rei familiaris premi primogenitum, ex numerosa sobole, & sumtibus ad familiæ jura & splendorem sustinendum necessarijs, dum posteriores vel arte, vel Marte ad altiora consurgunt. Videas Archiepiscopali, adeoque Cardinalitiâ dignitate præcedere ultimo natos.

Sed matrimoniorum ratio vel Atheniensem Virginem Imperatori Constantinopolitano conciliat, philosopho patre natam; vel, Themistocle iudice, præfertur gener cordatus, licet fortunæ contumeliâ egenus, locupletissimo inerti, quod ille opes acquirere, hic dissipare nòrit. Sicilia eo iure cessit Suevis & tandem universa Hispania, cum regnis & provincijs opulentissimæ familiæ Habsburgensi.

Sed virtute acquiruntur favitores; sat habet favoritū, quem penes est virtus. Quod si virtus defit, & spes animi efformandi honores conciliet, idem agas, ac si puero arma viri aptare coneris: ut recte ille monuerit, Fortunam, uti tunicam, aptam esse optandam, quæ nimis longa & laxa impediatur maximè; brevior autem & arctior, quam par esset, nuditati tegendæ minus sufficeret, & cæterum penè suffocaret.

Gravissimus autem error inde oritur, & pessimè desinit; quod patronus virum nihili in eum finem extollat, ut ejusdem operâ fidelissimâ utatur, ille vero jam suæ fortunæ admirator, temerè imitetur Icarî ausâ & altius ascendat, quam alarum ferrequeat remigium; unde verius verbio locus factus, Tolluntur in altum, ut lapsi graviore ruant. Quicumque igitur fortis suæ fuerit memòr, minus errabit.

CAPUT XXIV.

Crimina Mariliaco intentata.

DUm Ciradella Veroduni strueretur, rex eum gubernatorem dixit: ibi ille prædas egit ex operis, ut quæ demonstrata sunt, præter illa in dubio, ob inopiâ testimoniorū relicta, prodigiorum vice ferant. Ubi præsidium accessit, eadem operâ & militi & structuræ adimebat; ipsius provinciæ Legatus eo processit violentiæ, ut à rusticis exigeret quæcunq; ad sustentationem familiæ requirebantur: complures pagi per transactionem solvebant annum censum, ne militi præberent hospitium.

Nonnulli paciscebantur penu & annonam, quamplerunq; primâ adferebant vice, cum deinceps pretio satis amplo addiceretur. Quicumque pagus jugum istius tyrannidis detrectabat, certam expectabat perniciem & exilationem, cū miles sciret, eam fore licentiam impune, & hoc insuper gratum hospitiorum diribitori. Quod cōmercium adeo clâ peragebatur, ac si mandato regis con-

veniret, quemadmodum ea omnia iudicibus sunt facta planissima.

Ad Rupellam anno vicesimo septimo, post millesimum sexcentissimum munia nonnulla obiit, quæ tantum ipsi bonæ famæ contulere, ut Commendator Valansæus, cui solitum est, quæque suis vocitare nominibus, aliquando ad Regem dixerit palam, ubi de homine minus cordato esset sermo, Eum Mariliaco non vœcordiorem. Id temporis ille per literas, & intercessionem sectæ in animum Reginae matris instillabat semina diffidentiae, & odij adversus Cardinalem, unde sinistri casus ad universæ Galliae oculos exurrexere.

Nec desuit exinde incendium illud fovere per summam sollicitudinem & industriam, ut nondum potuerit restringui. Dum Rex in Italiam transisset, Cardinalis ipsi in gratiam Reginae matris impetravit imperium in Champaniæ exercitum; ubi tantâ protervia ex paucis militari subducebat, ut aliquando tertiam, plerumque partem surriperet quartam, adeo ut quintâ vixunquam acquiesceret.

Cum Rex mandaret, ut copias in Italiam transmitteret, tot usus est tergiversationibus, vel ut regio instituto pessimum adderet successum, id quod sectarij impense optabant, vel ne cogeretur divitum possidere imperium trans Alpes, quod per Champaniam exors habebat, unde Regis consilia in summam abibant confusionem, nisi Cardinalis eximia prudentia, & summorum Ducum virtus, quibus Rex salutem exercituum Italicorum commiserat, collabentes sustentassent res.

Vix fidem merebitur tam diuturna tolerantia, si ad secula priora conferatur, ubi Marefchalcus Graeus, ex illustissima Regni familia ortus, qui obiverat sub tribus Regibus summa ministeria; thalassiarum Chabotus, vir sui temporis fortissimus, & qui cum Anna Momorantio rempublicam administrabat, Marefchalcus Biesius, primicerius Pojerus, Johannes Montacutius magnus Galliae magister, Petrus Essartius & Semblancaeus, rigidum sustinuerunt supplicium, ob idem, tametsi longe minus crimen peculatus.

Reve-

Reverentia tamen habita fuit reginæ matri, cui Cardina-
lis displicere noluit, ut regi omnia speciosis præmunire-
tur textibus, in salutē delinquentis. Secundū omnia ve-
ro seditiosa trica, cum fratre & sectarijs in aula institu-
ta: in exitium Cardinalis, & Reginæ matris tam illustre
dissidium, quod etiam in Dupæo negotio visus esset,
Regis animum adeo offenderunt, sive summam specta-
ret in gratitudinem, quā summum Ministrum incur-
bat, cuius intercessione Rex omnium optimè nōrat o-
mnes omnino honores & beneficia ipsi obtigisse, sive
indignaretur, sibi vim ferē illatam ad perdendū Car-
dinalem, cuius tamen prudentissimo instituto res publi-
ca susceperat commoda, quibus paria hominum me-
moria non inveniebat; ut coactum sese sentiret manum
retrahere, & reum justitiæ permittere, quæ secundum
leges regni vindicaret violentias tyrannicas, quas in po-
pulares exercuerat.

Politica reminiscencia.

Quicumque misellam plebem opprimit, crimen
committit, quod cælum usque pertingit, ut à Deo
vindictam injuriarum extorqueat. Ita enim compara-
tum est, ut miseri hoc commodo præ divitiis gaudeant,
in recompensationem bonorum fluxorū, ut Deus
sibi acceptum ferat, quicquid ipsi patiuntur, cum par-
ticulares pro totidem sui corporis membris agnoscat;
adeo ut violentiæ considerentur illæ, tanquam Deitati
illatæ, & impunitæ relinqui nequeant.

Magnis satis est datum virium ad tuitionem, quas
plebi negavit Deus, ut ipsius patrociniū suscipiat: unde
regibus, qui vivam potentiæ divinæ imaginem ge-
runt, vicarii utique Cæli in terris, injunxit, ut eorum
rationem reddant. Ex hoc justissimo fundamento facta
sunt Statuta Galliæ, quæ non minus quam leges Ro-
manæ severis suppliciis subijciunt Præfectos & Duces,
qui miseros ausi sunt immolare avaritiæ suæ.

Hinc Regum nostratium æquissimi severitatis volu-
ntate statuere exempla justissimæ in summos Regni viros,

istius tyrannidis & violentiæ convictos. Neque enim convenit, misellos populares, qui ægerrime sufficiunt summis vitæ necessitatibus, per extrema incommoda sustinent transitus & hospitia copiarum maximam, adeo partem onerum publicorum ferunt, ad explendam præfecti, aut Imperatoris effrenem avaritiam adigi.

Id veroforet, eos molestissimopauPERTATIS fasce opprimere, aut ad desperata propellere consilia, quæ tanto sunt periculosiora, quod Magnates, tanquam in agrû fertilem in animos ipsorum plerunq; sui spargant semina fastidij, ut germina dissidij exoriantur, quæ adolescentia inserviant odijs ad bella civilia concitanda. Istis vexationibus nihil offenditur minus rex, quam quispiam cæterorum popularium.

Est enim caput subditorum, ut eos regat; cor, quod vitæ scaturiginem servet; & fons spirituum acvirium, quibus vigeant. Unde fieri nequit, ut nimius ex illorum venis eliciatur sanguis, quin ipse langueat & debilitetur. Si enim aliqua necessitas inopinata postmodû ingrueret in rempublicam, non inveniret apud ipsos, quo subveniri posset. Quod si Exteri, nimis industrij ad cõpendia qualibet ex fastidio popularium extrahenda, in regnum irruant, nullo negotio seditiones suscitabunt, ex spe lenioris imperij.

CAPUT XXV.

*Supplicium extremum Marechalci
Mariliaci.*

Iudicium constituitur, causa instruitur, juxta leges iustitiæ usuales, accusatur Mariliacus, ducitur primum ad fanum Menchuti, inde Verodunum, ubi crimina essent commissa, & informationes sumebantur, ut testes majori cum facilitate producerentur. Hinc abire cogitur in castellum Rueli, ubi causam dijudicandam rex tradidit custodi sigillorum, cui additi erant viginti duo alij

alii judices à rege ipso lecti per integritatis laudem, & merita insignia.

Propterea nihil non licuit magno numero, & summa libertate causam ipsius agere: illi nullas artes, quæ possent animum pervertere, omittunt, ut judices adducerent in missiorem sententiam, quâ vita servaretur: timorem etiam obijciunt ex recommendationibus & comminationibus, quæ extra Regni limites coortæ, authores habebant potentissimos, quibus patrocinium ipsius obtrudi posset.

Postquam discussæ essent informationes, interrogatoria, & dilutiones cui negotio tempus bimestre impensum, Commissarii perfectam causæ concepere cognitionem; cum facta esset copia amicis & advocatis ipsius Compendij, quo & accusationem capita & excusationum summa continebantur, ad molem non parvam. Adeo æquabiliter eum eo actum, in reiiciendis judicibus, ut Commissariorum nonnemo, qui informationes composuerat, à judicio abesse juberetur, cum aliquot alijs, quorum refectionem rex non improbabat.

Permissum, ex judicibus aliquem, qui collegis argumenta mansuetudinis suggererebat, quascunq; inductionis vias ingressus, ut eum absolverent, in numero judicum sedere, tamen ex rigore Statuti potuisset excludi. Ipsus rex tantam addidit clementiam, ut nemo à partibus regijs submitteretur, qui rei condemnatione perurgeret; quin potius judices omnes accersit, dicitq; palam, ad majorem sententiæ libertatem, Non aliam sese ab illis petere justitiam, quam quæ minimo subditorum conveniret.

Deniq; bis rogatur reus, antequam sententia pronuntiaretur, post interrogatoria omnium longissima, trium utiq; dierum integrorum, diceret, quæ porro defensioni inservirent: respondet ille, nihil sibi reliquum, omnibus sic satisfactum. Hæc summa fuit mansuetudinis & gratiæ, ad reum salvandum, & judicio liberandum.

Quomodo vero potuisset à rigore Statuti quadragesimi sexti, uti vocant, liberari, quod Parlamentum habuerat ratum, & flagitat, ut peculatus à quocunq; commissus puniatur in corpore & facultatibus? Nulla erat ratio, ut

immunis fieret à supplicio per Statutum Blæsenſe conſtituto, ubi jubentur, Omnes duces & membra cohortis, qui convincerentur exegisse pecunias, ut hoſpitijs paſſorum & domiciliorum parcant, ſupplicium mortis ſubire, ſine ullâ ſpe gratiæ, hæc inſuper additâ, ob enor- miora crimina clauſulâ, Quod ſi per importunitatem, aliamve viam Reges veniam indulgerent, inhiſcentur cuſtodes ſigillorum, eam ſignare, & iudices eam atten- dere.

Neque vero in poteſtate iudicum erat, fraudem face- re legi, quâ prohibebantur clementiam regiæ majeſta- tis reſpicere. Deinde nullam cauſam inveniebant neque in re, neque in criminibus, quæ ad manſuetudinem eos ſpectaret, cum nihil authoritatis acquiſſerit in ullo mu- nere quod Rex meritis everendis contulerat, niſi quod graviffimè vexaſſet populares. Jam autem magiſtratus tenentur deſenſionem popularium ſuſcipere accuratam, quod ſola juſtitia eos non ſinat eſſe omnibus modis in- opes.

Cum & rapinæ plurima falſa trahant, perpetuasque ſuppoſitiones, quæ mortis ſupplicium unice inferrent, jam major ſeveritas iudicibus incumbabat. Nec repu- blica detrimentum patiebatur in morte illius, qui ni- hil unquam eſſet de ipſâ commeritus, quod tantillam ferret notam; quin imo author fuiſſet factionis illius, quæ Aurelianenſem hoſtilibus armatum copiis contra Regnum concitârat.

Qua ratione vero deſiderari poterant, Cardinalem, cujus merita revera adeo ſunt ſpectata, ut regi poſſent errores omnium reorum, quibus veniam quæreretur, con- tegere & memoriam obliterare, gratiam regiam fatiga- re ad indulgendum, cum penitiſſimè haberet comper- tum, eum conſenſiſſe, & fortè propoſuiſſe ipſius exiti- um, cum & dexteram offerret, ad facinus tam execran- dum à Nunquid fatendum; poſt tam graves & juſtas ra- tiones, indulgentiam in hoc caſu vituperio notandam fuiſſe, adeoque injuſtitia nomen ſumturam?

Hinc duodecim ex iudicibus ſententiam ex rigore le- gum ſumunt, capitis eum damnant, declarantque re- um

um & convictum peculatus, concussionum, collectarum, exactionum, imposturarum & suppositarum accetilationum, feloniarum & oppressionis in subditis regijs. Sic postridie, octavo scilicet Maij, capite truncatur in planitie Greuæ, quo deductus fuerat ex Castello Rueli.

Politica reminiscencia.

Beatam illam rempublicam, ubi legum est accurata observantia, prædicabat ille priscus: verè beatam utique dicemus, quod leges amputent quævis reipublicæ noxia, inferant omnem utilitatis furculum. Nec vera felicitas in ulla alia re consistit, nisi in immunitate maiorum ingruentium, juxta possessionem bonorum ad splendorem. Contentis legibus, opprimitur populus, usurpantur aliena, grassatur inobedientia, fervet seditio, pervadit violentia, omnia adeo crimina, quæ pestilentiarum instar corripunt faniora, in ruinam reipublicæ concurrunt.

Iustitia viceversa, quæ solâ legum observantiâ constat, amputat universas illas calamitates, singulis sua confert, tranquillitatem indulget, ordinem servat, & usum bonorum permittit liberum. Iustinianus Imperator eleganti utitur vocabulo ad Prætorem Lycaoniæ, quod in Cõstitutionibus extat, dignum regum domiciliis frequentioribus inscribi, ut recordentur, quantum emolumentum in rempublicam redundet ex observantiâ legum.

Quæcunque inquit, ad justam reipublicæ administrationem pertinent, Constitutionibus principum sunt definita: hinc boni regiminis instituendi auidus nunquam errabit, si eas sibi proponat vitæ exigendæ regulas. Sic omnes norunt, principem non ritè dici legem viam rei publicæ, nisi illas interpretetur, & mandata illis observandis accomodat. Severitas, quam hic exerit, laudabitur, utilis utique ad conservandam rempublicam à confusionibus, quæ bono publico obfunt, immunem.

Licet rigor suggilletur, unquam tamen violentiæ feret vituperium, cum ad leges conformetur, à quibus illa

est alienissima. Optandum, ut magnâ curâ rependat officia & sibi & reipublicæ præstita; nullus tamen permittet, ut leges in contemptum abeant, & inprimis quæ popularium obsequium servant, adeoq; oppressionem arceant. Quid veroprofuerit legum sanctio, si post constitutiones in transgressores, armentur minarû fulgure tinguantur rigore, nullo iustitiæ exercitio, aut operæ pretio? Sic sagittæ vane implent pharetram, nisi educi queant, & arcui aptari. Sic magistratus fiet statua immobilis, aut phantasma chimericum, terribilimentum scilicet somniantium, & crepitaculum puerorum, si in fervore negotij evanescit & disparet sine ullo effectu, quem ut in mundo producat constituitur.

C A P U T XXVI.

Rex dehortatur Lotharingum de bello.

Cum Lotharingus eâ duntaxat ratione Vici pacem cum rege inivisset, ut opportunus, ex sensu animi bellum redintegraret, videbatur sibi commodam nactus esse occasionem in dispositione illâ negotiorum, maxime in Aurelianensis instituto, quod in Gallia coquebat: hinc militem scribere incipit, & nonnulla loca munire. Rex mentem illius planissime discit, ex literis interceptis, quæ de malevolentia abunde testarentur, per verba speciosissima, ut regem conijceret in negligentiam limitis illius asserendi adversus quemcunque casum.

Nonnullæ scriptæ erant manu parentis, aliæ calamo Pfalseburgensis, quæ non tantummodo summam faciebant Aurelianensi fiduciam armorum Lotharingicorû, sed etiam invitabant eum, ut sibi vigilaret, & ad suscipiendâ Galliæ coronam, quæ verbis clarissimis dicebatur brevi in manus ipsius perventura, omnia disponeret. Interceptæ itidem erant quædam Puylaurentij, ad Pfalseburgensem, quibus eam faciebat certiolem, ardua quædam instituta, quæ disposuerit, fore infallibilia.

Acce-

Accedebat Cardinalis oculus acutissimus, qui penetralia principum Exterorum scrutatus, factionem omnem in aperto cernebat, maxime vero & clientelis & collusionibus in ipso Regno perplexis. Iuxta tum Regi causa, arma Lotharingæ inferendi, ad exterminandum Ducem, provinciamque corripendam; nisi Cardinalis, qui nunquam consulit bellum, suscipiendum, præterquam abinani pacis studio, potius censuisset, mittendum Guronum, qui & quereretur de injusto instituto, & tentaret animum ad saniora consilia revocare; etiam instituto clarius perspecto, ordinem executionis expiscaretur.

Gratum hoc regi, Guronus mittitur, adit Ducem, salutat nomine regis, additque Regiam majestatem non satis admirari posse, quod ipse post pacta ante quatuor aut quinque menses inita, quibus spondisset, omnem cum Aurelianensi & quibuscunque Galliæ hostibus abrumpere communicationem; nihil ominus in præjudicium pactorum Aurelianensem revocavit Nanceium, ut is armatus in Galliam irrueret, rogatis etiam & Imperatore, & rege Hispaniæ, ad copias submittendas, cum sponte sciret, tantummodo suas producendas, ad augendam Galliæ gloriam.

Verba ista, testimonijs fulta certissimis Ducem reddebant perplexum, ut nihil responderet, nisi dissimulationes satis rudes, ex quibus Gyronus melius intelligebat ipsius consilia, ac si per veram pænitentiam prodidisset infidelitatem. Non tamen semel tantum sermones miscuere, nec ille semel tantum connixus fuit animum in viam rectam reducere errantem. Obijciebat enim regis clementiam, quam esset expertus in pactis Vicianis, cum Rex ipsi supervenisset imparato & admodum debili, nec Austriacorum arma opitulari possent, unde provinciâ potuisset exui. Noluisset tamen Regem eo jure uti.

Deinde alternabat metum, si consideraret, per diversas rationes, quas explicabat, quam facile rex esset confecturus copias in Galliam immittendas; qui tum infortunio futurus esset proximus, ad sævitiam armorum,

si regia majestas magna serie rationum perurgeretur, ad vindicandas tot injurias. Esse cur credat, Regem, Hispanorum per Italiam, & Anglorum ad Rupellam triumphatorem, istas quascunque copias dissipaturum, quamprimum in aciem prodiret majestas regia.

Rationes istæ adeo justæ erant & prægnantes, ut quemvis alium principem, prudentiæ tenaciorem, abstraxissent ab instituto bello, nisi nimio flagrasset odio in Galliam.

Politica reminiscencia.

Quemadmodum amicorum dona non semper sunt salutaria, ita inimicorum munera aliquando carent noxâ. Ibi enim potest latere simultas, quam aliæ rationes graviores comprimunt, donec occasio sese præbeat; & hic constare potest virtutis studium, ex conscientiae instinctu, ad famæ immortalis gloriam; adeo ut conjugum fides non semper sit integerrima, quod vel Romanorum Regum historia docuerit; & hostium odium ultra gloriam nihil efferatur, quemadmodum magnanimo leoni satis est stravisse catulos allatrantes, & Cyrus Cræsum habuit consiliarium intimum, uti Alexander Magnus etiam Darij mortem vindicavit.

Consilium Prisci rem sacram habuere, non minus, quam amicitiam & hospitalitatem, adeo ut Barbaros despicere non tantum propter mores agrestes & feros, sed etiam propter inhospitalitatem, & nullum tesserarum usum, constituto etiam ad eum finem sacerdotio, cultuque divino, in violatores rerum sanctissimarum, quibus maximè gauderet societas humana.

Verumenimvero par animadvertitur perversitas in consilijs dandis, uti in donis recipiendis. Quid sibi quærant principum intimi, per gloriam dominorum, notius est, quam ut denuo admoneam. Suadent illi, commodis Principis identidem prolatis, sed ut sua dispiciant compendia: sic felicem sequuntur, & gratiarum largum: minus prosperum deserunt; omni spe delapso etiam insultant.

Quid

Quid vero de hostili dicemus consilio? Sincerum fuerit primitus, sed in utriusque commodum: in fervore negotij vix tale crediderim, cum ibi & strategemata valeant, & dissimulationes in transactionibus locum invenerint. Potest tamen animus ad pacem compositus, vel hoc modo bellum veluti deprecari, vel iustitiam armis suis addere, & favorem quorumvis mortalium mereri.

Tutissimum fuerit, & amicorum rationes, & hostium consilia ad trutinam defæcati iudicii expendere, ut quæ optima sunt dispicias, & quæ convenerint eligas. In eo sane plurimum aberravit Xerxes, quem Themistocles monitum volebat, ut fretum Hellesponti, quod ponte straverat, servaret, adversus Græcorum institutum, qui reditum ipsi intercludere constituissent. Credit Persa hosti, & Græciam irretitam summo liberavit periculo.

Solemus auri argenteve monetam oculis & manibus versare, an proba sit; Lydio lapidi affricare, an livorem ducat minus sincerum; dissecare, ut vi cerapateant, nonnunquam vitiosa & inducta proba materiâ; sagacissimi in aulam imponunt, ad ignem liquandam & excoquendam, qui aliena separet; omnibus est in usu statera ad pondus exigendum, adeo ut laudatissimo nemini fides habeatur, nisi ex superiori aliquo examine: mirum igitur, Principibus consilia non ere, sed è personâ probari, aut rejici. Plurimum tamen valent motus animi in utramque partem.

CAPUT XXVII.

Rex præmittit exercitum; & ipse sequitur.

Nullis igitur rationibus poterat induci Lotharingus, ut partium studio abiret, postquam summi vararum seriem ab Austriacis mentem obfuscassent. Non tamen aperuit sese tumplane, sed usque dilato responso, donec Aurelianensis advenisset; adventabat autem armatus, ut irruptionem faceret in Galliam. Cum etiam interea

interea apparatus belli magnus fieret, proum erat iudicare, quam alieno à pace esset animo.

Quæ cum rex intellexisset, Effiatum jubet ex agro Treverensi movere in Lotharingiam, ipse certus, eodem contendere, jam toties edoctus, quantum virtutis præsentia principis sufficeret Gallis. Jubentur & aliæ copiæ, hinc inde conscriptæ, ad limitem Lothariæ confluere, quæ ipsum præstolarentur, donec alicui negotio vacaret, quod tum urgebat. Necessum enim habebat, promptius excurrere Caletum, cujus præfectus renuntiabatur factioni Aurelianensis accessisse, fide interpositâ, de fidei adversus quosvis operâ.

Locus ille magni est momenti, & alias introitum præstabat Anglis, quibuscum Aurelianensis iungebatur. Hoc malum ne inveterasceret, cautio erat: remedium tamen cuius accidisset laboriosius, quam regi, obdistantiam locorum, cum sic rex Parisios relinqueret, & à Lotharingiâ longius recederet. Ipse tamen, qui per vigilantiam sæpius egregias tulit victorias, laborem itineris vertit in delitium: gnarus utique à pueritiâ, sapientissimè Imperatorem illum in facie obversânumi singularis consignâsse media, quæ reipublicæ Romanæ conciliaissent imperium Orbis, Romam scilicet & manibus & pedibus alatam, ut intelligeremus, per vigilantiam evasisse illam in dominam Mundi.

Hinc nullas unquam turbas civiles aut extraneas ita metuit, quin extemplo præfensesset ut inopinantes obrueret malorum consiliorum sedulos, & sic conatus non operosissimè redderet inutiles. Abit ergo ex fano Germani, ineunte Majo, excurrit Caletum, intro ducit postridie sex cohortes ex legione Navarraâ in Citadellam, jubet Valansæum exire, & alieni bi privatum esse, curam loci tradit Ramburæo parenti, donec aliter videretur: post bidduum recedit, & eâdem diligentia recurrit in Lotharingiam, ut Ducem illum edoceret, institutum illud æquam injustitiam, & temeritatem prodere, & audaciam illatis armis castigaret.

Politica reminiscencia.

Cum Deus reges constituat, tanquam imagines suæ potentia, simul injungit illis, ut contumeliam majestati illatam, quam contulit, æque ac subditorum errores vindicent. Nemo ambiget, quin ad eam partem officij præstandam inseruerit dexteræ gladium tanquam certissimum signum potestatis collatæ, qua sibi ipsis de injurijs illatis satisfaciant.

Quicunque ea virtute laqueet, ut toleret contumeliam, breui in contemptum vicinorum delaberur, omnes omnino experietur infestos, ipsum adeo **D E U M** adversum, qui offenditur nimia conniventia, ad obfusandum majestatis splendorem, quem fronti impressit, adeo ut patiatur otiosus, indignam honore privari. Particularibus nulla ad repulsandam injuriam concessit arma, præter principum justitiam, quibus tutelam inferiorum mandavit: regibus autem ex diversa ratione potestatem dedit castigandi quoscunque aggressores.

Neminem agnoscunt superiorem, qui arbitrium dissidiorum sumat, judices utique controversiarum suarum adeo ut jus armorum corripendorum nullis limitibus circumscriptum gerant, nisi ex prudentiæ quam justitia comitetur, instituto. Primum mobile a nullo cælo mutuatur motum; & reges summæ utique causæ per rempublicam, nullo circuitu auctoritatis superioris ad bellum gerendum clauduntur. Sufficit, causam armorum oblatam esse: unde non postremum ex Ecclesiæ astris fulgidissimis id bellum vocat justum, quod vindicandæ injuriæ ergo suscipitur: & Archidamus apud Thucydidem ait, bellum justum esse adversus eos, qui temere offenderint.

Nulla autem grauior offensæ Principem irritabit, quam ubi exercitus constatur ad invasionem, & pacta violantur mitissime conciliata, post abolitas priores injurias. Hinc leges politicæ non tantum bellum permittunt, adversus obsidionem ceptantes, aut provinciâ depopulantes, cum nullo jure ad excipiendam obligentur illam
contu-

contumeliam; sed etiam satis habent, malevolentiam perspexisse.

Non levis fuerit prudentiæ, diversam servare rationem, cum duces cordatissimi quique nunquam non existimaverint, præstare præcipitari bellum in provinciam alienam, quam nostræ inferri: Quod si & infidelitas accedat contra pacta, & fidem datam, jam summa intelligitur ex jure Principum fieri injuria. Equestris ordinis viri jugulum invicem petunt, ad primum vitium promissi, unde Principes id minus ferunt, ob consequentia, quin bellum exemplo denuntient.

Soli Hispani, per ambitionis palpum ajunt, ventum & plumas & promissâ auferre, sed æquissimi quique politici docent, sic illudi principibus, ubi promissis cœunt pacta, quæ mens neutiquam servare constituerit. Homero solitum fuit dicere, Eum hostis numero habendum, qui promittat, quæ præstare nolit.

CAPUT XXVIII.

Aurelianensis venit armatus in Lotharingiam.

Cum Rex esset Lauduni, ex cursore, quem Forcæus submiserat, intelligit, Aurelianensem transisse Malaturi, quod est pagus exigui momenti, inter Verodunum & Metas, ut in Lotharingiam eluctatus, cum ducis copiis jungeretur. Accurrit subinde alius, qui nuntiaret, Aurelianensem primo adventu bellum fecisse, & cohortem Velitum, ab Effiato nihil sinistri suspicante missam, concidisse; tametsi Dux teneretur liberum permittere transitum copiis regijs: & sic hostiles copias in Galliam effudisse.

Hinc Rex cogitur ad exercitum promptius ire & expeditum & numerosum, cum & Effiatus ex Germaniâ esset reversus; & Dux Chaunius, præter Estræum dudum jussi, nobiles in limitem contraxissent. Sic ad quintum decimum Junij adest ad Menhutun, impetu ad Lotharingum

ringum opprimendum paratissimo, si quicquam moveretur, aut suas cum Aurelianensis conjungeret copias adversus Galliam: sapuit tamen rectius. Effiatus, temporis parcus, exercitum admovet Ponti Mulsionii, & incolas adeo terruit, ut portarum referrent claustra, præter omnem vim.

Idem pavor ipsum Ducem corripiebat, ut apud animum dispicere inciperet, idem præcipitium, quod sub exordium anni tam ægre evasisset, patere. Petit igitur Effiati colloquium, quo excusabat adventum Aurelianensis, protestatus, quod cum nunquam accersivisset, certiorque de quibuscvis fidelitatis testimonijs regi offerendis. Id Effiatus renuntiat regi, qui minime consultum putabat, secundam offensam prætermittere impunem; cum verbis nulla posset inesse fides, post certissimam notitiam instituti perversi, & odij flagrantis adversus Galliam: Hinc igitur procedit Vaubecurtium usque, in Lotharingiam pervaturus.

Refertur interea, legionem equitum, magistro Leoncunctio, non longe istinc abesse, ad Ruuræam: jubetur igitur, ut Dux cautius disceret agere, Comes Aletisij sexcentos assumere equites, præter sclopetarios, & triginta manipulares ex Cardinalis, & ducentos gregarios ex regis excubijs, equis strigosis impositos, & legionem illam profigare: id quod dicto citius, cum tanto fervore peractum, ut ex serie, quam Rex præscripserat, ducenti quinquaginta adversarii caderent, plurimis faucijs & captis, quinque vexillis præter grandem equorum numerum, ad peditum amplius commodum raptis.

Ex parte regionum nullum insigne patuit damnum, quod intra septenos casos, & nonnullos vulneratos stetit, cum Dux Halvinus, velitum regionum caput, et Buchavennæus referrent brachia globulis plombeis pertusa. Duabus inde leucis Calabrius scribebat equites, Lotharingi auspicijs, quem triginta velites ex regijs, & totidem ex Schombergijs adeo impetuosè oppresserunt, ut defensionem nullus esset locus, sed captivitati inopinatæ.

Rex progreditur, & loca per Lotharingiam hinc inde corripit: sic Barladucum ad primum feciale redditur; fanum Michaelis consequitur, quod Rex triūphabundus ingredi voluit, ductis, quos ceperat ad Ruuræam captivis, cum universo exercitu, ut incolis pauorem incuteret, quibus insolitum erat, tantam aspicere majestatem. Hinc jubet possessionem iustitiæ intrare Nesimundum, supplicationum magistrum, in foro supremo Lotharingiæ, quod hic celebratur cum autem officiales recusarent fidem juratam præstare, interdicit ipsis munia, subrogatis alijs, ut dux Lotharingiæ per pauculos dies videret perniciem paratissimam, quotiescunque auderet in Galliam impingere, projecto officio.

Rectissimè equidem comparanero Principem istum exilem territorio, cui primum est, cælo exhalationes offendere, & nubibus inde conflatis Soli obtenebrare; unde tamen paulo post exiliant tempestates, grandines & fulmina, quæ universam illius speciem deturpent, segetibus luxuriosissimis prostratis. Quicumque enim perpenderit ardua illius instituta, quemcunque apparatus, & omnem conatum ab initio imperij, inueniet, euasisse omnia in tempestates grauissimas, quæ in provinciam exundarint per calamitates sævas; disparuerint etiam, ad nubis, qua tonitru generatur, evanidum interitum.

Politica reminiscencia.

Cum nullum censeatur bellum justum, ex sententiâ æquissimorum Philosophorum, quam quod idem fuerit absolutè necessarium; nunquam licebit Principi, illud sumere, nisi ex causis grauissimis. Nemo non ibi collocat scaturiginem malorum fatalium, cum publica impietate, violentia, extorsione & crudelitate distrahatur, fenestra nullenis confusionibus pandatur, innocentes morte immaturâ corripiantur, locupletissimi, divexentur, & panis quotidianus pauperibus eripiat. Quis igitur unquam bellum faciet præter grauissimas causas, aut vim necessitatis summam?

Qui-

Quicunque autem princeps sine belli suscepti excidit, maxime feret supplicium temeritatis, quod vires ad institutum non exegerit: videbit enim continuo aut exercitum profligari, aut leges satis infames præscribi. Cum cogitaret gloriæ & potentiæ facere compendium, relabatur in summas angustias, quas optime vitare potuisset, ex prudentiæ usu, & consideratione Numinis, quod regnis & imperijs suos constituit terminos: nobisque definivit locum, antequam nasceremur, adeo ut fortuna non minus, quam vita circumferibatur.

Quanti cunque igitur sollicitudinibus differamur, ad augendam fortunam, ad prolongandam vitam, neminem tum quidem addiderimus, nisi Cælum voluntatibus fauveat. Promptum hic est discere, maxime industrios & fervidos minus proficere, genios perpetuarum tricarum studio perplexos in ea sæpiculè incidere pericula, quæ alijs parabant, principesque qui sese putabant ingeniosissimos captatores captos esse, & fallacijs proprijs irreteri.

Sagacissimi quique è longinquo speculantur instituti eventa, impetum ferventem minime secuti, & iudicio actionum arbitrium permittunt: gnari utique, imperium præcordiorum trahere imperium in fortunam, imitati Cæsaris prudentiam, qui nunquam exercitum duxit, nisi prius constituisset quatuor ista. Primum habebat, vires hostium exacte pernoscere, quos erat invasurus, cum commodis & incommodis. Alterum censebat, exercitum parare, vel antequam illi, quid futurum esset, resciscereat, ut inopinantes, siquiret, opprimeret. Tertium complectebatur omnem apparatus & belli & annonæ, quem necessitas ad subsistendum exigebat. Ultimum reiciebat in machinas, instrumenta, & quæcunque ad summi negotij executionem usui essent.

Istæ dispositiones Cæsariper diversas occasiones promovere institutum ad felicem successum, adeo ut plerunque exiguo temporis spatio patraret admiranda. Quicumque ad victoriarum istarum imitationem adspicit, exemplum prudentiæ ab eodem petat, cum præter illam non evitaverit tantundem subire infortunii, quantum somniaverat gloriæ.

CAPUT XXIX.

Dux Lotharingie mittit, qui regi offerat obsequium.

Frustra splendorem eximium induerint astra ad exortum Solem, qui matutino tempore è tenebris progressus, primo aspectu illa recondit. Frustra fluviorum maximi, qui mortalibus ex undis rapacissimis metum incutiunt, latitudine alvei ad æmulationem cum Oceano invitantur, cū appropinquantū undas universas ille absorbeat, tanquam tributarias Frustra Princeps exilis potentiam armorum explicuerit ad vires immanes Regis potentissimi, cum sic vix obtineat speciem minimæ stellæ, cui ad exortum Solis, nec splendor, nec usus relinquatur.

Id demum Lotharius fateri est coactus, tametsi invitus, cum copias profligari, & oppida corripi videret: adeo ut Curtrissontum ocys ad regem mitteret, quin omne obsequium deferret. Rex, qui sciret per curriculum victoriarum semper præferre pacem bello, meminerat, infidelitatem diffidentia sufficere æquissimæ causas: neque credere poterat, verum incesse pacis desiderium, cum institutum adversus verborum speciem abiret, hinc pergit die Mercurij, qui erat vicesimus tertius Junij, Nanceium versus, adeo ut post biduum attingeret Liverdunum, duabus leucis remotum, cum parte exercitus, alterâ ad Nanceium usque progredi jussâ.

Jam intelligebat Dux, regem non inani operâ procedere ad castigandam temeritatem Galliaë infestam; cumque exercitus numerosus instaret, mittit Villanum, cubicularium primum, & Janinum actuarium intimum, qui denuo offerrent omne obsequium, cum amplissimis mandatis ad transigendum. Testabantur illi regi, Lotharium impensè dolere, quod sese rebus Aurelianensis admiscuisset, additis ducis nomine protestationibus

sum-

summis, de studio & fide in posterum inconcussè servanda ex officio: paratum esse, ad præstandum homagium Barrij, & fortunas suas cum Gallia conjungendas: neque desinebant copias omnes offerre, quæ cum regijs conjungerentur, omnemque operam ipsius, ad quodcunq; bellum gerendum; adeo ut regi copiam facerent, majoris fidei ergo, aliquot oppidorum, ad rationem depositi.

Rex humaniter excipit, quod sciret, plus gloriæ obtingere ex submissione hostium, qui se victos fatentur, quam si conculerentur & expolientur: Etiam revulsis omnibus pene clementiæ limitibus, promittit alteram hanc veniam, ad transactionem ipsi exoptatam, modo posset securus fieri promissorum. Cum autem alia fidei testimonia requirerentur, quam superiora, ne denuo facilitate perversorum consiliorum abuteretur, rexeos ad Cardinalem ablegat, quocum pactorum summam constituerent.

Politica reminiscencia.

Quamvis omnes omnino principes longe plus potentiae & opulentiae possideant, quam tranquillitas animi exigat; plures tamen ambitionis instinctum secuti, neglectis prudentiae legibus, novis quotidie impliantur consilijs. Videntur profecto oculos avertere a possessis, ut alienis extimulent concupiscentiam: sic enim solida & vera pacis commoda dispiciunt, ut umbram gloriæ incertam, ludibrium videlicet bellorum, persequantur.

Institutum potentiae intendendae suscipit infinitas ægritudines, adeo ut animadvertere liceat, mentem illorum, ne institutis cancellos circumdari patiantur, semper per incerta vagari. Accidit etiam plerunque, ut viribus non recte ad institutum applicitis, rempublicam evertant, prolapsi in infamiam, victis paratam, dum majorem potentiae somniant splendorem. Deus enim arrogantiam castigat, cum segetem molestiarum gravissimarum ex spinoso desideriorum campo colligunt, ut

qui thronum potentiae satagant maximè efferre, gravi-ori involvantur ruinâ.

Sic sane infans, à nutrice desertus, antequam sine adminiculo incedere queat, minus corruet, quam Princeps ambitione divexatus in medio Imperio: Infans enim, ex adminiculi inopiâ trepidus, arripit obvia, nihil ulterius audens; sed princeps, semel illo malo occæcatus, nimia confidentiâ inflatur, & præceptis tuit, consilij sperplexatur, quæ facultates excedant, & per ærumnas compertum facit, Eum à pernicië non longe abesse, qui neminem metuat. Quanto rectius præfigerentur termini desiderijs, ut mens perpendat, non amplissima imperia principem beare, sed moderationem desideriorum compingere sub rectæ rationis imperium, si quæ turbent.

CAPUT XXX.

Alterâ transactio pacis cum Duce Lotharingiæ.

Quem prosperum successum minus expectare liceret ex transactione istâ, postquam Cardinalis manum admovit? Nam Virtus ejus & consilia protulerant jam limitem Galliæ, erexerant plurima trophæa ad gloriam Regis, novis additis palmis: unde nihil dubitandum videbatur, quin iterum Lotharingos edoceret, Monarcham istum & virtutem & coronam jure hæreditario à regibus Galliæ priscis obtinuisse, quibus gloriæ fuerit, priscos Lotharingos subjugasse. Neque enim metuebat Austriacorum auxilia, quæ sperabantur, adeo ut nulla omnino futura esset transactio, nisi pignora eximia & secura præstaretur fides.

Hoc enim sermonis principium sumebat Cardinalis, ut omnem spem sui circumveniendi perderent, inani deinceps verborum lenocinio & vanis fidelitatis protestationibus. Duo erant, quæ fiduciariorum disponere videbantur ad subeundam ipsius sententiam, & necessitas ineluctabilis, quæ duci aut perniciem

niciem, aut transactionem imperaret, Et difficultas summa, de instituto credendo, nisi effecta consequerentur; cum nihil moveretur tot calamitatibus, quas exantlaret, quin per magis propitiam occasionem restauraret bellum, adjutus Auftriacorum auxilij, qui ipsum facinabant speciosis promissis.

Tam falso simile apparebat illa commutatio mentis, ut Cardinalis ægerrimè fidem adhiberet: cum autem conjecturâ aliquid assequeretur, cum sibi scopum in transigendo proponebat, ut regi tanta commoda obtineret, quæ Lotharingo facultatem intercluderent tertij erroris, nisi exitium sponte esset quasiturus. Colloquium instituitur Liverduni, ubi post complures contestationes convenit, ut Dux intra sextum diem oppidū & castellum Stenai in manus regis traderet: quod inde à triduo consequeretur oppidum & castellum Jamesij, pignora utrique fidelitatis, cum universa annona, armis & apparatu præsentī, ad annos quatuor.

Quo tempore elapso eadem loca redderentur bonâ fide, ad eandem constitutionem, quâ nunc traderentur: liceret interea regi militem imponere, ad quemlibet numerum: incolæ jesjurandum præstarent, obstructi ad quietem colendam, nullo sinistro ausu. Præterea Dux post triduum Regi traderet oppidum & munimentum Claremontij, in quam ius Rex putabatur habere, lite in Parlamento Parisiorum pendente, ut postea possideantur à Rege per integram proprietatem & supremiorem, modo Duci solvatur pretium, ad quinquagesimum denarium, juxta canonem, ad rationes revocatum, per fiduciarios utrinque legendos.

Dux teneretur regi præstare intra annum tempus fidem & homagium de Ducatu Barrensi: si quæ lites essent, aut moverentur, ex à fiduciariis utrinque dictis definirentur, qui convenirent Parisios, quotiescunq; regi placuerit, ad quævis dissidia amice terminanda. Conventum etiam, ut Dux quinque priora pacti Viciani capita religiosè servet, quibus hæc transactione novus accederet vigor, adeo ut nullo modo ab illis debeat recedere; tandem & liberum regijs copijs transitum per provinciam permitteret.

Car.

Cardinalis viceversa promittebat nomine regis, ut Duciredderentur oppidum & castellum Barrii, oppidum & castellum Divi Michaelis, Pons Mussonii, & quicquid omnino arma regis ipsi eripuissent: copiam ex agro Lotharingiae deducerentur: persona & provincia Ducis adversus quoscumque assererentur. Cardinalis omnes istas conditiones regi persuadet, quae displicere non poterant, compendiosae utique & ad ipsius gloriam, & ad Galliae emolumentum, ut sic otium concederetur, ad restinguendum incendium, quod genij quidam perduelles, Aurelianensis nomine abutentes, operose excitabant hinc inde in Regno. Sic igitur transactio sigillis firmatur Liverduni, die Junij vicesimo sexto.

Politica reminiscencia.

Cum homo sit natus liber, nulli nisi parentibus subditus, quos tamen propediem deserit, alimentis propriis sagax; nihil mirum, difficulter coli obsequium, adeo ut vim adferre credatur Naturae, communi matri, qui aliorum libertati derogat, aut insidietur. Inter omnes autem omnino mortales nemo liberiores se putat, nemo majorem sibi licentiam sumit, quam qui per Natales eminet, aut per virtutem.

Hinc verum apud principes exulat, cum gratissimi sint adulatores & voluptatum arbitri, adeo ut Clitus ab Alexandro Magno ob linguae, licet temulentae, liberiores usum vita fuerit privatus. Tum vero certatim adulatores animum ex virtutis sensu confusum & prostratum, illecebris libertatis adeo titillarunt, ut rationis usus demigrarit in libidinem, quidvis agendi. Exinde alius visus Alexander, multum mutatus ab illo, qui sudores laborum, & sanguinem vulnerum, cum gaudio ferebat, ut ab Atheniensibus celebraretur, jam vero Macedones fastidiret, & totus, quantus esset, devictae Nationis mores luxuriosos indueret.

Quod si animus magnae libertati assuetus redigatur in angustias, firmitatem cancellorum frendens considerabit; sed ostium apertum nactus, ruet uti lacus aggeri-

geribus ruptis, qui prius stagnabat placidus. Sic violentia ignis explodit globum gravissimum, per istam con-
stipationem fortior. Quid igitur speres obsequij à genio
constricto, nisi ut libertatem nactus, eadem utatur. Ita
ajunt, lupum in foveam delapsum, ex captivitatis pudore
indignabundo abstinere oviculâ, quam, si exiliat,
sponte repetat, sed jam liber, & devoret. Nec præter rem
vincula parantur, & cancelli ferocibus bestiis, homini-
bus vero imperantur & obsides, & pignora, ut, cum ma-
ximè velint, minus noceant.

CAPUT XXXI.

Dux Lotharingiæ reconciliatur regi.

Post transactionem pactorum Rex abit ad Pontem
Mussonij, ubi Cardinalis Lotharingiæ ipsi adest,
qui de promissis fratris caveret: sic Stenæum committi-
tur Lambertæ, cum legione subcunctis; & Plessius, cen-
turio legionis Picardiæ, occupat Jamesium, introdu-
cât illâ legione. Et Rex vicissim reddit, quæ per Lotha-
ringiam corripuerat: Cumque Rex pernoctaret Sico-
prati, Dux adest ad obsequium præstandum, testatus
magnum dolorem, quod tantæ fuisset causa molestiæ,
obnixè rogans, ut memoriam præteritorum aboleret.

Rex ducem excipit cum omni apparatu benevolen-
tiæ, quam optare licuisset, asseverans, nullam sibi præ-
teritorum fore recordationem; sed & credere, eam ip-
sum sumturum vitæ rationem, quæ præteritorum nihil
refricaret in posterum. Dux prodebat quasunque pro-
testationes de obsequio fideliter colendo, tametsi ne-
hilum quidem pactorum cogitaret exequi. Sic Rex re-
vertitur in Galliam, & ad Parisios redit, cum mal-
let ductum benignitatis sequi; quam diffi-
dentiæ, cujus causæ nondum e-
rant oblitteratæ, in-
dulgere.

Politica reminiscencia.

Semper majorem meruit laudem in principe nimia fiducia, præ diffidentia, ubi res periculo caret & damno: potior enim est diffidentia, ubi securo esse non licet ex verbis alterius, & fiduciæ summa periculum invitat. Equè errat, qui nemini fidet, & qui cuivis fidem habet. Quemadmodum prudentiæ est, fiduciam coercere per metum justum infidelitatis; ita fortitudinis non postrema est nota, diffidentiam projicere, metu illo sublato.

Accidit enim aliquando, ut fiducia, quæ inimico occulto additur, animum illius flectat, & ad officium reducat, adeo ut à sinistro instituto discedat. Sicuti diffidentia summè lædit amicitiam sinceram, ita fiducia nescio quam vim occultam trahit, ad captivandos hostes acerrimos. Neque enim immoti sunt motus animorum, adeo ut aliquando clementia & benignitas eos potius convertat, quam violentia, id quod in leonibus observare licet.

Quamvis terra sponte sit mala, carduis & spinis producendis aptissima, redditur tamen quotidie melior, adeo ut granum optimum producat, manu diligenti exculat: sic genij, licet parum fidelitatis gerant, & per naturæ vitium ad imposturas inclinent, sæpissimè ad rectum rationis usum reducuntur, per benevolentiae testimonia.

A Venetis specimen aliquod mutuari liceat, qui captum Mantuæ principem, hostem acerrimum, & in exitum ipsorum juratum, non tantum libertati reddidit, sed & summum armorum imperium addidit. Is autem, cum ex tanta fiducia sese victum videret, miram virtutem in causa illorum propugnandâ ostendit. Et Augustus, postquam fiduciam in S. Cinnam resumfit, & is accusaretur de cædè intentatâ, consulatum contulit, supplicio abstinuit; unde eum sic devinxit, ut neminem prorsus haberet fidiorem, & ad obsequium promptiorem.

CAPUT XXXII.

*Aurelianensis Manifesto atroci impugnatur
Cardinalem.*

SUPERIUS diximus, rege ad invadendam Lotharingiam parato, Aurelianensem transiisse, ut copias in Galliam effunderet: ibi arma regis, qui accurrerant maturè, moram nullam indulgebant, Lotharingi etiam copiis, quas sibi adsciscere sperabat, seclusis, cum alioqui ad institutum minus habuisset virium, & rerum cursus per Occitaniam, ad mentem factionis, invægrandem non abiret perduellionem.

Ex Lotharingia igitur digressus, petit agrum Bassinianum ut Andeloti hospitaretur decimo tertio Junij die ubi, qui & benevolentiam & calamo ipsius abutebantur intimi, sub nomine ipsius promulgârunt Manifestum, quantam mens concipere queat, seditionem spirans. Scatebat protestationibus speciosis de colendo rege, unde perturbatores reipublicæ nunquam non rapuere prætextum sinistrorum consiliorum. Quasi vero emolumento regis inservirent, perturbatores Regni, qui obsident & expugnant urbes, opprimunt subditos, ærarij redditus corripuiunt, equestrem Ordinem perduellione implicant, nullo penso clarissimarum & absolutarum inhibitionum.

Neque enim protestationes quicquam ferebant præter velum speciosum, quo intimis Aurelianensis placebat amicire impatientiam, animorum gehennam, quod viderent, Astrologorum præsagia, quæ à biennio mortem regi denuntiabant certissimam, unde fortunam propitiam suis commodis & votis adstringerent, omni carere effectu. Hinc ad calumnias delabuntur adversus Cardinalem, per exaggerationes adeo absurdas, ut vel inde minus fidei invenirent: adeo verum est, maledicentiam nimiam, & extra similitudinem veri nullum

nullum omnino imprimere characterem in animis mortalium.

Quis enim crediderit, perturbatorem tranquillitatis publicæ, hostem regis & familiæ regię, quod in eo Manifesto deblaterabant, qui per prudentiæ usum regi in Lotharingia obtinuerat intra spatium quindecim dierum quævis gloriæ compendia, etiam præter vota? Quæ ratio occupandæ reipublicæ, quod Aurelianensis & auribus & calamo instillabant, qui summâ sollicitudine eundem reconciliârit Galliæ, post primam secessionem, ad expeditionem Pedemontanam nunquam inducendus, nisi de certo Aurelianensis reditu constitisset.

Sic pronum fuit postmodum ipsis extorquere confessionem istius calumniæ, cum regi persuaderet clementiam, & summam magnificentiam, ad reditum in Galliam denuo procurandum. Quæ vero inde exculpetur ratio corripendorum armorum, adversus ipsum? Cum nulla penitus extet, nemo non ad oculum videt, calumnias illas atroces nihil atterere ipsius gloriam, quin imo, ad moschi & civettæ naturam, quibus fragrantia ex fimo & cloacâ intenditur per eandem antiperistasin & luctam contrariorum, quâ ignis per sævissimæ hyemis frigora vim geminat; universæ illæ caluniæ, quas maledicentia in ipsum evomere potuit, suavem famæ eminentis odorem, quam officijs & virtutibus humanâ pene sorte superioribus acquisivit, admodum auxere.

Dicam tamen aliquid de sensu ipsius, quantum istam rabiem spectat; vero verius omnino esse, cum potius Galliæ sortem doluisse, quam ut paveret ob propria compendia per illam tempestatem, nullâ prorsus inquietudine animi tentatus. Universi enim illi conatus animi vehementius obfirmabant; fulmina illa, quot isti jaculabantur, ex rupe constantiæ resilliebant, quæ ex plurimis complurium annorum ictibus ex non dispari officinâ obduruerat, adeo ut quæcunque moles procellarum, quæ interitum minitabantur, id unum effecerint, ut universus terrarum orbis intelligeret, ministerio reddi gratiam immotam.

Politica reminiscencia.

HOc demum institutum miram injustitiam portendit, ubi summi ministri officia calumnijs rependuntur: si enim beneficia ex quovis justitiæ genere merentur gratitudinem, nulla fuerit ratio, injurijs laceßere atrocissimis famam illius, qui nullo non momento vacat bono publico. Priscus ille dicebat, principum esse, male dicentiam referre ex beneficijs: hinc sanè celeberrimi ex antiquitate, adeoque universi, qui regibus nostratibus summam præstitere officia, sustinere impetum ingrati-
tudinis.

Redeamus in memoriam istius Monarchiæ ultimam contemplemur universos singulatim, qui summam reipublicæ, auspicijs regum administrarunt, & neminem non inveniemus, tanquàm scopum invidiæ, & vituperij exercendi. Causas alibi retulimus, nunc hoc unum duntaxat addimus, gratiam principis, beneficia ab ipso recepta, & gloriam ex actionibus laudatis nascentem satis causæ ad odium concitandum præferre; tantum potest invidia in aulis principum.

Neque verò malum hoc nostræ Monarchiæ est singulare, cum longe sit vetustius & universalius. Athenienses enim legimus Themistocli indixisse exilium, viro illius sæculi amplissimo, etiam summis in rempublicam meritis clarissimo. Ipse Phocion post diuturna officia ab iisdem Atheniensibus capitis damnatur, & cuncta hausta animam reddit. Sic Coriolanus odium fert, in jus vocatur, & extorris agitur apud Romanos, quibus sola necessitas agnitionem erroris attulit. Quomies verò Mosen Israelitæ exercuere seditionibus, quem Ægyptus miracula in gratiam popularium patrantem admirabatur?

Millena alia exempla, si opus esset, planum facerent, malum hoc esse epidemicum: deploratissimum nihilominus, vel ob summam injustitiam, cum iniquissime divexentur viri benemeriti de republica, & admodum utiles; vel quod soleant turbæ & seditiones subnasci, cum calumniæ in eum tantum finem promulgentur. Sic Manlius Capitolinus nullam aliam invenit rationem tumultuandi

tuandi adversus Camillum, postquam urbem à Gallis asseruisset jam captam, præterquam ut calumniaretur eum ad populum, cui persuasum ibat, correptas esse ærarij pecunias.

Verissimè utiq; dixerimus, calumniam semen semper præbuisse ad segetē rebellionū, quasq; Gallia sensit, ex quibus tamen nullum compendiumplerunq; redierit ad earum auctores, præter odium & ignominiam.

C A P U T XXXIII.

Aurelianensis transit in Burgundiam.

Vulgo ajunt, canes nunquam vehementius oblatrare lunæ, nisi cum pleno fulget orbe, ad splendorem summum: sic patet genios factiosos, qui benevolentia & nomine Aurelianensis abutuntur, nunquam altius inflasse tubam calumniarum adversus Cardinalē, nisi ubi maximam ille indipiscebatur gloriā ex Hispanorum ausis repressis, ex Anglorum temeritate castigatā, & ex Sabaudi ac Lotharingi coërcitione.

Innotuere orbiquè rimoniæ illorum, & libelli diffamatorij, in fervore summorum negotiorū exclusi: quemadmodum verò Luna, noctis arbitria, cursum minime inhibet, ob quoscunq; tumultus per inferiora, ita summus ille minister, qui per merita adscenderat ad elavū rei publicæ, à Numine utiq; inductus Galliæ, qui instar astri propitij dissiparet nubes, quibus odium & invidia Gallorum conabatur detrudere, curriculum perrexit, nullo penso & metu eorum, qui institutis virtutis intercederent.

Hinc curas solitas geminabat, ut in cineribus suffocaret igniculos seditionis, qui incendijs spargendis parabantur. Aurelianensis transierat cum bis mille equitibus, quos ex Leodiensi agro, ex Wallonibus & Germanis collegerat, Ducibus Metternico, Canonico Treverensi, & Grangæo Leodiensi, in Burgundiam, ubi literæ Momorantij, quibus nuntiabatur, rerum summam in Occitania nondum ad votum

&

& usum deductam, suasere aliquantulam moram.

Cum jam quatuor aut quinque, a Divioduno abesset leu-
cas, scribit ad Majorem & scabinos, deinde & ad Parlamē-
tum, ut moræ faverēt, suppeditatis necessarijs exercitijs
persuassus, ex ea conniventia exorituram occasionem in-
trocundi, & urbem occupandi. Huc tamen minime pro-
pensos doler: nam literas quidem reverenter accipiunt,
sed ad regem mittunt, rogato Aurelianense, ne quid of-
fenderetur ex eo instituto, si regia mandata expectarent,
quæ ad amissum sequerentur.

Cives interea jubent armari, expediunt tormenta ad
defensionem, si quæ opus foret; turmam equitum, sub ur-
bium Divi Nicolai incendio sedantem, ad progressum ul-
torem, impetunt, tormentorum usu repulsant, vice-
nis cadentibus, inter quos Centurio Leodiensis Aurelia-
nensi magnum expressit dolorem; adeo ut postridie dis-
cederet. Copiæ autem sensu istius infortunij & ignomi-
niæ adeo irritabantur, ut vindictam jurarent, quam per
ferociam abunde testabantur, incendijs per omnes fere
pagos viciniæ sparsis, postquam agrestes ex violentia ex-
tremâ nudassent omnibus facultatibus.

Politica reminiscencia.

Temeritatis summæ fuerit, navem vento & Occa-
no permittere, præter gubernaculi usum & nau-
cleri prudentiam. Fluctuabit illa, hinc inde dilata donec
fame dispereant navigantes, aut ad scopulos allisi
naufragio hauriantur, aut ad barbaras nationes dis-
pellantur, captivitati mancipandi: adeo omne malum
temeritatem consecratur, salute in solius prudentiæ u-
su constituta.

Id vero agunt principum intimi quibus volupe est for-
tunam Oceano temerè committere, ex vana nataliū spe,
quibus omnia submissionem debeant & obsequium. Co-
luntur quidem illi non immerito, quod summum prin-
cipem sanguine attingant, & spem summi imperij, ex fa-
ctorum cursu concipere queant; sed duos Soles non fert
mundus, & regnum licet amplissimum, duobus regibus
nimis est angustum.

Pessi-

Pessimè autem vindicatur officium, quod Principi summo debetur & redditur, per injurias & calamitates, cum id laudem potius ferret. Temeritas socios ubique quaerit, etiam vi & dolo facit, ne sola errare videatur, cum tamen multitudo peccantium exiguum praestet patrocinium adversus rectae rationis usum. Nam quid solatij invenerit naufragus in tabulis circumnatanibus alienarum navium?

Stulta ea est persuasio temeritati fortunam sperare propitiam: Subdola est, & vitrea, cum splendet, frangitur. In facinoribus heroicis licet id animadvertere, sed apud genios eximios, quorum numerus est exiguus. Pauci numerantur Timoleones, paucissimi Sullae, quibus temeritas semper fuerit fausta: sed quantae eorum multitudo, quos fortuna destituit, & Indibrio exposuit, propediem praecipitandos? veluti Pompeios & Marios, adeoque Sertorios meminimus.

Respicienda itaque fortuna, ne ipsius fiduciâ nimiam audeamus, quae in rectam rationem impingunt, semper recordati, etiam optima consilia, ad prudentiae stateram pensiculata, sapissimè cadere pessimè; ut à temeritate eo longius recedamus.

CAPUT XXXIV.

Aurelianensis cogitur Burgundiam deferere.

Dispositio haec Divioduni, ad Aurelianensis institutum parum commoda, non solam praebuit causam, cur ille ex provincia ea discederet, cum Forcaeus calca-
neo ferè inhæreret. Cum enim Rex in Picardia esset factus certior, Aurelianensem in Galliam irrupisse, nullum temporis momentum statuit pendendum, ad cursum perduellionis interrompendum: dudum gnarus, principijs fervidè obstandum, antequam copiae contrahantur, & munimenta aut urbes famosae corripiantur.

Jubet igitur decem millia peditum, ex copijs per Lotharing-

tharingiam distributis, duo millia etiam equitum assumere, vestigialegere, & quodcunque institutum turbare: adeo ut post pacta Liverdunij sancita, otium in provincia subsistendi non relinqueretur Aurelianensi. Visum etiam regi, in eundem finem submittere Schombergium, qui mille quingentes nobiles, gremis & levis armaturæ, præter non gentos sclopetarios desultorios, ex legione excubiarum lectos duceret.

Cum enim duos istos duces tergo hædere videret, progredi necessum habuit, diligentius quam instituerat. Constabant autem Aurelianensis copiarum milite collectitio, eoque extraneo, qui summa gaudebant violentia, adeo ut quævis oppida, quocunque modo munita, & portarum claustra objicerent, & obsequium in regem colerent. Ausæ sunt aliquæ ad Corconam quadraginta fere mulas corripere, quas in colæ per vim receptauere, intra pomeria dedactas, temeritatis pœnam morte luentibus duodecim raptoribus.

Id Aurelianensis adeo grauitè tulit, ut oppidum obsidere constitueret, nisi Episcopus Menatensis, cujus fides & virtus celebrantur ad primum nuntium contraxisset centum nobiles, præter quadringentos pedites, & in oppidum ingressus, defensionem parasset, adeo ut Aurelianensis, cui non diutius licebat alicubi tardare, cogeretur discedere. Peruagatur uniuersam Galliam, nullo operæ pretio, nisi ut progrediretur usque etiam in Occitaniam; postquam Cardinalis, secundum regis auspicia, omnia ubique rectissime composuisset.

Politica reminiscencia.

Ipsa prudētiæ summa imperat, ut ne unquam perduellio contemnatur, quantulacunque ejus fuerint principia; sed primæ, quæ coeunt per agros copiarum profliguntur. Solent, fortunæ occaecandi permitti, ex viribus non contemnendis fiduciam concipere, exercitum exiguum nihil aduersi ausurum: sapientissimi tamen quique didicerunt ex usu rationis & rerum humanarum, exigua principia sæpe numero traxisse periculosissimam molem.

Perduelliones enim rectè comparantur fluuijs, qui alueos dilatant per ipsum lapsum, innumeris rivulis susceptis. Neque vero ignorari debet inconstantia rerum humanarum, cum & negotia militaria legibus fortunæ impenitus subijciantur, præ cæteris omnibus. Sic enim hosti grande permittitur compendium, si contemnatur, & ex contemptu oriatur negligentia ad resistendum, quam ille negligentiam convertat in extruenda munimenta, & copias contrahendas, adeo ut postmodum difficillimam præbeat victoriam, cum primitus exiguo negotio potuisset à progressu distineri.

Pharao quidam, sic enim reges Ægypti audebant nuncupari, ex imprudentia contemnebat Chaldaeos, ad suggestionem procerum Memphiticorum, qui exaggerabant, principem natalibus priscorum regum ortum, vastissimæ provinciæ dominum, arbitrum pacis & belli celebratissimum, prostituere auctoritatem, ex quo vis signo metus, quem tantillus hostis conaretur injicere. Supplicio sanè non caruit, ubi Chaldæi irrupère, vim armatam circumtulere, ad illius exitum.

Exigua cura obsidentium hostium, & fiducia murorum viriumque Niniuitis interitum conciliavere, persecutatem epulantibus, ad jacturam imperij. Vel minima scintilla immane fecerit incendium; & exile principium perduellionis euerterit imperium quodcumque, nisi ab exordio instituat restinguendi ratio. Sic videas violentissimam tempestatem ex aurâ leni ventorum procedere, & gravissimas aeris tenebras nasci ex debili nube.

Sæpissimè profecto bella immania extitere ex parvis principiis, cum per rempublicam semper reperiatur fastidiosorum copia, qui principis indigrabundi institutum suscipiant, vires augeant, nisi præueniantur; accedit etiam studium prædandi, quod plurimis volupe est, ex patrocinio tanto, ad libertatem agendi, rapiendi, populandi. Summum mali remedium sumitur ex prompto occurso, ut primæ perduellionis copiae, per agros emicant, tantâ vi urgeantur, quæ vix otium relinquat cogitandi, quod cæteris luceat quietis esse.

CAPUT XXXV.

Momorantij fastidium.

Dux Momorantij Aurelianensem in Occitaniam inv-
taverat, certiores factum, de statum inando in eâ pro-
vincia instituto, dum sibi ipsi persuadet nimiam in univer-
sa provincia concitandâ fiduciam. Grandes ille coquebat
ægritudines inde ab anno millesimo sexcentesimo vicesi-
mo nono, ob Edictum de constituendis Electis, quæ nova
munia plurimum ipsum attinebant.

Quemadmodum enim officium gerebant indicendo-
rum tributorum, quæ rex à popularibus petebat, cum id
ordines prius & in primis Præfectus præstarent, non ra-
rò centies mille libris in suos usus interversis, ita ægerri-
mè ferebat hoc detrimentum, amplissimis sumtibus alio-
qui assuerus. Etiam Emerius, Aerarij summus quæstor, in
Occitaniam missus anno tricesimo primo, supra millesi-
mum sexcentesimum, ut Edictum illud observantiæ tra-
deret, ad invenerat mediam viam, ut scilicet tributa indice-
rentur à fiduciarijs, ex quorum creatione rex tantūdem su-
seiperet commodi, ac ex institutione Electorum; qui ta-
men nihil minus agerent, quàm quæ ordines definirent, a-
deo ut Gubernator provinciæ compendius solitis frueretur.

Hanc autem rationem Effiatus, Emerio superior & o-
mnium summus, ad probare noluit, vel ob similitudinem, ex
communi in exercitum Pedemontanum imperio susce-
ptam, vel ob iniquitatem rei, cum nefas sit, Gubernatores
provinciarum tanta emolumenta à popularibus sumere
cum sic onera crescant, nullo ad regem redundante com-
modo: adeo ut Momorantij fastidium viam illam medi-
am, ab Emerio propositam, reddiderit inutilem.

Deinde animo conceperat munus sūm Marechali per ca-
stra & exercitus universos regis, quod non multū aberat à
functionibus universis Connestabilis, cum autem eâ spe,
propter æquas rationes excidisset, quæ semper plus virtutis,

quam prudentiæ in quouis vitæ instituto exeruisset, repulsam itidem gravissimè tulit vel ex memoria laudatissimæ familiæ, quæ Connestabilis honores crebrius gessisset, perinde ac si inde meritorum summa in ipsum descenderet.

Hæc principalia fastidij capita ipsum in perduellionem coniecere; quibus licuerit addere, conjugis ex Italiæ fastu, & per illam rationem, cui tamen merita subjunxerat particularia, quibus reginæ matris gratiam sibi integram semper servaverat, superbientis, creberrimas vellicationes, ut ad partes illius, adeoque Aurelianensis transiret, cum de archissimo concordie vinculo in Cardinalis exitium nemo dubitare possit.

Verò enim verius, conjugem plurimum contribuissè, ad maritum sinistris consilijs intricandum, ad quæ ipse proclivior erat ex nimio igni, pauculo phlegmate, quibus genius, moveri sentiebatur; etiam credulus, magnam illam majorum familiaritatem, qui provinciam à plurimis annis rexissent, ad sese devolutam, quam etiam auxisset, magnum momentum collaturam ad versandos oppidanorum, nobilium, ordinum & popularium animos prolebitu, ut sic provincia universalem sumeret perduellionem, quæ ex Aurelianensis authoritate cogeret Cardinalem, ad abrogandum Electorum, Edictum & quosvis honores, ex voto conferendos.

Politica reminiscencia.

Quicumque sibi tranquillitatem rerum humanarum exptabat, idem fecerint, ac qui Lunæ eandem faciem & Oceano perpetuum imperet æquor. Solem videmus, adeoque Lunam crebrius obvolui tenebris, & horrendum spectare; quid mirum igitur, si astra evanescant, & lumine destituantur? Recensent Chronologi terminos Monarchiarum, & imperiorum, ubi exigua principia creuerunt in molem immensam, quæ nimio sui ipsius pondere corrueret tandem & in minutias dilaberetur.

Easdem alia Natio, ex factorum serie, eodem profusus modo collegit in structuram, æquè stupendam, adeo ut o-

omnia in circulum revoluantur. Quod si eam sortem patientur summa imperia, & familiæ summæ, nemo mirabitur, medioximarum & infimarum familiarum vicissitudines. Majorum merita & honores plurimum sanè conferunt ad excellentiam, cum infimis per multa egregia facinora, quibus nonnunquam ætas deficit, sit eluctandum, antequam ad eos gradus pertingant, in quibus isti sunt nati, vel juvenes consistunt, unde Cicero seipsum vocat novum hominem, qui ad reipublicam accesserit, nullus majorum fumosis signis notus.

Verum enimvero virtute sunt parva monumenta illa majorum, virtute sunt eadem conservanda, ne novi homines eadem, qua ultimi Majores, via ad summos honores contendant, natahbus alioqui laudatis per socordiam antiquatis. Sic videmus, è re angusta complures per parsimoniam peruenisse ad magnum censum, liberos etiam eadem parsimoniam nutritos, censum aut servasse, aut intendisse; sed parsimoniam iguaro posteros, dilapidasse ipsum fundum, quem pariparsimoniam, sed alienam, permittere cogerentur.

In utroque genere plurimum grassatur faminarum & fastus & luxus, de quibus sæpius monuimus: quæ per naturam à rebus gerendis remota, & ex virium imbecillitate patrocinio maritorum subditæ, partes obsequij sument & colent, ne universam familiam evertant, sibi que ipsis exitum accersant.

C A P U T XXXVI.

Memorantius non potest à male instituto reduci.

EX hoc instituto enixè laborabat potiore Episcoporum & Nobilium partem in Occitania in partes Aurelianensis pertrahere, postquam in provinciam reversus esset, ut suos faceret, cum optimè sciret, populares instar stellarum parvarum firmamento, quæ motu particulari destituta,

stitutæ, ad illum cælorum superiorum volvuntur, secutos ducem. Hanc negotiationem ille ex voto promovebat, in propriæ tandem gloriæ dispendium, cum certum sit, eximia facilitate complurium, ipsum tanquam arcuore vinculo, perduellioni fuisse adstrictum.

Quemadmodum verò fieri nequit, ut istiusmodi instituta diu teneantur in occulto, rex & Cardinales extemplo rem intelligunt: ubi leges justitiæ promptum requirebant supplicium. Cardinalis tamen, qui noverat, principibus ad severitatem non esse transeundum per istiusmodi occasiones, nisi post usum clementiæ, suadet regi, ut industrii alicujus viri intercessionem uteretur, qui genium errantem revocaret ad officium; cum & virtutis esset virum summæ notæ à naufragio servare, in quod per imprudentiam fervidiorem præcipitaret.

Negotium imponitur Episcopo Arelatensi, & Emerio, qui nomine regis indicarent causas, justæ diffidentia: si rationem officij haberet, intelligeret, particularium non esse rem publicam suo modulo metiri, aut pro arbitrio administrare, quod regiarum esset partium: bonum provinciæ ex perduellione & bello male quæri adversus confusiones nascentes: fortunæ incrementum perduellione non stabiliri, sed subverti, postquam rex satis habuerit potentiæ ad cicurandos vicinos omnes, nihil reliquum facturum, ad ipsum opprimendum & cum consilij exitio immolandum: natales denique flagitare obedientiam eximiam: cum majores integro semper vinculo sese adstrinxerint regibus, gloriæ illi insignem facturum maculam, per actiones contrarias, in suum ipsius detrimentum.

Rationes istæ nimia potentia & justitiâ turgebant, ad eum à vanis consilij revocandum, si tantillum voluisset illis examinandis impendere otij: sed fastidium, & similitas nimis altas egerant radices in animo, ut libertate perditâ, obstinatum institueret semper negationem, de ullo sinistro consilio, adversus regi debitum obsequium; adeo ut nihil desineret tricas ceptas perurgere, ad educendos quos cunque instituto utiles. Quis satis miretur hanc oppositionem & mentem cæcam?

Sed quis satis contemplantur benignitatem Cardinalis,

lis, qui summa ægritudine afficitur, quotiescunque regem cogitur ad rigorem deducere, tamen si iustissimum; unde obstinationi cedere nondum voluit, id agens, ut rex nova mandata in eundem finem sondeuili odaret, majoris fidei ergo, ex confidentiâ priscâ. Jubetur igitur à rege diligenter ire, post instructionem à Cardinale susceptam, ad Momorantium, ne is ab obsequio recederet, aut perduellioni ulterius misceretur, ad extorquendam à rege perniciem. Peruadit, adest, omnem operam adhibet, industriæ & familiaritatis nihil obliuiscitur: in vanum tamen omnia, cum institutum obfirmasset ille, & compluribus sese obstrinxisset.

Politica reminiscencia.

Summo cum periculo obstinatio sumitur in sinistris consilijs, ubi aures obturantur sapientissimis admonitionibus, quæ successum exitialem inde oriturum demonstrant. Magnates in eam obstinationem inducunt, plurimorum malorum causam dant, per tumultus grauissimos, donec in barathrum calamitatum collabuntur, ubi impeditur, non raro cæteros complices in eandem perniciem trahunt.

Quamuis Alexander Magnus æquâ fortunâ & virtute uteretur, insigniter tamen errauit, per contemptum Magorum & Sapientum Ægyptiorum, qui sapius monebant, Babylonem caveret, ex notitia fati. Cum enim consilium ipsorum flocci penderet, illuc transire omnino constituit, ubi à Thessalo medico propinatum hausit venenum, lucisque hujus usuram deposuit.


Summæ aliquando fuerit prudentiæ, sententiam mutasse, unde non exigua laus confurgit, quando mala de relinquuntur consilia. Fluviorum proprium est, nunquam redire sursum, sed sapientis est, cursum instituti interrompere, viamque diversam instituere ab ea, quæ in grande duceret infortunium. Nemo unquam multoties mutauerit exercituum actionum laudatarum, qui inconstantia æferat vituperium; nec adeo immotus in peruersis, qui pertinaciam tenetur in continuatione.

Consilia enim suscipit cum reverentia, quibus utitur ad potiora dispicienda, cum sciat, leuitatis non esse, ab errore recedere noto & damnato, Ma vult fateri imprudentiam quam eam semper fauere, gnarus utique, superiorem euadere, qui per eas occasiones det manus. Pertinacia verò nullam penitus fert excusationem, quæ nos detinet inperduellione, aduersus obsequium principi debitum: nemini enim mortalium fas est, arma corripere aduersus ipsum, quocunque prætextu.

Deus regum dexteras gladio armavit, adeò ut nefas sit, ullum subditorum eum arripere, nisi ipsius auspicijs. Magnates vituperio non carent, ubi bellum excitant, cum nō parum gloriæ ferant ex pacis studio, decepti interim, quicunque boni publici velo sperant saluari. Nemo enim adeò hebeti est ingenio, qui credere velit, perduelliones ex eâ causâ oriri, cum omnes rectissimè norint, authores ex solâ ambitione & commodo priuato propelli.

Quandocunque tamen necessum fuerit, rempublicam constituere, quemadmodum nulli omnium membrorum ius est in partes principales, cor scilicet & caput, ita nulli reperientur Magnates in quocunque regno, quibus fas sit, præter injuriam, temeritatem & insolentiam, leges dare, & principi præscribere. Hinc Marcellus, licet in tenebris paganismi educatus, aliquando dicebat, à Diis immortalib⁹ petendos esse & precibus & votis principes probos; quicunque autem obtigerint, amandos, colendos, metuendos.

Id sentiebat vir paganus: ex omnibus tamen Nationib⁹, quas superficies terræ alit, nulla minus excusationis habuerit, quam Christiani, quibus Deus sexcenties in utroq; facere in iunxit obsequium erga reges, ut eos venerentur, etiam patienter ferant, si quæ soboriantur confusiones, ex errore.



CAPUT XXXVII.

Momorantius ingeninat tricas, postquam Aurelianensis Occitaniam est ingressus.

Quamprimum Aurelianensis in Occitaniam pervenit, Momorantius, qui asseuerauerat, equestrem ordinē expeditum fore, ad primum illius aspectum, compluriq; oppida & munimenta portas reclusura, feruidius instat operi, ut plurimos in factionem induceret, Eatenus regem distulerat lenocinio verborum, missis septenis ad aulam ex ordine & intervallo cursoribus, qui fidelitatem certissimam deferrent: sed eo rerum curriculo expiauerat dissimulandi tempus.

Sic sanè omnes amicos & clientes euocat, quicumque fidem dedissent, ut effectis eam restarentur, adeo ut diuersæ coitiones, quæ penè aperte fiebant adversus regis commodum, notarentur. Aurelianensis sese nuncupabat, per literas patentes & compita, uti visum erat ipsius intimis, vicarium universalem regis, adversus administrationem reipublicæ: oppida Albi, Baniolaram, Bessierij & Luneli, castella Baucærij & Aletisij, præter plurima loca minoris nominis, perduellionem sumserant.

Conspiciebantur in littore, versos Narbonnam quinque millia Neapolitanorum, quos Hispanus submiserat: propalabantur adversus quamvis veritatem complures enormes confusiones, quas in administratione rerum committi persuadebant, ad concitandos populares. Magnus numerus Prælatorum, Baronum & Deputatorum seducebatur, qui eousque implicabantur, ut ex Ordinum consulto Aurelianensi offerrent provinciam, cum omnibus iuribus, qui auxilijs egeret ad rempublicam rectius constituendam, & ad exterminandos adversarios, quorum caput faciebant Cardinalem.

Promittebant etiam Momorantio unionem arctiorem, protestati, de nunquam deferendis ipsius commodis; sanciebant, nihil eorum, quæ Emerio de Electis promississent, in tabulas publicas referendum, omnia potius acta, cancellanda & rumpenda. Momorantius inde suo nomine mittebat mandata diversis Nobilibus & alijs viris spectatis, ut vacarent pecunijs regijs per Diæceses distribuendis. Eodem tempore ad Communitates scribebat, exhortatus ad mandata illa suscipienda, ut animose accederent liberatoribus reipublicæ.

A rege colendo conatur abstrahere Marchionem Fossellum, Magolonæ gubernatorem, oblato munere Marchalci, quo ipse tum gauderet, præter spem in futurum amplissimam: quod rex suis oculis legit in epistolâ perlata. Archiepiscopus attinebat Narbonensem, præsidem Ordinum, & Emerium, quod nullo non tempore sese fortiter opposuissent ipsius tricis: Sic non tantum scribebat quoscunq; posset milites per provinciam, & viciniam sed & in Hispaniam mittit domesticum cum Fargisio, qui ampliora auxilia copiarum & pecuniarum rogaret.

Nihil denique omittebat, quod perduellioni promovendæ aptum cogitabat: adeo ut per tantas clientelas, si Aurelianensis duntaxat tertium potuisset tardare mensem, antequam provinciam ingrederetur, institutum successu longè funestius reipublicæ processisset, quod omnibus, rerum illarum aliquatenus gnaris est notum. Parlamentum verò Tolosanum, quod semper insignem præstitit fidem in occasionibus, commoda regia complexis, ubi notitiam injuriæ temeritatis adversus auctoritatem regiam susceperat, diversas sententias promulgat, ut obniteretur, & impetum coerceret.

Constituit igitur primum, ut Procuratoris Generalis substituti per omnes præfecturas & tribunalia regia illius jurisdictionis necessariâ diligentia inquirerent: deliberationes Ordinum, tanquam perduellionis & temeritatis plenas aboleret: prohiberet, ne quæ pecuniæ indicerentur aut distribuerentur ad mandata Momorantij: decerneret adversus omnes officiales Ordinum, & cæteros, qui deliberationes illas procurassent, ut apprehenderentur, ducerentur, compingerentur in carcerem, qui iudicio sisti, & secundum statuta damnari possent.

Cum

Cumque Episcopus Albij oppidum suum Aurelianensi tradidisset, Parlamentum universa illius bona & redditus corripuit, addito clarissimo prohibitorio, ne debitores & villici quicquam soluerent, aut proprio & priuato nomine satisfacerent: quod generoso exemplo reliquis omnibus Parliamentis præstitit exemplum, cujuscunque reverentiam nihili habendam, præ regis commodo, & rei publicæ tranquillitate.

Politica reminiscencia.

Cum Parlamenta justitiam ex manu regum in eundem taxat finem suscipiant, ut obsequium ipsis debitum stabiliant, & popularibus conseruent possessionem facultatum; nemo ambiget, eadem obligari ex officio, ut sese fortiter opponant seditionibus, fortissimi utique tibi cines autoritatis regis; quam si minus firment, summam officij partem deferunt: potentiam Principis ratione depositi seruant, quâ utantur ad conseruationem boni publici. Inutilem non relinquunt, ubi turbatur popularium tranquillitas: neque per illas occasiones satis habebunt, obsequium tenuisse, quo cæmento: & vinculo populares in ordine continentur decenti; sed debent etiam autoritatem expromere, quæ ipsis est collata, ad illam Principis conseruandam, & ut valide resistent diffidijs civilibus. Ab omnibus enim agnoscuntur veluti leges animatæ & loquaces, quibus tradita est potestas pænarum & suppliciorum, ad seditiones suffocandas in ipso ortu.

Hinc igitur iniqui fuerint, nisi reprimant, æquè ac milites per occasiones pugnandi desides. Quomodo verò defuerint officio, sine grandi Summæ ingratitude culpâ, cum ex maiestate solius principis refulgeant? Sol per naturam lumine vestitur, quo in oculis uniuersi coruscat, cætera verò astra alieno & mutuatitio, non suo lucent: sic regibus est potentia originalis, quam nemini mortalium, at soli Deo referunt acceptam. Diversa conditio magistratus modo seipsum accuratius contempletur; is enim videbit, nihil sese possidere, nullo splendore valere, nisi ex Principis liberalitate.

Quæ cum ita sese habeant, per leges gratitudinis, æquæ ac submissionis, debent ex officio sese opponere, ubi illius incurfatur gloria. Sic enim, ubi omni nisu auctoritatem regis tutantur, suam in particulari conservant: dependent enim per institutionem ex ipsius gratiâ, & sic non poterunt in splendore convenienti conservari, nisi per conservationem auctoritatis & potentiæ Majestatiue.

Reges ipsis veluti animas præstant, unde vitam & subsistentiam sumunt: unde violatâ quæ regi debetur obedientia, auctoritas magistratus, veluti nata ex illa, & eodem vinculo, quo nos principi obligamur, connexa, desinet subsistere, & integritatem servare. Sic rivuli debilcentibus scaturiginibus siccantur, & corpus vigore & motu caret, anima, quâ animabatur, separata. In suum igitur commodum & gloriam propriam allaborant Parliamenta, quæ auctoritatem regiam asserunt, cum per illius desertionem ipsis sit pereundum.

CAPUT XXXVIII.

*Rex principi complures provincias sub-
jicit regendas per suam absen-
tiam.*

Q Uemadmodum temporib⁹ seditiosis semper metuenda est perduellio eorum, qui absentiam principis aucupati, factioni accedere, & per rempublicam tumultuari possent, rex antequam recederet à provincijs, quæ Parisios per viciniam contingunt, administrationem earum constituit tradere principibus regijs: unde literæ authenticæ expediuntur quæ potestati principis Condæ is submitterent Nivernenses, Bituricenses, Bourbonises, Turones, Piætavos, Aunisios, Sanctios, utramq; Marchiam, Limouices & Aruernos, quos contineret in pace, & obediendi debita; certus de fidelitate & studio illius erga regiam majestatem, præter prudentiæ & industriæ laudem, quæ cu-
ram

ram eximiam adhiberent, ne quid sinistro inter ea obtingeret.

Literæ ille ferebant eximiam potestatem, aded ut impingerent in iudicia plurimorum quibus minus consultū videbatur, principibus regijs tantam indulgeri potentiam. Effectus tamen erat prudentiæ & consiliorum non vulgarium, quæ Cardinalis hic producebat, quod sciret, nihl penitus metuendum esse ex potestate alicui Magnari collata, cujus prudentia securos reddat meticulosos. Sic enim leges gratitudinis æque ac submissionis eosdem devinciunt, ut coerceant, quicquid regis gloriam flagellat: Sic intelligunt, per sartam tectam regis authoritatem, & suam, in particulari servari.

Politica reminiscencia.

Diversæ sunt rationes demerendi, ex diversis animorū propensionibus: alijs placent avaritiæ compendia, alijs imperat ambitio, sed virtuti sola fiducia, quæ ipsa viscera commouet, & conscientiae tribunal constituit, quovis jurejurando renacior. Docuit quidem historia omnium temporum, quāta sit perversitas animorum, apud plerosq; ut ille dicere sit aulus. Si pejerandum sit, regni causā pejerandum fuerit. Extat Tarquiniorum historia, ubi nec vincula matrimonij nec sanguinis reverentia ambitionem coercere potuere.

Memorant sanè priscorum monumenta Semiramidem, Assyriorum dominam, Orbisque Monarcham, à rege & marito indulgentiam petiisse imperandi per triduum tantummodo, sed cum ea potestate quam nemo, nisi supremi supplicij audis detrectaret. Annuit imprudens maritus, exiit regiam maiestatem, eadem circumdat conjugem, mandat & imperat absolutissimum obsequium domesticis præfectis, civibus popularibus, privatus degit, parum sollicitus de perfidia conjugali, quod ex tuo animo alienū iudicaret, & nimio amore erga speciosissimam juxta, & sagacissimam faminam arderet.

Verum enim verò impudica mulier imperat eadem marito percussoribus submissis, nisi ipsi percuti mallerent, & sic libera-

liberatur ab imperio mariti, laxatis impudicitiae frenis, quæ proculdubio ille adducebat arctius quam impotens ferret libido. Tantum prostibulum etiam priuigini castitatem audebat tentare, ne ullum deesset vitium proterviae.

Ambitionis stimulos, & amorum flammæ præsci eodem censu habebant impotentiae, maxime ubi usus obfirmavit animos, ut extrema quæque potius suscipiant, quàm ut ab illa dulcedine sese revelli patiantur: sed ista de otiosis intelliguntur, cum notum sit, Naturam non adeò undique esse corruptam, quin inter spinas rosa enascatur, inter Magnates fides sincera inveniatur, quam eo pluri fieri decet, cum rarior sit, & plurimi rapere imperium, quam expectare malint, quod Tacitus ait.

CAPUT XXXIX.

Rex Declarationes promulgat adversus factiosos.

Dum Momorantius omnia disponit ad bellum, Aurelianensis progrediebatur in Agrum Albigensem, ubi Episcopus ipsi metropolim tradit. Aliquid quietis hic indulget exercitui ex itinere defaigato, & digrediens Comitum Moreti cum quingentis equitibus relinquit præsidio; rectâ abit Carcaſsonam, ubi clientelas habebat. Discit autem extremum studium Mangori Villarcusij, qui ibi magistrum supplicationum agebat, quo incolæ in obsequio regio contineret; transit Bituram, ut novis munitionibus vacaret.

Hinc cogitabat excurrere Narbonnam, ut per clientelas satis validas urbem occuparet, tanquam posticum, ad suscipienda, quæ Hispania promiserat auxilia, vel etiam ut ad quosvis casus refugium pararet. Sed dolore non exiguò stimulatur, ubi factiosi extorres occurrunt, Archiepiscopo nimium ad vigilante, cui cæteri regij ministri opem tulerant, ingressi urbem, quâ sic potiri licuit.

Cum autem regi de omnibus & singulis probè constaret, etiam de Ordinum consulto, de locorum quorundam

correctione, & summorum virorum transitu ad Aurelianensis partes; existimabat, suam ibi locorum requiri maximè præsentiam: idem visum Cardinali, qui assueverat; si rex eam susceperet expeditionem, spatio sesquimensis, quod eventus comprobavit, universam illam dissipatum iri tempestatem.

Constituitur iter, rex, antequam Parisijs discederet, Parliamentum inuisit ex ratione solitâ, Declarationem promulgat adversus quosuis Aurelianensis sequaces & studiosos, perduelles pronunciat, impingit crimen læsæ majestatis; & perturbatæ reipublicæ, injungens regijs ministris, ut adversus eos ex rigore statutorum agant; cum testimonio nihilominus admodum particulari benevolentia in Aurelianensem, ut ipsum nollet criminis reum facere; quam potius promittebat eadem Declaratio abolitionem integram erroris, si errorem intra sesquimensem à promulgatione agnosceret.

Aliam faciebat Declarationem, quæ ad Parliamentum Tolosanum mitteretur, ut Momorantius pronuntiaretur reus criminis, quod læsæ majestatis vocant, lapsus omnibus gradibus, dignitatibus, honoribus. Ducatus Momorantij extinctus & Coronæ unitus, facultates reliquæ fisco addictæ essent: jussu Tolosæ Parlamento, in jus eum vocare, constituto etiam, ut omnes omnino Prælati, Barones, Consules & Deputati oppidorum, qui interfuissent, signassent, aut consensissent Ordinum consulto, tenerentur intra quintum decimum diem à publicatione istius Declarationis, sese sistere Parlamento Tolosano, aut Præsidiali proximiori, ad improbanda, quæ consensissent, signassent & fecissent. Sin parerent minus, rebellium numero haberentur, rei criminis, quo majestas læditur, lapsi omnibus honoribus & dignitatibus. Addicerentur clausula inhibitione, ne quæ pecuniæ indicerentur ex auctoritate illius declarationis, quam conventus Ordinum sancisset.

Rex præterea disertè mandat Mareschalcis Forcæo & Schombergio, darent operam ante omnia, ne copiæ auspicij Aurelianensis hinc inde scriptæ coirent, sed ut dissiparentur, antequam ad signa concurrere possent, & duci. Sic igitur Parisijs exit ad undecimum Augusti.

Ipsa

Ipsa nova, de ipsius itinere suscepto tantum trepidationis seditionis incurtebant, quantum virtutis genuinis conferebant Gallis, adeo ut factionis institutum labasceret. Primum passa est ea infortunium, quod Gallia in salutem cessit, ex divisione ducum, quam Forcæus & Schombergi⁹ in regis vertere compendium: nam Puylaurentius, qui possidebat imperium in quoscunque Aurelianensis sequaces, ægerrimè ferebat, Momorantium distribuere mandata militiæ omnia, unde tanta æmulatio sub orta est, ut sese invicem tolerare nequirent.

Accedebat Elbævi⁹, alia præ Momorantio dignitate fulgidus, qui sibi legati generalis partes apud Aurelianensem expetebat, adversante Momorantio, ne provinciæ, quæ theatrum tragiæ præbebat, administratione excideret: adeo ut concordia causâ separandi viderentur, copiis partitis, quæ sic infirmiores, victoriam dedere minus operosam exercitui regio.

Politica reminiscencia.

Divisio factionum præstat summum compendium, adeo ut quivis hostes ex dissidijs ducum & copiarum facile succumbant. Fortunæ beneficium hoc debetur, si sponte confundantur, nullâ nostrâ intercedente operâ: quodd si industria accedere queat, nihil omittendum, vel ex emolumento certissimo, ad exemplum magnorum ducum frequentissimum.

Cum Coriolanus Romanis faceret bellum, Senatorum prædia exussit, plebeiorum facultatibus parsit, ut eos irritaret invicem. Hannibal ex diversa ratione, Fabij prædijs parsit, reliqua populabundus contrivit. Thebani Mardonio consulebant, principibus Græciæ munera mitteret grandia, quæ suspicionem cæteris moverent & Cleomeniscus Atheniensis Trezenios adortus, sagittas quasdam in oppidum jaculatur, quibus circumdederat linteras, ad sæuissimam seditionem concitandam, qua fervente, commodum speculatus tempus evasit superior.

Sagacissimi Politicorum, ut malo isti mederentur, semper censuere, plures duces paris imperij & potentia non

convenire exercitui, aut rebus prosperè gerendis, nisi saltem in particulari imperarent singuli, adeo ut obsequium ad unum illorum respiceret. Extemplo enim licet animadvertere æmulationem, nisi caveas, quæ meruat alienæ gloriæ incrementum. Est etiam cuique sua sententia, adeo ut consilium isti placeat, quod ille rejecerit; unde sapissimè momenta rerum gerendarum transeunt inaniter.

Hoc incommodo ut carerent Romani, constituerunt alterutri Consuli secures & signa summi imperij, idq; pervices; sic apud exercitum diurna erant imperia, eadem vicissitudine, nec tamen semper caruere divisionibus. Exercitus bene compositus referet corpus humanum, ejus singula membra capiti junguntur & uniuntur per nervos & tentigines occultas, quibus motum quemcumque imperet: sic etiam, ut divisio caveatur, uno opus est capite, quod omnia mandata distribuat, & omnibus copijs motum convenientem instituto conferat.

Agefilas Rex Lacedæmoniorum, per Antiquitatem universam celebratissimus, ut Lyandro obniteretur, & ex apice authoritatis acquisita eum deturbaret, quasvis ejus sententias tollebat, judicio prorsus contrario in omnibus. Sic plerumq; evenit, ut per divisum imperium alter in alterius sententiam impingat; adeo ut odium, invidia & pertinacia brevi universum institutum confundant, & omnem operam sumtumque ludant. Hinc ex eadem ratione Lycurgus, inter Legislatores antiquos famosus sanxit, ut Reges Spartaë in consessu Ephorum

omnia pacis negotia facerent; sed militiam & exercitum indivisâ potentia administrarent,

& ut omnia ex ipsorum voluntate penderent.

CAPUT XL.

Alia mandata dantur Comiti Sueffonum.

Quemadmodum tempestas seditionum ferax diffidentiam imperat, ne factio gliscat liberius, remoto fræno, ita rex, Parisios cum vicinis prouincijs deserturus, potestatem penè similem Comiti Sueffonum confert, in Parisios & insulam Gallia, quam vocant, præter Imperium in exercitum, per Picardiam relictum, quem adiret per necessitatem: hoc modo igitur prouinciæ ceteriores summam colebant tranquillitatem.

Dicendum tamen de illo Picardiæ exercitu, Cardinalem ipsi solitam applicuisse prudentiam, ut maximo posset esse emolumento per rerum præsentium concursum. Nemo ambiget, sic constitisse tranquillitatem prouincijs ceterioribus, quod refrænarentur genij factiosis, quibus tumultuandi sedebat desiderium. Ad quemcunque enim concursum copiarum, si quæ præter regis mentem scriberentur, paratus erat exercitus, ut ruina involveret, ruinam alijs meditantes.

Eodem tempore procures Belgij, pertæsi tyrannidem Hispanorum, cui plebes non erat ferendæ, cogitabant jugum excutere, & libertatem sumere, ad Regem confugiunt, patrocínio ipsius quæsito, adeo ut diuersas ostenderent vias, ad invadendos Comitatus Artefiæ & Flandriæ, quos iusto titulo vindicare posset. Rex vero, qui nunquam comprobaverat perduellionem subditorum, nec suorum, nec alienorum, difficultates necebat de negotio penitus suscipiendo, & fide auxiliorum ad illud institutum interponendâ.

Hispani tamen, quibus minus est religionis in observandis pacis legibus, & fastigium imperij conservant ex divisionibus apud vicinos foris, constituerant Aurelianiensi opitulari in perduellione, viresque sufficere, quibus Occitaniam sibi subijceret. Non quidem planam

nam tulere repulsam, cum integrum sibi vellet relinquī auxiliorum submissionem, si fortè Hispani effunderentur in Galliam, & promissa executioni darent. Hinc anchoram dices exercitum illum, quæ Hispanos in litore Occitaniæ destineret, ne excensionem facerent, & talionem in Belgio sentire cogerentur, ut ipsis in Galliam irrupentibus, Galli pari pari referrent, proceribus, qui ad perduellionem vergebant, nihil destitutis.

Dicam etiam, hunc exercitum Hispanis in Belgio tantam mouisse suspicionem, ut partem copiarum per Hannoniam & Artesiam objicerent, quibus apprimē egebant ad Trajectum Mosæ, adversus Hollandos asserendum: adeo ut hinc illis tantundem auxilij & favoris præstaretur, quantum Estræus ex agro Treverensi submissus, quod illi desiderabant, & in deliberatione versabatur, cum exercitu, quem ducebat, vix præstare potuisset.

Politica reminiscencia.

Exercitus ut plurimum conscribuntur, ad decernendum, diversis tamen institutis accommodantur, adeo ut prudentiores Principes potiorē, quam belliusum inde trahant. Sola æmulatio ex loco aliquo munitione hostem attinet, tametsi constituerit alicubi operæ sumere pretium: ubi etiam invasio quædam fiat, cogitur præsentē habere copias, nequid detrimenti suscipiatur. Quod non exiguum fuerit momentum, viribus sic divisus, & per divisionem debilitatis, & ad facilem victoriam profuturis.

Dum aquæ magni fluminis in alveum arctantur, impetuosius deo currunt, ad transitum periculosum: sed in canales derivatæ, cursum sumunt lentum, ad altitudinem longè breviorē, adeo ut nullo negotio transmittantur securius: sic copię hostiles non raro adeo potentes occurrunt, ut imperus earum non præter rationem metuatur; quibus tamen præsentissimum objicias remedium ex divisione, ut pars cogatur separari ex æmulatione loci alicujus occupati.

Sæpenumero sanè principes redacti sunt intra proprios terminos, ut patriam tutarentur, cum exercitum in fi-

in finibus obversari cernerent, qui hunc, vel illum vicinum obrueret. Deinde exercitus, quem princeps tempore belli ad limitem promovet, id semper commodi præstat, ut patriæ securitatem conciliet, sive ratione Exterorum, quibus volupe est ex dissensionibus commodum colligere, per confinia, ad invasionem, sive ratione fastidiosorum, qui in visceribus tumultuari possent per illius absentiam.

Hæc opera satis est commoda, quæ vel sola exercitum perpetuum flagitet, ut pax sine belli aleâ servetur; quod equidem maximi facio, cum bellum nunquam suscipi debeat, nisi ad pacem reducendam: unde longe satius fuerit, eandem constituere per suspiciones sponte præbitas, quam per viam armorum, ubi omnia plerunque sanguine & incendijs confunduntur. Hinc nihil expectandum est, ut tum demum exercitus colligatur, ubi Exteri imminent limiti, & perduelles seditionem explicant; cum & hi & illi sint præveniendi, per solum aspectum exercitus numerosi, qui audaciam ullius ausi suprimat.

C A P U T XLI.

Forcæus & Schombergius Mareschalci, profligant exercitum Aurelianensis.

Cum uterque Mareschalcus, Forcæus & Schombergius, partem copiarum raptim duxissent in Occitaniam, otiosis non spectandum putabant perduellium lusum, quo exercebantur, præter defensionem, ad invasionem etiam parati. Fervescibat animus ex consideratione principalium oppidorum, quibus constabat obsequium in regem, adeo ut etiam provinciæ proceres nonnulli, qui ex errore suggesto redierant in viam rectam, fidem darent, de regis commodis adversus quosvis promovendis.

Forcæo visum, jam tempestive occurrere in oculos hosti-

hostium, cumque apud Pontem sancti Spiritus subsisteret, donec cæteræ, quas mandârat, subsequerentur copiæ, regijs partibus consultum putabat, ut partem militiæ præsentis in Vivareti præfecturam mitteret, quæ copias, ad signa Vicecomitis Estrangæi coeuntes, profligarent. Sic partem ex legione Vaubecurtij, & Sauti, cum aliquot turmis equitum, duce Rupe Massebauto, mittit, qui cordatè excurrat, potiore illarum copiarum partem addomicilium Vicecomitis, quibus ille sese ducem præstabat, haud longe à Privasio, inveniunt.

Cum autem duces & præfecti illarum copiarum deliberarent, expensa conditione hostilium copiarum, constituant illas aggredi, & vallum percurrere. Pugna ibi cooritur acerrima, assultus à furore parum distans, & defensio cordatissima: sed post trihorium pugna Vicecomes Estrangæus superatur, & captivus, in manus traditur Machauri, qui magisterium supplicationum gerebat: in jus rapitur, & capitis supplicium subit Estrangæ, ut sic exemplum statueretur, quo cæteri perduelles moverentur, & vel formidine pænæ perculsi, si mens non laxa esset, ob tantum rigorem, licet justum, ad obsequium redirent.

Paulo post hunc conflictum Foreæo renuntiatur, Baronem Perautum, Castellum Baureriensis gubernatorem, & Rostidem, oppidi centurionem, à Momorantio seductos, omnia machinarum genera adhibere, ut incolarum primores suos facerent, Aurelianensemque cum exercitu admitterent: expeditus igitur occurrit, ut omnis ille conatus in ventum abierit. Non tamen potuit Aurelianensem intercludere à castello, quod exitum habebat singularem, adeo ut commeari liceret quavis horâ, præter oppidi pomæria.

Instruit igitur Puycum, procuratorem regium, & Rochium Consulem primarium, quid facto opus esset adversus castelli injurias & vim, si quando in partes discederet, aut Aurelianensis, copiæ ipsius introirent; tantam illi virtutem & industriam præstitère, ut oppidum in obsequio Regis servarint. Cum autem minus consultum videretur partem copiarum illuc compingere,

re, unde per separationem exercitus nimium debilitaretur, sed ut vires integræ servarentur ad vim hostiũ repulsandam necessariæ, cum illi undiquaq; confluerent; placuit quadringentos gregarios addere præsidio recens imposito, quos accersiverat ex Proventia, ubi Mareschalcus Vitryus versabatur cum exercitu.

Politica reminiscencia.

Natales ubi sobolem dant numerosam, etiam nomina conferunt subalterna, distinctionis ergo, ut ex eadem familia orti, dynastias & imperiola adipiscantur, semper memores suæ scaturiginis & fortis. Sic videmus, unum & eundem truncum in duas & plures arbores discedere, quarum singulæ ramos extendant, qui in ramulos, & frondes desinant: innituntur tamen universi suo fundamento, quo subruto, corruunt; sed singulatim amputati, truncum nihil offendunt, quem etiam validiorem reddunt, ad virtutem cæteris intendendam, quæ diffusa posset evanescere.

Naturam imitatur ars, uti adoptio in ipsius subsidium est adinventæ. Truncum sui generis & familiæ plantat ultimus author, ex facie emergens, ut catalogo laudatorum virorum inferatur. Lis aliquando de præstantia orta est, utrum potior esset, avorum gloria, an novorum hominum virtus. Themistocles, qui universæ Græciæ fuit dux prudentissimus, suggillatur, quasi non legitimo esset natus matrimonio; sed id opprobrium acrius extimulabat, ut per virtutem acquireret, quod alijs Natales darent.

Cum jam rei publicæ & utilis & necessarius esset, invidiâ non caruit, quæ virtutis est perpetua comes; sed apud eos, quibus mutuâtia est gloria. Per jurgium audit, si quâ gloriâ polleret familia, nuperam eam esse, nec cum ipso natam, sed post multa pericula partam; adeoque incelebrem. Assensus est, se suæ familiæ illustrandæ primum authorem, sed adversarium in recensendis Majoribus etiam tandem ad ultimum per-

perventurum, quantumvis annosum, qui plebeium posset referre progenerem.

Id vero unum interesse, quod adversarius clausisset stirpem, à Majoribus degener, quem illi suum agnoscerent cum rubore, & ex solo nomine: adeo ut parietes privati, & lares oculos avertant, quoties abortivum fatum, fumosis imaginibus superbientem, cogerentur ferre & aspicere, qui meminissent tot egregios viros, tam conditos sermones, tot summa facinora Majorum.

Sed quomodo sustinebunt populares, dominum securi percuti, quem modo regulum agnoscebant? Cur terra haurit sanguinem, quem aluit generosissimum? Si princeps pater est patriæ, omnes sanè liberi gement, & in lamenta effundentur. Tantum potest vesana protervia crescendi, & aliorum vafrities.

C A P U T XLII.

Aurelianensis castellum Bankeria occupat.

Aurelianensis interea ingreditur castellum cum multis equitibus, quod Vitryus edoctus, mittit legionem, quam consequebatur ipse: ibi vallum adeo solidum obicitur castello, ut difficulter Castellani vim oppido potuerint inferre, nisi cum summa sua pernicie. Aurelianensis tamen virtus imperat procinctum: cum autem Momorantius & Elbævius, qui præsentés aderant, per æmulationem dissentirent, uter primum duceret agmen, inhibetur fervor, impetu in tormentorum fragorem mutato, quo oppidi ædificia deiicerentur.

Oppidanorum animus nihil movetur, crescit fides, quasi novis susceptis viribus, adeo ut obsidionem castelli inceptarent. Sic conscendunt turres quascunque, & campanilia, & jaculando castellanos divexant impigre, per campos grassantur, postquam Forcæus & Vitryus nova submisissent subsidia, adeo ut præsidium

illud, rebus necessarijs, ad sustinendam diuturnam obsidionem destitutum, angeretur.

Elbæuius digressus submittebat annonam & alia necessaria, quæ tamen ex præsijs Vartabregam & fanum Romani disposita, intervertebantur, bis aut terraptis mulabus. Cum & Foræus esset certior, Elbæuium magnum colligere apparatus Manfræni, quem obsessis adferret, secundo Septembris à Ponte Sancti Spiritus mouet, Elbæuium continuò in viciniâ hærentem, reijcit; Nualium iubet Monfrænum corripere, ex gubernatoris fide deditiois certus. Ingreditur ille, & omnem apparatus cum impedimentis Elbæuij, in usum regij exercitus conuertit.

Cum Castellani secundum hæc subsidiorum spem perderent, deditioem faciunt sexto Septembris, ubi virtus & fides oppidanorum proverbio derogarunt, quo dici solet, Castellum dominum in oppido libere grassari. Rex, ut operæ ferrent pretium, & alia oppida ad idem obsequium invitarentur, immunitates diversas indulget.

Politica reminiscencia.

ERrant, qui negant oppida aduersus amissa castella seruari posse, cum plurima exempla contrarium testentur. Ibi enim animadvertere licet, quemadmodum vires nunquam ferè sunt æquales virtuti ad defensionem expeditæ, ita non esse cur oppidum dedatur, ubi valli obijciendi oppidanis generosis est facultas. Quicumque eam curam suscipit, hoc ordine procedet, ante omnia videat, an populares dissideant aut aliqua factio castello faueat, ut omnes omninò complices, nulla interposita mora exterminet.

Deinde reliquos & verbis & suo exemplo ad virtutem stimulet, ad specimina fidelitatis. Expeditissimum, sepimenta per plateas figere, quæ militi defendenda committantur. Sedulam adhibeat operam, perficiendo vallo, quod castello obijci oportet, & commeatum intercludit, ubi cum opponet militem, qui eruptiones

nes repulsare valeat, si castellani aliquid essent ausuri. Si vero miles exercitatus defiat, qui incolis permistus eam operam præstet, alicunde fuerit accersendus.

Ipsus obibit crebrius, quod est prudentiæ, stationes, ut singulos officij admoneat. Si oppidum alicubi sit infirmius, & correptioni pateat, vitium diligentissimè reparabit. Cumque eâ ratione sese firmaverit, obsidionem inceptabit, & castellum impetet. Quemadmodum enim invasio plus animi addit militi, quam defensio, ipse suos videbit generosiores, quam qui defensioni, ad reiiciendos aggressores tantummodo vacarent.

Omnium primum vero duxerim, ut castellani & obsidionem & vim tolerantes desinant oppidum invadere, domi occupatissimi. Impetendi igitur fuerint, ut nulla auxilia possint subire, nec annona & apparatus subvehi: sic enim, nisi abundant necessarijs, quod rarius solet, præsidium deficiet. Si qui mons excelsior & incommo- dior adiaceat, consultissimum, ex eo detonare, & ruinas facere: campanilia miles occupabit, ut frequentissimè jaculetur, & obsessos exerceat.

Neque prætermittenda auxilia, quibus abstinendis transitus & angustia occupentur. Sic tandem gubernatoris prudentia virtutem excitabit, oppidumque adversus castellum captum asseret.

CAPUT XLIII.

Momorantius capitur.

SChombergius, qui alterum Regis exercitum ducebat, ad Tholosam propius accedit; invigilans occasionibus, quæ virtuti præberent materiam. Albyum igitur sumit obsidendum; invitatus tamen prius ad liberandum fanum Felicis in Carmania, cujus castellum corripuerant fratres quatuor, Iudices nuncupati, Aurelianensis stipendiarij. Mittit igitur Marchionem Ambræ cum copijs, eundem secutus cum exercitu, quantum

lus esset. Antequam vero pervenisset, intelligit Ambranium, quatuor illis fratribus familiariter notum, oblatâ pecuniarum summâ, vim simul intentâsse, ut illi beatos sese crederent, si eo periculo defuncti, etiam opulentiam consequerentur, castello ad primum Octobris tradito.

Aurelianensis autem, qui suppetias & firmitus adducebat præsidium, ex deditione castelli irritator, Schombergium incursum censet, ut vindictam exerceret, vel maximè quod longè majores copias in suo videret exercitu. Redierat Baukariâ, ubi Elbævio partes asserendi castelli reliquerat: Momorantius comes ad pugnam stimulabat, Baro Lineriæ operam offert speculatoris, qui Schombergij conditionem referret.

Ut autem nemini innotesceret, & facilius instituto defungeretur, Franciscani vestem sumit, quæ nihilominus prodicionem arguit, cum cuius obvio ostentaret à veste alienos mores & motus. Uterque exercitus satis invicem propinquant ad Castellum Audari: ibi Schombergius fit certior, Momorantium, qui Aurelianensis ducebat exercitum, vim parare & impetum. Confert igitur cum Marchione Bresæ, cui primum regij exercitus agmen erat commissum, Campiductoris addito officio, & de ratione agendi disceptat, in prociuum descensurus.

Marchio prior Aurelianensis animadvertit exercitum, ad geminatum sclopeti ictum per viam institutam, ubi exercitum Regium transmittere instituerat rivulum illius vallis. Cum autem ex hostium motu judicaret, occasionem expectari, donec exercitus regius per pontem malè sartum, eumque satis arctum per partes transiret, qui duobus millibus equitum, & quatuor cohortibus legionis regiæ, & sex Chamblæanæ constabat, ut sic postremum agmen invaderent, profligarent, & à suppetijs intercluderent: Schombergio renuntiat, consultius sibi videri, exercitui liberum & altiore quærere transitum, ultra duo milia

lia passuum, ubi ocyus posset trajicere, hostibus nihil advertentibus.

Mareschalcus adprobat consilium sagacissimum, & sequitur, adeo ut universus exercitus transierit, antequam hostis occurreret. Explicatur ocyssimè acies per pratum spatiosum : proceditur paululum, ut cæteris trajiciendi copia amplior fieret, versus castellum, explicantur ordines, & adest hostis trans rivulum.

Ibi par pari refertur institutum. Schombergius cohortem audaculorum immittit in transeuntes, antequam convenire potuissent, sclopetarii intonant, respondent adversarii; equitum turmæ in ipso impetu coercentur fossis : Lorarius tamen & Bauregardus Champrevius rimantur viam, & eluctantur cum quindecim manipularibus. Ibi Momorantius speculatum progressus, in eos irruit cum centum nobilibus. Confligitur extremo conatu, sed cum summo Aurelianensis dispendio.

Momorantius sauciatur, Comites Reæus & Foliadus occumbunt, quingenti, quibus annumeratur Comes Moreti, eos comitantur. Cum enim sclopetarii regij in istos equites intonuissent, ordinibus turbatis, deseritur Momorantius ab universis, ut vix quatuor aut quinque lateri hæerent. Animus tantum ferociæ conceperat, ut nihil moveri videretur, adeo ut per summam imprudentiam & temeritatem, quasi ex vulneribus susceptis mente motus, viam cum pauculis illis comitibus relinqueret, campos peteret, cohortem Schombergij gravem incurfaret, feriret, ipse in transcurso & gladijs & globulis petitus, nullo prorsus penso periculi, quasi immortale ferret corpus.

Proruit usque ad excubias & Chamblæam legionem, ubi plurimis fistularum ictibus impetitur, donec equus multis vulneribus debilitatus concideret, ipsumque obrueret, ubi duces & milites excubiarum eum fecere captivum. Aurelianensis autem exercitus nihil ayeat ipsum asserere : cum stupeat, & stationem servaret, æquo pavore & tædio perculsus : adeo ut
Schom-

Schombergius & Bresæus nullam conspicerentur viam repullandam.

Dispiciunt igitur, quid facto opus esset, cumque perpenderent rerum summam præsentium, visum est, post tam felicem conflictum, qui tot viris alicujus notæ attulisset exitium, capto etiam perduellionis authore & primo mobili, alterius periculum pugnae non subeundum. Personam enim Momorantij captam de perduellione dissipandam non vanam suscipi spem, integris regionum copiis, quæ periculo carere non potuissent, in angustiis viarum, & ponte illo incommodo, si traducendæ fuissent singulatim ferè, etiam tormentorum ictibus exponendæ.

Horam tamen integram in campo prælij commissi stant, præstolantes hostium vim & ausum: cum autem illi nihil moverent, in suburbium & oppidum Castellii Audariani recedunt, quo Momorantius deferretur, & aliquamdiu curatur, donec in locum tutiorem, ex Regis voluntate deduceretur.

Politica reminiscencia.

Solitum est militaribus ingenijs, post prælij grande compendium victoriam ad finem promoverè. Dux vero prudens impetum coercet suis limitibus, adeo ut fortunæ beneficio per moderationem animi semper minerit utendum. Neque enim decet, ut voluptas illa, quam ex pavore hostium, secundum facinus prosperum colligit, oculis offundat vertiginem. Prudentiam igitur adhibebit, ne compendium præsens ex spe incerti commodi dispareat.

Quicumque enim mediocri victoriâ non acquiescit, sortem cum fœnore exponit alex, cum alioqui sit imprudentiæ famosissimæ, hostem ad extrema quæq; compellere. Necessitas sanè pugnandi, quæ imponitur, metum eximit, animum igni replet, unum in quaternos concitat, & sæpissimè victoriam amissam restituit. Ex hac necessitate Locrensis quindecies mille superarunt centena hostium millia.

Recen.

Recenset historia, Romanis recedentibus institisse Lacedæmonios, ut naves repetere non esset otium; unde illi conversi, pedem fixere, & leonino more pugnares, ducentos prostravere totidem captis. Manlius Consul, ut nemo hostium salutem obtineret, perfugiorum angustias sedulo servabat, quod illi intelligentes, ex omni salutis spe præcisâ, irruere, & ipsum trucidavere, ad internecionem reliquorum efferati, nisi potestas evadendi emicuiisset.

Per eandem rationem Galli, ex Regno Neapolitano discedentes, videbantur Italorum sapientioribus liberè transmittendi, etiam discessu, si usus esset, adjuto; cum satis gloriæ trahat ipsa victoria, quæ contemtim habita, indignum reddat victorem illius usu.

CAPUT XLIV.

Rex petit reconciliari fratri.

EX captivitate Momorantij colligebat Aurelianensis summum rerum dispendium, quemadmodum ministris regijs inde optatissimum accessit compendium, sive personam Aurelianensis spectarent, qui ipso prælio non abstinuisset, sive Galliæ emolumentum expendere, quæ hoc pacto liberata fuit factionis istius instituto, in ærumnas crudeles populares præcipitantis. Nemo non casum illum attribuebat ducibus copiarum Aurelianensium, quibus plus nimis erat virtutis, scientiæ militaris parum; cum tamen militis valor etiam lan-

Ne autem causas tam felicitis cladis inquiramus, dicemus, Regi Lugdunum perlatum nuntium, unde ocyus discedere parabat, ex consilio Cardinalis, qui asseverabat, post tantum compendium, ad solam præsentiam regiæ majestatis universam Occitanæ provinciam ad obsequium redituram, quod eventus laudavit. Per gaudij istius rationem ex ista victoria susceptam non susti-

nuit

nuit Rex ire, ex nimio sensu turbati animi, quo Aurelianussem affligi facile cogitabat, quin Agabonum mitteret, qui eum de regiâ benevolentiam redderet certiore.

Is igitur ad nonum Septembris sese dat viâ, hæc mandata iussus perferre, Regem eâdem, quâ semper, benevolentiam erga ipsum affici, paratum ad ipsum suscipiendum, benignè in Aula habendum, & quæcunque per postremam Declarationem paterent, executurum: rediret ad sua, stipendia, redditus & præfecturas, modo errorem verè agnosceret, & omnes conspirationes ac factiones, quibus sese impediri esset passus, apud cives Regni & externos, abdicaret.

Secessum, si quis allubesceret, quem Rex modo posset comprobare, exortem suspitionis, indultum iri, cum liberrimo usufructu bonorum: Elbavium etiam restituendum, domesticis, & ratione personarum & bonorum itidem cautum iri: Adeo ut teneriorem, magisque benevolum animum ne optare quidem licuerit, qualem Rex per hanc occasionem prodebat; nemo sane non satis admirabatur eximiam istam mansuetudinem.

Politica Reminiscencia.

DIvinum quid inesse regiæ majestati nemo ambigit mortalium, ex consideratione scilicet potentiae, ubi tot milliones obediunt viro uni, fortissimi vel paribus, vel longe minoribus prædito viribus, sapientissimi, non per omnia prudentis; senio præfulgidi juvenis; armati denique inermis; & ferocissimi mansueto. Desines igitur Noachi sortem admirari, cui iussa sunt animalium quorumcunque genera & species adesse ac parere. Idem enim Deus Imperium in universas & singulas, quas fecit creaturas tenet, ut principes constituat, & destituat, ex sapientiae arbitrio, & Universi commodo, maxime mortalium.

Sed majestatis divinæ radius gravissimè elucet per clementiam, quâ principes maxime ad naturam Dei

Dei accedunt. Cum autem illa virtus subditos completatur omnes, quibus errantibus deberi videtur; non raro tamen sese & ad hostes extendit, cuiusunque conditionis. Pyrrhus ebrijs militibus convitia in regiam maiestatem coniecta remisit, quod illi lagenam incusarent: Alexander Magnus Porum victum in Regnum restituit, provincijs & opibus auxit.

Nunquid licebit eandem gratiam inire apud necessarios, qui ex eodem sanguine, imo ex eadem matrice originem ducunt? Barbarorum est, sanguinem sitire suorum, & quietem ex ipsorum internecione quærere. Ottomannica soboles, sacris nefarijs operata, hoc sibi usurpet, & crudelitatem expleat. Leges Salvatoris opem inimicis poscunt, & erroris veniam adeo promptam, ut Sol occiduus exulceratos animos relinquere non debeat. Frater germanus dicitur, quod sit fere alter ex eodem germine; sibi ipsi igitur nocuerit, qui sese fratris germani benevolentia privari patiatur, aut sinistro aliquo casu eadem priuatus, tranquillo potest esse animo.

C APUT XLV.

*Que Capita Aurelianensis à rege
petierit.*

COntinuanda vero fuerit illa negotiatio: ab it Ægabonus, reperit Aurelianensem ægrum animi, quod perditio Momorantio nobilium plerique per Occitaniam dilaberentur. Metuit igitur Puylaurentius, cum universa secta, qui non minus solliciti de proprijs commodis, quam de principis securitate, captivitatis horrorem, & iustitiæ regiæ cursum ob oculis versantem videbant, consocij perduellionis suscitata, quam Rex in persona ipsorum punire cogeretur.

Ægerrimè etiam ferebant, quæ speraverant
fortu-

fortunæ emolumenta, non consequi: sponte etiam subibat animum, salutem propriam commodis cæteris merito præferri, inde constituunt, Aurelianensem inducere, quod vires ad bellum gerendum deessent, ut simulatè pacem à rege peteret, quo uno medio præsentissimum evitarent exitium, donec occasio nasceretur armorum recipiendorum, ad prosperiorem successum.

Ipse Aurelianensis faciliorem præbebat aurem istis consilijs, quod impotentiam belli ducendi intelligeret, & necessitatem evitare non posset, ad quasvis leges acceptandas. Eâ mente jam miserat ad regem Chaudebonum, qui testaretur ægritudinem ex turbato Rege susceptam, additâ obedientiæ & fidelitatis in posterum fiduciâ summâ; modo abolerentur præterita, & Rex benevolentia præstinâ temperaret fastidium & rancorem ex sinistris actionibus susceptum.

Iussus etiam erat Chaudebonus rogare instanter libertatem Momorantio, ut ille honoribus & facultatibus restitueretur; quæ gratia etiam Ducem Bellagardiæ, & Regina matris suosque sectarios complecteretur: peteret locum Aurelianensi tutum, revocaretur Regina mater ad Aulam, redderentur Lotharingo, quæ securitatis ergo tradidisset, promitteretur Aurelianensi millio librarum, ad delenda nomina, apud Hispanos & Lotharingum contracta; sententia denique adversus Fargisiam lata revocaretur. Quæ omnia accidere, antequam Ægabonus pervenisset, adeo ut lætissimâ exciperetur facie, cum à sectarijs suspiceretur, tanquam liberator, sapientissimis quibuscunq; nimiam regis mansuetudinem non satis admirantibus.

Politica reminiscencia.

INter diversas notas benevolentia, nulla verior misericordiâ, quæ illam agnoscit matrem: flocci enim fit ad quævis extrema delapsus, cujus nullam habemus rationem, aut qui iram in se concitavit. Indifferentia illa nimis stupida est, ad sensum doloris excitandum, per supplicia cæterorum, adeo ut ebullitio sanguinis & excandef-

candescentiæ voluptatem potius inde trahat, quàm tristitiam. Cum voluptate spectatur ex specula navis hostilis adversus tempestatem pugnare, ubi mali franguntur, vela lacerantur, furor ventorum & procellarum dehiscere facit.

Diversissimo spectatur oculo navis, quæ clarissimum pignus fert: ad primum ærumnæ spectaculum consurgit dolor, cor, & oculi in cælum eriguntur, suppetiæ promissimè submituntur. Sic princeps generosus dolorem concipit ex necessitudine afflictâ, aut amicitia periclitante, ubi casus deploratus ingruit. Arma, quæ hostilia intulerant, non possunt sensa animi coercere, cum certum sit, veram virtutem nunquam delectari extrema etiam hostis fortunâ.

Generosa mens satis habet, victoria adepta, secundum quam omnia media quærit suppetiarum, ad eò ut partem agritudinis sibi sumat. Sic cordatus ille Romani exercitus imperator Macedones collatis signis vicit quidem, sed à lacrymis sibi temperare non potuit, ubi regem captum adduci vidit: ad eò ut ex tribunali descenderet, ut eum tanquam virum illustrem, quem fortuna præcipitem egisset in illam calamitatem, susciperet. Multò minus sustinuit, ipsū pedibus advolui, quin erigeret ex sensu ærumnæ præsentis.

Sic Samnites, postquam binos Romanorum exercitus ad furcas Caudinas confecissent, etiam subjugum missos, de nocte tantum Capuam redire voluerunt, quasi per misericordiam inductis tenebris, ne ignominia tanta pateret oculis. Ex verò calamitatis sensu consulibus reddere placuit imperium, fascēs, lictorēs & domesticos, quibus adventantib⁹ occurrerent magistrat⁹ oppidanicum ciuib⁹, consolandi gratiâ. Majorem enim meretur casus sinister præclarorum virorum misericordiam, ex præcipitio, cum illa confusio non unam familiam, aut ciuitatem, sed plerunque universam involuat Europam.

CAPUT XLVI.

*Quam agrè Aurelianensis destituerit
Momorantium.*

AUrellanensis hæc clementiæ regiæ testimonia recipit per viciniam Castelli Audari, quamvis extrema, quibus urgebatur, suggererent gaudium eximium, tamen plurimum angebatur ob Momorantij sortem, adeò ut ad nullam transactionem descenderet, nisi post omnem conatum, quo vitæ & libertatis securitatem ipsi impetraret. Ægabono satis habuit testari maximam voluptatem ex mansuetudine regis conceptam, quem rogatum volebat, ut regiam maiestatem faceret certiores, quanto dolore coqueret offensam, quanto studio omne in posterum obsequium susciperet, à voluntatibus ipsius nunquam distrahendus.

Addebat preces humillimas, ut gratiam per solitæ clementiæ usum applicaret Chaudeboni mandatis, inprimis verò, quæ Momorantium spectarent: accipere sese cum omni revētia, quæ offerrentur; sed ex veniâ dilectissimi viri, qui alieno errore peccasset, ad beneficia magnum accessurum cumulum, quæ consecutus, sese sisteret ad arbitrium regis.

Ægabonus responsum ad regem refert cum ad Pontem Sancti Spiritus esset, decimo sexto Septembris: sed Chaudebonus pridie abstulerat mentem regis, cum istis ad Aurelianensem literis, Nihil posse concedi, præter ea, quæ Ægabonus renunciasset, grata haberet, ulteriora urgere desineret, cum postulata nec dignitati regiæ, nec reipublicæ bono, non denique proprio ipsius commodo convenirēt.

Cum Chaudebonus eas literas adferret, Aurelianensis doluit, quod non exiguo labore posset Momorantium ex periculo præsentissimo liberare. Puylaurentius tamen, etiam æmulatione nondum vacuus, sollicitè cum dolorem leniebat, suggerens identidem, ex ijs angustiis esse emergendum,

gendum, propter necessitatem absolutissimam quæ aut perditionem, aut transactionem imperaret, non magno, penso, quod animadvertere cuius licebat, quacunquæ Momorantius esset conditione, suæ salutis & naufragij exitio si trepidus.

Neque tamen Aurelianensis tam promptè assentiebatur, quamvis vacillare cepisset animus: remittit igitur Chaudebonum, qui preces iteraret, ad prima postulata obtinenda. Hinc Biturum regreditur cum parte copiarum, quibus hospitia per viciniam fuere indulta, cum gubernator & cives introitum negarent. Sic non diu in eo, oppido substitit, digressus vicesimo primo Septembris, antelucano tempore, facibus succensis, quod exercitus regius nuntiaretur ingruere, ducibus Vitryo & Forcæto ad obsidionem institucendam, ad tres aut quatuor saltem leucas remotus.

Rex interea discedit à Ponte Sancti Spiritus, Nemausi-um versus, ubi Chaudebonus, ante triduum ad Aurelianensem, reversus, ab eodem denuò adest, & apud regiam maiestatem novas preces de primis postulatis interponit, & in primis, ut gratia Aurelianensi habita, uniuersos sectarios complecteretur. Sed rex perseverabat, nihil sese à conditionibus illis recessurum: spem tamen fiduciaris facit, Aurelianensem ad concordiam deductum iri, si rex mitteret quocum agere posset, in quo opere Puylaurentius sudabat.

Instabant enim ea extrema, ut tutum non pateret refugium, post copias dilabentes, & Biturense ad obsequium regis reuersos, renovato fidei sacramento, adeo ut ipsum digressum, postea excluderint. Neque enim introitum permisissent, nisi à rege iussi, cuius mentem per cursores expectauerant, qui retulit, suscipiendum esse cum domesticis tantum, cum honore natalibus conveniente.

Placuit institutum illud regi, & Aurelianense apud Biturense suscepto, mittitur Bullionius, fisci inspector, & Marchio Fossæus, Magolonæ gubernator, quibus præter illas Agabono commissas leges nihil additum. Adventantibus Aurelianensis primo aspectu testabatur, non posse sese Momoranti deferre, qui bellum non ex propria causa, sed sui gratia, ad exemplum cæterorum sectariorum fecisset. In cæteris sese paratum

tum esse ex animi firmo proposito regi obedientiam & officia, quæ deberet, præstare.

Respondent illi mentem ipsius prorsus laudandam, quæ de naturæ mansuetudine testaretur: suppliciter tamen rogare sese, ipsus perpenderet, si rationem illorum sibi habendam censeret, quin eos in transactione comprehenderet, regis multò pluris interesse, ne transigat quasi per necessitatem, gratiâ subditorum rebellium extorta, qui tamen supplicium extremum à iustitiâ emendicassent.

Transactiones institui inter summos principes, eosque pares, sed istius, quam sustineret conditionis, nullam habere viam, præter illam submissionis, & erroris agniti, ad impetrandam gratiam. A mansuetudine regis non præter rationem sperari fauoris compendium, cum sponte inviret, etiam non rogatus, ad refugium gratiæ, ut capacem sese redderet in errorem prolapsus. Clementiâ non sine offensa in dubium vocari, secundum ista omnia, Suum non esse, Momorantio gratiam spondere, aut cæteris complicitibus, præter domesticos, cum hæc tantum in mandatis habeant.

Posse tamen id asseverare, si commoda regis permitterent, gratiam regiam ad quoscunque ab Aurelianense nominatos extendi, clementiam solitam spontè expeditam fore. Et ut omnia in compendium conferrent, neutiquam ambigendum, quin rex teneatur ex officio exemplum statuere in eos gravissimis supplicijs, qui principales fuerint perduellionis auctores, cum tranquillitas rei publicæ id exigat, ad regis maiestatis auctoritatem servandam, ut exemplo coercerentur reliqui, & supplicio perduellioni irrogato, quod regiâ maiestate removeretur.

Quamvis rationes istæ tantâ industriâ, tantâ clementiâ, adeoque prudentiâ Aurelianensi proponerentur, ut tum ferè flesteretur ad absolutum regi obsequium præstandum; petijt tamen deliberandi tempus, ut scilicet de rerum summa cû Puy laurentio cõsultaret: quicùm nullâ aliam ex angustijs elabendi cerneret fenestram, quàm istanc transigendi rationem, Aurelianensem induxit ad paciscendum; testatus etiam, eò minorem hic sumendam difficulta-

eultatem, quod perinde compendium esset adepturus, ad conditiones commodiores per vim extorquendas.

Politica reminiscencia.

PER Philosophorum choros liceat discipulis jurare in verba magistrorum, & cum Pythagoreis dicere *Autòs epha*, sed antequam sine cortice natate didicerint. Facillimè enim aberrat mens tenella, ubi ductore destituitur, peregrina utiq; in rerum usu, & scientiarum campis. Sed ubi ingenium maturefcere potuit, licebit à magistri sententia discedere, per genitū intelligentiarum, ut naturam, tanquā ducem optimam sequamur, & disputatis stolonibus arbo-rem scientiæ, quæ bonum juxta ac malum præstat, integram & nudam usurpemus oculis.

Æqua ratio posset Magnates ducere in republica, ubi non raro Princeps aliquis supremæ Majestati obluetur, & populares cum amicis ac clientibus facit consiliorum participes, factionis complices. Liceat illis ex cæco obsequio regulis adesse & opitulari, cum illi sint proxima obedientiæ objecta: liceat ibi universam reverentiam effundere, sed quæ ratione sanâ temperetur, nec summam majestatem lædat.

Ipsi pueri, adeoq; infantes, solo sensu ducuntur, adeò ut nulla alia ratione ab igni & candela arceatur, sed ubi ratio- nis evasere capaces, argumentis dant locum, ut malum caveant. Sed quid judicij fiet de viris prudentibus, qui ultra puerum sapere sibi videntur bimulum? Venerentur illi majestatem regiam in principibus regijs, adorent etiam, si velint, solem orientem, tergum obvertant occiduo; sed id faciant ex usu rationis rectæ, quæ principes regios tanquam propriæ majestatis obnubilatores, aliquando castigat.

Cùm autem Magnatibus liceat rationis usum suscipere, & de principum regiorum institutis, adeoq; proprijs emolumentis dijudicare, nemo adeo hebes fuerit, & projectæ rationis, qui errantem & sequi, & eundem in errore confirmare sustineat, ut sic in perniciem corruant: etiam memor, necessitudinibus paratam veniam, cæteris plerunque ad

piaculares victimas rejectis, cum pronum sit principi, erroris culpam in ministros derivare, sibi in oecumene partes sumere,

Noverat Ahitophel, sagacissimæ mentis, parentem inveniam propensissimum, etiam ante agnitam culpam, fervente crimine. Veniæ igitur per conscientiam justitiæ regiæ exors, ad laqueum decurrit. Ita igitur colantur sidera, ne Solem negligamus, qui ex ortus mutuatitium facile delet splendorem: ita inserviendum principi regio, ne majestas regia detrimentum patiatur.

C A P U T XLVII.

Quibus legibus sit transactum cum Aurelianense.

Puylautentius mentem Aurelianensis ad Bullionium & Fossæum refert: illi disceptant, & capita pactorum ista constituunt, per quæ Aurelianensis errorem agnosceret; suppliciter rogaret regem.

Primum ut errorem oblivisceretur & gratiam ejus faceret, ipsius regiæ majestati promitteret, de cavēda recidiva. in quem finem quasiis collusiones cum Exteris & cum regina matre, quamdiu extra regnum, præter voluntatem regis versaretur, esset projecturus.

Habitaret, ubicunq; regi videretur, & vitam ad obsequium genuini fratris, verique subditi institueret.

Causam fæderatorum nullus susceperet, nec querularetur, si rex promerita irrogaret supplicia,

Ad munia per familiam vacantia reciperet personas regi gratas & denominatas, remotis qui displicerent.

Conventum denique, ut Puylautentius, princeps minister sinistrorum consiliorum, quibus ad bellum sumendum fuisset inductus, teneretur regem sincere edocere, de omnibus negotiis præteritis, ex quibus aliquid detrimenti in rem publicam posset redundare, imposita culpa gravissima, & regia gratia vicissim penitus exolescente, nistaret pactis.

Summa

Summâ hæc fuere capita pastorum, quibus Aurelianensis est assensus, unde certissimum propensionis intimæ sumitur testimonium, de submissione & fide illius erga regem: Etiam signum apposuit, ad maiorem regis securitatem. Sic Bullionius & Fossæi nomine regis maiestatis promissere, recipiendum Aurelianensem in gratiam, restituendum in omnia bona & redditus, cum libertate, tranquillè habitandi, ubi visum foret; expediendam quantocytus abolitionem criminum commissorum, in solatium domesticorum præsentium, & Elbævi, nullâ fiduciâ cæterorum data.

Cum rex illa ex manibus Fossæi accepisset, rata habuit: unde concordia tot votis expetita, quo tanquam felicitatis publicæ fundamento certissimo nitebatur Gallia, fuit definita. Omnia personabant sermonib⁹ gratissimis de pace, rex indulget Exteris sextum diem, quo tempore regnum Galliæ evaderent per Russilionis comitatum: qui hinc inde dilapsi, à rusticis reciprocè mulstabantur. Aurelianensis habitatum abijt Champinium, apud Turones, quo fruebatur, ostentans ex facie quodvis animæ gaudium, datis etiam ad Cardinalem literis, benevolentia plenissimis.

Ibi calumnias adversus ipsum suo nomine sparsas improbat, asseverans, etiam mentem in illas nunquam consensisse, quem per fervidiores etiam animi motus semper magni fecerit ob fidē erga regem integram, & ob virtutes illustres, adeoque eximia in rempublicam merita. Hinc malacia post tempestatem horrendam, quā Gallia agitabatur, successit.

Politica reminiscencia.


Quamvis reges teneantur aliquos ex principalibus seditionum authoribus castigare ex sinceritate, quod postmodum dicemus, cæteris tamen parata lebet esse gratia. Cæsar maiorem meruit famam, per promptam inimicorum reconciliationem, quam Hannibal per animi obfirmationem. Solebat utique dicere, nihil minus convenire ijs qui ad ardua aspirent, quam obstinatē inimicitijs inhærere, unde vires magnis negotijs destinatæ, propriæ tātum defensionis adaptentur, & vix ab inimicorum insidijs liberent.

Clementia oculos Principi claudet, ut desinat videre errores eorum, qui veniam errorum petunt, sed supplicio nihilominus seruat nonnullos, qui exemplum præbeant. Generosa sane vindicta, ignoscit victo, eique sanguineo: id quod Magnatibus aliquando grauius evenit, quam prælii eventus sinister, plurimi etiam maluere perire, quam eò humilitatis semet abicere. Nullum autem penitus incommodum regi ex indulgentia ista nascetur, cum clementia occulta vi omnes devinciat ad amorem. Hoc demum reipublicæ pugnaculum solidissimum, præter gloriam inde exortam, cuius splendor non exilis, ad maiorem mansuetudinis venerationem.

Experientia enim demonstrat, generosis mentibus esse faciles motus, adeo ut vulnus coeat, ne cicatrice quidem relicta. Nepentha Humeri, quam regina Ægypti dono dederat Helenæ, in magno habebatur pretio, quod omnes dolores leniret, offensas aboleret, & eadem sensa benevolentiae redderet, quæ prius erant. Græci habiti sunt sapientissimi, quòd, cum nullum summis criminibus per tyrannidis tempestatem patris, inveniretur remedium, legem sanxerint, Amnestiæ nomine celebrem, quæ omnia præterita in oblivionem contumulabantur.

Scipio fortissimus idem institutum servavit adversus conjuratos milites, cum pronunciaret, velle sese includere oblivionem erroris; quod si minus impetraret, silentium imperare, ne unquam exprobraretur. Quicquid Principes considerare debent, in effectis Clementiæ, hæc coincidet, ut ita condonent, ne animus aut facultas iterandi erroris restet, impulsoribus coercitis. A rigore iustitiæ liberabunt

humiliter deprecantes, sed gratiam indultam tanta temperabunt prudentia, ut obliti crimina condonata, cæteris pereat via offensionum.



CAPUT XLVIII.

Oppida Occitania redeunt ad obsequium.

Quemadmodum tempestas solet cedere Soli, ita pluria oppida Occitaniae, per duellione correpta, ad obsequium redire, quamprimum rex ad provinciam accedebat, inter cetera Baniolum, Albium, Alethium, Lunelum, Villanova, Magelona, Frontiniacum & Bitierum. Tranquillitas autem integra apparuit, post Aurelianensis pacis signata & firmata, omnibus ad officium reversis.

Cum autem necessarium esset, pacem provinciae stabiliri, ad popularium securitatem, jubet ex solo complanari Bresconem, Lunelum, Castellum Pesenatis, citadellam Bitieri, & alia quaedam loca, quae à limite remota, per duellioni duntaxat praebebant nidos. Mandat etiam Machauto, supplicationum magistro, cui Marchio Tavannae Campi ductor additur, complures per duellionis complices castigare, & personis ipsorum corripicendis, & castellis diruendis.

Denique ut deprecationem generalem à Provincialibus, ob commissam per duellionem exigeret, & omnia rite constitueret, ordines cogit Bitierum, & ipse adest primo Octobris, ut postridie exordiretur. Majestas regia fulgebat splendore solito, quoties Iustitiae ascendit thronum, cui ad stabant Cardinales, Principes, Duces & Pares, Mareschalli Galliae, & alij Magnates, qui ad aulam confluxerant. Custos Sigillorum iussus edocet Episcopos, Nobiles, & ceteros Deputatos, qui praesentes erant, enorme crimen per duellionis, quod postremis hisce turbis fuisset commissum.

Hinc Archiepiscopus Narbonnensis humillimè rogabat veniam universae provinciae, cuius nomine protestabatur regiae majestati fidelitatem inconcussam. Rex effectum clementiae continuo praestat, non tantum remissa noxa, quam contraxerant, sed etiam firmatis immunitatibus,

cum suppressione Electorum. Novum tamen ordinem stabilit, ad indicenda tributa, si quæ à provincia exigentur.

Politica reminiscencia.

Non actum fuerit, perduelles profligasse ex agro, & ad privatos lares disjecisse, nisi princeps deinceps eum ordinem provinciæ perduellionis reæ præscribat, ut adversus alteram asseratur tempestatem, postquam prima est defuncta. Prudentem imitetur Medicum, qui ægrotum ex grabato productum, restituendis humoribus ad temperiem reducere laborabat, ut eâ moderatione utatur, quæ recidivam declinet.

Imprudenter institutum omnes & singulos punit complices, cum major inde consurgat tumultus, qui non unam turbet provinciam, sed universum concutiat regnû. Consultissimum, partem illorum acciri, ut crimen cognoscant, submissionemq; & penitentiam testentur, ut postmodum Clementia multitudinem amplexetur, cum justitia seposuerit authores & duces seditionum, ad penam exemplarem.

Sic Aristides monitus, quosdam Atheniensium illustribus ortos natalibus, angustia rei familiaris premi, & tædio consumi, quod autoritate privaretur, qua prius fruebatur in administratione Reipublicæ; & inde conjurationem adversus populum inivisse, qua constituisent, Barbaris potius rempublicam tradere, quam tenui illa conditione ulterius uti: satis habuit, octo illorum, quos conjurationis intellexerat duces, corripere & castigare, exhortatus ceteros in exercitu, ut eam virtutem præstarent, quâ infamia tam nefarii instituti deleteretur: id quod longè majorem habuit effectum, quàm ullus rigor.

Iudicium mediocrium est, inquirere in crimina particularium complicum. regum verò, quibus clementia maiorem confert gloriam, quam severitas, oculos claudent ad confusionem, quam multitudo contraxit impropere, cum perduellioni nunquam implicetur, nisi à summis provinciæ viris seducta, quorum summa est culpa. Dicam etiam, convenientissimum esse, ut statuta, provincialium sensui adversa, & quæ perduellioni prætextum dederint, leniantur,

tur, cum periculosissima sit obstinatio adversus multitudinis voluntatem.

Prudentiæ nullus tribuerim, si cedas planè ipsorum desideriis, cum id abiectionem indicet animum, qui ipsis nimium infletur, sed ut mediam infistas viam, exquisitis medijs lenioribus, ad obtinendum eundem, quem proposueras finem. Summus moderationis apex in eo versatur, ut voti reddare compos, per ambages & tramites, licet diuturniores, ad scopum deductus.

Famossissimus sanè rationis triumphus apparet, si temporali quando & necessitati cedas, ubi satis habeas obtinuisse, non quæcunque volueris, sed potueris, præter extremam popularium perniciem. Certissimum est, regi jus esse quæ recta sunt constituere, quæ æquitatem redolent, & non raro bono publico inferunt, oportet tamen, ut prudentia præsideat per omnia illius statuta, qua caveatur, ne iussa plus detrimenti, quam emolumentum adferant.

C A P U T XLIX.

Complures Magnates rogant Memorantio libertatem & vitam.

Quamvis rex multitudini perduellionis reæ fecisset gratiam erroris, Memorantij tamen crimen, tanquam primi authoris, non videbatur impune abiturum, nisi cæteris Gubernatoribus omnis libertas sic præberetur tumultuandi pro lubitu, cum & belli fors, & sua ipsius temeritas eum coniecissent in regionum ministrorum manus. Ex eâ ratione rex eum Tolosam deduci jubet, quod ipse consequebatur, ut in Curia urbis attineretur captivus, missis simul mandatis particularibus ad Parlamentum, ut in jus trahe retur.

Interrogatur, testes producantur, juxta formam solitam conferuntur, & causæ supplicij extremi non operosè querendæ erant, cum captus esset, in regem armatus, quod sponte agnoscebat, lachrymabundus ad modum cæterorum
reo-

reorum, qui se convictos dolent: Si regiæ majestati place-
ret vitæ facere gratiam, in illius officia repensurum ean-
dem, ut profuso sanguine expiaret errorem commis-
sum.

Complures sane, magni nominis, & inter cæteros Con-
dæa soror, Cardinalis Valetianus, & duces Espernonius ac
Cheureusius, impensissimè apud regem instabant, ut grati-
am ipsi conciliarent: Ipse Aurelianensis mittebat Lauau-
potum, qui pedibus advolveretur, & humillimè supplica-
ret. Verùm enimverò crimen tanti momenti non videbatur
ullo modo condonandum. Quomodo enim vitam refer-
ret saluam, qui regnum factionibus distulit, ut omnes om-
ninò Magnates concitaret, quibuscunque familiaris ute-
retur; manibus pedibusque obnixè operam dedit, ut pro-
vinciatum non ultima perduellionem sumeret.

Is etiam Aurelianensem per universam Galliam cir-
cumduxit armatum, ut institutum vehementius perurge-
ret; Hispanis transitum aperuit; ausus perduellionem per
Ordines provinciæ sancire; copias quantas potuit scripsit
adversus regem; qui denique nihil omisit ad promoven-
daperniciosa consilia. Quæ verò considerationes præ-
gnantes tantum crimen excusauerint? Neque enim erra-
rat per præcipitantiam, aut ex feruore animi, sed ex delibe-
rato egit, adeò ut successum instituti factiones & vicæ
texuerit ab octo mensibus.

Venerandum ipsi nomen Majorum contulerant meri-
ta, & ipse indignum sese fecerat, ut eorum ratio esset ha-
benda, postquam exemplum fidelitatis, qua ipsi celebran-
tur, rejecit. Natalibus est ortus illustribus, sed crimen ipsi-
us grauius trahit pondus, & periculum inter viros illius
conditionis, quod ex gratia petita sequiora elicerentur
compendia: cum supplicium criminis id commodum fe-
rat, ut Nobiles in officio contineantur, & in metu justitiæ
regiæ.

Regi nonnulla præstitit officia, per duas aut tres oc-
casiones, quæ tamen ad istam temeritatem comparata ni-
hili essent, cum hic fundamentum regni crueretur, obedi-
entia ex præcordiis populariū eliminaretur, authoritas re-
giæ destrueretur, & subditorum ærumna augetur. Quid
verò

verò Exteros dicturos fuisse censeas, de nimia istiusmodi Clementia, quæ longissimè distat à prudenti rigore, cuius illi nobis quotidiana præbent exempla in minimis per patriam tumultibus?

Nunquid oculi penitus fuissent claudendi ad reipublicæ commoda, & ad constitutionem tranquillitatis generalis, si eam perduellionem libuisset transmittere impunitam? Verum dicam, regem defuisse oportebat, qui iustitiæ dexteram cohibuisset, & legum ordinem ad istos casus definitum turbasset. Hinc Marechaleus Chastilionæus salutatum regem abijt, ut eâ occasione suas cæterorum jungeret precibus, infit ad regem, & vultus & oculos supplicantium abunde testari, quantum numerum beneficiorum spargeret per unam Momorantiæ gratiam; at responsum tulit regia maiestate omninò dignum: sese regem haud fore, si particularium sensu duceretur.

Politica reminiscencia.

Rex gravissimè læderet rempublicam, si particularium compendia haberet ante bonum publicum in universis suis actionibus. Imperatores laudati, etiam juxta sententiam coruscantium illorum luminarium, quæ per Ecclesiam fulgent, rectè prætulere rempublicam & parentibus, & liberis. Eâ enim debet esse in consideratione, ut illorum repudient voluntates, si quæ inde detrimentum illius perire auderent.

Imprudentiæ profecto summæ argueretur, qui, ut particulari consuleretur, universos vectores naufragio exponeret. Nihil enim est causæ, cur regnum in præcipitia novæ perduellionis conjiciatur, ut Magnati alicui constet ufura vitæ. Ipsa regis vita nulla modo spectatur, ubi respublica aleam subijt; quo loco demum fuerit ulla particularium? Bonum civile, quod principes sibi scopum præfigunt, idem est cum popularium emolumento, generatim sumto.

Quis verò ambigat, quin popularibus cedat commodo, si bonum publicum præferatur particularis illius salutis, qui vagrandem in se suscepit culpam? Quemadmodum leges majoris faciunt salutem omnium, quàm rei cujuscunq; ita princeps, qui eis tanquàm norma uti debet ad vitam rectè instituendam, insigniter errabit, nisi eandem sequatur semitam:

indignus

indignus qui diadema ferat, si impunitatem oppressioni quorundam subditorum applicet, ad connivendum perduellioni cæterorum, cum Deus ipsi dexteram iustitiæ non contulerit, in alium finem, quam ut universos in obsequio contineat, & ab injuria tutetur.

Tum demum, inquit, Plato, respublica ritè administrabitur, ubi culpæ affines puniuntur. Cui juris consultus ille suffragatur, summam curam hanc accedere gubernatori provincię, ut pacem constabiliat: hoc verò assequetur, si turbarum concinnatores cispellat, pro ratione criminum correptos. Paucis multa dicā, particulares suis institutis scopum istum ponunt, ut familiam bono ordine regant, & reges nihil unquam præferunt saluti popularium: privatorum est, curare compendia particularia; regum verò unam reipublicę salutem spectare.

CAPUT L.

Momorantius deponit usuram hujus vitæ.

EX istis iustissimis rationibus inducitur Parlamentum Tolosæ, post causam Momorantij ritè disceptatam, ut tertio Octobris sententiam in eum pronunciaret mortis, & securi subjiceret. Antequam vero de ista executione loquamur, videtur calamus debere testimonium & constantię & pietatis morienti. Nam ubi Cardinalis Valettanus perspiceret, spem salutis evanescere, regem adit supplex, ut permetteretur sacerdos reo, in cujus sinum emacularet animam, qui mentem ad Parlamenti sententiam suppliciter subeundam disponeret.

Rex promptè assentitur, ad salutem animæ promovendam paratissimus, quemadmodum corpus prostituebat in exemplum perduellionis. Quamvis autem gratia ista non soleat fieri antesententiam pronuntiatam convictis criminum, jubet tamen Bresæum, qui bacillum Mareschalci repeterat, mandare Patri Arnolfo, familię Iesuiticę supremo, quem reus sibi expetiverat, ut dies noctesque quantum videretur, ipsi adesset, & consolationes necessarias suppeditaret.

Adest

Adest sacerdos, invenit reum, ex singulari Numinis gratiâ, ad bene moriendum dispositum, ex qua mente etiam confessionem generalem omnium peccatorum instituebat. Id unum angebat, quod tempus nimis angustû sibi putaret præfixum, cum videretur intelligere iudicium posttridie, id quod res erat, subeundû. Hinc Arnoldû sacerdotem & Launæ custodem suû rogat, adirent regem, maximo perè supplicarent, ut tempus ante meridianum sibi universum indulgeretur, ad conscientiam, sine diuerticulo examinandam, quam confessio consequeretur, quæ mortem sine inquietudine exciperet: Eam gratiam sese inter insigniores numeraturum.

Rex id rogatur, cumque pietas ejus æquum cum justitiâ sortiatur splendorem, lubenti animo tantillum interposuit intercapedinis, aded ut juberet iudicium per diæculam differri, permissa etiam sacra synaxi, quæ non solet concedi istiusmodi reis. Officiis igitur sanctis illis perfungitur, & à meridie tabulas supremæ voluntatis consignat, ex permissu itidem regis; in illis Cardinali legat tabulam picturæ per Galliam rarissimæ, ubi Sanctus Sebastianus representatur, martyrio vitam absolvens, rogato plurimum ut sese ipsius famulum etiam in morte crederet.

Posttridie vocatur in Palatium, ut ex cellula reorum interrogaretur, ubi ad singulas quæstiones respondet pari submissione & virtute, testatus, nullum sibi mortis occurrere metum, nisi generosis viris communem. Quamprimum igitur ex Curia illa esset egressus, Curia congregatis Cameris, præside custode sigillorum, pronunciat reum esse & convictum criminis, quod majestatem lædit insummo capite, ut securi subjiceretur in campo Salini.

Sententia hæc ipsi denunciatur, secundum formulas solitas justitiæ; ubi eam intellexit, Commissarijs ait, sese ipsis agere gratias, etiam universo collegio, cui rogabatur suo nomine indicari, sententiam justitiæ regiæ sibi videri ex misericordia Dei pronuntiari. Secundum hæc nihil agebat, nisi ut per exercitia pietatis viam insisteret, quæ ad mortem Christiano homine convenientem deduceret. Cum jam omnia quæ cogitari possent, testimonia præbuisset, mortem sustinuit in Curia urbis, quem locum rex non rogatus, jusserat executioni dari.

Poli-

Politica reminiscencia.

CRudele, & quidē magis periculosum omnib⁹ condonare offensas, quam nemini facere gratiam. Hic enim soli reilæduntur, ibi innocentia summum adfertur damnum, cum sic universus mundus involvatur sævis calamitatibus. Hic præterea particulares destruuntur familiae, ibi sæpissimè exurgunt bella ciuilia, quæ extincta credebantur per clementiam, adeo ut regna in pericula extremi exitij præcipitentur.

Inter omnes verò, quicunque supplicium meruere, præstat duces puniri, qui perduellionem suscitauerunt, quam in manus & pedes sæviri, executionis utique instrumenta. Etum Ordinem iustitia præscribit: æquus enim est, auctores malorum puniri, quam eos, qui adversus violentiam illorum vix quicquam potuissent. Natalium & munerum splendor non eximit à supplicijs per immania crimina contractis, tametsi errores familiares satis frequenter condonentur per nimiam magistratuum indulgentiam.

Quod si accadat ex ambitione eos in perduellionem ruere, pares redduntur, adeoque majori supplicio digni cum quouis cive. Errores enim illorum non tantum apparent pares, unde supplicijs, quæ cæteri subditi expectant, subiciantur: eò autem magis evadunt enormia, quod conditio eminentior gravitati plurimum addat, crimine periculosiorem trahente catenam.

Magis stupent homines ad Solis Eclipsin, quam cæterorum astrorum obfuscationem, cum plerumque funesta sequantur accidentia: ita accuratius observantur summorum per rem publicam civium crimina, quam plebejorum, obferiem magis metuendam. Sic nobilis alicujus perduellio non faciliè grande procudit malum regno; sed præfectus provinciæ alicujus, aut Magnatum aliquis vægrandia excitat infortunia.

Hæc demum laudanda sapientia, quæ per illas occasiones Thrasybuli utitur consilio, quod ille Periandro suggessit, cum legatos misisset sciscitatum, quam rationem optimæ gubernationis institueret: eos producit in campū spatiosum, sermones cædit varios de rebus quibusvis, spicas altiores

altiores decuit, & ad Dominum remittit, qui, quæ viderent, referrent, optimum scilicet id sibi videri consilium.

Ænigmatis sensum affecutus Perianther, facile iudicabat, unicam hanc rationem asserendam reipublicæ fore, si turbatores tolleret: Princeps enim istius instituti negligens, nunquam carebit bellis Civilibus. Quicumque serpentem semel noxium alit, invitat alteram noxam: & Princeps perduellionis auctori parcens, eum servat, cui opportunitas animum addiderit, gravius tumultuandi, ubi incommoda, quibus succubuit, rectius cavebit; cum exitium securitatem omnimodam præstare, potuisset. Laudandus denique princeps, qui unius re-bellis vitam immolat tranquillitati reipublicæ.

CAPUT LI.

Raptus instituitur adversus Ducissam Esquilioneam.

NOva illa de capto Momorantio, Bruxellas perlata, & Reginae matri & Hispanis ægritudinem & stuporem conciliabant, cum facile iudicarent, fortissimo perduellionis, quâ Galliam fatigabant fulcro perverso, ut jam nocere desineret, ad patientiam redactus, telam immanem, quam fuerant exorsi ad regem in ordinem pro lubitu cogendum, inane fore. Regina mater in primis, quæ nunquam non benigne de Momorantio sensisset, metuebat, ne Rex in eum statueret exemplum, si iustitia eum ex merito corripere.

Pater igitur Chantalupus, cui nunquam desunt remedia cuius malo, vel saltem chimærica, ubi aliquod accidens impingit in Reginae matris voluntatem, optime noverat, id demum faminis gratum, quod comprobant: cogitat itaque rapere Combaletam, Bruxellas deducendam, certus, si ea Matrona in suas incideret manus, Cardinalis utique neptis, & ijs virtutibus dotata, quæ

amorem & æstimum ipsi summum in Aula contribuebant; quæ inde tenerrimè adamaretur, animum summi Ministri cogi posse, ad gratiam Momorantio obtinendam, cum metuere posset sinistrum quemvis casum, illo ad supplicium extremum damnato.

Dicerem, genij istius benigni officia debuisse reginam matrem cohibere, cum ea nemini sint notiora, ne animum ad ausa tam injusta applicaret: cum hæc consideratio debeat omnes illius necessarios præstare sacros & inviolabiles; id duntaxat monuero, dotes istius feminae efflagitare tam atrocis consilij vindictam, cum ipsa sit ornamentum & gloria aulae, decus sui sexus, miraculum virtutum, absolutum pietatis exemplar, non se vera & ingrata, sed tot gratijs amicta, ut in mentibus per ipsum aspectum, ipso cælo opificium suum admirante, excitet amorem reverendum.

Quæ vero vacordia, expiare crimen perduellionis, quo Momorantius tenebatur, per eam personam, cujus virtutes illustres, præter gratiam naturalem universos mortales adigerent ad reverentiam & honoris eximij homagium? Regina tamen mater, quemadmodum motus animorum ad veritatem ingratam cæcutiunt, consilio Chantalupi comprobato, mandata ad illud exequendum Vefontioni distribuit, perscriptis ad nobiles quosdam, quibus fidebat, literis, ut operam suam adhiberent, adeo ut permitteret ad constitutum raptum disponi complures equos mutatio-
tios inter Bruxellas & Parisios.

Deus autem, qui gaudet iustitiam asserere, & pronus potentiam exerit ad protegendas mentes, virtutibus eximijs præditos, conjurationem aperit per Ruurem, conjuratorum primarium, qui Combaletam facit certio-rem, indicatâ etiam ratione, quâ prædonum persecutor novem factionis principes corripere, quos & in Bastiliæ carcerem compegit.

Dantur iudices, conatus ex argumentis manifestis probatur, supplicium legibus definitum paratur: sed Combaleta, cujus charitas inter cæteras virtutes emicat, intercedit, rege suppliciter rogato, cum satis ha-
beret,

beret, evitasse periculum, & magnopere laboraret, quam Ruureo referret gratiam, qui rationem evadendi commonstrasset, susque habito supplicio, quod eos expectabat, qui tam atrocem coquebant in ipsius innocentiam injuriam.

Politica reminiscencia.

Quamvis præter injustitiam etiam insolentia effros suadeat personas faminarum, quæ virtutibus & natalibus clarent, cum sexus & dotes eas semper præstituerint securas omnium contumeliarum, quas bellorū gravissimi casus trahunt, attrectare; grandem tamen adipiscuntur gloriam, si istiusmodi injuriæ faciant gratiam. Non eadem ratio particularium, ubi offensæ spectantur, quæ Principum, quibus aliquando necessum est, ex rigore legum agere, ad reipublicæ bonum.

Ipsis enim gratia indulta semper cedit honori, & faminis in particulari eo major inde exurgit gloria, quod mansuetudo, sexui maximè conveniat, crudelitas vero sit plerumq; expeditior. Verum id generosi animi indicium, gratiā offensas abolere per facultatem vindictæ; heroum est, misericordiā tangi erga humanitatis immemores, ubi iram concitatum mutant in condolentiam.

Iulius Cæsar, cujus fortitudo non tantum innotuit universo terrarum orbi, sed etiam admirationem extorsit, difficillimè irritabatur adversus homines abjectos, quos ex candescentiā indignos censebat, suæ vero quietis turbanda ineptos. Et ut verum dicam, in Virtutis moralis studio id summum duxero; sed Christiana altius insurgit, flagitans etiam intercessionem in emolumentum gratifactorum, ob Dei amorem, eoque nos invitantis.

Major hæc victoria, quæ extorquetur improbo, quam supplicium, cum nihil adeo nos ad bonitatem Dei admoneat, quam culparum abolitio. Ipsi Reges non tam ex justitia laudantur, ac ex clementia: inventi enim complures, qui culpas vindicare potuere, sed qui ad clementiam propenderent, pauci reperti, cum rarissimè sociantur magna patientia & magna auctoritas.

Quamvis Sol sit pulcherrimum Cælorum ornametum, propter influentias tamen benignas, quibus genus mortalium perfundit, maximam refert venerationem; adeo verum est, ut quamcunque gloriam possideat fœmina, clementia summam conciliet famam, cum sic instigetur ad benefaciendum indignis & malevolis.

CAPUT LII.

Aurelianensis Galliam relinquit, Lotharingam petit.

Postquam cum Aurelianense esset transactum, & rex per prudentiam constituisset, quæ ad pacem solidam Galliæ constabiliendam viderentur necessaria, nemo non credebat, conjurationis cuniculos, ab intimis Aurelianensis institutos evanuisse, nullo redintegrandi mali metu, nisi forte longinquo: genuini enim Galli universi lætitiæ testabantur manifestam, non admodum ab similem à voluptate, quam concipiunt diuturnis jactati undis, postquam portum subiêre.

Tranquillitas autem illa exigui fuit temporis, cum procellæ continuo spumarent, & Galliæ minitarentur gravissimam tempestatem. Puy laurentius enim, & quidam alij, quos Aurelianensis consiliorum faciebat participes, non aliâ mente ipsum cum Rege reconciliârunt, nisi ut novis impedirent seditiõibus, priori resumto in stituto, ad quamvis occasionis opportunitatem, cum sperarent rectius omnia disponere, & compendia, quæ Occitania negaverat, alibi invenire.

Mors violenta Momorantij occasionem suppeditabat iterati secessus: persuadent, preces ipsius tam exiguum pondus habuisse, ad salutem viro cordatissimo impetrandam, & libertatem propriam non adeo securè stare, ad proximum quemvis suspitionis scrupulum: exponi ipsum interea ignominie supremæ, dum universa Europa doleat, ipsum non potuisse Magnatem à mor-

te liberare, qui vitam ipsius commodis impendisset.

Eodem tempore ubique propalabant, Aurelianensi fuisse promissam Momorantij vitam, per transactionem, tametsi Bullionius & Fossæus nihil unquam spondere voluerint: cum autem promissa non seruentur, quæ famam ipsius apprimè complecterentur, omnem esse moram abruptendam. Omnes quidem illius sectæ unanimiter censebant, Aurelianensi esse secedendum, non tamen de loco consentiebant.

Puylautentius, qui Pfalsburgensis urebatur amoribus, Lotharingiam optabat, prompto ad eum secessum consilio, quod Margarethæ amor id videretur poscere, ad quem alia quævis loca sordescere possent. Cæteri parum securitatis in Lotharingia dispiciebant, propter Ducis illius vires debiles, quæ potentiam securitati præstandæ non præberent; adeo ut Casalam potius petendam censerent, ubi Mareschalcum Thoirasium expansis brachijs occursurum spondebant, nullo ad vitam tranquillè & extra ullum metum agenda loco convenientiore.

Securitatis dubiæ ratio in Lotharingia suspensum tenebat animum, donec Puylaurentius demonstrasset, quam facilè Nanceio iretur Bruxellas, si rex minimum inundandæ Lotharingiæ faceret indicium: gratissimum inventurum hospitium, ubi ob Natalium splendorem foret in veneratione. Hinc animum impulit fluctuantem, ut in illam partem propenderet; adeo magnam ille inveniebat fiduciam, tametsi cæteri opponerent, apud Hispanos minus esse securitatis, quam alibi: receptum iri quidem honorificè, metuendum tamen libertati, si ipsis salutem crederet suam, quam recuperare, & auferre vix posset.

Cum vero consilium secedendi staret, Aurelianensis in Lotharingiam abit, mense Novembri, & ut aliquem prætextum speciosum iterato secessui adderent intimi, ad regem scribunt, semper abusi Aurelianensis nomine & calamo, ut vitam Momorantio servaret, sibi libertatem acquireret, coactum fuisse ad omnem regis libitum descendere, nisi gratiâ illâ maluisset carere: visum

se se expositum, cum vita adimeretur viro dilecto, maximæ ignominia, quantam sufferre posset, adeo ut sic diutius in Gallia hære non sustinuerit, ne crederetur transfegisse alio fine, quam ob gratiam illam obtinendam.

Nullam præterea suæ personæ extare securitatē, postquam submissiones & preces tam parvi fuissent momenti in supplicio illius viri, quem pari ad propriam salutem ratione amasset, adeo ut mors illius in summam suam vergeret ignominiam.

Hæc summa erat literarum, ad quam alio nihil opus erat responso, nisi id, Ducem Momorantium per omnia & singula celeberrimi in regno Senatus suffragia damnatum fuisse criminis, cujus impunitas rēpublicam erat summoperè læsura; & maximè, ubi Dux septem cursores ex ordine misisset, qui regem de fidelitate certiores facerent, cum tamen interea conspirasset cum Exteris adversus Regnum, & penè provinciam primariam concitasset: ipsius hostilium copiarum ductor, ense cruento armatus adversus Majestatis commodum, captus esset, dissidia in familia regia fovisset, & alia, quæ memoravimus perversa patrasset.

Cæterum non videri Aurelianensem Bitierensibus pactis assensum, ad obtinendam Momorantio veniam, cum necessitas cogeret absoluta, viribus ad defensionem etiam deficientibus. Hæc enim ferè respondebat Rex, universæ Europæ testatus, necessarijs suis nunquam præbiturum ansam justam secedendi, quin obligentur ad ea officia, quæ natura & regia benevolentia poscerent.

Politica Reminiscencia.

Quamcunque repulsam ferat princeps à rege, nunquam excusari poterit, si ex fastidio illo discedat ab officio. Memor sit identidem, in republica bene constituta nemini fas esse leges præscribere majestati, quin imo officium quorumcunq; exigere submissionē voluntatum. Sunt in republica potestates superiores & inferiores, quemadmodum in anima rationali. Sicuti autem natu-

naturæ ordo postulat, ut potestates inferiores sese submittant superioribus sine oblatione, ita Magnates Regni debent flecti ad statuta maiestatis, quæ sine tergiversatione observent.

Quid de eo corpore expectes, nisi mortem, ubi partes reculant obire functiones à capite injunctas? Quid denique spe præbebit respublica. cuius partes nobiliores recedunt ab obsequio, contemtis Maiestatis legibus? Id vero adversatur maxime ordini à Iustitia instituto, adsumas calamitates. Neq; multum refert, an compendia particularium semper conveniant cum bono publico, cum Regis officium potius satisfaciatur reipublicæ emolumento, quam particularium precibus, licet Magnatum.

Sol, calorum arbiter, non semper ad modulum nostrorum votorum illuminat terram, cumque teneatur Universo inservire, lumen suum certo tempore reciprocatur: unde rationis expertem dixeris, qui inde fastidium suscipiat. Sic profecto Reges aliquando coguntur invitari, & reipublicæ bono, gratiam restringere, & veniam negare crimini, quod alioqui essent sponte abolituri: adeo ut exiguum testentur submissionem, quicunque propterea tumultuentur, & extrema querant.

Rationes illæ, quas bonum publicum aliquando suggerit, adeo sunt manifestæ, ut tantum opus sit, motus animi compescere, si imprudentiam, quæ neglectus redarguit, evidentius perspicere velis. Quod si adeo clare non sint, nemo tamen poterit Maiestatem inculcare, cum potior pars illarum rationum in occulto prematur. Sic Antiquitas olim colebat rationem satis ænigmaticam, dum Sphingem in ædium vestibulis locaret, ut populares doceret, non subeundum, nisi per animum submissum, qui audaciam scrupulorum rejiceret, nec mysteria ibi culta examinaret, cum longe consultius sit, divina humiliter revereri, quam curiosè indagare!

Optaverim ego, sphinges similes ad vestibula Palatiorum regionum apponi, ut omnes omnino aulici discerent, cuiuscuque demum fuerint conditionis, statuta cum reverentia & submissione subire, non examinare, nec causas illorū perquirere, quas semper censeat justas,

tametsi minus intellectas: Cum voluntas illa popularibus rationem reddat, & perduellionem oleat omnis oblocutio.

Existimaverim etiam, prudentiæ esse, non admodum scrupulosè exquirere rationes illarum voluntatum, cum sic ministri possent obligari ad propalanda ingrata, quod casu aliquo Florentiæ evenit, tempore Cosmi Medicei, qui summè urgebatur ab aliquo Florentino, ut causam indicaret, quæ Decimarum collectam, quam optabat, negaret, postquam ex suspendio munus videretur vacuum. Cum enim non desineret post aliquoties latam repulsam, ipse autem rationem non assequeretur, respondit Dux, ut sese tandem molestis illius incurvationibus liberaret, Negare sese illi id munus, ne post illum priorem suspendio periret, ijs verbis satis docens, nimis notum esse improbum animum, ad idem periculum subeundum.

Sic principi liceret respondere, ob supplicium summum alicujus Magnatis fastidioso, post perduellionem suscitata, si rei peractæ rationem postulet, facultatem iterandæ rebellionis ademptam. Semper enim principi utilius fuerit, dissimulare ægritudinem, & per submissi-
onem voluntati accedere regiæ, quam fastidium testari, quod dissidentia omnino causam præbeat, metumque quærendæ vindictæ, unde sibi ipsis cursum beneficiorum intercludant, cum viceversa pacati gratiam apud Majestatem fervent, benevolentia testimonijs semper expeditis.

Hinc Guicciardinus ait in Consilijs, sæpissimè sese emolumentum collegisse ex dissimulata ægritudine, tametsi offensæ minus esset satisfactum, cum eosdem in alijs occasionibus experiretur amicos, ad benevolentiam spe superiorem, quàm carendum fuisset per exertam simultatem, & ægritudinem animi propalatam.

CAPUT LIII.

*Episcopi quidam Occitania non possunt à
perduellione abstrahi.*

Momorantius tantum fidei sibi acquisiverat per Occitaniam, ut posset ab obsequio regis distingere non solum complures viros summæ notæ, sed etiam Episcopos, quorum septem aut octo, induxit, ut Ordinum consultum subscriptionibus firmarent. Plurimi revocabant acta, ad ordinem à Rege in Declaratione præscriptum accedentes, alijs in perduellione perseverantibus, quorum numero censebantur Albiensis & Ufesus, qui oppida sua Aurelianensi permiserant; Nemausensis, idem ausurus; Lodevensis, Aletisus, & Sanpontianus, perduellionis fautores, siue copijs in eum finem scriptis, siue annonâ ad refractariorum nidulos submissâ, ut subsisterent.

Archiepiscopus Narbonnensis, Ordinum præses, nihil omiserat, ad eos à perverso instituto revocandos, cum demonstraret, quantum abirent à professione, quæ unicè occuparetur in pace popularibus conciliandâ, ut quorum esset, cæteris obsequiorum exemplo præire. Quid vero, inquiebat, dilectissimi, frequentissimo conventu? Vos ne operam præstabitis ad incendium per provinciam spargendum, fots perturbatoribus tranquillitatis publicæ, ut illi sua sibi compendia quærant cum dispendio Regis & popularium, quos cum pauperiè conflicari satis noſtis?

Patriam ne prostituētis theatrum peragendæ tragiædiæ? nunquid perpenditis, consilia, quibus impedimini, eo duntaxat spectare, ut fastidiosius aulici ambitionis faces in sanguine Diæcesanorum nostratium restinguant, litigijs ad altaria usq; grassantibus? Nunquid inauditis, Exteros Regni vestibulum pulsare, & pedem inferre? Dubitatis de illorum desiderijs, ad dispescendas provincias, si vires sufficiant?

Fuerit igitur istæ provincie exposita conquiritibus, ubi perduelles & Exteri eam rapiant partem, quam ensis vibratus dederit? Nunquid meministis, quantas Ecclesia olim tulerit ærumnas in hoc ipso climate, per bella civilia? Idne agitis, ut denuo prophænentur ædes sacræ, opes diripiantur, ornamenta altarium lacerentur, redditus ad egenorû alimenta constituti intervertantur, sacerdotes per agros Ecclesias & cultum divinum deserant, ut saluti alicubi consulant?

Quod si considerationes istæ divinæ nullius sint apud vos ponderis, dicite, quomodo possitis sufflaminare perduellionem istius provincie, cui Rex, post extirpatam hæreticorum factionem, pacem constabiliuit, libertatem restituit, gloriam & splendorem auxit Ecclesie, quibus ipsi à longo annorum tempore fuerat carendum? Possētisne redire in memoriam illius tempestatis, quā Rex advenit ad hæc ipsa loca, quæ jam foveat perduellionem, armatus in nostram defensionem, adeo ut non semel cum periculo dimicaverit, nulli labori parserit, nullum subterfugerit periculum, quo nos factionibus nostris redderet, & liberum bonorum usum restitueret; possētisne per ingratitude ista omnia sine ullo sensu obliterare, quin factionibus missis in commoda ipsius, ad officij leges obfirmemini?

En vero occasionem magnæ adipiscendæ gloriæ, quæ nobis offertur; hic per Deum obligamur ad testandam submissionem & fidelitatem, quam toties Apostolis suis injunxit, quorum nos successores ferimus. Ne prætermittamus hunc casum, qui ad præstandum & Deo & Regi officium invitatur, ut egregio instituto reddamur insignes. Huc ego vos non satis attrahere possum; in hac via nihil præter gloriam & prosperitatem adeoque emolumentum occurret, si mihi fidem habere dignemini.

Gravissima hæc verba potuissent illos in officio continere, nisi mentes jam fuissent occupatæ, unde effectum nullum habuere; plurimis etiam ulterius in perduellione progressis.

Politica reminiscencia.

Solitum hoc est vitio, ut virtutis sumat amictum, & suntuose superbiat: sic avaritiæ nemo facile in sese suscipiet vituperium, proximo ad parsimoniam digressus; & prodigalitas mutabit speciosum à liberalitate pallium. De constantia vix habeo, quod dicam, nisi prius ipsi subternatur sanæ rationis usus. Liceat enim invenire præcipientes & temerarios, qui obfirmem mentem, etiam sacramento quovis interveniente, vel exerationibus spontaneis, ut ne pateat regressus.

Fides est res sancta, tametsi Numinis nulla adijciatur mentio: vinculum est societatis humanæ: columnarum publicarum: conscientia privatorum. Sed fides ipsa non debet fieri, unde nomen est sortita apud Ciceronem, nisi iuste & per religionem id liceat: neque enim est vinculum iniquitatis, ut monet Augustinus. Conjuraverint ex aliquo fastidio aliquot temerarii in perniciem reipublicæ, patriæ exitium, necessariorum interitum: anne præstabunt temeritatem, ut pereant ipsi secundum cæteros, ne fidem fregisse arguantur? an vero ad rectæ redibunt rationis usum, & per penitentiam detestabuntur improbitatem, ut se & suos præservent ab exitio?

Esto, pactus fuerit aliquis ex libidine cum hoste generis humani: nunquid licebit ex castris illius transire ad cælites? imprudentissimè igitur agunt, qui nullis expensis momentis consiliorum, descendunt ad instituta temeraria. Sed omnium imprudentissime pergunt, qui ab errore non revocantur, & malunt, extrema supplicia subire, omni opprobrio à iustitiæ sacerdotibus objecto, quam semet redarguere, & à sinistris ausis recedere,

CAPUT LIV.

Episcopi quidam Occitania deiiciuntur.

CUM Rex videret, eos, quorum foret populares in officio per expedita exempla continere, & per exhortationes solitas obsequium instillare, ad seditiosos transire, non ulterius ferendam censuit tantam temeritatem. Oeconomos igitur constituit per Episcopos, qui redditus seculares cātenus interceptos colligerent, ad reparationem fabricarum converterent, siue ædium sacrarum, siue domiciliorum Episcopaliū. Cumque minus consultum censeret, gubernationem animarum viris tam perfidis relinqui, à Pontifice maximo obtinet Breve, ad Archiepiscopum Arelatensem, & ad Episcopos sancti Fluri, & sancti Machovij, ad exercendum iudicium in ipsos.

Poterat Rex potentiā uti, & per iudices ordinarios sese vindicare, cum ageretur de supplicio ad crimen læsæ maiestatis applicando, adversus quod nulla ipsis est immunitas; id quod suggillare nec ipsi potuissent, cum ipse Salvator, & secundum ipsum duo illi Apostoli, quos agnoscimus principes ministros Evangelij, sustinuerint à Laicis iudicari.

Attamen, cum Rex semper maximi fecerit dignitatem Ecclesiasticorum, causam iudicibus ex collegio ipsorum dijudicandam tradere voluit, qui ab officio submoverunt tantum Albiensem & Nemausensem, cum mors intercedens Ulfesum corripuisset, adeo ut idem supplicium sustinere non posset, & pœnitentiā defungi, quæ ad satisfaciendum, & ad emaculandum crimen indicabatur. Cæteros ad Episcopos remisere, cum testimonia ad damnationem deficerent, tamen si forte in eādem hærent culpā.

Politica reminiscentiā.

QUAMVIS Episcopi in summo dignitatis consistent gradu

gradu, forent tamen summe injuriæ, si auctoritari regiæ sese subduceret, postquam Pontifices summi pericripserunt, Gelasius ad Imperatorem Anastasium, Pelagius ad Childebertum; regem Galliæ fere ultimum, & Sanctus, Gregorius ad Imperatorem Mauritium, agnoscere sese dependentiam suam. Verum utique inter omnes omnino subditos neminem magis obligari ad fidem integrè servandam, & ad continendos in pace populares, quam Episcopos.

Novum jusjurandum regibus præstant, ubi Episcopam adipiscuntur, veluti novo vinculo ad jugum obedientiæ adstricti: Verum enim verò ubi nec hoc fieret, ministris Ecclesiæ convenit, ut iuxta spiritum Ecclesiæ matris agant, qui est spiritus pacis, unde amplius obligantur ad compescendos populares aliquatenus exacerbatos, nullo unquam permissu, ad eosdem concitandos. Hinc Savanarola grande contraxit vituperium, ex concitatis Florentinjs, cum adversus Medicos publice ageret cum populo, Eam esse voluntatem Dei, ut Democratia restitueretur, ne primores urbis ulterius abuterentur potestate in salutem horum, & libertatem illorum.

Quicumque autem ex imprudentia seditiosa illa vestigia calcant, eo sese indigniores reddunt honoribus Ecclesiasticis, quantum Ecclesia abhorret à profundendo sanguine, & bello gerendo. Quis non obstupesceret, si cælum, quod providentia æterna Dei, ut terrarum Orbem irradiet luminibus coruscantibus, & per influentias quibusvis animalibus nutrimenta sufficiat, superficiem terræ almæ florum varietate discriminet, & millenis frugibus operiat, fabricavit, constitutionem mutet, & à natura degeneret, adeò ut tenebras obscurissimas inducat, fulgura proruat, fulmina jaculetur, & locum cum tribulis producat terræ onera?

Nunquid verò alienissimum foret, si audiamus filium Dei, nihil sanctius discipulis injunxisse, quam obedientiam & conservationem pacis mortalium generi collatæ, Ecclesiasticos autem videamus, discipulorum successores, pacem destruere, inundare terram sanguine,
subdi-

subditos ab obedientia divertere, armare adversus principem, adeoque Imperium in animas usurpare in everisionem illius Imperij, quod idem Salvator Majestatibus contulit? Id demum foret pervertere, ordinem ab ipso institutum, & è diametro incurfare in Leges ab ipso præscriptas.

Quodsi nonnulli ex illis immemores sint officij, ministri reipublicæ tenentur eos gravius castigare, quod honor, qui per reverentiam ipsis habetur, cultus qui defertur dignitati, & opinio de doctrina & pietate ipsorum concepta, exempla ad seriem periculosiorem prostituat, & sermones expediat ad quidlibet persuadendum potentissimos. Ex qua ratione Julius, Remorum Archiepiscopus, jubente Childeberto, dignitate excidit; Prætextatus regnante Childerico Archiepiscopus Rhotomagensis esse desijt; Theodorus Arelatensem amisit mitram, ex constitutione Clodovei.

Ob eandem causam Ludovicus pius vindicavit perfidiam Anselmi, Archiepiscopi Mediolanensis, Atonis Archiepiscopi Remensis, & Volsphodij Episcopi Cremonensis, ac Theodulphi Episcopi Aurelianensis, quos Bernhardus Rex Italiæ, conjuratione occupaverat. Sic Hugo Capetus à Sede Remensi deturbavit Arnoldum, perfidiæ & prodicionis convictum. Prisca hæc est Galliæ politia, & jus regijs sceptris debitum, quod Zacharias Pontifex maximus sponte Pipino consuluit integrè & sine tergiversatione exercendum, si qua offerretur occasio.

Quid vero tandem videatur, si Ecclesiastici alicujus Regni eâ immunitate gaudeant, ut popularium animos in perduellionem præcipient, mentibus quæcunque voluerint inculcant imagines seditionum, magistratus vero civiles eos pro merito, ob sævissimos tumultus castigare non debeat, nec possit illam dignitatem, quâ per vitæ institutum perversum sese rediderint indignos, adimere?

CAPUT LV.

Diversas factiones nectit Guysius.

POSTquam rex per Occitaniam constituisset pacem, suavit Cardinalis, ut per Proventiam idem præstaret, quod Guysius diversas ibi factiones, ad seditionem vergentes instituisset, quæ Momorantij instituto essent affines. Regi ab annuo fere spatio omnia innotuerat, quæ perversè ille ageret, adeo ut Guysius urgeretur provinciæ administrationem reddere, aliunde recompensandus. Cum autem id detrectaret, jubetur aulae sese sistere, ut sic per industriam & mansuetudinem, nemine ferè id animadvertente, à seditiosis tricis expediretur.

Id enim Cardinali semper visum, ne rex ad extremum rigorem transiret, nisi per extremam inobedientiam adactus. Guysius verò Proventiam deserere non censuit, cum metueret, ex actionibus præteritis attineri ad Aulam, & sequestrari à turbis concitandis. Hinc per conjugem rogat regem, ne adesse haberet necessum, veniam abeundi per tres menses Lorettam & Romam: quod iter rex lubentissimè permittit, gnarus utique in perduellione & amore sæpissimè converti motus animorum, peregrinationibus.

Hanc tamen addit conditionem, ut reversus ad aulam adesset, & suspicionum nubeculas discuteret, quæ ex vitæ sinistro instituto essent coortæ. Cum autem ex Italia redire debuisset, mittit Granpratensem familiarem, qui regem rogaret, Vici tum hærentem, aliquod munus in exercitu, ad fæderatorum securitatem in Italiam missum. Id verò rex recusat, cum intelligeret, hoc pallium quæri inobedientiæ, nulli benè agendi studio: unde mandatum iterat, veniret, dilueret quæ actionibus ipsius circumdedit diffidentiam.

Cum autem mandatis neutiquam pareret, etiam extra regnum, præter regis gratiâ moratus, contra inhibitionem

nem principibus per statutum sancitam, nisi velint incurrere crimen læsæ majestatis; turbis etiam tum vacans & machinationibus solitis, quæ regis commoda impedirent, uti hinc inde compertum erat; nihil obstabat, quin perduellis haberetur & reus, administratione Proventiæ, quam hostilibus copiis incessere semper posset, privandus; ex eo etiam amplius suspectus, quod familia Lotharingorum aliquid juris in illam provinciam, quamvis præter rationem, sibi sumat.

Ex istis igitur rationibus Rex gravissimis constituit ipsum à gubernatione deicere, quam Marechalco Vitryo crederet propter fortitudinem, prudentiam, & studium, quæ Rex in eo semper senserat sincera, ut confideret, Guysium nihil prorsus ausurum, quin exemplo repulsaretur. Jusjurandum exigitur eodem, quo Aurelianensis firmabatur transactio die, tametsi literæ authenticæ à mense Aprili essent expeditæ.

Politica reminiscencia.

Summi est periculi, præfecturam alicujus provinciae relinqui Magnati, qui compertus sit perduellioni affinis, qui fastidium suum nihil celet, qui jus aliquod sibi servet, cum infidelitas commissa in seditiosas tricas deducat, & potius supplicium, quam honores flagitet, quovum minimi fuerint, immunem degere: maximi enim refert, Gubernatores in eas culpas prolapsos puniri, ut exempla in eos statuta alijs commodent, ad obsequium colendum, ubi impunitas audaciam ad eundem committendum errorem invitaret.

Quicumque porro semel potuit consilia perduellionis concipere, nunquam abstinuerit ab executione, si usus ferat. Morbigravissimi metum recidivarum merito suggerunt, & regum sapientissimi, quotiescunque Magnatem aliquem vident ab officio discedere, remove eum semper constituunt per diffidentiam, occasionibus ad turbandum apprimè succisis. Exigua quædam possunt forti permitti, quibus nemo prudens immiscuerit provinciarum præfecturas, cum honores illi & munia sint
per

per rem publicam eminentissima: unde facile periculum intelligitur, quod ex Magnatis alicujus fastidio profecto potest pullulare.

Ignoret oportet solita fastidiorum istorum effecta, qui eo usque extendat confidentiam, ut provinciæ alicujus præfecturam permittat: nihil enim per naturam convenientius homini in fermento jacenti, aut injuriam coquenti, quam ad vindictam transire, & omnem operam adhibere, ad explendum animum: adeo ut auctoritatem nactus, eodem momento potestatem adipiscatur, secundum vota, quæ nunquam non sortiuntur effectum, nisi per virium imbecillitatem coerceantur.

Summa munera, quibus Mareschalcus Mariliacus erat defunctus, ampliandæ culpæ ipsi præbuere occasionem: neque enim quicquam ab illis expectes, qui fastidio & tumultui indulgent, diversum: adeo ut imprudentiam insignem liceat arguere, ubi amplissimarum provinciarum præfecturæ committuntur ijs, qui aliud quod jus, tametsi ex ultima antiquitate accersitum, ibi quaerunt. Postremum seculum exemplum illustre suggestit in Mercærij Duce, qui Britanniam Armoricam non alio nomine, quam ex jure præco, licet frivolo, occupaverat: cum nondum exciderit ex memoria hominum, quantopere sudatum sit in eo ejiciendo.

Etiā Rex superior non caruit vituperio, cum præfecturam illam permetteret Vindocinensi genero ipsius, qui per seriem temporum ostendit, quanto desiderio illius Ducatus rapiendi teneretur. Ambitio enim gaudet nova cudere consilia in præci juris incude: docet Magnates infidelitatem: talpis reddit similes, quibus yolupè est terram semper protrudere: neglectum quietis, valetudinis, legum & sacrorum inducit, ut ad locum destinatum pertingat: sed non raro tantum fumi offundit, ut non nemo sibi videatur in præcordijs ferre coronam, regio capiti hærentem.

Marcus Antonius legem rogavit prudentissimam, postquam Cassius corripuisset Syriam, unde ortus erat, unde popularem provincia habuit gratiorem, & ille suos obsequentiores, ne cui unquam præfectura patriæ

propriæ cederet. Longe vero gravius periculum fuerit, ijs indulgeri summam rerum, quibus persuasum est, id sibi ex natalibus deberi. Si ambitio metuenda sit, à prætextu vacua, maximam formidinem dabit, ex specie quadam iustitiæ fastuosa. Ubi provincia laborat factionibus, fortiori accedet, magnumque pondus addet; sed concordem facile turbabit, ut universam faciat suam, quâcunque popularium devinciat animos ratione: nihil enim pronius, si id operæ sumatur.

C A P U T LVI.

Rex redit ad Parisios ex Occitania.

REx, ubi omnia per Occitaniam in eum ordinem disposuit, ut metu posset supersedere, Tolosâ digreditur ad vicesimum nonum Octobris, reditu ad Parisios sumto. Certior autem ante, quam perversa Aurelianensi suggererentur consilia, quæ in eum finem ad paciscendum induxerant, ut arma opportunius resumeret, constituit magnis itineribus pertendere, unde velites tantum assumit, cum aliquot cohortibus sclopetariorum & hastatorum desultorijs.

Cardinalis, cujus corpus fortitudinem animi minimè exæquat, ad tantam diligentiam condescendere nequit, cum itinerû in commoda, & summa sollicitudo ad suffocanda per Lotharingiam & Occitaniam bella in ipsa scaturigine, valde minuissent vires, adeo ut consultius videretur Reginam comitari. Vix autem alterum diem Tolosâ processerat, cum dolores vehementissimi lancinant, adeo ut necessum habuerit Burdigalam deferri, ubi malum ira intendebatur, ut Gallia fere amittendû sibi doluisset eum, qui in administratione armorum & negotiorum regionum illam ad summum gloriæ gradum, quem unquam tenuisset, extulerat.

Rex animi ægritudinem inde & mentis inquietudinem sumebat, supra omnem fidem: diversa ratio valebat

lebat apud Exteros, & ambitiosos, qui ex odio adversus ipsum concepto persuaserant sibi illius mortem. Ex eo gaudio etiam aulici factiosi erigebant cristas, quod existimarent, post occasum istius Solis, sua productum iri sydera; & inter ceteros custos sigillorum Castellonovanus, cujus fuisset lachrymis cruentis deplorare iacturam; quæ metuebatur in persona illius, qui honorū ipsi conciliârat splendorem, quem etiam adversus odium complurium inimicorum erat tutatus, tantas sibi passus est officias fieri ex vanissima spe successionis, ut jam usurparet munus summi ministri.

Instituebat enim mandata dare, à munere aliena, etiam tricasnectere non tantum cum osoribus Cardinalis, & qui mortem ipsi per summa vota imprecabantur, sed etiam adversus rempublicam perversa coquebant consilia. Cardinalis ipsum hactenus coërcuerat, ne imprudens rueret, per adductas habenas, & limites vanitati fixos. Itaque præsentia ejus liberatus, mergitur in negotia, & imprudenter præcipitat in regis malevolentiam, cum ad nimios honores conniteretur.

Politica reminiscencia.

Nihil æquè familiare mortalibus, ac vertigo in summis munijs: quæ sane priscis summam dedit occasionem, ut Fortunam pingerent cæcam, cum paucissimi reperiantur, qui in summis honoribus servant moderationem animi. Id proprium genijs excellentissimis, vertigine illâ, quæ penè ex natura rerum secundarium, adeoq; eximiarum nascitur, non tentari, cum vulgus inde ex favore nimio corruat in præceps. Ambitio enim & vanitas inducunt quotidie majorem illorum numerum, quibus fortuna favet, in nova consilia.

Id unum agitur, ut altius enitantur, adeo ut medijs legitimis deficientibus, nulla rejiciant, quæ desiderijs promovendis inservire queant. Ubi potentia constabili visse sibi videntur, maxime despiciantur leges majori licetia

ad fortunæ auctarium quodvis sumtâ, Quo altius ascendere, eo pronius ruunt in vituperium ingratitude, erga fortunæ bonæ authores, adeo ut favorem, quo emersere è face, aboleant, patronorum expunctores. Summè vero deplorandum, neque ætatem, neque tempus, istunc aulæ morbum nihil tollere, adeo ut singulis diebus ingravescat, radicesque agat altiores in animis vulgaribus, qui plerunque sua merita ex usu rerum semper majoris faciunt.

Hinc nullis sibi satisfactum putant honoribus, adeo ut mihi promptum sit credere, Vastam fortunam sæpe esse principium væ grandis infortunij viro sapientia eximîâ, ad compescendos animi motus, & modestiam genij conservandam destituto. Neque vero eum unquam beatiorum existimaverim ex summis muneribus, cum plus inquietudinis ipsum expectet, quam gaudium præsens possit appendere.

Sollicitudines nimîæ, tædium, & fastidia frequentissima comitantur diesque noctesque; desideria insatiabilia, quæ sine intermissione vellicant, ad ulteriora corripienda, nauseam præsentium generant, ut quærat quæ negantur. Beatus vero, qui sua sorte contentus, plus bonorum & tranquillitatis possidet, quam sperare ausint magnarum fortunarum aucupatores: neque enim viceversâ miser est, præterignarum desideriorum coercendorum, & prosperitatis dimetientæ.

os (o) de



HISTORIA DE MINISTERIO
CARDINALIS RICHELII.

LIBER X.

ANNO MDCXXXIII.

CAPUT I.

*Cardinalis redit ad Parisios, post morbum ex
Occitania.*

Insularum ultima Thule dicitur mortales ferre, qui
tædium concipiant ex diutissima Solis absentia, quod
eos singulis annis per spatium quadraginta dierum fa-
stidiosis tenebris destituat. In montium igitur cacumi-
na evadunt ad primum auroræ fulgorem, ut adventan-
tem salutarent millenis lætitiæ vociferationibus, ut in-
de vacarent sacrificijs. Videntur utique summi per au-
lam, & apud Parisios viri, ad exordium istius animi, mo-
ram Cardinalis aspiciendi tulisse impatientius, cum ne-
mo non eum contempletur, tanquam astrum benignū,
de cuius prudentia Rex compluries dixit reipublicæ
pendere salutem, ubi ad ipsius adventum insularum
illorum morem sumerent.

Cælum, quod plerunque gaudet prosperiora hujus
vitæ contemperare aliquā calamitate, summo isti mini-
stro, in media lætitia secundorum successuum, quos con-
silijs suis Regi per Occitaniam & Lotharingiam conci-
liaverat, immiserat morbum gravissimum, ex quo om-
nes omnino Galliæ studiosi verum sentiebant dolorem.
Quemadmodum autem motus animorum ex objectis
mutantur, gaudium subivit in locum doloris, cum nun-
tiaretur incolumis redire: Impatientia moræ adigebat

omnes alicujus notæ obviam ire, adeo ut via à Parisijs ad Rupem fortem usq; oppidulū Monbafonij, ubi requiescere constituerat, antequam Lutetiam ingrederetur, & equitibus, & curribus ferveret nobilium, plurimis ad Estampas usque, & porro Aureliam occurrentibus.

Nemo vero mirabitur, si consideret, ipsum Regem voluisse Rupem fortem excurrere, & honorem habere, additis benevolentiae regiae tam illustribus testimonijs, ut nec manifestiora, nec magis obligatoria fingi possint. Vix descenderat Cardinalis, cum Rex adest, ex summo ejus videndi studio; ascendit in ipsius conclave per gradus angustiores, dum summus minister, de adventu Regis certior, descenderet per gradus ampliores, majori cū diligentia, quam vires ferrent; adeo ut invicem ab occursum eo aberrantes, Rex secundum promittitudinem insitam, descendentem sequeretur, ubi ab affluentibus distanti nobilibus, in aula castelli conspicerentur.

Cardinalis ad Regem progressus, advoluitur pedibus; sed Rex continuo porrectā dextrā eum erigit, sinistram circumdat, tantis blanditijs, ut corona à lacrymis sibi temperare nequiverit, omnibus omnino confitentibus, nunquā notata testimoniabenevolentiae sinceræ majora erga ministrum, nec studium reverentius erga dominum. Ultriusq; vero sensa ea erant, ut usum sermonis primo intercluderent, donec Rex ipsi diceret, sese tantundem voluptatis ex valetudine ipsius secundā capere, quantum hostes Galliae ex falso nuntio de ipsius morte concepissent lætitiæ: testimonium illud professi odij novam adjicere causam, cur majoris faceret officia ipsius; hoc unum præ cæteris recōmmendare, ut curet valetudinem.

Respondet Cardinalis, desiderium vitæ ad inservendum regiae majestati sibi restare; hoc unum esse in votis, ut officia cum vitæ termino jungerentur: valetudinem magnum sumturam incrementum, ex Regis bona constitutione. Secundum hæc soli occluduntur per duas horas, ut gravissima quæque negotia dispicerent, quæ Rex absque illius scitu volebat peragere: qui exinde ad Parisios redit.

Politica reminiscencia.

Honores eximij debentur summis ministris ex splendore actionum pulcherrimarū: hinc gaudium, quod ex rexitu illorū gratissimo post confecta longinquiora itinera, suscipitur, populares non raro obviā egit, ut quāvis reverentiam testarentur. Sic Pompeius Romā reversus, ubi Neapoli defunctus esset gravissimo morbo, plebsq; Romanos habuit obvios: populus ad transitus, portū & vicos confertim aderat, ut difficulter pervaderetur; alijs in salutem ipsius sacra instituentibus, alijs in signū gaudij publicē epulantibus, alijs faces luculentas obviam ferentibus, viā etiam floribus strata.

Sic Scipio ex Germania redux, post egregia facinora, optabatur triumphabundus venire, ut gloriā pro meritis ferret: cum autē triumphi festivitas indulgeret tantū modo Proconsulibus, & Magistratibus, non licuit ipsi per Senatum triumphare, cum nec ipse alienum quid vellet petere. Id tamen supplementum annotat historia, nunquam tantum mortalium numerum confluisse Romam, qui vel videndi ejus gratiā; vel honoris ergo occurrebat, ut gratitudinem tantis meritis referret.

Addam ego, Iustitia & prudentia suadet regibus, ut se popularibus addant, ministrisq; eximijs honores eximios habeant, si ve gratum animum erga suscepta officia testentur, si ve actiones ipsorum comprobent, si ve deniq; sic alijs studium bene agendi proponant. Gratitude sane principi cum popularibus est communis; cumq; princeps non minus utilitatis capiat ex ministri officijs, quæ reipublicæ præstat, æquē obligatur. Testimonia illa benevolentiae magnum quidem honorem conferunt ministerio, sed æqua ad ipsum inde redit utilitas, cum secundum illa Nobiles, qui maximopere stimulantur honore, quidvis sint aufuri in Principis emolumentum, adeo ut ministris, ad exequenda mandata longe major accedat honor & auctoritas.

Nihil illustrius invenitur, dicebat primicerius ille cele-

celebris apud Theodorum Gothorum Regem, quam laudem meruisse & comprobationem ab ijs, quiper majestatem suspicione adulationis carent. Honor enim, quem illi cuicunque habent, procedit ex judicio genui-
no, quod actionibus illorum applicant, cum nec authoritas istic ullam admittat adulationem. Cum autem hic nihil ambigatur, blanditiæ principis ministro conferent summam authoritatem, quemadmodum gloria meritis applicata Nobilium præcordia rodit; adeo ut potentijs subalternis eum videatur addere vigorem animis, quem insignia ipsius conferunt numis.

Tiberius, ex sapientissimis Romanorum Imperatoribus non postremus, pondus istius axiomatis probe intelligebat, cum illud sumeret regulam honoribus exhibendis, si qui Consules, primarij voluntatis suæ ministri, venirent salutatum, ut obviam procederet usque ad vestibulum Palatij, etiam ad cænā advocati, quo-
usque etiam digredientes prosequeretur. Ferdinandus Rex Hispaniæ, qui fundamenta jecit potentiæ summæ, quæ in vastam hanc Monarchiam succrevit, nullus id ignorabat, cum Consalvum, ducum suorum facile principem, Burgosam reversum, post tanta clarissima officia, obvius excepit tanto cum honore, ut nihil accedere posset.

Modus verò agendi cum Cardinale Ximene nil minus est considerandus, cum plerunque ipsi loqueretur aperto capite, etiam aliquando in genua descendens coram ipso. Noverat enim optimè, honorem, quo merita ipsius rependebat, cæteris omnibus dare exemplum, quod sequerentur; tantam etiam authoritatem summo illi ministro conferre ad executionem mandatorum, ut nemo inveniretur cujuscunq; demum conditionis, qui oblectari auderet.

C A P U T II.

Mittuntur ad Hollandos, qui inducias impediant.

Q uemadmodum magni intererat Galliæ, inducias
inter

inter Hollandos & Hispanos impediri, ita princeps hoc negotium Rex sumsit. Erat enim reuera tanti momenti, ut plurimorum per Europam principum salutem complecteretur: unde accuratius videbatur advigilandum, quod Hispanorum institutum, qui permiserant adversus formam Ordinibus provinciarum obsequentium per Belgium agere de momentis istarum induciarum cum Hollandis, secundum compendia oblata, quæ perurgerent, satis causæ dabat, cur assensuri viderentur.

Neque ignorabant rerum prudentes, id agi, ut factis inducijs exercitus traderetur Aurelianensi & Lotharingo, qui in Galliam irruniperent; Imperator vero cæteris copijs uteretur, ad refranandos Suecos, fortunamque propitiam sequendam. Cardinalis autem, qui fundum istorum consiliorum pererrat, non desinit Regem obfirmare in opera induciarum impediendarum, suggestis quæ genium plusquam humanum saperent medijs. Ea provincia traditur Charnassæo, recens à Germania reverso; ubi tot prudentiæ specimina apud diversos principes dederat, ut de negotiatione dignè obeunda nemo ambigere posset.

De instructione mandatorum hoc unum dicam, capita fuisse ex incomparabili Cardinalis mente producta, cujus facultatem nihil fugit: ubi vero ad dexteritatem transeo, quæ executioni servabatur, adeo felicem prædicare licet, ut obtinuerit desiderata omnia. Postquam enim salutem solennem à Rege dixisset principi Aurangæ, & Directoribus cum Deputatis Ordinum Hollandicorum, proponebat, Majestatem regiam libentissimè optare inducias, quæ dissidium ad pacem beatam deducerent: cum autem præter illas, quæ agerentur, nihil videat, quod illi instituto inservire possit, missum sese, qui testaretur de regis favore & benevolentia, quam ipsorum commodis servaret, communicatis, quæ ad emolumentum reipublicæ Hollandicæ judicaret utilia.

Rogabat, ut considerarent, eximium illud desiderium, quo Hispani persequerentur inducias, suspectum esse, cum consilia hostium fervidiora trahant rationem

compendij alicujus ; manifestum esse, propter rerum suarum confusionem, & summas angustias id quæri, postquam per Indias undiquaque oppugnaretur, per Germaniam, per Belgium & per Italiam, quæ neque copias, neque pecunias pro necessitate rerum possit sufficere, & immane avertere damnum. Addebat, sibi semper visum esse magni momenti, nihil respirationis dari hosti, ad casum vergenti, unde facile judicaret, quanto cum dispendio transigerent cum Hispano admodum debilitato, qui penè nullam inveniat rationem recuperandæ authoritatis, nisi ex propalatis hisce inducijs, quasi factis.

Neque omittebat explicare quamvis illa ratio deficeret, frustra credi pacem ex inducijs, propter pertinacissimum Hispani institutum de jure in Belgium nunquam abjiciendo, adeo ut semper protestatus fuerit adversus Decretum, quod vicesimus sextus Julij tulit, anno supra sesquimillesimum octuagesimo octavo, & Philippum II. declarat exutum jure omni, quod sibi quærere posset. Postquam etiam cum ipsis transegerit, ex more principum supremorum, induciasque anno millesimo sexcentesimo nono pepigerit, non tantum nõ desisse malum animum per duodecim illos induciarum annos ostendere, sed quod plus esset, anno millesimo sexcentesimo vicesimo primo, misisse Brabantia Cancellarium Bekium, qui id ageret, ut illi sub jugum, uti loquebatur, redirent principis naturalis.

Frustra eos expectare à Senatu Hispaniæ jurium priscorum abolitionem, cum viceversa semper fuerit paratus, ad ea exercenda & apud ipsos & alibi, quotiescunque occasio sese præbuisset. Sic igitur post inducias, si quæ fierent, semper redeundum ad principium, nullo alio operæ pretio, nisi compendio, quod Hispanorum impotentia offerret, neglecto. Ita etiam præterea illos versabat, ut fateri cogerentur, pacem ex inducijs non posse gigni, hinc conditionem ipsorum perinde, ac patriæ emolumentum neutiquam urgere desiderium induciarum, cum provinciæ ipsorum nunquam magis floruerint.

Hic latissimum sibi sumebat dicendi campum, quantâ libertute exercerentur artes liberales, agricultura, commercium, & quicquid alibi per pacem illustratur: scientias adeo accuratè excoli, ut Athenienses nunquam Palladem suam fecerint armatam meliore jure: pascua & campos à milite minime incurfari, vomerem & hastile atque ensæ què nitere, nec tormentorum explosiones turbare ullo modo commercium, quod Zelandiæ provincia manifestissimè comprobet, adeo ut commerciorum studiosi maximè abhorreant ab inducijs.

Politica reminiscencia.

Quanta vis sit eloquentiæ, nemo facile dixerit, cum pateat, universum ipsi parere genus humanum, si-ve ad dexterum, si-ve ad sinistrum contendat casum. Elo-quentia pervertit primos mortalium parentes, sed eadem restituit paradiso extorres. Neque enim Salvator mundi exercitus misit, qui subigerent terrarum orbem sed viros plebeios, quibus eloquentiam contulerat divinam, ut potentias infernales destruerent, everlis stru-cturis philosophorum. Quid enim gravius accidat homini, quam, ut quas impensissimè amabat voluptates negligat, & execretur? Docemur enim in Evangelio, abnegare & odisse nosmet ipsos, diligere inimicos.

Prisci Herculem nostratem pingunt, populares cate-natos trahere, quasi à lingua ducerentur funiculi, qui auribus popularium inserti, eos circumagerent. Si ex-emplis sit agendum, meminimus Pyrrhum dicere solitum, Cynæ Oratoris industriâ plus urbium subactum, quam armis suis. Ipse Epaminondas Thebanus, cum in Græciæ concilio de Lacedæmoniorum tyrannide, & li-bidine dominandi, multa differuisset, usq; adeo Græco-rum animos commovit, ut à Lacedæmonijs deficerent, & Leuctricæ calamitatis otiosos sese spectatores exhibe-rent, adeo ut Lacedæmonios prius linguâ, quam armis victos esse pateat. De Demosthene scriptum reliquit Ci-cero, Eo loquente, Græciam universam & pacem & bel-lum suscepisse, suscepta deposuisse, fœdera cum regibus junxisse, conjuncta dissoluisse.

Ne-

Neque silentio involvendus Ulpianus Jurisconsultus, quem ait Lampridius solo linguæ & purpuræ præsidio, sæpe à militum irâ strenuè defendisse Alexandrum Severum Imperatorem: Etiam legimus, armatam plebem, quæ Regibus exactis ex nimia libertate secesserat à Patribus, P. Valerii brevi oratione ad pristinam modestiam esse reductam; is namque populum novâ & insolitâ libertate temerè gaudentem, oratione ad meliora & saniora consilia revocatum, Senatui subjecit, id est, urbem urbi junxit, adeo ut verbis facundis ira, consternatio & arma cesserint.

Cum autem Eloquentiæ sit usus in utramque partem, liceat optare cum Tullio: Utinam C. Carboni, & T. Graccho talis mens ad rempublicam bene gerendam, quale ingenium ad bene dicendum fuit: profecto nemo his gloriâ præstitisset. C. quoque Gracchus tribunus plebis, concionibus rempublicam vexat, motâque gravissima seditione, acta sua tueri vult, neque abrogari patitur, sed duce Opinio Consule, servi manu cæsus occubuit. Liceat igitur asserere, eloquentiæ vim esse summam, sed quæ possessoribus & laudem & vituperium; popularibus & salutem & exitium conferat.

CAPUT III.

Diluuntur induciarum rationes.

Quidam particulares, Hispaniæ studiosi, obicere conabantur, quamvis provinciarum fœderatarum res ad armistitium nihil cogeret, ut per aliquot annos pacem sumerent, utilitatem tamen inde expectari, quod Flandris & Wallonibus interea ab armorum usu remotis, Succis vero & Protestantibus in Germania Austriacorum potentiam atterentibus, metu carere liceret. Ipus vero legatus vanitatem illius spei facile ostendit, cum credi nullo modo posset, Flandros & Wallones ex otio induciarum arma abjecturos, Hispano eos alibi exercente.

Neq;

Neque verò dubitandum, quin Hispanus in Germaniam sit traducturus exercitus per Belgium dispersos, principes illos Austriacorum potentia adversos in ordinem redacturus, ut ab armis discedant, & postmodum ex Germania redeat & victoriosus & auctus, adeo ut copiae priores revertantur, & quae à multis annis oblectabantur iunctae, inundarent, & Hollandiae socordi iugum denuo imposerent. Responsum hoc eo dignus videbatur consideratione, quod res esset evidentissima, quae reipublicae conservationem & provinciarum libertatem everteret.

Addebat etiam, dispiciendum potius, quantum induciæ provincias fæderatas possent enervare, siue dissidia, quibus spargendis operam Hispanus esset impensurus summam, siue armorum defuetudinem, & commercia per Indias spectarent: adeo exiguam augendæ potentiaæ spem superesse, ut frustra inducias optent, nisi Indiam utramque, & orientalem & occidentalem Hispano permittant, qui tantam imprudentiam nunquam esset admissurus, ut ipsis usum Indiarum cederet, post tam immania, quae inde exurgerent, dispendia. Quod si fæderati in id consentirent, spem sterilem subire, exarescentibus opulentiaæ potissimæ fontibus, ac si instituerent sese brachio dextero mutilare, quod per mare exerent, vicinis metuendi.

De bellicis exercitijs sublati aiebat liberè, Respublicas eadem ratione & constitui, & conservari, quem admodum corpora nostra subsistant ex iisdem rebus, quae primam ipsorum compositionem fuerint ingressa, sic frustra splendorem reipublicae quæri ex tranquillitate, quae natales & libertatem armis debeat; neque aliunde conservationem & gloriam sperare posset. Tempestatem pacificam omnino esse damnosam, quod experientia per duodecim illos induciarum annos comprobaverit; quibus Hispanus factiones, aurum, & machinas contenderit, feliciore suo, quam per vim armorum eventu, illorum verò incommodiore. Militem ab exercitijs solitis remotum torpescere, cuius perpetua industria hactenus præstiterit insignia compendia.

Gna.

Gnarus etiam, quantum ipsa veritas posset, per gloria stimulos fuscitata, adhibendos illos putabat. Clarissimè enim prædicabat, nullam unquam rempublicam ad Romanorum instituta propius accessisse; quæ continuis bellis semper auctior, templum Jani spatio septingentorum annorum, inde ab Urbe conditâ, & Imperij exordio, usque ad Augusti tempestatem bis tantum clausurit, & nullo alio malo, nisi pacis vitio & otio perierit: unde faciliè augurandum, à desuetudine armorum Hollandicæ reipublicæ eandem sortem fore expectandam.

Nihil celabat, ipsos, si inducias facerent, apud fæderatos planissimè fidem perdere, non solum quod de illorum instituto essent contemptim judicaturi, ob consilia tam dispendiosa, sed etiâ quod per eam rerû tempestatè inceptarent, quæ in maximû suum vergerent præjudici-um, maximè per Germaniam, quæ sic pateretur non exiguû neglectum, quem alias de auxilijs negandis posset meminisse. Adjurabat prudentiam ipsorum, cogitarent, offensam à fæderatis redundare in offendentem, adeout tandem, si post tot victorias ad Hispanorum descenderent voluntatem, hisce inducijs impensissimè affixam, eam sint reportaturi famam, quam Cæsar Pompeio, apud Dyrrachium victoriam non persequente, clarissimis verbis applicuit, Nescire Pompeium vincere.

Hæc summa fere est tationum quæ non minus judicium, quam potentiam & vim inferebant, à Charnassæo per diversas occasiones & colloquia cum ministris reipublicæ Hollandicæ instituta prolata. Ipfus vero modum explicandi, & industriam disponendi, adeoq; fervorem perurgendi, cum omnibus rerum momentis adjiciebat, ut Auracum in suam traduceret sententiam, sponte excompendijs quibusdamparticularibus proclivem; etiam Directores cum Deputatis Ordinum, ut jam de inducijs cogitare desinerent, sed vim meditarentur ad Hispanum in ordinem cogendum, qui per angustias necessitatis omnia jura in provincias, absolute abijceret, de pace transacturus, quâ complecterentur omnes omnino fæderatos ad majorem servandorum pactorum fiduciâ.

Hoc

Hoc ubi confectum habuit, certiores etiam facit, ex mandatorum serie, ut maturè producerent exercitum, regem id curaturum, ut Suecidecem vel duodecim millia suppetiarum suppeditarent, quæ sane duce Melandro, ante mensem Augustum fuere præstò: adeò ut primo verè Aurais obsidione cingeret Rembergam, promptâ deditione; Wilhelmum verò Nassouicum in Flandriam amandaret, ad occupandos Hispanos.

Politica Reminiscencia.

Quemcunq; horrorem arma, ferè per naturam abominanda, inferant, inducias tamen ex quatuor causis ego faciendas censeo. Quarum primam dixero, spem compendiosæ pacis, quam conferre queant. Cū enim bellum eo duntuxat sine suscipiatur, ut bona sequatur pax; finis etiam semper sit præferendus medijs, nemo dubitabit, arma potius deponenda, ut media pacis obtinendæ amplexari liceat. Oliua, verissimum pacis Symbolum, ex fructu vitæ humanæ gratissimo laudata, extra ullum dubium præferenda fuerit Lauro, baccis inutilibus ferè superbienti: summa etiam bona, quæ pax præbet longe pluris sunt facienda, præ gloriâ per ancipites conflictus parta. Hanc veritatem nobis alibi assertam esse meminimus, ut hic insistere longius nihil sit opus: dicemus saltem, vastitatem immanem provinciarum induci ex bello, ut diutius subsistere nequeat.

Alteram causam induciarum inuenimus in sumtibus & dispendijs bellorum, quæ per inducias tolluntur. Omnis omninò virtus cogitur cedere necessitati, adeò ut impotentia promovendi instituti, quocumque tandem iustitiæ & gloriæ fulgeat splendore, principibus maximis absterferit vituperium. Bellum ducendum, ut obtineas victoriam; quæ sperari desinit ex provinciarum devastata, unde rectius inducias sumas, quam penitissimè succumbas. Ipsi dii, aiebat priscus ille, necessitatem non impugnant, cum omnium sit fortissima, & ipsa fortitudo legibus ipsius cedat, adeò ut nulla virtutis aut prudentiæ ratio adigat in adversum.

Tertiam

Tertiam causam opinionem non vanæ tribuimus, de hoste per inducias enervando, qui aperto Marte vinci non poterat: potest enim suscitari aliquid dissidium, & miles ex desuetudine armorum torpescere. Naueclerus prudentior adversus tempestatem nullus pugnât, ubi navem impetu vâgrandi videt agitari, sed collectis velis ad refugium & stationem tutiorem abit, anchoris jactis, donec ventus furere desinat, & cursum priorem permittat. Idem prudentia in rebus gerendis sumit institutum, ut arma aliquandiu recondat, dum hostis nimias vires producit, aut ea compendia corripit, ut ex bello gerendo nihil ferè sperare ausis, præter quævis mala.

Quartam causam induciarum rejiciemus in spem virium restaurandarum. Bellum enim speciem morbi refert in republica: quapropter uti ægrotis imperatur quies, ad recuperandum, quem morbus intertraxerat vigorem, ita crediderim maximè laudandum principem, qui bellum aliquandiu differat, ut copias refarciat, supplementa addat, & ærarium instruat, quod necessaria quæque ad subsistendum comparet.

Quod si autem ex istis rationibus induciæ ritè fiunt, inconsultissimum videtur, eas inire provinciam florentissimam, quæ majora ex bello, quam ex pace suscipiat emolumenta. Verissimè enim id evenit, quod Hannibalem neutiquam latebat, qui Carthaginenses in lamenta effusos, ubi Romani confecto secundo bello Punico primum exigebant tributum ex pactis, conspicatus, cū exprobratione dicebat, uti T. Livius recenset, Tum vero lamentandum erat, eum bellum cum Exteris vobis interdiceretur: eâ enim plagâ prostrati estis.

Nec Lacedæmonij aut Romani remignorârunt, cum ex istis rationibus exercitio armorum nunquam carere voluerint, nisi ad nutantem ex fortunæ ludibrio rempublicam, quæ gustum dulcissimi otij persuasit, ut per eam fenestram irruerent delitiæ & luxuria, unde exiguo temporis tractu acies animorum hebetari cepit, non operosa hostibus victoriâ prostituta. Quod si verum hoc comprobent plurimæ respublicæ, manifestius pate-

patebit in illis, quæ natales debent virtuti bellicæ, & nullâ aliâ ratione conservari possunt.

Major tamen imprudentia successerit, ad inducias pangendas, si hostibus sic præbeatur facultas novarum virium. Si enim Perseus Rex cognovisset res Romanorum, enixè eas cavisset, quod apud T. Livium legere licet, nec legatis dedisset animum gloriandi de circumventionem. Eo enim curriculo rerum expedita habebat omnia ab bellum necessaria, quibus Romani penitus destituebantur, adeo ut per inducias ipsis licuerit quodvis compendium colligere.

Quod si præter gravissimas istas considerationes induciæ ad gratiam & certam pacem nihil facerent, apud sapientum animos omnino damnarentur. Nulla enim ratio suaserit, ut arma abjiciantur, cum utilitate inde scaturiente, hostis vero per otium vires recolligat, nisi certus sis de pace instituendâ, quæ majora & quævis commoda præstet. Cæcitatatis aliquid appareret profecto, quæ animum à proprio emolumento alienum, adeoque hostis studiosum arguit.

CAPUT IV.

Marchio Sanchaumontij mittitur à rege in agrum Treverensem, ut ex reliquis locis hostes excuteret, & Electorem restitueret.

SI Rex prudentiam adhibuit in impediendis inducijs, quas Hispanus cum Hollandis instituebat, fortitudinem itidem exeruit in restituendo Electore Treverensi, ut is reliqua ab hostibus loca usurpata recuperaret. Fumæum & Reueinium, sita in peninsulis Mosæ, legitimum illum semper agnovère dominum, donec Hispani, qui ex opportunitate sibi jus ubique locorum sumunt, ad invasionem, præsidium imponent, ut munito utroque loco, fluvij commercia coercerent, Champaniæ vicini improbi.

Cum autem Rex ferre non posset id institutum, quo Elector, quem suo patrocínio protegendum suscepserat, opprimebatur, jubet Marchionem Sanchaumontium copias per Champaniæ simbriam sparsas contrahere Meseriam, ut iusto exercitu illos submoveret. Castellerius Barlotus, & Comes Sufanus adduntur Campiductores, qui exercitum propediem versus loca illa infesta ducunt. Virtus istius Imperatoris optabat sibi dari copiam confligendi, ut arma regia aliquâ gloriâ cumlaret, sed ubi appropinquat, docetur, præsidia Hispanica, evanida iactantiâ, per noctem superiorem tacite recessisse.

Hinc summum operæ pretium habet, incolarum suscipere congratulationes & lætitiæ testimonia, qui Regem ferebant liberatorem, & legionem Champaniæ Fumæum, illam vero Normanniæ Revcinium lubentes recepere. Hinc Dux, ut benevolentiam non ingratus rependeret, omnia indulgit, quæ per hospitia militaria desiderari queant, eâ disciplinâ & ordine constituto, ut militi nefas esset quicquam sine adnumerato pretio capere, sed volupe esset, familiarius ibi conuerari. Hostes maiorem non præbebant materiam agendi, & ingruerat hyemis sævitia, gelu intenso, & glacie solidâ, ut impetus ad ulteriora merito coerceretur. Mandat igitur Rex, ut reverteretur, copijs in præsidia per limi em distributis.

Ad aulæ recreationes redit, & decimo Februarij, cum Comite Brissaci adscribitur à Rege ministris reipublicæ, qui eo honore ad consulendum de rebus gravissimis fulgerent. Hinc Hispani, quibus somnolentia nunquam obrepit, nisi per vacuum rerum, absentiam illius aucupati, regrediuntur in agrum Treverensem, & pro lubitu agunt: ubi vero Rex, & veris gratissimum tempus permisere redditum, exercitum producit, Hispanos ex agro dejicit non admodum opereose, & Freydenburgum aggreditur, quod illi occupaverant, præsidio & peregrinantibus & vicinis universis molestissimo imposito.

Comes Sufanus accipit partes invasionis, mense
Junio

Junio acedit, Machinistrum, nomine Comitissæ Embani impositum, de deditioe interpellat, abnuenti admovet scalas, oppidum facile exuperat, & castellum biduo post subigit, quatuor tantum gregarijs utrinque cadentibus. Sic demum universa provincia Treverensis Regi subicitur: cum autem ille in eum finem non admovisset vim, ut sibi eam servaret, sed ut Archiepiscopo, vero domino redderet, eundem in metropolim ineunte Octobre per Bussilametum restituit. Cum tamen ille facile intelligeret, non satis virium sibi esse adversus Hispanos rejiciendos, præsentiam ipsius testabatur sibi desiderari, ut armorum constaret imperium.

Sic ubi Bussilametum claves portarum traderet, reddit easdem Elector, eodem momento, istis verbis: rogo, ut eas regie majestati serves. Exinde sub finem anni Declarationem promulgat, quâ jubentur subditi regem agnoscere dominum, ipsius commodis studere, copias in oppida & pagos suscipere, ad mutuam defensionem, & earum sustentationem, pro facultatibus cujusque loci.

Politica reminiscencia.

Nemo ambiget, honorem Principis augeri ex patrocinio illius, qui propriis stare nequit viribus, honor tamen ille non caret onere. Est quidē commodū inde ducendū, sed ubi loca usurpata sunt recuperanda, quæ postmodū reddantur, sumtus sunt faciendi. Eo turpius destitueretur cliens hosti, quod imbecillitas argueretur aut virtutis inopia, ubi fides, pactis protectionis inserta violaretur. Quicumque ex metu sumtum, aut belli suscipiendi, aliave ratione, se sibi exhibuerit, & gloriam carebit, quæ patris meretur, & turpi ignominia maculabitur.

Quoscumque autem sumtus hic fecerit, tenetur utique loca occupata in manus principis legitimi, cum depositarii vicem gerat, restituere: quemadmodum enim leges depositi non permittunt, quicquam tale alienari, ita æquum est, eadem reddi, uti injustum fuerit, retinuisse. Ptolomæus, Rex Ægypti, filium, hæredem coro-

næ, relinquebat puerum, cui rempublicam Romanam scripserat patronam, quod singularem illa semper profiteretur fidem promissorum? ipsa igitur nihil distulit Regnum ipsius arbitrio permittere, ubi adolevisset, administrationi par.

Eodem modo Arcadius videns Theodosium filium, successurum in Imperio, admodum adolefcentem, qui adversus Persas ægerrimè posset subsistere, id egit, ut Isdigertes ipsorum Rex tutelam ipsi præstaret, cum sic judiciosissimè opponeret fidem ipsius armis, manibus etiam per vincula patrociniæ, ne nocere auderent, constrictis. Isdigertes tutelam illam magno ducebat honori, quâ etiam tam integrè est defunctus, ut & vitam & Imperium Theodosio conservaret. Et ut videamus, postrema secula similibus non caruisse exemplis, audiamus, Philippum Austriacum, Castiliæ Regem, reliquisse Carolum duodecennem, rogatò per supremas tabulas Ludovico XII. ut curam ejus, & Belgij patrocinium susceperet.

Rex lubenter assentitur, respondetque articulatim confidentiæ, quam Philippus in ipsum collocarat, ut provincias illius etiam adversus ipsam Galliam assereret, nullâ unquam usurpatione peccans, tametsi Maximilianus complures daret causas compendij. Quoscunque demum sumtus fecerit Rex, aut quemcunque velit servare principem, qui refugium quærit, patrocinium nunquam detrectabit, maximè per reipublicæ suæ limitem; quoniam præter gloriam, quâ semet privare posset, occasionem daret alieni patrociniæ, quod ex æmula potentia compendium quæreret ad invasionem tentandam.

CAPUT V.

Legatur & negotiatur Feuquierius cum Regina Suecicæ, ad renovationem fæderis, inter duas illas Coronas.

Postquam Cardinalis Regi exposuisset, res Germaniæ

niæ non minus trahere ponderis, quam Belgium, visum est Regi, curam illarum suscipere, cui negotio legitime querium, qui adiret principes huic coronæ federatos. Experientia, quam nobilis iste vir in alijs gravissimis acquisiverat negotijs, eum & isti parem dignumq; reddebat, cum mandata per industriam & virtutem nunquam non egregie perfecerit. Necessitas etiam istiusmodi virum exigebat, ad Germaniæ negotia, quæ limitem ambitioni Austriacorum figi desiderabat, postquam tantas vires acquisivisset, Protestantium provincijs usurpatis, ut omnibus omnino vicinis metueretur, ipsa Galliâ nihil immuni, ubi pertendisset.

Tria mandatorum ferebat summa capita, Primo iubebatur Regiæ Sueciæ, Christinae, filiae unice & hæredi Regis nuper defuncti, in persona Oxensternij, & universis Unionis principibus Lipsianæ, testari, quantum Rex moveretur illorum commodis, quanto flagraret desiderio, ut extorres restituerentur in avita, quanto studio optaret, quæ superiori anno essent acquisita, eximijs fulciris auxilijs. Alterum erat, ut illi denuo uniarentur, quos confirmaret in instituto prosequendo, quod inceptaverant unanimes, novis fœderis conciliatis pactis. Tertium proponebat concinnum armorum ordinem, ne quid deesset rerum necessariarum exercitibus, aut bene agendi amitteretur facultas & occasio.

Principes illi constituerant sub finem anni superioris Hailbrunnam in ripa Nieri convenire, ut de communi consensu summam belli dispicerent. Ibi vero aciei erat novacula: accurrit igitur Feuquierius quinto Februarij quantocyus. Cum autem Cardinalis sponte nosset, id genus conventuum confusè agi, nisi particulares prius deducantur ad æquitatis sensum, Regi consulit, ut ille iuberetur ad aulas principalium transire, quo necessitas Unionis servandæ demonstraretur. Horum sane mandatorum series non parum contulit commodi, cum sic animi disponerentur ad optata longe commodius perficienda, quam apud frequentem Convantum.

Inter primos tamen adest Hailbrunnæ, ut præveniret, quos non licuerat invisere, & cæteros instituti tenaces

redderet. Prima cura ipsi erat, ut benevolentiam Regis sinceram & constantem erga causam communem testaretur, cujus rei experimenta eximia sumerent per occasiones. Exaggerare non negligebat suppetias partibus latis, pecuniarum subsidia Coronæ Suevicæ submissa, & Hollandis, gravissimas diversiones per Italiam & Lotharingiam institutas, fortissimos exercitus semper in limite obversantes ad quemvis necessitatis casum, sumtus immanes in legationes illustres profusos, quæ omnia ipsorum studio & gratiâ fierent.

Cum autem præteritorum memoriam sic refricuisset, conditionem rerum præsentium nude proponebat, quantoperè unio & concordia requireretur, juxta exercituum necessariam sustentationem: agebat vero publice & privatim tanto cum vigore & prudentiâ, ut cõplures eorû in primo instituto servandæ Ligæ affirmaret, quos immaturum Suecici Regis fatum labefactaverat, adeo ut ad Imperatoris gratiam redire satagerent. Gnarus itaque, commodum particulare maximè stimulare principes, clarissime edocet, pacem unicum mali remedium, ad Germaniam ab exitio asserendam: pacem autem illam neque utilem, neque honestam fore, nisi restitueretur libertas per Imperium, & principes ad sua redirent; ad quam pervenire neutiquam liceret, nisi viribus tam arcto vinculo constrictis, ut Imperatori non liceat invenire rimam dissidij & separationis. Sic eum demum spem abjecturum superandæ potentiae unitæ, quæ vires illius, quamdiu unionem servarent, longe excederent.

Non opus erat, ut persuaderet, quid Austriaci à longo quærerent tempore, universam nempe Germaniam subjugare, cum verum id esse experimentis certissimis didicissent. Nihil etiam allaborandum erat, ut doceret, ex discordia & separatione imminui vires, & Imperatori invasionem commodam suarum provinciarum offerri, adeo ut tandem omnes cogerentur confiteri, hanc unam superesse viam, partium scilicet firmissimum studium, & fæderis per nova pacta iterata confirmatio.

Politica reminiscencia.

Medicorum plura sunt genera, quæ tãen in ista duo summa collabantur, ut alij audiant Empirici, alij dogmatici. Empirici nomen ferunt ex remediorum usu & experientiã, ubi neq; naturalium rerum, neque morbi constet ratio, aut scientia, sed memoria, etiam temeritas hoc vel illud applicet, & fortuna adjuvet, quæ minus dextere sunt instituta emendet, & Natura, sui ipsius conservatrix, materiam peccantem concoquat, aut impetu facto expellat,, quasi indignabunda. Quanti vero errores committantur, cum eodem collyrio morbi ex causis diversissimis orti, curantur, novit orbis, gemit sæpe orbitas, doluit æger.

Dogmatici autem perscrutantur naturæ secreta, excutunt ipsius penetralia, & ad rutinam expendunt virescujusq; radices & quæ alia ingrediuntur compositione remediorum. Deinde examinant ægroti symptomata, & tanquam ex mari sursum enituntur per fluviorum alveos, donec ad seaturiginem pertingant; quã inventã, de morbi naturã, & accidentibus solidũ concipiunt judiciũ, adeo ut causam intercipere & everrere cogitent, fumo, post subtracta ex foco ligna, sponte evanescente.

Par ratio Europæ agonizantis : accessere Empirici nonnulli, symptomata mitigavere, causam non sustulere: sic exterius coercetur æstus febrilis, qui interius stipator ferveat. Prudens rerum non desinit rimari, donec causam exitij præsentis inveniatur; de hinc curam suscipit remediorum, quæ sanè improprie applicata, malum exasperant, ægroto semper fere per impatientiam ad deteriora pronissimo. Hic advigilandum, ne remedium evadat pejus malo, ne Scyllam vitantes, incidunt in Charybdim.

Opinio scientiæ plurimum commendat medicum, sed & suaviloquentia in explicandis & morbi & remedij causis: Itaque summus minister id operam dabit, aut saltem viros negotiationibus aptissimos leget, qui cordatissimè rem agant & perficiant, ut sponte miretur Or-

bis, meruos nocendi esse succisos, & perniciem incumbentem, instar nubeculæ atræ, recessisse.

CAPUT VI.

Pacta inter regem & Suecos, adeoque principes aliquot Germaniæ.

CUM Feuquerius ista persensisset, facilius mandatorum seriem confecturum sese sperat: nullum igitur temporis perdit momentum. Exordium sumit à redintegratione fæderis inter Regem & Regnum Galliæ ex una parte & inter Christinam Sueciæ Reginam, & Regnum Sueciæ ex altera parte, cuius capita cum Oxesternio transigit & roborat. Primum continebat causam fæderis, quæ complecteretur tuitionem amicorum communium, securitatem maris Balthici & Oceani, restitutionem pacis securæ per Imperium, quæ omnibus & singulis sua cuique redderet jura.

Cætera capita ferebant, Reginam Sueciæ cum fæderatis habituram triginta millia peditum & sex millia equitum perpetua; Regem adnumeraturum singulis annis in sumtus belli, millionem librarum; Fæderatis licere militem scribere reciprocè per provincias; facinorosos & transfugas suis principibus reddendos, ad supplicium; Reginam Sueciæ exercitum religionis Catholicæ liberum relicturum in locis occupatis, quemadmodum inveniretur ibidem vigere; Ducem Baviariæ, & princeps Ligæ Catholicæ recipiendos in pacta neutralitatis, si vellent; cæteros omnes principes & Status ad confederationem invitandos; ex sententia omniū fæderatorum agendū, fæderationē duraturam usq; ad pacem per Germaniam constitutā; pacis tractatibus per hostes non impletis, arma denuo corripienda, ad mutuam opem.

Prima hæc negotiatio fundamentum quasi gerebat ad principes Germaniæ uniendos, qui sine hac intercessione brevi erant cum Imperatore transacturi. Quemadmodum vero non satis erat, cum & alio fædere cum omnibus principibus & Statibus, qui Protestantes dicuntur

tur per Germaniam superiorem, opus esset, Feuquierius itidem impēsē laborabat, ut coiret, & firmaretur; quod tandem in ista capita convēnit: firmam & securam fæderationem fore inter regnū Sueciæ & Electores, principes ac Status Ptoestantes Germaniæ superioris, ex cui⁹ virtute vires conjungerent, & reciproca præstaret opem, donec Germania primam recuperaret libertatem; leges imperij in pristinum vigorem restituerentur: Principes ad ordines suos & possessiones redirent; Coronæ Sueciæ atisfieret ob belli sumt⁹; pax bona & securā obtineretur.

Præterea Cancellario Oxensternio relinqueretur summa rerum, cui in eum finem consilium virorum sagacium adderetur, qui legerentur ex Suecorum aliquot duobus, adjuncto Deputato per quemlibet Circulū; Nulli fæderatorum fas esset, de pace agere particulariter, sine cæterorum consensu; ausus vero, haberetur hostis loco; fæderati quatuor Circulorum sufficerent exercitibus annonam, apparatus belli & tormenta; miles iuraret fidem Coronæ Sueciæ & fæderatis; Director cum consilio id operam daret, ut disciplina militaris constaret, & commerciorum ratio; Omnibus denique Statibus & principibus fæderatis obligatis, ut Corona Sueciæ in possessione occupatorum per Germaniam firmaretur, usque ad finem belli, & debitam satisfactionem, quæ itidem fæderatis obtingeret, ob damna perpeffa. Hæc summa est illorum capitum, quibus tanta compēdia debentur, ut inde exercitus vigerint numerosi, qui objecti Austriacis hoc anno progressū inhibuere. Cardinalis igitur qui omnes Feuquierij motus dirigebat per mandata continua à rege submissa, non exiguā gloriæ segetem faciebat, quæ eō est illustrior, quod testes laudet quatuor imperij Circulos, Franconiæ scilicet, Sueviæ, & utriusque Rheni; Amstrudelum Angliæ legatum, Cancellarium Oxensternium, Equitem Rachæum legatum Sueciæ, Pa w um Hollandiæ legatum, numerumque maximum Dynastarum liberorum per Germaniam, qui fæderi voluere adscribi, adeo ut Deputatum consilio Oxensternij possent addere & illi:

Politica Reminiscencia.

Cum gloria rerū arduarum ex fine pendeat, non ex principio, princeps per prudentiā urgebit institutū usq; ad finem, nullis remorandus obstaculis, quæ intercurrere possent. Non hic nobis sermo est de pugnis, ubi armorum fors ad pacem faciendam cogit, quacunq; conditione, ne exitium planissimum consequatur: ibi enim prudentia jubet transigere, sententiam mutare, vela colligere, donec occasio propitia permittat maris usum, & aleæ. Dico igitur, principem debere extra illam necessitatem, centri immotam induere naturam, dum fortuna, rerum bellicarum arbitra, diversos tumultus per circumferentiam & ambitum suscitatur.

Etiam formidolosissimi qui que impedimenta consiliorum exequendorum inveniunt; ex quibus cordati materiam gloriæ trahunt, à cursu consiliorum intervertendo alienissimi. Ignis per naturam recedit à terrâ; & obstacula avet consumere, quæ conatum reprimunt, ne in altum feratur. Et princeps verè generosus sponte fertur ad ardua, & ad difficultates, gloriæ repagula, superandas. Dicam etiam, id elementum omni metu cariturum, nisi à Naturâ alteram illam pervadendi virtutem accepisset: sic princeps à vicinis nūquam metuetur, nisi fortem animū exhibeat, qui obvia quæque conculcet.

Nauclerus sagax clavum non deseret, ex tempestatis metu, cum navem interea ad portū perurgere non desinat: & princeps cordatus nunquam à consilio arduo recedet ob difficultates intercedentes: quin animum cōcitet, fortitudinis igniculos inflammet, & allaboret, donec institutum deducat ad effectum propositum; cū sciat, omnia cedere constantiæ in agendo. Etsi Julius Cæsar sese videret longe inferiorem Pompeio, quoad numerum copiarum & militum, non tamen unquam desit, per tempestatem illius belli, vellicare ipsum, & ad prælium provocare, quod copiis exercitatissimis fidendum sciret.

Fabius Maximus minorem non testatus est constantiam
in eo

in eobello, quod adversus Hannibalem gerebatur. Cum enim ipsum cerneret instar torrentis ruere, qui subitis inflatur aquis, ut cursum inhibere vix detur, per objecta repagula; non tamen destitit instare victoriæ, ad quâcunque rationem intentus. Iudicabat autem ex prudentia summa, posse ipsum tandem aliquando fatigari, & sponte confici, constituit nihil permittere sorti, sed semper adhærere per loca clivosa, quæ accessum præberent difficilem, ubi impetus futurus esset valde dispar: quâ ratione factum exercitus ex victoria nupera ferocientis retudit, adeo ut per illud institutum Hannibalis copiarum minuerentur & torpescerent.

Ad hæc generosa exempla conformet mentem princeps, cui prudentia potest consulere mutationem mediorum, quibus sibi prius promittebat victoriam. Fortitudinis tamen leges negant primi instituti repudiū, quæcunque per executionem inveniatur obstacula; prosequetur enim usque ad ultimum scopum, ne ignominiam suscipiat, hostibus ex debilitate ipsius quævis compendia sumentibus, adeo ut per otium potentiam augeant, cui ipse victima accedat.

CAPUT VII.

Rex mittit Ducem Crequium ad Pontificem Urbanum VIII. qui obsequium solum præstet, & dissidium cum Venetis componat.

Neq; rebus Germaniæ & Belgij absolvebatur cura regis, nisi & Italiâ complecteretur; eo enim Cardinalis converterat regis animū ab exordio anni. Tēpestas præfens postulabat virū omnino egregiū ad Pontificē Maximū legari, qui obsequium deferret, quā solennitatem rex diutius differre non debebat. Ut autem legatio & alijs rebus inferviret, præter simplicē pompā, Cardinalis regi consuluit, ut eam provinciā imponeret viro lectissimo, qui Pontifici aliquam præstaret operam in dissidio, quod cum Venetis ipsi intercedebat, componendo, ut vel inde Pontifex per occasiones Galliæ favere inciperet.

Cre.

Crequij ducem proponit, qui homo locuples sumtus posset sustinere, quos decorum flagitat per illam occasionem; & qui res Italiae ad unguem calleret ex diutino usu, genio etiam polleret admodum industriis, ad Pontificis animum lentandum. Ubi Rex istas rationes expendisset, gratissimum habuit huic muneri ducem, gnarus utique, inter summa politicæ scientiæ capita non postremum esse, ut personæ aptentur negotijs. Successor itaque pietatis avitæ, mandata jubet expediri, ad obsequium illud præstandum; ex prudentiæ solitæ instinctu id addens, ut legatus operam impenderet illi dissidio componendo, & exturbis Italiae occasione ductâ, Pontificem, quantum fieri posset, Galliæ conciliaret.

Crequius legationis munus suscipit, ex honore lætior, qui nunquam didicisset pecuniæ parcere in honoribus & recreationibus. Cumque magnificentia, quâ sese in aula Romana versare cogitabat, nonnihil temporis requireret, Parisiis hæsit, usque ad mensis Maii initium, ubi apparatus absolvi potuit: nave deferri placuit, ut compendium faceret temporis amissi, ex ventorum beneficio. Romam ingressus, recipitur ijs honoribus, qui debentur legatis eximij primi Regis inter Christianos, quem Ecclesia salutat primogenitum suum. Magnificentia utique legati, tanta fuit, ut parem non viderit Urbs inde ab Imperatorum triumphis superbis.

Non est otium, minutias huc transferre, quæ in alijs historijs extant, cum hæc duntaxat instituta sit ad memoriæ mandâda, quæ administratio rei publicæ tulit eximia. Dicam breviter, numeratos esse quingentos sectarios, auri & argenti splendorem collustrasse omnes & singulos, ut ex auri fodinarum opulentiaprodijsse viderentur. Recipitur intra pomæria Urbis, deducitur ad primam salutationem pompâ admirandâ. Sed nos ad rem accedimus, effectumque legationis: Semel auditus, deosculatur pedes Pontificis, Regis sui nomine, additis quibusdam civilitatis testimonijs. Postea Boissévius, legatus Generalis Gratianopoli, qui Orator regiæ majestatis accesserat, perorat ex more instituti, in quo sagacissimi æquæ animi moderationem & eloquentiam notârunt.

Ab

Ab ipso exordio Pontifici exponebat, Rege hactenus & tam diu distulisse hanc solennitatem, quâ testatum faceret gaudium, ex dignitate Pontificiâ ipsi collatâ, ut simul mitteret manubias, hostibus Ecclesiæ extortas cum documento obsequij. Deinde spatiabatur per campum beneficiorum, quæ sedes Apostolica recipisset à Gallia, patrociniū & auxilia quovis tempore apud Reges Galliæ parata, ex quorum consideratio nemerissent dici Christianissimi, & Ecclesiæ primogeniti. Describebat postea accuratissimè insignia compendia, quæ in illam ex Regis victorijs redundarent, unde Pontificem faciebat certiozem, commoda ipsius se nuper fore dignissimam assertionis materiam potentiæ regiæ.

Cumque desineret, desungebatur summo legati onis instituto, hisce verbis, Majestatem regiā non minus gaudij capere ex dignitate ipsius, quam ipse aliquando habuisset, Rege nascente; qui imitatus pietatem majorum, advolveretur pedibus, quibus in omni humilitate osculum pangeret, cum protestatione honoris & obsequij, justè debiti, quem agnosceret unicum Salvatoris Vicarium, successorem sancti Petri, & arbitrum Regni cælestis in omnibus salutem concernentibus. In qua submissione anxie cavebat, quâ potius per civilitatem Christianam, quam ex officio fungebatur, ne verbum incideret, quo argueretur Corona ullâ temporalis ratione à sede Apostolica dependere.

Actuarius quidam Pontificis per civilitatis terminos & honoris particularis, respondet, Pontificem maximum cum magno æstimo recipere testimonia reverentia & obsequij, quæ Rex voluisset exhiberi. Ipse Pontifex nihil omittebat, quo exprimeret gaudium illud suum.

Politica reminiscencia.

Pietas Regum nostratum, & summum desiderium, quod ab omni tempore ad gloriam Pontificum augendam gessere, morem fecerunt legatis eximijs mitem-

tendis, qui de dignitate summâ gratularentur, ut sic agnoscerentur vere patres spirituales, & caput Ecclesiæ militantis, fidemque foverent obsequij in hoc genere, curam Ecclesiæ Gallicanæ recommendarent, præter personam regiâ, & Regnum, quod Deus submisisset. Exempla vetustissima licet invenire, etiam extant in monumentis Antiquitatis mandata, quibus instruebantur legati à Regibus nostratibus missi, unde clarissimè patet, obsequium duntaxat tendere, ad congratulationem & solennia civilitatis.

Manifestissimum id fit ex literis Philippi pulchri ad Benedictum XI Pontificem, quas Mærculius Guilielmus Plessæus eques, & Petrus Bellaperchius, Canonicus Ecclesiæ Carnutensis, legati detulerunt, ut hoc ipsum obsequium Pontifici præstarent. Fatendum utique Ludovicum XI. ex particulari aliqua consideratione, aliquid amplius conatum reddere Pio II. per Cardinalem Albyensem, quod tamen per Regnum fuerit improbatum, adeo ut Curia Parlamenti sermone & scripto gravissimè demonstraret impertinentiam: ipsi etiam tres Ordines Regni, Augustæ Turonum congregati de eo instituto, querebantur, uti legere licet in libellis per magistrum Johannem Duretium, Doctorem facultatis Theologicæ, & Canonicum Ecclesiæ Parisianæ, Deputatum oblatis.

Optimè novi quosdam Italos conatus protestationem illam obsequij trahere in homagium, & in notam dependentiæ temporalis, quasi Corona Galliæ in temporalibus etiam penderet à Pontifice; sed ita solent Pontificibus suis blandiri, præter ullum rationis fundamentum. Quâ enim de causa agnoscerent Reges nostrates, sese à Pontificibus quoad temporalia pendere, cum plurimi Pontifices sese agnoverint ipsorum & Imperatorum subditos, professis etiam literis? Quemadmodum Papa Gelasius scribit ad Imperatorem Anastasium; Pelagius I. in professione fidei; & D. Gregorius Magnus ad Imperatorem Mauritium in epistola quadam. Sic & Innocentius III. declarat clarissimis verbis in quodam Decretorum, Regem Galliæ
nihil

nihil sumere à quoquam homine in temporalibus.

Quomodo vero arrogabunt sibi Pontifices hanc dependentiam temporalem, quin obloquantur fidei, quam primi Ecclesiæ patres tenuere, vera utique nostræ fidei lumina, inter quos Tertullianus particulariter in Apologerico Reges uni Deo subicit, & sanctus Hieronymus in explicatione illius loci apud regium Psalten, *Tibi soli peccavi*, ait, Regem illum summum uti vocabulo soli, quod Deus solus sit Regibus superior? Facile possent & cæterorum testimonia apponi; sed consultius puto dicere, hanc protestationem obsequij fieri potius per humilitatem Christianam, quam per reverentiam civilem, aut per obligationem ac officium; eodem quo Pontifices diversi modo, continuo post susceptam dignitatem plurimis Regum nostratium transmissere professionem fidei suæ in forma autentica, ut sic testarentur benevolentiam suam.

Bonifacius VIII. suam misit obsignatam in plumbo, ad exemplum illius Pelagianæ. Adon annotat in Chronico, Adriano mortalitatem exuente per annum nonagesimum sextum supra septingentesimum, Leonem Pontificem successorem extemplo duos legatos ad Carolum Magnum, qui exhiberent claves Confessionis D. Petri, & vexillum Urbis Romæ. Stephanus V. misit paulo post susceptam dignitatem legatos ad Ludovicum pi-um, qui deferrent magna munera, pignora scilicet amicitiae. Inveniuntur in Regio Archigrammateo plurimæ Bullæ particulares, quos alij atque alij Pontifices ad reges nostros destinârunt, qui eos de consecratione sua facerent certiores, & benevolentiae securos.

Hinc Cardinalis Guyssius, Carolus Lotharingiæ, obsequium Pontifici deferens, nomine Regis Henrici II. anno quadragesimo septimo, post sesquimillesimum, inter cætera referebat legibus sacris constitutum esse, ut Pontifices continuo post susceptam dignitatem, mittant legatos in Galliam, ad firmandam amicitiam prisecam.

CAPUT VIII.

Crequyus agit cum Venetis & Pontifice.

Verumenimvero Dux, cuius alius erat scopus, ut nempe Pontificem deduceret ad favorem regiarum partium per occasiones enascentes, non amplius morabatur pompam civilitatis, quotiescunque postea audiretur: sed offert Pontifici arma Galliæ ad omnem necessitatem, cum intercessione sua, ad dissidium cum Venetis contractum; cum sciret, principem nullo fortiori vinculo alligari principis commodis, præterquam demonstratione compendij, quod Unio conferre posset. Ortum autem erat dissidium, ex confinio Gorrae, & insulis parvis illius districtus: adeo ut intra Ferraræ ambitum concurrerint Romani & Veneti infestis armis, unde ruptura planissimè metuebatur.

Pontifex, cuius potentia per pacis tempestatem maxime fulget, non carebat metu, unde intercessionem habuit gratissimam, ut etiam ejusdem memoriam videretur servaturus, ad Regis commoda promovenda. Dux Romam abit, Venetias petit, agit cum ijs, quos Senatus negotio præesse volebat. Tuillierius, regius ad rempublicam illam legatus, negotium in eam semitam disponit, ut arma utrinque recondiderentur otiosa, transactionis integræ spe non dubia. Antequam autem Romam discessisset, Pontifici fiduciam armorum regionum ad quasvis occasiones & suppetias promiserat, unde nihil cessabat, compendia inde ducere quælibet, ad Galliæ emolumentum.

Pontificem de rebus Germaniæ luculentissimè edocebat, ad oculum demonstrans, non agi de sacris, sed simpliciter de Imperio, cum principes Germaniæ tantummodo conservandi essent, in libero usu suarum dynastiarum, & jurium, quæ supremam authoritatem attingerent: Regem ægerrimo animo sensisse violentias, qui.

quibusdam Ecclesiasticis illatas, tametsi longe essent inferiores famâ, evenisse autem nunquam non adversus clarissima pactorum verba, adeoque per ipsorum principum Catholicorum errorem, qui neutras noluerint partes tenere: damna denique illa Ecclesiæ facillimè reparari per illa media, quæ Pontifici recensebat, & abunde satisfaciebant.

Confirmabat etiam animum in notitia diuturna eorum consiliorum, quæ Austriaci de invadenda Italia foverent, & ad evertendam Sedis Apostolicæ auctoritatem directè grassarentur, libertatemque Ecclesiasticorum conculcandam: pergebat Pontifici protectionem armorum regionum, quæ nunquam essent defutura, promittere. Cum autem implicare eum tentaret in ligam defensivam cum Gallia, sive defendenda esset res publica Ecclesiastica adversus Venetos, sive protegendi foverent Italiæ principes; quod Hispanos semper magis metuisset, quam dilexisset, concedere noluit, promptâ semper excusatione, quoniam constituisset patrem communem inter duas coronas ager.

Non quod præterisset demonstrare, parentem nihil impingere in officium, si alicui liberorum inniteretur, ut ab alterius violentiâ servetur; sed ingenium Pontificis per naturam timidiusculum nihil ulterius permittebat: addebat tamen, arma Sedis Apostolicæ non futura otiosa, si quis auctoritatem Ecclesiæ, & libertatem Italiæ esset invasurus.

Politica reminiscencia.

Ubi rei possunt esse fines complures, ubi tamen principalior non semper eminet. Reconditur enim in ima mentis penetralia, ubi primitus fuit inventus, ut ultimus prodeat in lucem, aliquando etiam silentio involvatur perpetuo; modo auctori suo sit commodus. Res adeo manifesta vix eget testimonio. In paciscendo ille vires jactat eximias, & animum excelsum, qui plerunque maximè trepidat. Maro nobis fingit *Æneam* duccem strenuum, serenasse spem vultu, apud gregarios,

sed ægritudinem animi effudisse in signum fidi Achatis, quem consiliorum semper faciebat participem. Id quod tantum valet, ut Alexander magnus latior ante prælia decretoria, tametsi premeret altum corde dolorem, militi animum addiderit ad victoriam consequendam: consternatus vero Sebastiani Lusitani animus, & tristior discessus & omen fecerit, & Regnum ad interitum traxerit.

Legationum plerunque solent esse diversæ rationes: Scipio de bello & pace acturus cum Carthaginensibus, mittebat potius speculatores, quam legatos; adeo ut illam partem castrorum, ubi Numidæ stationem ex juncis & arundinibus construxerant, incendio fœdare potuerit, cum fortuitum id creditum legatorum operæ deberetur. Etiam Pyrrhus per Cyneam oratorem explorat Romanorum institutum, qui referebat, totidem sibi visos Reges, quod Senatores gravissimi in Curiam convenissent, non ob pompam, quæ id temporis nulla fere erat, Dictatoribus ad stivam sudantibus, & Consulibus aratri laborem nihil dedignantibus; sed ob gravissimas sententias, & animos verè regios, rerum arduarum capaces.

Ratio hæc etiam apud Ecclesiasticos vigere videtur, qui promptum habent Ecclesiæ emolumentum pertextere, dum proprijs student commodis: quibus tamen æquior fuero, si per pietatis simplicitatem, aliorum decipiantur technis, sub velo religionis rem suam agentium. Innumeri enim sunt recessus animorum, quos genij acutissimi vix semper excutiant: neque enim de solo Catilinâ dixerit Sallustius, fuisse eum simulatorem & dissimulatorem omnium rerum, cum seculum hoc eo sagacitatis transferit, ut verè nesciat imperare, nesciat pacisci, nesciat transigere, nesciat cavere, nesciat consulere, qui simulare nec possit nec velit.

Theologorum reliquero scientiæ, an conscientia hic vulneretur, & quomodo sit emaculanda; quibus solitum est dicere, Quicquid agant homines, intentio judicat omnes, quod fatebor non de imposturis, sed de rectæ rationis usu, & fidei. Nam cum nefas sit homini Christiano,

stiano, alium decipere, aut in alium statuere, quod ip-
sus subterfugeret & doleret, commune commodum
præferendum videbitur privato.

CAPUT IX.

Segerius evehitur ad dignitatem primicerij Gallicani.

Postquam marchio Castellonovanus excidisset gratia
regia, cujus mentionem, data occasione, fecimus ad
finem anni superioris, & experientia docuisset, quanti
referret regis, custodiam sigillorum credi viris cordatis,
integris, & virtutum choro celebribus, rex oculos cõji-
cit in Petrum Seguyerum, præsidem alterum Parlamenti
apud Parisios, cui istum honorem traderet, cælitus locu-
pletatum dotibus necessarijs, & in gravissimis negotijs
spectatum. Neq; vero nudam sigillorum custodiam con-
fert, quod plerunq; solet fieri, quin literas expediri ju-
beret, quæ publice testarentur de successione in munus
primicerij, ubi Haligrius diem obiisset suum.

Optimè enim noverat, viros istarum virtutum non
vulgariter habendos, tametsi summa tanti ministri
modestia, favorem istum soli benignitati regie tulerit
acceptum. Ista electio maximam Regi conferebat glo-
riam, ex judicij excellentiâ, qui dexteram justitiæ illi
committebat integerrimo ejusdem assertori, cui ni-
hil deesset earum virtutum, quibus mortales eximie
commendantur. Prudentia Regi suggererat, sum-
mum locum deberi summis Natalibus, cum sequiores
plus invidiæ ibidem inveniant, quam authoritatis: no-
verat utique, quo honoris caractere iste esset natus, in
cujus familiâ à multis seculis summa munia cum virtu-
te conjugium contraxissent.

Quartus enim istius nominis flores liliorum insidebat
præses Mortarij in Parlamento Parisiensi, adeo ut à lon-
go tempore nemo fuerit repertus in ipsius familiâ,

qui non meruerit summa togæ munia. De Constantino Imperatore referunt, moderationem Augusti Cæsaris, virtutem Trajani, & pietatem Antonini, in ipsius confluisse caput, ut Imperium mereretur. Integritas utique præstantia, scientia, eloquentia, studium, & fides in Regem, quæ comperta dedit parens ipsius, legatus Civilis, secundum tres Præsides istius nominis, huc itidem congregari voluere; ut dignus haberetur primo iustitiæ munere.

Cumque in eo splendore sit natus, didicerat Rex, non acquievissse cum in majorum meritis, quæ aliena putârit, nisi instar Cedronum, quæ in summis montibus enatæ, altius confurgunt, suis eniteretur virtutibus ad summam famam, & laudatissimorum chorum. Vulgi opinio eum celebrabat firmissimum Iustitiæ fulcrum; quod eandem administrasset tantâ virtute, & animi sinceritate, ut blandi honores, & divitiarum irritamenta nunquam obvelaverint ipsi oculos, aut fucum fecerint inopinatum. Rex profecto sigilla non poterat deponere in manus castiores.

Fateor opulentiam, quâ sponte circumfluebat, impervium corruptionibus, fortunæ egenæ blandis, fecisse: ubi vero ad felicem illam dispositionem accessit virtus, plus æstimij ferebat ad custodiam sigillorum, adeo ut nullaprotervia auderet solummodo tentare animum; abundantia & opum & virtutis gravem. Sic igitur integritas eum præstabat ad iniustitiæ impetum inconcussum; sed & soliditas iudicij, cum acumine genij solertissimi cavebat omnē, sub- & obreptionem, adeo ut hinc ad solam veritatem, devijs declinatis, penetraret. Impositura & fucus, quantislibet artibus pollerent, nunquam satis crassa obduxere vela, quin iudicio assequeretur abstrusissima.

Visus est sæpenumero tenebras dissipare, ubi artes abdiderant vesana crimina, ut errores reorum aperiret ad supplicium, quos illi maximopere fucō innocentiae pingebant. Scientiæ etiam in ea fortunæ conditione non parum contulerant ad præstantiam insitam, ut genium tantum darent absolutum, cum ipsius familiæ proprium

primum hoc habeat conjugium, scientiarum & probitatis. Quamprimum ætas permisit rationis usum, à propinquis imbnitur, scientias mirandum addere splendorem illustribus viris, quæ eum non tantum à stupiditate & vitâ barbarâ liberent, sed etiam perpoliant, acuant, & ad quævis negotia efficiant aptum, mitiorem, civiliorem, humaniorem, venerabiliorem, & fide dignissimum

Ubi adolevit in ætatem maturiorem, ad vulgarium ingeniorum morem nihil secutus est propensionem animi in eligenda studiorum facultate, sed in ipsâ penetrabilia pervasit, ut absolveret mentem, cui nihil nimis arduum occurrebat, nihil quod capacitatem fugeret. Quæstiones difficillimas & Philosophiæ & Theologiæ excusserat, Jurisprudentiæ nunquam non vacabat, Mathesi ad recreationum momenta sepositâ. Historiam vero habebat familiarissimam, & eloquentiam naturalem, ut antequam regulas doctrinæ addisceret, eos institueret sermones, quos ob rationum pondera, verborum puritatem, suavitatem & elegantiam flosculorum, acuminam responsionum, seriem materiarum, & linguæ expolitionem nemo non mirabatur.

Quæ omnia & singula non parvi erant momenti ad munus illud sigillorum, cum illorum custos habeat in lingua Regis, qui mentem regiam in magnis Conventibus explicet, & regiè dicere debeat, instructus terminis, qui regiam majestatem deceant. De pietate ipsius nihil dicam, tametsi in viro administrationi summæ admoto debeat esse spectatissima, quod ex illa, Regni prosperitas pendere videatur: campus iste nimis est vastus, ut eum emetiri queam, de virtutibus ipsius duntaxat per occasionem locutus.

Neque etiam describere conabor, quam experientiam rerum acquisiverit Senator, supplicationum magister, Justitiæ procurator in diversis provincijs summus, & Præses Mortarij, cum vitæ institutum & fama nimiam faciebant fidem, ut nihil addere liceat, nisi id unum, neque hanc seriem parâ contribuisse apud Regem, ut istum legeret justitiæ summum sacerdotem: Liceat tam

men hanc appendicem subnectere, Regem animadvertisse virtutes istas universas, viro reipublicæ studioso apprimè necessarias cum & gratiæ addidissent corpori omnem amabilitatem, ut permanerent in morum, & facilitatem naturæ eo plus authoritatis acquireret.

Servabat semper gravem modestiam, sermo erat serius, conversatio grata & frugi, patientia ad auscultandū omnibus de quovis genere negotiorum, invicta, affabilitas in dandis responsis verè mirabilis, ejus tamen naturæ, ut nihil unquam remitteret, ubi Regis aut justitiæ interesset tantilli. Ut anaretur, solo aspectu erat opus; verborum delitiæ severitatem, quam aliquando justitia exigebat, eam trahebant, ut nemo offenderetur. Plura dicerem, si per leges historiæ regiæ liceret, tamen si laudes majestatis regiæ non sic quidem interrumpantur, cum nihil sapientiam ipsius manifestet splendidius, quam virtus, & dotes excelsæ ministrorum, quos, tanquam nobilissimas producit creaturas.

Politica reminiscencia.

Cum primicerius, & custos sigillorum, qui illius vicem gerit, locum tenet, & successurus est, summa in republica sustineant munera, oculi utique justitiæ regiæ, fiduciarij sigillorum, id est, notarij voluntatis sacræ, & gratiæ, testes secretorum, ministri consiliorum, & instrumenta declarandi instituti, & promulgandi celeberrimi judicij, nemo dubitare poterit, in ijs requiri præstantiam eminentissimam, quæ omnes illas virtutes suscipere possit, unde viri insignem adipiscantur famam. Parum refert, figulos, argillam subigentes, admodum esse industrios, cum omnis operæ damnum exiguè rependatur pretio: non eadem ratio virorum ad clavum reipublicæ sedentium, quorum errores non sunt leves, cum singulæ actiones trahant pondus; unde omne perfectum virtutis decorum ipsis præ cætero ministrorum genere conveniet.

Gallia ab omni tempore æquè ac alia imperia semper
tulit

tulit radices gloriæ fatales , quæ instat columnarum fulcirent illius molem, & videri possent cælitus destinatæ, ut candorem gratissimum liliorum adversus injurias temporum assererent, potentiam regum statumarent, & gloriam coronæ augerent. Quod compendium in summo regni ministro est conspectius, ubi ex eâ familiâ prodit, quæ solo nomine auctoritatem præfert hæreditariam, viamque ad ardua pandit.

Ad minimum existimaverim equidem, ut virtus ex nobilitate sanguinis auctoritatem trahat, cum illustriores natales eam fidem concilient, quam homo novus, quantumvis sapiens & fortis, nunquam acquirat, nisi post plurima virtutis specimina. Si nobilitas sine virtute tantummodo evadit in opprobrium, quod à virtute majorum degeneraverit, fatendum utique, virtutem sine nobilitate non magnam ferre auctoritatem: ubi vero nobilitas & virtus in eodem subjecto concurrunt, in eum conscendent gradum, qui suprema dignitate habeatur dignus.

Posuero primò in ordine virtutum, quibus eas personas ornari convenit, præstantiam summam ex natura, & acumen grande judicij, quod tenebras mendacij dissipet, veritatem aperiatur, & justitiæ lumen antegressum, vicem gerat phospori antelucani. Scientia ad illam præstantiam accedat, cum Natura sine scientiæ adminiculo sit periculosa, maximè ob facilem errorem, non absimilis agro per naturam fecundo, sed qui ex inopiâ culturæ spinas producat. Inter scientias autem illam Justitiæ & Politicæ omnium esse gravissimam, quod potissimum spectent primicerios & custodes sigillorum: hinc illi hauriunt genuinas administrationis regulas, leges Monarchiæ fundamentales, notitiam statutorum & consuetudinum, adeoque omnia magistratuum officia, iudicium munera, & artem Legislatorum.

Addam isti doctrinæ experientiam, quæ custodi sigillorum & primicerio adeò est necessaria, ut sine illa maxima lumina, quanta vis naturæ aut

studij possunt suppeditare, tantillo sint usui, uti instrumenta in manu artificis, qui scientiâ inevidentiâ nunquâ producat. Integritas etiam sit comes inseparata, mater utrique fidelitatis, & principium Zeli, quem omnes omnino viri publici tenentur exerere in administratione muneris. Integritas hominis parum præstantis semper objicit oculis bonum publicum, tamen illi non commo- det per omnes occasiones, uti cogitabat, qui verò eâdem destituitur, plerunque sistitur ad proprii emolumentum compendium quæsitum.

Non sanè præstantiæ sed fidelitatis inopia Athenienses, & cæteras Græciæ respublicas exponebat bellis exoticis & civilibus, cum elegantissima illa Orbis pars tot Philosophis, oratoribus, & clarissimis viris nunquam ante claruerit abundantius, quam ubi occidere capit. Desiderium enim effrene apud viros tantos præferbat priuatum publico, dum ipsi rerum potirentur, adeo ut in symptoma corporis humani rueret, ubi stomachus, cujus partes sunt, cibum in omnium & singulorum membrorum coquere usum, eundem sibi soci coquit & seruat.

Eloquentia non parum inserviet illis in frequentissimis occasionibus, ubi tenentur vicem organorum subire, quæ regum judicia pronunciant, & voluntates declarant. Et ut verum dicamus, Eloquentia sanè hominem cæteris facit superiorem, quod orator Romanus agebat, quantum sermo hominem à brutorum discernit generibus. Quod si eam decoram & utilem cuiquam dixerimus, minuter rei publicæ eâ neutiquam carere voluerit, cum nihil æquè conciliet auctoritatem viro in publico versanti, ac sermonis, meditationisque concinnitas. Hinc existimaverim, eloquentiam eo magis ipsi necessariam, quod persuadeat, & popularibus ingerat, quicquid sapientia cognoscit, prudentia constituit, & iustitia definit; adeo ut sine ipsâ consilia sapissimè prudentissima in effectu langueant.

Non improbaverim, viros legi opulentos, qui ad sum-
mos

mos honorum gradus evchantur, tum ob divitiarum justam possessionem, quæ plurimum fidei conferat virtuti; tum quod instrumenti loco sint, ad ipsam excitandam, & consilia justissima juxta ac generosissima exequenda. Hinc viro publico necessarias crediderim, cum experientia comprobet, sine ipsis sæpissimè debilem & languentem videri virtutem, adeo ut meriti quidem expers coram Deo, actione tamen careat, fructu juxta & gloriâ apud homines.

Si denique bona corporis inveniantur juncta cum dotibus animi, & fortunæ in viris illis præclarissimis, non parum inde suscipient authoritatis; cum pulchritudo & majestas corporis tantum possideant roboris ad captivandos animos, sub obsequium, & reverentiam, persuasionemque quamlibet, ut à priscis haberetur digna imperio & coronâ,

CAPUT X.

De electione, quam rex instituit ex consilio Cardinalis, Prælatorum & eruditorum, & piorum.

NEcessum est, Ecclesias ab Episcopis administrari, quorum doctrina & pietas popularibus præbeant exemplum, in peregrinatione terrestri, quæ ad cælos deducit: unde ad rempublicam etiam redundat emolumentum. Hinc nobilissimorum consiliorum non fuit postremum illud, quo Cardinalis animum Regis confirmare avebât, in conferendis Episcopibus, quas Rex viris dignissimis constituerat distribuere, quorum operam & Deus & respublica haberent gratam, adeo ut dignitas illa in posterum penitus negaretur pueris, aut luxuriosis, & maculatis, quod hætenus non raro evenerat.

Sic paucorum annorum correctione Gallia faciem mutavit, & Regnum viris incipiebat abundare præstan-

tibus per virtutes eximias. Id enim usu venit in omnibus vacantijs, inde à primo Cardinalis ministerio. Distuli vero singularem virtutem in hunc annum, qui præ cæteris nobis præbet exempla illustriora. Postquam enim perduellio Episcoporum per Occitaniam exolevisset, Cardinalis Regi proponit Cohonem, qui Nemausenses; Grilietum, qui Uscios; & Vilasclum, qui Briocenses curâ episcopali complecterentur.

Rex igitur, cujus pietas æquat minimum justitiam, quâ subditis sit venerabilis, expensis tantorum virorum meritis, dignos censuit; qui eos honores ferrent. Cathedras enim apud Parisios à decennio reddiderant celeberrimas, ad popularium gaudium, & eloquentiæ sacræ admirationem. Quod si Evangelisantium sermo animam debeat mutuari à vitæ instituto laudato; jam compertum dederant, non minorem sibi virtutis & eloquentiæ esse curam, quam studij ferventissimi erga Regem compendium, ut populares contineantur in obsequio, quod debent Dei legato in his terris.

Politica reminiscencia.

Itus Episcopos constituendi ex antiquissimis Coronæ competere: & quinam Episcopi sint legendi, ad reipublicæ emolumentum.

INter jura istius Coronæ illud de Episcopabus constituendis, faciliè connumeratur illustrioribus æquè ac antiquissimis. Primi enim Episcopi Ecclesiæ Gallicanæ, qui semper luculentissima astra fidei nostræ sunt habiti, id agnoverunt ab exordio hujus Monarchiæ, in Concilio V. Aurelianensi, ubi sanxerunt, ne quis Episcopus consecraretur præter voluntatem Regis: cujus Sanctionis usus adeo est evidens per historiam, ut sola ignorantia ambigendi inveniatur rationem.

Gregorius Turonensis refert, mortuo Quintiano Epif-

Episcopo, Gallum ipsi surrogatum esse, & intercedente Rege factum Episcopum Avernensem, cumque à morte Galli id ageretur, ut presbyter Cato succederet, Archidiaconum Cantinum præoccupasse Regem, per primum de Galli obitu nuntium, & sic jubente eodem constitutum fuisse Episcopum. Alibi ait, Nonnichium in Episcopam Nannetensem transiisse post Felicem, per statutum Regis, & Vitum in Viennensem; quemadmodum Childebertus sanctum Germanum fecerit Episcopum Parisiorum; Clodomirus Omatium dederit Turonibus, Clotarius Sanctum Medardum Veromanduis, & Euphronium itidem Turonibus.

Scatet historia istiusmodi exemplis, quæ recensere supersedemus, ne operam ludamus, cum ista superiora satis clare asserant jus illud. Quis vero dubitaverit, cum reges nostrates cum corona acceperint potestatem constituendi, quæcunq; faciunt ad regni emolumentum, & tranquillitatem popularium; electio deniq; Episcoporum non sit actus pure Ecclesiasticus, sed qui æquè concernat bonum publicum, ac salutem animarum?

Episcopis est potestas miranda in animos popularium, ut eos attrahant per vincula pietatis & religionis in quacunq; partem, quod compertum fuit per tempestatē Ludovici Pij, qui à regno fere fuisset remotus per factionem Episcoporum, quod etiam per Occitaniam postmodum patuit, ubi quinque aut sex illorum facem tulerunt, ad incendium belli civilis. Imperium etenim in animos miræ est potestatis, & arma illa, licet spiritualia, magis sunt metuenda, quam scelopetorum vulnera, & hastarum ictus: facillime enim subigitur corpus, postquam fecit deditionem: tum enim sese consequuntur per necessitatem indyulsa. Hinc promotio Episcoporum nullo non tempore à regibus nostratibus pendit; ubi summè necessarium semper visum, eos viros istis dignitatibus legendos, qui constituti populares & doctrinâ & exemplis instituerent, nec tumultibus, aut damnis rei publicæ vacarent. Cum denique rei publicæ salus cohæreat cum religione, & summus religionis splendor magis pendeat à vigilantia & cura


Episco-

Episcoporum, secundum incrementum cæleste, quam ex ulla aliare, nunquid fatebimur, eos fundamenti rationem sustinere?

Quis enim populares validius in fide, quam principi debent, in obsequio erga magistratum, in pietate erga parentes, & in iustitia, quæ est vitæ agendæ normâ, confirmet? hinc igitur maximi mōenti fuerit in administratione reipublicæ, eos viros non legi, nisi tanta reipublicæ queant conciliare commoda. Nihil hîc accumulabo de officio ipsorum erga principem, & obsequio, magistratibus debito, ubi id unum postulavero, ut sint viri boni; cum libertini mala opèrentur, & nihil pen-si habeant, populares in officio continere.

Sed nunquam comprobavero, viros in Zelo proter-
vos, quod hoc genus pernitiâ curam non raro confu-
siones & tumultus cieat, quibus sedandis postmodum
impares evadant. Finiam, ubi addidero, celebres ho-
miliarios eo digniores Episcopabus, quod functio illa
cum populo agendi in exordio Ecclesiæ Episcopis solis
relinqueretur, presbyteris tantummodo honoris ergo
indulta, idque per diversa tempora, secundum locorum
diversitatem. Orientales enim primi eam potestatem
fecere presbyteris, quod manifestum sit ex Pierij &
Chrysostomi exemplis, qui presbyterorum tantum mu-
nere functi, cum populo agebant, ille Alexandrino, hic
Antiocheno. Neque enim id solebat ferri in Africa an-
te sanctum Augustinum, cui presbytero saltem pote-
stas concionandi apud Hipponenses facta est ab Episco-
po Valerio, sine ullo exemplo; adeo ut consuetu-

do ista in Galliam fuerit introducta to-
to seculo clapso, post Con-
cilium Vasiën-
se.



CAPUT XI.

Rex Declarationem facit, quâ tres officiales, duo ex Parlamento Parisiensi, & unus ex Camera rationum, privantur honoribus.

NON adeo diu, post præsidis Segerij auctos honores, cum jam custodiam sigillorum gereret, Præfidentis Coniæi sinistra vitæ ratio, Delandæi Senatoris Parlamentaris perversitas, & Monsigoti, qui magisterium rationum in Curia Parisiensi gerebat, exorbitantia, Regem adegere, ad munera illa auferenda. Per historiam superiorum annorum recensuimus acta perduellionis, quâ impediri voluere, hic dicam, turpe Regi, & ad res Galliæ celebrandas grave, duo Parlamenti Parisiensis membra summa versari apud Exteros, cum id Parlamentum sit Parium; quibus accedebat magister summæ Curiæ, rationes publicas administrantis.

Perduellionis manifestissimæ agebantur rei, qui provincias obirent, ut supplicium meritum effugerent, unde notam pristinæ authoritatis in illis tolerari nefas visum, quasi innocentiae argumentum, & officij constans. Constituit igitur Rex eos priuare honoribus; ut autem exequeretur hunc iustitiæ actum, ex ordine, ipse vadit ad Parlamentum, occupat thronum iustitiæ, promulgat Declarationem, quæ statutum Blæsenfense explicabat, maximè ubi sancitur, quibuscunque læsæ majestatis crimine reis, & nominatim regiæ majestatis ministris nefas esse ullo unquam tempore redire ad munera solita: quod statutum de reis perduellionis convictis, & crimine læsæ majestatis intelligeretur, per deserta vadimonia, & contumaciam.

Eodem numero censebantur præsentis, quorum causa instrueretur; cum fieri ne utique possit ut ligarum complices, & tricarum sarcinatores, qui aduersus regis

com-

cōmoda egissent, eādē dignitate amici adessent, quæ radios spargit regiae potentiae. Præterea & caput vicesimū octavum statutorum Molendiniorum, antiquioris præ Blænsibus notæ producebatur, ubi damnatis per desertionem vadimonij & contumaciam, indulgetur quinquennium ad expurgandum crimen: quod tamen istorū bono non posset accommodari, cū regia majestas jubeat, judicia in reos crimine læsæ majestatis lata, quamvis per desertionem vadimonij & contumaciā ageretur, executioni mandari, quamprimum fuissent promulgata, quantum honores spectaret ademptos, quibus neque per literas, neque ullo alio modo restitui possent.

Hæc eadem Declaratio trahebat præsidis Coniæ & Delandæi exauctorationem, ob crimen læsæ majestatis, cū damnati essent per contumaciam, eo minus dignigratiā ullā, quod rex indulgisset mensem integrum resipiscentiæ, ut in Galliam redirent, addito etiā restitutionis promisso; ipsi vero oblata clementiæ neglexissent. Rex eundem promulgat literas patentes ad creationem similium munerum, ut Lamoniensem, præsidem modo tertiæ Curiae inquisitoriae, faceret præsidem Mortarij, & Hæum Vantelæum, magni consilij Senatorem, faceret consiliarium Parlamenti. Præsens exigit jusjurandum, & locum officij imperat.

Comes Sueffonum adierat Curiam rationum ex regis autoritate, ut parem Declarationem promulgaret ad versus Monfigotum & literas patentes adderet, quibus Ruæus jubebatur magisterium rationum suscipere. Sic Rex tres officiales perduelles exculsit, ut cæteri discerent, cum nulla possideant auctoritatem, quin à benevolentia ipsius fluat, eadem ipsos exuendos, quamprimum judicarentur indigni ex perduellionis vefania.

Politica reminiscencia.

QUO tempore reges magistratus instituebant, cōmunicatā aliquā potentiae, parte nō eximebant eos obsequio, sed hic affirmabant coronas, novis tibi cinibus, qui populares sub exēplo & jure dicundo in officio subiectioni-

tionis continerent. Hunc sibi finem proponunt, cū eā dignitatem circundant, hinc fit, ut populares iussi eorū stare definitionibus ad lites terminandas, simul magistratibus inculcetur exemplū submissionis, & integritas iudiciorū. Si enim magistratus hoc debēt popularibus, illud sponte debebunt ipsi regibus per graviorē obligationē, quod bonū publicū ad id invitet, constitutio Monarchiæ id definiat, gratitudo id postulet, & iustitia id imperet.

Quæ vero insania, stellas obfuscare Solem, à quo omne lumen mutantur? Quæ confusio rerum, inferiores calorū sphaeras obluētari primo mobili? Quæ deniq; causa, cur magistratus, qui omnē authoritatē a regibus sunt adepti, ut illa coronæ constet, & populares obsequium colant, in perduellionem ruant, & populares perverso instituto præcipientes trahant, ad idē exemplum? Intellegant, inobedientiā illā candorem liliorum detergeri, quo ipsi eminebant: cum debuissent eadem culturā sollicitā complecti, ut pulchritudinē Gallis redderent venerabiliorem, & potentiam Exteris formidandam, pessimo suo exemplo, quod alij sequuntur, alij in suum vertunt commodum, periculum creant penitus amittendi splendoris; unde semet indignos faciunt, qui insideant lilia.

Nunquid norunt, suam obedientiam, & integritatem iudiciorum fundamenta jacere popularis submissionis? Itaq; perduellio ipsorū tātō minus dissimulabitur, quod tolerari nequeat sine confusione omniū rerū. Plebes refert argillā, quæ nullā sponte præbet figuram, facile suscipit quācūq; à figulo impressā. Cum enim per oculos magistratuum potissimum negotia dispiciat, non operose motu ipsorum ducitur, adeo ut reprobet, quæ illi improbant, & detractationem principis sequatur.

Per eas igitur occasiones tenentur reges imitari exemplū Solis, qui, lunā intercurrentem, ne radios in inferiora spargāt, quā prius omni fulgore ornaverat, continuo exuit, argento chrysellino in corpus obscurum & opacum converso. Ibi demū reges recipient manū iustitiæ, quam tradiderant ante perduellionē, ut eadem castigent refractarios; tum demum iustitia etiā clementissimorū per tāta adigitur crimina, ne potentiæ videat obfuscarī splendorem, ut fulmina rigoris arripiat, quæ perduelles comminuat.

CAPUT XII.

*Diverse mutationes hoc anno factæ in præfecturis
provinciarum & munimentorum.*

Non hoc tetit gradu vicissitudo honorū per hunc annum: gubernatores provinciarum & munimentorum custodes permutantur, sive summa rerum crederetur viris à divisionibus alienissimis, quæ metuipoterant ex Aurelianensis absentia, sive rependerentur merita virorum egregiorum, quibus recentendis hanc operam dicavi.

Mareschalcus Thoirasius, Casalæ gubernator, locum fecerat suspicionibus, tametsi fidem servaret inconcussam, quod postmodum patuit, & locus tanti sit momenti, ut nihil ludi possit in illius conservatione. Rex ipsi submittit Tavannæum, Mareschalco copiâ factâ, per Italiam alicubi subsistendi, cum tergiversaretur ad aulam redire: Malissius Centurio excubiarum legionariarum, mittitur eodem tempore, qui Pinierolæ susceperet præfecturam: Dux Vantadurij dicitur gubernator Lemovicum, cumque secundariam administrationem Occitanie in manus Regis deposuisset, placuit eandem in quatuor partes dispescere, quas Comiti Turnonio, Vicecomiti Arpajovio, Marchioni Ambræo, & Vicecomiti Poliniaco largiretur.

Comes Jonsaci dicitur gubernator & legatus generalis Regis apud Saintones, Enculismenses, Auaisios, & Rupellanos: Baro Ponchastellanus, dicitur legatus generalis Britannie inferioris; Comes Palissæ, dominus Sancti Geroni, præfecturam Borbonij, aufert, comes Cheraveti, custodiam Stenæ; Serreus, primus centurio legionis Picardicæ, illam Jamessij; Dux Valettæ, administrationem Episcopatus Metensis; dux Chaunæ, illam Picardie; Dux Alyini, illam Occitanie & Magonæ; marchio Senestæus legationem Burgundie, in
Bali-

Balivatu Matifconensi: adeo ut pauci occurrant anni,
qui tantam mutationem unquam viderent.

Politica Reminiscencia.

*Summi esse momenti, gubernacula provinciarum
& munimentorum tradi viris fidissimis, per
metum divisionis civilis.*

TUM demum advigilandum, ubi metui potest dissidium civile, præfecturas provinciarum & munimentorum in manus deponi eorum, de quorum fide possimuseffe securi. Planissimè adprobo consuetudinem Regis Hispanici, qui gubernatores identidem mutat. Historiæ ignarissimum esse oportet, quem lateant officia maxima, quæ Gonsala Regi Aragoniæ, domino suo, in Regno Neapolitano reddidit: Rex tamen prudens & sagax, administrationem ipsi nunquam volebat esse perpetuam, ne auctoritate, quam acquisiverat, abusus, id sibi usurparet.

Sic Galliarum provincia Julio Cæsari in quinquenni-um prorogata, audaciam peperit invadendæ libertatis Romanæ: memor igitur, nihil adeo inflâmâsse ambitionem imperitandi, post hanc prorogationem, Romanæ que reversus, confecto bello Africano, legem sanxit, quâ Prætori ultra annum non licebat cum Imperio esse in provincia, quod tempus Consuli geminabat. Gubernator enim, qui provinciam aliquam diutius obtinuit, tot sibi facit creaturas & clientelas, tot familiaritates nectit, ut pro lubitu postmodum ibidem grassari queat, instar reguli cultus; unde proximum faciat gradum ad perduellionem, ambitione, quam Magnates habent solitam, vertiginem quamcunque cerebro suffundente. Hinc Dictator Mammercus primum habebat dicere, angustius gubernatorum tempus, esse certissimam libertatis publicæ custodiam.

Cum post aliquot annos mutantur gubernatores, alijs subinde surrogatis, princeps longe plures facit rerû ardua-

duarum capaces, dum alij atque alij non pauciores, adhibentur. Id vero in republica non exigui fuerit momenti, cui viri periti negotiorum nunquam abundare possunt. Quemadmodum etiam memoria novorum beneficiorum mortales facit tenaciores gratitudinis, nihil dubitem, Reges vel inde ferventius sentire studium Magnates, gubernationi ex longo tempore adfueti, eas radices agunt, ut provinciam peculium suum æstiment, gratitudine debita erga fruitionis auctorem, apud mentem parum proficiente; ubi viceversa qui nuper possessionem adivit, ex recenti memoria favoris suscepti, longe maiorem Zelum & fervorem demonstrat.

Optime novi, hanc regulam Magnatum plurimis displicere, crediderim vero ambitionem potius, quam sanam rationem eos ducere. Dicam etiam, sic fortunæ ipsorum parum consuli, cum gubernatione provinciae aut munimenti per aliquot annos rite defuncti, meritis suis concilient literas patentes, ad possessionem lautiores. Optandum denique foret, ut proprii penſi non sumtâ habitâ ratione, Quinti Fabij Maximi mentem induerent, qui quantum Consul, expendebat, patrem, avumque & abavum sæpius hac dignitate fulſiſſe, honores autem maximos per familias perpetuari periculolum, omnem adhibuit operam apud populum Romanum, ne idem honor filio obtingeret.

C A P U T XIII.

Creantur Equites Spiritus sancti.

REx à pluribus annis tanta specimina virtutis à Nobilitate acceperat, ut non videretur posse negare honores ordinum equeſtrium plurimis Candidatis. Majestas etiam regia, cui propensio admodum particularis ad coronandam virtutem, constituit honoraria ista præmia distribuere, quâ mentem Cardinalis fir-

mabat, postquam perspexisset, non validioribus catenis, nisi honoris Nobilitatem Galliae ad regis commoda adstringendam, adeo ut hinc posset incrementum virtutis & fidei sumi, per tot occasiones testatae.

Cum igitur sese liberum cerneret verno tempore, exercitu praesentiam majestatis nondum poscente, placuit solennitatibus quibus Equites Spiritus Sancti initiatur, defungi, insertis in omnia loca vacua generosis. In ista vero occasione non potest satisfieri universis, cum nunquam congruat candidatorum multitudo cum paucitate vacuorum, nemine non sua praedicante officia: Hoc demum licuerit uti instituto, ut praferantur, qui eminent per Natales, aut per operas, aut per singulare principis desiderium, cui aequum est, aliquam libertatem favoris conferendi concedi: hanc enim viam rex instituit.

Ut autem sese penitus conformaret ad statuta Ordinis, ante omnia mandat Cardinali Lugdunensi, Elemosynario Galliae summo, & Commendatori Ordinis, inquirere de religione Catholica, Apostolica & Romana, de vita & moribus eorum qui proponebantur adscribendi militiae sacrae, & comperta quaptimum clausa ac sub sigillo mitteret. Rex dehinc congregat Capitulum militiae ad Potes delitiarum, ubi solennitas peragebatur, convocatis omnibus equitibus per Bullionem, custodem sigillorum in illa militia indicat, volupe sibi futurum, si ante creationem Equitum sententias illorum de perduellione & feloniam Ducis Elbavii, & Marchionis Veteris uillani intelligeret, qui ex regno exiverint, & arma contra regem tulerint, adeoque in statuta militiae impeerint, indigni qui ei numero accenserentur, digni quibus honos demeretur.

Bullionem addebat, videri sibi Caroli Burgundi institutum, adversus Carolum Brabantinum matruellem, maxime imitandum, ut per Equitum scitum arma ipsorum revellerentur confringenda, loco vacuo tabella affigeretur, quae sententiam, & causas diminutionis doceret. Omnes omnino Equites custodi

sigillorum accedebant, præter Marchionem Trænclij, qui censebat hoc vel illud irrogandum. Sic igitur sententia expuncti honoris promulgatur, & executioni mandatur, etiam ante creationem novorum Equitum.

Secundum hanc sententiam Rex legi jubet clarâ voce catalogum eorum, quos militiæ sacræ sacramento associari placebat, nominatis octo Equitibus, qui interessent examini, quod de Nobilitatis natalibus, vitâ & moribus instituebatur. Proponit deinde litigium inter Duces & Pares, adeoque Duces non Pares, quo ordine & loco conspiciendi forent in solennibus: scitum, omnes Duces in universum processuros ex ordine creationis, cum Pares in Conventionibus locum non teneant. Statutum etiam, si qui dicti Equites non adessent tempore Promotionis, ad suscipiendum sacramentum militiæ, illud ne mitteretur. Quartus igitur decimus Maij definitur solennibus: adest Rex, instat articulatim statutis, & sacramento militiæ sacræ insignit.

1. CARDINALEM RICHELIIUM.
2. CARDINALEM VALETTANUM.
3. ARCHIEPISCOPUM PARISIENSEM.
4. ARCHIEPISCOPUM BURDIGALENS.
5. ARCHIEPISCOPUM NARBONENS.
6. DUCEM LONGAVILLANUM.
7. COMITEM HARCURTIIUM.
8. COMITEM ALETISIUM.
9. DUCEM TRIMULIANUM.
10. DUCEM VANTADURIUM.
11. DUCEM ALVINIUM.
12. DUCEM BRISSACUM.
13. DUCEM CANDALIUM.
14. DUCEM VALETTANUM.
15. COMITEM TONNERIUM.
16. MARESCHALCUM ESTRÆANUM.
17. DOMINUM VAUBECURTIIUM.

18. DOMINUM SENETERRANUM.
19. VICECOMITEM POMPADURIUM.
20. MARCHIONEM NESLÆUM.
21. MARCHIONEM GORDÆUM.
22. COMITEM LANNOIUM.
23. MARCHIONEM VARENNÆUM.
24. MARESCHALCUM BRESÆUM.
25. COMITEM BRASSACUM.
26. COMITEM NOALIANUM.
27. DOMINUM POJANNIUM.
28. MARCHIONEM FOSSÆUM.
29. MARCHIONEM BURBONNIUM.
30. VICECOMITEM POLLINIACUM.
31. VICECOMITEM ARPAJOVIUM.
32. MARCHIONEM ALVYÆUM.
33. COMITEM SAULISSIUM.
34. COMITEM ORVALIUM.
35. DOMINUM SANSIMONIUM, primum
stabularium.
36. BARONEM PONCASTELLANUM.
37. DOMINUM PONCURLÆANUM.
38. DOMINUM MESLERÆUM.
39. MARCHIONEM MORTEMARTIUM.
40. DOMINUM VILLEQUERIUM.
41. COMITEM TURNONIUM.
42. DOMINUM MÆLLERÆUM.
43. COMITEM TIANGÆUM.
44. MARCHIONEM AMBRÆUM.
45. COMITEM PARABEREUM.
46. DOMINUM MONCAUREBIUM.
47. DOMINUM LIANCURTIUM.
48. DOMINUM SANSIMONIUM majorem.

Non lubet otium impendere describendis solennibus per minutias, cum nihil habeant commune cū instituto nostro; dicam saltem ad conclusionem, regem testatum fuisse per illam compensationem honoris, notissima sibi esse & honorum, & facinorum egregiorum momenta, quæcunque à Nobilitate præstarentur.

Politica reminiscencia.

Compensatio facinorum robustissimè fulcit rempublicam, æquè ac scelerum punitio. Unde Socrates interrogatus, quam rempublicam censeret optime gubernari, respondit, Ubi boni ferrent præmia, improbi supplicia. Xenophón arbitratur, cum homines naturam plus fortitudinis teneat, quam formidinis, incitandum potius præmijs, ad laudabilia, quam supplicijs. Quid enim non audebunt certare post victoriam opum, aut honorum? Hinc Plato, libro quinto de republica rectè statuit, in quibuscumque indulgendum juventæ, per bellum strenuæ, adeo ut etiam plurimum fæminarum usum habeant liberum, ad augendam rempublicam, fortitudinemque propagandam.

Libertas quidem illa dissoluta adversatur legibus Christianæ fidei, etiam experientiæ, quæ sæpius ostendit, rarissimè heroes generare sibi similes. Verum enimvero statutum illud de connivendo ad actiones quasque virorum fortium, quadrat cum legibus omnium rerum publicarum, quæ bene constitutæ laudantur. Sic Homerus, ut testaretur de Agamemnonis laudabili administratione, depingit illum per omnia convivia plebunque honoratum, quotiescunque Græci in exercitu delitiarentur, armo bovino integro, quod maxime regium habebant.

Ad hoc igitur exemplum Plato statutum suum exculpit de honorandis per convivia fortibus, ut auferant cibos pretiosos, & coronent pocula: addit etiam hymnorum symphoniam in laudes ipsorum, ut cæteri habeant, quod imitentur. Quod si flamma disperit, lignis non suppositis, languescit itidem fortitudo, nisi præmi-

a fe-

aferat condigna : omnia sursum deorsum versantur in republica, ubi viri cordati ceniuntur cum ignavis & ineptis, adeo ut animi optimi lethargo corripiantur, nisi persplendorem honoris, qui egregijs actionibus convenit, excitentur.

Notandum autem præterea; compensationes ad modum militiæ esse disponendas, cum miles plerunque opulentiam quærat præ honoribus, quæ mens in præmijs ipsi aptandis fuerit tenenda : nobilitas vero, cui nihil magis cordi, quam honor, recipiet honoraria, quantivis pretij. Venetorum hoc est institutum, post memorabile prælium ad Taram : ubi Marchio Mantuanus à munere gubernatoris transivit ad Imperium summum apud exercitum; gregarij autem, qui sese strenue gesserant auctarium stipendij caperent, constitutis diversis compensationibus, quibus liberi in prælio occisorum fruerentur : dotes adnumerabantur filiabus, & mutilatis lauti redditus.

Romani longe pluris faciebant honoraria, quam præmia alia; unde major laus ducitur, quod honor opes longissimè superet. Coronarum obsidionalis præstantissima, quæ tamen ex herbis & cespite contorquebatur, adeo ut aurea, gemmishorrida, minoris esset, ex honoris arbitrio. Nec major honos per rempublicam patebat triumpho, qui tamen triumphantibus nullam opulentiam conferebat, quibus post solennia curus & vestis triumphalis, & seriem summæ magnificentiæ, necessum erat privatam colere vitam in Urbe, nullo prorsus emolumento, post gloriam actionibus egregijs quæsitam.

Cneus Ovilius dignissimè sibi satisfactum putabat, post finitum bellum Punicum primum, cum respublica ipsi permitteret anteambulæm buccinatorem; & Pompejus, per potestatem & usum togæ triumphalis, in omnibus festivitativibus publicis; & Cæsar per privilegium laureæ perpetuæ; quæ honoris signa tanti

viripotiora habebant præ omnibus Imperij divitijs, quæ offerri potuissent.

Non lubet otium impendere describendis solennibus per minutias, cum nihil habeant commune cū instituto nostro; dicam saltem ad conclusionem, regem testatum fuisse per illam compensationem honoris, notissima sibi esse & honorum, & facinorum egregiorum momenta, quæcunque à Nobilitate præstarentur.

Politica reminiscencia.

Compensatio facinorum robustissimè fulcit rempublicam, æquè ac scelerum punitio. Unde Socrates interrogatus, quam rempublicam censeret optime gubernari, respondit, Ubi boni ferrent præmia, improbi supplicia. Xenophon arbitratur, cum hominem naturam plus fortitudinis teneat, quam formidinis, incitandum potius præmijs, ad laudabilia, quam supplicijs. Quid enim non audebunt certare post victoriam opum, aut honorum? Hinc Plato, libro quinto de republica rectè statuit, in quibuscunq; indulgendum iuventæ, per bellum strenuæ, adeo ut etiam plurius feminarum usum habeant liberum, ad augendam rempublicam, fortitudinemque propagandam.

Libertas quidem illa dissoluta adversatur legibus Christianæ fidei, etiam experientiæ, quæ sæpius ostendit, rarissimè heroes generare sibi similes. Verum enimvero statutum illud de connivendo ad actiones quasque virorum fortium, quadrat cum legibus omnium rempublicarum, quæ bene constitutæ laudantur. Sic Homerus, ut testaretur de Agamemnonis laudabili administratione, depingit illum per omnia convivia plerunque honoratum, quotiescunque Græci in exercitu delitiarentur, armo bovino integro, quod maxime regum habebant.

Ad hoc igitur exemplum Plato statutum suum exculpit de honorandis per convivia fortibus, ut auferant cibos pretiosos, & coronent pocula: addit etiam hymnorum symphoniam in laudes ipsorum, ut cæteri habeant, quod imitentur. Quod si flamma disperit, lignis non suppositis, languescit itidem fortitudo, nisi præmi-

aferat condigna : omnia sursum deorsum versantur in republica, ubi viri cordati ceniuntur cum ignavis & ineptis, adeo ut animi optimi lethargo corripiantur, nisi per splendorem honoris, qui egregijs actionibus convenit, excitentur.

Notandum autem præterea; compensationes ad modum militiæ esse disponendas, cum miles plerunque opulentiam quærat præ honoribus, quæ mens in præmijs ipsi aptandis fuerit tenenda: nobilitas vero, cui nihil magis cordi, quam honor, recipiet honoraria, quantivis pretij. Venetorum hoc est institutum, post memorabile prælium ad Taram: ubi Marchio Mantuanus à munere gubernatoris transivit ad Imperium summum apud exercitum; gregarij autem, qui sese strenue gesserant auctarium stipendij caperent, constitutis diversis compensationibus, quibus liberi in prælio occisorum fruerentur: dotes adnumerabantur filiabus, & mutilatis lautis redditus.

Romani longe pluris faciebant honoraria, quam præmia alia; unde major laus ducitur, quod honor opes longissimè superet. Coronarum obsidionalis præstantissima, quæ tamen ex herbis & cespite contorquebatur, adeo ut aurea, gemmis horrida, minoris esset, ex honoris arbitrio. Nec major honos per rempublicam patebat triumpho, qui tamen triumphantibus nullam opulentiam conferebat, quibus post solennia curus & vestis triumphalis, & seriem summæ magnificentiæ, necessum erat privatam colere vitam in Urbe, nullo prorsus emolumento, post gloriam actionibus egregijs quæsitam.

Cneus Ovilius dignissimè sibi satisfactum putabat, post finitum bellum Punicum primum, cum respublica ipsi permitteret anteambulum buccinatorem; & Pompejus, per potestatem & usum togæ triumphalis, in omnibus festivitatibus publicis; & Cæsar per privilegium laureæ perpetuæ; quæ honoris signa tanti viri potiora habebant præ omnibus Imperij divitijs, quæ offerri potuissent.

CAPUT XIV.

*Instituitur Parlamentum apud Metenses Medio-
mauricum, postquam rex sibi subiecisset no-
merum oppidorum & munimento-
rum per Lotharingiam.*

CUM Rex sibi subiecisset oppida & munimenta Episcopatus Metensis, Tulliani & Verodunensis, Coronæque inseruisset complures districtus & dynastias avulsas, necessarium duxit, ut populares in obsequio & pace contineret, jura etiam Regni ibidem assereret, summæ justitiæ tribunal erigere, cum potestate integram judicandi definitivè de omni genere causarum civilium & criminalium. Invitabatur Majestas regia precibus reiteratis, quas omnes oppidorum & provinciarum ordines adhibebant ex promisso Henrici Magni, ut sic maximè obviam iretur abusibus magnis, quibus justitiæ administratio scatebat.

Erant enim magistratus plerique rerum imperiti, quibus vacabant, & coercendæ videbantur Ducum Lotharingiæ usurpationes, qui sæpissimè ausi fuerant pronuntiare judicia suprema in locis, & de personis à Gallia dependentibus. Constitutum id ab exordio anni: sic Curiam supremam instituit Rex, titulo Parlamenti, in provincijs & Episcopatibus Tullij, Metis & Veroduni, sed de illâ Metim firmatâ, tum propter commodam situationem, tum propter amplitudinem, & confluxum popularium ex omnibus partibus, tum quod revera olim fuisset metropolis Austrasiæ, non postremum Coronæ decus.

Placuit, ibi esse Præsidem summum, sed alios Præsides, quadraginta sex Consiliarios, quorum sex ex Clero, cæteri ex laicis legerentur, Procuratorem generalem, duos Advocatos generales, & in universum omnes cæteros officiales, ad rationem cæterorum Parlamentorum,

torum, qui justitiam exercerent definitivè, & nominatim in oppida & personas istorum Episcoporum, etiam Musonij, Castellorenaldi, & districtuum cohærentium, nullâ consideratione habitâ supremi alioqui juris, quod alicubi viguisset.

Cum autem desideraret legere viros Parlamenti actionibus dignos, munus summi Præsidis imponit Bretonio; cæterorum Præsidentum, Charpentario, Blondovio, Tresilono, Viniero, & Chanteclario, qui omnes habebantur celebres; procuratoris generalis, Parisio, magistro supplicationum; & duorum Advocatorum generalium Greslerio Remeforto, & Fardolio. Omnibus injunctum, irent cum quatuor magistris supplicationum, & quinque aut sex Consiliarijs denominatis, & Parlamentum constituerent: id illi sub finem Augusti adeo feliciter consecere, ut Metenses sibi gratularentur de prisco urbis suæ splendore recuperando. Vigilantia sanè, quam ad jura Regis conservanda, & ad populares in obsequio continendos adhibuere, non parum contulit, ad authoritatis regię splendorem restituendum.

Politica reminiscencia.

Novos esse constituendos magistratus, in terris recens conquestis.


Qualemadmodum subditi debent amorem & obedientiam Regibus, ita reges ipsi debent recipere benevolentiam & justitiam. Mutua sunt ista, quæ harmoniam reipublicæ suavissimam componunt, à cujus perfectione omnis prosperitas principum & popularium pendeat. Cum de his constet, princeps, quamprimum acquisivit, aut recuperavit aliquam provinciam, tenetur justitiæ exercitium ibi constituere. Neque vero parum refert, eam à novis iudicibus administrari, & magistratus superiores mutari.

Cæsar & Nero abundè testabantur, nihil istorum sese fugere, cum seriem rerum in numero haberent, Sena-

tui exitium machinati, cujus potentiam saltem immi-
nuerent postquam spem ejus penitus supprimendi per-
didissent. Si enim potestas suprema ex autoritate prin-
cipis & magistratus conflata provinciam aliquam cor-
ripiat, nec magistratus mutet, ex altera tantum parte
subactam videbit : quemadmodum enim princeps il-
los, quibus superbiunt contulit, communicatâ autho-
ritatis suæ parte, benevolentiam erga eum nunquam
deponent.

Nunquam prætermittent occasionem illius com-
modis promovendis, unde tamen gravissima cooriri in-
commoda necessum est : præstant enim aliquo modo
vincula, quibus populares ad obsequium principis ad-
stringuntur, & perinde eos, quantum poterunt, retine-
bunt in reverentia auctoris benefici, prompto aliquan-
do tumultu universali. Collegium justitiæ, licet iner-
mis, per solam purpuram, cæteraque dignitatis insi-
gnia, sæpenumero majorē metum & obedientiam con-
ciliat, quam exercitus numerosus; adeo proclivis est
plebes ad sequendam istorum sententiam & motum.

Nihiligitur unquam securitatis in nova provincia
invenietur, donec novi magistratus constabulantur ,
qui studium & fidem novo principi jurent & servant.
Coeant postmodum populares, tumultuentur, perple-
xentur quantumlibet factionibus, nihil metues, maxi-
me ubi præsidij firmantur munitiora, quæ vim vi re-
pellere queant, magistratibus auctoritatem apud se-
roces perdentibus. Solent enim populares per primum
magistratus aspectum ad obedientiam redire, adeo ut
conticescant, quemadmodum Oceanus ad Geminio-
rum exortum æquor facit. Ubi vero nanciscan-
tur, qui perduellionem fulciat, vehemen-
tius æstum concipient, donec ad
extrema quæque pro-
labantur.



CAPUT XV.

Alphestonus & Chavaniacus Meti supplicio extremo afficiuntur ex sententia Parlamenti.

STatuit exemplum Meti Parlamentum in Alphestonū & Chavaniacū hoc anno, quo reipublicæ optime fuit consultum. Alphestonus, assassinio notus sicarius, Metim venit ad mediatum Septembrem cum Sauferio & Bellangero, quiduo Mareschalei Mariliaci fuerant satellites; ij per resipiscentiam & ex horrore criminis, quo sese impediri erant passi, adeunt Mommasium, oppidi gubernatorem ex autoritate Valettani, institutum aperiunt, cuius gratia ex Belgio abivissent.

Mommasius continuo attinet Alphestonum, & duos illos comites, summo Præsidi rem indicat, & illi examinantur, Alpheston in primis, juxta formulas usitatas. Comprobatum, ab Alphestono trucidatum Cursorē, cui nomen Carburgi, ne is Parisios nuntiaret machinationem in fanū Desiderij institutam, quam confidentius ipsi communicasset, inde Flandriæ refugio quæsito. Commoratum aliquandiu Bruxellis, in familiaritatem Patris Chantalupi penetrasse, atq; Rochæi procuratoris, qui induxissent ipsum cum Sauferio & Bellangero, ut sclopeti ictu Cardinalem Richelium, Catalauni transeuntem, tollerent, opportunitate ex adverso hospitio quæsita.

Securos factos à Patre Chantalupo & Rochæo, negotium illud à viris pietate & doctrinā celebribus expensū, per conscientiam posse patrari; Rochæū numerasse centum libras Sauferio, & tantundem Bellangero, centum vero coronatos Alphestono, secundum amplissima promissa, quæ præstitam operam consequerentur; Alphestonum sæpius cum Chantalupo collocutum de negotij summā; Rochæū addidisse Canterium magnæ molis ex reginæ matris equili, quem postmodum Villerius stabularius agnovit, ad iter illud conficiendum : Hæc capi-

cipita à Sauferio & Bellangero dicta, Alphestonus postmodum nihil potuit infitiri.

Ille igitur sententiâ, quæ vicesimo tertio Septembris fuit pronuntiata, damnatur ad rotam vivus, ut sic abominandum expiaretur crimen; sententiam consecuta est executio. Quemadmodum autem magni refert, ad securitatem Regum & reipublicæ, ut veniam auferant, qui mysteria huiusmodi aperiunt, gratiam obtinere Sauferius & Bellangerus, juxta institutionem Codici inferam.

Non tamen hoc unum monstrum sicarij emisit Chantalupus, ad patranda atrocia: nam paulò post convincitur Blasius Ruffletus, cognominatus Chavaniacus, per idem Parlamentum, quod conatus fuerit lucis usuram intertrahere summo ministro, per epistolam venenû spirantem.

Politica reminiscencia.

Quam abominabiles semper fuerint sicarij, adeo ut Magnates eorum operâ nunquam debeant uti.

Assassiniij crimen, quod in Cardinale committitur, sacrilegium est abominandum, quod non tantum personam lædit particularem, sed & sacrum Cardinalium collegium, Pontificem maximum, & universam Ecclesiam. Quicumque id patrat in persona publica, summoquereipublicæ ministro, committit crimen læsæ Majestatis, quod alibi demonstravimus, & ut compendium faciamus, horrore & infamiâ superat omnia crimina. Homicidas adeo abhorrebant Israëlitaë, ut particularibus licuerit ipsis vitam eripere, magistratu segniore.

Homicidia etiam fortuita non minus ferebantur abominabilia, quæ exilio multabantur, exterminanda ex societate civili, constituto tamen refugio ad oppida securitatis, nullo penso vindicatæ mortis, si prodiret. Universæ Gentes hoc crimen gravissimis afficere supplicijs, & imprimis Brasiliiani id adeo detestantur, ut sicario per fugam elapso, liberi, sorores & patruales reddantur servi,

servi, tradanturque occisi propinquis. Ipse Deus sese inimicum proficitur adeo acrem, ut sanxerit lege supplicium gladij in percussorem fratris, quo nomine censetur universum mortalium genus, ex uno eodemque parente, ultimo illo prognatum.

Dicam amplius, historiam exemplis turgere, quæ demonstrent, quoties divina justitia irrogârit supplicia ad gravitatem comminationum. Plutarchus, ex naturæ duntaxat lumine intellexit, homicidium Mitij Græci, quod magistratus transmiserit impunè, fuisse admirando supplicio vindicatum: Nutu enim providentiæ divinæ concidisse statuam in loco publico, quam honoris ergo sibi crexerat, & oppresso necem attulisse.

Cum autem crimen hoc ab omni tempore tantam tulerit ignominiam, nunquam non vituperium tulerunt principes, illius affines, quod actio illa planissimè adversetur Clementiæ, justitiæ, fortitudini, quibus polere debent, & authoritati summæ potentiæ. Romani florente republicâ, istam sortem necis acerrimis hostibus inferri noluerunt. Hinc refert Tacitus, lectas esse in Senatu literas Algaudestrij, qui Cattis imperitabat, quibus ille promittebat Arminij, Allemannorum ducis necem, si venenum submitteretur; ad eas respondisse Senaturnum: Populum Romanum solere injurias in hoste vindicare Marte aperto, non imposturâ.

Et ut declaremus, hanc virtutem non carere exemplo etiam per posteriora secula, legitur Rogerius, Comes Pallantæus obtulisse Alphonso, Regi Neapolitano, necem Regis Castellani, quam suâ manu esset illaturus: cui Alphonso responderit, Desine quæso

tantum nefas cogitare, cum eo pretio nec

Regnum Castellæ, nec Imperi-

um Orbis terrarum

velim acquirere.

CAPUT XVI.

Inimi regina matris diversas sumunt vias ad Cardinalem tollendum.

Actio ista adeo turpis est, & horrenda, ut isti personæ convenire non credatur, nisi per omnes formas justitiæ comparuisset, etiam reo confitente, qui laqueo vitam finivit, ex sententia Parlamenti. Cum autem Parlamentum Metense Chantalupum istius criminis affinem credere nollet, ob abominationis summam, nisi pateret manifesto, in jus vocat, causam instruit, & contumaciæ damnatum, censet vivum in partes dissumendum.

Sic Deus per providentiam singularem asseruit ministrum incomparabilem à furore inimicorum, qui antequam nefanda patrarent, eo evaserat, ut diversis in locis propalare non vererentur, nihil lædi conscientiam per necem ipsi illatam, plus meriti, quam criminis inveniri in facinore, justitiæ deberi eam actionem, complures id consilium cepisse; sed ab executione retrahi atrocitate supplicij; adeo ut pestilens venenum doctrinæ abominandæ instillarent in cerebra melancholicorum, qui manus sanguine Cardinalis, Episcopi, adeoque primi & incomparabilis ministri publici fœdarent.

Furoris hæc summa est, ab ipso inferno progressa, ad vesaniam mortalium. Augebat vero stuporem, quod Regina mater, cuius pietas & clementia semper apparere cum splendore per administrationem reipublicæ, toleraret eos viros, familiæ suæ insertos, quorum & scripta adprobaret, qui hanc theologiam crudelem, & axiomata sacrilega publicarent, adeo ut pertinaciter eum solum sibi servaret ministrum, qui exitium illius quæreretur ministri, cuius Rex filius merita quotidie elogijs summis celebraret, cuius

cujus industriæ feliciores rerum gestarum successus ferret acceptos.

Id vero penitus adversabatur, quod videri ipsa volebat, desiderio in Galliam redeundi, studioque Regis demerendi. Qui tamen ipsius sensa noverant particularius, æstimo de mansuetudine ipsius nihil detrahi patiebantur, cum scirent mentem à barbara illa doctrina alienissimam, quantum cælum à terra distat: optabant tantummodo, animum adversus imposturas fiduciariorum magis fortem.

Politica reminiscencia.

Quamvis patiat animus, desiderijs mancipatus, quæ usum rationis auferant, nunquam satis dici potest, adeo ut ex quovis exemplo pateat nova violentiæ forma. Quemadmodum odium mentis aciem hebetat, ut sinistra dextrorum, & recta tortorum occupent locum per veritatem rerum immota, solummodo in opinione perversa; ita arripit sacra & profana, noxia æquæ ac salutaria, ut satisfiat desiderijs. Ubi torrens ille semel corripuit animum, provoluitur per quæcunque obstacula, concussis etiam montium radicibus.

Detur aliquid rerum secularium studiosis, sumant sibi jus & usuram strategematum, gaudeant sibi de circumvento hoste, rideant ludibria & vaframenta, sed quæ à sacris abstineantur. Character sanctus vindicem habet summum Deum: unctos solet vocare ille mystas rerum divinarum, quibus circumdedit hoc munimentum mandati, ut nequis illos attingere ausit, animo lædendi: etiam gravissime punire solitus transgressores legis singularis. Pupillam oculi suicum nuncupat, tutelam accuratissimam spondet, adversus quævis incommoda.

Vulgo ajunt, animalia carnivora multa, sed quæ in suum genus sæviant, paucissima, adeo ut rævissimæ attribuitur hyemi, & fami malesuada, si lupo per solitudines lupum corripiat & devoret: sed quæ hyems adeo sæva vel Septentrio-nem invadet, ut Clerici, ijque primi nominis, in
mu-

mutuam necem conspirent? quæ famæ Saguntina suaserit tantum nefas, ut scelerum sacerdotes obliuisci characteris sanctissimi; ferum acuant, fistulas ignivomas disponant, venenum coquant, operam saltem & consilia tam nefariis ausis commodent, quæ posterius ut credant vix induci poterunt?

Cadmei fratres, ex dentibus Draconis prognati, sitiunt sanguinem mutuum, nec desinant, donec ad unum concidant reciprocis ictibus: regenerati diverso ducuntur spiritu, qui inimicum, hostem, peregrinum amore foveri fraterno jubet. Alia vita, alij mores filijs lucis, quam filiis tenebrarum. Satis est inimicitiarum ab hæreticis, & maximâ parte laicorum, ibi licet exercere industriam, ut clerus, manu facta, in hostem eat, sed domi concordiam seruet.

CAPUT XVII.

Acta hostilitatis commissæ à Duce Lotharingia, ut odio in Galliam concepto satisfaceret.

Dum regis prudentia & virtus diversa disponeret negotia, Dux Lotharingiæ oclusis ad honoris leges oculis, ne teneretur promissis stare, iniquo voluit parere odio in Galliam, adeo ut nullam prætermitteret nocendi occasionem. Per postrema pacta obligatum sese meminerat ad copias cum rege conjungendas. Vix autem sigillo firmauerat eadem, cum Effiati, duci regij exercitus per Germaniam submissas jubet à signis dilabi, ut Monvallonius Lotharingus easdem recolleret, & in Alsatiâ, ad signa Imperatoris deduceret: hinc post pauculos dies disparuere, præter legionem Guerquoij, cui res casu non innotuerat.

Neque tamen omisit testari, quam agrè ferret legionem illam per aliquot menses regis dispendio meruisse: cum enim à morte Effiati rediisset in Lotharingiam,

exau-

exauctoravit Ducem, cui substituit Vervanium, militem fortuitum, suumque subditum, ut eam in Alsatiam reduceret; is Massenalam occupat, & à Suecis ibidem obruitur.

Non debebat permittere, ut ullus miles scriberetur per provinciam, præter Regis consensum, & eodem tempore per ipsum licuit Ajaci Italo copias facere, quæ Brisaco inferrentur. Pacta imperabant, ne quid adversus fæderatorum emolumentum inceptaret, fide particulariter Generali Hornio datâ, de Hagenoâ nequam tentanda, unde mille quingenti milites præsidio demitti; sed nullâ habitâ ratione promissorum, Comiti Salmensi tradit copias per fictam exaurationem, quibus ille modum invenit oppidi corripienti; cumque servari locus vix videretur, & annonam & militem submisit, ad firmandum præsidium.

Novit mundus, eum consensisse, ut Montecuculus, Bentivoglius, & Nassovius à quatuor fere mensibus militem conscriberent per Lotharingiam, quem illi primi fingeant exauctorare in limite, sed revera tradebant Suecorum hostibus; postremo suas copias palam in Alsatiam ducente, ut illorum conatibus obstaret. Quem admodum etiam animi debiles faciliè ab ira transeunt ad crudelitatem, odium adversus Galliam & ipsius fæderatos conceptum, ad actiones prorsus indignas & infames eum perpulit.

Nihil sævius, quam Nassovij atrocitas, qui cum copiis aliquamdiu hæsit Saramundæ, mercatoribus Galliæ infestissimus, quos & spoliavit & trucidavit transeuntes. Ducem Boisium, Suecorum armis per Germaniam non ignobilem, sic privatum sustulit, ipse violentias circumferebat per agrum Argentinensem, Ducatum Bipontinum & comitatum Hannoviæ. Comitem Herbersteynensem violavit, è cubiculo, interulâ testum rapuit, Frauenbergæ domicilio expulit, castellum expoliavit, nullâ dissidiorum causâ, nisi ob familiæ illius in Galliam præseum studium.

Sicarios ad sanum Hippolyti barbaros collocavit in statione, qui exuerent & veste & vitâ Gallorum juxta ac

Suecorum copias exiliores Ut porro sese planissime addiceret Austriacis adversus Galliæ fæderatos, in exercituperbuccinatorem proclamavit, ut diceretur exercitus imperatorius, quibus auspicijs eundem duci voluit versus munimentum Gerbadenæ, quod Succis obsidione cinxerant, à vi hostili liberandum. Ab eo tempore frequentissime conferebat cum summis Imperatoris ducibus, uti censebantur Comes Salmensis, Montecuculus, Merodes, & Marchio Celadæ.

Argentum suscepit ab isto marchione, ut stipendium exercitui numeraret, eadem facilitate & mente, quâ copias à Wallensteynio submissas, & ius fisci, quod Imperator in provincias omnium principum vicinorum, & eorum qui Galliâ fædere attinebant, Conventuiq; Hailbrunnensi interfuerant, sumsit. Sic cû Imperatore transiit, ut præter Hagenoam decem reliqua oppida præfecturæ Imperialis, cum Selestadio & Colmaria auferret, in nodum collusionis arctiorem; tametsi sese obstrinxisset per pacta cum Rege inita, cum nullo prius principe fæderari, præter regiae majestatis notitiam & consensum.

Non hîc substitit protervia; quin Suecis clam renuntiaret, contra omnem veritatem & rationem, per Marchionem Villanum, ut de Rege aliquam sinistram conciperent suspitionem, quicquid adversus ipsos auderet, ex mandatis Regis fieri; ubi decem millia misit, qui obsidionem Hagenoæ solverent. Tulit quidem tum proterviæ supplicium ab iisdem, cum cernerent sibi necessario vallum, quod oppido objecerant, deferendum, ut occurrerent sed prælio superiores & tormenta & impedimenta rapuere.

Hoc institutum satis demonstrat rancoris & iracundiæ, quibus agitabatur animus: progreditur tamen ulterius, ut qui constituisset infringere singula pactorum capita, nec unquam induci posset, ut fidem & homagium Ducatus Barrensis præstaret. Quamvis etiam post infinitum numerum quæditorum effugiorum, fiduciares tandem mitteret, qui Cleremontij redditus æstimarent, propositiones ab ipsis factæ, de pretio æ-

difi-

difficiorum & munimentorum adversus verba pactorum, ubi Rex tenebatur ad quinquagesimum denarium, secundum computum rationum, satis testabantur, non venisse ut promissorum præstarent fidem, sed ut prætextum arriperent pacis frangendæ.

Æque segnem sese exhibuit in illo capite adimplendo, quod prohibet refugium & transitum subditis regijs, qui adversus Regis voluntatem exivissent ex Gallia; neque pergeret colludere cum eis, cum tamen continuo cum illis ageret, qui abutebantur fiducia & favore Aurelianensis, adeo ut generaliter dici possit, odium & iracundiam possedisse ipsius animum eoque, ut ad quamvis speciem honoris, etiam proprii commodi projiciendam cum induxerint, modo vindictam in Galliam exercere posset.

Spem enim fecerat Hispania de inducijs cum Hollandis, ut secundū illas cum Aurelianense omnes vires conjungeret, in Galliam exundaret, & Regem ad pacem pro lubitu faciendam adigeret; quā eādem operā matrimonium Aurelianensis cum principe Margarethâ firmaretur, locaque erepta restituerentur.

Politica reminiscentia.

Principum esse, iracundiam moderari, maxime ad bellum suscipiendum.

SI vitio vertitur particularibus iracundia, periculosa insuper est principi, & reipublicæ perniciosa. Prudentia omnium actionum sit Dux, cum sine illa nequeant evitare gravissima incommoda. Quis vero ignorat, iracundiam cum virtute non stare, inimicam quippe omnis boni consilij? Laudatur in principe iracundiæ usus, tanquam in milite; id est, ut eluctetur per vim rationis, ex forti illo impetu, qui maximas difficultates docet superare: damnosum tamen itidem, judicium hoc vitio perverti, in pessima consilia præcipitandum.

Qui ex omni censu regum Sapientis nomen meruit, ait iracundiam frangere majoris esse operæ, quam oppidum expugnare. Quamvis enim hoc vitium animi videatur aliquid fortitudinis præferre, quod omnia velit pervincere, nemini locum facere, infirmitas nihilominus est planissima, adeo ut hic victor, extra comparationem fortiori polleat animo & virtute, quam qui motu illo vehementi abripitur. Constans prudentissimorum politicorum semper fuit sententia, Iracundos ad res gerendas esse ineptos.

Imperator Constantinopolitanus, Curæpalates Comnenus, abundè offendit, quam incapaces eos crederet, cum mortis vicinior, procures aulæ advocavit, quibus exponeret, Judicare sese primogenitum Isaacum minus commodum Imperio, quam Manuelem postgenitum, ex inclinatione vehementissimâ ad iracundiam, quæ ei sapissime eriperet potestatem mentis. Quæsitum aliquando à Philosopho, cur ad rempublicam non accederet: non, ait, quod vos metuum; sed quod meipsum potius reformidem: quo apophthegmate hoc innuebat, ingenium sibi esse admodum iracundum, quod administrationi reipublicæ maximè adversum cum sciret, abstineret.

Sed inter cætera incommoda, quibus iracundia potest principem involvere, periculosissimum fuerit offensa, quæ potentem Regem ad bellum indicendum irritat. Bellum ex eo genere est actionum, quæ nolunt suscipi per iracundiam, & ut per vestibulum prudentiæ eo ingrediamur, eo magis fuerit necessum, quod alioqui sponte pereamus. Iracundia principem involvit, ut otio careat ad vires cum offenso Rege comparandas, & ad apparatus necessarium conquirendum, si institutum ad successum prosperiorem velit deducere, ne in medio curriculo cogatur subsistere, & iniquissimas subire leges.

Postquam enim arma per nimiam corripuerit præcipitantiam, pænitentiam propediem inveniet, sed nimis tardam, quod istiusmodi consilia nequeant revocari, & in pristinum locum reponi. Qui ignem intulit syl-

uæ, amisit facultatem ejus restinguendi, postquam incendium ex ipsius voluntate & potestate exivit, cum arbores singulatim corripit, donec sylva universa redigatur in cineres, neque limitibus per ullam curam securis: sic Princeps, qui semel bellum sumit, pro lubitu voluntatis id non terminabit. In potestate ipsius esse desit, quin pederentim progrediatur, provinciam propriam invadat, per exundationem perniciosissimam.

Iracundia imbecillimos concitabit & frigidissimos, quæ inflammata per victoris arbitrium duntaxat refrigerascit. Complures inveniuntur Principes inquit Polybius, qui ex impetu vehementi compellantur ad compendia aut vindictam, unde varia inceptant; pauci tamen reperiuntur, quibus ingenium sit ad perficienda instituta, secundum rationem rectam, ut prosperiore gaudeant successus; aut quibus mentis acumen & operæ industria superet, ad superanda quæcunque fortunæ obstacula.

CAPUT XVIII.

Rex mittit Guronum, qui cum Duce Lotharingie negotietur.

Quamvis institutum ducis Lotharingici provocaret arma regia ad supplicium sumendum, quibus fæderatorum accedere potuissent, per clementiam tamen, ab extremis semper abstemiam, nisi perurgeatur, ad Suecos mittere voluit, post prælium Hagenoense, qui rogarentur inhibere progressus, & victorijs ulterioribus abstinere per Lotharingiam, cum intelligerent, Lotharingiam sub patrocinio Regis degere: simul autem promittebat, nunquam à Duce in posterum lacerandos.

Fateor utique, Ducis commoda non omnem præbuisse causam huic instituto, cum Rex optime nosset, viciniam Victoriosorum semper metuendam. Quicquid

fit, constituerat Rex, eum ab exitio servare, confusus, has suppetias vel ex periculo eminentissimo, ipsi futuras cordi. Sueci sub ijs ducibus, qui per prosperitatem victoriarum actiones illustres nihili faciebant, nisi Justitiâ, & pactis cum Rege initis celebrarentur, assensere ad preces regias haud gravatim, datâ fide, de Lotharingia relinquenda. Poterat autem ista protectio Ducem permovere animitus, postquam exitium subterfugisset ex judicio eorum, quibus vel mica prudentiæ supererat; genius tamen occæcatus perversis desiderijs habebat ea omnia susque deque.

Rex, quod miseraretur virum interitus propriavidum, mittit eodem tempore Guronum, qui oculos aperiret, si qua posset, ut institutum à ratione alienissimum perspiceret. Ibi Dux, cum mansuetudinem Regis non posset satis venerari, exitium spontaneum averfentis, latet, adeo ut aspectum Guronum aliquamdiu averfaretur. Nancei non vult esse, quod Guronus, ibidem præstolaretur, neque indicari potest locus, ubi adiri possit. Sic igitur redit Metim Guronus donec Dux, ex metu regie indignationis, quod virum illustrem à Rege missum contemptum habitum, non admisisset, mittit, qui nuntiaret, Lunævilæ inveniendum.

Tum vero non satis dexteritatis expediebat, ut Guro no vel per speciem satisfaceret: quin simultatis impetu elatus, abunde præbebat causam dubitandi de animo, ad proximam quamque occasionem in bellum apertum adversus Regem pronò. Notum est, quantum Guronus infumserit operam, ut eum in rationis orbitam reduceret; dum instituti injustitiam exponit, & periculi magnitudinem demonstrat, ne exemplum regij rigoris daret, continuatis fastidijs, quæ ab aliquot annis Regi conciliaffet.

Post ea tamen omnia, cum consilia sua videret inania, prout in mandatis habebat, penetrare animi sen-

sa, nisi in viam resipiscentiæ retraheretur, aliam operam sibi sumendam putavit, ut videlicet ex iracundia ipsius compendium faceret, si in sermonem incautiores prorumperet. Dux pompam civilitatis prodebat, fiduciâ generali, de suo Regis colendi studio: ubi vero rei summa disputatur, exulceratus animus paulatim protrudebat, unde mentis institutum satis argueretur: maxime ubi aulici obscurioribus lumen adferrent, quorum aliqui conducti erant ad renuntianda quotidiana.

Ipse Guronus per conversationes particulares, quas quæsierat cum diversis, dum illic moraretur, omnia fere assequebatur, satis utique sagax animi ad necessaria, quæ vel videbantur, vel mandata erant expiscanda. Didicerat verissime, munimenta nova Nanceij non alio fine extrui, quam ut impunitatem in proprijs inveniret viribus, & injustitiam consiliorum beneficio propugnaculorum assereret, cum tamen à clementia Regis per veram instituti mutationem paratam haberet veniam.

Innotescebat, quot mandata distribuisset, ad copias pedestres & equestres conscribendas, quæ ad sanum Michaelis congregarentur, ad primum Julij diem: & destinato Galliam invaderent cum illis, quas Imperator & Rex Hispaniæ promiserant. Consilia profecto ista magni erant momenti; adeo ut Guronus pro re natâ omnia perscriberet ad Regem, cujus magnanimitas tantæ insolentiæ ferendam impar, extemplo constituit, secundum Cardina-

lis sapientes suggestiones, principem istum exituum per vim armorum in eum compingere ordinem, ut nullus rei, nisi misericordiæ foret capax.



Politica reminiscencia.

Magni refere, legatos mitti ad principes, bello invadendos, ut consilia illorum discantur, & ratio belli gerendi sumatur.

SI necessum sit, particularius edoceri de hostium instituto, de ingenio, de viribus, de auxilijs, quæ sperare possit, & generaliter de omnibus, quæ aut robur, aut detrimentum adferre queant, in quo omnes Politicæ censes conveniunt; æquè necessum fuerit, mitti viros cordatos prætextu familiaritatis, qui statum rerum præsentium renuntient. Tiberius ex Imperatoribus Romanis adeo sollicitum sese præbebat in hoc genere, si Tacito fides habetur, ut nihil eorum ignoraret, quæ apud hostes futuros agerentur, ut sæpiculè ex ipsorum strategematis compendium duceret.

Sed inter quoscunque huic negotio commodos, omnium rectissime adhibentur legati, quibus liberum est cum ipso hoste loqui, cum ministris, cum proceribus Reipublicæ, adeo ut sic plurima expiscantur, quæ cæteros suæ speciei tantum gnaros fugiant. Sic Xenophon ait, Cyrum misisse legatos Regis alicujus Indici ad Regem Assyriorum, sub specie contrahendi fæderis, sed revera ut institutum ipsius pernosceret. Neque minus utiles censuerim minoris conditionis homines, qui simul missi, perreptent omnia, ingerant sese ubique & familiaritates nectant, ut quicquid agatur addiscant & renuntient, cum inde non parum luminis affulgeat.

Scipio id in usu habebat, maxime ubi certior esse avebat, quo in statu Carthaginensium & Siphacis versarentur animi, quemadmodum Plutarchus memorat in illius vitâ. Mercatores, qui frequentant negotiandi causâ hostilem provinciam, aptissimi fuerint huic instituto, propter accessum & familiaritates apud complures; quæ sententia Xenophonti, sui temporis politico summo placet. Quod si eadem uti lubeat, diligenter dispiciendum,


dum, ut illi sint fideles, & sagaces; si enim acumen ingenij desit, renunciabunt non tantum frivola, sed & damnoſa, & inducent ad conſilia inſtituto prorsus contraria; fides autem mutila, ſeriem efficiet periculoſiſſimam.

Media vero, quibus generatim fuerit utendum, ad notitiam deſiderij obtinendam, ſunt expeditiſſima, quæ ſermones plerunque eliciunt amplos, & aperiunt mentem paulatim. Ira ex omni tempore reputatur præceps, quæ ſublato rationis uſu, linguæ libertatem effutiendi ſenſa animi uſurpat; hinc legatus ſagax nihil peccabit, ſi principem inimicum dexterè & miniſtros pungat, ut efferantur: addat vero indiſtriæ reverentiâ, ne penitus rejiciatur, nunquam poſtea audiendus.

Deinde non parum compendij trahent ex viſitatione procerum, qui magnæ ſunt in Republica authoritatis & ſponte loquaces, cum plerunque depromant per linguæ volubilitatem, quicquid mens agitat, uti torrens protrudit omnia obvia. Nihil vero ad indaganda ſecreta convenientius faminis, quæ fecere benevolentiae locum: ex qua ratione Auguſtus ſolitus fuit ambire amores earum maximè, quæ maritos haberent ſuis conatibus adverſantes.

Neque deſinent opipare accipere rerum gnaros, cum vinum æquè ac amores ſecreta reſpuat. Sed ante omnia argenteæ claves adhibendæ fuerint penetralibus, quo potiſſimum medio utebatur magnus ille Dux Gonſalvus, ut nihil ignoraret eorum, quæ inimici agitant, quouſque in Regno Neapolitano verſabatur: hinc in rationibus patuere, poſt conſectum bellum,

quos iſti inſtituto impenderat, centies mille,
quadringenti, nonaginta
quatuor ſcutati.



CAPUT XIX.

*Rex mittit Nauvæum, qui Ducatum Barrensem
occuparet ex non præstito homagio, &
Coronæ redintegraret jura
alienata.*

POSTquam Rex constituisset castigare Ducem Lotharingæ, placuit initium fieri à Ducatu Barrensi feudali, quam viam censebat mitissimam, secundum spem, si per hoc institutum, justitiæ familiare, intelligeret ille mentem Regis, qui effecta odij ulterius non ferret, resipiscentiæ, quæ extrema caverentur. Sic igitur vadimonium ipsi constituitur apud Parlamentum Parisiense, ut præsens videret, Ducatum Barrensem, ex non præstito homagio, Coronæ redintegrari: cum autem nullus compareret, Parlamentum censuit, latâ sententiâ ad trigesimum Julij, ut procuratori generali traderentur mandata, ad occupandum Ducatum illum, qui postmodum in manus Regis expediretur, cum circumstantijs & appendicibus, donec Dux satisfacisset officio vasalli.

Secundum istam sententiam à Parlamento expediuntur literæ fiduciariæ ad executionem Nauvæo, ex veteranis consiliarijs non postremo, cujus præstantia in literis humanioribus, experientia in rebus agendis, & integritas in administrandâ justitiâ, præter natales & mores egregios, judicabantur nomen Regis per agrum Barrensem comprecationibus & honoribus cumulatura, ut autoritas Regia ibidem splenderet denuo, postquam per ambitionem Lotharingi evanuisset.

Electionem hanc Rex habet gratissimam; & Nauvæus veneratus Regem, mandatorum seriem accipit, sub magno sigillo, ut non solum Parlamenti exequeretur sententiam, sed etiam ut Coronæ redintegraret jura

jura regia in Ducatum Barrensem, cujus usura à Carolo IX. & Henrico III. Duci Lotharingæ illius temporis fuerat permissa, qui nihil pensi habuerant, alienationis gravissimæ.

In eo jam totus est Nauuæus, ut Barryum abeat cum ministris, quos Parlamentum per eas occasiones solet addere fiduciario. Recipitur cum honore & sine vi opposita à præfectis oppidi; Verum enimverò secundum illius introitum adest Baro Cuvongæus, Ballivus & gubernator Barrij, nomine Ducis, rogat ut copiam mandatorum faceret, asseverans nihilominus, permissum à Duce omnibus ministris publicis & incolis oppidi obsequium in regem, ejusque mandata, quæ ipse adferret, cum principum ea sit conditio, ut infirmior obediat potentiore.

Scimo hic non accidebat inopinatus, cum Nauuæus sciret rem tantam absque contestatione nunquam conficiendam: respondet igitur Baroni Cuvongæo nihil commotior, Cum mandata postulent executionem publicam, & ipse teneretur agmen ducere cæterorum ministrorum, Ballivus utique Barrij, ubi voluntas regis & Parlamenti sententia forent promulganda, inutilem ipsi fore mandatorum copiam; neque vero Lotharingi esse permittere ministris & incolis Barrij obsequium erga mandata regia, qui nullum habeant supremum nisi Majestatem regiam, & perinde nemo mortalium illos posset eximere ab obedientiâ debitâ.

Abit hoc responso audito Cuvongæus, & Nauuæus adit postridie Palatium, quo convenerant ministri Justitiæ, suum occupat locum, perlegit mandata, quibus ipsi onus imponebatur Ducatus Barrensis in manus regias tradendi, ex homagio per Ducem non præstito; adeoque redintegrandi Coronæ jura regia & suprema, quæ nuper fuissent avulsa, nec subditus, felonix reus, justè possidere nequeat; & perinde mutandi titulum justitiæ, jubendique ut omnia acta in posterum fierent nomine regis, signarentur ipsius notis, universi in colæ Barrenses ad Majestatem regiam recurrerent in negotiis justitiæ & clementiæ, quæ remissionem & abolitionem criminum spectarent.

Mone-

Moneta non aliud, quam Galliae scutum ferret, & per omnia idem ordo, reliquis Galliae provinciis usitatus obtineret. Addebat deinde, Non videre sibi, cur eos ad obedientiam, quam regi deberent, pluribus exhortetur, cum nati sint ipsius subditi, etiam summæ gloriæ fuerit, ei subesse principi, qui actionibus suis præfixerit normam iustitiæ, per clementiam popularibus sit charissimus, & virtutem Orbi terrarum præstet honorandam juxta & admirandam.

Hoc verò institutum correpti Ducatus nemini mirum fore, si consideret, Ducem Lotharingiæ esse subditum & vassallum regis, propter hunc Ducatum, feudum utpote ligium Coronæ, qui fidem & homagium nullus præstaret, tametsi Majestati regiæ duntaxat conveniat, per jus consuetudinarium Galliae, investituram ipsi indulgere. Expectasse verò regiam majestatem per universum decennium submissiones, tametsi bono jure potuisset Ducatum recuperare à morte superioris Ducis, cum jura feudi negligerentur, & lex ista generalis, omnibus feudis communis eò rigidius sit exequenda adversus Ducem Lotharingiæ, quod sæpius fidem regi datam fefellisset.

De redintegrandis Coronæ Gallicanæ juribus regiis addebat; Iura illa esse flosculos, importunis adeoque violentis precibus Ducum Lotharingicorum avulsos, quos æquum esset redintegrari, & Duci eripi, quod eo usque iidem esset abusus, ut ferè absolute eos fuisset usurpaturus, nihil recordatus, reges nostros sibi reservasse dispositionem & homagium in Ducatum Barrensem, unde intelligerentur signa certissima supremæ auctoritatis, nunquam alienandæ. Nihil esse, cur diutius in ipsius potestate relinquerentur, secundum recusationem tot annorum, negato etiam homagio. Frustra autem homagia antecessorum suggillari, per simplices functiones Civilitatis, cum Benignitas æquè ac iustitia agnoscat limites; adeo ut regibus inde exprobetur turpis imbecillitas, ubi benignitatis non est modus, & nimia facilitas abusum attrahit.

Sub finem constituit, ut Ducatus Barrensis occupetur.

& in manus Regis tradatur; jura Regia redintegrarentur Coronæ Gallicanæ per duos ostiarios à Parlamento additos, quibus regia majestas uteretur, in suum commodum frueretur, donec satisfactum esset causis occupationis. Hæc summa erat eorum, quæ in Palatio agebat Nauvæus. Diebus sequentibus mandata perlegi facit ad tribunal Ballivatus, in Curia rationum & oppidi, adeo ut Ostiarii Parlamenti exequerentur sententiam. Exigit ab omnibus omnino ministris sacramentum fidei & obedientiæ in Regem, diversas insuper obit functiones in administratione Justitiæ: injungit Clero, ut pro salute regis preces fierent publicæ, & pro universa regia familia; prohibet omnibus nobilibus & incolis Barrensis agri, ne Duci Lotharingiæ stipendia faciant: confusiones quasdam, à præfectis Mercatorum committi solitas in exercitio illius muneris corrigit, nihil oblitus, quod ad commodum Regis facere videretur.

Politica Reminiscencia.

Reges non debent alienare dominium, & particulatim jura suprema.

ET si liberalitas admodum deceat Reges, ut æquam laudem ex donationibus, & ex imperitando trahant, eam tamen nunquam debent extendere usque ad alienationem dominij. Illud vero principaliter duo complectitur, jus supremum, & territorium sibi reservatum, aut quâcunque ratione acquisitum. Jus supremum consistit in facultate justitiæ administrandæ, monetæ cudendæ, veniæ indulgendæ, pacis bellicque suscipiendi, legum condendarum, tributorum imponendorum, magistratuum creandorum, & legatorum mittendorum.

Territoria autem dominicalia, quod onera rei publicæ sustineri omnino nequeant, sine fundo certo, & perpetuo, Reges semper possedere præter supremum jus, ut oneribus essent pares. Posterius hoc jus, tamen si minus dignum, ab omni tempore habitum est adeo sanctum

stum & sacratum, ut Reges jure jurando per inaugurationis solennia obligentur ad illius integritatem omnibus viribus asserendam. Neque enim potest, uti Tacitus ait, populus tranquille agere sine armis, aut arma sine stipendio vigere, stipendia sine redditibus publicis constare, aut tributis.

Hinc Nero, cum deliberaret de omnibus reipublicæ vestigalibus abolendis, habuit Senatum, ex recensione superioris historici, dissentientem, tametsi magnificentiam ipsius collaudaret, quod dissolutio imperij vitari nequiret, succisis nervis. Quod si alienatio territoriorum & tributorum solitorum existimatur reipublicæ detrimetosa, illa supremi juris supra omnem comparisonem fuerit spectatior & periculosior. Jura sunt radij uni soli affixi; rami stirpi regiae insiti, & quasi partes nobiliores Regni, sine quibus illud nunquam servaverit vigorem necessarium.

De ipsis potius quam de territoriis intelligenda est lex, qua interdicatur alienatio sacri patrimonij, quo princeps fruitur; adeo ut constituat, partes alienatas & discriptas Coronæ redintegrari, tanquam membra corporis, ad pristinas vires restaurandas. Id quod exactissime semper fuit observatum in hoc Regno, ut etiam paraphernalia hæredum alienationem territoriorum non trahant, cum appendice clarissima, ut ad Coronam revertantur, quamprimum hæredes masculi defecerint, semper sine ullo jure supremo. Quicumque igitur jura ista regia principi Extraneo concesserit, eundem habuerit benignius, quam principes familiæ Regiæ, & reipublicæ casum imposuerit truncandi juris supremi.

Quemadmodum vero ambitio non agnoscit litem, princeps, qui ex gratia obtinuerit usum jurium supremorum, facillime transibit, vel saltem successores ipsius, ad desiderium universorum, quæ sine dependentia possideat: eo igitur errore liberalitatis potentia stabilitur adversa, ad perpetua divisionis semina. Cum autem reipublica non tam sit principis, quam princeps reipublicæ, æquè obligantur ad conservatio-

nem

nem omnium appendicum, ac respublica tenetur submissionem debitam colere.

Hinc alienatio istorum jurium, cum parte non contemnenda dominij, numeratur, inter causas, quæ Reges è throno dejiciunt, ubi leges fundamentales id permittunt, quod annotatum dedere universi istarum rerum scriptores. Indignus enim videtur, qui coronam gesserit, quam in splendore & harmoniâ partium conservare dedignetur.

CAPUT XX.

*Cardinalis Lotharingia adit Regem ad Castellum
Theodori, ubi Nanceiam petitur obfirmate
in depositum.*

NON minus laudis, quam utilitatis Duci Lotharingiæ conciliaffet, si motus occupatione Ducatus Barrensis, adijisset Regem, ad homagium præstandum, & satisfecisset per submissiones justis suspicionibus: fortuna autem, quæ ipsi exitium videbatur debere, velum obduxit oculis, ut in consilijs perversis perstaret immotus. Hinc Rex ad castellum Theodori abire necessum duxit mense Augusto, ut inde ad exercitum transiret, ex agro Treverensi revocatum, qui Nanceio admotus, impediret Ducem in conscribendo milite: quin & viribus uteretur expeditis, nisi ille mutasset institutum, ad ferociam coercendam, quæ Galliæ formidinem, & ipsius fæderatis obstacula facere desineret.

Cum igitur Rex ad Castellum Theodori subsisteret, adest Cardinalis Lotharingiæ, qui defunctus civilitate & excusationibus, rogat veniam aliquarum propositionum; quâ impetratâ ait, improbari sibi fratris actiones, quarum nunquam fuisset particeps, tum ex reverentia in Regem, tum ex providentia successus sequioris. Rege enim ad extrema pervadente, exitum fratri certissimum paratum, quod neq; in fortuna per-

versâ

versâ aliud quam regiam clementiam quæreretur refugium: sibi igitur sese optare patrociniû, & veniam Galliae incolendæ.

Rex, benigne excepto respondet, promptum sibi, inter illius, & ducis fratris actiones discernere, cum certior sit, ipsum perversi instituti non fuisse complicem, adeo ut per occasiones testimonia benevolentiae libenter esset daturus, quantum rerum præsentium usus permitteret; spondere debine patrociniû, in quo, secundum fratris malevolentiam inventurus esset omnis iusti desiderij compendium. Hic Cardinalis Lotharingiæ ordiebatur aliquas propositiones, quibus Rex promoveretur ad transactionem cum fratre; sed res ad Cardinalem devolvitur.

Eodem die Cardinalis ille ad nostratē invisit, fateatur matrimonium, monet quomodo solvatur, & soror Margaretha in potestatem Regis tradatur, docet homagium nomine Ducissæ Lotharingicæ, Regiæ majestati debitum, de Ducatu Barrensi præstandum. Cardinalis respondet, nefas esse regi, ullam audire propositionem, cum dissolutio matrimonij non esset in potestate Lotharingi: cumque is nullam fidem trinis pactis, nuperime initis, applicuisset, Majestatem regiam, cui sinister institutum penitissime innotuisset, nihil ulterius addituram fiduciæ, nisi adinvenirentur media robustiora ad fidem servandam: trinam fidei oblivionem conjecisse Regem in necessitatem numerosorum exercituum alendorum, unde sumtus immanes ærario, & popularibus incommoda vægrandia obtigerint.

Constituisset exinde regiam majestatem terminare negotium, ut nulla novi belli foret occasio, & dux frater libidinem factionum & tumultuum ciendorum esset sponte depositurus; qui antehac sumisset operam, impedito etiam Aurelianense per matrimonium, quod æque offenderet dignitatem Coronæ, ac personam regis majestatis, cum factum sit absque consensu, & contra leges Regni, ad promovendam invasionem hostilem. Unicum superesse medium, ad fiduciam in Ducem fratrem sarciant, ut Nancejum Regi tradatur, in rationem depositi.

Nihil

Nihil unquam rectius facturum, cum sic patria conservetur, & Nanceium certo certius reddatur post aliquot annos, modo ipsius officium faceret in posterum. Menti bene constitutæ nihil hîc metuendum; sed perversæ, & ad offendendum porro paratæ, ut hostium vires augeantur,, inutilem fore negotiationem. Regem in eo obfirmari, ut nullam præter hanc sit auscultaturus rationem; posse autem Lotharingum tanto minori assentiri difficultate, quod Imperio exutus, præter Nanceium, hanc ipsam urbem omnino esset amissurus, nisi Regi satisficeret.

Munitam quidem illam, sed Duce per agros profligato & reddituum vacuo, Regem commodissime bellum facturum impensis alienis, donec deditionem extorqueret. Spem in rerum vicissitudine collocatam perverſi esse consilij, quod Rex juvenis, & absolutæ potentia, præter justitiam causæ, posset sperare seriem ulterio-
riore prosperitatis, post tot favoris eximij testimonia.

Cardinalis Lotharingæ respondet, conditionem istam adeo esse favam, ut fratri duci eam nunquam audeat suadere, nisi per extrema, cum ipsa fors belli nequeat severius ipsum compingere, quam metropolim adimere, & alienæ voluntati subicere: Non dubitare de Regis proposito, & fide integrè servandâ, vicissitudines tamen rerum fieri, ubi malevoli possent regi nescio quam offensam & pactorum transgressionem suggerere, & causam non reddendi Nanceji excogitare: vehementer rogare Cardinalem, consideraret, quantâ ignominia notandus veniat frater Dux, si sub oculis universæ Europæ, sine lucta & necessitate traderet locum per universum orbem terrarum munitissimum.

Fateri sese, maximâ pollere Regem potentia, cui resistere difficulter posset; cum autem inter duos principes sese medium videat, majori curâ consilia esse instituenda, ne, tradito Nanceio satisfaciat Regi, & malevolentiam Imperatoris mereatur, cui Ducatum ferret acceptum, nomine feudi, sine dubio in fisci rationes referendum, præter interdictum Imperij, cum constet, ipsum confectis rebus Germaniæ invadendum. Posse qui-

dem per illud rerum curriculum sperare Regem protectorem; sed itidem fortè eventurum, ut Rex alijs bellis distentus, nec tempestivè, nec satis potenter adesset, unde exitium vitari nequiret. Ex istis rationibus diffidere sibi met de fratre Duce persuadendo, ut Nanceium in rationem depositi tradat, nisi per extrema, quæ ingruere possent.

Reponit Cardinalis non mirari sese, quod ius Imperij alleget, præter potentiam Austriacorum; sed Regem ista nihil consideraturum, cum ipse Dux videatur non multum obstaculi hic offensurus, si animum applicare vellet, quod sponte sciret, eos ipsos, quorum commoda sollicitè produceret, esse auctores perversorum consiliorum, & parum laborare de suppetijs submittendis. Non ire infitias, Lotharingum utriusque Coronæ hñi protectione; ejusdem tamen protectionis leges exigere, ut à Rege eam promeretur per reverentiam, & probum institutum, adeo ut judicare posset ex antecessorum desiderijs, unde conservatio ipsius pendeat universa.

Sed non attendisse rei summam, offendisse Regem, fidem projecisse violatis pactis, Hispaniæ partibus accessisse, neutras dum licuisset sequi, acta hostilitatis quævis exercuisse; & ut promissorum fidem inanem cumlaret, maximam omnium intulisse injuriam Regi, rapuisse Galliæ filium, impedivisse Aurelianensem matrimonio sororis: unde majestati regiæ plus nimium sit causæ armorum inferendum: Quod si potius Imperatoris potentiam in posterum metueret, quam Galliæ vires, ad vestibulum obversantes, legeret partes defensionis proprias. Si tamen locum daret prudentiæ, ad evitandum exitum ineluctabile expeditissimam rationem inventurum in deposito Nanceji, quod rem publicam sine ullo damno assereret.

Politica reminiscencia.

Non semper licet hominem ita esse, ut vult, si res non

non sinat. Vitium id ex primo errore progignitur, ubi ad lævam itur, cum primo fortuna ridebat, postmodum tergum obvertit, celocibus myoparoni adhærentibus in naufragium pertractis. Neq; etiam decebit, ad quamvis fortunæ novercantis perversitatem consilia mutare, quemadmodum subito lugubria sumimus, & deponimus. Redit plerunque in orbem fortuna, & quos modo pedibus conculcabat, producit in theatrum splendidos. Testem laudaverimus Cajum Marium, cum fortuna coluctantem, & diversis motibus ipsius obsequentem.

Sed in hoc vertitur cardo rerum, ut antequam ad partes transeas, maturè consultes, ne tritum illud cogare ingeminare, Non putabam. Nemo vero mortalium eventum aut scire, aut præstare potest, adeo ut tutissimum fuerit, blandis promissis nihil fidere, sua tueri, & ita favere illi, ut ne hic quidem querulandi habeat causam, tametsi aliquid calamitatis & expensæ ex vicina redundet; cum potentissimorum sit, æquilibrium fortunæ inclinare, cæterorum sequi inclinatum.

Moderata durant, ait Seneca Tragædus, inter quæ licebit collocare dynastias, vægrandibus votis non agitas. Nam quicumque putat, sese angustè habitare, & pomæria præfert, præterquam quod justitiam sæpissime lædit, aleam utique subit corniculæ Horatianæ, quæ suffurata diversifcolores plumas à cæteris avibus abjectas, Reginam sese ferebat, præter Comitia, & populi volatilis scitum: unde exuta peregrinis pennis, ludibrium præbuit nuda, quod naturales sponte evulssisset, ut exoticis locum faceret; & quæ reliquæ erant simul evellerentur invitæ.

Suspicionem debent movere viro cordato nimis grandia promissa augendæ potentiæ, quæ vastissimos campos fortunæ & bellonæ aperiant, ut socios armorum adsciscant: qui vero princeps suis consultum vult rebus, dispiciet sollicitè, cui sese det, cui sese neget; sed & ita sese det, ut sui copiam semper retineat, nec acerbe bellum faciat, ut ad amicitiam

pateat regressus; maxime vero caveat perfidiam, quæ omnem amicitiaë usum intercludit.

CAPUT XXI.

Summum jus regis in Lotharingiam.

Lotharingiam vero ab Imperio moveri, Rex longissime aberat ut assentiretur, cum supremum sibi jus in eam vindicet, & homagium debitum exigat. Imperium quidem jus illud satis diu usurpavit in detrimentum Coronæ, sed longior possessio nullum prorsus confert jus in præjudicium principum, eo quod nulla unquam præscriptio valeat inter summos principes, qui nullum tribunal in terris agnoscunt, ubi causam agant, unde semper intelliguntur jura sua repetere ab usurpatoribus, & pervim grassari.

Res Galliæ hæcenus nunquam permiserant disputari de summa rerum, cum autem impræsentiarum Deus viam ostenderit Regi, quâ Monarchiam in primam restituat amplitudinem, posterius merito exprobrarent negligentiam, si prorsus prisca coronæ jura perirent, nisi uteretur viribus in eum finem concessis Metus, quæ Lotharingus prætexebat, rectius subivisset animum, cum offendere Regem laboraret: post injuriam autem patratam non licebat Regi dissimulare offensionem, unde constituerat, eandem vindicare, nisi satisfaceret ad eum modum, quem universa Europa collaudaret.

Antecessores sane amicitiam Galliæ experti fuerant suavem, quam & hic sibi paratam habebat in patrocini-
o adversus quemlibet aggressorem potentissimo. Secundum ista omnia religio erat Regi, aliam conditionem, quam depositum Nancei acceptare, postquam cætera Lotharingiæ munitiora, occupasset, nec tamen dux fidem promissorum coleret. Hinc Rex non præter causam metuebat eandem in futurum, ex tot mutationibus, quas testatus esset, consiliorum.

Def.

Desiderabat autem Rex maxime hanc securitatem, ne novæ pateret injuriæ, & necessum haberet exercitum identidem magnis sumptibus conscribere; id quod in eam posset coincidere tempestatem, quæ vix illum conatum permetteret: cum præsens rerum curriculum ipsi esset optatissimum, nullo distrahendis viribus divorticulo metuendo. Hoc si animadverteret Lotharingus, optabat Rex, ut expenderet, Galliam eo stare pede, ut non tantum tranquillitatem tueretur, sed etiam metu belli civilis vacaret, ubi omnes omnino subditi ad idem obsequium conspirarent.

Ærarium abundabat pecunijs ad sustinenda onera plurius exercituum, & induciæ Belgicæ disperierant sine spe, ubi Hispani implorabant fœderatorum auxilia, adeo ut Lotharingus nullam illuc ponere fiduciam posset. In Germania occupabantur Imperatoris vires, adversus Suecorum prosperiores successus, quos fors nondum videbatur sistere. Copiæ Cardinalis Infantis nondum conveniant, ut in Italiam trajicerent; quæ tamen in Valle Telinâ inventuræ erant vasta obstacula, dum Sueci progredierentur in mediam viam. Sic igitur Nanceium poterat obsideri, & capi, sine spe auxiliorum, quæ locum assererent, nisi Lotharingus mallet, eundem in rationem depositi Regi tradere.

Cardinalis Lotharingiæ valde impediabatur hisce rationibus, discedit igitur, ad Regem confugit, tempus conferendi cum duce fratre rogat humiliter, & tantillam armorum moram. Id vero Rex recusat, asseverans insuper, sese cum universo exercitu ad Nanceium accessurum quam promptissime, certus consilij, inde non discedere, nisi urbe ad obsequium redactâ.

Politica reminiscencia.

*A principe commoto, & sapius fallente, non tantum
verba securitatis esse sumenda.*

NEcessum est, aliam fiduciæ institui rationem, ubi princeps verborum fidem elusit, quem etiam vide-

as commotiorem, & vindictæ æstro cieri, ex iustissimo supplicio. Submissiones speciosæ, quas testatur, ad impetrandam transactionem, effecta sunt non voluntatis, sed imbecillitatis. Quemadmodum vero desiderium animi & honoris & iustitiæ leges conculcat, nihil difficultatis fecerit postmodum in promissis denuo rumpendis, modo opportunitatem nanciscatur cavillandi, & compendium amissum recuperandi.

Asdrubal exemplum rei præbet, qui à Claudio Nerone in Hispania circumventus, cum necessum haberet fame confici intra vallum, aut iniquam subire prælii aleam, proponit viam transactionis speciosissimam, cujus beneficio elabendi dispexit rationem. Nero quidem, imposturâ irritatus, quod Romæ ideo male audiret, vindicavit fraudem in Marca Anconitana postmodum; sed tum & seipsum & universum exercitum in manifestissimum coniecit periculum, & vituperio nunquam caruit, ab hoste per speciem transactionis delusus.

Julius II. pontifex maximus, ut Ludovicum XII. susponderet, mittebat Nuntios, cum potestate transigendi, pacisq; constituendæ, ut spatium lucraretur ligæ offensivæ cum Venetis & rege Arragonum firmandæ adversus ipsum. Sed ut redeamus ad exempla Antiquitatis, legimus, Marcum Antonium obsidione cinxisse Priasum, cui sese Phraartes incluserat, quam satis faciliè paucorû dierû operâ potuisset subigere: mittit Phraartes legatos, qui plausiblem deferret, ut pax sine difficultate videretur coitura: Marcus Antonius promptè nimis præbet aures; alijs vicissim legatis missis, qui pacem conficerent.

Phraartes pergebat imposturam, seriem querelarum de Marco Antonio orditur grandem, hæc additâ conclusionem, ut pacem asseveraret propediem futuram, quamprimum exercitus & castra ex loco infesso retraherentur. Deducit copias Marcus Antonius, promissis confusus, non demolitus vallum, nec assumtis belli machinis, quas prius produserat. Vix autem recesserat à castris, cum Medi Priaspo egressi ea occupant, vallum diripiunt, machinas confringunt, cum ipse imprudentissi-

mè cogitaret propediem reverti, ad tuitionem, si quid adversi Medi molirentur.

Concise etiam fuere aliquot Romanorum copiae, quas in castra reducebat, unde coactus per summam ignominiam & dispendium ab instituto destitit; qui suo exemplo omnes doceret principes, hostium verbis non facile fidendum.

CAPUT XXII.

Cardinalis Lotharingæ redit ad regem ad fanum Desiderij, & propositiones facit diversas, à Cardinale duce repudiatas.

Postquam Cardinalis Lotharingæ à Rege discessit ad vicelimum Augusti, ut ad fratrem ducem revertetur, Rex, qui nullum tempus in suscepto negotio inane transmittit, eodē die discedit, Nanceium versus moturus: cum jam ad fanum Desiderij pervenisset, redit Cardinalis Lotharingæ, ut nomine fratris ducis offerret, sororem Margaretham tradendam, consensum dissolvendi, quantum ipsum attineret, matrimonij, Motham, munitissimum castellum Lotharingæ.

Rex eum assumit, in fanum Desiderij ingreditur, perdunas horas cum eo sermocinatur, presentibus Cardinale Duce, Brassoc, Bullionæo & Buthilerio, qui propositiones examinarent: ingrata tamen videbantur, cum Dux Lotharingæ nihil revocarent à primo instituto: unde hoc tantum responsum tulit à Rege, Nanceium omnino tradendum, sine quo nulla unquam foret fiducia, quæcūq; tandem transigeretur. Quoniam vero rex animadverteret multam ingenuitatem & studium summum ad transactionem constituendam, nō desuit testari, intercessionem ipsius & gratissimam, & rationē commodi privati semper habiturum, non attentis, quas à fratre duce susceperit iniurijs, adeo ut offerret quosvis honores, stipendia & munera, quæ ipsius conditionē decerent, si Gallia incolatus placeret.

Secundum ista revertitur ad fratrem Ducem, ut voluntatem Regis renuntiaret: cumque addidisset, quantam testimonia favoris & benevolentiae à regia maiestate tulisset, constituit Dux, ipsi rempublicam in manus tradere, ut eâ ratione evitaret vim iustissimam regiae, sic tamen, ut frater Cardinalis de redhibitione prius caveret. Ex eo consilio, apprime pensculato, redit denuo frater Cardinalis ad Regem, impensissime rogatus, qui renuntiaret, Quoniam eo infelicitatis devenisset, ut apud Regem nullam fidem inveniret, constituisse, si ipsi videretur, fratri Cardinali cedere universam rempublicam; sperare insuper, Regem animadverso suo instituto, lubentius assensurum, postquam omnis metus causa sic evanuisset; unde amplissime satisfactum sibi crederet, si se privatum, & Imperio destitutum, sine summo Imperio cerneret.

Offendit Regem Cardinalis Lotharingiae ad Pontem Mussonii, vicesimo octavo mensis, ubi quae conveniant cum fratre exponit, redintegratis promissis de sorore Margaretha tradenda, & studio amplissimo matrimonij dissolvendi. Rex rogat, ut cum Cardinale Duce agat, in summum ministrum exoneratis curis gravissimis, quem notissimum erat, diesque noctesque examinare capita, quae transactioni convenire possent, nihil neglectis per providentiam sagacissimam incommodis omnibus, per propositionum disceptationem occurrentis. Adest Cardinalis Lotharingiae, proponit eadem, hoc insuper adjiciens, ut de fidelitate eum faceret certiore, & desiderium promissa integerrime servandi testaretur, supplicare sese, ut Combaletam neptem sibi in matrimonium collocaret, & id apud Regem constitueret ratum, quasi summo ipsius Virginis amore flagraret, ut sic auferret certissimum benevolentiae pignus, & robustissimum medium ad Regem perpetuo demerendum: protestatus dependentiam plenariam ab ipsius consilijs, voluntate etiam ipsi penitus devincta, ut sic causa divisionis inter Galliam & Lotharingiam radicitus evelleretur.

Reponit Cardinalis Dux, de cessione Imperij Lotharingiae.

ringici credere sese, Regem non averfurum fratrem ducem, cum ex actionibus præteritis fidem liceat sumere de eo instituto, quo regia majestas posset acquiescere: non tamen hoc futurum mali remedium, cum Dux Lotharingiæ posset pænitentiam cessionis suscipere, & ad rempublicam aut vi, aut collusionem redire, ad novum ordinem rerum perturbandarum: alio opus esse modo, quem in deposito Nanceji videret expeditum, nulla alia fiduciæ ratione extante. Satis apertè indicabatur suspicio collusionis, & diffidentia cau'a; sed ne posset efferrari, & studium quod transactionis testabatur pergeret, & aliquod compendium, ubi usus esset, fieret, nihil placuit addere.

De Cambalætæ quæsito matrimonio respondet, honori se id petittum ducere, & magni facere, nec rejicere, non tamen præsens tempus commodum videri pacificendi, ne dici posset regem adversus Lotharingiam cum numerofo exercitu concitasse in privatum familiæ emolumentum, rogans insuper, ne rem privatam admisceret publicæ, tametsi negotium neutiquam averfaretur. Verba tamen illa de non ingrata propositione, effectum tantum prudentiæ arguebant, quæ nunquam voluntatem Cardinalis perverti patiebatur, quâ per opportunitatem uteretur: cum enim tum de eadem cum primarijs ministris conferret, apertè prodebat, nolle sese, ut seculum præsens, aut posterius causam sumerent suspicandi, quasi commoda sua in hoc negotio, ubi Regis & reipublicæ bonum uniçè spectaret, quævisset. Cardinali olim Ambrosiano versum fuisse vitio, quod Ludovico XII. bellum Italicum persuasisset ex ambitioso instituto, ad Pontificatum maximum evadendi: se vero semper vitaturum id genus vituperij, quasi rempublicam ex compendijs familiæ gubernasset.

De Margaretha tradenda asseverabat, gratissimum id Regi futurum, quâ ratione præstitâ transactionem multum progressuram, cum sic animus Regis mitigeretur, ex pignore quasi certissimo Ducis reducendi, & cum regia majestate reconciliandi. Neque tamen celabat, Regem credere, Ducissam jam exivisse ex potestate illorum,

cum, quid actum esset, innotuisset. Lotharingæ Cardinalis conabatur dissimulare rem, & ignorantiam facti inducere, asseverans, ipsam in eo loco servari, qui potestatem permetteret disponendi de ipsa: sed signimenta ista dissidentiam augebant, postquam Cardinalis Dux optime omnium sciret, per pacta quæ cum hoste instituuntur, spectandas actiones præ verbis. Sic abruptitur sermo & colloquium, disceditur, Cardinalis Lotharingæ, Rege salutato, abit postridie.

Politica reminiscencia.

Minister sagax prævideat incommoda propositionum, quæ sunt in paciscendo.

HOc proprium habeat minister sagax, ut antecapit at incommoda propositionum, quas expendendas sumit in paciscendo, ne imponi sibi patiatur, sed ut caveat, ne hostis, cui arma nihil profuere, in transigendo compendium inveniat. Non tamen ob eam causam plurimi existimârunt prudentiam, cuius beneficio rectissimè proceditur, aliquo modo magis esse necessariam, quam virtutem militarem: rarius enim præbentur occasiones confligendi per seriem belli, quotidie autem diversa proponuntur ad transactionem; ad quam si remissiorem adferat animum, non minus dispendij conciliabit principi, quam ubi armis inferior dimicaret.

Virtus sane ista, ut verum fateamur, non minus est utilis, quam ars opifici: cumque opifex ignarus materiam solummodo perdat, cui formam addere conatur, minister profecto imprudens negotia reipublicæ evertet, ubi conditiones iniquiores suscipit, ex seriei improvidâ pensatione. Providentia enim media ad finem optatum suggessit, unde falli nequit, hinc regulam consiliorum sumit, actionum ducem, sermonis decentis modum, motuum frænum, occasionum momenta, acumen ad dispicienda vasma-

menta, quæ impediendis rebus expediuntur, & industriam obtinendorum desideriorum.

Hinc Philosophus ait, propriam hanc esse gubernatorum virtutem, non quod privatis minus conveniat, sed quod adeo sit necessaria & Regibus & summis ministris, ut minus inveniantur capaces rei publicæ gubernandæ, quam nauclerus ad navigandum sine timone & magneticâ spiculâ. Quicumque ea utitur, facîle superior evadit cæteris per negotiationes, quamvis natales Coronam supremæ authoritatis negârunt, habet tamen, unde principes inducat ad quamcunque sententiam. Sic Sapiens in Proverbijs ait, voluptatem Regis maxime fluere ex prudentia ministri.

Ut autem virtus hæc eminentissima utilitatem adferat, opus est tempore, quo maturè expendantur, & absque præcipitantia, capita propositionum, quæ examinentur per axiomata, negotiationi substratis. Cujus rei causa sagax Minister sapius fecessum quærit, ubi omnem libertatem adipiscatur trutinandi proposita, meditatione non interruptâ, quæ ex Perianthri sententiâ, quidvis superaverit. Non ignorat, ad consulta præcipientem, antequam examen sustinuerint, similem esse guloni, qui suffarcinato stomacho per cibos imprudenter ingestos, dolet à mensa recedens.

Cum igitur prævideat quævis incommoda ex propositionibus oritura, hypothesin subjicit thesi, & negotia particularia regulis generalibus; experientiam rerum superiorum sumit magistram, media exigit ad finem, diligenter attendit, an concessa res aliqua hostis commodè instituto, examinat securitatem suam, quæ in negotiatione occurrat, cum omnibus circumstantijs; ipse denique ad omnes imposturas obfirmatus, nequit circumveniri, & quicquid desiderat, in pactis aufert.

CAPUT XXIII.

*Rex obsidet Nanceium, & vehementissime instat
Duci Lotharingæ.*

DUm Cardinalis Lotharingæ commicaret, & diversa ad paciscendum proponeret, arma Regis non relinquebantur otiosa: Rex enim ducibus mandata dederat, ut loca principaliora aggrederentur, Ipse præfens petit deditiōem fani Michaëlis, & Pontem Mussōnij, quæ extemplo fiebat. Spinalium deditur Marechalco Forcæo, Charmæ Comiti Sufano, Lunævilla Marchioni Surdisio: Haton Castelli, Condæum, Chausfæa, Tronjonum, Malaturium, Parinium & Bucuvilla recipiunt præsidia, aoco ut Rex eodem fere momento, quo pedem in provinciam intulit, agros teneret liberos.

Palmarium in eo versabatur, quod Rex exercitum, cui Marchionem Sanchaumontium præfecerat, ex agro Treverensi accerseret, complures alias copias manderet, quæ exercitum inflarent, & sic Nanceium infestaret, ut nihil pervaderet, nisi ipsius permisso. Cum enim legio Florinvillana conaretur pertransire in urbem, ducibus venatoribus Lotharingicis, qui sylvas perreptabant & tramites evanidos sectabantur: Quamvis autem testē & cautē procederent, Gallorum quorundam sagacitatem tamen effugere non potuēre, quin detestī, in formidinem conjicerentur, fugā retrorsum captā, & dissipatione spontaneā sumtā.

Ex alia parte Comes Sufanus agros pervadebat cum septem turmis equitum, & aliquot cohortibus peditum, ut nihil resistere posset. Ut autem pavor Duci cresceret ex progressu regionum armorum prospero, jubet Rex Marechaleum Forcæum insequi Ducem cum sex millibus peditum, mille quingentis equitibus & sex tormentis, & ubicunque locorum inveniretur, infestare: pro
hosti-

hostibus haberet, quicumque refugium præberent, nisi hostem Galliæ traderent. Sic igitur redigitur ad Spinalij districtum, ubi hospitabantur, quas contrahere potuerat copiæ, Burgundiæ Hispanicæ vicinior, ex qua belli sumendi authores spem copiarum, quæ nullæ com paruerê, fecerant.

Denique ut nihil omitteretur, quod mentem promoverê videbatur, quam sola necessitas extrema vix ad rectæ rationis usum retraheret, Rex Nanceio propior, hospitium Neovillæ capessit, ipse districtum obit, ut exercitus commodius disponderetur. Cardinalis etiam urbem obit, ad distantiam sclopetarij ictus, ut rectius de instituendæ obsidionis momentis dispiceret. Rex lineam circumvallationis ipse ducit, per quatuor leucas in ambitu, designat munimenta & fortalitionum distantias, desigit hastilia, primum ictum aggeri excitando, fossæ ducendæ, percellit, instat operi, quinto die castra claudit, copias recondit.

Eodem tempore inceptatur agger, ad Mourthæ flumen coercendum, ut is impedito cursu aquas Nancejum versus refunderet, planitiem inundaret, urbem mergeret, incolas ad delitionem perurgeret. Hæc ubi Dux intellexit, quo nempe loco summa rerum inclinaret, non inveniebat quid primum, quid ultimum fumeret agendum. Interea mirabatur Orbis terrarum prosperum regij instituti progressum, quod ex Cardinalis procedebat consilijs, cum maxime alienum videretur Regem aggredi locum universæ Europæ munitissimum, anni tempestate adultâ, adeo ut ad finem obsidionis ne hilum quidem superesset temporis.

Politica reminiscencia.

*Hosti turbato acriter instandum, etiam post
diversas clades.*

INter sagaciora effecta prudentiæ militaris numeratur industria occasionum, quæ hostem turbatum perur-

urgeret, post susceptas aliquot clades, undiqueq; occupatū, donec cogatur cedere & conditiones quasvis subire. Princeps ea calamitate oppressus quævis postulata dabit, & quæ alias nunquā foret permissurus, cōcedit: eo igitur curriculo rerū invadēda fuerint ipsius munimenta, ipse etiam perurgendus, ut quo se vertat nesciat. Si Hannibali id placuisset institutum à clade Cannensi, ad incitas redegiisset Romanos & ad lubitum suum, post gravissimū illum casum imperio valde nutate.

Verumenimvero reficiendum ipse putat militē, qui victoriæ usum in otio quæreretur, unde fortunam in delitias demersit, nullo cum emolumento prosperitatis. Neque enim committendum, ut fortunæ favor nos unquam eouque inflet per armorum usum secundum, qui hostem contemnamus, quin ad extrema usque persequamur. Non tamen autumo, fugienti cum numero exercitu ad extrema insistendum, cum sic necessitas posset verti in virtutem, ut conversus dispendia refarciat, id quod compluribus usu venit; eo enim momento rerum aperienda ipsi fenestra ad evadendum, & pons sternendus ad fugam accelerandam.

Non eadem ratio, captis jam oppidis plurimis, ubi obsidionis nulla extat ratio solvendæ, copię sunt concisæ, aut dissipatæ, & satellitum persequentibus repulsandis non sufficit. Ibi demum erraretur insigniter, nisi instare luberet, & victoriam reportare integram, donec ille resumtis viribus occurreret. Cæsar suo exemplo omnibus omnino ducibus ostendit, quæ ratio per istiusmodi occasiones sit servanda qui nunquam in serie victoriæ persequendæ hæsit; quasi enim fortuna alas addidisset, instabat turbatis hostibus, donec eos conficeret, aut postulata obtineret.

Nunquam satis laudari potest, de industrio instituto, quod debellato rege Iuba sumsit, cum eodem die illi confecto adderet Scipionem & Afranium, eadem, quæ ad vincendum, etiam ad persequendum usus virtute, ut nemo prorsus ipsorum, etiam ducum superesset, quin caderet, aut in manus victoris captivus deveniret, oppidis etiam universis in potestatem reductis.

CAPUT XXIV.

Margaretha Nanceio exit, Bruxellas petit.

CARDINALIS Lotharingiæ asseverabat quidem Regi Margaretham in eo loco degere, qui potestatem in ipsam duci præstaret; compertum tamen Pfalseburgensem sororem, conditionum impatientem, quæ eâ regiæ majestati traderent, ut perviam Canonicam matrimoniū pronunciaretur Nullum & irritum, modum ostendisse evadendi, quo usa est ad eodextere, ut testaretur, quantum & ambitio & amor auderent etiam in animo muliebri, ad quævis obstacula exuperanda.

Renuntiatum, iniecisse vestem equestrem, induxisse ocreas, strinxisse calcaria, inscendisse equū validū, egressam eo ornatu Nanceio, ad horam quartā matutinā, comitātē Davisæo nobili, nuper Remiromontanæ aulicū, præter duos alios: transisse plures excubias, & semel examen subiisse, ubi Davisæus sese Marchionis Sanchaumōtij ferebat familiarem, & evasisse, confectis eo die tredecim leucis, ex occurſu copiarum Suecicarum in nemus opacum secessisse, manus sentibus & ramis lacerasse, & postridie Theonis villam pervenisse.

Primo sane non patuisse portas, quarū introitus penitus negari videbatur, nisi formæ venustas commiserationem excitasset, cum humi jaceret prostrata & languida, pallijs contecta, Davisæo introitum procurante. Ingressæ Villanam gubernatoris conjugem alium amictū obtulisse. Hinc Puylarentio scribebat ipsa rogato, ut evasione suam nuntiaret Aurelianensi, rationemq; omnem edoceret, cum constituisset illic mandata ipsius expectare. Cum autem postea consultius censeret, securitatem viarum occupare, Namurcum transit, ne evasione divulgata, novam pateretur persecutionem.

Rex cum ægritudine animi hæc nova audit, cum facile prævideret seriem periculosam evasionis, divor-

divortio identidem difficiliore. Sanchaumontius sane male audiebat, illam imposturam passus postquam à Cardinale Duce esset monitus, ut accuratè observaret transeuntes, cum ipsa vestem & sexum posset mentiri; respondissetque, sibi eam curam relinquendam. Ipse Aurelianensis non adeo lætabatur eo casu, cum sponte intelligeret, novo sese vinculo adstringi Belgio: leges tamen civilitatis, & Hispanorum consideratio, quibus satisfaciendum erat, persuadebant gaudij summam.

Quantocyus igitur Theonis uillam jubet excurrere Fontanum Chalendræum, Ramæum & Lauaupotum, quos Elbæuius & Prylaurentius consequebantur. Ipsa tamen per viam occurrit, Aurelianensis usque ad Marcam famelicam obviam procedit, & adventantem excipit, Namurum deducit, adeoque Bruxellas, cum honoribus & blanditiis eximijs. Adeum diem, quo ingressura erat Bruxellas, Infans Gubernatrix cum universa Aula procedit obviam, ad semileucam extra oppidum: in occursum descenditur ex curribus, Infans pangit osculum salutis, apprehensa manu deducit ad suum currum, cedit locum superiorem.

Ad portas Bruxellarum stabant cives armati, sclopetorum explosione adventum gratulati, adest Senatus, honoris ergo, itur ad reginam matrem, quæ summam lætitiā testata, osculum dedit. post sermones semihoræ deducitur ab Infante in hospitium, quod ante biduum supellectile egregia instruxerat, magnificentia æquam cum pietate partem generosissimæ animæ possidente. Magaretha ibi gaudium animi nihil coercerat, adeo jucundum est, summum honoris gradum, post tanta pericula, attigisse: repetebat enim sæpius, nunquam sibi fidem factam eorum, quæ historiarum commentarii de principibus fugitivis sui sexus narrarent, nisi ipsa periculum fecisset.

Infans quotidie nova gaudij irritamenta addebat admodum sollicitè, submissis donarijs, quæ ingenium æquè referrent ac liberalitatem.

*Politica Reminiscencia.**Nihil ingeniosius fæminis, ad exequenda
destinara.*

Summum fæminis ingenium, si quod institutum sum-
sere conficiendum: imaginativa facultas, quam à
Natura habent acutissimam, consiliarij vicem gerit, ad
millena suggerenda media expeditionis, omne genus fe-
nestrarum aperit, cum tantâ successus prosperioris spe-
cie, ut facillime desiderium experimenti concipiant.
Hinc exoriuntur ij motus, ut quævis obstacula aut di-
verticula dispellant; non deest iracundia necessitati, quæ
tantam inquietudinem adfert, ut tranquillo nequeant
esse animo, nisi pervadant, & finem optatum consequan-
tur.

Hæc violentia mentis geminat sæcunditatem ima-
ginativæ: quemadmodum enim calor aëris in gremio
terræ generat singulis diebus nova germina, ita fervor
desideriorum nova producit media in animo ad execu-
tionem, omnes cogitationes eo convertit, omnes eo
motus dirigit, omnem eo inflectit mentem, omnes illuc
instruit potentias, adeo ut nihil cogitent, nihil deside-
rent, nihil loquantur, nihil faciant, nisi ad scopum
quod faciat. Hæc meditatæ obdormiscunt, desiderium
executionis somnum abrumpit, & rerum per diem ferè
vacuæ, delitijs fruuntur imaginarijs, perpetuos sermo-
nes cum familiaribus cædentes fidissimis.

Viri rerum arduarum studiosi imaginativam habent
longe steriliorem, quæ par licet, per diversitatem nego-
tiorum eos ita distrahit, ut uni eidemque rei diutius in-
hærere nequeant. Fæminarum alia est conditio, & in-
primis principum, quibus negotia ex libidine sumun-
tur. Dicam etiam, prudentiæ inopiam, quâ plurimi la-
borant viri, commodare fæminis, ad majorem execu-
tionis audaciam, quæ minor est sapientissimis viro-
rum, ex judicio infinitorum incommodorum, quæ non

admodum attenduntur à sequiore sexu. Reverentia etiam sexui debita videtur metum tollere, cum certum habeant, extremorum summam fore, ut sexum & natales aperiant, summis viris omnem omnino iniuriam abstinentibus.

Inter artium compendia, quibus uti solent ad evadendum, & libidinem explendam, sæpissimè vestem à sexu & natalibus alienam sumere. Sic Laodicea, uxor Mithridatis, maritum nunquam deferens, postquam à Pompeio esset victus, diutissimè eum est consecuta, quasi corpus & animum gereret indefessum. Semiramis, cum perperderet, maximam populorum partem imperii feminini esse impatientes, vestem solitam à morte mariti abiicit, regiam eamque virilem sibi circumdat, ut administrationem imperii conservaret usque ad pubertatem filii Nini.

Scimus, historiam testari, complures fæminas Persiæ sese dedisse comites maritis, militari veste amictas, in illa expeditione, quam rex Persarum adversus Selimum, Turcarum imperatorem susceperat, quæ occisæ & expoliatæ fidem fecere. Etiam legimus, complures Germanos expeditioni sacræ tempore Imperatoris Cunradi susceptæ interfuisse, veste & armis virilibus, ad virtutem Amazonum.

CAPUT XXV.

Transigit Lotharingus.

PROGRESSUS armorum regionum in animo Ducis miranda producebat effecta, quæ Cardinalis Lothariæ promiserat regiæ majestati: disponebatur enim ad omnia secundum progressum exercitus regii. Cogitur Cardinalem fratrem ad regem legare Neovillam, qui Neo Nanceium offerret. Cum autem Rex non ignoraret, metropoli veteri ipsi permissa, occasionem & rationem denuo tumultuandi resumendam,

dam, quamprimum anthores tricarum valida submitterent auxilia, non acquievit. Reversus altera vice Cardinalis frater, utramque Nancei urbem in rationem depositi offert ad eas condiciones, quæ utrique Cardinali placuissent.

Hæc desideriorum summa speciem habebat: cum autem Cardinalis dux Ducis ingenium nimium titubare animadverteret, ut minus fiduciæ inde caperet, regem monendum censuit, inconsulte oblati nihil fidentium, potestatem agendi non solido inniti fundamento, certum nihil habendum, donec portæ urbis patescerent ad recipiendas regias copias, unde ad absolvendas operas ne momento quidem uno cessatum. Postquam autem Cardinalis dux à rege amplissimam accepisset potestatem negotiandi, cum Cardinale Lotharingiæ agere instituit, in has condiciones pactus.

Prima obligabat Ducem Lotharingiæ, ut ab omnibus fœderibus, quæ in Galliæ fœdera impingerent, recederet.

Secunda imponebat necessitatem, ut regi inserviret in omnibus, & contra omnes.

Tertiaprohibebat armorum usum, per rempestatem turbatæ Germaniæ, præter clarum regis assensum.

Quarta jubebat ex authorari universas copias quam primum primitèrius Oxensternius fidem dedisset, de eo non offendendo, & de milite deducendo.

Quinta ferebat utriusque Nanceii traditionem, quam rex intra triduum in rationem depositi acciperet, donec rectius Ducis institutum, aut rerum Germanicarum compositio omnem suspicionem & metum, superiorum invasionum adversus regiam majestatem, eiusque fœderatos tollerent; etiam matrimonium Aurelianensis cum Margaretha pronuntiaretur per vias legitimas & validas irritum; dissidia inter regem & ducem definirentur; utriusque interea temporis iuribus salvis, quibus pacta hæc nihil derogarent. Si vero bellum Germaniæ ultra quadriennium produceretur, conditionibus istorum pactorum utique prius adimpletis, rex Nanceium in potestatem Ducis,

aut successorum, & jus habentium redderet.

Sexta postulabat, Margaretham intra quintum decimum diem in potestatem Regis tradi, aut saltem Cardinalis frater & Dux bonâ fide adniterentur, ad eam tradendam, adeoque refugium istud dissolutionem matrimonij nihil impediret.

Septima concedebat Ducatum Barrensem potestati regiæ, donec Dux satisfecisset per debitum homagium.

Octava definiebat, redditus Lotharingiæ & appendicum cum omni libertate Duci relinqui.

Nona constituiebat, ut Nanceio impositus à Rege gubernator, armorum per tempus depositi Imperium teneret absolutum, sine ullo alio respectu, nisi ut tesseram à Cardinale Lotharingiæ caperet, quamdiu urbem ille incolere vellet.

Decima sanciebat, ut disciplina militaris constaret, nec incolæ durius haberentur à præsidarijs.

Pacta ista coiere in castris ad Nanceium sexto Septembris die: discedit Cardinalis Lotharingiæ, ut duci fratri ratihabitionem persuaderet quantocyus. Redi, Comitem assumit Janinum actuarium secretorum, Regem facit certiorum, triduum impenditur executioni pactorum, & introitui regio.

Politica reminiscencia.

Solent principes transigendi studium expromere, ut hostis temporis iacturam, illi compendium faciant, cum uno etiam momento res arduæ conficiantur aut pereant. Galli profligaverant Romanum exercitum, ad urbem progressi, nihil munitam, ne portarum quidem objecta claustra inveniunt, adeo fractæ erant vires reipublicæ. Deseritur urbs à robore civium, qui Capitolium occupant, bonæ fortunæ litantes. Circumfunduntur hostes, egressum intercludunt, intus fames dominatur post penuriam omnium rerum: fit deditio, ut quod reliquum esset auri & argenti appenderetur, & hostis discederet.

Adest Camillus, extorris ante, & susceptâ potestate quam

quam procures miserant, militem dispersum colligit, inopinantes opprimit Gallos, qui victis, & ex summa necessitate pactis insultabant, in alteram bilancem adjectâ Zonâ, quæ pondus augetet: victores graviter mulctat, urbem reddit civibus, libertatem Capitolio. Tantum momentum adferebat summæ rerum tempestivus Camilli adventus. Quoties vero in obsidionibus vel diecula, vel horula vicissitudinem præstitit immannem? quoties restaurata sunt prælia, ex auxilijs submissis, quæ collapsas vires reddidêre integras?

Multa cadunt inter calicem, supremaque labra, ait Horatius, quid vero de belli aleâ, & administrationis vicibus dixerit? Transacturus igitur videat, quo in statu versentur utrinque negotia; ubi mora quærat, aut sit damnosa; cum uterque compendia sibi sua indager, fides in suspensio manebit, donec effectorum ratio appareat.

CAPUT XXVI.

Observatur Lotharingus quod tergiversaretur pacta servare.

Die constituto delabatur Cardinalis Lotharingiæ ad moræ necendæ rationes & excusationes, ut satis intelligeretur, fratrem Ducem misisse mandata contraria per Gitonum nobilem; ideo ut à capite negotium esset recipiendum. Cum autem Cardinalis dux virium suarum sibi esset conscius, nec ignoraret, quantum Lotharingo esset superior, negotiationis filum noluit abrumperè: mittit igitur Marchionem Chanvalonum Nanceium ad Cardinalem Lotharingiæ, qui secundum mandata diceret, quasi suâ sponte, Regem per omne genus rationum obligari ad extrema persequenda; gravate tamen ad executionem instituti transire, ob ipsius ingenuitatem & studium, in transigendo compertum.

Responder Cardinalis, voluntatem illam nihil im-

minutam, facturum fidem ultimo hoc conatu, apud fratrem, ut pacta serventur: sic mittit nobilem qui verbis clarissimis denuntiaret, summæ rerum esse prospiciendum, quæ pessimo versarentur cardine: expenderet consilia, Contrissonum ad Regem legaret, qui saluum conductum impetraret, ut libere ad fanum Nicolai Dux cum Cardinale Duce conferret. Rex assentitur; postridie tamen consultius putat, ut Cardinalis Dux progrediretur Charmas usque, ad instituendum colloquium, cum suspicari liceret, colloquium quæri, ut à fano Nicolai pateret transitus in Flandriam, ubi locorum ille nunquam esset facturum de ditionem Nanceii.

Remuneriatur igitur, Charmas rectius convenire colloquio; assensum utrinque, & octavo decimo die conventum. Cardinalis Dux prior adest, ad horam quintam vespertinam, quem comitabantur Cardinalis Valettanus, Nuncius Pontificis Maximi, multitudo magnatum & nobilium, addito equite & pedite satis valido. Supervenit Dux ad horam undecimam noctis: ubi Cardinalem Ducem audit nocturnæ quieti compositum, non patitur ipsum excitari, quod ille domesticis injunxerat adeo ut postridie sese invicem salutarent.

Eo die bis instituere gravissimum colloquium, quod diutius extractum, nullam tulit concordiam, etiam spem transactionis apud plurimos evanidâ. Dux autem per industriam & eloquentiam Cardinalis Ducis inductus, tandem cedit, ubi Cardinalis Dux salutatum venisset discessurus. Promittit executionem pactorum, quæ frater iniunxisset, & suorum mandatorum seriem, nihil addens, nisi ut liceret Nanceij commorari, cum omnibus honoribus, qui natalibus convenirent, quemadmodum Cardinali fratri idem permitteretur: sic adimpleret spatium trium mensium conditiones pactorum, etiam illam, quâ tenebatur Margaretham in manus Regis tradere, & Rex Nanceium reddere, sine ulteriore morâ, munimentis, si videretur Regi, dirutis.

Cardinalis Dux eo lubentius in duos illos articulos

con-

consensit, quod tantummodo quæreretur, in negotia in viam rectæ rationis deducere; nullo penso proferendi limitis Gallicani, quæ alioqui potentissima est ad obtinendam à Rege gloriam optatam: Firmantur igitur utrinque pacta, & expectabatur executio proxima. Cum autem Cardinalis Dux non ignoraret, quanti referret, Lotharingum non sibi relinqui, nec fidei propriæ permitti, quam ingenij inconstans natura potuisset concutere; impensè laborabat, ut coram cum Rege ageret, ad maiorem promissorum fidem, & promptiorem executionem.

Ostendebat ad oculum, hoc institutum ipsi summæ gloriæ futurum, cum sic principibus vicinis clarissimè testetur, quomodo Nanceium in rationem depositi non coactus traderet: neque defuturum commodum, si regiæ majestati reverentiam haberet, & submissionem, unde major cooriretur fiducia, ad Nanceium per primam quamque instituti comprobati rationem reddendum. Tanta inerat verbis potentia, ut simul abirent vicesimo primo die mensis ejusdem ad Regem.

Nanceio ubi essent propinquiore, Cardinalis Dux accelerat paululum, ut cum Rege loqueretur ante Cardinalis Lotharingici adventum, ut legationis & negotiationis redderet rationem, consilia etiam reipublicæ utilissima, quæ videbantur, suggereret. Nichil memorabile gestum, nisi quod Dux Lotharingiæ accedens ad Regem, valde inclinavit corpus, additis excusationibus, submissionis testimonijs; asseverabat, summam sibi voluntatem erga obsequium ipsius & pacta servanda; suppliciter rogans præteritorum abolitionem, & præsentium veniam.

Rex cum amplexatur vultu sereno, & majestati convenienti modo, addit, lubenti sese animo recipere oblatam amicitiam & obsequium; oblivioni traditurum antea acta, & veniam largiri. Deducit deinde ipsum in conclave, ubi Cardinalis Dux cum proceribus Consilij præstolabantur. Cæduntur sermones soliti multa proferuntur in laudem Lotharingi, & armorum

studium, quod non involupe ipsi accedebat. Rex tandem inquit: Fatendum tibi, quam sinistram de te opinionem conceperim, cum executionem pactorum, quæ Cardinalis cum fratre tuo inierat, & ipsis habuisses rata, adimplere tergiversareris: agebam, tibi nec fidem, nec promissa esse. Nunc vero, postquam fiduciam in promissis, quæ de executione facis, collocaui, muto opinionem, & testabor tibi benevolentiam quâ te amplector.

Cardinalis dux excipit sermonem, ad Regem conversus, sponderem libenter de studio Lotharingi erga tua commoda, adeoque desiderio vitæ aliter, quam hactenus instituendæ. Delendæ sunt, serenissime Rex, fastidij causæ, quas regia majestas potuit habuisse, quin potius credendum, ex instituto in posterum satisfactum iri commutato; oportet ut tuis auspicijs militet, & exercitum ducat. Lotharingus secundum hæc orditur longam civilitatis seriem, rogitari Regem, ut in gratiam reciperetur. Rex denuo firmat securitatem benevolentia: cumque cænæ instaret hora, jubet Rex cum deduci ad hospitium Ducis Valettani, quod ex præcepto erat paratum, ut ibidem lautissime haberetur.

Postea tamen, secundum Lotharingi protestationes quascunque, de diverso vitæ agenda instituto, quod ingenium versutum notum esset, occasionem præbuit regi, ut nonnullos adderet corycæos, quibus fides constabat. Neque hoc præter rationem, cum postridie graves extarent conjecturæ, ex quibus fugæ consilia, & pactorum inanis fiducia paterent. Reverendus Pater Josephus cum Buthilerio ipsum adit, ut de pompa, quâ Rex ingrederetur Nanceium, consultarent. Ibi tam frigide Dux agebat, tot remoras necessebat, ut nihil fere dubitari posset. Quoniam vero nihil etiam tum posset asseverari, supersedit Rex ipsius personam comprehendere.

Hunc autem ex miranda instituit ordinem imprudentia, ne jus hospitalitatis violaret, ad ullam ignominiam, ut juberet semper ad hospitium ipsius & personam observari viros cordatos, qui nullo diffidentia signo dato,
atten.

attenderent, ne ille evaderet. Turpe enim fuisset revera, Ducem illudere Regi ex istiusmodi discessu; patuisset æque imbecillitas ac imprudentia, nisi attineretur, in fuga inita. Omnino servanda erant promissa securitatis, ipsi data ad executionem pactorum. Cum autem ipse pactis stare nollet, nec Dux aliam securitatem haberet, quam ex pactorum fide, iam poterat & deberet attineri; cum maxime executionis neglectus cum redderet numero hostium, quo ante censebatur, quemadmodum hætenus non licuerat, nisi post mentem apertam. Quod si evasio eam satis patefaceret, imprudentiæ foret, viam Flandriæ pandere, evadentem dimittere.

Politica reminiscencia.

Princeps promissa destituere parans post transactionem, debet attineri, ut hostis.

Quicumque princeps pactus est, & postmodum mutat institutum, aut promissis stare renuit, hostem sese proficitur illi, quocum transigit. Eo numero licet ipsum habere: promissorum enim elusio summam injuriam apud principes trahit. Hæc demum viris ordinis equestris causam præbet duelli, & mutuae cædis; hæc principibus occasionum summa ad bellum sumendum. Per transactionem pacis causâ susceptam redduntur amici, ruptura illa efficit eosdem hostes, unde omnis superat libertas eos attinendi ex eadem lege, quâ licet hostem ubicunque locorum comprehendere.

Præter rationem transgressores hinc aucupabuntur securitatem, quam sponte calcârunt. Dux Burgundiæ, qui Ludovicum XI. attinuit in castello Peronnæ, laudatur per historiam exactu illo prudentiæ, cum revera rex occasionem dedisset. Huc consenserant uterque, ut convenirent de pace acturi, quam etiam firmârunt: sed Ludovicus XI. non admodum sincerus, legatos miserat ad Leodienses, quibus persuaderet bellum in ducem iteratum, secundum amplissimam spem, quam faciebat ma-

gnorum emolumentorum & auxiliorum: Leodiensis autem perduellionem inceptârant tempestivius, quam regis expediret rebus, unde Dux nihil dubitavit ipsi custodiam circumdare, ne evaderet, quamprimum certior esset factus, ipsius intercessione tumultuatum esse.

Et ut verum fateamur, si quid sinistri accidat violatoribus pastorum, sibi id imputent; potuissent autem omni carere incommodo, si Ecclesiastici uti placuisset præmonitione, quâ docetur, Peccatum impostoris redundare in authorem: dissimulatorem duplo augere peccatum: perjurium non justificatum iri, sed familiæ propriam futuram sequiorem fortunam.

CAPUT XXVII.

Rex invehitur Nanceium & disponit omnia.

Cum dux Lotharingæ intelligeret, artibus nullum crelinqui locū, nihil proponendum ulterius sed executionem promissam instituendam, tandem mandat, ut portæ recluderentur Nanceii copijs regijs, ad vicesimum quartum Septembris diem. Marechalci hospitiorum à Rege ibant notatum diversoria: egreditur præsidium Lotharingi, ad numerum bis mille, trecentorum peditum, & ducentorum triginta duntaxat equitum, qui sane tertiam partem necessitatis ad tuenda munimenta non explebant. Exercitus regius subit, diffunditur per utramque urbem in diversoria notata.

Rex quinto vicesimo, comite Cárdinale Lotharingæ, qui occurrerat, invehitur trahēs viros cordatissimos, qui expeditioni cum ipso interesse avebant. Populus primo parū gaudij testabatur, cum autem animadverteret ordinem admirandum, quem Rex eodē præscribebat die, ne male haberetur, nemo non ignes festivos ad vesperam pro vestibulo ædium suarum faciebat. Postridie adventabat regina, ut partem sibi sumeret ex eo gaudio, quod regi non poterat non esse summum, postquam nobilissimum

simum Europæ munimentum tam angusto tempore ,
nullo suarum copiarum sanguine subegisset. Rex obvi-
us ad portam Divi Iohannis ipsam excipit, ubi legio Pi-
cardiæ stabat per ordines explicata.

Secundum hæc adest Dux Lotharingiæ, cum Car-
dinale fratre, & Palseburgenfi sorore, qui obsequi præ-
starent majori cum civilitate, quam gaudio. Sic igitur
Nanceium, metropolis Lotharingiæ, quam robur prop-
ugnaculorum, & latæ tergeminiæ fossæ videbantur ad-
versus omnem vim reddere securam, eadem fere operâ
obsidetur & deditur: Duos ad minimum poterat annos
extrahere obsidionem; verum enim vero virtus Regis,
suffulta prudentibus Cardinalis consilijs, quod regia
majestas suâ perscribebat manu, intra quartum deci-
mum diem opus absolvit. Industria enim summi Mini-
stri cogebat Ducem ad fidem promissorum servandam
aliquamdiu, ut traderet Nanceium in rationem deposi-
ti, secundum tempus definitum, ne in perpetuum per-
deret, quod metuebat.

Fama vix renuntiârat Europæ obsidionem, cum de-
ditionis miraculum promulgare cogitur, ut Poëtarum
& Pictorum assereret figmenta, quibus Victoria est ala-
ta, & denotent, progressus principum, à fortuna beato-
rum, parum distare ab avium volatu. Visæ sunt expedi-
tiones confectæ, quarum spem pauci conceperant; pro-
tutudo autem regis fidem fecit eorum, quæ historia ce-
lebrat famosissima per Antiquitatem, adeo ut miracu-
lorum vicem sustinere desierint. Quæ vero ordinem rex
instituit ad munimenti huius amplissimi custodiam non
parum in hac occasione præbet disquisitionis.

Gubernator dicitur Brassacus, equestri loco natus ,
nuper reversus à legatione ad summum Pontifi-
cem ; illius sane mansuetudo & modestia poterat
incolis mutationem dominij reddere non ingratham ,
quemadmodum non poterat loci custodiam securius
credere. Subdit illi octo millia propugnatorum, ex
validissimis legionibus exercitus lecta severis addi-
tis mandatis, ut eam moderationem colerent, ne in-
colæ durius & incommodius viverent. Jubet an-
nonam quamprimum comportari, apparatus belli

cum

cum fieri. Constituit, munimenta, quæ necessaria iudicabat, convertere in Citadellam, maxime ubi utraque urbs conjungitur, ut præsidarii haberent, quo confugerent, si qua tumultuaretur: cujus instituti causâ arma omnia adimi voluit.

Cum autem præsentia potioris non videretur usus, redit Parisios, non eo fastu & pompâ priscorum Imperatorum, qui à popularibus adorari satagebant, aut saltem triumpho superbo post reportatam victoriam invehantur, sed per eam modestiam, quæ gloriam augeret expeditionum, adeo ut & longinqua & propinqua itinera palmas undiquaque conferrent.

Politica reminiscencia.

Quis ordo servandus in loco recens capto adversus principem hostem.

Cum popularium benevolentia robustissimæ cæcnæ vicem gerat, quâ princeps eos Imperio suo adstringat; nemo ambiget, testimonia mansuetudinis & clementiæ, quæ per urbem nuperrimè domitam constituet, ordinis novi fore normam, cum sic excitetur benevolentia: victoria enim, nisi illam adipiscatur, referet plantam sine radice. Quemadmodum enim exiguus ventus arborem faciliè prostermit, quam radices parum firmant, sic minima quæque occasio tumultuandi invitabit ad arma corripienda, & jugum obedientiæ excutendum.

Noverit igitur victor, nihil potentius captivare animos, quam emolumentum: quod si semel eos suæ administrationi implicet, in qua plus mansuetudinis & commodi inveniant, quam sub Imperio superioris principis, nihilerit, quod metuat. Galli amiserunt per Vesperas Siciliam, & tempore non diuturno Regnum Neapolitanum, cum Ducatu Mediolanensi; quod adeo rigide imperarent, ut principibus nulla esset causa fidei servandæ, & novos dominos colendi.

Romanorum institutum ex mansuetudine & moderatione celebre, populos Sagunti & Italiae devictos diutissime tenuit in obsequio; cum viceversa Hannibalis austeritas eos averteret, quamprimum potentiam ibidem constabilire incepisset. Addam nihilominus momenta quædam particularia, ad ordinis illius institutum explicandum, ut populares alicujus urbis nuperime devictæ in officio contineantur.

Non parum profuerit, accuratam præstare justitiam in negotijs & causis civilibus, cui addenda cura ubertatis & annonæ: pietas est colenda, nobiles fovendi, & literati lucrandi: Monachorum etiam familiæ nihil negligantur, sed honore & eleemosynis demulceantur, ijs immunitates servantur in pleno usu. Ipsi enim conscientias popularium possident; & autoritas ex vitæ instituto laudabili & factis & dictis fidem conciliat, adeoque exemplum sequendum.

Quemadmodum etiam in potestate optimorum & sapientissimorum principum non est, popularium benevolentiam per testimonia benignitatis acquirere, qui effertati, iniqui, & beneficijs impervij sunt; opus itidem fuerit, in oppida nuper subacta validum imponere præsidium, quo contineantur in officio, & coerceantur tumultuaturi: ducibus tamen injungendum, ut moderate degant, ne oneribus nimijs & querelis præbeant an-
fam.

Deinde auferenda sunt ea omnia, quæcunque turbis concitandis sufficiant; arma scilicet, miles, machinæ bellicæ, feroces & turbarum capaces, adeoque turrium & locorum munitorum usus. Sic Cæsar in oppidis subactis primo jubebat sibi tradi arma & equos, obsides etiam nobilissimos & fortissimos, quibus medijs intercludebantur à tumultu ciendo. Neque enim satis est, abstulisse arma, si retineant viros autoritate & consilio præstantes, qui exiguo negotio alii possunt curare clam submitti, conductis etiam copijs militaribus.

Carthaginienses id per experientiam ostendêre, posteaquam Romani omne armorum genus abstulissent, cum rationem inirent ex ferro, quod in urbe inveniebatur,

tur, singulis diebus, eudendi centum scuta & trecentos enses, præter sagittas, & machinas jaculatorias, adeo ut feminarum capillos converterint in funiculos, deficiente canabi. Viri enim ingeniosi & militiæ periti gravius sunt metuendi, quam ipsa arma; sic & accuratius efficiendi ex oppido, quod asserendum sumitur, quam sclopeta, hostilia, & quævis igrivoma.

CAPUT XXVIII.

*Conatus Feriani & Aldringerij, ad Lotharingum
asserendum, redduntur prudentia Car-
dinalis inutiles.*

QUO tempore rex arma sua disponebat, ut iniustis conatibus Lotharingi obviaret, Austriaci constituebant Aldringetium in Germania & Ferianum in Italia, qui ad Constantiam juncti, descenderent in Alsatiâ & Lotharingiam, ut à naufragio Lotharingum tutarentur. Instituti ipsius certior, moras identidem necebat, adeo ut in Belgium evadere cogitaret, certâ spe conceptâ, si Nanceium sex tantum septimanas, aut alterum mensem sustineret impetum Gallorum, abunde temporis habituros illos exercitus sospitatores.

Ex eadem autem causa Cardinalis, cui promittum est mederi ante cladem, tam vehementer instabat, ut ille coram ageret cum rege & pacisceretur, persuaderet etiam regi, mitteret ad Suecos, qui Feriano & Aldringerio occurrerent, viam ad Alsatiâ intercluderent, & Forcæum cum exercitu vices mille virorum in Lotharingia relinquerent. Ille in mandatis habebat singularibus, ut tumultus & machinationes quascunque à Duce institutas coerceret; iussus tamen simul Suecis submittere, quanta desiderarent auxilia, ut duobus illis summis ducibus essent pares.

Con-

Concordia summa inter Regem & Suecos extemplo suadet Hornio excurrere ad transitus Feriani, & cum virtuti nihil videatur invictum, Constantiam tentare, quâ maxime portâ Ferianus erumpebat in Germaniam. Cum autem Ferianus appropinquaret, cura agri Wirtembergici, ne in eum fieret irruptio, angeret, auxilia obsessi valida reciperent, & lacu libere uterentur, recedit Hornius, rogatus plurimum à Duce Rohanio, nomine Regis, & conjunctionem Feriani cum Aldringerio permittit.

Dux interea Vinariæ Bernhardus, ut eos ab Alsatia retraheret, sumit Ratisbonam obsidendam, præter Straubingam & alia in ripa Danubij loca. Ferianus tamen & Aldringerius, instituti pertinaces, trajiciunt Rhenum, & per agrum Basileensem effunduntur in Alsatiam. Quod ubi Mareschalco Hornio, & Palatino Birkenfeldio nuntiatur, accurrunt, instant, Rhenum trajiciunt ad Argentinam, occupant anteriora ad Colmariam, parati ad configendum. Illi vero, quibus id solum erat cordi, ut Ducem Lotharingæ juvarent, à prælio semper abstinuere, eoque magis, quod didicissent, quantas copias Forcæus hostibus obtulisset.

Aldringerius ubi nullum operæ pretium videt, ad Brisacum denuo trajicit Rhenum, sed Hornius nullum temporis momentum ratus perdendum, itidem trajicit, consequitur fervide, & carptim abeuntem cædit. Hinc igitur viribus ille diffusus, Brisacum ingreditur, ubi Ferianus, qui in Alsatia remanserat, & à Palatino Birkenfeldio, atque Otone Rhingravio infestabatur, denuo jungitur, ut una transgressi in Sueviam meliore uterentur fortunâ; ipse tamen vanâ. Ferianus enim post aliquot menses vitam cum morte commutat, in medio instituti curriculo, copiis plurimam partem dissipatis & confectis per famis, frigoris & contagionis vitium.

Non hoc unum commodum Rex à Succis ferebat, cum fæderati ipsi non minus essent cordi;
eos

eos igitur adhibet ad asserendum Ducem Württembergicum & comitem Hanoviae, patrocinium expetentes, postquam duo illi Duces vastitatem illis territoriis inferre quærent, hostium numero habentes, quoscunque ab instituto suo alienos, ut illic reficerent militem, provinciam devastarent: Afferuntur igitur tam feliciter, ut hoc anno nihil damni ferrent. Fateor quidem, non tantum istis duobus principibus fuisse usui, cum Forcæus jubente rege in aliquot illorum munimenta partem exercitus spargeret: nam Marchio Burbonius, Campiductor, sexcentos gregarios Mompelgardix, quæ juris est Würtbergici, imponit, & per ipsius virtutem, prudentiam, vigilantiam, & studium erga regis gloriam, servata fuit; dum quaterna hæc propugnacula circumdet munimentis sibi commissis, ad majorem securitatem.

Mittit & alias copias Forcæus Busivillam, Susivillam, & Neovillam, ut sic Comitatum Hanoviae custodiret Fæderati perinde Gallix afferuntur, Dux Lotharingiæ relinquitur inops auxiliorum, & Cardinalis dux aufert gloriam summam, qui consiliis suis, & fæderatorum tempestiva opera duobus exercitibus occlusit transitum, ne in Lotharingiam effusi, regem in possessione victoriarum turbarent.

Politica reminiscencia.

*Prudenter impetitur hostis in transitu per
arma fæderatorum.*

QUicunque princeps videt exercitum hostilem ingruere in provinciam nuperrimè subactam, rectius ipsum prævenit, ut domi ipsius configat, quam ut aggreddentem expectet. Rationes istius axiomatis alibi exposuimus. Eum sane ordinem Romani in omnibus gravioribus servabant expeditionibus, præter bellum Gallicum, & Punicum secundum, quæ vel inde nunquam potuere finire, donec exercitus per mare & Alpes trajicerent.

Qui-

Quicumque autem copijs parcat, aut ad alia instituta accommodat, porro rectius fecerit: si mediam viam occupet, & laeessant, sive in provinciam hostilem invadat, sive transitus infideat, operâ fæderatorum, ut progredi nequeat. Cum Hannibal spem de subjugandis Romanis abjecisset, Antiocho consulit, ut eos intra Italiam oppugnaret: id quod optime successit. Eodem modo Gensericus Rex Vandalorum à Basilio Patricio, prælio maritimo, eoque sævissimo victus, persuadet, ut graviora declinaret, OstroGothis & VisiGothis, inruptionem in Imperium Romanum, invento salutis remedio, quo destitutus, periculum exitij ultimi sustinebat.

Ut autem exempla aliquot rationibus firmemus, verum utique inveniemus, quod Cræsus ad Cyrum agebat, exhortatus, ut Thomirim in propria invaderet provincia: Si hostem admittis, vastitatem dabit grandem, si uno prælio sis inferior, aut in confusione delaberis, non acquiescet simplici victoriâ, sed victricia proferet arma, donec universam provinciam sibi subiciat. Deinde nihil sustinetur periculi, ubi per fæderatos, aut domi suæ, aut in angustiis imperitur, quin imo sic servantur copiæ integræ ad meliorem usum, sine immenso labore.

Vicerit licet fæderatos. hunc exercitum inveniet intactum, & viribus nondum fractis ferocem, adeoque ad repugnandum fortissimum, dum ipse sese sentit imminutum per itinera, conflictus, morbos, &, attritum ex defatigatione. Præterea & viarum & claustrorum majorem suscipiet notitiam, si à fæderatis, ipsi viciniorebus laeessantur; quibus facilius annonam & supplementa submiseris: Sic igitur semper producet effectum instituti, ut eum scilicet abstineat, in quo eo majus apparet commodum, quod nullum subit periculum, exercitum servet alacrem & integrum, quo fæderatorum copias fulciat, ad claustra servanda infirmiores.

CAPUT XXIX.

*Diversi commeatus, ad transigendum cum Regina
matre, & Aurelianensi.*

Quamvis Regina mater, & Aurelianensis per proximum biennium ad extrema evasissent, artibus illorum, qui nimiam sibi acquisiverant fidem in consilijs, industi, tenerrimus tamen Regis animus, quem nunquam non erga ipsos exeruit, variis stimulabatur curis, ut illi resipiscerent, seseque Gallia redderent. Regina mater decubuerat aliquamdiu, et Rex, ut testaretur quanti faceret ipsius valetudinem, non sustinuit ad primum nuntium, quin Riolandum & Petrum Parisiorum famosissimos medicos mitteret, qui omnem omnino curam & industriam depromerent, in ea restituenda. Sæpius etiam mittebantur Nobiles, qui de valetudinis constitutione renuntiarent.

Cardinalis profecto non parum contribuebat ad illam sollicitudinem; is cum nullam prætermitteret occasionem, quâ Reginae matri testari posset suum obsequium, illam experiri capir mitiorem, adeo ut videretur pristina amoris sensa erga Regem, & fiduciam erga Cardinalem resumtura, nisi abominandis consilijs eorum, quibus nimium fidebat, denuo fuisset perversa; Chantalupi particulariter, qui extra tempestatem nullus, abhorrebat à tranquillitate. Non tamen per omnia impediebat, quin sæpiculè mitteret, qui certiora de Rege referrent, & asseverarent, quanto studio ipsa in gloriam regiam & valetudinem ferretur: satis tamen improbo artium supererat, ut effectum intercluderet.

Alio experimento vix utar, præter instructionem, suâ manu perscriptam, & Labeviotraditâ, cum regina mater mitteret salutatum regē: Subjiciebat piofecto lenociniū verborum, ut studium illius erga regē promoveret, adeo ut etiâ permitteret, reginâ matrem ad Cardinalem scribere, ut testaretur, paratâ ipsi benevolentia, cui justissimo-

testimonia liceret sumere, & sic occultius falleret. Noverat autem optime, regem, nisi iudicii usum exuisset, quo tamen in omnibus institutis admirationem consequitur, nunquam passurum, ut ipsius reginam matrem comitaretur, & consilijs instrueret, post secreta per Alphestonum & Chavaniacum propalata, de tollendo Cardinale.

Per complices igitur reginæ matris animum obfirmat, ne abigeretur, sed ut fidelis & admodum industrius audiret minister, quo ipsa carere non posset, nisi cū dispendio authoritatis & rerum agendarum. Instructio insuper Lalevio data, amplius confirmabat animi sensa apud regios. Cogitabat quidem improbitatem specioso amicare velo, dum suppliciter rogat Cardinalem de dimissione, quod nollet tam egregium opus transactionis impediri. Ita vero amplius patebat acutis oculis, cum certum haberet, se excluso Reginam matrem nunquam rediturā.

Perplexabatur etiam hic sermo, adversus illum, qui nunquā longius removendum asseverabat; quin etiam Cardinalis sic reddebatur ipsi exosior, quem sciret, non adeo egenum prudentiæ, aut studio erga regem vacuū, ut reditum ipsius permitteret. Proponebat sibi etiā, diffidentiā maxime obviare transactionibus inter Magnates, quibus concordia duntaxat redit per confidentiā mutuā, omne pensum ponebat in illa fovenda apud reginæ matris animum; quod eadem instructio, Laleviam aperte demonstrat, quæ jubebat dicere, Si rediret in Galliā, fortis fieri iacturam, Cardinalem semper promptū habiturū ipsius exitium, nullo metu noxæ reciprocae, etiam potestate apud ipsam deficiente, ambigere etiam, de Cardinalis diffidentiā, tametsi vices & amplius studium de reditu ipsius impensissimum retulisset.

Nullo igitur negotio apparebat in Patris Chantalupi actionibus, quod una manu causā ad transactionē ferret, alterā vā grandia objiceret obstacula: similimus illi, qui populares ad restringendum ignem vocat, occultē focū struens & fomitem. Aula Bruxellensis non hoc unū dedit per istum annum testimonium calamitosorum principum, quotiescunq; ambitiosis parent ministris, quibus solitum est privata compendia præferre principis com-

modo. Documenta enim nihil minus apparebant in transactione Aurelianensis, quam Elbenius agitabat. Ipsi enim Rex fecerat copiam sapius commicandi Bruxellas & Parisios, si quæ ratio inveniri posset, ut ipsum ex manibus Hispanorum eriperet.

Si Aurelianensis scivisset, nihil sibi in Gallia metuentum, id vero votorum regionum esse summam, ut partem gloriæ & voluptatis caperet, quem regia majestas amore prorsus filiali amplecteretur; nunquam profecto diecalam unam in Belgio hæsisset, perrupisset propediem omnia obstacula, ad evadendum. Puylaurentius tamen, qui potens erat in animo ipsius, omnem fidem meritis, præ omnibus alijs, quod metueret supplicium temeritati debitum, cum ipsum tertium ex Gallia deduxerit, & fructum speraret colligere benevolentiae, satis inveniebat industriæ, ut contrarium persuaderet, & diffidentiam summam instillaret.

Animum inducebat, in Gallia nihil tutum ipsi, sub ipsissimum adventum deductum iri in saltum Vincennarum, aut saltem familiam coricæis explendam, ut custodiam perferat molestiorem; Regem nihil curare hospitium ipsius ad Hispanos, nisi quod metueret, ne armatus in Galliam irruat, æmulationem esse studium illud collaudatum, cum principes obliquo oculo spectent successores necessarios. Nunquam denique permitteret, ut Rex quenguam obtrudat in consilium, qui notitiam actionum venetur, cum universi illi corycei aut speculatores recte nuncupentur. Compactum iri quasi in eculeum, & summas angustias, ubi regiae benevolentiae aucupes, novam identidem subjicerent diffidentiam, donec in castellum aliquod seponatur, ad diem usque coronæ ferendæ.

Non utique ignorabat, quanti interesset Regum, absolute servare in voluntates principum regionum Imperium, & de consilijs potissimis certiore fieri; conscius insuper, virum quemque cordatum, Principi additum, partem & confidentiæ & favoris propediem sumturum: maximè ubi ille, quisvis foret, Principi demonstraret, non nisi ex privatis commodis susceptum
iter

iter in Belgium, & moram ibidem tractam, unde pernici-
cies extrema posset consequi. Quæ vero consilia man-
suetudinis & pacis possent sperari ab ipso, qui nunquam,
etiam redditus tranquillitati, desinebat in sermonibus
regem carpere, & Cardinalem offendere, ad commina-
tiones etiam prolapsus, uti meminisse possunt, quicum-
que cum ipso egerunt.

Quod si Chantalupo nihil erat fidendum, post extre-
ma illa, quæ amare videbatur, & institutum immotum,
in quo animum Reginae matris firmabat, ne deserere-
tur; nulla ratio majorem fiduciam de Puylaurentio sua-
debat, ob eam dispositionem, in qua inveniebatur, quin
præsentia Aurelianensis iterum abusus, novum per Gal-
liam suscitaret incendium belli civilis, aut quantum ex-
tra Regnum deduceret, ad primam umbram diffidenti-
æ, quæ mentem alioqui ægram tentaret.

Diffidentiam maiorem faciebat locus, manifestus am-
bitionis æstus in animo, quod vitium audaciam omni-
um rerum inspirat: deinde eximia illa benevolentia,
quæ Aurelianensis cum prosequeretur, potestatem erat
servatura ejus ad nutum traducendi, adeo ut Aurelia-
nensem revocare, cum comite, quo carere nolebat, fuisset
facem divisionis in Galliæ sinum conjicere, quæ sa-
ne tum temporis salutem potius quærebat necessariam
in concordia arctiore, cum Exteri magna compendia ex
discordia, quam sollicitè in familia regia fovebant, col-
ligerent.

Verumenimvero, nulla apparebat ratio, cur inter Au-
relianensis intimos censeretur; nisi ingenium & mores
mutaret, sed qui pergeret cum Rege agere protervius,
repudians conditiones, secundum quas Rex desidera-
bat reditum Aurelianensis, alijs propositis, ac si Prin-
ceps cum principe, par cum pari ageret, ausus etiam sua
commoda admiscere, cum rectius ad pedes regie ma-
jestatis advolutus, offensarum gratiam petisset. Pro-
fecto hic autoritas regia turpitudinem tulisset non ex-
iguam, si testaretur tantam imbecillitatem sub oculis
universæ Europæ, ut cogeretur legem à subdito accipe-
re, cui deberetur ex rigore justitiæ supplicium.

Vulgus, cui acies oculorum hebetior ad penetrandum, quæ in fundo latent, videbatur suggillare, neque Reginam matrem, neque Aurelianensem restitui gratiæ regiae, post tot commeatu; sapientiores autem, quibus de negotio nonnihil constabat, non satis admirari poterant prudentiam Regis, qui auctoritate uteretur, quam leges conferunt principibus in propinquos, ubi de reipublicæ agitur salute, ut nec reditum illorum præcipitet, qui in perversa dispositione inimicorum tumultus ultiores in Regno excitassent, ad instituti Lotharingici dispendium.

Politica Reminiscencia.

Summa est prudentia, nihil præcipitare transactionem cum periculo reipublicæ conjunctam.

Hic demum fiet compendium sapientiæ, ubi transactiones, cum periculo reipublicæ conjunctæ neutiquam præcipitantur. Certum omnino, si generatim loquamur, præcipitantiam sapientibus consilijs inimicæ negotiorum turbinem sine termino, & improbum ministerium, cum cæca sit, & providentiæ expers, adeo ut nunquam nisi cum dispendio agat. In primis vero apparet id in paciscendo, ubi partes in necessaria ad pacem dispositione non inveniuntur. Etsi enim omnia sint plausibilia, per principia, non tamen diuturna fuerint, propter rancorem animorum, qui extabat in vestibulo, & ex quocunque fastidio novo augetur.

Subit enim divisio, & pro satisfactione occurrit pænitudo. Tantum enim abest, ut definiant causas, quin potius complures inde enascuntur disputationes inter Magnates: & facilitas firmandi pacta definit in mille difficultates per executionem, adeo ut post sedulum laborem ad promptiorem exitum, eadem quæ prius ratio dissidendi valeat inter eos, quos concordiae relictos credebas. Odiū facillime inter Princeps suscitatur, nihil minus obliviscuntur, quam injurias susceptas: quamvis enim easdem dissimulent aliquousq; nunquam tamen desinent effecta protrudere, per occasiones oblatas.

Olim diversæ instituebantur transactiones inter Ludovicum XI. & Carolum Burgundiæ Ducem, per quas videbatur consuli utriusq; imperio: quoniam autem exnecessi-

cessitate & secundum rerum curriculum illas dux inibat, quoties arma ponerentur, non vero ex animi propensione, ad vitam cum rege degendam tranquille nunquam non repetendum erat exordium, adeo ut sola mors potuerit determinare illorum dissidia. Quoties vero Aurelianensis familia fuit reconciliata cum Burgundica? semper tamen in vanū: quo principes non abjicerēt odiū mutū, & ex quacūq; causā ac suspiciōe ad arma recurreret.

Henricus II. non multum obtinuit, postquam Ducem Guyssium in gratiam recepit, qui nihil desinebat persequi institutū ab ambitione susceptum. Ingenia rerum imperitiora nihil advertunt sortē dubiam in concordia principum, cum existiment, non parum profici, si amicicia aliquamdiu saltem constet: est tamen, uti gravissima consequantur illam sortem, verbigratia, ubi divisiones civiles, quas de novo suscipiunt, rem publicam exponunt periculo, & Exteris compendium præbent. Longe præstat, Magnates extra regnum commorari in discordia impotente, quam ut ad aulam versentur, aut provinciam longinquam incolant, unde facillime possent tumultuari, & seditionem ciere.

Existimaverim ego, considerationes illas præcipitatas rectissime comparari digestioni nimis promptæ, quæ ex Medicorum sententiā corpus tantummodo replet cruditatibus, quæ morborum deveniunt causæ: videas enim plerumq; suspiciones & novas lites, tanquā semina bellorum civilium inde nasci. Multo igitur expeditius fuerit moram interponi, antequam firmentur, ut evadant solidiora, quam præcipitari, ut exiguum tempus subsistant, & novas producant turbas.

CAPUT XXX.

Cardinalis gratiam reginae matris ambit.

Cardinalis vero nihil desinebat sibi expetere, Reginae matris benevolentiam, adhibitis quibuscunque testimonijs submissionis & gratitudinis. Re-

vocabat ipsi in memoriam, quicquid officiorum per universam ipsi reddidisset vitam, fidem quam applicuisset omnibus ipsius actionibus, consilia optima quæ nunquam non suggesserit, pacta compendiosa, quæ per suam industriam ipsi conciliaisset. Ut denique Orbi terrarum suam probaret innocentiam, literas ad ipsam dat admirandas, quas cum dignæ sint, ut auro describantur, inferanturque in tabulas æternitatis, ex idiomate Hispanico transferre in Latini periculis, ubi nullus dubito, vestæ alienam non parum ex elegantia genuina surrepturam.

Novi, Serenissima Domina, meos, vel potius reipublicæ hostes, improbitatis non fecisse compendium, postquam apud maiestatem tuam mihi detraxere, quin præsentiam meam & Regi suspectam reddant, quali copiosius animo ad ipsum accederem, ut alienarem atque dividam, quæ Deus & Natura conjungere. Spem pono in divina benignitate, fore aliquando, ut improbitas illorum pateat, actiones meæ quamprimum iustitiæ comprobentur, & innocentia mea triumphet de calumnia.

Non, Serenissima Domina, quod me minus felicem & culpatum sentiam, postquam desij tuæ maiestati gratus esse, aut vitam mihi ipsi exosam traham, in hoc rerum mearum statu, postquam benevolentia tua mihi est carendum, eoque æstimio, quod præ omnibus terrarum honoribus diligebam. Id autem cum ex manu tuâ liberali obtinuerim, non tantum acceptum tibi refero, sed etiam ad pedes tuos demitto. Excusa, Serenissima Domina, opus tuum & creaturam; Quicquid processerit ex ingenio tuo regali, sine murmure excipietur à me, quod millenis comprecationibus prosequar.

Verum enim vero Serenissima Domina, parce quæso, adjuro pietatem tuam à natura insitam purpuræ Ecclesiasticæ, quæ me amicum vixisti, ne splendorem & decus perdat per maculam adeo turpem, quam aspergeres. Neque vero simile sit rationi, omnium mortalium devotissimum fore ingratissimum; meamque adeo conscientiam, mea commoda, primamque meam propensionem animi tuæ voluntatis subiisse Imperiū, & nullo alio mutationis pretio idē rejecisse, quā ut apud optimā & maximam Universi huius Reginam proditoris referam vitu-

Hoc ipsum, Serenissima Domina, si recte expendere-
tur, posset me exculpate, & à crimine atque suspitione
liberare tribunal tuæ majestatis, quæ sententiam atram
in me fere inauditum tulit. Non tamen appello quen-
quam, cum me totum tuæ voluntati transcripserim. In-
felicitati propriæ adstipulor, nec disputabo adversus
Dominam meam, nec etiam rationem istius actus pe-
tam. Tantum absūm, ut cogitem patrocínio Domini
mei inniti, aut ministrorum quorumcunque, vel etiam
recognitioni præteritorum officiorum, adeoque oblu-
tari indignationistux cursui, quin ipsam mētem ipsius
forem criminis damnaturus, aut contrariam viam sum-
turus, quam hactenus ingenium tenuit manifestissi-
mam ad gloriæ compendium per fidelitatem, & ad se-
curitatem per innocentiam.

Minus etiam desidero, miserabilem meam sortem in
Gallia absoluerē, aut Romam transferre, ut ibidem de-
ploratissima quæque aspiciam: ubiuis enim locorum
obrepet fastidium, per Majestatis tuæ absentiam, a-
deo ut ab aspectu tuo remotus, præter desiderium mor-
tis nihil habeam reliquum. Optarim tamen, propter
authoritatis meæ compendium, & eum gradum, quem
in domo Dei obtineo, ut ea mihi obtingat post inno-
centiæ meæ manifestationem; & nisi nimis audacter
voveo, post benevolentia tuæ redditum honorem.

Hoc ubi obtinero, nihil dolebo ab aula recedere,
aut ex mundo exire: cum quotidie millies moriar,
postquam maiestas tua visa est credere, me degeneras-
se, adeoque defuisse esse quod sum, nempe.

Serenissima Domina

Majestatis tuæ

humillimus, fidelissimus
& obsequentissimus
servitor.

ARMAND CARDINALIS RICHELIVS.

Xxx 5


Pol-

Politica reminiscencia.

Aut vitium est naturæ, aut institutionis, hominem, animal rationale, ratione nihil duci, nihil flecti. Ajunt sane, mentem mortalium quorumcunque, referre papyrum virginem, quæ primas lineas avidissime imbibat, nunquam penitus amittat, cum per naturam sit tenerrima, & atramentum ex ijs constet materijs, quæ per acrimoniam sint tenacissimæ, quemadmodum in solidioribus cælum infugit lineas ad æternitatem transmittendas. Sic omnino testa, quo semel est imbuta recens, servabit odorem diutissime, & animus, opinionum vacuus, exordium suscipit facile motuum quorumlibet; sed plerunque antequam rationes contraria adferantur, sinistra opinioni dat locum.

De institutione nemo dubitabit, qui Mithridatis meminert. Is enim effecit poto sæpe veneno, ut ne toxica quidem nocere potuerint, ubi eorum vim in morte spontanea desideraret. Ad oculum patet, guttam & stillicidium excavare lapidem, quod sensibus credere cogimur: quid vero non poterunt creberrimæ suggestiones, quæ, instar aquæ blandiuntur, sed per continuum casum obfirmatissimo animo vim inferunt. Acrimoniam habent suspiciones, ne dicam stimulos, ut mens de statu deiciatur, & omnia sequiora intelligat, adeoque applicet.

Præclare ille agebat, rebus omnino singulis geminas esse ansas, dextram & sinistram: unde mortalibus opinionum diversitas, cum alterutram apprehendant. Non per omnia absimiles puerulis, qui sibi vitrum rubrum aut flavum, cæruleumve apponunt, ut objecta colorem vitri referant; vitio & in vitro, & in oppositione vitri hærente.



CAPUT XXXI.

*Litigium inter Archiepiscopum Burdigalensem,
& Ducem Espernonium.*

SUB finem istius anni suboritur grave litigium inter Henricum Surdisium Archiepiscopum Burdigalensem, & Ducem Espernonium, Aquitaniæ gubernatorem. Archiepiscopus ille, cuius ingenium est omnium negotiorum capax, præfecturam, per obsidionem Rupellæ, gerebat aliquot navigiorum bellicorum in illa provincia, cum potestate particulari, quæ ipsum eximebat quovis Imperio: Dux vero, qui nunquam passus erat deplumari sibi alas, non parum inde offende-
batur, tametsi rem dissimularet, aucupaturus occasionem commodæ vindictæ, quæ non statim sese præbebat, Archiepiscopo ad aulam, & per Pictaviam occupato, ad Regis causam tutandam.

Quemadmodum vero non minori pollet memoria, quam fortitudine, rem distulit usque ad reditum Archiepiscopi, qui sub finem anni incidebat. Consuetudo autem Urbis fert, ut Jurati Archiepiscopo obviam eant usque ad Pontem, quotiescunque ille peregre adventet: Dux igitur, ne honor iste exhiberetur, advocat Juratos à meridie, cum expectaretur Archiepiscopus, quos distinet siue per negotia conficienda, siue per alias technas, donec ille introiisset in Palatium. Conabantur quidem Jurati excusationes Archiepiscopo adprobare, quod non ivissent obviam, quibus ille tamen sibi minus satisfieri testabatur.

Accessit alia offensa post pauculos dies, cum Dux ex jure litorali primam nasellam legeret, quam ad rationem fori piscarij entam solveret, ubi ex mandato quorundam particularium aperitur & clauditur. Atriensis igitur Archiepiscopi adit Cliam, locum nempe recentium piscium venalium, ut pisces coc-
me-

meret, arceatur à vestibulo, quod jus litorale nondum esset præstitum. Quod ludibrium potius mensam, quam personam Archiepiscopi lædebat, injuriam tamen ille interpretatur summam, querimoniâ per ordinem justitiæ institutâ, unde litigium vehementissime exarsit.

Dux enim irritator, volupe habuit eundem lusum iterare, quo die Archiepiscopus Juratos excipiebat opipare, cum cæteris Urbis præfectis, satellitum mittit, ut ne Cliaaperiretur, aut pisces venum proderentur: adeo ut Archiepiscopi ministri vim molientes, vapularent. Dicitur etiam, Ducem eodem die, ne Archiepiscopus marinos aliunde haberet, custodias disposuisse circa Archiepiscopale Palatium, ut ingressuri excuterentur, piscibus direptis.

Archiepiscopus igitur juste indignatur, querimoniam apud Procuratorem Generalem iterat & juratos, qui diversa testimonia signabant, cum protestatione appellandi Regis, incusantes viros quosdam cum mantellis coloris dubij inter viridem & fuscum, quibus cruces albæ insidebant; nullâ utique mentione satellitij ducalis. Iterata tamen ista querimonia nihil commodi attulit secundum primam: Dux imo jubet Naugasium legatum satellitij occasionem aucupari, ut Archiepiscopo per plateas Burdigalæ occurreret, cui satellitium exponeret contemplandum, rogans proterviore quemcunque indicaret, asseveraret denique nullum à sese unquam prodiisse mandatum ex animo ipsum offendendi; aut aditus ad Palatium impediendi.

Naugasius non deest mandato, capit occasionem ut rem ex ordine exequeretur, vicanos satellites Ducis sequi jussos, obviam trahit Archiepiscopo in monasterio Divi Andree, cum ex urbe rediret in currupensili. Aurigam inhibet, habenas equorum arripit, & per tumultum circumcirca coortum confusè ipsi insit, Venire sese à parte Gubernatoris Ducis, ut ipsi repræsentaret viros cum mantellis dubij coloris inter viridem & fuscum, cruces albas gestantes, ut sciret, quinam illi essent, & ipse dispiceret, qui arguerentur ipsum offendisse; asseverans

rans insuper, neminem à sese jussum proterviā ipsi facere.

Ludibrium istud magnum excitabat dissidium, alijs in scandalum trahentibus, alijs risum applicantibus Archiepiscopus autem testabatur, quam graviter sese offensum sentiret, convocato universo Clero, cui injuriam in sua persona susceptam exaggerabat, & quid porro agendum foret, dispiceret. Constitutum, ut Naugasio sacris interdiceretur, antequam vero anathema promulgaretur, irent duo Canonici, duo Curati & duo Monachi ad Ducem, qui satellitum apud ipsum incusarent, an ipsius jussu res esset peracta.

Dux Deputatos excipit civiliter, sed ne titubaret, aut erraret in responso, quod erat daturus, petit, ut sermonem scripto exhiberent. Renuntiatum ubi id fuit Archiepiscopo, iterum convocat Clerum, ex illius sententia statuit postridie promulgare censuram excommunicationis contra Naugasium, ipso festo Omnium Sanctorum, adeoque omnes complices. Naugasius admonitus de istac censura, eam appellatione abusus rejicit, Archiepiscopo appellationem insinuat; & Dux accersit domum suam omnes omnino professores Juris Canonici, & magnum numerum monachorum, exquirat consilium super ista censurâ.

Proponitur autem facti species in forma qualicunq;, unde plurimis eorum visum, nonnihil in censura erratum, neque omnia momenta juris fuisse observata, perinde credere sese, eâ notatos non obligari. Dux hanc sententiam quanto cyus promulgat per compita, ad clangorem tubæ: id quod Archiepiscopum tam vehementer irritavit, ut nihil recordatus, monachis illis fere impossibile fuisse, ad Ducem non convenire, postquam vocati fuerant; sententiam datam pro re propositâ, quæ tamen nihil definiret, sed tantum simpliciter testaretur de illorum sensu, quemadmodum Advocati quotidie pronuntiarent de oblatiis, etiam quæ ipsum regem spectarent; constitueret eos per rigorem castigare.

Hæc sententia conformis inveniebatur illi, quam Episcopus Nannetensis Prælati, cujus autoritas est illustris,

lustis, vita sine macula, & scientia sine secundo, Duci per literas rogatus præscripserat, dum is metueret, ne studium complacendi Doctorum & monachorum nimium tribuissent ipsius commodis. Archiepiscopi nihilominus rancor tantus erat, ut sententiam ferret in omnes monachos opinionem à Duce promulgatam probantes, condemnationis, quod attentassent adversus personam ipsius & dignitatem; interdicit illis omnia munia, & functiones Ecclesiastica cuicunque modi, agendi cum populo, conscientias emaculandi, & administrandi Sacramenta in Diœcesi Burdigalensi, annexo mandato ad superiores Provinciales, ut ipsos castigarent, & ex monasteriis Burdigalæ extraherent.

Excandescencia, qua flagrabat, nihil permittebat respicere ad immunitates à Sede Apostolica familiis istorum Monachorum indultas, quibus inhibentur omnes omnino Prælati censuras intendere in ipsos, addito supplicio eiusdem excommunicationis, qua illos irretire conarentur. Hinc Monachi Pontificem maximum appellarunt, de sententia præter auctoritatem latâ: non tamen Archiepiscopus sustinebat argui falsi, unde in Palatium Archiepiscopale convocat Superiores monachalium familiarum, ut sententiam in Naugasij favorem latam revocarent.

Dux certior eorum quæ agitabantur, conventum eum impediendum censet; iungit igitur excubiarum duci in urbe, ut Palatium Archiepiscopale sagittariis cingeret, ne quis Monachus introiret, ex metu turbandæ tranquillitatis publicæ, quam per officium teneretur curare. Archiepiscopus intimè dolebat, consilia sua per vim disturbari, cumque opera omnino esset pretium facturus, constituit ipse adire Monachos, & in Palatium deducere suum; unde omnis mali prodiit scaturigo, cum præterita plerisque viderentur ludicra.

Dux autem, qui nunquam tantum patientiæ acquiescebat, ut toleraret Archiepiscopi immunitatem Ecclesiasticam, ad confringendam potentiam politicam, ipse cum satellitio & aliquot nobilibus, cum præstolatur ad vestibulū Cænobij, quod adjacet Ecclesiæ metropo-

tropolitanæ: obviam procedit Episcopo adventanti, verba quædam injuriosa ingerit, pileum & capillare ad terram defluere facit, pomum baculi manualis etiam pectori admovet, quod testantur nonnulli, auditi secundum informationem, quam Parlamentum instituit postea.

Tumultus iste mire personabat Urbem; Archiepiscopus tamen nec cursum, nec tempus perdit, postridie, undecimo nempe Novembris conventum agit Cleri, & ex ipsius sententia pronunciat Ducem cum complicitibus excommunicatum, interdicto subjicit Urbes & suburbia Burdigalæ ac Cadiliaci. Parlamentum animadverso illo tumultu, omnem dabat operam, ut res ad transactionem converteretur, sed frustra, ubi hoc tantum ab Archiepiscopo impetravit, licere Parlamento Missæ interesse sacrificio in sacello Palatij, quem locum servârit integrum.

Mittebat etiam ad Regem informationes de omnibus, quæ evenissent, ut causam ad unguem deduceret: Rex de universo negotio edoctus, Archiepiscopo mandat, ut interdictum tolleret, & Duci, ut in domicilium Plassaci, quod est extra Diæcesin Burdigalensem, secederet, & Pontificis sententiam expectaret, cui causæ cognitio competeret, postquam ipsum appellassent: ad sextum fere mensem extrahitur decisio, adeo ut in alterum annum differretur, cui tempori & loco reliquum servamus.

Politica reminiscentia.

Ab omni tempore Pontificibus & Episcopis magnos exhiberi solitos honores.

Functio Pontificum & presbyterorum adeo eminens est & sacra, ut ab omni tempore obligarit populos & Imperatores ipsos ad magnam reverentiam. Plutarchus hanc causam adducit, quod Deum rogent bona, non solum sibi & suis, sed etiam communiter omnibus

bus hominibus. Romani etiam pagani tantum illis habebant honorem, ut sacerdotes Jovis per Urbem incedentes, haberent licentiam & sedem Curulem; adeo ut multam irrogarent Cneo Cornelio Prætori Romano, quod injuriosus disputasset cum Æmilio Lepido, Pontifice maximo.

Alexander Severus tantum ipsis tribuebat, in rebus religionem attingentibus, ut nihil offenderetur, quoties ipsorum sententiæ discreparent à sua. Alexander autem magnus reverentissime habuit Judæorum pontificem maximum, cum irritator Hierosolymam peteret, exitium minitatus, sacerdos autem summus occurreret Pontificalibus indutus, ut non tantum demulceretur, sed & obviamiret, & Deum in ipsius personâ, quod historia refert, adoraret.

Omnes omnino Gentiles primum locum sacerdotibus & presbyteris dedere secundum Reges, unde grandis criminis reus putabatur, si quis eos offendere esset ausus. Quod si lumen naturæ eos ad tantam reverentiam induxit, major utique ipsos honos apud Christianos manet: Episcopi enim noscuntur patres; pastores Ecclesiæ, propagines nostræ religionis, adeoque custodes ovilis Domini. Intuebantur eos, tanquam legem recte vivendi, tanquam amissim laudatorum morum, & tanquam Angelos, quibus maxime patent mysteria fidei nostræ, & qui præ reliquo genere mortalium plus sint defæcati in flammis Spiritus sancti.

Colebant eos, tanquam viros dignitatis eximiæ, qui tenentur mentem continuo in res cælestes sursum dirigere, & vivere ex generoso contentu eorum, quæ fortunæ & mundo dominantur, veluti astra scintillantia, quorum splendor nunquam obscuratur per nubes vitiorum & horrores; veluti viros cælestes, qui familiarius cum Deo conversantur, veluti libros vivos veræ doctrinæ, vera organa Christianorum, & ideam vitæ per populares instituendæ. Constantinus Magnus solebat dicere, Non sese eos considerare ad rationem cæterorum mortalium, sed qui throni sint, ubi Divinitas hospitaretur. Unde nullus patiebatur, eos sermonibus protervis
lace.

lacerari, adeo ut violatoribus mortis irrogârit supplicium, quicunque eos offenderet, quod per ipsam Historiam patet; ante omnia mandans præsidibus provinciarum, ut quemvis ipsis honorem exhiberi curarent.

Dicam etiam, cælum semper gessisse curam particularem, ut injuriæ ipsis illatæ vindicarentur: exempla per Historiam patent plurima, quæ compendium istorum axiomatum produci vix patitur. Subjiciam tamen, Prælati, ut sese dignos reddant honore illo eximio, convenire, ut officium colant: si enim umbra non invenitur corporis expers, contra omnem pene rationem videbitur, gloriam præter virtutis meritum quæri.

CAPUT XXXII.

Edictum sumtuarium ad coercendas expensas.

Quamvis bella exotica, à Rege suscepta, ab aliquot annis absorbuerint immanes pecuniarum summas, Regemque adegerint ad varia tributa exigenda, quæ particularium redditus non parum minuebant; ubertas tamen Galliæ popularibus sufficiebat, unde satisfacerent proclivitati insitæ, ad vestium pompam & laetitiam continuandam. Offendebatur autem Rex prodigalitate nonnullorum, qui nihil morati necessitates reipublicæ, in particulari sumtus faciebant superfluos, in materia vestium, phrygio opere, fimbrijs aureis & argenteis, turriculamentis & alijs vanitatibus, quæ non nisi per abundantiam integræ & diutinæ pacis tolerari possent.

Ex eo maxime capite coercendi videbantur, quod nimia ista curiositas & studium novandi non parum pecuniæ ex Gallia ad Exteros projiceret, ut paupertas paulatim foret metuenda, unde Rex nihil opis ad ducendum bellum expectare posset, quod & gloria majestatis, & reipublicæ commodum suscipi, adeoq; continuari voluere. Istis rationibus itaque inductus, edictum mense

Decembri promulgat, quo prohiberentur texturæ, fimbriæ & turriculamenta auri argente, quorum ulna excederet pretium novem librarum, addita penâ confiscationis, & mulctæ pecuniariæ, ad mille sexcentas libras, si quis gestaret, & mille aureos, si quis venderet.

Silentio non involvam, regi gnarum fuisse, exempla principum plurimum posse apud populares, ad observationem legum, itaque Gallis sese præstitit normam, & eam curam applicuit, ut accuratius servaretur, quam ullum istiusmodi edictum per tempora superiora.

Politica reminiscencia.

Edicta sumtuaria, quæ moderandis expensis nimis sunt, & Principi, & popularibus esse utilia.

EDicta sumtuaria, quibus superflua expensæ coercentur, æque Principi, ac popularibus, imprimis per bellorum tempestatem, prosunt. Abundantia particularium fontem opulentia præstat principi, thesaurumque certum, quo uti queat ad necessitatem. Quemadmodum vero opulentia absque parsimonia servari nequit, ut usus rerum non necessariarum tollatur, rectissime ea constabiliatur Edictis. Bellum gerere princeps nequit sine tributis insolitis popularium, neque exercitum sustentare ad justum tempus, & per disciplinam commodam. Quomodo autem subvenient ipsi populares in necessitate, si expensæ superflua eos privent abundantia.

Possunt quidem torculari subijci, ut quælibet reddant, usque ad ultimam guttam, sed ea violentia odij summam, præter infinitas imprecationes dirarum trahit. Dici posset, Magnates, prodigalitatibus vitio maxime hic laborantes, nihil tributorum pendere aut subsidiorum principi. Repono ego, eos adimplere.

perium armorum vocatos, ubi magnos sumtus fieri necessum est, plus contribuere ad sustinenda onera publica, quam populares, unde magis compositæ & parcius ipsis esset vivendum.

Nobiles ad pauperiem redacti, facultate commodandi, quoties necessitas ipsorum requirit operam, destituuntur; coguntur autem domi latere inglorij, dum alij opulentia tenaces, post sumtus compositos, apparatus struunt, ut rebus sic ferentibus apud exercitum spectentur, ad officium egregie præstandum. Addo etiam, expensas nimias perunque fieri in mercibus, apud Exteros coemtis, quos princeps in detrimentum suæ reipublicæ dicit: ubi vero illi hostilia meditantur, aut per potentiam aliquid suspicionis movent, jam prostituuntur rationes repugnandi, & facultas invadendi crescit ex adversa parte.

Secundum ista omnia adeo paucula requiruntur ad necessitatem humanam, ut præter omnem rationem videantur expensæ extremæ ex causis neutriquam necessarijs, quæ nihil conferant gaudij, magnum trahant incommodum, ex oeconomia fluxa secuturum. Acquiesce necessarijs, inquit Augustinus: cætera onerant vitam, nihil adimunt curis. Sumtus enim superflui, propter honorem speciosum facti, mire duram trahunt seriem & laboriosam.

CAPUT XXXIII.

*Dissidium inter Episcopos & Monachos definitur
per sententiam Senatus.*

CARDINALIS determinaverat quidem anno superiore per admirandam industriam dissidia, inter Episcopos & Monachos suborta, cum istis persuaderet quædam capita, quæ ab alia manu nunquam erant suscepturi: sed genij quidam turbarum studiosi, & quietis impatientes ex-

cudebant nescio quos libros, in utramque partem. Summa dissidij oriebatur ex nomine quodam, quod in Manuscriptis quibusdam Concilij secundi, apud Aurelianienses celebrati, non tamen in alijs codicibus extabat.

Qui à parte Monachorum stabant, ex nomine sumebant compendium. Confirmationem non per omnia necessariam esse baptisatis: quod cæteris intolerandum videbatur, cum eandem prorsus necessariam statuerent. Leges historiæ hoc mihi permittent, ut dicam, seriem à Monachis institutam non vacare periculo, cum ex eo nomine confici posset, Episcopos per Angliam nihil esse necessarios, postquam omnia omnino exercitia Christianæ fidei Catholicis libera ibidem relinquuntur, præter unam Confirmationem. Accedebat etiam fervor dissipandi, qui eos sæpiculè ultra terminos doctrinæ salutaris efferebat, adeo ut sese mutuam fodicerent, ad Hæreticorum gaudium & compendium, conscientias timidiusculas turbarent, nec tranquillitati publicæ parcerent.

Exordium coercionis sumtum à libris istiusmodi descriptionis inhibendis, qui permissu magni Senatus tantum impressi vulgarentur. Doctores autem facultatis Theologicæ apud Parisios non acqvievere hoc statuto; Conventionum agunt, libros Patris Sirmundi, quos ad sustinendum illud nomen fecerat, denuo examinandos censent: adeo ut hinc prodirent libri quidam sine permissu, contrarij charitati Christianæ, & paci, inter Ecclesiasticos maxime vegetæ.

Cum res ad Regem permanisset, remedium applicare nihil distulit malo gliscenti; custodi sigillorum dat in mandatis, ut negotium haberet curæ, sancit sententiâ latâ, ut libri nomine Patris Sirmundi, & Petri Aurelij scripti & vulgati, qui partium erant duces, examinarentur à novem doctoribus facultatis Theologicæ: prohibet, ullas propositiones, aut deliberationes fieri in Conventionibus de libris istis; à quo vis homine, sive Librariam curet, sive casu exerceat, eos venum exponi, sine permissu & literis patentibus magni sigilli, sub pœna corporali.

Prælatorum quidam fervidiores, quam sagaciores
jurium regionum, querulabantur de ista sententia, ex
consuetudine, quæ Regibus nihil permitteret doctrinæ
Ecclesiasticæ usurpationem: responso tamen non caru-
ere, cum custos sigillorum nimis accuratè didicisset po-
testatem Regis, nimis ipse versatus in lectione autho-
rum Classicorum, ut ignorare posset, Reges & Impe-
ratores semper notitiam istiusmodi causarum suscepisse,
& ex commodo reipublicæ constituisse, ut tranquillitatem
Imperiorum conservarent.

*Politica reminiscencia.**Quam potentiam habeant Reges in causis
Ecclesiasticis.*

DEus quidem principaliter Imperatorum & Regum
dexteris instruxit sceptro, ut potestatem tempora-
lem exercerent in populares, usus tamen temporum co-
git fateri, non exiguam ipsis esse auctoritatem in nego-
tia Ecclesiastica. Antiquius nemo desiderabit exem-
plum, quam illud Constantini Magni, Imperatoris, cum
primus Christianorum Imperij sit adeptus apicem.
Conspertissimum autem est, ipsum dici Episcopum re-
rum, extra Ecclesiam versantium: quoties ad Episcopos
ferberet, addebat, sumere sese partem ex ipsorum mi-
nisterio, quod curam Ecclesiarum spectaret.

Administrationem etiam illarum revera suscepit tan-
to fervore & diligentia, ut per actiones piissimas audi-
ret author legis & religionis, quemadmodum legere est
in antiqua quadam inscriptione: Summā cum sollicitu-
dine pacem conciliavit Ecclesiæ, tempore Arii, coactis
diversis Concilijs, ad dogmata ipsius examinanda, pro-
hibita etiam lectione librorum hæreticorum. Et ut pa-
teat, institutum ipsius nihil ferre usurpationis, poterit
quilibet ex historia discere, ipsos Pontifices maximos,
Clerumque particularem ab omni tempore adiisse Im-
peratores & favorem in rebus emergentibus sibi expe-
tuisse.

Clerus & monachi Constantinopolitani rogârunt Theodosium & Valentinianum, ut curam Ecclesiarum fusciperent, & hæreses reprimerent, donec Imperatores illi Divo Cyrillo mandarent, ut doctrinam Nestorij æquabiliter examinaret. Episcopi Concilij Constantinopolitani suppliciter petierunt à Theodosio, ut Decreta formaret, quæ sanxerant: & Bonifacius pontifex maximus tantam in persona Imperatoris Honorij agnovit potestatem in rebus Ecclesiasticis, ut rogaret eum, Edictum promulgaret, adversus quosvis ambitus in electione Paparum.

Promptum foret, hunc usum deducere per exempla Imperatorum sequentium; potius habeo dicere, institutum nostratum Regum non fuisse ab illis alienum. Clodovæus enim, qui primus illorum sacra Christianorum amplexus est, diversa statuta ad ministerium Ecclesiarum sanxit, quemadmodum ipse ad Episcopos Galliæ in epistola quadam perscribit, quæ integerrima extat, nullâ liturâ per undecim secula suscepta. Convocavit ille Episcopos suos Aureliam, ut Concilio acto ab ordinibus Cleri arcerentur omnes omnino populares, absque permisso regio: deinde Canones illorum firmavit, ab illis rogatus.

Uterius progrediar, dicamque Ecclesiasticos ex jure nascendi subditos esse Principum, qui à Deo receperunt potestatem cum corona judicandi causas personales, quæ emolumentum reipublicæ possent attingere. Nemo dubitabit, cum potestas judicandi à suprema autoritate non separetur, adeo ut principis subditus necessario submitatur justitiæ illius, Ecclesiastici autem recusare nequeant subditorum censum: postquam Pontificum maximorum celeberrimi, quod alibi monuimus, non tergiversati sint cum ordinem subire; secundum epistolam Gelasij ad Imperatorem Anastasium, & professionem fidei Pelagij primi, Childeberto Regum nostratum pene ultimo, ab ipso transmissam; & literas Sancti Gregorij ad Imperatorem Mauritium.

Nulla vero ratio repugnandi relinquitur, postquam

Sal-

Salvator mundi , & Divus Paulus agnovere , sese jurisdictione illorum teneri. Hinc Salvator ad Pontium Pilatum inquit , post agnitam auctoritatem , Nullam ipsi fore potestatem , nisi eam cœlitus accepisset. Hinc sanctus Augustinus , & sanctus Bernhardus in explicatione istorum verborum scribunt , iudicium Pilati , licet injustissimum , non fuisse usurpatum , quod haberet potestatem legitimam. Sic D. Paulus sese æstimat nimis beatum , si vestigia humilitatis , quæ magister reliquisset , sequeretur , cum non D. Petrum , sed Cæsarem appellaret à tribunali Festi , quod Cæsaris potestatem & auctoritatem in causa , quæ tum agitabatur , agnosceret. Neque vero discipuli ultra magistrum suum exurgent.

CONTINUATIO

HISTORIÆ DE MINISTE- RIO CARDINALIS RI- CHELII.

ANNO MDCXXXIV.

LIBER XI.

CAPUT I.

Aurelianensis redit in Galliam.

Annus hic inmanibus turbis efferatur , ut quo se calamus vertat , pene nesciat , postquam etiam animari desit à genio , mysteriorum gnaro : igitur spicilegium instituit per vastissimos historix campos , ut saltem series rerum gestarum fluat usque ad summi nostri ministri diem ultimum.

Yyy 4

Non

Non desinebat Cardinalis Aurelianensem facere certio-
riorem, de regis benevolentia, parum tamen profectum
fuisset, nisi Aurelianensis sponte animadvertisset, Hi-
spanos præter ampullata verba nihil fere præstare, ad-
eoque ex fastidio illo suborto suum sibi quærere com-
pendium. Jucundior em videbatur deseruisse aerem, ut
in crassiore hebesceret ingenium, rerum gerendarum
expers.

Adest tamen ex Hispania Orator, qui à Rege contem-
deret, primum ut Reginae matri redderetur dignitatis
gradus prior; deinde ut Aurelianensis matrimonium
cum Lotharingi sorore firmaretur; denique ut Lotha-
ringiæ Duci restituerentur ademta; tandem ut Hispani-
æ itidem quædam liceret recuperare. Cum postulata i-
sta viderentur belli occasionem dare aut quærere, re-
sponsum fuit, Reginae matris reditum semper futurum
gratissimum, honores ei paratos: de matrimonio & Lo-
tharingiæ restitutione amplius deliberandum videri,
per istas vicissitudines rerum: quæ vero ad Hispaniam
spectare possent, facillime reddenda, modo Navarra re-
diret ad priscum suum dominum.

Et ut apparet, quid animi Rex gereret, Gubernato-
rem præfecit Lotharingiæ, unde & Hispanus & dux in-
telligerent, rem non adeo proclivem esse. Aurelianen-
sis tamen, ubi videt, neque arma expediri, neque ali-
unde sperari auxilia, redit in Galliam, & sese Regis vo-
luntati permittit, receptus cum lætitiæ cumulo & la-
chrymarum gaudio. Irritum tamen pronuntiatur ma-
trimonium, à Theologis, in eum finem convocatis,

Politica reminiscencia.

ULyssis memorantur res gestæ & labores, quos per
decennium peregrinationis exantlavit: vidit inter-
ea temporis terrarum spatia diversa, didicit mores va-
riorum Gentium, transivit hortorum amœnitatem, nec
desijt, donec Ithacam contingeret, quæ ærumnarum
statueret finem, quæ tamen insula montibus & saxis as-
terior, non admodum suavem præbebat incolatum.

Nimirum patria erat, quæ nondum natum foverat, in hujus lucis usuram editum aluerat, & civem sibi perpetuum optabat. Vanta vis est naturæ in animos mortalium. Hinc asserere audet Tacitus, Scythas & Germanos omnino esse aborigines, & in eo solo prognatos, quod nemo mortalium adeo demens inveniatur, ut in-nutritus delitijs Asiaticis, aut opulentia Africanæ, velit migrare sub cælum admodum horridum.

Quod si vir prudens, cui omnis terra patriæ locum præbet, domicilium commutet, ad meliora transire studebit, deterioribus desertis id vel feris & avibus usitatum, unde hirundines & ciconias videmus ad loca redire consuecta, quæ ingruente hyeme deseruerant,

C A P U T II.

CUM Cardinalis intelligeret, Austriacos, subactâ Germaniâ, Galliam invasuros, constituit non tantum fimbrias Galliæ extendere, sed etiam firmare, ut irruptio in ipso limite frangeretur. Citadellam acceperat Verodunum, quo transitus Mosæ maxime assereretur, Metis coercerebat Mosellam, unde proximus esset gradus ad Rhenum.

In ulteriore ripâ, dextro scilicet latere, excitaverat Episcopus Spirensis munimentum; Eudænæ enim oppidulum exile, abolet, castellum struit, Rhænum frænâ, viciniam territat, Palatinum irritat, ut disjicerentur semiperfecta opera, unde turbis postmodum natis initium datum: maxime ubi idem Palatinus Mannæum, in angulo Nieri & Rheni, operosè muniret.

Sueciæ Rex progressus fuerat à mari Balthico ad Rhenum, quem etiam transmisit, delineato & vallato Gustaviburgo, ubi effluit Mænus, Lotharingiæ inhians. Rex Galliæ tam generosum triumphatorem semovendum putat à limine; itaque Lotharingiam patrocino complectitur, & aliquot dynastias Austrasiæ. Summum rationes postulabant aliquid præmij: suadet Cardina-

lis, ut Philippiburgum, in hoc enim nomen commigravit Eudenæum à Conditore, sumeret obsidendum, nequid inde periculi nasceretur vel Sueco, vel Gallo.

Sueci vero id non concedunt, ne Gallus fructum, quod metuebāt, victoriarum colligeret. Smidebergius dux locum circumdat, dum Sueci Austriacorum arma hinc inde fatigarent, annonam intercludit, quicquid Cardinalis ingereret, de causa deferenda, maxime post Sueci mortem, nisi permetteretur regi Galliæ illa obsidio, pergit Smidebergius, donec fame urgente per summam inediā Bambergius faceret ditionem.

Commodum accidit Galliæ, Suecorū res apud Nordelingam in Sueviā, per prælium decretorium affligi gravissimè. In Gallia igitur illi opem quærunt, quæ hoc demum tradito munimento impetratur: cui præficitur Arnoldus, magis propter natales & ex benevolentia, quam ex usu rerum & ætatis maturitate. Videbatur enim id validissimum Galliæ propugnaculum, & summum ad res Germaniæ curandas emolumentum.

Politica reminiscencia.

Ipsa Natura docuit bruta animalia salutis habere rationem, ut vel volatu periculum evitent, vel in cavernas sese abdant, vel in montium cacumina evadant, vel in lustra refugiant, vel flumina & freta trajiciant. Id mortalibus fuit primum suis accommodare usibus. Nam ubi inopia victus, aut terræ sterilitas, alienorum denique desiderium exercitus fecit, qui unde visitarent, quærerent, obiecta sunt valla, uti inter Scotiam & Angliam; flumina, uti inter Galliam & Germaniam, castella, uti in ripa Gallicana Rheni, & inter Parthos, Persasque & Romanos.

Maxima vero semper cura fuit fluminum, quorum utramque ripam qui teneret, dominari videretur longelateque, tum ob necessaria sine magno molimine convehenda, tum ob tutum regressum. Xerxes ille Græciæ terror, Hellespontum anxie servabat, ut
sic

sic ad patriam transeundi facultatem semper haberet. Cumque nuntiarentur Græci illic incursum, videbatur Rex sibi captus, nisi transitum illum asseruisset, adeo opportunum est, vestibulum servare & suum & alienum.

CAPUT III.

Argentina recusat Gallos.

Suecorum res à clade Nordelingana diffuebant : Cardinalis igitur regis commodis intentus censeret & Argentinam tentandam, quæ forte præsidium Gallicanum esset admissura, priusquam triumphanti Regi Hungariæ manus daret. Spem augebat Lotharingia, in provinciam redacta, ex qua commercia & arma Argentinæ præberentur, in quemvis usum. Verum enimvero Argentinenses extrema metuentes, si hostile præsidium harum aut illarum partium admitterent, maluerunt quâcunque ratione transigere cum victore. Sic igitur Orator redit ad Parisios, ne auditus quidem Argentinæ.

Videbantur Argentinenses meminisse superioris seculi, quo Henricus II. Rex Galliarum, protector libertatis Germanicæ, Carolo V. Imperatori quidem restitit, sed sibi sumpsit Metim, Argentinâ tum ad hunc eundem modum tentatâ. Horrorem incutiebat citadella Metis, quæ urbem & universam coerceret provinciam. Cogitabat autem Cardinalis eandem insistere viam, quam cum Sabaudis tenuerat, Pinierolâ occupatâ, ut sic Gallia utramque Rheni ripam possideret, & Austrasiæ Regnum redintegraret.

Politica Reminiscencia.

Vetus est, turpius ejicitur, quâno admittitur hospes. Et notus est Æsopi apologus, de equo & venatore. Equus

Equus enim, invidiâ motus erga cervum, eodem prato pasci solitum, venatorem adit, injuriam exponit, vindictam quærit, consilium expetit, quod tardior, cervum non posset persequi celerrimum.

Venator condolet, solatur tamen, docetque rationem cervi fugandi, adeoque capiendi & necandi: volupe id auribus irritatis. Venator suntui nihil parcit, emit ephippium, frænum, calcaria, & quæ viderentur negotio cunque convenire. Conscendit equum, novo hoc onere superbientem, artem ostentat, blandus concitatur in cervum, quem uno atque altero ausu conficit & sternit: equus insultat moribundo, sed ubi sessorem descendere jubet, & expediri cingulis cupit, ingemiscit de libertate perditâ, calcarium etiam aculeis saucius, si quid reluctaretur.

Quemadmodum enim nihil naturæ est convenientius, quam liberam ducere vitam, ita corruptioni nostræ nihil expeditius, quam alienæ insidiari libertati. Est tamen ubi hosti impar egeas patrocínio, quod sine detrimento aliquo libertatis vix invenias: quemadmodum digitum, manum, vel brachium, invitissimus utiq; summa adurgente necessitate, amputas, ut reliquum corpus, & illi vitam conserves.

CAPUT IV.

Anglia non servat leges matrimonij.

Quibus legibus filia regia Galliæ data sit Anglo in matrimonium, olim memoravimus. Nunc gliscebant semina quædam discordiæ, inter ministros utriusque Professionis. Transibant enim non pauci ex Puritanorum, uti vocantur, sectâ ad Romanensium sacra, sive quod ea & antiquiora & saniora crederent, sive emolumentum aliquod aucuparentur, & Reginæ, aut per ipsam Regi gratiores, fortunam intenderent: Id verò in vulgus diffamatum.

Sed

Sed arguebatur moderator conscientia regiae, quasi indecentius expiscaretur per blanditias conjugales regis mentem, & arcana reipublicae, quae vel Gallis, vel Hispanis, adeoque pontifici maximo renuntiaret. Iussus igitur ex insula discedere, & ad suos redire. Neque tamen vituperio carebat rex apud utramque factionem nam à suis accusabatur vacordia, qui ista ferret, & sacra patria sciens vidensque corrumpi sineret: à regina & eiusdem ministris arguebatur impotentia, qui fidem de asserendis Romanensium sacris datam nihili faceret, aut iusjurandum negligeret.

Cardinalis, qui in eo errare nihil poterat, quae Angliam spectant, videbat, inde Romanensibus futurum antiquorum sacrorum exercitium & innoxium & liberum; vel si quae inde exoriretur turbæ, Anglos intestino bello occupatos, nihil cætera Europæ negotia curaturos; unde non valde ægrè tulit, sacerdotem, qui reginae fuerat ab arcanis, remissum, & ignominiam illam perfunctorie fuisse excusatam. Meditabatur tamen talionem, ob Insulam Reæ occupatam, & Rupellam, quantum potuit, assertam.

Politica reminiscencia.

Multa sunt, quæ mortalium immutant mentes: sive astrorum vicissitudines aciem ingentem heberent, aut exacuunt, sive institutionis magna sit vis, seu denique instinctus oeculti premant, videas, non neminem identidem colere inconstantiam, Mercurii sobolem: alios perstinaciter inhærere opinioni semel susceptæ, atque iterum alios rationi parere.

Iam autem sacrorum fides lumen est cælitus allatum quod cum primo lacte instilletur, ut tenacius maneat. Docendi enim sunt mortales fidem, quemadmodum planta tenella inseritur. Cum vero doceamur abnegare nosmet ipsos, & crucifigere membra nostra, jam apparet, quam difficulter terrena cedant locum supernis & spiritualibus: unde tanto agmine rationum est opus.

Nihil fere potentius movet, quam exemplum Magnatum,

tum, qui à cælo videntur dotati etiam hoc compendio bonorum, ut liberrimi ad suscipienda quæcunque facra, semper sint amplexuri tutissima & optima. Quod si ad tantam authoritatem accedat tantillum commodi aut spei, jam est persuasio certa, & delet mens ex memoria, quæ paulatim obliterari sponte mireris: id quod vulgatim illud docet, scilicet in vulgus manant exempla regentum.

CAPUT V.

Rohanus Helvetiorum animos conciliat regi.

DUrum videbatur Hispanis, Italiam penitus deferre, quam pertransactionis leges jubebantur missam facere. Gubernator Mediolani cuniculis agebat, cum vi apertâ non posset, non liceret, ut ex tribus provinciis illis Alpestribus complures faceret suos, à Gallorum partibus avulsos. Cardinalis, quem nihil fugit rerum minimarum æque ac maximarum, mittendum censet, qui populares in studio erga Regem conservet.

Compertum autem, animos aversos ex nimio fervore in sacra Romanensia: visum igitur, Rohanio illas partes delegare, qui ob sacra à Romanensibus aliena, & ipsis comparia foret gravior, & qui ob Rupellæ & cæterorum Religionariorum factionem iustus erat, secundum gratiam regiam, aliquot annos extra Galliam degere, quærereturque Regem demereri, & suis reddi.

Hinc credebatur omnem impensurus operam in comoda Regis; facili etiam iacturâ, si quid ipsi extorri accidisset humanitus. Tumultuatum per valles, & Gallica factio pene extincta cædibus: sed ubi Rohanius advocat, à proceribus utrorumque sacrorum excipitur cum plausu, ipse spõdet exactam regionum statutorum observationem, quæ identidem infringi querulabantur, & patriæ tranquillitatem.

Cum autem Oeniponti, & Mediolani copiæ scriberentur

tur innumerae, & Ossa, Imperatoris procurator Lindaviam venisset, res ad bellum exardescere visa etiam Helvetijs. Ij conventum agunt Badæ frequentes, docentur à Rohanio, qui accurrerat, regis benevolentiam, & impetrât, ut Grifones reciperentur in fœdus Helveticû.

Politica reminiscencia.

PER Italiam vulgo ajunt, Ab inimico reconciliato cavendum esse: scribuntur enim beneficia in fluidam aquam, ut memoria eorum promptius aboleatur, sed offensæ insculpuntur marmori & æri, ad sempiternam recordationem. Sic vulnus vix ullum sanatur, quin cicatricem aut livorem ducat.

Quemadmodum ex optimo vino acetum fit acerbissimum, ita plerunque vincula necessitudinum sævissime disrumpuntur. Vicinus vel fratre longinquo præferendus, ex usu inopinato: sed solent fratrum discordiæ vehementissime exacerbari, & vicinorum similitudines in bellum crudelissimum erumpere.

Neque verò est, cur tantopere mireris, propter meum & tuum nasci omne bellum, cum terrenorum bonorum usucapio detur, possessio & usurpatio; ubi quisque sibi si non optimus vindex, saltem proximus: sed cum sacra spectent cælestia, eorumque possessionem arguant non solum internam, verumetiam futuram, præter omnem rationem depugnari videtur de rebus alienæ potestatis, cum hominis non sit, homini salutem æternam dare, aut negare.

Hic videas misceri sacra profanis, & modo hæc, modo illa, prætexi armis, cædibusque: res Christianorum populis indigna, postquam unum Deum, credunt, unum Salvatorem agnoscunt, unam spem futuræ vitæ foveant. Verum enim vero, rabies ista inter primos fratres exarsit, ut fraterno maduerint sanguinæ dextræ, quæ propagata per sobolem degenerem, fructus eodæm nunquam desinet proferre.

CONTINUATÆ HISTORIÆ
DE MINISTERIO CARDI-
NALIS RICHELII.

ANNO MDCXXXV.

LIBER XII.

CAPUT I.

*Philippiburgum & Treveris obruuntur, ipso
Archiepiscopo captivo.*

Hic annus incendium bellorum sparsit. Nam Bam-bergerus, qui superiore anno per inopiam annonæ dederat Philippiburgum, speculatus, Arnoldum nostratem esse imperitum rerum bellicarum juvenem, & inde patere insidijs, clientes munimenti suscitavit, glaciem fossarum transiit, ab una statione rejectus, tentat alteram, perumpit, & munimentum cum opimis spolijs, apparatuque grandi corripit.

Eadem fere sors Electorem eumque Archiepiscopum Treverensem abstulit. Is, ne Succorum sævitiam experiretur, Regem Galliæ sumserat patronum: sed Capitulum, quocum ipsi propter Maximini Abbatiam nunquam convenire potuit, Hispanis adhærebat, ducem Metternichio; qui Archiepiscopi speculatus morbum podagricum, & præsidij Gallicani væcordiam, ducibus ple-riusque in hyberna ad suos reversis, Comitem Embdandum, Hispani ducem, accersit, per clientes admittitur cum copijs, intra oppidum, cæco aditu, occupat omnes stationes, ipsum Archiepiscopum jubet trucidari per tumultum: qui tamen percussori crumenam auro turgidam, tanquam Cerbero offam, obicit, & ingruentes
alios

alios omnes anathemate ferit, cordatissimo sermone ; & vivus relinquitur.

Raptatur Archiepiscopus in Belgium, & deducitur tandem Viennam captivus, ut pateret, Imperatoris iussu egisse Embdanum. Accedit ultimum malum , Pax nempe Pragensis, quam Saxo cum Imperatore privatim initam, fecere publicam, adeo ut intra pauculos dies universa Germania rediret ad obsequium Imperatoris , milite etiam permisso: nisi quod Bannerius Suevicæ militiæ dux summus, res collapsas per Saxoniam & Pomeraniam niteretur restituere, & Bernhardus Vinariensis circa Rhenum obversaretur, spe Gallicanorum auxiliorum fretus, sed Martis pullus, & bonæ fortunæ cliens : Hassus quidem labascebat, sed tamen in fide perstitit.

Politica reminiscentia.

IN rebus bellicis non unâ virtute est opus. Fortitudinem rectissime accommodabimus & corpori, & animo: illa quæ corpori maxime convenit, robur dicitur, quod lacertorum vigorem, & vegetam molem, tum ad inferendam, tum ad sustinendam vim præstat. Sed ea species homini est communis cum beluis, adeoque cum leone, quadrupedum nobilissimo, qui nunquam trepidat, nunquam refugit, nunquam pavorem sumit.

Hæc virtus gregario æque adest ac duci, & plerumque potior; unde Cicero cuique militi pugnanti partem victoriæ tribuit. Sed nisi prudentia illi accedat, idem potest subire malum spontaneum, quod Milo Crotoniata, qui fissuram arboris cæduæ in sylva dilataturus, comprehendi sese doluit ab extremis coeuntibus, & à feris devorari. Non enim lacertorum robore res magnæ conficiuntur, sed consilio, auctoritate, & sententia.

Hinc ad fortitudinem animi transimus, ubi non tantum mentem rerum arduarum capacem, sed etiam in angustijs expeditam, & in collapsis immotam invenimus; quemadmodum enim vulgo dicitur, Iustitiam in sese virtutes continere omnes, ita de rebus militaribus Virtutem, fortitudinem scilicet animi, faciemus ducem ma-

gni agminis. Ei est comes indivisa prudentia, quæ futura cum præsentibus confert: nunquam recedit vigilantia, adeo ut cæteris festum agentibus solus Epaminondas vigilet, ne pateret hosti.

Tamet si autem vigilantia stationes obeat, latitudinem fossarum dimetiatur, glaciem perumpat, temporum momenta speculetur; non raro tamen & alijs adminiculis utitur. Recordamur Egeriæ Nymphæ, meminimus Cervæ Sertorianæ, quæ imposturæ magnum apud rude vulgus habuere pondus. Sed quid gravius apud populum Christianum invenietur anathemate? Valet sane & apud ferocissimum militem, quod non semel Julius II. pontifex maximus contemptum dedit.

Verumenimvero mercenariæ militum animæ sacra nihil curant, prædæ inhiant: sed & istam fortitudo animi, summæ rerum & salutis intentæ, depromit, ut, quem superaminus movent, infera flectant. Id summis ducibus gnarum, qui impedimenta plerunque destituunt, ut miles prædæ vacans, ordines deferat, & vel semet cædendum præbeat, vel victo hosti salutem concedat, aut redintegrandi vires, restituendique ordines otium largiatur.

CAPUT II.

Rex Galliæ accingitur ad bellum adversus Austriacos.

Suecicæ militiæ summus arbiter Oxenstierna, cū per Germaniam superiorem cerneret omnia perditæ, adeo ut exercitum per Saxoniam superiorem cum mira necessitate conflictatum, ne redire quidem tuto posset, in Galliam abit, tum ut nova auxilia expeteret, tum ut salvus longo circuitu ad suos reverti posset. Intelligebat Cardinalis opprobrium tam turpiter amissorum, quæ tanto constitissent tempore & sumtu. Recordatur,

tur, Philippiburgum olim Galliaë expetitum, sed frustra, ne imperij fines arctarentur. Etiam demolendum non fuisse, tamen si ea altera esset Galliaë cura.

Sed Suecorum operâ captum, Gallisq; suppetiarum majorum causâ traditum, non debuisse prostitui. Sic tandem Archiepiscopi Treverensis patrocinium in fumos abire, qui & munimenta omnia, præter metropolim, & ipsam libertatem, vix vitæ usurâ servatâ, amiserit. Urebant ista Cardinalem, sed uti fortis animus obnuitur novercanti fortunæ, donec eam denuo sentiat propitiam, sic ille Regi suadet, bellum alacriter sumendum, quod tantopere quaeratur.

In memoriam sibi revocaret Rex, legiones ab exercitu Imperatorio submissas Lotharingo, ad asserendum Mediovicum; & ut ut ista excusari possint auxiliorum nomine, quæ fæderato deberentur & amico, non tamen vana ea esse, quæ Fridlandus agitârît, qui ad militiam, à qua per æmulationem Bavari, cæterorumque principum erat dejectus, redire noluerit, aut Sueco triumphanti obviare, nisi diceretur summus Imperator invadendæ Galliaë: in quem finem etiam Lotharingus minus bene servaret pacta.

Jam patere armorum Austriacorum finem, qui in Galliaë fæderatis per Italiam ac Germaniam facerent periculum virtutis Gallicanaë: neque vero expectandum socorditer, donec immanes exercitus ingruerent. Rex igitur viros legit rebus agendis aptissimos, Feuquerium ad principes Germaniæ citerioris legat; Thuanum Constantinopolim, si qua usus foret, secundum exemplum Regum superiorum; Seneteranus abijt in Angliam, ut exacerbatos animos demulceret, & transmarina abstinere arma quâcunque ratione, cum Rupellano negotium metu non careret. Belleuræus Venetias petit, ne quid sinistri casus per Lombardiam turbaret, aut suppetiarum securitatem perderet. Claramontius Hollandos ab inducijs aut pace dehortatur, & Flandris animos rerum innovandarum sufficit. Pontifex Maximus colitur extra ordinem,

ut faveret. Etiam Saxo tentatur, ut ne Suecorum partes deserat.

Politica reminiscencia.

Quantum inveniatur incrementum in socijs & fœderatis, nemo novit, nisi clade aliquâ affectus; cum res humanæ ita sint comparatæ, ut per se non facile subsistant, nisi fulciantur. Quod si tribicines corruant, aut submoveantur, nudus stabit truncus, injuriæ expositus. Post cladem Cannensem à Romanis defecere universi, unde pronum erat Hannibali ipsam urbem capere, nisi propitius reipublicæ Romanæ Deus tum satis habuisset castigatione, ostentato duntaxat exitio.

Propugnacula sunt fœderati, quæ prius sunt capienda, quam nos ipsi impetamur: artuum rationem præbent, qui cominus & eminus digladiantur, ut malum avertant: sed illis amissis, aut lethaliter vulneratis, præcordia patent, fauciatur cor, fons vitæ, expellitur anima, restat cadaver. Sic Lacedæmonij & Athenienses, cum de imperio Græciæ certarent, ante omnia socios factionis quique suæ quærebant, vel per promptam tutelam, vel per justitiæ famam, vel per armorum potentiam.

Postquam socij periêre, ipsæ Athenæ periclitabantur, à Lacedæmonijs etiam captæ, & triginta tyrannis subditæ: donec Thebani insolescentibus Lacedæmonijs par pari referrent, per eandem methodum. Quem igitur famæ celebritas, & autoritatis gloria parum mover principem, ad asserendos fœderatos, eum suscitabit periculum proprium, quo nunquâ carere poterit.

CAPUT III.

Rex inhiat Brisaco.

Meruebatur quidem bellum acerrimum, sed prole-

dia

dia haftenus fiebant, ut Gallia, ob Philippiburgum nuper traditum, Feuquerium & Turænum cum copijs submitteret, qui obstarent, ne Gallassius, imperatoriae ci-
terioris militiæ caput, limitem Galliæ premeret, aut ripam Rhēni sinistram occuparet. Bambergius tamen, Philippiburgi gubernator, carrum lapidibus gravem transmittit Rhenum, ut glaciei nosset robur, consequitur, vallum objectum, male custoditum ex penuria militis, annonam quærentis, corripit, exercitui trajectum asserit. Accurrit Vinariensis cum Gallicis copijs, non tam ut hostem rejiceret, sed ut Francodaliū assereret: sed ibidem concludi inconsultum ratus, recedit Cæsarelauteam; instat Gallassius, expugnat locum, hæret vestigijs fugientis, obsidet Bipontum, astu intercipit Landastulium: dum scilicet Vinariensis certum nondum haberet, cui Diyo litaret.

Cardinalis sciebat, Metim, Nanceium, & Verodunum objecta esse hosti ingruenti, sed metuebat, ne Vinariensis, omni spe destitutus, gratiam Imperatoris, quæ impense offerebatur, subiret, & ex amico fieret hostis acerrimus, adeoque Galassij exercitum numerosum augeret. Deinde quærebatur operæ pretium aliud, postquam Philippiburgum strategematis & violentiæ pateret, Brisacum nempe, si Germania superior id Galliæ permitteret.

Id vero Vinariensis ægerime largiebatur, & saltem post ultima extrema, cum constituisset, eo maxime loco, adiutantibus Helvetijs, in potestatem redacto, & suam & Germaniæ pacem imperatori extorquere. Sed ubi copię Cæsareæ instarent, tumultuaria sanc fœderatio initur, cum summa rerum moram ulteriorem non ferret. Adduntur Vinariensi copię Gallicanæ, obvertit ille faciem & arma, Gallassium nihil minus cogitantem, in fugam coniecisset, nisi Landastulium præbuisset refugium.

Iturigitur Moguntiam versus, si quæ penetrare liceret ad Hassum, aut in Franconiam: obstant Hatisfeldius & Lambojus, adest Gallassius, urget inopia rerum omnium. Itaque reducendus fuit exercitus, quem Cæsare-

ani quadruplo copiarum numero superiores consequuntur, leoninum regressum semel atque iterum experti, donec relictis per montium invia tormentis, in agrum Metensem eniteretur.

Cardinalis hoc rerum curriculo adverso intelligit, & Francodaliū fecisse deditionem: hostem videt in limine, Suecos per Germaniam ad incitas redactos audit, Hassum partium studiosissimum, discessisse in Frisiam; firmatis solummodo patriæ munimentis; adeoque diem obivisse ultimum, regemque cum Anglo & Hollandis scripsisse filii unici tutores. Stimulos igitur subdunt & authoritatis asserendæ ratio, & necessitatis durum telum. Sic fervent omnia, vires Galliæ colliguntur, & omnia procinctui aptantur.

Politica reminiscencia.

ARmorum esse gravissimas vicissitudines, loquuntur omnium temporum historia, in primis vero ista Germaniæ: Ferdinandus imperator adeo debilem sese sentiebat ad primos Bohemiæ motus, ut Palatino transactionem offerret, æquis conditionibus pacturus. Sed prælio in Montealbano ad Pragam frangitur Palatinus, viribus licet superior, & universo exiit regno.

Magnæ erant vires Dano, ob Saxoniam inferiorem isti bello immixtus; sed temere configere ausus, recedere cogitur in regni viscera; & pacisci securitatem. Quid vero admirabilius, regem Sueciæ manipulos vix ducere in legiones, & vincere, ac si Cæsareanorum torperent pugni? Quantæ autem fuerint Austriacorum vires, vel inde patet, quod sæpissimè victi, devinci non potuerunt, ac si quovis vere renasceretur miles cum plantarum germinibus.

Pugna autem postrema ad Nördlingam Sueviæ adeo fregit Suecorum vires, ut nullæ essent, nec spem supplementorum in Germaniā invenirent. Victoriæ enim sequebantur Augusta Vindelicorum, Ratisbona, Ulma, Norimberga, Argentina, adeoque munitissimum Herbipolis castellum. Urbes quidem extre-

ma non facile experiuntur, exemplo Magdeburgi ad Albim cautiore; sed castellorum est diversa ratio, quæ & angustioris sunt ambitus, & non grandem requirunt annonam, & vicissitudines rerum non incommode expectare possunt.

Ubi summa ingruit necessitas, duplicantur vires, fit impetus, & immania præstantur, quod ipsum est fortitudinis indicium. Vidit Gallia olim Anglos dominari, sed eosdem fortiter eiecit: meminit nuper Hispanos in viscera penetrasse, & summo conatu eluctatam sese. Ubi fimbriæ duntaxat arroduntur, consuli potest summæ rerum.

CAPUT IV.

Aurelianensis intimi coercentur.

Poterat Gallia militiæ vacare penitissime, nisi Aurelianensis & Reginæ matris intimi Bruxellis nefcio quas machinationes coxisent. Puylaurentius, Fargisius, Gudæus & Mompensierius inde redeunt ad Aurelianensem, Galliæ redditum, sed improbitatem prorsus exercent, Nanceji de Regis incolumitate consultant, unde complures exulare iussi, qui & Abbavilani præfectum induxerant, ut Hispanis locum Parisijs admodum vicinum traderet.

Consulebat quidem Cardinalis Regi, ut Aurelianensis haberetur magnificè, ne fastidij ulla ratio posset obrepere; sed cum intimi illius neutiquam abstererent tricis, & jam alia moles instaret, censuit fabros tricarum esse custodiæ mancipandos, ne turbare, aut nocere possent.

Politica reminiscencia.

A Deo cæca est ambitio, ut proprium non videat damnum: malum aulis proprium. Memorat Plu-

tarchus, de Imperio certasse duos fratres apud Persas, sed ita convenisse, aut cui Senatus Regni, præside patruo, illud addiceret, Rex esset, altero sponte ad obsequium & adorationem, pro more Gentis, transeunte. Dum disceptatur de causa gravissima, mutuum sese colunt fratres: percussorum ibi nulla suspicio, aut veneni, nulla ad hostes imperij fuga, sed constans amor.

Pronuntiatur pro secundogenito, quod is esset natus Rege patre, alter vero eodem privato, & sub avi imperio constituto; adeoque matre nobilissimâ, quæ à Cyro, libertatis patriæ assertore, & Regni conditore, propiam duceret. Vidisses ibi primogenitum in genua provolvi, adorationem instituere, summum obsequium præstare, & ad ultimum vitæ diem servare.

Quomodo sinistra consilia ceciderint Cyro minori, qui Græcos, Persarum hostes juratos, in Regnum deduxit, fratri majori vim parans, & imperium cum vita, si potuisset, erepturus, recenset idem Plutarchus. Quisq; igitur ordinem nascendi tutetur, nec sinistris suggestionibus sese permittat.

CAPUT V.

Bellum indicit Rex Flandris.

CUM Austriacorum fors duabus familijs constet, & Hispanicâ, & Germanicâ, cohærent vinculo ærtissimo, ut instar oculorum, qui ex duobus nervis in unum desinunt, ut inde pari modo reguntur, in eandem partem vergant. Sic Hispanus summam operam adhibuit rebus Bohemicis; sic bello Germanico nunquam defuit: Cardinalis igitur suadet Regi, ut misso faciali, bellum indicat Flandriæ, adeoque Hispaniæ, cum differri nequeat ulterius, & injuriæ gravissimæ poscant vindictam.

Tolluntur ergo commercia, revocantur Oratores, firman-
ma
tuntur limites, asseruntur fæderati, expediuntur arma

ma undiquaque. Rohanio committitur cura Alpium, submissa in eum finem grandi pecunia. Chænius cum Spinæo irruit in Artesiam, Cardinalis Valettanus jun- gitur Vinariensi; præter Forcæum adest rex, fanum Michaelis, flore nobilitatis congregato, in Lotharingia expugnat, & in limite hostem exercet ambiguo, uti so- let eventu.

Cæsareani igitur, cum pervadere nequirent, & per infinitum numerum tum hominum tum jumentorum, provinciam redigissent ad inedia, quietem quærunt, per hyberna retro sparsi, magis attriti, quam ullo præ- lio, adeo ut trinam pugnae cladem passi, vix tantum im- minui potuissent.

Politica reminiscencia.

Militia Gallicana ad eum gradum perfecti est dedu- cta per statuta disciplinae laudatissima, ut gloriam apud Exteros, acquirat summam, domi securitatem præstet incorruptam. Audacia nobilibus adest eximia, impatientia generosa, impetus pervius, ut freno poti⁹, quam calcaribus habeat opus.

Potuit hostis aliquando discrimen virtutis notasse, unde nonnihil vituperii per antiquitatem in nostrates redundare videtur, quod tamen adeo evanuit, ut forti- tudo appareat continuata, non raptus aut impetus te- merarius adeo ut parem non invenias, cum fervor i- dem ab exordio transeat per medium, usque ad finem. Nationes illæ, victoriis assuetæ, iam sæpius victæ, di- cent quod Numantinus ille de Romanis, qui Scipione duce cladem intulerant: eadem oves, sed sub alio pa- store. Sic enim nostrates moderatore rerum Cardinale, prorsus videntur diversi. Nunc nullum munimenti ro- bur resistit virtuti, omnia cedunt fortitudini, nullanunc ratio corruptionum instituitur, ad Philippi Macedonis mentem, qui, quo arma ferre non posset, mulam auro gravem submittebat.

Arma, virtus, perseverantia subigunt munimen- ta artis & naturæ, vano in posterum prover-
Z z z s bio,

bio, & arrogantia in iactantiam transeunte. Nemo non principis & ministri summi exemplo movetur, ad expeditionem properatur, inertissimus putatur armorum negligens, nisi ad gloriam Regis quod suum est contribuat, postquam ipsum conspiciatur in periculis obsidionis obversari, & injuriam aeris perferre.

Sic igitur turgescit exercitus ad limitem, objectu corporum protegitur patria, nihil inausum, nihil intentatum relinquitur. Olim Romanis evenit, ut decies mille cives honoribus exuerent, & saci plebis immiscerent, quod integro quadriennio stipendium non fecissent. Ubi de patriæ incolumitate, agitur, cavendum, ne exercitus nimis copiis crescant, oppida vacuentur. Neque refert, repulsam minus feliciter tentari, quod fortuna primis vicibus negat, ultimæ ple-
runque sepouit.

CAPUT VI.

Anglia conciliatur Gallia, post sublatum Bukinkamum.

Anglia videbatur id temporis agitare consilia perniciofa, dum classem struit quadraginta navium, Bukinkamio nondum oblito, quæ ad Rupellam esset passus sinistra. Miserat quidem Rex superiore anno, qui dissidio mederetur, Sed & occulta rimaretur. Propalatur tandem scripto publico, fretum omnino esse asserendum, cum tamen sagaciores sibi viderentur intelligere consilia, quæ in Gallia & Hispania, ipsaque Roma cuderentur ad opprimendam Anglorum libertatem.

Tolluntur utique commercia inter Angliam & Galliam: Rupellani respiciunt liberatores, Rea petitur: sed ubi Bukinkamius à Johanne Feltone sicâ conficitur, in media turba, qui necem fatetur, ne

innocens alius ráperetur , indulget Rex religionarijs petita, & redintegrat concordiam cum Anglo, gravioribus intentus negotijs.

Politica reminiscencia.

INvidis vicini oculus dicitur ex veteri proërbio. Cum autem invidia generet simultatem , unde odium exurgat , quod in apertas prorumpat inimicitias; videndum est, ut concordia constet cum vicinis, maxime ubi satis negotiorum difficultas incumbit. Nam si vicinus, angustias nostras aucupatus, bellum faciat, quasi à tergo, non est unde ante & retro possit repugnari.

Sic Reges Galliæ in Palæstinam ducentes, domi ante omnia constituebant rempublicam, ne à vicinis turbaretur. Imperatores autem Germaniæ in eandem expeditionem progressi, gravissimis laborabat tumultibus, quod res imperij aut Italiæ non probe firmassent. Summum igitur fuerit Ludovici XI. consilium, quo ille non semel est usus felicissime, cum alterutro scilicet hoste esse transigendum, ut alteri par sis.

Habebat ille Anglum hostem, & Burgundum, adeoque Imperatorem, præter turbas domesticas, sed vel pretio adnumerato, vel transigendo ille commode lucrum faciebat & animorum & temporis.

CAPUT VII.*Rex occupat Alpium claustra subito.*

QUANTUM res Galliæ juvarentur ab Helveticorum militiâ , docent tempora proxima; cum autem ea Natio mercenariam exerceat militiam, & pecuniæ stipendijs annuis non opponerentur, alienior visa est Helvetia à Gallis , adeo ut argentum Rohanio missum cogiraret sibi servare: prævaluit tamen moderatiorum

con-

consiliorum ratio, ne Rex gravissime illâ temeritate offensus, vindictam pararet.

Postquâ statutû fuit, arma expedire, & Austriacos invadere, consulit Cardinalis, qui meminisset, quantû, exercitû Ferianus, & superiori anno Ferdinandus Infans Hispaniæ, idemque Cardinalis ex Italia in Germaniam effudisset, qui Suecorum fregisset vires, & jam Galliæ immineret ut Alpium claustra occuparentur. In eum finem excurrere iussus Rohanius Venetias, ut subita auxilia in quemvis eventum pararet, dum Prolius, Tiguro Curiam reversus, copias Gallicanas lustraret.

Ducit ille cum silentio; corripit Clavennæ, Rivæ, Wormatiæ & Morbegij angustias. Id vero irritavit Austriacos, qui decem millia Germanorum cogunt in agrum Tyrolensem; Fernamuntius dux recuperat Wormatiam, trucidat sexcentos Gallos, Vallem Telinam subjugat, præter Clavennam & Nucam: adest Rohanius, suis copijs adjungit incolas, fundit Cæsareanos, Fernamuntium profligat, recuperat amissa, & viam Venetias versus, ad subvehenda necessaria sibi firmat.

Neque Helvetiorum pagis per omnia placent, quæ agebantur; Conventum agunt Badæ, Hannibali Embæso Cæsareanis copijs liberum comitatum petenti, nihil indulgetur, quod Cardinalis misisset, qui stipendiorum reliquias partim solveret, partim promissis redderet certiores. Rohanius igitur munimentum struit ad Steygam, quod Bernatium credidit copijs; aliud excitat in Valle Engaddinâ, Tigurinorum fidei commissum, Tyrannidem tradit Solodurensibus, & Rivæanum Salisio tribuno; neque etiam habebat, unde ista firmaret, aut adversus Austriacorum adventantem exercitum tutaretur.

Pagi Catholici, Lucernæ congregati, militem Cæsareanum turmatim transmittunt; Fernamuntius

denuo profligatur, à Rohanio, bis mille

trucidatis, non pauciori-

bus captis.


Politica reminiscencia.

Quemadmodum intempestiva benevolentia parum differt à similitate; ita magni honores non semper arguunt summam gratiam, cum unius rei possint esse fines diversi. In sacro Codice legimus, quomodo Rex Israël Saul, æmulatione gloriæ in Davidem concitatus, vitæ ipsius insidiaretur, postquam vim apertam videret inanem.

Generum sibi cum optabat, sed qui sponsæ adferret tot Philistæorum præputia : quo instituto sperabatur aut victoria ab hoste reportanda, aut cædes audaculi æmuli, qui ad demerendum socerum quidvis esset ausurus, ne tanto fastigio indignus videretur, sed ut, quod natalibus deesset splendoris, à virtute mutuaretur.

Cum hæc non successisset, alia aggreditur Saul negotium viâ : Imperatorem cum dicit militiæ Israëlitiæ, qui bella Domini gereret adversus juratos hostes. Si quod operæ fieret pretium, partem gloriæ rapiebat Rex, qui fortissimum Ducem legisset; populares autem commodum sentiebant & incolumitatem : Ubi vero tantus bellator caderet, à sorte armorum nihil alienum evenisse crederetur, incusato etiam nimio gloriæ studio.

Sic pisciculos exigui pretij appendunt, adeoque vermes, ad inescandos lucios : sic alæ imponitur, quod jam perditum censetur, si fortuna fortem cum usura reddat : id quod non exiguae est prudentiæ.



CONTINUATÆ HISTORIÆ
DE MINISTERIO CARDI-
NALIS RICHELII.

ANNO MDCXXXVI.

LIBER XIII.

CAPUT I.

Cardinalis asserit limitem Gallie.

MOguntia ad summam inedium redacta, concedit in Cæsareanorum potestatem, antequam novus ex Gallia posset succurrere exercitus. Nam Rex Hungariæ per Alsatiæm aderat exercitui, donec ad Comitatus Ratisbonensia, quæ Regi Romanorum constituendo maxime erant indicta, vocaretur, & Gallassio summam rei militaris permetteret. Is grassatur per Burgundiæ Ducatum, & horrenda vestigia calamitatum relinquit, sed ubique provida Cardinalis cura occurrebat, ut ille alludere saltem posset, pedem non figeret.

Vinariensis enim circumferebat arma, Lotharingo maxime infestus, donec decem Polonorum milia, Cæsari sponte, quod aiebant, militancia in Galliam irrumperent, quibus cautum erat, modo formidinem spargerent, exercitum gravis armaturæ secuturum. Illi quindecim milliaria in Gallicano solo conficiunt, sed cum nullus à tergo exercitus compareret, regrediuntur, postquam Forcæus, à Rege vix exoratus ad hanc militiam, Parisiorum maxime copias adversus duceret. Senio enim gravis rude donari meruerat.

Is copias Gallicanas confertissimas, ad modum phalangis Macedonicæ, rapiebat in hostes, gnarus utique hoc genus militum impetu valere, repetere ordines, & solvere, eâdem operâ. Cumque illos aliquoties multâisset, recedentibus instat: sed illi patriam repetunt, omnibus invisi, & non paucos suorum in Galliæ limite & per Germaniam destituunt contumulandos.

Ubi Cardinalis hoc periculo esset defunctus, rerum Alsaticarum resumit curam, ne quid Vinariensi deesset, qui bellum trans Rhenum ferre, & in Alsatia pedem figere aiebat.

Politica Reminiscencia.

Belli gerendi rationes sunt longe diversissimæ, quas nemo certis complecti queat regulis. In Alpibus nullus fere est usus equitum, cum angustia vallium & callium objiciant repagula, quibus impetus, quo eques valet, coercetur. Ibi claustrorum cura est summa. Per Poloniæ campos patentes pauci sunt pedites, plerique equites, adeo ut pedestrem militiam ex Germania fere accersat. Sic Parthorum fiebant prælia, ut conflingerent, rarissime statariâ pugna decernerent.

Sed Germania utriusque militiæ usum postulat: Gallia vero, ob fluminum frequentiam, & oppidorum, pedestrem præfert militiam, quæ usum potiorum armorum flagitat, unde Helvetiorum agmina sibi plerumque adsciscit. Equitum sane est vehementissimus impetus, sed si incurset in condensatos ordines peditum, frangitur, uti torrens ad saxum in radice montis. Hâc ratione Antonius copias, licet laceras reduxit ex Parthia: sic Xenophon ex Persia redijt in Græciam: neque alio modo Philippus Macedo legionem habuit immortalem, quæ suo numero semper constaret, & quadratam referret aciem, ex omnibus partibus ad confligendum parata.

Ad palum sudare, vallum ferre, ordines servare,
doce-

docebantur Romanorum tyrones: hodie plurimum artis impenditur munitionibus, quæ vel Hollandico, vel Gallico, vel Hispanico fiant instituto, cum ubique rationes non contemnendæ militent, cur hoc pro illo, aut altero placere debeat institutum. Sed de tactica non admodum laboratur, quod eâ pars militiæ relinquatur uti suo quotidiano, cum tamen maximi sit momenti. Olim legiones erant numerosissimæ, duces pauci: hodie, postquam plumbum spargitur ex ignivomis fistulis, multi placent duces, manipulares non copiosi, ut facilius demum, & addiqueant.

Quam rationem Belgæ primi receperunt: sed Sueciæ Rex postremus ordines amabat disponere raros, ad frontem longissimam, ne ictus tormenti plures, quam tres aut quatuor auferret milites. Diversa tamen ratio, ubi equites, sine tormentorum boatu involant.

CAPUT II.

Alicubi Hispani, alicubi vincunt Galli.

Missus erat Chastillionæus ad Mosellam, ut Hispanis, post indictum bellum ostentaret arma: distractæ igitur vires Hispanorum ab Auraico ad Leodium cæduntur, captis summis ducibus & tormentis. Coniunguntur Auraicus, Chastillionæus, & Bresæus ad Tungram; obsident Lovanium, sed ob annonæ penuriæ re infectâ discedunt. Auraicus Sehenkenchausum nuper amissum, & Bylantum, arcem munitissimam occupat, dum Galli per Artesiam grassantur populabundi; non levi inter Hollandos & Gallos orta æmulatione.

Coloredus, Isolanus, Isenburgicus & Lotharingus in Champaniam irruunt, tria Gallorum agmina fundunt, Mombasonio & Monleuriæ cæsis: sed agglomeratos metuunt, duce Forcæo & cum præda recedunt: Ex altera parte tentatur Corbia Sommæ imposita, quam

Baro

Baro Soicurtius perfide tradit; Capella expugnatur, an proditur, Coloredus capitur in conflictu.

Martem adversum experiuntur Galli in Lotharingia: Condæus à Dolæ obsidione repellitur per Lotharingum & Lamboium: Tabernas tamen Alsaticas recuperat Vinariensis, Blamontium & Rambervillam. Is cum Cardinale Valettrano fundit in Burgundia Piccolominæos, Ungaros, Croatas & Polonos castris exiit, & mille octingentos rapit equos.

Corbiam Cardinalis summo conatu obsidendam suadet, ne Parisijs trepidaretur; unde & deditio mense Novembri est facta.

Politica reminiscencia.

Quamvis intersit inter aggressorem & propugnatorem, docet quotidiana experientia: unde nostratibus solitum est dicere, primum ictum æquare duos. Nam qui alium cogitat incurfare, jam paratus est, aut differt rem, donec omnia habeat commoda; unde animi vigor ipsi crescit. Sed qui defensionem tantum studet, apparatus facit qualemcunque, cum nondum scire queat, quo in loco, aut quâ ratione invasio sit excipiendâ, adeo ut ad aggressoris nutum cogatur sese componere.

Ubi autem pro focus dimicandum est, quævis arma sunt usui, vel fudes præstæ: adeo chara sunt pignora naturæ. Sed qui patriam hosti prostituat, & portas invasioni pandat, graviter improbum, insigniter impium esse oportet. Philippus Macedo amore prodicionem, quod usui esset; odio proditorem, tanquam hominum consortio indignum, prosequabatur. Solebat tamen, ut sanguini suorum parceret, munitissima quæque auro expugnare.

Cumque aliquando proditor, an potius traditor alicujus oppidi, secundum pacta versaretur in aula, & omnibus esset despectui, adeo ut ipsum subsannarent palam; conqueritur ille, postquam operam tam illustrem navasset, sibi detestandum crimen prodicionis obijci, cum honores & beneficia commeruisset. Benigne audi-

tum Rex istis verbis solatur, Macedones esse viros admodum agrestes, scapham nuncupare scapham, ligonem, vocitare ligonem, adeoque quæque suis nominibus, à simulationibus alienissimos.

Ille tum denum intelligebat, quo in loco esset apud Regis animum. Nam qui poterit Mercator castelli fidem sibi spondere ab homine novo, quem heri frequentare cepit, & meminit in herum priscum fuisse perfidum? Diversam rationem aliquando tenuit Alexander Magnus, qui ex necessitate custodiam munimentorum reliquit præfectis aliquot Darij devoti, ne victoriarum cursum inhiberent, quod in Tyri expugnatione didicerat. Sic illis nullum discrimen erat servitutis, modo thesauris incubare liceret, & immori.

C A P U T III.

Rohanius coerces Hispanos per Rhetiam.

RHetia dudum exercebat Gallorum & Hispanorum arma, pactum & transactum est sapius, sed concordia nunquam constabat. Rohanius igitur pacem sese accingit totum, Vallenses & Grifones eo deducit, ut hi politia, illi iustitia rationem haberent per Vallem Telinam & Comitatum Wormatiensem. Tyrannij munimentum Gallis & Grifonibus crederetur, Vallenses tamen annum solverent tributum.

Deinde aggreditur Rohanius turrem fortissimam, ad Fuentæum munimentum, quam subiecto pulvere nitratro in aërem displodit, & solo æquat: duas equitum turmas profligat, unam peditum cohortem conficit, & ex adverso munimenti Fuentæi aliud deproperat, quod eodem pene tempore cepit, & defensioni aptum fuit, Mantelli nomine nobile: sic enim Hispanorum excursiones coercebat, cum summo popularium gaudio.

Politica reminiscencia.

ET cordate, & libere respondit ille Romanis victoribus, qui quærebant, an pacem essent culturi diuturnam, Si bonam dederitis. Nam ubi leges scribuntur duriores, singulis momentis irritantur popularium animi, ut ad proximam quamq; occasionem obsequij frænum exuant: sed ubi iugum sit facile, & forsan priore levius, constabit pax perpetua.

Adeo duriter habebantur Israelitæ à Philistæis victoribus, ut ne falcem, ne ligonem quidem fabricare aut acuire possent, ad omnem necessitatem victoribus subiecti. Non tamen perpetuo iugo premi sustinere, quin sese in libertatem vindicarint.

CAPUT IV.

Ob nimia tributa tumultuatum in aliquot provincijs.

Nescio an genius Galliæ motibus delectetur intestinis, an tributorum impotentia interdum mentem rapiat in transversum. Desierat factio religionariorum, sed tamen apud Santones, Engolesimios, Limovices & Pericortios tumultuatum est, adeo ut octodecim milia confluerent, & omnem viciniam ad eandem væcordiam invitarent.

Meminimus, nuper Chalesium fuisse, securi percussus, quod atrociam in Regem esset machinatus. Habebat is fratrem, Marchionem Isodunensem, qui vel quærendæ vindictæ causâ, vel ex novarum rerum studio, sese dabat popularibus Ducem, cum plebes maximo æquori fere par, motum aliunde suscipiat.

Non parum angebat ea cura Cardinalem, ne malum latissime serperet, de provincia in provinciam: modus autem sumtibus fieri nequibat, ob tot exercitus

alendos. Instabant Hispani & Werthius præter Galassium, perierat fere Interamnina Somma & Pessæ. Dispicit igitur modum Cardinalis, ut tributa mitius exigere-tur, & populares sese componerent.

Politica reminiscencia.

IN tributis exigendis varia sunt spectanda : primum an debeantur ? debentur vero principi ex lege divina, ut queat onera reipublicæ, tum suam sustinere splendorem. Proxima est cura, ut pro ratione facultatum imponantur : videas enim virum locupletem, & tamen pauperem, quod census laborem absumat, aut usuræ, quibus gravatur, fructum auferant, ut vix vitam trahere queat; dum bajulus quotidie lucellum addat lucello.

Est opifex, qui assiduus labore, multo cum sudore, exiguo commodo; dum alius per otium tantumdem præstet : est, quando quæ vanum exponit, itidem recondat; alijs perpetuo lucro beatis. Non igitur vestis spectanda, quæ plerunque ex necessitate est nitidior; non facultates, quæ fructum nullum præbent, sed redditus, sive ex latifundijs proveniant, sive ex opificio, aut quâcunque negotiatione.

Sed omnium summum arguerim modum exigendi : videas enim exactores, licet opulentos, nihil tribuere, quod in publica calamitate iniquum; sed tributum partem, vicesimam, quadragesimam aut sexagesimam sibi sumere, tanquam operæ pretium; adeo ut non raro disces exactores istiusmodi, cum magna suspitione interversi tributum.

Id vero viros probos crudeliter urit, homines leves, nam quis mitioris ingenij ministerium istud subiret sponte: quorum substantia heri erat exilis, opulentiam sumere, cæteris omnibus ad pauperiem delabentibus. Ajunt medici, splenis augmentum argui, ex omnium membrorum exinanitione; quod de istis sanguisugis rectissime dicetur. Diligentissime igitur dispiciendum, ne amaritudo hæc affundatur tributo, satis per ipsam naturam acerbo.

Nar-

Narrant Jocoferiorum sive apophthegmatum collectores, Ducem quendam Germaniæ à sacerdotibus rogatum, ut vinum hornum juberet præberi, ne novum austerius valetudini faceret vitium: sed respondisse, compeccatores recte esse combibones. Nimirum immunitas esto à civilibus oneribus, sed minime à militaribus, cum princeps ipse tum maxime sentiat imminui redditus, augeri expensas: adeo ut ne exactores quidem à tributo liberari debeant.

CONTINUATÆ HISTORIÆ
DE MINISTERIO CARDI-
NALIS RICHELII.

ANNO MDCXXXVII.

LIBER XIV.

CAPUT I.

*Gallia non facile pervaditur: & collectas
instituunt.*

POSTquam limes Galliæ, qua prætenditur Belgio, & Germaniæ, probe esset munitus, ut Galassius per-rumpere nequiret, jubet is Forgatsium, Carpum & Menhardum, Croatarum ductores, strenue incurfare, ut copiæ Gallicanæ sic exercerentur, dum ipse inveniret fenestram, quâ illaberetur. Capit igitur Mirabaudum cum arce: obsidet fanum Johannis ad Launam, & expugnasset, nisi Ranzovius supervenisset & hospitem tam importunum, Lugdunum versus descendere coegisset.

Cum igitur nullum operæ fieret pretium, & copiæ Cæsareanæ admodum attererentur, reducendus fuit exercitus gravis in Sueviam & versus Hailbrunnam, reli-

etis Croatis in Burgundiâ. Cumque Imperatori visa esset Gallia facili negotio penetranda, quod Suecus nuper copias exiles in Germaniam deduxerit, & pervaserit, Gallassius autem octuagies mille hominum & amplius, hætenus victor duxisset: vocatur Ratisbonam, ad causam accepti detrimenti exponendam.

Is intrepidè refert Galliæ flumina crebra, oppida fere continua, & popularium myriades, qui desertis agris tutiora peterent, & vim hostilem sustinerent, donec exercitus succurreret. Esse Galliæ solum integrum & rotundum, non sparsum, uni regi subditum, non factionibus lacerum; deinde pro focis depugnari ultra viriû facultatem. Neque etiam sibi constituisse omnia necessaria, & militè, ducesque immanib⁹ fractos laboribus qui etem quærere, & licentiam sumere, obsequio non minus quam languido.

Transierat Cæsar Rubiconē, iacta erat alea: aut Galli provolarent in hostem ultra limitem, aut eum proforibus, & subtecto expectarent. Convētus igitur, adnitéte Cardinale indicitur, edocentur provinciales, quanta limitanei sint perpeffi, quæ eadem cæteris omnib⁹ imminerent: bellum extra fines regni gerendum, & hostem præoccupandum: usuram facultatum huc conferendam, ut fors constet.

Collectæ igitur grandes instituuntur, periculo etiamnum ob oculos versante: iis, qui fimbriam fere faciunt, & gravissima sustinuisent; tributa in triennium remissa ut ædesstruere, æs alienum expungere, culturam agrorum exercere possent commodius.

Politica reminiscencia.

Videtur ipsa Natura distinxisse genera mortalium, non tatum linguæ usu, sed etiam locorû terminis. Sic Italiam dirimunt Alpes à Germania; Hispaniam à Gallia mōtes Pyrenæi; sunt fluvij, freta & maria, quæ cōercean fines, quemadmodū & Oceano circumdati sunt montes arenarum, ne exundet.

Istos terminos nemo facile immutabit impune, nisi ubi genius alicuius provinciæ sobolem nimis numerosam, tanquam in colonias deducit, ut aborigines ca-

stigen-

stigentur, sub jugum redacti, vel extirpentur, ob cumulum peccatorum exuperantem: id quod cælorum terrarumque arbiter de Populis septenis Palæstinæ docet. Verumenimvero ea mutatio est infrequens, & vix altero quoque sæculo recurrit, admodum tamen illustris, secundum magnas Cæli revolutiones, quæ octavo quoque sæculo recurrunt, & nunquam non gravissimas attulere mutationes.

Carolus Magnum scimus ante octo secula Europam fere domuisse & descripsisse; quemadmodum legimus Augustum fecisse, ante mille sexcentos annos: sed ista relinquimus naturæ superioris mystis, & credimus, Deum, qui sibi armorum titulum & arbitrium in veteri fædere tum sit, id nunquam deposuisse: adeo ut ipso tutore Reges regnent, & Regna tuteantur.

CAPUT II.

Rex Hungariæ eligitur, in regem Romanorum, frustra obnitente Gallo.

Comitia agebantur Imperij apud Ratisbonam, in quibus Imperator, quod dudum desideraverat, & Treverensis nuper impedierat, filium, Regem Hungariæ & Bohemiæ renuntiat, ex consensu procerum, Regem Romanorum. Rex Galliæ ex æmulatione semper obstiterat, si forte imperij apex in aliam quandam familiam perveniret, Austriacis jacturam potentia conciliaturus. Cum autem armorum fors Austriaci esset faventior, nemo repugnavit, præter Regem nostratem, qui exprobrabat Auræ Bullæ contemptum, quâ tamen sanciretur Imperij libertas & gloria.

Locus electionis dicitur per illam Francofurtum ad Mænum: statuitur electio in mortem Imperatoris, adeo ut nefas sit, eam inceptari, præter extremam necessitatem. Vegetus quidem videbatur Imperator, sed satum vigori fecit finem, ut illud opprobrium e-

vanesceret. Armata videbantur Comitatus, & electio extorta, maxime ubi Treverensis, Galliae cliens abesset. Hæreditariam sic fieri imperij administrationem, electione tantum in speciem sumtâ. Pervicit tamen suffragiorum potior numerus, adeo ut Rex, quamvis tardius; cum titulum negare desineret, quem universi ordines dabant,

Politica reminiscencia.

Solennia adhiberi inaugurationibus, & patrocinijs, scæterisque actibus sublimioribus, novimus omnes, & stupemus; maxime ubi ludicra quædam occurrunt aut adeo abstrusa, quorum sensum nemo facile assequatur. Priscis Regibus usitatum erat, vel antambulonem, vel pedissequum habere rusticum, cum ligone ex humeris pendulo : ut testarentur, sibi colonorum maximam fore curam.

Est, ubi patrono debetur novæ nuptæ hymenæus, quem tamen ille cum poculo inaurato, numisque gravi commutat. Est, ubi nefas fuerit, audiri coaxantem ranam, dum pernoctat Abbatissa. Est, ubi Elector Imperij stapedem tenet Episcopo, equum conscensuro. Est, ubi cantantes ad summum altare agrestes perferunt anseres. Et quæ nunc de singulorum Electorum officijs in coronatione novi Imperatoris perscripta sunt?

In ipsa Austria campus est regius, ubi sedes ducalis lapidea, cum columna. Adscendit rusticus, ex immunitatibus vere nobilis: quærit ab appropinquante Duce, qui superiori succedere satagit, quid sibi petat. Respondet ille, Ut sedem illam occupare liceret. Sed esne, quæritur denuo, æquabilem administraturus justitiam, & mihi meisque immunitates asserturus, adeoque universæ patriæ, cum alioqui tibi non cedam? Ipso annuente, descendit rusticus, colaphum infligit futuro duci levem, & comprecatur omnia fausta: sed Carolus Ferdinandi II. pater à provincialibus remissionem istius ceremoniæ impetravit, & tenuit.

Res hæc non caret mysterio, cum sic sacramentum fi-
dei

dei mutua in oculos incurrat, & tenacius hareat. Labanus cum Jacobo pactus, coacervatos lapides inclamat testes. Jubet Deus duodecim in Jordane constitui lapides, qui transitum Israelitarum in aeternum arguant. Sic equidē intelligo, minutias esse additas ut majora rectius serventur, nam qui istas negliget, majora nihil curabit.

CAPUT III.

Galli per Artesiam & Alsatiam triumphant.

Lotharingus & Vinariensis venatum verius, quam bellum exercebant per Burgundiam & Alsatiam, mutuis cladibus, donec uterque majoribus suffulciretur copiis, quæ alibi videbantur magis necessariae. Censuit igitur Cardinalis, Vinariensem obstiturum, ne Lotharingia corripere, aut secundum illam, ob clientelæ summum metum, fines Galliae invaderentur: aut etiam transitum moliturum, ut bellum ultra Rhenum projectum, gereretur per Sueviam, postquam Moguntia, & Francodaliū exivissent ex potestate nostratium.

Mittuntur igitur crebra supplementa, & fit aliquando operæ pretium, per Burgundiam, aliquando etiam jactura. Potissimæ vires decumbunt in Flandriam, dum Imperator occupatur per Westphaliā, Misniam, & Marchiam: Nostrates enim corripunt Aucinam, Capellam Tirassiorum, Chimæam Hannoniæ, & Danuilleriam Lucemburgi, cæsis etiam Hispanis ad Maubegiam, & ad fanum Audomari; quod tamen frustra obsidetur. Cumque Vinariensis ad Rheinfeldiam feliciter pugnasset in Cæsareo Lotharingos, festivis colluxit Lutetia Parisiorum ignibus, templa personuere hymnis.

Politica reminiscencia.

Cum Alexander Magnus duceret in Asiam, suis usus est ducibus & militibus, peregrinis abstinuit, sup-
Aaaa s ple-

plementis identidem ex patria repetitis : quod sciret ,
dubiam fore fidem Asiaticorum, ad rerum vicissitudi-
nes ; adeo ut nec peregrinorum consilia admitteret.
Persarum Reges profugorum Græcorum quidem au-
diebant consilia, sed neglegebant, unde immanes sunt
passi clades. Ottomannici robur exercitus ponunt inla-
nitfaris , auxiliarium multitudine ad prædandum & po-
pulandum adscitâ, ne qua secessio alicujus momenti in
expeditionibus fieri posset.

Suecus, ubi Germaniam invadere constituit , Ger-
manis uti voluit Ducibus, iisque plurimis, quod sci-
ret, tædium Austriacorum obrepisse, ob sacra & bo-
na Ecclesiastica, unde promptissimâ illorum est usus o-
perâ, robore nihilominus in populares constituto: sed
minabatur aliquando Tartarorum illuviem, si multi-
tudine pugnandum foret. Veneti peregrino plerun-
que gaudent imperatore & milite; atque hætenus sa-
tis prospere: sed nihil advertunt Carthaginensium sor-
tem, qui ob tumultuantem militem peregrinum non se-
mel sunt periclitati.

Romani suas ducebant legiones, supplementa expro-
vincijs inferebant, ut nocere non possent; auxiliares so-
ciorum copias adhibebant quidem, sed semper memo-
res Metij Suffetij, illorum sanguine victorias satagebant
mercari, legionarijs ad inritas servatis. Sed Gallia &
Helvetiorum, & Germanorum, & Scotorum utitur o-
pera, ut illi, nostrate virtute post primum impetum de-
fervescente, reliqua conficiant, popularibus æque ac
hostibus, ex linguæ & morum diversitate exosi, unde
ferventior ipsis pugna in solo alieno, & minus refugij,
cum salus in dextris versetur.

Sed in hoc genere militiæ diversa est ratio, ubi bel-
lum extralimites geritur. Ibi enim socij aut fæderati ma-
xime sunt conciliandi, qui nostris partibus accedant, &
hostinegotium facessant. Quod si ea fæderacomproban-
tur, nemo repudiabit militem ex eadem provincia lectû:
sed ea ibi est cautio, ut dux & miles peregrinus à nobis
pendeat, & salutem illic magis ac magis perdat, per nos
subsistat, & summam rerum ne attingat, verû succenturi-

atus inserviat; neceam potestatem adipiscatur, quâ nocere possit, aut quam nos evertere nequeamus. Ubi enim sese necessarium putabit, insolescet: id quod Imperatores superiorum seculorum magno cum imperij Romani malo didicere, cum uterentur Gothorum & Vandalorum, adeoque Reges nostrates Normannorum operâ.

CAPUT IV.

Leucata strenue defenditur adversus Hispanos.

Cum Hispanus Hollandorum armis graviter exercebatur, & terra marique citra ac ultra lineam æquinoctialem damna ferret ac sumtus faceret, intelligebat facile, Cardinalem transgisse, ut Hispanicæ potestatis reliquæ provinciæ per Belgium inter socios Gallos & Hollandos dividerentur, id quod res erat; cum Hollandis de pace, sive de inducijs agere non destitit per cuniculos, ut sic alterum hostem consopiret, cum altero expeditius acturus.

Dolebat, sibi usum Alpium ademptum, ex qua parte exercitum effundere solebat: in provincia igitur Narbonnensi vellicandam censet Galliam, ut virium potior pars ex Flandria revocaretur, proprijs tutandis; cum longe satius sit viro prudenti, sua asserere, quam aliena appetere.

Leucata igitur obsident Hispani, valido excitato vallo: verum Cardinalis, sagacitate suâ omnia complexus, limitem illum noverat strategematis & violentiæ expositum: unde Halerinum, virum cordatum, advigilare jubet. Is contrahit quatuordecim millia provincialium, quibus hospites illi erant ingrattissimi; obsidentes aggreditur, per quinque horas continuas molitur vallum obnix, perrumpit, & equitem in castra hostilia immittit, cædit ultra duo millia, capit plurimos, suffocata quis non paucos, rapit quadraginta duo tormenta, & patriam asserit.

Poli-

Politica reminiscencia.

NOn omnibus eadem fortuna, quæ Agathocli & Scipioni, qui domi afflicti, ausi sunt in hosticum transire, & caput rerum angere, donec à patria omnem vim hostilem abstraherent, & in se converterent, quemadmodum corde oppresso sanguis ab extremis partibus recurrit ad suam scaturiginem; quæ salvâ, evanescit lipotimia, & redit vigor pristinus.

Cum Ostenda obsidetur pertinaciter, circumfert arma Auræus & longe potiora occupat, quam locus ille præstaret; sed hæc in eadem fiebant provincia, nam ubi vires diffunduntur latius, ut coire citius nequeant, periculum ingruit utrinque. Est tamen, ubi difficilius vias & contrahas vires, ob distantiam locorum, quod Hispano est solitum, qui vastissima quidem possidet regna, sed quæ interfecentur à Regibus vel æmulis, vel malevolis.

Dispicendum etiam magnopere, in quam provinciam decumbat major belli moles, ne illa infirmior frangatur penitus, aut liberior irritetur, pertæsa nimirum belli neutiquam necessarij, quod in longinquioris provincie commodum susceptum, sua inturbet commercia, & compendia: unde seditiones & perduelliones possint existere, quæ gravius angant, quam bellum ex altera parte.

CAPUT V.

Quibus de causis rex Gallia bellum suscepit.

ARguebatur Rex de instituto parum æquo & utili, postquam sociasset arma cum Hollandis, & Suecis, Germanisque: sed ille favet his aut illis, ut ambitionem Monarchiæ universalis coërceat, quæ fines Galliæ arrodebat. Hos aut illos agit extorres, ut vibrato ense casti-

get, quos prudentia ad officium deducere non potuit, etiam post beneficia contumaces. Tyrannicis ausis obstat ut elentes asserat, dextera eadē æque generosa uti magnanima usurpata recuperans & reddens, unde potuit in medio hostiū virtutem & ingenuitatem, summa regię majestatis trophœa erigere.

Nulla ipsi cura aut libido proferendorum finium, ut ambitioni immolet suorum sanguinem: repetit, quæ alii sibi accommodarent præter fas & nefas, & auctoritatis apicem statuminat. Actionibus circumdat justitiam, virtutem dirigit æquitate, alioqui orbis imperium usurpaturus, quod pronum videbatur. Quicūque prim^o arma corripit, non ideo author est belli exorti, sed qui causam præbuit armorum.

Per effecta licet animadvertere, quantum Deus fa-
veat armis nostratibus, vel ob justitiæ usum, dum illos castigat, hos ambitiosis artibus desicit, adeo ut diverticulis, quantacunque per industriam & potentiam instituere potuerint, consilia prudentiæ plena, nec mutant, nec fregerint. Prima victoria ad Aueinam contribuit justitiæ causæ, Basilicis Parisiorum festiva, regi invicti triumphus materiam, Ministro incomparabili gloriam.

Hinc transitus liberi, postquam nullæ resisterent copię virtuti, & omnes omnino cōatus vani, tametsi discordiis seminandis, & domesticis turbis summa impenderetur opera.

Politica reminiscencia.

Prosperi isti successus nonnullis occasione fuere traducendi fœdera diversorum sacrorum, quasi verò acatholici minus cordatè dimicarent, aut segnius urbes domitas expoliarent. Evenit etiam sæpissimè, acatholicos sacra habuisse catholicorum reverenter, quæ illi conculcarent: hæretici non raro palam detestati sunt abominandas sacrorum violationes. Exempla superiorum temporum prætereo, ut unum hoc, cui interfui, recenseam: amissa recuperatur urbs, sed liberatores sævius grassantur, quam hostes, hos tamen mare absorbit, & istos suffocavit pestis.

Fœdera

Fœdera cum regibus Idololatriæ & infidelibus contracta ; tum ea, quæ Imperator publice firmat cum principibus Germaniæ , quorum etiam sese protectorem perfert , forte minoris fuerint momenti , præ illis cum Turca & Hæreticis. Sacræ literæ diversas docent transactiones Israëlitarum cum Regibus vicinis, adeo ut sapientissimus Regum non recusat cum Hiram, Tyri Rege sociari. Theologus eximiæ scientiæ, idemque Hispanus, (hæc enim ratio peristiusmodi confederationes plurimum offenditur, & forsitan re ipsa eas frequentius comprobatur) demonstrat, posse Pontificem Maximum Hæreticorum armis uti, etiam contra ipsos Catholicos, siue ad defensionem, siue ad vindictam.

Bellum sumitur, aut ad pacem obtinendam, aut ad damnum vitandum, quod metuitur : id vero nunquam pro voluntate confici potest, nisi vicinos habeas amicos, qui ad hostium partes alioqui possent transire magno cum detrimento rerum nostrarum. Dubitare de instituto, aut progressum retardare ex majori fiducia, ob sacra diversa, magis hypocrisis olet, quàm reipublicæ curam, quam non Ceremoniæ, sed virtus rutatur. Recte iusta suspiciuntur bella, in quibus apparet fervidum fidei Catholicæ studium; sed non minus recte ij nobis conciliantur, qui hostium possunt esse numero, quos tamen amicos habere licuisset. Neque enim decet, scrupulum aliquem male susceptum certissimam adferre perniciem.

CAPUT VI.

Cardinalis consilia succedunt prospere,

HOstis recolligebat animum & vires, veluti fax pænæ extincta, Bellonam non adeo adversam expertus, quin aliqua loca per limitem corripere, etiam ulterius penetraret, unde nostratibus potuisset trepidatio

datio exurgere, nisi minus prudentiæ in conservando, quam violentiæ in irrumpendo ostendisset. Quod autem spem gloriæ fecerat, locum ignominiae fecit, postquam & occupata amisit, tametsi permunivisset, & victoriæ segetem præbuit, fugienti non dispar, uti Leucata per extrema ausa docuit.

Cardinalis in omnibus monstrabat principem suum invictum, exercitus plures, eosq; validos expedit, quibus ambitum Monarchiæ vastissimæ committit; hostibus sic undiquaque imminens, & trophæis celebris.

Classis per utrumq; mare, ubiq; incutiebat terrorem Hispaniæ, admirationem Orbi terrarū, ex consilio, quod primitus Hollandis erat suggestū ut nempe classē adornarent, & Hispaniæ vires sic frangerent. Respondit utrobq; eventus, nobis cessere Insulæ Honorati & Margarithæ, quæ, quod inaccessæ viderentur, invictæ credebantur: ubi vero & validum præsidium naturam locorū adjuvit, jã temeritatis extremæ putabantur ausa. Nihil tamen negare potuit virtuti Comitis Harcurtij fortuna, qui seriē successus prosperi persecutus, utraq; superavit.

Suo memorabitur loco facinus sub oculis Genuæ, à tremibus utrarumq; partium gestū, non quod inde victoriæ emicuerit fructus, sed quod apparuerit orbi terrarū, victoriā potius à virtute, quā à numero pendere. Hostes nostri certiores sibi videbantur de trophæis statuendis, tametsi inferiores essent futuri numero, & eodem longe superiores mirabantur sese vinci. Quæ fors eos plerunq; occæcat, qui causis abundant, ratione destituuntur; priscā potius autoritate freti, quam modernis viribus. Quantacunq; inde in Galliam redundet gloria, debetur Marchioni Ponte Curlæo, Cardinalis nepoti.

Exercitus terrestres, ex consilio Cardinalis admirabili, & præsentia regiæ majestatis, ubi vis locorū reportabant victorias illustres. Qui per Germaniam cum Suecia pepigerant sædus, æque magnanimi ac felices, constituerāt, per constantiam inconcussam Regis, etiam in morte triumphantis institutum persequi, sed potentia Austriacorum oppressi, Galliam respectabant, cujus auxilij consili spondebant certissimam Germaniæ mutationem.

Cum itaq; per vicissitudines armorum tandē vicissent

Piccolominæum, humanitate matronis gratissimum ,
& Flandriam asseruissent, adeo propinqui voluerunt esse
urbi, per imperium suam, ut ipsa & comitatum ,
& annonam vel invita libens præberet.

Politica reminiscencia.

Rerum sane sunt eæ vicissitudines, quæ humani ingenij acumen fugiant, & prudentiam omnem deludant. Videas artium gnaros exiguo censu pollere; agrestes opibus affluere. Sed si ascendas ad causas altiores, observabis primum inconstantiam inferiorum, deinde arbitrium implicitum cælorum, Dei denique voluntatem abstrusam.

Passa est Gallia nostra aliquando extrema, adeo ut Anglum, vel ex ratione matrimonij, cui leges fundamentales repugnant, vel propter summam potentiam sumeret Regem. Bis vidit eadem Reges captivos suos, alterum in Angliam, alterum in Hispaniam duci. Tanta aliquando fuit solitudo per agros, ut clarissimâ luce lupi in Urbem, toties ampliata, pervaderent, nullo pene metu : tantum sanguinis hauserat hostis, tantum sobolis præpediverat calamitas publica.

Licuit tamen, vel per miraculum, & Heroinæ virtutem exantlare tot ærumnas, donec cælum mitius illucesceret. Quantopere Hispanus exagitârit Galliam, nihil attinet dicere; nunc talionem sentiens, nihil habet, quod conqueratur. Fuimus aliquando numero superiores, sed virtute inferiores, aut industriâ : soli ferebantur

Hispani sapere & bellare. Conversus est rerum ordo, vinci didicere victoriarum genimina,
ut sciant, ambulatoriam esse
fortunam, non hæreditariam.

CAPUT VII.

*Regis arma vocantur in Italiam, ob duo
testamenta.*

NOvam vero occasionem exercendorum armorum præbuit Italia, dum hujus lucis usuram deponit Dux Mantuæ, qui supremis tabulis administrationem reipublicæ condixerat Mariæ viduæ; tutelam Cæsari & Eleonoræ, imperatoris viduæ, executionem Gallo & Venetis. Satis prudenter ista omnia, ne homagiū, quod debebatur imperio, violaret, sed ut Galliam haberet faventem, cui tamen inoleſcenti Veneti obſtarent.

Incidit fatalis dies in Septembrem, sed menſe Octobri intervivos itidem numerari deſijt Carolus Emanuel, dux Sabaudix, ſororius Regis, cui ſtomachus adamantis pulviſculo arroſus, quinquageſimum primum ætatis annum vix permiſit. Filium octennem, & tres reliquerat filias; uxorem fecerat tutricem, Regem executorem, Thomam & Cardinalem fratres inofficioſe præteriens, quod alter videretur Imperium ſibi aliquando rapturus.

Hanc ſuſpicionem intendebat apud morientem memoria ducum Mediolanenſium, ubi patruus nepotem, hæredem imperij, everterat, ut ipſus dominaretur. Quemadmodum autem Cardinalis gaudebat, juſtitiam Regis adeo celebrari apud Exteros, ut & Germani & Itali eum ſibi optarent protectorem; ſamam iſtam & gloriam proſus ſartam tectam ſervare meditabatur, expeditis quibuſcunque medijs, ad aſſerendos hinc inde clientes & ſocios.

Politica reminſcentia.

MORientis vox ſacra, quod nullus reſtet metus mortalium, nulla proſit ſimulatio, ſed & tribunal de-

cretorium sit adeundum, ubi & cogitatorum & actorum sint reddendæ rationes. Tunc enim anima, origini suæ vicinior, & à terrenis defæcator, etiam futura præfagit, longe feliciter, quam per insomnia, ubi corpus quiescit, & mens sola exercetur.

Sed illa fides, quam moriens sibi persuasit de superstitibus, æque est sacra, ne manes turbentur, & vindicta divina exerceatur. Est tamen, ubi morientes aliquid humani patiantur erroris, qui secundum Deum est corrigendus. Isaacus melius cupiebat Esauo, quam Jacobo, quod illum imperio aptissimum, ex venationis studio, & clientum copiâ auguraretur; hunc vero casarium iugo ferendo natum putaret.

Correxit mater sagax errorem, quem senex capularis agnovit, revocato sibi in memoriam oraculo. Quod si vel ante errorem correctum obiisset diem suum testator, planum est, oraculum viguisse, & per lapsum memoriæ humanæ, aut benevolentiae inconsultæ non evanuisse. Hinc testamentarij iudices potius ad mentem testatoris, quam ad verba testamenti respiciendum esse censent. Verborum enim sunt involutera, in quibus mens, tanquam nucleus in cortice aut putamine latet, prudenter excutienda.

Philippi Macedonis ambitio arguitur, qui à duobus Thraciæ regulis, de hæreditate disceptantibus arbitrer lectus, armatus accesserit ad exarmatos, sed sibi imperiolum illud rapuerit: unde fortassis violentâ perire morte meruit. Quemadmodum, Mediolanensium Ducum stirps eâ perfidiâ non diu gaudere potuit, quin exterminata alienis rempublicam relinqueret. Recte ille Discite justitiam, moniti, & non temnere Divos.

Reges divinæ justitiæ vicarij, debent & possunt viduis ac pupillis securitatem præstare.

— (o) —

CAPUT VIII.

Factio Gallicana apud Rhetos perit paulatim.

AD Cunicas angustias cæduntur Hispani , & nostrates per Flandriam & Alsatiâ , adeoque Narbonensem provinciam occupatissimi , Rheticæ curam fere seposuissent , adeo ut Rohanio necessaria non red- dita , relinquerent militiam imbellem. Clavenna & Archetum restituuntur popularibus , cum asseri non pos- sent , quæ suis sibi præsidij firmarent.

Sed gubernator Mediolani sagacissime omnia ad se paulatim traducebat , tametsi tres gliscerent fa- ctiones , Austriaca , Gallicana , & inter istas me- dia : quæ , uti facile est judicatu , non diu subsistere potuit. Gallis non licebat sacra acatholica firmare , ob Pontificis summi reverentiam : & Hispani eo , quo semper , prætextu superbiebant , adeo ut populares ex illo Zelo quidvis ferrent patienter , dum levicu- la quævis offensa Gallorum , quam ob penuriam neces- sariorum evitare non poterant , raperetur in gravissi- mam injuriam.

Politica reminiscencia.

Miserrima est fors eorum , qui factionibus fecere lo- cum , iisque sustentandis exterorum auxilia quæ- sivere. Nam Exteri non semper pollent viribus , quæ alienis rebus commodent ; nec semper eandem ser- vant mentem , quæ benevolentia effectum præstare velit. Solent etiam sumtum eam instituere rationem , ut partem reipublicæ trahant , ubi universam corri- pere nequeunt. Ubi vero occasionem offensarum præ- buere , & irritare populares , hostilia non raro su- munt.

Deinde , nunquam patiuntur , dissidiorum semina
 Bbbb z tolli

tolli, quæ sollicitè foveant, ut suis usibus ea sep-
nant. Hoc Philippo Macedoni, viro vâferrimo,
usitatum, in bello sacro maxime, ubi sacra profa-
nis miscere, nullus dubitavit, donec per eam occa-
sionem universam pene subjugaret Græciam. Eandem
sanè rationem sumere Ottomannici, ad Peleponne-
sum corripendum.

Quanto igitur satius est, concordiam colere, Exteros
millos facere, & mutuam indire tolerantiam. Quomodo
Angili, Saxonix inferioris populi, transferint ad Bri-
tannos, recenset historia illorum temporum. Quo in gra-
du lubrico hæserit Corona Gallix, Hispano etiam Parisi-
os possidente, horret animus duntaxat meminisse.

CONTINUATÆ HISTORIÆ DE MINISTERIO CARDI- NALIS RICHELII.

ANNO MDCXXXVIII.

LIBER XV.

CAPUT I.

Vinariensis Brisacum cogitat obsidere.

Postquam percrebuit rumor apud Austriacos, Vi-
nariensem non repetere Moguntiam, unde pontem
strueret ad Hassos Castellanos; non curare Francoda-
lium, ad suscipienda ex Gallia auxilia; non incur-
sare Philippiburgum, ad Rhenum coercendum, post-
quam illa loca perdidisset, sed immane quid audere,
Rhenum scilicet per Alsatiam, Helvetiorum bene-
volentia fretum, & aliquot locis in Burgundia capris
confisum, secundum Lotharingiam, quam Gallus possi-
debat,

debat, frænare, cujus oræ lorica fere apposuerat munimentorum.

Sed dum ipse hinc inde circumfert arma, & Croatas crebrius repulsat, audit Gallos ex illis munimentis ejectos. Instat apud Cardinalem, demonstratque quanto fatius foret, de Rheni trajectu dimicare, quam hostem ultra limitem admittere. Id considerans Cardinalis, valida supplementa destinat, mandatque, ut Brisacum obsideatur, quo vires Austriacorum à Gallia averteret, cum id munimentum persitum & opera esset inexpugnabile: famâ instituti per industriam repente propagata.

Ibi vero Austriaci in sinu gaudere, quod gigantulus iste cum ipsâ natura pugnare decrevisset, certi utique, universum genus mortalium si congruat, & vim molitur, frustra futurum. Sed Cardinalis per Helvetiam providerat, & Erlachio, primario Vinariensis duce, al-laborante, cui in vicinia clientelæ erant potentes, & in patria Helvetia magna autoritas, id dedit effectum, ut Brisacæ gubernator, qui veterem annonam exercitibus imperatoris largitus erat, mandatorum nimis sedulus observator, aut crumenæ inflandæ studiosior, spe & usu recentis annonæ, frustraretur: Basileensibus sive conniventibus, sive adactis ad compendium Galliæ.

Politica reminiscencia.

Hostes ut horsum vorsum trahas, variæ sunt rationes: sed nulla potentior, quam quæ caput rerum petit. Senones Galli ubi reliqua loca prætereunt, ad Urbem contendunt, Romam incurfant, finem pene imperio Romano attulere. Scipio, in Hispaniam transgressus, Carthaginem novam, quæ & munitior, quam ut tentari posset, putabatur, expugnandam sumit, & rem consulto citius perficit.

De Alexandro Magno celebratissimum illud fertur Nihil distulit. Quemadmodum enim irruptio terrorem incutit, licet sit populabunda saltem, ita obsidio loci prorsus muniti virtutem arguit eximiam, quæ fulciatur,

& audaciam incendat. Nihil communius auditur, quam illud solitum, Tela prævifa minus nocent: sed ubi securitas excutitur, subit trepidatio & pavor. Nobis Philippiburgum videbatur invictum, cui expugnando nec Sueci quidem vim, ne frustra forent, adhibuere, sed famem circundedere. Invenit tamen & acumen ingenij, & industria audacia modum illius corripienti.

Illuserant Alexandro Magno montani illi, an Macedonibus essent alæ, ut in rupem illam præcipitijs undiquaque munitam subvolarent: sed obstupescere, ubi eosdem, Damarum instar, perreptasse, & à tergo instare cernerent. Mira enim est ingenij humani fecunditas, mira manuum industria, mira casuum vicissitudo. Unde Plautus de homine nunquam satis cautus ait, cum maxime sese cavisse cautor ille putet, sapius tamen captum esse.

CAPUT II.

Vinariensis insignem reportat victoriam.

Non fefellit sagacitas Cardinalem; fit, quod rebatur, incipiunt metuere munimento incorporabili; averruncant Gallos à Rheno, per absentiam Vinariensis, Urit id Ducem leonini ingenij, arripit supplementa, petit plura, spondet eventum optatum, de Helvetijs per Erlachium certior, irruit valide, copias traducit Rheinfeldiam, subsistit ad Steinium, Sekingam deditione, Lauffenburgum vi occupat, Rheinfeldiam obsidet. Sed ne sibi nimium tribueret, cæditur, & obsidionem solvit.

Certus autem, vel transitu firmato trajicere in Sueviam, & molem belli trahere, aut ad Rhenum operæ pretium facere; Copias igitur contrahit Buquenum, Cæsareanos gravissime cædit, Savellium, Werthium, Enkefortum, Sperreuterum summos

mos duces; Furstenbergerum, Neuëccium, Goldium, Wolffium, Hinderfohnium, tribunos; Zellium, Reügerum, Scharpenselium, legatos, præter Duces minoris nominis complures, octingentos & mille pedites, mille ducentos equites, triginta octo vexilla, duodeviginti signa capit, post stragem immanem. Occubuerunt ex Vinariensibus Comes Rhenanus, equitum magister, Bodendorpius, Barstetterus & Vorbringerus, cum centum septuaginta gregariis: adeo ut iactura Nordelingiana videretur refarcita.

Quondam etiam victis redit in præcordia virtus, maxime ubi desperatio incendit animum: nam adeo aduerso Marte pugnabat Vinariensis prima vice, ut Schavelisius, Erlachius, Berenholdius & Dannebergerus capti traherentur, & festiva contonarent per Rhenum inferiorem. Quanta autem virtus fuerit Gallorum vel inde patet, quod Rohanius, qui ex Alpibus descenderat, ut opem impetraret Rhetia, aut operam præstaret Rheno, sæpius restituit ordines, sæpius in hostem duxit, donec cum Erdmanno graviter vulneratus, excederet pugna continua; is Konigisfeldiam perlatus, annis & tædio rerum præsentium grayis, ex vulnere moritur, sexagenarius.

Politica reminiscencia.

Multum differt Imperator à Duce, & Dux à gregario. Hic satis habet tueri locum, ut cum corpore tegat cæsus, quem vivus insistebat, hostibus haud tergo, sed fronte, & pectore notus. Ille laboranti gregario prospicit, torquet cohortem, obliquat vim, propellit impetum, attinet fugientem, sufficit animum. Ille rarissime proruit in aciem, ad exemplum Cæsaris, qui aliquando fugientibus signa eripuit, & in hostem convertit.

Et quoties Romanorum imperatores signa in medios hostes coniecere, ut vel per ignominiam miles ea repeteret? Sic duellantes oculis obijciunt strophium, quod aciem oculorum turbet

inopinato fulgore, & aggressori impetum largiatur liberum. Hinc servat principia Imperator, habet triarios, quibus concitandis dispicit momenta praelij: nihil ille turbatur his aut illis ordinibus ruptis, curat ut refarciantur. Summam rerum in æquilibrio appendit.

Bironius in prælio acerrimo ensen non nudaverat, fistulam non dispoferat, loco non cesserat, otiosus conflictuum spectator: cumque suggillaretur à quibusdam rei ignaris, Regem, nostrum illum Henricum vere magnum habuit encomiasten, qui non dubitabat asseverare, agmen illud Bironianum sibi fuisse sepositum, tanquā anchoram sacram: neque vero operam illius inanem expertum sese, cum hostes impetum novum ab agmine integro & alacri metuerint, & campo excesserint, aut projectis armis deditionem fecerint.

Mauritius Auraius etiam laudem eximiam reportavit, ad Neoportum cum Hispanis conflictatus, adverso primum Marte, sed ubi legionem flavam restituit, ingentem & incredibilem adeptus est victoriam.

CAPUT III.

*Post grandem alteram victoriam deditionem facit
Brisacum.*

Vidisses universos Parisios spectatum proruerere, ubi Werthius, strenuissimus miles & dux adduceretur captivus. Hinc supplementa, à rebus arduis necessaria à Cardinale submittuntur, ut hostis ad Rhenum distentus, de Gallia invadenda nihil amplius cogitaret. Vinariensis fortunæ sese præbenti offert, Rheinfeldiam mense Martio ad deditionem cogit, Neoburgum in ripa Rheni occupat, Friburgum Brisgoiæ expugnat, Canonskio partes dat cingendi Brisaci, ne annona perferretur. Gotisius transit semel atque iterum magis furtim, quam aperte, delatâ quantum potuit annonâ.

Vinariensis occurrit Lotharingo, cladem infert, recur-

currit eodem pene momento, & Gotsium multat itidem, quorum alteruter tardius aut citiusquam conven- tum erat, processerant. Nuspian tantâ pertinaciâ pugnatum, nunquam sæpius eadem æstate: contrahuntur igitur Austriacorum vires, adsunt & Bavari copię, incurfant, post velitationes uti solet dubij martis, ipsa munimenta, circa pontem sparsa, fatigatur Vinariensis ad extremum halitum, conceditur fere legio Scotica, miram præstant fortitudinem Galli, ipsus Vinariensis & miles, & dux, & imperator ubique conspicitur, animum fert intrepidum, oculos igneos, armat calopes & fæminas hastilibus, contis, & quicquid defendendo vallo aptum, aut offendendo hosti idoneum depromit.

Ubi autem hostium copię succederent recentes, & jam jam actum videbatur, audet ultimum virtutis conatum, quem hostis nunquam cogitasset, & perinde confusus sustinuit, erumpit ex vallo, in fugam conjicit hostes, potitur tormentis & impedimentis. Cecidere ex Cæsareo Bavaris mille quingenti gregarij, octo tribuni, septem legati, multi Rheno hausti. Ex duodecies mille vix bis mille ducenti evasere: annona Brisaco destinata, mille curribus imposita, cum octoginta vexillis victori cessit. Cruenta tamen fuit victoria, sed perillustis.

Brisacum premitur vehementius, cibos à natura humana alienos vertit in victum, adeo ut pueri de platea rapti, famelicis vitam sustentarint. Hinc Reinacherus, munimenti custos, ne videretur naturæ bellum indixisse, ad ditionem facit adulto Decembri.

Politica Reminiscentia.

TAmerlanes Scythia Bajasethen Turcam devicit, & in cavea ferrea per Asiam circumtulit, nemine non stupente ad tam subitam rerum humanarum mutationem, cum ante oculos etiam versaretur fastuosa illius potentia, quâ terram conculcabat, cælum territabat, fluvios siccabat, maria tegebat, montes planabat, planitiem exaggerabat dicto citius. Sic videas lupum rapacissimum in fovea agniam ostendere mansuetudinem, nisi ipsi oculi rabiem cordis proderent.

Quam sæpe superbus ceciderit hostis , triumphante grege pusillo , docuerint vel sacræ literæ : sed ipsam Naturam non posse tutari suos , id vero enorme & prodigiosum. Qui salutem ab Oceano petit , absurdus est , cum ipse sit sterilis , & periculorum uberrimus campus. Sed qui terram , matrem almam , roget sustentationem , nihil aberrat. Est enim penû locuples , & opulentiam suam cuivis præstat.

Concinnavit sibi diversa deliciarum loca in plano ; miracula servavit montibus : qui altissimi abundant aquis & lacubus : ibi nubium tempestates despicit , volucris præbet nidos tutos , damis refugia ; mortalibus asyla. Sponte docet provolutis lapidibus impedire tramites , ne hostis adrepât , nullus ibi metus tormentorum ignivomorum , nulla curacuniculorum agendorum : adeo ut in montium cacuminibus rerum humanarum securitas sit rata.

Cum autem homo audiat animal sociale , sine commercio non diu producet vitam , fami utique obnoxius. Quemadmodum enim Noachus biformis ille procul dubio miseram finivisset tandem vitam , absumptis omnibus & alimentis , & animalibus , nisi diluvium desisset , & usum terrarum reddidisset : ita custos montis excelsi in penuriam incidit , & nisi atra fame perire malit , claustra reserare , & libertatem thesaurosque cum pane quotidiano permutare cogitur , ipsa natura ad inopiam redacta.

CAPUT IV.

Clades suscepta in Cantabria.

DUm Gallicanæ cum Hollandicis jungerentur copiæ , nihil egregium præstitere , provincia universa tantum conculcatâ : Apud Leodienses partes Galliæ fovebantur , à Ruellio consule , quem Warfusæus

sæus proditorie in convivio trucidavit, ipse à plebe tumultuante disceptus, propter studium diversum, quod sane non magno erat usui, ad scribendum militem strenuum, cujus illa provincia est feracissima. Visum igitur Cardinali, ut Hollandi ex illâ parte agerent, ne simulates, quæ gliscebant, in nervum erumperent. Illi ad Antuerpiam Calloanum aggressi munimentum, vires Hispanorum in se converterant, insigni affecti clade: dum nostrates per Artesiam & Flandriam satis segniter versantur, diversis expeditionibus intenti.

Nam Cardinalis Brisacum statuerat subigendum, ut sic Gallia novo propugnaculo, securior degeret, unde & potiores vires in Alsatiam protrudebat. Voluit autem fortuna moderari nostra gaudia, & cladem immanem reddibere. Condæus, princeps Regij sanguinis, & ejus opulentia, quâ posset exercitum labescentem stipendijs firmare, viginti millia peditum, & quatuor millia equitum ducit: cui enim isti honores deberentur, nisi proximis Regis? Alterâ ex parte Hispaniam invadit, ne Leucata denuo tentaretur, Italia nimis vicina. Figuetum munimentum corripit, portum Passagium occupat, prædam trahit grandem.

Fanum Sebastiani petit, Fontarabiam obsidet, cuniculos agit, exploditque vim parans: sed eodem momento erumpunt Hispani tam atrociter, ut mille quingentos ceciderint, quingentos captivos traxerint, tormenta, & principis suppellectilem pretiosissimâ obtinuerint, cæteris fugâ Bayonnam dilapsis: adeo dubius est fortunæ bellonæque favor.

Politica reminscentia.

IN legendis ducibus summa est adhibenda industria: Fabius cunctator nonnullis videbatur nimis propinquus ignavia; sed Marcellus parum aberat à temeritate, uti & Terentius Varro. Aliter sumuntur legati, qui suis sumtibus principis gloriam augment, uti de Crequio meminimus; sed illa pompa est innoxia: illic licet prodigis esse, qui comprobare satagunt illud

illud vetus Stultitiam patiuntur opes. Neque enim pecunia nervi vicem obtinebit, nisi prudentia ipsam regat.

Quibus fortuna indulsit opulentiam cum natalibus, ter torrent beati, si fortunæ usu itidem pollerent; ut autem ab ignominia removeantur, & opum faciant periculum, recte adhibentur rebus arduis; sic enim usu rerum addiscunt, quid sibi desit. Socrates ex Alcibiade quærit, an fidium ignarus testudinem auderet tangere? neque vero rerum imperitos juvenes rempublicam rite administrare posse.

Quantum ignominia contraxerit Persa, in Græciam effusus, quod viribus suis fideret; nihil attinet dicere. Hinc inter summas scientiæ militaris virtutes, à Cicerone memoratur prudentia: quæ pericula prospicit & declinat, vires exiguas intendit, vesanas carpit, & quod Anytus in Socrate calumniabatur, ex causâ mala facit bonam.

CAPUT V.

*Nascitur Gallia princeps in matrimonio per 20.
annos sterili.*

Quamvis Hispani & Galli congenito fere odio dissideant, connubijs tamen implicantur, adeo ut Rex noster suam Hispano sororem, illius sibi copulârit. Obstat vero reipublicæ ratio concordia penitissimæ. Privatas colunt amicitias, publica exercent odia. Quingenti illi ad Fontarabiam capti nostrates brevem servierunt servitutem, sponte ad suos redire jussi, nullo redemptionis pretio, postquam auditum fuit Regi natum esse quinto die Septembris Henricum, cui boni ominis ergo nomen fecere Pacifici.

Vicesimus fere numeratur annus, ex quo matrimonium istud conflatum est: arguebant alij sterilitatem maritricis, alij Regis infecunditatem, qui præter ingenium
no-

nostratum neque mulierofus, neque uxorius esset, sed frigidior sine dubio ex rerum gravissimarum curis, quæ subinde renascuntur novæ. Erant qui veneficium suspicarentur. Sed quoties auditu accepimus, fæminas castissimas aliquot annos nihil genuisse? Recordemur, Isaacum, Patriarcharum optimum, totidem coluisse annos matrimonium sterile.

Rationem sterilitatis dabit Jacobus, Isaaci filius, postquam fæcunditatem nemo derogabit primæ benedictioni, qua Deus jussit genus humanum crescere, & multiplicari. Cum enim Rahel, conjugum dilectissima, ex tædio sterilitatis, quam perpetuam fore credebat; mortem haberet potiorē, removel ille istam potentiam à viribus humanis, ut Deo attribueret clauem matricis aperientiæ & claudentiæ, quemadmodum illam sepulchri, & cordis sibi soli vindicat. Benignitas igitur supremi Numinis summum hoc bonum in istunc annum, pro liberissima sua voluntate, distulit.

Politica reminiscencia.

GAllorum & Hispanorum ingenia quidam adeo contraria cum considerarent, dubitare cepere, an utriusque Gentis soboles eodem naturæ ordine gigneretur in mundum. Gallum vides præcipitem in dispiciendo, sed instituti nihil tenacem. Hispanum autem tardum, sed minima quæque examinantem. Nos scientiam in usum deducimus, etiam sacra disputamus; ille nihil avet scire, aut quod scit, implicite novit, nullis fere opificijs clarus. Nos in deliberationibus nihil movemur strepitu, ad prandia etiam de rebus gravissimis aures præbentes; ille secessum quærit; & muscæ prætervolanti irascitur meditabundus.

Nobis memoria semper est præsens, exiguo penso præteritorum aut futurorum; illi recurrunt præterita, ad dimetienda futura; unde nobis exandescencia promptior, illi ira tardissima. Amores temere legimus & deponimus, ille ad insaniam deperit: eosdē propalare nulla nobis religio, illi summa. Auram popularem

larem non admodum curamus; ille ad angustias usque gloriolam venatur: hinc nobis fas est, necessitati permittere pallium, ensē, vestem exteriorem; ille ab interula incipit penuriæ consulere. Nobis concidit animus in angustâ re familiari; illi inflatur.

Videas Gallos, facultatibus lapsos & ad peram redactos, cleemosynas ad commiserationem compositogestu & sermone venari; dum ille mentitur sinistrum aliquem casum, qui mendicitatis onus imposuerit viro alioqui opulento, qui si innotesceret, inter summos posset numerari, vultu ad austeritatem facto. Etiam corpora diversa tribuit natura; nos longiores sumus; ille brevior videtur: nobis color albicans & capillus flavus; illi cutis fusca & caput nigrum: capillitio nos profuso, ille truncato gaudet: nobis impatientia frequens, ille tolerat: nos promtiores, ille tardiusculus: nos leviculi, ille gradivus; nos hilares, ille tristis: nos rixosiores & temerarii, ille pudibundus & suspiciosus. Impetu valemus nos, ille timorem vertit in pertinaciam. Vituperatur merito in nobis jactura obsequii in arduis, cum ille famem, adeoque mortem malit subire, quam stationem deferere.

Vestis itidem diversa est, nobis turgent, caligæ, illi thorax; is utrinque nobis recluditur, illi nec æstuant. Collare nobis anterius, illi posterius constringitur; tibialia ferimus rugata, ille planissima: nos manus protendimus, ille in pallium recondit, thoracem constringimus à summo globulo, adimum, ille ab imo incipit; nos thoracem postremo injicimus humeris, ille primo. In victu magna itidem diversitas, nos jentamus, prandemus, merendamus & canamus; ille bis reficit corpus: nobis fruges & poma mensam claudunt, illi aperiunt: carnes & altitia integra nobis, illi concisa apponuntur: nobis reliquæ canarum nullæ in posterum diem, illi creberrimæ redduntur: elixa præferimus stomacho, ille assa: acetaria nos refrigerant ubique, illum per cænæ initium: deambulam⁹ saturi, ille sedet dormituri: æ-

aquam

aquam vino nos, ille vinum aquæ infundit : confabulamur per mensam, ille vix verbum profert : paucum panem nos carnibus, ille multum paucula carni addit : nos deproperamus mensam, ille basilice recumbit

Per plateas facimus complures unam frontem, Hispani ternis nunquam plures incedunt, sed subsequantur; eundem servamus ordinem, illi extimos per vices in medium convertunt : acceleramus nos, illi fere repunt : nobis ocreæ & calcaria peditibus placent, illi deponunt calcaria semper, plerunque ocreas : tolutarios equos amamus, illi gradivos : pedissequos habemus, illi antambulones : famulus nobis pallium & ensen fert, illi famulorum etiam enses : garrimus per plateas gesticulabundi, illi silentes componunt corpus : operosi sumus in salutationibus, illi gravissime defunguntur : pomum ex caligis producere, aut in platea emere & arroderi nobis fas, illis summum nefas : nos detrahimus nobis invicem apud Exteros per æmulationem, pro more omnium omnino Europæorum, soli Hispani, licet Vatiniano flagrent odio, sese mutuum laudant, regis negotia crepant, natales, & summorum virorum affinitates proferunt, opulentiam patriam enarrant. Quæ omnia tamen neq; matrimoniæ regum reciproca, neq; benevolentiam mutuam etiam ferventibus bellis, nihil impedire.

CAPUT VI.

Princeps Polonia attinetur in Gallia.

Regis Polonici frater Casimirus, ut virtutis specimen extra patriam daret, Hispano addicit operam, vel Lusitaniæ perficiendus, vel alicubi exercitum ducturus. Transiit Galliam, & attinetur. Expendebat enim Cardinalis, exulcerato hoc seculo, & bellis undiquaque ferventibus, advigilandum impensius. Nemo in urbe quacunque pernoctabit, incio guber-

bernatore: nemo in provinciam alienam transibit, in-
salutato principe: sed qui ad hostes contendit, suspici-
onem movet, quod speculatum veniat, & proxime sit
vim paraturus.

Erat tamen alia ratio occultior, quam Cardinalis fo-
vebat, nuperrima scilicet Polonorum irruptio in Galli-
am, quæ licet regijs non facta diceretur auspicijs, odi-
um tamen Genti conciliabat, maxime ex amicitia ar-
ctissima Poloni cum Austriacis. Fore igitur locum ex-
probrandi, ubi legari libertatem captivi essent quæsi-
turi, & forsan occasionem familiaritatis, quæ Henrico
III. non per omnia conveniebat, & nunc posset esse u-
sui.

Dimittitur Casimirus princeps, postulantibus lega-
tis, sed protestatus de Gallia non offendenda, pergit
Bruxellas.

Politica reminiscencia.

IN Ægyptum non licebat descendere, nisi mercatori-
bus, secundum com meatum regium, ne proderetur
patria, aut nova moliri inciperent peregrini. Lacedæ-
monij eandem rationem instituerunt, sed ex diversa
causa, ne scilicet peregrini mores, pecunia & delitiæ in-
ferrentur. Scimus, neque Moscoviam, neque Persiam.
neque Turciam calcari, nisi ex permisso: Hispania sane,
cura sacrorum genuinorum prætexens, inquisitionem
servat.

Gallia, à Francis, Gente libera occupata, semper pa-
tet omnibus, nisi qui hostilia meditentur. Carolo eti-
am Quinto transitum permisit Rex, ad turbas Galla-
venes properanti, & multum honorem addidit. Au-
striacis proueni, vel Angliæ Regem, ab expeditione sa-
cra, privatim ad suos revertentem, attinere, & grandi
pecunia mulctare, ob æmulationem armorum in Palæ-
stina, per militiam communem obortam: quod tamen
excusari queat, si concordie sarcientiæ causâ, & ad abo-

litionem præteritorum amica vis adhi-
beatur.

CAPUT VII.

*Rhetia pereunte, obtinetur victoria
navalis.*

Grandem fecit Rex jacturam in morte Rohanij, tamethi extorris, propter res Rhetiaë, quas ille satis bene constituerat. Major accessit ex casu Crequij, qui, ut Hispanis Wormatiam, quam modo ceperant, extorqueret, globo trajicitur. Hinc Vercellæ per deditionem, & Pomara Montisferrati per vim transeunt ad Hispanos, magno rerum Gallicarum cum detrimento.

Exercitus tamen regius, imperatore magno rei tormentariae magistro, per Picardiam & Artesiam, uti porro videbimus pulchre procedebat. Expugnatur Hesdinum à Carolo V. ad defendendum eum limitem extructum, & majoribus victorijs pandit viam. Imperator bacillum Marechalci aufert, honoris meriti signum. Hinc augentur victoriae, & quod prorsus videbatur ultra vires humanas, spectantibus tricies mille hostibus, procumbit, caput nempe Artesiaë.

Hoc tamen anno prælium initum navale ad Genuam acerrimum; Gallis victoribus ultra ducenta millia coronatorum cessere, non vero sine mutuâ clade. Id enim Cardinalis agebat, ut classem in utroque haberet Rex mari, ad quoscunque casus, hostem etiam vellicanduma cum sciret, hæc unâ ratione emeruisse Hollandos, postquam adversus Hispanos classem adornare cepere.

Politica reminiscencia.

Geryonem ajunt tricorporeum fuisse, adeoque Hispaniæ Regem, quod tribus vicibus superandus esset Herculi. Valebat enim classe, exercitu & munimentis. Ubi mediterranei habitant, aut Alpestrès, navibus carere licet: sed Hispania alluitur Oceano undiqueque

Cccc

tan-

tanquam caput circumfufum aëre, cohærens collotenus cū Gallia. Noſtra ipſa Gallia latiffime alluitur à mari, atq; adeo utrinq; & nunquam rebus maritimis ſtudit, niſi quantum mercatura poſtularet. Ipſa nunc neceſſitas diverſum ſuadet, poſtquam imperium eſt conſtabilitum, & Angli, Normannique ejeſti, Armorici etiam acceſſerunt.

Ipſa Roma longiſſimo tractu temporis debellavit viciniores Italiae partes, tutandis finibus valde occupata, donec in Siciliam trajiceret, & inde Corticam, Hiſpaniam & tandem Africam aggreſſa eſt: primitus non ſemel afflicta per imperitiam militiae navalis & Oceani; ſed ubi dies diem docuit, magno paſſu contendit ad Monarchiam, maxime per exercitus navales. Quæ mens ſi Galliae veniret, uti cives habet audaciſſimos, ita poſſet imperium in orbem terrarum cordatius ſperare, & ſumere.

CONTINUATÆ HISTORIÆ DE MINISTERIO CARDI- NALIS RICHELII.

ANNO MDCXXXIX.

LIBER XVI.

CAPUT I.

Vinariensis moritur, & exercitum prius ordinat.

Quantum emolumentum Galliae conciliaſſet Vinariensis, ſubacto Briſaco, indies pateſcebat, tranquillitate per limitem reſtituta. Is igitur per Suntgoviam munitionora non admodum operoſe corripit, & deſatigatum militem trans Vogesum, in Burgundiam Hiſpanicam traducit. Ibi ſævitum utrinque, ob gentem inhospitam.

Vina-

Vinariensis Parisios excurrit, cum Rege & Cardinale de rebus gravissimis deliberat, Brisacum tamen Gallicanopraesidiopermittere renuit, fidem imperij causatus, & pactorum non per omnia memor. Hinc suspicio abortita, quasi hoc pignore cum Austriacis transigere constituiisset. Arguebatur etiam injussus texisse caput coram Rege, quod principibus regis & Exterorum legatis tantum datur, Sed ille familiam Electoralem praetexebat, & summum in exercitum imperium.

Dimittitur ad exercitum; & Alsatia probe communita, praeter quaedam per Burgundiam occupata, trajecturus in Sueviam, conficitur triduanâ Colicâ Neoburgi. Suspicionem veneni spargebant malevoli, quasi eximia virtus æmulationem suscitasset apud nostros, quibus artes istae sunt insolitae. Intemperantia, belli tam varij perpetua comes, robustissima corpora dejicit, quod Caesareanorum plurimi sunt experti, per vanos Brisaci liberandi conatus.

Supremas scripserat tabulas Vinariensis, ubi praeter donaria, exercitus eam testabatur curam, ut Ohemium, nobilem ex inferiori Palatinatu, probatissimum ducem scripserit Directorem, addito consiliario Rohlingero Augustano: Comiti Nassavio, Erlachio Helvetio, & Rosano Sueco armorum violentiam commiserit, donec Gallia & Suecia ipsis caput adderent. Invidiam declinat Ohemius, & eodem cum tribus collegis vult esse ordine, tanto celebrior.

Politica reminiscencia.

Quam facile evanescent humanae mentis somnia, ubi Saturnus falcem immittit, & imos cum medioximis & summis metit! Constituêrat Henricus noster Magnus, rebus per Regnum rite compositis, Reginae conjugii etiam delatâ administratione Regni, in agrum Juliacensem aut Geldrensem movere, ne illae provinciae, quae Galliam aliquot nominibus attinent, in Austriacorum concederent potestatem. Dicebatur etiam in Germaniam pervasurus, & apicem imperij

Austriacis erepturus. Verum, cheu ! in ipso conatu lethale accipit vulnus à phrenetico sicario, ut omnis apparatus evanesceret.

Gustavus Adolphus, Sueciæ postremus Rex, rem aggressus est immanem, ubi Austriacis bellum indixit, quos sciebat Hispanorum universâ potentiâ stare, Catholicorum clientelis inniti, & triumphare à multis annis. Incredibilia præstitit, nostris utique adjutus opibus : cecidit incunte prælio, quod ipsi fatale fuit, & heroicum spiritum in duces superstites efflavit, ut pene eadem serie procederet bellum. Sed illud complures fovebat principes Germaniæ, qui suis rebus non aliter consultum videbant, nisi bello continuato, tametsi Pacem Pragensem adepti per otium potuerint suam deplorare præcipitantiam, & nostri neglectum.

CAPUT II.

Cardinalis regi conciliat exercitum Vinariensem.

UBi mors Vinariensis nuntiatur Parisios, stuporem multis incussit, quod tantum Imperatorem in oculis etiamnum ferrent, & sibi aliorum triumphorum materiam ab ipsius virtute promitterent. Rex sane aulæ imperat lugubria, ut pateret, quanti faceret virtutem : etiam quæ agitabantur per fiduciarios de pace cum imperatore ineundâ, rejicit, quasi mortem streuissimi imperatoris vindicaturus. Id quod Cæsareanos nihil affligere poterat, cum sic mortuo leoni insultare gauderent, & vires nostras despicerent.

Cardinalis, qui usu didicisset, quantum esset robur istius exercitus, Regi persuadet, ut nec operæ, nec impense parceret, quo Brisacum ex manibus ducum redimeret, aut exercitum faseret suum, aut utrumque obtineret. Abeunt Longavillanus & Montoserius, Colmariæ agunt cum ducibus quatuor, quos demulcere nequeunt, nisi Iupiter Gallicanus imbrem aureum spargeret.

ret. Neque tamen sic Cardinali satisfactum, qui austeritatem tempestive mitigare cogitabat, quemadmodum pomorum quædam genera acerbitatem tandem ponunt.

Exesâ Alsatiâ, Burgundiâ vastatâ, quærendus erat victus, donec supplementa ex Gallia adessent, aut liceret ad Suecorum duces pertransire. Descenditur in Palatinatum inferiorem, accurrunt Bayari copiæ, transmittitur Rhenus, occupatur Wetteravia, donec occasio virtutis usum reposceret. Recedit Bavarus, non acer hostis, à Cardinale pastorum superiorum admonitus, & ab Imperatore ad graviora invitatus.

Politica reminiscencia.

Summam semper industriam adhibuere rerum militarium periti, ut exercitus & duces hostiles ad sese traducerent. Sic Lepidum omnibus copiis nudavit Antonius, Antonium pene Augustus. Ingemuit Gallia Caroli Burbonij fastidium, & Andreae Doriæ discessum, qui desertis partibus nostratibus, transiere ad Austriacos, immani cum Galliæ detrimento.

Novimus, quanta damna successerint, quoties legiones tædiosa stipendium intempestive flagitantes, vincendos non destituere. Cû igitur exercitus viritim scribatur nostro tempore, non legatur, aut imperetur, uti solebat in republica Romana; facile intelligitur compendium temporis, & usus expeditus copiarum. Deinde nota est consuetudo animarum venalium, quæ nullis territoriis affixæ, dexteras porrigunt prodigalitati, nullâ curâ partium.

Duplum igitur emolumentum adipiscitur, qui exercitum ex morte imperatoris ancipitem adeoque sacramento solutum, sibi conciliat: nam, cum ille posset accedere ad hostes, laboriosius foret pugnandum, ubi vero noster sit, geminamus vires. Hollandis id gnarum, in corripienda Hispaniæ classe aurifera, quæ in ipsorum potestatem delapsa, nervos belli gerendi apud Hispanos reddit languidiores; Hollandorum lacertos roborat.

CAPUT III.

*Carolus Ludovicus, arumnosi Friderici Exregis
filius, attinetur in Gallia.*

FRidericus Palatinus, infelici ausu descenderat in Bohemiam: latuit inglorius apud Hollandos & Regno Bohemiarum, & patriam exutus: Anglorum ille unice respiciebat Regem socerum, à cujus nutu pendere constituerat, cum rectius Galliam implorasset opem. Nam Hispanus vanam spe alicujus matrimonij, & restituendi Palatinatus lactaverat animum Angli, & Anglus Palatinum abstrahere à fortibus consiliis.

Prodit Suecus, restitutionem exulum cum Gallo patius, accedit Palatinus, non cui exercitum ducere liceret, & æmulationem excitare, Germanis Germanum principem praelaturis externo, cujus facile subrepat fastidium; sed qui eventum belli expectaret propitium. Moritur Moguntia, patriam aliquatenus redditus, cui etiam Hispanus Francodaliū reddere voluit, aliquam iniurus gratiam, quod tamen ulterius servare nequibat, & nostratibus æque ac Suecis invidebat.

Rex Sueciae non diu ipsi superstes, cadit in praelio: vicissitudo armorum & negotiationum fit mira. Carolus Ludovicus, Friderici Palatini filius major, aliquid audendum ratus, dominium Meppae in Westphalia coëmit, & Hollandorum amicitia confusus, & Anglorum subsidij. Prodit in praelium, rei militaris imperitus, nullis cordatis ducibus usus, vincitur à Hatisfeldio, vix elabitur, exercitum, impedimenta, & ipsam Meppam perdit, multum de Hollandorum iniquitate questus.

Cum igitur arma sibi æque incommoda, ac patri defuncto sentiret, redit ad Anglos, & spem fovet inanem, vel ad novas colonias Anglorum in altero Orbe transiturus, cum nullos haberet amicos, & Anglia turbas coqueret saevissimas. Evigilat autem lethargicus ad mortem

tem Vinariensis: ambit illum exercitum, cui Rex tantum pecuniarum erogasset, confidit, memoriam parentis valituram apud Ohemium patriotam, & Erlachium adeoq; Nassavium eorundem sacrorum, clientelas propinquorum non defuturas.

Sic argentum corradit, cambiales facit, transit ex Anglia in Galliam, ut ignobilis perveniret Brisacum. Id vero Cardinali indignū visum, Exulem, ab omni auxilio nudum hæc audere, cujus parens nunquam sese voluerit permittere Gallia, & fortean cum Rupellanis senserit Magnum futurum Angliæ nomen apud exercitum, tamen si inane, principem sibi conciliaturum favorem totius Germaniæ, vel ob calamitatem parentis, vel ob juvenilem aetatem, & innocentiam: sic Gallia segetem alienis inferri horreis.

Suadet igitur Regi, postquam Polonus, nihil hostile aut damnosum ausus, attineretur, temerarium istum principem illi dare captivitatis socium, ut pateat, quo animo venerit. Majestatis esse, auctoritatem armis asserere, & quibuscunque castigationibus, cum nihil metui possit, & Angliæ alioqui iniquiori insultetur, planissimā ad abolendam, si qua sit, injuriam viā, per auxiliorum et potentia fructum.

Attrinetur igitur Molinis, nudatur literis, ducitur in curru per omnem apparatus ad ignominiam sarcinato, in eam custodiam, quā exibat Werthius, homo plebejus, sed armorum usu Dux summus: ut intelligeret, virtutem antestare natalibus, sed iaprimis, quantum Gallia calcaret fastum Angliæ. Nam Anglus tumultuabatur, attentis nostratium mercatorum navibus, sed delinitus aut territus eas dimisit liberas, adeo ut & cæteri principes queruli acquiescerent, cum æquitatem Regis edocerentur, qui nollet quar-

dam factionem ferre, non semper

Succicæ studiosus, quæ

tertiam facie-

bat.

Politica reminiscencia.

Quemadmodum superficies terræ non omnis fert omnia, sed sua singulatim, ita ingeniorum diversissimus est proventus. Carolus Sueciæ Rex, post Sigismundum patrum Regno lapsum, natus videbatur armis, tamen non admodum prospere illis uteretur: sobolem dedit pugnacissimam, illum nostrum Gustavum Adolphum, qui cum Dano, Moscho, & Polono virtutem exercuit bellicam, in Germania incredibilia patravit, inde ab ultimo Oceano victor trans Rhenum processit, armatus cecidit, & cadens vicit.

Longe alia Friderici Palatini sors: inescatus is à blandiente fortunâ, coronam Bohemiæ capessit, incurfans potentiam Austriacorum, nullorum certus auxiliorum, neque ex Gallia, quæ non quæsierat; neque ex Anglia, quæ negabantur; neque ex Belgio, quæ valde erant dubia; sed solis Unionis viribus confusus, quæ belua multorum capitum plus nocuit, quam profuit, quemadmodum & foci væcordia.

Poterat audere & sperare aliquid ex versutia Mansfeldij, & temeritate Halberstadiensis; sed eam militiam jubetur exauctorare, & spem pretio emere. Apud Suecum deluditur titulo regio, omnis potentiæ expers. Redit in patriam, sed inglorius, & dubius: obit diem suum, & vel mortuus extra fines imperij deducitur in Galliam. Filius per hæc principia rerum infelix bellator, etiam libertatem amittit, ne quid deesset æumnarum. Adeo verum est, nos fato trahi & retrahi, Deumque mentem prius adimere, si quem mortalium perditum velit, uti annotat Paterculus.

Sunt tamen vicissitudines rerum, ut fortuna sævitiam mutet in benevolentiam; quemadmodum David Rex Israëlitarum, primo Rex designatus ærumnosam duxit vitam, modo in hostico, modo in deserto versatus, donec Numen propitium lætiora conferret. Aeneæ labores sane gravissimi, satis lætum habuere exitum, vel saltem apud posteros.

CAPUT IV.

Clades Feuquerij rependitur in Artesia.

POSTquam in Alsatiam & Rheni tractum omnia visa essent securiora, tum propter Brisaci munimentum, tum propter Vinariensis exercitum, qui præfenti identidem fovebatur pecuniâ, ducibus etiam delinitis, existimabat Cardinalis, Artesiam porro, Picardiam & Mosellæ tractum asseri posse. Eo igitur decumbit vis armorum: Castelletum Artesiæ expugnatur: Cæsareani funduntur in Lotharingia, Culunnia ad Lonam in Burgundia intercipitur: nam sparsæ legiones per universum limitem excubabant, ut occasionibus sese accommodarent, & ad summam rerum expeditius accurrerent.

Theonis villa, oppidulum munitissimum in ripa sinistra Mosellæ, quatuor leucis infra Metim, tegebat agrum Luxemburgicum, & non semel sinistra quæque machinabatur adversus Metim. Hoc obstaculum etiam nocebat Treverensi agro: itaque sumitur obsidendum. Eæ partes dantur Feuquerio, legationibus pernobili. Fortuna, ut inconstantiam suam servaret constanter, negligentiam nostratium in excitando vallo, ostendit Piccolomineo, qui aliud agens, suspenso gradu, silente tympano, irruit, stragem edit, fugam facit, obsessos liberat: Feuquerium ducis strenui officium facientem cum imperatorio prius fungi debuisset, faucium capit, in oppidulum ducit, ut ibidem extremum clauderet diem.

Id vero ludit fortuna, ut captivus intraret locum, quem victor obtinere sperabat: neque enim habuit is oppidulum, sed oppidulum ipsum cepit. Metuebat autem fortuna proritare genium Galliæ; itaque Hefdinum Artesiæ, post quadraginta septem millia ictuum tormentariorum, virtuti nostræ rependit.

Politica reminiscencia.

TAciturnitatis semper magna sunt præmia : Hinc regula ejus vulgarissima juxta & verissima, Alium silere quod voles, prius file : Antigonus Asiæ Rex, filio, de expeditionis instituto quærenti, quando nempe exercitus esset moturus, respondit, An tu solus tubæ signum non es auditurus? Metellus, per Hispaniam clarus, asseverabat, sese interulam ipsam abjecturum, si eam consiliorum consciam crederet. Eumenes sane apud Plutarchum celebratur, qui hostibus sæpius imposuerit, famam instituti vulgarâ, quam aliquando sequeretur, aliquando destitueret, ut jam nunquam credi posset.

Sed ubi Imperator cum exercitu in hosticum transivit, nihil parcere debet sumptibus, in speculatores erogandis, ut quid ubique agatur, noscat. Argus caput servat & vitam, quamdiu somnum arcet; & Imperator exercitum prostituit, qui, quid fiat, ignorat. Oportebat hostium vires & instituta rescivisse, antequam obsidionem sumeretur : & ubi contrarijs proceditur cuniculis, rationem instituti mutare pro re nata. Quicumque valet equitatu, pervolet provinciam, ne obrui queat; qui eo destituitur, vallum excitet, latas ducat fossas, in tuto sese collocet, ne oppidum obsidens, obsidionem patiatur graviolem.

CAPUT V.

Hispani affiguntur in agro Russiliano

Hispanus in ipsa Hispania videbatur quærendus Cardinali, ut domi occupator, negotium alibi facessere desineret : obsidio Fontarabiæ male cesserat Condæo; eam igitur maculam deleturus, Salsam, in agro Russiliano, obsidet, invadit, expugnat. Classis hinc inde vagatur,

gatur, & territat maritima loca, impingit tandem in Biscajam, capit Laredum, & fanum Antonij, Johannem Sylvanum, quatuor legiones objicientem, repulsat, triremem exurit, aliam expoliat, centum rapit tormenta, & pannorum numerum.

Hæc ubi Hispani sentiunt, approperant undiquaque, navigia cujuscunque formæ & molis contrahunt: concurritur, dimicatur acriter, desiderârunt Hispani viginti octo naves, etiam Prætoriam. Burdegalensis, ut terrorem porro spargeret, septem millia suorum exponit, qui pervagati provinciam, damnum dedere, prædam gravem reportavere. Cum autem copię undiquaque confluerent, quæ exercitum à navibus intercludere possent, receptui cani voluit.

Mandaverat autem Cardinalis Burdegalensi, ut impetum circumferret, quo major cautio amplius distraheret vires Hispanorum. Hinc igitur digressus, aggreditur Cajettam, in regno Neapolitano; sed ubi frustra est, recedit.

Politica reminiscencia.

Summa plerunque imperia nobis referunt Circulum, cujus centrum est iners, circuitus vero maxime volubilis. Sic delitiatur Urbs, caput rerum, cum ipsa provincia, quæ penu est divitiarum congestarum, dum vires sparguntur per extima. Sic cor & stomachus hominis fruuntur lautitijs sui generis, dum columnæ molem sustentant, remigia conquirunt. Dolorem inferet per contingentiam brachium aut pes male habens, sed languorem imo mortem, si quid cor aut stomachus opprimantur.

Sic igitur cor aut stomachus appetitur, ut cætera sponte deficiant. Sic Hannibal bellum ex Hispania in Italiam, & Scipio ex Italia in Africam transtulit. Galli, ne denuo in Italiam ingruerent, uti cum Cimbris instituerant, domi occupantur; & Germani trans Rhenum quæsiti, non ad operæ pretium, sed ne in ripam Gallicanam trajicerent.

CAPUT VI.

*Rex suscipit patrocinium Sabaudi minor-
rennis.*

A Morte Sabaudi, hostis ex alieno dispendio solitus suū facere emolumentū, ambitionē denuo inflabat ut acquireret, quibus tantopere inhiabat. Iustitiæ velum assumit, quæ ipsi gloriā protegendæ reipublicæ conferret, sed certe, ut occupata possessione perpetuā servaret sibi, nihil respiciens hæredem legitimum. Instituebat quosdam, qui libellis auderent, quod armis negabatur, non sine scandalo publico, & irritatâ vindictâ: vidit tamen invitus, quæ vis superaret, per justitiā fervari.

Invadit metropolim, & alia quædam loca, quæ ad partes ipsius transibant, aut vi, aut proditione, dum operâ eorum utitur, quibus res novæ placent. Rex autem constituit defensionem parare illius reipublicæ, ut tyrannidem sisteret, non ut emolumentum aliquod sibi quæreret, aut ex necessitudine obligaretur, sed ut puer princeps suppetijs gauderet cum matre sorore, cui administratio reipublicæ per pubertatem filij compete-
rebat.

Politica reminiscencia.

VEsana est mortalium avaritia juxta & ambitio, maxime in rebus alienis, quæ nostram fidem postulant. Tutor scribitur orphanis, quod tueri debeat eos, qui seipsos tutari nequeunt, adeoque aliena egent tutelâ. Sed qui tutelam sterilem suscipiant, pauci inveniuntur; ad uberem convolant, sicuti vultures ad cadaver. Deinde justitiâ sibi amiciunt, quæ socios curarum recuset, dum illi grassentur pro lubitu, & reddant, quod incommode servatur.

Id vero est raptorem potius agere, quam tutorem : res sunt sacræ, committitur sacrilegum, quod nemo feret impune. Verum enim vero, ea est mens ambitionis, ut cæco oculo grassetur, quæ non raro vomitu immanni reddat ingluviem, disruptis etiam ramicibus. Ipse Deus Israhel suo comminatus est, si viduam opprimeret, orphanos spoliaret, clamatueros eos, quod injuriæ atrocitas cogit, sese clamorem exauditurum, quid enim justius Deo, omnis justitiæ fonte ? vindicem fore, cum mortales officio desint, & ex talione orbitatem, viduitatemque immissurum; legem enim quam quis tulit, feret; ut nefarii tutores intelligant, quam grave sit, aliena sub prætextu justitiæ & fidei rapere.


Polydectes, Spartæ regulus, duos genuerat filios, Eunomum & Lycurgum : majori natu relinquitur ex statuto Civitatis, Imperium, minori benevolentia Regis & spes successionis. Obit Eunomus diem suum, prole non extante, succedit in imperio Lycurgus. Quid fit, post pauculos menses intelligit fratrem esse gravidam : deponit igitur imperium, & nomen tutoris sumit, donec de partu constaret.

Erant qui suaderent, ut fratriæ abortum conciliaret, quam postmodum etiam conjugem duceret; abhorret mens Lycurgi à scelere, pertinax justitiæ. Parit vidua

Charilaum, cui sese Lycurgus præstitit tutorem a deo integrum, uti in proverbium abierit

apud Gentes, in opprobrium

verterit apud Christianos.



RES

ITALIAE

PER ANNUM

MDCXXXIX.

*AGITATÆ INTER DUCISSAM
& principes familiae Sabaudicae.*

UBI CONTINENTUR COMPLURES
epistolæ & negotiationes rerum Pede-
montanarum & Monferraten-
sium.

I.

*Epistola Cardinalis Richelij, ad Cardinalem Va-
lettanum, amanuense Cherao.*

DOMINE,

EAdem operâ geminis tuis epistolis responde-
bo, compendio verborum, usus, ut intelligas,
provisum rei numariæ, quantum ad sustenta-
tionem copiarum attinet, ut Deo volente ni-
hil tibi sit defuturum. Argensonus Lugduni,
cum transiret, mandavit perferri centum sexaginta mil-
lia librarum, quas metuebas tardius numeratum iri.

Pecunia ad præsidia Casalæ & Pinierolæ, in menses
Januarii, Februarii & Martii viæ est commissa
ante biduum, applaudentibus Emerio & Argensonio.

Mandata ad apparatus bellicum necessaria ea expe-
dita sunt, ut planissime possis acquiescere.

Co-

Copiæ, quas in literis ad Noyerium non exauctora-
rivelles, non exauctorabuntur. Neq; tamen verno tem-
pore submittentur, nisi eas petas. Quicunque ex Italia
redeunt, demonstrant, easdem nihil tempestivius tran-
situras, post hyemem finitam; nos tamen certissime se-
quemur tua desideria.

Turainius mandata accepit, ut transeat in Italiam ad
te, ipsum adjuvamus abeuntem, extra ordinem, ut faci-
lius agat.

Ab eo ego ad Parisios, ubi providebo de suppetijs i-
stius naturæ, quibus opus habes, ut sit, unde sumtus
quotidianos sumas.

Valde lætor ex tuo instituto fortificandi loca illa ,
quæcunque demum pecunia impendatur in eum finem,
cum nihil tibi recusetur, nec exprobetur.

Impense gaudeo, te operam adhibere fusioni Casalanae.

Admodum metuo, in eum devenire locum, ut rebus
Ducissæ nihil amplius impediatur, cum mihi met & ipsi
debeam, juxta literas, quas ad ipsam, latore Stradâ de-
di, istanc methodum: ubi ipsa contemnit consilia, quæ
lumen naturæ posset suggerere in negotijs, quibus an-
gitur. Deum oro, ut oculos aperiat, donec expendat
periculum, in quo versatur, id quod maxime debet.

Princeps crastino die aderit Parisiis; expecto cum im-
patientius, ut opinionem sequiorem eximam, si quam
habet, tuam cum fratris Valettani causa cohærere: inge-
ram quantum oportet, ut edoceam, mea à tuis non sepa-
rari compendijs, adeo ut nunquam sim mei ipsius causa
facturus, quod in tuum commodum, quotiescunque ne-
cessitas id requireret, auderem.

II.

*Epistola Cardinalis Valettani, ad Cardinalem
Richelium.*

DOMINE PATRONE,

Cum nulla suppetat ratio ad copias conservandas,
quæ

quæ hyemem in agro Pedemontano transigunt, ex inopiâ victus, cursorem hunc ad te mittendum censui, qui secundum mandata tua referret, ex centenis millibus aureis, qui in singulos menses promissi erant, ducenta nempe millia librarum in exercitum, & centum millia librarum in præsidia Casalæ & Pinierolæ, quinquaginta tantummodo millia aurorum ad mediam partem Novembris fuisse adnumerata. Adeo ut absumtis omnib⁹, quæ minutim potuimus corradere mutua, copias videam propediem dissipandas, nisi tu id agas, ut quæ ex Novembri, etiam universo Decembri debentur, idque menstruatim prorsus solvantur.

Percripseram, me, si promissa solutionis constarent, quater mille conservaturum expeditorum, quibus intra mensē adderem alios mille, id quod maximum attulisset commodum conservandæ per hyemem Casalæ, etiam ad expeditionem vernalem, cum quater millia ista duplam præstent operam, ad illos proximo vere adventantes collati: spem autem evanescere sentio, ob non soluta stipendia, nisi tua autoritas subveniat. Crediderim ego, conservationem istorum quater mille maximum allaturam momentum in exercitu, & agro Moferrateensi. In eum finem cursorem hunc unice dimitto, ut terogem humillimè de mandatis expediendis, quib⁹ satisfiat non tantum in Novembrem & Decembrem, sed etiam in posterum, donec producat^r exercitus, ut conserventur copiæ illæ, & vituperium per Italiam sparsum tollatur.

Causa Patris Monoti est definita; Ducissa eum transfert in castellum Montis Meliani, quod Paluavius & Strada referent, ipse rationem id obtinendi à Ducissa præbuit fugiens. Nullibi puto futurum eum securiorem, cum fieri nequeat, ut Ducissa velit ipsum in manus regis tradere, ex causis, quæ tibi sunt notiores, quam mihi.

Dicam nunc de mandatis tuis: consultum putaverim, ut ad Ducissam admodum civiliter perscribas, te-sterisque quantum facias ipsius ingenium. Conqueritur enim summè, quod tam abjecte de sua sentia⁹ capacitate,

citare. Libertatem loquendi audeo sumere, humillime deprecatus veniam, quam studio meo erga tua commoda imputabis. Occasiones opto mihi dari, in quibus me præstem, qualem debeo, testerque & gratitudinem & fidelitatem.

Ducissa etiamnum inhæret titulo celsitudinis regalis, de quo sensa mei animi ipsi aperui: sperat ipsa causam Monoti aliquid compendij apud Regem obtenturam, & apud te, quod Palluavius & Strada meminerint recensere, præter conatus Comitis Philippi, Abbatis Montani, & Felicis, in causa Monoti susceptos.

Rescripsere amici Parisiani, Quæstorum principes gravari tria millia peditum porro stipendijs instruere, tametsi hætenus id Ducissæ sit datum. Arbitror equidem, meum esse, prorogationem illorum stipendiorum indicare, non solum propter necessitatem Ducissæ præsentem, sed etiam quod ea ratione nanciscatur militem Gallum, quem in omnia præsidia spargat, idque uti autumo non contemnendo Regis emolumento.

Turino, 8. Jan. 1639.

III.

Alia epistola Cardinalis Valettani ad eundem.

DONINE PATRONE.

Renuntiata est mors Patris Josephi, cum multa formidine doloris tui, cum nota sit ingenij tui benignitas erga clientes, quamvis autem ex jactura illius summam conceperim ægritudinem, vehementius tamen indolui propter animum tuum afflictio- rem. Debeo tibi plurimum, & singulis diebus tot signa benignitatis tuæ recipio, ut certiorem te facere queam, quemadmodum nemo plura debet, ita nullam unquam tibi paratam ex cliente gratitudinem majorem.

D d d d

Re-

Rescivi ex Chavinio & Nayerio, quanto honore me amplectaris, decies mille aureis extra ordinem adnumerari iussis. Erubesco sane quotidianis à manu tua cumulari beneficijs, tam parum autem præstare officij: asseverabo utique tibi, nullum unquam cura tua forum, cui commodis affixum, adeoque desiderio majori ad tua commoda ferri, quin primas auferam per gratitudinis debitum.

Palluavius & Strada memorabunt, quid in causâ Monoti sit actum, copiarum statum, & quid ad proximam expeditionem constituerimus, modo pedum constet numerus: istos facile retinebimus sub signis, si stipendia adnumerentur, quæ iussisti; metuo cæterum eas penitissime amittere, quod regijs commodis maximum esset allaturum detrimentum. Nihil ego prætermittam officij, & ut certior sis, nihil mihi æque in votis esse, quamdiu hanc lucis usuram traxero, nisi ut gratissima quæque faciam, actionibus denique ostendam, me esse cum omni genere fidelitatis, reverentiæ & studij.

DOMINE PATRONE.

Tuum humillimum, obsequentissimum & devotissimum clientem.

CARDINALEM VALETTANUM.

Treno, 11. Jan. 1639.

IV.

Marchio Villanus, Cardinali Richelio, ex Italico.

Eminentissime & reverendissime Domine & patrone
Ecolendissime: plurimum rogavi Emerium, ut te
mei

mei studij redder et securum; quemadmodum omnem
spem lautioris fortunæ colloco in regia maiestate, sub
gratia & protectione tuæ Eminentia. Explicabit ille ti-
bi, quid expectem & desiderem, nullus autem postulē,
cum plenissime sit mihi satisfactū illis honoribus, quos
recipio, quotiescunq; maiestas regia dignatur mea utro-
pera. Confirmo igitur tibi perpetuā meam gratitudinem
humillimā reverentiæ ceremoniā defunctus.

Turino, 9. Jan. 1639.

Eminentia tua

humillimus, & obligatissimus cliens.

GUIDO VILLANUS.

V.

*Epistola Ducissæ Sabaudicæ ad Cardinalem
Richelium.*

DOMINE COGNATE,

NUnquam in tam profundam cecidi lethargiam,
quin clare cognoverim, quid merito tuo debeam,
& desiderio meo, quod recondo occasionibus tibi com-
placendi. Novi viros mihi iniquiores, & in primis Eme-
rium, conatos obfuscare candorem mearum actionum,
quibus primum est Solis carpere maculas. Rogo autē ut
consideres, quid præstiterim non solum tempore Ducis
Caroli Emanuelis, soceri mei, & mariti mei defuncti,
sed etiam vigente administratione; & perfecte cognos-
ces, nihil ulterius tulisse facultates, ad consilia tua pro-
movenda, ut omnis mea opera in commodum Regis
fratris mei vergeret.

Fateor, summam mihi obortam fuisse ægritudinem,
postquam ad rationem testatissimæ meæ benevolen-

D d d d 2

tia

tia erga Galliam, sola consideratio Patris Monoti potuit obstacula concordiae, quam mihi à regia maiestate, & tua humanitate atque amicitia promiseram, objicere. Nunc igitur sententiae tuae postremae penitus accedo, personae Monoti sum certissima, linguam frænavi, querimoniam coercui, cum in castellum Montismeliani eum seposui, unde nihil obsuerit iustae meae spei, occasionibus improperorum utrinque sublati.

Hoc igitur in loco, quaeso ut querimoniae praeteriti temporis contumulentur: quemadmodum vero tibi promitto in posterum amicitiam sinceram & inviolabilem, ita te aduro, ut ad eum finem correspondeas, quo mihi suppeditentur copiae auxiliares ad proximam expeditionem, quibus apprime egeo, ut memet ab armis hostilibus tuter, quae duodecim millia peditum, & quatuor millia equitum numerant, constituta in invasione, ante Gallici exercitus adventum. Quod si copiae regiae nullum alium sibi scopum in Italia sumunt, nisi ut occupata turentur, asseverare possum, hanc rempublicam non ulterius parem oneri armorum hostilium ferendo.

Pallavius & Strada referent particularius mea sensa de commodis regijs, tuâ satisfactione & meo compendio. Rogo, ut haec omnia tandem cum operae fructu desconfecta, quod idem de Marchione Sancti Mauritij dico, qui istas tibi exhibebit, ut animadvertere queam per intercessionem tuam potentem familiae hujus & reipublicae emolumentum. Dum vero istud de amicitia tua mihi promitto, rogo ut credas vere me.

DOMINE COGNATE.

Tui studiosam cognatam.

CHRISTINAM.

Turino 4. Jan. 1639.

VI.

VI.

*Comes Angliæ patrono suo Cardinali Richelio.
ex Italico.*

Eminentissime & reverendissime mi Domine,
patrone colendissime.

Intelliges ex latoribus, qui revertuntur, quomodo negotiatio patris Monoti fuerit terminata, postquam evasio aut recusatio alicujus rei, quæ sententiam finalem attingebat, pene abstulisset Ducissæ imperitanti executionis libertatem, in ijs, quæ post graves contestationes deliberata fuerant, juxta tuum desiderium & mentem. Is igitur invito illo deductus est in castellum Montismeliani, ubi accurate custoditus non habebit, quod exerceat acumen ingenij perversum ex propria libidine.

Nemo certe negabit, negotium hoc millenis spinis fuisse difficile; tempus dilationes, pericula & impedimenta comprobata id docent abunde. Scio studium, quod huic causæ applico, & ad quod te propensum video, non minus collaudatum iri ab ipsius judicio, quam à relatione benignâ, quam Strada faciet. Confiteor tamen, ad modum illius naucleri, qui Cæsarem vehebat, eventum neutiquam meæ operæ esse adscribendum, dum fortuna & autoritas, qui mihi eam provinciam imposuit, imbecillitati meæ, quam difficultates vastæ vincebant, succurrit.

Reliquum est, ut tu fidem clientum tuorum fulcias, regiæq; familiæ ostendas, secundum rationem sequendam esse illam fortitudinem, quæ nihil novit velle, nisi gloriam illam, quæ temporis & loco accommodat compensationem. Eo modo firmabitur nunquam non apud Ducissam imperitantem eques, qui summum reputat bonum, inservire regiæ majestati, sub auspicijs tuæ E-

Eminentia, cujus in omni reverentia imploro sempiternum patrocinium & conservationem benevolentia, protestatus humillime coram. Dabam Turini 14. Jan. 1639.

Eminentia tua

Humillimus, devotissimus
& obligatissimus
cliens.

PHILIPPUS AGLIANUS.

VII.

*Epistola Ducissæ Sabaudicæ ad Cardinalem
Richelium.*

DOMINE COGNATE,

NOlui à me dimittere Baronem Palluavium, quin simul mitterem testimonium hoc mei studij, & fiducia, quam in tua amicitia colloco, cujus me tam particulariter fecisti securam per eundem, ut istas tibi ceremonias reddere debeam, cum gratiarum actione, quæ egrediuntur ex verissima & sincerissima gratitudine, cujus unquam favores queant suscipi.

Ipsus vidit adeo clare meam mentem, moratus per istam provinciam, & quanto studio requiram occasiones tibi complacendi, ut ipsius relationi fiderè possim, quæ non potest esse non fidelissima in ore nobilis meritissimi. Finiam igitur, te adjurans, ut me credas, quod sum.

DOMINE COGNATE

Tui studiosa cognata.

CHRISTINA.

Turino, 14. Jan. 1639.

VIII.

VIII.

*Alia epistola Ducissæ Sabaudicæ ad Cardinalem
Richelium.*

DOMINE COGNATE,

VOluiſti addere novas obligationes ad superiores, collato favore ſententiæ tuæ eximiæ & conſilio ad emolumentum meæ cauſæ. Suſcepi illaſcum ſenſu obligationis, & confidentiæ ſummæ, quemadmodum judicare potuiſti ex ſucceſſu ſubſecuto, ubi nullos alios limites mihi propoſui, niſi ut ſatiſfacerem deſiderio tibi complacendi, calcatis etiam cæteris omnibus conſiderationibus, quæ mihi frænum potuiſſent injicere.

Spero igitur, merito, quod acquiſiſſi in immolandis meis voluntatibus per eam occaſionem, te invitatum iri, ut mihi regiæ majestatis benevolentiam concilies, quam tuis officijs acceptam feram, ſtudioque, quod mihi teſtaris verbis adeo gravibus, ut in me ipſam forem injuria, ſi de effectis, quæ infallibilia ſunt, dubitem. Expectabo autem ea de te, qui hoc modo relinques in familia iſta monumenta ſempiternæ obligationis, & apud animum meum recordationem præſentem earum curarum, quas voluiſti impendere pro ſorore illius, cui te ipſum voviſti, & qui nihil novit recuſare precibus meis, ſi ex tuo ore procedant.

Præter ea, quæ Strada tibi indicabit, injunxi etiam Marchioni ſancti Mauritiij, legato meo, ut ſeſe particularius in hoc negotio explicet: rogo ut lubenter eum audias, & credas, me eſſe perfectæ.

DOMINE COGNATE

Tui ſtudioſam cognatam.

CHRISTINAM.

Turino, 14. Jan. 1639.

Dddd 4

IX.

IX.

Epistola Cardinalis Valettani ad Cardinalem Richelium.

DOMINE PATRONE,

PAlluavius & Strada rationem reddent tibi de expeditione itineris suscepti, & Ducissæ instituto, ut nempe Patrem Monotum in castellum Montismeliani seponat, quod mandavi. Ipsa etiam exoptat vocari Celsitudo regia, & de legatorum exceptione agi, prout tibi recensent. Rationes equidem, quas Rex habebat ad neganda petita, importunius tibi perscriberentur, & Palluavius in numero habet, explicui.

Ausus sum ad te scribere, de subductis tribus millibus peditum, quos rex solebat Ducissæ sustentare; dicendum tamen amplius censeo, ei nullam restare facultatem ad alendas legiones Gallicas, aut conservanda munitiona: adeo ut prorsus necessarium arbitrer, idem stipendium continuari, cum absque illo bellum facere nequeat.

Idem Palluavius tibi referet, quid impedierit sermonem de matrimonijs institutum, de quibus Chavinus mihi scribit, quemadmodum etiam de sustentatione legionis excubitoriae. Expecto ego, donec ipsa desideret aliquid, quod ex tuis mandatis magni fecero pretij.

Palluavio dedi delineationem pontis Estræi, & quæ Caraus ibi meditatur struere; ubi nullum temporis momentum perierit, quamprimum pecunias fuerimus nostri. Necessaria in futurum sine intermissu inferuntur Casalam: fervet opus fusile & munimentorum, intra biduum excurram, ut urgeam, & rationem tibi reddam.

Turius à biduo nobis adest, deducam eum Casalam, in possessionem præfecturæ. Si subsistentia nostra juvetur stipendijs, habituri sumus quinque millia peditum

egre-

egregiorum, quæ spes me facit importunum apud te ex studio eos conservandi, cum in eo nunc versetur rerum summa, & ex ea pendeat conservatio munimentorum; ipsique pedites promptiores sint in aëre Italiæ, quàm duplum eorum ex Gallia adventantium.

Nuncius Pontificis iussus est transactionem institueret inter Cardinalem Sabaudia & Regem, adeoque Ducissam. Satis commodum sese præbuit in causa Monoti. indultis permissionibus, quas optabamus: rogatus ab ipso tibi hæc refero.

Non puto te longiore sermone importunius distindendum, aut epistolam mihi finiendam, nisi humillime petam, ut credas, me nunquam depositurum memoriam infinitorum beneficiorum, quibus me tibi devinxisti; aut occasiones prætermisurum, quin demonstrem, me, secundum gratitudinem, reverentiam & studium, quod debeo,

DOMINE PATRONE

Tuum.

Turino. 14. Jan. 1629.

X.

Alia epistola Cardinalis Valettani ad Cardinalem Richelium.

DOMINE PATRONE,

Non tantum arrogo mihi, ut queam humillimas agere gratias, quas tibi habeo, ob nimiam tuam erga me benignitatem, quam subinde testaris, cum id excedat facultatem meam. Satis tamen habuero, tibi indicare, me nunquam illius memoriam oblitteraturum, adeo ut nec vitæ sim parsurus meæ, ad gratitudinis testimonium.

Postquam intellexi, Ducem Valettanum pergere vitam tibi omnino ingratam, tencor tibi referre, quod si, uti dicitur fecisse, defuit tibi, primus ego ipsi adversa-

D d d d s

bor.

bor. Certum enim, me futurum ingratiſſimum mortali-um omnium, niſi tuum commodum præferrem, non ſolum illius commodis, ſed etiam proprijs. Sentio me id debere ex ſummis beneficijs, quæ tibi debeo à longo tẽpore, adeoq; ex ratione ea, quam nunc in hac occaſione præſtas. Exiſtimo equidem, à me ſupplendos propinquo-rum errores, ut vel inde impenſius tuis commodis hu- millime ſtudeam, quantum illi ab officio recedunt.

Intelligo ex epiſtola, quã me dignari voluiſti ſexto die huius menſis, quantã curã amplectaris conſervatio- nem huius exercitus. Veniam rogito ſæpius factæ im- portunitatis, cum deſiderium illius conſervandi & au- gendi me perurgeat videamque, te ad quamcunque po- ſtulationem diligenter providere.

Accepimus centum ſexaginta millia francorum, ex prænumeratione Argenſonj: ubi reliqua pervenerint, de quibus nullus dubito, pedestres copias rectius quam unquam curavero; præſto ſunt quater mille quingenti & amplius milites, præter Duces & famulitia. Omnem operam impendo, ut numerum augeam, adeo ut poti- us duxerim panem tardius ſolvere, & ſtipendium, quod Duciffa petit ſervandis equeſtribus, remorari, quam pe- ditum negligere mutuum.

Crediderim ego, ſi duo, aut tria millia peditum transmitterentur menſe Februario, commode nos reli- quum exercitum præſtolaturos, ad diſturbanda hoſtium conſilia, cum octona millia peditum, & bis mille quin- genti equites nos à metu liberare poſſint uſque ad men- ſem Aprilem, quo cæteræ copiæ pertransirent. Non ta- men putem, duo aut tria millia equitum, transmittenda, niſi ſtipendiũ ſuppeditetur, cum nulla alia appareat ſub- ſiſtendi ratio: neque commodum fecerint miſſi. Hæc eſt curarum mihi ſumma, ut pedites meos habeam laute, & ſic Gallos apud hoſtem merentes attraham, faſtidium meis etiam Italiæ demam.

Palluavius & Strada memorabunt, quid ſpei & operæ conceperim, modo ne deſit pedestris exercitus. Certus ſum, eo adventante, nos tuis deſiderijs ſatiſfacturos.

Accinctus ſum, ad obeundas ſtationes, & Turiũ Caſalæ
im^o

imponendum: procedunt illuc operæ diligenter, & in munimentis excitandis, & in fundendo ære, comportatur etiam annona in Citadellam, quod iussisti. Misi tibi delineationem Pontis Esturani, & computum impensarum.

Fæni coacervatio fiet sub finem Februarij, & Casalæ, & Astij, & Turini. Nullum deniq; momentū temporis perdidero, quin satisfaciam mandatis, quæ misisti.

Ducissa seposuit Patrem Monotum in castellum Montismeliani, ut perscripsi. Profitetur illa, sese tua consilia secuturam, & optare te protectorem: rectius id iudicabis per effecta, quam per mea verba. Benignitas tua, quâ testari voluisti Principi, quanto honore me dignareris, ut ipse me suum credat, est prorsus eximia, ea cura mei tibi est propria. Nunquam finem fecero, si gratias humillimas tibi agere exordiar, quotiescunque novum aliquod a te suscipio beneficium. Compendium summo sermonis, tuus sum, nunquam majori lætitia perfundendus, quam ubi licuerit testari, quod sim.

DOMINE PATRONE

Tuus &c.

Turino, 17. Jan. 1639.

XI.

Alia epistola Cardinalis Valettani ad Cardinalem Richelium.

DOMINE PATRONE,

Non defatigaris mihi sufficere signa benignitatis tuæ & protectionis: ne ingratum quæso habe, gratiarum actionem humillimam, si multoties te reddo certiolem humillimi studij & gratitudinis. Quod dignatus es Principi in mei gratiam dicere, intimius me tangit, quam ut explicare queam: id duntaxat dicam, nunquam te falli, si credas, nihil rerum humanarum mihi studium tui erepturum, aut confidentiam, quam concepi de tuâ in me benevolentia.

Non

Non scripsi ad te post discessum Palluauii, quod ultra decendum ipsum serim stationibus obeundis, & Casalæ visitandæ, ut lustrarem exercitum pedestrem, & Turrum constituerem ibidem, qui sane receptus fuit cum omnium applausu. Credo ego, regem & te ab ipso cum modam habituros operam.

Mirto compendium lustrationis, quam feci exactissimam: habemus quater mille pedites expeditos sub signis, præter legionem Nereftani, quæ sexcentos excedit, si per uniuersum mensem submittatur legio aliqua, quæ Agabonianam, Pinierolæ hærentem releuet, & quæ fortis & numerosa procedet. Cum autem difficillime bis mille gregarii per mensem transierint, cum supplementorum incommoda, incidit mihi, si tibi videretur, decem cohortes scribere ex agro Monferratenfi, operamque dare, ut septingenti aut octingenti confluerent, adeoque sub finem Februarii sex millia peditum expeditorum numerarentur, quos instituto hostium oblicerem, donec supplementa nostra accederent.

Legio illa Monferratenfis, si conservetur, minoris foret impensæ, & cohortes numerosiores, quod dux mihi promissit, ampliorem præstarent operam. Quæso igitur, ut mentem tuam de scribenda illa legione aperire digneris, quæ intra duodecimum diem constabit, modo argentum adnumuretur, quod nostræ conservationi destinasti, aut fors saltem sit certa.

Conueniemus cum Theobaldo Lugdunensi, aut alio quouis, qui nobis argentum singulis mensibus prænumeret: eo pacto conservabimus sex millia peditum expeditorum, præter supplementa etiam expeditissima futura. Quod si miles transmittendus officium faciat, satisfiet tuo desiderio per expeditionem proximam. Optarim quidem legionem Germanorum, ut illos eiusdem nationis apud hostem militantes traducerem, sed uti res ferent, carebimus.

Scribo ego ad Chavinium, quod de decreto ad me permanare potuit, postquā Cardinalis Sabaudia ab Imperatore id impetravit, ad tutelā ducis Sabaudici. Spero, tibi copiā illius factam, cum legato Sabaudia, apud regem

Regem commoranti sit transmissa : Româ allata fuit, dum per agrum Monferratensem versarer.

Ducissa non poterit subsistere, nec tueri sua, nisi Rex ter mille pedites illos, quod solebat, stipendio instruat, id quod ex Baroniso intelliges.

Hispani magnum apparatus colligunt & argenti, & militis, quod ex Genua innotescere potest tibi. Quod si decem millia expeditorum post omnia supplementa conficiamus, nec pecunia desit tempori, nihil metuentum confido, cum neq; ab invasione nos arcere possint, quod Palluavius & Strada renuntiare poterunt. Expedio responsum illarum quas pertulerunt literarum, ut cum Ducissa agam ex ordine mandatorum. Proxime mittam præmium conventum Pontis Esturani: opus continuo exordiemur, ad pecuniam præsentem. Semilunaria Casalæ intra tres septimanas perficientur, nihil temporis perditur in fusione tormentorum, nec in annona comportanda, uti iussisti. Hæc habeo dicere, postquam humillime rogavero, ut credas, neminem unquam mortaliū cum majori fidelitate tibi futurum.

DOMINE PATRONE

Tuum, &c.

Turino, 2. Febr. 1639.

XII.

Alia epistola Cardinalis Valetiani ad Cardinalem Richelium.

DOMINE PATRONE,

Intellexi ex illis, quas ad me quarto vicesimo Januarij dare es dignatus, mandata, quæ expedivisti tum ad stipendia prædialijs Casalæ & Pinierolæ, in tres primos istius anni menses connumeranda, tum ad conservationem exercitus.

Centum illa, septuaginta quinque millia librarum, præ-

præsidii destinata, indies recipiuntur, adeo ut nullum ibi defectum sperem.

Ex centies mille francis, quos Lausonius mittet, pervenire quinquagies mille, reliquum hic expectatur intra septimum aut octavum diem, prout Lugduno perscribitur quod certum haberi debet. Credo itidem cæteros ducenties mille francos propediem adfuturos, uti Theobaldus Lugdunensis mihi promittit; ubi igitur tercenties quinquagies mille libræ, quas scribis hoc mense transmittendas, & per Martium, perferantur, secure confides, copias nostras optime habituras. Videtur autem mihi necessarium, ut articulatim teneam, quemadmodum soles mandare, sortem, de qua possumus esse certi, quoniam ex ea ratione possum præripere terminum solutionis, detracta usura mutui.

Cursorem hunc in eum mitto finem, ut intelligas, nova de supplementis Occitaniæ; lege quæso, quid Castellanus de his mandet, ut remedium jubeas adferri: oportet enim ut omnia supplementa & turmæ equitum Pedemontium ingrediantur ad decimum, aut quintum decimū Aprilis, ut ineunte Majo possimus pervadere in agrū Mediolanensē. Ubi perscripseris, quid primū censes agendum, tempestive me disponā ad executionē.

Præter duos illos Castrorum Adiutores, quos in agrū Lugdunensem & Delphinatē misi, alium itidem ablego in Occitaniā, ut sciam supplementorū rationē. Duces non satis possunt urgeri, cū sponte sint tardiusculi.

Perscribo ad singulos exercitus duces, ut arma habeant expedita, sclopetorū fistulæ unciale ferant plūbum, hastilia quatuordecim aut quindecim pedes longa, præter apparatus, ut velis nobis curare quinquies mille sclopetæ & totidē hastilia: ipsa arma, si mittantur, lubens excipio, un minus, fabricari jussero. Oportet tamen ut expeditū mihi adferatur consiliū, quod alter mēsis, sit impendendus fabricandis armis. Rogo autē humillimē, ut credas, me nihil defuturū regiis cōmodis, secundū ordinē tuorū mandatorū: summa cura mihi est supplementorum, ut ea maturentur; metuo enim ut duces faciant officiū: constitui intra quintum decimum diem omnes copias traducere, ad expeditionis felix & tempestivum exordium.

Opta-

Optarim, ut Turænius acceleret; nihil potest addibeningnitate tuæ erga ipsum, & quoscunque sincere agentes.

Honorem illum, quo submittere voluisti structorem aciei, interpretor summam benevolentiam: expetivi autem eum, ex studio, & ordine per istum exercitum, quo apprime eget, recte constituendo. Nolintamen quanto vis pretio te rogare, quod à ratione alienū duceres; quod si fieret nihilominus, submitto me tamen penitissime tibi, cui omnem reverentiam & obsequium debeo.

Palluavius exposuerit tibi, quid actum sit in causa Patris Monoti; rectius quam ego pernocti Ducissæ ingenium: credit ipsa regem & te sibi plurimum debere, ex de-
tentione Monoti: etiam heri sub vesperam ipsi meam sententiam de eo negotio aperui, quemadmodum etiam de necessitate, quæ ipsam ad regis & tuam protectionem compellit.

Renuntiatum est ipsi, Hispanos invasuros Pedemontium, unde maxime turbatur. Quamprimum autem copiæ nostræ transferint, spero eam adversus vim, non tamen adversus proditionem asseri posse. Moniti sumus de proditione, quæ Chenchium corripere satagebat, intercedente Cardinale Sabaudia: instituta est inquisitio in complices. Omnem moveo lapidem, ut ipsa solidam instituat administrationem, difficillime tamen inducitur, ut eos comprehendat, qui suspicionem non vanam dedere: certior est facta, Cardinalem Sabaudia: coemisse Genuæ venena admodum subtilia, unde inquietissimam video, putemque non præter rationem metuere.

Quamprimum resciverimus, cambiales nostras fuisse gratas, quas ad Pontis Esturani constructionem concinnavimus, opus aggrediemur, intra biduum mittam rationum computum, à Colberto factum, rerum istarum scientissimo. Non desiero omnia & singula ad te perscribere, neque occasionem ullam prætermittam, quin officijs humillimis tester debitam fidelitatem & gratitudinem, qui sum.

DOMINE PATRONE

Tuus, &c.

Sub-

Subjungo hic impensarum rationem, quæ possent necessariae esse ad munienda loca agri Monferratensis per universum annum, quam Colbertus inivit; compendium ejus mittit ipse Noyerio.

Mitto Noyerio epistolam Castellani, ut tibi laborem legendi adimam.

XIII.

Alia epistola Cardinalis Valettani ad Cardinalem Richelium.

DOMINE PATRONE,

Iacturam feci Candaliij, quem Casalæ decumbentem dum juvo, tempus & otium tibi scribendi perdo. Officij mei dehinc judico esse, ut tibi mortem fratris mei indicem, dicamque, te fidelissimum amisisse clientem, per gratiam divinam excussit conscientiam, usus est omnibus sacramentis, & obiit christianissime. Extremum inde sentio dolorem animi, quem ex jactura viri adeo propinqui, plurimamque amicitiam testantis, capere debeo.

Spero ego, nec regi, nec tibi ingratum fore, si Ducem Valettanum faciam certiolem, ob jus ipsius & commodum: nobilem mitto ad Espernonium, ut calamitatem nostram noscat.

Res nostrates nullam sunt passæ mutationem à potestremis meis literis. Non credit Ducissa, Pontificem, aut ut rectius loquar, Barberinum Galliae vel sibi multum studere: quin potius eum facere cum Cardinale Sabaudicæ, adversus suum commodum, quod saltem ipsa mihi indicare voluit,

Copiæ nostræ bene sese habent, habemus, aut habeturi sumus ducenta millia librarum, quæ destinasti, adeo ut jam reliqua sint trecenta quinquaginta alia millia librarum, quæ dignatus es perscribere, ad futura sub finem istius mensis, aut principium Maij. Quod ubi ob-

venc-

venerit, ausim fere fidem obstringere meam de numero copiarum, quem designavi.

Jam expecto legionem Turij, quæ non accessit tempore, quod Comes condixerat: opto illam Casalæ impingere, & Nereſtanam educere: rogo etiam humillime, ut ex tuis mādatis Ægaboniana eximatur Pinierolâ. Sic enim duodecī millia pugnatorū producēs in expeditionē: reſcribo præterea Lugdunū, ut Alincurtij supplēenta propediē traducantur, modo ſint in procinctu, uti ſcribitur; etiam Chamblænna, ut exercitū pedestrem habeā mense Martio, cujus & usus & opus erit, quantum video.

Mando etiam omnibus nostris ducibus, copias omnino subfinē Martij deducendas, ut tempestivi ſint, quod metuam ipſorum ſocordiam, cum neceſſum ſit, copias ad quintum decimum, aut viceſimum Aprilis, ſine ultiorē morā præſto eſſe. Hinc audeo ſuppliciter te rogare, ut Curſores hinc inde dimittantur, accelerandis copijs, & argento in ſupplementa nūerando. Mensis enim Martius ſubito tranſvolabit, & nullum tempus perdendum mihi videtur, ubi copiæ accedant fortes & numeroſæ, quod ſpero, & cum Baroniſo tranſigatur; unde ſpem expeditionis tuo inſtituto accommo. Scribo etiam ad Turanium, rogans, ut promte moveat; poſtquam enim frater meus ultimum clauſit vivendi diem, nullos video ſummos duces apud exercitum, præter Pleſſæū & me, per abſentiam Campiductorum & ſtructurum aciei.

Nihil poteſt accedere ad ſollicitudinem Magni Magiſtri; quod ipſius eſt facultatis, procedit bene quantum poteſt: atque utinam cæteri tua mandata æque accurate explerent. Nihil deeſt præſectis rei tormentariæ, præter argentum; quod non eſt curæ ipſi, poſtquam ſors ſextantum meſes complectitur. A Deo precibus contendō, ut eo favente egregiam operam regi præſtem, & tibi, per hanc expeditionem, adeo ut ſatis felicem me ſeram, ſi tibi queam teſtari, quod ſim.

DOMINE PATRONE

Turino, 15. Aprilis 1639.

Tuus, &c.

XIV.

Alia epistola Cardinalis Valentini ad Cardinalem Richelium.

DOMINE PATRONE,

Intellexi ex geminis literis, quas & undecimo, & vicesimo Februarij ad me dare voluisti, quam curam suscipias, non solum ob necessaria exercitui submittenda, sed etiam ob articulatam responsionem ad meas.

Ducissa renuntiabo, Regem constituisse stipendium porro solvere tribus millibus illis: huc ego semper inclinavi, non solum, ut eis uti liceat in expeditione, sed etiam in munimentis servandis. Nam revera ipsa non potest ea credere popularibus; sed Galli, quos habet, regio stipendio merentes, poterunt nonnunquam prestare operam non contemnendam, & in primis per istam occasionem, ubi adventus principis Thomæ potest suscitare magnas suspiciones adversus populares.

Legio Monferratensis paulo difficilius scribitur, ex morbo primicerij, qui gravissimus est ob ætatem provectiorem, febris scilicet duplex tertiana, continuæ affinis. Ab eo Casalam, si forte queam promoveri illam legionem, sine illius opera, & ut omnia componam per agrum Monferratensem, ipso moriente. Existimo equidem, neminem suscipiendum esse à Principe Mantuana, qui aut primicerium agat, aut ducat exercitum, cum omnino Galliæ infestum sit missura. Non patiar quicquam innovari per agrum Monferratensem, sine tuo jussu.

Nihil potest addi ad mandata tua, quæ de ratione supplementorum ex literis Castellani expediti, nunquam non copias expectivi ad vicesimum Aprilis, ut in agrum Mediolanensem possim descendere ad primum Maij; quod si ostiduum tantum defecerit, modo supplementa Chamblæana & Alincurtiana compareant

reant ad quintum decimum, aut vicesimum hujus mensis, præter legionem illam, quæ Agabonianam Pinicrolâ discedere jubeat, repullabimus hostilem impetum usque ad vicesimum Aprilis.

Honorem cum mihi sumsi, ut te certiores facerem, de instituto Ducissæ, quæ meditatur locum aliquem corripere, cui executioni sumtus est quintusdecimus dies istius mensis. Si fortuna ipsi fayet, ad obsidionem nos rediget, unde impensius opto copias tempestivius adduci.

Pecuniæ, quas nostræ conservationi destinasti, hætenus fuerunt numeratæ; non dubito, & trecenta quinquaginta millia librarum, quæ restant, itidem secutura, cū id volueris perscribere. Didiceris jam, quo in statu sint pedestres copię, & quam cordatus sit miles: reliquum est, ut arma præbeantur, cui rei summam impendam operam, oportebit tamen, ut rex jubeat præterea Duces summos, veniant bene armati, & duces Nereftani, Maugeroni & Chamblæi officium faciant diligenter: plurimi enim sunt in illo agmine, qui sibi immunitatem sumunt, ex diversis coloribus numerum & permissionum regiarum, ne univèrsam annum adsint ad signa: cæteras legiones, si tibi videtur, facile redigam in ordinem.

Cum nullum institutum tibi proponas particulare, commodissimum quod videbitur, tenebo. Non possum mihi spondere primum impetum, quod nostræ copię non transierint, nisi hoste jam expedito; confides autem, nos dimicatuuros, quantulumcunque exæquentur vires, tametsi ad tria vel quatuor millia peditum essemus inferiores. Optarim duntaxat scire, an & annona & tormenta, ad exercitum maritimum, si qua occasio nos illuc traheret cum parte copiarum, possint suppeditari, id quod Palluavius potuit exposuisse. Non quod à suscipienda obsidione, si vires sufficiant, sim alienior, sed quod videam hostem metuere maritimis.

Nihil à te habui, postquam princeps Thomas Flandriam reliquit, ut huc veniret. Ducissa recepit à legato suo literas & à Pisiæo per Cursorem Parmensem, quæ docent tuam sollicitudinem de principis Thomæ itinere;

Eccc a

etiam

etiam fiduciam, quam fecisti de auxilijs regijs & tuis, adversus malevolentiam affinium. Promisit mihi, ealege ut ad te perscriberem, nulli transactioni cum quocunque aurem præbituram, sine regis consensu & tuo. Cardinalis vero Sabaudia ipsi scripsit, literas non nisi me præsentere relinere voluit: puto missuram legato suo copiam, ut certior sis. Existimo eam cum Cardinale illo non acturam, nisi ut ex Pedemontio recedat, & in Pontificis aliquam provinciam abeat. Eo eventu constituet illi patrimonialia ad Pontificis maximi preces, si rex & tu id consultum putetis. Hinc confido, illam non secessuram à rege; postquam agnoscit, quam exiles possideat facultates ad conservandam rempublicam sine protectione regis, tum vivente filio, tum, quod fieri potest, eodem mortuo.

Metuit ne Hispani accersierint principem Thomam in Italiam, si qua ipsum Ligæ alicujus facerent caput adversus Turcam, ut exercitum subdent, de quo illi pro lubitu disponant, bello Turcico desinente. Certum est, Pontificem maximum misisse ad Ducissam Breve, quæ illam inducat ad transigendum cum Cardinale Sabaudia, Nuntioque injunxisse, ut conetur ipsam disponere, ad fidei sacramentum Cardinali Sabaudia præstandum, si quid humanitus Duci accidisset. Id vero ipsa gravissime tulit cum summa ratione. Pontifex testatur, quantum desideret, Cardinali Sabaudia asserere successionem, metuatque ne illa filiabus obtingat.

Rationem tibi reddo eorum, quæ Ducissa mihi dixit, cordi sibi esse sinistros de se sermones: equidem dixerim, me rectius ipsius commodum, quam mentem perspicere, id quod Comes Philippus optime novit: dicebat ipsa, sese Niceam asserturam; video eam in dispositione, erga Baronem Turij, cui locum confidat, laborat etiam Felicem facere suum. Consulo ego, ut sibi acquirat aliquot proceres, putem etiam, regem posse ipsis constituere stipendium: vellet pecuniam à rege accipere, quam ejusdem nomine distribueret: cumq; proponerem, ut stipendia regia ipsis conciliaret, respondit, Pedemontanos ea recusaturos. Id quod non per omnia falsum est.

Ne-

Neque tamen scio, an ea excusatione utatur, quod neutiquam desideret, suos subditos à rege capere stipendia. Debere mihi visus tibi molestiam crassioris epistolæ, ut particularius omnia teneas; finiam igitur, redditis humillime gratijs ob infinita beneficia, quæ tibi debeo, asseverans utiq; quod semper sim futurus eâ fidelitate, quâ debeo,

DOMINE PATRONE

Tuus, &c.

XV.

Alia epistola Cardinalis Valettani ad Cardinalem Richelium.

DOMINE PATRONE,

Rescivisti ex Pisæo, quomodo princeps Thomas digressus sit ex Flandria, ut ad nos perveniret, & legisti literas, quæ ad Pisæum fuere datæ, quarum copia transmissa est Ducissæ. Nondubito, principem Thomam venire sub spe alicujus tumultus, aut prodicionis, quæ custodes munimentorum concernet, id quod mihi summe metuendum videtur, nullo expedito remedio, postquam res Ducissam solam spectat. Optarim ipsi aliquanto plus severitatis, sed hætenus difficulter pervenitur ad executionem earum rerum, quas videbatur constituisse; causam in sexum, ingenium & res Pedemontanas rejicio.

Si legio, quæ Ægabonianæ debet succedere, aut supplementa Chamblæana & Alincurtiana accedunt intra quintum decimum hujus mensis, quemadmodum petivante tres septimanas, spero me stare posse adversus vim apertam usque ad vicesimum Aprilis, quem terminum semper præfixi congregandis omnibus copijs. Quoniam autem missi ad supplementa cogenda, renuntiant, nihil etiamnum argenti esse adnumeratum, audeo suppliciter te rogare, ut per provincias distribua-

Eccc 3

tur,

tur, quantum in eum finem est promissum, additis severis mandatis, ut ad vicesimum Aprilis in Pedemontio sint præsto.

Neceſſe enim eſt, quod mihi videtur, ut iſſis Calendis Maij ſuſcipiamus inſtitutum, quod imperaſti, niſi hoſtes prævaleant: Juſſa tua expectabo, de eo negotio, quod per Argenſonium, Palluavium & Bønnellum renunciavi. Si enim hoſtes dimittant copias in Hiſpaniam aut Germaniam, nulla etiam oriatur perduellio per Pedemontium, licebit operæ tentare pretium.

Recepimus pecunias, quas in hyberna nobis deſtinavi, præter illas trecenties quinquagies mille libras, ad initium menſis adnumerandas. Quod ſi fiat, uti nullus dubito, copiarum optime ſtabunt, adeo ut magis fidam iſtis noſtris quinquies mille pedibus, quam univerſæ multitudini anni præteriti. Exacta ratio, quam ſtipendio noſtro voluiſti addere, tantum poteſt ad exercitum bene conſtituendum, quod nunc inceptamus. Video denique multum fiduciæ ad felicem expeditionem, modo ſupplementa accedant numeroſa, & fors rei numariæ cum Baroniſo recte ſtabiliatur. Hæc enim ratione ſpero conſervare exercitum, eamque operam præſtare, quæ Regi & tibi ſatiſfaciat. Opus eſt mihi impræſentiarum Turænio, quamprimum per valetudinem ſeſe viæ dare poterit, quod major pars Ducum abſit: ſcribo ad ſingulos, ut diligentes ſint in officio, præter Caſtelanum & Rupeſerverium, quos juſſiſti ire ad ſupplementa.

Duciſſa heri uſa eſt erga me magnis proteſtationibus, quod cauſam regis nunquam eſſet deſertura, rogans, ut primoribus hujus rei publicæ exponerem, nunquam paſſurum regem, ut princeps Thomas ingrediatur Pedemontium, quod ipſa non ſine cauſa metuit plurimum. Puto equidem, te ad primum de itinere principis Thomæ nuntium, expeditiſſe curſorem, qui mandata perferat: curabo interea, ut quæ ſunt mearum partium, optime ſeſe habeant. In eum finem cras abiero Caſalam, ut etiam cum primicerio diſceptem, quid Marchioni Leganeſio ſit reſpondendum.

Metuo, ut primicerius mortalitatem longius trahat, itaque tempestive est dispiciendum, quæ ratio administrandi Monserratenſis agri ab ipſius obitu poſſit inſtitui; cum Mantuana tum voluerit providere illi muneri: id quod commodis regiis plurimum obefſet. Mandabis, quid factò opus ſit; conſultum mihi videtur, ut jam nunc dominia primicerio, Pratenſi, & Soleræ, vigilum præſtito apud Caſalam, clargiaris, ob rem boni exempli, & excitandum deſiderium partium regiarum.

Nihil ſit apud Pontem Eſturanum, neque Roſſiniani, quod cambiales noſtræ, in eum finem concinnatæ, non fuerint gratæ, quod nos quidem ſciamus. Jube, quid nobis ſit agendum.

Qui Duciffæ res agunt, inſidias ſtruunt Vercellis: inſtituto pro votis procedente, obſidenda veniet Citadella. Hinc optare ſoleo ad quintum decimum hujus menſis duas illas legiones, toties petitas. Negotium non ſatis clam eſt, ut eventum optatum mihi promittere auiſim: Fit tamen aliquando, quod minus ſperaliſſes; ideoque in omnem eventum accingi vellem.

Exercitus principis Thomæ magnas dabit turbas per Pedemontium, quemadmodum Duciffæ renuntiatur: conabitur ante omnia tranſigere, id eſt, inducias illi perſuadere, ut ipſam is, vel Cardinalis recipiat in Pedemontium, quod illa mihi teſtatur à mente ſua eſſe alieniſſimum, non utique de imbecillitate ejus caverim, perduellione ſuboriente: novit tamen optime, ſalutem in ſola tua & Regis protectione ſibi paratam.

Citadella Turini probe cuſtoditur: Duciffa optime valet, filius bona eſt valetudine, ſperat ipſa habere tria vel quatuor millia Gallorum, qui ſaltem per præſidia ſpargentur; hinc ego ſemper cenſui, Regem debere ſtipendium in tria millia peditum adnumerare, quos æque neceſſarios arbitror ad præſidia firmanda, ac ad expeditionem augendam, propter caſus; quibus res humanæ ſubjacent, varios. Vi-

detur mihi, si quid sinistri accideret Ducissæ, persona Ducis corripienda, etiam Turinum, si fieri posset; in quem finem Galli Ducissæ forent admodum utiles.

Asservo tibi, me nihil omisurum mearum partium, ad regis commoda promovenda, & ut tibi tester, quod sum cum reverentia & studio, quod debeo.

DOMINE PATRONE,

Tuus, &c.

XVI.

Epistola Ducissæ Sabaudicæ ad Cardinalem Richelium.

DOMINE COGNATE.

Scribo ad regem fratrem, protectionem ipsius mihi optans, cum auxilijs validis, secundum usum rerum præsentium. Quemadmodum autem tibi juravi integram amicitiam, ita nullam omnino gratiam aut favorem à regia majestate mihi promitto, nisi per tuam intercessionem; eoque magis hoc curriculo rerum, quod Marchio Sancti Mauritiij dete mihi retulit, quanta sibi testimonia benevolentiae erga me præbuisse, adeo ut juste credam, sinistras suggillationes, quas illic patiebar, nihil imminuisse pristinam tuam amicitiam, quam etiam talem semper optaveram, cum fiducia meriti.

Marchioni igitur committo, ut tibi mea explicet mandata: quoniam vero ipsi asseveras, te omnia mea causa facturum, adjuro te, ut jam nunc extent effecta, per validas suppetiās & militis & pecuniæ; adeo ut Gallia, cui me totam immolo, aliquid audeat, ad gloriam & immortalitatem celebre, & summe utile; quo pateat, tibi & patris & matris studium esse gratum, quod in persona filij rependas: Id vero te adjuro. Cum autem Ordines meæ reipublicæ adeo præmantur, ut nihil queant con-

contribuere ad sumtus, quos sustineo immanes pro causa regiae majestatis, rogo ut in hac occasione mihi subvenias, quo possim pergere in ea voluntate inserviendi Galliae, & me ipsam sustentare per tuam intercessionem, invitissimis hostibus.

Mi Cognate, ad te itur, amica rogat amicum, per eandem ingenuitatem, quam me reddidisti certiore, te mecum victurum. Velim credas, beneficium hoc infinitum apud me habiturum pondus, si tua intercessione liceat obtinere à rege gratiam expetitam; id vero pignus fuerit amicitiae tuae, cum tibi in pignus meae dem voluntatem, quam desidero esse ex omni corde.

Turini, s. Jan. 1639.

XVII.

Epistola Cardinalis Valettani, ad Cardinalem Richelium.

DONINE PATRONE.

Necessarium duxi, tibi significari, quomodo hostes contrahant copias, & videantur versus Astum moturi. Dicitur princeps Thomas exercitum ducere, unde clientelas & collusiones suspicor. Confluunt copiae nostrates ad Montem Calvum, quo hoc ipso momento propere ab eo: pedites numerabo quasi quinquies mille; nihil tamen nuatiatur de legionibus Chamblæi & Alincurtij, quas dudum accersivi, nec etiam auditur illa, quæ Agabonianæ debebat succedere Pinierolæ, unde per duo fere millia peditum sumus hostibus inferiores: Agabonus enim ad expeditionem adducet septingentos.

Liceat humillime te rogare, ut nostrates copias acceleres, etiam supplementa reliqua, quæ lente procedunt, quod ipsos intelliges ex literis Ducis Ledigerij, & quorundam ducum. Hostes produxerunt omnia præ-

Eccc s

fidia,

sidia, ut fortiores compareant per agros. Audeo itidem humillimè te rogare, ut tuo iussu submittantur trecenties quinquagies mille libræ, quæ hybernis debentur, ut copiam nostram per reliquum istum & alterum subsistant mensem.

Abeo nunc ad Montem Calvum; medium agmen hostilium copiarum Alexandria hæret; temporis angustia non permittit, ut tibi nunc recenscam verba civilitatis, quibus Ducissa apud me est usâ de te, cum eadem Chavinio mandem: ait, sese discessuram in tuam protectionem. Modo liceat contrahere Ducissæ copias, antequam hostes aliquid audeant & aggrediantur, defensio nem opponemus, licet longe inferiores. Nullam de Pedemontanis adversus Hispanos sumerem suspicionem, sed ea carere non licet, ob principem Thomam: hinc tantum copiarum Gallicanarum mihi desiderium, in primis equestrium.

Cum nullos apud exercitum habeam duces, supplicare libet tibi, ut Malissio, donec Castellanus, aut Turrænius advenerint, dentur illæ partes.

Cum primicerius Casalanus febris laboret jam quintum & vicesimum diem, Turium non licet repetere. Omnes Casalani vellent, regem distribuere primariis nobilibus Urbis sex millia librarum in stipendium annum. Mandabis, quid tibi videatur, & ego te humillimè rogo, ut credas, me esse cum reverentia & fidelitate, quod debeo.

DOMINE PATRONE,

Tuum &c.

Turini, 19. Martij. 1639.

Humillimè etiam rogo, ut ad nos mittantur Argensonius & Baronius: Lugdunum, & in Delphinatum perferibo, ut copiam procedant: neque enim mihi adesse poterunt ante vicesimum mensis proximi, quam cunque præstent diligentiam. Admodum desidero, legationem Ægaboniamam impræsentiarum eximere Pinierolâ, per inopiam perditum.

XVIII.

Alia epistola Cardinalis Valettani ad Cardinalem Richelium.

DOMINE PATRONE,

Postquam scripsissem ad te, quam hîc vides epistolâ, cursor stationarius tuâ mihi exhibet quartovicesimo datam Februarij, adeo refertam signis continuatâ tuâ benignitatis, ut erubescam ex tanto ære contracto, ego tuis rebus inutilis. Dicam vere, nihil rerum humanarum mihi tam esse cordi, quam rationem beneficiorum, quibus me tibi devinxisti, adeo ut tua comoda semper sim prælaturus proprio emolumento. Scio, quid debeam continuis signis tuæ protectionis & gratiæ, quibus me honorare dignaris.

Nihil potest addi mandatis tuis, quæ vel supplementa, vel solutionem trecenties quinquagies mille librarum, quas intrahunc mensem etiam sumus accepturi, spectant. Ab eo, ut legionem Ægabonianam educam: lustratio legionis Saulitanæ exhibet mille centum manipulares. Nihil prorsus deest sollicitudini Ledigerij; debet etiam transmittere altera supplementa. Non potuimus satis advigilare, quin Freselerius & Canisius nobis detraxerint trecentos aut quadringentos pedites.

Possum tibi affirmare, quocunque in statu verfer, officio nihil defuturum, conaborque ad tuum nutum agere: spero me habere sub signis quinque millia peditum expeditorum, præter Duces, quamprimum Ægabonus accesserit, tametsi quingentos tantum esset adducturus; puto nihilominus, eum trahere septingentos, præter famulitia.

Ducissa mihi promittit duo millia peditum; ubi universi confluxerint, non fuerit, cur tantopere metuentis vires hostium, absque collusionibus principis Thomæ si essemus. Humillime denique te rogitō, ut
cre-

credas me nihil obliturum eorum, quæ ad officium meum facient, ut tibi faciam testatum, quod sim cum omnimoda gratitudine, fidelitate & studio.

DOMINE PATRONE

Tuus, &c.

Turini, 19. Martij. 1639.

XIX.

Epistola Ducissæ Sabaudicæ ad Cardinalem Richelium.

DOMINE, COGNATE,

Fiducia tui non est exigua mihi; verum enim vero necessitas benevolorum officiorum apud Regem fratrem, non est minor: Hostes enim nos invaserunt ex una parte, parati ad alterum latus tentandum; quod particularius poteris ex Gonterio intelligere, quem meam dico creaturam, & in eum finem unice ad te lego. Adjuro te igitur de validis auxilijs, quæ soles præstare amicis tuis, postquam & ego illorum numerum auxi; ut appareat, Gallicanam protectionem esse parem universis hostibus, secundum causæ communionem, quæ mihi collibuit, ex nullo alio penso, nisi ex gloria Gallicæ commodandi.

Confido, mi cognate, me à te amari, & testatum id fore, per auxilia, quæ mihi à rege fratre procurabis: occasio nunc sane urget; quod si desideres mihi præbere experimentum ullum bonæ tuæ voluntatis, nullam unquam optatiorem nancisceris rationem, ubi respublica in alea dubia versatur. Sperabo meliora, & credam, te sequiora aversurum. Id vero te rogo ex toto corde. Ne autem sim longior in hac epistola, ad Gonterium me refero, cui plenam habebis fidem omniū eorum, quæ tibi à me nuntiabit: crede quæso, me esse totam, nec
per

per tot vaframenta, qualem conati sunt me depingere.

Tuam, &c.

Turinî, 22. Martij. 1639.

XX.

*Epistola Ducissæ Sabaudicæ ad Cardinalem
Richelium.*

DOMINE COGNATE,

En me, eo redactam, ut operâ amicorum egeam: certio-
riorem aut potentio-rem te non quæsi-ero, qui mihi
in summis angustiis opituletur: Id ipsum perscribo ad
regem fratrem, universam tamen fiduciam in te collo-
co, qui nobis regis tui sororem deferere, cum oblige-
ris per officia Galliæ reddita, non Ligæ, ipsi conservare
republicam & libertatem.

Eam tamen subivi aleam, ut utramque videar perdi-
tura, nisi opem ferant universæ Galliæ vires. Credo, te
nihil defuturum, id te adjuro, cum adeo vacors animi
non sum, tametsi plurimum roger discedere, ut filij cha-
rissimi rempublicam prostituam, quin omnem suscipi-
am sollicitudinem ad illam defendendam, nullo etiam
vitæ habito penso.

Hic igitur persisto, spe tui freta, qui non permissurus
me sis exitio, sed potius in justa causa asserturus. Id te ad-
juro ex toto meo corde, & per illam confidentiam,
quam in te habeo, certo sperans, te non deserturum
causam meam apud regem fratrem; sic semper ero.

DOMINE COGNATE

Tua, &c.

Turinai, 7. Martij. 1639.

XXI.

Epistola Cardinalis Valettani ad Cardinalem Richelium.

DOMINE PATRONE

IAM resciveris ex Colberto, quis tumultus fuerit coortus Turini, ipso abeunte: vacordia gubernatoris Chivassiani, præter summam negligentiam, perdidit illum locum, unde coactus fui deserere institutum, quod sumendum erat ad Chansæum asserendum, ne pavor, qui omnia corripuerat, & Turinum perderet. Progressi eramus omni diligentia, ut opem feremus Chansæo; & vicesimo sexto hujus mensis ducebamus copias regias, præter mille quingentos equites Ducissæ, ut hostes in ipso vallo adoriremur,

Primo invasimus montem, ubi hostes disposuerant munimenta exiliora, quæ Plessæus corripuit, dum alteram partem exercitus, in quo erat Marchio Rangonus, per viam diversam duco: ubi Plessæus Pralinus omnia excelsa occupasset, constituimus vallum aggredi, tamen accessus esset valde difficilis: impetus sane erat insigniter generosus, per octo horas integras, sine intermissione, ex parte Plessæi Pralinij; putem etiam, si nostrates equites dissipassent hostem occurrentem, universum exercitum potuisse vinci.

Cum autem equites nostrates rejicerentur in pedes, turbati sunt ordines nonnihil, unde impossibile fuit vallum tenere, quod aliquoties occupaveramus: sic post conflictum octo horarum, consedimus in summis, ex quibus hostem dejectum dixi, certi animorum, quæcunque ratione opitulari loco illi, & parati ad alteram invasionem. Dum verò tormentum, quale inveniri poterat, adducitur, nuntiatur Chivassium captum, cum pavore Turini ad eo grandi, ut coactus fuërim illuc abire, remediumq; propere facere, quod & Ducissæ,

cissa, & omnes omnino præsentes instanter rogabant.

Plessæus Pralinius multum honoris acquisivit in illo conflictu, adeo ut Rex & tu habeatis, cur eum magni faciatis.

Campetus miram etiam præstitit operam, quamvis duobus sclopetorum ictibus saucius, non desuit copias omnes ducere, quotiescunque confligeretur.

Duces peditum regionum admirandam navarunt operam; ex duobus centurionibus Nereftani, qui conflictui interfuere, alter cecidit, Arensius nempe alter Mottanus, olim sclopetarius regius, octo ictus sclopetarios recepit, admodum benignos, dum egregia patraret facinora: ex tribus Maugeroni centurionibus duo fauciantur: ex tribus Chamblæanis totidem, & sic deinceps per legiones depugnantes.

Senantes globo sclopetario vulneratur; & Turius legionem aliquam Ducissæ ducens, optime egit.

Commendator Suuræus, agminis ductor, eximium sese præstitit: ultra quinque horas sese exposuit sclopetorum ictibus; crediderim, si ab exordio adfuisset, dissipaturum fuisse illud hostile agmen, quod vallum asseruit. Amisimus sexaginta fere milites, qui cecidere, ducentos habemus saucios, præter complures duces, secundum exiguum ipsorum numerum, & plurima sclopetra.

Hostes longe plures amiserunt: primo enim in conflictu ceciderunt tres Centuriones Hispani, cum centum manipularibus & amplius. Septena milliæ peditum numerabant, & duo millia fere equitum, cum nobis tantum essent quinque milliæ peditum, quibus connumerabantur septingenti Ducissæ, quod legionem Agabonianam non liceret adsciscere. Pedites nostri sunt lectissimi, desunt duces, quorum plurimi abiire ad supplementa: quod si copię nostrates propediem adventent, hostes satis exercebimus.

Chivassum operam quatuor virorum fuit interceptum nisi id evenisset, frustra fuissent hostes: putem Chansum asseri potuisse, & forte non sine periculo retraxisset pedem. Hoc rerum statu debilior apparuero per agros, quod Turinum postulet copias. Pavorem facile dispicias

cies ex Colberti relatione. Quicquid autem sit, promitto tibi strenuam meam operam adeo ut malim mortem obire, quam indignum quid tanto honore, quo me beasti, committere.

Non puto trepidandum vobis esse, uti hic fit: fateor tamen, opus fore viribus ulterioribus ad aliquid audendum, propter exiguam fiduciam popularium, & praesidium Turini firmandum.

Modo vidi delineationem exercitus, quam Argensonius mihi misit, & continet octodecim legiones pedestres, Rivarai & Delphini. Metuo ego, si viginti quatuor illae legiones, quas prima delineatio suppeditabat, reducantur ad octodecim, exiguum quid peditum accessurum; legio enim Rivarai non poterit exire Casala, aut expeditioni interesse, quod aliquoties scripsi. Legio vero Delphini nondum est scripta, adeo ut hic exercitus sic sit futurus debilior, quam ille anni superioris, sex legionibus truncatior, argento etiam insupplementa nondum adnumerato; quod ex Delphinatu mihi refertur.

Inst. tutum de corripiendis Vercellis non fuit traditum executioni, quod hostes sextum diem ante coirent, quam invasio fieri debuisset.

Cogitaveram stationem Crescentini occupare, ut principis Thomae tergo haerem; nefas autem est Turinum deferere, ubi metuo pavorem, non obsidionem.

Resciveris etiam ex Colberto, Ducissam misisse liberos suos in Sabaudiam: optassem, ipsa legisset Pinirolae hospitium, sed praesto non eram.

Primicerius Catalae diem suum obivit ultimum: constituimus non admittere Episcopum, sine regis mandato, aut tuo: nullam patietur urbs mutationem. Necessarium arbitror, aliqua stipendia solvi Casalae, & imprimis Senatoribus quibusdam, maxime vero Reverae, qui regias sumsit partes, omnium prudentissimus. Est etiam Nacæus, quem primicerius defunctus mihi ajebat magnifice habendum.

Forte non suppetet otium, ut posthac tam vastè tibi
scri-

scribam, propter occupationes ab hostibus: rogo igitur humillimè, ne in alienam capias partem, sed credas, me nunquam perditurum memoriam eorum, quæ tibi debeo, nec occasiones, in quibus tibi faciam testatum per humillima officia, quod sim.

DOMINE PATRONE,

Tuus &c.

Dum irem ad exercitum, rogavi Curium, ut apud Ducissam remaneret; id quod fecit: arbitror etiam, præsentiam illius non fuisse inutilem: vir est probissimus, admodum industrius, & in quo illa colloset fiduciam. Universæ pedestres copiæ strenuè egère, sed ante omnes, legio Chamblæana.

XXII.

Epistola Ducissæ Sabaudicæ ad Cardinalem Richelium.

DOMINE COGNATE,

ABbas Montanus, quem ad regem fratrem lego, ut statum rerum præsentium demonstret, ei exponet, omnem mihi fiduciam in te collocari: jamque tempus venisse opitulandi, nisi me totaliter perditam velis, & omnes una fæderatos, qui despondebunt animos, quam primum viderint, tam nihili curari devotissimos, quæ vitam juxta & rempublicam Galliæ bono immolent; id quod mihi usivenit, quæ ad eas partes transivi, unde noveram longe plus damni, quam emolumenti obventurum.

Crediderim autem, officia mea eo majoris æstimanda, quod periculi summam pernoverim, non tamen declinârim, ut Galliæ fautoribus placerem, & ex omnibus viribus Regi fratri commodarem. Hinc confido, te aliquanto ferventius causam meam susceptrum, ad inte-

FFff

gri-

gritatem famæ tuæ, quam cum meo exitio conjunctissimam video. Nimis generosus es, quam ut exitium meum spectare velis ignominiosum, & mihi nimis amicus, quam ut præsens malo remedium neget.

Hæc igitur mihi officia præsta apud Regem, quæ expeditiora duxeris, ut tantum cumulum gloriæ acquiras, quantum hostes istius Coronæ tibi imprecantur ignominia: Revoca Regi in memoriam, quod ad me perscripsit, renuntiavitque impensurum sese universum in universum. Jam nunc igitur appareant necessum est effecta, quæ spero ex auxilijs, nulli alij remedio intenta, quam quod tute attuleris; cætera Abbati relinquo tibi referenda, quantoque studio sim.

DOMINE, COGNATE,

Tua, &c.

Turini, 2. Aprilis. 1639.

XXIII.

Epistola Turij ad Cardinalem Richelium.

DOMINE PATRONE,

Quamprimum Casalam, ex regis & tuo mandato, perveni, timebatur reditus Episcopi, qui discessu ex Gallia parabat, defunctus legatione; semperq; à primicerio auditum fuit, non ferendum eum esse in hac urbe. Eadem sententia quorumcunque Gallia studiosorum & Ducis, quibus accedit Cardinalis Valettanus, id quod mihi dixit, cum eum relinquerem ad Montem Calvum, iturus Astum: in eam rem Chavinium inde ab initio perscripsi, sed responsum nondum accepi.

Moritur primicerius, adventat Episcopus, mitto obviam Lugdunum usque, aut paulo citius, moneo, nefas mihi esse, cum admittere, nisi mandatum adferat à Rege & à te, aut à Cardinale Valettano. Obviam missus, familiaris erat, à sacerdote ipsius procuratore, qui

qui mihi renunciat, non occurrisse, quod iter per Genavam institueret. Vedrinum igitur, medicum Turinæ accerso, qui idem postulatum deferret, ne scilicet veniret, absque mandato. Transiit ille occultè, neque invisit ad Cardinalem Valettanum Turini hospitantem, neque ad Nuntium, alioqui amicum, sed recta petit Chiavasium, ubi ex cymba excendit, adest postridie ad Pontem Esturanum.

Mitto ego Gareinium, qui exponeret meam diligentiam, ut tempestivè nosceret, absque mandato non esse veniendum, rogaretq; plurimum meis verbis, ut Mantuam pergeret. Respondet, non credere sese, mihi ea esse mandata, quibus à domicilio suo arceretur, postquam à rege & te discessisset admodum benevolè: inimicos conciliare hanc molestiā sibi. Mittit salvum cōductum à rege, qui liberum transitum permittit, nihil impedio, quod Casalæ nulla ibi mentio.

Sententiæ igitur primicerii defuncti inhærens, omniumque eorum, qui Galliæ benevolunt, non putavi me errare, si adventum ipsius impedirem: remansisset enim & magnā sum sisset auctoritatem in Senatum, cuius futurus erat caput, magnas turbas daturus. Constituit igitur excēdere, & terrestri itinere à Ponte Esturano Briennam petere, ubi cymba foret præsto. Senatoribus id volupe fuit, quos credo unanimiter facturos officium; assensit etiam Mantuana, postquam edocta fuit, neminem sine regis aut tuo mandato recipi: quam ipsis benevolentiam vult testari.

Promiserunt mihi, sese nullum conventum acturos, ubi de republica aut militia deliberetur, nisi me præsentem. Quod Mantuanæ redditus spectat, & administrationem reipublicæ, pergent, uti simul conjuncta operafecerunt. Pars illorum sunt studiosissimi commodi regij, adeo ut confidam, eos operæ futuros pretium; quod si præstent, meruerint effectum gratiæ, quemadmodū Cardinalis eos recommodavit de meliore notā, si quaratio extaret stipendij ipsis adnumerandi: novit enim eos.

Existimavi ego, cōsultissimum fore regijs commodis, si
Senat

Senatus simul ageret, Episcopo enim illum moderante, non licuisset carere turbis, ob factionem ipsius. Demonstro tibi, quomodo processerim in hoc negotio, & rogo humillime, ut credas, alium mihi non fuisse scopum, nisi ut inservirem regi, cum id deberi censerem. Quæ de inquisitione sunt reliqua, supersedebo, cum res disquisitione digna: lubeat tibi mandata expedire, ut obsequar cum omni sollicitudine & studio, uti debeo, quo rectius merear credi, quod sum.

Tuus, &c.

XXIV.

Instruitur Emerius de rebus Pedemontij & Sabaudia.

EMerius quantocius ibit Lugdunum, ibi convocabit Gravaum, Imbertum & alios, quibus à Rege erat injunctum, ut exercitum in Italiam trajicerent: ex ijs discet statum copiarum, tempus progrediendi, obstacula pro virili removebit: & ut expeditius transcant, ad Cardinalem Valettanum perscribet, ut ille copiam transeundi impetret parti copiarum, per Sabaudiam. Ocyus nuntiabit Comiti Aletisio & Marechalco Schombergio, ut copiae ex Occitania procedant & Proventia per Barcellonettam; ut uterque forum annonarium constituat per provinciae suae latitudinem, nihil attentis quibuscunque difficultatibus.

Lugdunum appulsus, Cardinali Valettano nuntiabit statum rerum militarium, ex cujus mandatis copias promovebit aut tardabit.

Ubi res Pedemontij fuerint praeognantes, ut transitus copiarum differri non possit, donec universae confluxerint, mediam earum partem, aut quantum fuerit praesto, praemittet, ducibus retentis, qui reliquum agmen, ubi expeditum sit, deducant.

Cum autem copiae minus paratae, & quibus scriben-

dis

dis majores occurrant difficultates, sint Occitanianæ, poterit, prout ipsi videbitur, abire usque ad Schœmbergium, ut copiar illæ tempestivius progrediantur.

Si Cingium foret captum, aut res Pedemontanæ ex novo aliquo casu factæ essent deteriores, tum Emerius relinquet mandata necessaria Lugduni, in Delphinatu & Occitania, ad transmittendas illas copias, iturus Pinierolam, ut illic rerum summam discat, curetque pro virili.

Pinierolæ inviset ad Malissium, & Curium, ut sic promoveat munimenta illius loci, eamque securitatem circumdet, quâ sinistri casus averruncantur. Si fieri possit, quocunque pretio, geminos apparatus instituit, alterum Pinierolæ, alterum ad sanum Brigidæ, ne tamen sese invicem remorentur. Quascunque difficultates superabit, ut hunc effectum adipiscatur, pecuniam, quantam expensæ postulabunt, Curio adnumerabit, cambiales sumet ad Parisios, quæ propediem exolventur. Ubi vero non poterunt fieri gemini apparatus, ante omnia Pinierolæ firmabit omnem securitatem, munimenta Divæ Brigidæ defensione certa amplexabitur & Perusæ.

Postquam Emerius mandata necessaria Pinierolæ expedierit, tum munimentis promovendis, tum securitati firmandæ; perget Turinum ad Ducissam: cui fiduciam faciet benevolentia & protectionis regiæ, quoad personam ipsius & rempublicam, cum Cardinale Valettano deliberabit, quomodo cum eadem fuerit agendum in re præsentī.

Existimat rex, obsidione Cingij, quod speratur, solutâ, & rebus Pedemontanis in statum pristinum restitutis, tum nullam propositionem sorti committendam, de reddendis occupatis, quæ regia emolumenta, & securitatem Pinierolæ, quem locum Ducissa in manus regis reddiderat, spectant, ne hostes Galliæ inde occasionem sumerent, Ducissæ animum pervertendi, cum Hispani alias adponerent, donec instigantibus fratribus illa induceretur ad dispendium regiarum, suarumque partium: sed ut ista, quantum fieri poterit, insinuentur per

intimorum principes, aut ubi aliquatenus animum permiserit, quaecumq; instituent rationem Cardinalis Valettanus & Emerius, ut optata referant.

Sed si Cingium capiatur, & res Pedemontanæ ex quovis casu labefactentur ad exitium proclive, ibi Emerius Ducissæ demonstrabit, id unum remedium exitij penitissimi superesse, ut ipsa Hispanis, fratribusque suis denuntiet, nulla alia salutis & suæ & publicæ sibi relicta media, quam ut filium & munimenta penitus permittat Regi, qui exitium sit præventurus, & Hispanos ex occupatis e-jecturus, certissima utique, Regem redditurum omnia, quandocumque Hispani sua redderent.

Emerius non solum proponet Ducissæ hanc rationē, ad sistendos Hispanorum per Pedemontium progressus; sed ubi rerum vicissitudo minetur patriæ exitium, Ducissæ ex parte regis dicet, Quamdiu ipsa diffidat Regi, quodhactenus fuerit animadversum, loca Pedemontana non tantum paulatim amitti, uti compertum sit à morte Ducis Sabaudici, sed & protectionem à rege non posse suscipi feliciter, nisi Ducissa ipsi fidat aliquot loca, ad conservationem reliquorum penitus necessaria.

Explicandum fuerit ad oculum Ducissæ, hanc solâ ratione mala fratrum & Hispanorum consilia sisti: fratres utique consideraturos, si male habeant Ducissam, Galliæ cessuram aliquam partem reipublicæ, quam sibi expectant; Hispanos vero, sic regem ad oblectandum potentius invitari, cum eo modo hyberna posset sumere alicubi, provinciâ exoneratâ, copijs necessarijs, ad rempublicam tutandam, & Hispanos à subreptionibus vernis, quod solebant à biennio, arcendos.

Sive Emerius, aut alius quispiam ista proponat, offeret Ducissæ eam securitatem, non per simplicia promissa, sed per literas magni sigilli, quam à rege desiderare possit, ad restitutionem illorum locorum, & usum fructum reddituum. Prudentiæ relinquitur Emerij, ut inducat, si queat, Ducissam ad propositiones istas sponte sumendas: tunc poterit testari, Regem difficulter huc evasurum, ob immanes sumtus, quos conservatio Pedemontij exigat, sine emolumentis reciproci spe. Quæret etiam
occa-

occasionem ab ipsa petendi, nomine per mutationis, stipendij, aut cuiusvis rationis valles Dendroniam, Divi Martini, Lusernæ, Reueli, Brigerasij, Cahursij, & qui restrictus ulterius pertingunt usque ad Pinierolam, necessaria utique ad conservationem illius loci, commoda etiam aliquatenus ad compensandos sumtus, quos rex cogere tur facere ad protectionem à Ducissa quaesitam.

Quod si Ducissa inceptasset aliquam transactionem cum Cardinale & principe Thomâ, sive de medijs partibus fovendis, sive de armistitio, aut alia quavis ratione; tum protestabitur Emerius ex parte regiae majestatis, istiusmodi tractatus inferre rupturam unionis. Quod si Ducissa cogitaret transigere cum illis principibus, ut eos à partibus Hispanorum traduceret ad regias, & Gallicanas; ibi Emerius porriget manum, oblatis à rege omnibus, quæ ad illum finem possent contribuere, inter cætera matrimonio Cardinali, principi Thomæ honoribus, & utrique reddendis stipendijs.

Si Emerius fiat certior, Ducissam cum patribus agere de medijs partibus, armistitio, aut unione cum Hispanis; ibi deliberabit cum Cardinale Valettano, quomodo firmari possint loca inter Pinierolam & Casalam, remque confectam studebunt reddere.

Emerius poterit distribuere Brevia, tum Ducissæ, tum subditis, quæ accepit, aliosque uti videbitur, faciet suos; cui rei applicabit pecuniæ, quantum videbitur, eamque cambialibus apud Parisios accipiet.

Si vero accidat, ut Ducissa velit filium regiae majestati credere; recipiendum eum curabit Emerius Pinierolæ, ut inde in regnum deducatur, suppeditatis per eam occasionem sumtibus necessarijs.

Si Ducissa velit copias Gallicanas introduci in loca quædam, Cardinalis Valettanus, sine cuius consilio Emerius illam negotiationem non instituet, eas immitet, sine ulteriore mandato.

Postquam Emerius munimentorum rationem apud Pinierolam pro necessitate constituerit, & propositiones superiores Ducissæ fecerit, modo res Pedemontanæ sint tum extra periculum, permittit Rex Emerio redi-

tum, prout ipsi videbitur consultum. Percribet interea ad regem quotiescunque poterit, de rerum statu.

Emerius dabit mandata necessaria ad securitatem Casalæ, & impensâ additâ operâ, ne iactura primicerij animos percellat eorum, qui cum ipso faciebant, æquæ Galliæ studiosi & ducis pupilli, domini sui, cum à desiderijs Ducissæ matris illorum res sint separatissimæ.

In eum finem Emerius curabit, si episcopus Casalæ velit habitare hoc rerum cursu in urbe, ut Turius ipsi demonstret ex consensu magistratus primarij, regiarum partium studiosi, Consultum esse, ut Mantuam abeat, incolatum ipsius nimiam laborare suspicione, quin pervices rerum præsentium tolerari queat Casalæ.

XXV.

Epistola Cardinalis Richelij, ad Cardinalem Valetianum, amannense Cherao.

DOMINE,

Non possum tibi satis testari meam sollicitudinem, quam tui causa suscipio, tum ob seriem sinistram, quæ consequi potest, tum ob tuam ipsius tranquillitatem. Velim enim te certo credere, nihil rerum humanarum me gravius tangere, quam ubi tu male habes.

Negligentia eorum, quibus Ducissa credit munimenta, miserranda est; & simul intolerabilis. Assevero tibi, casum Chivasij mihi maiorem attulisse dolorem, ob iacturam, quam Ducissa fecit, quam ut tibi demonstrare queam. Conveniet nihilominus quævis remedia necessaria comportari, ut ipsa à spontaneo asseratur exitio.

Omni diligentiam, ut copiarum tuarum pertransirent, expeditivimus; missi sunt & remissi diversis vicibus, qui urgerent; scis autem, mortalibus celeritatem corvorum esse negatam, quod Hebronus pronum habebat dicere, ut volatu pervadant. Emerius de novo abiit Lugdunum, ut omnia acceleret.

Ne-

Nescio, quid Argensonius sibi quæsierit, cum mandaret, exercitum tuum reductum esse ad octodecim legiones: nihil immutatum à prima ratione, quam tibi misi: malleus exercitum augere, si facultas suppeteret.

Ubi adiunximus legionem, Delphinatui propositam, nomine Delphini, auxilium fecimus, nullâ, quæ prius fuerat destinata, legione subductâ. Verbo dicam, protestor coram Deo, nihil rerum possibile, omissum iri ad desideria Ducissæ, cum rex ipsius commoda semper sit habiturus charissima, pro voto ipsius.

Ut rem publicam recte conservet, necessum est penitissime, ut constituat hyberna copijs, ad defensionem necessarijs, cum hostes alioqui promptum habeant, ipsam opprimere, antequam copiae ex Gallia transeant.

Non longior ero in hoc sermone, cum utilis ad futura, præsentibus nihil commodat, postquam Ducissa consilia conceperit adeo firma, ut fratres tantundem mali per seriẽ rerũ possint metuere, quantũ ipsi inferre satagunt. Acumen tibi ingenij nullam perdet occasionem, quin oculis glaucoma detrahas, ut proprium commodum perspiciat, necessitate inagruente. Hinc plura non addo: certum solummodo te fecero de sincerâ & fideli amicitia, quam tibi per universam vitã vovi, unde conabor eo magis compertum dare, per quascunque occasiones, Valettanum magis ac magis eniti ad coronandum sinistram institutum.

Tolono communicavi novum casum, qui in conegotio patuit per imprudentiam & malitiam alicujus matronæ. Chavinius rem amplissime scribit: omnes conatus istiusmodi hominum erunt Deo volente vani, & ego ero in perpetuum.

DOMINE

Tuus.

XXVI.

Epistola Cardinalis Valettani ad Cardinalem Richelium.

DOMINE PATRONE

Resciveris utiq; ex literis Ducissæ, quem tumultum Chivassij correptio, & principis Thomæ autoritas per Pedemontium excitaverint. Solus iveram Casalam, ob mortem primicerij, dum hostes in agrum Monferratensem ducunt exercitum Chanchæ hærentem. Eram ad Montem calvum, ipsis adventantibus, ut castellum assererem, & postridie Pontem Esturanum, cum tamen neutrum istorum sint aggressi. Cumque inde irem Verruam, quo jussérâ convenire copias nostrates Turini relictas, incurсарunt hostes beneficio tenebrarum, adeo ut deductio fieret postridie, tormentis nondum apparentibus.

Quantumcunque trepidetur in illa provincia, asserendam tamen confido per auxilia à te submissa. Nullas habui copias, præter illas in hybernis, quarum numerus accedebat ad mille quadringentos, cum Chancham peteremus. Crediderim centum ex nostratibus cecidisse & amplius, ducentos quinquaginta vulneratos, trecentos fugisse aut periisse per itinera expeditissima: cæteri separati sunt diversis in locis. Agmen quadringentorum militum imposui in Neo Astum, & totidem, Pontis Esturani custodes, Turinum traduxi, cujus potior est habenda ratio, donec alium militem liceat immittere.

Postquam exiguam vim animadverti Verruæ opponi, væcordiam aut perfidiam gubernatoris, justamq; formidinem Ducissæ Turini, redij propere, putaviq; omnes copias, quæ reliquæ nobis essent, eo contrahendas. Servatis enim Turino, Carmoniolâ, Asto, Villanova, Trino & Santhiâ, confido nos amissa recuperaturos, quamprimum fortiores tenuerimus planitiem. Velim deniq;

cre-

credas, me nihil parsurum vitæ meæ, ut inserviam Regi & tibi, quod debeo in hac occasione.

Ducissæ defuit pecunia & omnia: ipsa ad quasvis negotiationes avertit aures, sine Regis consensu; quicquid ipsi suggeratur, firma sibi constat in instituto, quod à principio mihi est testata.

Oblitus eram dicere, misisse me quingentos milites cum Rupeſerverio Crescentinum, qui circumdatum sese vidit inopinato, quod doleo, cum locus defensionis ineptus. Turinum cogitabam ipsum transferre, aut ad exercitum; cum autem seclusus sit, pedem referre nequit. Vir est cordatus, quem hic mihi præsentem opto, aut honoratiori loco impositum.

Seeuro potes esse animo, quoad nos; faciemus enim quicquid fuerit in viribus nostris, donec copiam ex Gallia adventent. Credo te curaturum, ut copiam quæcumque nobis submittantur: equidem vitam potius projecerim, quam ut quicquam honore meo indignum committā, ut debeas credere, me cum fidelitate debita esse.

DOMINE PATRONE,

Tuum.

Licebit mihi denuo ad te scribere crastino die, per alium Cursoſorem, ad vos abeuntem: hic est ex censu Ducissæ nobilis. Putē consultum, ut ad Ducissam scribas consolatorias, quo certior fiat de protectione Regis & tuā.

Turini, 11. Aprilis 1639.

XXVII.

Epistola Ducissæ Sabaudicæ ad Cardinalem Ducem Richelij.

DOMINE COGNATE,

Redacta sum ad incitas, quæ tibi rectius ex ore istius Nobilis, quam per meam manum innotescunt: satis est,

est, te scire, mihi perijsse septem provincias, & totidem loca, ob com meatum interclusum, dispendij augere summam. Prævideram utique omnem hanc calamitatem, adjuravi te, ut mitteres copias auxiliares, quæ malo ferrent remedium, aut generales concederes inducias. In primo postulato video tua mandata fuisse inania; ad alterum noluiſti condescendere, ob regis commodâ, cujus voluntatibus me ipsam immolavi.

Neque pænitet, quin & gloriæ duco, modo hinc occasionem sumas, asserendæ famæ, ad conservationem reipublicæ & meæ libertatis: bonam enim partem illius amisi, & istius intentatur periculum; neque præter rem; cum nullæ adsint copię ad defensionem, aut earum adminicula. Adjuro te igitur, mi cognate, ut utrique necessitati provideas, ne sinas perire principem regio Galliæ sanguine natam, & omnia Regis commodis immolantem. Frustra tibi persuadere patieris, malum non adeo esse enorme, cum tantum sit, ut facultatem linguæ & calami excedat: Quicunque diversum tibi referunt, nec regijs, nec tuis rebus student. Consule in medium, sine mora, nisi interitum meum planissime desideres, urge majestatem regiam, & promove ipsus, quæ faciunt ad meam libertatem, & tuam gloriam.

Mi cognate verſor in extremis periculis: non meus hæc mihi exprimit, virtutem enim animi demonstravi, & nunquam non compertam dabo: credas velim, hanc mihi nunquam defuturam. Adjuro igitur te, ut opem feras, ut pateat, quod me ames, nec exitium mihi optes, cum tibi debuero vitam, & quamdiu illa mihi superſuerit, ſim futura.

DOMINE COGNATE,

Tua.

Turini, 11. Aprilis 1639.

Denuo te adjuro, ut opituleris, & memineris, mihi nihil confidentiæ, aut patrocinijs, præterquam in te esse. Juva me, quod te adjuro, nec permitte, ut peream, postquam gloriæ duco, tua dici amica.

XXVIII.

XXVIII.

Epistola Cardinalis Valettani ad Cardinalem Richelium.

DOMINE PATRONE,

Heri honorem mihi sumsi, ut aliquid literarum ad te darem, per nobilem aliquem Ducissæ, ad te missum, ut renuntiarem vœcordiam & perfidiam gubernatoris Verruani. Post illius loci iacturam invasere hostes Crescentinum, locum adeo debilem, ut Rupeſeruius major illuc conclusus, enixa opera vix diutiuscule possit esse par defensionis. Quemadmodum vero promptè peribit, eadem facilitate recuperabitur.

Modo Deus præservet nos à iactura locorum potiorum, quam quæ hostes corripuere, nihil despero, per hanc æstatem restituere res Pedemontanas, si supplementa adveniant ad eum maximè numerum, quem duces promissere. Ducissa intra Turinū recepit legiones Lotharingicas, Senantæ, & Comitissæ Mauritiæ. In suburbio Eridani contineo bis mille milites, & plus, qui superabant, post quater mille, quadringentos, expeditioni sumtos; adeo ut Ducissam & Turinū credam extra periculum.

Crastino die mitto, qui Carmaniolæ imperiter, cum quingentis manipularibus, asseremus etiam Neoastum tum ut hostium instituto intercedamus, qui cogitabāt post correpta ista loca, Turinū laxo ambitu claudere, tum ut commeatum servemus liberum, in Monferratensem agrum, & versus Casalam.

Supplementum Alincurtij accessit heri admodum forte, illud Chamblæi consequitur. Quamprimū facultas erit agminis pedestris, retraham copias, necessario hinc inde disperſas, ut exercitui hostili obviam procedā. Id unum metuo, ne inter transmittenda supplementa tantū intersit tēporis, ut postrema diutissimè expectetur. Quicquid accadat, humillimè tero grito, ut credas, me o-

nem

nem sollicitudinem pro virili allaturum, ut impediri calamitatem, ex perduellione provincialium metuentem, susceptam etiam refarciam, de quo nullus despero; cum nihil tam vehementer desiderem, quam ut eligam ex tua mente, dignus honore, quem habuisti, testerque quod sim ex sensu debitæ gratitudinis.

DOMINE PATRONE

Tuus.

Turini, 12. Aprilis. 1639.

PERNOTAS.

CAsalâ reversus, occurri Nuntio, qui ibat ad principis, propter aliquas propositiones cum Ducissa: Ipsa mihi asseveravit, sese nullam illarum uaquam accepturam, nisi ex consensu Regis: crediderim ipsam in eo metu, quo urgetur, omnia facturam ad lubitum Regis. Nuntius mihi agebat, quod sua sponte non loqueretur: id quod non recusavi; putem etiam principem Thomam ipsi locutum, cum eum adiret, ante aliquot dies; tamen mihi dicatur Nuntius iste suspectus, audiendū tamē censui.

XXIX.

Epistola Ducissæ Sabaudicæ ad Cardinalem Richelium.

DOMINE COGNATE.

Pessimo sum loco, recomendo tibi liberos, & meam libertatem: si Deo visum fuerit de persona mea disponere, curam gere filij mei charissimi, ut hoc saltem solatio fruam, & credere possim, me tibi adeo dilectam fuisse, ut ipsi libertatem & rempublicam asserere velis, ut & filiabus, quæ natalibus respondent. Adjuro te hoc; in manus tuas illos trado, tanquam charissimi amici, quem in hoc mundo habeam.

Sup.

Suppetias nescio, an in eo statu, ubi me video, expectare cum otio queam: ne saltem pessime dispaream, confido tibi, fac quod rebus meis consultum videbitur, mea commoda tuis permitto consilij, & eorum, qui mihi ac Gallix inserviunt. Sum denique.

DOMINE COGNATE

Tua.

Turini, 13. Aprilis 1639.

XXX.

Epistola Cardinalis Valettani, ad Cardinalem Richelium.

DONINE PATRONE.

Ducissa mittit istum Cursorem ad regem. opem peritum, non amplius dubitans, quin princeps Thomas, & Marchio Leganesius Turinum sint invasuri: princeps ille cum universo exercitu equestri processit Vulpianū usq; , & aliquot copiarū tribus millibus distant: intra oppidum contraxi reliquum peditū, certus, huc concludi, si hostes audeant aliquid, & defensionem ultimam parare. Spero te mandata ad Pedemontium necessaria expediturum, cum perduellio fere gliscat generalis: numeramus ter mille, quingentos Gallos, quibus comprehenduntur duæ legiones, Senantæ & Lotharingorum.

Princeps Thomas visitavit Nuntium, & Cardinalem Sabaudiarū: nulla ibi ratio transigendi, nisi Ducissa partem tutelæ concedat, quod illa admodū aversatur: Promittit mihi, nihil sese sine regis consensu facturam. Credo, ipsam constituisse Pinierolam secedere. Spero, me comprobaturum meam in hac occasione operam, asseverans tibi, me potius mortem appetiturum, quam officio defuturum. Alias scribam, plus otij nactus.

Nuntius certum facit, hostes habere sub signis decies septies mille pedites, & quater mille equites: putem,
eos

cos invasuros ad Turinum, aut Astum : quid sit futurum, pauculi dabunt dies. Rogito humillime, ut mihi conserves honorem tuæ benevolentiae, credasque, me nunquam futurum ingratum ad ea beneficia, quæ à te habeo, adeo ut summum meum desiderium fuerit, ut tibi testatum faciam per humillima mea officia, quod sim.

DOMINE PATRONE

Tuus.

Turini, 13. Aprilis 1639.

Gubernator Verruæ est in exercitu Hispanorum, ubi stipendium facit, quod magnum proditionis est argumentum.

XXXI.

Epistola Ducissæ Sabaudicæ ad Cardinalem Richelium.

DOMINE COGNATE,

Non decet fortitudinem iactare, ubi effecta apparent, aut metum simulare præter occasionem : nihil dico, nisi hostes subiisse hunc locum ex una parte. Mando tibi rem ipsam per istum Nobilem, quo in statu versetur oppidum. Adjuro te, ut mihi opem feras : recordare, unicum mihi solatium in te collocari, nec libertatem meam aliunde sperari, quam etiam alibi querere nolo. Adjuva me, ne peream, Galliae inserviens, quod fit. Auge tuam gloriam eximio hoc honore, si liberator audias Principis oppressæ, & extreme afflictæ ; tuere justitiam meæ causæ per arma regis justî. Ceterum omnia tibi confido, & finio, extrema, quæ me urgent, expeditura, asseverans tibi, me fore in æternum.

Tuam.

Turini, 14. Aprilis 1639.

XXXII.

XXXII.

Epistola Emerij ad Cardinalem Richelium.

Cursor tibi nova perfert, quomodo hostes progrediuntur versus Turinum: ibam in Delphinatum, Occitaniam, & Proventiam, ut omnes omnino copias transmitterem, sed ista nova converterunt institutum. Curavi adnumerari Gravio viciës mille aureos, quos inter copias distribuam, quæ lustratæ in Delphinatu & Occitania nihil recipere stipendii, cum continuo pertranseant. Fidem etiam in hac urbe ipsi relinquo, ut ad necessitatem possit amplius sumere. Ipsus recta contendo Pinierolam, quod credam Mareschalcos Schombergium & Comitem Aletisium ex illa occasione & necessitate perurgeri, quam ex mea præsentia: rogavi etiam Gravium, ut eam curam, adeoque iter suscipiat.

Non potest metui Pinierolæ ab hostibus, Turino relicto; metuerim tamen, Ducissam ex nimio pavore cum liberis suis pacturam, adaëturamque Cardinalem Valettanum, atq; adeo pauculos Gallos, ad eas leges subeundas, quæ ipsum à Pinierola secludant, quem ipsum locum defensionis imparem crediderim, ob numerum præfidiariorum nimis exilem.

Deducam Comitem Sausij per istos montes; defero argentum, ne ulli rei desum in hac occasione, quam vix adeo fervidam putem, pro istorum sermone, cum difficillime credam, hostes obsidionem formaturos loci muniti, veluti Turini, in quo concluduntur quinquies mille pedites & bis mille equites, præter trepidationem & imbecillitatem Ducissæ, adeoque popularium exiguum studium, nihil video, quod sit metuendum.

Abbas Montanus scribit nihilominus ad me, laborare obsessos inopia pulveris nitrati, quæ tamen necessitas non est extrema, ut quicquam extremi urgeat. Cardinalis Valettanus illuc sese conclusurus, adjunxit sibi

Faberum, & complures alios duces exercitus. Finio.
Tuus.

Abbas Montanus mandat, consultum sibi videri, ut Comes Harcurtius promoveat exercitū navale versus nos, ut aliquas copias, si opus foret, obsessis addere queat.

Lugduni, 17. Aprilis 1639.

XXXIII.

Alia epistola Emerij ad Cardinalem Richelium.

DOMINE PATRONE,

Dum in hac urbe scribo, reperi nobilem Donni Felicis, qui me conventum vellet. A eo igitur Barautum, ubi collocti sumus: animadverti, ipsum agitare commoda Ducissæ & filij, quem cum filiabus gubernat. Recepit literas à Principibus, Cardinale & Thoma, quas legi, quibus mandant, ipsum prolabi in crimen læsæ majestatis, affinem consiliorum, quæ Ducissæ sequeretur; ipsos igitur agnosceret, & obsequio coleret.

Vidi etiam responsum ipsius, quod refert, sese, si conservet rempublicam & personam sui Principis, obediatque Ducissæ, quæ juridicialiter esset instituta tutrix & regens, nullum crimen quod crederet, incursum, sed magnam laudem mereri; ipsos viam tendere ad evertendam rempublicam, cujus maximè deberent quærere commoda.

Vir iste propinquus est Abbatis Montani, admodum exosus fratribus, unde metuit in illorum incidere manus. Abbas Aglianus est cum ipso. Est cur credam, quantum quidem judicio possum assequi, ipsum ab impostura esse vacuum.

Quæsi ex ipso, quæ constitutio esset Sabaudia, cum post Lavalosti deditionem, fratres possent unâ no-

ste

esse transmittere quatuor aut quinque millia peditum
& mille equites.

Respondit, tenere sese quingentos pedites perpetuæ militiæ, in duabus stationibus, in Burgo sancti Mauritiij & per viciniam excubare ad impediendum transitum : consultum esse, ut Rex quatuor legiones scribat, duas in Delphinatu & duas in agro Lugdunensi, quæ sibi adjungerentur, si forte hostes ex Pedemontio instituerent in Sabaudiam transire.

Avebam scire ex ipso, quo gradu securitatis essent Dux & sorores; aut quid instituti ipse esset sumpturus, si forte hostes adeo copiosi ingruerent, ut repulsandis esset impar.

Respondit, nullas sese videre principis Thomæ creaturas, ullius facinoris capaces, esse sibi duo millia peditum, excubiarum loco, centum equites levis armaturæ in castello Chamberiano: quod si fratres per agros grassentur, constitutum sibi, cum duce & sororibus in castellum Montismeliani secedere, ubi necessaria in triennium sint seposita.

Pergebam quærere, an Turinum obsideretur, & Ducissa illuc concludi, pro instituto, sustineret; an ipsa trepidaret, cum hostibus ageret, ad libertatem recuperandam, an ipsi mandaret, ut Sabaudiam & munitiora traderet fratribus; quid eo rerum eventu esset factururus; an Montismeliani in ipsius staret potestate.

Respondit, quicquid Ducissa de istis rebus foret mandatura, nihil sese obsecuturum, satis sibi Imperij esse in gubernatorem Montismeliani, & præsidium illud, ut in sua sint potestate quancumque voluerit, sese tutatum locum illum pro virili; ad vim extremam tradendi si adigatur, regem adjuturum, utpote Ducis, domini sui protectorem, rogans plurimum, ut hoc ipsius nomine apud regem sponderem & apud te: comitem Philippum, & Abbatem Aglianum cauturos de sua fide.

Instabam ulterius, ut scirem, ex ipso, an Turinum obsidione cingeretur, & quid in Patrem Monotum veller statuere. Ad primam quæstionem reponebat, ignorare id sese; ad alteram reponebat, sibi summa cura servari

Patrem Monotum, quod sua interesset.

Cum igitur nondum essem certior, an Turinum obsideretur, non censui ipsi demonstrandum, consultius fore, ut Dux & sorores, adeoque Pater Monotus in manus Regis traderentur, si forte Monsmelianus obsideretur, quam ut in eum locum concluderentur: metuens plurimum, ne ingenium ipsius tentarem suspicionibus, cum etiam tum de Turini obsidione ambigerem, & eo casu satis esset cum eo agere, per Abbatem Aglianum, secundum necessitatem superventuram, & Regis voluntatem.

Hoc duntaxat placuit addere, Regem id unum desiderare, ut studium erga Ducissam, & filium servaret, nihilque metueret eventum rerum: spondere me ex parte Regis & tuâ, nunquam ipsam desertum iri: etiam per successum desperatum; ipsi in Regno æquos honores, munia & opes paratas, uti in republica Ducis Sabaudici, quâ de re & Rex & tu essetis ad ipsum scripturi.

Restat igitur, quod Donnum Felicem spectat, ut à Rege, aut à te accipiat literas, quibus pateat, extreme satisfactum Regi per illam fiduciam, quam mihi fecerit de studio suo erga Ducissam & filium; etiam involvatur spebus, quas feci, in quemvis eventum, de eo asserendo.

Etiam reliquum fuerit, ut Ledigerius & Alincurtius jubeantur scribere, quisque geminas legiones, quod ipsis proclive, ob expeditionem adeo vicinam: remoranda tamen fuerint illa mandata, donec nostrates copiarum transferint in Italiam, ne milites nostri transeant ad illas novas legiones.

Quatuor illas legiones video necessarias, non tantum ad conservationem Sabaudiarum, sed etiam ad emolumentum Regis: per hanc enim expeditionem intelliget princeps Thomas, postquam pertransierint nostrates copiarum, nullum sese operæ pretium facturum in Pedemontio; unde forte inducet animum, cum parte exercitus transire Layadosum, in Sabaudiam irrumpere, & Delphinatē, Lugdunensem, adeoque Bressensem agrum consutare.

Amplius credo, copias illas in Sabaudiam ire iussas, subjiçendas Imperio Donni Felicis, cui adderetur laudatus Campiductor, qui cum amplius devinceret.

Antequam Barautum abirem, cum facile intelligerem, me non adeo repente Pinierolam perventurum, compendium mandatorum nisi ad Malissium & Curium, quod Cardinali Valettano perferendum curarent, negotiandum scilicet esse cum Ducissa & ante obsidionem, & secundum illam: copiam eorum itidem Chavinio misi, cuius rei mihi à te debetur mandatum, antequam cum Ducissa agere incipiam. Consultum etiam mihi visum, ut Cardinalis Valettanus ista quasi sua sponte proponeret, ne perlata viderentur, aut ad paulam perperisa.

Alioqui enim Ducissa novæ diffidentiae sumeret ansam, dum necessitas rerum præsentium nondum eoque premat, ut occæcationem, quam sustinet, abjiciat. Quemadmodum autem ipsa vidit, me semper ex mandatorum illorum serie egisse, metuebam, ne, si ego primus ea proponerem, ipsa meum id opus crederet. Neque vero negotiari incepero, quousque fuerit libera, ante reditum Cursoris, qui mihi referet mandata explicita.

De rebus Pedemontanis perscribam tibi, quæ Donnus Felix renuntiavit, & quæ aliorum literis ex Pinierola & Valerio perferuntur.

Hostes versabantur ad utramque ripam Eridani versus Turinum, numerabant quinquies decies mille pedites, & quater mille equites, cum aliquot tormentis. Princeps Thomas præsens adest, Marchio Legavesius nondum junxerat suas copias, Cardinalis Sabaudiae hærebat Jureæ: circumvallatio nondum cepit fieri, nec ulla statio sumpta, ad intercludendam annonam, nec molendina corrupta, quod tamen facillimum factu.

Veliana servatur Ducissæ, castello probe munito. In castello Sufano Gallus quidam imperitat, cum aliquot cohortibus Nereftani & Cursellani. Equites hostiles excurrunt usque ad Velianam.

Turinum numerat sex millia propugnatorum, & sexcentos equites.

G g g g 3

Mar-

Marchio Aglianus, & Santhomasius Pinierola iussi sunt exire, Turinumque petere: populares videntur rectius agere, quam prius.

Equidem adversus omnes illas literas, quæ ex illa provincia adferuntur, non video, quomodo hostes sint aggressuri Turinum, quod admodum est munitum, & viris cordatis firmatum. Crediderim, eos accessisse, ut terrorem incuterent Ducissæ, aut ad exeundum urgerent, & populares adversus militem insurgerent; denique Principem Thomam produxisse Marchionem Leganesium Turinum usque, ex spe alicujus collusionis: certum autem habeo, Leganesium sese minime impediturum circumvallatione.

Si Turinum non infestetur, aut fortiter repugnet, de Pinierola non est dubitandi locus, cum hostes nunquam sint relicturi à tergo locum munitum, & copiis militibus instructum.

David minister hoc ipso momento adest Pragellasio, refertque Malissium ipsis remisisse ducentos pedites, & trecentos equites, quos prius miserant Pinierolam: hodie transmissimus quadringentos, pedites, ut ocyus pervadant.

Postquam cura Pinierolæ iter meum in Occitaniam & Proventiam institutum, ad maturandas copias interrumpit, res autem eo sint in statu, uti tibi scripsi, parum abfui à reciprocando illo instituto; pergo tamen Pinierolam, ut in rem præsentem veniam, & si quid causa regia desideret, curem, etiam de exercitu & Ducissæ sollicitus. Ubi nulla extrema ibidem reperero, huc rediero ad principium mensis proximi, quod tempus transmittendis nostris copiis & accelerandis est commodum.

Sic fuerint numerosiores, si fieri potest, ubi longe magis timeo peditum, quam equitum penuriam. Quantum licet judicare de rebus longinquis, putarim consultius esse, hostes Turinum invadere, quam alium quemvis locum; si enim vires aliorum converterent, deforet nostris copiis transmittendis otium, ad defensionem.

Apparet paulatim per vires & duces hostium lentior quidam. Quamprimum appulero Pinierolam alium adtemittam Cursorem, ut tibi demam sollicitudinem, quam forte exerceas; vellem profecto aliquid adferre remedium, quod

quod tibi gratum esse posset, quemadmodum per universam vitam hoc tenuero desiderium, ut merear dicium omni reverentia.

Tuus.

Gratianopoli, 20. Aprilis 1639.

Puto equidem, domine patrone, Barauto rectius esse providendum, ut defendi queat.

XXXIV.

Instruitur Chavinius, iturus in Pedemontium, vicesimo primo Aprilis 1639.

Calamitas præsens Italiæ est gravis; quæ, nisi promte & potenter curetur, remedium respuet tandem.

Prout res feruat, cogitare debet Ducissa de extremis remedijs, cum æstimet, semel ad extrema delapsæ, nullum remedium profuturum.

Parva Imperia sunt instar ædificiorum, quæ turgent interserinis, & oborto incendio conflagent citissime; nisi per summam diligentiam separentur coherentia, serpet flamma.

Quamvis Emerius instructus sit omnibus necessariis, quæ agat, & in hac occasione Ducissæ proponat, persona autem non sit admodum grata, timendum est, ne propter illam aversionem animi, salutaria reputentur noxia.

Hinc visum, alium quempiam mittere, qui apud Ducissam habeat aliquid authoritatis, possitque ipsi demonstrare industrie & valide solum illud medium salutis asserendæ.

Id vero fuerit, ut liberos mittat in Galliam, & principaliora reipublicæ loca muniat, ne sit cur metuat perditionem, aut propter propensionem Pedemontij erga affines, aut propter vires illorum potentiores.

Sola via ad hanc securitatem relicta est Ducissæ, ut

Gallos recipiat in munimenta, quod ad securitatem, & honorem ipsius fiet. Securitatem præstabunt Regis promissa, de reddendis illis, quodocunque Ducissæ liberit: honorem præstat, Hispanorum invasio, quæ ex ratione conscientiae, & perinde per honorem, ipsam debet inducere ad solum illud remedium amplexandum, quod violentiæ tantæ opponitur.

Nihil adeo valide sistet ambitionem Cardinalis Sabaudici, & principis Thomæ, quam metus, ne usurpare satagentes Imperium Ducis, nepotis sui, locum faciant Hispanis, & Gallis, illud discerpenti.

Nulla apparet via melior, nec aliud medium, ad recuperanda, quæ Hispani nunc corripunt, nisi ut tantundem Regi permittatur, ut sic Pontifex maximus & principes Italiæ obligentur, ad intercedendum, donec omnia utrinque reddantur Ducissæ, fratribusque ipsius ex æquo & bono satisfiat.

Si Ducissæ sit capax consilij perquam salutaris, geminabit Rex vires suas per Italiam, in ipsius salutem.

Sin tergiversetur, semper anceps partium, regia majestas, coram Deo & hominibus repudiat protectionem, quam ipsi offert, cum eandem videat fore inanem.

Si Ducissæ reponat, subditos suos improbare hoc institutum, demonstrandum est, tempus præsens istis considerationibus non amplius moveri; neque consilium hoc proponi, nisi post facultatem à subditis, ex væcordia scilicet, & ipsam & munimenta deferendi, permissam.

Si Ducissæ istis prætextibus utatur, ad velandam confidentiam, quam de Gallia concepit ipsa, libere ipsi indicandum, quantum confidentiæ ipsa norit sibi collocandum esse in Hispaniam, & in fratres, qui sæpius aggressi sint honorem ipsius, libertatem & vitam, quemadmodum ad Regem ipsa renuntiavit: quod si illic inveniat impossibilia quæque, jam aliud non extare remedium, præter istud, quod proponatur.

Ut autem istæ negotiatio ad bonum finem deducatur, Chavinius à principio nihil proponet Ducissæ, nisi ut regio nomine testetur, unice missus, summum studium, subditos confirmet, & universo mundo ostendet validam

lidam protectionem, ipsi paratam, expeditis remedijs quibusque promptissimis & potentissimis, ne calamitas augeat, sed suscepta sarciat.

Secundum hanc propositionem generalem, conabitur Ducissam inducere, ut sponte dispiciat, quæ sunt u- sui, idque tribus hisce capitibus.

Primum fuerit, ut firmentur loca, commeatum Ca- salæ præstantes.

Alterum, ut ingressus in Italiam pateat Regi magis ac magis, si nempe castella Regi permittantur, quæ in- troitum in Valles servant, utpote Cahurium, Ruelum, Conium; & quæ per vallem Brescam sunt sparsa, in pri- mis Remonum, & quæ loca hostem ex partibus Sanchæi descendentera impediunt, ne occupet claustra omnium illarum vallium, interclusa omni facultate Galliæ, ad Pedemontium asserendum.

Postremum, ut Ducissa liberos suos in tuto collocet, loca, quorū dispositio in republica ipsi estrelicta, firmet.

Ad hoc ultimum necesse est, ut intelligat, non posse afferri illa loca, nisi tradantur Gallis, quos suos fecit; mature hanc rem expendat, cum per fratrum optatio- rem cursum, amor & studium subditorum minuatur: unde, summa rerum tandem eo, posset evadere, ut per extremorum sortem à subditis nihil agnoscat, cum vi- ceversa munimentorum compos, quibus illi in obse- quio continentur, eundem effectum auferat, quem a- mor & studium præstarent.

Quicquid Ducissa hinc agere queat, fuerit cura, pri- mores reipublicæ suis, & simul Galliæ commodis in- volvere.

In eum finem demonstrandum ipsi fuerit, ne utiquam à speciosis verbis, & spe futuri quicquam emendican- dum, cum ipsa in eo rerum statu debeat beneficia expro- mere, quæ ipsis sint perpetua.

Hæc spes firmandæ fortunæ non agat radices fiduci- æ, nisi ex voluntate Galliæ, ad protegendam Ducissam unde obligabitur ipsis per effecta demonstrare, quomo- do sese penitissime tradat Regi, velitique, ut illi Galliæ, ob beneficia futura adhæreant.

XXXV.

*Epistola Cardinalis Richelij ad Ducissam
Sabaudicam.*

DOMINA,

Nullus dubito, tuam Celsitudinem in extrema ver-
sari sollicitudine, propter res Pedemontanas; pa-
tieris tamen, quod te rogatam volo, ut tibi dicam, non
ideo esse trepidandum, aut animum despondendum,
cum habeas fratrem Regē, qui constituit universam su-
am potentiam præstare tuæ protectioni, ut opem ferat,
& fratres tuos in sinistro consilio impediat.

Chavinius, quem Rex ad te mittit, tibi novam illius
nomine faciet fiduciam, eademque opera demonstra-
bit, eximio conatu in Gallia ad eum contendendi finem,
recensebit copias, in Pedemontium abeuntes ad tui de-
fensionem, studiumque meum in hoc negotio promo-
vendo.

In eo rerum summa, ut munimentorum custodes fi-
dem servant, donec nostrates copiæ perveniant; sic sa-
tis habuero te humillime rogasse, ut ipsi omnem fidem
habeas, cui ego penitissime confido; credasque me ni-
hil obliturum eorum, quæ meæ fuerint facultatis, ut ti-
bi comprobem, quod sim.

DOMINA

Tuus humillimus &
obsequentissimus
cliens.

CARD. DE RICHELIEU.

XXXVI.

XXXVI.

*Epistola Cardinalis Richelij ad Cardinalem Valer-
tanum, sine subscriptione.*

DOMINE,

PAUCULA ista verba non faciunt, ut cognoscas ægritudinem animi, quam coquo ex rebus Pedemontanis, tibi notissimis, uti confido, sed ut tibi dicam, modo Ducissæ ne desit sibi ipsi, Regem quidvis facturum, ut ipsam asserat ab injusta oppressione Hispanorum & subditorum: hic cardo rei, ut suppetijs adferendis indulgeatur tempus.

Mitto tibi Chavinium, vice legati extra ordinem, ut uniuersus mundus cognoscat, protectionem, quam rex Ducissæ destinat, & ipsa sciat, Longavillanum cum novo exercitu ire in suppetias. Puto, te nihil reliquum fecisse, sollicitè muniendæ Carmaniolæ, operamque dedisse, ut Ducissæ munitiora suæ provinciæ firmet.

Conium & Ruelum prorsus sunt necessaria, ut cum Pinierola seruentur vallium exitus. Sponte scis, quantum momentum trahant Nicea & Momelianum.

Crastino die expediemus Cursorem ad Comitum Aletisium, ut secundum petitum tuum mille pedites habeat paratos, qui Niceam & Villamfrancam imponantur, ad Ducissæ mandatum, modo autoritate satis ampla etiamnum polleat, ad introducendas copias nostrates in munitiora.

Si Turini incolæ testentur studium anceps quocumque modo, nihil conveniet ambigere de ijs exarmandis.

In eo sumus toti, ut copiæ Pinierolam transeant.

Per Deum te oro, ut tibi ipsi parcas; assevero tibi, vel propter tuum commodum, me omnia expediturum, ut suppetias feram, teque ex hoc negotio cum laudo educam, cum certo sim futurus in perpetuum, &c.

20. Aprilis 1639.

XXXVII.

XXXVII.

Epistola Emerij ad Cardinalem Richelium.

DOMINE PATRONE,

Hic offendi Cursorem, Pinierola ad me missum, qui mihi nuntiaret Turini obsidionem: nisi aliquid habeat sub hoc instituto, quod nondum assequi licet, hostes ignominiam reportabunt, adeo ut existimē, laudes Deo agendas, qui mentem in illas partes flexerit.

Pinierolam adjurant me, ut revertar, & copias adeoque pecunias promoveam: putavi igitur, meum esse ex vicinia transire, ut Ducissæ institutum, Marchioni Villano egresso cum jam obsideri inciperet, datum noscerem, nempe quæ spectant Pinierolam, hospitias & sustentationem copiarum adventantium, angustiasq; Susanas servandâs. Exinde abiero, ad copias transmittendas, & curanda, quæ Regis & tuum attinent commodum.

Deproperavi ad tuæ memoriæ subsidium delineare, quæ in hac occasione scitu & factu fuerint necessaria, tumultuariè & sine ordine, quod Cursorem retinendum non putarem, aut iter meum retardandum. Mitto illud ad Chavinium, ut tibi exhibeat. Constitues igitur, quicquid videbitur de ea re, ut tuam sciam mentem. Certissimus esto, me non defuturum ulli rei, quæ tua commoda spectet, cum eodem studio, quo tibi devinctus sum per universam vitam, nempe.

Tuæ Eminentie

DOMINE PATRONE

humillimus, obsequentis-
simus, & devotissimus
cliens.

EMERIUS.

Gravz, 21. Aprilis 1639.

XXXVIII.

XXXVIII.

Epistola Cardinalis Richelij, ad Emerium.

DOMINE EMERI,

VIdi universas literas, quas huc scripsisti de rebus Italiae, postquam in Delphinatum abiisti. Nihil potest addi ad sollicitudinem, diligentiam & studium, quæ in negotio Regis præstas. Crede mihi nihil ulterius potest inservire commodis regiae majestatis, ad Ducissam juvandam, quam quæ hîc agitantur, cum constitutum sit, præter exercitum Valettani, etiam illum Longavillani trajicere, in Pedemontium, ut Imperium ipsi rectius conservetur, & ipsa adversus quoscunque hostium conatus asseratur.

Stupeo ad Hispanorum institutum, Turini obsidendi, cum eas, quas scribis, habeas copias. Si enim oppidi gubernatores faciant officium, de quo nullus dubito, spero Hispanos ignominiam suscepturos. Exercitus Longavillani movebitur die Mercurij, ipse Lugduni erit præsto, antequam copiae confluant.

Edocenda est Ducissa de validis suppetijs, quæ deducuntur.

Longavillanus Imperio summo complectetur utrumque exercitum, quamdiu Cardinalis Valettanus concludetur; postea quilibet suum ducet exercitum.

Mandatum est Mothano, ut nihil expectato Longavillani exercitu, cum quater mille peditibus, & mille equitibus procedat, & angustias Sclusæ transeat. Hîc videtur, primo hoc agmine conjuncto cum ijs copijs, quas ex Cardinalis Valettani exercitu trajeceris, tentandum esse aliquid ad opitulandum Ducissæ ex more Gallicano.

Curabis ut fora annonaria per Sabaudiam Copijs Longavillani præparentur. Omnino asserenda est Carmaniola & Villanova, Cahurium, si queas, Ruelum & Conium, id quod Ducissa non putatur recusatura, cum sine istis locis provincia difficillime possit servari.

Con-

Consultissimum existimatur, Casalam maxime argento instrui: quod autem mentionem facis de bis mille pedibus, eo mittendis, magis necessarium judicatur, ut exercitus, in opem Ducissæ destinatus, roboretur, Carmaniola, & Neoastum asserantur, quâ ut illæ copię Casalam transferantur, adeoq; loca ad comineatũ feruentur. In eum finem videndum, ut Carmaniola apparatu belli instruatur, quamprimum copię ingredientur.

Cavendum sollicitè, ne adeatur Ducissa Sabaudia, nisi loca possideantur, quibus ipsi potest asseri respublica.

Oportet sane Ducissam usum rationis depofuisse, nisi Patrem Monotum in Galliam mittat.

Nisi Ducissa miserit per Marchionem Villanum potestatem, ut Galli promte intromittantur in loca superius dicta, inveniẽda fuerit ratio, quâ edoceatur Cardinalis Valettanus, sine illo modo rempublicam perditam esse, ut proutius mittat; id quod eo lubentius fecerit, uti confido, cum illa loca nullam ipsi suspensionem queant movere, & potius ducat, ea in Gallorum potestate ad conservationẽ devenire, quam Hispanis ad perditionẽ permitteri.

Ubi Chavinus venerit in rem præsentem, confido te eum ipso nihil obliturum in re tanti momenti.

Nayerius respondebit de re numaria, & Bardæus de literis, quas expetis.

XXXIX.

Epistola Ducissæ Sabaudicæ ad Cardinalem Ducem Richelij.

DOMINE COGNATE,

PAucula hæc tibi scribo, ut dicam, me in hoc esse oppido, magis ad commodum Regis, quam ad proprium emolumentum. Certum est, me illud securitati vitæ prælaturam. Scis, quo in statu versemur, ex relatione Vallæi, cubicularij mei, quem mitto, antequam per circumvallationem concludamur.

Om-

Omnis mihi confidentia in te est, quæ mihi spem facit tuorum auxiliorum, ne peream te vidente ob Galliarum commoda, quæ curò. Id vero te adjuro, ut me credas. &c.

Turini, 19. Aprilis 1639.

XL.

*Epistola Cardinalis Valettani ad Cardinalem
Richelium.*

DOMINE PATRONE,

Quamvis proxime mandaverim, hostes infestasse hanc urbem, non tamen possum, quin indicẽ, quarto decimo hujus mensis eos transisse flumen Staræ, castra posuisse Madonæ cåpestri, postridie pervenisse Grualiaferum & Rivolum, & per decimos, sextum ac septimũ substituisse; abijisse dehinc Mancalerium versus, non trajecisse Eridanum, sed castrametatos Valentini.

Eodem die equites Pedemontani valde trepidarunt, destituentes quadringentos sclopetarios, qui ipsorum causa prodierant, adeo ut pene omnes perierint. Decimo octavo occuparunt suburbium Eridani, quod servare nequibamus: decimo nono progrediebantur per illud Eridani suburbium, ædificijs recti, ubi satis acriter confliximus. De nocte nihil promoverunt, præter duos suggestus excitatos, ad gemina tormenta, quæ vicesimo inceptum detonare.

Cum suggestus illi admodum sint remoti, nihil nocituros puto, quantumvis vim simulent. Credo equidẽ id unum quæri, ut Ducissa cum ipsis agere instituat. Dicebat mihi Nuntius audius tertius, principem Thomam, & Marchionem Leganesium offerre restitutionem Chivassij, Crescentinij, Verruæ & Lavadosi, modo Galliarum Pedemontij munimentis: Cardinalem Sabaudiarum, & principem Thomam concessuros ipsi tutelam,

mo-

modo assereretur ipsis successio, & Cardinalis Sabaudia alicubi per Pedemontium commoraretur, adeo ut etiam ferrent continuationem ligæ cum rege initæ.

Ducissa, cum omnibus suis testabatur aliquam propensionem: sed Nuntius referebat postridie, omnia esse immutata, Leganesium servare velle Verruam & Crescetinum, ut reditum copiarum regiarum ex agro Moferratenfi impediret. Ducissa tamen mihi dicebat heri, malle sese potius, emori, quam à causa regia separari Debeo nihilominus tibi indicare, me adeo magnam in animo Comitissæ Philippæ animadvertere formidinem, exquerimonia deficientis pulveris nitrati, & de incolarum perversitate, ut non præter rationem metuum, ne Ducissam deducant ad incommoda quædam pacta.

Non dubitabis, quin omnem operam sim impensurus ad ea subvertenda, ipsamque admonendam, quomodo nihil metuere debeat, postquam via sit libera exercitui, à rege ad suppetias ferendas missio; processum jam usque ad limites, jamjamque in Pedemontium descensurum. Sunt qui ipsi suggerant, quamvis hostes nullis hospitibus utantur, aut laboribus exerceantur Vellianam versus, ad futuros utique ad claustra Galliæ occupanda, antequam copiarum regiarum possint accedere.

Testatum sic faciunt, quanto opere desiderent, Ducissam transactionem inceptare, id quod ego præ omnibus metuo, cum non tam hostes, quam Pedemontanos metuum malevolos. Dispicias hinc, quæ remedia fuerint adhibenda. Equidem fidem do; nulli me parsum opere, ne causa regia detrimentum patiatur, eroque per universam vitam, præter gratitudinem & fidelitatem animi, quam debeo,

Turini, 20. Aprilis.

Supplico tibi humillimè, id agas, ne legatus Sabaudia istas videat literas.

XLI.

*Syllogerum Pedemontanarum & Sabaudicarum,
exhibetur Cardinali Duci à legato Sabau-
dia vicesimo tertio Aprilis.*

1639.

QUæcunque copiæ præparètur rebus Pedemontanis, non tamen satis tempestivè pervenient ad liberandū Turinū: proculdubio judicaverint Dux Longavillanus & ministri regij, Pinierolæ congregati, omnino necessum esse, ut auxiliaper vim apertam tententur, si ipsis constet de sinistro statu illius loci, ut quāto cius exercitum decies mille peditum & ter mille equitum consent, ex reverentia in Ducissam, quæ intra Turinū conclusa in eminentissimo versetur periculo, ne in potestate hostiū delabatur.

Chavinius qui legatum agit extraordinariū ad Ducissam ex parte regis cum Emerio, ante ipsum Pinierolam delato prospicient, uti rogantur, ut copiæ Ducissæ, quæ illuc convenient, queant subsistere, ad rationem regiarum, ne dilabantur à signis. Rogatur etiam Comes Guichius, ut eas suscipiat, & pari cum regijs amplectatur cura.

Quemadmodum vetò maximi fuerit momenti, ut Turinū obsidionem extrahat, quantum poterit, ut otium suppetat copijs auxiliaribus, ad conveniendum; necessum est, quotiescunque fieri poterit, ut Ducissa regia & Cardinalis Valettanus certiōres fiant, de suppetiis adventantibus, & necessaria in urbem comportentur, veluti pulvis nitratus, & argentum, quibus militi satisfiat, præter sumtus extra ordinem sustinendos.

Quod si per sinistrum casum periret Turinū, frustra adhibitis omnibus, quæ industria & virtus suggerere possent medijs; non tamen animus foret despondendus de rebus Pedemontanis, aut intermittendus conatus: quin potius fortiter & validè res fuerit promovenda, cum rationes pateant gloriose absolvendi.

Hhh h

Uc

Ut autem bene incipiamus, conservandi sunt, exercitus integerrimi, ubi annona primum & cultum est, factusq; promptum, dum hostes ad Turinum occupantur, ut interea promptissime prospiciatur Carmaniola de rebus ad conservationem necessarijs, ruinæ etiam per angustiam temporis provirili sarciantur. Fiet autem ex Pinierolâ per subsidia ministrorum Ducalium, cum illic sint præsto, præfidentes semper Cheva & Murusius.

Idem tentandum, si queat, Neoasti, modo granaria Pedemonti ferventur, Savilianum scilicet & Fossanum frugibus turgida; exhortandi sunt ut officium faciant, subornatis potentissimis apud populares: quibus auxilia vægrandiâ a rege ventura persuadeantur, ad hostes exterminandos. Ante omnia vigilandum est propter Pafam, Saviliani gubernatorem.

Postquam prospectum fuerit de annona exercitui numerofo, licebit valide agere, cum hostes debilem luctam præbituri sint obvires ex diuturniore obsidione fatigatas & enervatas. Sic enim curam gerent rescindi militis, nec ulterius sese impediri patientur in medio nostrorum munimentorum, centroque Pedemontij, quo pervolaverunt quasi.

Cum sic igitur ex agro discessuri sint, proclive fuerit, loca limitanea annona instruere Santhiam nempe, Trinum & Casalam exigua regionum equitum opera, dum pedites Chivasium, Crescentinium & Verruam, non diuturnæ loca luctæ, recuperant, nisi hostes longum sese munendi sumant spatium temporis.

Et sine temporis jactura, posset in transcurso ager Turinensis, vastari, & eadem operâ obsidio laxa addi.

In eum finem restaurandum foret castellum Moncalerij, recipiendis ducentis sclopetarijs, equitibus per oppidum stabulantibus, ut ex ea parte præsidarij Turinenses redigerentur intra muros. Ut autem equites securius degant, civibus quibus aliquot fossores addendi, in jungetur restauratio oppidi; excitabitur munimentum aliquod ex illo ad Pontem extremum Eridani, tutando transitui. Nec

cessum

cessum ifidem foret, aliquot sclopetarios in castellum Cavoreti collocari, unde Moncalcium protegitur ex parte montis Turinensis.

Præsidij etiam aliquid in castellum Rivoli imponendū, quod patrocina-retur equitibus in oppidulo, qui ex illa parte vellicarent præsidium Turinense. Recuperato Chivasio, ista urbs nulla subsidia posset suscipere, neque ex monte Turinensi, cum id facile impediri queat: ea igitur ratione secundum brevem temporis tractum necessario succubuerit.

Crescentinio & Verruā receptis, Juræ sponte referaret portas; ut autem introitus Lavoldasti assereretur, ex illa parte, prædial sine ulla difficultate im-ponerentur in castella Barri, & Musui.

Quod si per istos armorum motus exercitus hostiles recuperaret vires, aliquid ausurus, cui regius teneretur ire obviam; aut adeo cresceret, ut Turino liberando par videri posset unde metuendum foret, eam urbem diutius in alienis hæsuram manibus; consultum foret, ex regio exercitu segregari mille ducentos, quingentosue pedites, cum aliqua turma equitum, qui stationem Vulpianam cape-rent, ubi commodissimè omnium in Pedemontio hospita-tur exercitus, propter compluria opima oppidula per vi-ciniam sparsa.

Tum vero promptissimè muniretur castellum, exigua fane opera, cum prisca munimenta etiam extant lateritia. Statio illa tanti est ad Turinum momenti, si in potestate hostium relinquatur, ut transitum asserat copiis, quæ se-cundum Turinum, ex agro Mediolanensi, ad latus mon-tium Canavertorum, in valle Susana, Pinierolam, aut in il-lam partem Pedemontij, quæ citior est, sint dedu-cendæ.

Maximopere vero est prævidendum, si forte hostes oc-cupent Turinum, antequam regius constaret exercitus Pi-nierolæ, nec ulterius vellent progredi ex metu illius exercitus, qui exiguo temporis spatio posset præ-valere, & ipsis exitium minitari, ne stationem Vul-pianam corripiant, qua permunita, occluderent

penitus illam partem Pedemontij, quæ est Chivassio ulterior: quâ ratione Trinum, Santhia & Casala, cum reliquo omni Monferratensi pauculo tempore incideret in illorum manus; ex illa igitur occasione fuerint præveniendi, si fieri possit.

Verum enim verò, ut ista omnia ineditata rite deducantur in effectum, servandæ sunt pro virili angustia Pedemontij, particulariter autem Vallis Susana; quod constanter Turini obsidione est proclive, hostibus castella Velianæ & Susæ nondum occupantibus. Illud enim Velianum posset muniri & instrui à Pinierolâ, quemadmodum istud Susæ ex Sabaudia, si copiarum maturius eo deducerentur; ut per omnia necessaria muniretur: cui negotio Donnus Felix accommodaturus esset viros industrios & diligentes.

Neque tamen contemnendi fuerint secundum ista Hispanorum Comitensium per Sabaudiam conatus, si quæ vires exoticæ, uti promittitur, ipsis accedant, nec ex Gallia per absentiam Ducis Longavillani turbentur. Possent enim involare aliquem transitum, qui per Sabaudiam Lavaldoftum usque pertingeret, ad communicanda cum Hispanis consilia.

Cum autem nunc possideant Juræam, & Lavaldoftum habeant propitium, necessum est, ut machinationibus utrinque obvietur, & consilia ipsorum tempestive noscantur, id quod Lavaldofti proclive est, propter commercia per Tarantæsiam cum ipsis, unde Senatorum quidam possunt locum dispicere artificii, quæ Hispanorum negotiationes institutas aperiant.

Hæc autem consilia nequeunt executionem attingere, nisi exercitus regius sibi constet, & agros servet liberos, ubi supplementa crebrius accedant, quieti aliquid indulgeatur, & copiarum scribantur necessariae saltem ad tempus proximæ expeditionis. Hæc si fiant sperandum fuerit adjuvante Deo, res Pedemontanas à rege in bonum ordinem restituendas.

XLII.

*Syllogensibus legati Sabaudici data, vicesimo
octavo Aprilis. 1639.*

Vidi Syllogen legati, quæ continet omnia, & possibilia
& debita, tum ad Turini liberationem tum ad Pedemontij salutem.

Reliquum est, ut summa detur opera executioni.

Copiam illius mitto Chavinio & Emerio, mandoque,
Comitem Sanmauritanum eandem mittere ministris Ducissæ, qui sunt Pinierolæ, adeoque ipsi Ducissæ, modo securè transmitti queat.

Summa rerum in eo consistit, ut tempestivè asserantur
loca designata, cum metui possit, tum demum expetitur
iri Gallos, ut introeant, cum non fuerit, unde necessaria
ipsis sufficiantur, & perinde defensio relinquatur inanis.

Quod si tempestivè procurentur, quæ cum summo
iudicio Syllogæ sunt inserta, quam vidi, credo revera, Turin
num posse liberari, eo etiam neglecto, assertum iri Pedemontium, & Turin
num postea recuperandum.

Reliquum igitur fuerit, ut legatus id operam det, ne
ministri Ducissæ, qui sunt Pinierolæ, ullam diligentiam
omitant, ad executionem illorum consiliorum
quemadmodum regij ministri negotio nulli de-
erunt.

XLIII.

Epistola Cardinalis Richelij.

Mittitur Sylloge, quam Comes Sanmauritanus con-
cinnavit, & ego admodū probo. In eo versatur cardo
Hhhh 3 rerum

rerum, ut pro virili illa dentur effectui, ubi sanè nihil omnino temporis est perdendum.

Promitto equidem mihi de tua industria tantum, ut etiam impossibilia sis aggressurus, modo Ducissæ ministri, qui non sunt conclusi, occæcationem nesciant ad Lethargiam.

Cæterum rogo, ut dispicias, ubi circumvallatio Turini nondum sit facta, an possit perferri pulvis nitratus. Forte Comes Guichius cum equitibus Ducissæ, & nostratibus ex Gallia adventantibus, qui certo nuntiantur bis mille, & amplius viam pervadendi invenerit Cubicularius iste Ducissæ asseverat, sibi natos esse tramites, ad id institutum aptissime commodos.

Crede mihi, res Pedemontanæ me obrunat.

Longavillanus crastino die abit celeribus. Mandatum est Mothano, ut ducat quamprimum quater mille pedites, & mille quingentos equites.

Provisum est de argento, quod Emerius desiderabat, & particulariter de postremis terminis, id quod Noyerius ad ipsum perscribit. Constitutum est etiam ultra facultatem procedere.

Quo tempore universæ regis copiae, quas Italiæ destinavit, transierint, Emerius & tu curabitis supplementa fieri, quæ adulta ætate saltem perveniant. Scit Emerius usum illorum.

Propter Deum rogo, ut cures Syllogen legati Sabaudici fieri, qui mihi dixit, sese eandem ministris Ducissæ, qui sunt Pinierolæ missurum. Id operam dabis, ne suspicionem cōcipiant, nos diversum quærere, quam ut loca illa asserantur, ad Ducissæ commodum. Nimium industrii sunt, ut eos fugiat, loca illa, nisi in Gallis asserantur, in potestatem Hispanorum transitura.

XLIV.

Epistola alia Cardinalis, sine subscriptione.

Scripsi tibi simpliciter per Gardonum, tuum fiduciarium.

Nihil

Nihil igitur habeo, quod nunc dicam, nisi id; consultissimum mihi videri, ut Nuntius Turino exeat, & Comiti Philippo tantum animi suggeratur, ne possit Ducissam ad ineunda cum fratribus pacta incommoda inducere, in quibus perditionem suam esset inventura certissimam.

Eadem fors ipsum manet, & deterior, si quid gravius cogitari potest. Adjuro te, ut omnem mox veas lapidem, quo pulvis nitratus inferatur Turinum: Vallæus præbet sese ducem.

XLV.

Alia epistola Ducissa Sabaudica ad regem.

DOMINE

Nisi tua Majestas mihi opem ferat validè, video mihi succumbendum esse in summis miseriis, per reipublicæ perditionem, ubi maculam suscipiet tua auctoritas, si destituas tibi conjunctos & sanguine & causa, qui à reliquis factionibus discessere, ut sese tibi penitissimè adjungerent, & defendendos præberent. Supplico majestati tuæ, ut promissimum remedium adferas, quod in rem utriusque fuerit.

Cum autem Abbas Montanus te possit facere certior, uti à me est jussus, quo in statu impræsentiarum verfer, supplico denuò humillimè, ne perire sinas eos, qui tibi æquo mecum studio inserviunt, sed ut ij, qui eandem mecum mentem tenent, redantur cordatiores, quemadmodum protestor, eam esse meam voluntatem, modo mihi mea serventur, & sic occasio relinquatur id revera testandi per effecta, adeo ut magis ac magis demonstrare queam.

Hhhh 4

dum

dum vitam ipsam, uti fit quotidie, expono, quomodo, si-
per omnimodam sinceritatem.

DOMINE

Tua humillima & ob-
sequentiſſima ſoror
& ſamula

CHRISTINA.

Turini, 2. Aprilis. 1639.

XLVI.

Epistola alia Ducissæ Sabaudie ad regem.

Humillimas meas supplicationes itero, ut tua Majestas mihi opem ferat, in præſenti neceſſitate, quam ne deſcribere quidem licet, ne expaveſcas, ſanguinem tuum in hoc videre ſtatu. Non quod animum minus fortem geram, quam Natales mei præbent, ſed quod vires deſiciant, unde paulatim ſuccumbo, ad hoſtium nimiam potentiam, nullis etiamnum comparentibus ſuppetijs, quæ tamen apprimè ſunt neceſſariæ in rebus ad extrema vergentibus, quod mihi uſu venit.

Domine, ſupplifico tuæ majeſtati, ut verbis meis fidem habeas, cum ex ore meo nihil unquam intelligere debeas, præter veritatē, recorderis utique te mihi promiſiſſe, univerſorum alenam ad univerſa aſſerenda, cum neque credere poſſim, mea officia minus commeruiſſe, quam quæ cæteris Galliæ filiabus præſtantur, ubi reges ipſi ad illas aſſerendas ſunt progreſſi, longè minori de cauſa, quam nunc, in Italiam moventes.

Perdidi ſex provincias, dum tibi inſervio, ſeptem loca munita tranſiere in poteſtatem hoſtium; quid ulterius petes, Domine? Aſſere mihi libertatem, poſtquam præ-
ter

ter vitam nihil mihi est relictum. Si tua majestas cum honorem habeat isti Nobili, quem mitto, ut audiat, intelliges particularia, adeo ut verborum seges nunc sit inanis, postquam effecta demonstrarunt, quod sim.

Tua.

Turini, 11. Aprilis 1639.

XLVII.

Alia epistola Ducissæ Sabaudicæ ad regem.

DOMINE,

Hostis subiit istum locum ex una parte: emisi hunc Nobilem, qui tuæ majestati referat, quomodo habeam: remansi hic, certa perire: promitto mihi de tua benignitate suppetias, quod te rogo humillimè ex toto corde, ne hostibus destituar præda.

Recommendo tibi denuo charissimos meos liberos, ne ipsi pereant, dum ego pereo. Non est otium plura scribendi, quæso tamen, ut liceat solatio tuorum auxiliorum frui. Assevero tibi, me tui causa quidvis facturam inservire per universam vitam, demonstrare etiam, quomodo titulum digne geram, nec sine desiderio, ut habear.

Tua.

Turini, 14. Aprilis, 1639.

XLVIII.

Alia epistola Ducissæ Sabaudicæ ad regem.

DOMINE,

Etiam hac vice lubuit ad te scribere, antequam
Hhhh s me

me videam in hoc oppidum conclusam ab hostibus meis & Coronæ, ut opem tuam implorem.

Pessimo versamur in statu, qui tuæ majestati non debet fucari. Oportet enim ut verum tibi innotescat, & potentiam tuam ad opem ferendam expedias. Malevolentia ipsorum me unam petit, in me exercebunt rabiem, adversus tuum sanguinem conceptam. Misere mei, quæ tibi inserviando perco.

Tibi recomendo charissimum meum filium, unicum meum solatium, ut ipsi conserves rempublicam, atque in eo pullulare facias benevolentiam, quam mihi demonstras; sic etiam tribus meis filiabus faveas, ne ipsarum fors dejiciatur in frangitales.

Committo illas tuo patrocinio, supplicoque ut patrum in eas animum sumas, quin imò maternum, si fieri queat: neque enim scio, quid fortuna in me velit statueret, ne unquam in manus istorum tyrannorum deveniant, qui constituerunt rempublicam evertere, sub prætextu libertatis, quam ademptam volunt & illis & mihi.

Istæ forte fuerint postremæ supplicationes, quas tua majestas à me audiet: vides, & exerto digito sentis, me nunquam perdere studium erga Galliam & tuam majestatem, nisi cum vita; malimque eam prodigere, quam à causa tua separari, quin semper sim.

Tua.

Turini, 17. Aprilis. 1639.

Adjuro te, Domine, ut permittas calamo meo, ad me consolandum, hoc vocabulum, dilecte frater, ut curam suscipias tuorum nepotum, meorum liberorum, & fidelium ministrorum. Si videas statum, in quo impræsentiarum versor, ad commiserationem flectere.

XLIX.

Epistola Charvinij sine inscriptione.

Huc perveni, Lugdunum videlicet, die Martis, vespere. Qua potui unquam diligentia, cum illi, qui celeribus tenuere viam regiam tantundem infumserint temporis. Hodie discedo, Gratianopolim ab eo, inde Pinierolam, sine interposita mora, ubi audio esse Emerium, qui Turinam pertransire non potuit.

Donnus Felix ad me huc misit Pisicium, qui me salutarer. Ex eo didici, Marchionem Leganesium esse praesentem in exercitu Hispanico; is antequam eo accederet, voluit sibi tradi Chivasium, Verruam & Chencham: ipse, Cardinalis Sabaudiae, & princeps Thomas hospitatur Valentini, ejus loci claves Ducissa misit obviam: incipiunt ex tormentis quinque impetere vetus castellum Turini.

Incursum urbem, nemo facile pervadit, nondum ceperunt Susam, nec Velianam, nec ullam produnt suspicionem Carmaniolae invadendae. Ducissa flagitat pulverem nitratum instantissime, puto missum esse à Pinierolâ, quantum potuit hinc mittimus quinquagies mille dolia, quorum singula centenas habent libras, ut habeant, unde explosionibus porro sufficiant. Curcellanus moratur etiamnum in hac urbe, qui fidem facit, universum apparatus bellicum ad exercitum iri delatum ad initium mensis proximi.

Quamprimum fuero in loco praesens, particulariter perscribam ad Dominum patronum statum rerum, quo ad fieri poterit exactissime & verissime. Mitto Eminentiae syllogen earum copiarum, quae hic transierunt, verissimam: valde metuo, illas multum recessuras ab hoc numero, antequam perveniant Pinierolam. Asseverant, equestres copias esse expeditissimas, pedestres vero satis miserabiles. De Occitania nihil habeo, quod dicam, cum nihil sit renunciatum.

Salus

Salus rerum Italicarum mihi videtur in eo consistere, ut exercitus Longavillani adproperet, quanto fieri potest numero, ne summa regis consilia turbentur. Nam quantum ex sermonibus colligo, metuendum est, ne Turini æque defiat annona, uti pulveris nitratus. Quicquid sit, obruitam sese videt Ducissa, certum utique, eos, quibus illa maxime fidebat summam rerum, curam necessariam non adhibuisse.

Comes Guichius discessit heri, Pinierolam abiturus, ut copias recipiat. Constituit aliquid audere, quamprimum agmen aliquod non contemnendum poterit colligere.

Omnes carri tormentorum & annonæ Casalæ sunt; cumque præsentibus hic esse nequeant, puto. Dominum meum patronum nihil improbatum, si centum mulas per Delphinatum conquiram, quæ apparatus perferant copiis iis, quas Comes Guichius contrahit, ubi aliquid velit audere. Conducendas curabo menstruis quadraginta solidis, quo pretio singulæ diurnas præstabunt operas: expensa hæc efficiet saltem sexaginta & unum mille librarum in universum, ad usum commodissimum.

Humillimè supplico tuæ Eminentiae, ut digneris mandare quid facto sit opus, si forte induciæ proponantur particulares per Italiam; an oporteat impedire illam negotiationem, aut si quæ sint conditiones, quæ armistitium admittant. Recepi literas Domini mei patroni, vicesimo secundo Aprilis scriptas.

Non prætermisero exequi cum omni sollicitudine, quicquid potero, mandatorum tuorum, quæ munitiora loca Ducissæ spectant. Multum obtinui, postquam legatus Sabaudiae testatus est tibi, mentem ipsorum eo vergere, ut in manus regis tradantur.

Finienti mihi istas supervenit Cursor, à principe missus ad Marchionem Sanmauritiij, nullas ferens literas à Cardinale Valettano. Hoc unum potui ab ipso

ab ipso discere, hostes à Turino recessisse, Legationem abire in agrum Monferratensem, principem Thomam verò remanere in Pedemontio: metuo, ne ille aliquid audeat adversus Carmaniolā: plura scibis ex marchione Sanmauritano, quam ego dicere queam.


Quicquid eveniat, laudandus est Deus, post Turinū liberatum, ob plurimas causas: hinc ego occasionem sumā videndi Ducissam, priusquam constitueram. Supplico humillimè Domino meo patrono, ut credas, me nihil obliturum, quæ mearum sunt partium, ut benè & fideliter exequar mandata, quæ misisti, adeoque cum gaudio impensurum vitam commodis tuis particularibus, cum nullum urgentius foveam desiderium, quam ut tibi complaceam, adeoque demonstrem, me esse, usque ad mortem futurum.

TUÆ EMINENTIÆ

humillimum & obsequen-
tissimum, fidelissimum &
obligatum famulum
CHAVIGNY.

Lugduni, 17. Aprilis. 1639.

Cum Cardinalem Lugdunensem non offenderim hic, qui Cardinali Bichio valedicit, perscripsi ad ipsum, quæ mandasti, ut eum disponam ad adeundam aulam. Ajunt, ipsum sic constituisse, iussisseque ut omnia impedimenta parata essent ad reditum suum ex Proventiā.



CONTINUATÆ HISTORIÆ
DE MINISTERIO CARDI-
NALIS RICHELII.

ANNO M. DC. XL.

LIBER XVII.

CAPUT I.

Gallo Vinarienses ad Bannerium vocantur.

Nisi Gallia barbaras nationes, & atrociorē militem Cæsareanum mallet in viscera admittere, consilia Cardinalis, de augendo exercitu Vinariensi erant exequenda. Longavillanus igitur ipsi adjungitur, ne quid imprudentius ruerent copiarum, cum ipse valeret & armis & consiliis. Meminimus, istum exercitum Gallo-Vinariensem in Wetteraviam concessisse, loca ibidem aliquot, ut liberalius degerent, corripuit, & Bannerio, aliquot cladibus affecto, hostibusque impari, eunt opitulatum, ne ille penitus conficeretur.

Redit Longavillanus in Galliam, Hamburgi navem ingressus: sed Lotharingæ dux per Alsatiam & Palatinatum inferiorem recuperat, quæ minus solide fuerant firmata, adjutus ab Hispanis & Bavaris: simulatè sibi reconciliationem cum rege optans.

Politica reminiscencia.

Quantus vastissimo imperio incumbat terror, ubi hostis, licet non admodum potens, irrumpit, noverant Persæ,

Perſæ, qui metuentes virtutem Ageſilai, Græcos corrumpe-
rant multo auro, ut ob inteſtina mala ille ad patriam rû-
tandam revocaretur. Senſit vir ſagax conſiliorum cau-
ſam, ingemuit dolum an vim, queſtus, centena millia ſa-
gittariorum incurſare, quibus impar cedere cogeretur. In-
telligebat autem numum Perſicum, qui ſagittario ſigna-
batur, quemadmodum noctuam oſtentabat Athenien-
ſis.

Mercurij, ſive argenti vivi ea eſt natura, ut ſemper foret,
niſi in vaſis, ubi nihil arrodi poteſt, continetur. Hinc im-
mittitur aggeribus, ut illis vitium faciat, aquæ incumbant,
molem diſturbent. Riſeris primitus machinamentum, ob
tantilli instrumenti ſpeciem, ſed mireris effectum. Sic pro-
fecto hoſtis nunquam contemnitur impune, quando ad-
mittitur.

CAPUT II.

Atrebatum deditur Gallis.

Cardinalis, cui eximia quæque placent, in Gallobel-
gio, dum Hollandi vires Hiſpanorum ad Huſtam
occupant, & graviter atterunt, rem aggreditur, ultra ſpem
& vires, uti videbatur, difficilem. Atrebatum obſidendum
mandat, quam urbem tergemina Hiſpani tenuerant cen-
tum quadraginta octo annos, Galli ſepties, ſed fruſtra ob-
ſederant, unde portarum frontiſpicio inſcriptum carmen
patrio idiomate, tum demum Atrebatum Gallis ceſſurum,
quando mures bello ſubegerint feles.

Nihil autem tanto genio difficile, nihil intuitum: ſic
tandem fit deditio. Cælum per omnia favebat Galliæ, & al-
terum principem menſe Majo indulget matri-
monio regio.

Politica reminiscencia.

POpulosæ urbes ob numerum incolarum videntur in-
 victæ, sed cum quotidianis egeant alimentis, quæ
 nec centesimus recondit ad necessitatem annuam: Hinc
 igitur, hoste campos tenente, & angustias viarum obsi-
 dente, famas, & ex fame tumultus, adeoque deditio.
 Meminimus Magnum nostrum Henricum exercitum
 admovisse Parisiis, qui famelici magno ære sibi
 comparabant victum, quem exercitus parcissimè
 trans mittebat, ut vestem & quævis necessaria adipi-
 sceretur miles, civis vero langueret, donec extrema
 urgerent, & deditiõnem suaderent.

Hinc Citadellæ aut castella imponuntur urbibus,
 quæ exiguo numero propugnatorum valeant sustinere
 obsidium diuturnum, tametsi oppidum corripitur. Est
 tamen, ubi hostis perrumpat, & annonam inferat, aut
 eam obsidentibus intervertat, nisi magno molimine
 configatur.

CAPUT III.

*Lusitani & Catalauni deficiunt ab Hi-
 spano.*

VT res mortalium sunt fluxæ, ita varios præbent
 casus. Ipsa Hispania tumultuari incipit, & regi suo
 esse perduellis. Lusitania post fatum Sebastiani, in
 Africa cæsi, & mortem Henrici ultimi regis concessit
 rat in potestatem, frustra repugnante Antonio, extra
 conjugium nato, Castilianorum, qui sese ex sorore
 maxima, post demortuos mares, genitos fere-
 bant.

Bragantiæ dux conjugem habebat ex mare pro-
 gnatam, unde sibi potior jure videbatur, si
 potior

potior viribus fuisset, ipſus etiam recta linea, ſed ſecundum ultimam ſtirpem illegitimam, deſcenderat. At Caſtiliani eum promiſſis onerant, cuniculis terrent, & ad quietem componunt. Cum autem Imperium Caſtilianorum eſſet graviffimum, conſpirant Luſitani, ut proxima quaque occaſione ſeceſſionem faciant, Regem eligant, ſanguinem regium in thronum reſtituant.

Commodum inſtituto viſum bellum Gallo Hiſpanicum: itur ad Cardinalem, qui claſſem & militem præſtet, donec Regnum ſibi conſtet. Hic demum lex talionis valet, poſtquam Guylſiana factio ex Hiſpania dudum eſſet ſorta, vel in eum finem, ne Luſitania jugum excuteret. Permittuntur igitur illis ducenti equites Galli, & ſex millia peditum, præter viginti triremes.

Verumenimvero, quercu ruente, ligna quivis colligit: Catalauni, ex altera Hiſpaniæ parte, perduellionem ſumunt, bello, quod circa Leucatam & Salfam gerebatur, oppreſſi, præter immunitates violatas, & ſacra calcata per militarem proterviam. Ibi mittunt duodecim viros graves, qui Gentem patrocinio Galliæ ſubmitterent, & auxilia rogarent. Fortunæ ſeſe præbenti inſtat Cardinalis, Condæum ad ipſos expedit, ex Marſilia vicina negotium urget. Promittit ipſis novem millia peditum, & tria millia equitum, ut cum popularibus pares eſſe poſſent oppreſſori.

Politica reminiſcentia.

Tyrannis duobus fere modis deſtruitur, vel per cauſas externas, ubi hoſtis vim infert, vel per principia interna, ubi ſeditiones glifeunt, aut juſtus dolor & nimius ſenſus injuriarum arma imperant. Hinc pavore perpetuo agitur, ob hoſtes externos & domeſticos, qui exitium ipſi moliri non deſinunt, alij per vindictam, alij ex amore libertatis priſtinæ.

Neque enim vāgrandis opulentia Monarchias continet, sed benevolentia subditorum & authoritas apud Exteros. Postquam enim vasalli obsequi, & vicini metuere desinere, demigrat amor in odium, & reverentia in contemptum. Ubi successus parum respondet consilijs aut viribus, excitantur animi, judicant, Tyranni bella præter iustitiam geri, coeunt, & libertatem quærunt.

Castilia non habet, quod miretur, Catalaunos & Lusitanos fecisse secessionem, cum illi oneribus & felonijs nefandis sint oppressi, isti hæcenus usurpatori paruerint, deluso domino legitimo: illi Regis Christianissimi optarint jugum amicabile, isti gravissima exeat servitute. Neque enim ferri potest perniciēs illata, libertatis exitium, tyrannidis vefania.

CAPUT IV.

Casala liberatur, Turinum capitur.

GEmini exercitus conjunguntur in Italia, Imperatore summo Comite Harcurtio, in quo perficiendo videntur conspirasse prudentia, fortitudo & fortuna propitia. Is continuo hostem ex agro propulsat, sæpissime conflictatur, semper victor. Casalæ obsidio probatum cum dedit. Fatalem illum premebant Hispani: Harcurtius eos aggreditur, tertium rejicitur, semper robustior, donec transitum sibi aperiret, stupentibus hostibus ad virtutem eximiam.

Turinam inde ducit, ejus Citadella obsequium in legitimum dominum nunquam exiit, locumque licet milite & necessarijs instructissimum, obsidet integerrime. Miretur Orbis terrarum, Imperatorem istum nihil motum esse numeroſo exercitu, quem virtute superavit, & quibusvis difficultatibus, quas per prudentiam explanavit, dum sextum mensem obsidio com-

stat,

stat plurimis egregijs casibus memorabilis, & locum legitimo principi reddit, hostibus sub leges fortitudinis redactis.

Politica Reminiscencia.

Imprudentiæ humanæ, an fato cælesti tribuas, ad dubites, clades crebriores, & conatus vanos, quibus aliqua loca nobilitantur. Atrebatum octava tantum obsidione concessit in Gallorum potestatem, quibus penitissime videbatur negatum. Mutantur enim tempora, & militiæ rationes; observantur errores præteritorum momentorum; exurgit prudentiæ usus, & perficitur institutum.

Ostenda pertinacissimè obsessa, vel quinquies victa fuit, dum munimenta ab hoste dejicerentur, transitu structo, obsessi vero nova excitarent, donec tandem in angustum spatium redacti, vix haberent, ubi sese versarent, & deditionem gloriosam facere cogerentur. Tantum potest magnanimitas, licet aliquando damnosissima.

Obsessis inferenda est vis, vel fames: hanc temporis diuturnitas conciliat, sed varijs casibus obnoxia; illam expedit numerus & prudentia, retundit autem virtus opposita, quæ munimentis fulcitur: adeo ut vix
deni milites uni reputentur pares
oblesso.



CONTINUATÆ HISTORIÆ
DE MINISTERIO CARDI-
NALIS RICHELII.

ANNO MDCXLI.

LIBER XVIII.

CAPUT I.

Ariena capta & amissa.

Cura rerum Germanicarum augebatur Cardinali, postquam Bannerius satis concessit, he videlicet Suecis rejectis armorum moles in Galliam incumberet: veluti Cæsar Hohentuiliam, arcem situ & opere inexpugnabilem, sub Alpibus, quâ Sueviam spectant, obsidendam censuit, ut expeditius pergeret. Per Belgium valebant arma utrinque, Hollandis Genepam, exiguum, at munitissimum locum expugnant, dum Ferdinandus, Hispaniæ infans, qui Belgium per septem annos rexerat, diem suum obit.

Cardinalis instituerat cum illo agere, de Belgio in Archiducatum vertendo, qui ab Hispania revulsus, proprijs uteretur auspicijs: unde suspicio apud maleferiatos orta, de fato præcipitato, secundum Caroli Hispanici nuperum obitum, qui Belgium erat rapturus vel invito patre Rege, etiam de sacris nonnihil suspectus.

Nostrates effunduntur in Flandriam populabundi: corripunt Bassæam, facili negotio denuo perdendam; Bapalinam etiam occupant & firmant. Ariena

Ar-

Artesia amplissimo circuitu, etiam per palustria continuato claudit Rex, & ad deditionem perurget. Sed otium non sumit, ad explananda obsidionis munimenta, aut anagnam inferendam, ubi audit Sueffanum, Condæo ob prærogativam generis semper infestum, tumultuari, ne Hispanus illac irrumperet in Galliam.

Sic Hispanus vallum occupat, & oppidum per inopiam omnium rerum recuperat pauculis diebus.

Politica reminentia.

ARmorum vices sunt stupendæ. Marcellus ab Hannibale victus, vincit postridie, ut eadem opera cum clade nuntiaretur victoria. Sed locum munitissimum tam brevi tempore mutare dominum, vix legas per vastissimos historiarum campos. Ludit sane fortuna in rebus humanis, quemadmodum eadem hora cælum atrum & serenum aliquando ostentat.

De Tiberio, Imperatorum prudentissimo, memorat Tacitus, quod provincijs nonnullis turbatis adesse non sustinuerit, sed Romæ quasi affixus, caput rerum amittere noluerit. Idem consilium Calani, Indi sapientissimi, ad Alexandrum Magnum, ut nempe mediam vastissimi Imperij provinciam incoleret, cæteris per ambitum sparsis ex æquo vicinus.

Summæ igitur necessitatis fuerit, aut magnanimitatis, prodire ad extrema Imperij, & turbulentis facultatem relinquere exercendæ proterviæ. Verum enimvero alijs Nationibus alia sunt instituta. Hispani expeditionibus immiscere Reges suos desinere; non fratres suorum Regum præsentia etiam impossibilia quæque aggrediuntur.

CAPUT II.

Suessanus turbat, & cadit.

Hostis intelligebat armorum suorum debilitatem, & Gallix vires. A violentia igitur transit ad machinationes. Promissis laborat obtinere, quæ aperto marti negabantur, adeo ut iustitiæ expers, occasiones aucuparetur. Reperit ingenia quædam, quibus ex fastidio nescio quo reipublicæ allubescerebat exitium, sub prætextu conservationis propriæ. Nectuntur trice, eodem momento conceptæ, propalatæ & suffocatæ.

Ea opera fuit fiduciariorum, de pace in limite Regni agentium. Scintillæ istæ immane poterant excitare incendium, nisi Deus patrociniis singulari arma Regis iustissimi direxisset, & consilia ministro sagacissimo suggessisset. Comes Sueffanus, quod Condæo inferior haberetur, à rebus gerendis remotus, cum Bullionæo persuaserant Aurelianensi, ut Hispaniæ & Austriacorum cõpias in Galliam effunderet, Sedano tradito, & Parisios angeret.

Cardinalis Chastilionæum, Imperatorem cordatum objicit ingruenti hosti, donec Rex ab Artesia adesset. Fit prælium acerrimum, cadit Sueffanus victor, & disparet nubecula illa perduellionis.

Politica reminiscentia.

Docuit experientia tumultus istius authorem primum, longe aliter sermones circinari, & agi, eloquentiam & res gestas multum distare, cum facilius gloria acquiratur calamo, quam ense. Debebat ille prudentiam consulere, ut sese potius muniret, antequam nos aggrediretur. Sic igitur feditiosa colluvies vicit numero, sed caput perdidit.

Exemplo sit istud fatum omnibus, & Regi & purpu-

ra refractarijs. Nulla est fortitudo in perduellione, nec victoria desiderari debet, nisi eadem sit iusta. Falluntur profecto misere, qui lucrum in perfidia quaerunt, cum per obsequium fidele licuisset indipisci compendium honorum & opum. Iustissimam fert pœnam, qui patriam incurfat armatus, & bellum bello cogitat extinguere, maxime vero, ubi homoligius legem Principi dare audet quamlibet.

CAPUT III.

Aurelianensis jubetur exire Gallia.

Copia illæ adverso stabant studio, cum tamen eadem uterentur lingua, eodem turgerent animo, simul sibi visæ vinci & vincere. Dirimuntur tandem, ut appareret, nullam in rebellionem esse collocandam fiduciam. In conflictu illo fatali cadit princeps, juvenili ardore ferox, non legitime pugnans. Apparebat effectus, latebat causa, demonstrabat Deus, victorias alijs commodas, alijs adversas obtingere.

Invitus hæc scribit calamus; dolet enim, viros natalibus claros plebi immisceri ignobili, & gloriæ usum projicere, ut ignominiosa morte dispereant. Factio igitur capite & gubernaculo destituta, stupebat, non quod ducibus, quos substitueret, careret, sed quod evidentiissime hoc casu doceretur, sæpissime prudentiam fortitudini junctam evadere in præceptis, quod sola non auderet.

Tum Aurelianensis conjurationis seriem revelat regi, trecentorum nobilium catalogum exhibet; Aurelianensis jubetur aliquamdiu in Sabaudiam secedere, sponte Belgij per-

transus.

PLurimi mortalium seducuntur, qui sequuntur, non imitantur duces, ex amicitia, non commodi ratione. Damnum, quod incursant, non animadvertunt, quin etiam experunt, ne abjecti animi arguantur, aut benevolentia non integra, si magnates in periculo versentur sine ipsis complicibus; quasi vero crimini darentur bona consilia, laudaretur temeritas.

Imperus ille amicitia, aut desiderium vindictae transversos rapit, mentis usum eripit, ut neque salutis, neque turpitudinis habeant rationem. Quid vero stultius, periculosius, & per exandescentiam importunius, quam regi insultare, ex odio in Ministrum concepto, adeo ut popularium salus immoletur alicujus fastidio.

C A P U T IV.

Bullionus reconciliatur regi.

REx cum Cardinale accurrit quantocius, validum trahit exercitum, si forte per principia illa minus actum esset, tametsi Arienam tum caperet; Doncherium recuperat, ubi rem tormentariam ipse disponit, primus explodit: exercitum admovet Sedano, ut Bullionus intelligeret, quam perdit se opponeret principi victorioso. Præsens ista omnia spectavi; discant hinc Reges, quantum referat, ipsos in rem præsentem descendere.

Rex universis copiis designat stationes, scientiam rei militaris demonstrat eximiam, ut pateret, exercitia tot bellorum, & usum tot victoriarum informasse animum. Voluit theatrum funestissimi conflictus calcare, & penitus obire, nimio aestu nihil impeditus, cum sequaces deficerent fere, donec inclinatissimo die recederet, ut liceret animadvertere, illustrem hanc curam nihil arguere victoriam, sed supplicium.

Hoc

Hoc eventu Bullionæus suas ex solo Gallicano retrahit copias, ne aliquod infortunium susciperet, sed ut ostenderet, sese potius amicitiam defuncti secutum, quam obsequium in Regem rupisse, cui primum habebat integram fidem præstare. Rege igitur appropinquante, oblata Imperatoris vægrandia repudiat, ad officij cultum reversus; adeo ut principi legitimo reconciliatus, firmam imperioli possessionem, præter testimonia benevolentiae diversa quæ & Rex & Cardinalis addebant, impetraret.

Politica reminiscencia.

Sapienter dicebant priscei, amicum usque ad aras procedere, ut intelligeremus, propter amicos nihil lædendam esse conscientiam. Si enim, uti Cicero ait, Amicitia sit communio rerum divinarum & humanarum, vinculum pietatis, non iniquitatis, amici fuerit, consilere in medium, sinistram mentem reducere in viam, monere denique & moneri, adeoque ad adminicula ad virtutem exercendam præstare.

Hinc patet iater latrones non posse esse amicitiam, sed conjurationem, quæ lucem fugiat, cum vera amicitia spectari gaudeat. Amicitiam qui ex societate humana tollit, Solem ex mundo tollere videtur, inquit ille: splendet igitur amicitia, & exhilarat sese mutuum, adeoque viciniam.

Cum etiam ea sit fors rerum humanarum, ut nemo facile sibi sapiat, cum plerique foris simus lyncæi, domi cæcutientes; deliberandum est cum amicis, quid facto opus sit, gloriam augeat, & ignominiam cispellat: ubi vero exacerbato ingenio obicitur irritamentorum major materia, ad exitium decurritur.

CAPUT V.

Perpinianum facit deditionem.

Catalauni excusserant jugum Castilianorum, etiam victoria potiti, profligatis oppressoribus, & Galliæ parebant. Rex igitur, ex Cardinalis consilio transit in agrum Russilionensem, ut libertati asserendæ opitularetur, Coliæbram committit Meileræo expugnandam, & Perpinianum, clavem universæ Hispaniæ, invictum hactenus creditum, obsidet.

Præsentia Regis, Schombergij & Meileræi virtus pervincunt, deditionem extorquent, tametsi Hispani molirentur extrema, ad obsidionem disturbandam, adeo ut Haudencurtius ter fuerit captus in conflictu, ter sese illorum manibus extricaverit. Sic redit ad Galliam, quod Castiliani à longo tempore usurpaverant.

Politica reminiscencia.

Plurimum facit ad gloriam principis, si valide præstet patrociniū clientibus spontaneis. Hinc elucet illius justitia, quæ aliena æque ac sua complectitur commoda. Potentiam ostentat Exteris formidandam, qua eadem genuinis & nuperis subditis redditur charus.

Hac etiam via proferuntur limites Imperij cum gloria, ubi populares attrahuntur in obsequium, ex suavi cæterorum quiete. Quotiescunque enim arma corripuntur ad oppressionem, non ad defensionem, pronum est vulgo judicare, violentiam occupasse mentem principis, æquitatem extorere, qui scilicet suum emolumentum, non salutem alienam quærat.

Neque vero per hanc solam occasionem reges Christiani.


stianissimi studium suum exeruere, pro libertate popu-
lorum, quos crudelis premit tyrannis: sic enim Flan-
dri ostendere, quomodo nec sanguini, nec sumtui
parcerent in asserendis vicinis. Sic Duci Nivernio de-
monstrarunt, tranquillitatem propriæ reipublicæ ni-
hil magis sibi esse cordi, quam illam Monferratensem,
& Mantuanam. Ipse Sabaudia Dux agnovit nos non
tanti fecisse Mediolani lucrum, sed Sabaudiam & Pe-
demontium ipsi asseruisse.

Dux Lotharingæ in patriam sese vidit restitutum,
postquam ad officium redijt; perit autem perfidia ge-
minata, secundum tot nostræ ingenuitatis testimonia.
Nihil hic de Lusitania loquor, tametsi Iohannes IV.
occasionem constituendi Regni non invenerit, nisi in
virtute nostra, quæ Philippi Castiliani fregerat fa-
ctum.

Magnus animus nihil parvum audet, hinc munitissi-
ma quæque primo videntur impetenda, ut cætera tra-
hant. Hæc enim reddita, cæteris deditioem mon-
strant, quæ sub istis fere clavibus servantur. Perpinia-
num sane per universam Hispaniam locum parem non
habet, incolis superbit fortissimis, quod a longo tem-
pore audirent invicti, adeo ut Franciscus I. munimen-
tum hoc frustra aggressus, Ludovico Iusto id reliquerit
domandum.

Vis quidem non est adhibita, deditio tamen Galliam
cumulat gloria majori, quod ijs fuerit extorta, qui si-
bi prudentiæ usum summum, Gallis impetum tribu-
unt. In hac enim occasione didicere, nobis plus esse
constantia, quam ipsis fortitudinis, qui reipublicæ de-
cus illud propugnaculum vacorditer destituerint.

Vasamenta sane, ad circumveniendum
Regem ipsis æque fuere in
utilia.



CAPUT VI.

Lambojus vincitur & capitur.

Comes Guebrianus ad copias Vinarienses abierat cum supplemento: descenderat moles belli in agrum Coloniensem: conjunguntur Galli, Vinarienses & Hassi, invadunt Lambojum, insignem reportant victoriam & prædam, Duces complures faciunt captivos, ipsumque Imperatorem Lambojum, qui Parisios deductus, non tantum admirationis meruit, quod novum non esset, summos duces hic lucre temeritatem invasæ Galliae.

Mothanus Maudencurtius apud Catalaunos rem strenue gerit, Marchionem Pouariae cædit, & cum majori parte Nobilitatis captivum trahit. Hic Cardinalis consulit, ut Marechalci insigne utrique, virtutis ergo, offerretur; quod Rex, pro imitatione negligere non voluit.

Politica reminiscencia.

Quicumque princeps à suis expectat operam, pretium addet superiori, ut subinde novam invitet. Mens generosa ob honorem maxime agit, rarius ex commodo: ubi animadvertere licet, operam principi non ingratam, intenduntur nervi ad potiora.

Dispiendum tamen, ne munia graviora committantur ineptis, sed industrijs. Sic enim ipsi deulcentur, & cæteri invitantur ad consortium commodi, tametsi gloriae nullahabere ratio. Ubi enim quivis obvius evchitur, clauditur atrium virtuti, quod indignioribus patet. Gnavi inde ab exercitu recedunt, postquam suis meritis honores negari vident, & magnæ occasione rei benegerendæ prætervolant, ignavis ad signa tantum remanentibus.

CAPUT VII.

Bresæus vincit Hispanos classe.

MArchio Bresæus, Imperator classis, cum Hispanis confligit ad Barcelloham, eos profligatos. persequitur, usque ad portum Majoriæ, unde rebus nostratis summa accessit stabilitas. Miraculi vicem præstant in Heroë adeo juvene virtus & prudentia, adeo videri possit victoriarum sumere exordium, ubi cæteris ducitur finis.

Hæc demum sunt effecta institutionis, quam Cardinalis accuratissimam applicuerat: hæ sunt primitiæ messis uberioris, quas spes meriti, & summa notitia navigationis, adeoque omnium rerum marinarum, protrusit hoc vere ætatis luxuriantis.

Politica reminiscencia.

Vbi onus aliquod imponitur viro industrio, legendi sunt industrij, & periti rerum, qui ipsum ducant. Præstat enim summis honoribus caruisse, quam ad ignominiam per illos descendere. Hinc nunquam satis laudari poterit eximia Regis prudentia, in legendis subditis, quos oneribus sufficiat; Huic industriæ debet successum rerum secundarum.

Marchio iste nunquam non prodiderat testimonia prudentiæ & virtutis: fretum Africanum si humanitus loqueretur, encomium perhiberet fortitudini, quâ classem Hispanorum devicit, summo Imperatore etiam occiso; laudibus efferret misericordiam, quæ fervente victoria Hispanis salutem obtulit, dum incendium vitaturi, naufragio perire, & undis absorberi vellent.

Nihil igitur mirandum, si Ludovicus Iustus, ut rependeret Marchioni officia illa illustria, munus denuo produxit, quod nuper aboleverat, thalassiarchæ, ut eximia virtus eximios ferret honores.

CA-

CAPUT VIII.

Novæ trica ventilantur.

Obsidione Perpiniani operosè procedente, æmuli quidam Cardinalis, captata occasione morbi, quæ nimis sollicitudines, reipublicæ bono impensæ contraxerant, exitium vel sibi, vel Regno quærebant. Ingratitudini addunt perfidiam, & utrique vitio imprudentiam, ut ope Hispani Galliam denuo turbarent : Deus tamen dedit, ut machinationes illæ patefcerent, Rege coacto eos justitiæ rigori permittere, qui regia abusi benevolentia, tumultuare incipiebant, Sanmarcius & Thuanus.

Cardinalis Interea secedit Tarasconem, ut Regi testatum faceret, sese per ambitionem non adharere aulæ, sed ex desiderio profectendorum limitum, & gloriæ acquirendæ. Rex ingenuitatem mentis intelligit, & consiliorum utilitatem advertit, unde misit, qui de restaurata valetudine gratularentur, & ægritudine, quæ ex secessu tam diuturno concepisset.

Politica reminiscencia.

Vbi princeps vacat rei arduæ alicui, non turbanda fuerint consilia, ne optime cogitata in fumum abeant, postquam causæ, quæ institutum disposuere, in executionem non possunt prodire. Quomodo enim foris procedet opus, si domi impediamur, dissidio vires acquirente, per summam concordie inopiam.

Summi vero ministri reipublicæ non debent incurfari, quando per absentiam videntur indefensi : quicumque enim personam illorum invadit, principem ipsum aggreditur, qui ejus opera tam utiliter

liter utitur. Cum Maximus constituit palam sumere vindictam de Imperatore Valentiniano, nullam aliam viam tenuit, nisi ut Imperatori persuaderet Aëtij exitium, qui tamen per Gallias insignem præstiterat operam.

Hinc Imperator, cum ex nobili quodam Romano quæreret, quid ipsi de hoc instituto videretur periculosissimo, hoc responsum tulit, sic dextram amputari à sinistra. Ubi enim Imperij moles evertenda est, convelluntur fulcra. Magnates quidem aliquando commoventur in ministros, sed nunquam licebit illis clam aut palam agere cum hostibus reipublicæ, eo quod consilia aliquamdiu occulta, aut eatenus impunita, tandem severe vindicentur.

Ipsissimi illi, qui eorum utebantur opera, ad restituendas per imposturam res collapsas, ubi suis aperta defecit, valde amant prodiciones, sed à proditoribus abhorrent. Verissimum enim est, eum, qui adversus patriam conspirat, nullis unquam partibus aptum fieri; cum vœcordiæ sit summæ, ob lucellum aut voluptatulam vindictæ, vendere principem & rempublicam, majori ad Exteros commodo, qui nostris dispendijs impense student.

Perfidia denique magnorum per rempublicam est malorum causa, majora tamen sequacibus infligit. Deus, creator Regum & institutor, opus suum tutatur; quemadmodum enim potentiam ipsis contulit summam, ut imaginem suæ omnipotentiae exhiberet, ita nihil ipsos latere vult, ut imaginem simul ferant sapientiæ infinitæ.

Principum benevolentia, cum sit gratuita & fortuita, eo majorem requirit gratitudinem. Hinc videas eos facile dimittere, si qui ex clientibus aut intimis irritaverit malevolentiam per ingritudinem aut temeritatem, aut infidelitatem, aut denique tricipiti hoc cerbero atratus. Sapiens ille non sine summa ratione profatur, Vulnera ab hoste professo minus nocere, quam oscula fucati amici.


Princeps vehementius irritatur per creaturæ suæ per-

perfidiam, quam si à quovis alio prodatur. Vult enim memoriam suorum beneficiorum esse tenaciorem, quanto plerunque minus meriti præcessit, Cumque infinita pene sit distantia inter regiam maiestatem, & subditi obsequium, licet amicitia nonnihil æqualitatis videatur inferre, si qua sit; videas aliquando, Reges odisse ex autoritate suprema, quos amaverant in censu mortali-um.

Ubi vero crimina coaruantur, sterilesciente virtutum agro, rigorem vindictæ in suavissima etiam objecta gaudij exercent. Sic vidit Sol complures magnatum intimos, post perditam autoritatem, etiam truncari capite. Hinc per oppositionem contrariorum licebit arguere, si qui minister omnem huius lucis usuram impendat gloriæ principis, principem etiam summam ipsius conservandi suscepturum curam.

Officium quidem eum satis adstringit ad commoda principis, etiam præter vincula benevolentia; certum nihilominus, fidelem subditum infinite gaudere, quando animadvertit, suam personam Regi æque esse gratam ac momenta actionum. Hinc morbi, per studium inferiendi contracti, mitigantur, ex representato tanto objecto; hinc morti sese lubenter objiceret, quam aut evitare, aut differre posset, ex compendio laborum, modo principi acquirat immortalitatem dispendio suæ vitæ.

Quamvis autem malitia æmulatorum non raro apud principis animum suggillaverit fidissimorum subditorum actiones; non credunt illi tamen, sese suspicionibus involutos esse, gnari, utique, iustitiam semper deferre triumphum veritati, adversus mendacium, cum istorum studium æque pateat oculis, uti perfidia cæterorum non diu latere potest, quin in lucem protrahatur.



CONTINUATÆ HISTORIÆ
DE MINISTERIO CARDI-
NALIS RICHELII.

ANNO MDCXLII.

LIBER XIX.

CAPUT I.

Regina mater moritur.

Regina mater Bruxellas deserit, in Angliam transit, inde in Germaniam abit, quemadmodum turbulenti illius comites nullibi quiescendi inveniebant locum. Ultimum diem vitæ tandem claudit Colonia Agrippinæ ingenti cum dolore Regis filij, quod perversi ipsius consiliarij tranquillâ in regno vitâ non tolerarent.

Inaudivit obitum Cardinalis, cum jam meliuscule inciperet habere; & malum duplicato impetu recurrere sentit, ex tristissimo obitu tantæ faminae, dominæ suæ clementissimæ. Quamvis autem affectum corpus vix liceret permittere aeri liberiori, emortualia tamen ipsi fecit solennia Tarasconi, præsens ad sacra.

Testatum sic faciebat, ex sensu intimo mæroris, quamvis infeliciori natus sidere inciderit in illius indignationem præter culpam meritumque; in votis tamen semper habuisse summis, etiam ante ultimum excessum subire oculos, & demonstrare, quanto plus studiij & cultus sibi esset, præ intimorum in se similitate & odio.

Kkkk

Poli-

Politica reminiscencia.

SI princeps summo loco nata circa sese foveat familiares, qui fastidium aliquod identidem refricent, nunquam obliterent, tranquillitatem animi, etiam anxie quæsitam, non inveniet. Respublica quam ortu suo illustravit, displicet, postquam ex ea exivit, nunquam reversura: quam administravit, non explet libidinem, postquam princeps hæres Imperium summum arripuit, & ipsa administrationem abdicavit: apud Exteros, ubi asylum quærit, incommoda adfert & patitur.

Malunt principes unam alere aulam, eamque numerosam & splendidam, quam duas mediocres, quarum altera sit oneri, & exiguæ curæ. Magnates nemini cedere amant, & vidua magni alicujus Regis vult, ut sibi cedant omnia. Quamvis etiam ordines universi cuperent dominam ferre, non tamen tolerabunt illius ministros, qui consilia perniciose suggerunt, & turbas domi excitant ad exitium vicinorum.

Hostes principis apprimè gaudent fovere dissidia familiæ regię, quousque compendium emicat; ubi vero inceperint fieri aut inutilia, aut danosa, negligunt eos, quos modo triumphabundos susceperant. Sic enim sua commoda habent ante aliorum sensa.

Licet etiam minister excussus sit benevolentia Domini, nullo suo merito aut vitio, non tamen desinet cultum ipsi reddere, semper memor conditionis suæ, & illius, cum subditorum censu valeat, & illa domini audiat mater. Discrimen ille constituet justum inter majestatem matronarum ingenuarum, & malitiam familiarium, qui eas consecrantur in perniciem prolapsas, modo compendium inveniant in reipublicæ naufragio.

Ira summatarum personarum æque est veneranda, ac clementia. Qui se culpæ vacuum novit, sentiat nihilominus sinistram sortem, qua imprudens offendit & displi-

displacet. Oportet perinde Ministrum excusationibus vacare præter necessitatem, ne possit argui cuiuscunque neglectus. Fastidia utrique obstant reconciliationi, cum concordia summa opus foret; ille igitur inconcussam præstabit fidelitatem.

CAPUT II.

Torstensohnus vincit Cæsareanos.

Nihil intermittebat Cardinalis curam, de fæderatis istius Coronæ susceptam, nullo penso gravissimæ valetudinis. Torstensohnus, caput militiæ Sueciæ, Bannerij successor, factionem per Germaniam pene extinctam restituit, memorabili victoria adversus Archiducem Leopoldum & Piccolominæum, duces Cæsareanorum, parata.

Noratu dignum venit, collatis signis pugnatum fuisse ad Lipsiam, eodem pene loco, ubi Gustavus Adolphus, Rex Sueciæ, Tillium superaverat, quasi princeps victor vestigia moriens designasset, ad futurum triumphum.

Politica reminiscentiâ.

Vbi princeps fædus pepigit alicujus momenti, ministrorum est, omnem curam applicare illi servando: hinc autoritas reipublicæ, & fiducia exteris acquiritur. Facilius firmantur pacta, quam servantur. Fædera inprimis ea, quæ contrahuntur ad distrahendum hostem, alioqui nociturum, tanto accuratius debent servari, quod ille domi occupatus, nos vellicare desinet.

Cum Austriaci, ut verum fateamur, Germaniæ viribus duntaxat valeant, non admodum auro Castilianorum potentes; nulla commodiore ratione labefactari, & ab universali monarchia distineri, ne & Galliam opprimant, possunt, nisi ut potens adversarius eos in ipsa Germania occupet.

Hæc industria suasit, quatinvis alia gravissima urgerent, ut bellum semper apud vicinos faceremus,

adeo ut in nos armati, seipsos impeterent. Philippus II. Rex Hispaniæ, aiebat, clapsam sibi esse Galliam, postquam Reges nostrates eo redegit, ut geminam tollerent factionem, & totidem pene Reuteros aut Castilianos cernerent, ac subditos genuinos: sperabat enim deglutiendum esse Regnum, in suum ipsius exitium o-
perosum.

Hoc tamen licebit nobis profari, nisi Gallia plûris esset, quam universa mundi Imperia, proclive esse Regi ab hostibus rapere diadema, quod nobis eripuerunt: postquam factiones numerum provinciarum æquant, & Sueci suum Regem perdiderunt in provincia aliena, ut illius possessionem adirent ex more prisco, collapsi in terram.

Hostis nunquam est contemnendus, tametsi imbecillis, cum victoriam per virtutem semper liceat adipisci. Sunt qui numerum exercituum ex proposito imminuant, omnia sibi subjecturi, cum maxime crederentur victi. Qui enim minus fidunt numero copiarum, virtutem accuratius spectant, id agentes, ut singuli complures valeant. Si Gallassius persecutus fuisset Suecos fervide, Piccolominæus non opus habuisset fuga sese eripere; cum autem existimaret, populum illum peregrinum sponte delapsurum, vidit & doluit, universos suos peregrinos ab iisdem profligari.

Cardinalis rationem prorsus adversam tenuit, ubi tollerare non potuit, hostem ullum in Gallia, quin eum continuo ejiceret. Quomodo vero factiones exoticas in Gallia tulisset, cum divisiones domesticas suffocaverit. Ipsius ergo consilia & illustres actiones ostendere universæ Europæ, id demum principi convenire summo, ut omnibus omnino provinciis suis imperitet æquabiliter, cum hoste nihil partiatur.

Quicunque enim divisionibus semper exercentur civilibus, minus vere diadema gestant, cum nunquam non disceptare cogantur de summa rerum & fundo territorij. Mihi sane possidere non videtur proprium
quod ad quemvis conatum queat

cripi.

CA-

CAPUT III.

Cardinalis moritur, rex marec.

POSTquam Cardinalis rediisset ad Parisios, & per Regis negotia curam valetudinis oblivisceretur, periculofam patitur recidivam, animam leniter reddit in lecto, Gallix æternum sui desiderium relinquens; quæ profecto tantæ jacturæ solatium non invenisset, nisi perpenderet, genium adeo divinum potius Cælo, quam terris deberi.

Rex cum Regina ad ipsum invisit, per curriculum morbi, adeo ut fere inter manus regias expiraverit, cujus commodis, secundum cultum Dei, omnem devoverat vitam. Quod Rex tanti ministri merita agnosceret, à lacrymis nec temperare potuit; per eam occasionem testatus, benevolentiam suam respondere rebus vel gestis, vel consultis ad reipublicæ gloriam.

Politica reminiscencia.

SUMMæ difficultatis est, Ministrum in apice fortunæ commori, non solum ex aularum natura, quæ cælum & præcipitium simul præbent; sed etiam ob principum inconstantiam, qui plerunque destituunt, quos altius extulerunt; vel per dissidentiam, vel per fastidium, ut hos destruant, illos de novo creent.

Sic vidimus intimos exponi odio populi & furori, nonnullos etiam ab ipsis principibus traditos, ut sic exonerarent in ipsos invidiam violentis consilijs attractam. Meminimus, Reges punivisse, antecessoribus admatos, castigatis nimis splendidis officiis, ad modum criminum, adversus rempublicam admissorum.

Quibus lapsus obtigit benignior, ab aula abstinere sunt iussi, postquam potentiam in illa pene absolutam exercuissent quamvis autem videri possint humanius sic haberi, certum tamen manet, animum rebus arduis assuetum otium necessarium impatientius ferre, cum ipsa quies, eo quod imperetur, displiceat.

Aufertur aliquando ministerium, vel quod minus capaces videantur à principio, vel quod abutantur cum tempore, vel quod tandem rerum agendarum mole opprimantur, & oneri reddantur impares, aut Regibus non semper eadem consilia placeant, adeo ut nuper gratissima, nunc repudientur cum nausea. Hinc rebus suis optime consultum putant, si per aulam aliqua instituatut mutatio.

C A P U T IV.

Cardinalis moritur beatus.

Hic demum minister, de quo nobis omnis impletur pagina, huius vitæ usuram reddidit in benevolentia principis: hic demum cursum vitæ finivit in summa dignitate, eo quod cæteros omnes antecelleret felicitate, industria & fide, adeo ut summa, quæ huic reipublicæ conciliavit commoda, ipsi exposcerent eminentissima quæque munia.

Colebat denique principem, qui cum amabat tene-rius, & non sine causa, quod prudentiâ admiranda pol-leret, ad dignoscenda subditorum merita: cui adjunxe-rat fortitudinem immensam, ad rependendum studium & favorem. Princeps enim semper sibi constans, muta-tione non delectatur in rebus arduis reipublicæ transigendis, quamprimum infallibi-lem invenit fiduciam, & in-tegram fidem,

Politica reminiscencia.

Quamvis eximij viri digni habeantur immortalitate, cum vulgo tamen vivere desinunt. Videas, eos frequentius perire, quam plebem, sive ob pericula graviora, quibus à fortuna objiciuntur, sive invidia vehementius laboret in eis destruendis, sive denique mens exhauriat vires corporis per conatus eximios : quicquid sit, coguntur necessitati cedere, postquam cæteris rebus omnibus resistere, & hic deficere.

CAPUT V.

Obitus & ætas Cardinalis.

Cardinalis exiit mortalitatem quarto Decembris die, feriâ quinta, hoc anno quadriagesimo secundo supra millesimum sexcentesium, à meridie, ante horam primam, annum ætatis agens quinquagesimum octavum : quod sane curriculum vitæ valde angustum est, si rerum gestarum respicias molem, & quæ etiam in manibus versabat.

Nemo nostrum posset solatium ullum admittere, post amissum tantum ministrum, & perditum consilium adeo potens, nisi eo gauderemus rege, qui revera sibi solus sufficit ad bene gubernandum.

Cæterum, & omnia sacramenta Ecclesiæ, antequam defungeretur, suscepit; ut sic moriens doceret, eximios reipublicæ ministros optime nosse conjungere jus divinum cum humano & regio, adeoque Ecclesiæ cultum & reipublicæ curam reddere. Quies denique illa, per quam reddidit spiritum, satis demonstrabat, quod crederet exilio defungi, & patriam petere, adeo ut bona conscientia, cum

fortitudine invicta nihil metuat terribilium terribilissimum.


Possset addi cum gaudio immenso cum excessisse vivis ; quod principi suo vixerit , principi suo mortuus sit , etiam proximum habuerit principem. Quamvis autem modestia cæteras animi dotes æquaverit, facile tamen intelligebat, nomen suum non penitissime abolitum iri, nisi universus interiret mundus : quin imo dicemus , egregia quæque facinoræ æternitati consecrari, mundum autem perire.

Politica reminiscencia.

PLurima sunt adminicula pietatis & exercitia: Verbum dicitur verum animæ pabulum, quo ipsa nutriatur in spem vitæ æternæ. Sacramenta sunt signa, quæ in oculos quidem incurrunt , sed gratiam invisibilem præstant credenti. Hisce gradibus adscenditur ad cælos.

Falluntur, qui emaculationem conscientiæ ad finem vitæ rejiciunt, cum nesciant, an ejus usus & copia fiat. Nam vir vere Christianus moritur quotidie , non tam per deliquium virium, quæ effluunt insensibiliter, sed per creberrimam meditationem & mortificationem peccati in carne corrupta, adeo ut mortis facies jam sit familiari-

ter nota, & nulum horrorem incutiat.



CAPUT VI.

*Cardinalis tumultatur : ei succedit Ma-
zarinus.*

COrpus Cardinalis exanime componitur in lectum bene adornatum ad mærorem, visitatur à multitudine immensa populi, qui vel sic testabatur, quanti fecisset vivum, quem etiam à morte veneretur. Solenniter dehinc portatur ex Palatio Cardinalitio in Collegium Sorbonnæ, ubi vivus sibi tumultum struxerat ; quasi tantus genius sepeliri non sustinuisset, nisi in æde scientiæ.

Cum autem Rex memoriam illius æque amaret, uti personam, omnibus propinquis promisit patrociniū, deq; sua benevolentia eos voluit esse certiores. Sic etiā statuit eadem consilia promoveri, quæ tantus minister in regium commodum disposuisset, in senatu reliquit, quoscunque Cardinalis introduxisset, & inprimis Eminentissimum Cardinalem Mazarinum, dignum collegam & successorem tanti viri : de quo vere dicitur, eundem genium, pari dignitati accessisse. Natales enim, actiones, & officia, cum purpura conjuncta, cum summis mundi munijs efficiunt dignum.

Politica reminiscencia.

HEroës non tantum honorandi sunt per istanc vitam, sed etiam post excessum ex vivis : studium enim, quod memoriæ illorum datur, cæteros invitat ad similia & parem gloriam. Videas, populo exosos tum demum amari : quemadmodum enim plebes nihil expendit præsentia incommoda, agnoscit tandem merita laudatorum virorum, & dolet iacturam reipublicæ. Quis denique adeo hebesceffet, & naturæ degener alumnus,

Kkkk s

nus,

nus, ut nollet amare, qui patriæ amoris se totum immolavit, pervigil usque ad quietem reipublicæ securam.

Adde istis, invidiam, rerum egregiarum gangrænam familiarem, sublatis personis evanescere, ubi iudicio licet admirari, quod obstinatio contemserat, aut temere suggillaverat. Sic purpura detrahitur heroi contumulando, sed ut eum clarius oculis inferat; neque enim bona nostra, quæ possidemus, pro dignitate æstimamus, nisi iisdem privati.

Oportet sane Naturam per aliquot secula laborare, si instituat producere virum eximium: neque etiam Phœnix Galliæ renascitur quotidie, nisi per recordationem, & vitam sequacium. Ut ut redire in vitam nequeat, totus utique non moritur. Quæcunque enim historiæ gloriam Regis narrabunt, laudem ministri sonabunt, ut omnes omnino libri sint interituri, si nomen Richelij excidat ex mortalium memoria.

Dicam etiam, Rupellam, Montalbanum, Casalam, Pinierolam, Nancejum, Turinum, Brisacum, Atrebatum, Perpinianum, Sedanum & Tortonam depingere virtutem hujus ministri, quæ penicillo ad posteros transmittatur loquaci.

Si princeps summum ministrum fato communi perdat, non utique mutabit sua consilia, suis rebus commoda, nec benevolentiam recusabit ipsius familiaribus: raro enim ab uno ad alterum transitur extremum, sine medio periculoso. Sic igitur constant munia inter præsentem, ubi meritorum præteritorum habetur ratio.

Possent enim hostes credere, meliora consilia evanuisse, cum vita ministri, & rempublicam turbare intus, etiam fœdera cum Exteris inita frangere, & operose acquisita eripere. Ut igitur institutum promoveatur, in Senatu retineat oportet principaliora instrumenta, qui dignitatibus fulgeant ad authoritatē conciliandam validis, ijs etiam dotibus excellent, quæ quosvis honores & munia mercantur.

Quis vero hîc non animadvertat sapientiam Ludovici Justi, quæ semper respondet ipsius virtuti? facite-
nim

nam Richelium superstitem in Mazarino illustrissimo,
cæterisque personis ab eodem ministro adamatis & cul-
tis. Hostis igitur metuat manes defuncti, & genium, fa-
teaturque, Gallia esse consilium æternum re-
ctius, quam Hispania sibi illud
arrogavit.

*Finis historia de ministerio Car-
dinalis Richelij.*






HISTORIA DE MINISTE- RIO CARDINALIS RICHELII.

LIBER I.

*Summa capitum, quibus singulis est adjuncta
Politica reminiscencia.*

1 6 2 4.

1.  Aus regis Gallia: quis ad Ministerium
reipublicæ adsciscendus. p.1.
Cardinalis in partem curarum as-
sumitur. 3
2. Matrimonium inter regem Angliæ
& Henriettam Mariam, Virginem
Galliæ principem, sancitur. 4
- Matrimonia principū utilia, in prophanis & sacris. 9.
3. Articuli matrimoniales inter regem Magnæ Britaniæ,
& Henriettam Mariā, principē Virginem Galliæ. 12.
- Fæminæ convertunt maritos. 13
4. Aliæ leges matrimoniales, familiam novæ nuptæ
specialius spectantes. 13
- Rex Galliæ elocat Virgines principes. 13
5. Matrimonia ex consuetudine permittuntur. 14
6. Pater Berulus legatur ad Pontificem, ad impetrandum
dispensationem matrimonialem. 16
- Opinionem prudentissimi aucupantur. 18
7. Villoclericus ad regem Angliæ extra ordinem lega-
tur. 20
- Fides data est sincere servanda. 21
8. Fædus inter regem & Hollandos renovatur. 22

Fæd-

Et observationum politicarum

- Fœdera reipublicæ inprimis necessaria. 24
9. Ornanus tribunus militaris, in Bastiliæ carcerem, &
inde in Castellum Caormi compingitur. 24
10. Ornanus ex tribuno evadit Mareschalcus Galliæ. 26
Majestas nec sanguinem suum respicit. 27
11. Marchio Veterivillanus ad fanum Germani custodiæ
mancipatur, in Castellum Ambosianum sepone-
endus. 28
- Principia dominandi sint lenia, non aspera. 30
12. Champinnius & Mariliacus fisco præficiuntur.
31.
- Non nimium esse diffidendum. 33
13. Haligrius sigilli custos, ab obitu Silierij, fit primicerius. 34
Non semper aptissimos posse adhiberi muneribus
35.
14. Fiscus administratio excutitur. 36
Peculatus semper punitus. 38
15. Turbæ per Vallem Telinam. 39
Virtus unita fortior. 41
16. Bethunius mittitur Romam Orator, revocato Silierio. 42
Orator sit prudenter importunus. 43
17. Marchio Cæurius ad pagos Helvetiorum legatur, ob
Rhætiae turbas. 45
Aliud respublica, aliud princeps spectat in magnis rebus. 46
18. Fædus inter Regem, Sabaudum & Venetos coit, de
Valle Telina restituenda. 47
Quomodo fœdera sint contrahenda utiliter. 49
19. Cæurius ducit exercitum ad munimenta Vallis Telinæ occupanda. 50
Quid in expeditione quavis sit observandum. 52
20. Religionarij, Duce Subisio, classem adornant, &
Blabiae portum occupant. 54
Vigilantiam gubernatori perquam necessariam esse.
55.

HISTORIA DE MINISTERIO
CARDINALIS RICHELII

LIBER II.

1625.

Summa Capitum.

1. **L**aus Cardinalis Richelij. 56
Summi Ministri officium. 57
2. Deliberat Rex cum Cardinale de bono publico. 58.
Pacis studium, ut reipublicæ damnosum. 60
3. Cæsius de novo jubetur exorsam telam in Valle Telina armis persequi. 61
Consilium præstat robore. 63
4. Pontifex Cardinali Valettano, adeoque Berhunio testatur, quam ægre ferat, munimenta suæ fidei commissa, per Vallem Telinam tentari 64
Depositum sancte reddendum esse. 65
5. Pontifex ad regem legat Bernardinum Naryum, qui ægritudinem testaretur de Ceurij progressu per Vallem Telinam. 67
Quomodo legati habendi sint. 68
6. Hispanus fæderi superiori fædus opponit cum principibus Italiæ initum. 69
Europam in duas factiones dividi. 69
7. Hispanus diffamat fædus Galliæ cum Sabaudis & Venetis. 70
Religio, efficax prætextus injustitiæ. 72
8. Collusio Hispanorum cum Religionarijs. 73
Non licet rebellare regi. 74
9. Rex aggreditur Genuensium rempublicam, ob graviores causas. 76
Fædera quæ in bellis externis spectanda. 77
10. Pontifex mittit Cardinalem Barberinum cum auctoritate legati, pacem conciliatum inter Reges Galliæ

Et observationum politicarum

liæ & Hispaniæ.	78
Pontifices quales sint arbitri pacis.	80
11. Berulus Pontificem adit, ob dispensationem matrimonij inter Henriettam Mariam, Galliæ Virginem, & principem Walliæ contracti.	81
Legatus nihil præter mandata agat.	83
12. Quæ dispensationem matrimonij cum Angliæ contracti impederint.	83
Dandum esse aliquid necessitati.	85
13. Moritur Rex Magnæ Britanniæ, perficitur matrimonium inter principem Walliæ filium, & Henriettam Mariam Galliæ virginem.	86
14. Dux Bukinkamiæ à Rege Magnæ Britanniæ in Galliam legatur, ut Reginam conjugem deduceret.	87.
Reges debent esse sumtuosi.	88
15. Collusio legatorum Angliæ cum Matronis quibusdam aulæ Cardinali innotescit.	89
Fæminæ cur turbis studeant.	89
16. Bellum per agrum Genuensem.	90
Audentes fortuna iuvat.	92
17. Quæ Galli porro per Italiam egerint.	93
Fædera principum facile solvuntur.	95
18. Religionarij, instigatore Hispano, potenter in Regem insurgunt.	96
Summum virum decet summa vigilantia.	97
19. Rohanij aulæ per Languedociam : sententia Parlamenti Tholosani adversus ipsum.	98
Regi frustra refragantur subditi.	100
20. Calamitas circa Môtalbanu ab Espernôio infertur. rex Populatio agrorum cogit ad obedientiam.	101
21. Momorantius vincit Religionarios.	102
Rebellio semper infelix.	104
22. Barberinus, sedis Apostolicæ legatus, ob Vallis Te- linæ incommoda, in Galliam venit.	105
23. Barberinus subito ex aula Galliæ discedit.	108
Pontificia potestas ut à regia differat.	109
24. Rex proceres regni convocat, super legatione Barberini.	110
Consilium semper capiendum à proceribus.	113
	25.

Summaria Capitulum

25. Vallis Telinæ incolæ volunt Pontifici subijci.
114.
Qualis debeat esse Zelus sacrorum. 115
26. Hollandi mittunt, qui regem ad fædus mutuum inducant.
116
Bella prudentissime esse sumenda. 118
27. Religionarij afflictī, clementiam Regis inclamant.
119.
Occasio opprimendarum factionum spectanda
121.
28. Viniolius supplementum sex millium deducit in Italianam.
122
Ambitio punitur cælitus. 123
29. Supplementum submittitur Cæurio in Vallem Telinam.
124
Audaciam prudentia esse regendam. 125
30. Rohanius excusat, quod leges factioni suæ perscriptas accipere nequeat.
126
Immutatam Regis auctoritatem profuisse Religionarijs.
127
31. Cardinalis laborat, ut regi matrem, fratrem, & agnatos reconciliet.
130
Concordia opus est per familiam regiam. 132
32. Blainvillanus extra ordinem legatur in Angliam.
134.
Matrimonia principum raro pacem ferunt. 135
33. Cura Cardinalis circa fiscum.
135
Ærarium ante bellum susceptum instruatur.
136.
34. Libelli quidam infames, ab Hispanorum ambitione orti, in Conventu Cleri damnantur.
137
Ecclesiastici tenentur contribuere ad bellum.
138.
35. Lotharingia ex Testamento Ducis Henrici turbatur.
139.
Mares quot modis fæminis superiores. 145

HISTORIA DE MINISTERIO
CARDINALIS RICHELII

LIBER III.

1626.

*Summa capitum quibus singulis est adjuncta
politica reminiscencia.*

1. **S** Abaudus continuat bellum contra Hispanos 147
Pax optima rerum. 148
2. Pastorum Monfoniõrum finis 149
Ad finem obtinendum formam non adeo spectandam
esse 152
3. Pontifex summe lætatur ob pacem inter reges. 153
Et orator & Pontifex sæpe diversarum sunt partium.
153
4. Bulionius ad Sabaudum legatur ad pacta persuadenda.
155
Medij principes pessimo sunt loco. 156
5. Castelnovanus in eundem finem legatur Venetias. 158
Infirmiores malè habentur à potentissimis. 160
6. Quomodo de munimentis solo æquandis convenerit.
161
Cur Pontifex colendus. 163
7. Leges pacis Rupellanis datæ. 164
Non omnia severe esse vindicanda. 165
8. Edictum duellis coercendis. 166
Vindictam non esse exercendam. 167
9. Damnatur libellus Sanctarelli Iesuitæ. 168
Pontifex non potest exauctorare reges. 169
10. Subtilis modus Saxones inferiores adversus Austriacos
fæderandi. 171
Quomodo bellum sit suadendum. 173
11. Conspiratio quorundam Aulicorum in regem & rempb.
174
De silentio servando. 176
12. Ornamus Marechalculus attinetur ad Fontem delitiarum
deducendus in sylvam Vincennarum. 177
Dissimulatione opus esse in conpiratione. 179
13. Car-

Summaria Capitulum

- | | |
|--|-----|
| 13. Cardinalis à rege petit dimissionem. | 179 |
| Moderatio superat invidiam. | 181 |
| 14. Vindonicensis, cum summo Priore, fratre, Blasie attinetur. | 182 |
| Quomodo fides sit servanda. | 185 |
| 15. Rex Ordines cogit Nannetum. | 186 |
| Quatenus Principum matrimonia sint libera. | 189 |
| 16. Chalæsius incarceratur. | 190 |
| Amores & ambitionem vitandos. | 191 |
| 17. Conspiratio Chalæsi à judicio Nannetensi punitur. | 192 |
| Princeps non debet semper esse clemens. | 193 |
| 18. Sententia mortis fertur in Chalæsium. | 194 |
| Non rigide in conspirationis socios procedendum. | 196 |
| 19. Turbæ à domesticis reginæ excitantur in aula Angliæ. | 197 |
| Peregrini cur plerunque exosi. | 198 |
| 20. Bassompetrus in Angliam legatur. | 199 |
| Jusjurandum nunquam esse violandum. | 201 |
| 21. Commercia maritima constituuntur. | 201 |
| Commercia esse necessaria. | 203 |
| 22. Cardinalis constituitur summus Magister commerciorum. | 204 |
| Tituli ambitioni accurate vitandi. | 205 |
| 23. Proceres coguntur Lutetiam, ad regni turbas coercendas. | 206 |
| Consilio Procerum esse utendum. | 209 |
| 24. Baradas ab Aula removetur. | 210 |
| Fortunæ non esse fidendum, ob benevolentiam principis. | 211 |
| 25. Diffidium Veroduni inter Episcopum, & præfectos oppidi. | 212 |
| Quousque valeat anathema in ministros Regios. | 214 |

HISTORIA DE MINISTERIO CARDINALIS RICHELII.

LIBER IV.

1627.

Summa Capitulum, quibus singulis est adjuncta politica reminiscencia.

1. **R**upellanorum tumultus insolentes.

215
Demo-

Et observationum politicarum.

Democratia in commoda.	217
2. Ambitus Rohanij per Languedociam.	219
Bellum non temere suscipiendum.	221
3. Rex Cardinalis consilio instigatus, Rupellam obsiden-	
dam censet.	222
Bellum cautissime sumendum.	225
4. Lotharingus regem adit Lutetia, ut conqueratur de præ-	
fectis Verodunensibus; etiam homagium de Du-	
catu Barrensi præstet.	226
Mutatio legum cavenda.	229
5. Moritur Aurelianensis, cnixa filiam.	230
Incerta esse omnia summa.	231
6. Duellum Pralini & Butevillani severe punitur.	232
Duella cut detestanda.	234
7. Artes Angli, & principum vicinorum, ad regem à Ru-	
pellanis divertendum.	235
Iustitia valeat in factionibus suscitandis.	236
8. Amulorum conatus ob Rupellam.	237
Authores bellorum raro felices.	239
9. Turbulenti quidam Basilie mandantur.	241
Qui turbulentorum nocentissimi.	242
10. Litigium inter Elpernonium, & Parlamentum Burde-	
galense, per Cardinalis sapientiam componitur.	243
Litigia an, & quantum conducant.	244
11. Rex Lutetia ad Rupellam properans, ipso die di-	
scensus Villaregiae decumbit.	245
Quanta negotia incumbant summo Ministro.	247
12. Classis Angliae ad Reæ insulam accedit.	248
Angustiae difficulter defensantur.	250
13. Obsidio Rupellae è longinquo.	251
Prudentiae summa laus.	253
14. Bukinkamus citadellam munimenti Sanmartiniani ag-	
greditur.	254
Quae ad obsidionem sustinendam requirantur.	256
15. Extrema patiuntur obsessi in insula.	257
Rationes diversae ad nuncianda necessaria ex obsidione.	
258	
16. Insula Reæ accipit auxilia.	261
Quomodo auxilia maritima perducenda.	263
17. Aurelianensis accedit exercitum, redit Lutetiam.	264

Summaria Capitulum

Imperium non admittit conforem.	266
18. Rex sanitati restitutus, ad Rupellâ properat, ut sua præ- sentia Anglos ex Reæ insulâ deiciat.	267
Deus constituit, & servat imperia.	268
19. Auxilia denuð obsessis in Reâ submissa,	269
Aggressoribus omnia sunt facilia.	271
20. Angli frustra incurfant munimentum.	272
Quæ sit ratio tuendi munimenti.	274
21. Angli victi exiguntur ex insula Reæ.	275
Nihil præcipitandum in patria.	276
22. Regis clementia in captivos.	277
Cur clementia victori necessaria.	278
23. Obsidio Rupellæ sumitur.	279
Ad bellum & pacem parari decet.	281
24. Maris usus adimitur Rupellanis.	282
Oppida maritima difficulter concluduntur.	284
25. Marchevillianus ad Bavarum & Trevirenses Electores mittitur, ad pacem imperio procurandam.	285
Fæderati sunt propugnacula nostra.	288
26. San Chaumontius ad Vincentem Mantuæ ducem, ex- tra ordinem legatur.	289
Fæderati sunt adversus summa imperia asserendi.	291
27. Rethelij princeps ducit Mariam Mantuæ hæredem.	292
Successor mature quærendus imperio.	295
28. Rohanius turbat occultè per Languedociam, dum Su- bissius frater Rupellanis Anglorum auxilia procur- rat.	297
Plebis miser fit servus, qui se ei ducem dat.	299
29. Gallandus ex ordine Senatorum intimorum, mittitur ad firmanda oppida, quæ Rohanius pervertebat.	300
Factiosi ex oppidis sunt ejiciendi.	301
30. Rex post negotiationes ad Rohanium coercendum ina- nes, expedit arma.	302
Religio militem facit fortem, ducem prosperum.	304

HISTORIA DE MINISTERIO CARDINA-

LIS RICHELII.

LIBER V.

1628.

*Summa Capitulum quibus singulis est ad-
iuncta politica reminiscencia.*

- R**upellani mittunt, qui à rege Magnæ Britannæ auxilia petant. 306
- Rebellio ad extrema facile prolabitur. 308
2. Hispanus Fredericum Toletanum ad regem mittit cum classe. 309
- Exteri milites non sunt fidi, ut subditi. 310
3. Spinola cum filio & Leganesio apparatus obsidionis Rupellanae contemplatur. 312
- Princeps sit liberalis & magnificus in hospites. 313
4. Rohanius spem in Languedocia progrediendi mittit. 314
- Quando impostura & strategemate liceat uti. 316
5. Rex ab obsidione Rupellana & Parisios recurit, ut factiones per Picardiam, Champaniam & Briam à Religionariis excitaras coerceret. 317
- Quæ virtutes requirantur, ad servandum Principis favorem. 319
6. Cardinalis exercitui præest, absente rege. 321
- Disciplina militaris summe necessaria. 323
7. Cardinalis crepitaculum intentat Rupellæ. 325
- Quantum malum sit ignavia. 326
8. Rex ad nuncium de Anglorum classe, quæ Rupellanos liberaret, statuit ad exercitum redire. 327
- Odium & invidia, pessimi consultores. 329
9. Feccialis rogat Rupellanos deditionem. 331
- Princeps curet necessaria militi. 332
10. Classis Anglorum ad Rupellam contendit. 333
- Disciplina militari maximè studendum. 335
11. Angli frustra Rupellanos liberare tentant. 337
- Populo rebelli non fidet extraneus Princeps. 339

Summaria Capitulum.

12. Angli, post conatus, quosvis inanes, ad sua redire con- stituant.	340
Principis pietas victoriam conciliat	342
13. Rupellanorum discordia, ob Anglorum discessum.	344
Plebes ad extrema d. fertur.	346
14. Transactio inter regem & Rupellanos.	347
Vigilantia summe necessaria in bello.	348
15. Rupellani fame ad extremas miseras rediguntur.	350
Fames omnem vim superat.	351
16. Rupellanorum extrema fames.	352
Vana seges & satio, obsessis concedenda.	353
17. Eruptio Rupellanorum.	353
Quid obsidentes & obsessi spectare debeant.	354
18. Rohanius continuat machinationes per Languedoci- am.	355
Quid requiratur ad bellum sumendum.	357
19. Dux Trimulhæ transit ad sacra Romanensium.	359
Quomodo hæretici sint convertendi.	360
20. Subisius & Rupellæ Deputati frustra obtinent tertia auxilia ab Anglis.	362
Pudor sæpe recuperavit victoriam.	363
21. Prælium maximum inter Gallia & Angliæ exercitus.	365
Quæ sint imperatorie virtutes.	366
22. Armistitium aliquot dierum, inter Gallos & Anglos, ad Rupellam belligerantes.	369
Miles post cladem acceptam timidiuscule pugnat.	369
23. Embius, imperator Anglorum, mittit Montacutum ad regem.	370
Non temere confidendum aut fortunæ aut hosti.	371
24. Rupellani leges deditiois agitant.	372
Quomodo per longam obsidionem victi sint habendi.	375
25. Rex introit Rupellam.	377
Clementia erga victos omnino necessaria.	379
26. Rex religionem Catholicam Rupellæ constituit.	381
Religio apud omnes Gentes mordicus retinetur.	382
27. Constitutio, es regis ad Rupellanos in obsequio con- tinendos.	383

Quomo-

Et observationum politicarum.

Quomodo victi sint habendi.	384
28. Gloria regis summa ex capta Rupella.	386
Imperia urbium crescunt per virtutem, cadunt per vitia.	387
29. Cardinalem ad Rupellam subigendam plurimum contulisse.	388
Minister partem gloriæ cum Principe fert.	389
30. Obsidio Rupellana quadraginta Milliones librarum insumsit.	391
Pecunia recte est administranda.	392
31. Copiæ regiæ per Languedociam grassantur.	393
Obsidio propter diversiones cautissime sumenda.	395
32. Condæus Pameriam, & alia loca capit.	396
Campi sunt tenendi, ne obsessis subveniatur.	399
33. Sabaudus sociatur gubernatori Mediolanensi adversus Nicernij & Mantuæ imperium.	400
Annona exercitui summè est necessaria.	402
34. Rex curam suscipit Rætorum fæderatorum.	404
Mandatorum executio debet esse libera.	406

HISTORIA DE MINISTERIO CARDINALIS RICHELII

LIBER VI

1629.

Summa Capitum, quibus singulis adjuncta politica reminiscencia.

1. Iucundi sunt transacti labores.	408
Sempermanent semina bellorum.	408
2. Rex post deditam Rupellam, abit ad solvendam Casalæ obsidionem.	410
Quantum vir prudens præstet cæteris.	412
3. Quare intempestivè suscepta fuit hæc expeditio.	412.
Temporis opportunitas, maximum rerum momentum.	413
4. Rex	

Summaria Capitum.

4. Rex constituta expeditione in Italiam, reginæ matri rem publicam committit. 414
- Faminiæ honoribus demulcentur. 415
5. Rex jubet Mariliacum, sigillorum custodem, principales regulas anno 1614. per Ordines censitas cōquirere, ut ex Senatusconsulto vim statutorum adipiscantur. 416
- Quomodo leges à Parlamento ratificentur. 417
6. Rex Pedemontium ingressurus, Religionarios per Languedociam subigit ad arma ponenda, & declarationes faciendas. 419
- Quatenus hæresis sit toleranda. 420
7. Digressus regis ad iter Pedemontanum, incidit in 15. Jan. 421
- Cur reges rarius debeant prodire. 422
8. Lotharingus regem sub discessum inuisit, homagio de Barrensi Ducatu in reditum reiecto. 423
- Venatus decet Principem. 424
9. Vincitur Sabaudus 14. Febr. 1629. 425
- Eloquentia habet vim summam. 428
10. Sabaudus regem frustra differt promissis. 429
- Princeps ardua negotia ipse curet. 430
11. Rex angustias perumpit, & Susam occupat, 431
- Quid intersit inter temeritatem & fortitudinem. 433
12. Princeps Pedemontij Susam venit, ut ex autoritate parentis cum rege agat. 435
- Necessitati aliquando cedendum. 436
13. Mantuanus ab Hispanorum oppressione per regia arma penitus liberatur. 437
- Prudentia ad res arduas multum conducit. 438
14. Pedemontanus cum conjuge salutat regem. 439
- Principes metum ostentent. 440
15. Trica Parisienses matronarum, de matrimonio Aurelianensis cum Maria Mantuana. 441
- Faminiæ sunt valde impotentes. 442
16. Rex non potest placare matrem reginam. 444
- Faminiæ sunt cautissime tractandæ. 445
17. Rex Casalâ, & alijs Monferratensibus communitis, Susam inquit, Languedociam lustraturus. 446

Rebello

Et observationum politicarum.

Rebellio in ortu opprimenda.	447
18. Rex Hispaniæ cum Rohanio agit, ad nova per Galliam diffidia excitanda.	448
Justitia decet principem.	449
19. Rex Privasium petit Cardinale Susæ relicto.	450
Diffidentia præ negligentia habenda.	451
20. Rex Privasium obsidet, & capit.	452
Metus adhibendus, ubi clementia frustra est.	454
21. Mariliacus, à regina matremissus, adit regem ad Priva- sium.	455
Ambitiosi sunt cavendi.	457
22. Rex capto Privasio, per Languedociam facit amplissi- mos progressus.	458
Rebellio sine duce non durat.	460
23. Rex introit Ulesum, Nemausum, aliaque rebellium oppida, cum Edicto pacificationis.	461
Hæreticorum natura & institutum.	462
24. Conspiratio adversus Cardinalem.	463
Labor decet Principem.	464
25. Guronus Montalbanum legatur.	465
Primo liberalitas est coercenda.	467
26. Montalbanenses persuadentur.	468
Populus in utramque partem est nimius.	469
27. Montalbanum ad obsequium regis redit.	471
Victoria in cruenta laudatur.	472
28. Cardinalis introit Montalbanum victor.	473
Qui finem obtinet, est victor.	475
29. Malevoli non agnoscunt Cardinalis operam.	476
Absentia in aula est damnosa.	477
30. Merodius, Imperatoris Cubicularius, invadit Rætos inopinantes.	479
Nemo alienas terras temere invadat.	480
31. Merodius Galliæ legatum violat.	481
De jure legatorum.	481
32. Sabranus ad Imperatorem legatur.	482
Quomodo negotiatio pacis sit instituenda.	484
33. Crequius ad Sabaudum legatur.	485
Neutras partes non esse fovendas.	486
34. Leonus in Helvetiam legatur.	487

Summaria Capitum.

Concordia servantur imperia.	488
35. Austriaci cum exercitu in Mantuanum imperium ir- ruunt.	489
Duces debent colere fidem.	491
36. Mantuanum juvant Veneti.	492
Vicinissimi debent oppresso prompta auxilia.	492
37. Fædus inter Galliam & Angliam renovatur.	494
Modi diversi faciendi fæderis.	495
38. Aurelianensis secedit in Lotharingiam.	496
Principes cur non debeant regno excedere ob tædium.	497
39. Causæ, cur Aurelianensis ex regno secesserit.	498
Quæ ad restituendam rem publicam requirantur.	500.
40. Marechalculus Mariliacus à rege ad Aurelianensem le- gatur.	502
Negotiatoris publici officium.	503
41. Aurelianenti augetur appanagium.	505
Quæ Appanagia sint constituenda principibus regis.	506
42. Cardinali mandatur summum imperium in exercitus regios per Italiam.	507
Quæ sint summæ Imperatoris virtutes.	510

HISTORIA DE MINISTERIO CARDINALIS RICHELII

LIBER VII.

1630.

Summa Capitum, quibus singulis adjuncta est politicæ reminiscencia.

* A nnus Europæ, atque adeo Galliæ, & imprimis Car- dinali laboriosus.	512
Omnia inferiora sunt inconstantia.	513
2. Archiepiscopus Lugdunensis & Bannius, purpuratis ad- scribuntur.	514
Gallia habet patronos in Curia Romana.	515
3. Estræus ad Venetos legatur, bono Mantuani.	516
	Impa-

Et observationum politicarum.

Impetratus nunquam fit princeps.	517
4. Rex iter in Italiam suscipit.	518
Offensas vindicant Principes.	519
5. Rex presentia sua vult animare militem.	519
Presentia Principis victoriam parit.	520
6. Regina mater comitatur regem.	520
Quid ira inveterata præstet.	521
7. Sabaudus non vult stare pactis cum rege initis.	522
Princeps fidem datam exoluat.	523
8. Quid Sabaudus Cardinali proposuerit.	524
Quomodo colloqui debeant summi viri hostili animo	
524	
9. Cardinalis artes Sabaudi intelligit.	525
Quæ sint principum excusationes.	526
10. Panzirolus Nütius media pacis inter Sabaudum & Cardinalem proponit.	527
Incommoda belli & commoda pacis.	528
11. Casala accipit annonam	529
Tractatus cur non facile debeant abrumpi.	530
12. Diversa colloquia Pedemontij cum Cardinale.	531
Caute esse colloquendum cum hoste	532
13. Sabaudus fit perplexus.	533
Nihil præcipitanter est agendum.	534
14. Quare Sabaudus sit bellum inferendum.	535
Semper deliberandum.	537
15. Quibus de causis Sabaudus ad partes Imperatoris & Hispani transferit.	537
Odium est pessimus morbus.	539
16. Cardinalis traducit copias Doriæ.	540
In trahendiis fluminibus apparet scientia militaris.	
540	
17. Obsidio Pinierolæ.	541
Strategemata non possunt doceri.	542
18. Pinierola redigitur ad obedientiam regis.	543
Prima fors armorum est maximi momenti.	543
19. Citadella Pinierolæ concedit in potestatem regionum	
544	
Imperatoris autoritas multum valet.	545
20. Triana	

Summaria Capitulum

20. Transitus ex Galliâ in Pedemontium fiunt liberi, post
subacta aliquot oppida Sabaudia. 546
Nihil à tergo relinquendum. 546
21. Seditio oritur Divioduni. 547
Quomodo seditio sit coercenda. 548
22. Frater regis redit in Galliam. 549
Sanguis arguit propinquorum amicitias. 550
23. Rex Aurelianensi confert imperium in exercitum
Champania, cum præf. intra Parisiorum. 551
Quomodo habendi sint Principum propinqui. 551
24. Rex pervenit Lugdunum & Gratianopolim, ubi Car-
dinalis eum accedit. 552
Reges æque moventur, uti privati. 553
25. Mazarinius Cardinalis feliciter negotiatur pacem inter
regem & Sabaudum. 553
Pax fit optime inter æqualiter armatos. 554
26. Chambericum Sabaudia capitur. 555
Caput provincie petendum, idque promptissime. 556
27. Regij capiunt Annesyum & Romillyum. 557
Nihil moræ admittendum in expeditione. 558
28. Plurima castella subiguntur. 559
Exercitus victor est par torrenti. 559
29. Rex occupat universam Sabaudiam. 560
Gallia rex gloria cumulat. 560
30. Rex ad petitionem iteratam reginae matris redit Lug-
dunum. 561
Fæminæ desiderijs potius, quam iudicio recto ducun-
tur. 562
31. Regina mater iram adversus Cardinalem exercere per-
git. 563
Non turpe est, ad prudentum consilia cedere ab institu-
to. 563
32. Constitutio juris annui. 564
Honorum commercium est valde damnosum. 565
33. Supprimitur jus annuum in iudicaturâ, quod rex post-
modum restituit. 566
Non semper optima possunt constitui. 567
34. Rex à fano Johannis Moriani redit in Galliam. 568
Rara avis in aulis minister fidelis. 569
35. Mari-

Et observationum politicarum.

35. Mariliacus Marefchalcus exercitum Campaniæ non
ducit in Italiam iuffus. 570
Ambitio fibi fole confultat. 571
36. Quas artes cultos Sigillorum & frater Marefchalcus.
Mariliaci, confuerint. 571
Diffimulatio non poteft diutiffimè teneri. 572
37. Pugna cum Hispanis, fed Gallis parum faufta.
Milite exercitato opus eft reipublicæ. 573
574
38. Mantua capitur ab Imperialibus. 575
Obreptionibus patent quævis munimenta. 576
39. Quare Mantua fuerit capta. 577
Novum imperium diligenter eft firmandum. 577
40. Marchio Spinolæ aggreditur Cafalam.
Ignominia fæpe peperit victoriam. 579
41. Redintegratio fæderis Hollandici agitur. 580
Et vis, & prudentia hofti opponenda. 581
42. Rex imperium militia committit Monfrantio, Effia-
to & Forzao. 582
Summæ prudentiæ eft, complures adæquare in concor-
diam. 583
43. Triumvirorum victoriæ. 584
Non temere oppugnatores potentiffimi offenduntur. 585
44. Schömbergius capit Velianam. 586
Prima victoria trahit cæteras. 586
45. Sabaudus concedit fati. 587
Mors ante tædium miferiarum optanda. 588
46. Princeps Pedemontij imperium fumat in exercitum,
post mortem parentis, Sabaudiæ ducis. 589
Commodis proprijs ducuntur omnes Magnates. 590
47. Armiftitium conciliatur inter regios Hispanos, inter-
ceffione Mazarinij. 591
Induciarum mentio non eft temere rejicienda. 592
48. Cur Galli inducias pepigerint. 593
Non nimis effe transactiones intendendas. 594
49. Rex graviter decumbit, & de republica difponit. 595
Regum fors eft communis. 596
50. Benignitas Cardinalis adverfus inimicos. 596
Fæminarum impotentia in amore & odio. 598
51. Con-

Summaria Capitulum

31. Constantia Cardinalis adversus benevolentia regiae
turbatores. 599
Odium est coercendum. 601
32. Summae dotes Cardinalis. 601
Summus minister non facile invenitur. 602
33. Quare rex Parisios deseruerit, & Custodem Sigillorum,
ac Marefchaleum fratres Mariliacos custodiae man-
ciparit. 603
Ingratitudo depingitur. 605
34. Pax agitur inter Imperatorem & Mantuanum. 606
De rebus loquens male instruitur transactio. 607
35. Rex legat Ratisbonam ad Conventum Imperij 608
Non unum finem tantum habent negotiatores pacis.
608
36. Exercitus Gallicus aciem struit sub aspectum Casalae.
609
Non verbi sed agendo procedunt negotia. 609
37. Cardinalis Mazarinius dextre transigit de Casalae, inter
regem & Hispanos. 610
Deus dat pacem & facit bellum. 611
38. Casalae infertur annona. 612
Hosti excedenti non nimis fidendum. 613
39. Rex Sueciae Germaniam invadit. 614
Cur reges limites suos transcant. 615
30. Conventus Ordinum agitur Ratisbonae. 615
Nihil praecipitandum in summis rebus. 616
61. Rex Momorantium & Thoirasium bacillo Marefchal-
ci ornat. 617
Praemia ornant & invitant. 617
62. Rex Servientum jubet esse Actuarium secretum. 618
Actuarij secreti dotes. 619
63. Rex Vindonicensi ignoscit, 619
Quomodo habendi sint Magnates post veniam. 620

HISTORIA DE MINISTERIO
CARDINALIS RICHELII.

LIBER VIII.

1631.

*Summa Capitum, quibus singulis adjuncta est
politica reminiscencia.*

1. **Æ** Gritudo reginæ matris. 621
Magnates possunt, sed nolunt quietem colere 623
2. Odium reginæ matris adversus Cardinalem. 624
Magnates stultè obediunt intimorum compendijs. 625
3. Matronæ circa reginam matrem turbant. 626
Magnatum intimi, quibus artibus valeant. 627
4. Cardinalis conatur demereri gratiam Reginæ matris. 629.
Matres non debent respici in publicis. 630
5. Schombergius ad eundem scopum contendit. 632
Impotentia faminarum obstinatur per submissiones, 633.
6. Aurelianensis improbat tricas reginæ matris. 634
Magnatum intimi sunt beneficijs devinciendi. 635
7. Institutum reginæ matris, ad seducendum Aurelianensem. 637
Matres solent postgenitos tenerius amare, sed male. 638
8. Regina seducit Aurelianensis intimos. 639
Magnatum intimi secessionem quærunt 642
9. Aurelianensis constituit ex aula secedere. 643
Ex diversis offensis concordant discordes adversus rem publicam. 644
10. Regina mater lætatur de secessione Aurelianensis. 646
Spes male fundata, perit & perdit. 648
11. Rex rogat matrem reginam, à tricis absteineat. 649
Diffidium reginæ familiæ perniciosissimum. 650
12. Quare regina mater sit remota. 652
Quomodo castigentur turbatores reginæ familiæ. 653
13. Senatus consultum de semovenda regina matre. 655
Nulla ratio unquam fuerit ante bonum publicum. 657
14. Rex

Summaria Capitulum

14. Rex redit ad Parisios, postquam dedisset mandata de regina matre retinenda. 658
Etiam reginæ castigantur. 660
15. Principes istius sectæ comprehenduntur. 661
Principes regij & custodiâ & vita mulctantur. 662
16. Estræus conatur persuadere reginæ matri voluntatem regis. 663
Non est turpe, sententiam aliquando mutasse. 664
17. Intimi Aurelianensis conqueruntur. 666
Quomodo committatur crimen læsæ majestatis in ministro summo. 667
18. Rex matrem reginam severè admonet. 669
Veritas non facîle in aulis Magnatum dicitur. 671
19. Regina mater inquit infactum regis. 672
Astrologorum prædictiones sunt vanissimæ. 673
20. Rex metuit, ne regina mater ad Hispanos abeat. 674
Animus ~~ver~~atus promittit, quæ servare non cogitat. 675
21. Regina mater exit ex Gallia. 675
Irâ est frænanda, ob summa incommoda inde nascentia 677
22. Regina mater introit Bruxellas solenniter. 678
Exteros profugos semper honorifice esse suscipiendos. 679
23. Infans mittit Carondeletum ad regem, qui concordiam cum regina matre negotietur. 682
Civilitatis officia nunquam debent intermitteri. 683
24. Rex Cardinalem Valettanum mittit Aureliam ad fratrem. 684
Quomodo consilarij sint legendi Principi. 685
25. Quantas turbas intimi Aurelianensis conflarint. 687
Nihil temere audendum. 688
26. Rex Aureliam abit: veræ suscepti itineris causæ. 689
Nihil differendum ad obruendam seditionem. 691
27. Aurelianensis abit Vefontionem, unde ad regem dat litteras. 693
Clementia est damnosa, si factionibus indulgeatur. 694
28. Contestatur Parlamentum Parisiense de Declaratione adversus perduelles. 695

Et observationum politicarum.

- Magistratus fulget regia auctoritate. 697
29. Petit Aurelianensis à Parlamento, ut Cardinalis in jus
vocetur. 699
- Dotes eximiae summi ministri. 700
30. Petit regina mater rem eandem. 702
- Solitum est non regem, sed ministros aggredi, per stu-
dium turbandi. 703
31. Respondetur calumnijs, quas regi sunt ausi proponere.
705
- Fama est asserenda principi per severitatem. 706
32. Rex iustificandi & defendendi Cardinalis curam susci-
pit, tum literis, tum Declarationibus. 707
- Maximi interest principis summos viros asseri. 709
33. Cardinalis exiguam beneficentiam à rege sentit, ad ex-
emplum superiorum temporum. 710
- Præfecturæ non debent esse diuturnæ. 713
34. Opulentiam Cardinalis non esse in ~~re~~ sam. 715
- Divitiæ regunt mundum, sed non possunt virtutem
compensare. 716
35. Arguitur Cardinalis, quasi regi quidvis persuaderet. 718
- Princeps non curet minima: sed in magnis sequatur
consilium. 719
36. Cardinali imputantur nimia popularium onera. 721
- Pecunia semper sit præsto: in eum finem debentur tri-
buta. 723
37. Ministri reginæ matris, & Aurelianensis, coercentur.
724
- Semper est spectandum publicum, maxime in factioni-
bus. 725
38. Cardinalis plurimis gravissimis negotijs distractus, o-
mnia expeditus curat. 726
- Summus minister expeditè agit in diversis & gravissimis
negotijs. 727
39. Germaniæ negotia de fædere cum rege Sueciæ. 729
- Regum est, vindicare injurias. 730
40. Iustitia fæderis, quod rex cum Sueco pepigit. 732
- Unus Deus est superior regibus. 733
41. Respondetur Hispanis, qui suggillant fædus inter
Galliam & Sueciam. 735
- M m m Aliena

Summaria Capitulum

- Aliena iudicamus nobis metipsis parcimus. 737
42. Fœdus cum Succo est in Ecclesiæ commodum sancitum, 737
Intermedii semper patiuntur à belligerantium partibus. 738
43. Regis institutum non potest omnibus innotescere. 739
Licet inire fœdera cum infidelibus, & cum hæreticis. 740
44. Italiæ negotia. 741
Pax non est recusanda, si æqua fuerit. 743
45. Cur Casala Hispanis sit magni momenti. 744
Ambitio grassatur per fas & nefas. 746
46. Jura Mantuani nihil derogare Imperatori. 747
Necessitas superat omnia. 748
47. Sabaudus & Mantuanus pacem suscipiunt. 749
Princeps expoliatus desiderat restitui. 749
48. Legati principum Christianorum conveniunt, de pace acturi. 750
Dotes legato necessaria. 753
49. Transactio pacis Querassiana. 755
Pacis facies longe jucundissima. 757
50. Altera transactio de pace. 757
Obsides in maiorem fidem dari solebant. 759
51. Conatus Hispanorum, ad frangenda pacta Querassiana; unde denuo transactum Mireflorij. 760
Jactura particulæ potest conservare reliquum. 763
52. Quando Sabaudus promiserit Pinierolam regi. 764
Institutum est regendum 765
53. Subsidiarum Curia interdicitur. 766
Princeps non debet contemni. 767
54. Rex fœderatur cum Duce Baviaræ & electore Trevirensi. 769
Fœdera defensiva omnibus necessaria. 770
55. Rex legatos mittit ad regem Marocci. 771
Commercia, maxime maritima, potentiam augent & opes. 772
56. Nova instituitur Cura Justitiæ apud Parisios. 773
Rex auctoritatem Senatoribus confert & aufert. 774
57. Sententiæ latæ adversus complures. 775
Reges possunt leges antiquare, & novas condere. 777
58. Car.

Et observationum politicarum.

54. Cardinalis recipitur, Dux & Par Galliae.	778
Unde Ducum & Parium dignitas.	780
59. Synodus Religionariorum, quos Reformatos vocant, celebratur Charantoni.	782
Adimenda sunt media turbandi.	783
60. Lotharingia turbatur.	784
Non temere irritandus, qui vindicta valet.	786
61. Lotharingus instituto excidit.	787
Christianis non licet aliena usurpare.	788

HISTORIA DE MINISTERIO CARDINALIS RICHELII.
LIBER IX.

1632.

Summa capitum, quibus singulis adjuncta est politica reminiscencia.

1. Dux Lotharingiae mittit ad regem, qui de pace ageret.	789
Monarchia ceteros coercet, & suo tempore mutatur.	790.
2. Sermones inter regem & Lotharingum.	791
Non temere est offendendus potentior	793
3. Pacta inter regem & Lotharingum.	794
Quomodo fides pactorum sit servanda.	798
4. Imperator & Infans, gubernatrix Belgij, Lotharingo promittunt protectionem.	797
Auxilia sunt plerumque damnosa.	798
5. Cur regina mater noluerit perdere Cardinalem.	799
Quare familiae ab imperio arceantur.	800
6. Lotharingus matrimonium Aurelianensis cum principe Margaretha optat.	802
Matrimonia summa non fiunt absque consensu regis	804.
7. Matrimonium Aurelianensis cum Margaretha Lotharingica disceptatur.	806
Intimorum copia reddit principem ancipitem.	808
8. Matrimonium consummatur.	809
Princeps de nuptijs statuit.	810
M m m m 2	9. Elesto-

Summaria Capitulum

9. Electores imperij Catholici cupiunt neutrarum esse partium. 811
 Sacra prætexuntur commodis privatis. 813
10. Rex mittit Marchionem Brescum ad Gustavum Adolphum, regem Sueciæ. 814
 A micorum causa non nihil est faciendum. 815
11. Rex Sueciæ respondet Gallo. 816
 Præmia vitæ æternæ reddunt invictos. 817
12. Transactio principum Catholicorum per Germaniam, cum rege Sueciæ. 818
 Non decet in transigendo uti fallacijs, uti in bello. 820
13. Charnassæus non potest persuadere Ligæ partes neutras. 821
 Salus populi suprema lex esto in amicitijs. 822
14. Bresæus frustra petit aliud armistitium. 823
 Cedendum est necessitati, ad sacra servanda. 824
15. Rex Galliarum a Ctinium suscipit Archiepiscopi Trevirensis. 825
 Quomodo patrocinium & neutra partes sint legenda. 826
16. Rex Marechalcos, Forcæum & Effiatum mittit in Germaniam. 828
 Periculis expositi cur multa promittant, pauca præstent. 829
17. Treveris obsidetur, & restituitur Archiepiscopus per exercitum regis. 831
 Per patrocinium valde augetur gloria & utilitas. 833
18. Imperator recurrit Romam, ut fædus Galliæ cum Suecia solvat. 834
 Principes Catholici concordent cum sede Apostolica. 836
19. Cardinalis terminat dissidium inter Episcopos & Monachos. 838
 Authôritas viri gravissimi plurimum valet. 841
20. Aurelianensis abit Bruxellas. 843
 Quanto periculo, Exteri introducantur in regnum. 845
21. Aurelianensis constituit sese coniungere cum Gonsalâ Cordubensi. 846
 Quomodo sponte extorres sint habendi. 847
22. Fastus Gonsalæ Cordubensis, & diversū institutū, Per 848

Et observationum politicarum.

- Per diversionem distrahitur hostis. 850.
 23. In jus vocatur Mareschalcus Mariliacus. 851.
 Qui subito emersere, sint modesti. 852.
 24. Crimina Mariliaco intentata. 853.
 Deus punit oppressionem popularium. 855.
 25. Supplicium extremum Mareschalcj Mariliaci. 856.
 Legum observantia beat rempublicam. 859.
 26. Rex dehortatur Lotharingum de bello. 860.
 Consiliū ab hoste & amico suggestum expendatur. 862.
 27. Rex præmittit exercitum, & ipse sequitur. 863.
 Quod nam bellum sit justum. 865.
 28. Aurelianensis venit armatus in Lotharingiam. 866.
 Quomodo bellum sit suscipiendum, ne nos ipsos frustremur. 868.
 29. Dux Lotharingæ mittit, qui regi offerat obsequiū. 870.
 Quilibet sit sua forte contentus. 871.
 30. Altera transactio pacis, cum Duce Lotharingæ. 872.
 Libertatis, usus mortalibus gratissimus. 874.
 31. Dux Lotharingæ reconciliatur regi. 875.
 Benevolentia aliquando plus potest, quam violentia. 876.
 32. Aurelianensis Manifesto atroci impugnat Cardinalem. 877.
 Calumnia persequitur summa ministeria. 879.
 33. Aurelianensis transit in Burgundiam. 880.
 Temeritas sive ob virtutem, sive ob natales, raro fausta. 881.
 34. Aurelianensis cogitur Burgundiam deferere. 882.
 Nulla principia seditionum sunt negligenda. 883.
 35. Momorantij fastidium. 885.
 Virtus majorum est firmanda virtute posterorum. 886.
 36. Momorantius non postea malo instituto reduci. 887.
 Obstinatio non est virus, sed vitium. 889.
 37. Momorantius ingeminat tricas, postquam Aurelianensis Occitaniam est ingressus. 891.
 Magistratus suam auctoritatem asserit, ut principis majestatem tuetur. 893.
 38. Rex principi complures provincias subijcit regendas per suam absentiam. 894.
 Rara est fides in ambitione & amoribus. 895.

Summaria capitula

39. Rex Declarationes promulgat adversus factiosos. 896
Divisio oritur ex imperio communi. 898
40. Alia mandata dantur Comiti Sueffonum. 900
Exercitus paratus, quanta præstet commoda. 901
41. Forcaus & Schombergius Marechalci profligant exercitum Aurelianensis. 902
Turpe est, maiorum virtutū perposteros inquinari. 904
42. Aurelianensis castellum Baukariæ occupat. 905
Quomodo oppidum adversus castellum defendi debeat. 906
43. Momorantius capitur. 907
Hostis non debet ad externam necessitatem compelli. 910
44. Rex petit reconciliari fratri. 911
Fratrum benevolentia debet sarciri. 912
45. Quæ capita Aurelianensis a rege petierit. 913
Misericordia etiam apud hostem locum habet. 914
46. Quam ægre Aurelianensis destituerit Momoranti-um. 915
Magnates debent considerare an Principes regij recte agant. 919
47. Quibus legibus sit transactum cum Aurelianense. 920
Clementia solidissimum reipublicæ propugnaculum. 922
48. Oppida Occitaniæ redeunt ad obsequium. 923
In castiganda perduellione adhibenda est prudentia. 924
49. Complures Magnates negant Momorantio libertatē & vitam. 925
Reges semper spectant bonum publicum. 927
50. Momorantius deponit usuram huius vitæ. 928
Magnatibus non est parcendum in perduellione. 930
51. Raptus instituitur adversus Ducissam, Esquilionæam. 931
Fæminas illustres maximè decet clementia. 933
52. Aurelianensis Galliam relinquit, Lotharingiam petit. 934
Inferiores potestates debent acquiescere in voluntate supremæ. 936
53. Episcopi quidam Occitaniæ non possunt à perduellione abstrahi. 939
Non

Observationum politicarum.

- Non est constantia, in errore perseverare. 940
54. Episcopi quidam Occitaniae deiciuntur. 992
Ecclesiastici debent maiorem præstare obedientiam,
aut puniri, 943
55. Diversas factiones necit Guyssius. 945
Fastidiosus & jus quærentius provincia non est com-
mittenda. 946
56. Rex redit ad Parisios ex Occitania. 948
Fortuna multos præcipitat ex favore. 949

HISTORIA DE MINISTERIO
CARDINALIS RICHELII
LIBER X.

1633.

*Summa Capitum, quibus singulis est adjun-
cta politica remissio.*

- Cardinalis. redit ad Parisios, postea, ex Occita-
nia. 951
Summo ministro summi debentur honores, etiam a
principe. 953
2. Mittuntur ad Hollandos, qui inducias impediant. 954
Quanta sit vis eloquentiæ. 957
3. Diluuntur induciarum rationes. 958
Quibus de causis debeant fieri induciæ. 961
4. Marchio Sanchaumontij mittitur, a rege in agrum Tre-
verensem, ut ex reliquis locis hostes excuteret, & E-
lectorem restitueret. 963
Patrocinium ex bona fide reddit omnia occupata. 965
5. Legatur & Negotiatur Feuquerius cum reginâ Sueciæ,
ad renovationem fæderis, inter duas coronas. 966
Non omnia sunt committenda omnibus. 969
6. Pacta inter regem & Suecos, adeoque principes aliquot
Germaniæ. 970
Princeps cordatus à primo instituto non recedit. 972
7. Rex mittit Ducem Grequium ad Pontificem Urbanum,
VIII. qui obsequium præstet, & dissidium cum Venetis
componat. 973
Legationes obsequij regum nostratium ad pontificem
maximum. 975
8. Cre-

Summaria Capitulum

8. Crequius agit cum Venetis & Pontifice. 978
Aliud agendo attingitur scopus. 979
9. Segerius evchitur ad dignitatem primicerij Gallicani. 981
Dotes primicerij, & custodis sigillorum necessariae. 984
10. De electione, quam rex instituit ex consilio Cardinalis
Prælatorum, & eruditorum, & piorum. 987
Jus Episcopos constituendi ex antiquissimis Coronæ
competere: & quinam Episcopi sint legendi, ad rei-
publicæ emolumentum. 988
11. Rex Declarationem facit, qua tres officiales, duo ex
Parlamento Parisiensi, & unus ex Curia rationum,
privantur honoribus. 991
Magistratus colant principē, aut priventur munere. 992
12. Diversæ mutationes factæ hoc anno in præfecturis
provinciarum & munimentorum. 994
Summi esse ~~magistratus~~ ~~provinciarum~~ ~~&~~ ~~munimentorum~~ ~~tradi~~ ~~viris~~ ~~fidissimis~~, per metum
divisionis Civilis. 995
13. Creantur Equites Spiritus Sancti. 996
Præmia, quæ virtutem fuscitant, quomodo sint confe-
renda. 1000
14. Instituitur Parlamentum apud Metenses Mediomatri-
cum, postquæ rex sibi subjecisset numerum oppido-
rum & munimentorum per Lotharingiam. 1002
Novos esse constituendos magistratus in terris recens
conquisitis. 1003
15. Alphestonus & Chavaniacus Meti supplicio extremo af-
ficiuntur. 1005
Quæ abominabiles semper fuerint sicarii, adeo ut Ma-
gnates eorum opera nunquam debeant uti. 1006
16. Intimi reginæ matris diversas sumunt vias ad Cardina-
lem tollendum. 1008
Persecutio clerici clerico turpiter convenit. 1009
17. Acta hostilitatis commissa à Duce Lotharingæ, ut odio
in Galliam concepto satisfaceret. 1010
Principum esse, iracundiam moderari, maximè ad bel-
lum suscipiendum. 1013
18. Rex

• *Observationum politicarum.*

18. Rex mittit Guronum, qui cum Duce Lotharingæ negotiatur. 1015
Magni refert, legatos mitti ad principes, bello invadendos, ut consilia illorum discantur, & ratio belli sumatur. 1018
19. Rex mittit Nauvæum, qui Ducatum Barrensem occuparet, ex non præstito homagio, & Coronæ redintegraret, jura alienata. 1020
Reges non debent alienare dominium, & particulariter jura suprema. 1023
20. Cardinalis Lotharingæ adit regem ad Castellum Theodori, ubi Nanceium petitur obfirmatè in depositum. 1025
Quomodo medius princeps sese possit conservare. 1028
21. Summum ius regis in Lotharingiam. 1030
A principe commoto, & sæpius fallente, non tantum verba sed et res eff. 1031
22. Cardinalis Lotharingæ redit ad regem ad fanum De-
clerii, & propositiones facit diversas, à Cardinale
duce repudiatas. 1033
Minister sagax prævideat incommoda propositionum,
quæ fiunt in paciscendo. 1036
23. Rex obsidet Nanceium, & vehementissimè instat Duci
Lotharingæ. 1038
Hostiturbato acriter instandum, etiam post diversas
clades. 1039
24. Margarètha Nanceio exit, Bruxellas petit. 1041
Nihil ingeniosius fœminis, ad exequenda destinata. 1043
25. Transigit Lotharingus. 1044
Nullum temporis momentum est negligendum. 1046
26. Observatur Lotharingus, quod tergiversaretur pacta
servare. 1047
Princeps promissa destituere parans, post transactio-
nem, debet attineri, ut hostis. 1051
27. Rex invehitur Nanceium, & disponit omnia. 1052
Qui ordo servandus in loco recens capto, adversus
principem hostem. 1054
28. Conatus Feriani & Aldringerij, ad Lotharingum asse-
rendum, redduntur prudentia Cardinalis inutiles. 1056.
Mmm s Pru-

Summaria Capita

- Prudenter impetitur hostis in transitu per arma fœdera.
torum, 1058
29. Diversi commeatus, ad transigendum cum regina matre, & Aurelianensi. 1060
- Summæ est prudentiæ, nihil præcipitare transactionem cum periculo re. publicæ conjunctam. 1064
30. Cardinalis gratiam reginæ matris ambit. 1065
- Primæ impressiones sunt tenacissimæ. 1068
31. Litigium inter Archiepiscopū Burdigalensem, & ducem Espernonium. 1069
- Ab omni tempore Pontificibus & Episcopis magnos exhiberi solitos honores. 1073
32. Edictum sumptuarium, ad coercendas expensas. 1075
- Edicta sumptuaria, quæ moderandis expensis nimis fiunt, & principi, & popularibus esse utilia. 1076
33. Diffidium inter Episcopos & Monachos definitur per sententiam Senatus. 1077
- Quam potestatem habeant reges in causis Ecclesiasticis. 1079

CONTINUATÆ HISTORIÆ DE MINISTERIO CARDINALIS RICHELII.

LIBER XI.

1634.

Summa Capita, quibus singulis adjuncta est politica reminiscencia.

1. **A**urelianensis redit in Galliam. 1081
- Patria omnium locorum est gratissima. 1082
2. Philippiburgum traditur Gallis. 1083
- Transitus sunt accuratè servandi. 1084
3. Argentina recusat Gallos. 1085
- Vindicta non debet adferre damnum. 1085
4. Anglia non servat leges matrimonii. 1086
- Principum exempla plurimum movent. 1087
5. Rohanius Helvetiorum animos conciliat regi. 1088
- Inter vicinos est acerbissimum bellum. 1089

HI

Et observationum politicarum.

CONTINUATÆ HISTORIÆ DE MINISTERO CARDINALIS RICHELII.
LIBER XII.

1635.

Summa Capitem, quibus singulis adjuncta politica reminiscencia.

1. **P**hilippiburgum & Treveris obruuntur, ipso Archiepiscopo captivo. 1090
Fortitudo non debet carere prudentia. 1091
2. Rex Gallia accingitur ad bellum adversus Austriacos. 1091
Fæderati ex nostro commodo sunt afferendi. 1094
3. Rex inhiat Brisaco. 1094
Victores aliquando vincuntur. 1096
4. Aurelianensis rex coercetur. 1097
Quisque sit sua sorte contentus. 1097
indicit rex Flandris. 1098
Gallicanam virtutem esse mutatam. 1099
6. Anglia conciliatur regi, post sublatum Bukinkamum. 1100
Vicini sunt demulcendi, per Expeditiones longinquo-
res. 1101
7. Rex occupat Alpium claustra subito. 1102
Honores aliquanto sunt perniciosi. 1103

CONTINUATÆ HISTORIÆ DE MINISTERO CARDINALIS RICHELII.
LIBER XIII.

1636.

Summa Capitem, quibus singulis adjuncta est politica reminiscencia.

1. **C**ardinalis asserit limitem Gallia. 1104
Diversa est ratio militia cuiuscunque. 1105
2. Alicubi Hispani, alicubi vincunt Galli. 1106
Perfidia est detestandum crimen. 1107
3. Rohanius coerces Hispanos per Rhetiam. 1108
Leges

Summaria Capitulum

DE REBUS ITALIAE

ANNO 1639.

Per epistolarum secreta.

1. **E**pistola Cardinalis Richelii, ad Cardinalem Valettanum; amanuense Cheræo. 1152
2. Epistola Cardinalis Valettani, ad Cardinalem Richelium. 1153
3. Alia ab eodem ad eundem? 1155
4. Marchio Villanus Cardinali Richelio. 1156
5. Epistola Ducissæ Sabaudicæ ad Cardinalem Richelium. 1157
6. Comes Agliæ patrono suo Cardinali Richelio. 1159
7. Epistola Ducissæ Sabaudicæ ad Cardinalem Richelium. 1160.
8. Alia ab eadem ad [redacted] 1151
9. Epistola Cardinalis Valettani, ad Cardinalem Richelium. [redacted]
10. Alia ab eodem ad eundem. 1163
11. Alia ejusdem ad eundem. 1165
12. Alia ejusdem ad eundem. 1167
13. Alia ejusdem ad eundem. 1170
14. Alia ejusdem ad eundem. 1172
15. Alia ejusdem ad eundem. 1175
16. Epistola Ducissæ Sabaudicæ ad eundem. 1178
17. Epistola Cardinalis Valettani ad eundem. 1179
18. Alia ejusdem ad eundem. 1181
19. Epistola Ducissæ Sabaudicæ ad eundem. 1182
20. Alia ejusdem ad eundem. 1183
21. Epistola Cardinalis Valettani ad eundem. 1184
22. Epistola Ducissæ Sabaudicæ ad eundem.
23. Epistola Turij ad eundem.
24. Instituitur Emerius de rebus Pedemontij & Sabaudicæ.
25. Epistola Cardinalis Richelii, ad Cardinalem Valettanum; amanuense Cheræo.
26. Epistola Cardinalis Valettani, ad Cardinalem Richelium.
27. Epistola Ducissæ Sabaudicæ ad Cardinalem Ducem Richelii.
28. Epistola

Et observationum politicarum.

28. Epistola Cardinalis Valettani ad Cardinalem Richelieu.
29. Epistola Ducissæ Sabaudicæ ad eundem.
30. Epistola Cardinalis Valettani ad eundem.
31. Epistola Ducissæ Sabaudicæ ad eundem.
32. Epistola Emerij ad eundem.
33. Alia ab eodem ad eundem.
34. Instruitur Chauvinius, iturus in Pedemontium, vice-
mo primo. Aprilis. 1639.
35. Epistola Cardinalis Richelij ad Ducissam Sabaudicæ.
36. Epistola eiusdem ad Cardinalem Vallettanum sine sub-
scriptione.
37. Epistola Emerij ad Cardinalem Richelium.
38. Epistola Cardinalis Richelij ad Emerium.
39. Epistola Ducissæ Sabaudicæ ad Cardinalem Ducem
Richelij.
40. Epistola Cardinalis Valettani ad Cardinalem Richelium.
41. Sylloge rerum memorabilium Sabaudicarum, ex-
hibetur Cardinali duci à legato Sabaudicæ. 23. Apr. 1639.
Epistola usibus legati Sabaudici data, 28. Apr. 1639.
43. Epistola Cardinalis Richelij.
44. Alia eiusdem sine subscriptione.
45. Epistola Ducissæ Sabaudicæ ad regem.
46. Alia ab eadem ad eundem.
47. Alia ab eadem ad eundem.
48. Alia ab eadem ad eundem.
49. Epistola Chavinij sine inscriptione.

CONTINUATÆ HISTORIÆ DE
MINISTERIO CARDINALIS RICHELII.

LIBER XVII. 1640.

*Summa capitum quibus singulis adjuncta est
politica remiscencia.*

1. Gallo Vinarienses ad Bannerium vocantur.
Hostis periculose admittitur in provinciam.
2. Atrebatum deditur Gallis.
Magnæ urbes faciliè faciunt deditionem.
3. Lusitani & Catalauni deficiunt ab Hispanis.
Tyrannis est semper meticulosa.
4. Casala liberatur, Turinum capitur.
Aut vis, aut fames cogunt ad deditionem.

CON-

Summaria Capitulum

CONTINUATÆ HISTORIÆ DE MINISTERIO CARDINALIS RICHELII.

LIBER XVIII. 1641.

Summa capitulum quibus singulis est adjuncta politica reminiscencia.

1. **A** Riena capta & missa.
Caput rerum semper est servandum.

2. Buchananus turbat, &...

Perfidia tandem punitur.

3. Aurelianensis iubetur exire Gallia.

Perduellio occæcat complices.

4. Bullionæus reconciliatur regi.

Amici non debent iniqua facere.

5. Perpinianum facit deditionem.

Galliæ reges protegunt vicinos.

6. Lamboius vir...

Industrij sunt promovendi.

7. Bresæus viheit Hispanos classe.

Inst.utio potest plurimum.

8. Novæ tricæ ventillantur.

Ingrati ministri sunt puniendi.

CONTINUATÆ HISTORIÆ DE MINISTERIO CARDINALIS RICHELII.

LIBER XIX. 1642.

Summa Capitulum quibus singulis est adjuncta politica reminiscencia.

1. **R** Egina mater moritur. 1251
Quomodo offensæ matronæ sint colendæ. 1252

2. Torstenlohnus vincit Cæsareanos. 1253

Hostis non est contemnendus, sed arcendus. 1253

3. Cardinalis moritur, rex inæret. 1255

Summi ministri cur rarius moriantur beati. 1255

4. Cardinalis moritur beatus. 1256

Viri graves frequentius moriuntur. 1257


Obitus & aitus Cardinalis. 1257


Sacra sunt tempestivè usurpanda. 1258

6. Cardinalis turbulatur: ei succedit Masarinus. 1259

Heroes etiam defuncti honorandi. 1259

F I N I S.






Biblioteka Jagiellońska



stdr0025113



Calicut

Histor. Lat.
H. 10